



House

Hudspeth.


18 4 72.

IMMAN. IO. GERH. SCHELLERI
PRAECEPTA
STILI BENE LATINI
IN PRIMIS CICERONIANI
SEV


ELOQVENTIAE ROMANAE

QVATENVS HAEC NOSTRIS TEMPORIBVS
IN DICENDO ET SCRIBENDO
VSVRPARI POTEST

SVMMA DILIGENTIA MAXIMOQVE PERSPICVITATIS
STVDIO TRADITA ET ILLVSTRATA



PARS PRIOR



EDITIO ALTERA AVCTIOR ET EMENDATIO

LIPSIAE
SVMTIBVS CASPARI FRITSCH
MDCCLXXXIII

RECEIVED

AT THE

LIBRARY

OF THE

CONGRESS

OF THE UNITED STATES

OF AMERICA


WASHINGTON

1850

NOV 10 1850

RECEIVED

AT THE



RECEIVED

AT THE

LIBRARY

PRAEFATIO

EDITIONIS PRIORIS

Sex fere anni sunt, cum Fritschius, bibliopola Lipsiensis, vir honestissimus, mihi per literas significavit, quia exempla *Heineccianorum fundamentorum stili* paene divendita essent, suum esse, vel ea, novis animadversionibus aucta, recudenda, vel potius isti libro, qui animadversionibus jam satis repletus esset, alium plane novum librum substituendum curare: hinc rogare, ut talis libri conscribendi laborem fusciperem. Non nego, me aliquamdiu haesitasse. Neque enim pauca erant, quae me ab isto consilio non parum alienum redderent: in his *primum*, quod de eadem materia jam scripsissem in libro vernaculo: *Anleitung die alten Schriftsteller zu erklären* etc., cui non pauca de *imitatione Ciceronis recte instituenda* subjunxeram praecepta, quae mihi tum quidem sufficientia videbantur: et de eadem re saepius scribere taedium creare solet: *deinde*, quod observare mihi visus essem, paucissimos hodie esse, qui bene latine scribendi cupidi essent vel hanc facultatem honori sibi ducerent. Nam, licet largiar, multos hodie reperiri, qui bene latine scribere velint et possint, tamen hos multos prae iis, qui nolint et nequeant, pro paucis habendos esse recte putarim. Ponamus mille esse homines, qui bene scribere velint et possint,

nonne innumera millia eorum esse fatendum est, qui in scholis latine scribere didicerint, nec tamen bene latine scribere possint? Quod utrum ipsorum voluntate, an magistrorum culpa, an alia causa fiat, nunc non inquiremus. Hoc tamen certum est, hodie artem bene latine scribendi non magni aestimari, imo a permultis inter nugas vel saltem inter artes inutiles Alchymiaeque fere similes numerari. Non igitur profecto mirum, me ejusmodi libri conscribendi non nimis cupidum fuisse. Quis enim tam forti est animo, ut de re, de qua pauci legere velint, quam plerique contemnant et inutilem levemque esse putent, libenter scribat? Quis non contra aequum esse putat, se ad genium saeculi accommodare, et, si scribere velit, non nisi ea scribere, quae plerique libenter legant vel legere cupiant? Quia tamen cogitabam, si istum laborem detrectassem, forsan Fritschium libellum Heineccianum esse recusurum, quod tamen fieri nolebam, quoniam ex eo non justam certamque stili bene latini notionem percipi posse persuasum mihi est, ac forsan non facile quemquam eruditorum ad ejusmodi laborem, non magnam famam, laudem gloriamque, pollicentem, descensurum esse: promisi Fritschio operam meam qualemcunque, existimans eam non nimis arduam nec nimis longi temporis fore, mihiq; persuadens, me, qui priscos in primisque Ciceronem haud indiligenter legissem, qui in latine scribendo tam saepe alios erudiissem et ipse latine scribendi occasionem tam crebro habuissem, variasque vias ad faciliorem latinitatis stiliq; latini cognitionem invenisse mihi viderer, facillime libellum de latine scribendo concinnatu-

cinnaturum, praesertim cum, si quae mihi non statim in mentem venirent, ea ex illis praeceptis vernaculis libello meo *Anleitung die alten* etc. subnexas, vel ex libello Heinecciano, in primis e Gesneri in eum animadversionibus petere me posse opinarer. Hac spe, quae tamen deinde valde me fefellit, fretus promisi Fritschio, me ipsi libellum intra dimidii anni spatium missurum esse; et hic fide mea nixus titulum libelli generali illi librorum et recens editorum et proxime edendorum catalogo, qui singulis nundinis Lipsiensibus edi solet, inferendum curare non dubitavit. Opus igitur aggredi et primis velut lineis designare atque capita digerere coepi; et, cum dudum mihi persuasissem experientia diuturna edoctus, stilum bene latinum sine eloquentia, quam in *perspicuitate*, ad quam argumentorum quoque usum atque ita *soliditatem* vulgo sic dictam, *die Gründlichkeit*, refero, in *gravitate* et *suavitate dicendi* iustis causis adductus pono, esse non posse, ac neminem bene latine scribere valere, qui non bene cogitare sciat, omninoque istis tribus eloquentiae virtutibus rite instructus sit, meum esse duxi, omnem navare operam, ut, quidquid de stilo bene latino dici posset ac deberet, non ad vocabula sed ad ideas referrem atque istis tribus eloquentiae virtutibus, *perspicuitati*, *gravitati*, et *suavitati dicendi*, subjicerem. Cum vero nonnulla eorum essent, quae vel latius explicanda viderentur vel universis his tribus virtutibus communia essent, et antea, quam ipsas has eloquentiae virtutes accuratius disceres, paulo notiora esse deberent, ut periodica et numerosa verborum et enuntiationum structura, variatio verborum, copia ac brevis dicendi etc.; ac, cum praeterea de vocabulis ip-

sis eorumque usu et grammatica compositione, quia hic a per multis peccari vulgarium libellorum grammaticorum et Lexicorum culpa solet, nonnulla dicenda essent, quo troporum quoque explicatio pertinet, sine quorum iusta cognitione iustus usus vocabulorum, quibus deinde subtilitas enuntiationum totiusque contextus nititur *), locum non habet: ea omnia, ne confusio oriretur, separatim tractanda ac praemittenda, et Parte priore, quam propterea *praeparatoriam* inscripsi, complectenda putavi; ubi interdum etiam vulgares res, quae tironibus nota esse debebant, in quibus tamen a non paucis, qui non tirones amplius vocari volunt, peccari videbam, tractare et accuratius explicare non inutile arbitratus sum. Boni enim viri est, ad omnia, vel minima, descendere, dummodo prodesse possit. Haec omnia cum summatim mente concepissem et in charta digessissem, magna difficultas orta mihi est, quomodo singula vel accurate ac definite explicare et digerere, vel argumentis certis munire et extra omnem dubitationis aleam ponere, in primisque exemplis priscorum idoneis et luculentis illustrare vel apte inter se conjungere possem. Saepe enim res in universum considerata facillima videtur, et facillime in universum explicari potest, quia hic paucis verbis, iisque saepe indefinitis, defungi licet: sed in partes, imo particulas minimas, descripta, quae singulae explica-
ri

*) Singula vocabula sunt singulae *ideae*: sed singulae *ideae* sunt partes enuntiationum, ut hae sunt partes totius orationis. Vitium, quod in partibus *Totius* cuiusdam committitur, manifeste ad *Totum* quoque pertinet. Hoc non considerant ii, qui de vocabulis, tanquam de re vili, loquuntur: non cogitant, se simul de ideis, ut de rebus contemptu dignis, loqui etc. Qui partes domus negligit, totam domum negligit.

ri debent, fit longe difficilior, quia hic ad minima descendere et ubique accurate versari cogimur. Neque enim contentus eram, quae ad stili bene latini naturam pertinerent, ea simpliciter et in univcrsum tradere, vel indefinite de iis loqui, vel lectores ad usum dicendi priscorum rejicere, ut vulgo fieri solet; sed hujus usus dicendi fontes sedulo investigare meum esse duxi. Hos igitur fontes, quos plerumque in istis tribus eloquentiae virtutibus latere vidi, in singulas stili bene latini partes, imo, ubi fieri potuit, particulas minimas derivare, atque ita fundamenta bene latine dicendi et scribendi satis firma, immutabilia, nec a cujusque gustu deinceps pendencia jacere studui: quam rem an feliciter tentarim, prudentiorum esto judicium. Neque vero hic prodesse mihi poterat Heineccius, quippe qui fere non nisi vulgaria et generalia tractat ac plerumque indefinite loquitur; imo hujus praecepta, quia saepe vel falsa vel indefinita vel aliena sunt, saepe refutare coactus sum: neque etiam Gesneri in illum adnotationes valde prodesse mihi poterant, qui plerumque in illo refutando occupatur, et cujus animadversiones, praeclaræ illae quidem, sine Heineccianis tamen praeceptis non usurpari fere possunt, quia plerumque se ad ea referunt: omninoque horum virorum ratio a mea longe abit. Nec proderant mihi satis praecepta illa mea libro vernaculo *Anleitung die alten* etc. adjuncta: quippe quae rem non nisi summam, nec eam totam, et alio ordine, complectuntur: praesertim cum in nonnullis, v. c. *numeris oratoriis* etc., mentem meam postea paululum mutaverim. Erat quoque mihi praeterea pugnandum cum multis hodie receptis opinionibus de

bona et pulchra latinitate, de elegantia verborum etc. Nam et falsas opiniones nosse eius interest, qui veritatem plane et perspicue nosse cupit. Maxima vero difficultas cernebatur in eo, quod nesciebam diuque incertus eram, qua ratione innumeras istas res, quas mente concepissem et observassem, omnium aptissimo et maxime perspicuo ordine digererem. Et fateor, me interdum aliquot hebdomades consumsisse in meditando tantum, quem ordinem cuique materiae, cuique capiti, sectioni, rei que tribuerem. Saepe enim eadem res ad duo, imo tria, capita, atque etiam sectiones, pertinere atque ita triplicem locum postulare videbatur: hic igitur propior relatio ponderanda et remotiori praefenda erat: nec tamen facere potui, quin interdum eidem rei duplicem locum, re ipsa et perspicuitate aperte postulante, assignarem. Sed in totius materiae tractatione vidi atque sensi, quam falsum sit, quod vulgo dicitur, facilius esse novum librum conscribere, quam eum, qui ab alio scriptus fuerit, corrigere: saltem hoc non ubique et in universum verum esse patet. Nam, si quem librum animadversionibus nostris corrigimus, datur nobis a scriptore ipso ansa multa dicendi, quae dicere alioqui non licuisset vel quae non sponte nobis in mentem venissent, atque ita multa corrigendi, de quibus alibi tacere coacti essemus: id quod in eos quoque, qui scriptores priscos cum animadversionibus edunt, convenit. At, qui ipse librum de aliqua re conscribit, is omnia ex se sumere omnesque istas dicendi ansas sibi ipse suppeditare cogitur: debet ex se ipse quaerere, quid dicendum, quid omittendum, quid late explicandum etc.; si quidem non ex aliis exscribere,

bere, et tralaticia repetere, sed ut bonus vir agere cupit. Ac profecto librum Heineccianum cum multis animadversionibus et correctionibus meis edere multo mihi facilius fuisset, quam novum librum concinnare. Hinc nec miratus sum, cur philologi, qui accurate res tractare solent, ad talem laborem (ut et ad Lexica scribenda) non facile accedant: nam quam paucos libros de stilo habemus! (non dicam quam *bonos*, quam *accurate* scriptos etc.!) et cur Gesnerus, qui prae ceteris de stilo scribere praeclare poterat, maluerit librum Heineccianum suis animadversionibus corrigere et augere, quam ipse librum ejusmodi elaborare. In medio igitur labore defatigatus desii; librum inchoatum seposui: nec aegre tulissem, si quis alius interea de stilo bene latino praecepta edidisset. Veniebant simul mihi res duae in mentem, quae me plane absterrent ab incepto. Primum iterum cogitabam, quam pauci essent, qui stili bene latini culturam amarent: hinc totam rem ne dignam quidem esse, cui tantum studii laborisque impenderem. Deinde cogitabam, me forsan adeo apud multos, qui de latinitate bona ac stilo bene latino aliter, atque ego, sentirent, offensurum, ac pro isto labore non levi hoc praemii laturum, ut multi iis, quae a me dicta essent, propterea, quod vel ipsorum ideis non convenirent vel ab ipsis ipsorumve amicis non dicta essent, invidiam facere studerent. Sunt enim nonnunquam in republica literaria, qui, quod vix credas, praesertim his temporibus, quae sapientiae luce maxime illustrata dicuntur, sibi licere putent, tecto nomine de libris, quidquid velint et quidquid statim in mentem venerit, temere dicere, eos eorumque scriptores

acerbe vituperare, nullis, cur vituperent, adjectis causis, atque adeo pro libidine irridere et cavillari, tanquam omnibus humanitatis officiique legibus soluti sint. Qui si qua sunt auctoritate apud imperitos, his, quidquid velint, facile persuadent: non enim omnes librum quemque possunt legere vel satis de eo judicare. Libere de eruditis loqui et judicare, si cum eo conjunctus est summus amor veritatis, est res praeclara et magni facienda; at sine veritatis amore est licentia et petulantia. Destiti ergo ab incepto istis causis permotus: ac forsan laborem plane deposuissẽm, nisi Fritschius frequenter monuisset effecissetque, ut fidei ipsi datae memor essem et famam boni viri omnibus aliis rebus anteferrem. Absolvi itaque tandem Partem priorem, in qua nihil omisi, quod ad vocabulorum usum, conjunctionem, ordinem et connexionem pertinere ullo modo videretur: illaque absoluta videbar mihi satis multa de latinitate recte cognoscenda et de bene latine scribendo dixisse; et hic opus claudere animus erat. Attamen, cum non pauca viderem restare, quae ad stilum Ciceronianum recte cognoscendum et ad bene latine scribendum necessaria essent, et quae in priori Parte tractari non potuissent, nec ex ea intelligi satis possent; cumque boni viri esse existimarem, ea, quae incepta essent, ad exitum perducere: ad alteram quoque Partem, de tribus eloquentiae virtutibus, *perspicuitate, gravitate, et suavitate dicendi* exponentem, accedendum putavi: cui subjunxi tandem, ut plane nihil praetermisisse viderer, paucula de *subsidiis* stili bene latini, de *elaborationibus* ac de tripertita illa divisione generum dicendi in *demonstrativum, deliberativum et judiciale*, in *tenue,*
medio-

mediocre et sublime, in Asiaticum, Rhodium, Atticum et Laconicum. Haec omnia in appendices conjeci, quia alibi vix locus commodus esse videbatur.

Verum haec, quae adhuc diximus, forsitan non tam lectoris intererit scire, quam quid in hoc libro a nobis praestitum sit. Sed hoc a nobis in praefatione dici non potest: lectio libri ipsa docebit. Omnino scriptor non, quid praestiterit, sed, quid praestare studuerit, enarrare potest: nam vel sapientissimus erroribus et peccatis obnoxius est. Ut tamen summatim aliquid dicamus, *primum* ea, quae ad bene latine scribendum pertinent, non modo certioribus regulis, quam vulgo fieri solet, adstringere studui, sed etiam multo plura hanc in rem dixi, quam vulgo solent dici: unde intelligitur, quam late pateat scientia stili bene latini, quam multis praeceptis contineatur, et quam non mirum sit, eos, qui ad fundamenta stili Heinecciana vel ad grammaticum librum vulgarem, v. c. Langianum etc., eruditi sint, non potuisse ad accuratam certamque stili bene latini cognitionem pervenire. In primis operam dedimus, ut totum Ciceronem imitandum exhiberemus, ac formam stili Ciceroniani totam proponeremus notamque redderemus ejus cupidis, nihilque, quod eo pertineret ullo modo, omisi, habita tamen ubique nostrorum temporum simul ratione: et efficere summopere studui, ut appareret, stilum bene latinum in primisque Ciceronianum non in verbis, sed in eorum ideis, harumque apta, perspicua, gravi et suavi conjunctione, omninoque in iis, quae perspicuitatem, gravitatem, et suavitatem dicendi adjuvarent, consistere. Atque tali modo stilo bene latino dignitatem suam, dudum amissam, restituere

tuere studui. Nam, quanto cum contemptu permulti de facultate bene latine scribendi loquantur, fatis notum est: quod inde praecipue fit, quia, praeterquam quod ab illa non magna honoris et divitiarum praemia expectare licet, opinantur *bene latine scribere* nihil aliud esse quam *vocabula Ciceroniana e regulis vulgaribus grammaticis conjungere*. Qui si scirent, hanc facultatem nihil aliud esse quam eloquentiam latinis verbis expressam romanaque veste indutam, haud dubie melius et modestius de ea sentirent. Quis enim eloquentiam non magni aestimet? Et experientia docet, quicumque bene latine scribere potuerint, eos eloquentes fuisse, hancque eloquentiam saepe cum laude quoque lingua vernacula declarasse: hincque fit, ut multi, licet multos per annos latine scribendo operam dederint, tamen, quia non simul bene, distincte, graviter suaviterque cogitando operam navaverint, atque ita eloquentiam ipsam neglexerint, non bene scribere queant, sed tantum in verbis haerere cogantur. Deinde etiam multa dixi, quae ad verba ipsa, eorumque usum universum, recte, diligenter, cauteque instituendum, pertinerent, et quae nusquam, quod sciam, tam accurate tradita reperirentur: quo pertinent v. c. dicta de *propria vocabulorum significatione*, sine cujus cognitione lingua nunquam accurate disci potest, de *tropis*, de *grammatica vocabulorum compositione*, in primisque de *accusativo tum infinitivo*, de *participiis*, de *usu temporum et modorum* etc., de vocabulorum variatione, connexionione, ordine etc.

Iam in his singulis explicandis ea perspicuitate ac diligentia usus sum, ut, quia me ad lectores omnis generis accommodare volui, vel is, qui exigua
linguae

linguae latinae scientia instructus sit, me ubique facile ac statim intelligere posse videatur. Quam in rem verba aptissima quaeque elegi ac saepe malui unam ideam pluribus verbis circumscribere, quam uno vocabulo exprimere, quia hoc illam non satis perspicue indicare videbatur. Abstiniui, quantum potui, vocabulis, ut rarioribus, licet aureae aetati notis, v. c. *notatio* pro *etymologia* etc., ita iis maxime, quorum significatio non satis definita videbatur, v. c. *elegantia*, *elegans*, *eleganter*, quibus tribus vocabulis ii, qui praecepta dant stili latini, alioqui in primis libenter uti solent. Imo, sicubi sensi vel opinatus sum, hanc vel illam enuntiationem, vel etiam vocabulum, quo uti interdum coactus sum, forsan aliquid obscuritatis aut dubitationis alicui lectorum afferre, vel alio, ac cogitavi, modo explicari posse, statim aliquid explicationis addidi: omninoque omnia, quae non manifesta essent, explicanda omnique dubitationi lectorum, quae cogitari poterat, occurrendum statui. Tam enim amans sum perspicuitatis, ut ei omnia postponenda censeam. Nec exempla priscorum ad illustranda praecepta et confirmanda deesse facile passus sum. In quibus conquirendis quantum operae ac laboris mihi adhibendum fuerit, facile intelligent, quicumque de talibus rebus judicare valent. Nec satis erat loca conquisivisse; debebam etiam perlegere et videre, an contextus conveniret, ac propterea saepe permulta antecedentia, permulta sequentia verba, simul legere. Sed hujus omnis laboris nos non poenitebit, modo ne ea utilitate, quam spectavimus, careat.

At forsan erunt, qui querantur, nos nimis late de stilo bene latino exposuisse, in primisque nimis
multa

multa priscorum loca ad praecepta nostra confir-
manda et illustranda attulisse, ut contra alii forsan
querentur, nos nonnunquam nimis breviter locu-
tos esse. Nam e suo quisque gustu atque cognitio-
ne de rebus iudicat. Qui bene latine scribendi sa-
tis peritus est, ei non vitio vertendum, si queratur
nimis fuisse istam rem explicatam esse, si quidem haec
praecepta ad eum erudiendum scripta velimus esse.
At tali viro ista praecepta non scripta sunt: hoc enim
foret *docere piscem natare*. At is sinat alios, qui
nondum bene latine scribere sciant, ista legere et,
quam possint, utilitatem ex iis capere. Sic et alii,
qui ingenii praeclari ope adiuti e paucis verbis men-
tem scriptoris statim assequi et intelligere valent,
foran, si de se ad alios omnes concludent, de ni-
mia dictorum multitudine conquerentur. At et hi
cogitent, non omnes homines eadem esse intelligen-
tiae celeritate ac felicitate: omninoque, si quid sine
addita explicatione ipsi intelligant, hanc explicatio-
nem, tanquam ad se non pertinentem, praetermit-
tant, cogitentque, alios forsan fore, qui ea frui cu-
piant, et quibus ea sit jucunda atque utilis. Ita
equidem in legendis libris omnibus agere soleo. In
quibus si quid explicatum invenio, quod dudum
satis noram, puto explicationem istam non mihi, sed
aliis, scriptam esse, vel, si quid late explicatum vi-
deo, quod statim e duobus verbis intelligo, hoc mi-
nime aegre fero, quia credo, hanc explicationem
aliis utilem fore: ut contra saepe, si rem, quam an-
tea plane ignorabam, late explicatam video, hanc
explicationem magna cum laetitia accipio et scrip-
tori gratiam habeo, cogitans simul, multos alios lec-
tores forsan istam rem sine ista explicatione intellec-
tuos

turos esse. Nam non omnium hominum est eadem cognitio, idem ingenium: atque, ut, e vetere proverbio, non omnia possumus omnes, ita non omnia omnibus scribimus. Iniquum enim putamus esse, *unum hominem*, si quid sibi haud necessarium videtur esse, statim clamare: *hoc omnino non necessarium est*: debebat dicere: *hoc mihi haud necessarium videtur esse*. Pauci sunt libri, qui certo generi lectorum destinati esse dici possint: et in talibus libris facile est se ad lectorum intelligentiam accommodare. At plerique libri variis lectoribus scribuntur: et quis hic modum ubique servare queat? Et talis est hic in primis liber. Quem si omnes vel saltem plurimi lectores omnis generis confirmabunt praecepta nimis multa vel nimis fuse explicata et illustrata continere, humanitatis erit meae credere, me peccasse, et haec peccata, si libri iterum edendi occasio detur, corrigere. Nam scriptor debet se ad lectores accommodare, non hi ad illum. At scriptor non potest se ad unum accommodare; nisi forte *hic unus* de cognitione et gustu hominum omnium vere judicare queat. Sed quis mortalium hoc de se confirmet?

Quod ad exempla e priscis addita attinet, ea propterea adjeci, quia auctoritati meae, quae in talibus rebus nulla est et nulla esse debet, credi nollem. Melius est, lectorem verba priscorum ipsa videre et cum meis comparare, atque ipsum judicare. At paucioribus exemplis defungi poteramus. Fecimus hoc etiam quam saepissime, et ubicunque licuit: imo interdum, ubi res non egebat, exemplis priscorum plane abstinuimus. Interdum vero plura afferre debuimus, ut lectores viderent, rem, de qua sermo est, valde usitatam apud priscos esse. Deinde,

de, cum non omnis contextus idem sit, possit forsan aliquis lectorum, unum locum Ciceronis videns, credere, huic tantum loco, vel huic tantum contextui, nec alii quoque, istam rem convenire: at, ubi plura loca, eaque varii contextus, videt, judicare potest, in quali contextu illam rem vel illud vocabulum et quomodo adhibere possit. At forsan dicent alii, nos debuisse tantum loca citare, nec ipsa verba ponere. Recte; at non omnes lectores istis libris, v. c. Livio vel omnibus Ciceronis operibus, instructi sunt, aut eos non ad manus habent; omninoque humanius esse putamus, lectorem molestia evolvendi libros, ubicunque fieri potest, liberare, quam eum, ut ubique modo hunc modo illum scriptorem evolvat, cogere, praesertim cum nihil frequentius sit, quam loca, quae tam breviter citantur, falso citata reperiri, quod vel errore scriptoris, etiam accuratissimi, vel typosetarum vitio valde vulgare, vel etiam interdum, quia scriptor locum ipse non inspexit aliorumque auctoritati credidit, aliisve de causis accidere solet. Perspicuitati quoque manifeste convenientius est, lectorem locum, qui rei confirmandae vel illustrandae causa laudatur, videre statim et legere, ut statim videat, quibus verbis res nitatur. Hoc autem liquido confirmare possum, me, quaecunque priscorum loca attulerim, ea non modo aliquoties summaque diligentia et religione inspexisse ac perlegisse, ut adeo praestare audeam, nihil hic a me vitii commissum esse, sed etiam, ubicunque fieri potuerit, illa summo studio contraxisse, nec plus verborum, quam ad illustrandam confirmandamque rem pertineret, apposuisse; nisi forte perspicuitas, cujus in primis ratio est diligenter habenda,

benda, postulaverit, ut interdum vel praecedentia vel sequentia verba simul adderentur. Et quisque prudens lector per se intelligat necesse est, quantum laboris et molestiae istorum tot locorum conquisitio, quae non modo multum temporis, sed etiam certas ejus opportunitates, ac praeterea multum meditationis postulat, mihi attulerit, ut profecto hinc appareat, me non illa tanto labore et cum tanto temporis impendio conquisiturum, inspecturum, et aliquoties perlecturum fuisse, nisi eorum utilitatem ac necessitatem perspexissem. Animadverti etiam in libro iterum perlegendo, me nonnullas res aliquoties, alio tamen consilio, atque ita alio plerumque modo, tractasse et illustrasse: sed non video, quomodo aliter agere potuerim; materia manifeste ita postulabat, v. c. de *qui pro is vero, et is* etc. exponitur et in cap. de *connexione* et in cap. de *brevitate*: utrique capiti conveniebat etc. Et lectoribus, rem serio cogitantibus, non injucundum istud erit, quia sic eandem rem in diversa relatione conspiciunt, atque vident, quomodo una res saepe varie proficit.

Omnino nihil omisi, quod ad rationem stili bene latini accurate planeque cognoscendam pertinere posset; nec quidquam facile posui, cujus non causam, si ulla ratione inveniri poterat, adderem. Inferui etiam nonnulla, quae, licet non directe ad artem bene latine scribendi pertineant, tamen ei, qui de latinitate aliisque rebus subtiliter judicare solet vel vult, non injucunda esse spero, v. c. de *mecum, nobiscum* etc., cur *to cum* postponatur etc. Displicebunt illa non nisi ei, qui in libro tantum ea invenire cupit, quae titulus ejus indicavit. Non nego, me mihi operis tractationem tali modo, cum singula

accurate explicanda aliaque ad subtilem latinитatis cognitionem pertinentia addenda putarem, paulo difficiliorem reddidisse. Poteram, more aliorum, praecepta stili breviter et summatim tradere: et haec brevis magnam interdum famam, auctoritatem, doctrinaeque opinionem affert, quia is, qui de re breviter loquitur, eam videtur considerare tanquam notam et manifestam atque adeo facillimam: cum tamen, si illam satis late diligenterque tractare debuisset, forsan haesisset. Quis v. c. non possit hodie Compendium aliquod antiquitatum romanarum etc. scribere? at late singulas earum partes accurateque explicare nonne est majoris difficultatis? Alii etiam satis habent in praeceptis stili tradendis ad priscorum usum dicendi provocare eoque lectores discipulosque simpliciter ablegare: at ego hunc usum dicendi accurate contemplatus sum, ejusque fontes studiose indagavi diligenterque examinavi, ut adeo mea praecepta stili possint philosophica vocari, si quidem ea tractatio materiae cujusque philosophica vocanda est, ubi causas ubique sedulo investigas, et, ubi nullae reperiri possunt, hoc fideliter indicas. Multos etiam esse scio, qui, ut explicatione rei alicujus supersedeant laboremque sibi faciliorem reddant, lectores ad alios homines doctos ablegant, his v. c. verbis: *vid. Salmas. ad Solin., Burm. ad Quintil., Drak. ad Sil., Casaub. ad Suet., Graev. ad Cic.* etc. Non nego, hoc speciem doctrinae et diffusae lectionis interdum asserre, praesertim apud imperitos. At non semel vidi, apud illos doctos, ad quos lectores rejiciuntur et ablegantur, nihil explicationis reperiri: ut manifestum sit, illos propterea, quia ipsi rem non intel-

intellexerint, nec tamen suam incertitiam fateri voluerint, ac simul morem citandi inveteratum sequi studuerint, lectores ad alios doctos ablegasse. Non igitur hunc morem citandi sequendum putavi, praefertim, cum saepissime lectoribus non ad manus sint isti libri citati. Ipse dixi, quae noram, ac, quae ignorabam, fassus sum me ignorare, ut alii, quae ipse nescirem, ea, si vellent, altius indagare studerent. Nam ista ingenua professione nostrae ignorantiae plus profecto profumus, quam specie doctrinae perfectae omnibusque numeris absolutae et extra erroris aleam positae prae nobis ferenda.

Forſitan et erunt, qui vitio mihi vertant (nostra enim aetate nihil non timendum est), quod contra nonnulla a magnis quibusdam viris, quorum est magna in hoc doctrinae genere auctoritas, ut Ernestio et Gesnero dicta dubitationes, legitimis tamen causis instructas atque munitas, proferre non dubitaverim. Hic equidem non nego, hoc a me invito factum esse. Tanti enim istos viros facio, quanti eos pauci facere posse videantur. At veritatem tamen, quam ubique secutus sum, quae est regina omnis et scientiae et eloquentiae, et quae non ab opinionibus atque auctoritate virorum celebrium pendet, longe pluris faciendam esse omnium hominum auctoritate, quis non concedat? Nec mea dicta illorum virorum dignitati summae et dudum stabilitae quidquam officere possunt, sed docent tantum, omnes magnos viros esse homines. Et quid fiet literis, si Lutheri, Melanchthonis, Gerhardi, Chemnitii etc., Lipsii, Casauboni, Gronovii, Graevii, Burmanni etc. auctoritate ubique ac sine ulla dubitatione insistamus, nec ulterius pergere

studeamus? Sed omnis res vertitur in eo, utrum dubitationes meae iustis causis nitantur nec ne.

Si quando peccavero, quod in tanta rerum multitudiae et in tam subtili accurataque earum explicatione facile accidere potuit, veniam a lectoribus prudentibus et humanis mihi tributum iri spero, praesertim cum viam nondum tritam ingressus sim, et multis subsidiis, v. c. libris Vossianis omnibus, carens pleraque ingenioli mei ope diuturnaue meditatione invenire atque digerere coactus sim, ac praeterea longe altius, quam adhuc factum, penetrare studuerim, hancque in rem multa, quae vulgo omitti soleant, simul investiganda, examinanda, et explicanda mihi sumserim. Quis in tam longa, lubrica, et minus expedita via non interdum labatur? Suave igitur mihi erit, a peritis discere, ubi et cur peccaverim, et quomodo melius hoc vel illud tradere debuerim. Nihil suavius mihi est quam corrigi: nam omnis correctio, a magno viro profecta, est via ad discendum, nec quisquam me cupidior discendi esse potest: habemus enim ad summam usque senectutem innumera, quae discamus. Nec is ego profecto sum, qui vituperari nolim; modo vituperatio sit iusta, hoc est, causis idoneis munita. Nam aliquem vituperare, causis nullis additis, est ei injuriam facere, praesertim si vituperatio ab homine proficiscitur, cujus nomen nescias: quia ita latet, unde re satis judicare possit. Longe vero suavior erit mihi vituperatio, si, praeter additas iustas ejus causas, simul additum quoque fuerit, quomodo melius et distinctius res quaeque explicari poruisset ac debuisset. Velim etiam vituperatio sit modesta et humanitatis plena. Modestum humanumque esse
non

non repugnat. τῷ vituperare; ac veritatis defensio, quam solam spectare debet omnis vituperatio, non opus habet immodestia et inhumanitate. Qui de libris ita judicare sistent, tanquam ipsi sint iudices a rege aliquo hanc in rem constituti et lecti, ac cum scriptoribus illorum ita agunt atque loquuntur, tanquam iudex, de furto vel veneficio quaestionem habens, cum homine nequam, vel tanquam herus cum servo, vel etiam tanquam insolens ludi magister in cathedra sedens cum puerulo elementa literarum recitante, eorum arrogantia et temeritas, ut plus ipsis quam scriptoribus nocere solet, ita non digna est, quam hi magnopere curent. Suavissimum igitur mihi erit, si intelligentibus placuerit, ea, quae in hoc libro desiderant vel correctione digna iudicent, mecum per literas communicare, causasque iustas, ut mos illorum fert, annectere: tali enim modo eorum admonitiones certo acciperem, omniumque optime ex eorum iudiciis utilitatem optatam capere possem. Et hic mos ante centum circiter annos adhuc obtinuit, ut, si quis eruditorum in libro aliquo aliquid desideraret, hoc per literas auctori significaret. Si quis tamen malit suas correctiones et admonitiones in commentariis literariis, in quibus novi libri indicantur, et, ut dicunt, recensentur atque interdum diligenter iudicantur, palam proferre, more ita ferente: non possum ei equidem vitio valde vertere, quod morem hodiernum, ex quo docti omnes suas dubitationes et vituperationes ab omnibus doctis legendas curant, quam eum, qui olim obtinuerit, sequi praeoptet. Quia tamen non omnes istos commentarios legendi mihi copia est (sunt enim hodie permulti), facile accidere potest,

ut istae correctiones et admonitiones, palam propositae, mihi ignotae maneant, et, quamquam ab aliis, non tamen a me, cuius tamen praecipue intersit eas videre, legantur, atque ita ego utilitatem ex iis percipiendam non percipiam. Non cogitant hoc semper Recensentes, qui cum scriptore aliquo ita loquuntur, tanquam is coram iis eorumve tribunali praetorio stet, decretum aliquod praetoris auditurus, vel tanquam certo sciant, eum ipsorum admonitiones lecturum esse, cum tamen saepe fiat, ut ille eas nunquam videat, ac ne audiat quidem de iis aliquid.

Neque vero fortasse non mirabuntur lectores, me ea scriptura vocabulorum latinorum, quam in cap. de orthographia defendere studui, v. c. *adfectus*, *conlatum*, *immutabilis* etc. non ipsum esse usum. Fateor me sic scribere debuisse. At primum nimis assuetus jam eram alteri scripturae *affectus*, *collatum*, *immutabilis* etc.: et ea, quibus nimis assueti sumus, non facile dediscuntur; videbamque simul, etiamsi illam scripturam, ubicunque memor fuisset, recepissem, hanc tamen se longe saepius oblaturam et, me imprudente, immixturam fuisse: quam varietatem vitare malui. Deinde tota ista res mihi nunquam magna visa est, quia omnem pulchritudinem dicendi ac scribendi in ideis, non in externa vocabulorum forma, ponere soleo: omninoque in usurpanda nova scriptura non primus esse cupio: hinc expectabo antea, quid alii sentiant, quam ipse ea utar: nam singularibus rebus uti nolo. Loqui tamen, quia omnino nihil praetermittendum erat, de ista re, atque ea, quae veritas mihi dictare videbatur, dicere debui.

Hic

Hic liber dicatus est, non tironibus, ut sponte patet, sed provectionibus, omnibusque iis, quibus fortuna non dedit occasionem in adolescentia priscos ipsos, maximeque Ciceronem, accurate perlegendi, eque hujus libris stili bene latini cognitionem justam hauriendi, in primis tamen magistris. Qui si in praelectionibus suis illo uti velint, laborem suum longe faciliorem fieri forsan sentient. Qui si forte tamen judicent, hunc librum paulo majorem esse, quam ut praelectionibus servire commode possit, aliumque et eum breviorē, sed illi tamen similem, optent: forsan curabo, ut ejusmodi libellus, in quo non nisi praecepta illa stili bene latini, omiſſis vel explicationibus vel exemplis vel utrisque, aliquando prodeat. Facilius enim est praecidere, quam addere. Nunc vero non poterat ista res breviter summatimque tractari, quia sine explicationibus et exemplis non satis intelligi praecepta ista potuissent. Vidi etiam in relegendō libro, potuisse in nonnullis locis ac debuisse plura dici: nec vero non meliora aliquot exempla, libro jam absoluto et Lipsiam transmissō, in mentem venisse vel inter legendum, ut fit, occurrisse confirmo.

Ceterum, ut mihi plane persuasum est, nulla alia ratione, quam ea, quae hoc libro exposita est, facultatem bene latine dicendi scribendique recte certoque addisci posse, ita vehementer laetabor, si consilio, quod hic secutus sum, optatus eventus responderit, ac si ego videro, in posterum non amplius stilum bene latinum in verbis et phrasibus, sed in ideis praeclaris ac praeclare connexis, omninoque in perspicuitate, gravitate, et suavitate dicendi,

cendi, hoc est, in eloquentia poni, ac neminem pro bene latine scribendi perito haberi, qui non simul eloquens reperiatur. Major profecto inde fluet utilitas, quam adhuc vulgo creditur. Vulgo dixerunt hucusque permulti: *quid prodest mihi ars bene latine scribendi: ego aliquando Sacerdos vel Iuriconsultus fiam vel Medicus etc., ubi theodisce loquendi copia saepe datur, non item latine.* Sic et saepe parentes eandem ob causam filiis studium filii bene latini disuadent, vel iis inutile certe arbitrantur. Non male, si quidem res vertitur in vocabulis et phrasibus. At, si omnes bene latine scribere discunt, ita ut eloquentiae ubique ac praecipue ratio diligenter habeatur, necessario sequitur, ut, qui bene latine scribere sciat, is deinde etiam bene theodisce, francice etc. scribere ac dicere possit. Nam eloquentia omnibus in linguis est eadem: vestis ejus (h. e. verborum habitus) est duntaxat varia. Quare, cum is, qui ea, quam dixi, ratione bene latine scribere discit, simul eloquentiam manifeste discat, atque ita duos parietes, ut est in veteri proverbio, de una fidelia dealbet h. e. et latinae linguae et eloquentiae cognitionem simul eademque opera sibi comparet, nonne hanc utilitatem magnam esse patet? Quis enim eloquentia carere potest? Nemo plane. Quisque enim homo, vel agricola, perspicue, interdum etiam graviter atque suaviter, loqui debet, v. c. cum filiis suis, v. c. in prudenter reprehendendo, adhortando etc., cum uxore, cum cognatis, cum superioribus, v. c. in rogando, narrando, se excusando etc. Ac profecto multae contentiones, offensiones, accusationes et inimicitiae vitarentur, si homines vulgo elo-

eloquentiores essent h. e. ubique et cum omnibus perspicue, graviter, et suaviter loqui possent. Res per se loquitur. Iam, si omnes omnino homines debent (utinam instituta omnium locorum hoc fieri patiantur!) eloquentia instructi esse, quanto magis eruditorum est, illam consequi studere? — Vale lector docte atque humane, ac me, si non indignus sum, favore tuo, tanquam suavi operae meae praemio, exhilara et recrea: saltem voluntati meae de juventute, quae in acquirenda stili latini cognitione iusta multis in locis adhuc cum meo aliorumque magno iustoque dolore retardari solet, bene merendi saveas velim! Hujus juventutis propius adjuvandae causa, quia philologi his raro, sed plerumque eruditis, scribere solent, cogitavi saepe *Lexicon* aliquod, in quo vocabulorum latinorum notiones accuratius et dilucidius, quam adhuc factum, explicarentur et digererentur, ac prima notio ubique, quantum quidem fieri posset, primo loco et deinceps derivatae ponerentur, et quod tamen ab juventute paupere facillime parari posset, it. *Grammaticen vernaculam*, similem illam quidem libello *Langiano*, sed accuratorem, conscribere, itemque *epistolas Ciceronis selectiores* animadversionibus vernaculis illustratas in modum fere *Chrestomathiae Gesnerianae* edere. Sed firmiter animum inducere nondum potui, ut tales labores aggrederer. Ac profecto in principiis linguae peccari vulgo solet: quae si falso vel nimis indefinite tardeque traduntur, omnis linguae ipsius gustus perit. Quae discere homo cum gustu debet, ea et recte et mox discenda sunt. Quamdiu vero Lexica vulgaria, v. c. *Kirfschi*, *Weberi* etc., in scholis regnant et signi-

ficationes vocabulorum vel falsas vel indefinitas pueris et adolescentibus suggerunt; quamdiu libellus grammaticus Langianus in scholis regnat et vocabulorum compositionem vel indefinitam vel falsam vel imperfectam discipulis inculcat, tamdiu nulla spes erit, adolescentes latinae linguae in universum latinique stili justam cognitionem esse consecuturos; nisi iis magistri sat multi obtingant, qui omnia vitia Lexicorum et omnia vitia libelli grammatici Langiani accurate corrigere, quae ibi indefinite dicta sint, recte atque ordine definire, et, quae ibi desint, ea perite supplere possint. An igitur istos labores aliquando suscepturus sim, nondum constituere et decernere equidem possum. Iterum vale, Lector humane, et omni felicitatis, quae in hominem cadit, genere abunde frui. Scripsi Brigae, a. d. xv Aug. MDCCCLXXVIII

Imman. Io. Gerh. Schellerus

Rector regii Gymnasii illustris.

PRAEFATIO

EDITIONIS NOVAE

Et si tum, cum haec *Praecepta stili bene latini* primum edebam, esse opinabar, quod dubitarem, an ea multos vel lectores vel amicos essent inventura, tamen hanc dubitationem inanem fuisse vel inde patet, quod hic liber nunc iterum in lucem prodit. Iam licet gaudeam, operam meam hoc in libro adhibitam eruditibus non displicuisse (qui sane suavissimus laboris fructus est), tamen hoc ego favore me non ita auferri passus sum, ut propterea mihi persuaderem, librum ipsum omnibus numeris absolutum esse. Imo eum ante, quam iterum prodiret, sedulo perlegi, et multa passim correxi, multa magis definite tradidi atque etiam, ubi opus erat, addidi. Nostra enim, ut omnium rerum, ita et linguarum cognitio in dies crescit, modo eam crescere velimus nec inepta superbia inflati temere opinemur, ipsam ad summum jam fastigium escendisse, neque ita incrementum amplius admittere: qua opinione nihil insulsius ac perniciosius esse potest. Imo debemus, si quidem cognitionem nostram subtilem certamque esse vere cupimus, nos ubique ipsi calumniari ac sapienter timere, ne forsan in errore aut inscitia versemur,

mur, hinc nostram qualemcunque scientiam quam saepissime excutere, ut videamus, quid certo sciamus, quid non. Saepe enim in iis etiam peccamus, in quibus propterea, quod notissima vulgo esse arbitramur, a nobis peccari posse non credebamus. Hinc, ad mortem usque, vel in notissimis rebus, discendum est, si quidem ad veritatem, sine qua omnia, quae scimus, nugae sunt, adspirare nec pro ea vanitatem erroremque amplecti volumus. Via ad veritatem se ens non modo est longa multi-que cum difficultatibus conjuncta, sed tam innumerabilibus etiam deverticulis, iisque amoena specie se saepe commendantibus, circumdata, ut, qui in ea non cum maxima assiduaque attentione ac diligentia incedat, facile aberret. Quod si multi viri, qui scribendo docendoque nominis claritatem adepti sunt, nunquam non cogitassent et diligenter secuti essent, saepe vel majores fuissent facti vel in fastigio, in quo ipsos existimatio hominum atque favor collocarat, mansissent.

Quod in praefatione prioris editionis ostenderam, me fortasse haec *Praecepta filii*, ut in praelectionibus Academiarum ac Gymnasiorum usurpari commodè possent, in *Compendium* esse redacturum, ac praeterea *Lexicon latinum* et *Grammaticam latinam* editurum, his promissis, si quidem promissa nominari possunt, paulo post ita satisfeci, ut forsitan plus dedisse quam dare voluisse videar. Nam 1) *Compendium horum praeceptorum*, idque passim auctius et emendatius, in lucem emisi 1780. 2) *Grammaticam latinam*

latinam duplicem vernacula lingua edidi: a) majorem 1779, quae accuratior et auctior denuo recusa est 1781: b) minorem 1780; quae et ipsa auctior et emendatior iterum prodiit 1782. 3) *Lexicon latinum* duplex, sed cum explicationibus vernaculis, edidi: a) *minus* in modum *Cellariani libri memorialis* 1779; quod accuratius auctiusque iterum typis exscriptum est 1780: b) *majus* in modum *Kirschiani* fere *Lexici* 1783: in quo summa cum diligentia versatus sum, et non modo plures vocabulorum notiones et constructiones, quam in aliis Lexicis, etiam *Gesneri Thesouro Stephaniano*, reperiuntur, congeffi, sed eas quoque longe accuratius certiusque, quam adhuc esse videram, tradere studui; cujus rei testimonio esse possunt vocabula innumerabilia, v. c. *natura, teneo, qui, ultro, usque, utique, sagum, misericordia, adficio, congiarium* cet. Per multis imo plerisque vocabulis, licet saepe sine ulla dubitatione (quis enim libenter dubitat?) explicentur, vernacule vertantur et in latine scribendo usurpentur, nondum certas suas notiones tributas esse certum est. Plerique eruditorum ob nimiam facilitatem aliasve ob causas nituntur hic sola auctoritate celebrium virorum, ut *Cassauboni, Scaligeri, Salmasii, Gronovii* cet., quasi hi viri errare non potuerint aut nihil amplius eruendum aliis reliquerint. Hi viri telam texere tantum inceperunt, sed perficiendam posteris reliquerunt. Saepe eruditi vel certant, sitne aliquis priscorum locus corruptus an salvus, vel dissentiant in explicatione ejus.

Saepē

Saepe interpretum alius negat sensum inesse loco aptum, ubi alius contendit locum sensu plane carere: saepe alius dicit: *hic est sensus manifestus*; ubi alius dicit: *male*; imo *sensus est hic cet.*; saepe alius dicit: *locus aperte sic est legendus*, ubi alius confirmat non opus esse mutatione. Et omnes tamen hi interpretes locum obtinent vel obtinuerunt locum in numero philologorum non vulgarium: nam de vulgaribus interpretibus hic dicere non attinet. Hoc certamen, hic disensus, plerumque oritur inde, quod dubia aut ignota est vocabuli notio vel etiam constructio.

Vale, lector docte et humane, mihi que, si dignus visus fuero, favorem tuum conserva. Brigae, mense Februario 1784

Imman. Io. Gerh. Schellerus.

CONSPECTVS

PARTIS PRIORIS

	pag. ■
Prooemium	
Pars Prior, <i>eaque praeparatoria, de vocabulorum scriptura,</i>	
<i>usu, ordine, variatione, copia, brevitare</i>	23
Cap. I De orthographia s. vera scriptura	23
Sect. I Quid sit orthographia	23
Sect. II Orthographia commendanda est	24
Sect. III Regula orthographiae est una, et quanam sit	24
Cap. II De recto vocabulorum usu	45
Sect. I Vocabula debent esse bona	45
Sect. II Haec vocabula debent esse etiam apta	47
Sect. III Vocabula per se non sunt pulchra	47
Sect. IIII Cavendae sunt quaedam fictae elegantiae	49
Sect. V Si vis eleganter scribere, debes vocabulorum habere delectum	64
Sect. VI Si vis delectum vocabulorum habere, debes magna illorum copia instructus esse	65
Sect. VII In primis debes vocabula antea recte intelligere, quam eorum delectum apte habere iisque recte uti cupias	66
Sect. VIII Unde discenda est vera vocabulorum notio?	75
Sect. VIII In primis discenda est prima et propria vocabulorum notio	78
Sect. X De fontibus primae s. propriae notionis	85
Sect. XI De tropis universis	96
Sect. XII De metaphora s. translatione notionum ob earum similitudinem	103
Sect. XIII De metonymia s. translatione notionum ob conjunctionem earum externam	111
Sect. XIII De synecdoche s. translatione notionum ob arctiorem earum conjunctionem	120
Sect. XV De ironia s. commutatione vocabulorum contrariorum	134
Sect. XVI Additamenta quaedam de vocabulis singulis	138
Sect. XVII De compositione vocabulorum grammatica h. e. quatenus ea plerumque tantum e relatione ipsorum inter se sine respectu idearum in iis latentium considerantur	142
	I) An

CONSPECTUS

I) <i>An unius, solius etc., frustra interseruntur inter Subst. et Adject.?</i>	pag. 143
II) <i>De opus est</i>	144
III) <i>Duo subjecta postulant verbum plurale</i>	144
III) <i>Epitheta accommodant se ad propius subiectum</i>	144
V) <i>De genitivis pro praepositionibus in, erga etc.</i>	145
VI) <i>De verbo esse, quando servit rei describendae</i>	145
VII) <i>De neutris adj. et pronom. regentibus genitiv.</i>	146
VIII) <i>De interest et refert</i>	146
VIII) <i>De rectione adverbiorum eo, pridie etc.</i>	147
X) <i>De genitivis, quae adverbis loci et temporis frustra adjici dicuntur</i>	147
XI) <i>De verbis activis s. transitivis</i>	147
XII) <i>De oportet, cur accusativum et infinitivum habere possit</i>	149
XIII) <i>Quid de interrogationibus womit, wodurch, wovon, worin etc. censendum?</i>	149
XIII) <i>De ablativo post comparativum</i>	149
XV) <i>De accusativo cum infinitivo</i>	150
XVI) <i>De usu infinitivi sine accusativo praecedente</i>	155
XVII) <i>De usu indicativi et conjunctivi</i>	157
XVIII) <i>De gerundiis</i>	163
XVIII) <i>De ceteris participiis</i>	165
XX) <i>Additamenta de verborum personis et temporibus recte usurpandis etc.</i>	171
 Sect. XVIII <i>De nonnullis germanismis vel mutandis vel retinendis, ubi A) de veris Germanismis B) de fictis</i>	 192
 Cap. III <i>De ordine vocabulorum</i>	 202
 Sect. I <i>Ordo nonnullorum vocabulorum est fixus</i>	 203
I) <i>Particula nam, at, verum etc. ab initio semper, at vero, enim, autem etc. post vocabulum aliquod ponuntur</i>	203
II) <i>Duo substantiva, quorum posterius pro alter positum est, v. c. cuneus cuneum trudit, hoc ordine servanda</i>	205
III) <i>Quisque τῷ suus, sibi, se postponendum</i>	206
III) <i>Quisque superlativo postponendum</i>	206
V) <i>Quisque numeralibus ordinalibus postponendum</i>	206
VI) <i>Praepositiones suis nominibus praeponendae, except. de (cum aliis nonnullis), tenus, in primis cum in mecum, tecum etc.</i>	207
VII) In	

PARTIS PRIORIS

VII) In proverbiiis solennibus, usuque receptis formulis et appellationibus, ordo verborum non mutandus est, v. c. equis viris etc.	pag. 209
VIII) Ecce, o, vae suis casibus praeponenda	209
VIII) Particula non verbo possum, omninoque ei vocabulo, ad quod proprie pertinet, praeponenda	209
Seet. II De ordine vocabulorum pendente ab ordine notionum	210
I) Subjectum, quod prius cogitatur alio subjecto, huic praeponendum	210
II) Subjectum, quia prius cogitatur praedicato, huic praeponendum	210
III) Persona, ad quam praedicatum pertinet, praedicato praeponenda	211
III) Persona, cui rem aliquam tribuimus etc., prius cogitatur quam res. Ergo praeponenda	212
V) Causa, propter quam res fit, prius cogitatur quam res. Ergo praeponenda	212
VI) Res, e quibus aliqua excipitur, huic praeponuntur, quia prius cogitantur	212
VII) Tempus, quo res fit, prius hac cogitatur: ergo huic praeponitur	212
VIII) Locus, in quo res fit, prius cogitatur, quam res: ergo ei praeponitur	213
VIII) Modus, quo praedicatum subjecto convenit, prius cogitatur praedicato: ergo huic praeponitur	214
X) Res, cum qua res comparatur, prius hac cogitatur: ergo praeponitur	214
XI) Nomen proprium prius cogitatur appellatione v. c. honorum etc.: ergo praeponitur	214
XII) Pronomen qui praeponendum est ceteris vocabulis in eadem enuntiatione	214
XIII) Qui ab initio periodi pro hic, is, semper praeponitur	215
XIII) Vocativus ei vocabulo additur, ad quod proprie refertur	215
XV) Ordo verborum omnino non turbandus est immiscendis alienis	215
XVI) Inter adjectivum et substantivum interponitur genitivus, it. erga etc., ob perspicuitatem	216
XVII) Pronomen qui debet vocabulo, ad quod proprie refertur, statim subijci	217
XVIII) Vocabula contraria in oppositione arctius coniungenda	217
	XVIII)

CONSPECTUS

<i>XVIII) E duobus vocabulis arcte connexis monosyllabum polysyllabo praeponendum</i>	pag. 217
<i>Cap. III De recto enuntiationum ordine</i>	219
<i>Sect. I De praeponendis singulis enuntiationibus. Praeponuntur enuntiationes</i>	219
<i>I) Causales incipientes per quia, quod etc.</i>	219
<i>II) Conditionales incipientes per si, nisi etc.</i>	220
<i>III) Locum indicantes per ubi, quo etc.</i>	220
<i>IIII) Tempus indicantes per quando, cum, postquam etc.</i>	221
<i>V) Concessivae per etsi, quamquam etc.</i>	221
<i>VI) Interrogativae per quis, quid, utrum, an, quando etc.</i>	222
<i>VII) Similitudinem continentes per velut, quasi</i>	222
<i>VIII) Relativae incipientes per qui, qualis, quam etc.</i>	222
<i>Sect. II Quando plures ejusmodi enuntiationes concurrunt, quid tum faciendum et quaenam praeponenda?</i>	226
<i>Hic exempla e Cic. afferuntur</i>	
<i>I) Causalem sequitur temporalis</i>	226
<i>II) Causalem sequitur concessiva</i>	226
<i>III) Temporalem sequitur concessiva, et hanc causalis</i>	226
<i>IIII) Conditionalem sequitur temporalis</i>	226
<i>V) Duae temporales junguntur</i>	226
<i>VI) Duae temporales praecedunt, quas causalis et concessiva et iterum causalis sequitur</i>	227
<i>VII) Tres temporales praecedunt, sequente concessiva</i>	227
<i>Sect. III Exceptiones:</i>	227
<i>I) Si enuntiatio praeponenda nimis longa est</i>	227
<i>II) Si ea longiori explicatione indiget</i>	228
<i>III) Si non cohaeret cum seqq.</i>	228
<i>IIII) Si ambiguitas oriatur, enuntiatio praeponenda non praeponitur</i>	229
<i>V) Ob gravitatem non praeponitur enuntiatio per se praeponenda</i>	229
<i>VI) Ob negligentiam interdum, in re parva, non praeponitur</i>	230
<i>Hic sequuntur exempla e priscis, ubi postponuntur</i>	
<i>I) Enuntiationes causales</i>	230
<i>II) Enuntiationes conditionales</i>	231
<i>III) Enuntiationes locum indicantes</i>	232
<i>IIII) Enuntiationes tempus indicantes</i>	232
<i>V) Enun-</i>	

PARTIS PRIORIS

V) Enuntiationes concessivae	pag. 233
VI) Enuntiationes interrogativae, incipientes per quis, quid, quomodo etc.	234
VII) Enuntiationes similitudinis	234
VIII) Enuntiationes relativae per qui, qualis etc.	234
Cap. V De periodo	237
Sect. I Quid sit periodus?	237
Sect. II Quomodo dissecanda enuntiatio primaria?	238
Sect. III Quanam enuntiationes inferendae?	239
Sect. IIII Quotuplex sit periodus?	239
Sect. V Quid profit periodus?	241
Sect. VI Exempla periodi e priscis	242
1) Exempla, ubi enuntiationes causales insertae	242
II) Ubi enuntiationes conditionales insertae	243
III) Ubi locum indicantes insertae sunt	243
IIII) Ubi tempus indicantes insertae sunt	243
V) Ubi concessivae insertae	244
VI) Ubi interrogativae per quis, quid, utrum etc. insertae	245
VII) Ubi enuntiationes similitudinem et compara- tionem complectentes insertae sunt	245
VIII) Ubi relativae incipientes per qui, qualis etc., insertae	246
VIII) Ubi explicativae insertae	249
X) Ubi aliae enuntiationes insertae, v. c. ut opi- nor etc.	249
XI) Ut cum sua enuntiatione, quo inseri posset, praepositum legitur	250
Sect. VII De enuntiationibus, quas habemus, apte infe- rendis	250
1) Causali	250
2) Conditionali	250
3) Locum indicante	250
4) Tempus indicante	251
5) Concessiva	251
6) Similitudinem continente	251
7) Interrogativa	251
8) Relativa	251
Sect. VIII) De inveniendis enuntiationibus ad inferen- dum aptis	252
I) Meditandum, an desit notio causae, conditionis, temporis etc.	253
II) Enuntiatio interdum per accus. cum infin. vel per ut cum conjunct. efferri debet	254
c 2	III)

CONSPPECTUS

III)	<i>Commutandis inter se vocabulis</i>	pag. 254
Sect. VIII	<i>Cautiones aliquot de usu periodi</i>	257
1)	<i>Omnis interjecta enuntiatio debet habere sententiam aptam</i>	257
2)	<i>Periodis non ubique utendum est</i>	258
3)	<i>Periodi non debent nimis longae fieri</i>	258
4)	<i>Enuntiatio inferenda debet esse brevior ea, cui inferitur</i>	259
5)	<i>In compositis periodis consequens non debet saltem esse longe minor antecedente</i>	259
6)	<i>Periodi usus locum habet in omnibus scriptio- nis generibus, nec tantum in orationibus</i>	261
7)	<i>Divisio in binembres, trimembres etc., est par- vae utilitatis</i>	261
Cap. VI	<i>De numeris oratoriis s. numero oratorio</i>	262
Sect. I	<i>Quid sit numerus s. numeri?</i>	262
Sect. II	<i>De utilitate numeri</i>	264
Sect. III	<i>Quotuplex sit numerus?</i>	265
Cap. VII	<i>De modis connectendi vocabula, enuntiationes, aliasque verborum complexiones vel majores vel minores</i>	281
Sect. I	<i>De connexionione vocabulorum singulorum</i>	281
I)	<i>Duo vocabula arte cohaerentia junguntur 1) per duplex et 2) per repetitionem vocabuli prae- cedentis 3) per ut seq. ita etc.</i>	281
II)	<i>Duo vocabula sibi opposita junguntur per du- plex aut, vel</i>	284
III)	<i>Duo vocabula, negantia ambo, copulantur 1) per duplex nec, neque 2) per repetitionem vo- cabuli praecedentis negativi 3) per ne quidem, seq. nedum 4) per non modo, sed ne quidem</i>	286
III)	<i>De aliis connectendi modis, v. c. per utrum, an, per nec, neque pro et non, per et is s. is- que etc.</i>	287
Sect. II)	<i>De connexionione enuntiationum</i>	288
I)	<i>Per duplex et</i>	288
II)	<i>Per duplex aut, vel</i>	289
III)	<i>Per duplex nec, neque</i>	290
III)	<i>Per ut pro quare, igitur</i>	291
V)	<i>Per ita seq. ut pro et</i>	291
VI)	<i>Per ita seq. ut pro quidem, sed</i>	292
VII)	<i>Per is, seq. qui, it. per talis seq. qualis pro is vel talis seq. ut etc.</i>	292
VIII)	<i>Per utrum seq. an</i>	293
VIII)	<i>Per nec, neque, pro et non</i>	293
		X)

PARTIS PRIORIS

X)	<i>Per quia, cum, pro hinc</i>	pag. 294
XI)	<i>Per tantum abest ut etc.</i>	294
XII)	<i>Per particulas comparativas ut, quemadmodum seq. ita</i>	295
XIII)	<i>Sunt et alii connectendi modi, v. c. per etfi pro quidem, per quia pro nam</i>	295
Sect. III	<i>De connexione complexionum verborum absolutarum</i>	295
I)	<i>Per qui quae quod</i>	295
II)	<i>Per neque, nec a) pro et non b) pro non simpliciter, v. c. neque vero, neque enim, neque tamen</i>	296
III)	<i>De aliis connectendi modis, v. c. per nam cum pro cum enim, per At in objectionibus, per ita, hic etc.</i>	300
Sect. IIII	<i>De connexione argumentorum, v. c. 1) per primum, deinde, tum etc. 2) accedit, quod; ut taceam etc.</i>	301
Sect. V	<i>De connexione sectionum s. partium majorum orationis, libri etc.</i>	302
Cap. VIII	<i>De variatione vocabulorum universa s. simplice</i>	304
Sect. I	<i>De commutatione nominum substantivorum</i>	305
I)	<i>Substantivum pro substantivo</i>	305
II)	<i>Substantivum pro adjectivo</i>	308
III)	<i>Substantivum pro pronomine</i>	308
IIII)	<i>Nomen proprium pro substantivo et pronomine</i>	308
V)	<i>Duo substantiva pro uno</i>	309
VI)	<i>Substantivum pro adverbio</i>	313
Sect. II	<i>De commutatione adjectivorum</i>	313
I)	<i>Adjectivum pro adjectivo</i>	313
II)	<i>Adjectivum pro substantivo</i>	315
III)	<i>Adjectivum pro adverbio</i>	316
Sect. III	<i>De permutatione numeralium</i>	317
I)	<i>Inter se</i>	317
II)	<i>Numeralia pro adjectivis</i>	317
Sect. IIII	<i>De variatione pronominum</i>	318
I)	<i>Inter se</i>	318
II)	<i>Pronom. pro adjectivo</i>	319
III)	<i>Pronom. pro adverbio</i>	320
IIII)	<i>Pronom. pro praepositione</i>	322
V)	<i>Pronom. pro conjunctione</i>	322
Sect. V	<i>De variatione verborum</i>	323
I)	<i>Inter se</i>	323
II)	<i>Partes verbi</i>	343
		A)

CONSPECTUS

A) Modus pro modo	pag. 343
B) Numerus pro numero	346
C) Tempus pro tempore	346
D) Personales terminationes (vulgo personae) commutantur	348
E) Genus pro genere	350
III) Verbum pro substantivo	351
IIII) Verbum pro adjectivo	352
V) Verba pro adverbiiis	352
VI) Verba pro praepositionibus	352
VII) Verbum pro conjunctione	354
Sect. VI De commutatione adverbiorum	354
I) Inter se	354
II) Adverb. pro substantivo	356
III) Adverb. pro adjectivo	358
IIII) Adverb. pro pronomine	358
V) Adverb. pro verbo	360
VI) Adverb. pro conjunctione	360
Sect. VII De permutatione praepositionum	361
I) Inter se	361
II) Praepositiones pro substantivo	364
III) Praepositio pro verbo	365
IIII) Praepositio pro conjunctione	366
Sect. VIII De commutatione conjunctionum	366
I) Inter se	366
II) Conjunctio pro verbo	370
III) Conjunctio pro adverbio	370
Sect. VIII De commutatione interjectionum	371
Sect. X De fontibus quibusdam permutationis vocabu- lorum	372
I) Duplex negatio pro vocabulo affirmante	372
II) Antecedens pro consequente	374
III) Consequens pro antecedente	375
IIII) Causa pro effectu	376
V) Effectus pro causa	376
VI) Aliae metonymicae locutiones	377
VII) Synecdochicae locutiones	377
VIII) Metaphoricae locutiones	377
VIII) Genus pro specie	377
X) Conversio relationis	379
XI) Quando modus, forma etc., simul indicatur	379
XII) Per deminutiva	380
XIII) Per proverbia	380
XIII) Per pleonasmum	380
	XV)

PARTIS PRIORIS

XV) <i>Per circumscriptionem</i>	pag. 380
Sect. XI <i>De variatione constructionis grammaticae</i>	381
Cap. VIII <i>De copia verborum s. dicendi</i>	382
Sect. I <i>Quid sit copia verborum?</i>	382
Sect. II <i>De copia dicendi in verbis singulis</i>	384
I) <i>Additur uni vocabulo aliud: conjunguntur ergo</i>	385
A) <i>Causa et effectus</i>	385
B) <i>Anteced. et consequens</i>	387
C) <i>Totum et partes, genus et species</i>	387
D) <i>Additur fortius</i>	388
E) <i>Iunguntur e diversis tropis ducta</i>	389
F) <i>Affirmans et negans</i>	390
G) <i>Et alia</i>	391
II) <i>Ex uno substantivo fiunt duo: additur 1)</i>	
<i>pars 2) attributum 3) causa</i>	394
III) <i>Substantivo adduntur adjectiva</i>	396
III) <i>Additur participium</i>	397
V) <i>Verbum mutatur in participium, et aliud ver-</i>	
<i>bum additur</i>	399
VI) <i>Verbum finitum mutatur in infinitivum, et</i>	
<i>aliud verbum adjicitur</i>	400
VII) <i>Verbum mutatur in gerundium, et aliud</i>	
<i>verbum additur</i>	403
VIII) <i>Additur notio causae, modi, temporis, loci</i>	404
VIII) <i>Repetitur idem vocabulum</i>	405
X) <i>In primis circumscribitur vocabulum</i>	406
A) <i>Per definitionem late sumtam</i>	406
B) <i>Per partitionem</i>	413
C) <i>Per comparisonem</i>	415
Sect. III <i>De copia dicendi in enuntiationibus</i>	417
I) <i>Vocabulum circumscribitur per partitionem</i>	
<i>aliquot enuntiationibus constantem</i>	418
II) <i>Enuntiatio circumscribitur per ita, ut</i>	419
1) <i>Praeposenda causa</i>	419
2) <i>Postponendo effectui</i>	422
III) <i>Enuntiatio circumscribitur per comparatio-</i>	
<i>nem</i>	423
III) <i>Enuntiationes augentur addendo singulis</i>	
<i>vocalis verbo proprie dicto</i>	424
V) <i>Conjungitur negativa et affirmativa enuntia-</i>	
<i>tio pro una</i>	425
VI) <i>Conjunguntur duae enuntiationes idem signi-</i>	
<i>ficantes, quarum posterior debet esse fortior</i>	427

CONSPECTUS PARTIS PRIORIS

VII)	Addenda est enuntiatio modum indicans	pag. 429
VIII)	Additur enuntiatio explicationem prioris continens	432
VIII)	Additur enuntiatio comparationem continens	433
X)	Adduntur exempla et testimonia	434
XI)	Additur enuntiatio causam continens	435
XII)	Additur enuntiatio effectum prioris vel consequentiam indicans	438
XIII)	Additur enuntiatio contrarium continens	439
XIII)	Additur enuntiatio conditionem exprimens	440
XV)	Additur enuntiatio tempus et locum designans	441
XVI)	Additur enuntiatio concessiva	442
XVII)	Additur enuntiatio id indicans, per quod aliquid fit vel factum est	443
Seçt. III)	De pleonasmò	444
I)	De vero pleonasmò	444
II)	De ficto pleonasmò	450
Cap. X	De brevitate dicendi	456
Seçt. I	De brevitate in vocabulis singulis	457
I)	Uno vocabulo duo vel plura comprehendi possunt	457
II)	Interdum omittitur vocabulum, nec ejus absentia compensatur, quia per se intelligitur	468
Seçt. II	De brevitate dicendi in enuntiationibus	481
I)	Saepe uno vocabulo tota enuntiatio exprimi potest, v. c. At in objectionibus, quod etc.	481
II)	Saepe una enuntiatio omitti potest ac debet	490



PROOEMIUM

SECTIO I

An stilus possit dici pro scriptione vel pro genere scribendi.

S*tilus* s. *graphium* proprie apud Romanos erat instrumentum ferreum, quo scribebant in tabellis ceratis, quae *codicilli* et *pugillares* vocabantur, ita factum, ut inferior pars esset acuta, qua literas in cera formarent et quasi effoderent, quod proprie *exarare* dicebatur, superior obtusa ac plana, qua literas perperam factas cera obducerent atque ita delerent. Utebantur hac scriptione tantum, quando vel subito vel meditandi exercendique causa aliquid scribere cuperent: in iis, quae accuratius scripta vellent, charta, calamo, et atramento utebantur. Patet hinc, verbum *exarare* hodie a nobis, si quidem a nobis, qui tabulis ceratis non amplius utamur, omnino adhuc usurpari potest, non nisi de subita et extemporali scriptione dici posse, v. c. quando aliquid chartae committimus commentandi causa, *wenn wir etwas concipiren*. Male ergo agunt, qui ad viros dignitate et honore summo conspicuos ita scribunt: *Has ad te literas exarare ausus sum*, pro *scribere*. Est inhumane dictum, quod facile sentitur, si vertitur: *Diesen Brief habe ich an Sie ex tempore zu schreiben gewagt*: postulat enim humanitas, ut ad tales viros accuratius scribamur, quippe qui credunt, observantiam sibi debitam tali negligentia violatam esse. Intelligitur hinc simul notus ille locus Horatii, suadentis, ut, si quid recte scribere cupimus, id accurate perlegamus et saepe corrigamus, Satir. I, 10, 72 *Saepe stilum vertas* etc., h. e. *saepe deleas, quae scripseris*,

ac corrigas: nam, si quid literarum in ceratis tabellis delendum atque cera obducendum erat, stilus verti debebat. Deinde per metonymiam, quae causam pro effectu poni permittit, stilus dictus est 1) de *scriptione ipsa*. Sic Caecina in epist. ad Cic., in Epp. Cic. ad Div. VI, ep. 7 in. *cum praesertim adhuc stili poenas dem, h. e. puniar, poenas adhuc sufferam, quia contra Caesarem scripserim*. Sic Quintil. Instit. I, 1 *Non est aliena res — cura bene ac velociter scribendi*. Nam — tardior stilus cogitationem moratur, rudis et confusus intellectu caret: hic tardior stilus opponitur τῷ velociter scribere, estque manifeste das langsame Schreiben, et rudis et confusus stilus τῷ bene scribere. In primis tamen stilus apud Ciceronem dicitur de ea *scriptione, quae tantum exercitationis causa instituitur ac propterea crebro repetitur*. Cel. Ernesti in Clave Cic. explicat per *exercitationem scribendi ipsam*: quod etsi fere eodem redit, tamen prius paulo accuratius. Cic. Orat. I, 33 *Caput autem est — quam plurimum scribere*. Stilus (h. e. creber stili usus s. crebra scriptio) optimus et praestantissimus dicendi effector ac magister: nam, si subitam et fortuitam orationem commentatio et cogitatio facile vincit, hanc ipsam profecto assidua et diligens scriptura superabit: ubi assidua scriptura idem notat, quod antea stilus. Sic et Orat. II, 23 *Ubertas orationis stilo depascenda est, h. e. saepius scribendo*: quia, quo saepius scribimus, eo viliores et vulgariores nobis multae sententiae multaeque additiones videntur, quas tiro, primum scribens, magni facit et dignas, quibus utatur, habet. Orat. III, 49 *Hanc igitur ad legem cum exercitatione tum stilo, qui et alia et hoc maxime ornat ac limat, formanda nobis oratio est*: ubi exercitatio ad saepius dicendum, stilus ad saepius scribendum pertinet. 2) pro *ratione s. genere scribendi*. Cic. Brut. 45 *Hujus orationes tantum argutiarum — tantum urbanitatis habent, ut paene Attico stilo scriptae esse videantur, h. e. eo genere scribendi, quo Attici utuntur, s. ea ratione, qua Attici scribere*

Scribere solent. Nos hoc in libello *stylum latinum* intelligimus, de *scriptione latina* per se, non, quatenus exercitationi servit, vel etiam de *ratione latine scribendi*. Utraque notio, non valde inter se discrepans, e praecedentibus patet.

SECT. II

Stylus latinus hodie complectitur s. complecti debet simul elocutionem.

Stylus et elocutio hodie apud nos, si consilium effectumque utriusque spectas, fere eadem sunt et tantum haecenus differunt, quod ille ad scribendum, v. c. librum, haec ad dicendum, v. c. orationem, pertinet, h. e. ille *scribendo*, haec *dicendo* hominibus (lectoribus et auditoribus) rem planam reddere, eorumque animos cum delectare tum movere, studet; ut adeo, quaecunque praecepta elocutioni serviant, eadem stilo servire possint ac debeant. Apud Romanos priscos non ita. *Elocutio* apud hos erat domina, ut ita loquar, stilius ejus servus. Colebant in primis *elocutionem*, ac magis bene dicendo, quam bene scribendo, v. c. libro edendo, inclarescere studebant, quia arte bene dicendi, quam reginam reipublicae romanae fere appellare possis, via ad summos honores, summam auctoritatem dignitatemque, muniebatur; hincque indefesso studio in dicendo se exercebant, ut in senatu, coram iudicibus, et pro concione apte graviterque dicere possent: quam exercitationem ne in senectute quidem omissam esse notum est: cf. Cic. ad Div. VII, 33, ubi vel Hirtium declamationibus cum aliis usum esse, duce Cicerone, legimus. Stilo s. *scriptione* tantum ad res vulgares, v. c. epistolas conscribendas etc. et in primis pro subsidio elocutionis, omninoque eloquentiae, usi sunt. Stilo s. *scribendo* operam dabant; eoque exercebantur, non tam, ut melius scribere, quam ut melius dicere possent. Hinc intelli-

gendi sunt Cicero et Quintilianus, quando de stilo s. scribendo loquuntur, ejusque exercitationem commendant. Hanc propterea commendant, quod ita exercitatio dicendi adjuvatur: qui enim bene ac celeriter scribit, is quoque deinde bene ac celeriter dicit. Huc pertinent loci supra ad ostendendam stili significationem allati, v. c. *stilus est optimus dicendi effector et magister* etc. it. Cic. ad Div. VII, ep. 25 extr. *nec transversum unguem a stilo: is enim est dicendi opifex* etc. Neque enim credendi sunt illi duumviri viam ad bene scribendum proprie monstrare, seu praecepta stili bene latini edere, voluisse. Id quod facile patet illos perlegenti. Immiscen- tur ibi innumera non nisi ad orationes eas pertinentia, quibus in senatu de republica agi, populo lex vel suaderi vel dissuaderi, coram iudicibus vel nocens accusari vel reus defendi solebat. Imo cuncta illorum praecepta eo tendunt, ut orator romanus, isque perfectus (cf. Cic. Or.), fingatur, h. e. qui triplici illo genere orationum excellat.

Nostrae eloquentiae longe alia est ratio, ac fuit illius Romanorum. Nostri oratores longe aliam personam gerunt, ac gesserunt oratores romani, qui non modo reipublicae administrandae peritissimi, ejusque adeo duces ac principes, sed simul quoque patroni causarum erant. Nostri oratores, saltem in Germania, alios habent auditores ac romani. Hi loquebantur coram senatu, h. e. confesso virorum reipublicae gerendae, rei militaris, legumque peritissimorum; dicebant coram iudicibus, a quibus non erat ad alios provocatio, et qui non raro magis verborum quam rei gravitate, magis eloquentiae lenociniis et artibus, quam causae veritate, ad hominem vel damnandum vel absolvendum incitari solebant; dicebant coram populo universo, eoque libero et imperante, cui placere non parum intererat oratoris, e cujus arbitrio tota res, quae vel suadebatur vel dissuadebatur, pendebat, et qui oratorem, ut exhibere,

bilare, si stulte loqueretur, ita, si praeclare, et laudibus et vero etiam honorum amplitudine ornare poterat. Facile intelligitur, neminem in conspectum populi dicendi causa prodire ausum esse, nisi qui maximis eloquentiae praesidiis instructus esset: adeo timebatur iste conspectus. Cicero, quamquam jam praetor erat, innumeras orationes coram iudiciis habuerat, ac pro magno oratore habebatur, tamen in principio Orationis Manilianae, quae prima coram populo dicebatur, confirmat, se ad hoc usque tempus non ausum coram populo dicere, quia sciret, nihil huc afferri oportere, nisi quod summa eloquentia perfectum elaboratumque esset. Quod longe secus est nostra aetate, in primis in Germania; ubi orator neque habet, quod auditores tantopere timeat, qui modestiores hodie sunt, quam ut vulgariter dicentem exhibilent, neque, quod tanta ab iis praemia expectet. Longe quoque alias materias priscos oratores, quam nostri habeant, tractandas habuisse sponte patet. Tales igitur oratores, tam perfectos ac civitati liberae aptos, cum fingere voluerint Cicero et Quintilianus: facile intelligitur, quidquid hi dixerint, ad romanae reipublicae statum, non ad nostra tempora, proprie pertinere. Multa tamen inde nostrum in usum quodam modo transferri posse, negari nequit: sicut nihil est, unde non aliquid disci possit.

Certum est, Romanos magis eloquendo quam scribendo operam dedisse, illoque potius quam hoc inclarescere studuisse; ac, si quando de scribendo seu de stilo latino loquantur Cicero et Quintilianus, eos hanc scriptionem considerasse ut praeparationem et adjutricem elocutionis. Nos contra hodie, quibus lingua latina est mortua, magis latine bene scribere quam dicere ac stili latini potius quam elocutionis latinae laude inclarescere studemus. Duplici maxime consilio fuscipi a nobis solet cura stili bene latini: et, ut orationem habeamus solennem, v. c. aditalem, in honorem ac memo-

riam magni viri etc., quae antea chartae mandari, atque, ut sic loquar, stili acumen subire solet; et in primis, ut scribamus aliquid, quod ab aliis legi inque vulgus exire possit, v. c. librum, dissertationem, prolusionem, epistolas ad eruditos etc.; ut sermones familiares, qui, ut ab aliis francogallice, ita ab eruditis inter se latine instituuntur et exercitatione stili bene latini valde adjuvantur, aliasque utilitates inde exsistentes taceam. Hinc videor mihi *elocutionem* proprie ita dictam, licet ad orationes proprie pertineat, tamen, quia et *stilo* niti illa solet, h. e. quia nulla oratio hodie dicitur fere, quae non antea scripta fuerit, et quia omnis bonus orator non modo bene dicere sed etiam bene scribere debet et solet, propterea igitur mihi videor *elocutionem* cum *stilo* rite conjungere ac sub uno *stili* nomine comprehendere posse: ita, ut *stilus* bene latinus sit ratio bene latine non modo scribendi, verum etiam dicendi.

SECT. III

Quid sit ratio bene latine scribendi s. stilus bene latinus, pressius quaeritur.

Iam si inquirimus, quid sit *stilus bene latinus* s. *ratio latine bene scribendi*, in ejus notione, subtiliter accurateque definienda, non parum difficultatis deprehenditur; hincque de ea inter eruditos non satis convenire mirum non est. Ut enim eos taceam, qui *stilum bene latinum* vocabulis ex aurea, quae vulgo dicitur, aetate petitis et ornata quadam, ut appellant, illorum compositione s. syntaxi, nulla sententiarum, harumve veritatis et pulchritudinis, nullaque contextus ratione habita, constare opinantur (quae secta non est paucissimorum): ipsorum Philologorum bona pars, si ex ea, quid sit *bene latine scribere*, quaeris, hac responsione defungi solet, ut dicat, hoc nihil aliud esse, quam eo modo scribere, quo prisca Latini aureae aetatis, v. c. Nepos, Livius, Cicero, Teren-

Terentius, scripserint. At haec responsio, per se illa quidem vera, tamen est tam incerta atque indefinita, ut rem non explicare sed explicando ludere videatur. Nam, si cui v. c. dicerem, *bene pingere* et *bene canere* esse *eo modo pingere* et *canere*, quo *boni pictores pinxissent*, *boni cantores cecinissent*, an ille crederet, me explicasse ejusque quaestioni satisfacisse? nonne potius, se a me ludibrio habitum esse? Pergeret enim quaerere, quinam essent boni pictores et boni cantores, cur ita vocarentur, quo modo quibusve ex regulis pinxissent ac cecinissent, et cur illorum imitatio pro arte bene pingendi canendique haberi deberet. Ita, qui breviter respondit, *bene latine scribere* esse *more priscorum Latinorum scribere*, is nondum satis respondit: suboritur enim alia quaestio, quare ista ipsa priscorum Latinorum imitatio pro arte bene latine scribendi habenda sit, et quibus rebus haec ars, haec scientia, proprie consistat. Videamus itaque, an alia via, eaque certiore, istam rem expedire ac simul stilum bene latinum, qui multis hodie sordet a contemptu, quem propterea, quod vocabulis meris constare vulgo creditur, praeter dignitatem patitur, vindicare queamus.

Quemadmodum hodie omnes scriptores vernaculi *theodisce* quidem, at non omnes *bene theodisce*, et omnes scriptores francici *francogallice* quidem, at non omnes *bene francogallice* scribunt, ita scriptores latini, qui in Italia, in Latio, Romae, in Hispania etc. vixerunt, etsi omnes *latine*, tamen non omnes *bene latine* scripsere. Qua de re nullam dubitationem inter eruditos esse certum est. Quaeramus igitur, quid sit *bene latine scribere*, ut et de priscais illis Romanis et de iis, qui recentioribus temporibus bene latine scripsisse vel adhuc scribere creduntur, recte judicare, atque ita, quid nobis, si quidem hujus artis vere cupidi simus, fugiendum, quid sequendum sit, scire queamus. Quaeramus vero potius ante, quid sit *bene scribere*: deinde sponte sequetur,

quid sit *bene latine scribere*. Qui enim *bene scribendi* peritus est. is postea *bene francogallice*, *bene latine*, *bene theodisce* etc. scribere facillime potest, si quidem istas linguas callet: quemadmodum, qui *bene canere* scit, is *omnibus linguis*, si earum cognitione iusta instructus est, *bene canere* sciat necesse est. Nempe ego puto, in hac formula, *bene latine scribere*, vocabulum *bene* non ad τὸ *latine*, quod vulgo perperam consuetudine decepti faciunt, sed ad τὸ *scribere* pertinere, ac proprie ita jungi verba debere: *bene scribere latine*, h. e. *bene scribere, idque latina lingua*. Qui vocabulum *bene* cum τῷ *latine* conjunxerunt, in hunc simul deinde errorem, ut fere necesse erat, inducti sunt, ut crederent, *bene latine scribere* non nisi vocabulis eorumque compositione quadam contineri.

Bene scribere et dicere (nam *scribere et dicere* hic pro eadem re habeo; ut jam supra monui, quoniam, qui *bene dicere* potest, is scit quoque *bene scribere*, et contra), est ubique et *perspicue*, et *suaviter*, et, si quidem opus, simul *graviter scribere et dicere*, uno verbo, *eloquentem esse*. Eloquentia enim est facultas de re *perspicue*, *suaviter*, et *graviter, dicendi* (et *scribendi*). *Perspicue*, ut facile intelligaris ab auditoribus et lectoribus; *suaviter*, ut libenter atque ita attente audiaris vel legaris; *graviter*, ut rei, quam tractas, magnitudo sentiat. Addunt nonnulli *copiose*: at equidem justam, ut *brevitatem*, ita *copiam dicendi* potius habuerim pro subditiis primariarum eloquentiae virtutum, perspicuitatis, suavitatis, gravitatis. Cicero quidem Or. 21 ab eloquentē postulat, ut *probet* (s. persuadeat), ut *delectet*, ut *flectat*. At, quod ille per *probare* intelligi vult, id ego per *perspicuitatem dicendi* intelligo, quod facile patebit; ut adeo res eodem redeat. Quemadmodum igitur nemo *bene scribit*, nisi eloquens, ita *bene latine scripserunt* e priscis Latinis non nisi eloquentes, ut Cicero, Caesar, Livius, Virgilius, Ovidius etc. Hi itaque *boni scripto-*

scriptores dicendi: nam fuerunt *eloquentes*, licet orationibus habendis non omnes operam dederint. Potuisse tamen Livium, Virgilium, Ovidium etc. egregias orationes scribere, quis in dubium vocaverit? Omnis ergo *bonus historicus* est eloquens, quia perspicue, suaviter, graviterque narrat: Omnis *bonus poeta* est eloquens ob eandem perspicuitatem, suavitatem, et gravitatem dicendi: sic et omnis bonus Comicus etc. Iam, si omnes eloquentes Romani, h. e. qui ubique perspicue, suaviter, et, ubi opus, graviter dixere et scripsere, si, inquam, hi omnes fuerunt *boni scriptores, beneque latine scripserunt*: sequitur, *primum*, hanc laudem in primis in scriptores aureae aetatis, quae dicitur, cadere, quia hac aetate eloquentiae studium ob commoda publica regnabat; *deinde*, Ciceronem horum omnium optimum scriptorem fuisse, h. e. horum omnium *optime latine scripsisse*, quia omnium Romanorum eloquentissimus fuit, h. e. omnes Romanos et in dicendo et in scribendo perspicuitate, suavitate, ac gravitate dicendi vicit.

Ergo et hodie *bene latine scribere* s. *stilo bene latino uti* est in latine scribendo ita *versari*, ut perspicue, suaviter, graviterque scribas, uno verbo, *latine eloquentem esse*. Et quia hoc vulgo placet (cui enim haud placet eloquentia?), propterea vocatur etiam a nonnullis *pulchre latine scribere*: id enim cuique pulchrum est, quod ei placet. Quia porro, si perspicue, suaviter, graviterque dicere ac scribere cupis, non promiscue proferendum est, quidquid in mentem vel buccam venit, sed diligenter *eligenda* sunt ea, quae istam perspicuitatem, suavitatem, ac gravitatem omnium optime adjuvent, v. c. aptae venustaeque sententiae, apta ac firma argumenta, testimonia, aptae similitudines, apta verba, aptus et concinnus eorum ordo, apti tropi atque figurae; hinc quoque *eleganter latine dicere ac scribere* a nonnullis non male vocatur. Nam *elegantia*, h. e. der Geschmack, cernitur in eo, si in dicendo ac scribendo inter multa, quae

poni poterant vel poni posse videbantur, optima et aptissima quaeque iudicii subacti ope *eligimus*. Hinc *elegantia* *) a Cicerone tribuitur et philosophis, quia hi in rerum explicatione ac partitione verba aptissima, h. e. maxime perspicua, atque ordinem aptissimum, *eligere* ac sequi debent, et omnino omnibus scriptoribus, licet non *copiose* scribant, dummodo apte rem enarrent atque explicant. Interdum enim materia, quia est vulgaris, exilis, nota, non admittit *copiam dicendi* vel *gravitatem*, estque talis, ut eloquentissimus, si velit copiose vel graviter dicere omniaque ornamenta oratoriae artis adhibere, ridiculus et absurdus fiat. Interdum etiam brevis perspicuitati, itemque suavitati et gravitati, melius servit, quam copia. Manifestum vero est, *τὸ pulchre et eleganter scribere* non ad verba per se, sed ad notiones ideasque in iis latentes, harumque aptam compagem et

con-

*) *Elegantia* proprie est, quando in omnibus, quae vel agimus vel dicimus ac scribimus, optimum quodque *eligimus*, atque ita ubique aptissimum quodque agimus, dicimus, scribimus, v. c. qui domum sibi aedificat, omnesque ejus partes ita instituit, digerit et instruit, ut ipsius commoditati ac simul pulchritudini optime serviant, is, licet sumptibus, quantum fieri potest, diligenter parcat, nec magnificentiam proprie adhibeat, tamen *elegans* in aedificando dici potest. Et sic Nepos de Attico c. 13. *elegans, non magnificus: splendidus, non sumtuosus, omni diligentia munditiem non affluentem affectabat*. Neque tamen hinc sequitur, qui per majores sumtus et cum majori magnificentia domum suam aequè commodam ac pulchram sibi reddere velit, eum non *elegantem* esse. Uterque est *elegans*: ille per minores, hic per majores sumtus: ille sine magnificentia, hic cum ea. Sic, qui rem vulgarem vel talem, quae animos non commovere debet ac potest, sed tantum, ut nota fiat, memoranda est, refert, is, licet non copiose, non graviter, narret, tamen *eleganter*, h. e. apte, narrat. Hinc Caesaris Commentarii recte dicuntur *eleganter* scripti: omnia enim dixit, e quibus res suae gestae earumque ratio perspicui posset. Sic et Nepos, Terentius, *elegantes* scriptores. Nec tamen hinc sequitur, qui in dicendo copia ornatuque verborum utatur, quod Cicero fecit v. c. in Manliana etc., eum propterea non esse elegantem. Cicero fuit elegans cum splendore et copia verborum, Caesar fuit elegans sine ea.

constructionem seu contextum pertinere. Quemadmodum vero haec tria, *bene latine scribere, pulchre latine scribere, eleganter latine scribere*, plane eadem sunt, ita possit quoque forsan pro iis dici *subtiliter latine scribere*: quia *subtilitas dicendi scribendique* in eo consistit, si ita dicis ac scribis, ut nil vitii (scil. non modo contra linguam, sed etiam contra eloquentiam) committas. Iam, si quis ubique perspicue, suaviter, et, ubi simul opus, graviter scribit, hancque in rem non nisi aptis argumentis, eorumque iusta tractatione et exornatione, aptis testimoniis, similitudinibus, vocabulis, eorumque iusto ordine, aptis tropis, figuris, aptaque et brevitate et copia utitur, atque ita nihil vitii contra eloquentiam committit, nonne is *subtiliter*, h. e. recte eleganterque, scribere dicendus est? Hinc *subtilitas scriptorum* laudandi causa a Cicerone dicitur et cum *elegantia* conjungitur ad Div. IV, ep. 4 §. 2 *facile*, inquit, *cedo tuorum scriptorum subtilitati et elegantiae*. Sic Cicero Or. II, 7 cui (Catulo) non solum nos latini sermonis, sed etiam Graeci ipsi solent suae linguae subtilitatem elegantiamque concedere. Sic et *subtilis* ab eodem dicitur Q. Scaevola, magnus ut Iureconsultus ita Orator, Or. I, 39 homo omnium et disciplina juris civilis eruditissimus et ingenio prudentiaque acutissimus et oratione maxime limatus atque subtilis, atque, ut ego soleo dicere, juris peritorum eloquentissimus, eloquentium juris peritissimus etc. it. Brut. 9 Lyfias dicitur *subtilis et elegans scriptor*, quem jam prope audeas oratorem perfectum dicere. Quia tamen Cicero, in usu nonnullorum vocabulorum interdum forsan inconstantior vel incertior, Orat. 23 *subtilitatem orationis de Attico dicendi genere*, hoc est, ut ille explicat, *submisso, humili, tenui usurpat*, eique grandiore et plenior vocem opponit in Brut. 84; atque ita *copiam dicendi*, in qua Cicero, nondum oblitus copiae Asiaticae, summam eloquentiam ponebat, illi *subtilitati* opponit: ego, qui mihi persuaferim, ut omnem eloquentiam, ita copiam dicendi, sed

justam

justam aptamque, ad stilum bene latinum pertinere, nondum audeo *subtilitatem latine dicendi scribendique cum arte bene, pulchre, eleganter dicendi scribendique* commutare.

Iam, uti e supra dictis luculenter patet, neminem posse bene latine scribere, qui non sit orator vel eloquentia instructus, ita certum est, quotquot bene latine scribendi laude recentioribus temporibus inclaruerint, quales esse scimus Politianum, Bembum, Graevium, Gesnerum, Ernesti etc., eos omnes hanc laudem non vocabulis meris e Cicerone sumtis inque ordinem pro libidine redactis, quod imperiti credunt, sed eloquentia latine declarata sibi comparasse. Hinc etiam sequitur, qui bene latine scribendi cupidus sit, eum eloquentiae magnopere studere debere; quique alios cum vera utilitate velit docere bene latine scribere, eum illos ad eloquentiam simul ducere debere. Quae si deest, stilus quoque bene latinus deest. Sponte quoque intelligitur, *stilum bene latinum* non meris vocabulis, licet sint exquisitissima habeantque speciem suavissimam, posse consistere. Nam eloquentia non mera verba tractat, more Lexicographi aut Grammatici vulgaris. Etsi enim verbis, per quae notiones ac sententiae verae et pulchrae explicentur, opus quoque esse per se intelligitur, quia hae sine illis apparere et cognosci nequeunt: tamen verba per se et extra istarum notionum et sententiarum compagem ac contextum nil pulchritudinis, nil elegantiae, habere possunt. Lapidem ipsi non sunt pulchri, at pulchritudini domus, quae inde construitur, serviunt: domus proprie tantum pulchra est. Pulchra verba, si quidem verbis pulchritudinem tribuere licet, ut equidem fere dubitaverim, nulla alia queunt esse, quam quibus pulchrae aptaeque sententiae notionesque declarantur. At istae notiones singulae sunt partes totius. Omnium partium pulchritudo nititur earum apta compage. Quae si dissolvitur, partes desinunt esse pulchrae. Ergo interrupta notionum singularum seu verborum singulorum
(nam

(nam verba et notiones sunt eadem res) conjunctione, disfoluto eorum ordine, omnem relationem atque ita omnem pulchritudinem, quia haec ex illa relatione pendet, perire quis non videt? Nullum profecto vocabulum per se et extra relationem conjunctionemque pulchrum et elegans est, nec aliud alio pulchrius vel elegantius dici per se potest *). Omnis pulchritudo, omnis elegantia singularum notionum et vocabulorum pendet a contextu; cui interdum vocabulum parvum, vulgare, ac minus sonans, melius convenire potest, quam phrasis longa, vocabulum longe petatum, et sonantius: ac tum illud est pulchrius et elegantius, h. e. aptius perspicuitati, suavitati, ac gravitati. Nam ad has tres eloquentiae virtutes semper respicere debet et dicens et scribens. Errant igitur valde tirones (quamquam praeter culpam, quia ab aliis ita audivere), cum pro vocabulo quodam, quod iis contemptu dignum videtur, quia notum et vulgare est, licet ideam, quam exprimi volunt, egregie exprimat, aliud quaerunt, idque, ut opinantur, melius, nulla habita contextus ratione: cum tamen hoc vocabulum *melius* saepe sit stultius contempto. Est vero etiam solis luce clarius, artem bene latine scribendi, cum eloquentia manifeste contineatur, ab eaque non differat nisi nomine, non pro re vulgari et contemnenda, sed pro praeclara et laudabili, habendam. Quis enim laudem eloquentiae non appetat? quis non amet ipsam et admiretur? quis nolit perspicue, suaviter, graviterque dicere ac scribere? quis non alios saltem, si ipse non possit, et ita dicere libenter audiat et ita scribentes libenter legat? Patet vero etiam ex eo, artem

*) Doleo hic, magnis viris, in his *Moshemio* ad Folietam, *Gesnero* ad Heineccium, *Ernestio* in Clave Cic. et Init. rhetor. accidisse, ut interdum ita loquerentur, quasi credidissent, in singulis verbis nonnullis per se elegantiam inesse, dicentes, hoc vel illud verbum esse *elegans*, seu *eleganter* dictum. Forasan contextum simul cogitabant istud scribentes, vel more vulgari abripi se patiebantur. Monendi de hac re tirones erant, ne tantorum virorum auctoritate abuterentur.

artem bene latine scribendi pro re difficili habendam esse. Sensit hoc ille Taubmannus, quando in disert. de ling. lat. p. m. 68 dixit, *facilius esse in triplici Facultate doctorem hodie fieri posse, quam orationem latinam aut Ciceronianam elaborare.* Quid enim primum, quaeso, difficilius est *perspicuitate*? qua tamen nemo carere potest, quaecumque cum homine colloquatur, ac ne agricola quidem aut opifex, quando v. c. cum suis liberis colloqui, iis vel aliis aliquid narrare, quando liberos suos hortari, rogare, vult etc. Multi, licet per omnem vitam illi studuerint, non potuerunt tamen eam prorsus consequi. Cicero quidem, qui ei per totam vitam sedulo dedit operam, non tamen interdum obscuritatis cujusdam speciem ac crimen effugere potuit. Quis vero nescit, neminem posse de re perspicue dicere vel scribere, nisi ipsam distincte et omnibus ex partibus cogitet, planeque intelligat, atque ita omnia argumenta, testimonia, similia, quibus illa certissima et clarissima reddi possit, non modo egregie sciat, sed etiam inde, quae quoque loco aptissima sint, acute eligat. ac pro auditorum ac lectorum conditione, captu, et gustu, saepe valde inter se diverso, explicet, et verba aptissima, h. e. ea, quae istam perspicuitatem omnium optime gignere possint, eligat, aptissimoque, h. e. perspicuitati maxime serviente, ordine collocet? Quid deinde difficilius est, quam *suaviter* dicere ac scribere, h. e. ita, ut libenter cupideque audiaris ac legaris? Nonne hic opus est, primum nosse, quibus rebus lector et auditor delectari soleat, ut earum ope et ad persuadendum ei et ad ipsius animum commovendum uti apte ubique possis, in eamque rem delectum posse habere argumentorum, testimoniorum, similitudinum, ut neque nimis multa, neque nimis pauca, neque nimis vulgaria et nota, neque nimis abstrusa et incognita proferantur; deinde et in illis proferendis et in verborum maxime usu apte variare, in primisque troporum et figurarum aptarum

aptarum suavitate, sententiarum ingenium non vulgare spirantium acumine, antithetis, itemque tum perspicuitate, qua ipsa nihil suavius est, tum declaranda modestia ac probitate auditores lectoresque allicere, cupidosque plura cognoscendi reddere? Quid denique difficilius est, quam *graviter* dicere ac scribere, h. e. ita, ut auditor et lector rem non tantum plane intelligat, sed ejus quoque magnitudinem sentiat, eaque moveatur? Hic in scribendo, quia vocis et gestuum nullus usus est, maior deprehenditur difficultas, quam in dicendo. Nititur vero ista gravitas dicendi in primis argumentorum et exemplorum justa tractatione et exornatione, ut pondus illorum appareat; deinde similitudinibus et descriptionibus rerum, hominum, in primisque permotionum animi, aptis et vividis; praeterea vi troporum, interdum audaciorum, figurarum gravitate, ac verborum apta, concinna, numerosaque structura.

Tres itaque primariae sunt virtutes, ut eloquentiae, ita stili bene latini, *perspicuitas*, *suavitas*, et *gravitas*. Cetera omnia, quae vulgo ad eloquentiam referuntur, possunt satis commode illis subjici ac pro rivis ac rivulis haberi, qui se, quasi in amnem, ita in unam harum trium virtutum exonerent, h. e. ad non nisi adjuvandas et amplificandas illas pertineant. Orator et scriptor primum id agit, ut persuadeat lectori et auditori, h. e. efficiat, ut lector et auditor rem firmiter ac sine ulla dubitatione credat proque vera habeat. Hinc debet rem ejusque veram naturam et conditionem maxime perspicuam reddere ac fere oculis legentium et audientium subjicere. Id quod in primis sit argumentorum bene inventorum recta tractatione et verborum delectu atque ordine. Debet deinde etiam saepe graviter dicere ac scribere, h. e. ita, ut auditor et lector rei magnitudinem sentiat, eaque moveatur, inflammetur etc. Debet vero etiam in primis suaviter dicere, h. e. ita, ut placeat. Nam si orator vel scriptor non placet, frustra tentat persuadere

dere ac movere; auditor vel lector non attendit, ac ne vult quidem audire vel legere. *Perfpicuitas* igitur reddit auditores lectoresque *certos*, *fuavitas* *attentos* audiendique vel legendi *cupidos*, *gravitas* denique *com-motos* et *incitatos*.

Ceterum, quemadmodum rem prius cogitamus, quam eloquimur, atque ita prius ad cogitandum, quam ad dicendum scribendumque, accedere debemus, sic certum est et indubitatum, rem, nisi antea *bene* ac *pulchre* cogitata sit, non *bene* ac *pulchre* *exprimi verbis* posse. Verba enim sunt tantum echo, color ac vestis cogitationum. Cum vero, ut Boilavius recte dixit, nihil tam pulchrum sit, quam veritas, vel potius nihil pulchrum esse queat, si veritate careat: sequitur, ut, qui *bene pulchreque* cogitare velit, antea *vere recteque* cogitare discat. At vere cogitare, h. e. rerum veras notiones tenere atque deinde apte, h. e. ita, ut singulae singulis conveniant, conjungere, est non nisi philosophi, h. e. viri investigandis et cognoscendis omnium rerum causis, imo harum causarum causis, diu affueti. Hinc patet, necesse esse, is, qui *bene latine scribere cupiat*, praeter felix ingenii acumen (oratores enim et scriptores boni nasci debent ut poetae), ac praeter magnam accuratamque multarum rerum et causarum cognitionem, mature mentem attentione diligentissima, longissima exercitatione, ac recto Logices studio sub bono subtilique magistro acuerit et subegerit. Ac cum *recte cogitare*, de quo hodie in Logicis, et *recte dicere ac scribere*, de quo hodie in Rhetoricis traditur, tam arcte cohaereat, ut animi et corporis vinculum vix arctius esse possit: miror, nostra aetate Rhetoricen et Dialecticen seu Logicen divisas ac sejunctas a se invicem esse, et alteram plerumque sine altera doceri, cum tamen altera alteram adjuvare sororio nexu debeat, et altera sine altera mortua fere atque inutilis sit: miror cum Quintiliano, perito huius rei arbitro, philosophorum nonnullos arte cogitandi ita se jactare, ut
prae

prae ea artem dicendi scribendique contemnant, et pro nugis ac paene pro quisquiliis habeant (haud dubie quia eam vocabulis constare opinantur); nec perpendere, cogitata, licet subtilissima sint, tamen nihil prodesse, nihil efficere, nisi in vulgus prodeant verbis, tanquam veste, induta et ornata; miror vero etiam, permultos eorum, qui viam ad bene dicendum scribendumque se monstrare aliis profiteantur, et eloquentiae sive theodiscae sive latinae praecepta tradant, sententiarum et notionum ipsarum immemores in verbis tantum eorumque pulchra, quam vocant, vel potius affectata, compositione ac structura, commutatione, sono etc. saepe haerere, nec considerare, cogitationum prius esse habendam rationem, quam verborum, quippe quae ad illas demum se accommodare, illas vestire, ac bene vestitas ornatasque in lucem et conventum hominum producere, atque ita illis hominum favorem, amorem, admirationem ac vim omnem, v. c. persuadendi, movendi, conciliare debent. Verba sine ulla sententia sunt vestis sine corpore. Verba exquisita, ornata, ut loquuntur, et sonora, sed cogitationes stultas et nimis vulgares plebejasque exprimentia, sunt instar vestis pulcherrimae omnibusque ornamentis oneratae, quae corpus hominis stulti, vulgaris, vel ridiculi tegit.

Priscis temporibus sapientes seu philosophi erant iidem oratores vel eloquentes: putabant tum, neminem posse melius de re dicere, quam qui plane eam intelligeret. Et Cicero utramque artem conjunxit, utraque se exercuit; atque hoc modo magnus orator factus est. Profitetur ipse, philosophiae se debere illam suae eloquentiae copiam, non magistris eloquentiae. Vid. v. c. Orat. 3 ff. Et quamquam academicam sectam proprie intelligit, tamen non video, cur non omnis philosophia, modo recte discatur, idem efficere queat. Philosophia et eloquentia sunt duae sorores sibi simillimae ac fere eadem: nec male Zeno ille alteram cum altera ita

comparavit, ut diceret, *philosophiam esse instar manus in pugnum compressae et complicatae; eloquentiam instar manus explicitae et dilatatae*, h. e. utramque non nisi hactenus differre, ut illa brevius, haec copiosius et ornati-
 tius, eandem rem explicaret et exprimeret. Audiamus de hac re Ciceronem Orat. 32 in. ita loquentem et judicantem: *Esse igitur perfecte eloquentis puto, non eam solum facultatem habere, quae sit ejus propria, fusa late-
 que dicendi, sed etiam vicinam ejus atque finitimam Dialecticorum scientiam assumere. Quamquam aliud videtur oratio esse, aliud disputatio; nec idem loqui esse, quod dicere: attamen utrumque in disserendo est. Disputandi ratio et loquendi Dialecticorum sit: Oratorum autem dicendi et ornandi. Zeno quidem ille, a quo disciplina Stoicorum est, manu demonstrare solebat, quid inter has artes interesset. Nam, cum compresserat digitos, pugnumque fecerat, Dialecticam agebat ejusmodi esse: cum autem diduxerat et manum dilataverat, palmae illius similem eloquentiam esse dicebat. Atque etiam ante hunc Aristoteles principio artis rhetoricae dicit, illam artem quasi ex altera parte respondere dialecticae; ut hoc videlicet differant inter se, quod haec ratio dicendi latior sit, illa loquendi contractior.* etc. Vere utique, praeclare ac sapienter. Hinc, subtilitatem et philosophis et oratoribus tribui apud Ciceronem, quis in tanta illorum similitudine miretur? Quis adeo dubitet, quin, ut oratores, ita quoque philosophi eadem de causa elegantes dici recte queant? Eodem pertinet quoque nobile illud Horatii dictum Art. 309.

Scribendi, recte sapere, est et principium et fons. Add. Cicero Orat. 21 sed, praeclare inquires, *est eloquentiae, sicut reliquarum rerum, fundamentum sapientia*, h. e. *philosophia*, non illa quidem in compendiis vulgaribus nitens et ex his ducta, sed vera, h. e. subtilis et ampla cognitio rerum humanarum et causarum, unde illae oriuntur, itemque animorum humanorum ac simul causarum, quibus ii ducuntur: quo pertinent quoque causae cau-
 sarum

farum tam longa serie ductae, quam mentis humanae vis et acies perferre potest. Sed jam Quintiliani tempore studium philosophiae a studio eloquentiae sejungi coeptum esse patet ex illius hac de re querelis in principio Institutionum. Ceterum, quae hic de stilo bene latino seu arte bene latine scribendi ejusque fontibus et conjunctione cum eloquentia et philosophia dixi, eo minus nova esse patet, quo certius mihi videtur, omnes philologos, quotquot fuerint vel adhuc sint, de stilo bene latino idem sensisse ac sentire, licet ea de re mentem suam non declaraverint.

Ex his vero omnibus, quae hactenus disserui, quodam modo apparet, cur numerus eorum, qui bene latine scribant, hodie sit tam exiguus, ac forsan superiori seculo fuerit, neque vero etiam major esse possit. Accedunt vulgo ad hanc artem sine philosophia, atque adeo sine eloquentia. Quod quid aliud est, quam volare sine alis, curru vehi sine equis? Volunt antea recte beneque scribere, quam recte beneque cogitare sciant: volunt antea scribere, quam, quod scribant, habeant et, quid scribant, sciant. Quid aliud facere possunt, quam ut vocabula, utcumque lecta, intellecta, collecta temere confarcinent, ac centonem miserabilem nusquam sibi constantem exhibeant? Debebant per lectionem Ciceronis aliorumque priscorum, qui ob artem recte pulchreque cogitandi, dicendi ac scribendi, in scholis leguntur, certe hoc consilio, nec propter vocabula, legi debebant (saltem haec erat majorum sententia, cum istam lectionem scholis mandarunt), debebant, inquam, per istam priscorum, in primis Ciceronis, lectionem eloquentes ac philosophi fieri, h. e. discere recte pulchreque cogitare ac scribere (ut virtutum exempla et praecepta inde petenda taceam): sed fiunt per istam lectionem plerumque non nisi aucupes vocabulorum et venatores elegantiarum mirabilium ac fictarum, quas in vocabulis rarioribus et abstrusis, participiorum congeries

aliisque rebus minutis ac somniis, more plebeculae, quaerunt, et thesauris istis magis, quam avarissimis suis, se jactant. Debebant totum Ciceronem, h. e. ejus eloquentiam philosophia nixam, imitando exprimere. Sed, ut illum totum recte atque ordine imitari possent, debebant antea eum totum recte atque ordine intelligere, h. e. ita, ut in singulis versibus, singulis sententiis ac verbis, accurate et cum animi firma persuasione scirent, quid sibi illa vellent, quid Cicero iis dicere debuisset aut voluisset, cur isto nec alio modo locutus esset, cur ita loqui debuisset, cur modo latius modo brevius, cur circumscriptione, cur hac vel illa connexionione vel collo- catione verborum usus etc. Debebant singulas partes, etiam minutas, quibus eloquentia Tulliana constat, et quae non statim in oculos incurrunt, atque, ut ita di- cam, singula ejus lineamenta accurate nosse ante, quam imitari tantum virum sustinerent. Cum imitatore Ci- ceronis aequae se res habet ac cum pictore. Pictor os vultumque hominis recte exprimere et ex animali exem- plo veritatem in mutum simulacrum transferre cupiens debet cognitione corporis humani levi ac vulgari mi- nime contentus esse, sed potius singulas partes, vel mi- nimas, singula lineamenta quam accuratissime et dili- gentissime nosse. Accedunt aliae causae permultae et internae et externae: peccatur enim, ut aliis in rebus, ita in hac intra et extra Ilium, ut sic loquar. Pertinet huc in primis, quod vulgo contemnitur a magnis viris eruditionis laude florentibus ars illa bene latine scribendi: qui contemptus, omni fere aetate usitatus (queruntur de eo v. c. Taubmannus in dis. de lingua lat.; Gronovius in praef. ad scriptt. eccles.; Gesnerus etc.), inde forsan ortus est, quod vulgo crediderunt, *la- tine scribere esse vulgaria vocabula nosse, et e regulis vul- garis Grammatices componere*; atque ita, *bene latine scri- bere esse nihil aliud, quam pro vulgaribus vocabulis Cice- roniana sumere et haec obscuriori ratione componere.*

Hinc

Hinc ortum est nomen Verbalistarum, h. e. *Worthraemer, Wortklauber, Sylbenstecher*, qui scilicet non nisi verba tractarent et venderent, atque in iis et syllabis haerent. Audiunt hoc nimirum adolescentes: nec deinde, ut necessario fit, putant, in tam levi, vulgari, inani, nugatoriaque re tantopere elaborandum nervosve intendendos esse. Huc accedit, quod non magna praemia iis proponuntur, qui istam artem callent. Hinc et ejus studium in discipulis frigeat necesse est, quos taedet pigetque in re tam parum lauta, tam parum honorifica, desudare, et viros ipsos non mirum est deficere, qui illa arte rite instructi alios eo ducere cupiant huncque instituendi laborem tolerare sustineant. Quare fiat necesse est, ut munus officiumque adolescentiae viam ad bene latine scribendum monstrandi, quod tolli tamen nemo plane vult, iis obtingat, qui hanc artem atque simul scientiam priscos rite et cum sapientiae gustu interpretandi, ex qua illa fluit, non satis teneant, et ad ista tam tenuia praemia suum laborem operaeque utilitatem accommodent. At, si istis viris istius artis praeclare peritis caremus, omnes regulae ac methodi, quae traduntur, etiamsi pulcherrimae sint, et omnia consilia, quae dantur ad facilius et breviori tempore addiscendam latine scribendi artem, frustra sunt. Romae tempore Ciceronis eloquentia sponte colebatur, quia magna inde praemia, magni honores, expectari poterant; et magnus ibi magnorum oratorum numerus erat, licet nulla methodus illam discendi praescripta esset. Nec Roma Ciceronem nec Graecia Demosthenem tulisset et habuisset, nisi hi praemiis laudis et honoris ad istud studium eloquentiae acerrimum invitati essent. Praemia sponte incitant studium et inflammant, efficiuntque magnos viros: et magni viri deinde ipsi methodos aptissimas viasque brevissimas facillime inveniunt. Methodi praescriptae omnes cogunt quodam modo: et omne coactum restringit retardatque ingenium ac studium

dium in animis generosis: ut taceam, non omnes methodis ab alio praescriptis aptos esse, at aptissimos iis, quas sibi ipsi praescripserint: praesertim cum nihil facilius sit, quam in re, quam recte intelligis, tradenda methodum felicem sponte invenire; et contra nihil difficilius, quam rem, quam non satis calles, aliis recte tradere, licet optimam methodum sequaris.

SECTIO IIII

Summa hujus libelli.

Ut in toto hoc libello omnia praecepta bene latine scribendi ita instituimus, ut ubique eloquentiae, h. e. artis perspicue, suaviter, graviterque dicendi, rationem haberemus, sic illum in *duas partes* descripsimus, quarum *prior*, quasi praeparatoria, de verbis per se eorumque vera scriptura, vero usu, ordine, variatione s. commutatione, itemque de dicendi copia et brevitate exponit; *posterior* tres primarias eloquentiae virtutes ipsas, perspicuitatem, suavitatem, et gravitatem, tractat; quibus denique paucula de subsidiis, elaborationibus etc., subiecta sunt.



PARS PRIOR

EAQUE PRAEPARATORIA DE VOCABULIS IN GENERE

QUATENUS SUNT INSTRUMENTUM ELOQUENTIAE

DEQUE EORUM SCRIPTURA, USU, ORDINE, VARIATIONE COPIA ET BREVITATE

CAP. I

DE ORTHOGRAPHIA, S. VERA SCRIP TURA VOCABULORUM

SECT. I

Orthographia est una.

O *orthographia*, h. e. *vera literas et vocabula scriben-
di ratio*, una sit necesse est: quia omnis veritas
est *simplex*. Non igitur *Orthographia* proprie
potest esse varia, ac duplex, sed scriptura: h. e. alii hoc
alii alio modo scribere possunt vel solent. Perperam
ergo nonnulli de vocabulo, quod dupliciter scribi solet,
v. c. *causa* et *caussa*, *genitrix* et *genetrix*, *cocus* et *coquus*
etc., ita loquuntur: *Utraque orthographia vera s. recta*,
vel *tolerabilis* est? it. *quaeritur*, *utra orthographia rectior*
sit; tanquam *orthographia* sit in universum *scriptura* s.
scribendi ratio quaelibet. Hoc nil aliud est quam dice-

re: *quaeritur, utra veritas sit verior.* Debebant dicere: *quaeritur, utra scriptura sit verior s. rectior.*

SECT. II

Orthographia est commendanda.

Quamquam per se non magni refert, utrum adolescens hoc an alio modo scribat vocabula, dummodo plurium exemplum sequatur, quia intelligentes in iudicando stilo non spectant, quali quisque scriptura usus sit, sed quam praeclare cogitaverit, quamque praeclare cogitata verborum delectu et conjunctione expresse- rit: tamen, quia omni vitio, quamvis sit levius, vacare sapiens cupit, et orthographiam negligens semper aliquid vitii committit, non inutile putamus, paucula de orthographia hic dicere, praecipue, ut adolescens sponte de ea iudicare discat, nec aliorum exemplum in illa tantum sequi cogatur, sed suum ipsius consilium sequi possit.

SECT. III

Quae sit regula orthographiae.

Sicut omne *rectum* nititur certis regulis, ad quas illud examinari debet, v. c. *recte canere, recte saltare* etc. e regulis canendi, saltandi, iudicatur: sic, si de recta vocabulorum scriptura s. orthographia iudicare velis, certam regulam, ad quam illa exigenda sit, esse debere patet. Sed, quatenus illa sit, non inter eruditos convenit. Aliis est *scribendi usus priscorum*; aliis *scriptura codicum, numorum, lapidum*; aliis *etymologia cum analogia et testimoniis priscorum*. Quaeramus, quatenus harum sententiarum praeferenda videatur. Quaeritur ergo

I) *primum*, an *scribendi usus* s. *scriptura*, quae apud *priscos* obtinuit vel obtinuisset videtur ac creditur, pro certa regula nostrae scripturae habenda sit. Valde fallax est haec regula. Nam a) *primum* non negandum est, istum scribendi

scribendi vocabula usum in plerisque vocabulis incertum esse, quia neque manus ipsorum veterum scriptorum adhuc habemus, e quibus, quomodo singula verba scripserint, cernere liceat: nam codices scripti non attingunt ista tempora; neque ipsi prisci nos de sua scriptura satis docuerunt. —: Loquor autem hic de priscis ipsis scriptoribus, ut de Caesare, Cicerone, Livio etc., non de grammaticis, multo recentioribus, licet et hi interdum *prisci* appellentur. — b) deinde, etiamsi eorum usum et scripturam sciremus, tamen haec non posset esse regula certa, quia tam varia fuit, ut alii hanc alii illam scripturam amplexi sint, prout aut pronuntiationem aut etymologiam aliamve causam sequendam putarent; atque ita nos dubios reddunt, utram sequi debeamus. Illud non modo e priscis ipsis apparet; v. c. Quintil. docet, sua aetate scripsisse multos *set*, *aput*, *Alexanter* etc.: Cicero ait, se propter aures aliorum, ac quia alii ita scribant, scribere *pulcher* pro *pulcer*: sic alii *optumus*, *maxumus* etc.; alii, in his Caesar, *optimus*, *maximus* etc.; sic et *decimae* et *decumae*; sic alii dativum quartae decl. *ui*, v. c. *fructui*, alii, ut idem Caesar, *u* terminabant etc.: sed etiam ex analogia aliarum linguarum valde probabile ac credibile est. Omnibus in linguis vivis varietas scripturae deprehenditur, quia alii pronuntiationem, alii etymologiam vel veram vel opinatam, aliamve causam sequuntur. In vernacula v. c. sunt, qui *Pabst*, *Hertz*, *starck*, *Haeuchler*, *Schmaeuchler*, *Freundin*, *dies*, *Raezel*, scribunt, ubi alii *Papst*, *Herz*, *stark*, *Heuchler*, *Schmeichler*, *Freundinn*, *dieß*, *Raethsel* etc. malunt. Haec varietas non hodie tantum post inventam artem typographicam adhuc regnat, sed ante illam multo magis regnavit. Scribebant tum plerumque, prout pronuntiabant; ac, quia pronuntiatio non eadem erat, non eodem modo scribebant; ac saepe litteram ponebant, quae iis in mentem prius veniebat. Exemplum huius rei dabo ex Chron. Luneburg., a Cel.

Eccardo inter plura ejusmodi opuscula edito. Hic inter alia innumera occurrit p. 1315 *und e marterete ac manigen guden Man, de ime nicht volgenne wolde*, h. e. e nostra scriptura: *er marterte auch manchen guten Mann, der ihm nicht folgen wollte* etc.; ib. occurrit *Riddere pro Ritter, equites; Brot, Hant*, et pro *Magd*, i. e. *virgo*, modo *Maget* modo *Maged*. Sic *Magdeborch, Magdeburch, Maideburch* pro *Magdeburg*. Et in Cod. regio ibid. annexo pro *Erzbischofthum* est *Erzſchebysdom*, et pro *Erzbischof* est *Erthebiscoph, Erthzebiscoph, Erthenbiscopf*. Quis ex istis scripturis, saepe imperitiam sapientibus, regulam recte scribendi extundat? Nemo hinc veram scripturam conjiciat, nisi etymologia vocabuli adjuvetur. Eodem modo priscos variasse non mirum est. Alii scripsere *genitrix* ob etymologiam a *genitum*, alii *genetrix*, v. c. Burm. et Cel. Heyn. in *Virg.*, quia est in codd.; sic alii *labſus, scribſi*, ob etymolog.; alii *lapiſus, ſcripſi* etc.; sic scribitur *coquus* et *cocus*, *haut* et *haut*, utrumque forſan ob pronuntiationem; sic *ſed* et *ſet* etc. Quintilianus monet a nonnullis scriptum eſſe.

Sed, ut univerſam veterum ſcripturam melius judicare poſſimus, deque ejus tam mira varietate eo minus mirari cogamur, opus eſt illorum pronuntiationem, ad quam illa ſe ſaepe accommodavit, noſſe. Et miror, qui de orthographia ſcribere, eos non in primis ſedulo de pronuntiatione egiſſe. Quae licet non omnis nobis nota ſit, tamen, ut equidem ſentio, plane ignota credi non debet. Eſt mihi in animo de ea forſan aliquando libellum edere, in qua magnam partem, niſi certiffimam, tamen veriffimiffimam reddere poſſe mihi videor. Speciminis loco haec ſubjicio: Omnis pronuntiatio linguae latinae priſcis uſitata vertitur et in *pronuntiatione literarum* et in *tono ſ. accentu*. In utroque Romani aliter verſati ſunt, ac nos hodie verſamur in latinis vocabulis legendis et pronuntiandis: ſed eodem modo in ſuis ver-

bis

bis egerunt, quo nos in verbis linguae vernaculae agere solemus; et ex hac, tanquam notiore, ad illam, ut minus notam, praeclare interdum concludi potest.

A) in literis, ac

1) primum in *consonantibus*: hic

b et *p* saepe, ut in vernacula, confusa sunt: hinc *scripsi* pro *scripsi*, *lapsus* pro *lapsus*, non miranda sunt.

c nunquam, ut *z*, pronuntiatum, sed ut *k* vel saltem ut *g* (uti nostri fere *Gott* pronuntiant *Kott*); neque ergo *decimus*, *cilicium*, *carcer* pronuntiarunt *dezimus*, *zilizium*, *karzer*; sed *dekimus*, *kilikium*, *karker*. Hoc ex multis argumentis, quae commemorare hic longum foret, v. c. ex etymologia, e vocabulis, quae graeca et theodisca communia habet cum latina, tam verisimile mihi fit, ut vix ea de re dubitandum videatur. Duo tantum memorabo. Quomodo *decumus* pro *decimus* dici potuisset, nisi lectum esset posterius *dekimus*? Vernaculum *der Kerker* utrum latino *Karzer* an *Karker* melius respondet? sic ex *docitum* fit *doctum*, h. e. *doktum*. Et cur in Columna Duillii, et alibi, pro *g* est *c*? v. c. *leciones* i. e. *legiones*; sic *viceſimus* et *vigēſimus* a *viginti*. Forſan *g* et *c* est eadem litera: *g* recentioris formae, *c* antiquioris.

d innumeris locis, ut in vernacula, cum *t* confusum, v. c. *Maged* et *Maget*, *Hant* pro *Hand*. Sic latini *ſed* et *ſet*: *haud* et *haut*; it. adeo *Alexanter*: hinc *attraho* pro *adtrabo*.

f et *ph* saepe confusa sunt: loquuntur eodd.

g mollius ab accuratioribus pronuntiatum est, atque inter *j* et *c* medium obtinuit: sicut hodie in nostra lingua accuratiores faciunt. Nonnulli tamen, ut apud nos, durius, h. e. ut *k*, pronuntiarunt: hinc confusio in scribendo orta, ut v. c. *Cajus* scriberetur pro *Gaius*: — sed *gn* non pronuntiatum est *ngn*, ut nos quidem agimus: *ſignum* pronuntiatum est *ſig'num*, non *ſingnum*. Doctet hoc et derivatio: nam *ſigillum* melius a *ſig'no*, quam a *ſingno*, ut *ſigillum* a *ſigno*, derivatur: et nostrum *Zeichen*, quod cum latino convenit, melius respondet *ſigno*, quam *ſingno* etc.

h in medio vix pronuntiatum est, nec pronuntiarī facile ob celeritatem potuit. Sic et in nostra, v. c. *ſehen*, *gehen*, ubi non *ſe-hen*, *ge-hen*, diviſis ſyllabis, ſed *ſcen*, *geen* dicimus. Sic *nihil*, *mihi*, enuntiarunt ubique *nil*,

mi cum circumflexo: hinc et nonnulli ita scripsere, uti fieri solet. Sed ab initio vocabuli puto enuntiatum esse *ro h*, v. c. *hara*, *hauris*, *habe*, quia alioquin cum *ara*, *auris*, *ave* commutatum foret: forsan et in Compositis, v. c. *adhibeo* etc.

l videtur valde molliter pronuntiatum esse, h. e. ita, ut vix lingua palato allideret. Quod conjicio inde, quod Itali recentiores illud saepe vitant, v. c. *Fiorenza*, *Placenza* pro *Florentia*, *Placentia* etc.

m videtur in fine vocabuli ob celerem pronuntiationem vix auditum esse, v. c. *mensam*, *nubem*, fere ut *men-sa*, *nube*: sicut nostri festinanter dicunt *in mein* Nam pro *in meinem* *Namen*. Hinc factum, ut poetae totam istam syllabam, sequente vocali, omitterent seu eliderent.

qu (pro quo nonnullis praeplacet *q* sine *u*) lectum videtur ut *k*, v. c. *coquus* ut *cocus*, *quum* ut *cum* (hinc inter *quum* et *cum* nil discriminis per se est), *aqua* ut *aca*, *neque* ut *nek* seu *neke*; sed ita, ut posterius *e* non audiretur. Hinc inter *nec* et *neque* nil discriminis: sunt eadem vocabula, ut *nihil* et *nil*. Hinc, praeter alia, apparet, quomodo possit fieri *eculeus* ex *equus*, et quomodo Franco-gallorum *egal* ex *aequalis* factum sit. In nonnullis tamen videtur *ro u* lectum, v. c. in *quatio*, *quis* cet. hinc *contutio*, *cujus* cet.

f videtur in fine verbi fuisse tam tenui sono, ut vix audiretur. Hinc omittitur in versibus Ennianis et Terentianis: hinc facilis commutatio ejus cum *r*, v. c. *arbor* *arbos*, *honor* *honos*. St vero non credibile est enuntiatum esse *scht*, v. c. *schtella*, *schtto*, pro *stella*, *sto*: quod nos facimus quoque in *Schtul* pro *Stul* aliisque vernaculis vocabulis.

r ubique, etiam ante *i* sequente alia vocali, pronuntiatum est ut *t*, non ut *z*. Legerunt *artium* non *arrium*, more nostro, sed *ardium* vel *arthium*. Docent hoc, praeter etymologiam et derivationem, vocabula graeca et theodisca, quae cum latinis cognatione conjuncta sunt.

v pronuntiatum et lectum est ut nostrum *w*. Ergo *vinum*, *vannus*, *vermis*, *vacillo*, legerunt *winum*, *wannus* etc., sicut eadem vocabula in nostra lingua leguntur *Wein*, *Wanne*, *Wurm*, *Wakele*. Hinc commutatio hujus literae cum *b* in MSS. non mira est, v. c. *duvius* pro *dubius*, *Baleria* pro *Valeria*.

2) in vocalibus. Quae quia inde pendent, prout os vel laxius vel angustius aperitur: facile intelligitur, quia non

omnes

omnes homines os eodem modo aperiunt, non unam fuisse illarum enuntiationem, sicut et est in nostra lingua, ubi v. c. *Mahn* et *Mohn* dicitur etc. Hinc v. c. *a* saepe commutatum in *e*, *i*, v. c. *adspergo* pro *adspargo*; *abigo*, *conci-no*, pro *abago*, *concano*; *e* in *i*, v. c. *colligo* pro *collego* etc., quae omnia veniunt e celeri pronuntiatione: *u* in *o*, v. c. *navibus*, *navibos*: saepe tamen *u* ut *w* pronuntiatum, v. c. *duo* ut *dwo*, hinc nostrum *zwo* etc. it. *duellum* ut *diuellum* vel *dbellum*, hinc abiecto τῷ d, *bellum* etc. Multa exempla talis et consonantium et vocalium commutationis dedi in libello, qui inscribitur: *Gedanken von den Eigenschaften der deutschen Schreibart und Empfehlung der deutschen Sprache im Predigen, Reden und Schreiben, und besonders der Philologie*. Unum exemplum addam: quod in vernacula lingua nunc *ohne* est, id olim *ane* et *ano* scribebatur; idemque est in graeca *ἀνευ*, in latina *sine*, sibilo addito, ut saepius. Hic *a*, *i*, et *o* commutantur. Per hanc occasionem hic monuerim, *av* in *ἀναμάρτυρος* i. e. *qui non peccavit*, *ἀνελεύθερος* i. e. *illiberalis* aliisque talibus compositis esse illud *ane* s. *ἀνευ*, et in iis vocabulis, quae per consonantem incipiunt, illud *v* ob duram pronuntiationem omitti, v. c. *ἄσφορος*, *ἄκανος*, pro *ἄνσφορος*, *ἄνκανος*. Longe aptius hoc videtur et verisimilius, *a* in *ἄσφορος* esse *a* privativum, ut et in *ἀνελεύθερος*, ac *v* insertum tantum esse ob euphoniam, quam dicunt. Iudicent peritiores!

3) in *diphthongis*: quarum vera pronuntiatio est, si utraque vocalis, in primis prior, auditur: id quod Romani, saltem accuratiores, melius, quam nos in lingua et latina et theodis-ca, observasse videntur.

1) *ae* v. c. *mensae*, *Caesar*, legerunt tribus syllabis ita, ut *a* in primis et *e* vix audiretur. Et quomodo, si prisca *Caesar* legissent *Kesar* vel *Zesar*, ut nos legimus, inde fieri potuisset nostrum *Kaiser*? Hinc commutatio *aulae* et *aulai*. Sic *aere multari* i. e. *aere mulctari* in lapide occurrit.

2) *ei* v. c. *hei*, *sociis* pro *sociis*, pronuntiata sunt, prius duabus, postorius quatuor, syllabis; omninoque ita, ut *e* audiretur. Ac maiores nostri *Rein* s. *Rhein* pronuntiarunt duabus syllabis, sed raptim; ita tamen, ut *e* in primis audiretur: quod vel inde patet, quod *Caesar* eorum victor inde fecit *Renus* s. *Rhenus*; quod non fecisset ac facere potuisset, si hunc amnem *Rain*, ut nos nunc loquimur, pronuntiare audivisset.

- 3) *eu* v. c. *heus* duabus syllabis, raptim; sed ita, ut *e* audiretur: estque illud nostrum *he!* quod illi male responderet, si lectum esset *hais*, ut nunc legimus. Ergo *heus* et *meus* parum differebant pronuntiatione.
- 4) *oe* v. c. *Poeni* tribus syllabis ita, ut *o* in primis, *e* vix audiretur. Hinc patet, cur *murus* et *moerus*, *Poeni* et *Puni*, *coerator* et *curator* etc. commutari potuerint: nam *o* et *u* facile commutantur, ut vel pronuntiatio rusticorum in lingua vernacula quotidie docet.
- 5) *au* pronuntiatum est plerumque *o*, ut apud nos v. c. *Roch* pro *Rauch*: *Closter* e *Claustrum*; sic *olla* ex *aula*, *Clodius* e *Claudius*, facile fieri potuit.

B) in *tono* s. *accentu*. Hic moneo, Romanos *tonum* accommodasse ad quantitatem syllabarum, quam sedulo observabant. Ergo

1) breves syllabas, quas hodie in Profodia demum discimus, omnes Romani, in communi etiam vita, breviter s. raptim pronuntiabant (corripiebant), h. e. ita, ut vix audirentur: id quod etiam apud nos, ut in omnibus vivis linguis, sic in nostra fieri solet; v. c. *Geduld* pronuntiamus *G'duld* una fere syllaba, *Kinder* *Kind'r* etc. Sic Romani *mensa* (nominat.), *servus*, *serve* etc. ita pronuntiarunt, ut posterior litera vix audiretur: et *homini* ita, ut duae priores syllabae vix, sed ultima valde audiretur. Et haec ipsa causa est a) *apocopes*, v. c. *dice*, *duce*, sonabant ut *dic'*, *duc'*, hinc ita scribebant: sic nostri *sag* pro *sage*. Omnis ista omissio proficiscitur a celeri pronuntiatione: b) *contractionis*, v. c. *mi*, *nil*, pro *mihi*, *nihil*, ut nostri *Magd* pro *Maged*, *sehn* pro *sehen* etc., quae contractio deinde, ob celeritatem pronuntiationis, alias denique syllabas omisit, v. c. *amasse* pro *amavisse* etc.: c) *commutationis*, v. c. *decimus*, *decumus*, pronuntiabant quasi *dek'mus*, ut audientes non possent discernere, utrum *dekimus* an *dekumus* pronuntiaretur: sic *navibus*, *genitrix*, sonuerunt ut *nav'bus*, *gen'trix*, vel *navebus*, *genetrix*. Hinc ita quoque scribere nonnulli, pronuntiationem, tanquam unam scribendi regulam, sequentes. Hinc *navebus* in Columna Duill., *genetrix* in Codd. Virgilii; hinc a Burmanno et ill. Heynio servatum. Sic et in nostra, v. c. ex *Oberster*, quia sonuit *Obrister* atque etiamnum ita vulgo pronuntiat, factum est *Obrister* etc.

2) longae syllabae producebantur (wurden verlängert), h. e. longiori temporis spatio pronuntiabantur: quod fiebat

bat ita, ut vocalis dupliciter pronuntiaretur, v. c. *pono* ut *poono*, *mensa* (ablat.) ut *mensaa*: ac deinde ita quoque scriptum videtur, donec brevitatis causa apicem, h. e. forsan lineolam transversam adhiberent, quae indicaret, alteram vocalem deesse, v. c. *pōno*, *menſā* etc.; sicut nostri *den* pro *denn* scribere interdum solent. Haec haecenus. Plura de pronuntiatione priscorum dixi in *der ausführlichen latein. Sprachlehre* P. I. c. I. add. libellus iam laudatus *Gedanken von den Eigenschaften* etc.

Ceterum ex his apparet, quam varia scriptura apud priscos, atque adeo doctos (quos consuetudini saepe servire notum est, et exemplo Ciceronis patet, qui *pulcher* ob consuetudinem aliorum pro *pulcer* scribebat), obtinuerit, cum a pronuntiatione, ipsa tam varia, pependit, nec ante artem typographicam inventam, quae libros facit multos pro exiguo pretio manibus innumeris et doctorum et indoctorum, divitum et pauperum, solet tradere, aliter fieri potuerit. Quis vero hanc variam incertamque scripturam pro certa scribendi regula habeat? Quaeritur igitur

II) deinde, an scriptura *codicum*, *numorum*, et *lapidum* pro certa regula haberi possit. Non magnopere. Nam 1) variat et ipsa: ut adeo semper incerti sumus: at regula debet esse certa. Quis deinde 2) librariis hoc tribuat, ut nobis in vera vocabulorum scriptura magistri et auctores esse possint, cum plerumque indoctissimi fuerint, eodemque modo, quo prisci, magis suis auribus, h. e. pronuntiationi aliorum, quam veritati obtemperarint, ac saepe verba, quae scriberent, ne intellexerint quidem. Id quod ex innumeris locis patet, ac vel inde, quod in scriptt. rei rust. *Magister Varro* et *Magister Cato* scripsere pro *M. Varro*, *M. Cato*; it. in Nep. reperitur apud eos *ledebat*, *mallebat*, *dementia*, *pharo*, *Bisantium*, it. *Bacantium*, *Achademiā*, *insulatae*, *cognata* etc. pro *laedebat*, *malebat*, *clementia*, *sparo*, *Byzantium*, *Cadmeam*, *insulae*, *cogitata*. Neque igitur a librariis, neque ab inscriptionibus, quarum auctores

ple-

plerumque non doctiores erant (occurrit in iis v. c. *adque*, *quodannis*, *aput*, *apsens*, *optinebit*, *set* etc. pro *atque*, *quotannis*, *apud*, *absens*, *obtimebit*, *sed*), neque etiam a numis, qui non semper a Criticis linguaeque peritis signati sunt, certam scripturae legem arcessere licet.

III) Nec *Grammaticorum antiquorum* auctoritas sufficere potest. Repererant jam scripturam e pronuntiatione ortam ac consuetudine stabilitam: huic assueti regulas deinde excogitarunt, quae istam scripturam tuerentur: quemadmodum hodierni Grammatici vernaculi usum dicendi scribendique receptum, tanquam regulam, defendere gaudent. Pauci fuere, qui certiores regulas investigarent. Hinc factum est, ut sibi saepe repugnarent. Quid solatii hinc certi expectandum?

III) *Etymologia* est haud dubie certior regula, quae, diu oppressa varioque contemptu affecta, mereatur emergere caputque tollere. Dolendum quidem est, eam non in omnibus vocabulis notam nobis esse. At sumamus certe, quantum licet. Subjiciam aliquot vocabula, quorum recta scriptura, licet non semper usu eruditorum adjuvetur, per etymologiae legem firmatur:

Adfero, *adtuli*, *adlatum*, *adfidius* etc. rectius quam *affero*, *attuli*, *allatum*, *affidius*: sic *adscipio*, *adgredior* etc.; sicque in omnibus vocabulis per *ad* incipientibus: nam, cur litera *d* in sequentem ob pronuntiationem mutetur, nulla apta causa est; et nos, etiamsi certo sciremus, priscos ita scripsisse, *affero*, *attuli* etc. (quod tamen nondum certum est), tamen eorum auctoritatem non sequi debebamus ob perspicuitatem. Facilius tiro in *adfero*, *adtuli*, *adlatum* etc. compositionem agnoscit quam in *affero*, *attuli*, *allatum*. Nec in vernacula lingua quisquam talem commutationem in scribendo perfert. Vid. infra in *primis*. Putant nonnulli quidem, *affero*, *attuli*, *accipio*, *aggredior* per *euphoniā* dictum. Quid est euphonia? nonne a consuetudine pendet? Ac profecto omne, quod rectum est, bene sonat,

Adolescens rectius quam *adulescens*: est enim ab *ad* et *olesco*; ad verbum *ein Aufschößling*. Lapides et librarii, qui dederunt

derunt nobis *adulescens*, manifeste errarunt, nec digni erant, quorum aliqua ratio haberetur. Quis muliercularum omnium somnia et vitia scribendi colligere cupiat?

Ancora, non *anchora*: est enim graecum vocabulum, ubi non est *h*; omninoque τῇ *h* astinendum, ubi non e graeco transferri debet. Videndum igitur, an Cicero recte egerit, qui *pulcher* pro *pulcer* scribendum putarit. Hinc *sepulcrum*, *simulacrum*, *torus*, *Tuscia* et similia sine *h*. Ergo graece intelligere debet, qui de vera scriptura vocabulorum latinorum judicare vult. Sic *carus*, non *charus*, nisi quis a χαίρων vel χάρις ducere velit.

Arctus, *a*, *um*, rectius quam *artus*: est enim contractum pro *arcitus* ab *arceo*, quod forsan notavit olim *include*, *contraho*, quod e *coerceo* videtur elucere; et *incluendo* solent homines bestiaeque *prohiberi*, ne damnum inferant aliis. Cellarius in Orthogr. ait: ut e *farctus* sit *fartus*, ita ex *arctus* *arrus*. At quis nos iussit *fartus* dicere, nec potius *farctus*?

Asporto: pro eo haud dubie *absporto* rectius est: nam *as* non est *ab*; sed usus dicendi manebit forsan tyrannus.

Asimulare rectius est quam *asimulare*, quia est a *similis*: sic *simulare*, *disimulare*, rectius scriberentur *simulare*, *disimulare*: proprie enim *simulare* est, *similem reddere*, et *disimulare*, *disimilem reddere*. At quis usum loquendi inveteratum impugnare vel tollere audeat?

Audacia manifeste rectum, quia est ab *audacis*: falsum est aequae manifeste *audatia*.

Balineum haud dubie rectius quam *balneum*: nam omnis contractio est recentior; at usus dicendi vix mutari poterit.

Benevolus, *benevole*, rectum, quia a *bene* et *volo*; ut a *bene facere* sit *beneficium*, ita a *bene velle* *benevolus*. *Benivulus* per celerem pronuntiationem sensim invecum est, antequam Romani Critici fierent; et e sede fixa ejici se non passum est. Sic *malevolus*, *malevole*.

Ceteri rectum, non *caeteri*: est enim e graeco ἑτεροι. Sed *h* saepe abit in *c* et contra, v. c. *Cornu Horn*, *Cervus Hirsch* etc. Non opus est καὶ addere, idque ne convenit quidem.

Conligo, *conlega*, *conmeo* etc. rectius proprie quam *colligo*, *collega*, *commeo*; licet Heineccius hoc damnet et Gesnerus ad eum I, 1. 3. 1 p. 18 sciolis tribuat. Est enim a *con*: quod cur mutamus? vid. infra in *primis*. Debere etiam proprie esse *conlego*, per se patet.

Deliciae, non *delitiae*, quod vel e *delicatus* patet: est enim a verbo antiquo *delicio*.

Emtus, non *emptus*: est enim ab *emo*: literam inferere non debemus contra etymologiam.

Exspectare rectius quam *expectare*: est enim a *specio*. Et sic Quintilianus quoque iudicavit: sic *exflare* rectius quam *extare*, *exsequi* rectius quam *exequi*; hinc *exsequiae* scribi debet, non *exequiae*, *exstruo*, non *extruo*, et sic in aliis.

Genitrix rectius quam *genetrix*, quia est a *genitum*. Pronuntiatio cita et festinans effecit *gen'trix*, ut *i* non audiretur; unde nonnulli *e* inferuerunt, incerti, utrum *i* an *e* inferendum esset.

Idcirco haud dubie rectius quam *iccirco*, quia est ex *id* et *circa*.

Idemidem rectius quam *identidem*: est enim ex *idem*.

Inclutus rectius quam *inclitus*, quia est a *κλύω*, *κλυτός*. Tolerandum videtur *inclutus*, ut *Sulla* et *Sylla*: quia forsitan Romani *u* ut *y*, vel ut Francogallorum *u*, interdum legerunt. Sed ut ex *inclutus* factum videtur *inclutus*, ita deinde per celerem pronuntiationem ex *inclutus* videntur fecisse *inclitus*; ut *decimus decumus*, *optimus optumus*, *maximus maxumus*. Cf. nostrum *Knie*, respondens latino *genu* et graeco *γόνο*.

In dies rectius quam *indies*: sunt enim duo vocabula, quorum alterum alterum regit: ut *in diem*, sic *in dies*. Eodem modo *in posterum*, scil. *tempus*, rectius quam *inposterum*, sic et *in primis*, non *inprimis*, sic *cum primum* etc.

In non debet in compositione mutari: rectius ergo *inlino*, *inlustris*, *inmitis* etc., quam *illino*, *illustris*, *immitis*. Non debet litera praepositionis ultima ob sic dictam vel potius fictam euphoniā mutari: omne rectum bene sonat, nec contra. Sic et nostri *n* in *Anfang*, *annuthig*, *anlachen*, *einladen*, *lungfer*, *unmäßsig* etc. non mutant in sequentem vel aliam, licet nonnulla horum verborum per *m* pronuntientur vulgo, v. c. *Anfang*, *ammuthig*, *Iumfer*, *ummäßsig*. Et cum *infinitum*, *infinitivus* etc. vulgo scribatur, quod tamen quoque a multis *infinitum* *infinitivus* pronuntiat, neque hic *n* in *m*, ob euphoniā, mutemus, cur non quoque in illis? Gesnerum, virum acutissimum, hic dissentire ad Heinemannum I, I. 3. I valde doleo. Sed multo minus *inprimis*, *inposterum* scribendum esse pro *inprimis*, *inposterum*, vel potius *in primis*, *in posterum* (divitis verbis), per se patet, quia sunt aperte duo verba separata.

Lapsus rectum, non *lapsus*: est enim a *labor*: sic *scripsi*, non *scripsi*. Qui posteriori modo scripsere, eos et pronuntiatio decepit et simul forsitan consuetudo graecae linguae, ubi ϕ pro β vulgo scribi solet.

Lapididina rectum, non *lapidicina*: est enim a *lapis* et *caedo*.

Monimentum rectius quam *monumentum*: est enim a *monitum*. τὸ ὡς venit e celeri pronuntiatione *mon' mentum*, *doc' mentum* etc. Hinc fecere nonnulli *monumentum* et *documentum*. Sic *decimus decumus*, *optimus optumus* etc.

Museum, non *musacum*: est enim e graeco μουσεῖον. Sic in similibus verbis, v. c. *gynaecium* etc.

Numus, non *nummus*, e gr. νόμισμα.

Opsonium, non *obsonium*: est enim e graeco. Qui sic scripsere, praeter pronuntiationem, cogitarunt forsan praepositionem latinam *ob*.

Pœna, non *paena*: est enim e ποινή.

Pomoerium, non *pomerium*, licet ita in codd. et inscriptionibus: est enim a *mœrus* i. e. *murus*. Prisci enim *mœrus* et *murus*, *coerator* et *curator*, *Pœni* et *Puni* dixere. Est dictum, quia est *post muros*, cf. Liv. I, 44.

Ptolemaeus, non *Prolomaeus*, quia est e graeco πόλεμος s. πόλεμος bellum, notatque *bellicosum*.

Quidquid rectum est, non *quicquid*: est enim duplex *quid*, ut *quisquis*. Sic *quamquam* rectum, non *quanquam*: est enim duplicatio τῶς *quam*. *Euphonia* est spectrum, quod in phantasia, non in re, cernitur.

Raeria, *Renus*, rectius quam *Rhaetia*, *Rhenus*: sunt enim vocabula vernacula, non graeca. Quod Graecis *h* addere placuit, hoc nihil ad nos.

Scena rectum, non *scœna*: est e graeco σκηνή.

Strategema rectum, non *stratagema*: est enim graecum ipsum στρατήγημα.

Suboles rectum, non *soboles*: est enim a *sub* et *oleo*, *oleſco*, i. e. *cresco*.

Sumſi, *ſumtum*, rectum sine *p*. Quis hanc literam sine necessitate addat!

Taeda rectum, non *teda*: est enim gr. δαΐς in accus. δᾶδα. At hinc per *d* scribendum foret, *daeda*? Recte. At sic nos *Bischof* scribimus, ex *Episcopus* factum, pro *Pischof*, quod rectius foret. Ac forsan illud vocabulum citius Romam perlatum est, quam Romani Graecorum linguam accurate didicissent: ac deinde ista scribendi ratio, usa stabilita ac familiaris, permansit. Inveterata enim mutare difficile est.

Tiro rectum, non *tyro*: non enim est graecum.

Torus rectius quam *thorus*: non enim est graecum.

Tropaeum rectum, non *trophæum*: est enim gr. τροπαιον. At *triumphus*, gr. θρίαμβος, rectius sine *h* scriberetur, et tempore

Ciceronis ita scriptum est, ipseque Cicero ita scripsit *sine* adspiratione, vid. Cic. Orat. 48.

Valitudo rectius quam *valetudo*: est enim a *valitum*. Et sic *pulchritudo*, *magnitudo*, *altitudo* etc.

Versus, non *vorfus*: est enim a *verto*, et hinc nostrum *ein* *Vers*. *Vorsus* factum per celerem pronuntiationem; quae saepe e ante r in nostra quoque lingua ab infantibus, propter difficultatem pronuntiandi, in o mutatur.

Sequentia, nisi aperta veritate h. e. certa etymologia, tamen magna veri similitudine se commendant:

Aegaeum mare, non *Aegeum*: est e Graeco, et terminatio est graeca. Propiorem etymologiam nescimus.

Auctor, *auctoritas* rectius quam *autor*, *author* cet. Est enim, vel videtur certe esse, ab *auctum*; licet significatio non magno opere conveniat. Accedit auctoritas Dionis Cassii, qui scripsit *αὐκτορίτας*.

Coelo, *are*, rectius quam *caelo*, quia videtur e graeco *κοῖλον* esse, eique respondere nostrum *hol*, *aushölen* etc. Neque ergo moveor auctoritate magni Perizonii ad Sanct. IV, 16 n. 16 defendentis per *ae* scribendum et a *cavo* derivantis. Hinc et *coelum* (der *Himmel*) rectius videtur, quam *caelum*.

Coena rectius quam *caena*, quia communis erat et domesticis et amicis, e graeco *κοινή*. Romani non alio tempore fere utebantur amicis, quam *in coena*: nec sine convivis fere esse solebant.

Contio in antiquis monumentis est; et tamen Critici malunt *concio*, quia prius derivare non audent, atque ita ipsi declarant, quantum debeatur etymologiae; posterius a *concire* esse dicunt. At *concio* substant. a verbo *concire*, est contra omnem analogiam. Puto rectius esse *contio*, contractum e *conitio* s. *comitio*. Addicit analogia, ut *conditio*, ita *conitio* s. *comitio*; a *coire*, *conire*, *comire* i. e. *convenire*: ut adeo *comitio* et *comitia* sint ejusdem significationis. Sed per celerem pronuntiationem facile potuit abjecto i fieri *contio* vel *contio*, ut *lectio* pro *legitio*.

Convicium rectius quam *convitium*. Videtur a *vox* descendere: ut proprie sit *convocium* h. e. clamor multorum simul vocem intendentium; et sic est ap. Phaedr. I, 1 de ranis: *Clamorem ranae suscitulare ad sidera*. *Convicio* *permotus Iupiter* etc., ac deinde *omnis vehemens clamor* in primis eorum, qui alicui irascuntur seque ulcisci verbis saltem cupiunt.

Haud et *haut* e gr. ἄδῃ vel ἄτῃ, ut utrumque defendi possit.

Heres rectius videtur quam *haeres*, quia is ita fit *herus*, gerundus *Herr*.

Hyems rectius quam *hiems*, a gr. ἕω *pluo*. Hyemes Romanorum fuisse pluviae maxime expositas facile intelligitur. Deinde *hyems* non tantum est certa illa pars anni, sed omnino *tempestas tristis ac pluvia*: quae significatio, ut saepe occurrit, ita prima et propria videtur esse ac deinde ad illam anni partem translata.

Imo rectius videtur quam *immo*. Videtur esse ab *imus* s. *infimus*, ut *certo*, *tuto*, a *certus*, *tutus*, primo a *primus* etc. Proprie itaque est ablat. Neutr. et positum est a) pro *in imo*, i. e. *im Grunde*, hinc venit notio adseverandi *Id*; b) pro *ex imo* s. *ex ima parte*, i. e. *si ex imo* s. *ima parte rem consideras*, wenn mans von unten angreift s. *umkehrt*, *umgekehrt betrachtet*: uno verbo *umgekehrt*, *au contraire*.

Increbresco rectius quam *increbesco*, a *creber*: est proprie contractum pro *increberesco*. Sic ab *aeger aegresco*, a *niger nigresco*, a *pulcher pulchresco*. Excipiunt nonnulli *rubesco*, a *ruber*, *macesco* a *macer*: at, ut taceam nullam regulam sine exceptione esse, *rubesco* potius a *rubeo*, *macesco* a *maceo*, descendere videtur.

Infitiari rectius quam *inficiari*: videtur enim a *fateri* ortum esse: est enim proprie *non fateri*.

Lacrymae rectius quam *lacrimae*, ob gr. δάκρυον: mutatione non magna. *Lacruma* tolerari potest, ut *Sulla Sylla*, et supra *inclutus inclutus*. Videtur *y* fuisse nostrum *ü*, v. c. in *Dünkel*, *günstig*, et *u* ap. Romanos pronuntiatum esse, saltem saepissime, ut nostrum *ü* s. Graecorum *υ*. Hinc mutatio *τῃ y* in *u* non mira foret, per celerem vero pronuntiationem *lacr'mae* ac deinde *lacrimae* factum esse non mirum est. At per *ch* scribere plane falsum, quia non est in graeco. Mutatio *τῃ d* in *l* non mira. Sic ex Ὀδυσσεύς factum est *Ulysses*.

Litera rectius quam *littera*, quia videtur esse a *lino*, ut *litura*.

Mulcta rectius quam *multa*: est enim, ut puto, a *mulgeo*. Prisci plebejo sermone (qui primus fuit in omnibus linguis ac plerumque deinde ad totum populum transiit) videntur dixisse *mulgere aliquem* sc. pecunia, ut *emungere*: hinc venit significatio *privandi* s. *damnum inferendi*. *Mulcta* itaque proprie *damnum* scil. pecuniae: vel videtur esse participium, et dictum pro *mulcta pecunia*.

Praestringere, v. c. *aciem mentis*, rectius quam *praestringere*: melius enim a *stringo*, i. e. *streifen*, ducitur quam a *stringere*.

Prelum, quia a *premo* forsan est, rectius scribi videtur quam *praelum*.

Reciperare rectius quam *recuperare*, a *recipio*: *i* deinde in *u* mutatum, ut in *decimus decumus* etc., ac casu posterius servatum est ita, ut vix sede sua plane tolli possit, licet nonnulli id facere jam conati sint.

Stylus rectius videtur quam *stilus* (nostrum forsan *Stiel*), quia in graeco est *σῦλος*: quod etsi *columnam* significat, non *graphium*, tamen aliqua similitudo intercedit: qua interdum usus loquendi, non semper criticus, solet esse contentus.

Sylva rectius quam *silva*, e gr. *ῥη*: quae etymologia non rejicienda, cum significatio non repugnet. Quod *s* praefixum est, id et in aliis vocabulis iisque permultis deprehenditur, v. c. *ἄλ*: *sal*, *ῥ*: *sus*, *ἔρπω* *serpo* etc.

Thus rectius videtur quam *tus*, a gr. *θύω*. Nam primis temporibus sacrificabant *thure*: quod negari nequit. Qui *tus* a *tundendo* cum Charisio reperunt, digni sunt, qui tundantur. Melius est tacere, quam tale quid proferre.

In nonnullis incertum plane est, quomodo scribendum sit, quia originem vocabuli nescimus plane. Iam uti etymologia certa regula manet, ita, si plane latet atque nos deficit, sequamur auctoritatem inscriptionum, codicum bonorum, in primis numorum, vel etiam magnorum philologorum: nam, si e fontibus bibere non licet, e rivulis bibendum est: et singularem scripturam sequi, h. e. eam, qua nemo alius utitur, nunquam in laude ponitur. Incerta igitur sunt sequentia:

Allucinari, *hallucinari*, vel *alucinari*, *halucinari*. Etymologia, quam asserunt, mirabilis est.

Annulus, *anulus*. Origo ignota. Et, quia prisca solebant litteras non geminare, hinc major difficultas. Plerique tamen hodie scribunt *annulus*.

Arcesso, *accerso*. Posterius commendat se per *ac* i. e. *ad*: sed quid est *cereso*? Prius derivant ex *arcio* i. e. *adcio*, quia *ar* interdum pro *ad* ponitur, v. c. *arvehere*, *aruisse*: ut *meridies* pro *medidies*: duriusculum est *cesso* ex *cio*: quid si ex *accedere*? ut *accesso* s. *arcesso* sit proprie *facere ut aliquis accedat*. Potest tamen, si *lacecco* ex *lucio* sit, *cesso* quoque e *cio* fieri. Quidquid est, doctiores hodie praeferunt *arcesso*.

Bacca et *baca* eodem pertinet: it. *bellua* et *belua*. vid. *Annulus*.
Caerimonia, *Caëremonia*, *Ceremonia*. Origo vocis non certa est. Si a *Caere*, Etruriae oppido, quo, urbe a Gallis capta, sacra Romanorum translata erant, nomen venit, ac si, ut Valerius Max. I, I narrat, *inde institutum est*, *sacra caerimonias vocari*, rectius per *ae* scribitur non modo, sed et propter analogiam *i* in medio servandum et *caerimonia* scribendum.

Camoena et *Camena*. Origo dubia, licet nonnulli, in his Servius, a *canendo* derivent. At, quia origo incerta est, nescio, cur per *oe* scribamus.

Caussa et *causa*. Origo incerta. Forſan a *caveo*, ut *cautor*, ita *causa*. At, cur litera geminetur, cum non audiatur nec enuntiari possit, nullam justam video causam. Sic et *Paulus*, *Paullum*.

Coecus et *caecus*: *coelebs* et *caelebs*. Origo latet.

Coenum et *caenum*. Origo dubia: ducunt aliqui a *καὸν* h. e. *immundum*: non male; at haec notio est ex hebraica consuetudine.

Comissari et *comeſſari*. Ducunt a *καῖς*: non male. At hinc non sequitur, scribendum esse *comissari*: quaestio enim est de terminatione *essari* an *issari*. Utrumque pronuntiatum videtur a celeriter loquentibus.

Cunctari et *contari*: illud a *cuncta* videndo, vel a *conjugi*, quasi *conjunctari*, h. e. *cupere cum aliis conjugi ac propterea illos expectare*, arcessunt; hoc a *conto*, quo nautae aquae altitudinem pertentent. Doctiores video *cunctari* hodie scribere. Sic *Percunctari*, *percontari*: posterius a *conto* duci possit et priori praeferendum videatur.

Duntaxat, *duntaxat*, hujus mirabilis vocabuli origo forſan in perpetuum latebit. Videtur e pluribus vocabulis compositum esse: an e *dum taces*, *at?* vel *tunc taces?* *at*. (hoc *at* foret i. q. *saltem*, *certe*.) Si e *dum* compositum est, *mutari* haud debet.

Faex et *fax*. Origo latet. Hinc eruditi utraque utuntur.

Fecundus, *Femina*, *fetus*, *fenus*, et *foecundus*, *Foemina*, *foetus*, *foenus*. Si *feo* h. e. *procreo fero* apud priscos usitatum fuit, rectius est *e* quam *oe*. Respondet Graecorum *φύω* et priscorum Germanorum *foden* i. e. *parere*, unde forſan *oe* defendi possit.

Fetialis et *fecialis*. Etymologia ignota. Quia tamen graeci scriptores per *t* scripsere, propterea eorum, tanquam doctorum hominum, auctoritatem nonnulli sequendam putant.

Glaeba et gleba. Origo latet. An nostrum *bekleiben* inde descendat, et, an inde pro *e* aliquid concludi possit, non disceptabo.

Indutiae, induciae. Origo incerta. Gellius, Manutius, et Vossius stant pro *t*. Manutius dicit, esse pro *inductae*: Vossius derivat ab *indu* s. *endo*, h. e. *in*, et *otium*. Posterius non male. Verum, quid si a *duco* derivetur, atque ita per *e* scribamus? *ducere bellum* est *longius reddere*. *Induciae* ergo sunt, quando *bellum* non *longius redditur*, sed *in brevius* quasi *contrahitur*, h. e. *ei finis imponitur*. *Induciae* vero priscis erant fere idem, quod nobis pax esse solet. Cessabat scilicet bellum ad certos et multos saepe annos.

Letum et lethum. Origo incerta. Prius videtur posse a *le-zum*, supino verbi *leo*, unde *deleo* (nostrum forsan *tilge*, *vertilge*) factum est, derivari. Posterius a *λεθη* i. e. *oblivio*, per euphemismum non contemnendum. At quis aliquid certi statuatur? Doctiores hodie, quia *τὸ ἡ* fugiunt, quantum possunt, *letum* praeferre video.

Litus et littus. Etymologia latet plane. Quis enim a *litando* cum Lipsio repetere audeat?

Mille et mile. Origo ignota. Si tamen hinc *miles* descendit, possit *mile* praeferrī, praesertim cum nostrum *Meile* conveniat melius cum *miliari* quam *milliari*, quod vocabulum inde derivatur.

Moereo et maereo; atque ita *moestus* et *maestus*. Origo plane incognita.

Nuntius et nuncius. Etymologia latet.

Obscoenus et obscenus. Etymologia aequae ignota: quia tamen inquirere cupiunt, alii a *scena* ducunt, atque ita *obsce-num* scribunt, quasi sit id, quod *scenae non conveniat*: valde coacte. Alii a gr. *κοινόν* i. e. *innudandum*, de quo supra vid. in *coenum*: At unde tum *τὸ σ* venit? Nihil certi definitur. Si e vernaculo ducere liceat, possumus e nostro *schön pulcher* derivare; ut *obscoenus* sit *non pulcher*.

Oppidum et opidum. Origo incerta: posterius ab *ope* vel *opibus* derivant. Nimis docta conjectura. Tum alterutrum *p* inutile foret. Possis simplicius ducere a nostro *Hof*, *Gehölz*, ut proprie *omnem habitationem* illis priscis iisque pauperibus temporibus indicaverit. Per *oppida* initio nil nisi *habitationes* cogitarunt.

Paene et pene. i. e. *fere*, *propemodum*. Etymologia ignota. At illud ad evitandam dilogiam obscoenam praetulerim.

Paulum et paullum. Videtur contractum ex *pauculum*: ut vix duplici

duplici *l* opus fit. Et quis utrumque post diphthongum pronantiare queat? Cf. supra *causa*.

Postumus et **posthumus** i. e. *post patris mortem natus*. Plerique defendunt prius, quia, qui post patris mortem natus est, recte *postumus* s. *postremus* dici potest. Recte. At non omnis, qui postremus filiorum est, post patris mortem natus est. Hinc timeo, ne perspicuitas laedatur.

Saeculum et **seculum**. Origo ignota. Quia tamen lapides, in primisque numi, *saeculum* habent, hoc praeferendum ducunt nonnulli.

Satira, **satyra**. Notum est, Casaubonum ostendisse, *satiram* Romanorum venire a *lance satura*, atque ita per *i* scribendam esse. Recte, ac propterea sequuntur eum omnes. At, ut concesserim istam explicationem et derivationem cadere in romanam satiram, quaeritur, an quoque in nostram hodiernam?

Sollemnis et **solennis**. Etymologia incerta. Illud Festus a *sollo* i. e. *toto* ducit, vocabulo Osco: ut sit id, *quod omnibus annis fieri debeat*. Tunc vero *sollennis* scribendum foret. **Solennis** a *soleo*, *solitum*: ut sit id, *quod per annum fieri soleat*: non male, ac forsan simplicius priori. Hinc *solennes annui ludi* dicuntur ap. Livium. Quomodo *solennis* et *annuus* jungi posset, nisi Livius putasset, *solennis* esse i. q. *solitus*?

Sollers, **sollers**. Origo dubia. Qui per duplex *l* scribi volunt, dicunt esse a *sollo* i. e. *toto*, ut sit is *sollers*, qui in omni re prudens est. Sic Festus.

Sollicitus et **solicitus**. Illud etiam a *sollus* i. e. *torus* deducit Sanctius Minerv. IV, 17: hoc a *solum* i. e. *locus* arcessit Festus et *cio* i. e. *moveo*, ut sit proprie *de loco* s. *de sententia* motus.

Taeter et **teter**. Origo laet.

Tingo et **tinguo**. Illud est, ut *lingo*, *pingo* etc.; hoc codd. nuntitur.

Ungo et **unguo**. Qui posterius volunt, confirmant hoc per *unguentum*. Nam unde *u*, nisi jam in verbo ipso fuerit? Incertum. Plerique tamen scribunt hodie *ungo* et *tingo*.

Unquam, **umquam**. Utrumque reperitur. Origo incerta. Videtur tamen in hoc vocabulo latere *unus*, ut adeo *unquam* rectius forsan videatur. Sic *nunquam* et *numquam*.

In nonnullis plane nihil refert, utram scripturam sequare, v. e. *cotidie* et *quotidie*, *corus* et *coquus*; plerique

que tamen scribunt per *qu*: sic *locutus* et *loquutus*; illud plerisque placet: sic *cum* et *quum* sunt plane eadem vocabula, quia *qu* ut *c* pronuntiabatur. Quintilianus narrat, suo tempore nonnullos malle *cum* scribere, si praepositio sit, et *quum*, si temporis notionem habeat. Sic *tricesimus* et *trigesimus*, *vicesimus* et *vigesimus*: nam *g* et *c* olim erant eadem literae; *c* antiquioris, *g* junioris, formae: accuratiores tamen video hodie scribere per *c*: sic *Cajus* et *Gajus* etc. Sic *delectus* et *dilectus* (die Werbung) utrumque recte: illud a *deligo*, hoc a *diligo* i. e. *e pluribus lego*. Oudendorp. in Caesare ubique *dilectus*.

Haec de etymologia, cui in orthographia definienda me principatum tribuere vix erit, qui miretur. Huic etymologiae, quia non ubique expedita est, vicariam quodam modo operam praestant *analogia*, *auctoritas graecorum*, et *prosodia*.

1) *analogia*: v. c. ut *conditio*, *rectio*, scribitur, ita *auditio*, non *audicio*, *institutio*, et forsan sic *contio* pro *coitio* s. *comitio* etc. scribi debet. Ut *decumus* et *decimus*, ita *optumus* et *optimus*: ut a *divitis* fit *divitiae*, non *diviciae*, ita a *sapientis*, *prudentis* fit *sapientia*, *prudencia*: ut ab *audacis* *audacia*, ita a *ferocis* *ferocia* etc.

2) *auctoritas graecorum scriptorum*: v. c. quia apud Dionem scriptum legitur *αὐτὸρῳίτας*, sequitur, hunc credidisse Romanos accurate loquentes ita locutos, non *autor*. vel *auctoritas*. Sic *Maecenas*, *Mauricius*, *Magnentius* etc., quia Graeci scribunt *Μαικῆνας*, *Μαυρίκιος*, *Μαγνέντιος* etc. Sic Graeci in Romanorum nominibus, ubi hi solent litera *V* uti, adhibent *ov*; unde colligimus, saepe Latinis *u* et *v* idem fuisse, siquidem Graecorum *ov* recte per *u* exprimimus. Sed est hac in re quoque magna cautio: v. c. *Britanni* vocantur graecis scriptoribus *Βρεττανῶι*.

3) *prosodia*: v. c. *preces*, *sedeo* etc. nemo per *ae* scribet, quia brevis est prior syllaba: sic *supellex*, non *suppellex*, quia prior syllaba corripitur. At et hic magna cautio, quia interdum quantitas mutata est, v. c. *pejero* a *juro*, *persona* forsan a *personare*, *voco* a *voce*.

Hactenus

Haëtenus de etymologia, ut regula orthographiae. Ne quid tamen hic desiderari possit, duo adhuc ad orthographiam pertinentia, licet sint minuta, monebimus:

I) de *commutatione* literarum *u* et *v* nonnullis familiari. Nam sunt, qui ita scribant, prout pronuntient, v. c. *uva*, *vultus*, *violavimus*, non *vua*, non *uua* etc.; atque ita *u* et *v* inter se distinguant ac pro diversis literis habeant. Solent alii *v* ubique ab initio et *u* in medio ubique ponere, sive sit consonans seu vocalis: v. c. *vua*, *vultus*, *violavimus*, sic *vnus* pro *unus* etc. Sunt vero adhuc alii, qui ubique *u* promiscue usurpent, v. c. *uua*, *uultus*, *uiolavimus*. Iam quaeritur (si tanti est quaerere), quid horum rectius sit.

Proprie sine ulla dubitatione naturae, atque simul perspicuitati, uni omnium maximae legi eloquentiae, consentaneum est scribere literas, prout eas pronuntias: nisi gravissima causa sit, quae aliud tibi consilium injiciat. Iam, si certum indubitatumque esset, priscos scripsisse *vua*, *violavimus*, vel *uua*, *uiolavimus*, non valde in tam exigua re repugnarem: quamquam dubitarem, an imitatio linguae peregrinae ad levissima quaeque extendi deberet, v. c. ut in recte exprimenda Francogallica tremulam illam pronuntiationem per *nasum* (quod forsan magis est vitium gentis vel potius consuetudinis, quam virtus sermonis) vel literam hebr. *Chet* gutturis conformatione asperiori exprimeremus: sic enim linguam Hotentotticam, si quis discere vellet, gallopavorum more eloqui hic deberet. At, quia ostendi non certo potest, Romanos isto modo scripsisse, certumque simul est, ipsos hac in re quoque variasse, nec auctoritas lapidum, numorum, codicum, illam sententiam sustentat: suaferim tironibus, ut potissimum pronuntiationem sequentes scribant *uva*, *violavimus* etc.; praesertim cum res sit admodum tenuis, in qua non multum laudis versetur. In rebus minutis laudem quaerere, est laude carere.

rere. Accedit, quod scriptura pronuntiationem, quam proxime potest, sequens puerorum captui accommodatior est, quibus lectionem vocabulorum latinorum tali modo faciliorem reddimus. Quod ut faciamus, exigere humanitatem quis non videt? — Nonnulli consonantem *i* et vocalem *i* distinguunt, scribuntque v. c. *conjicio*; alii pro eadem habent, scribuntque *coniicio*. Posterior secta credit, se antiquitatem rectius sequi. Non magni per se refert, utram sectam amplectare. Videtur tamen mihi, ut, quid sentiam, libere dicam, *i* non consonans esse, sed ubique vocalis. Prisci *to i* ubique ut vocalem pronuntiarunt, etiam sequente alia vocali. At haec pronuntiatio, quia celeriter fiebat, sonuit fere ut *g* vel *j*. Sic et nos v. c. *indies*, *meridies*, pronuntiamus celeriter ut *indjes*, *meridjes*, s. *indges*, *meridges*. Sic nostri dicunt *Schlesjen*, *Schlesgen*, pro *Schlesien*; *Armenjen*, *Armengen*, pro *Armenien*. Illud *Iot* igitur nihil aliud est, quam *i* celeriter pronuntiatum. Hoc vel patet ex *aio*, *ais*, *ait*: Si legis *aio*, tribus quidem syllabis, sed celeriter, patet, eum *ais*, *ait*, et deinde *aiunt*, dici possit, scilicet aequae *cupio*, *cupis*, *cupit*, *cupiunt*; *audio*, *audis*, *audit*, *audiunt*. At, si legis *ajo* s. *ago*, unde tum *ais*, *ait*? sic *iacio* proprie est quadrisyllabum, at propter celerem pronuntiationem sonat ut trisyllabum: ut nobis *meridies* sit trisyllabum, et *Schlesien* disyllabum. Quod si cogitas, dissensio multorum de hac re est ridicula. Idem, si res ferret, possem de *u* dicere: quod ob celerem pronuntiationem sequente vocali saepe sonuit ut *w*, v. c. *Vidua* ut *Vidwa*; sic *duo* ut *dwo*, *lingua* ut *lingwa*, *distingo* ut *distingwo*, priscis sonuit: unde nostrum *zwo*: hinc *Duellum* ut *dwellum*; quis inde non faciat *bellum*? sic *Eduardus* est *Edwardus*. Quis itaque dubitet *u* in *distingo*, *lingua* etc., pro vocali *u* habere? Frustra disputant, annon pro consonante *v* habendum sit propter pronuntiationem.

2) de *divisione syllabarum* duo verba dicam. Alii sequuntur derivationem, quae tamen saepe incerta est, scribentes v. c. *prod-eo, ab-igo, ad-eo, os-tendo, dis-curra, sus-cipio, sus-tineo, paen-insula* vel *pen-insula, et-iam, negotium, pros-odia, pot-est, prod-est, Alex-ander* etc.: huc pertinent *a-bius, ca-ptus, o-mnis, pro-pter, schi-sma, magister*, quia verba reperiuntur per *ct, pt, mn, sm, st*, incipientia: ut *Ctesias, Ptolemaeus, ptisana* etc. Alii, in primis Batavi, hanc legem sibi imponi nolunt, sed scribunt prout pronuntiant, v. c. *a-bigo, po-est, eti-am* vel *e-tiam, pae-ninsula* vel *pe-ninsula, ne-gotium, ac-tus, cap-tus, magister* etc. Scribat quisque, uti volet, modo causis iustis ducatur, ut scripturam, quam semel amplexus est, conservare queat. Priorem tamen dividendi rationem plerique hodie sequuntur.

CAP. II

De recto vocabulorum usu.

SECT. I

Vocabula debent esse bona.

Omne *vocabulum* per se *bonum* est, h. e. usurpari potest, si quidem certum est, usurpatum esse a bonis scriptoribus. *Bonitas* ergo *vocabulorum*, per se considerata, consuetudine bonorum scriptorum latinorum nititur. At

1) videndum est, an certo occurrant apud eos. Hinc utendum est illorum editionibus recte diligenterque impressis, ne vitium typographicum pro manu Ciceronis, Caesaris etc., habeas, ac Criticorum opera sedulo castigatis, ne *vocabulum* pro bono priscisque usitato habeas, quod a Criticis diu ejectum est, v. c. *distringere gladium*

gladium pro defringere, vendico pro vindico etc. Interdum etiam legitur in optimis priscorum editionibus vocabulum aliquod, de quo rite emendando nondum inter Criticos convenit, et quod hi pro spurio vel corrupto habent, sed ob Codicum defectum ejicere vel mutare non ausi sunt. V. c. ap. Nepotem *inpraesentiarum*, phrasis *ad scenam ire* etc. Ab ejusmodi vocabulis et phrasibus abstinere tutius est.

2) *boni scriptores* sunt ii, qui linguae usum accurate tenuerunt, ejus divitias, virtutes ornatumque, studiosè et cum gustu in libris suis adhibuerunt; et, ut bene scribere possent, bene dicendo mature diuque se assuescerunt; uno verbo, *oratores* vel, quod fere idem est, *eloquentes* fuerunt, v. c. *Cicero, Caesar* etc. Inter oratores vel eloquentes referendi sunt boni historici, boni poetae, boni comici, v. c. *Caesar, Livius, Nepos, Terentius, Virgilius, Horatius, Ovidius* et alii. Nam hos omnes, si voluissent coram populo dicere, hoc egregie facere potuissent, nemo negaverit. Ergo omnis bona latinitas e lectione priscorum, non e Lexico, haurienda. Sed in illis legendis videndum, e cujus persona quaeque dicantur: v. c. in Ciceronis libris interdum alii inducuntur loquentes, v. c. poeta, comicus; ne verba istorum pro Ciceronianis habeamus. In Comoediis videndum, quis loquatur, utrum herus, filius familias bene educatus, matrona nobilis et prudens, aliusve homo sapiens ac liberalis, an servus nequam, meretrix, obstetrix. Priorum verba semper pro bonis h. e. usitatis apud liberales ac bene dicentes homines haberi possunt; posteriorum non semper. Causa est in promptu. Videndum quoque, utrum serio an per jocum dicatur: v. c. *homo trium literarum* i. e. *fur* jocandi causa ap. Plautum dicitur. Nullum igitur vocabulum debemus ponere, nisi quod ipsi in priscis legimus. Haec certe est via tutissima: nisi forte necessitas a nobis interdum postulet, ut alia vocabula usurpemus, quam quae prisci habeant,

habeant, quia notiones recentiores non semper vocabulis, priscis apte perspicueque exprimi possunt, v. c. *Landgravius* etc.

SECT. II

Haec bona vocabula debent esse etiam apta.

Cum vocabula sint signa cogitationum, earumque quasi speculum, patet, ea non solum *bona*, h. e. usitata, sed etiam *apta* esse debere, h. e. cogitationes singulas plane exprimere, ac sibi invicem quoque recte respondere. Iam cum omnis eloquentia, atque ita omnis stilus bene latinus, *perspicuitate*, *suavitate*, et *gravitate dicendi scribendique* cernatur: sequitur, totum vocabulorum usum his tribus virtutibus dicendi ac scribendi accommodari h. e. inservire debere. Quare, etsi omnis vocabulorum tractatio ad illas tres virtutes proprie referenda ac cum iis conjungenda videatur: tamen, ob copiam rerum in usu vocabulorum per se et ante, quam ad ipsam eloquentiam accedamus, observandarum et, ut animus tironis sensim praeparetur, non alienum visum est, hic quaedam praemittere, ac praecipua locis dictis reservare.

SECT. III

Vocabula per se non sunt pulchra.

In vocabulis per se et extra contextum nulla potest esse *pulchritudo*. Omnis vocabulorum pulchritudo, si quidem vocabulis ipsis pulchritudinem tribuere licet, oritur e duabus rebus, arcto vinculo connexis: a) ab idearum pulchritudine in vocabulis latente, b) ab earum apta dignaque conjunctione. Pulchritudo idearum (ergo et vocabulorum) est semper relativa, h. e. nulla idea s. notio per se pulchra est, sed, quatenus congruit ceterarum idearum contextui, huiusque *pulchritudinem*,

tudinem, h. e. perspicuitatem, suavitatem, gravitatemque dicendi et scribendi pro virili parte, ut sic loquar, adjuvat. Neque igitur vocabulum, licet pulcherrimam ideam continere videatur, per se et extra contextum potest esse pulchrum, nec aliud alio pulchrius et elegantius, ut interdum in Lexicis et Indicibus priscorum per philologos factis perperam dici solet: quia singulae ideae h. e. singula vocabula sunt disiecta membra corporis h. e. contextus. E vocabulis apte conjunctis oritur demum pulchritudo s. elegantia, venustas, orationis et stili. Proprie igitur totus contextus, v. c. orationis, libri, itemque capitis, dici *pulcher* tantum potest; v. c. oratio Ciceronis pro Milone est pulchra, Livii libri sunt pulchri etc.: quemadmodum tota hominis imago in tabula picta tantum pulchra dici potest. Partes imaginis singulae proprie non possunt dici pulchrae, nisi forte vel omne id, quod ad pulchritudinem totius rei aliquid confert, pulchrum vocare libeat; usu dicendi fere duro: vel partem aliquam, tanquam totum aliquod, atque ita per se ac sine connexionione aliarum partium consideres, ut v. c. *pes pulcher*, *brachium pulchrum* dicitur, si quidem partes pedis et brachii sunt in tam apta relatione seu connexionione, ut pes, brachium, per se placere debeat. Sed quamvis ita de majoribus partibus, licet non accurate, dici posse concesserim, quia usus loquendi jam invaluit: tamen minutis particulis, quales sunt vocabula seu ideae singulae, nulla per se pulchritudo tribui potest; nisi velis eo progredi, ut propterea, quod ad pulchritudinem totius aliquid conferunt, pulchra vocari posse dicas: quasi id ipsum semper pulchrum sit, quod pulchritudinem totius alicujus rei adjuvat. E lateribus *pulchra* domus aedificari potest: at lateres ipsi propterea non sunt pulchri. Ceterum, quia *pulchritudinem* non modo toti apte conjuncto, sed etiam ejus partibus, ac deinde aliis quoque rebus innumeris ac variis usus loquendi, a plebe, non a philosophis, originem trahens,

trahens, temere tribuit, hinc necessario factum est, ut definitio pulchri difficilior et incertior redderetur. Quis enim tot et tam varias res sub uno genere facile comprehendat, nisi velit usum loquendi inveteratum lege dictatoria coercere? Quod de pulchritudine orationis dictum est, id quoque valet de venustate et ornatu. Nullum vocabulum per se venustum vel ornatum dici potest. Venustas et ornatus ad universum pertinet contextum. Recte igitur *venuste ornateque dicere ac scribere* potest dici. Et sic Cicero.

SECT. IIII

Cavendae sunt fictae quaedam elegantiae.

Quam in rem ante omnia fugiamus fictas vel non satis definitas *pulchritudines*, quae sub nomine fallaci, ambiguo et obscuro, *elegantiarum*, *verborum pulchrorum* et, ut loquuntur, *ornatorum* vel *syntaxeos ornatae* vulgo circumferuntur, ac fere in verbis et quodam horum ordine et conjunctione, sine respectu idearum, ponuntur. Sunt duplicis plerumque generis: aliae plane nullae sunt, aliae quadam ratione, non simpliciter ac per se, pulchritudini orationis serviunt. En indicem talium elegantiarum!

1) Dicunt, in vocabulis *aureae aetatis* magnam *elegantiam ponendam* esse. — Male. Vocabula per se nec pulchra sunt, nec aliquid pulchritudinis elegantiaeque efficere queunt, ut sect. praeced. monuimus. Et interdum vocabula recentiora sunt aptiora, v. c. Landgravius, Archi-Mareschallus etc.

2) Dicunt, *elegantius* esse phrasin pro verbo simplici ponere: v. c. *amore teneri* pro *amare*: *in amplexum alicujus ruere* pro *amplecti*: *ira inflammatum esse* pro *irasci*. — Male: nec ubique phrasis orationi pulchritudinem conciliat. Nam a) simplex saepe verbum, modo recte exprimat ideam, quam exprimi volumus, aequè aptum est: b) imo simplex vocabulum saepe aptius est, quam phrasis, si ideam simpliciter ac sine idea secundaria exprimere cupis. Ac cum vel nulla

vel saltem paucissima sint synonyma, quae prorsus inter se commutari queant, saepe in periculo sumus, ne phrasi quadam plus dicamus, quam dicere cupiamus: v. c. *amore teneri* est plus quam *amare*: includit enim simul *firmitatem* quandam; *ruere in amplexum alicujus* longe plus est quam *amplecti*: quod facile sentitur, si ad verbum vertitur *in jemandes Arme* oder *Umarmung sich stürzen, rennen*, quod ardentem cupiditatem indicat; *inflammatum esse ira*, *von Zorn entbrannt seyn*, aperte plus dicit quam *irasci*. Iam, si elegantia cernitur in apte dicendo i. e. tantum, quantum debebat dici: apparet, ejusmodi phrasae valde inelegantes saepe esse. Quis v. c. dixerit: *matres saepe solent in amplexum infantium suorum ruere* pro *amplecti*: vel *scripsit ei pater paulum ira inflammatus* pro *paulo iratior*?

3) *Rarius vocabulum, rariorem phrasin*, male pro *elegantia* habent, v. c. *duntaxat* pro *tantummodo*, *saltem*: *colophonem addere* pro *finem imponere*, *finire*, *perficere*: *infutias ire* pro *negare*: *inpraesentiarum*, pro *nunc* cet. Venit hic gustus, haec rariorum vocabulorum cupiditas, ex eo, quod adolecentes ipsi non vocabula hauriunt e priscis, iisque bene intellectis, sed e Lexicis suis vulgaribus. — Male. Imo, quo erebrius vocabulum occurrit apud priscos, eo certius est, hoc iis pulchrius s. aptius alio visum esse; et quo rarius est, eo magis credibile est, hoc iis excidisse; ut taceam, vocabulis saepius occurrentibus magis nos perspicuitati consulere, quam raris: illa enim omnes intelligunt, haec pauci. Pertinet huc quodam modo formula *ut quisque* cum superlativo, seq. *ita*, pro *quo quis* etc. v. c. *ut quisque est doctissimus, ita solet esse modestissimus*: hoc permulti putant *pulchrius* (sic explico illorum *elegantius*) dici, quam *quo quis est doctior, eo solet esse modestior*: v. c. Heineccius Fundam. stili cult. I, I. 22. *** 2 p. 78 ita ait: *quo, eo, vel quanto*, si occurrunt, *elegant* mutari poterunt *ita*, ut in priore commate *ut quisque*, in posteriore *ita*, ponatur. — Male. Quomodo elegantia hic esse major possit? nam sive dicas *quo quis* etc. seu *ut quisque* etc. nonne easdem plane ideas cum vocabulis conjungis? nonne eundem plane sensum? Iam, quae formula non pulchriorem sensum fundit quam alia, non hac potest esse pulchrior. Haud dubie Heineccio et aliis propter duas causas illa forma dicendi visa est pulchrior et elegantior, tum, quia a vernaculae linguae ratione magis recedit, quam altera, tum, quia non tam frequenter in priscis legitur, quam altera *quo quis* etc., quamquam et illa non nimis raro ibi occurrit. Multis, quod valde exquisitum longeque petitum est,

est, nec statim intelligitur, id *elegans* videtur. Miror autem, Gesnerum, virum pulchritudinis verae peritissimum, in notis ad libellum Heineccianum nil contra ibi monuisse. Miror, Ernestium, virum summum, quem equidem certo scio omnem pulchritudinem ponere in ideis ac notionibus, non in verbis, tamen de eadem illa formula vocabulo vulgari et indefinito *eleganter* usum esse. Neque enim eam tantum in *Initiis rhetor.* §. 305 ad *elegantiam* refert, sed in *Clave Cic. voc. ut ait: eleganter dicitur etiam cum superlativo, sequente ita*, Cic. *Offic. I, 5 ut quisque maxime perspicit — ita sapientissimus haberi solet.* Dicere debebat recte, sine vitio. At aequè recte dicitur *quo quis* etc.

4) Nec rarior vocabuli significatio ullam pulchritudinem et elegantiam per se asferre potest: quia vocabulum, non quatenus difficilior est eius notio (imo hoc est contra perspicuitatem et suavitatem), sed quoad pulchram suavemque ideam continet, orationem ornat. Dicunt v. c. *gaudere eleganter* dici pro *habere*, ut *homo gaudet mente* pro *habet mentem* s. *mente praeditus est.* — Male. Imo timendum est, ne lector, nisi contextus aperte doceat cogatque aliter judicare, *et gaudere* per *laetari* interdum explicet. Sic *uti elegantius* dici putant pro *habere*, quia haec vis non tam vulgaris. V. c. Rollinus in *der Anweisung, die freyen Künste* etc. p. 538. — Male. *Utor* tum non elegantius est, quam *habeo*, est *mihi* etc. tum non simpliciter est *habeo*, sed includit simul *usum rei* proprie: v. c. non dixerim de coeco erudito: *utitur quidem multis libris*, sed *legere eos non potest*; nec de avaro: *utitur magnis thesauris* pro *habet*. Quis enim me intelligat? At *uti magistro*, *uti parentibus bonis* etc., recte dicere possis: hos enim non tantum *habeo*, sed etiam iis *utor* h. e. *utilitatem inde percipio*. Hinc apparet, quanti intersit primam vocabulorum vim nosse, quae vulgo, tanquam res nugatoria, negligitur, et sine qua tamen omnis cognitio vocabulorum et omnis eorum usus incertus ac plerumque falsus est. Huc pertinet *ita*, h. e. *hac conditione, propterea*, quo in usu elegantiam inesse dicit Ernesti *Init. rhet.* §. 306; it. *ipse* pro *sponde*, ut nos dicimus *er wird schon selbst wieder kommen*, i. e. *von freyen Stücken*, in quo nemo nostrum aliquid elegantiae sentit; it. *ipse* pro *totus*, v. c. *tres ipsos dies ibi fui*, h. e. *tres totos dies*, gerade *drey Tage*. Non inest hoc usu elegantia et pulchritudo, quia pulchritudo idearum non illo adjuvatur vel augetur. Unum exemplum addam adhuc, quod doceat, rariorem significationem verbi a nonnullis pro elegantia haberi. *Heineccius* Fundam.

filii I, I. 16. 8 *) p. 52 ait: *Aliquando versari idem est ac circumagi, agi. Et haec est elegans locutio.* — Mire. Imo est propria significatio a *verto*, rarius quidem occurrens, at propterea nil elegantiae continens. Sic Horat. I Sat. 5, 72 active dixit *versare turdos*, scil. affandos, ad ignem.

5) Nec ordo verborum pro libidine trajeetus, vel potius distractus et discerptus, pulchritudinem efficere potest: ut nonnulli videntur credere, v. c. Heineccius ibid. §. XIX I ff. p. 58 ff. ait a) *vocativum non ab initio statim, sed plerumque* (quando vero?) *post aliquot verba, poni solere.* — Male et valde indefinite. Nam saepissime vocativus quoque ab initio reperitur in multis locis Ciceronianis. Interdum enim nil refert, utrum ab initio an post aliquot verba ponas, ut in nostra lingua: interdum vero gravitas orationis h. e. affectus postulat, ut modo vocativum praeponas, v. c. apud Terent. Andr. I, 5, 47 *O Mysis, Mysis, etiam nunc mihi* etc.; modo aliis vocabulis gravioribus ac propterea praeponendis postponas. b) deinde ait n. II, *casus obliquos, si id sensus orationis ferat* (quid hoc sibi vult?) *eleganter nominativo praemitti.* — Male et obscure. Debebat dicere, casus obliquos, ut omnes, si gravitas rei in istis casibus latens ita ferat, ceteris vocabulis praeponi debere. Et hoc valet de omnibus ejusmodi regulis Heineccii, v. c. n. VII de *participio a verbo substantivo sejungendo*: ubi ait, *pereleganter* hoc fieri, et laudat Cic. ad Q. Fr. I, I *Non dubitabam, quin hanc epistolam multi nuntii famaue denique ipsa esset sua celeritate superatura.* Addit: *rescribe* superatura esset, *et multum peribit elegantiae.* — Miror, Heineccium tam certo confirmare velle. Ego, cui omnis elegantia in ideis est, in alia omnia eo: ac, si quam hujus sejunctionis causam dare licet, in *perspicuitate* quaero, quae sejunctione ista adjuvatur. Nam, si Cicero dixisset: — *famaue ipsa sua celeritate superatura esset*, lector non satis attentus poterat forsan *τὸ sua* referre ad *fama* vel *τὸ ipsa* ad *sua celeritate*. Quantopere vero Cicero in eo laboraverit, ut nil poneret, quod vel speciem ambiguitatis minimae habere posset, quamque studiose perspicuitati, primariae utique virtuti eloquentiae, consuluerit, infra innumeris exemplis docebitur. c) porro n. VIII est ei haec sejunctio elegans ap. Cic. Fin. II, 16 *Quae est ista laus, quae possit e macello peti?* pro *peti possit*: et haec in Off. II, 20 *sed cum in beneficiis collocandis aut mores spectari aut fortuna soleat* pro *spectari soleat*. — Ego nil elegantiae video: ac centies, imo millies, ista sejunctio non reperietur. d) deinde n. VIII ait, *comparativos et superlativos* *elegan-*

elegantissime periodum claudere. — At hoc non fit semper; ac, si causam asserre licet, est forsan numerosior clausula, quia longioribus vocabulis constant comparativi et superlativi, praesertim in casibus obliquis: de qua re infra dicitur. e) quod praeterea n. X dicit, casus obliquos vocabuli nemo eleganter locum postremum occupare, hoc non ubique verum est. Interdum praepositur, interdum postponitur: hinc sequitur, liberum hoc olim fuisse, nec alterutrum pro certa regula habendum. Quod denique f) n. XIII ait: *Inter adjectivum et substantivum aliquid interponere solere Latinos, jam pueris notum est.* — Recte: pueris scilicet male institutis et verborum pro libidine trajectioni et discerpitioni assuetis. Quam mire, ne dicam pueriliter, loquitur Heineccius: *Latinos aliquid interponere solere!* Quid enim est illud *aliquid*? An omne, quod vis? Sic videtur. Male. Dicere debebat, *aliquid, quod arte cohaereat cum his duobus nominibus*; qua re perspicuitas adjuvetur: v. c. *meus in te animus* etc.: hic quisque sentit, *in te ad meus animus*, nec ad aliud verbum, referri debere. Exemplum e Nepot. Alc. 9 *Quem quidem adeo sua cepit humanitate*, non huc pertinet: nam aequè bene Nepos dixisset *sua humanitate cepit*, et centies hic ordo alibi occurret. Quod autem Heineccius addit: *At si dixeris: adeo sua quidem quem humanitate cepit: nulla amplius erit orationis venustas*; recte quidem ait: at quis tiro tam petulanter discerpit ordinem? quis *quod* *quem* ita rejiciet, eique *quod* *quidem* praeponet? Hoc est ludere. Omnis ordo verborum, si quid pulchritudinis asserre vult, debet orationem pulchriorem reddere, h. e. vel magis perspicuam vel suaviorem vel graviorem. Sed hoc omne pendet a contextu et a re. Idem ordo verborum alibi pulcher, alibi stultus et affectatus, esse potest. Dicitur infra de hoc ordine. Heineccium verò non satis ordinis verborum naturam intellexisse, patet e regula ipsius hac, n. XI proposita: *Adjectiva substantivis sive praeponas sive postponas, perinde est. Pronomina tamen possessiva meus, tuus, suus, noster, vester substantivis suis saepissime postponuntur.* Quod Ernesti, vir summus, in Init. rhet. §. 301 ait: *In adjectivis elegans est, cum a substantivis divelluntur*, v. c. hoc est ad fructum uberrimum pro hic est fructus uberrimus etc., equidem non satis intelligo. Aequè elegans certe est: *hoc efficit fructum uberrimum*: id enim significat proprie ista formula, non, *hic est fructus uberrimus*; est enim proprie dictum pro *hoc est uberrimum, quod ad fructum attinet.* At, cum Cicero ita loqui mallet, cogebatur

uberrimum τὸς ad fructum postponere. Nam *fructus* s. *fruges* prius cogitantur, quam *ubertas*, et haec demum ex illis apparet. Qua de re infra suo loco.

6) Nec *commutatio partium orationis*, si fit temere et sine respectu idearum, aliquid pulchritudinis afferre potest. V. c.

a) *eleganter mutari adiectivum in substantivum et hoc in illud*, dicit Heinecc. §. XXII ** 3 p. 74, sed non addit quando vel ubi haec commutatio locum habeat. Neque enim ubique fieri licet; sed tantum, si adiectivi in primis ratio habetur, h. e. si causa vel simile quid in eo latet: v. c. *Nemo Herculis fortitudini resistere potuit* pro *Herculi forti*: hic enim τὸ *resistere* magis ad fortitudinem quam ad Herculem ipsum pertinet; estque haec forma dicendi perspicuitati valde utilis. At non dicere possum v. c. *coximus bonitatem panis, emi ferrum clavorum, locutus sum heri cum doctrina et fortitudine viri* etc. pro *bonum panem, ferreos clavos, cum docto et forti viro*.

b) dicunt, *eleganter substantivum in participium mutari*. Sic etiam Ernesti Init. rhet. §. 306, qui v. c. ait *re diligentius consideranda elegantius dici quam rei diligentiori consideratione*; sic *patre mortuo audiebamus* pro *post patris mortem*; *iter faciens per Europam venit* etc. pro *in itinere suo per Europam* etc. — Recte haec dicuntur, at non *elegantius* h. e. *pulchrius*, quia ideae non pulchriores redduntur ista forma. Recte vero agere mihi videor, quando τὸ *eleganter* de vocabulis et omnino de latinitate vulgo usurpatum per *pulchre* explico: nam vix aliud quid cogitant in eo. Nam, si per *eleganter* intelligerent *recte, sine vitio*, longe alias formulas dicendi easque faciliores afferrent. Sed cur certas tantum eligunt, quas *eleganter* vel *elegantius* dici putant? Cur has paucas tantum cognomine elegantiae dignas iudicant? nonne videntur hoc nomine plus quam *rectum* intelligere?

c) dicunt, *eleganter mutari verbum in participium*: omninoque participiorum usum pro magna *elegantia* haberi a multis video; v. c. Heinecc. ibid. n. 6 (I) p. 75, ubi nil Gesnerus monet. — At, nulla re nisi brevitate participia se commendare, infra dicetur.

d) dicunt, *eleganter gerundium in participium mutari*. Sic Heineccius ibid. n. 7 p. 77, v. c. *cupidus sum virtutis amandae* pro *virtutem amandi*. — At prius tantum longe frequentius occurrit apud veteres quam posterius: nec priori

priori tamen pulchriores ideae continentur quam posteriori. Ergo non *elegantius*, sed tantum *usitatus*, vocari illud debebat. Miror, Gesnerum nil ibi monere atque adeo ipsum hoc addere: *Quod de gerundiis hic monetur, valet etiam de supino priori, v. c. venit salutatum amicos aut salutandi amicos gratia elegantius ita extuleris: venit salutaturus amicos; salutandorum amicorum causa; ad salutandos amicos. Dicere debebat usitatus. Occurrit enim ista dicendi ratio frequentius apud priscos: at propterea non pulchrior est.*

e) dicunt, *eleganter mutari futurum infinitivi in fore, ut.* Sic loquitur Heineccius §. XX n. 6 p. 68; v. c. *Spero fore, ut is in gratiam tecum redeat, pro eum in gratiam tecum rediturum; spero fore, ut pater veniat pro patrem esse venturum.* — Male. Altera dictio non est pulchrior altera, quia ideae non pulchriores redduntur. Ista forma *fore ut* videtur inventa in verbis carentibus supino atque ita futuro infinitivi, v. c. *spero fore, ut multa discam* etc.; deinde in aliis quoque, quae futurum infinitivi haberent, adhibita, vel ad injucundam repetitionem literae *u* evitandam, v. c. in *constituturum* etc., vel propter variationem, semper suavem, v. c. modo *spero patrem venturum*, modo *fore ut pater veniat*, vel ad periodos felicius struendas remque gravem paulo copiosius exprimendam.

f) nomen *eleganter* Heineccius ait §. XXII ** 4 p. 74 mutari in verbum, v. c. pro: *Omibus par et plerisque melior* putat Nepotem *elegantius* dicere: *Antefertur huic nemo, pauci pares putantur.* — At 1) sententia non ita fit pulchrior, nisi oppositio (*nemo* et *pauci*) aliquid pulchritudinis afferat: 2) sententia adeo mutatur ipsa: neque enim eadem sunt: *Est omnibus par et plerisque melior et Antefertur huic nemo, pauci pares putantur.* Aliud est *parem esse*, aliud *parem putari*. Saepe aliquis potest *esse multis par et plerisque melior*, nec tamen propterea semper ei contingit, ut omnibus anteferatur, et ut nemo ei par putetur. Cogitemus magnos illos viros antiquis temporibus: an his semper justus honor est habitus? Cavendum est, ne, dum verba tantum mutari volumus, ipsam sententiam mutemus et inferiorem reddamus vel corrumpamus; id quod plerumque fit a vulgaribus *elegantiae* aucupibus.

g) sic dicunt, *dico sequente non eleganter in nego mutari, v. c. negavi, me esse facturum pro dixi, me non facturum esse*

esse (Heinecc. ibid. *** 4 p. 79). — At idea non fit ita pulchrior, sed tantum brevitati consulitur, atque propterea ille usus commendandus est. Quod enim fieri potest per pauca, non debet fieri per plura.

h) *eleganter* mutari ait Heinecc. ibid. n. 6 p. 79 *quidam in nescio quis*. — Nil pulchritudinis inesse video: quia eandem notionem continet utrumque. Per utrumque homo ignobilis s. obscurus, quem nominare non possumus vel nolumus, indicatur. Ergo dicere debebat, istam permutationem variationis causa fieri posse. — At ne potest quidem ubique *quidam in nescio quis* mutari: nam *quidam* non semper de homine vel re ignobili dicitur, v. c. Cic. Rosc. Am. 23 in. *Non ita multis ante annis ajunt, T. Cloelium quendam, Tarracinensem, hominem non obscurum, — inventum esse mane jugulatum: quidam* exprimit nostrum *ein gewisser*.

7) *Elegantiam* ajunt adjuvari *adjectione alius vocabuli*. — Recte, si idearum pulchritudo, h. e. perspicuitas, suavitas, vel gravitas adjuvatur: minime vero *adjectione* universa, qualem vulgares magistri et libri crepant, summam breviterque praecipientes: *eleganter hoc vel illud vocabulum adjicitur*. Nihil adjici debet, quod non ornet orationem, h. e. vel magis perspicuam vel suaviorem vel graviolem reddat. Vocabula sunt ideae: quas quis temere ubique addat? Exempla subjiciemus:

a) *eleganter* addi dicit Heinecc. §. XX n. 3 p. 67 superlativis *quam, longe, multo*, v. c. *quam doctissimus, longe optimus* etc. — Quis adolescens inde haud credat, hanc *adjectionem* ubique locum habere debere? quis enim non ubique *eleganter* scribere cupit? Non enim definitur, quando vel ubi? Nec Gesnerus quidquam contra monet. — At non *eleganter* illa vocabula adduntur, sed augendi causa, et ad rem magis tollendam. Nam *quam doctissimus, longe optimus*, plus valent quam simplex *doctissimus et optimus*. *Quam doctissimus* est *recht sehr gelehrt*, *longe* s. *quam optimus* *recht sehr gut*; — at *doctissimus* *sehr gelehrt*, *optimus* *sehr gut*. Vulgaris discendi ratio *der gelehrteste, der beste*, forsan hunc et sequentem errorem peperit. Nam, si quis est *der gelehrteste*, ejus doctrina non patitur incrementum.

b) ibid. n. 4 ait, *eleganter* superlativis addi *quisque*. — Pessime: nec Gesnerus quidquam refutandi causa addit.

Quis-

Quisque non additur *eleganter* h. e. *temere* (nam sic fere explicandum est), sed *neccessario*. Haec adjectio efficit demum enuntiationem universalem, quae antea non erat vel esse non videbatur; v. c. *optimus laudis studio ducitur* est proprie homo *valde bonus laudis* etc., hic de uno homine sermo est vel esse videtur: — at *optimus quisque laudis studio ducitur* est omnes *valde boni ducuntur* etc., hic aperte de omnibus *valde bonis* sermo est. Sic *laudat optima* et *laudat optima quaeque* *valde diversa* sunt: illud est *laudat res valde bonas*, *sehr gute Sachen*, non tamen omnes: — at *laudat optima quaeque* est *laudat omnia*, *quae sunt optima* s. non nisi *optima*, s. omnes *res valde bonas*.

c) Heineccius ibid. n. 5 ait, comparativis quoque *non sine elegantia* addi ablativos *justo*, *solito*, *dicto*, *spe*, *opinionem*, v. c. *justo attentior*, *solito tristior*, *dicto citius*, *spe celerius* etc. — At *eleganter*? quid hoc est? Imo adduntur isti ablativi, ubi sensus requirit: non enim frustra, h. e. ad pompam inanem (hoc forsitan est multis *ro elegant*), adsunt. Longe aliud est *attentior quam justo attentior*, *tristior quam solito tristior*, *citius quam dicto citius*. Nempe *justo attentior* est *attentior quam justum est*; *solito tristior* est *tristior quam solebat* s. *antea*, *trauriger als sonst*; *dicto citius* est *citius quam dictum erat*; *spe* vel *opinionem* *celerius* est *celerius quam vos sperabamus*, *opinabamur*. Augent itaque hae adjectiones, ut necesse est.

d) Heineccius n. 7 p. 68 ait: *elegantiam eandem* (scil. quam fore ut pro infin. fut.) *prae se ferunt formulae accidit, fit, factum est, futura est, quae verbis additae eventum vel consequentiam indicant.* --- Recte: *elegans* hoc est et ad perspicuitatem pertinet, at non ubique, sed ubi contextus ac sententia postulat, v. c. *accidit*, ut *rex moreretur*, non est simpliciter *rex mortuus est*, sed indicat simul, mortem ejus neminem opinatum esse, et eam praeter opinionem et cum tristitia civium accidisse. Non itaque *accidit* (it. *contingit*) nisi de rebus fortuitis, incertis, inopinatis dici debet: non de rebus physicis et manifeste certis, v. c. Quis dicat: *Pater mortuus est: hinc accidet, ut sepeliatur* pro *hinc sepelietur*? vel *accidit, fit, ut deus sit justus, ut virus sit praeclara*? Quod dicere stultum foret.

e) Heinecc. n. 8 p. 69 ait, *quid et cur eleganter augeri* (vel potius mutari) *formula veteribus frequentissima*, e. c. *quid est, quod*, v. c. *quid est, quod delectare nos*

possit? pro quid delectare nos possit? sic quid est, quod hoc rejicias? pro cur hoc rejicias? --- Est elegantia, at tum tantum, ubi ob affectum interrogatio vehementior ac fortior reddi debet, vel ob rei gravitatem. Non igitur ubique usurpari potest *quid est quod* pro *quid* vel *cur*. V. c. quando simpliciter ac leni animo ab aliquo quaero, *cur pater non venerit*, vel *quid pater agat*: dixerim *cur pater non venit*? *quid agit*? Sic *quid agis*? nam, *quid est, quod agas*? foret: *was ist denn das, was du machst*? et *quid est, quod* (seu *cur*) *pater non venerit*? est proprie *was ist denn die Ursache, weswegen der Vater nicht gekommen ist*? Nonne hoc est gravius dictum? *quod* in posteriori est propter *quod*. Ac vel hinc patet, hominem commotum copiose loqui, at, qui de re levi ac tralaticia loquatur, eum breviter loqui. Hoc natura rei postulat.

f) *quodsi* pro *si* eleganter poni putant; v. c. *quodsi ea, quae dixisti, vera sunt* etc. --- At non ubique, ut ex Heineccii his brevibus verbis: *Conjunctionibus si et nisi saepe praemittitur quod, colligere possis, n. 10*; sed si praecedat aliquid, quo *quod* referatur. Nam 1) *quodsi* tantum ab initio periodi ponitur, sed ita, ut 2) alia periodus jam praecesserit: debet enim illud *quod* respicere praecedentia. *Quod* enim hic forsan est i. q. *quod attinet ad hoc, quoad hoc, quia in re* etc. Eodem vero modo *quod nisi*, et interdum etiam *quod utinam, quod ubi*, apud priscos reperitur, v. c. *Quod nisi hanc rem adhuc satis intelligimus* etc.

g) sic Heinecc. ibid. n. II ait, *id quod* pro *quod*, et *ut ne* pro *ne*, eleganter dici. --- At 1) *quod id* forsan magis negligenter quam eleganter a priscis adjectum est, videturque particula sermonis plebei esse: nisi forte dicamus, eam perspicuitati servire quodam modo posse, quia arctius cum praecedente enuntiatione cohaereat: *quod* enim et *id quod*, quae alibi quoque permutantur, haecenus differre proprie videntur, ut simplex *quod* possit et ad unum vocabulum praecedens generis neutrius referri et ad omnia praecedentia: *id quod* tantum ad praecedentia omnia simul s. ad totam praecedentem enuntiationem: haecenus, i. e. propter perspicuitatem, possit elegantiae servire: 2) *ut ne* saepissime occurrit pro *ut non*, vid. exempla infra, P. I c. 9 Sect. IV n. 9, quibus add. Cic. Fin. II, 8: Q. Frat. III, 2 extr.; ut omnino *ne* saepissime pro *non* usurpatur, vid. Lexicon majus a me nuper editum. Cur vero *ut ne* elegantius sit quam *ut non*, scire velim.

Neque

Neque enim quisquam adhuc causam attulit. Imo utrumque aequè bonum est.

h) Heinecc. ibid. n. 12 *isque* (et is, idemque) *elegantè* dicit *redundare emphaseos* causa. — Quid aliud est repugnantia loqui? Nam si *emphaseos causa*, quomodo *redundat*? ac si *redundat*, nulla inest *emphasis*. Sed sic loquuntur, qui rem non intelligunt ac tamen de ea loqui cupiunt. At non *redundat*, sed explicat rem proprius ac definit certius: est enim *appositio*, ut in grammaticis dici solet, cum quadam gravitate: nec ponitur fere, nisi ubi vernacule dicimus *und zwar*, *und noch dazu*, v. c. *habeo multos libros eosque pulchros*: nam in primis inter duo adjectiva s. praedicata interferitur ita, ut gravius sit posterius: sic *Pansa, isque Consul*, non *erubuit declamare*, rectum est, si ita vertis: *Pansa hat sich sogar als Consul nicht der Redübung geschämt*, s. *Pansa, der doch Consul war, hat sich nicht geschämt*. Hic *isque* rectum est, quia Consul consideratur ut persona major, quam quae declamando adhuc vacare debeat. Male vero dicas: *Pansa, isque Consul, exercitui praefuit pro Pansa consul* etc. Ergo non ubique istud *isque* allinere licet. V. c. Quis pro: *habeo tres filios*, dicat *habeo filios, eosque tres*? At si quis v. c. dubitet, an filios omnino habeam, ei possim dicere: *Erras*: *habeo utique filios, eosque tres* i. e. *und zwar drey*.

i) Heineccius n. 14 p. 70 dicit, *interrogationibus elegantè* addi *quaeso, obsecro, amabo*, aut, si ex ira procedant, *malum*. — Recte, si sensus fert. V. c. Num, *quaeso, credibile est* etc.? *Quid, quaeso, pulchrius* etc.? *Quid, malum, me sequere*? *Quid, obsecro, agis*? Per se patet, ista non nisi ex affectu, atque ita graviter, dici: v. c. *Quid, quaeso, pulchrius* etc. est graviter dictum. Deinde *quaeso, obsecro, amabo* sunt proprie verba, non particulae; hinc, quando iis uti conveniat, spontè intelligitur. *Quaeso* et *obsecro* est i. q. *rogo*; et *amabo* it. *amabo te*, nam *te* interdum additur, est proprie *ich will dich auch dafür lieb haben, sey also so gütig*: deinde omnino est i. q. *rogo*, hinc ut post *amabo te* quoque ponitur, vid. *Lexicon nostrum* majus nuper editum. Ista igitur tres formulae, *quaeso, obsecro, amabo* vel *amabo te* proprie notant *rogo*; deinde sunt formulae familiares pro *audi*, *audisne*? ut nostri: *höre, gib mir einmal das Buch*: vel *gib mir einmal das Buch, hörst du*? vel *höre, sey so gut* etc., quae verti possunt; *da, quaeso, librum*; *da, obsecro, librum*; *ama-*
bo

bo (te) des mihi librum. Apponam locum Cic. ad Div. XV, 17 extr. et amabo te, cum dabis posthac aliquid domum literarum, mei memineris h. e. ich bitte dich, denk ja an mich, wenn du nach Hause schreibest, vel: und denk ja an mich, wenn du nach Hause schreibest, ich will dich auch recht lieb haben. Qui haec verba volunt esse interjectiones inanes et tantum, more pedisequarum, ad pompam verborum solennius celebrandam adesse, ii nullius linguae genium caesent. In nulla enim lingua vocabula otiosa sunt: exprimunt enim ideas: quas quis otiose ponat?

k) *eleganter* addi dicunt verbum verbo, v. c. *rana rupto jacuit corpore* pro *rana rupta est: telo percussus cecidit pro percussus est.* — Recte haec dicuntur, at nec ubique nec per se, sed quando gravitas rei postulat, ut res sensibus exponatur, ac simul exitus sensum indicetur. Per se vero patet, duo verba idem notantia jungi non posse; quando igitur Caes. B. Civ. I, 65 ait: *Quos ubi Afranius procul visos conspexit* etc. non *visos conspexit* pro simplici *vidit* accipiendum, multo minus cum Heineccio, venditore elegantiarum monstroso, pro *elegantia* habendum, sed vel *procul visos* explicandum *ab aliis visos*, vel, quia hoc tamen coactum est, resque ipsa abesse poterat, potius dicendum est, vitiose illud dictum ac forsan vitium in *visos* latere; ac profecto, si *visos* abesset, oratio facilius et planior foret. Longe aliter se habet cum Nep. praef. *cum relatum legerint: referre* est historici, *legere* lectoris. Ergo positum est pro *cum apud historicos legerint*. Hic nil vitii, nil otiosum, est. Potest et *relatum* explicari per *relationem, narrationem*. Res eodem redit.

l) *substantivum dicunt* *substantivo eleganter addi.* — Recte, modo hoc substantivum ne frustra addatur, sed notionem secundariam, h. e. qua substantivum primum accuratius definiatur, contineat: v. c. *offendere animam patris* pro *offendere patrem: vulnerare corpus hostis* pro *hostem*. At non ubique addere quidlibet licet, v. c. *inveni pennae longitudinem* i. e. *pennam*, quod stultum foret. Ergo iudicio opus est. De hac re infra accuratius dicetur.

8) Omissione quoque elegantiam dicunt adjuvari.
V. c.

a) *ut* omittitur saepe post *velim, rogo*, v. c. *rogo venias, velim facias, fac venias* etc. — At 1) saepe etiam *ut* post
volo,

volo, rogo, reperitur. Ergo prisci non magnam pulchritudinem inesse ista omissione crediderint necesse est, quia alioquin ubique omisissent: 2) omissio talis particulae nil pulchritudinis habere potest: neque enim sententiam reddit pulchriorem, h. e. dilucidio-rem, suavior-rem, graviorem. Usus loquendi ita ferēbat. Dēbebant potius in universam sic dicere: *Prisci interdum rō ut omit-unt; nec statim addere: eleganter.* Nam per hoc vocabulum intelligit tiro aliquid praecipui ac pulchri. Cete-rum ista forma est similis nostrae: *Ich bitte dich, komm doch, ich wölte du machtest, mach und komm.* Quis hic de elegantia somniat? sed, quod in una lingua elegans est, id in altera aequē elegans credi debet. Sic et cave scribas pro cave ne scribas.

b) *si quis, si cujus, si cui, si quando, sicubi* eleganter dici putant pro *si aliquis, alicujus, aliquando, alicubi.* — Non *elegantius*, sed *usitatus*: ac sic loqui debent, qui de tali re loquuntur. Nam saepe quoque *si aliquis, si aliquando* etc. occurrit apud priscos, sed longe saepius *si quis, si quando*; ac propterea hoc praeferendum, quia videtur priscis visum esse usitatus quam illud. Proprie *si quis, si quid*, etc. falsum est: nam simile foret nostro *wenn was geschehen ist, wenn ich was hören sollte, ich habe was* pro *etwas*; quis *was* pro majori elegantia habeat quam *etwas*? nam et nos omittere solemus per negligentiam: nisi usus dicendi, tyrannus ille ferreus, peccata etiam inter virtutes numerare gauderet. Sic nonnulli *non modo, sed ne-quidem*, quod proprie falsum, sed ob usum priscorum crebriorem tolerandum est, *eleganter* dici arbitrantur.

c) *elegantius* dicunt *aliquis, aliquid, aliqui* ante *relati-vum pronomē* omitti: v. c. *Est, qui dicat*, int. *aliquis*, vel *homo*; *sunt, qui dicant*, int. *aliqui*, vel *homines*; *est, quod tibi dicam*, int. *aliquid*: *non est, quod fleas*, gaudeas pro *non est aliquid, propter quod fleas* etc.: sic prisci semper fere pro *non habes causam flendi, gaudendi* etc. — Non *elegantius* quidem dictum, quia idearum pulchritudo, h. e. perspicuitas, suavitas, et gravitas, non crescit: sed tantum *brevius*, ac propterea commendandum. Nam quod paucis effici potest, salva quidem sententia, id non pluribus fieri debet. Eodem modo omittitur *locus, tempus* interdum, vel omitti videtur: v. c. *habes, ubi ostendas tuam eruditionem: est, ubi libere loqui liceat: erat ali-quando, cum mihi dicebat* etc.

9) Perperam etiam nonnulli id *elegans* esse dicunt, quod non nisi rectum est, vel interdum non aliter e linguae usu dici potest. V. c.

a) *semet ipse interfecit* pro *semet ipsum*: hoc prisci non dixerunt, nec dicere potuerunt; quia accurate loqui, h. e. veritatem sequi, voluerunt. Nam homo proprie *ipse interfecit se, ipse est interfector sui*: quid opus fuisset ad *semet* addere adhuc *ipsum*, quod jam satis in *semet* latet. Sic rectius *sibimet* s. *sibi ipse repugnat*, quam *ipsi*. Hinc recte Cicero ad Div. I, ep. 1 in. *ceteris satisfacio omnibus, mihi ipse nunquam satisfacio*, ubi propter oppositionem volunt legere *ipsi*. At oppositio jam est in *ceteris omnibus* et *mihi*. Lingua vernacula nos, licet attentos, tamen interdum decipit, postponens τὸ *selbst*, et dicens, *ich selbst, mir selbst, mich selbst, sich selbst* etc. Librarii interdum quoque confundunt ista etc.

b) *accusativus cum infinitivo* post verba *sentiendi, intelligendi, judicandi, dicendi, significandi*, pro quod nonnullis videtur elegantius dictum. — Male. Prisci enim non fere aliter locuti sunt, v. c. *audio, fratrem venturum*; *scio, hoc certum esse* etc. Nec tamen pulchritudo idearum hac re adjuvatur. Est tantum *usitatum*, ergo *solum rectum*: sic dici debet.

c) *non modo, sed ne quidem* pro *non modo non, sed* etc. *eleganter* dici dicunt. — Male. Prisci quidem non raro illud *non* posterius, per negligentiam haud dubie, omiserunt, licet proprie ponere debuerint: vid. cap. 10 de Brevit. Hinc nos, ad eorum exemplum, quaecumque est, nos accommodantes, itidem dicimus vel dicere possumus v. c. *Hic homo non modo scribere, sed ne legere quidem didicit, hat nicht nur nicht schreiben* etc. omisso altero *non*. Vides, lector, proprie *vitium* esse, quia profecto una negatio, eaque ad sensum necessaria, perit atque ita sententiam mancam proprie reddit: at usus loquendi etiam vitia saepe tolerat: an vero etiam vitia inter virtutes referre possit ac debeat, viderint ii, qui in imitando non coeci sunt. Et prisci ipsi interdum *non modo non, sed ne quidem* dixere, v. c. *Liv. III, 35* med. it. *Cic. Orat. 2* in. ubi Ernesti posterius *non* tolli cupit. Male. Ergo utrumque recte dicitur.

d) *creare consulem, praetorem, cooptare pontificem, legere senatorem, dicere dictatorem, capere Vestalem* etc. *eleganter* dici putant. — Aequae *eleganter* ac: *panem edere, vinum bibere* etc. *Creare* nihil aliud est quam *facere*, quod
pro

pro eligere saepe dicitur: *cooptare* est *legere*, *eligere*: *capere* est *sumere*, hinc *eligere*. Recte ergo *creare consules*, *praetores*, *cooptare pontificem* etc. At haec verba non tam proprie usurpantur, ut non alia aequae usurpentur: v. c. *consules dicere* (i. e. *ernennen*), Liv. XXIII, 9 in. XXVII, 6 in. *facere consulem*, Cic. Agr. II, 1: *dictatorem creare* (pro quo alibi *dicere*), est *sexies* Liv. II, 18, VI, 6: *facere*, Liv. II, 21: *Cooptare tribunos* est *ter* Liv. III, 64: *senatorem*, Cic. Verr. II, 49: *Dictator dicitur cooptare magistrum equitum*, Liv. VI, 38: *Vestalem legere*, Liv. I, 3: Cic. Legg. II, 8 e Legg. XII Tab.: Ovid. Fast. II, 383: *arbitrum capere* i. e. *legere*, Terent. Heaut. III, 1, 94; sic *judicem*, Plaut. Most. III, 1, 20 et 21 it. 30, 31; sic *dicere tribunos militum*, Liv. V, 13.

e) *utrum* vel *ne* enclit. sequente *an*, (potest etiam *utrum* vel *ne* omitti) pro *an* seq. *an* vel *aut* putant nonnulli eleganter dici. — Non aliter fere prisca aureae aetatis dixere, v. c. *Nescio, utrum scribam an legam; nescio, scribamne an legam; nescio, scribam an legam*. His tribus tantum modis utuntur prisca. Male diceretur: *Nescio, utrum scribam aut* etc., vel *nescio an scribam an* etc., vel *nescio, an scribam aut* etc.; sic prisca non loquuntur. Illud non debemus vocare *elegans*, ne *tirones hoc saltem tolerari posse putent*.

f) *contra* s. e *contrario*, ut fere Nepos, *nusquam*, *commendare* pro *econtra*, *nullibi*, *recommendaré* eleganter dici nonnulli putant. — At vix aliter prisca.

g) *tantum abest*, *ut*, sequ. *ut* eleganter dici volunt pro loco ejus, quod etc. s. pro eo quod etc. v. c. *Statt ihm zu helfen, stand er vielmehr seinen Feinden bey* vertendum: *tantum aberat*, *ut* illi opem ferret, *ut* ejus hostes potius adjuvaret. Perperam hic diceretur: *pro eo quod* vel *loco ejus* quod etc. vel *pro eo adjuvando* etc.

h) *isque*, *et is*, *idemque*, de quo supra, it. *idque* eleganter dici putant pro *et quidem*, v. c. *Cum multis, iisque sapientibus, viris de ista re collocutus sum*: — recte, non *cum multis*, *et quidem sapientibus*, etc. *Operam dat literis, idque Lipsiae*: — recte, non *et quidem Lipsiae*, cf. Cic. Off. I, 1 in. *Emit multos libros, idque parvo*: — recte, non *et quidem parvo*. Prisca tamen quoque *et quidem* sic usurpant, v. c. Cic. Div. II, 44. Ergo illud potius usitatius nominemus.

i) *sine ulla dubitatione* pro *sine omni dubitatione* elegantius dici opinantur. — Prius utique accuratius; hinc saepius ita prisca: *et accuratius etiam in nostra lingua forer ohne einigen Zweifel, quam ohne allen* etc. Qui attendit, sentiet,

sentiet, illud majorem certitudinem ac persuasionem animi indicare: *sine ulla dubitatione* declarat, ne minimam quidem dubitationem restare amplius. Nec tamen credendum est, priscos nunquam dixisse *sine omni*: imo ita dixere, v. c. *sine omni periculo*, Terenz. And. II, 3, 17: *sine omni malitia*, Plaut. Bacch. V, 2, 13: *sine omni sapientia*, Cic. Or. II, 1 extr.: *omni sine labe*, Ovid. Trist. III, 8, 33.

k) *dignus* seq. pronomine relativo elegantius dici putant nonnulli, quam seq. *ut*, v. c. *dignus, qui ameris, ametur* etc.; *quem ames*; *cui des* etc. pro *ut ameris, ametur*; *ut eum ames, ut ei des*. — At semper post *dignus*, si verbum ponendum est, sequi debet *qui*, nunquam *ut*: nisi jam *qui* praecessit, ad hujus repetitionem vitandam: v. c. *virtus, quae, ut ametur, digna est* etc. dici solet pro *quae, quae ametur, vel quae digna est, quae ametur*. Injucunda foret talis repetitio, atque ita contra suavitatem, tertiam eloquentiae virtutem.

l) *ne* et *quidem* eleganter a se sejungi nonnulli ajunt. — At prisci semper fere sejungunt. Causam infra investigabimus. Conjuncta tamen haec duo verba reperiuntur Cic. Att. II, 16 extr. Haecenus de *ficta elegantia*.

SECT. V

Si vis eleganter scribere, debes vocabulorum habere delectum.

Sed, cum tota *ars bene latine scribendi* s. *stilus bene latinus* in eo cernatur, ut pulchre eleganterque cogitata aequè pulchre eleganterque, uno verbo apte, exprimas, h. e. ita, ut lector et auditor, penes quem omne iudicium est, quoque sentiat, te pulchre cogitasse: apparet, duo, ut omnis eloquentiae, ita stili bene latini, studioso observanda esse. *Primum* debet *pulchre cogitare*, quae est res primaria, h. e. ex omnibus sententiis, argumentis, argumentationibus, exemplis, similibus etc. ea deligere, quae perspicuitatem ac simul suavitatem et gravitatem omnium optime et facillime adjuvent; ac simul, quod per se clarum est, spectare ut haec pulchre cogitata inter se ubique arctissime cohaereant. *Deinde* debet id summo studio agere, ut ista pulchre cogita-
ta

ta pulchra aptaque veste induat; hinc rem quamque aptissimis verbis, aptissimaque eorum compositione ac structura, exprimat, atque ita efficiat, ut lectores et auditores istam cogitatorum pulchritudinem facile ac vere sentiant et fere oculis cernant: posterius hoc officium non minus difficile quam prius esse intelligens et expertus facile videt. Nam non per se necesse est, pulchre cogitata ubique pulchra appareant: nec cuique contingit statim, ut, quia pulchre cogitaverit, propterea hoc pulchre eloqui et exprimere possit. Nam in verbis male lectis vel male conjunctis saepe peccari potest, ac saepe fit, ut pulchre cogitata ab auditore et lectore non intelligantur, nedum sentiantur. Cum itaque profecto non parvi referat, quibus et qualibus verbis ad istam cogitatorum pulchritudinem feliciter exponendam et declarandam utaris, quia alia aliis aptiora esse per se intelligitur: videndum ante omnia est, ut scias *verborum delectum habere*. De hoc nunc dicemus: de conjunctione illorum et structura deinceps exponetur.

SECT. VI

Si vis delectum vocabulorum habere, debes magna illorum copia instructus esse.

Sed, ut delectus iste verborum haberi apte eleganterque possit, magna vocabulorum et phrasium copia, in primis ejusdem vel saltem cognatae similisque significationis (*synonyma* haec quoque a nonnullis appellantur), instructus esse debes, ut ex iis pro ratione contextus aptissima quaeque eligas, ac modo vocabula, quae aliquam ideam notionemque *simpliciter*, h. e. sine admittance notionis secundariae, indicent, v. c. *mori, mors, vitam cum morte commutare, vita, vivere, esse, irasci, amare, dicere* etc., modo, ubi opus est ob majorem vel suavitatem vel gravitatem, ea vocabula usurpes, quae praeter istam unam ideam simul notionem aliquam se-

cundariam contineant, v. c. *mortem oppetere et cadere*, in quibus inest simul idea *violentiae*, pro *mori*; *vitam trahere*, in quo est saepe notio simul *miseriae* cujusdam, pro *vivere*; *vita frui*, in quo est notio simul *suavitatis*, pro *vivere*; *succensere*, in quo est significatio *irae latentis*, pro *irasci*; *ira incensum* s. *inflammatum esse*, in quo est notio *vehementiae*, pro *irasci*; *amore teneri, duci*, ubi est notio quaedam *vehementiae* vel *firmitatis*, pro *amare*. Huc pertinent *flare, sedere, haerere* etc., quae indicant quandam *firmitatem*, v. c. *stat mihi sententia* non est simpliciter pro *est mihi sententia*, sed *est mihi sententia firma*; sic et *sedet sententia* etc.; sic *haerere in malis* plus est quam *esse in malis*; *versari* non est simpliciter *esse*, sed aliquamdiu, ac saepe per longum temporis spatium, *alicubi esse*. Hinc *versari in literis* notum est i. e. *occupari literis*: hinc *versari in urbe* non dici de eo potest, qui per eam *celeriter proficiscitur*, nec in illa *moratur*: hic tantum *fuit* in illa urbe, non ibi *versatus est*. Sed de omnibus nil certi definiri hic potest sine contextu. Interdum enim verbum simplex est rectius, quam longa phrasis: et verum utique est, nullum vocabulum tam bonum esse, quod non in contextu quodam sit ineptum; et nullum vocabulum tam vulgare esse, quod non in contextu quodam sit aptum. Omnia igitur a contextu pendent.

SECT. VII

In primis debes vocabula antea recte intelligere, quam eorum delectum apte habere recteque ipsis uti cupias.

Verum opus praesertim est vocabula recte intelligere h. e. scire, quae notiones iis vere a priscis subiectae fuerint. Nam, sine ista cognitione, quomodo delectum habere possis? Non tam magna hic difficultas est in vocabulis unius significationis, v. c. *pirum, cerasum* etc., etsi et hic interdum peccatur, quam in homonymis,

nymis, v. c. *consuetudo, auctoritas, copia, consilium, iudicium* etc. Subjiciemus nonnulla vocabula, quae male vel non satis recte interdum intelliguntur et usurpantur.

Aetas est idem quod *anni vitae*, v. c. *homo id aetatis* i. e. *ein Mensch von den Jahren*; hinc *aetas puerilis, senilis* etc.

Ambizio non est *superbia*, qua captus homo alios prae se contemnit, sed *studium honoris*, omninoque *studium aliis quocunque modo placendi*: respondet nostro *Eitelkeit, Ehrliche, Ehrgeiz, Ambition*.

Anima est quidem interdum *die Seele, animus*, sed longe crebrius *spiritus Athem*, et hinc *vita*; hinc *anima ei foetet*; et *animam ducere*, i. e. *spirare*.

Apparere non est *videri scheinen*, sed *cerni, in aprico esse, manifestum esse*. Male ergo dicitur *malum apparens, ein Scheinübel*, pro *malo opinato, quod tantum videtur malum esse, nec vere est*.

Arma sunt proprie quibus corpus tegebant prisci adversus hostium *tela*: v. c. *galea, lorica*, in primis *clypeus*: at *tela*, quibus aliquem caedimus vel petimus: v. c. *bombardae nostrae, gladius, saxa*, et alia, quibus aliis nocere possumus. *Telis*, non *armis*, petimus, occidimus alios.

Avarus non est, qui pecuniae nimis parcat, *geizig*; hic *tenax* dicitur: sed pecuniae consequendae nimis cupidus; est nostrum *habfüchtig*. Est quasi *avidus aeris* s. *auri*. Saepe is, qui maxime pecuniam profundit, est *avarissimus* h. e. non *sehr geizig*, sed *sehr habfüchtig*.

Auctoritas dicitur de multis rebus, multum valentibus, v. c. de *consilio, imperio, solatio, hortatione, exemplo, approbatione viri magni et prudentis*, cui parere decet: saepius est nostrum *Vorstellung*.

Calamitas non est simpliciter omne *malum* s. *fortuna adversa, das Unglück*; sed *cum damno gravi conjuncta*; ac saepe ipsum *damnum* s. *jactura rei gravior*.

Calumnia non est, quando in conventibus hominum aliquis alterius dignitatem minuere studet, *Verläumdung*; sed *falsa accusatio ap. iudices*: hoc patet ex Cic. Rosc. Am. 20: deinde *omnis interpretatio eorum, quae alter agit, prava*: quae etiam tacite fieri potest; neque igitur convenit plane vernaculo *Verläumdung*, sed omnium optime francogallico *Chicane*.

Clemens non est, qui aliis beneficia tribuit s. *liberalis*, sed qui peccatis aliorum veniam dat, facile se placari sinit, non statim punnit, non statim irascitur, *sansfütig, gelinde, sanft, glimpflich*.

Conari est fere *velle*, *tentare*, interdum etiam *audere* i. e. *wagen*, *unternehmen*, *sich unterstehen*.

Consilium non tantum est, *quod aliis suadetur*, *der Rath*, sed etiam *decretum*, *Entschliessung*, interdum etiam *factum*, *it. prudentia* quaedam in eo consistens, si quis facile vel alii vel sibi ipse scit consilium dare, h. e. scit, quid sibi in re difficili agendum sit.

Convincere, *überzeugen*, *überführen*, tantum de peccantibus et peccatis dicitur: *peccantes* et *peccata convincuntur*. Ergo tantum malo sensu adhibetur. *Convincere* est aperte demonstrare, rem aliter se habere, quam aliquis dixerit, atque ita aliquem aliquid dixisse vel commisisse, quod ille antea negasset etc. At *überzeugen* i. e. *facere*, ut aliquis aliquid credat, verti latine debet *persuadere*, v. c. *Ich bin von der Gerechtigkeit Gottes überzeugt* est *persuasum est mihi de justitia divina*; male hic diceretur *convictus sum*: sic prisca semper.

Crimen non est *das Laster*, *Verbrechen*, per se, sed quatenus alicui obijcitur, omninoque *quidquid alicui obijcis*, *Vorwurf*. Hinc *crimina diluere*, *die Vorwürfe widerlegen*. Raro significat *peccatum*, *delictum*, simpliciter, h. e. sine idea objectionis, et non nisi ap. poetas, utpote paulo audaciores in usu vocabulorum.

Destituere est *deserere aliquem*, v. c. *qui nostram opem expectabat*, quia v. c. promiseramus, nos ipsum adiuturos. Ergo *destitui* non simpliciter *carere*, v. c. *destitui libris*, sed est *deseri*.

Dignitas est *existimatio*, *die Ehre*, *Reputation*, *Ansehn bey der Welt*: quae e meritis, doctrina, virtutibus oritur.

Diligens non est *fleißig*, i. e. qui multa agit, sed qui *accurate*, *prudenter*, *ac suo quaeque ordine tractat*, *ad singula attendit* vel *minima*, si quid profint v. c. *ad suam vel aliorum felicitatem adjuvandam*: *genau*, *vorsichtig*, *ordentlich*, *sorgfältig*. *Diligentia* igitur est *mentis*: *Industria*, *Fleiß*, est magis corporis, et cernitur in agendo. Potest aliquis *industriam* adhibere, nec tamen *diligentiam* simul, h. e. potest aliquis multa agere, sed nullo ordine observato. Est ergo *diligentia Genauigkeit*, *Pünktlichkeit*, *Behutsamkeit*, *Sorgfalt*, non *Fleiß*, ut vulgo explicant. Ab *industria* et *diligentia* differunt quodam modo *studium*, *labor*, *assiduitas*, *opera*. *Studium* est *impetus animi*, *cupiditas*, *der innerliche Trieb*: sed omne *studium* inutile est, nisi et manum rei admoves, h. e. *industriam* adhibes. Interdum tamen *studium* pro *industria* per metonymiam poni potest, contextu ferente, h. e. si tale *studium* intelligitur, quod per *industriam* se exserit. *Assiduitas* est *diuturna industria*: *Labor* est *industria magna*, *molesta* et *talis*, ut sentias: *Opera* est *industria*, non *animi*, sed *corporis*, *viribus utens*, v. c.

Opera

Opera cernitur in *scribendo*, *eundo*, *loquendo* etc., quia in his rebus corpore opus est. Brevius ita tiro rem tenebit: *studio* agere cupimus; nec dum agimus; *industria* vere agimus; *diligentia* rem accurate et ordine agimus; *assiduitate* rem diu persequimur; *opera* corporis viribus utimur; *labore* corporis vires ita intendimus, ut defatigemur.

Divertere non est *einkehren*, sed in *diversas partes* s. *regiones ire*, *aus einander gehen*; dicitur ergo de pluribus, qui in eodem loco erant, ac deinde alius huc alius illuc se confert: est enim compositum ex *vertere* int. *se*, et praeposit. *di*, i. e. in *diversas partes*. At *devertere* est *einkehren*: proprie enim est *devertere de via*, *vom Wege abgehen*, scil. ut possis in locum ire, ubi quiescas. Ergo *deversorium* est *locus hospitii*, non *diversorium*.

Exsistere non est *esse*, sed *fieri*, *oriri*, *initium sumere*. Male itaque loquuntur dicentes: *quaeritur*, *an deus exsistat* pro *sit*. Vix erit, ubi *exsistere* per *esse* explicare cogare. In omnibus locis, in quibus *exsistere* videtur pro *esse* positum, rectius per *apparere*, *se ostendere*, explicatur.

Fas est, quod legibus divinis sive scriptis sive innatis consentaneum est. *Ius*, quod humanis. V. c. hominem occidere est contra *jus* et *fas*, h. e. contra leges humanas et divinas. Hinc intell. *nefas*, i. e. *Sünde*.

Fides non tantum est *Treue*, sed et *Ehrlichkeit*. Omnino cernitur in eo, si quis ita agit, ut acturum esse eum confidebamus, vel quia juravit, vel quia pollicitus est, vel quia per se h. e. ob solam humanitatem rem, quam expectamus, efficiet. V. c. si quis pollicitus est, vel juravit, se aliquid facturum esse, nec tamen facit, is *contra fidem* egit: it. qui amicum in sua domo occidit, is *contra fidem* egit, quia amicus tale quid ab eo non expectabat. Saepissime verti potest *das Zutrauen*, *Credit*, it. *Versprechen*.

Flagitium non est omne *peccatum Sünde*, pro quo nonnulli dicunt *Laster*, sed turpe *facinus*, v. c. adulterium etc. Proprie *flagitium* est vernaculum *Schande*.

Fortē est semper i. q. *casu*, *von ohngefähr*: v. c. *forte* *veniebat*, i. e. *es traf sich, daß er kam*; *von ohngefähr kam er*: neque igitur ubique exprimit nostrum *vielleicht*.

Gloria non est ubique nostrum *Ruhm*: nam hoc vernaculum vocabulum hodie de parvis rebus dicitur, ubi *laudis* vocabulum usurpari debet, vel *famae*: nos v. c. dicimus *ein rühmlicher Fleiß*, *er hat seinem Amte mit Ruhm vorgestanden* i. e. *eum laude*. Romanis *gloria* est *fama multas terras pervagata*

et illustris, nec fere nisi de magnis ducibus belli aut consulibus aliisve magnis viris usurpatur.

Hactenus raro est ad hoc usque tempus, bis hierher: saltem in aureae aetatis scriptoribus vix ita occurrit; sed intell. parte, estque 1) i. q. eatenus, in so fern, mit der Einschränkung; hinc 2) in scribendo utimur, si rem copiose nolumus persequi, atque dicere de ea desinimus; v. c. Haec hactenus, i. e. so viel hiervon, so weit.

Honoratus non est nostrum gekehrt in titulis, i. e. qui honore dignus est; sed est is, qui honore, quacunque re is cernitur, fruatur, atque ita etiam qui munere aliquo honorifico et amplo functus est: sic honoratissima familia ap. Ciceronem dicitur ea, in qua multi v. c. consulatum, praeturam etc., gesserunt.

Hostis non est is, qui nos odit; — hic dicendus est inimicus: hostis est inimicus gravis, qui bellum inferre conatur, vel qui nos gravi odio persequitur, aut nos, ubicunque potest, laedere studet etc.

Imo adfirmat quidem respondetque vernaculo ja: at saepius tamen non directe adfirmat, saepe corrigit ante dicta, et exprimit nostrum Nein sondern, vel umgekehrt, vielmehr, Francogall. au contraire: v. c. Tu putas, Cajum pauperem esse? Imo nemo est eo ditior.

Ineptus non ubique exprimit nostrum ungeschickt; est potius is, qui aliquid loco et tempore alieno agit, v. c. ridet, ubi flendi, flet, ubi tempus ridendi est; explicat, ubi nulla explicatione opus; jocatur, ubi serio loqui debebat. Respondet nostro ungereimt, unschicklich, abgeschmackt, läppisch: ita res inepta est non conveniens rei, loco, i. e. unschicklich, nicht passend, ungereimt etc.

Infans est, ut etymologia docet, qui nondum fari potest: neque ergo de omni puerulo vel puella dici debet: neque enim vernaculo Kind plane respondet. Recte itaque usurpatur de parvulis, qui fari non possunt; it. de iis, qui adhuc sunt in utero.

Integrum est omne id, quod in pristino statu mansit; v. c. quod nondum inceptum, laesum, est, v. c. causa integra est, in qua nihil dum factum, quae nondum initium in foro cepit; milites integri sunt vel non vulnerati vel non defatigati, prout vel vulneratis vel fessis opponuntur. Homo integer, qui nondum vitiis, libidine etc., corruptus ac laesus est, ein rechtschaffener, ehrlicher, Mann.

Invidia non solum der Neid, sed etiam der Haß, Blame.

Laqueus non est omnis funis simpliciter, sed quatenus nodus in

eo est, v. c. ad capiendum, suffocandum. Est ergo nostrum *Fallstrick, Schlinge*.

Levis non est i. q. *facilis*. Male ergo dicatur: *Nepos est levis; Ciceronis libri sunt leviores quam Horatii pro faciliores*. Facile dicitur, *quidquid sine magno labore fieri potest*. *Levis* est pondere carens, hinc non magnam molestiam vel laborem adferens, saepe etiam per contemptum dicitur, estque i. q. *nullius pretii, vanus, vulgaris*: v. c. *res levis est res vulgaris et nullius pretii; homo levis est vanus, inconstans, leicht-sinnig*.

Liberi Kinder non simpliciter, sed cum relatione ad certos parentes, dicendi sunt. V. c. recte dico: *liberi mei hic sunt; laudant liberos Caji*. At non dici potest v. c. *Hic sunt liberi, Hier sind Kinder*, ac perperam dixeris v. c. *Non decet, adollescentes ludere instar liberorum, imo puerorum*.

Libertus et libertinus idem notant: *libertus* dicitur in relatione ad patronum suum; *libertinus* in relatione ad ordinem suum, h. e. quatenus non est servus: seu, ut Valla Eleg. III, 1 recte loquitur, *libertinus* est relativum ingenui: *libertus* est relativum patroni, v. c. recte loquor: *hic homo est libertinus*. At non interrogare debeo: *cujusnam est libertinus?* sed *cujusnam libertus est?* Sic Tiro erat et *libertinus* per se et *libertus* Ciceronis, patroni sui. Sic et *liberta, libertina*.

Magistratus, quo vocabulo hodie collegium senatus civitatum vulgo appellant, non ita apud priscos usurpabatur, sed de uno munere reip. vel etiam interdum de uno homine illud gerente. V. c. *Consulatus erat magistratus, praetura erat magistratus*. Hinc dicitur *magistratum gerere, esse in magistratu aliquo*. Obiter hic tirones monendi sunt, *esse in senatu* non pertinet inter magistratus, s. senatores per se non dicuntur apud priscos gerere magistratum vel honores, ut apud nos dici hodie solet.

Magnus, si de homine dicitur, non indicat ejus *staturam*, ut nos dicimus *ein großer Mensch*, i. e. homo longus, sed de *animo ac virtutibus*. Pompejus et Caesar magni homines s. viri fuerunt, quia magnas res gessere.

Momentum non est pretium, gravitas *Wichtigkeit*, simpliciter ac sine respectu rei, ubi *Wichtigkeit* est i. q. *Größe*, v. c. *das ist eben keine Sache von Wichtigkeit* i. e. *ist nicht groß*, ubi non dici debet *res magni momenti*, sed *res magna, res magni pretii*. At, ubi de re sermo est, quae prodest alii rei valetque ad rem efficiendam etc., tum *momentum* recte usurpatur. *Momentum*, proprie in lance pondus additum, quod efficit, ut *ista lanx descendat*, est omne id, quod valet ad rem efficiendam,

dam, quod in re dubia facit, ut decernamus, v. c. in duobus candidatis, magna dignitate praeditis, est interdum hoc, quod jam alter munus aliquod administravit, magni momenti, h. e. efficit, ut hic munus, quod ambo petierant, consequatur. Sic in pugna ventus adversus interdum affert momentum, interdum terror aliquis panicus est res magni momenti, h. e. gibt endlich dem Treffen oder dem Siege den Ausschlag.

Neceffe est, quidquid aliter esse non potest et mutari nequit: v. c. *neceffe est, moriamur, edamus, dormiamus etc. At oportet s. opus est* dicitur de eo, quod per se quidem aliter esse poterat, sed ob conditionem, ob commodum aliquod, fieri debet; v. c. *Oportet discamus, scil. ut docti fiamus: hominem oportet nosse alios homines. Debeo de officio; v. c. Liberi debent colere parentes i. e. liberorum est etc.*

Omnino non est particula affirmantis *allerdings*, neque igitur in responsionibus usurpatur, v. c. quaerenti: *an legisti Livium?* non respondere debes: *Omnino*, sed *legi*. *Omnino* significat 1) *prorsus*, v. c. *de hac re omnino nihil audiavi, Hier-von hab ich ganz und gar nichts gehört:* 2) *summam*, s. *si in univ. sum* *universum rem consideres, überhaupt, v. c. de hac re omnino melius est tacere:* 3) interdum videtur esse i. q. *quidem*, sequente sed vel etiam sine hac particula (ubi verti etiam potest *allerdings*, si *et* *allerdings* est i. q. *zwar*, vel convenit cum *tā-gänzlich* aut *überhaupt*); vel ut vere loquar, v. c. Cic. ad Div. V, ep. 6 *Omnino semissibus magna est copia, h. e. Nun ist zwar für sechs Procent viel Geld zu haben, s. In Wahrheit zu sagen, wenn ich die Wahrheit sagen soll, so ist für sechs Procent viel Geld zu haben. Forsan tamen et hic potest explicari überhaupt.*

Opes non tantum sunt *divitiae*, sed *omnia*, quae hominem red-dere potentem queunt: v. c. *magni amici etc. Videtur esse synonymum potentiae.*

Opinio est *sententia incerta nullisque argumentis nixa, die Vermuthung; opinari vermuthen. At sententia est certior, niti-turque causis.*

Oratio non tantum est *oratoris de suggestu dicentis*, sed omni-no significat *verba*, quae quis dicit aut scribit. Potest ergo saepe verti *das Reden, die Worte; v. c. ex oratione fratris cognovi, aus dem Reden, aus den Worten, des Bruders habe ich ersehen.*

Parum non usurpatur, ut nostrum *ein wenig*, quod apud nos de mediocritate, qua contenti esse interdum solemus, dici solet: v. c. *Dieses hat mir zwar nicht völlig, doch aber ein wenig, geholfen non verti debet: Hoc, etsi me non prorsus,*

tamen

tamen parum adjuvit. Nam *parum* fere idem est, quod *nihil*; imo cum *nihil* commutatur, v. c. *parum prodest, nützt wenig oder nichts*: verti potest *wenig*; *nicht sonderlich*, *nicht viel*, *nicht sehr* etc.

Petulantia non est tantum *lascivia puerorum*, qua per lusum et jocum aliquid agunt, quod senibus vel severis hominibus displicet, nec tamen cuiquam damnum inferunt, *der Muthwillen*; sed saepissime longe plus indicat: cerniturque in eo; si quis aliis de industria damnum inferre gaudet, v. c. domum diripere, homines verberare innocentes, iisque alio modo insultare. Quae est summa improbitas; et *petulans* est fere nostrum *ein Schadenfroh*.

Pietas non est per se aut ubique *die Gottesfurcht*, nisi vel hoc contextus docet vel *erga deum* additur. Est enim quoque amor *erga parentes, liberos*, omninoque omnes, quibuscum vel *naturae* vel *beneficiorum* vinculo conjuncti sumus. Saepius exprimit nostrum *Zärtlichkeit, zärtliche Liebe*. At debet adjici *erga parentes, liberos* etc., nisi contextus jam docet.

Potestas saepe quidem convenit cum *potentia*: interdum tamen differt. *Potestas* est *regum et magistratuum omnium*, qua possunt nocentes punire cet. *Potentia* ii tantum instructi sunt, qui multum ope divitiarum, adfinitatum, amicorum, militum cet. efficere possunt, v. c. reges, qui magnos exercitus, classes etc., habent. Sic et *potens*.

Probabilis non modo est *verisimilis*, sed etiam *is, qui probatur* h. e. *placet*. *Orator probabilis* igitur est in laude.

Publicus non est *manifestus öffentlich, offenbar*, sed *ad rempublicam totam vel urbem totam cet. pertinens*. *Sumtus publicus* est, quem suppeditat tota civitas, vel, hujus nomine, *senatus*. *Litterae publicae* i. e. *epistola ad senatum vel a senatu missa*: quia senatus nomine reipublicae scribit et epistolas accipit. *Aedificia publica* sunt *toti civitati communia*. Sic *publice* i. e. *nomine vel sumtu reipublicae s. senatus*.

Quidem non tantum est *zwar*, pro quo tamen longe saepius *etsi, quamquam*, usurpatur, sed omnino est particula *restringentis*; ac saepe exprimit nostrum *wenigstens*; saepe vernaculè verti nequit.

Remedium est tantum *id, quo utimur ad malum quoddam averrendum, ein Mittel wider etwas*, v. c. *remedium morbi*. Nunquam vero significat *rem (ein Mittel)* ad aliquid consequendum pertinentem: Perperam v. c. diceretur: *industria est certum remedium doctrinae pro certa via ad doctrinam*.

Salus non tantum est *sanitas*, sed etiam *incolumitas*, *felicitas*, *vita*, vel potius *securitas vitae* s. hominis conditio, qua non habet, quod de vita sua timeat. Romani usurpant quoque de *vita civili*, h. e. de *jure civitatis*, *honoribus*, *aliisque commodis*, quibus cives romani fruebantur: quae quia is, qui in *exilium* abit, amittit, hinc saepe *exsul* dicitur *salutem amisisse*, ac, si in patriam revocatur, *salutem recuperare*. Saepe verti potest *Heil*, *Rettung*, *Sicherheit* etc.

Scilicet, contr. ex *scire licet*, non dicitur apud priscos, ut apud nos *nämlich*, in *explicanda re difficiliore*: ac melius respondet nostro *freyllich*, *allerdings*, quam τὸ *nämlich*.

Seducere non fere est *inducere*, *decipere*, sed *seorsum ducere* h. e. in *locum secretum*.

Si proprie de *conditione* debet usurpari, omninoque si τὸ *wenn* commutari potest cum τὸ *wofern*; v. c. *veniam ad te, si tibi placuerit: mitte mihi istum librum, si me amas*. At de tempore rectius *cum*, quando: v. c. *gaudeo, quando (cum) video, homines virtuti operam dare, non si*. Nec tamen negandum, priscos etiam τὸ *si* de tempore usurpare, v. c. *Cic. Tusc. III, 22 in. et saepius*.

Stultus non est ubique nostrum *Narr*, sed significat etiam *omnem, qui nimis festinanter et citra praemeditationem agit*. Hoc interdum vel sapienti accidere potest. Ergo *sapiens interdum est stultus*, h. e. *non omnibus horis satis sapit*. Saepe itaque verti potest *einfältig*, *unbesonnen*, *Thor* etc.

Suffragari non est tantum *suffragium ferre*, sed etiam *favore suo aliquem adjuvare vel commendare*.

Tunica est vestis interior, nobis *die Weste*. **Toga** est vestis superior.

Verba facere est quidem *reden*, sed non simpliciter ponitur *pro loqui*, saltem non potest de paucis verbis dici. Perperam dixeris: *Messapus, de quo Virgilius verba facit*; vel: *Pater tuus proficiscens verba fecit, se mox reversurum*, pro *dixit*. Usurpatur non nisi de pluribus verbis; v. c. de sermone familiari ap. *Plaut. Rud. IV, 3, 62*, in primis: 1) de *oratione solenni*; 2) de *relatione consulis ad senatum*; 3) de *formula dedicationis recitanda*. In his tribus rebus opus est multis verbis. Triplex hic usus reperitur apud Ciceronem.

Versari non est *esse* simpliciter, sed *aliquamdiu saltem in loco morari*; docet hoc praeter usum loquendi propria significatio, de qua mox.

Vulgus, quod videtur esse nostrum *Volk*, non est solum *plebs*, sed etiam *homines in universum*, h. e. si de hominibus ita loquimur, ut non certum eorum genus respiciamus; respondetque nostro vocabulo *das Publicum*: hinc *vulgo insgemein, durchgehends*, i. e. a *vulgo*: v. c. *vulgo dicitur, man spricht durchgehends*, i. e. a *vulgo dicitur*: hinc *vulgare rem* est *rem communicare cum vulgo*, h. e. *omnibus hominibus, quicunque sunt, notam reddere*: et *res vulgaris* est *omnibus nota vel communis*.

Haec haftenus. Plura qui volet, adeat, si lubet, *Lexicon meum* 1783 editum.

SECT. VIII

Unde discenda est vera vocabulorum notio?

Sed quaeritur, unde hae verae vocabulorum notiones hauriendae sint. — Hoc omnium optime fit *e contextus cognitione*, atque ita *frequenti et accurata ipsorum priscorum lectione*: hic est fons certissimus ac limpidissimus. Contextus est praeclarus magister tam ad recte discendas quam ad recte imitandas pulchritudines omnes in priscis nitentes. Docet enim non modo, quid significet vocabulum quodque, sed etiam, cui contextui hoc conveniat; de qua re et quomodo usurpare liceat. Hoc e *Lexicis, Indicibus etc.*, nunquam tam liquido tam certo disci potest. Recte igitur frequens priscorum lectio commendanda est cuique, qui veras vocabulorum notiones cognoscere cupit. At, cum haec res sit et paulo difficilior et multorum annorum, utile est, praeter magistri fidelis praecepta, libros quosdam consulere, in quibus istae notiones a viris peritis explicatae sunt. Huc pertinent

a) *Lexica bona*. Ac profecto haec primarium tironis adjumentum esse debebant: at rara sunt; quia raro aliquis peritus ad talem librum conscribendum descendere propter difficultatem laboremque cupit. *Lexica*, quae bona censentur, sunt hodie *Lexicon Fabri* a *Gesnero* locupletatum, *Thesaurus Stephanianus* ab eodem *Gesnero* auctus, et in primis *Lexicon Forcellini*: sed et haec *Lexica*,

Lexica, maxime duo priora, laborant mendis. Ego ipse elaboravi hocque anno edidi Lexicon octonis, in quo vocabulorum notiones et constructiones summa diligentia notare ac superiores Lexicographos, quantum per brevitatem licuit, vincere studui.

b) *Indices* priscorum a philologis editi, v. c. *Bosianus* Nepotis, *Freinshemianus* Flori, in primis *Ernestianus* Ciceronis.

c) *Notae* in scriptores priscos a philologis scriptae, v. c. a *Gronovius*, *Graevio*, *Burmanno*, *Dukero*, *Drakenborchio*, *Ruhnkenio*, *Oudendorpio*, *Ernestio*, *Heynio* etc.; quo pertinent quoque *Chrestomathiae* *Gesneri* et *Ciceroniana* et *Pliniana*.

Istiusmodi igitur libri saepe consulendi sunt: quamquam et hic cautio adhibenda; quia Philologi interdum significationem vocabuli aliquam tradiderunt, quae illi forsitan non tuto tribui potest. V. c. atque pro statim, licet Gronovius ad Livium XXVI, 39 Ernesti in Clave, aliique hanc vim tradant, tamen non usurpaverim; nec aliquanto pro longe, licet Ernesti in Clave Cic. sic explicet. Imo persuasum mihi est, aliquanto esse medium inter paulo et longe: et aliquanto doctiorem a paulo doctiore et a longe doctiore differre. Locus Ciceronis (Verr. I, 54 cf. ad Div. VIII, 26 extr.), in quo Ernesti aliquanto putat esse i. q. longe, haud dubie per figuram, quae litozes vocatur, explicandus est; sicut nos de homine magnis divitiis instructo et Cajum pauperem longe iis superante per eandem figuram dicimus: *er hat etwas mehr Reichthum* s. *er hat um ein ziemliches mehr Reichthum als Cajus*. Hinc vero non sequitur, *etwas, um ein ziemliches*, esse i. q. multo, longe. Conferatur ipse locus: et apparebit, recte verti posse *um ein ziemliches*. Non debemus significationes vocabulorum augere sine necessitate. — Sic in eadem Clave aetas explicatur per adolescentiam: rectius anni, ut semper: haec significatio quoque convenit locis memoratis optime. Tiro posset credere, jure dici posse: *aetas est suavior senectute*. Male. Nam de

de omnibus annis *aetas* dicitur, etiam de annis senis: at propterea *aetas* ipsa non est *senectus*. — Ibid. explicat Ernesti *humare* per *cremare* ap. Cic. de leg. II, 22, et addit, se mirari, quod interpretes Nepotis in Eumen. istum locum non viderint. Quidni viderint? At *humare* non est, nec esse potest, i. q. *cremare*, sed semper est *humo tegere*. At, qui cremantur, deinde quoque *ex parte* humantur, quia eorum ossa humo teguntur. Hinc recte quidem per metonym. (conseq. pro anteced.) vel etiam synecdochen *omnis sepultus* (ut Cicero illo loco loquitur) i. e. *crematus* dici quoque *quodam modo* potest *humatus*, scil. *quod ad ossa* reliqua attinet: at propterea *humare* non simpliciter est i. q. *cremare*. Nec hoc dixit Cicero, ut locus ex eo allatus docet. In Nepote vero, ut obiter moneam, haud dubie cum Lambino, vero latinitatis iudice, pro *humarunt* legendum est *cremarunt*. Nec tò denique ubique usurpaverim pro *ut paucis dicam*, licet Graevius ad Ciceronem et Ernesti in Clave ita explicent. — Nam quis sanus dicat v. c. *Multa de hac re dici possent: sed denique haec duo tantum monebo* i. e. *ut paucis dicam, me expediam*. Quis allocationem suam ad aliquem brevitatis studio ita incipiat: *Denique tibi dicam, me* etc. i. e. *ut paucis me expediam, dicam tibi tantum* etc.? Dici autem ita posse, si *denique* sit per se i. q. *ut paucis dicam*, quis non videt? *Denique* in locis quibusdam, v. c. Cic. Verr. II, 23: II, 51: Pis. 20: Nep. Reg. 2: Flor. I, 16 explicari posse *ut paucis dicam*, non negaverim, sed in iisdem locis aequè bene, de mea sententia, explicari potest *adeo, atque adeo*; ut Cic. Quint. 16. Inspiciantur ipsi loci. Nec tamen invideo ei, qui, novitate rerum captus, Graevianam notionem arripit et usurpare gaudet. Forſan alio tempore de notionibus vocabulorum sine ulla necessitate per nonnullos philologos auctis et multiplicatis dicam: ut taceam, eorum explicationes saepe esse valde indefinitas et paulo obscuriores. Hinc optimum omnium est, adolescentem

tem ipsum legere et judicare: in primisque primam vocabulorum vim et propriam investigare.

SECT. VIII

In primis discenda est prima et propria vocabulorum notio.

Sed, cum maxima difficultas cernatur in vocabulis homonymis, quorum notiones saepe tam multae, ut edifici vix possint, v. c. *respublica*, *auctoritas* etc., et tam variae sunt, praesertim studio quorundam philologorum, receptis notionibus praeter rem non contentorum, ut illarum connexionem adolescens perspicere non satis possit, egregium adjumentum praestat investigatio solers *primae notionis*. Quam ubi tenes, ceterae facilius, tanquam rivi e fonte, derivantur, ac melius certiusque discuntur: nam, quod accurate perspicimus, id felicius discimus memoriaque tenemus. Sed *prima notio* vocabuli, quam et propriam vocant, non hic nobis subtiliter sumitur pro ea, quae ab origine linguae certo prima fuit: nam hanc in plerisque forsan vocabulis periisse vel obsolevisse credibile est ei, qui novit, quantas mutationes omnes linguae, quoad vivae sunt, praesertim si librorum multitudine et auctoritate, ut nunc artis typographicae beneficio facilius fieri potest, vocabulorum primam formam et notionem non conservant, subire cogantur: id quod ex nostra lingua patet, ubi vocabula sunt nunc honestae, olim inhonestae, notio- nis, et contra: v. c. *schlecht* hodie per contentum dicitur, v. c. *ein schlechter Mensch*, *schlecht Latein*; olim honeste dicebatur de omni *plano*, *aequo*. Sic *Schalk* hodie est vocabulum convicii, olim erat *servus* etc. Ita etiam *Scherge* olim honeste dicebatur, v. c. in libris sacris, *er wird in Ehren sitzen wie ein Scherge*. Per *primam* igitur vocabuli notionem intelligimus eam tantum, quae inter notiones hodie notas prima est, vel saltem esse videtur,

h. e. quae talis est, ut ceterae istius vocabuli significationes inde facilius derivari possint, et ipsa propterea harum omnium mater dici queat. Apparet hinc, τὸ *prima* intelligi relative; deinde notionem vocabulorum, quam *primam propriamque* appellamus, non ubique tam certo *primam* esse, quam vulgo interdum dicatur, ac posse interdum aliam notionem reperiri, quae meliori iure *mater* s. *prima* notio appellari mereatur: id quod etiam saepe factum est, et adhuc fieri solet. Ceterum in his tenebris vel verisimilitudine contenti esse debemus. Iam, si ista *prima* vocabulorum notio, quoad scilicet ea nobis innotuit verique similis est, mature innotesceret pueris, facilius et celerius discerent linguam latinam, quam hodie fit, ubi pueri plerumque prius notiones derivatas discunt, quam *primam*; imo hanc vel nunquam audiunt vel discunt sero tanquam *notionem separatam, singularem*, atque adeo e gustu magistri *elegantem*. Non male. Nam, quo serius aliquid discitur, eo venustius esse debet, praesertim si rarum est; quia optima ac pulcherrima quaeque sero proponuntur; v. c. *vina optima in convivio extremo*. Sic iudicant tirones illi miseri: quis miretur? Egregie igitur faciunt, qui *primam* singulorum vocabulorum notionem ante omnia declarare ac vulgare student: quia sine his latinitas ipsa fundamento caret et incerta est. Qua in re, uti aliorum philologorum, ita in primis *Schefferi* (ad *Phaedr.*), *Gesnéri* *Ernestiique* opera laudanda est.

Non alienum erit nonnullorum vocabulorum *primam* notionem, quae quidem nota est nobis, hic subijcere: ut tirones discant, quanti referat, et in aliis vocabulis eodem modo versentur.

Affigo, ex *ad* et *fligo* i. e. *percutio*, est proprie *percutere rem ad aliquid*, v. c. *ad terram*: hinc *infelicem reddere*, *evertere*, *deprimere*: v. c. *afflictus animus* est tam *terrefactus*, *timefactus*, ut colligi recrearive vix possit: sic nostris est *niederschlagen*, *niedergeschlagen*: opes *afflictae* i. e. *valde depressae, imminutae*,

minutae, et ita debilitatae, ut vix sperari possit, eas iterum erectum vel restitutum iri.

Ambitio proprie 1) est circuitio in universum, deinde in primis circuitio illa Romanorum ad petendos honores. Est ex *amb, āpsi*, i. e. *circa*. Omnis, qui honores cupiebat, praesens petere, in eamque rem circum eos, qui suffragia laturos erant, ire, eosque pressare cogebatur. Hinc per metonym. consequ. pro antec. est 2) *petitio honorum ipsa*. Tum 3) *studium honoris universum atque etiam placendi re quaque hominibus*: nam Candidati illi valde, interdum nimio opere, studebant placere hominibus, eorumque gratiam captabant: hinc vertitur *Ehrliche, Ehrgeiz, Eitelkeit*.

Ango (gr. *ἀγχω*, theod. *enge*, hinc *Angst*) est proprie *constringere, angustum reddere*; in primis *constringere fauces ad suffocandum*.

Anima est proprie i. q. *spiritus, der Athem*; hinc per metonym. *vita*.

Bonus a) proprie est is, qui talis est, qualis esse debet, v. c. *bona forma*; *bonus homo* i. e. *ehrlich, tauglich, vir bonus* in republica i. e. *Patriot*. Potest etiam b) proprie esse *dives*: unde *bona* pro *facultatibus, divitiis*: hinc duplicem vim habet: 1) *privatim*, notat *hominem fide praeditum in homines, promissis stantem, ehrlich, redlich*: quia, qui in bonis est, facilius potest creditoribus satisfacere, quam pauper, omninoque non tam facile ad fraudem inclinat: 2) *publice*, notat *hominem, qui reipublicae constanter favet, ejusque praesentem statum defensum cupit*: hoc quoque sequitur e propria vi: nam divites, quia habent, quod amittere possint, bellum reique publicae mutationem omnem timent et averfantur. Sed forsitan proprietatis notionis a divitiis sumpta non opus est.

Calamitas, a *calamo, der Halm*, proprie est *eversio frugum grandinis et tempestatis injuria, Wetterfchaden am Getreide*. Quae quia rusticis magnum damnum infert, hinc 2) *omnis gravis jactura v. c. parentum, rei familiaris, dignitatis, honorum*: atque ita *malum paulo gravius*. De *fortuna adversa* in universum non posse dici, per se patet.

Callidus, a *callo*, proprie est *cujus manus callum duxere* s. diutina rei tractatione durae factae sunt. Hinc 1) *homo multa expertus* s. *magnae experientiae*, quia, qui diu rem tractavit, experientia non carere potest. Sic *callidus imperator* est *imperator magnae experientiae*. 2) *astutus, prudens*: experientia enim efficit astutiam et prudentiam (*Vorsicht*).

Cogo, e *co* et *ago*, proprie est *congrego*: hoc fit vel vi vel sine vi: hinc est *vi impellere, zwingen*, et *exigere pecuniam, Geld*

einnehmen, eintreiben. Omnes tres significationes sunt valde usitatae.

Crudus, a *cruore*, est proprie *cruoris* adhuc plenus, nondum coctus: v. c. *caro cruda*: hinc *vegetus*; v. c. *cruda senectus* ap. poetas: it. nondum maturus.

Debilis, proprie a *de* et *habilis*, est *mancus*, cui pars sui necessaria deest; v. c. *navis debilis* ap. Virgil.; hinc *infirmus*, *nervis carens*, *imbecillis*.

Dignitas, a *dignus*, proprie est id, quod nos reddit dignos v. c. honoribus, die *Würdigkeit*: hinc dicitur de *meritis*; et per metonym. de *bona opinione aliorum de nobis*.

Diluo, a *di* et *lavare*, proprie est, *liquorem affusa aqua reddere tenuiorem*, v. c. *diluire vinum*, *atramentum*, *dünner machen*, *wässern*: hinc *infirmiorem reddere*, *debilitare*, v. c. *molestias diluire* i. e. *minuere*, *iis vim adimere*; *crimina diluire* i. e. *refutare*.

Egregius, a *grege*, est proprie *e grege separatus*, vel *segregari dignus*, v. c. *hostia egregia*, in qua, ad sacrificium electa, nil vitii inesse debebat: hinc 2) est *excellens, praestans*. Sic et *eximius*, ab *ex* et *emo*, quod videtur esse nostrum *nehme*, *n* adjecto: ut *eximo* sit *capere* s. *eligere e pluribus*.

Frigere proprie *frigus physicum pati*: hinc per metonym. *parum* vel *nihil agere*, *otiosum esse*; quia frigus impedit laborem, vel otium efficit, ut frigus magis sentiamus: ut contra *calere*, *fervere* de labore. Est vero etiam *frigide* i. e. *sine attentione vel plausu audiri*. In Clave Cic. explicatur etiam per *non placere*, *contemni*. At non opus: quamquam certum est, artifices quosdam, quia non placeant et contemnantur, cogi esse otiosos: nemo enim iis vult uti, nemo audire etc. At propterea non opus est significationes augere: nec *contemni*, *non placere*, e notione frigoris duci potest.

Gratia proprie *Annehmlichkeit*; ac sic saepius: hinc *der Dank*; quia *habere gratiam*, *agere gratias*, indicat, rem, pro qua gratias agimus, nobis fuisse gratam.

Humanitas proprie est *Menschlichkeit, menschliche Beschaffenheit*, hinc 1) *Menschlichkeit* i. e. *humanus sensus* s. sensus cuique homini innatus, *menschliche Empfindung*, v. c. ad se defendendum, se in morbo curandum, alios adjuvandos, iis ignoscendum, placendum etc. Hinc 2) *amor erga omnes homines omnibus communis*, et studium nobis innatum aliis operam navandi, facile ignoscendi aliis, non statim irascendi, omnisque ratio elegans hominum in vita communi etc., *Menschenliebe, menschliche Gesinnung, Leutseligkeit, Höflichkeit*,

Gefälligkeit, Artigkeit, Manierlichkeit; ad quam elegantem rationem Cicero refert doctrinam vel cognitiones quasdam artium optimarum, sine quibus homo, praesertim loco illustri, vix personam hominis (saltem elegantis) sustinere potest: Hanc doctrinam vocat *humanitatem* Orat. I, 9, et 16. Plures significationes vix illud vocabulum habet: ac forsan inde omnes loci Ciceroniani explicari possint: v. c. *studia humanitatis* sunt ea studia, quae *humanitatem* die *menschliche Empfindung* adjuvant, et haec sunt *poesis*, in primisque *philosophia*; hae duae res emolliunt mores *nec sinunt esse-feros* s. *inhumanos*. Loca Ciceronis Orat. I, 12, ubi orator dicitur debere *omnem vim humanitatis tenere*, et Rosc. Am. 22 *Magna enim est vis humanitatis: multum valet communitio sanguinis: reclamitat istiusmodi suspicionibus ipsa natura*, aperte docent 1) in priori *vim humanitatis* esse die *Wirkung, die Kraft der menschlichen Empfindung*: hanc enim debet nosse orator, ut animos incitet et reflectat. Debet scire, cur et quando homines hac vel illa re moveantur, cur hoc vel illud magis *sintiant* quam aliud, ut orationem suam ad hos sensus accommodare queat. Gefnerus explicat *Kräfte, Neigungen, Wirkungen der menschlichen Natur*. Ergo *humanitas* ei est *humana natura*: quid haec ad oratorem? et quae est illius vis? sic et Ernesti in Clave. Male uterque. 2) in posteriori loco aperte *humanitas* est die *menschliche Empfindung* h. e. *is sensus, quo ducti quemque*, sive sit gentilis sive christianus, propterea, quia est homo, et nos sumus homines, adjuvare, neque eum occidere solemus. Gefnerus et Ernesti iterum, *humana natura*: quid est *vis naturae humanae*; si veritas: die *Kraft der menschlichen Natur ist groß*? nonne *der menschlichen Empfindung*? Totus locus docet non esse *naturam*: nam haec statim sequitur: *reclamitat ipsa natura*: Ergo haec ab *humanitate* differre debet. Ceterum ex his dictis facilius intelligi poterunt notiones illae, quae in Clave Cic. illi vocabulo tribuuntur.

Infans proprie qui fari nescit; hinc *indisertus* omnis h. e. qui non bene dicere potest.

Levis proprie pondere carens v. c. *pluma*: hinc *inconstans*, *vanus*, *nullius pretii*; sic *levitas* proprie defectus ponderis, et, quia levia facillime a loco suo moventur: hinc 2) *inconstantia*, *temeritas* i. e. *Unbesonnenheit, Leichtsinm*.

Locuples pr. *dives agris*: hinc *fide dignus*: nam divitibus fides habenda est, si spondent pro aliquo etc.: hinc *testis locuples* i. e. *fide dignus*.

Micare proprie *celeriter se movere*, v. c. *micare digitis*: hinc de luce *celeriter se movente* s. *trepidante* dictum: hinc *emicare*, v. c. *e navi*, est *herauspringen*.

Momentum proprie est id, quod facit, ut *lanx descendat*: hinc omne, quod vel efficit ut res fiat vel in dubia re est causa, cur illa decernatur, fiat, bene vel male eveniat.

Morosus vel a more vel a mora duci potest: si a) a more i. e. *Eigensinn*, morosus est *eigensinnig*, *mürrisch*: si b) a mora, est proprie, qui valde et diu moratur in re, v. c. ad eam accuratius inspiciendam: hinc qui rem accuratissime et interdum, e nostra opinione, nimis accurate examinat; quales homines vulgo paucis probantur: hinc nostrum *mürrisch* factum est, quod vitium declarat. Prior etymologia videtur esse verior: cf. *Lexicon nostrum majus*.

Nobilis, e nosco, proprie est notus: hinc is, *cujus pater vel majores gessere summos honores in republica*. Talium enim nomina solent esse notiora ubique, quam nomina plebejorum: quod e nostra consuetudine patet, qua nomina regum et principum magis solemus discere, quam plebejorum; et de iis crebrius loquimur, quam de his.

Offendere proprie est *allidere* per imprudentiam, v. c. noctu, ad lapidem, ad hominem: hinc est 1) *peccare imprudentem*: sed quia, qui ad aliquid vel aliquem offendit, ei accidit, ut aliquid vel aliquem reperiât: hinc 2) *reperire*, *finden*, *antreffen*, sed *casu*. Quia vero, qui ad aliquid offendit, v. c. ad saxum, incommodum interdum patitur: hinc 3) *rem infelicitate gerere*, *infelicem esse*. Quia tandem *allidendo* ad hominem hujus iram in nos excitare possumus, hinc 4) est *animum alicujus iratum reddere*, *beleidigen*.

Persona proprie *facies histrionis ficta*, quae ipsius os tegebat, et varia erat, prout histrio senem, adolescentem, herum, servum etc. agebat: hinc 2) de hominibus dicitur, quatenus eorum honores, vitae genus, animi rationem, virtutes et vitia spectamus, uno nomine *der Character*.

Probus propr. qui talis est, qualis esse dicitur vel debet, *gut*, *echt*, *wirklich*: v. c. *aurum*, *amicus* etc.: hinc *bonus virtute*, i. e. *rechtschaffen*, *ehrlich*. Possit etiam (sed forsan non opus) sic dici: *probum* propr. de metallis est *verum* s. tale, quale esse dicitur, v. c. *aurum probum*, *echt Gold*. Hinc de hominibus, quando vere tales sunt, quales se dicunt, v. c. *amicus probus*: it. *probi homines*, *rechtschaffene Leute*.

Rationem habere rei proprie est *computare*, in computando non praeterire: quod quia rei curam indicat, hinc in univ. sum

non praetermittere, non negligere, curare, consulere rei vel homini, Rücksicht haben, Rücksicht nehmen.

Scrupulus, a scrupo, est lapillus acutus: qui, quia, si in calceum se insinuavit, pedem premit et angit, hinc a pede ad animum translatus est 2) i. e. dubitatio, haesitatio, s. res, quae animum angit.

Spectare, frequentat. a specio i. e. video, est proprie intueri: hinc intueri examinandi causa: hinc explorare, examinare. Potest et sic dici (quod forsan non opus), 1) propr. rem crebro atque ita diligenter intueri: quod quia facimus in re examinanda, hinc 2) examinare, explorare.

Sublevare proprie erigere aliquem humi jacentem: hinc 2) opem ferre alicui misero, qui se ipse juvare non potest, s. qui nostra ope indiget.

Subsidia, a subsideo, proprie sunt triarii, h. e. ea pars pedum Romanorum, quae, dum priores pugnabant, ab horum tergo subsidebat (ne conspiceretur ab hoste) ac cedentibus illis opem ferebat in aciem procedens. Hinc 2) dicitur hoc vocabulum, etiam in singulari, de omni ope, quam alicui ferimus, quia ea indigebat.

Tollo proprie 1) e terra sursum moveo, ich hebe auf, in die Höhe; 2) hinc removere: removenda enim tolluntur antea e terra vel e loco suo per metonym., et hinc tandem 3) occidere: quia occisi sublati sunt e conspectu hominum. **Tollere** laudibus pertinet ad vim propriam: quia, si quis valde laudatur, sermones hominum ejus laudem celebrantes in auras surgunt.

Tueri proprie est adspicere, inspicere rem: hinc intueri, con-
tueri, obtutus. At rem adipicimus, inspicimus, ut videamus, quid ei desit, quo adjuvare et curare illam queamus: hinc 2) curam rei gerere; sic et nostri: er sieht gar nicht nach seinen Kindern, i. e. non curat liberos suos: hinc tandem 3) defendere, quae est vel species vel effectus curae.

Versare, frequentat. a vertere, est saepe vertere, oft herum drehen, v. c. carnem allandam; sic Horat.: hinc se versare de homine ap. Cic. Verr. I, 51 Venit ipse in aedem Castoris: considerat templum: videt undique tectum pulcherrime laqueatum: praeterea cetera nova atque integra: versat se: quaerit, quid agat etc. Sermo est de Verre omnium, quae pulchra essent, cupidissimo, nec tamen aperte vim facere conante: quid est versat se? — Ernesti in Clave Cic. ait: versare se est hominis anxie, quid agat, quaerentis. — Recte. Quid igitur est versare se? num anxie quaerere, quid agat? Hoc Cicero separatim addit. Cur non proprie: er drehte sich

sich bald da bald dort hin. Hoc facere solent et cupidi rei videndae et ii, qui artificium meditantur, quo voluntati suae satisfiat. Sic *versari* eodem sensu ap. Cic. Verr. II, 76 de eodem Verre; impedito aequae magnae difficultate, et inde se artificio quodam extricare conante: *Haerere homo, versari, rubere*, i. e. *Er stockte, drehze sich f. machze allerhand Wendungen, ward roth.* Nam cur non proprie explicemus, ubi liceat? — Ernesti in Clave Cic. ait: *versari de eo, qui nescit, quid agat.* — Recte: at non satis definite. 2) *versari*, quia proprie est *sich herum drehen*, quae actio aliquid temporis postulat, non simpliciter pro esse dici potest, ut vulgo putant. Imo plus significat; estque *per aliquod tempus in loco morari, sich wo aufhalten, sich befinden.* V. c. si quis domum meam venisset, sed statim, quia me credidisset absentem, inde egressus esset, et ego sensissem, aliquem januam meam pulsasse, vellemque quaerere, quis in domo fuisset: an possem ita quaerere: *Quis domi meae versatus est?* Minime: sed *quis domi meae fuit?* Nihil apertius esse potest. Hinc intelligitur, cur *versari in re*, v. c. *in literarum studiis*, possit dici pro occupari: nam occupari manifeste moram indicat. Hinc intell. *versari cum aliquo esse morari cum aliquo, sich bey einem aufhalten.*

SECT. X

De fontibus primae s. propriae notationis.

Sed, quam praeclarum est, scire propriam vocabulorum significationem, quia ita simul totam familiam significationum, ut ita loquar, facilius cognoscimus, tam laudabile est studium illius ubique investigandae. Neque enim incredibile est, multas adhuc inveniri posse. Quaeritur vero, quonam modo prima notio investiganda? quinam sint ejus fontes? — Praecipui sunt hi duo: 1) *Comparatio omnium unius vocabuli notationum inter se*, ut, quae mater, quae filia sit, perspicias. E quacunque ceterae facilius fluunt, ea est mater, ea meretur nomine primae propriaeque significationis insigniri. V. c. varias verbi *offendo* notiones contemplans et inter se conferens, video a notione *allidendi* ceteras sponte sequi: qui *allidit*, is *reperit*, et *iram alicujus movet*, et

infeliciter rem gerit, et vero etiam *peccat*: hinc *allidere* est prima notio. Si ex una harum notionum derivatarum ceterae melius deduci possent, haec tunc foret prima. At neque ex *reperire* sequitur *peccare*, neque ex *peccare* sequitur *reperire*, *iratum reddere* etc. Sic tollo proprie notat *sursum moveo aliquid*, quia hinc *removere*, et hinc *occidere* fluit etc. Deinde verisimillimum est; homines priscos primum de rebus corporeis quam de iis, quae mente intelliguntur, cogitasse. Iam video, *personam* notare et nostrum *Maske* et nostrum *Charakter*: ac, quia hoc ex illo sequi cerno, illud pro prima notione habeo. Sic *scrupulus* est et *lapillus acutus* et *dubitatio angens*. Hinc colligo, illam notionem esse primam, ex eaque posteriorem sequi. In primis 2) *etymologia* pro *fonte primae notionis habenda* est. Etymologia ostendit vocabulorum originem: quam si accurate novi, facilius mihi de ejus conditione ad conditionem vocabuli inde ducti concludere licet. Sed origo vocabulorum est multiplex; nihil igitur difficilius etymologia: potest enim vocabulum ductum esse e graeca, e latina, aliave lingua: hinc multas linguas norit is necesse est, qui vestigiis etymologiae feliciter insistere cupit: potest vocabulum quoque ex historia, ex antiquo ritu, e mythologia in usum vulgarem, ut saepe fit, receptum esse. Hos fontes consulere debet etymologiae s. originationi, quam Cicero *notationem*, vocabulo miro et valde obscuro, appellat, operam daturus et originem vocabulorum, ad vestigia primae notionis invenienda, investigaturus. Specimen singulorum exhibebimus.

1) Multa vocabula latina e lingua latina duci possunt (quamquam forsan prima origo in alia lingua latere potest). V. c.

Acclivis, a *clivo*, est ergo i. q. *ad clivum versus*, *nach dem Berge zu*, i. e. *bergan*. Sic *declivis* est *de clivo*: ergo *bergunter*.

Ambitio ex *ambeo*, et hoc ex *amb*, quod cum gr. ἀμφί convenit, et eo. Ergo est *circum*eo.

Armenta videtur, nam certum non est, esse contractum pro *aramenta*, ab *arare*, quia proprie intelliguntur boves, quibus prisci arare solebant. Hinc *optat ephippia bos piger, optat arare caballus* de iis, qui id cupiunt, quod ipsis non convenit.

Avarus, ex *aveo*, *avidus*, et *aes*, quasi *avidus aeris* vel, ut alii, *auri*.

Calamitas a *frugum calamo*, qui est noster *Halm*, qui frangitur grandine.

Callidus a *callo*, h. e. duriori cute per diuturnum laborem ita facta.

Caveo videtur venire a *cavus*, ut sit proprie *occulto me*. In specubus solebant se condere priscis temporibus.

Cogo ex *co*, i. e. *simul*, et *ago*, *ich treibe*. Ergo significatio congregandi necessaria est.

Crudus a *cruore* videtur descendere, ut *crudus* pro *cruidus* sit *plenus cruoris*: terminatio *idus* notat copiam, v. c. *herbidus*.

Damnare a *damno*, i. e. *jactura*, est proprie *damno afficere*, (cf. multa) sic Plaut. Trin. III, 1, 10 *damnare divites*: et poenae primis temporibus nil aliud erant, quam damna quaedam, v. c. pecoris etc., quae inferebant iudices nocenti, ac deinde *damnum capitis* cetera. *Dammum* forsan est a *dare*. Certe, qui pecuniae summam *dare* cogitur, is *dammum* patitur.

Debilis videtur esse ex *habilis*, pro *dehabilis*, i. e. *non habilis*: hinc *nervis carens*, *mancus*, *parte sui carens*: talis enim est aperte *non habilis*.

Dignitas a *dignus*. Ergo est *die Würdigkeit*. Cf. supra p. 81.

Diligens a *di* et *lego*, i. e. proprie *e variis rebus eligo id, quod maxime convenit rei*; hoc est signum hominis accurati: hinc *diligens accuratus*, *attentus ad singula* etc.; sed et hinc patet, cur *diligere* quoque sit *magni aestimare*. Nam, qui e multis hominibus aliquem eligit, quo utatur, is hac re indicat, se illum prae ceteris magni facere.

Diluo e *di* et *lavo*, quasi *zerwaschen*, proprie liquorem reddere tenuiorem per aquam affusam. Cf. supra p. 81.

Egregius ab *e* et *grex*: ergo *e grege lectus* vel *legendus* proprie.

Examen ab *exactum*, supino verbi *exigo*. Sed *exigere* duo notat 1) i. q. *abigere*: hinc *examen* est *abactio fetus*, de apibus, ein *Bienenschwarm*; 2) i. q. *accurate considerare*, *perpendere*, *explorare*: hinc *examen* est *spectatio*, *diligens exploratio*.

Exemplum videtur esse ab *exemtum*, supino verbi *eximo*, pro *exemtulum* s. *exemptulum* per contractionem: scripsere enim et *emptus* et *emtus*. Ergo proprie est *quidquid e pluribus rebus eximitur*, (*was heraus genommen wird*,) ut proponatur aliis vel ad imitandum vel ad fugiendum: v. c. *res aliquā gesta, fabula etc.*

Eximius ab *ex* et *emo*, i. e. *heraus nehmen*, e pluribus *sumo*, *eligo*. Nam *emo* et nostrum *nehmen* sibi respondent; alterum ex altero factum videtur: τῷ n vel adjecto vel abjecto, prout derivare placet: hinc est *ich kaufe*; sic est nobis τὸ *nehmen* pro *kaufen*, v. c. *Wo nehmen Sie Ihre Waaren? Ich nehme alles bey dem etc.* Ergo *emo* proprie *sumo*, *capio*, aliquid in univēsum, deinde *sumere* pro certo pretio, i. e. *kaufen*. Ex hac *sumendi* notione est *adimo*, forsan etiam *demo* pro *deemo* s. *deimo*, et *extimo*: posterius est e pluribus *legere*. Ergo *eximius* est e pluribus *lectus* vel *legi dignus*, ac synonymum fere τῷ *egregius*.

Fabula a *fari*. Ergo est *quidquid homines dicunt, narrant*, sive falsum sive verum. Hinc *narratio*: et hinc *tragoedia* vel *comoedia*.

Faustus forsan a *fautum*, supino verbi *faueo*, ut proprie sit is, cui favent vel homines vel dii, vel utrique; vel etiam venti etc.

Gens est contractum pro *genus*, a *geno* s. *gigno*. Ergo proprie *gens*, ut *genus*, notat eos, qui ex eodem homine geniti sunt, uno nomine *familiam*. Ex hac *familia* latius *dispersa* factus est deinde *populus*: hinc pro *populo* dicitur. Aequē se videtur *res* habere cum vocabulo *nationis* (a *nasci*).

Imo, v. supra c. I.

Infans ab *in* et *fari*. Ergo *fari nescius*.

Ingenium a *geno* s. *gigno*. Est ergo *quidquid ingenitum* s. *innatum* est: ergo *natura hominis, loci, montis*, h. e. *ratio ei ingēnita*.

Intra pro *intera*, contracte, intell. *parte*; ab antiquo adjectivo *interus*, unde *interior*: sic *extra* pro *extera*, intell. *parte*; simile est *dextera* et *dextra*: sic *intera* et *intra* per celerem pronuntiationem.

Lautus a *lautum*. Ergo proprie *gewaschen*, hinc *rein, reinlich, prächtig, galant*.

Locuples forsan a *loco* et *pleo*, i. e. *impleo*. Ergo proprie *qui locum aliquem vel loca implet*, i. e. *qui agrum, agros, possidet*.

Lomentum a *lorum* ducit Gronovius in *Oblervatt*. vel contracte pro *lavimentum*.

Morofus vel a *more* (*Eigensinn*) vel a *mora* vel *morando*. Ergo vel qui nimis *morem* suum sequitur, i. e. *eigensinnig*, vel qui diu in re *moratur*. Nam *osus* copiam, interdum nimiam, declarat, v. c. *ebriosus*, *vinosus*. Haec terminatio est graeca *óus*, contracte, idem notans. Prior derivatio praeplacet: cf. paulo ante sect. 9 v. *Morofus*.

Mulcta forsan a *mulgeo*, plebejo sermone, ut *emungo*, i. e. *privo*, ut proprie sit *damnum*: et omnis *mulcta* est *damnum*. Cf. supra c. I de orthogr. v. *Mulcta* et *Damnare* hac sect.

Nobilis quasi *noscibilis*, a *nosco*, cujus supinum olim fuisse videtur *noscitum*: unde per celerem pronuntiationem factum est *notum*.

Paulus, a, um, (est enim Adj.) est e *pauculus* contractum.

Petulans a *peto*, i. e. *aggredior*: hinc qui alios *aggreditur*. Forsan est participium verbi obsoleti cujusdam *petulo*, frequentativi a *peto*, ut sit qui saepe ac libenter homines *aggreditur*, *vexat*.

Praetor est contract. pro *praeitor* a *praeire*. Hinc *dux belli*, quia hic in praelio *praeire* et ducere milites debet. Sic et *praeesse* proprie est *primum esse* vel *ante esse*, v. c. in re magna et periculosa. Nam *prae* proprie est *ante*, v. c. *praeire*; ap. Terent. est *i prae*; sic *praecedere* i. e. *ire ante*: sic *praefidere* est *sedere ante alios* i. e. *primo loco*: *praestare* i. e. *stare ante alios*.

Publicus est a *populo*, contractum ex *populicus*: *b* et *p* facile pronuntiatione commutantur; cf. supra c. I sect. 3 p. 27 *scripsi* et *scripsi*. Hinc *Publicola* pro *Populicola*. Ergo *publicae res* sunt *res populi totius*, i. e. *incolarum urbis*, qui saepe dicuntur ap. Livium *populus*.

Semis est contractum ex *semias*, i. e. *dimidius as*: et *as* proprie videtur significasse *unum*: quod vel sonus indicat. Nisi forsan est e gr. *ἡμισ* ortum.

Sinister est forsan a *sinu togae*, qui fiebat in parte laeva s. sinistra. Futilis est Servii, ut plerumque Grammaticorum, opinio a *sino* deducentis.

Stultus est contractum ex *stolidus*.

Superstitiosus a *superstes*, et terminatio *osus* indicat *copiam rei*, eamque fere *nimiam*. Ergo *superstitiosus* est, qui nimis cupit vitam longam et aliis hominibus *superstes* esse. Nimis vitae cupidi omnia timent, somnia, omina etc.; hinc *abergläubig*. Ciceroni *Nat. D. II, 28* est is, qui totos dies deos precatur et immolat, ut sibi sui liberi sint *superstites*. Male. Sed Ciceronis auctoritas in etymologia non magna est: sic idem *Or. 47* ait *ignorus*, *ignavus*, *ignarus* esse pro *innorus*, *innavus*, *innarus*.

innavus, innarus, ob euphoniā. Male: cur non verē etiam *ignumerus*? illud g non est per mutationem e n factum, sed *gnotus, gnavus, gnarus* propria sunt vocabula: nam *gnotus* et *gnarus* sunt e graeco γινώσκω et γνῶσις, et *gnavus* forsan respondet Theodisco *genau*. Ergo potius *ignotus* est pro *ignotus* etc.

Uncia est contract. ex *unicia*, sc. pars. *Unicius*, a, um, fuit adject. ab *unicus* (nostris *einig, einzig*). Ergo *uncia* proprie est *unica pars assis*: atque ita pars duodecima. Sufficiant haec: in quibus, quia Vossii Etymologico *) careo, saepe conjectura sola niti coactus sum. Addam etiam conjecturam de origine vocabulorum *lex* et *religio*. *Lex* proprie videtur esse *via*, ex Hebr. *halach, lech*: hinc actio ut *via* apud Hebraeos, et tandem actio praescripta, i. e. *praeceptum, das Gesetz*. *Lego* proprie notasse videtur eo: hinc *legare* s. *mittere*, i. e. *facere*, ut *ear*: hinc *legio* i. e. milites, qui eunt pugnandi causa: hinc *intelligo* i. e. eo ac *penetro* in sensum verborum: hinc *legere aliquem pugno* ap. Plautum i. e. *invadere*, et *legere oculis* Virgil. Aen. VI, 34: hinc *negligo* i. e. *ne ire quidem cupio ad rem*, ut nos *ich stehe deswegen nicht auf* i. e. *contemno, non curo*: hinc *legere lesen, perlegere durchlesen*, ut nos *ein Buch durchgehen, durchlaufen*. Ergo *relegere* est *retro ire*: quod quia saepe fit, in primis a militibus, ob *metum*, hinc 2) *metuere*. Ergo *religio* 1) *reditus* 2) *timor*: et hic est initium omnium caerimoniarum et religionis apud gentiles. Timebant *Iovem, Rubigum* adeo etc.; hinc pro *omni dubitatione* dicitur: et tandem 3) *cultus dei*. Hinc intelligis versum illum, qui alioqui non explicandus est, apud Gellium III, 9 *Religentem esse oportet, religiosum nefas*: *religens* est, qui deos *timet*: *religiosus*, qui *nimis timet*: hoc terminatio *osus* indicat. Sensus est, *hominem debere deos quidem timere, at non nimis trepide et in omnibus rebus, etiam bonis*. Iudicent peritiores!

Not. Ad propriam vim verbi investigandam multum valet nosse vim terminationis verborum: v. c. a) *osus, a, um*, indicat multitudinem, v. c. *numosus, herbosus, portentosus, ulcerosus* cet. Eandem vim habet terminatio *idus*, v. c. *herbidus, floridus* cet. b) *arius, a, um*, est proprie *versans in re, tractans rem*, v. c. *argentarius*, i. e. *versans in argento, tractans argentum sich damit abgebend* etc.: hinc *argentaria* scil. ars vel res: *argentarius* scil. negotiator: sic *aviarius, boarius*

*) Hoc postea consulere licuit, sed parum inde utilitatis capere potui.

boarius cet. c) *men* vel *mentum* est id, quod efficit rem, valet ad rem, *Mittel zu etwas*, v. c. *tegmen*, *segmentum*, *Bedeckungsmittel*, *solamen* *Trostmittel* cet.

2) Multa vocabula latina originem trahunt e graeca, hebraica aliave lingua, vel ex communi illa prisca, e qua graeca, hebraica, et ceterae natae sunt. Cum Graeca conveniunt v. c.

Ango ἀγχω; autem *aŕre*; *aestus* ab αἶθρo uro; *basium* videtur esse a βάζω loquor, ut sit proprie os, osculum; *crumena* videtur esse κρημνά, quod *perae* genus esse traditur in Lexicis; *donum* a δᾶνος vel a δῶν; eo ich gehe ἔω, unde εἶμι; *extrico* a *tricus*, et hae sunt τριχες, quibus impediunt se aves, ut expl. Baxter. ad Horat. ferm. I, 3, 88 si etymologia certa; *furfures* videntur esse φούρες i. e. coenum; *gaudeo* γαυδέω; *garrigo* γαργώ; *madeo* μαδάω; *mors* est μόρος contr. i. e. *fatum*; *num* videtur esse μῶν eadem significatione per metathesin; *nae vai*; *navis* ναῦς; *novus* νέος; *nervus* νεῦρον; *neo* νέω; *nno* νεύω; *nebula* νεφέλη; *nox* νύξ; *nunc* νῦν; *ovis* οἶς; *scruta* γρύτη; *taeda* δαῖς a δαίω incendo; *vado* est βάδω i. e. eo; *vita* est βίος. Et sic innumerabilia. — Cum theodisca innumerabilia conveniunt, v. c. *abscheiden* *abscedo*; *anzeigen* *indicare*; *bitte* *peto*; *es beliebt* *libet*; *berauben* *privare*; *Bilz* (non *Pilz*) *boletus*; *doppelt* *duplex*; *Esel* *asellus*; *Eimer* *amphora*; *Eber* *aper*; *einig* *unicus*; *eins* *unus*, εἷς, εἶς; *as*; *falsch* *falsus*; *Faß* *vas*; *Fackel* *facula*, a *fax*; *Flegel* *flagellum*; *Flocke* *floccus*; *Füllen* *pullus*; *gelb* *gilvus*; *Garten* *hortus*; *gestern* *hesternus*; *Grube* *scrobs*, addito *s* ut *laepe*; *heute* *hodie*; *Haut* *cutis*; *Haber* *avena*; *Hanf* *cannabis*; *Herr* *herus*; *Horn* *cornu*; *Hirsch* *cervus*; *jagen* *agere*; *immer* *semper*, addito *s*; *Kerze* *ceruus*; *Kalk* *calx*; *Karze* *Catus*; *kalt* *Kälte* *gelidus*; *legen* *locare*; *läppisch* forsan *lepidus* per abusum; *lauter* i. e. *rein* a *lautum*, *lautus*; *Mark* i. e. *Gränze* *margo*; *ich mische* *misceo* μίσχω; *ich nähe* *neo*; *nüchtern* forsan a *nocturnus* vel νυκτερινός; *nützlich* *utilis*, n adjecto; *oder* *aut*; *Ort*, i. e. *extremitas*, *ora*; *Pacht* *pactum*; *Pfund* *pondo*; *Pfeiler* *pila*; sic *Pfoste*, *Fisch*, *Filz*, *Pforte* etc. est *postis*, *piscis*, *pileus*, *porta* etc.; *putzen* *putare*, i. e. *mundum* *reddere*, et *inutilia* *demere*, de arboribus; *Parchen* (circa *hortum*) *paries* quasi *parjes*; *rauh* *raucus* et *ravus*; *Rahm* (lactis) *cremor* addito *c*; *roh* *rudis*; *Ruthe* forsan *rudis*; *rotten*, *ausrotten*, a *radix*; *schökern* (non *schækern*) *jocari*; *Schrein*, i. e. *Schrank*, *serinium*; *schreibe* *seribo*;

scribo; *Stiefeln* tibialia, et innumerabilia in *s*; *zilgen* de-
leo; *Tisch* discus, ob formam; *Vieh* pecus, mutatione fa-
cili; *Vogel* a *volare*, *volucer* etc. Haec haftenus.

E quibus patet, quam similes sibi sint linguae, et quantopere commendanda sit comparatio omnium linguarum, quarumcunque cognitionem consequi possumus, in primis in iis rebus, quae omnibus gentibus prisca aetate communes erant, et quae non ad certam sectam philosophiae vel religionis omninoque doctrinam pertinent. *Etymologia*, atque ita primarum notionum origo, egregie per illam adjuvatur.

3) Multa vocabula ex historia et priscis ritibus in linguam ipsam et in communis vitae usum venerunt. Quod si itaque historiae priscae et antiquorum rituum cognitione cares, in illorum prima notione eruenda frustra desudabis; neque vero etiam ipsa vocabula deinde recte et apte usurpare poteris. V. c. *Croesi divitiae* non de *quovis divite* hodie dici possunt; quia non intelliguntur *divitiae magnae* per se, sed *divitiae potentis regis*. Ergo tantum de *magnis opibus regis cujusdam* dicendum, non de *opibus privati*. *Cineres* et *urna* de mortuis hodie non bene dicuntur, quia nostri mortui non comburuntur, nec cineres urna conduntur, ut ap. Romanos et alios priscos: qui itaque *ad urnam usque, ad cineres usque*, alicui deditum vel amicum se esse scribit, ridiculus est h. e. mentitur. Sic nec *Colophonem addere* hodie dici potest pro *perficere*. Usurpemus tantum ea vocabula, quae ad nostram aetatem accommodari possunt. Valde igitur dubitandum est, an *legio*, *cohors*, *manipuli*, *laurea* de victoria, *triumphus*, *fastes* de imperio, *tribunus plebis*, *sestertius*, *denarius*, *toga* de pace, *sagum* de bello, *arma* de bello etc. hodie satis apte et perspicue de nostris rebus dicantur. Huc pertinent in primis haec, quae hodie usurpari nonnunquam video:

Discedere in alicujus sententiam pro assentiri; apud Romanos proprie discedebant senatores, quod hodie non fit. Sic *pedibus ire in alicujus sententiam*: quod eodem pertinet.

Puncta omnium ferre i. e. *plausum*. Nam, ubi est nobis *rogator* ille, qui ad ponticulum stans suffragia colligit et puncto notat? Romani ita loqui poterant, et sic Horatius. Sed tamen raro ita loquebantur, quia punctorum usus jam obsoleverat.

Pro rostris dicere pro e suggestu ad populum. Ubi sunt apud nos *rostra*? Ridicule *pro rostris sacris dicere* nonnulli dicunt. Tales nugas proferunt, qui latinitatem non ex etymologia primaque origine indagarunt. Volunt *docte* loqui, h. e. ita, ut sermo eorum antiquitatem sapiat: quasi non possimus sine illis vocabulis antiquitatis romanae *docte* loqui.

Patres conscripti pro senatu non dixerim: praesertim cum ne satis quidem intelligamus, cur *conscripti* apud Romanos nominati fuerint.

Censor vitio vel sine suffragio populi creatus; fasces submittere; scriptores proletarii vel capite censi, vix dicere auserim, quia nostris temporibus non conveniunt, licet Heineccius I, 2. 33 ** p. 163 dicat, ea esse *elegantissima*. Per *jocum* quidem istis formulis uti liceat.

In arenam descendere cum aliquo pro disputare cum aliquo vix sine inhumanitatis specie dici potest. *In arenam* descendebant *gladiatores*: quales homines? fortis infimae: et pugnant ad mortem usque, nec, ad veritatem defendendam, sed ad populi oculos delectandos. Quis hodie hanc formulam de nostris philosophis usurpare audeat?

Quod ad *deos* attinet, quaeritur, an dicere possimus *vario Marte pugnare pro fortuna belli; invita Minerva* de iis, qui non sapienter beneque scribunt ac dicunt; *Vulcanus de igne* etc., quia isti *dii* sunt *Nonentia*: forsan tamen usus inveteratus ista permittit interdum; praesertim cum perspicuitati non officiant. Neque vero per *Iovem, Herculem*, aliosque deos jurare nobis licet; non decet dicere, *metastor, mehercule, hercle, pol, edepol* etc. Nec *Minervam* ut *deam sapientiae* usurpem. Quaeritur, an *Musas*, cum eorum praeside *Apolline, Gratiis* s. *Charites, Heliconem, Parnasum* nostris carminibus intexere debeamus. — Si per *jocum* fit, nihil est, quod contra dicamus: sin *serio*, quaeritur, quid v. c. per
Musas,

Musas, quid per *Helicon* intelligamus. Priscis *Musae* erant deae: nam amentes fuissent, si eas invocare coepissent, nec tamen vere putassent deas esse: et *Helicon* erat iis locus a Musis habitatus. Nos, sicut et multi e priscis, hodie per *Musas* intelligimus literas, in primis poesin conjunctam cum Musice. Olim enim poetae simul erant Musici, v. c. Orpheus, Linus etc. — Satius est, nos ista omnia relinquere poetis, qui talibus figmentis carmina ornare gaudent. Intelligentes et vere docti, h. e. qui vere eloquentiam didicerunt, atque ita sine admisione deorum et dearum aliisque figmentis, quae nostrae religioni et nostris temporibus tantopere illustratis vix amplius conveniunt, aliquid pulchri ac venusti proferre valent, per se omnibus istis figmentis, praesertim nimis jam usurpatis et fere obsoletis, abstinerebunt. Qui vero nil ex suo ingenio proferre, nil sponte cogitare, possunt, eos utique necesse est, si quidem scribere cupiunt, ad priscos confugere, eorumque, licet non pulchras verasque, sententias, quibus illi repleti sunt, sed religionem, deos etc., h. e. *verba* sine *sententia* et *jocos*, diripere inque sua carmina infercire. Ac profecto nonnulli ne canere quidem saepe possent, nisi de Cupidine, Venere, Baccho, Helicone, Pindo, Parnaso, Phoebos, Musis, Charitibus etc. canerent, atque ita ea, quae inde ab Anacreontis aetate jam cani coepta et milies jam repetita sunt, repetere liceret. Ignoscendum ergo iis est, modo ne vocent hoc *imitari priscos*. An imitatio vel simulatio religionis gentilis est tota priscorum imitatio? An hi nil praeterea habent, quod ab ipsis hauriri possit? In priscis, cum oratoribus tum poetis, tot sunt venustates, modo eas norimus, ut prae his, quidquid de Baccho, Cupidine etc., ibi dicta sint, id contentu dignum censendum videatur. Atque ipsi prisci, v. c. Virgilius, Homerus, si nostra aetate viverent et Christianorum sacris uterentur, haud dubie *Bacchi*, *Veneris*, *Cupidinis*, *Musarum*, *Heliconis* etc. nominibus, etiam si

iam si iis nota e priscorum lectione fuissent, tamen abstinuissent: quia ad sua sacra se et sua carmina accommodaturi fuissent. Omnis imitatio debet *ideis* cerni, non *verbis*, et valde vituperandi sunt docti, qui, si quis non nisi verba apud Ciceronem aliosque priscos aureae aetatis occurrentia adhibet, licet *mens* Ciceronis ibi non appareat nec ejus eloquentia, statim dicunt, eum Ciceronem *felicissime* imitari, s. esse Ciceronianum. Haec de origine vocabulorum, quatenus primae eorum notationi investigandae servit. — Tria adhuc subsidia etymologiae addam: cognitionem pronuntiationis priscae, librorum de etymologia scriptorum, et *troporum*, ut vulgo adhuc appellantur.

I) *Cognitio pronuntiationis priscae*, quae, nisi ubique certissima, tamen saepe verisimillima est (de ea supra p. 27 dixi), valde prodest ad originem vocabuli ac deinde primam notionem reperiendam, v. c. a) quia *ci* pronuntiatum est *ki*, hinc video, *doctum* e *docitum* fieri potuisse, quod e *dozitum* non fieri potuisset: b) ob celerem pronuntiationem vocalis, in primis brevis, interdum et longa, atque adeo tota syllaba, omissa est; v. c. *doctum* pro *docitum*; *lectum* pro *legitum*; *amasti* pro *amavisti*. Hinc video, *praetor* e *praeitor* recte posse duci, atque ita proprie esse eum, qui aliis praebeat et ipsos ducat in praelium. Hinc video, *uncia* pro *unicia* ex *unicus* fieri potuisse; nempe ex *unicus* formatum est novum adjectivum *unicius*: deinde τὸ *i* omissum est, ut in *doctum*, atque ita factum *uncius*; ergo *uncia* pars est *pars unica totius*. Quia scio, per eandem celerem pronuntiationem *cis*, *gis*, mutatum esse in *x*: hinc video, *quincunx*, *septunx*, ex *quinque*, *septem*, et *uncia* compositum esse, et *septuncem* proprie esse septem partes uncias s. *uncias*, *sieben einzelne Theile des ganzen*, τὸ *c* in *quincunx* pro *qu*, nam debebat esse *quinquunx*, me non movet, quia *q* vel *qu* lectum est ut *k*, qua de re supra p. 28. c) saepe etiam ob vitiosam pronuntiationem una litera temere in fronte adjecta vel omissa est, v. c. *sal* est gr. ἅλς; *sorbeo* est gr. ῥοφέω; *series* est gr. ὄρεος; *sulcus* est ἀδλαξ; *segnis* ὄννος; *scrobs* Grube etc., ubi *s* praefixum est: Contra in nostra additur, ubi in alia deest, v. c. *ich salbe* est gr. ἀλείφω; *Schlüssel* est κλέις; *ich sorge* est ἀγέω; *ich spare* parco etc.

etc. d) interdum transpositae sunt literae, v. c. τέτυν, tener; *Arzt letztes*. Haec et alia; de quibus supra p. 29 paucis, et in libello vernaculo: *Gedanken von den Eigenschaften der deutschen Schreibart* etc. pluribus, exposui, qui observat, facilius sibi viam ad etymologiam aperiet et muniet.

2) Cognitio librorum de etymologia scriptorum. Hic Vossius in Etymologico dicitur princeps esse: sed dubito, an vere ita appelletur. Egregia habet hanc in rem Perizonius in notis ad Sanctii Minervam passim; qui accuratius hac in re cogitat, quam Varro, Cicero, aliique prisca, item Festus aliique Grammatici. Hi enim ludunt saepe magis quam explicant.

3) *Cognitio troporum*, h. e. translationum vocabuli e propria sede atque ita notione in aliam sedem atque notionem, in primis tenenda est. Nam, sicut tropus me a propria vocabuli vi ad translatam ducit, sic idem me retro fert a translata notione ad propriam (ob conjunctionem et comparisonem supra dictam), atque ita pedetentim a propria vi ad originem vocabuli. Ut enim a causa ad effectum, ita quoque contra ab effectum ad causam concludi potest. Dolendum est, in multis scholis tropos tantum edisci, tanquam res sit memoriae, neque tanquam fontem pulchritudinis et elegantiae manifestari: nil magis acuit mentem, quam troporum iusta explicatio, e qua discitur, quomodo idea alia ex alia nascatur s. nasci videatur (*ideam* et *vocabulum* hic pro una re habeo), et quomodo a filiis h. e. derivatis notionibus ad *matrem* h. e. primam notionem recurrere, hancque de illarum vera indole atque etiam usu consulere debeamus. De his igitur tropis separatim nunc agetur, praesertim cum iis magna pars elegantiae, h. e. magna suavitas et gravitas dicendi, contineatur.

SECT. XI

De tropis universis.

Cum permulta, imo pleraque, vocabula sint tropica, h. e. ab aliis rebus, quas proprie insignire debebant, ad alias certis de causis translata; cum inde pleraeque variationes vocabulorum, ad suavitatem gravitatemque dicendi et scribendi saepenumero pertinentes, oriantur: de tropis quaedam hic sunt dicenda, praesertim cum sine

iis vel potius eorum recta explicatione neque prima vocabulorum notio neque conjunctio, inter hanc et inde derivatas intercedens, perspicui judicarique possit.

Tropus est appellatio valde indefinita, ut pleraque technica vocabula e peregrinis linguis arcessita, nisi *definitione* s. *explicatione* adjuventur; ad verbum significat *conversionem* s. *mutationem*: et hic intell. *vocabulorum*, vel potius *notionum* in iis inclusarum. Est igitur *tropus*, si definire placet, *translatio vocabuli* s. *notionis a pristina propriaque sede in alienam recte instituta*. Recte i. e. e regulis certis et immutabilibus, e quibus solis illa translatio fieri debet. Nam non pro libidine transferri licet, v. c. pro *lupus vorat oves* non dici potest *ovis vorat lupos*. Quatenus sunt regulae istae? *Haec sunt perspicuitas, suavitas, et gravitas*. Ad has respici debet in omni translatione, nisi *ovem* pro *lupo* et *lupum* pro *ove* dicere velimus. Non satis est, vocabula permutare vel- le, aliudque alii substituere: debet etiam id, quod substituitur, manifeste tale esse, ut intelligamus statim, *substitutum* id *vere esse* illi, atque illius munus sustinere posse. Hoc postulat perspicuitas, prima virtus eloquentiae. Iam, quia prudentes observarunt, istam translationem, si perspicuitati nil obesse vellet, quatuor modis tantum fieri posse, hinc *quatuor genera* translationum ejusmodi s. permutationum istarum fecere. Videbant nempe pro idea, quae loco alius hic poneretur, non posse nobis illam ideam, cui haec substituta esset, in mentem facile venire (ut tamen e lege perspicuitatis fieri debet), nisi inter utramque ideam aliqua similitudo aliaque conjunctio, saltem externa, intercederet, quia e lege phantasiae nobis, quandam rem cogitantibus, ea simul tantum in mentem venit, quae cum illa aliquid commune vel conjunctum habet. Ad hanc igitur similitudinem vel conjunctionem, licet subinde remotam, respexere, et, cum tantum *tres* possent jure pleno translationis *modos* ponere, quia non nisi tres justae eorum

causae erant, *similitudo*, *conjunctio externa*, et *conjunctio interna*, tamen, cum *ironiam* nulli alii aptiori generi sub-
 jicere posse viderent (quia tamen ea est quoque quae-
 dam *translatio vocabuli*), hinc *quatuor* translationis ge-
 nera fecere. Nempe 1) vocabula, quorum notiones
 aliquid *similitudinis* inter se habent, v. c. quod ad for-
 mam, effectum attinet etc., inter se, si contextus ita
 fert, permutari possunt. V. c. *sol recreat terram omnem*:
rex etiam recreat terram suam: inter utrumque subjec-
 tum intercedit similitudo, quod uterque *terram recreat*:
 hinc pro *rege* potest *sol* poni; saltem in vernacula lin-
 gua hoc fit interdum, sed addito, ob perspicuitatem,
 vocabulo *terrae*: *die Landessonne*: sic pro *causa* poni-
 tur *fontis*; quia, ut ex hoc *aqua*, ita ex illa *effectus* quidam
 fluit. Haec translatio, pulcherrima illa quidem, si ap-
 ta, vocatur vulgo *metaphora*, satis indefinite. 2) Vo-
 cabula nonnulla, quorum notiones non quidem physica
 conjunctione, sed cogitatione tantum, cohaerent s.
 cogitantur tantum cohaerere, ut *causa* et *effectus*, an-
 tecedens et consequens, possunt, ubi perspicuitas con-
 textus id patitur, inter se quoque commutari. Quae
 commutatio s. translatio aequae indefinito vocabulo *me-
 tonymiae* vulgo appellatur. V. c. Romani dicebant *Bac-
 chum bibere*, *Cerere vesci* i. e. *vinum*, *frugibus* vel *pane*
 etc., quia Bacchum et Cererem pro causa vini et frugum
 habuere: et *bibere*, *vesci*, indicat, *vinum* et *fruges* vel *pa-
 nem* intelligi debere. 3) Vocabula nonnulla (nam non
 in omnibus hoc licet), quorum notiones, i. e. res illis in-
 signitae, vere et physice inter se cohaerent, tanquam
totum et ejus *partes* vel *essentiales* vel *integrales*, pos-
 sunt *interdum*, h. e. si perspicuitas contextus concedit, in-
 ter se commutari, v. c. *pater sepultus est* i. e. *corpus pa-
 tris*. Hoc genus translationis vocatur *synecdoche*. 4) Vo-
 cabula denique, quae specie externa quidem differunt,
 quia plerumque per jocum dicta sunt, at tandem ean-
 dem ideam notionemque continent, interdum, i. e. si
 perspi-

perspicuitas concedit ac suavitas vel gravitas ita crescit, commutari possunt. V. c. *indoctus homo* per jocum interdum ponitur pro *docto* et contra: ergo, si quem notum hominem, qui indoctus est, voco doctum, quisque videt, me tamen intelligere indoctum: hic commutantur tantum vocabula, non ideae. Vocatur haec commutatio *ironia*.

In omnibus his tropis recte usurpandis haec in univēsum sunt tenenda:

1) *Vocabulum* (i. e. *notio*), quod alii substituitur, debet tam notum esse, quam id, cui substituitur. Alioquin enim perspicuitas offenditur. Omnis dicens et scribens vult placere, persuadere, et movere: quod, quomodo potest, nisi intelligitur?

2) *Vocabulum*, quod substituitur, debet esse eo, cui substituitur, venustius, vel certe pro ratione materiae aequē venustum. Nam, cur commutamus vocabulum cum vocabulo, nisi venustatem hac commutatione crescere velimus, vel si invēnisti substituiamus?

3) Causa, cur vocabulum vocabulo substitutum sit, facile e contextu debet intelligi, scilicet utrum factum sit tantum variationis causa, an ob maiorem suavitatem gravitatemve. Ergo similitudo conjunctioque illa idealis et essentialis statim animadvertenda est.

4) Non in omnibus tropis *ornatus* quidam orationis semper est. Omnis hic *ornatus* efficitur demum, si inter plura synonymica vocabula id eligimus, quod ad suavitatem et gravitatem aptissimum est. Ergo, si ad ideam quandam exprimendam vocabulo tropico uti cogimur, quia proprio vocabulo caremus, v. c. *refutare widerlegen*, vel, si idea nova, quam tropus infert, non suavitatem gravitatemve adjuvat et auget, nullus ornatus illi vocabulo tribui potest. Errant tirones, qui omnia tropica vocabula putant *ornatum* orationi conciliare.

5) Tropica vocabula non ubique temere usurpanda sunt; sed tantum, ubi contextus ratio postulat. In ideis igitur simplicibus, v. c. *mori, esse* etc., simpliciter enuntiandis, v. c. in narratione, frustra de ornatu per tropicum quaerendo cogitas, nisi affectatum genus scribendi appetis.

6) Tropica vocabula, quae propter venustiore notionem, quam continent, orationi suavitatem conciliant, non nimis debent cumulari, ne taedium lectori et auditori creent.

7) Tropica vocabula, quae orationi gravitatem conciliare debent, non usurpanda sunt, nisi contextus est talis, ut animus lectoris vel auditoris sit movendus, h. e. nisi res ipsa gravis est.

8) Quia omnes hae permutationes vocabulorum aliquid obscuritatis per se continent, nisi contextus ratio talis est, ut facile, quid proprie intelligendum sit, videas, propterea, quotiescunque vocabulo tropico utimur, adesse simul debet vocabulum aliquod, sive sit praedicatum sive subiectum, quod doceat, utrum tropicum illud proprie an tropice positum sit, v. c. *comedere Cererem*, *bibere Bacchum* etc.: hic *τὰ comedere* et *bibere* docent, *Cererem* et *Bacchum* non proprie poni, sed aliquid intelligi, quod comedi et bibi possit. Interdum totus contextus id docere debet, v. c. *Ucalegon ardet*: hic *τὸ ardet* non sufficit ita, ut intelligas, *Ucalegonem* esse *domum Ucalegonis*, quia et *homo ardet* v. c. cupiditate discendi etc. At totus Virgilli contextus docet, *Ucalegonis domum arsisse*.

9) Nisi vocabulorum, quae tropice vis usurpare, notionem primam recte intelligis, non recte illa tropice adhibere poteris. Hinc pater, quam necessaria sit iis, qui troporum ornamenta afficiant, primae vocabulorum notionis cognitio. Quemadmodum igitur troporum cognitio docet, quomodo primam notionem vocabulorum ex notionibus inde derivatis investigare et reperire debeamus, ita docet quoque, quomodo his derivatis recte utendum sit. Sic manus manum lavat.

10) In omni usu troporum valde tamen quoque regnat usus dicendi, saepe regulas migrans: hic igitur simul tenendus, nec solis troporum regulis nitendum. Neque ergo ea, quae in una lingua tropice recte h. e. usitate dicuntur, in omnibus aliis linguis propterea dicenda sunt: neque igitur omnia, quae in vernacula recte tropice dicuntur, in latinam aliamve statim transferenda sunt, nisi multorum scriptorum auctoritas accedat.

En brevem *historiam* troporum, ut melius de iis iudices! *Commutatio ista vocabulorum*, quam hodie docto illo quidem, sed obscuriori, vocabulo *troporum* appellamus, et, quae in omnibus linguis reperitur, primum *casu* vel per *negligentiam* ac *commoditatem* orta est. Primis enim temporibus singulas res propriis nominibus, h. e. quae non aliis rebus communia essent, exprimabant, ita, ut, quot res, totidem vocabula reperirentur.

tur. Et, cum res corporeae, sensibusque expositae, v. c. *oculus, pes, dolor corporis, cibus, somnus, ignis* etc., haud dubie primae essent, quarum nomina cum aliis communicare vellent homines, sive latine siue theodisce etc., has primas esse vocabulis expressas certum est. Postea vero quam, uti fieri solet, corporeae et res et actiones multiplicabantur, et homines videbant quandam cognationem, i. e. similitudinem vel conjunctionem, inter rem priscam et inter rem novam intercedere: factum est, ut, quia ob commoditatem animum ad novum nomen vocabulumque inveniendum intendere volebant, nomen, rei priscae proprium, etiam rei novae tribuerent. Videntes, se ab iis, quibuscum loquerentur, tamen intelligi, pergebant et ipsi et ipsorum filii, nepotesque, et alii istas duas res uno communi illo nomine ac vocabulo insignire, v. c. *caput hominis* et *caput montis* ac *fluvii, oculus hominis* et *oculus mundi* i. e. *sol, dens hominis* et *dens ancorae, pes hominis* et *pes montis*. Cum deinde etiam *res incorporeas* v. c. *actiones mentis animique* verbis exprimendas viderent: sumserunt brevitatis et commoditatis studio, quia novum vocabulum proprium excogitare nollent, vocabula illa, quibus jam corporeae nominabantur, quia inter utrasque similitudinem aliquam notabilem intercedere animadvertenterent, v. c. *aeger* de *corpore* et de *animo*: sic *spiritus* de substantia illa incorporea, *video* de *mente* etc. Haec quidem est origo *metaphorae*. Homines, cernentes, ope ipsorum vocabulorum, licet alienorum, tamen rem, quam exprimere vellent, ab aliis intelligi, pergere sic non dubitarunt: imo in aliis quoque rebus, quae jam sua nomina haberent, horum loco interdum peregrina, similitudinis eorum tamen habita ratione, posuerunt, idque cum temere, h. e. quia proprium nomen non statim iis in mentem veniebat, tum vero etiam duntaxat variandi causa, ad taedium vitandum. Videntes porro, se sic intelligi, atque adeo placere, ita perrexerunt: do-

nec tandem *eruditi* h. e. poetae et oratores, uno nomine *philosophi* (olim enim philosophi erant iidem oratores ac poetae), qui ad usum dicendi semper solent attenti esse, cum animadvertissent, *peregrina* s. translata vocabula propter novitatem ac sensum interiorem magis delectare, quam *propria* h. e. vulgaria, illa *augere*, diligentius *colere*, totamque rem, ut sit, *praeceptis includere* inque *artis* formam redigere studerent. — Aequae simplex origo et eadem ratio est ceterorum troporum. Cum homines proprie dicere deberent v. c. *patris corpus est sepultum, carmina Homeri hic sunt, legi Ciceronis libros, civitas Carthaginienſium bellum parat, aurea vasa tua non curo* etc.: pro iis breviter ac negligenter dicebant interdum: *pater jam sepultus est, Homerus hic est, legi Ciceronem, Carthago bellum parat, aurum tuum non curo* etc. Ab aliis sic se intelligi videntes perrexere, donec tandem eruditi, haec observantes, istam dicendi rationem melius expolirent. Haec est origo *metonymiae* et *synecdoches*. — Sic et *ironia* casu per jocum hominis ingeniosi vel necessario inventa. Cogebantur interdum homines alicui assentiri, ac vel aliquid laudabant vel vituperabant, ubi contrarium sentiebant. Cum appareret, mentem tamen vere ab aliis intelligi, istam rationem saepius, licet per jocum maxime, adhibuerunt. Ex his paucis apertum est, 1) tropos *casu* ac per negligentiam et commoditatem inventos vel ortos, ac deinde studio eruditorum in primis cultos et amplificatos; 2) omnem tropum *proprie* subtilitati, diligentiae, et veritati repugnare, h. e. tropico vocabulo notionem ideamque veram, quam exprimere volo, non vere accurateque exprimi, sed *aliam*, (licet *conjunctam*): ac propterea omnem tropum per se, ac, si rem subtiliter examinas, falsum et vitiosum esse, quia perspicuitati quodam modo officit, nisi et consuetudo dicendi et contextus veram rationem istius novae et substitutae notionis aperte ostenderet ac veram rei notionem, cui illa tropica

tropica substituta est, nobis in mentem simul redire co-
geret. V. c. *homo flagrat amore* proprie non vere dic-
tum est: *homo* enim non *flagrat* proprie; at ex addito
amore colligo, per id verbum *flagrandi* intelligi, *amo-*
rem hominis esse *inftar ignis*, s. esse tantum, ut non mo-
do per totum ejus corpus serpat, sed etiam per exter-
nam hominis speciem, v. c. rubore vultus, se declaret.
Sic *amor* non vere est *ignis*, nec vere pro *igni* ponitur;
at, quando de Didone, quam poeta dixerat incredibili
amore Aeneae teneri et flagrare, lego: *coeco carpitur*
igni: statim haec notio *ignis* mihi in memoriam revocat
notionem *amoris illius*, efficitque, ut hunc tanquam ar-
dentem et corpora consumentem ignem considerem.
3) inde patet, non omne tropicum vocabulum per se
ornare stilum, sed id tantum, quod notionem et rem
pulchriorem, suaviorem, fortiolem quam proprium, sed
simul contextui ubique convenientem, contineat, v. c.
ver aetatis suavius est quam *adolescens*; ergo pulchrius
per se, quia *veris* suavitas nota est. Errant tirones in le-
gendis vocabulis, semper tropica propriis praeferentes,
quasi semper ac per se sint pulchriora. 4) vocabula,
quae sibi substituuntur, aequae nota esse debent iis, co-
ram quibus dicis et quibus scribis, v. c. *ver* omnibus ho-
minibus notum; at non *Charybdis* etc. Peccant hic saepe
recentiores, qui, si quid novi in novissimis itinerum
narrationibus et alibi reperiunt, id, tanquam omnibus
notum sit, statim adhibent, ac saepe ne explicatione
quidem adjecta: cupiunt forsan aliquam majorem doc-
trinam peritiâque ostentare. Iam strictius de singulis
tropis s. translationis modis agemus.

SECT. XII

De Metaphora s. translatione ob idearum similitudinem.

Metaphora est *translatio notionum ob notabilem et*
notam similitudinem; seu, si clarius explicare velis, est

genus quoddam breviloquentiae, quo pro vocabulo, quod notionem ideamque rei exprimere debebat, vocabulum, ideam similis rei continens, apte h. e. salva perspicuitate ponimus; vel sic: est genus breviloquentiae, quo pro idea ipsa similitudinem ejus uno vocabulo inclusam ponimus, ita tamen, ut idea illa omissa simul ipsa ex contextu intelligatur. Vocabulum itaque metaphoricum est id vocabulum, quod loco ideae, quae proprie declarari debebat, ejus tantum similitudinem exprimit, salva tamen perspicuitate, h. e. ut tamen, quae idea proprie poni debuerit, manifeste simul intelligamus. Possit metaphora etiam breviter ita definiri: Est omissio particulae comparativae, tanquam, velut, quasi: nam metaphoram non esse tam commutationem veram vocabulorum aut idearum, quam omissionem istarum particularum comparativarum, et omnino esse tantum breviloquentiam quandam, exemplis docebimus: v. c.

Intemperantia est mater mortis pro causa mortis dictum est pro: intemperantia mortem parit, ut mater infantem; seu: intemperantia est quasi mater mortis. Sic *sapientia est fons bene dicendi* dictum pro sapientia est quasi fons etc.; s. ut e fonte aqua manat, ita e sapientia recte bene dicere.

Amore flagrare dictum est proprie quasi flagrare amore, h. e. eo amore teneri, qui ad ignis vehementiam prope accedat.

Ad fontem murmurantem dormire pro dormire ad fontem, qui eundem fere sonum edit, quem edere solent homines murmurantes; seu brevius pro: dormire ad fontem, murmurantem quasi.

Sanguis Abelis clamavit ad Deum pro sanguis Abelis Deo tam celeriter innotuit, vel Deus ita celeriter norat, quasi sanguis clamasset: brevius Sanguis Abelis clamavit quasi ad Deum.

Flos juventutis periiit i. e. optimi fortissimique juvenum perierunt, s. pars maxime vegeta juvenum periiit, dictum est pro: ea pars juvenum periiit, quae tam vegeta est, ut florem eorum appellare quaeas; seu brevius: Pars ea juvenum, quas quasi flos eorum fuit, periiit.

Ver aetatis i. e. adolescentia dictum est pro: pars aetatis ea, quae tam laeta est quam ver esse solet, seu brevius: Aetatis pars ea, quae quasi ver ejus est. Ergo in vere aetatis periiit est pro quasi

quasi in vere aetatis etc. s. in ea parte aetatis, quae est instar veris.

Coeco carpitur igne Virg. Aen. III, 2, i. e. coeco magnoque amore, dictum est pro: *carpitur tali vi coeci amoris, qualis in igne esse solet*; seu brevius: *caeco carpitur tanquam igne*. Non igitur, si subtiliter loqui vis, *ignis* pro amore dictus est: nam ut amor non est ignis, sic et ignis non est amor: at amor potest igni similis esse; sic flamma de amore Ovid. Metam. VII, 77: sermo est de Medea, quae, licet amorem Iasonis animo pellere studeret, tamen eo iterum viso denuo flagrabat amore. Verba sunt: *Cum videt Aesoniden; extinctaque flamma revixit: Erubere genae, totoque recanduit ore etc.*: in verbis duobus *flamma revixit* est duplex similitudo, ergo duplex metaphora: a) *flamma* pro: *vehemens amor, qui est instar flammæ*, quæ corpora incendit, cutem rubram reddit etc.: sic amor vehemens totum corpus pererrat, ut flamma, et se externa specie, v. c. in cute, ostendit: hinc addit poeta: *erubere genae, totoque recanduit ore*; seu brevius: *flamma* est pro *quasi flamma*: b) *revixit* est pro *tanquam, quasi revixit, quasi vitam recepit*, h. e. *flamma ita se ostendit, ut vires suas mortuas recepisse videretur*. At quam breviter: *flamma revixit!* Et quisque intelligit, ad amorem respici. Quis tolerare potuisset, si Ovidius scripisset: *et quasi flamma quasi revixit*, s. *et amor vim suam ita instauravit, ut flamma, diu oppressa, vires suas denuo ostenderet*? Sola igitur brevis metaphoram commendat: brevis enim animum fortius ferit etc. Brevis haec cernitur in eo, quod praeter notionem rei, quae proprie nominari debet, simul notio rei illi similis additur: non enim est vera mutatio idearum vel vocabulorum, ut vulgo traditur, sed complexio duarum notionum in uno vocabulo: in metaphora enim semper duae notiones simul intelligi debent. Quod si id, quod diximus, observamus, scil. in metaphora esse non nisi brevitatem, et non nisi particulam similitudinis *quasi* etc, omissam esse: facile intelligitur, cur rhetores praecipiant, interdum, scil. in duriori metaphora, emolliendi causa adjici debere *velut, quasi, tanquam, ut ita dicam* etc. Dicere sic poterant: Quemadmodum in omnibus metaphoricis vocabulis particula comparativa *velut, quasi* etc., omitti potest ac debet, si similitudo jam nota h. e. usitata est, nosque ita eam jam percipimus, sic, ubi ea non usitata ac nota est, adjiciendum est *signum aliquod similitudinis v. c. velut, quasi* etc.

Paucae adhuc de metaphorarum usu regulae notandae sunt, quae e praecedd. sponte fluunt.

Prima est: Similitudo illa rei, quae substituitur, statim debet animadverti, exigente hoc perspicuitate. Animadvertitur vero ea facillime,

1) *Si res ipsa substituenda nota satis est.* Non igitur res ignotas, et quarum ratio visque non satis manifesta est, adhibere debemus, v. c. pro *rubedine genarum* potest dici *rosae genarum*: non vero *Alkermes*, vel *flos Americanus* paucis notus. Eloquentia non tam docta quam perspicua vult esse.

2) *Si similitudo apta et perpetua inter utramque rem intercedit:* v. c. *rosa de genis: ver de adolescentia: stipex, vervex, de stupido homine: volare de celerrime euntibus: natzare de iis, quae se celerrime movent in liquore: ut pisces in aqua natant, ita et oculi natantes dicuntur de mortuis.* Non apta similitudo intercedit inter duas res, si hae ipsae magnitudine vel aliis virtutibus nimis differunt. V. c. Non omnia *acuta* inter se comparari possunt, non omnia *alta* et *magna*: v. c. *gladius* non cum *acu*, nec *acus* cum *gladio*: quis sine risu dicere possit: *vibravit longam acum*, licet addat perspicuitatis causa, *e vagina ductam*? Sic *mons* non bene *verruca terrae*, nec *verruca mons manus*, dicatur. Quaeritur itaque, an *nix capitis* dici possit, cum similitudo tantum colore, eoque non satis congruo, contineatur. Sed usus loquendi omnia emollit, v. c. apud nos *ein Bißchen Wasser, ein Bißchen Verstand* etc., ubi forsitan pauci ita loquentes cogitant, vocabulum *ein Bißchen* esse deminutivum vocabuli *ein Biß*, *morsus*: vel *Bissen*, *bolus*. Sed haud dubie primis temporibus non nisi de rebus, in quibus morso opus est, h. e. de ficcis corporeisque, dictum est: deinde abusus, ut fit, secutus est. Sic in Lusatia audiui dicere *ein Sträubchen Wasser, Butter, Verstand* etc. Hinc quaeritur, an *gramineae hastae* ap. Cic. Verr. III, 56 de *culmis graminis inusitatae magnitudinis et altitudinis* dici possint, nisi forte dicas, a plebe Siciliae, quae in eligendis rerum nominibus non nimis accurata esse solet, istud cognomen *hastae* venisse: et Ciceronem hoc nomen semel vulgo receptum retinere voluisse, ob perspicuitatem. Cicero quidem non videtur inventor istius appellationis esse: neque per jocum ita locutus esse videtur. Nam per jocum multa dicere licet, quae serio dici non possunt. Sic *caput montis, pes montis*,
non

non satis accurate dicuntur, quia nulla alia similitudo cogitatur, quam haec: *caput est summa, pes infima, pars*, ut hominis, ita montis. At summa pars hominis a summa parte montis valde differt specie: et infimae partis montis longe alia ratio et figura est, quam hominis. Ufus tamen loquendi omnia reddit tolerabilia.

*Altera regula: Ista similitudo, loco propriae notio-
nis illata, debet esse honesta: neque ita vocabulum, quod
vocabulo substituimus, obscoenam, nimis plebejam, om-
ninoque injucundam notionem continere debet. Sic
peccavit, qui dixit, rempublicam Africani morte castra-
tam esse. Peccavit contra humanitatem et suavitatem.
Cavenda quoque sunt omnia vocabula, quae, licet per
se videantur honesta, tamen in mente lectoris et audito-
ris ideas injucundas v. c. foetoris etc. excitare possint.
Nam commutamus vocabula, non ut turpius, sed ut
venustius, eligamus, nec ut venustiori notioni turpiorem
et injucundio rem, sed ut injucundiori jucundio rem, sub-
stituamus. Add. suavissimam esse metaphoram, quae
rebus inanimatis vitam tribuit, v. c. herba surgit, fitit,
moritur etc.*

*Tertia regula: In commutanda re cum re viden-
dum est, ut similitudine ejus rei, quam substituimus, uni-
versa contenti simus, nec eam ad singulas partes exten-
damus, nisi derideri velimus. V. c. dicimus quidem
caput montis, at propterea non nasum, capillos montis etc.;
dicimus pedem montis, at non propterea digitos, ungues
montis etc. Navis volat recte dicitur: sic et homo ad-
volat: hic similitudo avium universa manet: at, si adde-
rem quoque alas etc., ridiculus fierem, h. e. mentirer ni-
mis aperte, quia, ut in monte nasus, digiti pedis, sic in
homine et nave alae, non reperiuntur. Lector et audi-
tor, qui similitudinem universam tolerabat, nunc sentit,
sibi de industria illudi, et vel irascitur vel ridet. Peccavit
hic Lohensteinius, qui dixit: er hat dem Glücke auf beyden
Achseln geseßen, et Gracianus: die Hautboißen der Au-
rora*

vora *singen* an *Salve* zu geben, als die *Sonne* zum *Vorschein* kam, und den *Zapfenstreich* der *Sterne* zu schlagen, pro: die *Vögel* *singen* an zu *singen*, als die *Sonne* zum *Vorschein* kam, und die *Sterne* *wichen*: Ridicule. Cur? quia in metaphorae usu ultra fines similitudinis universae progressus est.

Quarta regula: In similitudine semel recepta pergere decet, nec ab alia ad aliam statim transgredi licet in eodem contextu. Ergo, unde v. c. subjectum sumtum est, inde quoque praedicata sumenda sunt. Pertinet hoc utique ad perspicuitatem ac simul ad suavitatem: injucundum enim foret, si subjectum v. c. e militia ductum esset, praedicata ab aqua, a piscibus, ducere: nonne auditorum expectatio ita falleretur? Quare, si v. c. pro amore sumis ignem, non potes v. c. dicere ignis trahit, suspendit etc., at ignis ardet, penetrat, consumit, angit, perdit, incendit, it. poetice est medullas; et huc pertinet serpit: quia hoc non ad proprium quoddam subjectum pertinet, sed omnibus rebus, celeriter ac sensim se huc et illuc moventibus, convenit. Sic, si pro consilio velim finem usurpare, debent addi praedicata, propriae finis notioni (i. e. Ende, Gränze) convenientia: ergo dici potest finis certus, at non pulcher etc. Sic vestigia pro signis, indiciis, non possunt dici magna, egregia, pulchra, sed expressa h. e. perspicua, quia in vestigiis proprie sumtis (Fußstapfen) non quaeritur, an sint magna, pulchra, sed an expressa, ut, qui ea legere velit, iis insistere possit. Sic vestigia non imitamus, sed legimus, sequimur, vestigiis insistimus. Sic gradus, proprie Stufe, Staffel, si cum honoris conjungitur, semper ea praedicata habere debet, quae gradibus scalae proprie congruunt: nec igitur dici debet gradus honoris magnus, pulcher, sed altus, summus: quia in gradibus scalae proprie sumtis non cogitatur eorum magnitudo, pulchritudo, sed altitudo: nec possum dicere summum honoris gradum accipere, impetrare, sed ascendere, et pervenire ad summum gradum

dum etc.: quia *gradum* (*Stufe*) nemo accipere potest, quia tum non amplius foret *gradus*, sed lignum vel saxum etc. — Quaeritur ergo, an *vultures possint sepulcra viva avium* dici. — Minime: quia τὸ *vivum* non *sepulcro* proprie dicto convenit. Si tamen usus dicendi, qui non a philosophis sed a plebe originem ducit, illud invexisset, tolerandum foret. Usus enim multa emollit, v. c. *ein Bißchen Wasser, ein Bißchen Verstand, ein Stäubchen Wasser, Butter*; de quibus supra: cf. infra *eine Stelle anführen, in dubium vocare* etc., quae proprie dura sunt, at diuturni usus loquendi beneficio duritiem amiserunt. — Sed, quod dixi, subiecto metaphorice sumto addi debere praedicata ei proprie convenientia, hoc non ita debet intelligi, tanquam cetera omnia exclusa sint. Minime. Imo ea tantum sunt exclusa, quae ad certa subiecta proprie pertinent, cetera omnia subiecto metaphorice possunt tribui, dummodo similitudo et perspicuitas servetur: v. c. *ignis*, metaphorice sumtus pro *amore*, est *magnus, acer, validus, exiguus, languidus, vincit, superat, tenet, capit, habitat, se insinuat, fluit, pertentat animum, meat, pererrat, labitur, serpit, descendit, oritur, exslinguitur, vivit, furit, desinit, incipit, evanescit, carpit, est medullas* etc., ut jam supra monui: nam haec praedicata non tam serviunt uni subiecto, velut hero suo, ut non et aliis subiectis, si apte fieri possit, suam praestent operam.

Ceterum haec omnia ut primarum notionum accurata scientia, qua saepe caremus, ita in primis usu loquendi nituntur. Nihil enim est tam durum, quod ille non molliat, nihil tam absonum, quod ille non interdum adeo suave et honestum reddat. Id quod in omnibus linguis observare licet; v. c. in nostra dicimus *eine Stelle aus einem Buche anführen* i. e. ad verba: *locum adducere*; it. *Gründe anführen* i. e. ad verbum: *fundamenta adducere*. Quid absurdius? quomodo *locum*, qui fixus est proprie, quomodo *fundamenta* proprie sumta addu-

cere possis? Et tamen nos ita loquimur: Latini non item; qui dicunt *locum laudare, memorare; argumenta* (Gründe) s. *causas afferre, commemorare*. At iidem Latini dixerunt tamen *adducere in sermonem, invidiam, vituperationem* ap. Cic. Verr. III, 61 in. Sic *vocare in dubium, vocare aliquem in crimen, in suspicionem*, apud Ciceronem; it. Cic. Orat. II, 9 in. dixit: *Eadem facultate scil. dicendi et fraus* (i. e. *scelus*) *hominum ad perniciem et integritas ad salutem vocatur: vocari ad perniciem est ins Verderben geführt et ad salutem vocari errettet werden*. Sed quomodo possum *aliquid in dubium proprie vocare*? Quomodo *scelus ad perniciem vocari et integritas ad salutem vocari potest*? Nonne τὸ *vocare* aequè hic durum est, atque illud nostrum *eine Stelle anführen, Gründe anführen*? Usus dicendi est tyrannus, cui parendum est, et cui omnes adeo regulæ parere coguntur. Cf. quod supra dixi de nostro *ein Bißchen* (*parvus bolus*) *Wasser, Verstand*. Usus loquendi venit a plebè; et, quamquam eruditi h. e. Philologi eum corrigere conantur, tamen omnia corrigere non possunt, quia a) Critici s. Philologi fero oriuntur, postquam lingua ipsa diu jam in usu fuit; b) Critici minimam partem populi constituunt; sed usus loquendi a pluribus, non a paucioribus, pendet. Hinc explicari potest, quod Philologi interdum de duri-tie dictionis et tropi cuiusdam queruntur. Accedit, quod saepe ne scimus quidem, quid proprie, quid tropice, sit dictum, et a qua re vocabulum hoc vel illud translatum, ac, licet de propria ac prima notione vocabulorum et translatione eorum hinc atque illinc facta dicamus, tamen saepe nobis fatendum est, nos id non certo scire, sed tantummodo e contextu quodam aut e comparatione plurium notionum conjicere, vel Grammatici cuiusdam auctoritate inductos id credere, v. c. *minae*, cum de *muris* dicitur, dicunt tropice dictum: quia putant, propriam et primam notionem esse *commi-nationem, die Drohung*; at verisimilius est, *minas* proprie esse

esse *pinnae muri eminentes*: hinc *eminere*, *imminere*, facile inde derivatur; et hinc *minae* pro *comminatione*: quia, qui superior est aliis, qui *eminet*, is aliis *minatur*. Hinc multa forsan, quae nobis *dura* videntur, priscis *plana* fuerint. Nolumus itaque priscos nimio opere vituperare. Sic reprehendunt nonnulli Horatium, quod in Epist. I, 1, 39 dixit:

Nemo adeo ferus est, ut non mitescere possit, Si modo culturae patientem commodet aurem. — Buchn. de *Commutat. dicendi* p. 49 hic putat peccatum esse, quia *ferus* translatum sit a *brutis*, (ab *animalibus* male ait Heinecc. I, 2, 30 *** p. 152 memorans Buchneri hanc animadversionem) *mitescere* a *fructibus* (a *frugibus* male Heinecc.), *cultura* ab *agris*. — At quis primum certo scit, *ferus* proprie de *brutis* dici, et Horatium similitudinem horum in hoc vocabulo cogitasse? Forsan Horatius nil aliud cogitavit, quam *hominem expertem disciplinae, culturae*, ut nos dicimus *ein wilder Knabe, wilder Mensch*, ubi non statim *bruta* cogitamus. Deinde nec certo scimus; an *mitis*, *mitescere*, proprie de *fructibus*, h. e. *pomis*, et *colere* de *agris* et *hortis* dicatur. Sed, etiam si hoc certum sit, *mitescere* saltem et *cultura* egregie sibi congruunt: nam *mitia* i. e. *matura*, et *immitia* i. e. *acerba*, *non matura*, *poma* dicuntur: et *colere* de *hortis*, ut de multis aliis rebus usurpatur, quae diligenter curantur.

SECT. XIII

De Metonymia s. translatione vocabulorum ob conjunctionem rerum externam.

Metonymia est *commutatio rei cum re ob conjunctionem externam*; seu magis perspicue: est *genus translationis, qua res cum re, seu nomen rei potius cum nomine alius rei, interdum commutatur, quia inter utramque est quaedam conjunctio, non quidem illa integralis et essentialis (ut in synecdoche), sed tantum idealis et relativa quaedam*, h. e. quia alteram sine altera non cogitare possumus, atque ita facile res ea, quae pro altera ponitur, hujus simul notionem nobis in mentem revocat.

Hinc

Hinc intelligitur 1) hanc commutationem interdum tantum, nec in omnibus rebus, inter quas ejusmodi conjunctio intercedit, locum habere; sed in iis fere, quarum commutatio usu loquendi jam stabilita est: 2) contextum semper talem esse debere, ut commutationem facile agnoscas, h. e. vocabulum aliquod adesse oportere, quod doceat statim alterum metonymice explicandum esse. Iam consideremus istas res inter se commutandas, in eoque sequemur ordinem consuetum:

1) Inter causam efficientem rei, v. c. auctorem, inventorem, et rem ipsam ab illa effectam est conjunctio externa s. relatio quaedam, h. e. neque hanc sine illa, neque illam sine hac, cogitare possum. Hinc interdum (sic in hoc tropo ubique loquendum, quia non ubique licet) illa pro hac et haec pro illa usurpatur: h. e. nonnulla vocabula causam efficientem notantia pro vocabulis effectam rem indicantibus Romani posuere et contra: quos, quatenus nos hodie decet, imitari licet. V. c.

a) *Causa efficiens pro re effecta*; v. c. *Homerus est auctor Iliados et Odyssae etc.* Quae carmina qui vidit, legit, potest dicere *vidi Homerum* i. e. *carmina Homeri*. Sic *Virgilius est legendus* pro *Virgilii carmina legenda sunt*. Sic *Faber pro Lexico Fabri*. — At non dicere possum: *Drakenborchius pro notis ejus in Livium*; nisi sermo ante fuerit de Livio: nec dicere licet ubique *Melanchthonem pro locis ejus theologicis*. Ergo tantum licet ponere auctorem libri pro libro, si uterque valde notus est; si ille nihil aliud praeterea scripsit; si liber est memorabilis et usu tritus, vel si saltem contextus docet, per scriptorem intelligi debere librum ejus, v. c. *In legendo Livio tibi commendaverim Drakenborchium et Dukerum*: ubi aperte intelliguntur eorum notae. Sic lingua est effectrix sermonis: hinc lingua latina pro sermone latino. Sic prisca posuere Cererem pro frugibus et pane, Bacchum pro vino, quia auctores harum rerum putabantur; Vulcanum pro igne, Musas pro literis, Venerem et Cupidinem pro amore etc. — At praedicata addita hoc debent declarare, v. c. *edere Cererem, Ceres aqua marina corrupta,*

corrupta, bibere Bacchum, animos recreat Bacchus, Vulcanus evertit tecta, incendit etc. Quaeritur hic, an nos hos deos eodem modo hodie usurpare debeamus. Quaeritur etiam, annon pari jure Schwarzius, inventor pulveris illius pyrii, pro hoc poni possit.

b) *Res effecta pro causa efficiente* ponitur interdum, vel potius poni videtur; v. c. *Umbra* dicunt poni pro *arbore* scil. *densa*, frondibusque densis ornata: quia alioqui non possit unbram efficere. — At semper tamen *umbra* proprie intelligenda, non *arbor*: et quid nos cogit, v. c. *in umbra jacere*, *umbra recreare membra*, semper explicare: *sub arbore jacere* etc.? *Arbor* per se cogitatur. Non autem hic *umbram* pro *arbore* poni vel inde patet, quod dicitur *in umbra jacere*: an possimus dicere: *in arbore jacere*? quod dicendum foret, si *umbra* plane commutaretur cum *arbore*. — Sic *pallor* pro *timore* dicitur poni, quia est hujus effectus. — At 1) tum non de omni timore dicendum foret, sed de gravi tantum, vel potius de *angore animi repentino*, vel *terrore*: hic enim *pallidum* or reddit. 2) semper tamen *pallor* ipse proprie intelligitur: cur itaque non proprie intelligimus *pallorem*, quotiescunque occurrit? Cur tantopere gaudemus vocabula commutare sine necessitate? Pertinent huc *adjectiva* nonnulla, v. c. *tristis hiems*, *tristis senectus*, *pallida mors* pro *tristes*, *severos*, *pallidos homines* reddens. Possit et *tristis hiems*, *tristis senectus*, per prosopopoeiam explicari, ut nostri dicunt: *ein srenger*, *trauriger Winter*, *das finstere*, *ernsthafte Alter*.

Huc pertinet in primis commutatio *antecedentis* et *consequentis*, quia *antecedens* simile est quodam modo *causae*, et *consequens effectui*. Scilicet quidquid rem aliquam ita *antecedit*, ut haec vel necessario vel fere semper fieri soleat, quodam modo *causa* dici meretur, quemadmodum *res* ita inde *consequens* nomen *effectus* non male gerere potest. Hinc, si alterum ob *usum dicendi* ponitur pro altero, hoc statim intelligitur; hincque commutationi utriusque, licet per se contra subtilitatem et veritatem, atque hactenus vitiosa, sit, tamen, quia perspicuitas non offenditur, ignosci potest. Hujus commutationis, quae in omnibus linguis longe frequentissima est, exempla pauca afferamus:

a) *Antecedentis pro consequente*: v. c. *vale* dicere pro *abire*, vel *abire velle*: quia, qui *abit*, antea solet *vale* dicere. Sic et nostri: *ich werde mich empfehlen* pro *fortge-*

hen: it. *Abschied nehmen* pro eodem. Sic *memorem esse* pro *gratum esse*, *gratias agere*, *gratiam habere*; quia, qui vere *memor* est *beneficii*, is *gratiam habet*: it. *oblivisci beneficia*, i. e. *immemorem esse*; sic nostri: *Vergiß die Wohlthaten nicht*, *ich werde diese Gefälligkeit nie vergessen*, i. e. *semper ero gratus*. Potest tamen hic etiam dici *signatum* poni pro *signo*: quia *gratus animus* est *signum memoris*: et *ingratus* *signum oblivionis*.

b) *Consequentis* pro *antecedente*: v. c. *cadere* in *praelio* pro *caedi*, *interfici*: quia *caesi* *humi* *cadunt*. Sic nostri *fallen*, it. *bleiben* pro *getödtet werden im Treffen*; quia, qui *interficitur* in *praelio*, is *ibi manet*, nec *revertitur inde*. Sic *sepultus* pro *mortuo* dicitur; idque interdum *gravius*: quia, qui *moritur*, etiam apud nos *sepelitur*. Et quia apud *priscos Romanos* *corpora mortuorum* quidem *cremabantur*, at *ossa eorum* et *cineres* deinde *humabantur*: hinc videntur interdum *Romani* *humatum esse* pro *crematum esse* posuisse, quia illud post hoc *semper* *fiebat*: hinc *Cicero* in loco de *Legg. II*, 22 *supra* *memorato* *dicere poterat*, *omnes sepultos* i. e. *crematos* *suo tempore* *dici humatos*. At hinc non sequitur, *humari* *esse* i. q. *cremari*, quemadmodum *cadere* non plane est *idem*, quod *interfici* etc. Per *negligentiam dicendi* *tantum* *ita locuti sunt*. Sic *erubescere* pro *pudere*; v. c. *erubuit* i. e. *pudet illum*; quia *rubor vultus* *sequitur* *plerumque pudorem*. At non propterea *erubuit* et *pudet illum* plane *synonyma sunt*: nec illud nisi de *magno pudore*, vel *pudore hominis ingenui*, qui *ruboris istius capax adhuc est*, dici potest. Neque tamen video, cur *erubescere* non de *rubore* *proprie intelligamus*: nam ad hunc *proprie respicere omnes ita loquentes*, nec ad *pudorem simpliciter*, manifestum est.

Ceterum haec commutatio et *antecedentis cum consequente* et *consequentis cum antecedente* valde commendanda est: nam

a) *posterior commutatio*, scil. *antec. cum conseq.*, ad *gravitatem orationis* valde prodest: quia *ideam antecedentem* *silens* et *statim consequentem memorans*, atque *ita rem celerius tradens*, *animos auditorum repente occupat* *magisque movet*. Quid quaeso *gravius est*: *caedizur vir fortiter pugnans?* an *cadit, vir fortiter pugnans?* In hoc plus sentio, quam in illo. In *cadit* cogito *ro caedi* *sponte*, non in hoc *illud*. Sic quid *gravius est*: *Reversus statim domum amici intro*: hic *obstupefco audiens*,

eum

eum diu sepultum esse: an — eum diu mortuum esse? Nonne hoc in illo per se intelligitur?

b) Utraque commutatio et antecedentis cum consequente et hujus cum illo *suavitatem* dicendi dupliciter adjuvat: 1) *variatione*: quae per se suavis est: v. c. quando modo dicitur: *mortuus est, vivis ereptus est, vita excessit* etc., modo *nobiscum non amplius est, nos reliquit* etc.: haec duo posteriora sunt consequentia *et mortuum esse, et vita excessisse*. Sic *librum scribere* vel *conficere* et *librum edere* possunt commutari, quia, qui *librum scribit*, eum plerumque *edit*, vel qui *librum edit*, eum plerumque *scripsit*. 2) *euphemismo* s. humanitatis significatione, quae per illam commutationem consequentis et antecedentis valde adjuvatur: nam ita *ideae* in iucundiores cum iucundioribus, saltem cum minus tristibus, commutari possunt; v. c. *beatus pater* pro *mortuo*; *abire in sedem beatorum*: *ponere id, quod mortale erat* pro *mori*: ubi consequens pro antecedente positum est. Sic *Venus* et *amor* pro *coitu* honeste dicitur; ubi est antecedens pro consequente.

II) Inter *rem* e *quadam materia factam* et inter hanc *materiam* semper est eiusmodi conjunctio idealis s. *relatio*, ut illa sine hac non possit cogitari: hinc interdum *materia* pro illa ponitur. V. c. *aurei numi, vasa aurea, argentea, stannea* non sine *idea auri, argenti, stanni* cogitari queunt: hinc factum est, ut *aurum, argentum* etc. pro illis usurparetur, v. c. *convivium splendet argento*, i. e. *vasis argenteis* etc.; sic apud nos: *sie haben schönes Silber, Zinn*, i. e. *multa vasa argentea et stannea*; *einen in Golde bezahlen, in Silber*, i. e. *numis aureis, argenteis*; *sich in Seide tragen, in lauter Seide gehen*, i. e. *in seidenen Kleidern*.

Hic not. 1) qui *rem* diligentius considerat, facile videbit, istum loquendi modum, v. c. *aurum* pro *aureis vasis, numis* etc., esse valde indefinitum, ac per se valde obscurum, nisi contextus ope veram notionem colligere liceret; atque ita magis *negligentiae* quam *elegantiae* signum esse. Hinc plane vitiosus foret, nisi usus loquendi, tyrannus ille, vitia subinde excusari, atque adeo in-

terdum pro virtutibus haberi, juberet. 2) non ubique convenit *materiam* ponere pro *rebus* inde confectis; sed tantum in nonnullis usu receptis: ut *aurum* pro *numis*, *vasis aureis* etc. Non igitur dicere licet *astramentum* pro *literis*; non *chartam* pro *libris*, nisi forsan per contemtum aut jocum; non *lignum* s. *materia* pro *domo*; non *vitrum* pro *fenestra*; non *aurum* pro *annulo aureo*. Cur? quia perspicuitas prohibet: ac profecto, licet *aurum*, *argentum* etc. pro *numis*, *vasis* etc. ponatur, tamen hic non tam *numorum*, *vasorum*, quam potius *auri* et *argenti*, ratio habetur: nec hic respicitur ad *rotundam* figuram *numorum*, ad *imaginem* etc., sed tantum ad *materiam*. Ergo commutatio vocabulorum et idearum magis esse videtur, quam vere est.

III) Inter *locum* et *ea*, quae in illo loco semper reperiuntur, saltem ibi perpetuo esse cogitantur, est quaedam relatio s. conjunctio idealis, quia non *locum* sine illis, nec illa sine isto loco, cogitamus. Hinc iste *locus* interdum, i. e. ob negligentiam et celeritatem dicendi, pro *illis* ipsis ponitur,

V. c. *orbis terrarum laetatur*, nos: *alle Welt freuet sich*, i. e. *homines*; sic et Francogalli *tout le monde*. Sic *coelum nosse* i. e. *stellas*; it. *den Himmel anrufen*, *der Himmel wird sorgen*, ut nonnulli non satis reverenter loquuntur, pro *Gott anrufen*, *Gott wird sorgen*, quia *coelum* pro domicilio dei habetur. Sic *Roma* pro *Romanis*, *Gallia* pro *Gallis* etc. — Not. Hujusmodi formulae ortae sunt ab negligentia, nec, nisi usus jam recepit, illas usurpare debemus: repugnant enim perspicuitati h. e. elegantiae.

Huic similis est permutatio *domini* s. *possessoris domus* ac *rei familiaris* pro *hac domo* ac *re ipsa* et contra, propter eandem relationem s. conjunctionem idealem. At 1) praedicata et alia verba addita debent hoc declarare 2) usus loquendi debet consentire 3) raro ita, nec fere nisi a poetis, vel per jocum, vel etiam in sermone vulgari ita dicitur. V. c. *Claudius pendit venalis* ap. Suet. i. e. *domus* vel *praedium ejus*: *Ucalegon ardet* i. e. *domus Ucalegontis*, ap. Virgil: it. *hospes ardet* i. e. *domus hospitris*, ap. Horat., ut nostri *abbrennen* de homine quoque *er ist abgebrannt*; ubi tò pendere *venalem* et tò ardere cum con-

textu

textu docent, non de hominibus ipsis accipiendum esse *τὸ Claudius* et *τὸ Ucalegon*. Sic et nostri alicui, quem domi non invenerant, interdum dicunt: *ich bin bey dir gewesen*, h. e. *in deinem Hause*. Ita et Latini, v. c. Terentius. Huc referri potest *debitorem dissecari debere*, i. e. *ejus bona*; sic *comedere aliquem*, i. e. *alicujus rem familiarem*: est hyperbolica et jocosa locutio, ut nostri: *einen bald auf-fressen*; cui quodam modo similis est: *cantherium comedere* ap. Cic. ad Div. VIII, 18 i. e. *pecuniam pro eo acceptam*, et *bona comedere* Horat. I epist. 15, 40. Nec nostri aliter, in primis plebeji.

III) Inter eum, qui exercitui vel terrae praestit et inter hunc exercitum terramve relatio quaedam s. conjunctio idealis est: hinc interdum, h. e. in certis formulis dicendi, ille pro exercitu vel terra ponitur, et contra: v. c.

a) *Dux militum* pro *militibus*, si de re sermo est utrisque communi, v. c. *Scipio fugavit Hannibalem*; *Scipio evertit Numantiam*; *Marius multa millia hostium cepit*: hic tribus imperatoribus tribuitur aliquid, quod militibus non minustribuendum est. At factum hoc tamen est Imperatoris consilio et jussu; ex regula illa: *Quod quis per alium facit, id ipse fecisse putatur ac putandus est*: quemadmodum, qui domum sibi aedificandam curat, *aedificare* dicitur, nostris *er baut*, licet per alios aedificet vel aedificari curet; sic *dux belli*, licet per milites hostes fuget, tamen eos ipse potest dici fugasse, quia sine ejus jussu et cura id fieri non potuisset. Sic *dux fugatus est*, nostri: *ist geschlagen worden*, tanquam solus dux fugatus sit. — At in omnibus istis formulis dicendi, in quibus dux militum aliquid solus fecisse vel passus esse dicitur, quod toti exercitui commune est, et quod milites simul fecerunt vel passi sunt, debent praedicata talia esse, ut appareat, de exercitu toto, nec de solo duce, sermonem esse, v. c. *pugnare, fugare, fugere*, etc. sunt attributa militum aequae ac ducis: deinde res ipsa docet, ducem solum non pugnare, non solum hostes fugare posse etc.

b) *Terra tota* pro *rege, principe*, qui ei praestit, interdum, h. e. si praedicata apta sunt, dici potest. V. c. *Gallia bellum gerit, instruit exercitus, classes, bellum indixit, pacem fecit* etc. pro *Rex Galliae bellum gerit, instruit exercitus, classes*, etc. Decent hoc praedicata bellum

gerit, instruit exercitus, classes, bellum indixit, pacem fecit: nam haec non nisi de regibus ac summam potestatem habentibus dici possunt. Sed quaeritur, quae sit causa, cur Gallia dicatur bellum gerere, instruere exercitus, bellum indicere etc. pro rex Galliae bellum gerit etc.? Fateor, non accuratam istam rationem dicendi esse, et vere subtilitati h. e. veritati repugnare proprie. At, quia rex tanquam caput regni omnia publica, nam in iis tantum ista commutatio locum habet, nomine regni agit, ac rex Galliae non nisi nomine totius Galliae bellum gerit, indicit, pacem fecit etc.; ac quia simul omnes cives Galliae participes huius vel belli vel pacis sunt: hinc toti regno quodam modo tribui id potest, quod rex solus egit. — Sed istam commutationem, qua regni nomen pro regis nomine penitur, non ubique locum habere, sed tantum in publicis rebus, modo monuimus: hinc in privatis rebus non licet, v. c. pro Rex Galliae pedum dolore laborat, aegrotat, mortuus est, non dici potest: Gallia pedum dolore laborat, Gallia aegrotat, Gallia mortua est. Hae enim sunt res, quae nomine totius regni non sunt: hinc perspicuas postulat, ita non dici. Hoc accuratius explicandum putavi, quia naspian accurate explicatum videram. Sic nec rex pro regno dici potest: at pro exercitu, licet eum ipse non ducat, v. c. rex Galliae dici potest fugasse hostes, urbes expugnasse, fugatus esse etc., licet per totum bellum ne intertuerit quidem exercitui. Dici ita saltem permittit usus loquendi, quia rex, licet non exercitum ipse ducat, tamen ejus summus dux est: et hic valet regula superior: quod quis per alios agit, id ipse egisse putatur et dicitur.

V) Inter signum rei notabile et rem ipsam isto signo notatam est relatio s. conjunctio idealis: hinc, si signum istud certum, notum, et perpetuum est, potest hoc pro re, eo signata, interdum, h. e. ubi usus fert, usurpari.

V. c. prisci dixerunt lauream pro victoria, fascēs pro imperio et magistratu summo, togam de pace, sagum de bello, apicem de sacerdotio, it. arma de bello, quia prisci non nisi belli tempore arma sumebant. An haec omnia nostra aetate usurpari possint, dubito, cum laurea, fascibus, toga, sagis, apice non amplius utamur, et arma hodie pacis tempore quoque sumantur et gerantur. Ergo inter arma silent leges melius convenit dicere priscis quam nostris tem-

temporibus. Sic Gallis *le Cordon bleu* de ordine quodam equestri: sic *pallor* pro terrore repentino et angore animi, quia signum ejus est: sic *erubescere* pro pudere interdum poni potest, quia *rubor oris* est signum pudoris: sic pro *ver est* dici possit *violae florent*; cf. Hor. I od. 4, ubi plura signa veris. Sic *luna lucet* dici possit pro *nox est*; cf. plura apud poetas, v. c. Ovid. Met. VII, 187 — *nullo cum murmure sepes, Immotaeque silent frondes, filet humidus aër, Sidera sola micant*, h. e. *media nox erat*: eleganter!

VI) Quia inter *tempus*, quo *res aliqua agitur*, et *rem illam ipsam* aliqua relatio ac conjunctio est: hinc etiam *tempus* istud pro *re* ista dici posse vulgo dicunt. — At ego semper puto *tempus ipsum* proprie intelligi debere (poetas hic non curo); v. c. *diem* dicunt saepe pro *re*, quae ista die fit, poni. Videamus exempla.

Homo, qui certo die ad supplicium ducetur, *horret istum diem*, i. e. *supplicium*, ut ajunt. — Recte: horret supplicium; at nonne ei ipse dies propterea horribilis quoque est? Sic *diem* pro *judicio* dici putant, v. c. *instat dies*, i. e. *judicium*. — At tamen semper *dies* proprie intelligitur, quod apparet e praedicatis, quae huic vocabulo adduntur. Phaedr. I, 16 extr. ovis ait lupo et cervo: *ubi vos requiram, cum dies advenierit*, h. e. *dies solutionis*. Ernesti in Clave Cic. in hoc Ciceronis loco ad Div. I ep. 2 §. 7: *is dies honestissimus nobis fuerat in senatu*, rō *dies* dicit poni pro eo, quod *in die fit*; explicatque: *quae eo die in senatu acta sunt, nobis honestissima fuere*. — Recte: at quid opus est metonymia? idem sensus, et forsan paulo pulchrior, efficitur, si ad verba vertas: *dieser Tag hat mir im Senat große Ehre gemacht*. Sic nos quotidie fere loquimur, et quisque intelligit. Cur igitur mutemus? Non debemus numerum significationum verbi sine necessitate augere: quo major eorum fit numerus, eo plus perdit *elegantia*: haec eligit aptissima quaeque verba; quae si pro libidine cum aliis commutamus, ubi illa tamen praeclaram sententiam continent, nonne ita *elegantia* tandem pereat necesse est? Et prisca saepe coguntur hodie aliquid dicere ac cogitare, quod forsan non dixerunt nec cogitarunt.

SECT. XIII

De Synecdoche s. translatione notionum ob arctiorem conjunctionem.

Synecdoche est id genus translationis, quo duae notionēs s. res consuetudine vulgari inter se interdum permutantur ob conjunctionem earum intimam et essentialē h. e. talem, ut altera sine altera esse nequeat, et, una pereunte vel deficiente, altera quoque vel pereat vel imperfecta saltem sit. Talis conjunctio est inter totum et ejus partes: atque quodam modo ob similitudinem aliquam inter genus, ejus species et individua. Ponitur igitur interdum, h. e. si usus loquendi et perspicuitas admittit, totum pro parte, pars pro toto, genus pro specie, species pro genere et individuo, et individuum pro specie. Dixi interdum: nam interdum tantum vel raro haec commutantur, et plerumque tantum commutari videntur iis, qui non satis attendunt. Nam plerumque pars, quae pro toto dicitur poni, de parte proprie explicari potest sine ullo adjumento synecdoches. At interdum eruditi nolunt priscos ad verba explicare: hinc ad novas significationes inveniendas et cumulandas ad tropos confugere coguntur, cum cogitare deberent, priscos in deligendis vocabulis ita diligentes fuisse, ut ea cum aliis temere commutare et confundere nefas esse videatur. Magna cautione in hoc tropo opus est.

I) *totum ponitur pro parte;*

V. e. homo pro corpore vel animo hominis, per usum loquendi: ut *heri pater meus sepultus est*, i. e. patris corpus: nam animus, altera pars patris, non simul sepultus est. Sic *pater meus nunc fruatur communionē angelorum*, i. e. patris animus. Sic *mater mea lactatur*, i. e. animus matris: offendere aliquem, i. e. alicujus animum, ut et prisci rectius dicunt. *Milites multi vulnērati sunt*, i. e. militum corpora; sic *elephantus pro ebore*, *fons et mare pro aqua fontana, marina*, v. e. bibere fontem, fluvium, i. e. particulam fontis, fluvii, s. aquam fontis, fluvii. — Quis non videt, istas

istas formas omnes esse filias negligentiae et breviloquentiae, at propter usum loquendi a plebe invecum, necdum purgatum et politum, excusandas et tolerandas, quia perspicuitas non valde laeditur: intelligimus enim eos, qui breviter et indefinite sic loquuntur: *pater est sepultus; mater fruitur comm. angel.* Debebant dicere *pater, qua corpus, est sepultus: mater, qua animum, fruitur* cet. — Sed hinc etiam videmus, quam imperite agant ii, qui in tropis omnibus ornatum et elegantiam, nescio quam, ponunt, et, quidquid tropicum est, id pulcherrimum aliisque vocabulis longe praeferendum esse opinantur.

II) *Pars rei pro tota re* interdum ponitur vel poni videtur, v. c. *limen* et *tectum* pro domo; *mucro* pro gladio; *puppis, prora, carina* pro nave; *caput* pro homine. — At ista commutatio vel in nonnullis formulis dicendi vel tantum haecenus valet, quatenus pars illa contextui optime convenit et ad eam magis, quam ad totam rem, respicitur, ut adeo, si recte iudices, *pars* non tam pro *tota re* poni, quam proprie dici, videatur. Exempla hoc docebunt.

a) *Caput pro homine* dici dicunt. Recte. Saepè *caput* pro *homine* dicitur; at vel in nonnullis tantum formulis dicendi, v. c. *exactio capitum* Cic. ad Div. III, 8: cf. Liv. II, 33 extr.; vel cum nonnullis adiectivis, v. c. *caput liberum* i. e. *liber homo*, Cic. Verr. II, 32: *ridiculum caput*, Terent. And. II, 2, 34: *festivum*, Terent. Ad. II, 3, 8: *noxium*, Liv. X, 40: *carum*, Virg. Aen. III, 354; vel in numerando, ac partiendo, ut nostri *ein Corps von 1000 Köpfen* cet. v. c. *capitum Helvetiorum millia 263*, Caes. B. G. I, 29; sic in *Capita descripsisse* Cic. Verr. III, 92. Sed hae omnes videntur proverbiales locutiones: nec hinc sequitur, in univèrsum *caput* pro *homine* dici posse: v. c. non dixerim *aegrotum caput* pro *aegroto homine* cet. In nonnullis videtur proprie ratio *capitis* esse habita, v. c. *caput festivum*: nam *festivitas* est proprie in mente, et mens in capite habitare putatur. Sic nos: *er ist ein guter Kopf, er ist ein eigensinniger, wunderlicher, veränderlicher, närrischer Kopf* etc.: ubi itidem ad *animum mentemque*, in *capite*, e vulgari opinione, habitantem, respicitur.

b) *Limen* pro domo tota poni putatur. — Si rhetores dicerent: *limen domus transire*, *tectum subire*, dici posse pro domum intrare, recte dicerent: quia, qui *limen transit* vel *tectum domus subit*, is domum quoque intravit. At propterea *tectum* et *limen* non ponuntur pro ipsa domo, ita, ut pro hujus synonymis habere possint. Hoc si esset, dicere possemus: *limen aedificare* i. e. domum; vel *habitare in limine amplo, pulchro*, pro *habitare in ampla, pulchra domo*. At nemo ita loqui potest. Sic nec dicitur *fero tectum intrare*, *tectum emere*, pro domum. Imo proprie ubique, praeterquam apud poetas interdum, *limen* et *tectum* ponitur: idque declarant praedicata *recto* et *limini* addita, quae *recto* et *limini*, non domo toti, proprie conveniunt, v. c. *subire*. i. e. *unter etwas gehen*, de *recto*: *transire de limine*: nam *tectum subimus* et *limen transimus* intrantes domum: at domum non *subimus*, non *transimus*, quando intramus. Ac ne intrat quidem domum, qui ejus limen transit, sed tantum incipit intrare. Non igitur *limen* et *tectum* cum domo vere commutantur, v. c. si cui dico: *ne accedas ad limen*, hoc non plane idem est quod *ne intres domum meam*, sed illud multo gravius est, indicatque, me jubere eum ne domus quidem primam partem attingere. Quod ad *recta* attinet, ea 1) hominibus versus urbem aliquam proficiscentibus prius apparent, quam ceterae domus partes: hinc proficiscentes dicere possunt: *recta jam conspiciere licet*: et, quia haec cum domibus ipsis conjuncta sunt, propterea hae simul per se intelliguntur: 2) ubi domus incenduntur, in earum *rectis* prius vulgo quam in ceteris earum partibus incendium apparet: hinc locutiones veniunt: *recta apparent*, *recta incendere*. Quia tandem, qui domum meam intrare vult, ejus limen transeat necesse est: hinc, per metonymiam antec. pro consequente, interdum *limen transire* dici potest pro *intrare domum*. Et quia, qui domum intrat, simul *tectum* ejus *subit*: hinc *subire tectum* pro *intrare domum* interdum dicere licet. At semper cogitare debent tirones, propterea has locutiones pro iisdem plane habendas non esse. Ne quid tamen dissimulem, *tectum* interdum pro domo ipsa poni, v. c. *in vestra recta discedite* Cic. Catil. III, 12 extr. i. e. *in vestras domos*. Quod durum est: nisi dicas *rectum*, si pro domo ponatur, non ubique a *recto domus* (*Dach*) sumi debere, sed etiam per se interdum notare domum; et proprie esse *ein bedeckter Ort*, unde notio domus fluat.

e) *Mucro* dicitur poni pro *gladio toto*. — Perperam et indefinite. Quis enim dicat v. c. *mucronem mihi eni*? Semper, ubi *mucro* pro *gladio* poni videtur, *mucronis* proprie ratio habetur et proprie *mucro* intelligitur, v. c. *mucrone aliquem ferire, vulnerare*. An hoc semper toto *gladio* fit? nonne *mucro* proprie accipi potest ac debet? Verum quidem est, *mucronem* esse partem *gladii*, ac propterea simul *gladium* intelligi: ac vulgo etiam apud nos dici: *er hat ihn mit dem Degen gestochen pro mit der Spitze des Degens*. At hoc est negligenter dictum. Quis hanc loquendi consuetudinem curat? Hic enim de *subtilitate* explicationis sermo est. Sic *intentare alicui mucronem* est *tentare aliquem mucrone ferire*. Ego in priscis interpretandis nondum coactus sum *mucronem* de *gladio ipso*, nulla *mucronis* habita ratione, explicare.

d) *Prora, puppis, et carina* vulgo dicunt apud priscos dici pro *tota nave*. — Non satis definite: addere saltem debebant, semper istarum partium proprie ab iis habitam, atque ita apud nos quoque habendam, esse rationem. Quis v. c. dicat: *aedificare vel emere puppim, emere proram, emere carinam* pro *aedificare vel emere navem*? Imo nunquam *prora, puppis, carina* ponitur et ponenda est, nisi harum partium navis proprie habetur ratio. Sic omnes scriptores et prosaici et vero etiam poetae. Exempla dabimus. V. c. 1) Quando *gubernator navis* in *puppi* sedere dicitur, vel Cicero propter similitudinem ait, se in *puppi* sedisse, tanquam gubernatorem, i. e. se rexisse rempublicam: male nonnulli dicunt, *puppim* dictam esse pro ipsa *nave*. Gubernator enim semper sedet in *puppi* ad clavum gubernaculi, non in *tota nave*: hinc accuratius longe est et elegantius dicere, gubernatorem in *puppi* sedere, quam in *nave*. Verum quidem est, qui sedeat in *puppi*, eum in *nave* quoque esse: at, qui in *nave* est, non semper est in *puppi*. Nec igitur commutare sine ulla necessitate licet. Sic verum quidem est, eum, qui *manum pedemve* meum tangat, tangere corpus meum: at propterea *manus* et *pes* non pro *corpore meo* ponitur: h. e. *manus, pes, et corpus* non sunt synonyma. Sic *dominus navis* semper est in *puppi*: hinc apud Virgilium *Aeneas* semper in *puppi* versatur. Nunquam neque *dominus navis* neque *gubernator* dicitur sedere in *prora, in carina*: cur ita non loquuntur prisci, si *prora et carina* pro *nave* simpliciter poni, omninoque *pars cum toto* commutari, potest? 2) Quando navigantes a priscis dicuntur *appellere naves*, semper dicun-

dicuntur *puppēs stare in litore, obverti litōri*, nunquam *prorae vel carinae*. Cur? quia appulsuri navem circumagebant et puppim ad litus vertebant. Ergo *puppis* proprie ibi ponitur. Hinc *proram advertere terrae* Virgil. Aen. VII, 35 non est *appellere*, *landen*, nondum enim *appelabant*, sed *navigare versus terram*, ut deinde *appellere* possent. Verba poetae sunt:

*Flectere iter sociis, terraeque advertere prorae,
Imperat, et laetus fluvio succedit opaco.*

Consideretur in primis sequens locus Virg. Aen. VI, 3, ubi narratur, quomodo Aeneas ad Cumas classē suam appulerit:

*Obvertunt pelago prorae (non litōri): tum dente
renaci*

Ancora fundabat naves, et litōra curvae

Praetexunt puppes. Iuvenum manus emicat ardens

Litus in Hesperium. —

Hic *obvertunt pelago prorae* est i. q. *prorae vertunt* in circumagenda nave *versus pelagum*, atque ita *puppēs*, ut statim sequitur, *versus litus*. 3) *Carina* semper est *infima navis pars*, s. *trabs illa*, cui *superstructa* est navis, *der Kiel*: hincque praedicata illi attributa quadrant, v. c. *natat uncta carina*. Haec enim pars navis proprie *undis innatat*: et *uncta* erat. — Profecto pauciora vocabula tropica habere mus, si vellemus loca praeorum saepius *proprie* intelligere et ad verba, quantum licet, h. e. subtiliter et accurate, explicare.

e) Alia praetereo, v. c. *latus* vel *pectus* perfodere: ubi non debemus cogitare, de *totō corpore* sermonem esse: et *latus*, *pectus*, pro *corpore* positum esse. Qui *jugulum*, *latus*, *pectus* transfodit, transfigit etc., an is *totum corpus* transfigit? — Si ita interpretari placet, nunquam praeos recte intelligere, nec unquam eorum cogitata imitando recte exprimere, possumus. Fateor, in praeis scriptoribus me *fere semper*, h. e. quantum perspicuitas patitur, singula verba proprie explicare solere, necdum me hujus consuetudinis poenitere. Praeorum verbis alia ubique substituere, atque ita illorum notiones cum aliis commutare, est illorum elegantiam evertere.

Pertinet huc quoque commutatio generis, speciei, et individuorum, ob similitudinem; quia species et individua sunt partes generis quaedam.

1) *Genus* interdum ponitur pro *specie*, h. e. *nomen generis* tribuitur speciei: quia, quidquid convenit *generi*, id convenit etiam speciebus et individuis, v. c. *mortales* pro *hominibus*: cum tamen et bestiae sint mortales. — Hinc quisque videt, 1) per se hoc dictum esse ambigue et obscure, nisi usus loquendi excusaret et cum contextu doceret, de *hominibus* tantum sermonem esse; 2) usum loquendi sequendum esse: a quo pendet omnis perspicuitas. Huc pertinet, quando Cicero *republicam*; h. e. rem pertinentem ad totum populum, pro *bello*, *provincia*, *aerario* etc. usurpat. Parum quidem diligenter: ac, nisi contextus explicaret, saepe non intelligeremus. — Nec tamen inde sequitur, *bellum*, *provinciam*, et *aerarium* esse plane synonyma *reipublicae*, h. e. *republicam* ubique pro *bello*, *provincia*, *aerario* poni posse. Imo *respublica* semper tenet notionem *rei ad populum pertinentis*, *ei utilis*, *ejusve nomine agenda*: et non nisi tum *respublica* v. c. de bello dici potest, cum bellum est *res publica*, h. e. nomine populi s. totius *reipublicae* et propter ejus commodum ac dignitatem geritur. Hinc recte dico: *Pompejus rempublicam bene administravit*: at non dicere possum: *Sulla, Caesar, Jugurtha* etc. *multas respublicas gessere pro bella*. Hinc patet, *republicam* non proprie posse commutari cum *bello*. — Huc accedit, quod vocabulo *reipublicae*, si pro *bello* ponitur h. e. si belli notionem simul sustinet, semper a priscis ea praedicata adduntur, quae *reipublicae* proprie convenient, non quae *bello* proprie. — Contextus tandem is esse debet, ut intelligamus, notionem *belli* in illa simul latere, h. e. in *notione reipublicae* simul ad notionem belli respici. Debet ergo vel antea de bello illo dictum vel bellum hoc satis notum esse, ut statim ejus notio per notionem *reipublicae* in mentem

tem revocetur. Sic et *peccare* pro *scortari*, *ebrium esse*, interdum, h. e. si perspicuitas addicit. per *euphemismum* dici potest, v. c. pro *scortari*, Horat. Sermon. I, 2, 63 — *Quid interest in matrona, ancilla, peccesve togata?* — Sed per se patet, *peccare* non plane esse i. q. *scortari*, quia non dici potest *scortari in aliqua*. Sic per eundem euphemismum *amare* dicitur pro *scortari*: et *amor* hodie saepe notionem *amoris illiciti* et *stupri* continet.

II) *Species* pro *genere* vix poni potest, ob perspicuitatis legem, quia non, quidquid speciei convenit, idem generi toti convenit; nec haec commutatio fieri potest, nisi in proverbialibus locutionibus, ubi *species* est tam nota facta per usum loquendi, ut et in universum intelligatur. Et hoc puto non nisi in vocabulis, gentis cujusdam naturam, virtutes, ac vitia indicantibus, a priscis et hodie a nobis fieri solere. V. c. *punica fides* i. e. *fallax*: sic *graeca fides* i. e. *levis*: quia *Poeni* putabantur fallaces et fraudulentissimi et *Graeci* leves nimis esse. Sic *romano more loqui* ap. Cic. ad Div. VII, ep. 5 et 16 est *aperte, vere, proprie loqui*, s. *ita loqui, ut verba propria notione sumas*; ut nostri: *etwas deutsch heraus sagen*, i. e. *diserte, libere, aperte loqui*. Ac sic plura ejusmodi nomina certae genti propria in universum usurpantur, v. c. *spanische Schritte, französischer Witz, türkisch mit jemand verfahren* etc. Quae omnia vim proverbii quandam tenent. — An vero et alibi *species* pro *genere* per se poni possit, valde dubito. — Dicunt quidem vulgo, *abietem, pinum, quercum* etc., poni pro *arbore* vel *ligno quocunque*. — Male et valde indefinite. Quis v. c. dicat: *hiemis tempore abiete opus est pro ligno* in universum? Quis *arbores* e *sylva*, in qua non nisi *pinus* nascuntur, advekturus dicat: *Ego ex ista sylva aliquot abietes vel quercus advehendas curabo?* Quis hoc intelligat? Nonne hinc patet, non de omni *arbore* vel *ligno* promiscue ista nomina usurpari posse, sed semper

pinus,

pinus, *abietes*, vel *quercus* intelligi debere, quoties hæc nominentur: v. c. cum poeta dicit: *uncta natat pinus*, intelligenda est proprie *pinus*, seu *navis e pinu* facta: sic *abies* semper de *abiete* proprie. At vero, quemadmodum nulla *species arboris* pro *arboribus universis* dici potest, ita poetis aliisve similibus scriptoribus, si de *sylva* in universum, atque ita non de certa ac nota *sylva*, vel etiam de *ficta* quadam *sylva* loquuntur, liberum utique est, arbores, quaecunque in *sylvis* esse solent, et quascunque putant suo consilio et contextui optime respondere, eas nominare; v. c. *quercus*, *alnos*, *pinus* vel *abietes*. V. c. quando comparant aliquid cum torrente arbores prosternente, vel narrant, torrentem *sylvam* aliquam *fictam* nobisque ignotam vastasse arboresque multas prostravisse, vel de fulmine loquuntur arborem aliquam tangente: hic parum differt, utrum *pinum*, an *alnum*, *abietem*, *quercum* nominent; modo contextus sibi constet. *Quercum* tamen in primis, si de fulmine sermo est, vel si magnam torrentis vim exponere vel magnum virum, v. c. *Aeneam* malis non cedentem, cum arbore valida et tempestatis minas vimque contemnente comparare volunt, a poetis ob altitudinem et robur præferri notissimum est. Sed vel hoc docet, quam diligenter in usu *arborum*, licet in rebus fictis, versari soleant poetæ, ceteroquin usum dicendi interdum non accurate observantes. — Quod hic de *arboribus* dixi, valet et de *floribus*. Non quævis *species florum* pro quovis flore usurpari potest; v. c. *lilium*, *rosa*, non simpliciter pro *flore* dicitur, sed proprie *lilium*, *rosa*, intelligitur ubique. Sic semper præci. Ac stultum foret de horto *floribus* plane carente dicere: *noster hortus caret rosis* vel *caret liliis*. Nonne auditor quisque intellecturus esset per ista verba, *in isto horto non nisi rosas* vel *non nisi lilia deesse*, sed alios tamen flores ibi esse, v. c. *violas*, *narcissos* etc.? At aliter se res habet, ubi sermo est de hortis fictis et Arcadicis: hic *florum species* fingi ac *lilia*, *rosas*, *narcissos*

narcissos etc. pro libidine poni posse per se patet: modo contextus sibi constet et anni tempus permittat. Stultum enim foret ac ridiculum, in hortis, licet fictis, flores vernos tempore autumnii et flores autumnales tempore veris ponere. Hinc multa alia explicari possunt, quae tanquam species pro generibus suis poni a vulgaribus et inelegantibus interpretibus dicuntur: v. c. *mare Myrtoum, mediterraneum, fretum Siculum et Gadi-tanum*, non pro mari simpliciter ponitur, sed ubi contextus et itineris ratio flagitat; v. c. is, qui *e Gallia versus Sardiniam* vectus est, non dicitur *mare Myrtoum* ingressus esse etc. Sic *arcus Cydonius* non tribuitur Britannis, Germanis, Helvetiis etc., sed iis, qui ob propinquitatem domicilii sui *arcu Cydonio* potiri potuerunt. — Haec copiosius explicanda putavi, quia multos non satis istas commutationes explicare vidi.

III) *Species* pro *individuo* interdum ponitur, quia, quod speciei convenit, id convenit quoque individuo. Quia vero haec commutatio est contra subtilitatem, atque ita contra perspicuitatem et elegantiam, hinc interdum vel potius raro occurrit, v. c. *urbs* pro *Roma* interdum a Romanis dicitur, sed non nisi tum, cum de nulla alia urbe intelligi possit; v. c. quando quis Romam ad amicum scribit: *scire velim, quid in urbe agatur*: vel quando Romae vel prope Romam vivens dicit: *in urbe omnia sunt salva* etc. At nemo v. c. in Asia, in Aegypto, vivens dicere potuisset: *omnes hae urbes sunt contemnendae pro urbe* i. e. *Roma*: quis hoc intellexisset? quia et alia oppida nomen *urbium* gessere. Sic et rustici prope urbem aliquam celebriorem habitantes dicunt: *ich gehe nach der Stadt*: et omnino omnes rustici ex urbe aliqua, v. c. *Berolino, Lipsia, Briga*, egressi, quando interrogantur, unde veniant, respondent: *ich komme aus der Stadt*; opponuntque urbem vicis suis. Non igitur simpliciter *urbs* pro *Roma* dicitur, quamquam prae ceteris minoribus urbibus hoc nomine insigniebatur, tanquam

quam earum princeps et caput. Huc pertinet quoque homo pro certo individuo, v. c. *Petro, Marco* etc., per usum loquendi non accuratum, attamen semel receptum. V. c. quaerenti, an *Petrum* viderimus, respondemus: *non vidi eum*, vel *non vidi hominem*, pro *Petrum*: *ich habe den Menschen nicht gesehen*.

Referunt huc vulgo etiam, *poetam* dici pro *Homero* vel *Virgilio* ob excellentiam; quemadmodum *oratorem* pro *Demosthene*, *philosophum* pro *Aristotele*, dici putant. — Male: hoc enim vetat perspicuitas. Quis enim eum, qui dicere vellet *Homerum* *suavius canere Hesiodo*, intelligeret dicentem: *poeta suavius canit Hesiodo*? Quis, quaeso, hominem intelligeret, qui diceret, *se omnes poetas praeter poetam legisse*, vel *omnes oratores praeter oratorem*, vel *omnes philosophos praeter philosophum*? Quis sentiret, dictum esse pro: *praeter Homerum* vel *Virgilium*, *praeter Demosthenem* vel *Ciceronem*, *praeter Aristotelem*! Acute satis, vel forsitan nimis acute! Neque unquam veteres perspicuitatis longe studiosissimi ita locuti mihi videntur esse: sed allatis aliquot versibus ex *Homero*, cujus carmina olim tam nota usuque trita erant, quam hodie vix *Gellerti Fabulae* esse possunt, addere breviter solebant: *ut poeta ait*, ut monerent lectores *Homèrum* intelligendum esse: hinc vero nondum sequitur, eos *Homerum* κατ' ἐξοχήν ita simpliciter appellare voluisse. Nam solebant etiam aliorum poetarum versus eodem modo in libris suis afferre, v. c. *Xenophon*, in *Memor. Socr.* versus quosdam *Hesiodi* afferens, itidem addit: *ut poeta ait*. Quis hic *Homerum* intelligat? At intelligendus foret, si certum esset, eum simpliciter vocatum esse poetam. Ergo teneamus, *poetam* non simpliciter *Homerum* aut *Virgilium* notare, sed tantum, si ejus versus memorantur, atque ita quemque poetam, si celebris est, posse, omisso ejus nomine proprio, post recitatos ejus versus, si quidem notissimi sunt, *poetae* nomine insigniri. Sic v. c. possum de quodam magno, sed infelici, viro dicere: *magnis tamen excidit ausis*, *ut poeta ait* (scil. *Ovid. Metam. de Phaethonte*).

III) *Individuum* pro *specie* vel *genere* interdum occurrit: si quidem aliquis homo propter quoddam vitae genus, propter singulares virtutes, propter doctrinam

nam eximiam etc. tam memorabilis tum suo tempore tum apud posteros factus est, ut ejus nomen, per proverbium quasi, in universum omnibus hominibus, illius vel similibus vel ad illius similitudinem prope accedentibus, tribueretur. V. c. *Varro pro viro magnae et latae doctrinae*; quia M. *Varro* talis fuit: sic *Cato pro homine severo et vitae sanctae*: sic *Maecenas pro patrono eruditorum magno*: sic *Hector, Achilles, pro viro fortissimo* (at idea regis non omittenda: *Achilles* enim simul rex erat): *Nestor pro sapiente rege et simul sene*: non pro unoquoque sene: sic *Augustus pro bene imperante*: sic *Scipio, Hannibal, Caesar etc.*, pro magno duce belli; *Cicero, Demosthenes*, pro magno oratore; *Virgilius, Homerus* pro magno poeta epico; *Aristoteles* pro magno philosopho etc. Et sic plures e recentioribus fingi possunt, v. c. *Eugenius, Melanchthon etc.* Dicere ergo licet: hic homo est *Cato, Cicero, Varro* nostrae aetatis etc.

Ad hunc tropum referuntur adhuc sequentia:

a) *numerus incertus* s. *indefinitus* ponitur interdum pro *numero certo* s. *definito*. — At hoc valet tantum de formis dicendi nonnullis per vulgarem dicendi consuetudinem receptis ac proverbii vicem sustinentibus, v. c. nos dicimus *tausend, hundert*, pro valde multis: *hundertmal, tausendmal*, pro saepissime: sic et Latini dicunt *centum, mille*, it. *sexcenta*, pro valde multis: *centies, millies*, it. *sexcenties*, pro valde saepe. V. c. *Cicero ita sexcenties loquitur etc.* — At not. 1) propria vis numeri indefiniti tamen quodam modo observari debet, v. c. homo *viginti* annorum, qui inde a duodecimo aetatis anno *Lipsiam* cum patre singulis nundinis profectus est, non dicere potest: *centies, sexcenties, millies Lipsiae fui*, pro saepissime. Nam discrimen inter 20 et 100, 600, 1000 annos intercedens nimis magnum est: at, qui octogies v. c. ibi fere fuit, ei magis liceat *centies* dicere, at nondum *sexcenties, millies*. De iis rebus, quae tam multae sunt, ut numerari non possint, recte dicas *sexcenta, mille, sexcenties, millies*. — Hoc monendum erat, ne tiro- nes temere ubique *sexcenta, sexcenties, mille, millies* pro multis, saepissime, uterentur. 2) formulis receptis contenti esse debemus; v. c. non *quadrages* dicere pro saepissime, nec

nec *quadraginta*, *septuaginta* etc. pro *multis*; nam, si ita diceremus, auditores forsan crederent, numerum hunc proprie intelligendum.

b) *numerus rotundus* pro numero vel paulo majore vel paulo minore interdum ponitur. V. c. *mille homines* pro paulo pluribus vel paucioribus: *Centumviri* ap. Romanos dicebantur quidam *judices*, cum essent proprie *centum* et *quinque*; et 72 interpretes illi librorum sacrorum vocantur vulgo 70. — Quisque videt, hunc dicendi modum esse cum praecedente, si recte judicas, eundem, et utrumque non satis accuratum, atque ortum per negligentiam et studium breviloquentiae: neque ita pro *elegantia* habendum; attamen ei, ob usum dicendi, *ignosci* debere.

c) *numerus singularis* poni dicitur pro plurali. — Satis indefinite: nam 1) si per numerum singularem intelligis *unam rem* vel *personam*, apud poetas quidem ista commutatio interdum occurrit, v. c. ap. Virgilium de equo Trojano: *uterumque armato milite complent* i. e. *militibus*; at apud prosaicos vix occurrere potest. Foret enim contra perspicuitatem et durum. Et stultum foret v. c. dicere: *manus, pes, oculus, mihi dolet*, pro *manus mihi dolent*; *pedes, oculi mihi dolent*; vel *Ciceronis orationem legi* dicere pro *Ciceronis orationes legi*. Quis intelligeret, me in usu singularis tamen plures res cogitare? Per se patet, hanc rationem dicendi non posse esse commendandam, ac non nisi poetis interdum concedendam. 2) longe alia res est, quando numerus singularis nomen *collectivum*, h. e. *genus* vel *totum* aliquod, indicat, v. c. *Romanus est fortis*: *Poenus est fallax*: *pauper ubique jacet*: *der Deutsche ist ehrlich, der Engländer nachdenkend, der Arme ist verachtet*. Hic enim non potest dici singularis pro plurali poni; sed est jam pluralis, h. e. jam indicat plures. Videtur tantum singularis esse, seu: est specie singularis, re pluralis.

d) *numerus pluralis* interdum pro *singulari* poni dicitur. — At 1) raro hoc convenit, ac non nisi in iis vocabulis, quae singulari carent, et tamen unam rem indicare videntur: v. c. *nuptiae, fortunae* pro *felicitate* quadam, *Kalendae, excubiae, exsequiae, induciae, exuviae, literae* i. e. *epistola, tenebrae* etc. Quamquam hic quaeritur, annon Latini in his pluralitatem quandam cogitaverint: *literae* quidem, etsi sunt *epistola*, tamen proprie indicant *multitudinem literarum* i. e. *elementorum*: *nuptiae* forsan includunt notionem *sponsi* et *sponsae* vel simile quid. Sic *aedes* pro *domo* videntur proprie esse *plura aedificia juncta, e quibus*

domus constet. Sic *fortunae* proprie sunt bona. Deinde poetarum omnino excipio in usu loquendi interdum audaciores, nec satis accuratos, qui v. c. de uno homine dicunt *animos* pro *animo* etc. At 2) in aliis vocabulis pluralibus, quae vel singularem habent vel notionem pluralitatis indicant, semper puto habendam esse numeri pluralis rationem proprie. Errant igitur, si qui dicunt, *Cicerones*, *Hortensios*, *pulmones*, *Gallias* dici pro *Cicerone*, *Hortensio*, *pulmone*, *Gallia*. Nemo priscorum *Cicerones*, *Hortensios*, ita dixit, ut solum *Ciceronem*, solum *Hortensium*, intelligeret. Ineptum hoc foret. Quis enim v. c. dicat: *Filia Ciceronum mortua est* i. e. *Tullia*? quis dicat: *oratio Ciceronum pro Milone*? vel pro *Milonibus*? vel *eloquentia Hortensiorum pugnabat cum eloquentia Ciceronum*? Nemo ita loquitur. At sic tantum loquimur: *Roma habuit suos Cicerones, Hortensios*, h. e. *Ciceronem, Hortensium, eorumque similes viros*, seu: *Roma habuit viros tales, quales Cicero et Hortensius erant.* — Apparet hinc: 1) non hic pluralem pro singulari positum esse, sed vere pluralem intelligi, scil. *Cicerones* i. e. *Cicero cum sui similibus*, *Hortensii* i. e. *Hortensius cum sui similibus*: 2) esse meram brevilloquentiam; quando *Cicerones* pro *Cicerone* sui que similibus ponatur. — Sic de *pulmonibus*, *Galliis*, item *Poloniis* judicandum, non scilicet hic pluralem pro singulari poni, sed vere pluralem esse: sunt enim *duo pulmones* h. e. *duo pulmonis lobi*: erant priscis temporibus *duae Galliae*, *cisalpina* et *transalpina*: sunt *duae Poloniae*, *major* et *minor*: ergo pluralis non frustra ponitur. At nusquam *nasos* hominis, *Corficas*, *Sardinias*, legimus. Eodem modo *liberos* non temere, nisi in permotio-
ne animi, matre hyperboles, et rem singularem reddente generalem, seu de una re saepe tanquam de pluribus loquente, de *uno filio* vel de *una filia* dici puto. Nam nullus historicus, sine animi permotio-
ne loquens, vel alius scriptor in narrando unquam de *uno certo filio*, vel de *una filia*, vel nata vel mortua, dixit: *nati sunt regi liberi*, *mortui sunt liberi*. Quis dicat, *Ciceronem* magnopere luxisse *mortem liberorum suorum* h. e. *filiae*? Quis *Scipionem Africanum minorem* vocet *liberos Aemilii Pauli* h. e. *filium*? Imo *liberi* semper pluralitatem indicant. Docui hoc pluribus in libello: *Gedanken von den Eigenschaften der deutschen Schreibart* etc. p. 101: quae summatim hic repetere non alienum erit. Scilicet obijci possint aliquot loci, ubi dicunt aperte *liberos* dici de *uno*: 1) locus ex epist. Sulpic. ad Ciceron. notissima, inter Cic. Epp. ad Div. III, ep. 5,

ep. 5, qua Sulpicius Ciceronem morte filiae suae nimio-
 pere dolentem consolari studet, §. 5: *Quid autem fuit,*
quod illam (filiam) hoc tempore ad vivendum magnopere in-
vitare posset? quae res? quae spes? quod animi solatium?
ut cum aliquo adolescente primario conjuncta actatem gere-
ret? licitum est tibi, credo, pro tua dignitate in hac juven-
tute generum deligere, cujus fidei liberos tuos te tuto com-
mittere putares. An, ut ea liberos ex sese pareret etc.? No-
 tanda sunt verba: *generum, cujus fidei liberos tuos te tuto*
committere putares. Fateor, hic liberos de filia sola posse
 intelligi, si quidem liberi de uno homine dici possint. At,
 cum hoc non fieri possit, non video, cur per liberos non
 Ciceronis filia et filius simul intelligi queat: qui utique, ut
 fidei alicujus viri prudentis et curae committeretur, dig-
 nus erat, si quidem pater ejus, tum jam senex, mox mo-
 riturus esset. Et ubi filius melius se post patris mortem
 habuisset, quam in domo sororis suae? Ac Sulpicium per
 liberos intellexisse utrumque, et filiam et filium, colligo quo-
 que inde, quod non ita pergit: *an ii liberos ex sese pare-*
rent? sed pro eo dicit: an ut ea pareret? Cur haec mu-
 tatio? quia videbat, *non parere non de liberis* h. e. de utro-
 que dici posse, sed tantum alterutri h. e. filiae soli conve-
 nire; hinc subjicit: *ut ea etc.* 2) Alter locus est Terent.
 Andr. V, 3, 20. Hic Simo filio, qui dixerat *mi pater*, ira-
 tus respondet: *quid, mi pater, (was willst du mit dem;*
mein Vater) quasi tu hujus indigeas patris. Domus, uxor,
liberi inventi (i. e. acquisiti sunt a te) *sine patre.* Hic est:
liberi inventi sunt et tamen sermo est de uno infante. Et
 tamen, qui rem diligenter inspicit, videbit, Simonem non
 hunc infantem proprie vocare liberos, sed de tota hac re,
 scil. quod infantem accepit, loquitur in genere. Solent
 enim homines commoti, ad iram suam et indignitatem in-
 dicandam, de una re ita loqui, tanquam plures sint. V.
 c. si quis ob unum librum amissum tristis est, ei dicunt in-
 terdum: *Quis ob libros tristis sit! Wer wird sich denn we-*
gen Bücher so betrüben! At propterea libri non plane in-
 dicant unum librum. Sic saepe de parentibus pauperibus,
 infantem unum habentibus, nonnullos malevolos, miran-
 tes, quod jam infantem haberent, dicere audiui: *Und sie*
haben schon Kinder? An propterea Kinder i. q. ein Kind?
 Sic saepe audiui parentes parentibus unum puerulum tan-
 tum habentibus dicere: *Scis, quantum laboris liberorum*
educatio habeat, Sie wissen, wie sauer es einem wird, Kinder
zu erziehen; was Kinder einem für Mühe machen, cum ta-

men hi, quibus ista dicunt, non *liberos*, sed non nisi unum filium, haberent. Duo praeterea sunt loci, in quibus Antonii filius vocatur. *liberi*, Cic. Phil. I, 1: Vellej. II, 58. Sed Cicero loquitur ut orator, atque in genere ut supra Simo ap. Terent. *Vellejus* Ciceronis auctoritatem secutus videtur, nisi itidem in genere dixisse censendus est. Alia res foret, si quis locus ita legeretur: *Tullia, filia Ciceronis, Scipio, liberi Pauli* etc. Certum quidem esse puto, pluralem non simpliciter pro singulari poni posse nec a priscis, praeter poetas interdum, positum esse. Unum tamen *nos* excipiendum videtur, quod pro *ego* saepissime in Ciceronis orationibus, epistolis etc., occurrit, v. c. *nobiscum*, i. e. *mecum*: *venit ad nos*, i. e. *ad me*: ac saepe *ostendemus, diximus* etc., dicit de se solo loquens. Videntur forsitan oratores initio ita eb modestiam dixisse, ut auditores orationis suae participes quodam modo reddere viderentur, atque ita eorum favorem attentionemque magis sibi pararent: v. c. *videamus, consideremus*, h. e. *ego et vos simul* s. *ego vobiscum*. At consuetudo, quae v. c. numerum quoque oratorium in epistolas Ciceronis intulit, deinde fecit, ut oratores et scriptores, de se in orationibus in plurali loqui assueri, de se etiam alibi in plurali loquerentur, licet auditores et lectores non possent dictorum participes esse, v. c. in his: *diximus, dicemus, possumus vobis confirmare* etc. Sic et hodie scriptores, in primis tamen ii, qui vel in aede verba facere soliti vel Ciceronis libris assueti sunt, de se in plurali loqui non dubitant, v. c. *vide nostram disputationem*, vel *vide nos supra* etc., ubi simpliciter est pro *meam, me*. Ceterum, reges ac principes ita de se loqui solere, notum est.

SECT. XV

De Ironia s. commutatione vocabulorum contrariorum.

Ironia dicitur esse *permutatio vocabulorum ob disjunctionem* h. e. *oppositionem*. At duo vocabula non propterea inter se commutari possunt, quod sibi contraria sunt: hoc foret contra perspicuitatem, quae in omnibus tropis vult, ut vocabulum, pro quo aliud vocabulum ponitur, tamen simul in mentem veniat: id quod ex phantasiae lege in iis vocabulis, quorum ideae cognitione h. e. similitudine vel relatione quadam conjuncta

ta sunt, fieri facile solet. At cui in contrario vocabulo contrarium vocabulum s. notio contraria facile in mentem venit?—Forſan ironiam ita licet breviter definire, ut in eo conſiſtat, *ſi aliud cogitamus, aliud dicimus, ita tamen, ut, quid proprie cogitemus, contextu alioque modo declaretur*; ſeu ita: ut *ironia ſit diſjunctio non tam notionum, quam verborum, ſ. permutatio non tam notionum, quam verborum contrariorum*. Nam *ideae* non vere hic permutantur, licet permutari prima ſpecie videantur. V. c. quando de *paupere* dico: *eſt dives*, ac de *divite*: *eſt pauper*; quando *indoctum* voco *doctum*, et *doctum* appello *indoctum*; ſic *pulcher* pro *ſoedo*, *ſtultus* pro *ſapiente*, et contra.

Notanda hic quaedam:

1) Hic tropus, ſi vere tropus, nec potius permutatio locutionum ſynonymicarum jocandi illudendique cauſa inventa, vocari debet, magis in loquendo, maxime in ſermone familiari, quam in ſcribendo valet, quia geſtu ac vultu indicare loquens poteſt, ſe contra, ac loquatur, ſentire. Nam, ſi auditores et lectores non intelligunt ironice dicta, fruſtra eſt loquentis eloquentia.

2) Ut in ſcribendo et dicendo uſurpari perſpicue poſſit, commendatur uſus quarundam particularum, v. c. ſcilicet, quippe, interdum vero, a priſcis hac in re uſurpatarum, quae moneant lectores et auditores, dicentem ac ſcribentem non ſerio loqui. Cum vero ne hae quidem ſemper ſufficiant, totus contextus debet talis eſſe, ut ironia ſtatim ſentiat.

3) Non omnes res ironice exprimi poſſunt, ſed tantum eae, quarum ratio, magnitudo, utilitas ita nota eſt, ut lectori vel auditori ſtatim contrarium in mentem venire debeat. V. c. quando quis dicit, *bellum egregie prodeſſe literarum ſtudiis, aloen eſſe dulciſſimi ſaporis, Alexandrum fuiſſe gloriae non cupidum, Helenam non pulchram, Ciceronem non Oratorem, Caesarem non magnum belli ducem* etc., quiſque ironiam ſentit. At, ſi quis de viris magnis illis quidem, ſed non vulgo notis, ita loqueretur, ut diceret, eos non magnos fuiſſe: ſemper in periculo foret, ne audientes legentesque crederent, illum ſerio loqui, et iſtos homines vere non magnos fuiſſe; atque ita ironia periret. Sic et de rebus magnae quidem utilitatis,

at parum notis. Si quis artis medendi egregie peritus de morbo valde capitali vel de remedio certissimo, sed utroque parum noto, coram imperitis ita loqueretur, ut illum non capitalem, hoc levissimum, esse diceret: profecto nemo auditorum sciret, eum ironice loqui, sed omnes credituri essent, vere eum loqui. Ergo cautio hic est adhibenda, nec *τῶ* scilicet, quippe, vero, praesertim in scribendo, ubi vultus et gestum nullus usus est, nimis confidendum. Contextus est optimus interpres.

4) Cum ironia maxime jocando, illudendo, ac reddendo aliquem ridiculum serviat, nostris oratoribus non valde commendanda est. Oratorem, ut omnem sapientem, decet gravitas, maximeque de rebus ad religionem pertinentibus coram populo, valde plerumque communium rerum imperito ac bona praecepta virtutum cognoscendi cupido, dicentem.

Magis frequentantur et frequentari merentur ejus species *litotes* et *euphemismus*.

1) *Litotes* i. e. quae minus dicere videtur, quam intelligi vult; s. apertius: quae rem minuere videtur, at profecto rem auget majoremque reddit, v. c. vir non ignotus per se significat virum, qui non plane ignotus est: hic non est *litotes*; potest vero etiam significare virum valde notum: hic est *litotes*. Sic, homo non pauper pro homine citissimo, est *litotes*: v. c. Croesus non pauper erat i. e. ditissimus. At, si per hominem non pauperem intelligis hominem, qui, licet non plane pauper, tamen nec dives est: non *litotes* haec est. Sic non dives i. e. pauperrimus, est *litotes*: sic et munera non sperno i. e. cupide sumo munera. At, si munera non sperno proprie ponis, non est *litotes*. — Hinc *Litotes* non ubique quadrat, sed ubi perspicuitas concedit, h. e. ubi sermo est de re omnibus nota, de homine notissimo. V. c. Croesi divitiae sunt notissimae. Quando igitur dico: Croesus non pauperrimus fuit, quisque intelligit, me velle dicere, Croesum fuisse ditissimum: sic Livius Polybium vocat scriptorem non contemnendum h. e. praeclarum ac fide dignissimum, quia Polybius Romanis erat scriptor notus: sic coram eruditis loquens possum Ciceronem appellare oratorem non infimum,

infimum, non contemnendum i. e. *magnum*. At, si coram imperitis aliquis diceret: *Cicero, der kein schlechter Redner war; der nicht arme Crassus; Helena, die nicht häßlich oder nicht die häßlichste war etc.*: frustra loqueretur, quia auditores haec verba proprie sumerent, h. e. ita, ut crederent, *Ciceronis eloquentiam tolerandam, Crassum non pauperem, Helenam non turpissima facie fuisse, atque ita non de Ciceronis summa eloquentia, Crassi immensis divitiis, Helenae facie omnium pulcherrima intellecturi essent.*

2) *Euphemismus* est, cum res ingratas, obscoenas, tristesque nomine suaviori, saltem leniori, exprimimus: id quod humanitas et venustas ab omnibus dicentibus exigit, si quidem perspicuitas hac re non offenditur. Fit hoc tribus maxime modis:

a) *ideae tristiores mutantur in paulo suaviores vel leniores*. V. c. si cui dico: *pater tuus beatus*, (der selige) vel, ut Theologi interdum loquuntur, *consummatus* pro mortuo. Libentius enim filii audiunt, patrem suum *beatum* vocari quam *mortuum*: quia posterius vocabulum iis mortem patris in mentem revocat. Est vero metonymia consequ. pro anteced. — Sic: *si quid humani ei acciderit, si quid humani passus fuerit, si quid ei acciderit*, pro: *si mortuus fuerit*. Sic: *accidit ei aliquid humani etc.* i. e. *mortuus est*. Est metonymia generis pro specie. — Sic et nostri: *wenn Gott über ihn gebiethen, ihn zu sich nehmen, sollte*, pro: *so er etwa sterben, umkommen, sollte*. Pertinet huc forsan *situs* pro *sepulto*. Forsan enim *situs* est i. q. *relictus*, a *sino*.

b) *ideae obscoenae permutantur cum aliis, in quibus res obscoena paulum occultatur*. V. c. *venus* pro coitu: *arvum genitale et natura* apud Cic. pro partibus obscoenis: sic: *ire, quo saturi solent pro ventrem exonerare*. Sic Hebr. *pedes tegere*. Quae est modesta metonymia anteced. pro consequ.

c) *ideae inhumaniores cum humanioribus permutantur*. V. c. *non est inimicus vini* s. *non odit vinum* dicitur humanius pro: *valde potat, vini studiosissimus est*. Sic de edace: *non spernit epulas*, nostri: *er läßt es sich wohl schmecken, ist kein Feind vom Essen*, i. e. *multa edit, s. epulas cupide quaerit*; sic de contentioso: *non se vexari finit*, nostri: *er läßt nicht mit sich spielen, versteht keinen Scherz*

etc. — Huc pertinet *recte, benigne*, quod humaniores dicebant pro *non* vel *nolo*: v. c. si quis profecturus ex amico quaerebat, an ipsi aliquid mandare vellet: hic amicus, si nil, quod mandaret, habebat, humane respondebat: *recte*; pro *non* vel pro *nihil habeo, quod tibi mandare possim*; proprie *recte* per ellipsin explicandum, *recte facis*, quod scilicet me interrogas, i. e. *placet mihi ista tua humanitas*: est simile nostro: *gut, es ist gut; ich danke* cet. — it. in denegando: v. c. si quis in coena hospitem, ut ederet, monebat: hic, non amplius cibi appetens, respondebat: *benigne* (scil. facis) i. e. *nolo amplius edere*. Sic et nostri, si quid ab aliquo accipere nolunt, dicunt: *ich danke* (scil. pro tua humanitate): *ich bin Ihnen verbunden, it. ergebenster Diener, Sie sind sehr gütig*, pro *nolo accipere*. Dicunt etiam, si cum hominibus vilioribus loquuntur: *gut, es ist gut, ich will euch nicht berauben* etc., pro *nolo tuum donum accipere* cet. — Hic notandum, 1) euphemismum maxime commendandum esse: pertinet enim ad suavitatem dicendi: 2) ejus fontes sunt hi: a) commutatio anteced. cum conseq., vel conseq. cum anteced. v. c. *beatus pro mortuo: ire quo satiri solent: pedes tegere: venus pro coitu*: it. speciei cum genere, v. c. *aliquid humani pati pro mori*: b) litotes, v. c. *non valde odit vinum, epulas, pro vini et epularum est cupidissimus*: c) circumscriptiones metonymicae aliaeque, v. c. *ire, quo satiri solent*: — pertinet huc notabilis euphemismus Ciceronis pro Milone per circumscriptionem venustam factus, cap. 10 extr.: *fecerunt id servi Milonis, — quod suos quisque servos in tali re facere voluisset*, pro: *occidendo Clodio ulți sunt dominum*: in qua circumscriptio tam teste inclusa est mors Clodii, ut vix sentiat. De talibus circumscriptionibus infra in sect. de copia dicendi fufius exponetur.

Plures euphemismos facile, qui suavitati dicendi student, excogitare poterunt ac forsan suaviores et acutiores.

SECT. XVI

Additamenta quaedam de vocabulis singulis.

Sunt praeterea in vocabulis singulis nonnulla observanda:

1) *verba solennia* sedulo adhibenda esse ei, qui eleganter scribere velit, recte monent rhetores, h. e. ea, quae

quae de aliqua re tam constanter usurpantur apud priscos, ut fere non alia iis substituantur, atque ita illi proprie convenire videantur. V. c. *senatui videtur* i. e. *senatus decernit* (quod aeque usitatum); *senator censet*, *decernit*; *populus jubet*, v. c. *legem*, pro *decernit*; *subducere* et *deducere classẽm*; *ludos committere* i. e. *incipere*; *praeses provinciae decedit* (i. e. *provincia abit Romam*) et, post *justam victoriam*, *deportat triumphum*: it. *ferre ad populum*, *referre ad senatum*, *habere concionem*, *petere honores* v. c. *consulatum* etc., *abdicare se magistratu*: sic et *dicere* (it. *creare*) *dictatorem*, *creare consulem*, *praetorem*, *cooptare pontificem*, *prodere* (it. *creare*) *interregem*, *legere Vestalem*, *senatorem* etc. (de verbis *dicere*, *creare*, *legere*, *cooptare*, v. supra c. 2, n. 9). His igitur utendum, si de rebus romanis ejusmodi scribimus. — Sed sunt etiam apud nos solennia, v. c. *rex*, non *praefectus regno*, nec *praeses regni*, *Archidux*, *Marchio*, *Landgravius*, *Mareschallus*, *Allodium* etc.: quae non cum aliis, licet forsan latinioribus, commutanda sunt. At tota haec res ad *perspicuitatem* referenda, de qua infra separatim agetur: et quo magna pars eorum, quae nunc sequuntur, pertinet.

2) deinde vitanda sunt, quantum fieri potest, sequentia:

a) *vocabula plebeja et obscoena*. De iis jam dictum in *euphemismo*. Res enim pertinet ad suavitatem et humanitatem.

b) *vocabula barbara* h. e. *non latina*, sed ex aliis linguis interdum in usum linguae latinae ingredientia: v. c. *recommendare* pro *commendare*, e Francica: it. *graeca*, v. c. $\delta \pi \acute{\alpha} \nu \nu$ *Casaubonus* pro: *celeberrimus Casaubonus*, ubi sine ulla necessitate Graece dicitur: quod est contra perspicuitatem (quia non omnis talia intelligit) ac simul suavitatem; quia inest aliquid affectati, quod semper displicet. Nec video, cur $\delta \pi \acute{\alpha} \nu \nu$ magis placere eruditis possit quam *celeberrimus*; sic et $\epsilon \pi \acute{\epsilon} \chi \omega$ in notis Philologorum, cet. At *barbara* vocabula evitare nemo potest, nisi qui latinorum scriptorum lectioni assuetus est, et Lexici boni ope utitur.

tur. — At contra sunt nonnulla, licet barbara, tamen retinenda, quia perspicuitas postulat: v. c. *Landgravius*, *Marchio*, *Feudum*, *Allodium*, *Mareschallus* etc. Sic *etymologiam* magis dixerim, quam *notationem*, licet Cicero ita dixerit et prius graecum sit: quia me vocabulo *etymologiae* utentem homines magis intelligunt, quam utentem vocabulo *notationis*. Ac, perspicuitati servire, est primum eloquentis officium.

c) *novata* etiam huc pertinent h. e. *aurea aetate nondum usitata*. — At hic perspicuitas saepe postulat, ut vocabula recentiora, quibus res et melius et brevius exprimitur, adhibeamus potius, quam vocabula aureae aetatis, si haec obscuriora sunt: v. c. *Imperator Sigismundus*, *Landgravius* etc. Attamen non negari potest, saepe verba novata cum bene latinis commutari posse, modo lectioni scriptorum latinorum assuetus sis.

d) huc pertinent *technica*, de quibus idem dicendum: v. c. philosophica, theologica, juridica, medica. Hic *perspicuitas* et *ratio lectorum* atque *auditorum* consulenda. Qui doctis rei que peritis scribit, aut Compendium vel systema aliquod edit, cur is non proprio artis vocabulo, v. c. *Decoctum*, *infusum*, *extravasatio*, *scandalum* etc., potius utatur, quam periphrasi non satis commoda lectorem moreretur? At in aliis libris, v. c. orationibus etc., ubi non artis peritos lectores expectas, melius periphrasi, si commode fieri possit, utaris. Ac saepe philosophos quidem posse pro vocabulis vulgari more receptis Ciceroniana adhibere, v. c. *colligere*, *argumentari pro inferre*; *propositiones adfirmantes* vel *agentes pro adfirmativis* cet., docuit Ernesti suo exemplo in Initiis philosophicis.

e) *obsoleta*, scil. aetate Ciceronis, (ad hanc enim respiciunt vulgo) per se patet omitti debere, *ob perspicuitatem*. Nam, si Ciceronis jam aetate ignota et obscura erant, quanto magis nostra?

f) *poetica* s. poetis propria ac duriora et inusitatiora, quam prosaica oratio lenior patiatur, omitti item debere per se patet: repugnant enim *perspicuitati* et *suavitati dicendi*. Id quod in primis intell. de epithetis, v. c. *mare velivolum*, *horrifonum* etc. Haec non nisi usu discenda.

g) *hybrida* (ut vocantur a nonnullis) i. e. e duobus vocabulis duarum linguarum composita; v. c. *monoculus*, ubi *oculus* est latinum, et *μόνος* graecum. — Recte. At sunt tamen, quibus vix carere hodie queamus; v. c. *Archidux*, *Archidapifer* etc. Et ipsi priscae nonnullis usi sunt, v. c.

post-

postscenia, *biclinium* ap. Plaut. etc. Cf. Quintil. Instit. I, 5: Voss. Rhet. III, 2, 1. Et Caesar ipse librum Catoni Ciceronis oppositum inscripsit *Anticato*. Ergo usus consulendus. Hic solus debet decernere. Nam per se nihil vitii inesse video in vocabulo, partim graeco, partim latino, modo in usu apud priscos fuerit et rem, quam exprimi volo, recte exprimat.

Haec omnia ad totam orationem et stilum, atque ita infra ad capita de perspicuitate et suauitate dicendi, proprie pertinere facile intelligitur. Nec eorum hic mentionem fecissemus, nisi forsan a nonnullis expectata hic fuissent. — At, cum dicimus, ista vocabula non adhiberi facile debere, per se patet, hoc de *seria oratione* intelligi. Nam per jocum v. c. in literis ad amicos et in sermone familiari quidlibet proferre licet. — Nec credendum est, in omissione istorum vocabulorum elegantiam consistere: imo haec in toto orationis et stili habitu, in pulchrarum sententiarum pulchra connexion, consistit.

3) In singulis verbis attendendum quoque est, ut eorum veram h. e. usitatam flexionem recte intelligamus: v. c. *specierum* et *speciebus* non dixerunt prisci, omninoque rari sunt isti duo casus quintae declinationis, praeterquam in *res* et *dies*. Cicero quidem pro *specierum*, *speciebus*, maluit dicere *formarum* et *formis*: *Nolim enim*, inquit Topic. 7, *ne si latine quidem possit*, *specierum et speciebus dicere: et saepe his casibus utendum est: at formis et formarum velim*. Idem pro vocabulo *specierum* utitur vocabulo *partium*, Tusc. III, 6, ubi ait: *partes autem perturbationum* etc. i. e. *species*. — At, si quis philosophicum librum scribens, ubi *specierum* saepe mentio facienda esset, *partes* et *formas* propterea, quia, ut intelligeretur satis, timeret, adhibere dubitaret, ac perspicuitatis causa poneret *specierum* et *speciebus*: quis ejus dubitationi et religioni non ignoscat? — Sic *equabus*, *filiabus*, *deabus* etc. quas terminationes libri grammatici inculcant, raro vel potius nunquam occurrunt, nisi sexus aliter discerni nequit, v. c. *diis deabusque* dixit Cicero Rab. perd. 2. Hic necessaria erat terminatio *abus*. At, *duabus filiis*, *ambabus filiis*, semper dixerim,

rim, quia *duabus* et *ambabus* jam docent *filiis*, non *filios*, intelligi. Omninoque terminatio *is* servatur in talibus femininis, si contextus jam docet, de sexu feminino sermonem esse. Sic Varro de *Musis* loquens R. R. III, 16 §. 7 ita ait: *His diis Heliconem attribuerunt homines*, pro *drabus*. Attamen *duabus filiabus* legitur Liv. XXIII, 26. *Alacris, acris, celebris* etc. raro in genere masculino occurrit: hinc rectius: *vir celebris, acer, alacer*, quam *celebris, acris, alacris*; et sic in omnibus adjectivis talibus terminatio *er* est gen. masc. et *is* usitatus femin. Sed omnem usum verborum supra dixi pendere maxime ab assidua lectione priscorum: cui qui se dat, ab eo istas res melius et certius observari, atque ita rectius usurpari, sponte patet.

4) de synonymicis vocabulis notandum, tironem non debere inter ea referre, quae non sint: v. c. *aut* et *vel* cum *sive, seu*, non commutari debent. *Sive, seu*, dicitur libenter de iisdem rebus duplex nomen gerentibus, atque ita explicationis causa, v. c. *Apollo seu Phoebus; Pallas seu Minerva*. *Aut* et *vel* de diversis, v. c. *Apollo vel Minerva; Apollo aut Mercurius; lingua vel oculus*. — Sic *ac* differt ab *et* haecenus, quod illud non poni debet ante vocalem: v. c. ne dixeris: *ac ego*, sed: *et ego*, atque *ego*. *Iratus* non plane idem est quod *ira inflammatus*: hoc indicat gravitatem irae. Sic *valde* et *incredibilem in modum* differunt gradu: *ubi locorum, minime gentium, quid est quod* etc., plus indicant quam *ubi, minime, cur*. Quodsi differt a *si* cet.

SECT. XVII

De compositione vocabulorum grammatica, h. e. quatenus ea plerumque tantum e relatione ipsorum inter se sine respectu idearum in iis latentium considerantur.

De verbis singulis diximus, nunc de eorum *conjunctione* loquemur. Ea est vel *grammatica*, quae tantum

tum fere verba per se spectat, vel *rhetorica*, quae tantum idearum et eloquentiae ipsius rationem habet.

Compositio s. *constructio grammatica*, quae in vulgaribus libris grammaticis graeco nomine *syntaxeos* appellatur, cernitur in eo, quando, nulla fere idearum ratione habita, ob vocabulum aliquod antecedens vocabulum sequens mutationis aliquid patitur et in certo *casu*, *numero*, *tempore*, *modo* etc. poni debet. Vocatur et *rectio*, contineturque praeceptis grammaticis: nec opus foret hic de ea dicere, nisi sciremus, nonnullos libellos grammaticos, v. c. Langianum, parum accurate scriptos esse, hincque illam pueris interdum parum accurate tradi. — Not. in scholis interdum *constructio* usurpatur pro *ordine verborum*; v. c. *pueri jubentur constructionem quaerere* i. e. ordinem verborum: et dicuntur *male* vel *bene construere*: it. saepe dicitur: *wie geht die Construction? construiren doch! er construiren nicht, kann nicht construiren.* — Male, indefinite et obscure. Puer in vertendis locis prisci scriptoris non *construit*, sed *scriptor* v. c. *Nepos construxit periodos et totum librum* i. e. *composuit*: *construere* enim est proprie *componere* vel *aedificare* v. c. *domum*, *navem* cet. Puer tantum debet ordinem verborum in priscis scriptoribus quaerere, atque ita videre, quomodo prisci construxerint orationem suam; ut et ipse aliquando ita orationem vel libellum construere possit. Vocabula igitur a bonae latinitatis studioso ea tantum ratione *construi* s. *componi ac jungi* debent, qua a priscis constructa fuere. Hac de re, quia interdum non satis accurate traditur, pauca, tiro-num gratia, dicemus, et ordinem vulgarem libellorum grammaticorum fere sequemur.

I) Inter pronomen possessivum et substantivum dicunt interjici *unius*, *solius*, *ipsius*, *ipsorum*, *amborum*. — Recte. At non per se, nec sine sensu. *Meum solius peccatum corrigi non potest* est pro: *ego solus sum, cujus peccatum non etc.* *Tua unius opera liberatus es*, i. e. *durch deine Bemühung allein* etc.

etc. *Tua ipsius culpa miser es*, i. e. *durch deine eigne Schuld* etc., *tu ipse effecisti, ut nunc miser sis*. Sic et *amborum* non inferitur, nisi de *duobus* sermo est.

II) *Opus est* dicunt requirere vel nominativum vel ablativum rei. — Recte. Et plerumque, v. c. in substantivis, nil refert, utrum nominativus an ablativus ponatur. — Sed interdum nominativus melior est, si scilicet perspicuitas exigit. Hoc v. c. fit in neutris adjectivorum et pronominum; v. c. *quod opus mihi fuit, id tibi non est opus*: hic quo et *eo* nolim dicere, quia possint pro masculinis haberi: at perspicuitas vult, ut, quidquid lectorem morari aliquo modo possit, id tollamus, et ipsi lectionem quam facillimam reddamus: hoc postulat quoque humanitas. At tum demum *eo* et *iis* uti licet, cum *quod, quae*, sequitur: quia tum neutrum agnoscitur: v. c. *eo, quod cupis, non tibi opus est: opus fuit iis, quae ad bellum pertinerent*.

III) *Verbum* (proprie sumtum, v. c. *sum, amo, lego* cet.) quando duobus vel pluribus substantivis, personas indicantibus, tanquam praedicatum additur, debet esse in plurali, licet theodisca lingua interdum singulari utatur: v. c. *Vater und Mutter ist krank, pater et mater aegrotant* s. *aegroti sunt*. At si haec substantiva indicant res vita carentes, uti licet quoque singulari verbi, v. c. *pecunia et domus amissa est*: poterat tamen et recte dici: *amissae sunt*.

IV) Adjectivum et participium, quando substantivis, personas diversi sexus indicantibus, tanquam praedicatum additur, accommodat se generi masculino: v. c. *pater et mater sunt sani, mortui*, non *sanae, mortuae*. — At, si non praedicati vim sustinet, sed non nisi merum epitheton est, accommodat se ad sexum subjecti propioris: v. c. *Noster frater et soror*, vel *nostra soror et frater*: it. *soror et frater noster*, vel *frater et soror nostra*: nisi vis repetere adjectivum et dicere *noster frater et soror nostra*: quod haud dubie accuratius. — Idem observatur in omni adjectivo et participio, quod substantivis non personas, sed res, indicantibus additur, five praedicati vim sustineat five non: v. c. *pecunia et liber amissus est*, vel *liber et pecunia amissa est*; vel *amissa est pecunia et liber*, vel *amissus est liber et pecunia*. — At, si tot substantiva praecedunt, *res* in primis indicantia, tamque diversi generis, ut incerti simus, ad quodnam eorum accommodare se debeat *adjectivum* vim praedicati habens et proprie ad cuncta illa referendum; praesertim si alia sunt pluralis alia singularis numeri: rectius istud unum adjectivum in neutro plur. subjicitur; v. c. *libertas, patria, opes, exercitus, leges,*

ret imperium, amissa sunt. Proprie autem ita intelligendum: amissa scil. negotia, sind verlohrene Dinge.

V) Pro praepositionibus *in*, *erga*, *adversus* etc. dicunt genitivum non modo *mei*, *tui*, *nostri* etc. sed etiam substantivorum poni posse; v. c. *amor mei*, *nostri*; *amor Dei* i. e. *erga Deum*. — Non satis definite. *Mei*, *tui* etc. semper ita dici potest, quia hic nulla ambiguitas; at in substantivis contextus consulendus est, ne perspicuitas laedatur, quia v. c. *amor Dei*, *patris* etc., esse potest quoque *amor Dei*, *patris*, *erga alios*: v. c. recte dicimus ita: *multi sunt, qui ad Dei amorem per ipsius beneficia non impellantur*: hic aperte est pro *erga Deum*; recte quoque: *Dei amor ostendit se per ipsius beneficia*; hic *Dei amor* proprie sumitur pro *amore Dei erga homines*. At stultum foret ita dicere: *animus mihi est de amore Dei loqui*, pro *de amore erga Deum*. Hic enim contextus non aptus est: et posset quoque *amor Dei erga homines* intelligi a lectore. Ego quidem semper *amorem Dei*, *patris* etc., intellexerim de *amore Dei*, *patris*, *erga alios*; nisi contextus aliud aperte suadet.

VI) *Esse*, si rei describendae servit, dicunt genitivo et ablativo jungi. — Recte. Sed add. 1) adjectivum quoque adesse debet; v. c. non dixerim: *mulier est pulchritudine* s. *pulchritudinis*, pro *est pulchra*, hat *Schönheit*; at *magna pulchritudine*, *magnae pulchritudinis*: nec *mons est altitudine*; at *magna*, vel *ea*, *tali*, *altitudine* etc. 2) deinde usus loquendi observari debet: in aliis enim casus alteruter, in aliis uterque, in usu est; v. c. *res est magnae utilitatis et magna utilitate*. Contra *est magno natu*, non *est magni natus*. Notum autem est, istum genitivum non ab *esse* regi, sed ab omisso substantivo, v. c. *homo*, *negotium* h. e. *res*: et ablativum a *praeditus*, quod et saepissime a priscis additur.

Not. formulam *patris est*, v. c. *alere liberos*, pro *pater debet* etc., huic etiam regulae subjiciunt, quasi *est* regat genitivum, cum tamen *officium*, quod aequae bene addi potest, vel etiam *negotium*, ut *Perizon*. vult, i. e. *res*, intelligi debeat. Hinc et alia explicari possunt facilius; v. c. *cujusvis hominis est errare* i. e. *negotium*, *Irren ist die Sache eines jeden Menschen*, i. e. *jeder kann irren*; *hinnire est equorum* i. e. *negotium*, *Wishern ist der Pferde ihre Sache*. Hic enim infinitivus est subiectum ubique: cf. Cic. Arch. 3 *sed hoc non solum ingenii ac literarum, verum etiam naturae atque virtutis, ut domus* etc., h. e. *Aber das war nicht bloß eine Sache des Genies und der Gelehrsamkeit, sondern auch etc.* *Archias hatte es nicht*
TOM. I K bloß

bloss seinem Genie zu verdanken etc.; ubi aperte intell. *negotium*: et notandum, ut sequi.

VII) *Neutra* nonnullorum adjectivorum et pronominum, ut: *hoc, id, illud, istud, quid, aliquid, quidquid, quidquam, tantum, quantum, multum, plus, plurimum, reliquum, aliquantum, dimidium*, saepe substantivae cum genitivo poni dicunt. — Recte, at non definite. Nam 1) nonnulla eorum possunt tantum substantivae poni, non utique debent: v. c. *hoc, id, illud, multum, plurimum, reliquum, dimidium*; v. c. *hoc negotii, id officii, multum temporis* etc.; ubi *hoc negotium, id officium, multum tempus*, aequae bene dici potest. Imo praeter hoc *multum* cetera frequentius ut adjectiva ponuntur, nec fere dixerim *hoc pennae, id chartae*, sine affectationis crimine: at *id aetatis* saepius occurrit pro *ea aetate*. Multo minus dixerim *hoc patris, id matris* etc., v. c. *tu hoc patris non amare potes?* ridiculum foret pro *hunc patrem*. Hinc usus loquendi consulendus. 2) sed cetera: *quid, aliquid, quidquid, quidquam, tantum* pro *tot, quantum* pro *quot, plus, aliquantum* semper substantivae atque ita, si substantivum additur, cum genitivo ponuntur, v. c. *quid rei i. e. quae res? quid negotii*; (not. reperitur tamen vero etiam v. c. *quid nomen*, Plaut. Pseud. II, 2, 4: Men. V, 9, 7 pro *nominis*: *quid honestum*, Liv. XXXIII, 3) *aliquid temporis, causae*, (not. *aliquid extremum*, Cic. Sen. 19; *aliquid improvisum*, Liv. XXVII, 4.) *quidquid rei, librorum, habes*; si *quidquam* novi scirem; *tantum temporis*; *tantum librorum habes, quantum ego vix hominum vidi*; *plus negotii, librorum; aliquantum temporis*. — Hic not., neutrum *tantum* et *quantum* duplicem notionem habere 1) i. q. *tam magnum, quam magnum*: hac notione manet semper adjectivum, v. c. *tantum negotium, eine so große Sache*; *tanti homines, so große Leute*; ubi male dixeris: *tantum negotii, tantum hominum*. 2) est i. q. *tot, quot*: hac notione substantivae poni debet, v. c. *habes tantum librorum, quantum ego vix hominum vidi, i. e. habes tot libros, quot ego vix homines vidi*. Hoc tirones si observant, facilis iis est usus horum: genitivum autem istum non ab istis neutris, sed ab omisso vocabulo, v. c. *negotium*, pendere, monuit Perizon. ad Sanct.

VIII) *Interest* h. e. *prodest, es ist daran gelegen, et refert*, eodem sensu, ajunt regere genitivum personae, praeter nomina *mea, tua* etc. — Recte, sed nihil addunt de *re, quae prodest, woran gelegen ist*. Turbat hic vernacula, utens substantivo, v. c. *es liegt mir viel an Büchern, es liegt dem Sohne viel an des Vaters Gesundheit*, ubi tiro, deceptus quaestione illa

illa vulgari, *woran?* proclivis est ad usurpandum ablativum. Male. Debent illa ita verti: *magni mea interest libros habere: filii multum interest*, (non hic sumserim magni ob perspicuitatem, ne quis *τὸ magni* ad filii referat) *patrem esse sanum*. — Omninoque tota haec res ita tradi debet: *res*, quae prodesse dicitur, *woran gelegen ist*, nunquam per casum substantivi, sed per infinitivum, vel per accusativum cum infinitivo, vel etiam interdum per *an*, *utrum-an*, *quis*, *quid*, *quomodo*, exprimi debet, v. c. *nihil tua interest, an hoc scias: nihil mea interest, utrum hoc falsum an verum sit: magni mea refert, quid homines de me judicent; parum tua interest, quomodo vivam: magni interest, quos quisque magistros quotidie audiat: it. qualis, quantus etc.* Interdum etiam ad reperitur, v. c. Cicero in epist. illa ad Luccejum ad Div. V, ep. 12, §. 6 *Equidem ad nostram laudem non multum video interesse, sed ad properationem meam quiddam interest, non te expectare, dum ad locum venias etc.* ad i. e. quod attinet ad, ut saepe.

VIII) Adverbia eo, pridie etc., dicunt regere genitivum. At 1) debebat simul dici, eo hic esse i. q. ad eam magnitudinem s. tam longe; v. c. eo audaciae, doctrinae, processit, pro tam longe in audacia, in doctrina, processit s. progressus est, *er hats so weit in der Kühnheit, Gelehrsamkeit, gebracht: illo modo semper prisca: 2) pridie ejus diei* occurrit ap. Cic. et Caes. Quando vero aliud substantivum additur, tum saepius accusativo jungitur; v. c. pridie Kalendas Majas, Idus Apriles: vulgo pridie Kalendarum Maii.

X) Nonnullis adverbis loci et temporis jungi dicunt genitivos, terrarum, loci, temporis: quasi haec additamenta frustra sint vel ubique quadrent. At, si interea temporis pro interea excipis, cetera non simpliciter ita dicta sunt, sed cum gravitate quadam; et ubique terrarum, ubi locorum, plus valent, quam ubique, ubi: et minime gentium gravius dictum est quam minime, estque nostrum: *bey Leibe nicht, in der Welt Gottes nicht*, ut nonnulli loquuntur.

XI) De verbis activis, s. potius transitivis (sic enim rectius appellantur: quia verba neutra etiam sunt activa per se, h. e. actionem quandam notant, sed intransitivam; hinc et intransitiva appellantur), discunt vulgo pueri: omnia verba activa s. transitiva regunt accusativum. — Recte: at hoc iis parum prodest; estque quasi petitio principii, ut ajunt. Nam pueri nondum norunt activa. Didicerunt quidem activa s. transitiva esse ea, quae habeant passivum. At nondum sciunt, quae nam verba habeant passivum, quae non. Hoc tantum de amo, doceo, lego, audio et paucis aliis sciunt, quorum passi-

vum cum activo simul didicere. At de ceteris difficile est pueris nosse, quia lectio priscorum iis deest, et praeterea usus vernaculae linguae eos turbat, in qua saepe verba passivis gaudent, quae in latina iis carent, et contra: v. c. *ich schone parco, ich helfe juvo*. Hinc in tam difficili re ad tiro-nes juvandos interdum ita simul iis praecipio: *Quaecunque verba accusativum regunt, ea sunt passivo toto instructa, et vocantur activa s. transitiva*: hinc v. c. *amor, amaris, amabor, amatus, amandus*; *adjuvor, adjuvaris, adjuvabor, adjutus, adjuvandus*. Quae contra non regunt accusativum, ea non habent passivum totum, h. e. habent tantum tertiam personam singularis, generis neutrius, impersonaliter explicandam, v. c. *parcitur man schont* etc. Hinc non dico: *parcor, parceris, parcebar, parcar, parcitus, parcendus*: at *parcendum*, quia est neutrum: nec *persuadeor, persuaderis, persuadebar, persuadebor, persuasus, persuadendus*, sed tantum *persuadendum*. Hinc vernacula *ich werde überredet, du wirfst* etc. *der Vater wird* etc. *ich bin überredet worden, du bist* etc. *die Aeltern sind* etc. ita verti debent: *persuadetur mihi, tibi, patri* etc. *persuasum est mihi, tibi, parentibus* etc. Sic est in omnibus, et tiro in iis non facile errabit, v. c. *petere aliquem* est *invadere*, sed *petere ab aliquo* est *orare*. Utrum passivum habebit? prius, non posterius. Ergo *petor, peteris, petitur*, est a *petere aliquem*, non a *petere ab aliquo*; sic *quaerere aliquem, einen suchen*, habebit passivum, *quaerere ab aliquo, einen fragen*, carebit illo; sic *consulere aliquem* habebit *consulor, consultus sum, consulendus*: at *consulo alicui*, i. e. *prospicio*, non habebit. — Haec observatio, tenuis illa quidem, sed magnae est utilitatis, v. c. in mutando gerundio in participium. V. c. quia verba accusativum regentia habent passivum totum: hinc pro *cupidus legendi librum et libros* dici potest *cupidus legendi libri et librorum legendorum*; at *cupidus parcendi inimicis, persuadendi tibi*, non potest mutari in *parcendorum inimicorum, tui persuadendi*. Idem de deponentibus observandum: quae, si accusativum regunt, habent futurum particip. passivi; sin minus, carent eo: hinc *cupidus consequendae doctrinae*, it. *tuenda lingua*, pro *cupidus consequendi doctrinam, tuendo linguam*, dici potest: at non *cupidus utendae occasionis, vel fruendis voluptatibus*, pro *cupidus utendi occasione, fruendo voluptatibus*, dici potest. — Potest vero illa regula quoque inverti: Verba, quae passivum totum habent, vel de quibus saltem una certa persona, v. c. *prima* etc., reperitur, ut *adjutus sum*, ea regunt accusativum, suntque adeo vera activa s. transitiva. Multum hoc tironem juvabit:

vābit: fateor tamen, sine lectione priscorum et usu cognitionem illius nondum perfectam fore.

Not. Reperiuntur tamen non raro *utendus, a, um, fruendus, a, um*, v. c. ap. Cic. Verr. II, 18 extr. *utenda* cet. Cic. Fin. I, 1 extr. *fruenda* cet. Hinc imitari licet.

XII) *Oportet* ajunt regere accusativum personae et infinitivum rei: hinc discunt pueri: *me oportet ich muß, te oportet du* etc. — Rectius sic traditur: *Oportet* nihil aliud notat quam *opus est*. Ergo proprie sequi debet *ut*, quemadmodum in vernacula *daß*, v. c. *Es ist nöthig, daß ich oder der Vater schreibe*; sed istud *ut* semper, ni fallor, omittitur, ac vel nominativus cum conjunctivo sequitur, vel iste nominativus in accusat. cum infinit. mutatur, v. c. *oportet, ego scribam, pater scribat*; vel *oportet me scribere, patrem scribere*. Posterior constructio pertinet ad caput de accusat. cum infinitivo. Et tota res similis est huic: *velim facias et te facere*.

XIII) *Interrogationes* illae: *womit, wodurch, wovon, woran, worauf* etc., propter quas ablativum sequi libelli grammatici tradunt, plerumque, si pauculas v. c. *womit* et *wodurch* excipias, valde incertae et indefinitae sunt animosque tironum valde confundunt. V. c. 1) *wodurch* non ubique ablativum regit, v. c. *ich bin durch Schlesien, durch Berlin, gereiset*: hic non dici potest *profectus sum Silesia, Berolino*. 2) *woraus, wovon, worin* raro ablativum permittit: v. c. *urbe fugere, muris fugere, urbe esse*, pro *ex urbe, de muris, in urbe*, quis dicat? 3) *wornach* interdum decipit tironem, v. c. *ich reise nach Polen, nach Berlin, ich strebe nach Gelehrsamkeit, bin nach Lobe begierig*: hic dicere conabitur *proficiscor Polonia, Berolino, appeto doctrina, cupidus sum laude*, pro *in Poloniam, Berolinum, doctrinam, laudis*. Cur? quia quaestio *wornach* ita postulare videtur. Melius est discere, *casum* ablativum vel a praepositionibus vel a certis verbis regi etc.

XIII) Post *comparativum* ajunt, omisso τῇ quam, poni posse ablativum, idque eleganter dici addunt. — At notandum 1) non ubique hoc fieri posse, sed tantum in *casu* subjecti, s. si nomen istud vel *nominativus* (subjectum) est, vel *nominativi* (subjecti) *vim habet*; quod posterius locum habet in accusativo cum infinitivo, v. c. *tu doctior es patre* i. e. *quam pater*: vel *dicunt te doctiorem esse patre* pro *quam patrem*. — At non dicere possum: *beneficia probis libentius tribuo improbis* pro *quam improbis*; nec: *cupidior sum virtutis doctrina* pro *quam doctrinae*; in his τὴν quam suo loco non movendum. 2) quod quidam istum ablativum elegantiorē esse putant τῇ quam, in eo errant, quia prisca utramque

formam aequae crebro usurpant. Ac sane difficilior interdum est tironibus forma posterior quam prior. V. c. facile vertunt: *scio te doctiorem esse patre*; at, si pro eo *quàm* usurpare jubentur, vidi eos facile ponere *scio te esse doctiorem quam pater*: quia nesciunt, *quàm* casum eundem post se requirere, qui praecessit, quia duo haec subiecta inter se comparantur.

XV) *Accusativus cum infinitivo*, qua forma nil frequentius est apud priscos, mature disci debet, ac sub magistro perito intra paucas horas disci potest, quod experientia saepe docuit. Mirandum est, hanc formam cum participiorum usu diuturnam tironum crucem in multis scholis esse. Causa est praecipua, quod latine scribendi artem non e lectione prisco- rum, sed e libellis grammaticis saepe non accuratis, discere solent atque jubentur. Ad horum regulas, satis indefinitas, formant se saepe et magistri et discipuli. Hinc illae lacrymae. Totam igitur rem hic paulo distinctius tradere operae pretium est.

Accusativus (Subiecti) cum infinitivo pro vernaculo nominativo cum indicativo aut conjunctivo poni vel potest vel debet, ubi vernacula habet *daß*: atque ita particulae, quae illud *daß* exprimere solent; ut *an* (si cum *quod daß* commutatur), *quin*, *ut* et *quod*, omittuntur. Singulas recensere, easque praeponam, ubi paucioribus verbis defungi licet. Hic igitur

1) prius scire debes, ubi *an*, *quin*, *ut* et *quod*, poni debeant, quam his particulis substituere audeas usum accusativi cum infinitivo.

a) *An* ponitur post verba dubitandi et respondet vernaculo ob: v. c. *dubito*, *an pater venturus sit*.

b) *Quin* ponitur post *non dubito*, *non dubium est* etc., quod fere idem est, quod *certo scio*: v. c. *non dubito*, *quin pater venturus sit*.

c) *Ut* ponitur 1) post vocabula comparativa *ita*, *sic*, *adeo*, *tantus*, *tot* etc. 2) post verba ac phrasas, quae causam sequentis enuntiationis continent vel continere saltem videntur ac debent; s. disertius, quae efficiunt, ut id, quod sequitur, vel fiat vel saltem fieri debeat ac possit: qualia sunt verba *voluntatis*, *rogandi*, *optandi*, *hortandi*, *monendi*, *suadendi*, *impellendi*, *imperandi*, it. post *utile est*, *aequum est*, *accidit*, *fit*, *contingit*, *evenit*, *sequitur* etc.

d) *Quod*

d) *Quod* proprie poni debet vel debebat post verba et phrasas eas, quae non continent causam sequentis enuntiationis, h. e. — *primum* post verba *sensuum*, *cogitandi*, *opinandi*, *putandi*, *judicandi*, *colligendi* (schliessen), *intelligendi*, *sciendi*, *nesciendi*, et similia, v. c. *certum est*, *appareret* etc.: — *deinde* post verba *affectuum*, v. c. *gaudeo*, *doleo*, *spero*, et similia, (praeter verba *metuendi*; post quae ut pro *ne* et *ne* pro *ut* poni solet): *denique* post verba, quibus alicui *aliquid notum facimus* et *indicamus*, *quacunque ratione fiat*, v. c. *dica*, *nego*, *narro*, *indico*, *significo*, *scribo*, et similia similesque formas, v. c. *nuntius est allatus* etc.

2) *deinde ipsa mutatio harum particularum una cum nominativo et modo verbi finito in accusativum cum infinitivo diligenter instituenda est.* Nam interdum illa mutatio fieri necessario debet, v. c. *res* quod plerumque; interdum fieri tantum potest, si liber, h. e. parum refert, utrum particulam illam cum nominativo et indicativo vel conjunctivo, an accusativum cum infinit., eligas; interdum ista mutatio plane fieri non debet. — Hoc distincte sic tradi in libellis grammaticis debet, si quid utilitatis inde certo percipi velimus. Ordinem superiorem hic servabimus:

a) Pro *an* post *dubito* ubique accusativ. cum infinit. poni potest, quia *res an* nostro *daß* respondet. — Recte ergo: *dubito, an pater venturus sit*, et *patrem venturum esse*; ut nos: *ich zweifle, ob der Vater kommen werde*, et *daß der Vater kommen werde*.

b) Pro *quin* post *non dubito*, similibusque formis, v. c. *non dubium est*, *quis dubitat* etc., ubi libet, accusativum cum infinitivo ponere licet. — Recte ergo utrumque: *non dubito, quin pater venturus sit*, et *patrem venturum esse*. At prius, nisi fallor, tam frequentius occurrit apud priscos, ut adeo stulti sint, qui in posteriori forma elegantiae nescio quid praecipuae quaerant.

c) *Ut* varia est conditio:

1) semper manere, nec unquam in accus. cum infinit. debet mutari post *ita*, *sic*, *talis*, *tantus*, *adeo*; quo pertinet *is* pro *talis*; v. c. *ea est virtute, ut* etc.; it. post verba *faciendi* s. *efficiendi*, *suadendi*, *impellendi*, *hortandi*, *monendi*, *cogendi*, *rogandi* s. *orandi*, *imperandi* (praeter *jubeo*); itemque post *accidit*, *fit*, *contingit*, v. c. *fecisti, ut veniret*; *suadeo, ut id agas*, ubi nostri interdum *res* *daß* omittunt;

ich rathe dir dieses zu thun: sic et in aliis *er befahl mir zu kommen*, *imperavit, ut venirem*: *er zwang mich zu schreiben*, *coegit me, ut scriberem*: *rogo te, ut venias*: *contigit mihi, ut te viderem*, *ich habe das Glück gehabt dich zu sehen* etc. In his omnibus *ut* rectius usurpatur, quam accus. cum infinitivo, quidquid vernacula turbet: neque ergo dicendum: *fecisti eum venire*; *suadeo tibi id agere*; *imperavit mihi venire*; *contigit, accidit mihi, te videre*; licet vernaculae respondeat. — Hic not. a) interdum apud priscos aliter esse; v. c. *contigit ei antecellere* est ap. Cic. Arch. 3 pro *ut antecelleret*; sic infinitivus post *cogo* poni potest, v. c. *coegit me scribere* etc. At nulla regula sine exceptione, qua turbari non debemus. b) inter verba imperandi unum *jubeo* excipitur quodam modo. Nam fere semper ap. priscos construitur cum accusat. et infinitivo, v. c. *Pater jussit me venire*; *Deus jussit, hoc a nobis fieri*; non: *jussit ut venirem*; *jussit, ut hoc fieret a nobis*. Interdum tamen etiam, omisso *ut*, sequitur conjunctivus; v. c. *jube veniat* laß ihn doch kommen; *jussit adduceretur*. c) inter verba imperandi referenda sunt dicere, scribere, nuntiare ac similia verba indicandi, si qua vis imperandi inest vel si voluntatem simul indicant, v. c. *dic ei, ut veniat*, sag ihm, daß er komme: *senatus scripsit illi, ut rediret*, schrieb ihm, daß er etc.

2) post verba *velle*, *cupere*, *optare*, *pati*, liberum est cuique *ut* ponere aut accusativum cum infinitivo, quia utraque forma saepe ap. priscos occurrit. Sic et post *aequum est*, *oportet*, *necesse est*, sequitur s. consequens est: v. c. *Volo te venire* et *ut venias*: *rogavi patrem scribere* et *ut scriberet*; *oportet rem fieri* et *res fiat* (sine *ut*); *necesse est hominem mori* et *homo moriatur*; *aequum est hoc fieri* et *ut hoc fiat*; hinc sequitur, *ut nemo longe in literis sine ingenio progrediatur*, et *neminem longe progredi* etc.

3) post *jubere*, ut jam dictum, rectius est ubique ponere accus. cum infinit.

d) *Quod* majori difficultate laborare videtur. At non laborat: modo teneamus, *quod* post illa verba supra allata semper abjici et in accusat. cum infinit. mutari debere, nisi est aperte particula causalis h. e. cum *quia* commutari potest. Tum enim quoque *quod* rectum est. Accuratius res tota ita tenenda:

1) Post verba *sensuum*, v. c. *video*, *audio* cet., et *mentis*, v. c. *intelligo*, *puto* etc.; it. post verba *dicendi*, *scribendi*,
omni-

omninoque significandi, semper *quod* abjici et accusativus cum infinitivo poni debet; quia hic *quod* non est i. q. *quia*, v. c. *video te doctum esse*, non *quod doctus es*: intelligo, (*judico*, *arbitror*, *puto*), *patrem venturum esse*, non *quod veniet* vel *venturus sit*: manifestum, certum, notum est, *res omnes a Deo creatas esse*, non *quod res omnes creatae* etc. Postulat hoc usus priscorum. — Hic not. a) errare eos, qui accusat. cum infinitivo *elegantius* poni dicant, quam *quod*. Nam aliter dici nequit: *quod* plane falsum est. b) Perizonius ad Sanctium docuit, priscos tamen *interdum* posuisse in his formis *quod*. — At, quia hoc *interdum* factum est, nam negari vix potest, quidquid Gronovius ad Liv. contra dicat, hinc regula tamen esse nequit. Videntur prisci olim dixisse v. c. *audio*, *quod pater veniet*, et *patrem venturum esse*, ut nos: *ich höre, daß der Vater kommen wird*, et *ich höre, der Vater werde kommen*, sed prior forma deinde obsolevisse paulatim videtur. Hinc sequitur, posteriorem, quia ea fere semper usi sunt prisci, tironibus solam esse commendandam. — Errat vero Gesnerus ad Heinecc., cum putat, Perizonium, licet *quod* defenderit, tamen ipsum hac forma non usum. Imo loquitur, licet raro, ita Perizonius ad Sanctium, v. c. p. 781 *Quocirca ut taceam, quod illa hereditatis interpretatio sit longius petita* etc. et in Addend. ad p. 525 *Et notabile, quod omnia haec vocabula dativum habeant* etc. c) *dico*, *nuntio*, *scribo* et similia verba indicandi, si vim imperandi habent vel voluntatem aliquam includunt, ad verba imperandi pertinent; ergo post ea non accusativus cum infinitivo, sed *ut*, sequi debet: v. c. *dic filio tuo, ut ad me veniat*, i. e. *impera*, ut nostri *sag deinem Sohne, daß er zu mir komme*; *scripsit mihi pater, ut ad se venirem* i. e. *per literas mihi imperavit*, ut nostri *der Vater hat mir geschrieben, daß ich zu ihm kommen sollte*. Hic usus accusativi cum infinit. falsus foret. Sic Cic. ad Div. III ep. 7 §. 4 *quid habuit iniquitatis, me scribere, ne facerent ante, quam* etc., h. e. *me per literas imperare, interdicere iis* etc. d) Anomaliam interdum apud priscos nemo miretur; v. c. illa formula nota est: *adde, quod* etc., quae tamen notat idem, quod *dic praeterea*: sic *accedit, ut saepe occurrit pro quod*: sic post *verum est* occurrit *ut* loco accusativi et infinitivi, Nep. Hann. I *Si verum est, quod nemo dubitat, ut populus rom.* — *superavit pro populum rom.* — *superasse.* — Referunt huc Cic. Rosc. Am. 41 *Non est verisimile, ut Chryfogonus horum literas adamarit et humanitatem*; Verr. III, 6 *verisimile non est, ut ille homo tam loquax* — *religioni suae* — *pecuniam anteponeret*: pro Chryso-

gonum adamasse etc., *hominem illum* — anteposuisse. — At forsitan rō ut per *quemadmodum* explicandum: nam e) caveant tirones, ne, si post verba sensuum et dicendi ut apud priscos reperiant, statim id per *daß* vertant et pro accusativo cum infinitivo positum atque ita vitium esse putent. Saepe enim rō ut post ista verba est particula similitudinis pro *quemadmodum*: neque ergo huc pertinet, v. c. Cic. R. Am. 24 in. *Videtisne, quos — poetae tradiderunt — supplicium de matre sumsisse, ut eos agitent furiae* etc. Ordo verborum est: *Videtisne, ut furiae eos agitent*, i. e. *quemadmodum furiae* etc., sic saepe Cicero et alii, v. c. Plin. Paneg. 8 §. 5 *oblitine sumus, ut etc.*, i. e. *quemadmodum*: qui locus in Lexico Fabri male affertur, ad ostendendam anomaliam, ut et Plin. Paneg. 8 §. 6 *An dubium est, ut etc.*, ubi rō ut ab *effectum* esse pendet, non a *dubium est*. Et sic forsitan superiores loci Cicero-*nis Verisimile est, ut etc.* explicari possunt.

Not. interdum pro accusativo cum infinitivo ponitur nominativus cum infinitivo, vel potius solus infinitivus.

a) Sic semper post *videor, dicor, feror*: v. c. *pater dicitur esse doctus*. Hic enim ordo verborum est, *pater* praecedit, non sequitur, in ordine constructionis, ut itaque non dici debeat, sequi debere nominativum cum infinitivo. Infinitivus regitur a *dicitur* e vulgari regula: *quando duo verba concurrunt, posterius abit in infinitivum*. Sic *mater dicitur esse proba*, non *matrem esse probam*: *mater dicta est ventura esse*, non *dictum est matrem venturam*. Sic semper dicendum. — Quod si Cicero et Nepos interdum aliter locuti sunt, haec paucula exempla, si quidem genuina sunt, nos non debent movere.

b) Post nonnulla alia passiva potest interdum eadem forma usurpari; v. c. dici potest: *existimatur patrem esse doctum* et *pater esse doctus*. Nam sic et prisca.

c) Huc pertinet *cupio esse doctus*, quod dici potest pro: *cupio me doctum esse*. — Ceterum in omnibus his formulis notanda est haec regula: *infinitivus esse requirit post se eundem casum, qui praecessit*. Ad hanc regulam exigenda sunt ista exempla et alia, v. c. *dicunt, regem esse bonum*: *rex dicitur esse bonus*: *pater cupit esse doctus, cupio (ego) esse doctus*. In *cupio* enim latet nominativus: huc pertinent hae quoque formulae, non nisi ex illa regula explicandae: *mihi licet esse otioso, felici*; *parentibus licet esse otiosis, felicibus*: dicere etiam pro iis possum: *mihi licet esse otiosum, felicem*; *parentibus licet esse otiosos, felices*, quod

quod ita explicandum: *mihi licet, me esse otiosum; paren-
tibus licet, ipsos esse otiosos* etc., atque ita pro illo accusativo
cum infinitivo habendum, accusativo tamen, ut saepe et
alibi fit, hic omisso.

2) De verbis *affectuum* ita tirones monere soleo, ut
dicam, quatuor eorum esse genera, ad quae singuli referan-
tur, *gaudium, dolorem, spem et metum*. Iam

a) post verba *gaudendi* et *dolendi* utrumque poni potest,
et *accusativus cum infinitivo*, et *quod*; quia *quod* cau-
sam hic indicat, et cum *quia* commutari potest. Rectum
itaque est, et *gaudeo te valere, doleo patrem esse aegrotum*,
et *gaudeo, quod vales; doleo, quod pater aegrotus est*. —
Not. non *valeas, sit*: nam *quod* i. e. *daß* non regit con-
iunctivum, ut male nonnulli praecipunt.

b) Post *spero, spes me tenet* etc., semper accusativus cum
infinitivo poni debet, nunquam *quod*, v. c. *spero patrem
esse venturum*, non *quod pater veniet*. — Forſan et *spero*
ad verba ſenſuum et mentis referri poſſit: nam proprie
eſt i. q. *opinor*, ut gr. *ἐλπίζω, ἔλπομαι*, ac propterea et in bo-
nam partem de *ſpe* et in malam partem de *metu* ponitur,
v. c. *non ſperabam hoc mali eventurum*, pro *timebam, puta-
bam*. Quod ſi cogitas, eo minus mirandum eſt, accuſati-
vum cum infinit. ſemper ſequi. — Notandum vero eſt,
poſt *spero* ſemper, ſi quidem de futura re ſermo eſt, *futu-
rum infin.* poni debere, licet vernacula ſaepe praefens
ponat, v. c. *ich hoffe morgen die Bücher zu bekommen, meine
Aeltern zu ſehen*; quod verti debet: *spero me cras libros
accepturum; me parentes meos viſurum*; non accipere, *vi-
dere*: (quamquam interdum quoque ſic priſci:) et male
hic regula uſurparetur: *quando duo verba conveniunt, poſ-
terius in infinitivo ponendum*.

c) Verba *timendi* non huc pertinent: poſt ea enim *ne*
ſignificatione affirmativa *daß*, et *ut* ſignificatione negativa
daß nicht ponitur, v. c. *timeo, timor mihi injicitur, ne hoſtes
adveniant*. Poſteſt tamen interdum quoque accuſativus
cum infinitivo poni: quia et ita nonnunquam priſci.

XVI) De uſu *infinitivi*, ſine praeced. accuſativo, re-
gula illa, ex qua duorum verborum concurrentium, h. e.
artiſſime cohaerentium, poſterior in infinitivo ponitur,
artiſtioribus limitibus includenda eſt. Non enim hoc ubique
licet; v. c. non dicere poſſum: *impellor ſcribere; pater*
ms

me impulit scribere, pro: ad scribendum, vel pro: ut scribam, scriberem. Non dicere licet: operam dabo multa discere, pro: ut discam multa; licet vernacula ita: ich will mir Mühe geben viel zu lernen. Et eadem vernacula et illa regula simul tirones decipit, ut dicant: quaeram istam rem consequi, ich will suchen die Sache zu erlangen, pro: studebo etc. Nam defendunt se illa regula. — Male. Post certa tantum verba infinitivus sequi potest ac debet, v. c. volo, nolo, cupio, conor, tento, audeo, studeo, cogito, possum, nequeo, obliviscor, debeo, coepi, incipio, constitui, soleo, consuevi, cogor, scio etc. ac raro post habeo i. e. debeo, v. c. habeo dicere ap. Cicer., quod proprie graecum est. Poetae sunt audaciores, et post parco, fugio etc., ponunt infinitivum, v. c. parce quaerere, fuge quaerere, pro: ne quaeras. At illos hic non est quod curemus. Tota igitur res usu loquendi disci debet. — Ceterum in lectione priscorum cautio tironi est adhibenda, ne interdum casum aliquem aut infinitivum putet regi a verbo, a quo non regitur, sed tantum regi prima specie videtur; v. c. 1) pater putatur doctus, videtur sapiens; ubi videtur doctus et sapiens a putatur et videtur regi, sed regitur ab omisso esse, quod saepe in tali forma omittitur: debebat esse, pater putatur esse doctus, videtur esse sapiens; tunc nominativum sequi debere ex superiori regula apparet: post esse eundem casum nominis debere poni, qui praecesserit. Sic urbem putant magnam, sie halten die Stadt für groß, ubi intell. esse, estque ergo accusat. cum infinitivo, nec tō magnam a putant regitur: sic homines te credunt doctum, intell. esse. 2) in primis notanda est haec formula: humanum est errare, s. errare humanum est. Hic videtur tō errare ab humanum vel ab est regi. Male. Ordo est: errare est humanum, das Irren ist menschlich; tō errare est, ut omnes tales infinitivi, subjectum s. nominativus praecedens verbo suo. — Sic dulce est pro patria mori. Hic pro patria mori est subjectum generis neutrius (ut omnes infinitivi), ad quod se accommodat verbum est, cum praedicato dulce. Sic venit mihi in mentem optare est simile tō venit mihi in mentem dies ille; ubi optare et dies ille sunt subjecta. — Huc pertinet in primis illa formula: patris officium est liberos alere, boni pastoris officium est tondere etc., in qua tirones saepe haerent ac dubitant, annon alendi et tondendi ponere debeant, quia a praecedente vocabulo officium regi putant. — Male: alere liberos et tondere pecus est subjectum. Ordo enim est: alere liberos (die Ernährung der Kinder) est officium patris, sic tondere pecus est officium s. negotium boni pastoris. Eodem modo agendum in omnibus ejusmodi formulis,

lis, v. c. *equorum est hinnire*, ubi ab *hinnire* incipiendum est.

XVII) De usu *indicativi* et *conjunctivi* s. *subjunctivi*. Indicativus ponitur, ubi vel de re certa simpliciter dicitur, vel nulla particula subjunctivum regens praecedit; vel alia contextus ratio hunc modum non postulat. Hic ergo notandum, particulas has: *etsi, tametsi, quamquam, si, nisi, ante quam, simulac, quamvis*, non per se conjunctivum regere, ut vulgo dicunt, sed indicativum. At contextus ratio efficere potest, ut omnes hae particulae, et plures, v. c. *quando, ubi, quis, quid* etc., cum conjunctivo conjungantur. Ergo a contextu pendet hic usus subjunctivi, non ab ipsarum natura. Totam rem sic teneamus:

A) *Conjunctivus* s. *subjunctivus* s. *potentialis* certo sensu ponitur *per se*, h. e. non praefixa particula subjunctivum regente, quando de re, tanquam incerta, h. e. tantum *possibili, credibili, optabili* vel *concedenda*, dicitur; v. c. dicat aliquis, *es möchte, dürfte, könnte jemand sagen: at moriatur interea pater, aber der Vater möchte unterdessen sterben: Sit innocens, gut, er mag unschuldig seyn; veniat, er mag kommen; diu vivat! er mag lange leben!* — Interdum praefigitur particula aliqua per se indicativum regens, v. c. *si quis dicat, wenn jemand sagen sollte, möchte: quamquam, etsi nesciam, ob ich gleich nicht wissen möchte* etc. Quis hinc non videt, quotiescunque subjunctivus talibus particulis jungatur, causam non in ipsis quaerendam, sed in notione subjunctivi? Hinc et hic modus pro imperativo, per humanitatem, interdum ponitur: *facias, valeas*; quod proprie tamen est: *du magst es thun, magst gesund seyn*.

B) *Subjunctivus* deinde post certas particulas ponitur, quarum natura hunc modum per se postulat. Sunt hae: *ut, daß, ne, quo, quin, daß nicht, utinam, o! si, licet, quasi, cum* causale, *utrum, an, ob, quamvis* pro *quantumvis*, *qui* pro *ut* vel *cum*, omnesque particulae interrogativae, si extra interrogationem ponuntur.

I) *Ut*, i. e. a) *daß, damit*, est particula et causalis et optativa, v. c. *ut veniat! daß er doch komme oder kommen möchte!* b) *gesetzt daß*, ubi *fac* intell., v. c. *ut pater veniat*, i. e. *gesetzt, daß der Vater kommt* s. *käme. Ut desint vires, tamen est laudanda voluntas*, i. e. *gesetzt auch, daß die Kräfte fehlen sollten* etc. Male explicant per *quamquam*. Haec non est vis *ut*; nam, etsi ita interdum explicare licet, v. c. in illo versu: *ut desint vires* etc., *ob gleich die Kräfte* etc., tamen hinc nondum sequitur, ut notare i. q. *quamquam*. Ac ne convenit quidem

quidem haec notio ubique; cum tamen *gesetzt daß* ubique conveniat; v. c. *ut pater veniat, quid tum faciemus? gesetzt der Vater käme, was wollen wir dann machen?* Veritas quae-so: *ob schon der Vater kömmt, was wollen wir dann machen?* quam ridicule! Ergo tenendum, *ut esse gesetzt daß, nunquam obschon*, licet cum hoc interdum commutari posse videatur. c) *ut per ne* explicari solet post verba metuendi; v. c. *timeo, metuo, ut veniat, i. e. ich fürchte, er möchte nicht kommen.* Et contenti esse hac explicatione possumus, etsi forsan ne opus quidem sit; ut iudicat Perizon. ad Sanct. p. 812.

2) *Ne*, i. e. *ut non*, nisi quod post verba *timendi* pro *ut* ponitur.

3) *Quo*, i. e. *ut damit*: hinc *quo minus* pro *ut non* s. *ne*, v. c. *impeditus sum, quo minus scriberem pro ne*, quod et ipsum saepe occurrit.

4) *Quin*, a) pro *ut non*, v. c. *non fieri potest, quin virtus homines felices reddat, pro ut non*, quod aequè bene poni potest: it. *parum abest, quin credam, i. e. bald möchte ichs glauben.* b) pro *quod non daß nicht*, v. c. *suadeo tibi hoc, non quin sciam, te consilio non indigere, nicht, als wenn ich nicht wüßte*, pro *quod non*, ut et alibi saepe dicitur. Hinc *non dubito, quin etc.* explicari potest. c) pro *qui non*; v. c. *nemo est, quin sciat, der nicht wisse, wissen sollte.* At aliud adhuc est *quin*, indicativum regens, et ab illo valde differens, ac significans a) *imo, potius* b) *cur non?* in certis formulis, v. c. *quin fugis? i. e. fliehe doch! warum fliehst du nicht?* Quod huc non pertinet.

5) *Utinam* et *o! si*, cum sint particulae optativae atque ita de re tantum possibili et optabili loquantur, subjunctivum aperte requirunt. De *utinam* adhuc alia causa afferri potest. *Utinam* proprie positum est pro *uti* s. *ut daß*, vel est potius idem vocabulum, adjecto tantum *nam*, sicut in *quidnam, ubinam*. Iam, quemadmodum *ut* s. *uti* optative usurpatur, v. c. *ut pater veniat!* sicut nostri: *daß der Vater doch kommen möchte* s. *käme!* sic de *utinam* non mirum. Possit et ante *ut* *utinam* (i. e. *ut*) intelligi *opto, optamus etc.*, quod tamen non opus.

6) *Licet* pro *quamquam* vulgo sumitur; nec male. At proprie concessionem quandam indicat, estque proprie verbum, intellecto *ut*: hinc conjunctivus non tam a *ut* *licet* quam a *ut* *regitur*; v. c. *licet pater te valde amet, tamen non debes confidere, eum omnia tua peccata neglecturum*, pro *licet, ut etc.* s. *concedo, patrem te amare etc.* Es mag seyn, daß dich der
Vater

Vater sehr liebt, so darfst du doch deswegen etc.; sic licet eas, du magst gehen. Nam post verbum *licet* solet *ut* omitti. Item *licebit* eodem sensu dicitur, v. c. *licebit eas, facias, du magst immer gehen, das immer thun.* Postea vero coepit usurpari omnino pro *etsi, quamquam.*

7) *Quasi* pro *quam si* (*quam est wie s. als*) post se conjunctivum postulare per se intelligitur, quia de re incerta et possibili loquitur. — Unum notabo, hanc particulam, si praesens tempus praecesserit, vel praesenti tempori, si quidem de re praesenti sermo est, vel perfectio, si quidem de re praeterita dicitur, jungi apud priscos solere; cum contra vernacula prius cum imperfecto, posterius cum plusquamperfecto, commutare gaudeat; v. c. dicendum est: *tu taces, quasi nescias, non nescires, als wenn du es nicht wüßtest; tu taces, quasi nil audiveris, gleich als wenn du nichts gehört hättest, male: audivisses.* En exempla e Cicerone ad Div. VIII, ep. 17 in.: *Non tu homo ridiculus es, qui — ex me quaeras, quid futurum putem? quasi aut ego quidquam sciam, quod iste nesciat, aut — non soleam ex isto scire, gleich als wenn ich etwas wüßte etc.* Exemplum perfecti est ad Div. III, ep. 7, §. 4 sic enim scribit: *quasi vero — ego ad illos, non illi ad me venire debuerint, gleich als wenn ich zu ihnen, und sie nicht zu mir hätten kommen sollen.* Male vulgo dixissent: *debuissent*, et in priori *scirem, solerem.* At si imperfectum vel plusquamperfectum praecessit, sequitur vel imperfectum vel plusquamperfectum, prout res postulat, v. c. *tacebas, quasi nescires aut nihil audivisses.*

8) *Quum s. cum*, causam vel notam vel ante declaratam et concessam indicans, nostroque da respondens, semper regit conjunctivum; v. c. *cum sciam, te bonos libros legere solere, miror etc., da ich weis etc.* Quae *cum* ita sint, da dem also ist etc.: male: *scio et sunt.* — Hic de vi hujus particulae notandum; vulgo dici esse i. q. *quia*. Male. Nam, etsi interdum cum eo commutari possit, tamen differt ab eo h. e. plus indicat, ac propterea ubique cum *quia* commutari nequit; v. c. non dixerim: *Athenienses Miltiadem damnarunt, cum infectis rebus cum classe rediisset*, pro: *quia redierat.* Consideres exemplum supra allatum e Cic. ad Div. VIII, ep. 17 *Non tu homo ridiculus es, qui, cum Balbus noster* (Caesaris familiaris) *apud te fuerit* (scil. qui tibi rem melius et certius dicere poterat), *ex me quaeras, quid de istis municipiis et agris futurum putem?* Iam pro: *cum Balbus noster apud te fuerit*, ponas: *quia Balbus noster apud te fuit*: et senties, verba sensu carere nec cohaerere inter se. — Dicunt etiam vulgo, *cum* significare

significare *etsi*. Male, nec satis accurate. Nam licet *τὸ cum* interdum, h. e. si *tamen* sequitur, per *etsi* explicari possit, quia nostrum *da s. da doch* pro *obschon* interdum poni solet, v. c. *Cum scirem, te mihi inimicum esse, tamen ad te venire ausus sum*: ubi parum refert, utrum veritas: *da ich wüßte* etc., an: *ob ich gleich wüßte*: tamen ubique non potest cum *etsi* commutari, v. c. quis dicat: *hic mitto librum, cum sciam, te jam legisse*, pro *etsi scio te jam* etc.; vel *rem tibi dicam, cum non eam intelligas*, pro *etsi eam non intelligis*? Nonne illud obscure et ridicule dictum foret? Cum igitur *τὸ cum* nequeat ubique *τὸς quia* et *etsi* substitui: patet, non esse synonyma. Cum vero in omnibus locis, ubi *τὸ cum* per *quia* et *etsi* explicant, aequè bene proprie per *Da* explicari et verti possit: non video; cur notiones vocabulorum, per se jam multas, finè necessitate augeamus atque ita tironum mentem ac memoriam obruamus et perturbemus. Ceterum ab hoc *cum* causali differt adverbium *cum wann, da*, de tempore usurpandum; quod indicativum regere solet; v. c. *gaudeo, cum te video*; nisi quod etiam imperfectum et plusquamperfectum conjunctivi sequi potest.

9) *Quamvis* i. e. *quantumvis, wenn auch noch so* vel *wenn auch noch so sehr*, regit conjunctivum, quod per se clarum est, quia non nisi de re incerta, possibili etc., dicere possum; *wenn auch noch so* vel *wenn auch noch so sehr*, v. c. *homo, quamvis sit doctus, tamen perpetuo discere debet*, i. e. *wenn er auch noch so gelehrt wäre s. er mag noch so sehr gelehrt seyn*. — At *quamvis* quoque significat simpliciter *etsi*: tum regit indicativum. — Attendant hic tirones in priscis, ne conjunctivum, interdum huic *quamvis obschon* additum, ab hoc regi putent: v. c. *quamvis sciret* i. e. *ob er schon wissen mochte*: hic est vis conjunctivi manifesta in *τῷ mochte*. *Quamvis obschon* etiam, ut omnes particulas, post accusat. cum infinitivo ac post conjunctivum cum conjunctivo conjungi, infra dicetur.

10) *An ob*, et utrum s. *ne* et *an, ob-oder ob*, cum conjunctivo conjungitur. V. c. *nescio, an pater venturus sit*, male: *veniet* s. *venturus est*: — *nescio, an librum noris*, male: *noti*: *dic mihi, an sanus sis*, male: *es*. *Nescio, utrum scribam an legam*, male: *scribo, lego*. *Quaerunt, Cajusne sit rediturus an ibi mansurus*. — Omninoque hoc valet de omnibus vocabulis interrogationi aptis, v. c. *quis, quid, ubi, quando* etc., si quidem non directe interrogant seu enuntiatio aliqua praecessit, v. c. *dic mihi, quis ille sit*, male: *est*. *Nescio, quid velis*, male: *vis*. *Dic mihi, unde veneris et quando scripseris*, male: *unde venisti et quando scripsisti*. *Scimus, quid feceris*, quo

quo iveris, quando reversurus sis, male: fecisti, ivisti, reverses s. reversurus es.

11) *dum, donec, quoad*, si exprimunt vocabulum *bis*, regunt et indicativum et conjunctivum; *fin* significant *quamdium*, indicativum: v. c. *expectavi, dum, donec, scirem* etc.

12) *Qui, quae, quod*, de quo in libellis grammaticis vulgo parum accurate traditur, et cujus tamen usus in primis ob breviter commendandus est, saepissime conjunctivum postular: a) post *esse, reperiri, inveniri* et similia, si haec verba praedicati personam induunt, atque ita *quod qui* cum sua enuntiatione subjecti vim habet; v. c. *Est, qui dicat*, male: *dicit; sunt, qui dicant, narrent, dixerint* etc., male: *dicunt, narrant, dixerunt. Fuerunt, qui dicerent; erunt, qui dicant; reperti sunt, qui confirmarent* etc.; male: *dixerunt, dicunt, confirmarunt*; sic *inveniuntur (reperiuntur), qui dicant; inventi (reperiti) sunt, qui dicerent*. Huc pertinet *habere*, v. c. *habeo, cui dem literas* i. e. *est mihi*: Cic. ad Div. VI, ep. 6 *Habeo signa, quae observem*. b) quando pro *ut is, ut ego, ut tu* etc. breviter causa ponitur: v. c. *misit aliquem, qui nuntiaret, pro: ut nuntiaret, s. proprie: ut is nuntiaret. Habes eum patrem, quo melior nemo esse possit, pro: habes eum (i. e. talem) patrem, ut eo nemo* etc. In primis post *dignus* semper pro *ut is, ut ego* etc., poni debet. V. c. *Pater est dignus, qui ametur, pro: ut (is) ametur; Mater est digna, quam ames, cui obtemperes, a qua discas* etc., pro: *Mater est digna, ut eam ames, ut ei obtemperes, ut ab ea discas; Parentes digni sunt, quos amemus, quibus obtemperemus, pro: ut eos amemus, iis obtemperemus. Dignus sum, quem ames, pro: ut me ames; dignus es, cui suadeam, pro: ut tibi suadeam; digni sunt parentes, quorum praeceptis obediamus, pro: ut eorum praeceptis* etc. *Digni estis, quorum libri servantur, pro: ut vestri libri* etc. *Digni sumus, quorum vitae parcatis, pro: ut nostrae vitae* etc. Et sic semper, praeterquam si jam *qui* praecessit: hic enim, ad vitandam repetitionem auribus injucundam, *ut* servatur. V. c. *cognovi hominem, qui dignus erat, ut amaretur, seu rectius: qui, ut amaretur, dignus erat, pro: qui dignus erat, qui amaretur*. Causa vero, cur *qui* hic conjunctivum habeat, est, quia *quod ut* in eo latet. Nec tamen negandum, *ut* quoque apud priscos interdum post *dignus* sequi, licet *quod qui* non praecesserit, v. c. Liv. XXIII, 16 extr. c) quando pro *cum ego, tu, is*, ponitur, v. c. *Caesar, qui sciret, hostes appropinquare* etc., pro *cum s. cum is. Miror, te librum spernere, quem ipse dixeris esse pulchrum, pro: miror, te libr.*

spernere, cum ipse dixeris, eum esse pulchrum. Quid me laudas, quem ne noris quidem? pro: *Quid me laudas, cum me ne noris quidem?* Cic. Catil. I, 9 *Quamquam, quid ego te invitem, a quo jam sciam esse praemissos,* pro: *quid — invitem, cum sciam, a te jam praem. etc.* It. *miror te libros mihi misisse, quorum me scires non cupidum esse, i. e. cum eorum me scires etc.* Cicero ita millies.

C) Omnes aliae particulae, quae per se non possunt conjunctivum regere, v. c. *etsi, tametsi, si, cum wenn, ut wie, quod weil, dum indem, so lange, quamvis obschon, it. qui h. e. simpliciter welcher*, triplicem ob causam solent cum conjunctivo conjungi. — Ad quam causam non attendentes Grammatici nonnulli crediderunt et docuerunt, istas particulas per se conjunctivum regere.

1) Quando de re incerta, possibili, optabili vel concedenda, sermo est. V. c. *etiamsi quis dicat etc., i. e. wenn auch jemand sagen wollte: parentes sunt colendi, etiamsi sint duri, i. e. wenn sie auch gleich hart seyn sollten: quamquam vix credam, i. e. ob ichs gleich kaum glauben möchte etc.* Pendet haec res non ab iis particulis, sed a natura rei incertae, possibilis etc.: hinc et fine his particulis conjunctivus ponitur: v. c. *dicat aliquis, es möchte jemand sagen: vix credam, kaum möchte ichs glauben; qua de re supra diximus in A.*

2) Quando conjunctivus in eadem periodo praecessit, et enuntiatio, cui una illarum particularum praefixa est, cum illo arcte, quod ad ideas attinet, cohaeret. V. c. *rogo te, ut, quamquam sis adolescens, tamen mortis cogitationem non negligas. Hic quamquam habet conjunctivum ob praecedentem conjunct. modum negligas. — Aequum est, ut, cum sani simus (wenn wir gesund sind), de morte cogitemus. Hic cum habet conjunctivum ob $\tau\delta$ cogitemus. — Saepe accidit, ut, quos maxime amemus, ii maxime nobis eripiantur. Hic quos jungitur conjunctivo, quia conjunctiv. eripiantur praecessit. — Rex imperavit, ut, quae bello opus essent, pararentur etc. Cic. ad Div. III, ep. 8 §. 19: *Sin hoc genere delectaris, ut, quae tibi in mentem veniant, aliis attribuas, recte pro: veniunt propter attribuas. III, ep. 7 §. 4: Primum cum ad me aditum esset ab iis, qui dicerent etc., recte dicerent pro: dicebant propter esset. III, ep. 5 §. 14: Quod te a Scaevola petiisse dicis, ut, dum tu abesses, — provinciae praecesset. Hic dum habet conjunctivum ob praeced. praecesset. Sic III, ep. 6 §. 12: ut, dum tempus anni esset idoneum, aliquid negotii gerere possem: ubi esset ob praeced. possem.**

3) Quando

3) Quando accusativus cum infinitivo praeceffit. V. c. *scio, te, si quid scias, id reticere solere*; ubi *si* conjunctivum habet ob *te*-solere. Sic: *deceat sapientem ita vivere, ut loquatur, wie er redet*, pro: *loquitur* ob praeced. *sapientem vivere*. *Credo, patrem, quia nobis non scripserit, mox reversurum*, pro: *scripsit*. *Decet nos rem non ante suscipere, quam eam meditati sumus*, pro: *sumus*. *Audivi, ea, quae a te gesta sint, nobis a te mox narratum iri*. Cicero ad Div. III, ep. 7 §. 6: *sed scito plures esse, qui de tributis recusent, quam qui exigi velint*: ubi *qui* cum conjunctivo ob praeced. *plures esse*. ad Div. III, ep. 8 in.: *Et si — videbam, te hanc epistolam, cum ad urbem esses, esse lecturum* etc., ubi *cum* *wenn* habet conjunctivum: ibid. §. 8 *studia mihi eorum placere, quod in te — grati essent* etc., ubi particula *quod* conjunctivum habet ob accusat. cum infinitivo. — Hoc imitandum esse tironibus per se patet. — Ceterum hujus triplicis causae ignoratio fecit, ut in libellis grammaticis vulgaribus diceretur hic conjunctivus ab ipsis particulis *quamquam, quod*, regi. Nec tamen negandum, apud priscos saepe quoque post accusativum infinitivo junctum et post conjunctivum poni indicativum, si de re tanquam certa dicatur, v. c. Cic. Agr. II, 4 *cum videam haec omnia — quae vobis cara — sunt, in fidem esse collata*. Cic. Rosc. Am. I, *ut adsint propterea, quod officium sequuntur: taceant autem idcirco, quia periculum metuunt*.

XVIII) De gerundiis, in quorum usu recte addiscendo multum temporis perdi solet, tota res ita potest brevissime tradi:

1) *Gerundium* est proprie neutrum futuri participii: hinc a) ea etiam verba, quae passivo toto atque ita participio passivi carent, tamen gerundium habent, quia, ut supra (XI) monuimus, omnia verba accusativum non regentia atque ita totum passivum non habentia, tamen *tertiam personam* neutrius generis, impersonaliter usurpandam, habent, atque ita participium futuri passivi in genere neutro. 2) Hinc gerundia eodem modo usurpantur, quo adjectiva, si absolute ac sine substantivo adhibentur, usurpari solent, v. c. ut dico: *est bonum, est malum, es ist gut, böse*; sic etiam *est amandum, est legendum, est parcendum, man muß lieben* etc. Ut vero, addito substantivo, adjectivum se accommodat ad ejus genus, dicimusque v. c. *liber est bonus*, sic et: *liber est legendus, pater est amandus*.

2) de usu gerundiorum hic tria notes: a) unde regantur, b) quid regant, c) quomodo cum participiis, ut loquuntur, commutentur.

a) *gerundia* eodem modo reguntur, quo adjectiva neutra: v. c. *amandum est* in nomin. dicitur, ut *malum est*, quia *est* nominativum regit. — Genit. *amandi* regitur ab iis vocabulis, quae genitivum regere solent, v. c. *cupiditas amandi*, *cupidus legendi*. — Sic ceteri casus: v. c. ut dico: *par oneri*, ita: *par ferendo*, quia *par* dativum regit. — Accusativus regitur a praepositionibus suis, v. c. ut dico: *impellor ad virtutem*, sic: *impellor ad scribendum*. — Ablat. v. c. ut dicimus: *in virtute est suavitas: virtute felices reddimur*, ita: *in discendo est suavitas: docendo discimus*.

b) *gerundia* regunt casus verbi sui, quia sunt ejus particulae: nam, quod convenit toti, id etiam convenit partibus. V. c. *cupidus discendi literas*, *scribendi epistolam*, *parcendi inimicis*, *utendi tempore*; *par sum ferendo onus*; *impellor ad scribendum literas*; *discendo literas sapientiores reddimur*; *in amando deum est magna suavitas*. — Recte ita dicitur: et prisci saepe ita dixere; sed longe saepius gerundium commutant cum participio, de qua re statim.

c) *gerundium* hoc, si substantivum additur, longe frequentius commutatur a priscis cum toto participio futuri passivi, si quidem fieri potest h. e. si totum participium futuri passivi adest. Id quod tali fit modo: substantivum in casu eo, in quo gerundium erat, ponitur, et participium, more adjectivorum, accommodat se ad numeros, casus et genus substantivi. Sic pro his formulis: *sum cupidus discendi literas*, *scribendi epistolam*; *par sum ferendo onus*; *impellimur ad amandum virtutem vel virtutes*; *discendo linguam*, et *in scribendo epistolam*, *discendo artes*, et *in discendo artes*, dicitur rectius h. e. usitatus: *cupidus sum literarum discendarum*, *epistolae scribendae*; *sum par oneri ferendo*; *impellimur ad virtutem amandam*, *ad virtutes amandas*; *lingua discenda*, *in epistola scribenda*, *artibus discendis*, *in artibus discendis*. Sic et nominativus, v. c. *liber est legendus*, *literae sunt scribendae*. Hac ratione tiro potest istam rem intra paucas horas discere. Hic not.:

(a) haec permutatio tantum locum habet in verbis accusativum regentibus, v. c. *lego*, *disco*, *imitor*, *consequor* etc., quia haec, ut supra (XI) diximus, sola habent futurum passivi participium. In ceteris gerundium servari debet,

bet, v. c. dicere cogor: *sum cupidus parcendi inimicis*, non: *inimicorum parcendorum*; *utendi tempore*, non: *temporis utendi*; *impellimur ad parcendum inimicis*, ad recte *utendum tempore*, non: *impellimur ad inimicos parcendos*, ad *tempus recte utendum*; sic non dicere licet: *occasione utenda*, *voluptatibus fruendis*, sed: *utendo occasione*, *fruendo voluptatibus*. — Sic est quoque in nominativo. Dicere debemus: *utendum est tempore*, *fruendum est voluptate*, non: *tempus est utendum*, *voluptas est fruenda*. Causa nulla alia iusta profecto afferri potest, praeter hanc: *ponere non possumus participium, quia nullum adest*. Nec tamen negandum, apud priscos occurrere quoque participia *fruendus*, *utendus* etc. v. c. *Omnia utenda* Cic. Verr. II, 18 v. *meine Sprachlehre*.

(b) usus iste participiorum loco gerundiorum non debet pulchrior vocari s. elegantior, sed usitator, ac propterea, quod ad nos attinet, *rectior*. Nam, quo quid saepius occurrit, eo nobis rectius videri debet. Priscos vero etiam saepe gerundiis uti, ubi licebat ea in participia mutare, notum est, v. c. *consectando praedones* ap. Nepot. et saepius ita Livius: ergo iste gerundii usus non plane est damnandus.

(c) subinde tamen rectius est, gerundium ponere, etiam si ex regula liceat id in participium convertere: v. c. *cupidus sum multa discendi, hoc faciendi*, rectius dicitur, quam: *cupidus sum multorum discendorum, cupidus sum hujus faciendi*. Cur rectius illud? quia perspicuitas ita postulat: nam *multorum* et *hujus* poterat a lectore imperito pro masculino haberi: at *multa* et *hoc* nunquam. Hinc prisci, perspicuitatis studiosissimi, hoc ubique praepo-

XVIII) De ceteris participiis, quorum usum nonnulli pro praecipua elegantia ubique venditant, cum tamen is tantum brevitatis ac necessitatis causa inventus sit, ac propterea tantum ipsa in exprimendis ideis et enuntiationibus secundariis, v. c. temporis etc., adhibeantur, est adhuc dicendum. Est plerumque crux tironum, quia non mature iis recte explicatur. Totum artificium, si summatim consideras, niritur his rebus: a) semper *duo verba*, s. potius *duae enuntiationes*, adesse debent, tam arte connexae, ut altera sit alterius causa vel antecedens vel alia quaedam determinatio. Causam et determinationem hanc indicant praefixae illae particulae *qui, ubi, quando, dum, postquam*. b) quaeritur, utra enuntia-

tio in participium abeat? ea, quae tempore prius cogitatur vel istam determinationem continet. c) participia debent, perspicuitatis causa, idem tempus exprimere, quod verbum mutandum exprimebat, v. c. perfectum manet perfectum, praesens manet praesens. d) participia habent adiectivorum naturam, atque ita se accommodant ad casum, numerum et genus, substantivorum suorum. e) ablativi consequentiae fiunt, si enuntiationes istae duae duo diversa subjecta habent. Haec summatim: nunc accuratius trademus:

A) de participiis, quatenus ambae enuntiationes unum subjectum commune habent:

I) *primum*, participium ponitur pro *qui* cum suo verbo finito. Hic usus est facillimus: hinc ab hoc incipiendum est: imo, si recte iudicas, omnia participia, praeter ablativos consequentiae, fieri vides abiectione istius pronominis relativi: h. e. omnes istas particulas *quando*, *dum*, *postquam* etc. abjici non posse, nisi per *qui* explicari quodam modo possint, praeter ablat. consequentiae; v. c. pro: *homo, qui deum amat, est felix*, dicimus: *homo, deum amans, est felix*; pro: *hominis, qui deum amat, felicitas est magna*, dicimus: *hominis, deum amantis, felicitas* etc.; pro: *homini, qui deum amat, contingit felicitas magna*, dicimus: *homini, deum amanti, contingit* etc.; pro: *hominem, qui deum amat, expectat felicitas*, dicimus: *hominem, deum amantem* etc.; pro: *de homine, qui deum amat, bene iudicamus*, dicimus: *de homine, deum amante* etc. Mutatio haec recte facta est: nam enuntiatio antecedens mutata est: enuntiatio enim, *homo amat deum*, prius cogitatur quam haec: *homo est felix*, etc. — Not. hic: a) si pro substantivo pronomen *is* i. e. *derjenige* subjecti personam gerit, hoc abjicitur, quia hoc pronomen jam in participio latet, v. c. *is est felix, qui deum amat*, mutatur sic: *felix est deum amans*; pro: *felicitas ejus, qui deum amat, magna est*, dicendum: *felicitas amantis deum magna est*. At, si *is* est pronomen relativum et significat *derselbe*, non abjici debet: v. c. *hostes fugati sunt: eos fugientes persecuti sunt Romani*. Porro b) *homo, qui a deo amatur*, non potest in participium abire, nec haec enuntiatio: *homo, qui deum amavit*. Cur non? quia Activum caret participio perfecti, et Passivum caret participio praesentis. At, si tamen velis participio aliquo uti, debes deponens quaerere: v. c. *amore complecti* pro *amare*: et *amore frui* pro *amari*. Tunc potes pro: *homo, qui deum amavit*, dicere: *homo, deum amo-*

re complexus, et pro: homo, qui a deo amatur, dicere: homo, dei amore fruens, vel similiter.

2) deinde participium dicunt quoque poni pro *si*, quando, *quia*. — At hoc tantum fieri potest, si hae particulae simul per *qui* explicari possunt. Alias perspicuitas offenderetur: v. c. homo, *si deum amat, est felix*, et: homo, *quia deum amat, est felix*, potest ita effieri: *homo deum amans est felix*, quia hic *si* et *quia* per *qui* explicari ac cum eo commutari licet: parum enim refert, utrum hic dicas: *felix est homo, qui deum amat*, an: *si deum amat*, et *quia deum amat*. Hae tres determinationes per *qui*, *si* et *quia*, fere idem notant: et lectoris parum interest, utrum verba: *felix est homo deum amans*, explicet: *felix est homo, qui deum amat*, an: *si amat*, et *quia amat*. Idem enim sensus. Hinc patet, non ubique licere illas particulas *quia* et *si* cum participio mutari, sed debere contextum consuli.

3) participium quoque poni dicunt loco particularum *dum*, *cum*, *postquam*. — Recte: at non ubique, sed tantum, ubi hae particulae itidem cum *qui* permutari possunt, atque participium inde effectum per *qui* explicari quoque licet. V. c. pater, *dum loquebatur, moriebatur*, potest mutari ita: *pater loquens moriebatur*, quia hoc participium et ita explicari potest: *pater, qui loquebatur, moriebatur*; sic pro: pater, *postquam mortuus erat, sepeliebatur*, dici potest: *pater mortuus sepeliebatur*, quia hoc ita quoque explicare licet: *pater, qui mortuus erat, sepeliebatur*. Hinc videmus, $\tau\delta$ qui ubique rationem esse habendam. Sic pater, *dum librum legebat, dicebat*, ita mutatur: *pater librum legens dicebat*, quia $\tau\delta$ qui in $\tau\phi$ legens latet. Sic et gaudeo te videns pro *cum te video*, quia simul est quoque i. q. ego, qui te video, gaudeo.

4) dicunt etiam participium poni pro particula *et*. Sed hoc non fit, nisi vel per *dum* vel per *postquam* atque ita simul per *qui* quodam modo explicari possit. V. c. pro *legebat librum et statim remittebat* dici potest *lectum librum statim remisit*. At hoc proprie dictum est pro *librum, postquam* vel *qui lectus erat* scil. ab illo, *remisit*. Sic: *librum legebat, ac deinde abiit*, mutari potest in ablativos consequentiae, de quibus statim diceretur, *libro lecto abiit*. Ablativi consequentiae soli soluti sunt illa lege, qua particulae illae cum *qui* debent commutari posse. Hinc patet, non ubique $\tau\delta$ et in participium abire posse, v. c. quis pro: ego edo et bibo, dicat: *edens bibo*, vel *bibo edens*? inter haec verba non est arcta ista conjunctio; nulla adest determinatio; nec participium istud

per *qui*, ac ne per *cum*, *dum*, quidem, explicari potest. Haec de participio, quatenus ambae enuntiationes unum subiectum commune habent.

B) de participiis, quatenus ambae enuntiationes illae duo diversa subiecta habent, s. de ablativis consequentiae, ut vulgo dicuntur, haec tenenda: Quando duae enuntiationes ita junguntur, ut singulae habeant suum subiectum, enuntiatio, quae prius cogitatur vel particulam *dum*, *cum*, *quando*, *postquam* in fronte gerit, debet, si quidem eam in participium convertere placet (nam fieri non necessario debet), in ablativo poni, v. c. pro: *Postquam pater profectus est, venerunt ad me amici* etc., dicitur: *Patre profecto venerunt* etc.; hic enim sunt duo diversa subiecta: *pater* et *amici*. *Dum ego scribebam, moriebatur pater*, potest mutari in: *me scribente* etc. Sic: *Caesare mortuo Antonius rempublicam vexavit*. — Unum exemplum ponam, ex quo tirones facile discant, ubi ponere debeant ablativos consequentiae, ubi non. *Sole oriente luna fugit*, et: *sol oriens fugat stellas*. Utrumque vernacule vertitur quidem: *wann die Sonne aufgeht, so* etc. At in priori sunt duo subiecta: *sol* et *luna*; in posteriori est unum, scil. *sol*. Prius ita resolvitur: *Quando sol oritur, luna fugit*: quis oritur? *sol*; quis fugit? *luna*. Ergo non, qui oritur, idem fugit. Posterius ita resolvitur: *Quando sol oritur, fugat stellas*, s. *sol, quando oritur, fugat stellas*. Hic quaero: quis oritur? *sol*; quis fugat? idem *sol*. — Aliud exemplum: *Sole orto lego: sol ortus calefacit*. Notandum simul, ablativos consequentiae interdum brevitatis causa in alios transferre licere casus vel a nomine vel a verbo pendent: v. c. pro: *postquam pater mortuus erat, eum sepelivimus*, interdum ita dici potest: *patrem mortuum sepelivimus*: quod melius est quam *patre mortuo, eum sep*. Sic pro: *postquam pater mortuus erat, ejus libros vendidimus*, (pro quo, si ablativis conseq. uti velles, dicendum foret *patre mortuo, ejus libros* etc.) ita dici potest: *patris mortui libros vendidimus*. Sensus eodem redit; posterius modo brevius dictum est explicarique potest, ut superiora: *patrem, postquam* s. *qui mortuus erat, sepelivimus*; *patris, postquam* s. *qui mortuus erat, libros vendidimus*: ut vel hinc appareat, quam facilis fiat tironibus participiorum explicatio, si a τῷ qui incipitur et hujus pronominis abjectio prius recte accurateque explicetur. — Male agunt, qui de *postquam*, *cum*, *dum*, ac de ablativis consequentiae prius loquuntur. Hoc est rem invertere et molestam reddere. Addamus simul haec:

a) qui participia non nisi per abjectionem istarum particularum ponere potest, is nondum eorum valde peritus est. Nam et alibi ea poni possunt, ubi nullae ejusmodi particulae sunt. V. c. substantiva possunt in participia mutari. V. c. *bey Erblickung des Vaters ging ich* etc., *Viso patre ivi* etc., vel: *videns patrem ibam* etc. Sic pro: *in consideratione divinae benignitatis soleo mirari* etc., possum dicere: *considerans divinam benignitatem* etc., vel: *in considerata divina benignitate* etc. *Bey seiner Rückkunft sagte ich ihm, empfang ich ihn* etc., *redeunti illi dicebam, redeuntem illum excipiebam* etc. *Bey seinem Sterben sagte er, moriens dicebat. Bey seinem Sterben sprach ich, moriente illo dicebam. Bey seinem Sterben sagte ich zu ihm, morienti illi dicebam* etc.

b) plura participia ejusdem casus non jungi debent, nisi interventu copulae *et, ac, atque*, quia alias perspicuitas laeditur. Peccasse hic videtur Caesar B. G. III, 24 in. *At barbari, consilio Romanorum cognito, praemisso equitatu, et essedariis, quo plerumque genere in proeliis uti consueverunt, reliquis copiis subsecuti nostros navibus egredi prohibebant.* Durum hic est: *consilio cognito, praemisso equitatu*, quod non imitandum. Debebat vel sic dicere: *consilio cognito et praemisso equitatu* etc., vel sic: *consilio cognito, postquam praemiserant equitatum* etc., vel sic: *At barbari, postquam consilium Rom. cognoverant, praemisso equitatu* etc. Sed participia diversorum casuum bene jungi possunt; sic v. c. in loco jam dicto: *praemisso equitatu — subsecuti — prohibebant.* Sic ib. III, 25 §. 3: *Atque nostris militibus cunctantibus maxime propter altitudinem maris, qui decimae legionis aquilam ferebat, contestatus deos — inquit.* Hic ablativus et nominativus: *cunctantibus, contestatus.* Pleni sunt Caesar, Livius; talium participiorum in diversis casibus junctorum.

c) interdum participia verborum non sunt in usu: v. c. *dans, fans, ignorurus*, aliaque rariora, quibus abstinendum.

Quaeritur hic, an participiis, ubicunque eorum detur facultas ponendorum, utendum sit? — Minime. Nam nimis frequens rei usus, licet rectus sit per se, tamen taedio est: variare etiam decet. Ergo et *et qui, cum, postquam* etc., sunt adhibenda, suntque a priscis saepissime adhibita. Quaeritur ergo, quando participia et cur adhibenda sint?

a) ob variationem, quae est mater suavitatis.

b) ob brevitatem, quae et ipsa est mater suavitatis. Hinc in narrandis multis rebus optime conveniunt. Hinc historici iis omnium creberrime utuntur; longeque crebrius quam oratores. — Male ergo nonnulli eorum usum inter praecipuas venustates orationis per se referendum putant: v. c. Heinecc. Fundam. stili I, 1. 22 ** 6 p. 75 male ait: *participia, quae dici non potest, quantum ornent orationem* etc. — Nam qui v. c. dicit: *homo, qui deum amat, est felix* a dicente: *homo deum amans est felix*, non differt, quod ad sententiam attinet. Uterque idem dicit; sic, utrum dicas: *Caesar, cum Rhodanum trajecisset, venit in etc.*, an: *Caesar trajecto Rhodano venit*, parum refert. Posterius tantum brevius dictum est: ac si de re leviori loquimur, brevitate uti debemus, atque ita participiis uti.

c) interdum etiam perspicuitatis causa, quae per brevitatem istam adjuvatur. V. c. *homo alios peccantes vituperans debet ipse vitiis carere*, seu: *homo alios, qui peccant, vituperans debet ipse* etc., non tam moratur lectorem, quam: *homo, qui alios, qui peccant, vituperat, debet* etc. In priori constructionis ordo facilius apparet, quam in posteriori.

d) interdum ob suavitatem; quia praeter variationem et brevitatem, de quibus ante dictum, et quae suavitati haud dubie saepe serviunt, etiam ita repetitio eorundem vocabulorum et earundem syllabarum, quae semper injucunda est, vitari potest. V. c. *cum exercitus, Alpibus trajectis, in Italiam venisset* etc. suavius est dictum, quam: *cum exercitus Alpes trajecisset et in Italiam venisset*: ob duplicem terminationem *isset*, quae ita evitatur. Huc pertinet exemplum modo allatum: *homo alios peccantes vituperans debet ipse vitiis carere*, vel: *homo alios, qui peccant, vituperans debet* etc., vel etiam: *homo, qui alios peccantes vituperat, debet* etc. Ex his tribus formis quamcunque eligas, suavius dicitur, quam sic: *homo, qui alios, qui peccant, vituperat* etc., quia repetitio *qui* evitatur. Legi hic debent in primis Caesar et Livius.

Quaeritur, quando abstinendum participiis?

a) *in re gravi*: ubi copiose, ut gravitas sentiat, non breviter loqui decet. Huic serviunt potius periphrases: v. c. *deum, qui nos quotidie beneficiis cumulare gaudet omnibusque modis nostrae commoditati et voluptati prospicit, eum*
odisse

odisse summa impudentia est malim dicere, quam: deum nos — gaudentem et prospicientem etc.

b) interdum perspicuitas offendi potest participiis, v. c. multis similibus terminationibus: sic *hominem deum amantem*, *homines virtutes amantes* non facile dixerim pro: *hominem, qui deum amat; homines, qui virtutes amant*: vel saltem alio modo rem exprefferim. Nam *hominem deum amantem* potest et explicari: *deum, qui hominem amat*.

c) interdum et suavitas offenditur, ut in memorato exemplo: *homines virtutes amantes*, ob repetitionem terminationum es.

Magno igitur iudicio in recte usurpandis participiis opus esse ac contextus haberi debere rationem intelligitur: interdum ornare possunt, interdum officere venustati.

XX) Adjiciamus quaedam de *verbi terminationibus personalibus* (*Personalendungen*: quas male vulgo vocant *personas* verbi; vid. Grammatica nostra) et *temporibus* recte usurpandis, de quibus vulgo parum praecipi solet.

A) de *terminationibus personalibus* (vulgo *personis*) duas notabimus:

1) *qui, quae, quod*, eandem terminationem personalem (vulgo *personam*) postulat, quae praecessit, si scil. ad eam refertur. V. c. dicendum est: *non ego is sum, qui omnia sciam*, non: *sciat*; sic dicendum: *tu non is es, qui nobis imperare possis*, non: *possit*; sic: *nos non ii sumus, qui facile gloriemur*, non: *glorientur*; — it. sine *tñ* is. V. c. *tu solus inventus es, qui tale quid faceres*, non: *faceret*. Hic vernacula decipit facile tironem, in tali re utens ubique tertia terminatione personali (s. persona, ut vulgo perperam loquantur), ut in illis: *Ich bin nicht derjenige, der alles weiß: Du bist nicht derjenige, der uns befehlen kann s. könne: Wir sind nicht diejenigen, die sich leicht rühmen; du bist der einzige gewesen, der so etwas gethan hat*. Decepit ea adeo Cortium illum, qui in dedicatione Sallust. ait: *Non quidem is sum, qui sapienter dictis ejus — aliquid adjecerit aut omnino in hoc genere reperire possit* etc., pro: *adjecerim, possim*. Quanto magis decipere potest tirones!

2) in *enuntiationibus universalibus*, quae vernacule incipiuntur per *man*, v. c. *man sagt, man glaubt* etc., praecipiunt vel tertiam terminationem personalem (s. personam, ut vulgo dicunt) passivi, vel secundam activi, vel primam pluralis, interdum etiam tertiam pluralis poni posse. At hae terminationes

tiones personales (s. personae, ut vulgo loquuntur) non ubique commutari possunt: *tertia* quidem *passivi* ubique convenit, si quidem verbum toto passivo est instructum; at ceterae tantum, ubi *perspicuitas* admittit, h. e. si personarum s. subiectorum, quae istis terminationibus proprie conveniunt, in contextu ratio quaedam proprie habetur: — Ergo a) *secunda* non fere utar in epistolis ad amicum, quia credere hic possit, se proprie intelligi; nisi contextus aperte doceat, rem esse in universum intelligendam; at in libris licet ea uti, v. c. *quidquid vis recte discere, id ante recte intelligere debes*: in primis post infinitivos loco subiecti positos, v. c. *turpe est, quae didiceris, ea oblivisci*, h. e. *was man gelernt hat: honestum est, beneficiorum, quae a deo acceperis, perpetuo memorem esse*, h. e. *die man von Gott empfangen hat: decet, quae scias, ea cum aliis communicare*, i. e. *was man weis*. b) *prima pluralis* in omnibus quidem istis enuntiationibus, h. e. quae ad omnes homines pertinent, usurpari potest; at debent illae tales esse, ut nos simul ipsi intelligamur vel intelligi velimus possimusve: v. c. *turpe est, quae didicerimus, ea oblivisci: honestum est, beneficiorum, quae a deo acceperimus, memores esse: decet, quae sciamus, cum aliis communicare*. — At, si de re loquimur, cuius participes non sumus, vel non esse volumus aut credimus, non *prima pluralis* convenit. V. c. si de re loquimur, quam plerique credunt, nos vero non credimus, non dicere possumus: *credimus vulgo* i. e. *man glaubt insgemein*. — Ineptum foret v. c. dicere: *Nunc refutabimus id, quod vulgo credimus aut dicimus, Nun wollen wir das widerlegen, was man insgemein glaubt oder spricht*. At, si eandem rem credimus, ista terminatione personali uti licet. c) *tertia pluralis* in nonnullis tantum verbis usitata est, v. c. *dicunt, ferunt, perhibent*; interdum *putant, credunt*, praesertim si addatur *vulgo*: tum enim apparet, non de certis hominibus, sed de omnibus, intelligendum esse. Sic et *amant, docent, legunt, monent* etc. non fere dixerim, nisi addito *vulgo*. — Et omnino sciendum, in ista terminatione personali sine subiecto adhibita semper intelligi debere *homines* i. e. *omnes*, vel saltem *plerique, die Leute*. Iam, ubi vocabulum *homines*, i. e. *die Leute insgemein*, non potest intelligi, ibi nec potest *tertia pluralis* poni. Hinc etiam *dicunt, ajunt, perhibent* etc. non facile in alia tempora transulerim; nec dixerim: *dicent, dixerunt* etc., *man wird sagen, hat gesagt*; quia usus loquendi tantum in praesenti fixus est. — Notandum etiam, in qua terminatione personali inceperis, in ea te pergere debere, saltem in eodem contextu. V. c. *deceat,*

decet, quae scias, ea tuis amicis narrare: decet, quae sciamus, nostris amicis narrare.

B) de recto usu et recta consecutione temporum:

1) de temporum propria vi et usu proprio:

Hoc ante tenendum est, quam possis consecutionem eorum discere.

a) praesens loquitur, ut vel appellatio docet, de re praesente: v. c. lego i. e. nunc lego. Hinc prisca dicunt v. c. si quis dicat, objiciat etc., ubi nostri: wenn jemand sagen sollte, einwenden sollte: scil. jetzt. — Male hic nonnulli: diceret; quia de re praesente sermo est. Sic: velim ich wollte: veniat er möchte kommen; adsit er möchte da seyn etc. it. cum videam wenn ich sehen sollte etc.: omninoque *et* sollte vel *möchte* per praesens exprimitur, nisi praecessit imperfectum, perfectum vel plusquamperfectum: tum sequitur imperfectum. In epistolis tamen interdum pro eo poni imperfectum vel perfectum infra monebitur.

b) imperfectum proprie loquitur de actione nondum plane perfecta, sed adhuc durante: v. c. illo die legebam, meditabar etc., indicat, me illo die per aliquod temporis spatium legisse et meditatum esse, at nondum desisse legere et meditari. In primis huc pertinet verbum venire, quod ab advenire quodam modo differt et ab ire parum diversum est. Veniebat ergo non semper respondet nostro: er kam: hoc enim indicat plerumque adventum; sed illud significat, hominem adhuc in via esse: hinc si vernaculum: da er kam, sprach er, vertere vis, debes dicere: cum venisset, non: veniret. Sed, ut magis appareat, actionem aliquam nondum finitam esse, sed adhuc durare, debet ac solet alia adjici actio, quae eodem tempore fiebat: v. c. dum librum legebam, advenit pater: hic actio adveniendi fiebat simul cum actione legendi h. e. fiebat interea dum legebam. Hinc patet, cur prisca particulam dum maxime soleant imperfectis jungere: dum enim notat durationem temporis: während der Zeit, indem, et male a nonnullis pro cum da usurpatur. Sic: dum scribebam, patris mortem audiebam, vel filius veniebat. Hic interea dum *et* scribere fiebat, etiam *et* audire et venire accidit. NB. 1) Saepe tamen Latinos imperfecto etiam pro perfecto, de quo mox dicemus, usos esse, non negari potest, scilicet, quando
narrant

narrant simpliciter quid factum sit. Sed hoc non docet, id rectum esse, sed ipsos non semper diligentes fuisse in loquendo. 2) vernaculum *würde* exprimi solet per *imperfectum conjunctivi*, v. c. *diceret* i. e. *er würde sagen* cet.

c) *perfectum* loquitur de actione plane finita, ita tamen ut non alia actio illam secuta statim h. e. in arcta connexionem sequi debeat. V. c. *parentes venerunt* i. e. *adsunt*; hic illorum actio *veniendi finita* s. *perfecta est*; *desierunt enim venire*. Sed non additur, quid post *id venisse* factum sit. Quod si additum fuisset, pro *perfecto* illo debuisset poni *plusquamperfectum* cum particula temporis: *ubi, cum, postquam*. NB. 1) hoc tempore narrantes libenter utuntur, cum simpliciter narrare volunt, quid per se factum sit. 2) Uti tamen etiam sunt prisca *perfecto* ita, ut rem secutam indicent simul, atque ita pro *plusquamperfecto*, v. c. Cic. ad Div. III, 10 in. *Cum est ad nos allatum* cet.: Sulpic. ad Cic. in Epp. Cic. ad Div. III, 5 in. *Posteaquam mihi renuntiatum est* cet.

d) *plusquamperfectum* indicat *plus*, quam illud *perfectum*, h. e. loquitur non modo de actione plane finita, sed addit statim aliam quoque actionem, quae illam secuta est: et haec NB. est illud *plus*: sumamus v. c. superius: *parentes venerunt*: hic nildum praeterea additur, ergo *perfectum* sufficit. At, si aliam actionem consequentem adderem, v. c. hanc: *parentes viderunt filium aegrotum*, eamque cum praecedente per particulam temporis connectere vellem, nunc non *perfectum* amplius sufficeret, sed nunc dici deberet: *cum parentes venissent*, s. *postquam parentes venerant, viderunt filium aegrotum*. Sic, si duas has actiones narrare vellem, a) *filium venisse* et b) *patrem hoc adventu laetatum esse*, quisque videt, ambas actiones per se esse finitas h. e. nihil iis deesse ad perfectionem, atque ita ambas per se posse, si quidem se jungantur, *perfecto tempore* exprimi: at, si ambas simul tanquam connexas considerare volo h. e. ita, ut posterior priorem sequatur, atque utramque per particulam temporis conjungere, hanc priorem *plusquamperfecto tempore* exprimere cogor atque ita dicere: *postquam filius venerat* s. *cum filius venisset, pater laetatus est*. — Not. 1) Cum vernacula lingua, saepe parum accurate loquens, non raro hic imperfecto pro plusquamperfecto uti soleat: hinc fit, ut ea decepti tirones idem vitium in latina committant. V. c. nostri dicunt: *da der Sohn kam, so freute sich der Vater*, quod ad verbum foret: *cum filius veniret, laetatus est pater*.

— Male;

— Male; debet esse: *cum filius venisset* etc. Sic nostri dicunt: *da ich ihn sah, so freute ich mich; als ich es hörte, so fragte ich* etc. Hic semper plusquamperfectum usurpandum et dicendum est: *cum illum vidissem, gavisus sum; cum id. audivissem, interrogavi*. Nam, si gaudere debeo, ille jam venerit necesse est: et, si interrogare debeo, necesse est me audivisse. Ergo *ut venire et audire* jam praeterierint necesse est. — Male ergo hic *viderem* et *audirem* poneretur. 2) Prisci tamen hic etiam perfecto et interdictum imperfecto utuntur; v. c. *Cum est ad nos allatum* cet. Cic. ad Div. III, 10 in. cf. *Sulpic. ad Cic. in Epist. ad Div. III, 5 in. Posteaquam mihi renuntiatum est* cet.: Nep. Milt. 4 *cum viderent* pro *vidissent* cet.

e) *Futurum indicativi simplex*, v. c. *amabo, amaturus sum*, loquitur de actione futura, ita, ut vel nulla actio vel talis tantum addatur, quae cum illa simul fiet, v. c. *Emam s. emturus sum mihi libros; it. profisciscar Berolinum*. In his una actio est, quam nulla alia sequitur. *Quando libros mihi emam, a patre pecuniam petam*: hic additur actioni futurae alia actio, quae simul fiet. Sic in hoc: *quando Berolinum profisciscar, in itinere urbes Silesiae visam*; hic additur actio, quae simul cum illa profecione fiet. Hoc semper observandum. At, si actio additur, quae post priorem actionem futura demum est vel fieri debet, et utraque per particulam temporis, v. c. *quando, cum*, coniungitur, tum prior futuro exacto semper exprimenda est, de quo statim.

f) *Futurum in ero*, v. c. *fuero, amavero, amatus fuero* etc., est 1) *futurum indicativi*, non *conjunctivi*; quod vel inde patet, quod nunquam particulas conjunctivum regentes, v. c. *ut, ne, quin, quo, licet* etc., praefixas habet. *Futurum conjunctivi* est semper illud periphrasticum, v. c. *futurus sim, amaturus sim* etc. 2) est deinde non *simplex futurum* h. e. non loquitur de re aut actione futura simpliciter, sed est *futurum exactum* (*exigere est perficere*, ergo *exactum* i. q. *perfectum*), seu *perfectofuturum*. Comprehendit enim simul et *futurum* et *perfectum* tempus (unde et a *perfecto* formatur), h. e. loquitur quidem de re vel actione futura; at, quia statim additur alia res vel actio, quae post illam fiet, illa res vel actio futura quodam modo h. e. respectu sequentis rei pro jam perfecta s. finita re habetur, seu tanquam perfecta ac finita consideratur, v. c. *librum legam ac deinde illum tibi mittam* sunt duae futurae actiones, quarum posterior post priorem demum fiet.

fiet. Ergo si per particulam temporis, v. c. *cum (wann)*, *ubi*, *quando*, jungi debent, ita exprimendae sunt: *ubi librum legero, illum tibi mittam*. Hinc futura exacta, ut *fuero, amavero, amarus fuero* non debent disci: *ich werde seyn, ich werde lieben, ich werde geliebt werden*, sed semper: *ich werde gewesen seyn, ich werde geliebt haben, ich werde geliebt worden seyn*. Excipiuntur tantum ea, quae carent futuro simplici, v. c. *meminero*, *ich werde mich erinnern*; ubi necessitatis causa tantum ita dicitur. Usus *futuri exacti* tironibus valde difficilis fit ob dissimilitudinem linguae vernaculae, quae simplici futuro plerumque utitur, ubi futurum exactum adhibere debebat, v. c. *wann der Vater kommen wird, so werde ich ihm sagen*, pro: *wird gekommen seyn*; it. *wann du mir das Buch schicken wirst, so werde ichs meinem Vater geben*, pro *wirst geschickt haben*. Quae verti debent: *ubi pater venerit, ei dicam*: *ubi librum mihi miseris, patri meo dabo*. Male hic tirones: *ubi pater veniet etc.*; *ubi librum mihi mittes etc.* Nam pater jam debet venisse, si quid ei dicam: librum jam debes misisse, si patri eum dabo vel dare potero. Sic Cicero et prisca semper; v. c. *quod si feceris, magnam habebis gratiam*: *quidquid statueris, mihi placebit*. Male: *facies, statues*. Nam τὸ *facere* ante cogitatur et fit, quam τὸ *gratiam habere*: et τὸ *statuere* ante, quam τὸ *placere*.

Haec de vi temporum et usu proprio. Ne tamen quidquam omittam, quod ad eorum usum recte percipiendum et imitandum pertineat, addenda sunt sequentia:

a) Latini solent in epistolis rem vel actionem praesentem, si haec mutationi obnoxia est atque ita jam mutata esse vel praeteriisse potest, ante quam epistola amico red-dita fit, non praesenti sed imperfecto tempore exprimere, quia ob humanitatem non tam sui, quam amici, ad quem scribunt, rationem habent. Nam, quod *praesens* est mihi scribenti, id amico legenti *praeteritum* esse potest: et, quod *hodie* fit, dum scribo, vel praeteriisse vel mutatum esse potest, epistola reddita. Vernacula hic turbat tirones utens in tali re ubique fere praesenti tempore. Quando igitur amico scribimus de consilio ac voluntate nostra aliquid efficiendi, de morbo quodam, de fama etc.: utendum est imperfecto, v. c. *cogitabam cras proficisci*, non *cogito*; licet nostri dicant: *ich gedenke morgen zu verreisen*; quia voluntas proficiscendi abjici potest: sic *aegrotabam*, non *aegroto*; quia morbus praeterire potest prius, quam

quam epistola redditur, nostri: *ich bin krank*. Sic homines dicebant, narrabant, fama erat; non dicunt, narrant, fama est, ut vernacule: *man sagt, die Leute erzählen, es geht ein Gerüchte*; quia homines possunt desinisse dicere et narrare, et fama potest cessasse antea, quam epistola red-dita fuerit. Sic est quoque in futuro periphrastico; v. c. qui alicui scribit, se profecturum esse, non debet dicere: *profecturus sum*, sed *profecturus eram*. Sic semper Cicero, v. c. ad Div. I ep. 8 §. 12 *Rem te valde bene gessisse rumor erat; expectabantur literae tuae*, i. e. rumor est, expectan-tur etc.: ibid. ep. 2 §. 9 *Haec scripsi a. d. XVI Kal. Febr. ante lucem*. Eo die senatus erat futurus, pro futurus est s. erit. Nam poterat differri. Ad Div. VII ep. 18 §. 9 *Tu, si intervallum longius erit mearum literarum, ne sis ad-miratus* (i. e. ne mireris). *Eram enim absfuturus mense Aprili, pro abero*; quia iter differri poterat. — At per se patet, in epistolis manere praesens, si sermo sit de rebus certis et immutabilibus, v. c. *homines sunt mortales; for-tuna est incerta; liber a te missus mihi est gratus; Lipsia est urbs Saxoniae*. — Eodem pertinet, quod Latini, si quid amico mittunt, scribunt, dicere in epistolis solent: non mitto, scribo, ut nostri: *Hier schicke ich Ihnen cet. dieses schreibe ich etc.*, sed misi, scripsi: quia humanitatis causa se ad amicum accommodant: qui dum epistolam legit, jam illud missum et scriptum est; v. c. Cic. ad Div. I ep. 2 §. 9 *Haec scripsi a. d. XVI Kal. Febr. ante lucem, Dieses schreibe ich den etc.*

b) Latini, si quid narrant factum esse, atque ita de re perfecta loquuntur, tamen saepe utuntur tempore prae-sente pro perfecto, v. c. *Caesar, re audita, statim consi-lium convocat, milites educi jubet, edicit etc.*, pro convo-cavit, iussit, edixit. Sic et nostri: *ruft den Kriegsrath zusammen, gibt Ordre etc.* Fieri haec permutatio solet, ut res sensibus magis exponatur: quia sic narratur, tan-quam nunc fiat, et ante oculos nostros. Sed et omnes homines, etiam plebeji, apud nos ita loquuntur, quando celeriter et cupide aliquid narrant. Nobis imitari hic priscos recte licet in narrando, praesertim cum haec forma serviat variationi, matri suavitatis.

c) Interdum praesens infinitivi pro futuro apud priscos positum reperitur, quia futurum tempus deest, v. c. *spero, me hoc facere posse, werde thun können: praevidebam, illam rem a me posci, werde gefodert werden*: sic non raro

Livius. At non satis accurate: meliusque est pro eo uti τὸ fore ut, v. c. *spero fore, ut hoc facere possim: praevideram fore, ut illa res a me posceretur.* Nostri quoque utuntur interdum praesenti pro futuro: v. c. *Morgen komme ich zu dir, übers Jahr bin ich nicht mehr da.* Negligenter hoc dictum. Sic et graeci et latini, at vix imitandum, nisi in familiari sermone.

d) Latini etiam saepissime *perfecto conjunctivi* pro *praesente conjunctivi* utuntur: v. c. *dixerit aliquis, es möchtest jemand sagen, pro dicat. Hoc non ego dixerim, das möchte ich nicht sagen, pro dicam: objeceris, du möchtest einwenden.* Sic *si quis dixerit, crediderit, putaverit, negaverit* etc., pro *dicat, credat, putet, neget* etc. Hoc imitari licet: nec tamen credendum, priorem formam esse venustiore posteriori. Utraque est bona et valde usitata.

e) In formula: *memini me dicere, legere*, pro *dixisse, legisse* (nam utroque modo prisci loquuntur), putant vulgo, *praesens* positum esse pro *perfecto*. — Male. *Dicere et legere* non hic est *praesens*, sed *imperfectum*. Nam 1) jam pueri discunt, *amare, legere* esse et *praesens* et *imperfectum*. Cur igitur non potius in illa formula: *memini me dicere, τὸ dicere* pro *imperfecto* habeamus, cum τὸ *meminisse* non ad *praesens* tempus sed ad *praeteritum* pertineat? 2) ex ipsa permutatione hoc patet. *Perfectum* et *imperfectum* et alibi de re *praeterita* promiscue usurpatur, v. c. *Caesar dicebat vel dixit.* 3) in primis patet ex locis priscorum, v. c. Cic. ad Div. III ep. 10 §. 19 *Ad me adire quosdam memini, qui dicerent* etc. Ex hoc loco apertum est, Ciceronem τὸ *adire* habuisse pro *imperfecto*, quia addit *imperfectum dicerent*: si enim τὸ *adire* habuisset pro *praesente*, haud dubie dixisset: *dicant*. Nam post *praesens* debet *praesens* et post *imperfectum* debet *imperfectum* poni, ut statim docebitur.

2) de temporum consecutione, quae a vernacula interdum abit, estque res valde difficilis, haec tenenda:

a) Post *ut daß, ne daß nicht vel daß, quo claudit, quominus daß nicht, quin daß vel daß nicht*, item *qui, quae, quod*, aliasve particulas, conjunctivum vel per se vel ob contextum post se requirentes solet, *si vel praesens vel futurum* praecessit, *praesens* poni: sin *imperfectum, perfectum* aut *plusquamperfectum*, praecessit, sequi solet *imperfectum*. Hic tamen propriae temporum notionis ratio simul habenda: hinc nonnullae exceptiones occurrunt: v. c.

1) Prae-

1) *Praesens* post *praesens*, si scilicet de re praesenti sermo est, v. c. — post ut: rogo te, ut venias: impello, hortor, moneo te, ut discas. Si accidat, ut pater veniat, daß der Vater kommen sollte, non veniret. Virtus tua efficit, ut lauderis. Si res ista efficiat, ut lauderis, daß du gelobt werden solltest, non laudareris. Velim, ut istud mox fiat, non fieret, licet vernacule dicant: ich wollte, daß dieß bald geschehen möchte s. geschähe. Si fieri possit, ut istam rem consequar, non consequerer, licet nostri dicant: wenn es möglich wäre, daß ich das erhielte s. erhalten sollte. Nemo optet, ut hoc fiat, non fieret, licet nostri: daß dieß geschehen möchte. Sic et nemo optaverit (h. e. optet), ut hoc verum sit: nam perfectum conjunctivi saepe, ut supra dictum, pro praesente conjunctivi ponitur: et in hoc usu consideratur ut praesens, atque ita praesens post se postulat: v. c. Si quis postulaverit, ut dicam, wenn jemand fordern möchte, daß ich sagen sollte, non dicerem: optaverim, ut verum sit, non esset, licet nostri: ich wollte wünschen, daß dieses wahr wäre: est enim pro optem. Nemo est tam stultus, ut non intelligat, non intelligeret, licet nostri: daß er nicht einsehen sollte. Ita te amo, ut patrem magis amare non possim, male dicitur possem, licet vernacule dicamus: daß ich meinen Vater nicht mehr lieben könnte. Huc pertinet spero fore, ut fiat: nam fore est ut amare simul praesens et imperfectum, a verbo forem. — Post ne: v. c. timeo, ne pater veniat. Sic: si timeas, ne pater veniat, non veniret, licet vernacule: wenn du dich etwa fürchtest, fürchten solltest, daß der Vater kommen möchte. Vix periculum esse puto, ne bona tua perdas, non perderes; quia praesens esse praecedat, licet vernacule dicamus: kaum glaube ich, daß zu befürchten sey, daß du dein Vermögen verlieren solltest. Sic: non timeverim, ne res ita cadat, non caderet: quia timeverim est pro timeam, ich möchte mich wohl nicht fürchten, daß die Sache so ablaufen möchte. Sic: plura dicere nolo, ne putes etc., damit du nicht glauben mögest, möchtest etc., non putares. — Post quo: v. c. impedio te, quo minus scribas; sic: si quis me impediatur, quo minus scribam, non scriberem, licet vernacula imperfecto utatur ac dicat: wenn mich jemand verhindern sollte, daß ich nicht schriebe s. verhindern sollte zu schreiben. Sic: rogo te, ut multa discas, quo possis reip. operam utilem praestare, non posses, licet vernacule dicatur: damit du dem Staate nützlich dienen könntest. Sic: Erras, cum putas, te a me impediri, quo minus scribas s. scribere possis, non scriberes s. scribere posses, licet vernacule dicatur: daß du nicht schreiben könntest. — Post quin: v. c.

Non dubito, quin pater hoc sciat, non sciret, wisse s. wissen möchte. Sic: quomodo dubitare potes, quin ista res omnibus nota sit, wie kannst du zweifeln, daß die Sache nicht allen bekannt seyn sollte, non esset. Sic: multos esse puto, qui non dubitent, quin tu hanc rem efficere possis, non posses, licet vernacule: machen könntest. Male verbis possum et debeo in primis accidit, ut ejus imperfectum conjunctivi pro praesenti saepe a tironibus, vernacula deceptis, ponatur. — Post qui, quae, quod: v. c. sunt, qui dicant; reperiuntur, inveniuntur, qui affirmant; sic multos esse puto, qui dicere audeant, non auderent, licet nostra lingua dicatur: die sich unterstehen möchten zu sagen. Sic: non credere possum, esse, qui de ea re dubitent, non dubitarent, licet vernacule dicamus: ich kann nicht glauben, daß es Leute gebe, die daran zweifeln sollten. Sic: non puto homines esse, qui discere nolint, die nicht lernen wollten, male nollent. Sic: An putas hominem esse, qui id efficere possit, non posset, licet vernacule dicamus: der das ausrichten, möglich machen, könnte? Sic Cic. Arch. 6 An tu existimas, suppetere nobis posse, quod quotidie dicamus, non diceremus, Glaubst du, daß wir täglich etwas haben würden, das wir reden könnten? brevius: daß wir täglich Stoff zum Reden haben würden? — Post quis, quid, an, ubi, cur, quomodo, quod, quia, cum da, aliasque particulas, ubi notio praesentis temporis latet; v. c. scio, quid cogites, was du denkst s. denken möchtest, mögest. Cic. ad Div. VIII ep. 17 §. 5 quid faciat, non habet, er weis nicht, was er machen soll. Sic: dic, ubi sit; sic audio, te scire velle, ubi sis et quid agam, wo ich wohl seyn und was ich machen möge. Si quis quaerat, an hoc efficere possim aut velim, non possem, vellem, licet vernacule dicatur: wenn jemand fragen sollte, ob ich dieses thun könnte oder wollte s. ob ich wohl dieses möchte thun können oder wollen; sic: si quis quaerat, cur id facere velim, non vellem, warum ich das thun wollte. Miraris, quomodo id fieri possit, non posset, wie das möglich könnte gemacht werden. Audio multos dubitare, an ea res effici possit, non posset; sic: mirari scribis homines, quomodo talia audere possim, quia non credibile sit, hominem etc., non possem, esset, licet vernacule: wie ich solche Dinge wagen könnte, weil es nicht glaublich wäre, daß ein Mensch etc. Hic tiro facile posuerit: possem et esset. Sic: neminem amare possum, cum videam eum improbum esse, i. e. wenn ich sehen sollte, daß er etc.; sic et: si videam, ubi videam, audiam etc., wenn ich sehen, hören, sollte; sic Terent.: si faciem videas, videtur esse quantivis pretii, i. e. wenn man sein Aeußerliches sehen sollte etc.; sic: scribis te mirari,

mirari, quomodo filius tuus doctus fieri possit, si pecunia non abundet, non posset, abundaret, licet nostri: wie er gelehrt werden könnte, wenn er nicht Geld im Ueberfluß hätte, cum rectius dicere debeant: wie er gelehrt werden könne, wenn er nicht Geld im Ueberfluß habe. Sic: quaeris, an ita loqui debeamus, non deberemus, licet nostri interdum: ob wir so reden sollten, pro sollen, quod rectius. Sic: dicis te non posse ibi esse s. habitare, ubi inimici tui sint s. habitent, non essent, habitarent, licet nostri: du sprichst, du könntest nicht da wohnen s. seyn, wo deine Feinde wären, wohnten; nam praecessit esse praesens. — Haecenus de praesente post praesens ponendo, de quo pluribus me egisse non mirabuntur, qui difficultatem hujus rei, nondum satis alibi explicatae, norunt longa experientia edocti.

Exceptio. At post praesens debet perfectum poni, si de re praeterita sermo, it. futurum, si de futura:

a) Perfectum: — Post ut: v. c. hinc sequitur, ut Deus solus illud fecerit, gethan habe; hinc sequitur, ut Cajus erraverit, hieraus folgt, daß Cajus geirret habe. Quis hic dicat: faciat, erret? Necessè est, homo ante multa didicerit, quam alios erudire velit etc. Quis hic discat ponere audeat? Multi temere optant, ut nunquam nati sint, daß sie nie geböhren wären, non nati essent; sic: optandum est, ut ista narratio de caede amici falsa fuerit! i. e. falsch mag s. möge gewesen seyn. Opro, ut pater incolumis Liphiam venerit, daß er mag gesund nach Leipzig gekommen seyn. Vereor, ut scripserit, i. e. er möchte nicht geschrieben haben. — Post ne: v. c. timeo, ne jam venerit, i. e. er möchte schon gekommen seyn: timeo, ne mortuus sit. — Post quo: v. c. impedior adhuc, quo minus rem perfecero: at usitatus est impeditus sum, quo minus rem perficerem. — Post quin: v. c. non dubito, quin fecerit, venerit, hortatus sit etc. Non dubium est, quin Augustus Virgilium magni fecerit. Cic. Quint. 18 causae nil dicimus, quin tibi vadimonium promiserit. — Post qui et ceteras particulas: v. c. sunt, qui dixerint, scripserint, narraverint; sic: sunt, qui saepe jam admoniti sunt, nec tamen meliores fieri velint. Priscos, qui tam praeclaros libros scripserint, a nobis magni fieri non mirum est. Non is sum, qui talia dicere potuerim, non potuissim, ut vernacula loquitur: der das hätte sagen können. Sic: scio, quid feceris, unde veneris. Nescio, car credere noluerit; dic, ubi fueris, et quando redieris;

redieris; scribe mihi, an res ita gesta sit, et quomodo omnia facta sint. Cic. Quint. 18 testes tot, quibus omnibus causa iustissima est, cur scire potuerint; nulla, cur mentiantur: ubi notes, post praesens et perfectum et praesens poni, idque recte. Cic. Verr. I, 13 Videamus, rationes quemadmodum retulerit.

b) Futurum: v. c. hinc sequitur, ut Iudaei Iesum nunquam pro Messia habituri sint. Neesse est, homo ignavus nunquam dignitatem consecuturus sit s. hominem ignavum — consecuturum esse. Timeo, ne pater prius rediturus sit, quam id fieri possit. Non dubito, quin tu semper in ista sententia mansurus sis. Sic: patrem proficisci gaudeo, non, quo rediturus sit ditior, i. e. nicht, als wenn er reicher zurückkommen würde. — Sic post qui et alias particulas: v. c. non is sum, qui nunquam moriturus sim, qui omnia visurus sim etc.; dic mihi, quando pater venturus sit, quid acturus sis, ubi in posterum habitaturus sis; nescio, an reditura sit mater etc. Nisi forte dicendum, tō sim, sis, sit in his futuris semper manere praesens.

Tria itaque post praesens recte poni possunt tempora: praesens, praeteritum, et futurum. — Quaeritur, an etiam imperfectum et plusquamperfectum? Recte, si res poscit: v. c. in talibus formulis: dic mihi, quid faceres, ubi habitares etc. i. e. was du thun würdest, wo du wohnen würdest cet. Cic. ad Div. VIII, 14 §. 6 gratulor tibi, cum tantum vales apud Dolabellam, quantum si (i. e. ut si tantum) ego apud sororis filium valerem, jam salvi esse possemus; ubi valerem magis perspicuum est quam si dixisset valeam. Porro: dic mihi, quid fecisses s. facturus fuisses, würdest gethan haben; dic mihi, ubi habitasses s. habitaturus fuisses, gewohnt hättest, würdest gewohnt haben: Sic: scire velim, quid tu dixisses, fecisses, si isto loco fuisses, i. e. was du gesagt, gethan, hättest s. würdest gesagt, gethan, haben. Sic: dic mihi, an venisses s. venturus fuisses, ob du würdest gekommen seyn, gekommen wärest. Sic: nescio, an tu librum vere emisisses, si copia tibi fuisset, ob du das Buch auch wirklich gekauft hättest etc., s. emturus fuisses. Quis hic ponere audeat: dixeris, feceris, veneris, emeris? Hinc patet, quantopere errent, qui putant, satis se de consecutione temporum dixisse, si dixerint: post praesens et futurum debet praesens, post cetera tempora imperfectum poni. Id quod e sequentibus magis apparebit. Not. anomaliam vid. infra post n. 5.

2) Praesens post futurum. Sic plerumque post *ut*, *ne*, *quo*, *quin* debet fieri: v. c. *rogabo patrem, ut librum mihi emat; cras necesse erit scribam; cras oportebit legamus istum librum s. nos legere. Coges me, ut tandem dicam. Qui mihi suadebit, ut mentiar, is faciet, ut pro improbo a me habeatur. Per omnem vitam timebo, ne errem s. errare possim.* Cic. ad Div. III, ep. 8 §. 22 *Non dicam plura, ne, in quo te objurgem, id ipsum videar imitari.* Cic. ad Div. III, ep. 7 §. 19 *non perficies, quo minus tua causa velim, non vellem, ut vernacula suavisset.* Sic: *nunquam te impediturus sum, quo minus virtuti studeas; nunquam dubitabo, quin Deus justus sit; Iudaei nunquam dubitabunt, quin Messias nondum adsit.* Cic. ad Div. III, ep. 8 §. 3 *Si quid egero, scribam ad te, neque domum unquam ad me literas mittam, quin adjungam eas, quas tibi reddi velim, i. e. daß ich nicht auch einen Brief an dich mit hinzufügen sollte.* — Male hic dictum esset: *adjungerem vel adjuncturus sim* etc. — Post *qui*, *quae*, *quod* semper in his formulis: *erant*, *qui dicant: reperientur, inventientur, qui rem istam affirmant. Semper erit, quod dicas; non erit, quod fleas* etc. Sic: *faciam, quae velim.* Cic. ad Div. III, ep. 7 §. 6 *Sed scito, — me tamen, quod te velle existimem, esse facturum.* — Post particulas *quis*, *quid*, *ubi*, *quando*, *cur* etc. saepe h. e. ubicunque notio praesentis temporis adest: v. c. *cras videbo, quid agas, quis iste homo sit, ubi habites. Mox tibi dicam, unde ista res oriatur, cur mihi non placeat, et an credibilis sit* etc.

Not. At perfectum debet post futurum poni, si de re praeterita sermo est: v. c. in his similibusque formulis: *quando magister tuus venerit, necesse erit, lectionem tuam didiceris. Cras necesse erit, laborem finitum esse s. labor finitus sit, nisi in vituperationem incurrere voles. Si pater cras non redierit, timebo, ne forsan a latronibus sit occisus. Narrabo tibi saltem aliquid, ne prorsus frustra apud me fueris. Nunquam dubitabo, quin Deus mandum creaverit. Dicam tibi, quis librum istum scripserit, quid tractaverit. Dicam tibi, quid et quomodo egerim, vixerim* etc. *Cras tibi narrabo, quando et quomodo Cajus mortuus sit, et ubi eum sepeliverimus. Cras audiemus, an res vere ita gesta sit, et cur nondum nota facta sit.* Cic. Verr. I, 13 *Iam ipse ostendit, quamobrem Cn. Carbonem reliquerit.* Agr. II, 8 in. *Quaeret quispiam, in tanta injuria — quid spectarit. — Quaeritur, an post futurum possit quoque imperfectum vel plusquamperfectum poni. Utrique, si res ita fert, non*

quidem cum *ut* vel *ne*, cet., at cum *quis*, *quid*, *ubi* similibusve: a) *Imperfectum*, ubi de re incerta vel possibili sermo, et ubi vernaculo *würden* exprimendum est, v. c. si quis ex me quaereret, quid facerem, si me latrones adorirentur, respondere possum: *dicam tibi, quid facerem* s. *facturus essem*. *ich will dir sagen, was ich thäte* s. *thun würde*: sic *audies*, *quis talia auderet, unternehmen würde*. Not. *fore*-seq. *imperfecto*, quod saepe apud priscos occurrit, non huc pertinet, quamquam imperitis videatur huc trahendum esse, v. c. *sperabam fore, ut veniret: videbam fore, ut moreretur*. At *fore* non est tempus futurum, sed, ut omnino praesens et imperfect. verbi *forem*, ita in istis formis est imperfectum, quia imperfecta *sperabam, videbam*, praecedunt. b) *Plusquamperfecto conjunctivi* non magis superfedere licebit: v. c. Si quem reprehendissem, quod a latronibus petitus se non defendisset, et is ex me quaereret sui excusandi causa, quid ego in tali re fecissem, quomodo respondebo? Haud dubie dixerim: *dicam tibi, quid ego egissem* s. *actus fuisset*, *was ich gethan hätte, gethan haben würde*. Hoc postulat perspicuitas. Nam si dico: *dicam tibi, quid egerim*, hoc significat, *was ich gethan habe, gethan haben mag*. — An vero etiam *futurum* post *futurum* poni possit? — Potest, si notio ita postulat et perspicuitas: v. c. *Si pater tuus non mox revertetur, timebo forsan, ne post multos menses demum rediturus sit. Dicam tibi, quando reversurus sim: proxime tibi scribam, an venturus sim, an aliquem mecum ducturus sim* etc. Nisi forte velis hoc *sim* in *venturus* etc. pro praesente habere. Not. anomaliam ap. priscos vid. infra post n. 5.

3) *Imperfectum* post *Imperfectum*: ita plerumque, quia relatio idearum ita plerumque postulat; v. c. *rogabam, ut id faceret; necesse erat, pater profisceretur; timebam, ne id accideret. Impediebat me, quo minus scriberem*. Cic. ad Div. III, ep. 7 §. 5 *literis, per quas mecum agebas, ne eos impedirem, quo minus ante hyemem aedificarent, non aedificent. Sic: non dubitabam, quin res ita se haberet; nesciebam, quid velles, ubi esses; dicebam ei aperte, quid sentirem, quis ille homo esset, cur nollem id facere, cur non possem perficere; scribebat mihi, quomodo res ageretur. Sic: rogabam eum, ut homines, quos amaret, etiam defenderet. Audiebam, eos, qui ita dicere, laudari*. Not. *laudari* est *imperfectum*, quia ab *audiebam* pender: ne forsan tirones, ut solent, ubique pro praesente habeant. Sic: *memini, homines non nisi ea dicere, quae*

quae vera essent. — Male sint, quia dicere hic est imperfectum. Sic: sciebam, omnia, quae legeret, pulchra esse, non legat, quia esse est imperfectum; add. Cic. ad Div. III, ep. 6 §. II literas accepi, quae me docerent, quid ageres, aut ubi te visurus essem; ubi tiro male dixisset: agas, visurus sim, quia vernacule vertitur: was du machst, und wo wir dich sprechen werden. — Sic semper dicendum: nec unquam praesens, nec perfectum, nec futurum post imperfectum ponendum est. — At plusquamperfectum saepe debet, post imperfectum poni, si scilicet res exprimenda prius facta vel prius cogitanda est, quam ea; quae praecedente imperfecto exprimebatur. V. c. Heri optabam, ut pater venisset. Stultus ille nuper optabat, ut dudum mortuus esset, vel ut nunquam natus esset. Optandum erat vel esset, ut res ista nunquam accidisset: vellem hominem illum nequam nunquam vidissem. Sic Cic. ad Div. VII ep. 16 §. 3 Vellem eum tecum abduxisses; olim necesse erat, homo multa didicisset, qui alios erudire vellet. Sic: timebam, ne domus conflagrasset; metuebam, ne tu meum filium corrupisses, möchtest ihn verdorben haben; scribebam ista, non, quo vera credidissem; non dubitabam, quin Caesar jam advenisset; Caesar non dubitabat, quin victoria amissa esset. Parum aberat, quin cecidissem. Sic: sciebam, quid audivisses, quis tibi narrasset; nesciebam, quando mortuus esset; interrogabam, an scripsisset, cur intermisisset. Sic: dolebam, quod abierat: gaudebam, quod manserat. Erant, qui audivissent istud. Rogabam eum, ut, si quid audisset, mihi narraret. Hic audisset sequitur tō narraret. Sciebam, homines, qui talia fecissent, graviter puniri. Hic puniri est imperf., ut in illo: memini me dicere. Sic Cic. ad Div. III, ep. 7 §. 13 Viros esse, qui ista reliquissent, magnos arbitrabar; ubi esse itidem est imperfectum. — Sic semper dicendum: nec audiendi sunt, qui ubique inculcant tantum: post imperfectum debere poni imperfectum. At hoc certum est, praeter imperfectum et plusquamperfectum non aliud tempus post imperfectum recte poni posse. Nam de fore, i. e. futurum esse, jam supra monui, si sequatur imperfectum, esse imperfectum: nam per se est et praesens et imperfectum verbi forem. Quando itaque dico: spero fore, ut non moriatur, tō fore est praesens, quia a praesente spero pendet: Quando vero dico: sperabam fore, ut non moreretur, tō fore est imperfectum, quia pendet ab imperf. sperabam; hinc debebat sequi moreretur, et falsum omnino fuisset moriatur.

4) Imperfectum post perfectum. Ita plerumque fieri debet, etsi plerumque hac in re tirones peccant, ac perfectum

eligunt aliudve tempus, nisi vernaculae similitudo adjuvat. — Post ut: v. c. rogavi patrem, ut librum emeret; impulite, ut scriberes: et sic post omnia verba volendi, rogandi, monendi, suadendi, permittendi; post utile fuit, necesse fuit, opus fuit, semper sequi debet imperfectum. V. c. necesse fuit, ista faceres; hortatus sum illum, ut festinaret, non festinet; persuasit mihi, ut illud facerem, non fecerim, licet vernacule dicatur: Er hat mich überredet, daß ichs gethan habe; opus fuit s. oportuit pater proficisceretur, non proficiscatur aut profectus sit. — Post cetera verba, ut post se postulantia: v. c. efficere, facere, id consequi: post factum est, contigit, accidit, evenit: post tam, ita, sic, talis, tantus etc. plerumque etiam imperfectum solet sequi, praecedente perfecto: v. c. Pater effecit, ut dives existimaretur, non existimatus sit, licet interdum vernacule dicatur: daß er für reich gehalten worden ist. Sic: Licet vera dixissem, tamen non effeci, ut homines mihi crederent, non crediderint vel credidissent, licet nostri: Ob ich gleich die Wahrheit gesagt hatte, so habe ichs doch nicht dahin gebracht, daß mir die Leute geglaubt hätten. Sic: Doctrina tua effecit, ut ab omnibus laudareris, i. e. daß du von allen bist gelobt worden: male diceretur: laudatus sis. Sic: Pompejus magnis suis rebus gestis id affectus est, ut Magnus appellaretur, i. e. hat es durch seine Thaten so weit s. dahin gebracht, daß er der Große genannt worden ist s. daß er den Beynamen des Großen erhalten hat, non appellatus sit. Sic: Factum est, ut praeter opinionem pater rediret, non redierit, licet nostri interdum: Es ist geschehen, daß der Vater wider Vermuthen zurück gekommen ist. Sic: Saepe accidit, ut filius patri non obtemperaret, imo eum recaret, non obtemperaverit, necaverit, licet vernacula dicat: Es hat sich oft zugetragen, daß ein Sohn seinem Vater nicht gehorcht, ja ihn sogar umgebracht, hat. Sic: Contigit mihi nuper, ut homines meam sententiam sequerentur, i. e. ich habe neulich das Glück gehabt, daß die Leute meiner Meinung gefolgt sind, non secuti sint. Sic: Audio factum esse, contigisse, accidisse, ut homines aliter sentirent, non senserint. Sic: Oratio tua ita placuit, ut homines te valde admirarentur, non admirati sint; nostri: dich sehr bewundert haben. Sic: Patris tui doctrina tanta fuit, ut major esse non posset, non potuerit. Sic: Tantum librorum s. tot libros misit mihi, ut fere non omnes legere possem, non potuerim, licet nostri: daß ich sie beynahe nicht alle habe lesen können. — Haec omnia recte: ac sic sapissime prisci. Sed ut nos in vernacula lingua post *το* daß, si perfectum praecessit,

cessit, saepe non modo *imperfecto*, sed etiam, si actio finita indicatur, *perfecto* utimur, sic et apud Latinos post *perfectum* rō ut, si actio finita indicatur, saepe *perfecto* jungitur, v. c. Cic. Arch. 5 in. *tanta diligentia fuit, ut ad Lentulum venerit*: Cic. Sall. 23 *ita se gessit, ut nihil cogitarit*: Cic. Mur. 5 in. *ita fuit infirma, ut coegerit*. Ibid. 9 in. *Asiam sic obiit, ut — reliquerit*. Cic. Harusp. 25 *ita cecidit, ut — regnaverit*. Cic. Mil. 14 *ita est mulctatus, ut vitam amiserit*. Cic. Deiot. 5 *in eam partem accepta sunt, ut — adfeceris*. Cic. Phil. V, 12 *ita addixit, ut — reliquerit*. Cic. Mur. 15 *tantum valuit, ut se — renovarit*. Ibid. 16 *tantum posuit, ut — judicaret*. Sic in primis Nepos, v. c. Themistocl. 4 §. 3 *tam angusto mari confligit, ut multitudo navium explicari non potuerit, pro posset*. Agel. 5 *tantum absuit ab insolentia, ut commiseratus sit, pro commiseraretur*. Attic. 12 *tantum absuit a cupiditate, ut usus sit etc., pro uteretur*: ib. 14 *tanta usus est moderatione, ut — gesserit, pro gereret etc.* Ergo *perfectum* non damnandum. — Utitur et Nepos praesente pro *imperfecto*: Alcib. 1 in. *In hoc natura, quid efficere possit, videtur experta, pro posset*; nisi forsan ita legendum. — At saepe debet praesens pro *imperfecto* poni; scilicet, quando de re vel actione praesente tantum sermo est, atque ita perspicuitas valde laederetur, si tum uteremur *imperfecto*: v. c. hic homo sua bona ita dissipavit, ut nunc pauper sit s. ut nunc nil amplius restet. Sic dicendum, non esset, restaret. Hoc enim possit explicari: daß er nun arm seyn würde, daß ihm nun nichts mehr übrig bleiben würde: quod tamen non intelligi debuit. Sic: hic homo tam pauca didicit, ut fere ne legere quidem sciat, daß er nicht einmal lesen kann, scilicet jetzt: male hic dicatur: sciret. Nam sciret non de praesente tempore, sed de praeterito, intelligi debet. Si sciret ponitur, sensus est: daß er nicht einmal lesen konnte. Utrumque igitur recte dicitur: ut ne legere quidem sciret, et: ut ne legere quidem sciat; at diverso sensu: illud ad praeteritum quoddam tempus, hoc ad praesens refertur. Hinc patet, iudicio opus hic esse, Sic dici debet: consecutus sum hoc, ut homines me laudent, si nunc laudant: et ut homines me laudent, si jam me laudaverunt. Cic. ad Div. V, ep. 6 §. 7 Ego autem meis rebus gestis hoc sum adsecutus, ut bonum nomen existimer, i. e. habe es dahin gebracht, daß ich für einen guten Schuldner gehalten werde, scilicet nunc; poterat quoque dicere: existimarer: sed alio sensu: tum foret: daß ich — gehalten worden bin, scilicet olim, non nunc. Sic: industria tua effecit, ut nunc doctissimus sis. Sic: tua industria indefessa factum est, ut homines te pro doctissimo habeant, scilicet nunc. —

Si utriusque temporis et praesentis et praeteriti ratio haberi debet, utrumque ponendum est: v. c. *industria tua indefessa factum est* s. hoc consecutus es, ut ab omnibus laudareris et adhuc lauderis: sic recte; effecit, ut laudaretur et adhuc laudetur ab omnibus. — Not. Ut paulo ante dixi, priscos post perfectum saepe quoque perfecto pro imperfecto uti, ita perfectum post perfectum interdum tam necessario sequi debet, ut usus imperfecti tum sit vitiosus h. e. perspicuitati officiat, v. c. Cicero tam praeclare latine scripsit, ut consolationem a Sigonio editam vix scribere potuerit s. scripserit, i. e. daß er es kaum geschrieben haben kann, kaum geschrieben haben mag. Quis hic ponat: posset, scriberet? Nonnulli ad evitandum hoc perfectum pro eo dicere solent: ut Cicero vix scripsisse videatur. Non male. At non omnino necessarium. — Etiam futurum interdum sequitur, ac sequi debet, v. c. *tu perfidia tua effecisti, ut nemo tibi in posterum fidem habiturus sit*: sic dicendum. — Post ne: v. c. *timui, ne id accideret*, non accidat. Dixi hoc propterea, ne crederes etc. Sic: *timui, ne pater venturus esset*: sic semper dicendum. — At interdum etiam plusquamperfectum, postulante ita temporis ratione: v. c. *heri valde timui, ne pater interfectus esset*, möchte umgebracht worden seyn, non interficeretur, quod alium sensum pareret. — Post quo: v. c. *non te impedivi, quo minus festinares, non festines*. Impeditus sum ista re, quo minus rem tam celeriter conficere possem, non potuerim. Sic semper dicendum, licet nostri: daß ich nicht gekonnt habe etc. Cic. ad Div. VI, ep. 23 in. *Non ea res me deterruit, quo minus — literas ad te mitterem, non miserim*. Ad Div. VIII, ep. 17 §. 7 *Haec tibi antea non rescripsi, non quo cessator esse solem, nicht als wenn ich pflegte etc.* — Post quin: v. c. *nunquam dubitavi, quin tu istam rem perficere posses, non possis, nec potueris, nec potuisses*. Nemo adhuc dubitavit, quin deus esset benignus, non sit, licet nostri praesenti utantur et loquantur: niemand hat noch daran gezweifelt, daß Gott gütig sey. Nemo dubitavit, quin res ita evenitura esset, quin pater venturus esset, non sit, licet nostri interdum: daß die Sache so ablaufen werde, daß der Vater kommen werde. Cic. ad Div. V, ep. 19 in. *Et si mihi nunquam dubium fuit, quin tibi essem carissimus*, i. e. daß du mich sehr lieb habest, daß ich dir sehr werth sey, ubi vernacula forsan tironibus suavisset, ut dicerent: *sim*. Male. Semper imperfectum poni debet, vel simplex illud, ut *legerem* etc., vel conjugationis periphrasticae, ut *lecturus essem* etc. — Post qui: v. c. semper in hac forma: *fuerunt, qui dicerent, nostri: es sind Leute gewesen, die gesagt haben*. Sic: *reperi sunt, inventi sunt*,

sunt, qui crederent. Sic in epistola Sulpicii in Epp. Cic. ad Div. III, ep. 12 §. 6 *inventus est amicus, qui ei mortem adferret, non attulerit, licet ita vernacula: es hat sich ein Freund finden lassen, der ihn umgebracht hat.* Sic: *notum est, semper fuisse, qui dicerent, non dixerint: miraris, homines repertos esse, qui amicos occiderent?* Cic. ad Div. III, ep. 6 §. II *litteras accepi, quae me docerent etc.* Sic: *pater dignus fuit, qui diutius viveret, non vivat.* Sic: *audivi, te librum scripsisse, qui nemini placeret, non placeat, licet vernacula: welches niemand gefällt; dicunt, aliquem advenisse, qui profiteretur artem magicam, non profiteatur.* Sic semper dicendum est. — At pro imperfecto interdum, h. e. re ipsa ac perspicuitate exigente, quoque plusquamperfectum ponendum est. V. c. *dicunt, libros combustos esse, quos emissas a Cajo.* Sic: *Catilina non is fuit, qui contra Ciceronem tacuisset, nisi res aperta fuisset.* Cicero non is fuit, qui ausus esset Romae manere triumviris adventantibus. Si quis tamen pro tacuisset et ausus esset ponere velit taceret et auderet, non repugnaverim, ac Cicero ipse interdum imperfecto pro plusquamperfecto contra perspicuitatem utitur, v. c. Verr. II, I extr. *neque tam facile opes Carthagini tantae concidissent, nisi illud et rei frumentariae subsidium et receptaculum classibus nostris pateret, pro patuisset.* Attamen videndum, annon perspicuitas laedatur: et malim, Ciceronem ipsum scripsisse *patuisset*, et omnino tum ipsum tum ceteros priscos ista enallage, quam vocant, abstinuisse. Perspicuitas plus valet, quam enallage. — Post *quis, quid, quam, ubi, quando*, aliasque particulas. V. c. *sero cognovi, quis esset, non sit, licet nostri: wer es sey.* *Scripsit mihi, quid ibi gereretur, non geratur, licet nostra: was da vorgeht.* *Dixi tibi, quid vellem, non velim vel volo, licet nostri: ich habe dirs ja gesagt, was ich will.* Interdum perfectum vel plusquamperfectum: v. c. *dixi tibi, quid patri scripserim vel scripsissem, si de re praeterita sermo.* — Sic: *jam perspexisti, quam praeclara esset virtus, non sit, licet nostri: wie vortreflich die Tugend sey; dixit mihi, quam aegre ferret, non ferat: nostri quidem: wie leid es ihm thue, wie er sich betrübe.* Cic. ad Div. III, ep. 5 §. 2 *nam, quam fortiter ferres communes miseras, non perspexi, non feras, quia perspexi praecedit; licet vernacule verti debeat: denn wie standhaft du die gemeine Noth erträgstst & ertragest, das habe ich nicht daraus gesehen.* Ib. ep. 6 §. 5 *ex quibus perspexisse mihi videor, quam festinares accedere, non festines, licet vernacule reddatur: wie du eilest, non eilest.* Interdum perfectum vel plusquamperfectum: v. c. *dixit mihi, quam aegre tuleris vel tulisset, si de re praeterita sermo est.*

est. — Sic: dixit mihi, ubi habitaret, ubi esset, ubi dormiret, ubi divitiae suae essent, non habitet, sit, dormiat, sint, licet vernacula praesente utatur. At, ubi res postulat, debet perfectum et plusquamperfectum sequi, v. c. dixit mihi, ubi latueris vel latuisset isto tempore, quo hostes ipsum quaesiverint vel quaesivissent, wo er sich versteckt habe s. hätte etc.

Not. a) memini, novi etc., et similia verba, quae in perfecto vim praesentis habent, v. c. consuevi, pro praesentibus hic habentur, non pro perfectis.

b) perfecta conjunctivi, si pro praesentibus usurpentur, v. c. objecerit, dixerit aliquis pro objiciat, dicat, es möchte jemand sagen etc. hic itidem inter perfecta non referenda. Hinc recte dicitur: si me rogaveris, ut veniam, non venirem, quia rogaveris est i. q. roges. Sic: necesse fuerit moriatur, non moreretur, i. e. er möchte wohl sterben müssen, ad verba: es möchte unvermeidlich seyn, daß er stürbe; fuerit i. q. sit. Hinc, si verba vernacula: du möchtest mich fragen, was ich machte, vertere vis, debes dicere: quaeras vel quaesieris ex me, quid agam, non agerem: quia rō quaesieris hic est i. q. quaeras. Sic ubique Cicero.

5) Imperfectum post plusquamperfectum. Ita semper post ut, ne, quin, quo minus: — post ut: v. c. rogaveram te dudum, ut id faceres: Si tu homini suavissem, ut aliud consilium caperet, non cepisset, nec capere debuisset. Nemo praeter te efficere potuisset, ut respublica liberaretur, non liberata esset, licet interdum nostri: niemand hätte das bewirken, es dahin bringen, können, daß der Staat in Freyheit gesetzt worden wäre. Ego profecto effecissem, ut literas amare inciperes, non incepissem, licet vernacule dicatur: daß du die Gelehrsamkeit zu lieben angefangen hättest. Contigerat ei, ut dux eligeretur, non electus sit, esset. Ita amatus fuerat ab omnibus, ut ardentius amari non posset, non potuisset. Sic: hanc tibi gratiam retulissem, ut omnia, quae velles, tibi darem, pro dedissem, vernacule: ich hätte dir solchen Dank abgestattet, daß ich dir alles gegeben hätte, was du gewollt hättest, quamquam hic forsitan non nemini permiserim uti dedissem. Optaverant omnes, ut moreretur; at aliud est: optaverant omnes, ut diu mortuus esset: hoc est: daß er gestorben wäre, de re praeterita: illud, daß er sterben möchte. Valde ergo differunt. — Post ne: v. c. timueram, ne ita res caderet: Si timuisssem, ut iste moreretur etc. — Post quo: v. c. non impeditus erat, quo minus venire posset, non potuisset. Sic: si tu me impedivisses, quo minus rem illam perficerem etc., non perfecissem, licet vernacule dicatur;

catur: wenn du mich verhindert hättest, daß ich nicht die Sache zu Stande gebracht hätte. — Post quin: v. c. nunquam dubium fuerat, quin res ita caderet. Nunquam dubitassemus, quin tu rem illam recte intelligeres et recte gesturus esses. — Sic et fere post qui, quis, quid, ubi etc. V. c. post qui: v. c. fuerant, qui dicerent: si reperti fuissent, qui id negarent, non dixissent, negassent, licet vernacule: die das gesagt hatten, die das geläugnet hätten. — Post quis, quid, cur, an, ubi etc.: v. c. cum intellexissem, quid sentiret, qualis homo esset, non sentiat, sit, licet nostri: da ich gesehen hatte s. da ich sah, was er denke, was er für ein Mensch sey. Debet tamen plusquamperfectum poni, si de re praeterita sermo, v. c. cum vidissem, qualis homo fuisset, scil. olim, et quid sensisset, scil. olim: ubi sentiret et esset falsa forent. Audiveram, ubi esset, ac, si de re praeterita, ubi fuisset. Quaesiverat ex me nuper, an tu valeres; non valeas, ut nostri interdum, ob du gesund seyst, pro wärest: at plusquamperfectum quoque sequi debet, v. c. quaesierat ex eo, an rediisses, ubi latuisses, quando scripsisses etc. — Ceterum hinc patet, in hac consecutione temporum in primis horum vim propriam respiciendam esse. Not. Qui priscos diligenter perlegit, facile videt, istam consecutionem temporum ab iis non semper diligenter servatam esse. Quod utrum ipsis scriptoribus an librariis an editoribustribuendum sit, nunc non quaeram. Exempla adferam: 1) Imperfectum saepe post praesens reperitur: plerumque tamen ubi praesens pro imperfecto vel perfecto ponitur, v. c. in narrationibus: attamen et in aliis, v. c. Liv. II, 37 praecones dimittuntur, qui — jubent. V, 27 ad senatum, qui dederent Falerios, proficiscuntur. VI, 29 locum, quem — communirent, capiunt. XXVII, 43 quid pararet, edocet. Ib. c. 46 eo inclinant sententiae, ut — tempus pugnae differretur. XXXII, 3 petit, ut rem — differret. XXXVIII, 21 prosternunt corpora sic, ut passim procumberent. Et sic saepius. Caes. B. G. I, 9 legatos mitunt, ut — impetrarent: 13, ut consequi posset, curat. III, 11 mittit, qui nuntiarent: ac saepius. Cic. Att. VIII, 6 extr. moriar, si gauderem: 2) praesens post imperfectum; v. c. Caes. B. G. I, 7 qui dicerent, — rogare (Helvetios), ut ejus voluntate id sibi facere liceat proliceret. Sil. Ital. I, 374 Obstabat — Vallum, ne instent. 3) Praesens post perfectum; v. c. Liv. XXXVIII, 22 Saepe — usui fuerunt, ut — regant. XLIII, 2 ab senatu petierunt, ne se — spoliari — patiantur pro paterentur. Cic. Verr. III, 1 Nam qui sibi hoc sumisit, ut corrigat mores aliorum ac peccata reprehendat, quis huic ignoscat etc. ubi Ernesti vult legere sumit pro sumisit. Add.

Liv. XLIII, 21 in. *Senatus decrevit, ut — crearent. — Tum ex omnibus, quos velit, eligat etc. pro vellet, eligeret.* 4) *Perfectum* post *imperfectum*; v. c. Cic. Rosc. Am. 35 *Quid erat, quod — voluerit?*

b) Est et alia consecutio temporum, quae per particulas *et, ac, atque* et similes particulas connectendi copulari solent. Hic dicunt, *et et jungere eadem tempora*, h. e. efficere, ut tempus idem, quod praecesserit, sequi debeat. — At aequae indefinita est haec regula ac superior. Tota res vertitur in idea *temporum* rite exprimenda. Iam, cum uni subiecto non modo duae actiones praesentis temporis, sed etiam duae actiones diversi temporis, tribui simul possint, apparet, in eadem periodo diversa tempora per *et* recte jungi posse. Iunguntur itaque tempora omnis generis, v. c.

1) *eadem tempora*, v. c. *amo te et magni facio: scripsi ad patem, et eum certiore feci.*

2) *praesens et perfectum*. V. c. *cum id sciam et ex aliis audiverim, te literis sedula dare operam.* Sic dici necessario debet. Ac saepe historici jungunt in narrando *praesens* et *perfectum* eodem sensu: v. c. *Caesar educit copias et profectus est: convocat et dixit: admonuit et jubet etc.* Sic saepe Livius, maxime Sallustius, quem tamen morem non imitandum censuerim: sapit enim affectationem.

3) *imperfectum et plusquamperfectum*. V. c. *cum ipse scirem et ex aliis audivissem etc. Cum vidissem, te nullo labore frangi posse, ac cogitarem etc.* Quis tempora eadem hic esse velit?

4) *praesens et futurum*. V. c. *amo te et per omnem aetatem amabo.*

5) *praesens et imperfectum*. V. c. *doleo et semper dolebam.*

6) *imperfectum et futurum*. V. c. *dolebam et forsân semper dolebo.* — Et sic alia quoque tempora jungi poterunt. — Haec hactenus. Ceterum res per se loquitur, nec exemplis priscorum illam confirmari opus est.

SECT. XVIII

De nonnullis germanismis vel mutandis vel retinendis.

Cum saepe accadat, ut lingua latina in vocabulorum usu et compositione a vernacula abeat, saepe vero
etiam

etiam cum hac conveniat: ad hanc vel similitudinem vel dissimilitudinem attendendum est tironi, ne vel germanissimum in latinitatem inferat vel aliquid propterea, quia vernacula ita loquitur, fugiat: nam saepe germanismus bonus est idem bonus latinismus, h. e. saepe videtur aliquid esse vernaculae linguae proprium, cum tamen aequae reperiatur in latina. Hinc paucis dicemus a) de germanismis fugiendis b) de iis locutionibus, quae hominibus latinae linguae non satis peritis videntur esse meri germanismi, at vere latinae quoque sunt h. e. a priscis Romanis modo rarius modo crebrius usurpatae sunt.

A) *Locutiones* aliquot, in quibus tiro vernacula deceptus haerere possit, recenseamus, ut cavere illas possit: v. c.

Cursus vitae non est *der Lebenslauf* simpliciter, i. e. complexus eorum, quae in vita acciderunt, quem narrare aliis solemus: hic rectius dixeris *vita*: v. c. *vitam alicujus exponere*, *den Lebenslauf eines Menschen erzählen*. Sed *cursus vitae* est spatium vitae, quod homini percurrendum est, et quod vel male vel bene percurrere solet.

Vir magnus non de *statura* dicitur, sed de *virtutibus animi, meritis, rebus gestis*. *Socrates, Alexander, Demosthenes* fuerunt viri magni. De *statura* usurpari potest *longus*, ut in francica.

Ducere bellum non est *Krieg führen*, sed *bellum diuturnius redde- dere, verlängern*. *Krieg führen* est *bellum gerere*.

Male audire non est *übel hören*, physice, hoc est *graviter audire*; sed *im üblen Rufe stehen*. Sic *bene audire* de *bona fama*.

Quem in finem non est *quo consilio, zu welcher Absicht*, sed semper i. q. *quamdiu, wie lange?* Hoc apertum est ex Cic. Catil. I, in., ubi cum *quousque* et *quamdiu* cominutatur.

Nullus non potest de duobus dici, licet vernacula simpliciter *keiner, keinen*, dicat: v. c. si quis interrogatus, utrum *Virgilium* an *Horatium* legerit, respondere vult, se neque hunc neque illum legisse: dicit quidem vernacule: *ich habe keinen gelesen* s. *ich habe keinen von ihnen gelesen*; at latine dicere nequit: *nullum legi* s. *nullum eorum legi*, sed: *neutrum legi* s. *neutrum eorum legi*.

Quis non de uno e duobus dici potest: v. c. si quis de Cicerone ac Plinio interroget; welcher ist besser s. der beste, male hoc vertatur: quis est melior? sed: uter est melior? licet vernacula non addat: unter beyden. Et comparativus debet de duobus dici, licet vernacula superlativo utatur: v. c. de Cicerone et Plinio: welcher ist der beste, gelehrteste etc.? debet verti: uter est melior, doctior? Sic de nostris manibus quaerimus vernacule: welche ist die geschickteste? latine: utra est agilior?

Vel et aut non debet poni post utrum omninoque in duplici interrogatione: hic an requiritur; v. c. hast du es gesehen oder gehört? non debet verti: utrum (male an) vidisti aut (vel) audisti? Sed hoc triplici modo verti tantum potest: Utrum vidisti an audivisti? Vidistine an audivisti? Vidisti an audivisti? Sic hoc: ich frage, ob du es gesehen oder gehöret hast, ita vertatur vel: quaero, utrum videris an audiveris; vel quaero, viderisne an audiveris; vel quaero, videris an audieris. Ac, si hoc vertere vis: ich frage, ob du es gehört hast oder nicht, debes ita loqui: quaero, utrum audiveris, nec ne (s. annon).

Quam, quot, quories, quantus, qualis, quantopere in exclamationibus non admittunt rō non, licet vernacula addere gaudeat; v. c. wie schön ist das nicht! wie viele Menschen haben das nicht gesagt! wie oft habe ich dirs nicht gesagt! Latini ita: quam pulchrum est! quot homines tibi jam dixerunt! quories tibi dixi, male: quam pulchrum non est, ab eruditis laudari! quot non dixerunt! quories non tibi dixi!

Quot non facile poni debet, quando rō wie viel pro paucis ponitur; sed quotus quisque: v. c. wie viele gibts wohl, die ihr Leben gern verlieren, vertere debes: quotus quisque est, qui vitam libenter amittat? Sic: quotus quisque hoc credit, i. e. wie viele glauben das wohl? i. e. sehr wenige.

Quot sunt vestrum, i. e. wie viel sind euer, scil. zusammen, falso dicitur; debet dici: quot estis? Ex responsio: es sind unser dreye, zehne etc. non debet verti: nostrum sunt tres etc., sed: nos sumus tres, decem etc. At si quot sunt vestrum est wie viel sind unter euch? et nostrum sunt tres unter uns sind dreye, recte ita dicitur.

Vaticinium, oraculum, impletum est, venit ex hebraica in nostram linguam; rectius: vaticinio, oraculo, eventus respondit. At implere promissum, legem, non damnandum.

Omnibus quadrantibus anni proficiscitur, Er verreiset alle Vierteljahre, perperam dicitur. Debebat saltem esse singulis pro omnibus. — At nec hoc usitate. Debet dici: ter-

rio quoque mense. Sic: pater meus omnibus s. singulis septem diebus cibo se abstinere, fastet alle sieben Tage, falsum est pro: septimo quoque die, sic in ceteris.

Quantum das pro coena, pro institutione, pro habitatione? *Wie viel gibst du für den Tisch, Unterricht, Wohnung?* Non satis perspicue dicitur, saltem dici debebat *quantum mercedis* das etc. Melius tamen: *quanti coenas? quanti doceris? quanti habitas!* sic enim prisci.

Non possum rem mihi repraesentare, ich kann mir die Sache nicht vorstellen, male. Imo: non cogitare possum. Nam denken et sich vorstellen idem est.

Homo odit alterum, amicus alterum amat, male. Imo: homo hominem odit, amicus amicum amat. Sic: cuneus cuneum trudit, manus manum lavat, eine Hand wäscht die andre, ubi alterum, alteram, falsum foret. Sic et in ceteris dicendum.

Hinc venit, ut omnes illum fugiant, daher kömmts, daß etc., imperite pro: hinc fit, ut etc.

Sine omni dubitatione, ohne allen Zweifel, non plane damnaverim: tamen cum priscis malim dicere *sine ulla dubitatione*.

Non semel nicht einmal, ne semel quidem valde differunt a nequidem nicht einmal. **Non semel** est saepe mehr als einmal, oft: ne semel quidem est nunquam: v. c. **Non semel** te admonui, ich habe dich oft, s. nicht etwa bloß einmal, erinnere: **Ne semel quidem** apud me fuisti, du bist nicht ein einzimal bey mir gewesen: **Hic puer** ne legere quidem didicit, hat nicht einmal lesen gelernt.

Qui modo sit, wer es nur sey, es sey wer es nur wolle, male pro quicumque est: v. c. homo, quicumque est, Deum debet amare. **Quicumque** est proprie i. q. omnis qui. Sic: **ubicumque** est, er sey, wo er nur wolle etc.

Res facile est intelligenda, invenienda, ist leicht zu verstehen, zu finden, male; dici debet: *res facile intelligitur, intelligi, inveniri, potest; rem facile intelligere, invenire, licet.* **Res facile est intelligenda** est die Sache muß leicht verstanden werden. Sic et **facile videndum** est, es ist leicht zu sehen, male pro **facile est videre**, *facile videre licet.*

Liber a te legendus est, male pro tibi. Et post gerundia ac participia talia semper dativus personae poni debet. V. c. **pater est mihi amandus**: prisci enim ita malunt loqui.

Spero patrem mox videre, ich hoffe den Vater bald zu sehen, perperam pro: **spero**, me patrem mox visurum s. fore, ut

mox videam. Spero, si res futura sequitur, post se debet habere accusativum cum infinitivo futuri, vel fore, ut.

Non possum comprehendere, quomodo v. c. Hannibal poruerit Alpes transgredi, Ich kanns nicht begreifen etc. Male.

Imo: non intelligere possum. Sic pro: non comprehendere potest, quomodo etc., debet dici: non intelligi potest.

Tam longe pervenit in doctrina, in impudentia, er ist so weit gekommen in der Gelehrsamkeit etc. Male. Imo: eo doctrinae, eo impudentiae, progressus est, processit s. pervenit.

Communicare aliquid alicui male pro cum aliquo.

Ita comparatum est cum hac re, so ist's beschaffen etc. Male pro res est talis, sic se habet, s. haec est rei ratio, natura etc.

Non possum describere, quam crudeliter se gesserit; quam pulchra, dives, sit, ich kanns gar nicht beschreiben, wie grausam er sich betragen; wie schön, wie reich, sie ist. Male pro: non dicere possum, quam etc. Sic: Man kanns nicht beschreiben, wie schön etc. Non potest dici, quam etc. Sic semper prisci.

Magnum honoris gradum accipere, eine große Ehrenstelle erhalten. Male pro: altum honoris gradum adscendere. De gradu, i. e. Stufe, neque magnus neque accipere dici potest.

Non recte prudenter rem egit, er hat die Sache nicht recht vorsichtig verrichtet. Male pro: non satis prudenter etc. Saepe vernaculum recte est latinum satis. Sic: ich verstehe dich nicht recht, te non satis intelligo: bist du recht klug? satisne sanus es?

Recte valde doctus vir est, er ist ein recht sehr gelehrter Mann. Male pro: est vir quam doctissimus, longe doctissimus: tō recte junctum tā sehr est particula augendi.

Remedium rei, v. c. doctrinae, ein Mittel zur Gelehrsamkeit. Male pro: via ad doctrinam. Remedium est id, quod contra aliquid usurpatur, ein Mittel wider etwas böses. V. c. Remedium morbi, doloris.

Recta sapientia est Deo placere, recta via, i. e. die rechte Weisheit, der rechte Weg. Male, imo vera.

Cor Herz i. e. Muth: male: imo animus.

Facere sibi conscientiam sich ein Gewissen machen: male: quia conscientia non respondet vernaculo Gewissen, si hoc est i. q. Bedenklichkeit, Scrupel. Et sic in aliis vocabulis jungendis facillime tiro vacabit errore, si quidem illa singula antea intellexerit.

B) Locutiones, quae interdum germanismi videntur, et vere occurrunt apud priscos: v. c.

Esse in spe, i. e. in Hoffnung seyn, Cic. ad Div. XIII, ep. 3 §. 4.

Esse in expectatione, in Erwartung seyn, i. e. expectare, Cic. ad Div. X, ep. 4 §. 4. Interdum est i. q. expectari, ibid. VIII, ep. 6 §. 1.

Esse in aere alicujus, in jemandes Schuld seyn; v. c. es in aere meo, du bist in meiner Schuld. Cic. ad Div. XIII, ep. 62 §. 1.

Esse in armis, in Waffen seyn. Sic saepissime.

Esse sub manu, bey der Hand seyn. Planc. in Epp. Cic. ad Div. X, ep. 23 §. 5 Vocontii sub manu ut essent; h. e. ut prope essent mihi.

In manu Dei, iua, nostra etc., i. e. potestate, Es steht in der Hand Gottes etc. Cic. ad Div. XIII, ep. 2 §. 7 Verum haec non sunt in manu nostra.

Esse apud se, bey sich seyn, i. e. compotem sui esse. V. c. Terent. Heaut. V, 1 Prae iracundia non sum apud me, vor Zorn, Hitze, bin ich nicht bey mir selbst.

Esse apud aliquem, bey jemand seyn, scil. zum Besuche. Sic saepe Cicero, Varro etc. Sic et habitare apud aliquem, i. e. in ejus domo, pro quo et dicitur habitare cum aliquo.

Esse inter homines, unter Leuten seyn, i. e. uti hominibus, cui oppon. homines s. hominum conventus fugere. Cic. Rosc. Am. 28 in. qui nunquam inter homines fuerit. Recte igitur de homine, qui vitam solitariam perpetuo egit, dicitur: nunquam inter homines fuit.

Apud Livium Hannibal ita locutus est, i. e. ut Livius narrat. Sic saepe Cicero, v. c. Senect. 9 Cyrus — apud Xenophontem negat etc.: c. 22 in. Apud Xenophontem autem moriens Cyrus major haec dicit etc. Sic nostri: Hannibal spricht beym Livius etc., i. e. in ejus libris inducitur loquens.

Exire de sorte, ut nostri: das Loos ist herausgekommen; sic Latini: fors exit. V. c. Cic. Verr. II, 51.

Incidere in morbum; it. cadere in morbum, in eine Krankheit fallen, saepe Latini.

Spem habere, Hoffnung, haben, Cic. ad Div. VI, ep. 14 §. 1: Et spem habere in aliqua re Coelius Epp. ad Cic. VIII, ep. 11 §. 2.

Ducere se a loco, i. e. abire, aufugere. Sic Asin. Pollio in ep. ad Cic. in Epp. Cic. X, ep. 32 in. Balbus Quaestor —

duxit se a Gadibus; sic nostri in sermone plebejo: *er hat sich abgeführt*; sic Plautus: *duc te hinc*, i. e. *abi*.

Facere librum, ein Buch machen. Varr. R. R. II, praef. 7 *librum feci uxori*. Sic: *versus facere* Sallust. Catil. 25 §. 5: *Sermonem facere*, i. e. ein Gespräch machen, Cic. ad Div. VIII, ep. 9 §. 6.

Facere pecuniam, sich Geld machen, scil. quocunque modo fieri possit, fraude etc.; sic Cicero Verr. II, 6.

Facere alicui timorem, jemand Furcht machen. Sic Planc. in Epp. Cic. ad Div. X, ep. 18 §. 3 — *quae mihi quoque facit timorem*. Sic *facere alicui dolorem* etc.

Facere pro creare magistratus; v. c. *Consulem facere aliquem*, einen zum Consul machen. Cic. Planc. 4 *Facit eos, a quibus est maxime ambitus*, das Volk macht diejenigen (dazu), von denen es am meisten gebethen wird.

Facere iter, eine Reise thun, reisen. Nil frequentius.

Facere, seq. *accusat. cum infinit.*, so thun, als ob etc., i. e. *fingere*. Sic Cic. ad Div. XV, ep. 18 §. 2 *itaque facio, me alias res agere* etc., daher thue ich so, als wenn ich etc. Sic: *fac esse ita omnia*, thu einmal so, als wenn alles so wäre: *faciamus, verum esse* etc., wir wollen so thun, als obs wahr wäre.

Facere bene, gut thun, de effectu salutari medicinae, pro: *salubrem esse*, occurrit ap. Caton. de re rust. 157 §. 6 *Verba sunt: id bene faciet, et mali nihil sinet in corpore consistere*, i. e. das wird gut thun und nichts Böses im Leibe lassen. Sic Colum. VI, 15 in. *Idem remedium optime faciet*, wird sehr gut thun, i. e. *saluberrimum erit*, valde proderit.

Quid hoc homine faciamus? was sollen wir mit diesem Menschen machen? Cic. Verr. II, 16 *quid hoc homine facias?*

Alius factus est, er ist ein andrer Mensch geworden s. er ist ganz anders geworden, i. e. *mutavit se, suam sententiam*. Cic. ad Div. XI, ep. 12 §. 5.

Dare calculos, in lusu illo, die Steine geben, recht geben, i. e. setzen. Notus est versus Ovidii: *tu male jactato, tu male jacta dato*, i. e. *wirf schlecht und gib*, s. *setze das geworfene schlecht*.

Unus recte de duobus seq. altero. At, si de pluribus sermo, *alius dici debet*; v. c. *homines non idem de hac re sentiunt. Alius eam amat, alius averfatur*. Hic *alius* non de uno homine, sed de pluribus simul, intelligendum.

Alter ego, mein andres Ich, Cic. ad Div. VII, ep. 5 in., de homine amicissimo.

Calefacere

Calefacere aliquem, einem warm machen, einem einheizen, i. e. vexare, angere, molestiam exhibere. Sic Cicero aliquoties.

Non mihi hoc sumo, *ut* etc., ich nehme mir das nicht heraus, daß ich sollte etc., pro: *non tantum audeo*. Saepe ita Cicero, v. c. ad Div. VII, ep. 17 §. 3 *Vide, quid mihi sumserim!* sieh, was ich mir herausgenommen habe!

Sumere pecuniam, Geld aufnehmen; *sumere rem pretio*, eine Sache für so und so viel Geld nehmen, i. e. *emere*. Cic. ad Div. VII, ep. 23 §. 5 *Tanti ista* (scil. signa) *quatuor aut quinque sumisti*, i. e. *emisti*. Eruditi vernaculi, qui formulas latinas cum graecis et has cum latinis comparare libenter solent, comparant hoc *sumere* pro *emere* cum graeco λαμβάνειν. At cur non potius cum vernaculo nehmen? V. c. Ich nehme alle meine Waaren bey dem Kaufmanne N., i. e. ich kaufe sie.

Hoc tibi non sic abibit, das wird dir nicht so hingehen. Sic Terent.

Tenere se, sich halten; v. c. Cic. Acad. III, 4 *nec se tenuit, quin contra suum doctorem librum ederet*, er hat sich nicht halten können, daß er nicht etc. Fin. II, 7 *Hoc loco se tenere Triarius non potuit*, hier konnte er sich nicht halten, de cupide dicturo, i. e. konnte nicht länger warten.

Pecunia cadit in illam diem, ist den Tag gefällig. Cic. ad Attic. XV, ep. 20 *in eam diem cadere numos, qui a Quinto debentur*, i. e. das Geld ist auf den Tag zahlbar; sic et nos: die Zahlung fällt richtig etc.

Fidem frangere, die Treue brechen. Cic. Rosc. Com. 6.

Oculum rei adicere, ein Auge auf eine Sache werfen, i. e. *cupidum fieri rei*. Sic Cic. Verr. II, 15 *Partim plane videbant, adjectum esse oculum hereditati*, scil. a Verre.

Age abeamus, mache wir wollen fortgehen: de pluribus agite. Haec enim est significatio hujus verbi, quod otiosum esse male credunt nonnulli.

Agere florem, Blüthe treiben, blühen, Colum. II, 16. Sic et: er treibt ein schändliches Leben, agit vitam turpem.

Ducere vitam, v. c. jucundam, ein angenehmes Leben führen. Saepissime.

Ad summum, ad minimum, zum höchsten s. aufs höchste; zum wenigsten, aufs wenigste: dicitur et *summum, minimum, höchstens, wenigstens*.

Ad manum habere, zur Hand haben. Nep. Att. XVIII, 1 §. 5 *ad manum habuit scribae loco*, er hatte ihn zur Hand, als etc.

Ponamus, wir wollen setzen. *Ponere* enim est tum *affirmare*, v. c. *ponere Deum*, tum *credere*, v. c. *ponere aliquem principem*, i. e. *habere pro principe*. Sic Cic. Acad. III, 1.

Sub ea conditione, unter der Bedingung. Sic Cic. Arch. 10 sub ea conditione, *ne quid postea scriberet*.

Vestis bene sedet; sitzt gut, i. e. paßt gut, ist gerecht, apud Plinium. *Sedere* indicat omnino *firmitatem* et *constantiam* quandam.

Est aliquid, de re non contemnenda, es ist wohl etwas, es will etwas sagen. *Est* litotes. Saepe ita prisca, in primis poetarum, v. c. *est aliquid*, nupsisse Iovi etc. Cic. ad Div. VI, ep. 19 §. 5 qui (int. liber, qui Orator inscribitur,) *si est talis, qualem tibi videri scribis, ego quoque sum aliquid*, i. e. so bilde ich mir etwas ein: ad Attic. III, 2 *si unquam in dicendo fuimus aliquid* etc.

Non est pro homine, es ist nicht für den Menschen, i. e. non aptum est, non convenit ei, non conducit ei. Sic Colum. III, 5 init. *quod ego minime reor esse pro agricola*, ich glaube, daß dieses gar nicht für einen Landwirth, Bauer, sey. Sic Vellej. I, 13 extr. *magis pro republica fuerit* i. e. e re publica fuerit, reip. profuerit. Pro etiam alio sensu convenit vernaculae, v. c. *pro mea parte*, für meinen Theil; *pro concione dicere*, vor der Gemeinde, Versammlung, reden; ac saepius ap. Liv. est pro ante.

Prae lacrymis loqui non possum, vor Thränen: *prae iracundia non sum apud me*, ich bin vor Zorn nicht bey mir selbst. Terent. Heaut. V, 1.

Cum timore vivere, mit Furcht leben, Coelius in Epp. Cic. ad Div. VIII ep. 14 §. 9.

Est mihi cum illo commune, das ist mir mit ihm gemein: vide Cic. ad Div. II ep. 17 §. 15.

Non ita multo post, nicht eben so lange hernach, ubi rō ita respondet vernaculo so. Saepe ita Nepos; it. Cic. Rosc. Am. 23 in. *Non ita multis ante annis ajunt* etc.

Hoc confirmare possum, me nihil unquam de hac re dixisse; ubi hoc redundat. Sic nostri: das kann ich versichern, daß ich etc.

Bene emere, gut kaufen, i. e. vili pretio, wohlfeil: et male emere, schlecht kaufen, i. e. magno, theuer. Contra: bene vendere, gut verkaufen, i. e. magno, theuer: et male vendere, schlecht verkaufen, i. e. parvo, wohlfeil.

In diem vivere, in den Tag hinein leben, proprie est: auf den Tag nur leben, i. e. ita vivere, ut hujus diei tantum, non sequentis temporis, rationem habeas: quod est signum magnae

nae negligentiae. Sic Cic. v. c. Orat. II, 40: *si barbarorum est in diem vivere, nostra consilia sempiternum tempus spectare debent; ubi opponuntur in diem vivere et sempiternu. temp. spectare.* Sic etiam, licet paulo obscurius ob *lulum* verborum de die et in diem vivere, est Philipp. II, 34 *Iam minime miror, te — cum perditissimis latronibus non solum de die, sed etiam in diem, vivere.* Sequentia enim declarant, *in diem vivere* hic esse *ita vivere, ut tempus futurum non cogites.* Nec Graevius hic audiendus.

Cum in eo esset, ut etc., da es an dem war, daß etc.: sic saepe Nepos.

Sic sum, so bin ich; sic vita est hominum, so ist das menschliche Leben, i. e. talis. Sic saepe prisci. V. c. Cic. Rosc. Am. 30 *Sic vita hominum est, ut etc., i. e. so geht es in der Welt etc.*

Ire in semen, in Samen gehen, de plantis ap. Caton. de re rust. 161 §. 3. Sic: in corpus ire, ins Fleisch gehen, i. e. corpus sibi facere, ut Phaedrus loquitur, f. carnosum fieri, ap. Quintil. II, 11. Verba sunt: — ut (juvenes) expatiantur, et gaudeant materia, et quasi in corpus eant. Burm. expl. pinguescant. Male. Aliud enim est pinguescere, aliud in corpus ire f. corpus facere h. e. carnosum fieri. Potest aliquis esse carnosus, nec tamen pinguis.

Provenire, fortkommen, de positis arboribus et plantis. Colum. V, 6 §. 14 Quae ulmus a positione bene provenerit, ejus summae virgae falce debent enodari. Pro est contract. ex porro, ut saepe.

In manus sumere, in die Hände nehmen. Cic. Verr. III, 27 Iste unumquodque vas in manus sumere, laudare, mirari.

Bene it, es geht gut. Cic. Att. XII, ep. 24 extr. De Attica, optime it, i. e. was die betrifft, so gehts recht gut: ibid. XIII, ep. 15 incipit res melius ire, quam putaram, die Sache fängt an besser zu gehen.

Pedibus ire, zu Fusse gehen etc. Dare bibere, zu trinken geben, Terent. Haec haec tenus.

Plura in scriptoribus priscis linguae nostrae simillima ab attendentibus facile reperientur. Est enim lingua vernacula linguae latinae non tam dissimilis quam vulgo creditur. Ac profecto tirones debebant eas locutiones omnes, quae vernaculis sunt similes, quia faciliores sunt, prius discere et usurpare, quam abirent ab usu nostrae linguae. Nam prudentis est, filio prius ostendere viam rectam, quam ei monstrer diverticula. Et tirones, quando statim

ab initio audiunt magistros clamare: *Ne ad verba reddas; est germanissimus, vernacula ita loquitur, abeundum est a vernacula, ut elegantius reddatur* etc., tales tirones non modo credere coguntur, - linguam latinam linguae vernaculae plane dissimilem esse, sed etiam a populari dicendi consuetudine deterrentur, ac, nisi mature ab intelligentibus revocantur, per omne tempus oratione affectata utuntur, et pulchritudinem dicendi non nisi in verborum pompa exquisita quaerunt.

CAP. III

De ordine vocabulorum.

Vocabula non modo iusto *casu, genere, numero, modo, terminatione personali* (vulgo *persona*), *tempore* etc. jungenda, sed etiam *recto ordine* collocanda sunt.

Hic ordo 1) a multis creditur pendere a voluntate nostra, ita, ut non differat, utrum v. c. dicas: *patrem amare debent filii*, an: *filii debent amare patrem*, an: *amare patrem filii debent, debent amare patrem filii* etc. — Male. Interdum quidem, h. e. in rebus levibus, liceat; at non ubique. Sic male Heineccius p. 61 dicit, *perinde esse, adjectiva substantivis sive praeponas sive postponas*. 2) Alii sibi certum ordinem verborum temere finxerunt, et tradiderunt, *hoc vel illud vocabulum libenter praeponi, hoc postponi* etc., quasi hoc perpetuo ac sine ulla causa fieri possit: v. c. Heineccius dixit p. 58, *debere vocativum post aliquot verba demum locum occupare, et casus obliquos nominativo praeponi*; p. 59, *enuntiationem comparativos aut verba malo et praeferat sequentem comparativo et verbo suo eleganter praemittere*, v. c. *vir pace quam bello illustrior*; p. 60, *elegantius verbum substantivum a suo verbo, et infinitivum a suo verbo, se jungi*, v. c. *quaestio decreta a senatu est: laus,*

laus, quae possit e macello peti: et comparativos ac superlativos elegantissime claudere periodum, it. inter substantivum et adjectivum aliquid eleganter interponi; p. 62, *si, nisi, ut*, voci uni aut alteri eleganter postponi, v. c. *id si fecissent* etc. Haec omnia partim falsa, partim indefinite dicta sunt; in multis aliter egerunt prisca, omninoque causas justas habuere, cur hoc vel illud vocabulum aut praemitterent aut postponerent.

Accuratius itaque de hoc ordine vocabulorum dicemus, quem plerumque notionum per illa expressarum ratione et natura niti certissimum est: modo causas altius indagare, nec usus loquendi cognitione historica, h. e. hac regula: *prisca ita dixerunt, quia ita dixerunt*, contenti esse, velimus. Ordo verborum universus est duplex, a) in nonnullis verbis est fixus, b) in plerisque inconstans, h. e. pendet ab ordine idearum, atque ita a perspicuitate, interdum a suavitate, interdum a gravitate dicendi.

SECT. I

Ordo nonnullorum vocabulorum est fixus.

Sunt nonnulla vocabula, quibus certum et immutatum ordinem prisca tribuerint ita, ut causam, qua ducti sint, non ubique satis indagare liceat. Huc pertinent

1) Particulae *nam* (si causam continet), *at* (*attamen*), *verum*, *sed*, quae semper ab initio periodorum vel enuntiationum ponuntur, cujus rei causa ignoratur; it. *quare*, *quemobrem*, aliaeque a pronom. relat. effectae: ubi causa est, quia retinent vim hujus pronominis connectendi, de qua infra. Huc pertinent *conditionales*: *si, nisi*; *concessivae*: *etsi, quamquam* etc., *causales*: *quia, quoniam, cum*; quae semper primum locum in enuntiatione vel periodo occupant, nisi forte vocabulum adsit, quod priorem locum ob notionis rationem interdum mereatur, v. c. *qui nisi, qui quia, tu si* etc.

Contra enim, *vero* (*aber*), *autem*, *quoque*, *quidem* nunquam ab initio enuntiationis, nedum periodi, poni possunt, sed post unum alterumve vocabulum; in primis enim, *vero*
(i. e.,

(i. e. *aber*), *autem* gaudent secundum locum, raro tertium, occupare: v. c. *ego vero, tu enim* etc. Non bene dicatur: *ego tibi enim* s. *vero*; multo pejus: *ego tibi promisi autem* s. *enim* etc. Causa est, quia sic offendatur perspicuitas. Not. si *vero* est i. q. *vere*, non raro praepositur, v. c. Cic. Tusc. II, 11: Div. I, 47: Mur. 31. Rarius primum locum obtinet, si est i. q. *autem*, v. c. Plaut. Rud. III, 3, 56. — *Etenim, itaque, ergo, denique, tandem* solent non nisi primum vel secundum locum obtinere. *Etiam* potest praeponi et postponi; sic et *tamen*: posterius tamen non solet initium facere totarum periodorum, sed tantum membrorum, in primis consequentium.

NB. *quidem* habet in primis vim duplicem a) *concedendi*, *zuar*: quae vis nota. b) *restringendi*, *excipiendi*, qua ea, quae antea de toto vel genere dicta erant, ad partem, speciem, vel individuum transfert, vel id, quod generaliter dictum erat et intelligi debebat, de certa tantum persona, de certa re, certo loco, tempore intelligendum esse monet; et a nobis tum vertitur *wenigstens*, it. *zum Beyspiele*. V. c. *sic senserunt omnes eruditi. Leibnitiis quidem aperte id professus est*, i. e. *Leibniz wenigstens*, s. *zum Beyspiele Leibniz* etc. Male hic diceretur *Leibnitiis aperte quidem* etc. Nam τὸ *quidem* statim subijci debet rei, quae excipitur, et ad quam restrictio illa proprie pertinet. Cic. Senect. 9, cum monuisset, defectionem virium in senibus vulgo obviam saepius vitiis adolescentiae quam senectute ipsa effici, ita pergit: *Libidinosa etenim et intemperans adolescentia effectum corpus tradit senectuti. Cyrus quidem ap. Xenophontem* —, cum admodum senex esset, *negat se unquam sensisse senectutem imbecilliores factam, quam adolescentia fuisset. Verte: Cyrus wenigstens*, vel: *Cyrus zum Beyspiele*: at prius praeplacet, ne notiones vocabulorum praeter necessitatem augeamus. Sic Cic. Offic. III, 17 *Sed, qui sint boni et quid sit bene agi, magna quaestio est. Quintus quidem Scaevola dicebat* etc. Sic dicere possum: *veniam ad te, quocumque tempore jusseris, nunc quidem non possum*. Sic dicendum; male dicatur: *non quidem nunc* etc. Nam τὸ *quidem* ad nunc pertinet. Sic dicimus: *de mea quidem sententia*, non: *de sententia quidem mea*. Cur? quia τὸ *quidem* ad mea tantum referendum.

Huc pertinent duae particulae *ne quidem*, quas sejungendas et unum vocabulum inter eas ponendum recte vulgo dicunt; at neque, cur haec sejunctio fiat, neque, quodnam vocabulum interponi debeat, addunt. Vera causa e praecedentibus intelligi potest. *Quidem* enim hic est illa particula

cula restrictiva, h. e. negat partem, ut eo magis totum negari possit, vel rem exiguam, ut eo magis res major negari queat: v. c. *tu ne unum quidem librum, nedum omnes, legisti*: hic lectio unius libri negatur, ut eo facilius lectio omnium negari possit; *filius tuus ne legere quidem, nedum scribere, potest*: hic τὸ legere tanquam levius negatur, ut inde τὸ scribere, tanquam gravius, eo tutius negari possit. Sed supra jam diximus, τὸ quidem, si sit particula restrictiva, statim subiecto s. rei, ad quam proprie pertinet ista restrictio, subijci debere. Ergo et sic in *ne quidem*. Hinc sequitur, ut non verba quaelibet enuntiationis talis negativae, sed tantum id vocabulum, ad quod restrictio s. negatio proprie et arctissime pertinet s. in quo accentus est. (ut loquimur), interferi debeat. V. c. recte dicitur: *tu ne partem quidem rei accipies, nedum rem ipsam*; at male: *tu ne accipies quidem partem* etc. vel: *tu ne rei quidem accipies partem* etc. — Recte dicitur: *hic homo ne legere quidem dedit, nedum scribere*; male vero: *hic homo ne didicit quidem legere, nedum scribere*. — Recte dicitur: *pauperes saepe ne tantum quidem habent, ut se vestire possint*; male vero: *pauperes ne habent quidem tantum* etc. — Recte dicitur: *ne vidi quidem virum istum unquam, nedum cum eo collocutus sum*; male: *ne virum quidem unquam* etc. vel: *ne unquam quidem virum* etc. Manifeste enim in istis vocabulorum horum: *partem, legere, tantum, vidi*, maxime ratio habetur; *notiones* hae proprie et diserte negantur. Hinc nullum vocabulum est, quod non interferi possit, si quidem in eo accentus est: v. c. *tu ne librum quidem commodare mihi vis, nedum rem majorem*: recte: non vero: *tu ne commodare quidem librum* cet. At recte: *tu librum ne commodare quidem mihi vis, nedum donare*: male: *tu ne librum quidem* cet., sic recte: *tu ne fratri quidem librum commodare vis, nedum alieno*: male: *tu ne librum quidem* cet. Hinc patet, perspicuitatem esse veram causam, cur τὸ quidem istum locum obtinere debeat, ac, nisi huic particulae iste locus tribuatur, sensum orationis atque adeo gravitatem saepe perire. Not. At *ne quidem* conjunctim reperiuntur Cic. Att. II, 16 extr. *illud ne quidem contemniam*. Edit. Ern.

II) Duo substantiva, quorum posterius pro τῷ alter, derandere, ponitur; v. c. *cuneus cuncum trudit, homo hominem odit, manus manum lavat* etc. semper hoc ordine manere debent. Falsum foret: *homo amat hominem, cuneus trudit cuneum*, vel *hominem amat homo*, vel *hominem homo amat*. Sunt enim proverbiales locutiones; sic et: *alius alium odit, aliud ex alio malum*, non debent immutari.

III) *Quisque* cum *τὸ suus*, *sibi*, *se* in eodem membro conjunctum libenter huic postponitur. V. c. *suum cuique pulchrum*, non *cuique suum pulchrum* vel *cuique pulchrum suum*. Sic: *suos quisque amat liberos*: nec aliter. Cic. ad Div. VI, ep. I in. *ea est perturbatio rerum, ut suae quemque fortunae maxime poeniteat*. Verr. V, 38 dicebat, *quos ex sua quisque navi missos sciret esse*. Virgil. quidem: *quisque suos parimur manes*; at poetas hic non curamus. Sic: *sibi quisque*, *se quisque*, non *quisque sibi*, *se*.

III) *Quisque* cum superlativo arctissime conjunctum, tanquam subjectum cum suo epitheto, semper huic postponitur. V. c. *doctissimus quisque ita sentit*, i. e. *die Gelehrtesten denken so: optima quacque sunt eligenda, man muß das Beste s. die besten Dinge erwählen*. — Notandum, quod jam supra monui, *τὸ quisque* hic minime redundare. Imo in his formis necessarium est: efficit enim pluralem s. enuntiationem universalem. *Doctissimus quisque* non est *unus doctissimus*, sed *omnes doctissimi*; et sic semper intelligendum. *Doctissimus* per se est *sehr gelehrt*, et de *uno* dicitur. At, si vertere volo: *der Gelehrteste* (h. e. *die Gelehrtesten*) *ist immer der bescheidenste* s. *die Gelehrtesten sind immer etc.*, debẽo dicere: *doctissimus quisque est modestissimus, doctissimi quique sunt etc.* Sic: *er liest die besten Bücher, legit optimos quosque libros*, non *optimos libros*: hoc quoque foret: *er liest sehr gute Bücher*, quod tantum de *paucis libris* intelligi possit.

V) *Quisque*, nominibus numeralibus certum ordinem numeri indicantibus junctum, quo et *quotus* pertinet, semper iis postponitur. V. c. *quartus quisque annus est intercalaris*, h. e. *quartus annus est semper intercalaris: τὸ semper est illud quisque: hinc semper non separatim addendum*. Sic: *tertio quoque mense hoc fieri solet*, i. e. *das pflegt alle drey Monate, s. alle Vierteljahre, zu geschehen: decimum quemque capite plecti jussit*, i. e. *allemaal den zehnten Mann*. *Septimus quisque dies sacris faciundis est dicatus*, i. e. *der siebente Tag ist allemaal etc.* Hinc patet, *τὸ quisque* non ornatus, ut nonnulli somniant, sed necessitatis causa addi solere ac debere: atque ita ob *perspicuitatem*. Nam omissio *τὸ quisque* longe alius sensus efficeretur, v. c. *tertio mense hoc fieri solet* indicat, hoc *semel* tantum ac certo quodam tertio mense anni, v. c. *Marzio*, fieri solere. *Decimum capite plecti jussit* de *uno* intelligendum foret. Nam *decimus* est *unus*: at *decimus quisque* sunt *omnes decimi*. *Septimus dies est sacris destinatus* indicat, hoc *semel* fieri; et sensus foret: *ein siebenter Tag etc.* Sed nos vernaculum *allemaal* omittere possumus et

et debemus in his formulis, quia per se intelligitur: nam si quisque dies, qui est septimus, sacris destinatus fuit, patet, hunc ordinem esse perpetuum. — Sic: *quotus quisque*. *Quotus* numerat, et *quisque* indicat, et *quotus* non de uno, sed de hominibus in genere, intelligendum. Ergo nec abundat. Aliud est: *quotus est hic vir? quota est hora?* aliud: *quotusquisque omnibus horis satis sapere potest?* hoc est: *quot sunt ex omnibus hominibus, qui etc.*

VI) *Praepositiones*, ut earum nomen jam docet, semper praeponi debent suis nominibus: hoc vult perspicuitas, ut sciamus, quo pertineant. V. c. *ad rem, in re, hanc ob rem* etc. At sunt exempla, ubi postponantur:

a) Nonnullae interdum postponuntur, plerumque tamen pronomini relativo, v. c. *quos ad pro ad quos*, Cic. Nat. D. II, 4 in.: *Quam circa*, Cic. Verr. III, 48: *Quem contra veneras*, Cic. Mur. 4: *sic quas contra*, Cic. Vat. 7: *Quos inter*, Cic. Verr. III, 20: *Quem penes*, Cic. ad Div. VIII, 16 §. 4 et Hor. Art. 72: *Quos propter*, Cic. Att. X, 4 in.: *Quem propter*, Plaut. Amph. III, 1, 8: *Quem ultra*, Cic. Tusc. III, 17: *Quos ultra citraque*, Hor. Sat. I, 1, 107: *Quo de*, Cic. Manil. 16 et Verr. II, 12: *Quos adversum*, Sallust. Jug. 101: *Quam ante*, Nep. Chabr. 3: *Hunc juxta*, Nep. Paul. 4: *sic Rhenum juxta*, Tacit. Ann. III, 5: *Dio-medonte coram*, Nep. Epam. 4: *Lucem intra*, Tac. Ann. III, 48: *Urbem extra*, Tac. Ann. XIII, 47 cet.

b) *tenus* semper postponitur, v. c. *capulo tenus*. Ergo non pro praepositione habenda haec particula. Sic et *versus*.

c) in primis huc pertinet *cum*, quae praepositio semper *vois me, te, se, nobis, vobis*, saepe etiam *et quo s. qui, qua, quibus*, postponitur. Quod cur fiat, licet forsan non magis sciamus, quam de *tenus*, *de*, et aliis praepositionibus ac rebus, tamen, quia de *nobiscum* causam e Cicerone petitam asserre solent, liceat mihi paucis ea repetere, quae contra hanc Ciceronis auctoritatem alibi (in *Gedanken von der deutschen Schr. und Empfind.*) dixi. Nempe veteres *nobiscum* pro *cum nobis* propterea, ut obscenitas vitaretur, dixisse auctor est Cic. ad Div. VIII, ep. 22 et Orat. 45, quem sequitur Quintilianus Instit. VIII, 3 dicens, *cum notis hominibus* obscenae dici, rectiusque esse: *cum hominibus notis*. Horum duumvirorum auctoritatem recentiores secuti dicunt, in *cum nobis* inesse aliquid obsceni. At haec tota res est historica: cogitemus hic sequentia:

1) Cicero loquitur de *veteribus*, h. e. iis, qui ante sua tempora vivere, idque forsan *diu ante*; imo, forsan, qui tempore *Numae*, *Bruti* etc., vixerunt: quis enim scit, *quo tempore* ista *postpositio* initium sumserit? — At difficile est, de causa, quam maiores nostri in usurpando vocabulo quodam vel immutando secuti sint, judicare. Saepe ne de iis quidem, quae nostra aetate vel tempore parentum inventa sunt, tuto judicare licet. Hinc patet, ea, quae Cicero de causa, cur veteres *nobiscum* praeoptaverint, protulerit, esse meram *opinionem* vel potius *conjecturam* hominis ingeniosi. Quintilianum vero, Ciceronis admiratorem magnum, ipsius sententiam repetisse non mirum.

2) Si praeis visum est *obscene* dici *cum nobis*: cur dixere: *cum non*, *cum nostris*, *cum nominis* etc.? in quibus omnibus eadem inest obscenitas. V. c. Sulpicius in Epp. Cic. ad Div. III, ep. 12 §. 5 ait: *cum non longe abessem a Pirraeo* etc. Caesar B. G. V, 50 §. 4 *praeliumque cum nostris equitibus committit*. Ovid. art. am. II, 637: *Quid ruti superest, cum nominis exstat adulter*? Et ipse Cicero Dom. 9 in *cum nominibus*. Nec dubium, quin plura similia occurrant, v. c. *cum nossem*; *Marcum nostrum* etc. *Cum nihil* etc. An, quaesio, Romani in solo *cum nobis* casti fuere vel esse voluere? Ac cur iidem casti Romani dixerunt: *Caesarianus*, *Pompejanus*, *Sullanus* etc.? ubi terminatio *anus obsceni* quid aperte continet; it. *Tusculanum*, *Formianum* cet. it. cur *penitus*? ut taceam *penates*, *Capenates*, *Fidenates*, ubi terminatio *obscena* est; it. *Cyclades*, *natio* etc.

3) Cur, quaesio, dixere non tantum *nobiscum*, sed etiam *vobiscum*, *mecum*, *tecum*, *secum*, *quocum*, *quacum*, *quicum* (i. e. *quocum* cet.), *quibuscum*? ubi tamen nulla obscenitas.

Ex his apparere putaverim, causam illam obscenitatis a Cicerone, viro ingeniosissimo, effictam, et postea, ut a discipulis magistri exemplum ubique sequentibus subinde fieri solet, a Quintiliano, nominis Ciceroniani cultore observantissimo, ob reverentiam esse repetitam. Cicero fuit magnus orator, non item magnus Grammaticus; id quod aliunde patet, et raro utrumque conjunctum esse solet. Oratores plerumque usum loquendi, non originem ejus, investigant. Nec quisquam de origine rei, ante suam aetatem dudum receptae, testis satis locuples esse potest. Dudum ante Ciceronis tempora Romani dixerant *mecum*, *tecum*, *nobiscum*, *vobiscum* etc., quae ratio dicendi haud dubie casu, ut plures ejusmodi locutiones, inventa est. Qui causam quaerit, causam facile reperit. Cicero, causam illius rei

rei investigans, reperit vel potius reperisse sibi visus est, illam ab obscoenitate ductam; nisi forte fuit lusus quidam et mera argutatio Grammatici cujusdam tum viventis, quam Cicero serio pro sua sententia venditavit magisque exornavit. Nam quid mirabile, Romanos *cum* postposuisse τῷ nobis, cum a) non modo in latina lingua hoc pluribus praepositionibus acciderit, ut nominibus suis postponerentur, ut supra vidimus, v. c. *ad, propter, inter, circa, contra, ultra* cet., *de, tenus*, quo forsan et referri possit *procul dubio*, pro quo et dictum est *dubio procul*: sed etiam b) in aliis linguis, v. c. in Graeca *πρὸ, μετὰ* etc., quae casibus suis saepe postponuntur, in primis in vernacula; v. c. nos dicimus *wegen deines Fleißes* et *deines Fleißes wegen*, *ohne Zweifel* et *Zweifels ohne*; it. *meinetwegen, deinetwegen*, ubi *wegen* ita postponitur, ut *cum τῷ nobis*. Quis hic causam, cur *wegen* postponatur, novit? Nonne, si philosophari vellemus, aliquam inveniremus? — Credibile ergo est, Romanos priscos initio et *cum nobis, cum vobis, cum me, cum se, cum te* et *nobiscum, vobiscum, mecum, secum, tecum* promiscue dixisse: postea, h. e. forsan dudum ante Ciceronis tempora, posteriorem rationem dicendi *temere* in usu mansisse. Cf. quae de *scio quod* et *scio cum accus.* et *infra* supra monuimus.

VII) In proverbiiis, solennibus usuque receptis formulis et appellationibus, ordo verborum non mutandus est; v. c. *equis viris, velis remis*, i. e. *omnibus copiis, opibus, viribus*, non: *viris equis, remis velis*; sic: *vi armatis hominibus*, non: *contra*. Sic: *terra marique: cuneus cuneum trudit*, non: *cuneus trudit cuneum*. Sic: *manus manum lavat*. Sic: *Iupiter optimus maximus, fratres arvales, pontifex maximus, populus romanus, pater patratus, magister equitum* etc., non: *optimus maximus Iupiter, maximus pontifex, patratus pater* etc. — Referre huc, si velis, possis formulas: *spe citius, opinione celerius, justo longior, solito tristior*, quia aliquam vim proverbii habent: quamquam non opus est, quia, ut infra dicetur, ordo idearum hunc vocabulorum ordinem postulat: prius enim cogitatur *spe* quam *citius* etc.

VIII) Ecce, o, vae etc. suis casibus semper anteponuntur; v. c. *ecce me! o me miserum! vae mihi!* non: *me ecce* etc.

VIII) Particula *non* verbo *possum* praeponenda: v. c. *facere non possum*, male: *possum non facere*. Sic eadem particula ei vocabulo, ad quod proprie pertinet, statim praeponenda, v. c. *Factum hoc est non consilio, sed casu*: rectius

est, quam: *Hoc non factum est consilio, sed casu*; saltem perspicuitati convenientius.

X) *Inquam, inquis, inquit, inquiebam* cet. post unum aliquotve verba, quae memorantur, poni solet, v. c. *Est vero, inquam, signum* cet. Cic. Catil. III, 5. *Alcibiades, quoniam, inquit, victoriae repugnas*, cet. Nep. Alcibid. 8. Sic: *pater, mox, inquit, veniam* pro *pater inquit: mox veniam*.

SECT. II

De ordine vocabulorum pendente ab ordine notionum.

Plerumque tamen vocabulorum ordo pendet a notionum ordine, h. e. vocabula digeri et collocari debent, prout ideae ac notiones illis exprimendae in mente oriuntur vel oriri solent ac debent. Pertinet igitur hoc ad perspicuitatem, quae, quo diligentius ordo cogitationum et idearum servatur, eo magis adjuvatur. Quae itaque prius cogitantur, h. e. prius in rerum natura sunt, ea priorem locum occupare debent, nisi forte vel *suavitas dicendi*, omnem asperitatem, obscoenitatem etc., quae e concursu nonnullarum syllabarum oriri possit etc., sedulo cavens, vel *gravitas dicendi*, quae interdum unius vocabuli, licet hujus notio ordine posterior esse debeat, prae alio maxime rationem haberi ac propterea prius poni vult, istum ordinem paululum immutent; de qua re infra in Capp. de *suavitate* et *gravitate* separatim agetur. Hic tantum maxime necessaria dicemus:

I) *Subiectum*, quod prius cogitur, h. e. prius in rerum natura fuit, cogitative debet *alio subiecto*, huic praeponendum. V. c. *Pater et filius ibant*, non: *filius et pater*. Sic: *Patres Conscripti* recte dictum est, si, quod vulgo creditur (vid. v. c. Liv. II, 1 extr.) dictum est pro: *Patres et Conscripti*, atque illi a regibus, hi a Bruto, originem habuere.

II) *Subiectum* prius cogitur, quam *praedicatum*: ergo proprie praeponendum. V. c. *Deus nos innumeris beneficiis affecit*:

affecit: Deus est benignissimus, non: nos Deus innumeris etc.: benignissimus est Deus. — Duplex tamen est exceptio:

1) ob *perspicuitatem*. Si subiectum longa explicatione indiget, quae ab illo, salva perspicuitate, sejungi nequit: praedicato, si hoc breve est, postponitur, ut tali modo subiectum cum explicatione cohaereat. V. c. Cic. ad Div. III, ep. I §. 5 *Iucunda mihi ejus oratio fuit, cum de animo tuo, de sermonibus, quos de me haberes, quotidie mihi narraret.* Verba: *cum de animo — narraret*, sunt explicatio uberior vocabuli *oratio*. Non igitur decuisset dicere sic: *ejus oratio, cum de animo — narraret, fuit mihi iucunda*, vel sic: *ejus oratio fuit mihi iucunda, cum de animo — narraret*. Eadem ratione illa enuntiatio: *Deus est benignissimus*, inverti possit ac debeat, si dicas: v. c. *Benignissimus est Deus, cum nobis non modo vitam et mentem, qua singula perspiceremus, tribuerit, sed etiam voluptati nostrae consulat: vel similiter.* 2) ob *gravitatem*: h. e. si praedicatum tale est, ut in primis attendi ac sentiri debeat. V. c. Orator, de virtutibus Dei exponens, postquam aliquot explicavit, rectius ita pergit: *At benignissimus quoque est Deus, quam: At Deus est quoque benignissimus*, quia hic non tam ad Deum, quae notio jam nota est auditoribus, quam ad illius benignitatem attendi debet. In primis huic pertinent haec exempla: a) *Grave mihi vulnus inflixit mors parentis mei.* b) *Nemo miretur, me parentes tuos tantopere colere et amare: magna enim eorum in me inde a pueritia sunt merita.* In his quisque sentiet *quod grave* et *quod magna* praeponenda fuisse, quia notionem primariam, h. e. gravissimam et attentione dignissimam, continent. Sic Cic. semper fere, v. c. ad Div. V, ep. II in. *Grata tibi mea esse officia non miror.*

III) *Personae*, ad quam praedicatum refertur, h. e. cui v. c. *ignoscimus, suademus, irascimur* etc. it. cui aliquid *tribuimus, mittimus, promittimus* etc., prius cogitatur, quam ipsum praedicatum, h. e. prius in *ferum* natura fuit, quam *quod ignoscere, suadere, irasci, tribuere, mittere, promittere* etc.: hinc, nisi duae illae superiores exceptiones impediunt, praeponi illi debet. V. c. *Pater mihi ignovit, non ignovit mihi; frater mihi promisit, se tibi libros aliquot missurum, non frater promisit mihi, se missurum esse libros aliquot tibi.* — Idem accidit rei, si loco personae ponitur, v. c. *Pater tuis peccatis ignovit, non pater ignovit tuis peccatis.*

III) *Persona*, cui rem aliquam tribuimus, pollicemur, mitimus etc., prius cogitatur, quam ista res: ergo ei praepositur. V. c. *Pater mihi librum aliquem misit*, non *pater librum mihi* etc. — Alia vero res est, si *liber* vel *re* mittere ut primaria notio cogitatur, ad quam praecipue attendi velis; v. c. si de eo ante sermo fuit, si de eo dubitatum fuit etc., quod contextus definire debet.

V) *Causa*, propter quam res fit, fiet, factave est, prius cogitatur, quam res: ergo praepositur rei, nisi causae graves aliud suadeant, quod in his omnibus seqq. tenendum. V. c. *ego te ob egregiam virtutem semper amavi*, non *ego te amavi ob egregiam* etc.; sic: *rogo te, ut pro amicitia nostra miseriae meae succurras*, non *ut miseriae meae pro* etc. Sic prisci fere semper. Cic. ad Div. II, ep. 14 extr. *Nam jamdiu propter hyemis magnitudinem nihil novi ad nos afferebatur*: hic recte propter hyemis magnit. ante ponitur, quam nihil novi etc. Verr. V, 42 *At cum tu ob virtutem corona aurea donaras*: recte; non: *corona aurea donaras ob virtutem*; ad Div. III, ep. 2 §. 3 *A te maximopere pro nostra summa conjunctione tuaque singulari humanitate etiam atque etiam quaeso* etc., et III, ep. 7 §. II *quorum (amicorum) est magna pro tuis maximis clarissimisque virtutibus multitudo*. Caesar B. G. II, 15 in. *Caesar honoris Divitiaci atque Aeduorum causa sese eos in fidem recepturum dixit*.

VI) *Res*, e quarum numero una excipitur, prius cogitantur, quam haec: ergo praepositur cum particula sua exceptiva praeter: v. c. *Ego praeter ceteras tuas virtutes humanitatem tuam in primis admiror*, non *ego humanitatem tuam praeter ceteras* etc. Sic Cic. ad Div. XI, ep. 27 §. 14 *nam praeter haec, quae commemoravi*, — *habeo multa occultiora* etc. — At postponitur praeter cum suo casu Cic. Tusc. I, 3 *Itaque suos libros ipsi legunt cum suis, nec quisquam attingit praeter eos, qui eandem licentiam scribendi sibi permitti volunt*. Sed non aliter poterat Cicero, quia *et* qui eandem — *volunt* ad praeter eos pertinent, atque ita haec tam multa verba: *praeter eos — volunt*, non ante attingit poni poterant. — Huc pertinet quoque *nisi* absolute h. e. *sine verbo* positum, v. c. *dabo tibi, nisi omnia, tamen nonnulla: rogo te, ut mihi libros, nisi omnes, at aliquot tamen mittas*.

VII) *Tempus*, quo res aliqua fit, prius cogitatur, quam haec: ergo vocabula illud exprimentia praepositur. V. c. *nemo illo tempore me consolabatur*, rectius quam: *nemo me*

me consolabatur illo tempore; sic: frater nuper ad me scripsit, venit, rectius quam: frater ad me scripsit, venit nuper. In Sulpic. Ep. in Epp. Cic. ad Div. III, 12 est hic ordo aliquoties: §. 4 circiter hora decima noctis Pestunius ad me venit, et mihi nuntiavit, M. Marcellum collegam nostrum post coenae tempus — percussum esse, — postea se a Marcello ad me missum etc. Hic circiter hora dec. ante verba: ad me venit, et post coenae tempus ante percussum esse, observes: it. postea ante missum esse. ib. §. 5 in quibus erat scriptum, paulo ante lucem Marcellum diem suum obiisse, recte: non diem suum obiisse paulo ante etc. — Huc pertinent formulae illae spe citius, dicto celerius, solito tristior, justo longior. Nulla alia causa afferri potest, cur praeter hoc ordine semper locuti sint, quam quia spes, dictum, solitum, justum prius cogitantur, quam citius, celerius etc. Nam, quando dico, hominem spe citius, opinione celerius, advenisse, nonne antea sperabamus, opinabamur, eum cito quidem, at non tam cito, adventurum esse? Sic: solito tristior est tristior, quam olim homo solebat: ergo hoc prius cogitatur; sic et justo longior est longior, quam justum erat. Dicto celerius est celerius, quam dictum erat; per hyperbolen dictum. — Huc pertinent quoque participia vim temporis prioris continentia, v. c. Caes. B. G. III, 24 At barbari, consilio Romanorum cognita, praemisso equitatu, reliquis copiis subsecuti nostros navibus exire prohibebant. En ordinem temporis: primum cognoscunt consilium Romanorum, deinde praemittunt equitatum, tum cum reliquis copiis subsequuntur, atque ita prohibebant etc. ib. c. 25 tum nostri cohortati inter se — ex navi desiluerunt. Cic. ad Div. XI, ep. 29 in. Dubitanti mihi — de hoc toto consilio — magnum pondus accessit — consilium tuum. Verr. I, 3 in. Implorantes jura libertatis et civitatis in crucem sustulit. Hic ordo alius esse non poterat. Male Cicero dixisset: Consilium tuum accessit mihi dubitanti: et sustulit in crucem implorantes jura etc. Nam dubitare prius cogitatur, quam consilium tuum, et prius implorabant illi jura etc., quam Verres eos in crucem sustulit.

VIII) Locus, in quo res aliqua fit, in quem res mittitur etc., prius cogitatur, quam res ista: ergo praeposendus. V. c. Cic. ad Div. III, ep. 3 §. 1 Brundisium sum venissem, non venissem Brundis. Ibid. Censebant enim omnes fere, ut in Italia supplementum — legionibus scriberetur: — Recte; non: supplementum in Italia, et §. 3 Nunc quod a te petii literis iis, quas Romae tabellariis tuis dedi. Recte: non quas dedi tabellariis tuis Romae. Hic notes, Romam

prius cogitari, quam *tabellarios*, quia illa dudum erat, antequam hi eo venissent; deinde *hos tabellarios* prius, quam *τὸ dedi*: tabellarii enim prius adsunt, quam aliquid iis literarum detur. — Si vero duplex locus occurrit, is praepo-
nendus est, e quo in alterum proficiscor. Sic Sulpic. ad Cic. in Epp. Cic. ad Div. III, ep. 12 §. 2 *Cum ab Epidauro Piraeum navi advectus essem*, et §. 3 *eo consilio, ut ab Athenis in Boeotiam irem*.

VIII) *Modus*, quo praedicatum subiecto convenit, prius cogitatur, quam *praedicatum*; ergo huic praepositur: hinc vides, adverbia verbis suis anteponi; v. c. *homo necessario moritur: ad me sponte venit: de hac re Cicero egregie scripsit: res male gesta est: non venit sponte, gesta est male*. Sulpic. in Epp. Cic. ad Div. III, ep. 5 §. 19 *Fac aliquando intelligamus etc.*

X) *Similitudo* prius cogitatur, quam id, quod cum ea comparatur vel per eam illustratur: hinc praepositur, v. c. Caes. B. G. II, 17 *ut instar muri hae sepes munimenta praeberent; instar patris mihi fuisti*, non *mihi instar patris etc.*: hinc particulae similitudinis *τὼ* ita vel sic anteponuntur. V. c. *Ego, ut olim dixi, ita nunc dicam*, non *ego ita dicam, ut etc.* Cic. Marc. 6 *nostri enim sensus, ut in pace, sic tum etiam in bello congruebant*: Phil. II, 43 *Est ergo flamen, ut Marti, ut Quirino, sic divo Iulio M. Antonius*. — Huc quoque referri potest, quod ablativus comparativo praepositur, v. c. *tu es illo doctior*; it. illa superiora: *spe citius, opinione celerius, dicto citius, solito tristior, justo longior, tristior*.

XI) *Nomen proprium* prius cogitatur, quam *nomen muneris*, aliave ejus appellatio, appositio s. explicatio: hinc praepositur, v. c. *Cicero consul; Marcellus collega*; non: *consul Cicero; collega Marcellus*, ut vernacule loquimur; sic: *Pompejus, vir clarissimus; Scipio, Imperator eximius*; sic: *Roma urbs, Corinthus urbs, Aetna mons, Rhenus flumen etc.*, non: *urbs Roma, flumen Rhenus etc.* Tunc *urbs Romae, flumen Rheni*, dicendum foret. — At peccarunt interdum prisca, v. c. Cic. Offic. II, 7 *Cum uxorem Theben admodum diligeret*. Verr. II, 6 *Provincia Sicilia*. Orat. II, 69 *Siculus, cui praetor Scipio patronum causae dabat*, et c. 70 *Cum laesisset testis Silas Pisonem: ubi debebat esse: Theben uxorem, Sicilia provincia, Scipio praetor, Silas testis*.

XII) *Qui* praeponi debet ceteris vocabulis in eadem enuntiatione; v. c. *homo, qui Deum colit etc.*, non *homo, Deum qui colit*. — Si tamen non habet praecedens vocabulum,

lum, ad quod refertur, sed ad sequens aliquod pertinet: recte post unum alterumque vocabulum rejicitur, ut sequenti subiecto, ad quod pertinet, fiat propius. Causa ergo est perspicuitas. V. c. *Deum qui colit, is felix est.*

XIII) *Qui*, si ab initio enuntiationis absolutae pro *hic*, *is*, ponitur, semper primum ejus locum occupat: servit enim connexioni duarum enuntiationum absolutarum (vulgo *periodorum*) atque ita perspicuitati. V. c. *Virtus omnibus commendanda est. Quam qui colunt etc.*, non *qui quam colunt*. Iste ordo nunquam mutatur.

XIII) *Vocativus*, licet forsan interdum parum referre videatur, quo loco ponatur, tamen 1) in prima enuntiatione (s. *periodo*, ut vulgo loquuntur) sive epistolae sive orationis poni, humanitatis est; idque, si fieri possit, non procul ab initio. 2) videndum, ut ei vocabulo, cui conveniat, h. e. ad quod proprie referatur, statim addatur; v. c. *Credo ego vos, judices; Si tibi, frater, ista contigissent etc.*, ubi male dixeris: *Vos credo ego, judices; Si tibi ista, frater, etc.* 3) videndum, ne ambiguitas oriatur, v. c. non dixerim: *melius pater rem geret, si, frater, ita illam instiguet*; nec: *quicumque te laeserit, is, frater, me quoque laedet*, pro *quicumque te, frater, laeserit etc.* — In scribendo quidem commata aliquid adjuvant: an vero etiam in oratione recitanda? Ac perspicuitas non debet solo commatum usu niti.

XV) Omnia vocabula eo ordine omnino poni debent, ut statim lector videat, quo quodque pertineat, h. e. *nil alieni immiscendum est*; v. c. non dixerim: *magnum, ego librum cum abs te accepissem, fuit meum gaudium*; quia lector nesciret, utrum *to magnum* ad *librum* an ad *gaudium* referri deberet; nec dixerim: *cum egregium mihi nuper misisses valde librum gavisus sum*, pro *cum — librum misisses, valde gavisus sum*. Vocatur istud vitium *hyperbaton*, ac, si durius est, *synchysis*. Peccarunt hic interdum ipsi prisca, in primis Horatius et Terentius, ut eo major attentio sit adhibenda, ne tiro reverentia erga prisca ductus horum vitia imitetur. V. c. Horat. I od. I, 6 *terrarum dominos evehit ad deos*, ubi alii interpretes verba *terrarum dominos* ad *Deos* referunt, alii *Romanos* intelligunt. Si Horatius dixisset vel dicere potuisset: *ad Deos terrarum dominos evehit*, quisque facilius intellexisset, ad *Deos* pertinere. Id. Sat. I, 5, 72 *ubi sedulus hospes Paene macros arsit dum turdos versat in igne*, pro *ubi sedulus hospes paene arsit, dum turdos macros etc.* vel pro: *ubi sedulus hospes Paene arsit, macros dum turdos aet.*, ut

Lambinus ex uno cod. legit, idque non male. Ovid. Met. I, 222 *Mox ait: experiar, Deus hic, discrimine aperto, an sit mortalis*, pro *Mox ait: discrimine* (i. e. *specimine*) *aperto experiar*, (utrum) *hic sit Deus an mortalis*. Terent. Andr. II, 3, 2 *Si id succenseat, quia non dat tibi uxorem Chremes, ipse sibi esse injurius videatur; priusquam tuum, ut sese habeat, animum ad nuptias perspexerit, ubi ordo hic esse debebat: Si ob id, quia Chrem. non tibi ux. dat, nunc succenseat pater, priusquam tuum animum, ut scilicet se habeat ad nuptias, perspexerit, ipse sibi esse injurius videatur*. Livius XXVIII, 30 extr. *Cum inter triremes — proelium misceretur, quinqueremis romana — duas triremes suppressit, unius praelata impetu lateris alterius remos deterisit* (fregit). Ordo hic est: — *deterisit remos alterius lateris unius scil. triremis Punicae; praelata impetu est praetervecta cum impetu s. vehementer: pro unius* magis perspicue dixisset: *in una*. Cicero ubique ordine verborum studuit perspicuitati eorum consulere, v. c. Philipp. II, 4 *Si ostenderis, quomodo sis eos inter sicarios defensurus*. Hic si dixisset: *inter sicarios eos etc.*, ambigue dixisset, quia tò eos ab imprudente lectore ad *sicarios* referri potuisset.

XVI) Inter *adjectivum* et ejus *substantivum* nonnulla vocabula arcte cum iis cohaerentia libenter interferi solent: adjuvatur ita perspicuitas, quia lector statim videat necesse est, vocabulum interpositum non nisi ad illud substantivum referri debere.

1) *Genitivus*, v. c. *magnus patris amor*. Rectius ergo, h. e. magis perspicue, dixeris: *magnus patris amor felicitatem filii adjuvit*, quam: *magnus amor patris felicitatem adjuvit filii*, quia lector illic statim scit, quo *patris* pertineat, hic non antea, quam totam enuntiationem legit; sed initio dubius est, an *patris* ad *felicitatem* referendum sit. Sic: *magna hominis felicitas securitate constat*, rectius, quam: *magna felicitas hominis etc.*, quia sic poterat *hominis* etiam ad *securitate* referri: sic *mea solius opera, tua unius culpa etc.*, rectius, quam: *mea opera solius, tua opera unius*.

2) Praepositiones *erga*, *in*, *adversus*; v. c. *tuus erga me amor, meus in te amor*: sic statim scio, quo v. c. *in te* pertineat, scil. ad *te* *meus amor*; quod non fit, si postponitur, v. c. *meus amor in literas patris in primis exemplo auctus est*. Hic *patris* poterat ad *litteras* referri, nisi sequentia demum ostenderent, ab exemplo pendere. Quanto facilius: *meus in literas amor patris exemplo etc.*!

XVII) Pronomen *qui quae quod* vocabulo ei, ad quod refertur s. cum quo arcte cohaeret et cuius explicatio est, vel statim vel certe non multis vocabulis interjectis subiici debet. Rectius ergo est: *omnes mihi comparavi libros, qui mihi utiles esse possent*, quam: *omnes libros mihi comparavi, qui etc.*, quia illa ratione *qui* propius vocabulo *libros* redditur, quam hac. Sic: *non profecto ego sum is, qui facile gloriatur*, vel saltem: *non profecto ego is sum, qui facile gloriatur*, rectius dicitur ob arctiorem conjunctionem *is* *qui* cum suo *is*, quam: *non is ego profecto sum, qui etc.* Sic dicere malim: *non laudare possum eos, qui etc.*, vel: *non laudare eos possum, qui etc.*, quam: *eos non laudare possum, qui etc.*; nisi forte in *is* oppositio lateat, atque ita gravitas inest: v. c. *ut illos, de quibus dixi, laudavi, ita eos contra laudare nullo modo possum, qui etc.*, praesertim si enuntiatio *qui etc.* paulo longior sit. Tum sane licet.

XVIII) Vocabula, quorum notiones sibi contrariae sunt, debent, si sibi opponuntur, arctius secum conjungi, ut ista oppositio eo citius et elarius elucescat, v. c. rectius dicitur: *ejus otium negotiosum semper fuit*, quam: *otium ejus semper fuit negotiosum*. Sic: *appetis pecuniam, virtutem abjicis*, vel *pecuniam appetis, abjicis virtutem*, rectius dicitur, quam: *appetis pecuniam, abjicis virtutem*, vel *pecuniam appetis, virtutem abjicis*. Sic: *in provinciam profectus es pauper, dives Romam rediisti*, rectius dicitur, quam: *in provinciam pauper profectus es, rediisti dives Romam*. Poterat et dici: *in provinciam pauper es profectus, rediisti etc.* Huc pertinet dictum illud Carbonis a Cicerone Orat. 63 memoratum: *parris dictum sapiens temeritas filii comprobavit*. Ac forsitan illa populi exclamatio, quam Cicero l. c. ob ditrochaicum comprobavit factam esse credit, potius propter istam arctam conjunctionem vocabulorum contrariorum *sapiens* et *temeritas* accidit. Saltem hoc verisimilius videtur. Ceterum istam rem ad gravitatem dicendi pertinere per se patet.

XVIII) Si duorum vocabulorum arcte cohaerentium, ac propterea arcte jungendorum (v. c. subst. et adjunct.), unum est monosyllabum, hoc perspicuitatis causa polysyllabo praeponendum est: alioquin enim illud monosyllabum non audiretur: pertinet igitur hoc ad dicendum tantum, non ad scribendum. Nam in pronuntiando solemus, ubi sententia postulat vel patitur, subinde interquiescere, atque simul vocem remittere. At vox remissa vix auditur, praesertim ab auditoribus procul stantibus. Hinc ultima

syllaba dictorum *perire*, h. e. vel plane non vel a paucis saltem propius stantibus vix audiri, solet. Iam, si monosyllabum ultimo poneretur loco tum, cum interquiesceremus, sive in media sive in extrema enuntiatione absoluta, quam vulgo *periodum* nominant, nonne id plane periret? Contra, si e polysyllabis una syllaba perit, non magna est jactura, quia e ceteris syllabis conjici tamen facile potest totum vocabulum, v. c. quando dicimus: *vir clarissimus, ars pulcherrima*, auditorque tantum intelligit *vir clarissim', ars pulcherrim'*, tamen scit, nos *clarissimus* et *pulcherrima* voluisse dicere. Hinc mos monosyllabum praeponendi polysyllabo existisse et invaluisse videtur. Hinc ubique deinde dixerunt: *vir clarissimus, ars pulcherrima, hic imperator, haec femina*, non: *clarissimus vir, imperator hic* etc. Sic: *mi frater, me miserum!* non! *frater mi, miserum me!* Item in aliis, v. c. *non possum, non credo, vix credo, vae vobis, o beatum! me amat* etc., non: *credo vix, amat me* etc. Sed huc pertinere quoque videtur *urbs Roma*: sic enim proprie ex hac regula dicendum foret; sed, cur ex alia regula dicatur *Roma urbs*, supra (XI) dixi.

Hinc patet 1) ordinem verborum non temere in-
 vectum, nec ob fictam quandam euphoniā; sed maxi-
 me ob perspicuitatem, 2) interdum tamen hunc ordi-
 nem proprium et naturalem a Romanis mutatum esse
 ob *gravitatem*. 3) interdum vero etiam hoc factum
 est ob suavitatem quandam, de qua infra: hinc patet
 4) cur Romani in fine periodi non vocabulum mono-
 syllabum posuerint, saltem non in re gravi, vel tale, ad
 quod attendi, quod sentiri, volebant. Ceterum, Roma-
 nos interdum, praesertim in re leviori, per negligentiam
 hic peccasse et ordinem istum temere mutasse, non incre-
 dibile est. Cui non interdum aliquid vitii excidat? Cui
 non somnus obrepat? Dormitavit ipse Homerus. At
 vitia observanda, non imitanda, sunt.

CAP. III

De recto ordine enuntiationum.

Rectus enuntiationum (*Sätze*) ordo eo magis notandus est, quo saepius illum vernacula, nondum satis ex-culta, negligit, atque ita tironem, latine scribere tentantem, decipit. Pendet autem iste ordo enuntiationum aequae ac supra explicatus ordo vocabulorum ab ordine notionum et idearum. Quaecunque igitur enuntiationes prius cogitantur, eae aliis praeponuntur. Hinc rectus enuntiationum ordo perspicuitati orationis et stili egregie prodest: quae est prima utilitas. Altera est, quod simul periodis struendis servit, quae est non minima pars stili bene latini. Tertia est *suavitas* quaedam orationis: quarta *gravitas*, quae isto ordine saepe adjuvatur.

SECT. I

De praeponendis singulis enuntiationibus.

Cum, ut supra dictum est, *causa* propter quam, *locus* quo, *tempus* quando, res fiat vel facta sit etc., prius cogitentur quam res ipsa: sequitur, enuntiationem eam, quae *causam*, *tempus*, *locum* exprimat, ei, quae rem ipsam contineat, natura sua praeponendam: pertinent huc ob eandem causam *concessivae*, *exceptivae*, *definientes* etc.

Praeponi itaque solent ac debent:

I) *Enuntiationes causales*, incipientes per *quia*, *quoniam*, *cum*, *quod*, interdum *cur*: v. c. *quia me innumeris beneficiis affecisti*, propterea te per omnem vitam amabo, vel periodice: te, *quia me innum. benefic. affecisti*, propterea per omnem etc., rectius per se dicitur, quam: *per omnem vitam te amabo, quia me innum. etc.* Nam *pro beneficiis affecisse* prius cogitatur, quam *pro per omnem vitam amare*. — Sic pro: *non poteram tibi scribere, quoniam, ubi esses, nesciebam*, rectius dicitur: *quoniam, ubi esses, nesciebam, non poteram tibi scribere*, vel periodice: *ego, quoniam, ubi esses, etc.*, vel saltem: *scribere tibi, quoniam, ubi*

ubi esses, nesciebam, non poteram. Nam $\tau\delta$ nescire, ubi aliquis sit, prius cogitatur, quam $\tau\delta$ posse scribere ad eum. Sic rectius: *cur fleas, nulla causa est, quam: nulla causa est, cur fleas.* Sic prisci, in primis Cicero, v. c. ad Div. III, ep. 5 §. 2 *Scribis enim — etsi tibi jucunda fuerint, tamen, quoniam ex alia repetita sunt, non necessaria te putasse.* Hic quoniam ex etc. est causa $\tau\delta$ non necess. etc. Agr. II, 5 etenim arbitrabar, quoniam eodem anno gerendi nobis essent magistratus, esse aliquam oportere inter nos reip. administrandae societatem. — Huc pertinet formula: *nihil est, quod.* Cic. ad Div. VIII, ep. 16 §. 19 *Tu autem quod mihi bonam copiam ejures, nihil est;* add. Offic. III, 31 *Cui cum esset nuntiatum, quod illum iratum allaturum ad se aliquid contra patrem arbitraretur, surrexit e lectulo.* — De cum nihil est frequentius, v. c. Cic. Rosc. Am. 25 *qui cum intelligerent, nihil esse tam sanctum, quod non aliquando violaret audacia, supplicium in parric. singulare excogitaverunt.* Exceptio infra sequetur.

II) *Enuntiationes conditionales, quarum duces sunt si, nisi, siquidem etc.;* v. c. pro: *rogo te, ut librum mihi mittas, si habeas,* rectius dicitur: *rogo te, ut, si librum habeas, eum mihi mittas,* vel periodice ac brevius: *ut librum, si habeas, mihi mittas:* nam librum antea debes habere, quam mittere possis. Sic: *si permiseris, ad te veniam,* est haud dubie rectius, quam: *ad te veniam, si permiseris:* nam $\tau\delta$ permittere prius cogitatur, quam $\tau\delta$ veniam. Sic Cicero ubique fere, v. c. Rosc. Am. 24 *Haec magnitudo maleficii facit, ut, nisi paene manifestum parricidium proferatur, credibile non sit.* Offic. II, 7 *Multorum odiis nullas opes posse resistere, si antea fuit ignotum, nuper est cognitum.* Rosc. Am. 1 *ego si quid liberius dixero, vel occultum esse — vel ignosci adolescentiae meae poterit.* Et sic millies. Exceptiones vid. infra.

III) *Enuntiationes locum indicantes, quarum duces sunt ubi, quo in loco, quo, quem in locum, quorsum, unde etc.* V. c. *ubi sis, nescio,* rectius, quam: *nescio, ubi sis:* nam tuum esse prius cogitatur, quam meum scire. Sic: *ubi factum sit, scio, non scio, ubi factum sit.* Sic: *unde venturi sint, scire cupimus; quem in locum res deducta sit, manifestum est,* rectius dicitur, quam: *scire cupimus, unde venturi sint; manifestum est, quem in locum etc.* Cic. Phil. II, 25 *quo se verteret, non habebat;* ad Div. VI, ep. 4 §. 9 *tempus est huiusmodi, ut, — et, ubi quisque sit, ibi esse minime velit;* ad Div. III, ep. 7 §. 8 *cogitare deberes, ubicunque esses, te fore in ejus ipsius, quem fugeres, potestare.* Sic millies. Exceptiones vid. infra.

III) Enuntiationes tempus significantes, quarum duces sunt *cum da, cum wann, dum, postquam, ubi* etc. v. c. pro: *librum tibi dabo, cum primum accepero*, rectius dicitur: *cum primum librum accepero, eum tibi dabo*, vel brevius periodice: *librum, cum primum accep., tibi dabo*. Sic: *posteaquam mihi renuntiatum est de obitu filiae tuae*, — *graviter molesteque tuli*, rectius dixit Sulpic. in Epp. Cic. ad Div. III, ep. 5 in., quam: *graviter molesteque tuli, posteaquam* etc. Cic. ad Div. XII, ep. 17 §. 3 *me scito, dum tu absis, quasi* — *licentiam nactum (me) scribere audacius*. Manil. 9 *Quae dum nostri colligunt omnia diligentius, rex e manibus effugit*. Sic rectius, quam: *rex e manibus effugit, dum nostri ea* etc. Nam colligere prius cogitatur. Verr. III, 20 *Nam* — *posteaquam Cordius pro testimonio dixit, te sibi reddidisse, finem reddendi fecisti.* Verr. II, 23 *quod ubi auditum est, aestuare illi, qui dederant* etc. Verr. I, 26 *Haec tibi filio nuntiata sunt, statim* — *ad aedes contendit*. Rose. Am. 21 *Credo, cum vidisset, qui homines in hisce subselliis sederent, quaesisse, num ille aut ille defensurus esset.* — Sic et antequam praepositur. Cic. Or. I, 31 extr. *Etiam illa cognoram et acceperam, antequam de re diceremus, initio conciliandos esse eorum animos, qui audirent.* — Sic quando, cum *wann*. Liv. XXXVIII, 11 *qui non comparebunt, quando quisque eorum primum inventus fuerit, reddatur*. Cic. ad Div. XVI, ep. 12 extr. et, si *valebis, cum recte navigari poterit, tum naviges*, i. e. *so schiffe alsdann, wann man sicher wird* etc. — Sic quoad i. e. *quamdiu*. Cic. Coel. 4 in. *nam, quoad aetas M. Coelii potuit isti suspicioni locum dare, fuit primum* — *nunita*. Phil. X, 4 *nam, quoad vos omnia pati vidit, usus est ipse incredibili patientia.* — Huc pertinent participia supra memorata, in quibus notio temporis inest, v. c. Caes. B. G. III, 24 *At barbari, consilio Romanorum cognito, praemisso equitatu, reliquis copiis subsecuti nostros navibus exire prohibebant*. Participia enim ad enuntiationes referri possunt, licet supra inter verba singula retulerim, ubi vid.: et sic millies. Exceptiones tamen, si quae sunt, infra tradentur.

V) Enuntiationes concessivae, incipientes per *etsi, etiamsi, quamquam, licet, ut gesetzt daß* etc.; v. c. pro: *nolebam istud agere, quamquam poteram*, rectius: *quamquam poteram, tamen nolebam istud agere*, vel: *quamquam istud agere poteram, tamen nolebam*. Cic. ad Div. VII, ep. 19 §. 4 *qui quamquam plurimi sunt, doctorem tamen usumque desiderant*. Offic. II, 7 *qui, ut scriptum legimus, cum uxorem Theben admodum diligeret; tamen ad eam in cubiculum veniens barbarum*

barum — jubebat anteire. Rosc. Am. II quoniam quidem semel suscepi, licet hercules undique omnes in me terrores periculaque impendeant, succurram atque subibo. Verr. Act. I, 18 extr. ita vobis planum faciemus, ut statuatis, etiamsi spatium ad dicendum — habuissimus, tamen oratione longa nihil opus fuisse. Manil. 23 in. Quare, etiamsi quem habetis, qui collatis signis exercitus regiones superare posse videatur, tamen, nisi erit idem, qui — possit, non erit idoneus, qui etc. Offic. II, 7 quamvis enim demersae sint leges —, emergunt tamen. Phil. XII, 3 qui si pacis, id est timoris nostri, nomen audiverit, ut (ge-
setzt daß) non referat pedem, insistet certe. Sic millies. Exceptiones infra memorabuntur.

VI) Enuntiationes interrogativae, at non diserte interrogantes, sed objectum vel modum rei plerumque indicantes, quarum duces sunt quis, quid, an, utrum, cur, quomodo, quemadmodum etc.; v. c. pro: nescio, quis sit, rectius dicitur: quis sit, nescio. Sic rectius dicitur: quomodo se res habeat, nescio; quid istic gereretur, non scripsisti; an pater venturus esset, nesciebam, quam: nescio, quomodo se res etc.; non scripsisti, quid istic etc.; nesciebam, an pater etc. Sic prisci, in primis Cicero, millies, v. c. Rosc. Am. 26 utrum, quid agatur, non vides? Phil. II, 39 quemadmodum illinc abieris, vel potius paene non abieris, scimus: ad Div. V, 20 §. 5 quid rectum sit, apparet; quid expediat, obscurum est. Rosc. Am. 43 de quo, iudices, neque quomodo dicam, neque quomodo taceam, reperire possum. Tusc. II, 3 Cur legendi sint, — non intelligo. Tusc. II, 22 in. sed — qualis futurus sit, si modo aliquando fuerit, exponitur. Verr. II, 13 extr. Quantam potestatem habuerit, videtis; quas res gesserit, cognoscite. Exceptiones infra dabuntur.

VII) Enuntiationes similitudinem continentes et incipientes per velut, quasi ut, tanquam; v. c. Ego, tanquam non audissem, filui, rectius dicitur, quam: filui, tanquam etc. Sic: is, quemadmodum poetae agere solent, multa intexuit, pro is multa intexuit, quemadmodum etc. Cic. Verr. III, 34 Hanc (scil. Dianam ex aere factam) cum — vidisset, quasi illa ipse face percussus esset, ita flagrare cupiditate atque amentia coepit. Cf. quae de relatione particularum ut, ita etc., n. VIII dicentur.

VIII) Enuntiationes relativae, incipientes per qui, qualis, quantus, quot, quories, quam, quantopere, ut (wie), ubi etc. praeponuntur enuntiationibus illis respondentibus ac
se

se incipientibus per *is, talis, tantus, tot, toties, tam, tantopere, ita, ibi*, v. c.

1) qui seq. *is*. Non dicendum est: *felix is est*, qui deum amat, sed: *qui deum amat, is felix est*: nam amare deum prius cogitatur, quam *felicem esse*: amor enim dei est causa felicitatis. Sic rectius dicitur: *Qui virtuti student, eos deus amat*, quam: *deus eos amat, qui etc.* — Hinc quo seq. comparat. semper *tā* eo praeponendum; v. c. quo doctiores sumus, eo modestiores esse debemus, non: eo modestiores debemus esse, quo doctiores sumus, licet nostri dicant: *wir müssen desto bescheidner seyn, je gelehrter wir sind*. Sic Cicero millies, v. c. Offic. II, 7 etenim, qui se metui volent, a quibus metuentur, eosdem metuunt ipsi necesse est. Offic. I, 8 in. In quibus autem major est animus, in iis pecuniae cupiditas spectat ad opes. Verr. III, 18 Non mehercule criminis augendi causa dicam, iudices, sed, quem accepi ipse oculis animoque sensum, hunc (pro: eum) vere apud vos — exponam; ad Div. VI, 20 §. 4 Quod enim eo labore assequi vis, nullo modo assequere. NB. hic deest id, hoc. Ad Div. VIII, 22 §. 6 Ego enim, quae provideri poterunt, non fallar in iis. Est periodice simul dictum. — In primis hūc pertinet quicumque, i. e. omnis qui: quidquid et quodcunque, h. e. omne quod: v. c. pro: faciam omne id, quod volueris, rectius dicitur: quidquid (quaecunque) volueris, id s. hoc (ea, haec) faciam. Cic. sic millies, v. c. Rosc. Am. 33 — et quidquid tu contra dixeris, id cum defensione nostra contendito. Ad Div. X, ep. 5 §. 8 His temporibus difficillimis reipublicae quidquid subveneris, id erit totum et proprium tuum: ad Div. VI, ep. 19 §. 5 Mihi quidem persuadeo, me, quidquid habuerim iudicii de dicendo, in illum librum contulisse, omisso id, ut saepe. Coel. 2 in. hi sic habeant, quaecunque in equite romano dignitas esse possit, eam semper in M. Coelio habitam esse summam.

2) qualis, talis. V. c. pro: hic est talis, qualis ejus pater fuit, rectius dicitur: qualis pater fuit, talis hic est. Sic pro: filii solent esse tales, quales parentes sunt, rectius dicitur: quales sunt parentes, tales esse solent filii. Sic Cicero millies, v. c. Rosc. Am. 4 Te —, Fanni, quaeso, ut, qualem te jam antea — praebuiisti, talem te —, hoc tempore impertias. Offic. II, 12 — si quis id ageret, ut, qualis haberi vellet, talis esset. — Sic qualiscunque: v. c. Cic. Leg. III, 14 in. Nam licet videre, — qualescunque summi civitatis viri fuerint, talem civitatem fuisse.

3) quan-

3) *quantus, tantus*, v. c. pro: *tantas res Caesar gessit, quantas nemo antea gesserat*, rectius dicitur: *quantas res antea nemo gesserat, tantas Caesar gessit*. Cic. ad Div. XVI, ep. 4 extr. *quantam diligentiam in valetudinem tuam contuleris, tanti me fieri judicabo*: et ep. 6 §. I *quantum me diligis, tantum adhibe in te diligentiae*.

4) *quot, tot*, v. c. pro: *tu tot libros legisti, quot ego vix vidi*, rectius dixeris: *quot ego libros vix vidi, tot tu legisti*. Cic. Or. 21 *Quot officia oratoris, tot sunt genera dicendi*.

5) *quoties, toties*, v. c. pro: *toties ego Berolini fui, quoties tu Lipsiae fuisti*, rectius dicitur: *quoties tu Lipsiae fuisti, toties ego Berolini fui*. Sic rectius est: *quoties plantas contempler, toties admiror divinam sapientiam*: pro: *admiror toties divinam sap.*, *quoties* etc. Vernacula etiam omisso *toties* ita loquitur: *ich bewundere die göttliche Weisheit, so oft ich* etc., et tamen dicendum: *quoties — toties*, vel saltem *quoties* praeponendum omisso *toties*. Cic. Marc. 6 *de nobis quoties cogitabis, toties de maximis tuis beneficiis cogitabis*. — Sic *quotiescunque* vel sequente *toties* vel etiam omisso interdum: v. c. Cic. Or. II, 32 *Nam, si Mancini causam in uno Mancino ponimus, quotiescunque receptus non erit, toties causa nova nascetur*. Nep. Hann. I *Quotiescunque cum eo congressus est, semper discessit superior*.

6) *quam, tam*, v. c. pro: *qui deum amat, tam felix est, quam is est infelix, qui deum odit*, rectius dicitur: *quam infelix est, qui deum odit, tam felix est, qui eum amat*. Cic. Aët. I in Verr. 2 *quodsi, quam audax est ad conandum, tam esset obscurus in agendo* etc., periodice. — Sic *quamdiu, tamdiu*. Cic. Or. II, 23 in. *quorum quamdiu mansit imitatio, tamdiu genus illud dicendi studiumque vixit*.

7) *quantopere, tantopere*, v. c. pro: *amo te tantopere, quantopere filii parentes amant*, rectius dicitur: *quantopere filii parentes amant, tantopere ego te amo*.

8) *ut s. quemadmodum, sicut*, seq. ita s. sic. V. c. pro: *amo te ita, ut parentes filios amant*, rectius dicitur: *ut parentes filios amant, ita ego te amo*. Sic pro: *curae nostrae adventante amico saepe ita diffugiunt, ut s. quemadmodum tenebrae noctis solis adventu diffugere solent*, rectius dixeris: *quemadmodum s. ut solis adventu* etc. ita s. sic *adventante amico curae* etc. Cic. Aët. I in Verr. 2 *Nam, ut apertus in corripiendis pecuniis fuit, sic in spe corrumpendi iudicii perspicua sua consilia conatusque omnibus fecit*. Ad Div. II, ep. 10

§. 3 *Ut exptasti, ita est; et V, ep. 21 §. 13 Sed, ut illa secunda moderate iulimus, sic hanc — adversam — fortunam fortiter ferre debemus. —* Hinc illa formula: *ut quisque* seq. *ita semper* hunc ordinem fervare debet, v. c. *ut quisque est doctissimus, ita solet esse modestissimus*, i. e. *quo quis est doctior, eo modestior esse solet.* Causa est, quia id, quocum rem comparamus, prius cogitamus, quam hanc. At aliter est in formula jurandi *ita, ut*: hic ordo solet manere, quia est formula solennis et proverbialis.

9) *ubi, ibi*, v. c. pro: *cupio ibi esse, ubi te esse scio*, rectius dicitur: *ubi te scio esse, ibi esse cupio.* Cic. ad Div. VI, ep. 4 §. 9 *tempus est huiusmodi, ut suam quisque conditionem miserrimam putet, et, ubi quisque sit, ibi esse minime velit.*

Sufficiat hoc specimen enuntiationum praeponendarum. Quas ut manifestum est natura sua priorem ordinem obtinere, quia notiones natura priores continent, ita nemo est, quin intelligat, hunc naturalem enuntiationum ordinem naturali notionum ordine nitentem perspicuitati orationis magnopere consulere. Nihil enim tam perspicuum est, quam verus ordo cogitationum. Plures adhuc enuntiationes esse forsitan possunt, quae ut praeponantur dignae videantur: quas investigandas bonae latinitatis studiosis relinquo, ipsos simul monens, ut, quotiescunque duas enuntiationes jungere cogitent, antea, utra prius cogitetur, considerent, ac v. c. enuntiationes rem explicantes definientesque arte cum re conjungant, v. c. non dicant: *Miror, Brutum potuisse inter Caesaris interfectores esse, qui tamen ab eo tot beneficiis affectus erat*, sed potius: *miror, Brutum, qui a Caesare tot beneficiis affectus esset, tamen inter hujus interfectores esse potuisse.* Nam in illo verba: *qui tamen* etc., ad Caesarem pertinere videntur, in hoc aperte ad Brutum referuntur. Sic non dicendum: *Homo est mortalis, quoad corpore est instructus, sed immortalis, quoad cogitat*, sed: *Homo, quoad corpore instructus est, mortalis, quoad cogitat, immortalis, est, vel*
TOM. I P similiter.

similiter. Ceterum exceptiones, si quae sunt, infra sect. 3 tradentur.

SECT. II

Quando plures ejusmodi enuntiationes praeponendae concurrant, quaenam praeponenda?

Eadem est ratio, quando ejusmodi enuntiationes duae pluresve concurrunt. Hic itidem ordo notionum sequendus est, h. e. illae ita ponendae sunt, prout quaeque vel prius vel serius cogitatur. Interdum igitur causalis conditionalem, interdum conditionalis causalem, temporalis causalem vel concessivam etc. sequi debet. Quod ut planius fiat, aliquot e Cicerone et Livio subijciam exempla:

I) *Causalem sequitur temporalis.* Cic. ad Div. XVI, ep. II §. 7 *Lentulus consul, quo majus suum beneficium faceret, simulatque expedisset, quae essent necessaria de republica, dixit, se relaturum, h. e. voluit referre, cur? ut majus benef. redderet; quando? simulatque exped.*

II) *Causalem sequitur concessiva.* Rosc. Am. 20 — *et, quia id est suspiciosum, tametsi bestiae sunt, tamen in eam partem potius peccant, quae est cautior, h. e. quia id suspiciosum est, aliquem scil. noctu in Capitolium venire, latrant, atque ita peccant in partem cautiorem potius.*

III) *Temporalem sequitur concessiva et hanc causalis.* Cic. ad Div. III, ep. 10 in. *Cum est ad nos allatum de temeritate eorum, qui tibi negotium facesserent, etsi graviter primo nuntio commotus sum, quod nihil tam praeter opinionem meam accidere potuit: tamen — cetera mihi facillima videbantur etc. Mutes τὸ ἐστὶ in quidem, sic omnia facilia: cum est ad nos allatum de etc., equidem graviter commotus sum, quod nihil etc., Als ich Nachricht erhalten etc., so bin ich zwar anfangs darüber erschrocken s. so habe mich betrübt, weil nichts so wider Erwarten hätte geschehen können: allein etc.*

III) *Conditionalem sequitur temporalis.* Ad Div. III, ep. 5 §. II *sed, si quid nunc me fallit in scribendo, simulac progredi coepero, — faciam, ut tibi nota sit omnis ratio dierum.*

V) *Duae temporales junguntur.* Verr. III, 20 *Nam, cum de compluribus confirmasset redditurum, posteaquam Cordius pro*

pro testimonio dixit, te sibi reddidisse, finem reddendi fecisti, Denn, da du — versichert hatteſt —, ſo haſt du aufgehört —, nachdem Cordius als Zeuge ausgeſagt hat, daß du etc.

VI) Duae temporales praecedunt, quas causalis et concessiva et iterum causalis sequitur. Verr. I, 6 Romam ut ex Sicilia redii, cum iste atque istius amici, homines lauti et urbani, sermones hujusmodi dissipassent, quo animos testium retardarent, me magna pecunia a vera accusatione esse deductum, tamen si probabatur nemini, quod et ex Sicilia testes erant ii, qui quaestorem me in provincia cognoverant, et hinc homines maxime illustres, qui, ut ipsi noti sunt, sic nostrum unumquemque norunt: tamen usque eo timui, ne quis de mea fide atque integritate dubitaret, donec ad rejiciendos iudices venimus. Sic ordo idearum postulabat.

VII) Tres temporales praecedunt sequente concessiva. Liv. I, 16 Romana pubes, sedato tandem pavore, postquam ex tam turbido die serena et tranquilla lux effulsit, ubi vacuam sedem regiam vidit, etsi satis credebatur patribus, qui proximi steterant, sublimem raptum procella: tamen, velut orbitatis metu ista, moestum aliquamdiu silentium obtinuit. Ordo idearum ita flagitabat. Locus tironibus paulo difficilior est, qui fit facilior, si in explicando quidem pro etsi ponitur atque ita dissolvitur: postquam post sedatum pavorem ex tam — serena — lux effulsit, romana pubes credebatur quidem, ubi vacuam — vidit, satis patribus, qui etc.

Plura exempla multarum talium enuntiationum ita juncturarum facile invenire licet in Livio, Caesare, et Cicerone.

SECT. III

Exceptiones.

Non raro tamen reperimus, ordinem istum enuntiationum, ordine idearum in iis latentium nitentem, apud priscos mutari, et eas, quae natura praeponi debebant, postponi, et contra. Haec immutatio fit varias ob causas: in primis

I) Si enuntiatio, ob naturam prius ponenda, est nimis longa prae ea, cui praeponi debebat. Tum enim hanc breviorē praeponi suadet tum numerus oratorius tum perspicuitas. Numerus, quia semper injucundum

est, quando membrum posterius longe brevius est priori: *perspicuitas*, quia connexio membrorum horum tali modo non tam perspicue sentitur.

V. c. non dixerim: *cur illa res tam brevi tempore ac sine ullo negotio fieri potuerit, nescio*, sed: *nescio, cur illa res tam etc.*: quia longior enuntiatio libenter posteriorem locum occupat. Sic non bene dicitur: *quod mihi propter ista exigua officia gratias agas, non est*, pro *non est, quod mihi etc.* Sic non bene dixeris: *si credidissem, a te meum adventum tam cupide expectatum esse, venissem*, pro *venissem, si credidissem etc.* At tolerari possit, si ita dicas: *si credidissem, a te meum adventum tam cupide expectatum esse, profecto ad te venissem s. venire non dubitasset*: nunc enim enuntiatio paulo longior est facta. Sic non dici debet: *Qui putat, doctrinam magnam sine ingenio bono, industria magna, bonisque magistris acquiri posse, errat*, sed: *errat, qui putat etc.* Sic omnes prisci loquuntur, et numero et perspicuitate iubente: nisi forte gravitas rei tamen interdum postulet, ut illa longa enuntiatio locum priorem obtineat.

II) Si enuntiatio, cogitatione quidem prior, longiori explicatione vel illustratione, statim addenda, adhuc indiget, vel etiam cum enuntiatione absoluta (vulgo *periodo*) sequente arctius cohaeret. Tum enim decet eam cohaerere cum explicatione et illustratione ista vel cum enuntiatione absoluta (vulgo *periodo*) sequente, atque ita contra naturam suam postponi: quia, si alii enuntiationi praeponeretur, ab explicatione vel periodo ista sejungeretur: quod contra perspicuitatem foret.

V. c. non dixerim: *quia Cajus isto tempore non domi fuit, Titium occidere non potuit. Id quod* (sc. illum non domi fuisse) *docuerunt innumeri testes; docet primum Sempronius, deinde etc.* Hic dicendum potius: *non potuit Cajus Titium occidere, quia isto tempore non domi fuit. Id quod docuerunt etc.* Sic enim *Id quod docuerunt* propiora sunt *tañ*, quia *isto tempore non domi fuit*: nam cum his cohaerent. Ergo iterum perspicuitas est causa immutationis.

III) Si enuntiatio, per se quidem loco priore digna, cum praecedente non tam cohaeret, quam ea, quae postponi

postponi debebat: haec meliori jure i. e. ob perspicuitatem praepositur.

V. c. *Te nullos poetas unquam legisse certum est. Hinc de iis te non posse judicare necesse est, licet te pro bono poetarum iudice venditare soleas.* Recte hanc enuntiationem concessivam *licet te* etc. postponi sponte patet: idque ob perspicuitatem. Sic dixerim potius: *tu Homerum contemnis. Quod quomodo facere potes, cum eum non legeris?* quam: *tu Homerum contemnis. Quod, cum eum non legeris, quomodo facere potes?*

III) Interdum etiam enuntiatio, praepositurae proprie, ad evitandam ambiguitatem postponitur.

V. c. si dicere vellem, eum, qui literarum studia diu secutus sit, illa ob dulcedinem, qua repleta sint, non facile relinquere, ambigue ita loquerer: *qui studia literarum diu secutus est, quia suavia sunt, non facile ea relinquet*, quia verba: *quia suavia sunt*, aequae causa esse possent verborum: *qui studia literarum diu secutus est*, ac verborum: *non facile ea relinquet*, ad quae proprie referri vellem. — Ergo ad istam ambiguitatem vitandam vel verba: *quia suavia sunt*, verbis: *non facile relinquet*, postpositurae, et sic dicendum: *qui studia — secutus est, non facile relinquet ea, quia suavia sunt*; vel, si tamen ordinem servare velis, ita dicendum: *qui studia literarum diu secutus est, ea, quia suavia sunt, non facile relinquet.* Vel hinc apparet periodorum utilitas.

V) Si qua enuntiatio in contextu quodam gravior est, quam ea, quae natura sua praeponi debebat; ac si illam scriptor vel orator magis ac citius attendi sentiri-que cupit: illa, licet sit proprio posterior, tamen anteponi debet. Exempla ubivis obvia. Nulla hic fingi possunt, quia contextus requiritur. — Ceterum ex hac regula intelligitur, cur *ut dass*, quae particula a verbo praecedenti regi solet, atque ita cogitatione posterior est, tamen saepe cum sua enuntiatione isti verbo praepositur.

V. c. Cic. Verr. III, 39 *continuo, signum ut demolirentur et Messanam deportarent, imperavit.* Fin. III, 19 *Quare, ut perspicuum est, natura nos a dolore abhorrere, sic apparet, a natura ipsa, ut eos, quos genuerimus, amemus, impelli-*

ubi ut amemus τῷ impelli praepositum est. Liv. XXXVIII, 11 *Diu jactati Aetoli, tandem ut conditiones pacis convenirent, effecerunt: ubi ut — convenirent τῷ effecerunt praepositum.* Nisi forte hoc propterea, ut periodus fieret, factum est. — Huc pertinet quoque dignus, v. c. *hunc hominem, quem amemus, dignum esse censeo: in primis praecedente qui, v. c. mortuus est pater tuus, qui, ut longissima vita frueretur, prae ceteris dignus erat.* Sic prisci loquuntur fere ubique.

VI) Interdum tamen etiam videntur prisci ob negligentiam enuntiationem aliquam, quae natura sua alii praepōni debebat, huic postposuisse, praesertim in rebus parvis, in narratione familiari, in epistolis, omninoque in festinanter scribendo vel loquendo.

Quadruplex igitur foret causa, cur enuntiationes, priore ordine per se dignae, interdum a priscis postpositae viderentur, *perspicuitas, numerus atque ita suavitas, gravitas et negligentia.* An plures causae reperiri possint, alii viderint.

Iam exempla ē priscis, in primis Cicerone, afferemus, superiore Sect. I ordinem secuturi.

I) *Causales* interdum postponuntur, v. c. Cic. Rosc. Am. I in. *Ita fit, ut adsint propterea, quod officium sequuntur; taceant autem idcirco, quia periculum metuunt.* Causa videtur esse, quia adesse et tacere hic sunt primariae notiones, de quibus ante dixerat, et quas in primis attendi volebat. — Manil. 3 extr. *Verumtamen illis imperatoribus laus est tribuenda, quod egerunt; venia danda, quod reliquerunt.* Hic eadem videtur esse causa: ac simul forsan Cicero imperatores illos ridiculos recte reddere studebat ista duplici terminatione: *quod egerunt, quod reliquerunt;* in qua inest oppositio, cujus vis sentitur magis in fine. — Sulpic. in Epp. Cic. ad Div. III, ep. 5 §. II *quae si hoc tempore non suum diem obisset, paucis post annis tamen ei moriendum fuit, quia homo nata fuerat.* Hic poterat enuntiatio causalis periodice inseri, ita: *tamen, quia homo nata fuerat, paucis post annis* etc.; ut ideo negligentiae vitium esse videatur: quod in celeriter scribendo facile accidit. Videtur Sulpicio, postquam scripserat: — *ei moriendum fuit, in mentem demum venisse addere hanc causam: quia homo nata fuerat.* — Cic. Agr. II, 4 *Quare, qui possum non esse popularis, cum videam, haec omnia, Quirites, pacem externam, libertatem propriam generis et nominis vestri, otium domesticum, quae vobis cara*
atque

atque ampla sunt, in fidem et quodammodo in patrocinium mei consularis esse collata? Sponte patet, haec tam multa arcte cohaerentia inde a cum videam usque ad esse collata non potuisse praeponi *tois qui possum non esse popularis*; nec dicere potuisse Ciceronem: *quare, cum videam — esse collata, qui possum non esse popularis*? praeterea *to* popularis est primaria notio, ad quam Cicero praecipue attendi vult, et de qua ante non semel dixerat, ut vel propterea praeponenda esset. — Offic. III, 5 Deinde, qui alterum violat, ut ipse aliquid commodi consequatur, aut nihil se existimat contra naturam facere aut magis etc. Hic fit ob longitudinem; ut taceam, verba ut ipse — consequatur verbis qui alterum violat non anteponenda sed inferenda fuisse; deinde, si diceretur: *qui, ut ipse aliquid commodi consequatur, alterum violat*, sic numerus offenderetur. — Fonteij. 16 Venit huic subsidio — cuncta civitas, quae non solum ob eam causam laborat, ut huic, a quo ipsa servata est, parem gratiam referre videatur, sed etiam, quod ea conditione atque — nocere possint. Debebat, fateor, dicere proprie: *quae non solum propterea, ut huic, a quo — videatur, sed etiam, quod ea conditione atque — nocere possint, laborat*. At quis tam multa verba inter propterea et laborat inferat, et unum verbum laborat sine ullo comite ponat? — Ad Div. III, ep. 5 §. 3 te habuisse rationem, ut mihi consuleres, restitueresque et praeparares quodam modo omnia, quo mea ratio facilior et solutior esse posset. Debebat quidem dicere: *te habuisse rationem, ut, quo mea ratio facilior et solutior esse posset, mihi consuleres, restitueresque* etc. At a) ut et quo conjungi durum est repugnatque perspicuitati b) quo mea — posset sunt nimis multa verba prae his: *mihi consuleres*. — Ad Div. XI, ep. 21 extr. Si quid erit occultius, — meorum aliquem mittam, quo fidelius ad te literae perferantur. Hic poterant posteriora verba praeponi ita: *si quid erit occultius, — quo fidelius ad te literae perferantur, meorum aliquem ad te mittam*. Videtur ergo esse vitium negligentiae.

II) Conditionales postponuntur, v. c. Cic. Amic. 23 Atque hoc maxime judicaretur, si quid tale posset contingere, ut aliquis nos deus ex hac hominum frequentia tolleretur, et in solitudine uspiam collocaret, atque ibi suppeditans — potestatem eriperet. Hic prior enuntiatio hoc maxime judicaretur cohaeret cum praecedentibus, et verba si quid tale — eriperet nimis multa sunt. — Sic et c. 25 qui id fieri poterit, si ne in uno quidem quoque unus animus erit idemque semper, sed varius, commutabilis, multiplex? It. Verr. II, 3 extr. Hunc denique ipsum pertulissent, si humano modo, si

usitato more, si denique uno in aliquo peccasset. — Ad Div. VI, ep. 20 §. 4 *Omnino de tota re, ut mihi videtur, sapientius faceres, si non curares.* Hic praeponi poterat ita: *si non curares, sapient. faceres.* Est ergo negligentia. — Ad Div. XI, ep. 21 §. 6 *Sim enim impudens, si plus postulem, quam homini a rerum natura tribui potest.* Ob longitudinem. Sic et III, ep. 9 §. 6 *Gratissimum mihi feceris, si ad me, simulatque adeptus eris, quod et tu confidis et ego opto, literas miseris.* — Fin. II, 26 extr. *Me igitur ipsum ames oportet, non mea, si veri amici futuri simus.* Recte, ob gravitatem prioris enuntiationis. Poterat tamen nec male dicere periodice: *me igitur ipsum, si — simus, ames oportet etc.*; sic saepius. — Sic et nisi; v. c. Cic. Off. III, 31 *At ille — gladium destrinxit, juravitque, se illum statim interfectorum, nisi jusjurandum sibi dedisset, se patrem missum esse facturum.* Recte ob longitudinem ac simul suavitatem. Quam injucundum fuisset dicere: *juravitque, nisi — dedisset, se patrem missum esse facturum, se illum statim interfectorum*; ob duplex se et duplex *urum*? — Verr. III, 39 prope fin. *At iste: quam mihi religionem narras? quam poenam? quem senatum? vivum te non relinquam, moriere virgis, nisi signum traditur.* Recte a) ob affectum dicentis b) simul ut auditores sentiant, ob quam exiguum rem Verres poenam mortis eamque acerbissimam viro honesto et proagoro civitatis minatus sit. Praemittit igitur poenam atrocem: *moriere virgis*: cur? hic auditores attenti fiunt: *nisi signum traditur.* Gravis scilicet causa.

III) *Enuntiationes locum indicantes* postponuntur: v. c. Cic. ad Div. III, ep. 5 §. 8 — *ut dicerem, me libenter ad eam partem provinciae primum esse venturum, quo te maxime velle arbitrarer.* Haec enuntiatio non poterat quidem huic: *me — esse venturum* praeponi ob longitudinem hujus, at ei ita inferi: *ut dicerem, me ad eam partem provinciae, quo te maxime — arbitrarer, libenter primum esse venturum.* Est igitur negligentia: nisi dicamus, Ciceronem numero assuetum libenter ditrochaeo arbitrarer sententiam finire voluisse, praesertim cum arer suavius sonet, quam *urum*. — Div. II, 66 in. *Tum secundum quietem visus ei dicitur draco is, quem mater Olympias alebat, radiculam ore ferre et simul dicere, quo illa loci nasceretur, neque is longe aberat ab eo loco etc.* Debebant quidem verba: *quo illa loci etc.* poni ante dicere: at ob multitudinem non fieri poterat.

III) *Enuntiationes temporales* postponuntur, v. c. Cic. Act. in Verr. I, 2 *Semel ait se in vita perimuisse, tum, cum*
primum

primum reus a me factus sit. Recte praepositur hic *semel* — *pertinuisse*, ut attentio auditorum excitaretur, cur timuisset. — Amic. 26 *Nulla est igitur haec amicitia, cum alter verum audire non vult, alter ad mentiendum paratus est.* Recte ob longitudinem: deinde est explicatio quaedam prioris, ut vel propterea anteponi non potuerit. — Ad Div. VI, ep. 8 §. 2 *mihī hoc dederunt, ut esses in Sicilia, quoad (i. e. quamdiu) velles.* Ob negligentiam: dici enim poterat: *ut, quoad velles, in Sicilia esses*, uti in ead. ep. §. I dixerat: *hoc mihī darent, tibi in Sicilia, quoad vellemus, uti esse liceret.* — Sic et ablat. conseq. Cic. ad Div. III, ep. 8 in. *Et si* — *videbam, te hanc epistolam, cum ad urbem esses, esse lecturum, refrigerato jam levissimo sermone hominum provincialium etc.* Recte ob longitudinem: debebat quidem ante verba *esse lecturum* poni.

V) *Enuntiationes concessivae* postponuntur: v. c. Cic. ad Div. VI, ep. 4 §. 3 *Nunc tantum videmur intelligere non diuturnum bellum: etsi id ipsum nonnullis videatur secus.* Recte: nam id ipsum non poterat poni, nisi non diuturnum bellum praecessisset, ad quod pertinet. Poterat quidem ita dicere: *nunc tantum bellum non diuturnum, etsi id ipsum nonnullis videatur secus, intelligere videmur.* At a) paulo longior enuntiatio interponeretur b) posset ita intelligi, tanquam Cicero, licet alii aliter sentirent, hoc certo intelligeret; quae ejus mens non est: imo incertus est: hinc dicit tantum, *se intelligere* quidem bellum, et addit, *aliis aliter videri*, quos refutare non audet. Ergo aliter dicere non poterat. Potest *τὸ* *etsi* quoque verti *wiewohl*; et tum sequi debet: vid. infra Not. — Ad Div. VIII, ep. 16 §. II *Quamobrem Oenomaos tuo nihil utor, etsi posuisti loco versus Accianos.* Recte: est duplex responsio ad duas res diversas; non anteponi poterat *etsi* etc. Potest *τὸ* *etsi* et verti *wiewohl*: tum ad seq. Not. pertinet. — Fin. I, 6 *Epicurus autem, in quibus sequitur Democritum, non fere labitur: quamquam utriusque multa non probo, tum illud in primis, quod cum in etc.* Recte ob longitudinem. Potest *τὸ* *quamquam* et verti *wiewohl*: tum ad seq. Not. pertinet. Not. *quamquam*, *etsi* cet., si est i. q. *artamen* nostrum *wiewohl*, semper postponitur, quia utimur eo, quando antedicta corrigimus, v. c. *Venias ad me quamprimum, ut tibi rem istam narrem: quamquam ne opus quidem est, quia eam jam haud dubie nosti, wiewohl es nicht einmal nöthig ist, etc.* Hic nos quasi revocamus et corrigimus. Sic Cic. Senect. 14 *Cupidis — molestum est carere: satiatis — jucundius est carere, quam frui: quamquam nox caret is, qui non desiderat.* Ac forsan superiora omnia huc pertinent. — De *etiam si*

postposito est exemplum Cic. Amic. 27 *Quae tamen ipsa (utilitas) efflorescit ex amicitia, etiamsi, tu eam minus secutus sis.* Recte; nam prior enuntiatio *quae tamen* etc. cohaeret cum praecedentibus. Ibid. *Omnia autem brevia tolerabilia esse debent, etiamsi magna sint.* Recte: *omnia autem* etc. cohaerent cum praecedentibus. Attamen poterat periodice ita dici: *omnia autem brevia, etiamsi magna sint, tolerabilia esse debent.*

VI) *Enuntiationes interrogativae*, non interrogantes illae quidem, sed objectum modumve rei exprimentes et incipientes per *quis, quid, quomodo* etc. postponuntur, v. c. a) *quid*: Cic. ad Div. XI, 29 in. *Nam et scripsisti aperte, quid tibi videretur* etc. Hic praeponi poterat sic: *nam et, quid tibi videretur, scripsisti aperte*; et paulo post: *cum — per literas te consuluissem, quid mihi faciendum esset, eundumne ad Pompejum, an* etc. Hic recte postponitur ob longitudinem. Sic et Manil. I *facile intellexi, et quid de me iudicaretis et quid aliis praescriberetis*; ob longitudinem. b) *quomodo*: Phil. II, 4 *Ego quoque te disertum putabo, si ostenderis, quomodo sis eos inter sicarios defensurus.* Recte postponitur ob longitudinem, pro: *si, quomodo — defensurus, ostenderis.* c) *qualis*: Phil. II, 5 *ut igitur intelligeretis, qualem ipse se consulem profiteretur, objecit* etc.; ob longitudinem, pro: *ut igitur, qualem — profiteretur, intelligeretis.* d) *quantus*: Manil. 9 extr. *Conjectura perspicitis, quantum istud bellum futurum sit, quod conjungant reges* etc.; ob longitudinem. e) *quam*: Ad Div. III, ep. 14 §. 4 *tamen intelligebam, quam crudelis esset futura victoria*; ob longit. f) *cur et quare*. Manil. 10 in. *Satis mihi multa verba fecisse videor, quare hoc bellum esset genere ipso necessarium, magnitudine periculosum* etc.; ob longit. et connexionem. Sic et Verr. III, 26 in. *Iam omnes intelligunt, cur universa provincia defensorem suae salutis quaesiverit eum, cujus* etc.

VII) *Enuntiationes similitudinis*, v. c. Cic. Phil. II, 39 extr. *Medico tria millia jugerum (int. dedisti), quasi te sanum fecisset; rhetori duo, quasi disertum facere potuisset.* Recte: *gravitas periisset, si invertisset*; ac ne poterat quidem invertere, quia verbum *dedisti* omisit.

VIII) *Enuntiationes relativae*, incipientes per *qui, qualis, quantus, quot, quoties, quam, quantopere, ut wie, ubi*, postponuntur iis, quae ipsis respondent et per *is, talis, tantus, tot, toties, tam, tantopere, ita, ibi* incipiunt; v. c.

I) *is — qui*, pro: *qui — is*. Hoc fit saepissime, saepe etiam *quod* *is* bmissio. Cic. Pontej. 2 *Quid Massiliensium civitas?*
hunc

hunc praesentem iis affecit honoribus, quos habuit amplissimos. Non praeponi poterat quos hab. etc. verbis: hunc praes. etc., quia haec cum praecedd. cohaerent: at poterat certe ita periodice dici: hunc praesentem, quos honores habuit amplissimos, iis affecit. At videtur gravitatis causa istum ordinem praeoptasse: a) affecit honoribus, quibusnam? b) quos habuit amplissimos: atque ita amplissimos claudit periodum. Senect. 14 Cupidis enim — molestius forsitan est carere: satiatis vero et expletis jucundius est carere, quam frui: quamquam non caret is, qui non desiderat. Recte hic non caret is praeponuntur tñc qui non desiderat, ut acumen sentiat ac praecedentia celerrime confutentur. — Sic et idem seq. qui. Cic. Verr. III, 6 in. Siciliae civitates sic in amicitiam fidemque recepimus, ut eodem jure essent, quo fuissent; eadem conditione populo romano parerent, qua suis antea paruissent. Hic, puto, praeponi poterant quo fuissent, qua suis — paruissent, sed ita: ut, quo jure fuissent, eodem essent; qua conditione suis antea paruissent, eadem populo romano parerent: nisi dicamus, eodem jure, eadem conditione, ob gravitatem praeposita esse. — Sic et quidquid postponitur: v. c. ad Div. XI, ep. 27 §. 17 Dignitas tua facit, ut animadvertatur, quidquid facias: hic poterat recte praeponi periodice: ut, quidquid facias, animadvertatur. Offic. III, 25 in. Sol Phaethonti filio facturum se esse promisit, quidquid optasset: optavit, ut in currum patris tenderetur: sublatus est etc. Hic tñ quidquid optasset recte postposuit ob perspicuitatem et connexionem cum sequentibus: optavit, ut etc.; sic optasset et optavit, in quibus est idem subiectum, conjunguntur. Si Cicero dixisset, ut proprie debebat dicere: Phaethonti, quidquid optasset, se esse facturum promisit: optavit etc., connexio interrupta fuisset.

2) *Talis, qualis. Cic. ad Div. X, ep. 22 extr. Literas tuas vehementer exspecto, et quidem tales, quales maxime opto. Ita debebat fieri: posterior ponenda erat, quia est explicatio, et ob longitudinem: quam absolum fuisset dicere: et quidem, quales maxime opto, tales! Sic unum vocabulum clausisset sententiam. — Sic et Catil. II, 2 in. At si quis est talis, quales esse omnes oportebat: ob longitudinem. — Sext. 47 qui sunt tales, qualis pater tuus, M. Scaure, fuit, qui — omnibus restitit. Recte ob longitudinem et connexionem cum seqq. qui — restitit.*

3) *Tantus, quantus. Verr. Act. I, 2 Neque tantum me exspectatio accusationis meae — commovet, quantum istius insidiae nefariae, quas uno tempore mihi etc. Recte quantum etc. postponitur, quia cum tam multis verbis quas uno etc., quae sunt*

sunt explicatio, arcte cohaeret. — Manil. 9 *Itaque tantum victus efficere potuit, quantum incolumis nunquam est ausus optare.* Hic poterat *et tantum* etc. recte postponi, quia sequitur: *nam cum se in regnum recepisset* etc.: quae verba cum *totum tantum victus* etc. magis cohaerent, quia causa sunt, quam cum *totum quantum victor* etc., ut fere negligentia videatur: nisi dicamus propterea factum esse, quia *et tantum victus* etc. cohaerent arctius cum praecedentibus. — Ad Div. III, ep. 7 §. 15 *Gratia tantum possumus, quantum victi.* Hic recte postposuit: nam *victi* nil gratia proprie possunt; verba *quantum victi* addidit, ut significaret, *se gratia parum vel nihil valere.* Si dixisset: *quantum victi possunt, tantum gratia possum:* sensus esset, victos solere gratia valere.

4) Tot, quot. Manil. 16 *hoc dicam, neminem fuisse, qui a diis immortalibus tot et tantas res tacitus auderet optare, quot et quantas dii immortales ad Cn. Pompejum detulerunt.* Recte, quia sequitur: *quod ut illi proprium ac perpetuum sit, — optare debetis:* quae verba arcte cum posterioribus *quot et quantas* etc. cohaerent.

5) Toties, quoties. Cic. ad Div. VII, ep. 7 in. *Illud soleo mirari, non me toties accipere tuas literas, quoties a Q. mihi fratre afferantur.* Hic recte praeponi poterat: videtur esse negligentia.

6) Tam, quam. Cic. ad Div. XI, ep. 27 §. 18 *Equidem si quando audio, tam defendo, quam me scio a te defendi.* Recte ob longitudinem. — Agr. II, 4 *Quid tam populare, quam pax? quid tam populare, quam libertas?* etc. Hic ob interrogationem aliter esse non poterat: et dicere *Quid, quam pax, tam populare?* nocuisset perspicuitati ob vocabulum *quidquam*, et simul gravitati. — Amic. 14 *Non enim tam utilitas parva per amicum, quam amici amor ipse delectat.* Recte: est enim confirmatio praecedentium: *mihi quidem videntur, qui utilitatis causa fingunt amicitias, amabilissimum nodum amicitiae tollere:* cum his igitur verbis arctissime cohaerent: *Non enim tam utilitas* etc.

7) Tantopere, quantopere. Cic. Or. I, 35 extr. *Neque enim tantopere hanc a Crasso disputationem desiderabam, quantopere ejus in causis oratione delector.* Recte: nam verba *Neque enim tantopere hanc* etc. cum praeced. cohaerent.

8) Ita, sic seq. ut s. quasi. Cic. Catil. I, 2 extr. *Vives et vives ita, ut nunc vivis.* Recte ob gravitatem repetitur *vives.* Quam jejunum foret: *vives et, ut nunc vivis, ita vives!* Tusc. I, 4 *sed quo commodius disputationes nostrae explicentur, sic eas exponam, quasi agatur res, non quasi narretur.*

Recte

Recte ob longitudinem, et quia posteriora verba sunt explicatio verborum: sic eas exponam.

9) *Ibi, ubi.* Cic. ad Div. III, ep. 6 §. 7 *Considera nunc vicissim tuum (factum).* Non modo *ibi* non fuisti, *ubi* me quamprimum videre posses etc. Recte ob gravitatem. — Ad Div. I, ep. 10 §. 3 *Et ibi malis esse, ubi aliquo numero sis, quam istic, ubi solus sapere videre.* Recte: *ubi* etc. est explicatio *et ibi*, et *ibi* pertinet ad sequentia. Deinde, si praeposere voluisset, dicere debuisset: *et, ubi aliquo numero sis, ibi esse malis, quam, ubi solus sapere videre:* quam frigide et inconcinne!

CAP. V

De Periodo.

SECT. I

Quid sit periodus?

Periodus dicitur ac dici debet, quando enuntiatio aliqua, quae hoc respectu *primaria* dici possit, per interjectam aliam vel etiam plures interdum enuntiationes *secundarias* v. c. *explicantes, definientes, causales, conditionales, concessivas, temporales* etc. dissecatur. V. c. *Saepe res, licet sit difficillima, tamen per industriam indefessam fieri potest facillima.* Nam enuntiatio: *Saepe res per industriam indefessam fieri potest facillima*, dissecatur per hanc interjectam concessivam: *licet sit difficillima*: particula *tamen* solet tum plerumque addi perspicuitatis causa; abesse vero etiam poterat, et solet saepe abesse. Non ergo omnis perfectus sensus intra binas interpunctiones maximas inclusus periodi nomine insigniendus, ut vulgo multi credunt. Interjectio illa cujusdam enuntiationis sola efficit periodum. Non igitur haec verba: *Nihil omitti debet, quod ad humanam felicitatem pertinere videatur*, sunt periodus, licet perfectum sensum contineant; neque haec: *Quemadmodum*

concor-

concordia res parvae crescunt, ita discordia etiam maximae dilabuntur. Credidit hoc Heinecc. in fund. stili 1, 2, 18 ** p. 117. Male. Nulla enim enuntiatio interjecta est. Haec interjectio efficit illum a Cicerone Orat. 61 sic dictum *ambitum, circuitum* (h. e. graece *periodum*), quem Cicero ibidem, quamquam parum perspicue, vocavit quoque *comprehensionem, continuationem, circumscriptionem*. *Periodus* enim proprie significat *circuitum*: quia, qui vocabula enuntiationis primariae per illam interjectionem disiecta colligere vult, is non recta progredi potest, sed circum illam interjectam enuntiationem ire cogitur, antequam disiectae enuntiationis illius verba singula collecta habet.

SECT. II

Quomodo dissecanda enuntiatio primaria?

Sed dissectio ista enuntiationis primariae ita instituenda, ut a) vel subjectum a praedicato sejungatur; v. c. *homines, quia mortales sunt, non possunt vitam aeternam in his terris expectare*; ubi subjectum *homines* a praedicato *non possunt* etc. sejungitur per causalem enuntiationem: b) vel interdum aliud vocabulum a cetera enuntiatione disjungatur, v. c. *rogo te, ut, si quid scias, mihi dicas*: hic enuntiatio *ut mihi dicas* disjuncta erat. Omninoque videndum, ut ista dissectio, quae proprie ob majorem perspicuitatem, suavitatem, et gravitatem inventa est, apte fiat, h. e. ut enuntiatio inferenda post id vocabulum, ad quod proprie pertinet atque ita loco suo, inferatur. V. c. *ego librum, quia pulcher est, non vendam*, recte dicitur, at male: *ego, quia pulcher est, non vendam librum*; vel: *ego non, quia liber pulcher est, vendam*. Hoc foret puerile. Ergo hac quoque in re iudicio opus est. Sic superius: *homines, quia mortales* etc. rectius dicitur, quam sic: *non, quia mortales sunt, homines vitam aeternam in his terris debent sperare*.

SECT.

SECT. III

Quaenam enuntiationes inferendae?

At nec ubique nec quaelibet inferendae sunt:

1) non *quaelibet*, sed tantum eae, quae propter arctam conjunctionem, h. e. propter ordinem notionum, istum locum merentur, ac simul breviores sunt, nec cum seqq. arctius cohaerent, quam enuntiatio primaria. Obtinet hic eadem regula, quam supra de ordine enuntiationum posuimus, ut, quae prius cogitentur, eae prius ponantur: unum discrimen est hoc, quod, quas supra aliis praeponeudas dicebamus, eae hic inferuntur. Pertinent igitur huc eadem illae, ut *causales, conditionales, locum, tempus, similitudinem indicantes, concessivae, interrogativae, relativae, explicantes*.

2) non *ubique*. Valent hic eadem exceptiones, quas supra in digerendis enuntiationibus valere dixi, ut scilicet enuntiatio, quae natura sua h. e. ob priorem sui cogitationem inferi mereatur, tamen non inferatur, si vel nimis longa est praë ea, cui inferenda sit, ut numerus, de quo infra, nimia brevitate membri sequentis offendatur, vel si explicatione longiori in sequentibus persequenda indiget, vel ambiguitatem afferre omninoque aut perspicuitati aut suavitati aut denique gravitati officere potest.

SECT. IIII

Quotuplex sit periodus?

Periodus est vel *simplex* vel *composita*. Haec est vulgaris divisio. Poterat etiam loco compositae dici *duplex, triplex* etc. majori forsan jure et perspicuitate. *Simplex constat una saltem enuntiatione* (interdum pluribus per *et* connexis) *per interjectam aliquam* (interdum duas) *dissecta, at sine consequente*. *Composita constat saltem una* (interdum pluribus per *et* connexis) *antecedente,*

dente, et una saltem (interdum pluribus) consequente enuntiatione; quae utraque per unam saltem enuntiationem secundariam dicto supra modo dissecta esse debet. Quodsi consequens enuntiatio deest, non vocatur composita, sed simplex, licet permultas enuntiationes per et, cum, tum etc. conjunctas contineat. Potest enim interdum simplex longior esse quam composita: v. c. *quamquam omnes, qui divinas leges migrant, poenam dei expectare debent, tamen, si eos peccatorum poenitet, veniam horum consequi possunt*: haec erat periodus composita; *quamquam omnes poenam dei expectare debent* est enuntiatio antecedens, et: *tamen veniam horum consequi possunt* consequens: utraque est dissecta per aliam enuntiationem, prior per hanc: *qui divinas leges migrant*; posterior per hanc: *si eos peccatorum poenitet*. — Sic: *cum te, licet fere indignus fueris, semper amore ac beneficiis, quibuscunque potuerim, afficere studuerim: miror, te, quacunque in re possis, me offendere vehementer studere*, est itidem composita ex antecedente: *cum te semper amore ac beneficiis afficere studuerim*, cui insertae sunt duae: *licet fere indignus fueris, quibuscunque potuerim*: et ex consequente: *miror te me offendere studere*, cui inserta haec est: *quacunque in re possis*. — At, quando dico: *omnes homines, quicunque sunt, sive divites sive pauperes, summum dei amorem, quo nos quotidie recreat, nostrisque commodis singulis horis consulit, agnoscere omnemque operam dare debent, ut gratum ipsi animum declarent*, est periodus simplex, licet sit paulo longior; quia consequens deest. — Item quando dicerem: *si, quanta est tua audacia, tanta esset tua doctrina, nemo te doctior esset*; non foret periodus composita, licet et antecedentem et consequentem enuntiationem contineat; quia antecedens quidem: *si tanta esset tua doctrina*, per interjectam *quanta* etc. dissecta est, sed consequens: *nemo te doctior esset*, caret ista interjectione. Sed tota haec divisio periodi in simplicem et compositam est sterilis nulliusque usus.

SECT.

SECT. V

Quid profit periodus?

Periodus tripliciter prodest: *primum* enim adjuvat *perspicuitatem*, quia enuntiationes ex ordine cogitationum inferuntur; nil vero tam perspicuum est, quam ordo: *deinde gravitatem*, quae perspicuitate adjuvatur, ac forsan nil aliud est, quam *summa rei perspicuitas* h. e. talis, quae simul in animum penetrat propter connexionem mentis et animi: *denique suavitatem* maxime, *partim* propter numerum, qui inde egregie adjuvatur, ut adeo non modo Cicero in libris rhetoricis eum cum periodo interdum jungat vel confundat, sed etiam Isocrates et Gorgias idem fecisse videantur: *partim*, quia lectoris et auditoris animus propter interjectam enuntiationem, quae lectionem et auditionem paulum interrumpit, suspensus tenetur cupideque expectat, quid tandem secuturum quemve exitum incepta enuntiatio habitura sit. Est in hac re, si ita comparare licet, *periodus* quodam modo similis carmini epico vel comoediae et tragoediae, in quibus actio primaria non modo actionibus secundariis, cum illa tamen connexis, verum etiam tot repentinis impedimentis interrumpitur, ut exitus non tantum retardetur, sed etiam, qualis exitus futurus sit, dubium relinquatur. Lectoris et spectatoris animus ita attentus tenetur: et suave est, rem non continuam, sed crebro, at apte, interruptam audire et legere atque ita ejus exitum haud provisum cognoscere. At obijciatur, quomodo per illam interjectam enuntiationem vel plures possit perspicuitas adjuvari, cum potius, quia ordo constructionis discissus est, hoc perspicuitati repugnare videatur. Tironi quidem ita videri potest, qui membra enuntiationis disiecta aegre et anxie colligere solet, quemadmodum Medae pater membra Absyrti filii sui. At, qui cogitando et legendo paulum assuetus est, nec in elementis linguae

amplius haeret, ei facile est totam orationis compagem, licet, ut videtur, disiectam, at idearum ordine nitentem, statim mente imo vel oculis solis intelligere. Imo facilius ei hoc est, quam aliquid ex regulis constructionis s. syntaxeos grammaticis scriptum intelligere. Ceterum, si una interiecta enuntiatio jam delectat, quanto magis plures? Hinc opera danda, ut mature discamus istas enuntiationes apte inferere.

SECT. VI

Exempla periodi e priscis.

Sed, ut tota res clarius fiat, exempla *periodi* (h. e. *circuitus illius*) e priscis subijciamus:

I) *Enuntiationes causales insertae:*

a) *cum* da. Cic. Rosc. Am. I in. Credo ego vos, iudices, mirari, quid sit, quod, cum tot summi oratores hominesque nobilissimi sedeant, ego potissimum surrexerim etc. Ad Div. VIII, ep. 2 §. 5 Quaeseres fortasse, cur, cum haec in urbe sint, non absum etc. Hic inserta sunt priori loco *cum*-sedeant, posteriori *cum*-sint.

b) *quod*. Cic. Rosc. Com. 2 Sed si, quod adversarii nihil credimus, idcirco codicem scribere instituimus.

c) *ut* daß, *auf* daß, *damit*. Cic. Verr. III, 19 in. Homo, ut aliquo modo illum in provinciam revocaret, hanc excogitavit rationem.

d) *quia*. Verr. V, 42 homo — nobilis: qui, quia Cleomenem in defendendo filio laeserat, nudus paene est destitutus. Arch. 9 in. Ergo illi alienum, quia poeta fuit, post mortem etiam expetunt. — Offic. III, 30 in. At vero T. Veturius et Sp. Postumius, cum iterum consules essent, quia, cum male pugnatum apud Caudium esset, legionibus nostris sub jugum missis, pacem cum Samnitibus fecerant, dediti sunt his: etc. Hic enuntiatio primaria: at vero T. Veturius et Sp. Postumius dediti sunt his, disiecta est per causalem: quia pacem cum Samnitibus fecerant, et haec iterum per duas temporales 1) cum male etc. 2) legionibus nostris — missis.

e) *quoniam*. Cic. ad Div. III, ep. 5 §. 2 Scribis enim, quae de nostris officiis ego ad te scripserim, etsi tibi iucunda fuerint, tamen, quoniam ex alto repetita sint, non necessaria

cessaria te putasse. Hic praeter causalem hanc etiam concessiva: *etsi* etc., itemque explicativa: *quae de* etc. interjecta est.

f) *quo.* Cic. ad Div. XVI, ep. II §. 7 *Lentulus, quo majus suum beneficium faceret, simulatque expedisset, quae essent necessaria, de republica dixit se relaturum.* Hic praeter causalem *quo majus* etc. inserta est temporalis *simulatque* etc.

II) Enuntiationes conditionales insertae: v. c.

a) *si.* Cic. Rosc. Am. I *quia, si quis istorum dixisset, — si verbum de republica fecisset, — multo plura dixisse, quam dixisset, putaretur.* Hic duplex conditionalis. — Manil. 6 *Itaque haec vobis provincia, Quirites, si et belli utilitatem et pacis dignitatem sustinere vultis, non modo a calamitate, sed etiam a metu calamitatis, est defendenda.* Agr. II, 12 *quod consuli, si legem curiatam non habet, rem militarem attingere non licet.* Ad Div. XII, ep. 17 §. 5 *dicam tuis, ut eum, si velint, describant.*

b) *nisi.* Cic. Rosc. Am. 24 *Haec magnitudo maleficii facit, ut, nisi paene manifestum parricidium proferatur, credibile non sit.*

c) *quoad i. e. quantum.* Cic. ad Div. III, ep. 2 §. 4 *si eam, quoad ejus facere potueris, quam expeditissimam mihi tradideris, facilius erit etc.*

III) Enuntiationes locum indicantes insertae: v. c.

a) *quocunque.* Cic. Manil. 13 *Itaque propter hanc avaritiam imperatorum quantas calamitates, quocunque ventum sit, nostri exercitus ferant, quis ignorat?* Ad Div. VII, ep. 5 in. C. *Trebatium cogitabam, quocunque irem, mecum ducere.*

b) *ubi,* et absolute et praeced. substantivo. Cic. ad Div. VII, ep. 13 §. 2 *nisi quod, ubi esses, plane nesciebam.* Ibid. ep. 22 §. 2 *tamen id caput, ubi haec controversia est, notavi etc.*

c) *quo in loco.* Caesar B. G. II, 26 *qui cum ex equitum fuga, quo in loco res esset, — cognovissent, nihil etc.*

d) *unde.* Caes. B. G. III, 28 *sed aliae eodem, unde erant profectae, referrentur.*

III) Enuntiationes tempus indicantes insertae: v. c.

a) *cum als, da.* Cic. Manil. 12 *Idem Cretensisibus, cum ad eum — legatos deprecatoresque misissent, spem deditiois non ademitt etc.* Offic. III, 31 *L. Manlio Auli filio, cum dictator fuisset, M. Pomponius tribunus plebis diem dixit.*

b) *cum primum*. Cic. Offic. I, 32 *Nam Herculem Prodicium dicunt, — cum primum pubesceret, — exisse in similitudinem etc.*

c) *posteaquam*. Cic. Divin. I, 15 *Cujus quidem hoc, praeclarissimum est, quod, posteaquam a Caesare tetrarchiae regno pecuniaque multatus est, negat se tamen etc.*

d) *ubi*. Liv. VII, 41 — *additumque legi, ne quis, ubi tribunus militum fuisset, postea ordinum ductor esset.*

e) *simulac, simulatque*. Cic. Verr. I, 10 *Verres, simulac tetigit provinciam, statim Messanam literas dedit. Ad Div. III, ep. 9 §. 6 si ad me, simulatque adeptus eris, — literas mittas.*

f) *donec i. e. quamdiu*. Liv. II, 24 prope fin. *Ne quis militis, donec in castris esset, bona possideret.*

g) *dum i. e. quamdiu*. Cic. Phil. II, 36 in. *improbum fecit ea, quae, dum timor abest, a te non discedit audacia.*

h) *prius quam*. Caes. B. G. II, 12 *postridie ejus diei Caesar prius, quam se hostes ex pavore ac fuga recepissent, in fines Sueffionum — exercitum duxit.*

i) *quoad bis*. Cic. ad Div. XVI, ep. 4 §. 2 *Quare nunc quidem non dubito, quin, quoad plane valeas, te neque navigationi neque viae committas.*

k) *quo die*. Cic. ad Div. XII, ep. 25 §. 4 *Ego, mi Cornifici, quo die primum in spem libertatis ingressus sum et — fundamenta reip. jeci, eo die providi multum etc.*

V) Enuntiationes concessivae insertae:

a) *etsi*. Cic. Manil. 9 *Noster autem exercitus, etsi urbem ex Tigranis regno ceperat, et proeliis usus erat secundis, tamen nimia longinquitate locorum ac desiderio suorum movebatur. Caes. B. G. VII, 33 in. Caesar, etsi a bello atque hoste discedere detrimentosum esse existimabat, tamen non ignorans etc.*

b) *tametsi*. Civ. Divin. in Caecil. 3 *Populus Romanus interea, tametsi multis incommodis difficultatibusque affectus est, tamen nihil aequae — requirit etc.*

c) *quamvis*. Cic. Amic. 26 *Quamquam ista assentatio, quamvis perniciofa sit, nocere tamen nemini potest etc.*

d) *quamquam*. Cic. Rosc. Am. 20 *Veruntamen, quamquam abest a culpa, suspicione tamen caret.*

e) *etiamsi*. Cic. Phil. I, 7 in. *peto, ut, etiamsi sequi minus audebitis orationem atque auctoritatem meam, benigne tamen me, ut fecistis adhuc, audiat.*

f) *ut* gesetzzt daß. Cic. Quint. I *et ad me ventum est: qui, ut summa haberem cetera, temporis quidem certe vix satis habui etc.* Divin. II, 33 *Etenim, ut sint auspicia, quae nulla sunt, haec certe — sunt auspicia nullo modo.*

VI) *Enuntiationes interrogativae*, non diserte interrogantes, incipientes per *quis, quid, utrum, an, cur* etc.

a) *quid*. Cic. Phil. I, 7 in. *qui non, quid efficere posset in republica, cogitavit etc.* Ad Div. XI, ep. 29 §. 3 *Ex quo, quid sentiret, intellexi.* Senect. 21 in. *Equidem non video, cur, quid ipse sentiam de morte, non audeam vobis dicere.*

b) *utrum* adject. Cic. Verr. III, 7 extr. *dixit — neque se illa habuisse venalia, neque ulla conditione, si, utrum vellet, liceret, adduci unquam potuisse, ut venderet.*

c) *utrum* adv. seq. an. Cic. Or. I, 16 *ut — qui aliquid fingunt, etsi tum pictura nihil utuntur, tamen, utrum sciant pingere an nesciant, non obscurum est, sic etc.*

d) *cur*. Cic. Divin. I, 3 in. *Philosophorum exquisita quaedam argumenta, cur esset vera divinatio, collecta sunt.*

e) *quare*. Cic. Invent. II, 10 *ut enim animus alicujus improbare nihil attinet, cum causa, quare peccaverit, non intercesserit etc.*

f) *quantum*. Cic. Amic. 7 *ex quo, quantum boni sit in amicitia, judicari potest.*

g) *quemadmodum*. Cic. ad Div. III, ep. 4 §. 7 *etiam michercule, quod, quemadmodum ea res ageretur, vidimus.*

h) *quam*. Cic. Verr. III, 44 extr. *Nam, quia, quam pulchra essent, intelligebat, idcirco etc.* Amic. 26 *nihil exploratum habeas ne amare quidem aut amari, cum, id quam vere fiat, ignores.*

i) *qualis*. Cic. Agr. II, 3 *Ego, qualem Kalendis Ianuariis acceperim rempublicam, Quirites, intelligo.* Nat. D. II, 17 in. *Restat, ut, qualis eorum natura sit, consideremus.*

VII) *Enuntiationes, similitudinis et comparationis aliquid continentes, insertae:*

a) *tanquam*. Cic. Phil. II, 3 extr. *At ego, tanquam mihi cum M. Crasso contentio esset, — de republica graviter querens, de homine nihil dixi: — et addito ita, v. c. Verr. III, 39 qui ut primum in illud oppidum venit, statim, tanquam ita fieri non solum oponteret, sed etiam necesse esset, tanquam senatus mandasset, populus rom. jussisset, ita continuo, signum ut demolirentur et Messaniam deportarent,*

imperavit. Addendum erat ita ob perspicuitatem, quia inserta paulo longiora erant.

b) *quasi.* Cic. ad Div. XI, ep. 16 §. 5 *Quamquam enim Lamia summo splendore — usus est magnificentissimo munere aedilicio, tamen, quasi ea ita non essent, ego suscepi totum negotium.*

c) *sicut.* Cic. Or. 21 *Sed est eloquentiae, sicut reliquarum rerum, fundamentum sapientia.*

VIII) *Enuntiationes relativae* incipientes per *qui, qualis, quantus, quot, quoties, quam, quantopere, ut wie, ubi* etc. inferuntur, quibus respondent incipientes per *is, talis, tantus, tot, toties, tam, tantopere, ita* s. *hic, ibi.*

1) *qui quae quod* omnium frequentissime inferitur, it. *quicunque, quisquis, tñ is* s. *hic* modo sequente, modo praecedente, modo plane omisso.

a) *qui sequente is* s. *hic.* Cic. Nat. D. I, 42 *ut, quos ratio non posset, eos ad officium religio duceret.* Fonteij. 8 *Si, qui ob aliquod emolumentum suum cupidius aliquid dicere videntur, iis credi non convenit* etc. Ad Div. XI, ep. 22 §. 6 *Ego enim, quae provideri poterant, non fallar in iis.* Or. I, 8 *quamobrem quis hoc non jure miretur, summeque — elaborandum censeat, ut, quo uno homines maxime bestiis praestent, in hoc hominibus ipsis antecellat?* — Huc pertinet formula illa: *quo — eo* s. *hoc; je, desto:* v. c. Cic. Rosc. Am. 24 *extr. quare hoc, quo minus est credibile, nisi ostenditur, eo magis est, si convincitur, vindicandum: poterat et dicere hoc magis.* Rosc. Com. II *Nam, quo quisque est sollertior et ingeniosior, hoc docet iracundius et laboriosius.*

b) *qui omisso hic* s. *is.* Cic. Or. I, 16 *ut, qui pila ludunt, non utuntur in ipsa lusione artificio proprio palaestrae* etc. Sic saepissime ap. Cic. et alios.

c) *qui praecedente is* s. *hic.* Cic. Or. III, 9 *diligentissimeque hoc est eis, qui instituunt aliquos atque erudiunt, videndum, quo sua quemque natura maxime ferre videatur.* Rosc. Am. 24 *Nolite enim putare, quemadmodum in fabulis — videtis, eos, qui aliquid impie scelerateque commiserint, agitari et perterriti Furiarum taedis ardentibus.* Nat. D. I, 42 *qui ea, quae prodesse hominum vitae, in deorum numero habita esse dixit.*

d) *quicunque, quodcunque, quaecunque, quisquis, quidquid, pro omnis qui, omne quod, omnia quae* in primis serviunt periodo struendae: vel sequente *is, id, ea, hic, hoc,*

hoc, haec, vel omisso. Cic. Offic. III, 4 extr. Nobis autem nostra academia magnam licentiam dat, ut, quodcumque maxime probabile, occurrat, id nostro jure liceat defendere, pro: ut omne id, quod etc. Ad Div. XIII, ep. 6 in. me — tecum egisse, ut, quoscunque tibi ejus (Cuspilii) necessarios commendarem, haberes eos in numero meorum necessariorum. III, ep. 2 §. 3 A te — peto, ut, quibuscunque rebus poteris, — prospicias et consulas rationibus meis. Sic XII, ep. 29 §. 4 et saepius. — Verr. III, 34 postea, quidquid erat oneris in nautis remigibusque exigendis, in frumento impetando, Segestanis praeter ceteros imponebat aliquanto amplius, quam ferre possent. Verr. II, 2 Itaque ad omnes res Sicilia — semper usi sumus, ut, quidquid ex sese posset efferre, id apud eos non nasci, sed domi nostrae conditum, putarem.

2) qualis a) sequ. talis. Cic. Rosc. Am. 4 Te quoque magnopere, M. Fanni, quaeso, ut, qualem te jam antea populo romano praeuisti, — talem te et nobis et populo romano hoc tempore impertias. Offic. II, 12 Quamquam Socrates hanc viam ad gloriam proximam — dicebat esse, si quis id ageret, ut, qualis haberi vellet, talis esset. Ib. c. 13 in. Sed ut facillime, quales simus, tales esse videamur etc. b) praecedente talis. Cic. Or. I, 19 Caput enim esse arbitrabatur oratoris, ut et ipsis, apud quos ageret, talis, qualem se ipse optaret, videretur. — Sic et qualiscunque seq. talis. Cic. Legg. III, 14 in. Nam licet videre, — qualescunque summi civitatis viri fuerint, talem civitatem fuisse. — Et absolute positum. Cic. ad Artic. XIII, ep. 47 non proc. ab in. turpe est enim nobis, illum, qualiscunque est, hoc primo anno egere. — It. seq. tamen. Liv. XXVIII, 17 alterius, quod, qualescunque sumus, tamen haec, quae passi sumus, pati non debuimus.

3) quantus a) seq. tantus. Cic. Fonteij. 14 in. Quodsi aut, quantum voluntatem habent ad hunc opprimendum, aut, quantum ad maledicendum licentiam, tantum haberent aut ad emendandum animi aut ad fingendum ingenii, non meliore fortuna — Fonteijus fuisset. Egregia periodus ob numerum notanda; cui similis est haec Arch. 6 quare quis tandem me reprehendar, — si, quantum ceteris ad suas res obeundas, quantum ad festos dies celebrandos — conceditur temporum, — tantum mihi egomet ad haec studia recolenda sumsero? Liv. II, 9 in. Satis libertatem ipsam habere dulcedinis: nisi, quanta vi civitates eam expetant, tanta regna reges defendant, — aequari summa infinis. XXVI, 12 in. Ceterum non, quantum pertinacide ad premendam obsidione Capuam Romanis fuit, tantum

ad defendendam Hannibali. b) *praecedente tantus.* Cic. Amic. 20 *nisi quod tanta est inter eos, quanta maxima potest esse, morum studiorumque distantia.* Or. I, 4 *Ac primo quidem totius artis ignari, qui neque exercitationis viam neque aliquod praeceptum artis esse arbitrantur, tantum, quantum ingenio et cogitatione poterant, consequuntur.* c) *omisso tantus.* Cic. Sext. 13 *mentem — hanc fuisse, ut afflictæ et perditæ reipublicæ, quantum posset, mederetur.* Or. I, 1 extr. *Sed tamen — obsequar studiis nostris, et, quantum mihi vel fraus inimicorum vel causæ amicorum vel res publica tribuet otii, ad scribendum potissimum conferam.* — Huc pertinet *quantuscunque:* v. c. Cic. ad Div. XV, ep. 1 §. 13 *Regis Dejotari et voluntatem et copias, quantaecunque sunt, nostras esse duco.* Marcell. 2 *Totum hoc, quantumcunque est, quod certe maximum est, totum est, inquam, tuum.*

4) *quot a) sequ. tot s. totidem, saepissime:* v. c. Cic. Or. III, 9 *quid censetis? — nonne fore, ut, quot oratores, totidem paene reperiantur genera dicendi?* — Sic et *quotcunque, quot-quot, creberrime.* b) *praecedente tot.* Cic. ad Attic. III, ep. 8 med. *Quid enim hoc miserius, quam eum, qui tot annos, quot habet, designatus consul fuerit, fieri consulem non posse?*

5) *quoties a) seq. toties.* Cic. Or. II, 31 in. *Neque enim, quoties verbum aliquod est scriptum, toties ejus verbi literae sunt cogitatione conquirendae.* b) *praecedente toties.* Cic. Or. I, 59 *Hoc nos si facere velimus, ante condemnentur ii, quorum causas receperimus, quam toties, quoties praescribitur, Paeonem (vel Paeonem) aut Munionem citarimus. Saepe tamen toties omitti solet et potest.* — Huc pertinet *quotiescunque, vel sequente vel omisso tō toties:* v. c. Cic. Or. I, 27 *ita non injuria, quotiescunque dicerent, id, quod aliquando posset accidere, ne tum accideret, timere.*

6) *quam sequ. tam saepissime.* Cic. Act. I in Verr. 2 *Quodsi, quam audax est ad conandum, tam esset obscurus in agendo: fortasse aliqua in re nos aliquando fefellisset.* — Saepe etiam praemittitur *tam;* interdum etiam *quam* sine *tam* ponitur, v. c. Cic. Nat. D. II, 17 *Hic, quam volet, Epicurus jocetur; pro: quam volet, tam jocetur, mag scherzen, wie er will.* Sic Verr. II, 42 *et hac actione, quam voletis, multi dicent, pro: tam multi dicent, quam multos voletis dicere, so viel, wie ihr wollt: sic saepius.* Huc pertinet Divin. I, 32 *Exposui, quam brevissime potui, somnii et furoris oracula etc. et similia.* — Huc pertinere *quam diu, quam longe* etc., per se patet: ubi v. c. *tamdiu* vel postponitur vel praepositur vel etiam omittitur, v. c. Cic. Verr. I, 19 *Deum atque hominum*

hominum fidem implorabis, circumveniri Verrem, quod accusator nolit tam diu, quam diu liceat, dicere.

7) quantopere a) seq. tantopere. Locus e priscis nunc non succurrit: fingam exemplum. Si homines, quantopere in corpore suo ornando laborant, tantopere mentem animumque ornare studerent: sapientia et virtute nil vulgarius esset. At multos locos, ubi quantopere sic inferatur, reperiri certum est. b) sine tantopere, Cic. Tusc. III, 3 extr. *Quamquam de universa philosophia, quantopere expetenda esset, colenda cer.*

8) ut s. quemadmodum, sicut, a) seq. ita, sic. Cic. Manil. 5 Videte, ne, ut illis pulcherrimum fuit, tantam vobis imperii gloriam relinquere, sic vobis turpissimum sit, id, quod accepistis, tueri et conservare non posse. Or. I, 27 Cujus quidem rei cum causam quaererem, quidnam esset, cur, ut in quoque oratore plurimum esset, ita maxime is pertinesceret: has causas inveniebam etc. Or. II, 31 Sed habere certos locos, qui, ut literae ad verbum scribendum, sic illi ad causam explicandam, statim occurrant. Amic. 4 extr. pergratum mihi feceris, — s. quemadmodum soles de ceteris rebus, cum ex te quaeruntur, sic de amicitia disputaris, quid sentias etc. b) ut omisso ita. Cic. Catil. I, 7 Superiora illa, quamquam ferenda non fuerunt, tamen, ut porui, tali. Solet quoque interdum ita τὸ ut praeponi.

9) ubi a) seq. ibi vel etiam omisso. Cic. ad Div. VI, ep. 4 §. 9 Sed — tempus est hujusmodi, ut suam quisque conditionem miserrimam putet, et, ubi quisque sit, ibi esse minime velit. b) praecedente ibi. Ad Div. VI, ep. 1 in. nemoque sit, quin ubivis, quam ibi, ubi est, esse velit.

VIII) Enuntiationes explicativae, incipientes per qui quae quod, apte insertae, i. e. ita, ut statim post subjectum vel rem, quam explicant, positae sint. Cic. Rosc. Am. 18 Sed ut illud intelligatur, cum apud majores nostros summi viri clarissimique homines, qui omni tempore ad gubernacula reipublicae sedere debebant, tamen in agris quoque colendis aliquantum operae temporisque consumserint. Ib. c. 47 quod viris fortibus, quorum opera eximia in rebus gerendis extitit, honos habitus est, laudo. Or. I, 58 De me autem ipso, cui uni tu concedis, ut sine ulla juris scientia tamen causis satisfacere possim, tibi hoc, Crasse, respondeo etc. Recte: ita perspicuitas postulat.

X) Aliae quoque enuntiationes insertae sunt, v. e. ut fit, ut credo, nisi fallor, ut dixi, ut dico etc. v. c. Cic. Rosc. Am. 7 Qui in sua re fuisset egentissimus, erat, ut fit, insolens

in aliena. Sic et c. 32 Verum, ut fit, multa saepe imprudentibus imperatoribus vis belli ac turba molitur. Ad Div. I, ep. 2 §. 9 Nos in senatu, quemadmodum spero, dignitatem nostram, ut potest in tanta hominum perfidia et iniquitate, retinebimus. Ad Attic. XV, ep. 5 extr. Mihi vero deliberatum est, ut nunc quidem est, abesse ex ea urbe, in qua etc., i. e. bey jetzigen Umständen.

XI) Ut dasß adeo cum sua enuntiatione interdum, ut inferi posset, praepositum legitur ei verbo, a quo tamen regitur: v. c. Cic. ad Attic. XV, ep. 5 *mihique, ut absim, auctor est.* Add. exempla supra S. 3, 5 laudata: Cic. Verr. III, 39 Continuo, signum ut demolirentur, imperavit. Fin. III, 19 apparet, (nos) a natura ipsa, ut eos, quos genuerimus, amemus, impelli. Liv. XXXVIII, 11 Aetoli tandem, ut conditiones pacis convenirent, effecerunt. --- It. post dignus: v. c. mortuus est vir, qui, ut diutius viveret, dignissimus erat. Tanto periodi amore flagrabant prisca. Quos imitari nostrum est.

SECT. VII

De enuntiationibus, quas habemus, apte inferendis.

Facile ex istis exemplis patet periodi structura. Quae ut non nisi apta injectione unius alteriusve enuntiationis constet, ita tironibus nunc facillimum erit, enuntiationes istas causales, conditionales etc., inferere, si quidem hae adsunt. Exempla ponemus:

1) Causalis, v. c. Verba haec: Deus Noacho soli pepercit, quia solus virtuti studebat, facile ita mutantur: Noacho, quia solus virtuti studebat, soli pepercit Deus, vel: Deus Noacho, quia solus virt. stud., soli pep., vel: Deus, quia Noachus solus virtuti studebat, propterea huic soli pepercit.

2) Conditionalis, v. c. Verba: Quomodo Deus hominibus parcere potest, si vitia amant? facile mutantur: quomodo Deus hominibus, si vitia amant, parcere potest? vel: quomodo Deus, si homines vitia amant, iis parcere potest? vel: quomodo, si homines vitia amant, Deus iis parcere potest? --- Sic verba: Nemo magnam doctrinam consequi potest, nisi magna industria instructus est, ita mutantur: Nemo, nisi magna industria instructus est, magnam doctrinam etc.

3) Enuntiatio locum indicans, v. c. Verba: quia nescio, ubi sis, quomodo ad te venire possum? ita mutantur: quia, ubi

ubi sis, nescio, quomodo etc. — Pro: audivi, te eo loco nunc esse, quo ego ante tres menses fuerim, ita dicere licet: audivi, te, quo loco ego ante tres menses fuerim, eo nunc esse.

4) *Enuntiatio tempus indicans, v. c. Pater nobis multa narrabit, quando s. ubi venerit, ita mutatur: Pater, ubi venerit, multa nobis narrabit, vel: Multa pater, ubi venerit, nobis narrabit. — Sic: Quando homines epulantur, mortem non cogitant, ita mutatur: Homines, quando epulantur, mortem non cogitant. — Sic pro: Pater valde perterritus est, cum nuntium de morte filii accepisset, dici potest: Pater, cum nuntium accepisset, valde perterritus est. — Sic pro: Non possum legere, dum scribo, dicitur: Non possum, dum scribo, legere, vel: Ego, dum scribo, legere non possum.*

5) *Concessiva, v. c. pro: Librum tibi mittere non possem, etiamsi vellem, dicitur: librum, etiamsi vellem, mittere non possem. — Sic pro: Milites acriter pugnarunt, etsi fessi erant, dici potest: Milites, etsi fessi erant, tamen acriter pugnarunt.*

6) *Enuntiatio similitudinem continens, v. c. pro: tu me contemnīs, tanquam non homo sim, dicitur: tu me, tanquam non homo sim, ita contemnīs. Adjicitur ita interdum ob perspicuitatem.*

7) *Interrogativa, v. c. Omnes sciunt, quid sit virtus: at pauci meditantur, qua ratione ea potiantur, ita mutatur: omnes, quid sit virtus, sciunt: at, qua ratione potiantur ea, pauci meditantur, vel, ob numerum, meditari solent; vel, si voles periodum compositam efficere, ita dices: etsi omnes, quid sit virtus, sciunt, tamen, qua ratione etc. — Sic pro: Quereris quotidie, nec tamen dicis, cur queraris, dici potest: quereris quotidie, nec tamen, cur queraris, dicis, vel, ob suavitatem, cur querare etc.*

8) *Relativae, incipientes per qui, qualis, quantus, quot etc., v. c. pro: Non possum eos odisse, qui me amant, dicitur: non possum eos, qui me amant, odisse, vel: non possum, qui me amant, eos odisse. — Sic pro: rogavit, ut ea omnia curarem, quae opus essent, dicitur: rogavit, ut ea omnia, quae opus essent, curarem, vel: ut, quae opus essent, ea omnia curarem, vel brevius: ut, quaecunque opus essent, ea curarem. Tò ea omitti quoque poterat; licebat et dici: ut, quidquid opus esset, id curarem. — Sic pro: persuadeas tibi, me omnia facturum, quae jusseris, dicitur: me, quidquid s. quaecunque jusseris, facturum. — Sic pro: Credas, me omnibus favere, qui te ament vel quos tu ames, ita dicitur: Credas, me, quicumque te ament vel quoscunque tu ames, iis favere. — Pro: Er-*
ras,

ras, quando dicis, te patri tot beneficia tribuisse, quot ab eo acceperis, ita dicitur: Erras, quando dicis, te, quot beneficia a patre acceperis, tot ei tribuisse: ubi etiam sine periodi usu dicere licet: Erras, quando dicis, quot beneficia a patre acceperis, tot ei te tribuisse. — Sic pro: Nemo potest tantum reddere parentibus, quantum ab iis accepit, dici potest: Nemo, quantum a parentibus accepit, tantum iis reddere potest, vel: nemo tantum, quantum a parentibus etc. — Sic pro: Tu te talem praesta, qualem te olim praestitisti, dicitur: Tu, qualem te olim praestitisti, talem te nunc praesta.

Haec de inferenda una enuntiatione. Eadem ratione utendum, si duas pluresve inferere velis. Ordo idearum semper regula esse et ob oculos versari debet.

V. c. Verba: Rogasti me, ut librum a Titio nuper editum mitterem, simulac possem, quia cum legere velles: statim ergo fratri meo scripsi, ut illum tibi mitteret, cum primum fieri posset: frater enim eum legendum a me accepit. Haec verba, quae et aliter concipi poterant, ita mutari periodice queunt: Cum me rogasses, ut librum a Titio nuper editum, quia legere velles, simulac possem, mitterem: fratri meo, qui illum legendum a me accepit, statim scripsi, ut, cum primum fieri posset, tibi mitteret. — Sic pro: Etsi homo non omnia, quae vult, discere potest, quia est homo, tamen permulta saltem discere potest, quae sibi prosint, si quidem justam industriam adhibet, ita dici potest: Etsi homo, quia homo est, non, quaecunque vult, discere potest, tamen permulta saltem, quae sibi prosint, si quidem justam industriam adhibet, discere potest.

SECT. VIII

De inveniendis enuntiationibus ad inferendum aptis.

At longe difficilior est periodi structura, si enuntiationes inferendas non habes, sed ipsas antea invenire debes. Id quod saepissime, imo plerumque, accidit. Hinc saepe fit, ut, qui de periodo loqui bene sciant et ipsas in priscis agnoscant, tamen periodice scribere non satis sciant. Aliud est scire, aliud est facere. Triplicem viam hic ad inveniendas aptas enuntiationes monstrabo,

strabo, quia nusquam, quod sciam, hac de re traditum est. Plures tamen forsitan vias aperiri posse haud negaverim.

I) Primum meditandum est, an in ea enuntiatione, quam dissecare cupis, desit notio *causae, conditionis, temporis, loci, restrictionis* etc. Singulae hae notiones exprimi possunt per singulas enuntiationes: sic habes enuntiationes inferendas. V. c.

a) Dicis vel dixisti: *Noacho Deus pepercit*. Hic multa quaeri possunt, v. c. *Cur? quando? ubi?* etc.: multa ergo addi queunt, v. c. *quia Deum coluit; it. tempus, cum ceteros homines perire iussisset, et alia*. En igitur periodum: *Deus, cum ceteros homines perire iussisset, pepercit Noacho, vel: Deus Noacho, quia ipsum colebat, pepercit*. Utraque nunc conjungi possit: *Deus, cum ceteros homines perire iussisset, Noacho, quia ipsum colebat, pepercit*. At deest priori enuntiationi causa: hanc igitur addas et dicas: *Cum Deus omnes homines, quia sceleribus flagitiisque dediti erant, perire iussisset, Noacho, qui ipsum colebat, pepercit, vel, ob numerum, parcendum putavit*. Possis et varia adhuc addere, v. c. qua ratione perierint illi, cur Deus hac poena usus sit ac punire soleat; atque ita, si lubet, dicere: *Deus, cum, justitiae suae memor, omnes homines, Noachi aetate viventes, quia sceleribus flagitiisque dediti erant, aquae vi immissa perire simul iussisset, Noacho soli, quia ipsum colebat, benignitatis suae memor modo mirabili parcendum putavit*. Possis et plura addere et alio modo variare. — En aliud exemplum! Quando dico: *Alexander potitus est regno Persarum*, meditati mihi, quid inferi possit, multa in mentem veniunt, v. c. notio temporis: *Alexander, postquam Darium tribus praeliis vicerat, regno Persarum potitus est*. Possis multa inferere adhuc de Alexandro, de Dario, de regno Persarum, v. c. *Alexander, summa gloriae cupiditate incitante, e Macedonia ad Persas suo imperio subjiciendos egressus, hoc affectus est, ut, postquam Darium, qui illius fortitudini resistere nullo modo poterat, tribus praeliis vicerat, regno Persarum potiretur*.

b) Etiam concessiva enuntiatio facile reperitur, v. c. Quando dico: *Industria sine ingenio parum prodest*, venit mihi in mentem: *etsi per se laudanda est*. Fit ergo periodus:

riodus: *Industria*, licet per se valde laudanda sit, tamen sine ingenio parum proficit. Etiam facile conditionalis inferitur: *Industria*, si caret ingenio, parum prodest, vel sic: *Industria*, licet per se sit laudanda, tamen, si ingenio caret s. non adjuvatur, parum prodest. — Omninoque conditio saepe addi debet, si subtiliter loqui cupis, v. c. Si cui dico, me ad ipsum venturum: deest conditio, si fieri possit, si domi sit etc. Hinc fit statim periodus: *Cras*, si otium mihi sit vel si domi sis, ad te veniam etc.

c) *Explicativa* incipiens per *qui* facile reperitur, v. c. pro: *Alexander vicit Darium*, possum dicere: *Alexander*, qui *Magnus est appellatus*, *Darium* etc. — Sic, quando dico: *dicam tibi omnia*, deest explicatio s. definitio, scilicet: *quae sciam*, *audiverim*, *legerim* etc. Nam omnia omnino amico dicere non possum. Ergo dico: *Ego*, *quaecunque scio*, *tibi dicam*, vel: *Scito*, *me*, *quaecunque* s. *quidquid sciam*, *tibi dicturum*.

II) Deinde curandum est saepe, ut enuntiatio dissecanda per *accusf.* cum *infin.* vel per *ut* cum conjunctivo efferatur; ubi per se patet, verbum, quod istum *accusf.* cum *infin.* vel istud *ut* cum conjunct. regat, praecedere debere, atque ita inveniendum esse.

V. c. *Accipies*, *quae petiisti*, nunquam potest per se periodice efferrī. At dicas ita: *Confermo*, *te*, *quae petieris*, *accepturum*. — Sic verba: *scribe*, *si potes*, non possunt periodice dici. At sic: *Rogo te*, *ut*, *si fieri possit*, *scribas*. — Saepe quoque praefigi potest *fit*, *accidit*, *contingit* etc., v. c. *Accidit*, *ut*, *cum in lectulo jacerem*, *audirem* etc., pro: *cum in lectulo jacebam*, *audiebam*. Sed hoc pertinet ad copiam dicendi, de qua infra separatim agetur.

III) Denique commutandis vocabulis cum vocabulis, salvo tamen sensu, facile oritur enuntiatio inferenda. Exempla dabimus:

1) *nam*, *enim*, mutari potest in *quia*, *quoniam*, *cum* etc. Sic existit enuntiatio causalis, v. c. *Cicero ab omnibus legi meretur*: *est enim praeclarus scriptor*, pro hac posteriore enuntiatione dic: *quia est praeclarus scriptor*. Nunc habes periodum: *Cicero*, *quia est praeclarus scriptor*, *legi* etc., vel: *Cicero*, *cum sit praeclarus* etc.

2) pro

2) pro adjectivo vel participio ponas interdum *qui*. Sic habebis enuntiationem explicativam, v. c. pro: *Omnes bonos libros legi*, dicas: *omnes libros, qui boni sunt, legi*; pro: *scito, me omnes tuos libros vidisse*, dicas: *scito, me, quidquid librorum s. quoscunque libros habes, vidisse*. Sic pro: *Rem diu expectatam accepi*, dicas: *Rem, quam diu expectatam, tandem accepi*, vel: *Rem, postquam diu etc.* — Hinc vides, qui participia nimis ament, eos in struendis periodis non nimis felices esse.

3) *quidem* mutetur in *etsi*, *tamen*, *quamquam*, *licet*. Ita habes enuntiationem concessivam, v. c. Verba: *Deus quidem est benignissimus; attamen etiam justissimus esse solet*, ita efferas: *Deus, licet sit benignissimus, tamen etiam solet esse justissimus*. Sic habes periodum. — Interdum deest *quidem*, at potest cogitari, v. c. *Amo te valde, nec tamen tibi ubivis gratificari possum*. Prius dictum est pro: *Amo quidem etc.* Ergo dicas: *Non possum, licet te amem, tibi ubivis gratificari*, vel: *Non tibi, etsi te valde amo, ubivis gratificari possum*.

4) particula *et* interdum in particulas temporis mutari potest, v. c. pro: *Multi mentiuntur, et hoc sibi honori ducunt*, dicere licet: *Multi, cum mentiuntur, hoc sibi honori elucunt*.

5) *propter* s. *ob* mutetur in particulam causalem *quia*, *cum* etc., v. c. pro: *Fratrem tuum ob ejus magnam doctrinam omnes colunt*, dixeris: *Fratrem tuum, quia est magna doctrina ornatus, omnes colunt*. Sic pro: *plures libros ob defectum pecuniae emere non poteram* dicas: *plures libros, quia pecunia deficiebat s. carebam, emere non poteram*. — Saepe etiam talem mutationem ipsa necessitas postulat, si v. c. substantivum non usitatum vel rarius est, v. c. vernaculum: *Der Bruder wird seines fleißigen Lernens wegen sehr gelobt*, verti debet: *Frater, quia assidue discit, propterea valde laudatur*: nam a *discere* non habemus substantivum respondens illi vernaculo.

6) particula *in* saepe in *etsi*, *quamquam*, *quando*, *cum* *wann*, da mutanda, v. c. pro: *Sapiens in summa paupertate felix sibi videtur*, dicas: *Sapiens, licet in summa paupertate versetur, tamen sibi felix videtur*. — Sic pro: *In malis non debemus statim animum abjicere*, dici potest: *Non debemus, etsi malis premimur, statim etc.*, vel sic: *Non debemus, quando malis premimur, statim etc.* — Sic pro: *Socrates in fine vitae praeclare locutus est*, ita dicere licet: *Socrates, cum finis vitae instabat, praeclare locutus est*.

7) *post in postquam, cum etc.*, v. c. pro: *Roma credebat, se post Caesaris caedem fore liberam*, dicas: *Roma credebat, se, postquam s. cum Caesar interfectus esset, liberam fore.*

8) *per interdum abit in quia, etsi, licet etc.*, v. c. pro: *per pecuniam homo non semper fit felix*, dicas: *homo, quia pecuniam habet, propterea non fit felix*, vel: *homo, licet pecunia abundet, tamen propterea non semper fit felix.*

9) *inter nonnunquam in dum*, v. c. pro: *Cajus inter coenam mortuus est*, dicas: *Cajus, dum coenabat, mortuus est.*

10) *sine saepe potest in qui, si, nisi mutari*, v. c. pro: *certum est, hominem sine ingenio parum discere posse*, dicere licet: *certum est, hominem, qui s. si ingenio careat, parum etc.* — Sic pro: *literae sacrae dicunt, neminem sine virtute posse deo placere*, ita dicas: *literae sacrae dicunt, neminem, si virtute careat s. nisi virtute instructus sit, posse deo placere.*

11) *praeter interdum in si excipis*, v. c. pro: *omnes homines praeter Adamum usi sunt parentibus*, dicere licet: *omnes homines, si Adamum excipis s. si ab Adamo discefferis, parentibus usi sunt.*

12) *valde in tantum quantum, tantopere quantopere*, v. c. pro: *scio me a te valde amari*, dici potest: *scio me, quantum s. quantopere vix filius a patre vel pater a filio amari soleat, tantum s. tantopere a te amari.* Pertinet hoc ad copiam, ut sequens:

13) *magnus, maximus in tantus, quantus*, v. c. pro: *Cicero eloquentia sua effecit, ut maxima dignitate frueretur*, dici possit: *Cicero — effecit, ut, quantam dignitatem pauci consequantur, tanta frueretur*, vel: *ut, quantam dignitatem pauci consecuti unquam essent, tantam consequeretur.* — Sic pro: *Cicero efficere oratione Maniliana studuit, ut Pompejus pro maximo viro haberetur*, dicere possis: *Cicero efficere — studuit, ut, quantus vix mortalis unquam fuisset, pro tanto Pompejus haberetur s. tantum Pompejum esse Romani sibi persuaderent.*

14) *locus*, v. c. *domus, urbs etc.*, mutetur interdum in *particulam loci*, v. c. pro: *miror, te nescire meam domum*, dicas: *miror, te, ubi ego habitem, nescire.* — Sic pro: *scripsisti, te patriam Caji nosse*, dici potest: *scripsisti, te, ubi s. in qua urbe Cajus natus sit, scire.*

15) *tempus in particulam temporis atque ita in enuntiationem temporaleni mutari potest*, v. c. pro: *multi nesciunt tempus rei*, rectius h. e. magis perspicue dicitur: *multi, quando s. quo tempore res acta sit, nesciunt.* — Sic pro: *nos horam mortis nescimus*, dicas: *nos, qua hora morituri simus, ignoramus.*

16) *omnis, omnia saepe per quisquis, quidquid; quicumque, quodcunque, quaecunque* circumscribi potest, v. c. pro: *constat; omnem nostram scientiam esse parvam, dicas: quis dubitat, quin, quidquid sciamus, id parvum sit?* — Sic pro: *Audio, ignem tibi omnes tuos libros eripuisse, dicere licet: Audio, ignem tibi, quidquid librorum s. quoscunque libros habueris, eripuisse, vel: ignem, quidquid librorum habueris, tibi eripuisse.*

17) *causa saepe mutari potest in cur, unde, v. c. pro: Multi dubitant; at dubitationis causam non afferunt, dicas: Multi dubitant: at, cur dubitent, non addunt.* — Sic: *tonitrua audis, sed eorum causas nescis, dicere licet: tonitrua audis, sed, unde oriantur, nescis.*

18) *saepe res in quid mutari potest, v. c. pro: Tu rem non audivisti, dicas: Tu, quid factum sit, non audivisti.*

19) *modus, ratio, mutetur interdum in quomodo, qua ratione, v. c. pro: rem scio, sed modum ejus nescio, ita dicatur: quid factum sit, scio, sed, quomodo s. qua ratione factum sit, nescio.* — Sic pro: *qui rationem institutionis non intelligit, is non debet pueros instituere, ita dicas: qui, qua ratione s. quomodo pueri instituendi sint, non intelligit, is non debet etc.*

20) *periphrases, de quibus infra dicetur, in universum hic valde profunt, v. c. ii, qui nos genuere, i. e. parentes.* — Sic pro: *scelus immaniissimum est, hominem suos parentes occidere posse, dici potest: Immaniissimum scelus est, hominem, a quibus genitus est, eos occidere posse, s. hominem eos, a quibus vitam accepit, posse vita privare.*

SECT. VIII

Cautiones aliquot de usu periodi.

Cum ista periodi structura nihil pulchrius sit, nihilque magis artem bene latine scribendi indicet, ut apte ponatur, omninoque ejus usus melius perspicatur, aliquot admonitiones cautionesque addendae sunt:

1) *Omnis interjecta enuntiatio aptam habeat sententiam necesse est. Quod nisi est, potius abstineamus periodis, quam nugas scribamus. Nugari enim est verba sine sententia ponere. Imo ista enuntiatio ta-*

lis esse debet, ut quisque lector credere cogatur, illam necessario ponendam fuisse, neque omnino abesse potuisse.

2) Periodo ubique uti non debemus. Ineptum id foret, et lectorem auditoremque defatigaret, eique taedium crearet. Variatione, ut in omnibus rebus, ita hic quoque opus est. Hinc etiam per *incisa* s. *commata* et *membra* s. *cola* scribendum et dicendum est, quod *incisim membratimque dicere et scribere* appellatur: et utraque periodis admiscenda sunt. *Commata* et *cola* sunt enuntiationes nulla alia enuntiatione disiectae: illa sunt breviora, haec longiora. E Rhetorum praeceptis *commata* intra octo syllabas comprehenduntur, h. e. usque ad octo syllabas procurrunt: *cola* ad septendecim, h. e. possunt VIII, X, XI — XVII syllabis constare. Sunt haec magis subtilia, quam utilia. Quis enim orator animo incitato loquens vel etiam scribens ubique syllabas numeret? Attamen exempla pauca afferam e Cicerone Orat. 66 et 67, ubi ipse haec vocat *incisa* s. *commata*: *Domus tibi deerat? at habebas. Pecunia superabat? at egebas*: — et *membra* s. *cola* haec: *Incurristi amens in columnas: in alienos insanus insanisti*. — Satis est nobis scire, debere nos modo *periodo* modo *membris incisisque* uti. Amant enim alterna Camenae.

3) Periodi non debent nimis longae fieri h. e. non nimis multae enuntiationes, eaeque longiores, inferendae sunt. Nam fatigant lectorem, eique taedium creant, et obscuritatis aliquid secum plerumque habent. Periodi longiores a Rhetoribus priscis vocantur *πνεύματα* i. e. *spiritus* et *τάσεις* h. e. *extensiones*: *πνεύματα*, si, quamquam longae sunt, tamen uno spiritu pronuntiari possunt; *τάσεις*, si uno spiritu a nemine, licet robustissimo, pronuntiari queunt. Hae igitur vitandae, saltem in dicendo; in scribendo ignosci possunt, si quidem perspicuae satis sunt. Nam lectoris oculus plura comprehendere valet, quam auris auditoris. Hinc
longissi-

longissimae periodi, quas *τάσεις* vocare possis, in Caesare et Livio, quamquam et in Cicerone ipso, licet oratore, et in ipsius orationibus, inveniuntur.

4) *Enuntiatio inferenda* debet esse brevior ea, cui inferitur, vel saltem videre debemus, ut verba posteriora dissectionis ne nimis pauca sint prae interjecta enuntiatione. Hoc postulat praeter perspicuitatem, quae ita offenditur, *numerus oratorius*, qui enuntiationum s. membrorum aequalitatem, quantum fieri potest, requirit. At difficile est illud ubique observare, nec Cicero ipse ubique observavit. At hoc saltem cavendum est, ne enuntiatio dissecta, praesertim si inserta enuntiatio paulo longior fuit, duobus, nedum uno vocabulo, praesertim breviori, terminetur. V. c. *patrem, etsi me nullis afficere solet beneficiis, amo*. Hoc injucundum est: saltem adjiciendum tamen et sic dicendum: *patrem, etsi me nullis afficere solet beneficiis, tamen amo*, vel: *tamen amare non dubito*. Multo minus ita dixeris: *patrem, etsi me nullis beneficiis affecit, sed, quibuscunque rebus potest, mihi aegre facere studet, amo*. Vocabulum *amo* sic solitarium esse non decet. — Notandum: si aequalitas membrorum observari non potest, melius est, verba enuntiationis dissectionis posteriora h. e. ea, quae post illam dissectionem ponuntur, longiora esse, quam enuntiationem interjectam: v. c. *patrem, etsi me non amat, tamen, ut filium ingenuum decet, omni illum pietate observantiaque amplecti soleo*. Videndum vero simul, ne nimio hujus aequalitatis studio materiam, quam tractamus, ipsam debilem et enervemus.

5) In compositis periodis videndum est, quantum fieri potest, ut consequens enuntiatio vel eandem, vel, quia illud non facile fieri ubique possit, paulo majorem, vel saltem non multo minorem longitudinem habeat, quam antecedens habuerat. V. c. Cic. Divin. in Caecil. I in. *Si quis vestrum, judices, aut eorum, qui adsunt, for-*

te miratur, me, qui tot annos in causis judiciisque publicis ita sum versatus, ut defenderim multos, laeserim neminem, subito nunc mutata voluntate ad accusandum descendere: is, si mei consilii causam rationemque cognoverit, una et id, quod facio, probabit, et in hac causa profecto neminem praeponendum esse mihi actorem putabit. Fonteij. 14 in. Quodsi aut quantam voluntatem habent ad hunc opprimendum aut quantam ad maledicendum licentiam, tantum haberent aut ad ementiendum animi aut ad fingendum ingenii: non meliore fortuna ad probra non audienda Fontejus, quam illi, de quibus antea commemoravi, fuisset. Agr. II, 36 extr. Quemadmodum, cum petebam, nulli me vobis auctores generis mei commendarunt: sic, si quid deliquero, nullae sunt imagines, quae me a vobis deprecentur. Catil. I, 13 Ut saepe homines aegri morbo gravi, cum aestu febris jactantur, si aquam gelidam biberint, primo relevari videntur, deinde multo gravius vehementiusque affliguntur: sic hic morbus, qui est in republica, relevatus istius poena vehementius reliquis vivis ingravescet. Ad Div. III, ep. 8 in. Et si, quantum ex tuis literis intelligere potui, videbam, te hanc epistolam, cum ad urbem esses, esse lecturum, refrigerato jam levissimo sermone hominum provincialium: tamen, cum tu tam multis verbis ad me de improborum oratione scripsisses, faciendum mihi putavi, ut tuis literis brevi responderem. In istis exemplis brevior erat consequens antecedente. — Contra paulo longior est consequens antecedente in hoc Cic. Agr. II, 37 Nam, si ii, qui propter desidiā in otio vivunt, tamen in sua turpi inertia capiunt voluptatem: sub ipso otio, quo vos fortunam regitis, si hunc statum, quem habetis, esse meliorem non ignoratis, non ut quaesitum sed vita partum otium tenueritis. Vel ex his exemplis patet, raro utramque enuntiationem posse plane aequalem sibi reddi. Caveamus itaque tantum, ne antecedentem longissimam consequens nimis brevis sequatur, v. c. vix ita dixerim: cum pater meus, qui te incredibili amore complecti solet, saepissime

sine mihi mandasset, ut, quibuscunque rebus possem, te adjuvarem, nihilque omnino, quod tua interesse putarem, omitterem: ego, quae mandavit, faciam. Equidem ita non dixerim: attamen cuilibet inaequalitatem talem facile condonarem, dummodo periodus ipsa egregiis sententiis ornata esset, atque ita illam compensaret. Nihil enim tam pulchrum est, quam bene cogitare: et gravis superstitio est, omnia in ista periodorum concinnitate, nihil in sententiis, ponere.

6) Periodus et simplex et composita non solum in Orationibus, quamquam hic potissimum, sed etiam alibi adhiberi potest, v. c. in epistolis, in historia scribenda. Cicero quidem in epistolis, in libris rhetoricis et philosophicis, Caesar et Livius saepissime adhibere, ut exempla supra ex istis libris petita docere possunt.

7) Dividunt etiam vulgo *periodos* in *bimembres*, *trimembres*, *quadrimestres*, prout vel duabus vel tribus vel quatuor injectis enuntiationibus constant; et *quadrimestres* perfectissimas esse dicunt. At totum hoc parvae est utilitatis: quia se quisque ad materiam, quam tractat, accommodare debet ac videre, quid et quantum dici interjicique possit, quid non. Imo talia praecepta tirones inducere et efficere possunt, ut plus studii in verborum fuco, quam in rerum veritate, plus in speciose dicendo, quam in apte cogitando, ponant. Hoc teneamus tantum, suavissimum esse, si, quot enuntiationes antecedenti, totidem consequenti enuntiationi insertae fuerint; hincque nobis operam dandam esse, ut, si fieri possit h. e. si contextus materiaeque ratio ferat, istud observemus. Ex. c. *Si, quantum regibus confidere solemus, tantum fiduciae in Deo poneremus: haud dubie, quo gravius nos mala premerent, eo minus desperandum putaremus.* Hic una est in antecedente, una in consequente. Hac in re peccavit Cicero Caecin. I in. *Si, quantum in agro locisque desertis audacia potest*

tantum in foro atque in judiciis impudentia valeret: non minus nunc in causa cederet A. Caecina Sex. Aebutii impudentiae, quam tum in vi facienda cessit audaciae. Hic enim antecedenti quidem inserta est enuntiatio, non item consequenti, ut propterea ista periodus ne pro composita quidem haberi possit. At docet simul hoc Ciceronis exemplum, magis materiae quam artificii illius periodici rationem habendam esse.

CAP. VI

De numeris oratoriis s. numero oratorio.

SECT. I

Quid sint numeri oratorii? (numerus?)

Cum periodo egregie cohaerent *numeri oratorii* (s. *numerus oratorius*, quamquam prius accuratius), quia hi magnam partem per illius aptam conformationem existunt. De his igitur numeris, quibus Cicero vim quandam incredibilem et paene immensam tribuit, dicendum est. At si, quid sint, quaeris, magna difficultas reperitur eos definiendi: hinc nonnulli dicunt, eos magis sentiri quam explicari posse: alii definiunt per *harmoniam* s. *concentum*: alii per *conformationem quandam orationis aures ipso sono delectantem*. Nimis generaliter et minus subtiliter. Nam sic, quidquid verborum e numeris musicis caneretur, foret numerus oratorius; quod tamen non est. Cicero ipse numeros oratorios s. numerum orationis (ut loquitur Orat. 6o) non explicat in Oratore, sed ibi loquitur de iis tam varie et inconstanter, ut, quid proprie ubique velit, vel maxime attentus non conjiciat: id quod argumento est, saepe hominem aliquid praeclare scire et usurpare, nec tamen accurate explicare, posse. Videamus, an accurate
distincte-

distincteque explicari possint. *Numeri oratorii* conveniunt cum *numeris poeticis* h. e. pedibus, ut Cicero ipse ait, et cum *numeris musicis*. Quid vero sunt *numeri poetici, musici*? Quid aliud, quam certae ac demensae unius Totius partes sibi invicem quodam modo aequales? In re musica *numeri* sunt *partes carminis demensae sibi aequales*, quarum mensura indicatur pede, manu, signaturque vulgo lineola perpendiculari et quae vocantur a nobis vulgo *Tacte*: hae partes omnes sibi sunt aequales *tempore*. Sic *numeri poetici* s. pedes sunt *demensae unius versus partes* (s. *membra*) eaeque tempore sibi aequales: v. c. spondeus aequat dactylum, quia duae breves syllabae uni longae aequales sunt h. e. tantum temporis postulant, quantum una longa desiderat. Eadem ratio est *numerorum oratoriorum*: sic enim haud dubie locuti sunt primis temporibus, utentes plurali, non singulari: hi igitur *numeri oratorii* sunt *partes* (s. *membra*) *aequales* unius sententiae majoris vel minoris, v. c. absolutae sententiae intra duas interpunctiones maximas inclusae. Postea etiam in singulari dicere coeperunt *numerum oratorium*: hinc orta est difficultas definiendi. At potest in singulari etiam definiri, ut *numerus* sit *certa et aequalis mensura* s. *proportio membrorum* (s. *partium*) h. e. *verborum, sententiarum et enuntiationum earum, quae ad se invicem referuntur, atque ita unum Totum constituunt*: de his enim tantum sermo est, non de omnibus vocabulis et enuntiationibus. Facilius haec tota res, puto, intelligatur, nostraque explicatio facilius probetur, si ponimus, quod ponere possumus, *numerum* proprie significare, ut *omnem partem*, ita in primis *partem certam ac demensam rei cujusque* et ceteris partibus parem: hinc sponte patet, *numeros musicos, poeticos, oratorios, militares, it. palaestrictos, saltatorios*, esse *certas unius Totius demensas sibi aequales partes*: v. c. Ovid. *carmen numeros veniebat ad aptos* i. e. *partes suas* s. *pedes*. Sic *cohortes* dicuntur *numeri*, quia sunt certae demensaeque ac

sibi aequales partes legionis. *Numerus pro parte qualibet* occurrit Ovid. Met. VII, 126 de infante latente in utero, *utque hominis speciem materna sumit in alvo perque suos intus numeros componitur infans* i. e. *partes*: ut adeo in numeris musicis, poeticis, oratoriis, palaestricis etc. ne translatione quidem opus sit, quia ubique proprie sumere licet. *Numerum* autem proprie significare *partem*, non mirum videri debet. Quid enim prisca numerabant prima aetate praeter partes unius Totius? v. c. *agnos* etc.: nam hi sunt *partes sui Totius* i. e. gregis etc. Et forsan vernaculum *Zahl, zählen*, cum vocabulo *Theil* est ejusdem originis: sic Graecis *νόμοι* dicuntur *numeri musici*, haud dubie a *νέμω* *partior, facere partes rei*. Quidquid est, sive *numeros oratorios*, sive etiam, ob dicendi usum, *numerum oratorium* dicere lubet: recte licet nobis, ut illos per *partes aequales*, ita hunc per *aequalitatem membrorum* s. *partium*, h. e. enuntiationum inter se arcte connexarum proportionem explicare. Hinc vero etiam patet, *numerum* non esse ipsam harmoniam s. suavitatem soni, *Wohlklang*, sed causam tantum hujus harmoniae s. suavitatis: quemadmodum carmen, e regulis musicis apte compositum, non est ipsa suavisitas, sed suavitatem affert, estque ejus causa.

SECT. II

Utilitas et origo numerorum orat. (numeri).

Numeri hi utiles sunt primum propter *suavitatem*: nam omnis continuatio ordinis cujusdam, omnis proportio s. demensa aequalitas, placet; deinde vero etiam in primis ob *perspicuitatem*; et tandem ob *gravitatem*. Res enim ita magis oculis exponuntur et subjiciuntur animoque sentiuntur. Inventores numerorum horum (s. *numeri*) putantur Thrasymachus et Gorgias Leontinus: post perfecisse dicitur Isocrates; v. Cic. Orat. 52: quo loco Cicero ita loquitur, ut periodos ad numerum illum quoque pertinere credat. Recte. Nam periodus bene structa est *numerus* vel potius constat *numeris*. Cf. supra.

SECT.

SECT. III

Quotuplex sit iste numerus?

Numerus i. e. aequalitas seu proportio istarum enuntiationum inter se arcte connexarum atque ita unum Totum constituentium est triplex, ad summum quadruplex. Nam a) enuntiationes istae sibi interdum, h. e. ubi contextus fert, aequales debent esse in certis verbis sibi invicem eodem modo respondentibus: b) posterior pars enuntiationis dissectae debet aequalis esse enuntiationi insertae: c) verborum compages, quae totam sententiam claudit proximeque antecedit distinctioni maximae, five illa sit pars dissectae enuntiationis five enuntiatio tota, debet vel praecedenti aequalis esse vel saltem non nimis prae illa brevis. Huc accedit d) compositio vocabulorum ad numeros poeticos e mente Ciceronis instituenda, quae tamen hodie parum prodesse potest. Haec singula illustrabimus:

I) Enuntiationes arcte conjunctae, in primis sibi oppositae, debent, ubi fieri licet, in certis partibus h. e. vocabulis sibi aequales esse seu respondere: ita, ut totidem vocabula ejusdem generis respondeant praecedentibus. Exempla dabimus:

I) *unum vocabulum uni vocabulo* ejusdem generis, si fieri potest, (h. e. nomen nomini, participium participio, adverbium adverbio) *respondet*, h. e. una enuntiatio alteri opponitur ita, ut in utraque unius vocabuli maxime habeatur ratio. V. c. Cic. Mil. 4. *Est haec non scripta sed nata lex: — ad quam non docti, sed facti; non instituti, sed imbuti, sumus.* Hic singula vocabula singulis vocabulis ter opponuntur, eaque unius generis, h. e. participium participio: *scripta* et *nata*; *docti* et *facti*; *instituti* et *imbuti*. Quodsi Cicero dixisset: *est haec non a majoribus nostris scripta sed nata lex*, peccasset, quia membrum hoc: *sed nata lex*, longe brevius fuisset; at sic dicere poterat: *est haec lex non a majoribus scripta, sed a natura tradita*: ita membra aequalia fuissent. At ita dicere noluit, quia statim deinde dixit: *sed e natura hausimus*. Talem membrorum aequalium compositionem Cicero Or. 49 *concinnitatem* appellat, ubi ista verba e Miloniana ipse exempli causa affert. Nec tamen negandum, *sed imbuti* i. e. a teneris *adsuefacti* forsan parum vel nihil differre ab *instituti* et *docti*,

ut adeo tota ista concinna commutatio, si aurium oblectationem excipis, vitium tautologiae sustinere videatur. — Sic Catil. I, II: *ex hac enim parte pudor pugnat, illinc petulantia; hinc pudicitia, illinc stuprum; hinc fides, illinc fraudatio* etc., ubi *pudor* et *petulantia*, *pudicitia* et *stuprum* etc. sibi opponuntur. Possis hoc exemplum quoque referre ad sequens, ubi bina vocabula sibi opponuntur; si scilicet *hinc* et *illinc* assumere velis.

2) bina vocabula ejusdem generis binis respondent, v. c. *tu eo es animo, ut omnes oderis, neminem ames*: ubi *omnes oderis* et *neminem ames* sibi opponuntur. — Sic: *deceat hominem, mortales inimicitias, immortales amicitias habere*: sic: *curas aliena, negligis tua*. — Cic. ad Div. VI, ep. 2 §. 5 *Si armis aut conditione positis aut defatigatione abjectis aut victoria detractis civitas respiraverit*: ubi *conditione positis*, *defatigatione abjectis*, et *victoria detractis*, sibi opponuntur; verba sunt ejusdem generis a) ablativi *conditione*, *defatigatione*, *victoria* b) participia in eod. casu *positis*, *abjectis*, *detractis*, quae singula apta sunt: *arma ponere* convenit *conditioni*, *abjicere* *defatigationi*, *detrahere* *victoriae*. — Arch. 6 *qui ita vivo, ut ab nullius unquam me tempore — aut otium meum abstraxerit, aut voluptas avocarit, aut denique somnus retardarit*. Apte. Nam *otium abstrahit*, *voluptas avocat*, *somnus retardat*. Quod *meum* et *denique* inseruit, atque ita enuntiationes non plane aequales reddidit, parvi faciendum est. Perspicuitas quidem postulabat *meum*, et ultima enuntiatio paulo longior fieri debebat. — Peccasset Cicero, si in prior loco dixisset: — *armis aut positis aut defatigatione abjectis* etc.; vel: *armis aut conditione positis aut per defatigationem abjectis* etc., et in posteriore: *aut otii studium abstraxerit aut voluptas avocarit* etc. Addere tum etiam vocabulis *voluptas* et *somnus* substantivum aliquod debuisset, v. c. *voluptatis illecebrae*, *somni dulcedo* vel simile quid. — Haec aequalitas vocabulorum non modo in binis enuntiationibus sibi junctis locum habet, sed etiam in una enuntiatione, v. c. pro: *frater tuus doctrina et vita integra honores et nomen immortale consecutus est*, ita dici potest numerose: *frater tuus doctrinae elegantia et vitae integritate honorum amplitudinem et nominis immortalitatem consecutus est*. Sic millies Cicero et in Orationibus et alibi. V. c. Marcell. 2 *Soleo saepe ante oculos ponere, — omnes nostrorum imperatorum — res gestas cum tuis nec contentionum magnitudine, nec numero praeliorum, nec varietate regionum, nec celeritate consiciendi, nec dissimilitudine bellorum posse conferri*. Hic observes aequa-

aequalitatem: contentionum magnitudine, numero praeliorum etc. Egregie! — Sic Orat. I, 5 *quid tam admirabile, quam populi motus, iudicum religiones, senatus auctoritatem, unius oratione converti.* Dicere poterat: *populum, iudices, et senatum*; sed, cum unum horum vocabulorum in duo convertisset, debebat cetera duo quoque eodem modo mutare. — Ibid. c. 9 *Cum civitatem vel paterno consilio vel avitis armis florentissimam accepisset etc.*

3) *terna vocabula ternis respondent.* Cic. Orat. I, 9 *quis enim tibi hoc concesserit, aut initio genus hominum in montibus ac sylvis dissipatum, non prudentium consiliis compulsum potius quam disertorum oratione delinitum, se oppidis moenibusque secessisse?* Hic notes oppositionem: *prudentium consiliis compulsum et disertorum oratione delinitum*, ubi genitivus, ablativus, et participium genitivo, ablativo, et participio respondet. Quod si Cicero omisisset *compulsus*, debuisset quoque omittere *delinitum*; si dixisset: *a prudentibus pro prudentium consilio*, debuisset quoque dicere: *a disertis pro disertorum oratione.* — Rosc. Com. 8 extr. *qui tantas et tam infinitas pecunias non propter inertiam laboris, sed propter magnificentiam liberalitatis, repudiavit.* Hic notes: *propter inertiam laboris et propter magnificentiam liberalitatis*, sibi respondere: *vocabulum laboris plane abesse debebat*, quia jam latet in *inertia*: et *inertia laboris* est dura locutio. Addidit tantum ob membrorum concinnitatem. — Marcell. 2 *Soleo saepe ante oculos ponere idque libenter crebris usurpare sermonibus, omnes nostrorum imperatorum, omnes exterarum gentium potentissimorumque populorum, omnes clarissimorum regum res gestas cum tuis nec contentionum etc., ubi notes: omnes nostrorum imperatorum, omnes exterarum gentium, omnes clarissimorum regum.* Hinc intelligitur id, quod jam in praeced. monui, hanc aequalitatem vocabulorum s. numerum non modo in duabus enuntiationibus sibi iunctis vel oppositis, sed etiam in una eademque enuntiatione, locum habere. — Claudat agmen locus ille nobilissimus Mil. 4 *Est haec non scripta sed nata lex, quam non didicimus, accepimus, legimus; verum ex natura ipsa arripimus, hausimus, expressimus,* ubi notes: *didicimus, accepimus, legimus*, et contra: *arripimus, hausimus, expressimus.* Hunc locum Cicero ipse Or. 49 nomine *concinnitatis* insignivit: quamquam quaeri adhuc possit, quomodo *arripimus, hausimus, expressimus* differant, et annon concinnitatis istius studio interdum verba pro rebus a Cicerone prolata sint.

4) *plura etiam verba sibi opponuntur interdum, ac vel totae enuntiationes: v. c. Cic. Verr. V, 6 ut, quam damnatis servis crucem fixeras, hanc indemnatis civibus romanis reservares? Hic opponitur quam et hanc, damnatis et indemnatis, servis et civibus, fixeras et reservares. — Addam tantum adhuc locum e Verrinis, quem Cicero ipse Orat. 50 in. tanquam exemplum numeri memorat, ubi bina, terna, ac plura vocabula sibi opponuntur: conferte hanc pacem (Verris) cum illo bello (Marcelli), hujus praetoris adventum cum illius imperatoris victoria: hujus cohortem impuram cum illius exercitu invicto: hujus libidines cum illius continentia: ab illo, qui cepit, conditas, ab hoc, qui constitutas accepit, captas dicetis Syracusas. Locus est Verr. III, 52.*

Sed hic duo notanda:

a) ista aequalitas s. numerus, suavissimus licet, non ubique affectandus est, sed interdum tantum adhibendus, praesertim in re gravi, ubi v. c. rem cum re comparamus, vel ubi aliquid refutamus, omninoque ubi materia suppedatur: sine qua numerose dicere stultitia et insania est. Nec Cicero ubique istud numeri genus secutus est: imo saepe contra eum peccavit. V. c. Arch. 6 *quis mihi jure succenseat, si, quantum ceteris ad suas res obeundas, quantum ad festos dies ludorum celebrandos, quantum ad alias voluptates et ad ipsam requiem animi et corporis conceditur temporum etc.* Hic non plane sibi sunt aequalia: ad suas res obeundas, ad festos dies ludorum celebrandos, ad alias voluptates et ad ipsam requiem animi et corporis: nam ad suas res obeundas sunt quatuor verba sine genitivo: sed ad festos dies ludorum celebrandos sunt quinque verba, et inest genitivus ludorum, cui in praecedenti membro nullus genitivus respondet. Quam inaequalia illis sunt sequentia: ad alias voluptates et ad ipsam requiem animi et corporis! — Ibid. c. 7 *haec studia adolescentiam alunt, senectutem oblectant, haecenus recte; at pergit: secundas res ornant, adversis perfugium ac solatium praebent, delectant domi, non impediunt foris, pernoctant nobiscum, peregrinantur, rusticantur.* Quam inaequalia haec membra! — Ib. c. 8, ubi Archiam cum Roscio Comoedo comparat: *Ergo ille corporis motu tantum amorem sibi conciliarat a nobis omnibus: nos animorum incredibiles motus celeritatemque ingeniorum negligemus?* Ibid. extr. *Ergo illi alienum, quia poeta fuit, post mortem etiam expetunt; nos hunc vivum, qui et voluntate et legibus noster est, repudiabimus?* — Manil. 3

ut se non Ponto neque Cappadociae latebris occultare velit, sed emergere e patrio regno atque in vestris vectigalibus, hoc est, in Asiae luce versari. — Orat. I, 9 Quis enim tibi hoc concesserit, — reliquas utilitates aut instituendis aut conservandis civitatibus non a sapientibus et fortibus viris, sed a disertis et orate dicentibus, esse constitutas? Hic opponitur a sapientibus et fortibus viris atque a disertis et orate dicentibus, non satis accurate: at non aliter poterat. — Ibid. c. 10 in. num aut inventa sunt aut cognita aut omnino ab oratorum genere tractata? postremum membrum est nimis longum prae duobus antecedentibus aut inventa aut cognita. Peccavit ergo Cicero contra numerum; sed non in re peccavit: et melius est contra numerum quam contra rem peccare, si in alterutro peccandum est. — Add. Manil. c. 6 tamen pecora relinquuntur, agricultura deferitur, mercatorum navigatio quiescit. Recte; licet, si numerum spectes, non satis accurate. Vim itaque faciunt Ciceroni, qui sicubi hanc membrorum aequalitatem ab eo neglectam vident, statim corrigere conantur, v. c. Ernesti ap. Cic. Deiot. 6 in. *tamen quis tectior* pro *purius* habet, cf. Ernesti Arch. 6 n. 20.

b) Quaeritur vero, unde materiam hujus aequalitatis numerique petamus. — In primis variatione et copia dicendi, de qua infra. Debemus rem, quam tractamus, omnibus ex partibus considerare ac videre, an et quot vocabula adhuc addi possint, v. c. *similitudo* quaedam, *contrarium* etc., et an istis totidem vocabula opponere possimus: interdum hic prodest phrasin pro uno verbo ponere, ex uno substantivo duo facere etc. Proponam hic exempla pauca, eaque faciliora, v. c. Quando dico: *nemo potest sine labore ad doctrinam accedere*, recte dico, quia *labore* et *doctrinam* sibi bene respondent. At, cum dico: *nemo sine laboris assiduitate ad doctrinam accedere* etc., vel: *nemo sine labore ad doctrinae suavitatem accedere potest*, pecco in utroque. At utrumque jungatur: *nemo sine laboris assiduitate ad doctrinae suavitatem accedere potest*. Ita erit numerus. Possit et ita variari: *non otii studio sed laboris assiduitate ad doctrinae suavitatem accedere licet*. — Sic pecco quodam modo, cum dico: *quod Cajus propter amorem facere studuit*, id *Titius odio incitatus prohibuit*, quia *propter amorem* et *odio incitatus* non sibi satis bene respondent. Quare vel *propter amorem* et *propter odium* vel *amore ductus* et *odio incitatus* dicendum. Possis etiam, si tria verba tribus opponere velis, ita dicere: *quod*

quod Cajus amoris magnitudine ductus facere studuit, id Titius odii vehementia incitatus prohibuit; vel, si quatuor opponere velis: quod Cajus incredibili amoris magnitudine adductus facere studuit, id Titius acri impetu odii inflammatus prohibuit; vel, si quinque: quod Cajus incredibili amoris acerrimi magnitudine inflammatus facere studuit, id Titius acri impetu odii saevissimi abreptus prohibuit. Possis adhuc addere adverbia, in priori egregie, in posteriori turpiter; possis quoque pro turpiter ponere cum turpitudine insigni, tum pro egregie ponendum cum laude egregia. Possis etiam pro Cajus dicere Caji humanitas et pro Titius ponere Titii crudelitas. Possis tandem, ut cuncta sibi respondeant, pro prohibuit dicere prohibere ausus est, prohibendum putavit etc., ut sic melius respondeat *tō facere studuit*: atque ita totam sententiam hac ratione formare: quod Caji humanitas incredibili amoris acerrimi magnitudine inflammata cum laude egregia facere studuit, hoc Titii crudelitas acerrimo impetu saevissimi odii abrepta cum insigni turpitudine prohibere ausa est. Possis adhuc verbis Caji et Titii humanitas et crudelitas addere epitheton: v. c. quod Caji optimi s. liberalissimi summa humanitas etc., id Titii durissimi s. pessimi crudelitas nefaria etc. — Possint adhuc plura addi: sed haec sufficiant. Posui vero ista, non, ut tirones inepte cupideque imitarentur, sed ut ostenderem, qua ratione sibi facile possent viam ad istum numerum patefacere: quae ratio notior foret adolescentibus, si concinnitates istas apud Ciceronem obvias non tantum vertere sed etiam resolvere et in sua elementa redigere mature discerent.

II) *Alterum* numeri genus est, quando pars posterior disiectae enuntiationis vel aequalis est insertae enuntiationi, vel etiam, si id fieri nequit, major, vel saltem non nimis brevis prae illa. Nam hic non *aequalitas* subtiliter intelligenda, quasi in utroque membro eadem multitudo et idem numerus syllabarum et literarum esse debeat. Quod quis mortalium efficere possit? Hinc concedendum est aliquid, ita, ut tamen *aliqua aequalitas* servetur. Tenendum tamen est, posteriorem partem disiectae enuntiationis, licet non nimis brevis prae inserta esse debeat, tamen longiorem esse posse. Hoc ait Crassus ap. Cic. Orat. III, 48 extr. his verbis: quae (membra) *si in extremo breviora sunt, infringitur ille quasi verborum ambitus: quare aut paria esse debent posteriora superioribus, extrema primis, aut, quod etiam melius est et jucundius, longiora*. Peccaret ergo, qui diceret:

pater,

pater, postquam literas à te missas legerat, et se rescripturum esse promiserat, mortuus est; saltem debebat dici: praeter omnium opinionem statim mortuus est, vel simile quid. Sed ut, quid sentiam, aperte dicam, causam, cur posterius membrum longius quidem fieri possit, sed nunquam nimis breve fieri debeat, puto esse non tam suavitatem, ut Crassius, vel potius Cicero, delectandi auditores studio deditus, putavit, quam perspicuitatem. Audiuntur enim et attenduntur melius posteriora verba sententiae quam priora: praesertim cum vox in fine sententiae totius cadere et remissior fieri soleat, ut adeo paucula verba vel saltem syllabae in periculo semper sint, ut audiantur: propterea puto decere, posterius membrum reddere paulo longius.

Notandum hic:

a) pertinere huc non modo posteriorem partem enuntiationis disiectae, sed etiam omnem enuntiationem, quae alteram, cum qua conjuncta est, sequitur, licet non disiecta sit. Etiam hanc praecedenti, quantum fieri possit, aequalem fieri debere certum est. De utraque usurpari solet vocabulum *membri*, non satis perspicue, at usitate tamen: v. c. cum dicitur *membra paria* esse debere, s. *paria membra paribus* respondere debere.

b) sed quaeritur, si pars ista posterior enuntiationis disiectae, vel enuntiatio omnino consequens, brevior per se sit, quomodo longior reddi queat. — Haec est res non facillima. Variis tamen rebus illud effici potest, modo rem, quam tractes, et singula, quae dicas, satis intelligas. Fieri id in primis solet addendo vocabulo, v. c. substantivo, verbo, adverbio, adjectivo; it. per phrasin loco unius verbi, aliaque circumscriptione; v. c. pro: *quod tua crudelitas fecit, non ego faciam*, dici potest: *quod tua crudelitas fecit, id mea humanitas facere non sustineat*; pro: *olim vivebas cum laude, nunc non*, ita dicere licet: *olim vivebas cum laude, nunc cum ignominia*, vel: *nunc in ignominia versaris*: pro: *pater, ubi mortem filii audierat, flebat* etc., ita dicas: *pater, ubi filii mortem audierat, lacrymas tenere non potuit, s. lacrymis abstinere, lacrymis temperare, non valuit, s. lacrymis se dedere coepit* etc. — Sic pro: *Rex civibus, quia eos poenitere facti videbat, pepercit ac etc.*, dici potest: *Rex civibus, quia poenitere eos facinoris vidit, parcendum esse putavit s. decrevit, s. Rex, cum cives facinoris poenitere vidisset, in eos clementia utendum esse statuit*. — Sic pro: *etsi ob multas, quibus premebar, occupationes parum otii ad colloquendum cum*

cum amicis dabatur, hic consequens hoc membrum recte est longius; at si pergo: *tamen, quia te meae epistolae tanto desiderio affici videbam, ad te scripsi*, melius in posteriori dicitur: *ad te has literas dandas censui*, vel: *ad te scribere quamprimum meum esse existimavi*.

c) Non credendum est hoc genus numeri adhibendum esse ubique necessario. In rebus vulgaribus peccare contra eum licet; non item in gravibus et attentione maxima dignis. Hinc in Epistolis similibusque scriptis priscorum, itemque in Orationibus (v. paulo ante e Cic. n. I, 4, a) saepe neglectum reperitur.

III) In primis omnis verborum compages, sive sit pars disiectae enuntiationis posterior, sive per se enuntiationem efficiat, quando in fine ponitur sententiamque universam claudit, h. e. quando inter ultimum signum distinctionis minimae, quod *comma* vulgo vocatur, et inter signum distinctionis maximae, quod *puncti* nomen vulgo gerit, intercedit, debet praecedenti verborum compagi vel aequalis, vel potius, si fieri licet, paulo longior vel saltem non nimis brevis prae illa esse. Hoc exigit a) suavitas; quia omnis proportio placet: b) inprimis perspicuitas et gravitas, praesertim in orationibus: quia, quo propior clausulae suae fit sententia, eo gravior fit, eo magis sentitur et attenditur, eoque longior pars expectatur: deinde in omni fine sententiae vox dicentis deficere et se remittere solet ac debet, ut facile una alterave syllaba excidat et ab auditoribus praetermittatur. Iam, quo brevius istud ultimum membrum est, eo minus tota ejus sententia percipitur; at, quo longior, eo facilius est sententiam percipere et ex auditis non audita assequi conjectura. — Dixi de hac re paulo ante, ubi de altero numeri genere locutus sum, dixique, posteriorem enuntiationis disiectae partem; omneque aliud membrum, licet non proxime ante interpunctionem maximam collocetur, sed, ut post se, ita ante se adhuc aliud membrum habeat, semper se longitudine quadam commendare atque ita perspicuitatem adjuvare debere. V. c. *tamen, quia te meae epistolae tanto desiderio flagrare videbam, ad te has literas dandas existimavi*, pro: *ad te scripsi*. — Forsan aliquis opinetur, me unam rem bis dicere, cum supra de posterioris membri longitudine dixerim, et hic de postremi membri longitudine loquar. Non plane res eadem est. Supra dixi de omni posteriore membro, quatenus *aliud prius* idque unum membrum praecedat, sed aliud adhuc sequitur vel sequi potest, quamquam et interdum sine sequente membro esse

esse potest. Hic vero loquor de omnium ultimo membro, siue unum siue plura membra praecefferint; sed inter utrumque aliquam intercedere similitudinem certum est. Ceterum non negari potest praeter perspicuitatem inesse suauitatis aliquid in ista longitudine, in primis, quando membrum aliquod longius praecefferit; tum enim auditor eandem fere longitudinem expectat in posteriori. Qui dum attentionem omnem illuc convertit, aegre fert, si spes ipsum fefellit, putatque, vel aliquid omissum esse a dicente, vel se non recte attendisse. Omninoque omnis inaequalitas offendit, praesertim repentina, qualis hic est; ut contra omnis proportio s. aequalitas demensa placet ac pulchritudinis aliquid affert. Qua vero ratione longius effici possit aliquod membrum, paulo ante monui. V. c. pro: *qui ita de hac re loquitur, errat*, dici potest: *qui ita de hac re loquitur, is aperte errat s. cum errare manifestum est* etc. Faciunt hoc quoque longiora vocabula pro brevioribus usurpanda, v. c. *amandauit* pro *dimisit*, *amplificauit* pro *auxit*; de quibus infra dicetur.

At haec omnia nituntur ratione contextus atque iudicii subtilitate: v. c. in oxymoris parum valeat ista regula. *Dum tacent, clamant*, rectius h. e. grauius est dictum, quam si dicas: *dum tacent, eos clamare quis non intelligit?* Duae ideae *tacere* et *clamare* hic sunt solae ideae, ad quas attendi simul debet: solae igitur sufficiunt arte conjunctae.

Haec sufficere poterant ad cognoscendum numerum: at duo adhuc addenda sunt, quia auctore Cicero-
ne huc referri solent:

I) Primum igitur, ultimum vocabulum totius periodi vel etiam omnis perfectae sententiae, postquam signum distinctionis maximae ponitur, debet, si fieri potest, a) paulo longius esse, et b) in primis paenultimam habere longam; et c) haec paenultima inter ceteras vocales τὸ α propter hujus sonum clariorem libentissime recipere solet. Permittuntur tamen et aliae vocales, v. c. o et e, rarius tamen i et u: v. c. *fatetur, fateretur, perterrefecit* pro *terrui*: in primisque ob τὸ α *fateatur, videatur, consequatur, amandauit* pro *dimisit, amplificauit* pro *auxit*: haec igitur libenter claudunt sententiam; contra *docuit, terruit, habuerit, sit, est* etc.

non bene in fine ponuntur. — Haecenus recte, et millies ita Cicero, v. c. Manil. 1 *susceptae prohibuerunt*; deinde: *transmittendum putavi*; tum: *consecutus*; porro: *haberetis*, et statim: *consuerunt*. — Ex una Cluentiana c. 19 ecce has clausulas: *defuisssem*; paulo post: *dicebat*; deinde: *ipse patronus*; tum: *venisset*; postea: *premebatur*; deinde: *dicebat*; tum iterum: *dicebat*; post: *sedebat*: tum: *faciebant* etc. — Et, ut tale verbum ultimo loco ponere posset, saepe Cicero (ut saltem videtur) verborum ordinem immutavit, v. c. Cluent. 47 *sibi dixerint non liquere* dicere maluit, quam: *sibi non liquere dixerint*. — Manil. 7 maluit dicere: *quorum vobis* — *habenda est ratio diligenter*, quam: *quorum vobis* — *ratio diligenter habenda est* vel *habenda est ratio*.

At hic observanda duo:

a) primum quaeritur, quaenam sit hujus clausulae causa propria, quisnam usus? utrum *suavitas*, ut vulgo dicunt, an *perspicuitas*? Suavitas saepe pendet ab usu et consuetudine (hinc rustici delectantur sua symphonia, quae urbanis displicet ac molesta est), interdum a praejudicata quadam opinione. Ego, hanc rem diligentius considerans, totam puto proprie ad orationem in conventu aliquo recitandam pertinere, ubi propter perspicuitatem, ut membrum longius, ita maxime vocabulum longius necessarium est: ut itaque illa clausula magis sit res necessitatis et perspicuitatis quam suavitatis; nisi quod omnis perspicuitas simul suavis est. Nam, ut jam supra monui, in extrema sententia, ubi interquiescere orator debet, cadit vox fitque obscurior in ultimo vocabulo, ut auditor procul stans plerumque unam vel duas extremas illius syllabas non satis audire queat, si quidem a) vel sint breves pronuntiatione, v. c. in *docuit, exstitit, legerit* etc.: nam priscos syllabas breves celerrime i. e. ita, ut vix audirentur, pronuntiasse, supra in Cap. de Orthographia monuimus; b) vel paenultima hujus ultimi vocabuli, licet longa sit, careat vocali sonantiori, quales sunt *a* et *o*, v. c. in *dimisit, praevidit* etc. Quid demum fiet, si vocabulum ipsum est breve, et una, summum duabus syllabis, iisque brevibus constat et vocali *i* terminatur? At alia res est, si vocabulum est longum habetque, nisi omnes syllabas longas, tamen paenultimam

timam longam. Nam, si ipsum paulo longius est, v. c. quadrifsyllabum, vel saltem trifsyllabum, auditor omnis, etiam si unam alteramve syllabam non distincte percepit, ex una tamen vel duabus syllabis recte auditis reliquam vocabuli partem, adjutus simul contextu orationis, colligere potest: id quod eo facilius fit, si paenultima longa est atque ita cum quadam vocis intensione, ut Romani solebant, pronuntiatur, sic, ut audiri eam necesse sit. Tum enim non nisi syllaba extrema ad summum perire potest: quae quin ex praecedentibus syllabis, praeter orationis contextum, satis intelligi possit, quis dubitet? cum et hodie sic fieri videamus in nostris orationibus, ubi ultimam syllabam auditores non semper percipiunt, v. c. in *alle, ewiglich*, at ex praecedentibus vel praecedente colligunt. Quod si praeterea illa paenultima syllaba clariore et sonantiore vocali instructa est, eo minus praetermitti ab auditoribus negligique potest, sed vere auditur atque ita intelligentiam ceterarum syllabarum faciliorem reddit. Rectissime igitur hanc clausulam in orationibus et olim usurpata esse et a nobis usurpari ob perspicuitatem, cui omnis eloquentia maxime servit, manifestum est. An vero etiam illa clausula numerosa, ut appellatur, in iis, quae tantum legendi causa scribuntur, v. c. historia, epistolis etc. usurpanda sit, quaeri adhuc possit. Nam hic sub oculis legentis versatur totus contextus, apparent omnes syllabae, quas quisque legere potest, prout ipse vult: nulla syllaba, nulla vocalis perit, licet brevissima. Attamen, si supervacanea ex proverbio illo interdum nil nocent, hic certe usus illius clausulae in omnibus etiam, quae scribimus, nil nocere potest: praesertim cum iis, qui isti clausulae legendo Cicerone assueti sunt, illa ubivis suavis videatur: ut taceam, oratorem, qui ei assuetus est, deinde etiam in aliis, quae scribit, vix illa se abstinere posse: ut Ciceronis exemplum docet.

b) clausula illa non ubique cupide ac putide sequenda est. Praecipit hoc Cicero Orat. 63 *sed*, inquit, *crebrius fieri non oportet: primam enim numerus agnoscitur; deinde sariat; postea cognita facilitate contemnitur*. Hinc illum ipsum reperimus non ubique istam clausulam numerosam adhibuisse, sed innumerabilibus locis intermisisse. Sic v. c. Cluent. 19 claudit sententiam: *accusator extorquebat e manibus*: ubi tamen, si voluisset, facile dicere poterat: *e manibus extorquebat*, vel: *e manibus accusator*. Ib. c. 20 *neque laudatoribus potuit*; et statim: *impudentiae*; et mox: *ponerent*; c. 22 *nova quaedam vulnera*.

Phil. II, 13 *judicati sunt*, et deinde: *mihi sit turpissimum*, et paulo post: *cum laude non comparem*; c. 17 *nihil sapere disceres*; c. 20 *gratia*, et deinde; *gratiam*; c. 28 *susceptum opera tua est*: et sic centies vel in una hac Philippica. — Docet nos Cicero suo exemplo, non ubique clausula utendum; sed saepe etiam alia vocabula adhibenda esse; tum vero illa maxime utendum, postquam de re gravi copiose dictum sit, ubi deceat gravem sententiam gravitate vocabulorum vestitam et ornatam cum quadam gravitate finire. Ciceronem autem, huic clausulae assue- rum, etiam ea in epistolis aliisque libris saepe usum esse non mirabile est. Exempla ubivis obvia, v. c. ad Div. III, ep. 8 in prima periodo: *brevi responderem*, deinde; *potuisse*. Ib. V, ep. 12 §. 4 *vivi perfruamur*: at deinde: *sejungeres*, post: *arripere* etc. — Recte: nam et in epistolis et alibi res graves tractantur subinde. Est itaque huic clausulae ubique locus, eique, ut in omni stilo, si fieri potest, ita maxime in oratione, ubi perspicuitati prodest, opera danda. Nec tamen ejus usus nimis ac praeter rem quaerendus et ad puerilem affectationem extendendus. Materia ipsa dare debet clausulae locum. Ceterum, quantam vim Cicero isti clausulae tribuat in libello, qui Orator inscribitur, vix dici potest. Maxime in illo memorabile est id, quod cap. 63 de mira quadam vi talis clausulae in Oratione Carboniana refert, populum, propter dichoreum s. ditrochaeum *comprobavit* exclamasse. Verba Carbonis fuerant: *patris dictum sapiens temeritas filii comprobavit*. Hic Cicero ait: *hoc dichoreo (comprobavit) tantus clamor concionis excitatus est, ut admirabile esset. Quaero, nonne id numerus effecerit? verborum ordinem immuta: fac sic: comprobavit filii temeritas: jam nihil erit, etsi temeritas ex tribus brevibus et longa est: quem et Aristoteles ut optimum probat, a quo dissentio. At eadem verba, eadem sententia. Animo istud satis est, auribus non satis*. Haec Cicero. — Cujus judicium licet alioqui maximi facere soleam, tamen non temperare mihi possum, quin de vi ista tanta, quam ditrochaeus ille exseruerit, paulum dubitem. Non possum mihi persuadere, cum fuisse causam clamoris illius a concione sublata, licet Italorum animos maxime mobiles flexibilesque cogitem. Nam millies a Cicerone aliisque oratoribus tales ditrochaei recitati sunt: nec tamen per eos tantum populi clamorem excitatum esse legimus. Unius rei plures possunt esse causae: ac, qui causam quaerit, facile causam invenit.

et,

et, qui alicui rei magnam vim tribuere solet, hanc vim ubique reperit, et ubique locum habere putat. Quid mirum, Ciceronem, cui persuasum erat, efficaciam numeri esse longe maximam et certissimam, putasse, cum populum ob sententiam illam Carbonis tantopere clamare vidisset, causam hujus clamoris in numero seu clausula illa numerosa quaerendam esse. Quodsi totam Carbonis orationem haberemus, melius causam indagare et invenire possemus. — Forſan oppositio vocabulorum *patris dictum sapiens* et *temeritas filii*, praesertim cum *sapiens* et *temeritas* arte juncta essent, in animis populi, qui illum *patrem* sic laudatum et illum *filium* sic vituperatum noſſent, tantam vim habuit, ut clamor iste consequeretur. — Forſan et Carbo clamore suo et vocis volubilitate, qua ista verba singula singulasque syllabas cum apta quadam gravitate recitaret, potius, quam ditrochaeo illo istum clamorem effecit, praesertim in re populo notissima. Plebem enim in judicanda aliqua oratione ac vel laudanda vel vituperanda saepe a vocis sono, quo orator utitur, pendere, hodierna exempla docent. Nihil equidem definio. Nam causam, cur alii clament, nemo certo scit praeter eos ipsos, qui clamant. Quivis alius tantum potest opinari. Imo ne clamantes quidem omnes ipsi sciunt semper, cur clament. Multi enim saepe tantum propterea clamant, quia alios, etiam paucos, quorum auctoritatem et exemplum libenter sequi solent, clamare audiunt. — Ceterum Ciceroni in judicio suo de .i divina numeri idem accidisse videtur, quod aliis hominibus accidere solet, qui e nonnullis opinionibus, quibus inde a pueritia imbuti sunt, quidlibet explicare cum magna animi persuasione sustinent. Lectoribus hic facile in mentem venient non pauci et docti et indocti. Neque enim est aetas, in qua non singularis aliqua opinio regnet: et hanc amplecti, fovere, rueri putatur vulgo esse hominis intelligentis et elegantis. Post aliquod tempus evanescit ista opinio, eique alia succedit iridem fautores suos inveniens.

II) Cicero praeterea de poeticis numeris in tota oratione apte permiscendis loquitur. At

a) non distincte de ea re agit, ut ipse dubius fuisse videatur; vid. ejus Orat. c. 57 et seqq. Ait inter alia cap. 57 ita: *Iambus et dactylus in versum cadunt maxime: itaque, ut versum fugimus in oratione, sic hi sunt evitandi continuati*

pedes. — Paeon autem minime est aptus ad versum: quo libentius eum recepit oratio. Ephorus vero ne spondeum quidem, quem fugit, intelligit esse aequalem dactylo, quem probat. — Ego autem sentio, omnes in oratione esse quasi permistos et confusos pedes. — c. 58 Iambus frequentissimus est in iis, quae demisso atque humili sermone dicuntur. Paeon autem in amplioribus: in utroque dactylus: ita in varia et perpetua oratione hi sunt inter se miscendi et temperandi. Sic minime animadvertetur delectationis aucupium — c. 60 extr. Ita, si numerus orationis quaeritur, qui sit, omnis est: sed alius alio melior et aptior. Si locus, in omni parte verborum: si, unde ortus sit, ex aurium voluptate, — si, ad quam rem adhibeatur, ad delectationem; si, quando, semper; si, quo loco, in tota continuatione verborum — et c. 65 extr. Multum interest, utrum numerosa sit, id est, similis numerorum, an plane e numeris constet, oratio. Alterum (i. e. posterius) si fit, intolerabile vitium est: alterum (prius) nisi fit, dissipata et inculta et fluens est oratio.

b) nec ipse observavit istorum numerorum compositionem: quod lectio ejus orationum docet; nec observare potuit, si quidem rerum gravitati et verborum ad hanc declarandam aptorum delectui sapienter studuit: quam ad rem orator magis animum advertere debet, quam ad numeros poeticos: imo hoc obliviscitur, qui illam serio meditatur. Multo minus nos, etiam si Cicero istam rem distincte explicasset et ipse ubique observasset, observare possumus, quia pristinam vocabula latina pronuntiandi rationem, nescio quo fato, amisimus. Prisci vocabula sua in communi etiam sermone eodem modo pronuntiabant, quo poetae in versibus usurparunt, h. e. e quantitate syllabarum; sicut et nos in vernacula lingua eandem cum poetis pronuntiationem vocabulorum servamus: hinc nostri poetae non quantitates syllabarum e regulis prosodiae demum operose discere coguntur. Prisci v. c. in *corporibus* syllabam *po*, in *morari*, *mora*, syllabam *mo* corripiebant, et *hominibus* haud dubie ita pronuntiabant, ut statim audiretur, istas quatuor syllabas esse breves: contra *amavisti* ita pronuntiabatur, ut appareret, syllabam *ma* esse longam. At nos in pronuntiatione vocabulorum latinorum non nisi paenultimae syllabae rationem habemus, si quidem vocabula pluribus quam duabus syllabis constant: v. c. in *corporibus*, *amavisti*, paenultimam recte pronuntiamus, in illo corripientes, in hoc producentes: sed non item antepaenultimam *po* et *ma* recte pronuntiamus: illam enim

enim in pronuntiando producimus, hanc corripimus: utrumque perperam. Item in disyllabis vocabulis semper syllabam priorem tanquam longam efferimus, licet brevis sit, v. c. *malum das Böse* pronuntiamus ut *malum der Apfel, bonis* ut *ponis*, quod ad quantitatem attinet, *levis* ut *laevis*: et sic porro. Quomodo igitur nos, qui contra quantitatem ipsam pronuntiamus, numeros istos poeticos adhibere possumus? Ac, si adhibere possemus, quid prodesset? Quis enim vel lectorum vel auditorum sentiret? Forsan nemo, nisi qui Ciceronis praecepta meminisset, suavitatem istam sentiret.

c) denique puto, si istorum numerorum poeticorum permissione uti velimus ac possimus, orationem nostram valde coactam et affectationis plenam fore. Nam, dum ista numerorum lenocinia captarentur, interim ipsum sententiarum robur effugeret, idemque nobis accideret, quod cani in fabula, qui, dum imaginem carnis in aqua inspectae arripere studet, carnem ipsam, quam ore ferebat, perdidit. Orationis gravitas pendet a permotione animi s. affectu: hic distat graves sententias et harum connexionem atque elocutionem gravitati aptam. Nonne ille frigeret, si istum numerorum permistorum tinnitum diu meditareris? Nam hic diu quaerendus foret, quia non statim in mentem veniunt verba istis numeris accommodata. Nonne vero interea ignis in animo ardens sensim languesceret? Ut taceam, ne reperiri quidem verba, quae aliis semper apte substitui possint: ut adeo permistio ista numerorum apta ne accidere quidem posse videatur. — Idem fere dicendum de regula illa, qua volunt vocabula ita jungi, ut concursus vel vocalium vel consonantium evitetur; sic loqui debemus v. c.: *quidquid in illa re dicitur, id esse debet* etc. Hic excipiunt se vocales et consonantes. Cicero Orat. 44 talem compositionem commendat, et ait ibidem: *quod quidem Latina lingua sic observat, nemo ut tam rusticus sit, quin vocales nolit conjungere*. At Cicero ipse non observavit, nisi in paucissimis verbis, v. c. Rosc. Am. 24 *hae sunt impiis assidue domesticaeque furiae, quae dies noctesque* etc. At aliis fere omnibus in locis hoc neglexit. — Consideremus orationes ejus duas, diligentissime omnium elaboratas, Milonianam et Philippicam secundam. Mil. I ait: *Milo ipse — me ad ejus causam parem — quocunque inciderint, veterem consuetudinem fori et — sine aliquo timore. — Quae si opposita — sapientissimi et justissimi. — Quamobrem illa arma, centuriones, cohortes*

non periculum nobis sed praesidium denuntiam, neque — hortantur, neque auxilium — tota nostra est: neque eorum, quos undique intuentes — unde aliqua — iudicii expectantes non cum virtuti etc. Videas in uno capite multa vocabula vocali terminari et sequentia a vocali incipere, itemque multa consonante terminari et sequentia a consonante incipere. — Sic Phil. II, 3 *beneficium latronum, nisi ut — quodsi esset — quos tu ipse — an de interitu reipublicae queri, non debui, ne in te ingratus viderer — quid non moderate — et de te et a te — cum auspicia augur —* et sic millies. Recte: nam suavitas vocabulorum maxime est in eorum notionibus; quae si suaves sunt, ipsa vocabula sunt suavia. Nec tamen negem, nimis asperum concursum consonantium, v. c. *arx structa*, posse interdum in dicendo perspicuitati nocere; et nimium concursum vocalium, per quem os fere semper apertum manet, injucundum esse, v. c. *ii ibi* etc., praesertim si eadem vocales continuantur: v. c. *ii illi iinii, sibi finis honorem reservarunt*. At raro hoc accidere potest.

Ceterum iis, quae de numero in universum in praeced. diximus, haec addamus:

1) numerum nunquam coactum esse debere. Non debet videri quaesitus esse, sed sponte venisse. Hoc Cicero ipse praecipit Or. 65 in. Venit autem sponte a) e periodorum structura b) ex ipsis sententiis, si quidem eas recte intelligimus ac sentimus.

2) in omni numero inesse debere sententiam veram et aptam. Quid juvat omnis suavitas sine sententia? puerilis lusus foret et similis illi personae tragicæ a vulpe inventae, pulcherrimae illius quidem sed cerebro carentis. Nam ne potest quidem sine sententia vera esse ulla suavitas vera. Cogitemus, quod Cic. ait Or. 71: *Res autem sic se habet, ut brevissime dicam, quod sentio, compositae et apte, sine sententiis, dicere insania est: sententiosae autem, sine verborum et ordine et modo, infantia: sed ejusmodi tamen infantia, ut, ea qui utantur, non stulti homines haberi possint, etiam plerumque prudentes.*

CAP. VII

De modis connectendi vocabula, enuntiationes
aliasque verborum complexiones vel majores
vel minores.

Ratio vocabula et omnia, quae vel scribis vel dicis, apte connectendi pertinet in primis ad scientiam bene latine scribendi. Nihil enim magis ab homine eloquente postulatur, quam apta connexio dictorum et scriptorum. Ac propterea illa ratio tironibus in primis tenenda est, praesertim cum hic lingua latina a linguae vernaculae usu saepe discrepet.

SECT. I

De connexionione vocabulorum singulorum.

Singula vocabula *ejusdem generis*, v. c. nomen et nomen, verbum et verbum etc., arte propter contextus rationem cohaerentia his modis fere connecti solent:

I) *Duo (vel plura) vocabula talia*, si eorum notiones, quodam modo inter se diversae, inter se arte cohaerent, h. e. ad idem vel subjectum vel praedicatum pertinent, solent, ut de *cum tum* s. *tum tum*, non modo *sed etiam*, aliisque nimis notis conjungendi particulis nil dicam, in primis connecti per duplex *et*, per *ut* seq. *ita*, cet.

I) per duplex (vel triplex cet.) *et*; quod, etsi proprie est i. q. duplex *tum*, s. *non modo sed etiam*, tamen innumerabilibus locis ponitur, ubi vernacula uno *et* contenta esse solet; v. c. Nos dicimus: *Vater und Mutter*; Latini libentius: *et pater et mater*; Nos: *meine Aeltern und Brüder sind gekommen*; Latini libentius: *mei et parentes et fratres venerunt*; — sic: *wir sollen Gott lieben und ehren*, debemus Deum et amare et colere: sic rectius, quam: *Pater et mater*; *parentes et fratres venerunt*; debemus Deum amare et colere. Prisci millies hoc et ita duplicant. Cic. ad Div. III, ep. 10 §. 5 *Omnia volo a*

me et postules et expectes, i. e. Ich bitte, alles von mir zu fordern und zu erwarten, et §. 10 si ita gesseris censuram. ut et debes et potes, h. e. wie du sollst und kannst, vel dilucidius: nach deiner Pflicht und nach deinem Vermögen s. nach Pflicht und Vermögen, Kräften. Ad Div. V, ep. 5 §. 5 Meus in te animus quam singulari officio fuerit, et senatus et populus romanus testis est, i. e. wie sehr ich dir gedienet habe, davon ist der Senat und das ganze Volk Zeuge. Ad Div. XIII, ep. 8 §. 2 Quanti autem facere debeam, et tu et omnes homines sciunt, das weist du und jedermann. Agr. II, 6 quam consul — et honeste et libenter posset defendere, i. e. daß ihn (den Vorschlag) ein Consul mit Ehren und Vergnügen vertheidigen könnte. Caes. B. G. III, 13 quod postridie ejus diei eadem et perfidia et simulatione usi Germani etc. c. 16 cum intelligerent, et posse et audere populi romani exercitum Rhenum transire. In quibus locis omnibus unum et sufficere poterat; et in iis vernacule vertendis plerumque hanc rationem sequendam puto, ut, neglecto priore et, posterius et tantum per und vertatur: ut in superioribus exemplis feci. Nam si duplex et semper vertimus so wohl als auch, vel nicht nur sondern auch: tiro nunquam recte discet istum usum duplicis et: deinde etiam vis infertur vernaculae linguae, quae hic plerumque und tantum dicit, raro so wohl als auch etc., ut taceam, interdum ne sic quidem verti posse, nisi omnem perspicuitatem tollas. — Saepe etiam et ter ita ponitur: v. c. Cic. Manil. 24 in. quae cum ita sint, primum istam tuam et legem et voluntatem et sententiam laudo, i. e. daher lobe ich erstlich deinen Vorschlag und etc. — Imo quarer, v. c. Cic. Mil. II Sin hoc et ratio doctis et necessitas barbaris et mos gentibus et feris natura ipsa praescripsit, ut etc., wenn aber dieses die Vernunft den Gelehrten etc.

Notanda hic duo:

a) istam rationem illud et duplicandi non usurpari posse, nisi duo vocabula, per duplex et copulanda, sint etiam diversae significationis: id quod ita se habet in exemplis allatis. Si ea sunt talia, ut alterum alterius sit tantum quaedam explicatio vel saltem ab altero parum aut nihil differat, abstinendum est geminatione particulae illius, v. c. Non dixerim: Ego te et diligo et amo: cogeatur et discedere et sedem alibi sibi figere: hic figere sedem est consequens et explicatio verbi discedere. Sic prisca semper, v. c. Cic. ad Div. III, ep. 9 §. 14 Sed id feci adductus auctoritate et consilio tuo. Hic auctoritas et consilium inter se
parum

parum differt. Ergo non dixerim: *et auctoritate et consilio*. — Ad Div. V, ep. 5 §. 1 Pomponius, *homo omnium meorum in te studiorum et officiorum maxime conscius*. — Agr. II, 5 de Rullo: *vestitu obsoletiore, corpore inculto et horrido* etc. Et statim: *ut oculis et adspectu denuntiare omnibus vim tribuniciam — videretur*. Recte: *horrido et inculto* parum inter se differunt; uti *oculis et adspectu*. Caes. B. G. III, 14 extr. *omnes enim colles et loca superiora* etc. III, 21 *Interim consilio ejus cognito et per mercatores perlato ad Britannos* etc. — Unde patet etiam, duplicationem illam ad perspicuitatem pertinere: indicat enim, duas ideas, licet diversas, conjungendas esse: prius *et* nempe admonet lectorem, aliud *et* mox secuturum esse, et utrumque docet, vocabula per *et* duplicatum juncta arte cohaerere.

b) prisca tamen etiam non raro uno *et* seu *ac*, *atque*, contenti fuerunt, ubi *et* duplicare potuissent: v. c. Cic. ad Div. III, ep. 6 extr. — *constitues, quo loco id commodissime fieri possit, et quo die, pro: et quo loco — et quo die*: nam *dies* et *locus* sunt valde diversae notiones inter se. — Ib: ep. 10 §. 16 *sed tamen significatur in tuis literis suspicio quaedam et dubitatio tua* etc., pro: *et suspicio quaedam tua et dubitatio*. — Manil. 16 extr. *in rempublicam conservandam atque amplificandam conferatis*, pro: *in remp. et conserv. et amplif.* Caes. B. G. III, 1 *Suevorum gens est longe maxima et bellicosissima Germanorum omnium* etc. Ac sic saepius.

2) per repetitionem vocabuli praecedentis, v. c. *qui quae quod, si* etc. Cic. ad Div. V, ep. 5 §. 2 *omnia enim a me in te profecta sunt, quae ad tuum commodum, quae ad honorem, quae ad dignitatem pertinerent*, pro: *quae et ad tuum commodum et ad honorem et ad etc.* — Sic: *si Deum, si virtutem, si literas amas* etc., pro: *si et Deum et virtutem et etc.*; sic: *Deus necessitati, Deus commoditati nostrae, prospexit*, pro: *Deus et necessitati et comm.* etc. — Pertinet haec res ad gravitatem dicendi: hinc in orationibus saepe occurrere per se intelligitur, v. c. Cic. Verr. V, 58 in. *si quis rex, si qua civitas — si qua natio* etc. Sic in eod. cap. non repetitur.

3) per *ut* adverb. sequente *ita*: quae forma saepe pro *et duplicato* usurpari potest; saepe *ita* Cicero: v. c. Nat. D. II, 28 in. *ut cum Titanis, ita* (Ed. Ern. *ut*) *cum Gigantibus bella gesserunt*. Cass. in Cic. Epist. ad Div. XII, 13 *Dolabel-*
lam,

lam, ut *Tarsenses*, ita *Laodicensi arcessierunt*. Dabo praeterea haec exempla: pro *patrem tuum et te amo* dici non solum potest: et *patrem tuum et te amo* sed etiam: ut *patrem tuum, ita te amo*. Sic pro: *res et maximas et utilissimas gessisti*, dicere licet: *res, ut maximas, ita utilissimas*. Sic Cicero supra pro: *et tu et omnes homines sciunt*, dicere poterat: *ut tu, ita omnes etc.*; ac pro superiori Agr. II, 6 *et honeste et libenter posset defendere*, licebat dicere: *ut honeste, ita libenter*. Caesar in loco superiori III, 13 pro: *eadem et perfidia et simulatione usi etc.*, recte dicere poterat: *eadem, ut perfidia, ita simulatione etc.* — At notandum: a) haec forma non plane eandem vim habet, quam illud *duplex et*. Semper ut manet particula similitudinis; ergo ubique comparisonem quandam cum *ita* indicare debet; v. c. *ut patrem tuum, ita te amo* proprie est: *amo te ita, ut patrem tuum amo*. b) ordo verborum horum semper talis esse debet, ut *ita* sequatur, ut praecedat. Causa supra c. 3 est memorata. c) abstinendum est ista forma, quando *ut* vel *ita* jam prope est, v. c. non dixerim: *Salmasius tanto priscos legendi studio flagravat, ut, ut graecos, ita romanos brevi perlegeret*, pro: *ut et graecos et romanos etc.* Cic. ad Div. III, ep. 9 §. 5 quando dixit: *ego etsi et ipse ita judicabam et fiebam — certior etc.*, non bene pro eo dixisset: *ego etsi, ut ipse ita judicabam, ita etc.* Repetitio vocabuli nimis propinqua, ut per se injucunda est, ita saepe perspicuitati simul officit.

4) interdum apud priscos usurpatur, atque ita a nobis usurpari potest *duplex vel pro partim, partim*, v. c. Cic. ad Div. III, ep. 10 §. 14 *illud vero mihi permirum accidit, tantam temeritatem fuisse in eo adolescente, — ut tuis inimiciis suscipiendis oblivisceretur patroni omnium fortunarum ac rationum suarum: praesertim cum tu omnibus vel ornamentis vel praesidiis redundares*. Et §. 27 — *quid commodis meis aptius, quam hominis nobilissimi atque honoratissimi conjunctio: cujus opes, ingenium, liberi, affines, propinqui mihi magno vel ornamento vel praesidio esse possent*. Ib. II, 7 *vel adspector vel particeps vel socius vel minister etc.* Brut. 69 *is omnibus exemplo debet esse, quantum in hac urbe polleat multorum obedire temporis, multorumque vel honori vel periculo servire*. In his omnibus melius *ita* vel *per partim* explicatur, quam *per aut*.

II) Duo vocabula ejusdem generis (vel etiam plura), quorum notiones sibi ita oppositae sunt, ut alterutra tollatur s. negetur, junguntur per *duplex* (it. triplex etc.) *aut, vel*, interdum *sive*, ubi vernacula lingua uno *vel, aut*, contenta plerum-

plerumque est; v. c. pro: rogavi patrem, ut mihi istos libros aut pecuniam ad eos emendos mitteret, rectius dicitur: ut mihi aut libros istos aut etc. s. ut mihi vel libros vel etc.: nostri dicunt: daß er mir die Bücher oder das Geld dazu schicken sollte. — Sic vernacule dictum: ich werde morgen schreiben oder selbst kommen, latine vertitur: cras vel (s. aut) scribam vel (s. aut) ipse veniam. Haec duplicatio perspicuitati servit quodam modo. Cicero sic millies alique prisci. Cic. ad Div. III, ep. 10 §. 18 tamen ea stultitia certe non fuisset, ut aut in obscuro odio apertas inimicitias, aut, in quo tibi nihil nocerem, summam ostenderem voluntatem nocendi, i. e. so wäre ich doch wenigstens nicht so einfältig gewesen, daß ich bey einem geheimen Hasse eine öffentliche Feindschaft, oder in einer Sache, worin ich dir nicht schaden könnte, eine so große Neigung zu schaden geäußert hätte. Ad Div. III, ep. 13 §. 10 et qui antea aut obscuris hominibus aut etiam fontibus opitulari poteram, nunc etc, und ich, der ich sonst unbekannten, schlechten, Leuten oder auch Missethättern helfen konnte, kann nun nicht einmal etc. Amic. 19 extr. cum cogniti sunt et aut deorum aut regum filii inventi sunt; i. e. wann sie erkannt und für Götter- oder Königsöhne erfunden worden. — Non impedio, quo minus etiam vertatur entweder — oder: modo hoc ne semper fiat: et ne fieri quidem ubique potest, v. c. Verr. III, 35 quem tibi aut hominem — aut vero deum — auxilio futurum putas? welcher Mensch oder welcher Gott wird dir nun helfen? quis vertat: welcher entweder Mensch oder Gott etc., si quidem interrogationem ipsam, ut debet, conservare vult? Cic. Marc. 1 intellectum est enim — commemoratis praesertim offensionibus, te auctoritatem hujus ordinis dignitatemque reipublicae tuis vel doloribus vel suspicionibus anteferre, i. e. daß du das Verlangen des Senats und die Ehre des Staats deinem Schmerzen oder Verdachte vorziehest. — Reperitur et saepe triplex aut, vel: v. c. Cic. Or. 1 et, quantum mihi vel fraus inimicorum vel causae amicorum vel respublica tribuet otii, ad scribendum potissimum conferam, und will, so viel Zeit mir die Ränke der Feinde oder die Prozesse der etc. — Sed, ut ista duplicatio perspicuitatem adjuvat, ita non negandum est, saepe etiam unum aut s. vel poni a priscis, ubi duplex poni poterat, v. c. Caes. B. G. III, 16 omnes, in quibus aliquid consilii aut dignitatis fuit. — At si duae notiones, per aut s. vel copulandae, non valde inter se diversae sunt, vel posterior est explicatio quaedam prioris, unum aut s. vel sufficere debet. Sic prisci: v. c. Cic. Marc. 2 quae quidem ego nisi ita magna esse fatear, ut ea vix cujusquam mens aut cogitatio capere possit, amens
sum:

sim: peccasset hic Cicero, si dixisset: *aut mens aut cogitatio*: quid enim aliud est *mens*, quam *vis cogitandi*, *cogitationes ipsae*? — Caes. B. G. III, 17 extr. *id ea de causa faciebat, quod* —, *nisi aequo loco aut opportunitate aliqua data, legato dimissandum non existimabat*. Recte.

III) Duo vocabula (it. plura) diversa, quorum notiones ambae tolluntur, jungi solent

1) per duplex (it. triplex etc.) *nec* s. *neque*, it. per *nec* — *neque*, s. *neque* — *nec*. Nam inter *nec* et *neque* nullum discrimen intercedit. Vernacula hic saepe abit, v. c. *Vater und Mutter ist nicht zu Hause* latine recte dicitur: *nec pater nec mater domi est*; — *er hat seinen Vater nie geliebt noch geehrt, patrem suum nec amavit nec coluit unquam*; — *ich habe dieß in meinem Leben nicht gesehen noch gehört, hoc per omnem vitam nec vidi nec audiui*. Sic prisca fere semper: raro dicunt *non* seq. *nec* s. *neque*, more vernaculae. Cic. ad Div. III, ep. 4 §. 3 *illam partem excusationis* — *nec nosco nec probo*, i. e. *den Theil der Entschuldigung kenne und billige ich nicht*. Caes. B. G. III, 13 in. *Caesar neque jam sibi legatos audiendos neque condiciones accipiendas arbitrabatur etc.*, i. e. *Caesar hielt es nicht für thunlich, die Abgeordneten anzuhören, noch etc.* Quamquam et per *weder* — *noch* verti potest. — Ibid. c. 14 in. *qui* — *perterriti* — *neque consilii habendi neque arma capiendi spatio dato perturbabantur, copiasne etc.*, i. e. *da sie keine Zeit hatten Ueberlegung anzustellen, noch die Waffen zu ergreifen, so geriethen sie in Verlegenheit, ob sie etc.*

2) per repetitionem praecedentis vocabuli negativi; quae in primis valet ad gravitatem dicendi, v. c. *nemo te amat, nemo te colit, niemand liebt noch ehret dich*; — sic: *non pecunia, non libri, non magistri tibi defecere, es hat dir nicht an Geld, noch an Büchern, noch an Lehrern gefehlt*; — sic: *ego nil audiui, nil vidi, ich habe nichts gesehen noch gehört*. — Nec tamen hinc sequitur, non aequè posse verti: *niemand liebt dich, niemand ehret dich; es hat dir nicht an Büchern, nicht an etc.; ich habe nichts gesehen, nichts gehört*. Imo hoc gravius. Cic. Marc. 2 *nihil sibi ex ista laude centurio, nihil praefectus, nihil cohors, nihil turma decerpit*.

3) per *ne quidem* seq. *nedum*, si posterior res est major priori, v. c. *ne legere quidem didicit, nedum scribere*. Res est nota. Interdum *ne quidem* deest.

4) per *non modo non, sed ne quidem*, vel crebrius *non modo sed ne quidem*, si posterior res est minor priori. Formula

non

non modo sed ne quidem, ut notum, est proprie elliptica, pro: *non modo non sed etc.*; v. c. *tu non modo scribere sed ne legere quidem didicisti*. Cic. Verr. III, 2 *etenim non modo accusator sed ne objurgator quidem ferendus est is, qui, quod in altero vitium reprehendit, in eo ipse deprehenditur*.

III) Sunt et alii modi verba connectendi, quos breviter recensebimus:

1) per *utrum* f. *ne* seq. *an*: ubi tamen *utrum* f. *ne* omitti potest: v. c. *quaeris, utrum Ciceronem an Livium legerim*; f. *quaeris, legerimne Ciceronem an etc.*; f. *quaeris, Ciceronem an Livium legerim*.

2) per *nec* f. *neque* pro *et non*: v. c. *habes paucos libros nec pulchros*. Sic semper dicendum. Cic. ad Attic. III, ep. 5 in. *de Quinto fratre nuntii nobis tristes nec varii venerant*. Et sic *millies*. — In primis huc pertinet, pro *et nunquam* dicendum semper *nec unquam*; pro *et nemo* dicendum *nec ullus, nec quisquam*; pro *et nihil* dicendum *nec quidquam*; pro *et nusquam* dicendum *nec usquam*. Nec tamen peccat, qui *et non, et nunquam, et nemo, et nihil* dicit: sic enim etiam prisca.

3) nonnulla verba, quae necessariae explicationis vel etiam gravitatis causa aliis vocabulis adduntur, iis interdum junguntur per *et is, isque, idemque*: v. c. *habeo multos libros eosque pulchros* f. *et eos pulchros* f. *eosdemque pulchros*, i. e. *ich habe viele und zwar schöne Bücher*. Semper enim hoc additamentum augere et vernaculo und zwar respondere debet, v. c. Cic. Catil. III, 4 *vincula, et ea sempiterna, certe ad singularem poenam nefarii sceleris inventa sunt, Gefängniß, und zwar immerwährendes etc.* Ad Div. II, ep. 1 §. 2 *a te vero bis terve summum, et eas perbreves, accepi, von dir aber habe ich zweymal, höchstens dreymal, Briefe erhalten, und zwar sehr kurze*. — Maxime tamen praecedente adjectivo, v. c. Cic. ad Div. VIII, ep. 21 §. 3 *privatas causas, et eas zenues, agimus subtilius*. — Sic et *nec is* pro *et non is*: v. c. Cic. Brut. 76 *erant in eo plurimae literae, nec eae vulgares, sed interiores quaedam et reconditae*, i. e. *es befand sich in ihm viel Gelehrsamkeit, und zwar nicht etwa gemeine etc., seu: und das nicht etwa gemeine etc.* Nam et nos eodem modo loquimur hic, quo Latini.

SECT. II

De connexione enuntiationum.

Enuntiationes variis inter se junguntur modis; nos hic eorum maxime rationem habemus, in quibus ratio latina a vernacula quodam modo diversa est.

I) Duae enuntiationes, interdum plures, quarum notiones h. e. vel subjectum vel praedicatum inter se conspirant, per *duplex et* (it. triplex et quadruplex) copulantur, ubi vernacula uno et saepe contenta esse solet, v. c. pro: *tu non habes, quod sorte tua contentus non sis: Deus enim tibi ingenium praeclarum dedit, et patria omnibus honoribus, quos dare poterat, te ornavit, rectius dicitur: tu non habes, quod — sis: nam et Deus tibi etc.* — Sic vernaculum: *ich habe dich immer geliebt und werde dich ewig lieben*, vertitur: *te et amavi semper et per omnem aetatem amabo.* — Sic pro: *Deo habenda est gratia, quod nos mente instruxit, parentibus bonis donavit, et valitudine secunda exhilaravit*, dicere licet: *Deo habenda est gratia, quod nos et mente instruxit et parentibus etc.* Haec repetitio, de mea quidem sententia, perspicuitatem adjuvat. Hinc prisci ita millies. Cic. Amic. 20 extr. *atque in omni re considerandum est, et quid postules ab amico, et quid patiari a te impetrari, i. e. man muß bey jeder Sache überlegen, was man vom Freunde fordern und worin man sich erbitzen lassen soll.* Ad Div. III, ep. 3 §. 4 *etsi enim absui magnam partem consulatus tui, tamen et absens cognoscebam, quae esset tua — sententia, et ipse adfui primis temporibus tui consulatus, i. e. denn, ob ich gleich einen großen Theil deines Consulats abwesend gewesen, so sah ich doch abwesend, welches deine Meynung sey — und ich bin auch persönlich etc.* Ad Div. V, ep. 19 §. 2 *itaque me et superiores literae tuae admodum delectaverunt, — et his proximis literis magnum cepi fructum et iudicii et officii, daher hat mich dein ehemaliger Brief — und bey dem allerletzten Briefe habe ich etc.* Non impedio, quo minus etiam per so wohl als auch s. nicht nur sondern auch, vertatur: modo saepe quoque, ut dixi, vertatur, quo tirones in consuetudinem illius formulae adducantur. — Ac ne licet quidem ubique vertere so wohl — als auch. Caes. B. G. III, 1 *quae res et cibi genere et quotidiana exercitatione et libertate vitae — et vires alit et immani corporum magnitudine efficit.* Hic est duplex usus repetitae particulae et: a) conjunguntur enuntiationes duae, quae res et vires alit et immani corporum

rum — efficit; b) copulantur vocabula et cibi genere et quot. exercit. et libert. vitae. Quis non haec vertat: *dieses nährt durch die Art der Speise und — das freye Leben die Kräfte und macht ungeheure Körper*, vel similiter? — Not. pertinet huc formula neque seq. et; quae tironem non movere debet, si cogitat, neque esse i. q. et non: unde videt duplex et hic proprie esse. Saepe ita prisci. Cic. ad Div. III, ep. 7 §. 3 itaque neque tu multum interfuisti rebus gerendis, et ego id semper egi, ne interesset. Ad Div. X, ep. 1 §. 7 Furnium nostrum a te tanti fieri, quantum ipsius et humanitas et dignitas postulat, nec miror et gaudeo, pro: et non miror et gaudeo, darüber wundre ich mich nicht und freue mich s. darüber wundre ich mich nicht nur nicht, sondern freue mich auch. Manil. I ita neque hic locus vacuus unquam fuit ab iis, qui vestram causam defenderent, et meus labor — fructum est amplissimum consecutus, auf diese Art ist dieser Ort nie leer von denen gewesen etc., seu: — ist dieser Ort nicht nur nicht ledig gewesen — sondern auch etc. — It. neque seq. que est in Cic. Catil. II, 13 e lectione Graeviana: illud perfecto perficiam — ut neque quisquam bonorum intereat, paucorumque poena vos omnes salvi esse possitis: quod inusitatum ac propterea non imitandum est. In Gronoviana et Ernest. est: ut ne quis bonus. — It. neque seq. et non est Offic. III, 1 ut neque cessaret unquam (Scipio) et interdum colloquio non egeret: ubi Cicero pro et non dicere poterat neque.

II) Duae enuntiationes (it. plures), quarum notiones sibi ita oppositae sunt, ut harum alterutra tantum affirmetur et concedatur, altera negetur et excludatur, copulantur per duplex aut, vel (it. triplex etc.): ubi vernacula saepe uno aut contenta foret. V. c. er hat mir versprochen, daß er bald kommen oder doch bald schreiben würde latine ita effertur: promissit mihi, se aut mox venturum aut mox literas missurum esse; — das muß wahr seyn oder die Schrift hat gelogen: aut hoc verum sit necesse est, aut literae divinae mentitae sunt. Sic prisci ubique fere. Cic. Verr. III, 6 in. inter Siciliam ceterasque provincias in agrorum vectigalium ratione hoc interest, quod ceteris aut impositum est vectigal certum, — aut censoria locatio constituta est etc., h. e. ist der Unterschied, daß den andern eine gewisse Abgabe aufgelegt oder eine etc. Ad Div. III, ep. 13 §. 6 careo enim — familiarissimis multis, quos aut mors eripuit nobis, aut distraxit fuga etc., die mir der Tod entrissen oder die die Flucht zerstreuet hat. Sic est etiam vel: de quo exempla commemorare non attinet. — At potest hoc aut, vel, ter, quater poni: imo quinquies est Cic. Or.

II, 4 nam qui aut, tempus quid postulet, non videt, aut plura loquitur, aut se ostentat, aut eorum, quibuscum est, vel dignitatis vel commodi rationem non habet, aut denique in aliquo genere aut inconcinnus aut multus est, is ineptus dicitur. Inest quidem septies: sed aut inconcinnus aut multus non huc pertinent, quia in his aut duplex jungit duo vocabula, non enuntiationes: at praecedentia quinque aut copulabant enuntiationes. Peccavit autem Cicero, cum ista duo aut interposuit; debebat e praeepto perspicuitatis dicere vel inconcinnus vel multus, ne lectoris mens turbaretur.

III) Duae enuntiationes (saepe quoque plures) sibi ita oppositae, ut ambarum notiones tollantur, connecti solent per duplex nec, neque: ubi vernacula saepe uno nec contenta est vel et non ponit; v. c. der Vater kommt nicht, und wir bekommen auch keine Briefe von ihm Latine ita efferri solet: nec pater venit, nec literas ab eo accipimus. Sic: du hast das Buch nicht gelesen, noch willst du es lesen f. und willst es auch nicht lesen: nec librum legisti nec eum legere cupis, vel brevius: librum nec legisti nec legere cupis. Sic millies, modo ne semper vertamus wieder — noch. Caes. B. G. III, 17 in. sed navibus transire neque satis tutum esse arbitrabatur, neque suae — dignitatis esse statuebat etc.; quod vertere licet: aber zu Schiffe hinüber zu gehen hielt er nicht für sicher genug, noch glaubte er, daß es seiner Ehre gemäß sey. B. G. III, 17 in. quibus rebus neque tum respondendum Caesar existimabat, neque nunc, ut memoriae prodatur, satis causae putamus, pro: Caesar non tum etc. Caesar hielt es nicht für thunlich, hierauf zu antworten, noch glauben wir jetzt Ursache genug zu haben, es aufzuzeichnen f. und wir glauben auch jetzt nicht hinlängliche Ursache zu haben etc. — Ceterum nec f. neque etiam ter quaterve simul in coniungendis enuntiationibus occurrere notum est, et cuique id imitari licet. Ter v. c. occurrit Arch. II certe, si animus nihil praesentiret in posterum — nec tantis se laboribus frangeret, neque tot curis vigiliisque angeretur, neque toties de vita ipsa dimicaret, so würde sie (die Seele) sich nicht durch so große Arbeiten schwächen, noch etc. Nam utrum nec sumas an neque, atque ita, utrum nec — neque, an neque — nec ponas, nihil interest. — Prisci tamen quoque non seq. neque usurpant pro neque — neque: v. c. Cic. Or. II, 4 sin tibi id minus libebit, non te urgebo, neque committam, ut, dum pereare, ne tu sis ineptus, me esse iudices. — Notandum hic est a) occurrere etiam nec non seq. nec, et neque seq. et non. Prius est Cic. ad Div. I, ep. 5 §. 7 a nobis

nobis agentur omnia diligenter, ut nec, si quid obtineri poterit, non contendamus, nec, si quid non obtinuerimus, repulsi esse videamur: ubi nec non est pro et, ut saepe. Verte: von uns soll alles sorgfältig betrieben werden, daß wir nämlich, wenn etwas wird können erhalten werden, uns alle Mühe geben, und etc., vel sic: daß wir weder die Mühe unterlassen etc. Apparet hoc ex loco amor Ciceronis erga hanc particulam neque. Posterius est Offic. III, 1 ut neque cessaret unquam, et interdum colloquio alterius non egeret. Poterat hic dicere: neque interdum — egeret. b) Prisci τοῖς nec (neque) — nec (neque) praemittunt saepe vocabulum negans, v. c. nullus, nihil, non etc., ita, ut tunc prius nec (neque) redundet nec vernacule verti possit, v. c. Quarum nulla neque tum etc. Cic. Mil. 28. Non possum reliqua nec cogitare nec scribere. Cic. Att. VIII, 12. Nihil nec subterfugere nec etc. Cic. Cluent. 1.

III) Duae enuntiationes, quarum posterior est consecutio prioris, connecti arctius possunt per ut pro τοῖς quare, igitur, hinc etc.; v. c. pro: tu nunquam homines amasti: hinc non mirum est, te ab iis non redamatum esse, dici potest: tu nunquam homines amasti, ut non mirum sit, te ab iis non redamatum esse. Sic prisci creberrime. Cic. Offic. I, 26 itaque alter (Philippus) semper magnus, alter (Alexander Magnus, illius filius) saepe turpissimus fuit; ut recte praecipere videantur, qui monent, ut, quanto superiores sumus, tanto nos geramus submissius, pro: hinc recte praecipere videntur etc. — daher scheinen die Recht zu haben etc.; proprie dictum est pro: ut adeo recte etc. daß also die Recht zu haben scheinen etc. Marc. 6 quos amisimus cives, eos Martis vis perculit, non ira victoriae: ut dubitare debeat nemo, quin multos, si fieri posset, C. Caesar ab inferis excitaret etc., pro: hint s. itaque nemo dubitare debet, seu: ut itaque nemo dubitare debeat, daher darf niemand zweifeln s. daß also niemand zweifeln darf etc. Sic ad Div. III, ep. 6 §. 7 ut tuum factum etc. Et VI, ep. 2 in. quod absim ab urbe, ut, qui ad te proficiscantur, scire non possim, weil ich jetzt von Rom entfernt bin, folglich nicht wissen kann, wer zu dir reise. Ac saepissime. Imitatione ergo digna est haec ratio.

V) Duae enuntiationes saepe per ita ut pro vulgari et copulari possunt; v. c. pro: valde te amo, et in omnibus, quae cupis, tibi gratificabor, dici potest: amo te ita s. tantopere, ut, quaecunque cupias, in iis tibi gratificaturus sim. Sic

pro: *Deus est benignissimus, et quotidie nos jubet abundare rebus bonis*, dici potest: *Deus est tam benignus, ut nos jubeat etc.* Sic pro: *pater tuus est bonus, nec potes tibi meliorem patrem optare*, dicere licet: *pater tuus tam bonus est, ut meliorem patrem tibi optare non possis.* — Docent exempla praeposita, hoc tantum licere, quando posterior enuntiatio e priori fluat, tanquam effectus e causa. Sed ad hunc usum discendum debemus multa loca Ciceronis interdum ita explicare, v. c. Ad Div. VII, ep. 26 in. *cum quidem biduum ita jejunos fuisset, ut ne aquam quidem gustarem*; quod explicari potest ita: *postquam valde jejunos fueram, et ne aquam quidem gustaveram.* Sic et hic locus Balb. 20, ubi ita deest, potest explicari: *potest igitur, judices. L. Cornelius condemnari, ut non C. Marii factum condemnetur?* kann Cornelius verdammt werden, und die That des Marii nicht mit zugleich?

VI) Duae enuntiationes per ita ut pro vulgari quidem — sed saepe jungi possunt, v. c. pro: *amo quidem te: sed vitiis tuis indulgere nequeo*, dici potest: *amo te ita, ut vitiis tuis indulgere nequeam*, s. ob perspicuitatem: *amo te ita, ut tamen vitiis etc.* Sic multa loca Ciceronis intelligere licet, v. c. Rosc. Am. 26 *ita vivunt — ut ducere animam de coelo nequeant; ita moriuntur, ut eorum ossa terra non tangat; ita jactantur fluctibus, ut nunquam abluantur; ita postremo ejiciuntur, ut ne ad saxa quidem mortui conquiescant, pro vivunt quidem, sed — nequeunt: moriuntur quidem, at eorum ossa terra non tangit: jactantur quidem fluctibus, at nunquam abluuntur: ejiciuntur quidem, at etc., sie leben zwar — aber sie können nicht etc.; sie sterben zwar, aber ihre Gebeine berühren die Erde nicht etc.* — Non propterea credendum est ita ut significare quidem sed: est tantum quaedam apta commutatio. Sic Rosc. Am. 20 *hoc ita est utile, ut ne plane illudamur ab accusatoribus*, i. e. *hoc est quidem utile, at nos non debemus plane illudi ab accusatoribus.* Cf. ad Div. XVI, ep. 9 med. Liv. XXII, 61 *est et alia de captivis fama, decem primos venisse: de eis cum dubitatum in senatu esset, admitterentur in urbem, nec ne, ita admissos esse, ne tamen iis senatus daretur*, i. e. da man ihrentwegen im Senate überlegt hatte, ob man sie in die Stadt einlassen sollte, oder nicht, so wären sie zwar hereingelassen worden, aber ohne vor den Senat gelassen zu werden.

VII) Duae enuntiationes saepe per is seq. qui, per talis seq. qualis, per tantus seq. quantus, per tot seq. quot etc. copulari possunt pro is, talis, tantus, tot etc. seq. ut, quemadmodum

modum vernacula suaserit dicere: v. c. *du bist nicht ein solcher Mann, daß du lügen solltest, tu non es is, qui mentiaris: — der Mann hat mir solche Wohlthaten erwiesen, daß ich dergleichen von niemanden erhalten habe, hic vir mihi talia beneficia tribuit, qualia a nemine acceperim, pro: talia beneficia mihi tribuit, ut talia a nemine acceperim. Sic: talem se praestitit pater, qualem si tu te praestares, pro magno viro habendus esses, rectius dicitur, quam: talem se praestitit pater, ut, si tu talem te praestares etc., dein Vater hat sich als einen solchen Mann bewiesen, daß du für einen großen Mann zu halten wärest, wenn du dich auch so bewiesest. — Sic pro: amor meus erga te tantus est, ut felicissimus essem, si tuus erga me etiam talis esset, rectius dicitur: amor tuus erga me tantus est, quantus si tuus erga me esset, felicissimus essem. — Hujus egregii latinismi ob brevitatem dicendi, ad quam proprie pertinet, commendandi, exempla aliquot e Cicerone afferam. Phil. II, 4 quid enim est minus, non dico oratoris, sed hominis, quam id objicere adversario, quod ille, si verbo negarit, longius progredi non possit, qui objecerit? was schickt sich wohl weniger, ich will nicht sagen für einen Redner, sondern nur für einen Menschen, als seinem Gegner so etwas vorzuwerfen, daß derjenige, der den Vorwurf gemacht hat, nicht weiter kam, wenn ihn jener nur mit einem Worte läugnet? quod ille si est pro: ut, si id ille etc. Ad Div. VIII, ep. 14 §. 6 gratulor tibi, cum (i. e. quod) tantum vales apud Dolabellam, quantum si ego apud sororis filium valerem, jam salvē esse possemus, ubi quantum si est pro: ut, si ego tantum etc. — Huc pertinet eo quo eodem modo usurpatum in Verr. V, 38 Eone pirata penetravit, quo simul atque adisset, non modo a latere, sed etiam a tergo magnam partem urbis relinqueret? ubi quo simul atque adisset est pro: ut, simul eo (i. e. tam longe) adisset, non modo etc.*

VIII) Duae enuntiationes junguntur in duplici interrogatione interdum per *utrum* s. *ne* seq. *an*; ubi tamen *utrum* s. *ne* omitti quoque potest. V. c. *utrum hoc audisti an vidisti? audistine hoc an vidisti? audisti an vidisti?* — Sic et extra interrogationem praecedente verbo: v. c. *dic mihi, utrum hoc audiveris, an videris; dic mihi, audiverisne hoc an videris; dic mihi, hoc audiveris an videris.*

VIII) Duae enuntiationes saepissime per *nec* pro et non jungi solent. Et nihil latinus est, quam creber isque rectus usus particulae *nec* s. *neque*. V. c. pro: *amo te, et non possum dicere, quare*, rectius dicitur: *amo te, nec possum etc.*

— Huc pertinet *nec ullus* s. *nec quisquam* pro et nemo: *nec*

quidquam pro nihil: nec unquam pro et nunquam: nec usquam pro et nusquam. Sic semper dicendum v. c. *pro: omnes fatentur, et nemo negat, rectius dicitur: omnes fatentur, nec quisquam negat; pro: omnia perspexi, et nihil praetermisi, rectius dicitur: omnia perspexi, nec quidquam praetermisi; sic rectius: quaesivi patrem, nec usquam reperire potui, pro: et nusquam etc.: sic rectius: semper te amabo, nec unquam obliviscar etc., quam: et nunquam etc.* Sic Cicero, Caesar, Livius millies. Et imitanda est haec ratio, quia arctius conjungit, atque ita perspicuitatem adjuvat. Nec tamen negandum, priscos quoque dicere *et non*. Exempla ubivis obvia.

X) Duae enuntiationes connecti quoque possunt interdum per *quia, cum*, *pro hinc*: v. c. *pro: pater meus mortuus est: hinc tota nostra domus luet, dici potest: quia pater meus mortuus est, tota nostra etc.* Sic *pro: deus nobis quotidie bene facit; quis igitur eum non amet?* dici potest: *cum deus quotidie nobis bene faciat, quis eum non amet?* Haec ratio, cum arctiori conjunctioni serviat, valde commendanda est: adjuvat simul structuram periodi, v. c. *pro: pater est aegrotus: hinc venire non potest, dicitur: pater, quia aegrotus est, venire non potest.*

XI) Duae enuntiationes junguntur interdum per *tantum abest* sequente duplici *ut*, ubi vernacula utitur *an Statt daß* vel alia forma. V. c. *tantum abest, ut omnia didiceris, ut pauca adhuc scias, An Statt daß du alles solltest gelernet haben, so weist du noch wenig; sic: tantum abest, ut me ames, ut me potius oderis, statt daß du mich lieben solltest, so haffest du mich vielmehr.* Exempla in priscis ubique obvia: v. c. Cic. Manil. prope finem: *tantumque abest, ut aliquam bonam gratiam mihi quaesisse videar, ut multas etiam simultates partim obscuras partim apertas intelligam — suscepisse.* Amic. 14 *tantumque abest, ut amicitiae propter indigentiam colantur, ut ii, qui — minime alterius indigeant, liberalissimi sint et beneficentissimi.* Brut. in epp. Cic. ad Div. X, ep. 10 §. 10 *tantum abest, ut meae rei familiaris liberum sit quidquam, ut meos jam omnes amicos aere alieno obstrinxerim, statt daß s. weit gefehlt, daß etwas von meinem Vermögen schuldenfrey seyn sollte, so habe ich etc.* — Not. sequitur etiam *ne*. Cic. Or. 68 extr. *tantumque abest, ne — enervetur oratio compositione verborum, ut aliter in ea nec impetus ullus nec vis esse possit: durum est hic ne pro ut non poni: et officit quodam modo perspicuitati, quia post tantum proprie ut debet et solet expectari. Sed Ernesti pro ne in textum recepit ut.*

XII) Duae enuntiationes interdum quoque junguntur per particulas comparativas ut f. *quemadmodum* seq. ita f. *sic*: ubi interdum vernacula habet vel *und* vel *nicht nur* — *sondern auch* etc. V. c. *ich habe dich immer geliebt; und werde dich auch mein ganzes Leben hindurch lieben*, f. *ich habe dich nicht nur immer geliebt, sondern werde dich auch* etc. ita verti possit: *quemadmodum* f. *ut te semper amavi*, *sic* f. *ita per omnem vitam te amabo*, seu *periodice*: *te, ut semper amavi, ita per omnem vitam amabo*. — It. pro *hinc*, v. c. *Gott hat uns viele Wohlthaten erwiesen: daher verdienet er unsere große Liebe, quemadmodum deus nobis multa beneficia tribuit, ita nostro magno amore dignus est*.

XIII) Sunt plura enuntiationes arte connectendi genera, v. c. per *et si* pro *quidem*, *quia* pro *nam* etc., de quibus jam supra Cap. V Sect. 8, 3 dictum est, ubi monuimus, tali commutatione posse enuntiationes ita colligi, ut periodi inde fiant: quo lectorem respicere velim. Si quae omissa sunt, lectio priscorum ipsa supplebit.

SECT. III

De connexione complexionum verborum absolutarum.

Complexiones verborum majores sensum absolutum continentes, et inter duo signa distinctionis maximae (*puncta* vulgo) interjectae, connectuntur inter se variis modis:

I) per *qui* quae quod pro *hic*, *is*, abjectis particulis *et*, *vero*, *igitur*, interdum etiam *enim*, si quidem perspicuitas hoc patitur. Ubi notandum, *quod* qui semper ad rem proxime praecedentem referri debere. V. c. *heri cum fratre tuo locutus sum. Cui cum dixissem* etc. pro: *et cum ei vel cum igitur ei dixissem*, da ich ihm nun gesagt hatte: — it. *libenter cum fratre tuo locutus essem. Quem quia reperire non poteram* etc. pro: *quia vero eum* etc., weil ich ihn aber nicht etc. — Pertinet hoc *qui* etiam ad primam et secundam personam. V. c. *doleo me non adfuisse. Qui si adfuissem, te consolatus essem* pro: *si ego vel si enim ego adfuissem*, denn wäre ich da gewesen, so etc. Sic: *Noli mirari, te reprehensione dignum esse. Qui cum omnium amicitia indigeas, quomodo omnes laedere studes?* pro: *nam cum tu omnium amicitia* cet. —

Attendendum est, ut, perspicuitatis causa, subjectum, cui connecti *qui* debet, huic pronomini quam proximum sit: v. c. si haec verba: *Alexander war der Sohn des Philippus. Da derselbe vor Begierde brannte, die Perser zu bekriegen etc.* *vertere volo*, ac pronomen *derselbe* ad Alexandrum refertur, non dicere ita debeo: *Alexander erat filius Philippi. Qui cum flagraret etc.* Nam ita *quod* qui ad Philippum pertineret: sed ordine converso ita dicendum: *Philippi filius fuit Alexander. Qui cum cupiditate flagraret etc.* — De abiectione illarum particularum *enim*, *vero*, *igitur* notandum, eam necessariam esse. V. c. stulte dicatur: *heri apud me Cajus fuit. Cui igitur s. vero cum dixissem etc.* Non dici potest, quam frequenter prisca isto pronomine uti soleant; nec quidquam est, quod tam deceat studiosum rectae latinitatis, quam iste usus pronominis illius. Cic. ad Div. V, ep. 2 §. 2 *Quod cum dicerem, illud adjunxi etc.* i. e. *cum hoc dicerem etc.* §. II *Quae cum omnia collegeris, tu ipse velim iudices etc.* i. e. *cum igitur haec etc.*, *Wenn du nun dieses alles zusammen nehmen wirst, so bitte dich, selbst zu urtheilen etc.* Ib. §. 15 *Satis habeas, nihil me etiam tecum de tui fratris injuria conqueri. Quem ego cum comperissem omnem sui tribunatus conatum in meam perniciem parare pro: nam cum comperissem eum etc.* Ib. §. 18 *Hac accepta tanta injuria, tamen illo ipso die nisi — communes amicos, qui cum eo agerent, ut de illa mente desisteret. Quibus ille respondit, sibi non esse integrum pro: sed iis respondit etc.*, *Er antwortete ihnen aber, das stünde nicht mehr in seiner Gewalt etc.* Pertinet haec tota res ad Caput de brevitate it. de perspicuitate. Nam utrique servit proprie.

II) per *neque* s. *nec*: idque dupliciter a) quando *pro et non* vel *etiam non* ponitur, b) quando simpliciter *pro non* ponitur.

a) quando *neque* s. *nec* ab initio sententiae totius *pro et non*, *etiam non*, ponitur: de qua re jam supra in conjunctione et vocabulorum et enuntiationum diximus, unde apparet, quam late pateat hujus particulae usus. Millies ita Caesar, Livius, Cicero, v. c. Cic. ad Div. III, ep. 7 §. 15 *Nec mehercule aliter vidi existimare — Pompejum etc. pro: et non etc.*, *Und ich habe nicht anders urtheilen gesehen etc.* Res est nota. — Huc pertinet itidem *nec ullus* s. *nec quisquam* *pro nemo*, *nec quidquam* *pro et nihil*, *nec unquam* *pro et nunquam*, *nec usquam* *pro et*.

et nusquam. — Quam libenter prisca hac connectendi particula ab initio totius sententiae uti soleant, inde perspicere licet, quod adeo *nec non* s. *neque non* pro simplici *et* vel *etiam* sexcenties usurpant; v. c. Cic. Rosc. Am. 15 *Neque haec tu non intelligis* i. e. *et tu haec intelligis*. Non opus est hic regula: *duae negationes affirmant fortius*: nam non ubique hoc fit, ac, cum fit, tum est litotes, de qua supra. Catil. III, 2 *Neque meam mentem non domum* saepe revocat *exanimata uxor, abjecta metu filia* etc. pro: *ac mentem meam domum* etc., Unde oft ruft meine geängstete Frau meine Gedanken nach Hause i. e. saepe eam cogito. Nep. Eum. 1 *Macedones* — *eum sibi anteponi indigne ferebant: neque tamen non patiebantur* i. e. *et tamen patiebantur*: unde patet, etiam in minoribus sententiis locum habere. — Sic et pro *etiam*: Cic. Rosc. 32 in. *Etenim in singulis rebus ejusmodi materies est, ut dies singulos possis consumere. Neque ego non possum; pro: etiam ego possum, Ich kanns auch.* — *Neque tamen* hac forma ita cum nonnullis abutendum est, ut in conjunctione paucorum vocabulorum eorumque vulgarium ubique pro *et* ponamus *nec non*, v. c. *vir praenobilissimus nec non doctissimus*: ubi male ponatur. Debet tantum poni ad connectenda membra majora et minora, in primisque sententias absolutas.

b) quando *neque* s. *nec* pro *non* simpliciter ponitur: v. c. *neque vero, neque enim, neque tamen*, ubi et cogitari non potest: v. c. *neque vero credibile est* etc. *Neque enim intelligere licet* etc. *Neque tamen negaverim* etc. Millies ita prisca incipiunt: et quia in primis notanda est haec forma, exempla subijciam aliquot:

1) *neque vero* pro *non vero*. Cic. ad Div. I, ep. 9 §. 15 *Neque vero hac in causa modo, sed constanter saepe in senatu, scil. dixi, pro non vero, ut per se patet.* Or. I, 1 *Neque vero nobis cupientibus atque exoptantibus fructus otii datus est ad eas artes* etc. — Sic etiam *neque vero quisquam pro nemo vero* s. *non vero quisquam; neque vero quidquam pro nihil vero* s. *non vero quidquam; neque vero usquam pro nusquam vero, et neque vero unquam pro nunquam vero* millies apud prisca ab initio sententiae majoris occurrit, v. c. Cic. Or. I, 8 non procul ab initio: *neque vero mihi quidquam, inquit, praestabilius videtur, quam posse dicendo tenere hominum coetus, mentes allicere* etc. Ad Div. I, ep. 9 §. 4 *Neque vero ego mihi postea quidquam assumsi pro nihil vero ego mihi postea assumsi* etc. Ad Div. II, ep. 6 §. 7 *Neque vero cuiquam*

salutem ac fortunas suas tantae curae fuisse unquam puto etc. pro nemini vero salutem etc. Phil. II, 28 Nec vero te unquam etc. pro nunquam vero te etc. et sic in aliis. — At, licet prisci saepissime neque vero quisquam, unquam etc. pro nemo vero, nunquam vero etc. locuti sint, tamen non credendum est, eos plane non dixisse nemo vero, nihil vero, nunquam vero: occurrit haec ratio non raro, ut propterea non pro vitiosa habenda sit. — Huc vero pertinet quoque neque vero non pro vero, e nota illa ratione, qua duae negationes se invicem tollunt atque ita affirmant, v. c. Cic. Mil. 32 in. Nec vero non eadem ira deorum hanc ejus satellitibus injecit amentiam, ut etc. pro sed eadem ira s. eadem vero ira etc. Tusc. III, 2 nec vero illud non eruditorum temporum argumentum est, quod et deorum pulvinaribus et epulis — fides praecinunt etc. i. e. Illud vero eruditorum temporum signum est etc. Divin. II, 33 med. Nec vero non omni supplicio digni P. Clodius, L. Iunius, consules, qui contra auspicia navigarunt: ac saepius. — Quaeritur hic, an pro neque vero etiam dici possit neque autem. Ab initio sententiae absolutae, nec cum praecedente arte cohaerentis s. periodi, ut loquuntur, non reperi quidem, quod sciam; at occurrit tamen praecedente neque ap. Cic. ad Div. V, ep. 12 §. 21 Neque enim tu is es, qui, quid sis, nescias et qui — arbitrare: neque autem ego sum ita demens, ut me sempiternae gloriae per eum commendari velim, qui non ipse quoque — propriam ingenii gloriam consequatur. Unde certe patet, neque autem non inusitatum fuisse; at neque vero multo usitatus. Nisi forte dicas in Cicerone pro autem legendum esse item: et hoc sibi praeplacere significavit mihi per literas Cel. Ruhnkenius. Non male.

2) neque enim pro non enim longe saepissime, v. c. Cic. ad Div. II, ep. 6 §. 5 Neque enim sum veritus, ne sustinere — non posses. Ad Div. V, ep. 12 quater occurrit, §. 4 Neque enim me solum commemoratio posteritatis ad spem quandam immortalitatis rapit etc. §. 21 Neque enim tu is es, qui, quid sis, nescias etc. §. 22 Neque enim Alexander ille gratiae causa ab Apelle potissimum pingi — volebat. §. 26 Neque enim fas esse arbitror quidquam me rogantem abs te non impetrare. Ad Div. VI, ep. 1 §. 9 Nec enim nos arbitror victoriae praemiis ductos patriam olim et liberos et fortunas reliquisse etc. Sic ab initio sententiae non arte cohaerentis cum praecedente pro: nemo enim, dicitur recte: neque enim quisquam; pro: nihil enim, dicitur: neque enim quidquam; pro: nunquam enim, dicitur: neque enim unquam; pro: nusquam enim, dicitur: neque enim usquam etc. — Huc pertinet etiam
neque

neque enim non pro enim; at not. ab initio tantum periodi, ut in superioribus: v. c. Cic. ad Div. VI, ep. 1 §. 5 *Nec enim is, qui in te adhuc injustior — fuit, non magna signa dedit animi erga te mitigati, pro: is enim, qui in te adhuc injustior — fuit, magna signa dedit etc.* — Sic: *neque enim quisquam non pro nam nemo non s. nam omnis.* Cic. Orat. III, 4 med. *Neque enim quisquam nostrum, cum libros Platonis mirabiliter scriptos legit, in quibus omnibus fere Socrates exprimitur, non, quamquam illa scripta sunt divinitus, tamen majus quiddam de illo, de quo scripta sunt, suspicatur.* — Non tamen credendum propterea, Ciceronem non item *non enim, nihil enim, nemo enim, nunquam enim* ab initio periodi dixisse. Imo dixit saepe, v. c. ad Div. V, ep. 12 §. 14 *Nihil est enim aptius ad etc., ubi poterat dicere: neque enim quidquam est aptius etc.* Orat. I, 13 extr. *Nunquam enim negabo, esse quasdam artes proprias eorum, qui etc.* Rosc. Am. 23 extr. *Nemo enim putabat, quemquam esse, qui etc.* Ibid. c. 38 extr. *Non enim possumus omnia per nos agere etc.* Ergo haec variationis causa usurpanda quoque sunt, in primis ubi *neque* praecessit, et possit repetendo *neque* ambiguitas vel injucunditas exsistere. V. c. recte Cicero dixit Rosc. Am. 32 in. *Non enim mihi tantum derogo, quia praecesserat: neque ego non possum.* Iam, si Cicero dixisset: *neque ego non possum, neque enim mihi tantum derogo, nonne auditor hoc duplex neque jungere (weder noch) potuisset?* Et lectori saltem ista repetitio non ubique jucunda est.

3) *neque tamen pro non tamen* ab initio sententiae millies. Cic. ad Div. VII, ep. 1 §. 3 *Neque tamen dubito, quin etc. pro non tamen dubito.* Sallust. Cat. 24 in. *Neque tamen Catilinae furor minuebatur.* — In primis huc pertinent *neque tamen* ignoro, nescio, sum nescius pro scio tamen. V. c. Cic. ad Div. V, ep. 12 §. 5 *Neque tamen, cum haec scribebam, eram nescius etc. et §. 8 Neque tamen ignoro, quam impudenter faciam etc.* — Huc pertinent quoque *neque tamen quisquam* (s. ullus) pro *nemo tamen*; *neque tamen quidquam* pro *attamen nihil*; *neque tamen unquam* pro *attamen nunquam*; *neque tamen usquam* pro *attamen nusquam* etc. — Huc pertinet quoque *neque tamen non pro attamen*: v. c. Cic. Or. II, 85 *Neque tamen illa non ornant, habiti honores, decreta virtutis praemia, res gestae, judiciis hominum comprobatae.* Simili modo pro *fatebor tamen rem omnem* dicere licet: *nec tamen rem omnem non fatebor.*

Ceterum ex his intelligitur, quam late pateat usus hujus particulae *neque* s. *nec*: ut vere dicere possimus, in recto usu
trium

trium horum vocabulorum *qui, ut, et neque*, magnam latinitatis scientiam cerni.

III) Sunt et alii connectendi majora membra sententiasque absolutas modi, quos strictim tantum recensabo:

1) per *nam cum*: sic enim in initio sententiarum libentius h. e. usitatius dicitur quam *cum enim*. V. c. Cic. ad Div. I, ep. 9 §. 56 *Nam cum mihi condixisset* etc. Ad Div. V, ep. 2 §. 17 *Nam cum ille mihi nihil* etc. — It. *Etenim cum*. Agr. II, 7 *Etenim cum omnes potestates* etc. — Attamen et *cum enim* rectum h. e. usitatum est.

2) per *quod attinet ad id, quod* etc., pro quo et brevius saepissime occurrit *quod*: v. c. *quod autem nonnulli putant, animum aliquando interiturum esse, haec sententia periculosa est vel in eo errant, pro quod autem attinet ad id, quod nonnulli putant* etc., *Was aber das anbelangt, daß einige glauben — so ist diese Meynung* etc. Nos etiam ita breviter loquimur: *daß aber einige glauben, die Seele werde untergehen* etc. Ceterum sexcenties ita Cicero in orationibus, epistolis, aliisque libris, v. c. ad Div. V, ep. 2 §. 5 *Quod autem ita scribis: pro mutuo inter nos animo, quid tu existimes esse in amicitia mutuum, nescio* etc., *Was das anbelangt, daß du schreibst — so weis ich nicht, was du bey der Freundschaft für wechselseitig hältst*: ibid. §. 12 *Quod scribis de reconciliata nostra gratia, non intelligo, cur* etc. et statim §. 13 *Quod scribis non oportuisse* etc. — Saepe sequitur *id, in eo*, v. c. *quod tu istam rem fecisti, id probare non possum vel in eo non recte fecisti*.

3) in objectionibus per formulas: *at objici possit; at objiciat quis; erunt, qui objiciant; si quis objiciat* etc. — Potest pro his solum *at* quoque adhiberi, v. c. postquam Homeri lectionem commendassem, vellemque eos, qui difficilem eam esse clamarent, refutare, ita incipere possem: *At difficilis est ejus lectio. Recte: at nihil difficile est conanti*. Nam responsio etiam per *at* potest incipere: possit et recte omitti, ac simpliciter objectio et responsio sic jungi: *at difficilis est ejus lectio. At nihil difficile* etc., *Aber, wird man sagen, es ist schwer ihn zu lesen* etc. Centies ita Cicero in orationibus, epistolis, aliisque libris, v. c. ad Div. VI, ep. 6 §. 20 *In quo admirari soleo — sapientiam Caesaris: nunquam nisi honorificentissime Pompejum appellat. At in ejus personam multa fecit asperius. Armorum* (haec est responsio) *ista et victoriae sunt facta, non Caesaris*. Ibid. VIII, ep. 6 §. 9 *vel cum spe, si non optima, at aliqua tamen vivere. At in perturbata rep. vivimus. Quis hoc negat? sed hoc viderint ii* etc. — It. *At vero*. Sic Sulpic. in epp. Cic. ad Div. III, ep. 5 §. 7 *At vero*
malum

malum est liberos amittere: malum (haec est responsio), *nisi hoc pejus sit, haec* (i. e. hunc statum reip.) *sufferre et perpeti.*

4) per *ita, atque ita, tali modo* etc., quando effectus rei narratur vel iudicium de re acta additur, v. c. Cic. Verr. III, 26 *Ita literis istius patrifamilias L. Titio cuidam, civi romano, annulus de digito detractus est.* Sulpic. in epp. Cic. ad Div. III, ep. 12, postquam caedem Marcelli narravit, addit: *ita vir clarissimus ab homine teterrimo (s. deterrimo) acerbissima morte est affectus, et cui* etc.

5) per *hic* adv. pro *hac in re* i. e. *da, hierbey, bey dieser Gelegenheit:* Sic saepissime Cicero, Caesar, Livius, Nepos. V. c. Cic. Verr. III, 27, postquam narraverat, Antiochum regem Syriae, multis vasis pretiosis instructum, in Siciliam Verre praetore venisse, ita pergit: *hic Verres hereditatem sibi venisse arbitratus est* etc., *Da glaubte nun Verres, es sey ihm eine Erbschaft aufgestossen* etc. jocosè dictum pro: *Verres arbitratus est, se posse Antiochum facile diripere.* *Venire* dicitur de rebus, quae nobis contingunt, inprimis casu, atque ita quasi sponte ad nos *veniunt* seque nobis offerunt.

6) in narrationibus, v. c. per *interea, inter haec, dum haec aguntur, geruntur* etc. It. *tum vero repente* etc. *Quo factum est, ut* etc. It. per *cum, ubi* etc. V. c. *quod cum audissent; ubi hostes adesse vidit* etc.; *qui ut rem accuratius considerare coepit* etc. Legantur hic in primis Caesar et Livius, it. Cicero v. c. in Verrinis etc. Nam formulae ejusmodi sunt innumerabiles.

7) in conclusionibus per has similesque formulas: *hinc apparet, intelligitur: hinc sequitur: qua ex re videre, perspicere, licet: unde fit perspicuum: hinc satis intelligi potest: quis non statim inde videt, intelligit? quis igitur adhuc dubitat, quin* etc.: *hinc non mirum est: neque ergo dubium esse potest, quin* etc., ut plura genera omittamus: addi nonnulla possunt, quae infra de connexionione argumentorum et sectionum s. majorum partium orationis vel libelli dicentur.

SECT. IIII

De connexionione argumentorum.

Haec variis modis fieri potest. Omnis res vertitur in oratoris ingenio. Paucissima tantum dicemus:

Argumenta non fere solent enumerari per *primo, secunda, tertio, quarto* etc., sed

1) si tria sunt: *primum, deinde, postremo* s. *tandem* s. *denique.* Si plura, multis modis variari potest, nisi quod ob
per-

perspicuitatem *primum* et *denique* s. *postremo* s. *tandem* suum locum occupant h. e. *primum* incipit, *postremo* (*denique*, *tandem*) claudit. V. c. si quatuor: *primum*, *deinde*, *tum*, *denique* s. *tandem* s. *postremo*. Si quinque: *primum*, *deinde*, *tum*, *praeterea*, *denique*, s. *postremo*. Ordinem particularum *deinde* et *tum* non esse constantem et certum inde patet, quod Cic. Fonteij. 14 ita dixit: *primum*, *tum*, *deinde*, *postremo*. — Additur etiam, si quando numerus argumentorum crescit, *postea*, *insuper*: potest etiam *tum*, *deinde*, repeti: v. c. in octo argumentis: *primum*, *deinde*, *tum*, *praeterea*, *insuper*, *tum*, *postea*, *denique*, vel: *primum*, *deinde*, *tum*, *praeterea*, *deinde*, *tum*, *insuper*, *denique*. Haec omnia recte. — Quaeritur tamen, annon propter perspicuitatem melius sit, argumenta, praefertim plura, enumerare per *primum*, *alterum*, *tertium*, *quartum* etc.: in primis si singula iterum dissecta sint in partes minores, itidem per *primum*, *deinde*, *tum* incipientes. Hac certe re confusio impediatur: et hanc impedire est officium oratoris. Auditor enim, aliquoties audiens *deinde*, *tum* etc., incertus est, utrum hae particulae ad argumenta ipsa, an ad eorum causas et partes pertineant.

2) pro istis particulis *tum*, *praeterea* etc., possunt aliae formulae usurpari, v. c. *Accedit*, *quod*, *it.*, si argumentum est levius: *ut taceam*, *omittam*, *praeteream illud* etc.; *ne dicam de eo* etc. Sin gravius: *quid dicamus de eo*, *quod* etc. *Quomodo vero tacere* s. *praeterire* possim, s. *Nullo modo praetermittere* possim. *It. Restat aliquid*, *quod propter gravitatem* etc. *It. Venio nunc ad rem maxime gravem*, vel *ad id*, *quod in primis valeat* etc. Sic Cic. Rosc. Am. 43 in. *Venio nunc ad nomen aureum Chrysogoni* etc. *It. Dicendum mihi etiam est de* etc. *It. Neque vero sufficit hoc vel illud dixisse, confirmasse* etc.

SECT. V

De connexionione sectionum s. majorum partium.

Partes orationis libellique majores iisdem plerumque modis connectuntur, quibus vel sententiae absolutae vel argumenta conjungi solent. Potest tamen hic quoque pro cujusque ingenio saepissime variari: v. c. *Quaeritur hic primum. Dicendum mihi primum videtur* etc. *Ante omnia explicandum est* etc. *Alterum, quod quaerebamus,*

*bamus, erat etc. Veniendum mihi nunc est ad etc. Nunc consideretis s. consideremus etc. Video duo mihi in primis demonstranda esse. Nulla vero major quaestio unquam eruditos exercuit, quam haec etc. Dicendum mihi restat etc. Unum etiam superest etc. Neque tamen negari ullo modo potest etc. Quid censendum est s. censetis de eo, quod etc. Nulla vero utilitas hujus rei major esse potest, quam etc. Et sic millies variare licet. Nec in libris, dissertationibus, prolusionibus etc. dedecet majores partes enumerare, v. c. primum, secundum, tertium etc. prima, altera, tertia res etc., praesertim si illae iterum in partes minores dissecantur per primum, deinde, tum etc., ut perspicuitati, ornamento stili praecipuo, consulatur. Nam in libris didacticis non tam refert exarcte quam perspicue scribere; non tam venustatis et suavitatis quam perspicuitatis ratio habenda est. Idem fere in orationibus, si quidem in partes plures modo majores modo minores divisae sunt, faciendum esse censuerim, praesertim in iis, quae pro concione indocta vernacule habentur. Nam capita orationis facilius illa enumeratione percipiuntur, quam si partes orationis et majores et minores ubique per primum, deinde, tum, postea, praeterea etc. vel vernacule: *ferner, überdieß* etc. enumerantur more Ciceroniano. Imitantur quidem hanc Ciceronianam rationem nonnulli vernaculi oratores: at, an a plebe fatis intelligantur, ipsi viderint. Haec haftenus. — Ceterum tota illa res de partibus orationis vel libri cujusdam apte varieque conjungendis nititur maxime ingenio auctorum felici: nec facile regulis comprehendi potest, eoque minus hic late tractari debet, cum ii, qui talem laborem aggrediuntur, jam viri esse soleant, ipsique, ut ajunt, sine cortice natare sciant, neque nostris praeceptis indigeant. Nos tantum de ista re propterea pauca dicenda putavimus, ne quis aliquid hic deesse arbitraretur.*

CAP. VIII

De variatione vocabulorum universa s. simplice.

Vocabula inter se variantur duplicem maxime ob causam: 1) quia plane idem notant: v. c. *habeo librum et est mihi liber: haec res mihi magnam laetitiam attulit et fuit mihi magnae laetitiae.* — Huc pertinent, quae non valde inter se differunt, ac propterea in certo contextu commutari possunt, v. c. *auctoritas et consilium, uti et habere* etc. Haec *variatio* dici potest *simplex* vel *universa*, estque per se quodam modo suavis occurritque taedio lectorum, ac propterea necessaria est tum ubivis, tum in primis in eadem verborum complexione; v. c. *studia literarum tantam voluptatem afferunt, ut fere nesciam aliquid, quod similiter delectet.* Hic si dicerem: *quod similem voluptatem afferat*, injucunde loquerer, quia omnis repetitio, nisi gravitatem rei adjuvat, injucunda est et paupertatem quandam indicat, quae, ut in pecunia, ita in vocabulis solet esse injucunda. Sic: *dum haec dicebat, loqui coepimus* suavius est quam *dicere coepimus.* — Sic *sed, autem, vero* etc., *etsi, quamquam* etc., *et, quae, ac* etc. inter se commutantur. Cicero hoc diligenter observat: at peccavit tamen, nescio quo casu, ad Div. VI, ep. 1, ubi inde ab initio epistolae hujus quatuor continuas verborum complexiones absolutas (vulgo *periodos* nominant) per *etsi* incipit; it. ad Div. V, ep. 12 §. 14, 15, 16 ter *enim* posuit, et §. 21 §. 22 §. 23 quater. 2) in primis ob majorem *perspicuitatem*, ubi contextus ratio habenda, vel ob *suaviorem ideam*, v. c. *ver aetatis, laeta seges* etc., vel ob *graviorem*, ubi contextus consulendus. Hanc variationem vocare possis *ornatam*, quia ornatur oratio accessione melioris h. e. dilucidioris, suavioris, vel gravioris notionis. Efficitur illa inter alia tropis et figuris.

Nos hic maxime de variatione simplice loquemur: ornatam ad caput de perspicuitate, suavitate, et gravitate referemus: quamquam vix fieri poterit, ut non hic simul aliquot exempla ex ornata variatione inferamus. Dicemus primum de variatione vocabulorum inter se, ubi vulgarem ordinem sequemur, 1) *nominis* 2) *pronominis* 3) *verbi* etc. Deinde aliquot fontes commutationis istius indicabimus et paucula de commutatione rectionis s. constructionis grammaticae addemus.

SECT. I

De commutatione nominum substantivorum.

Nomina substantiva varie commutantur:

1) Substantivum cum substantivo interdum commutari potest: ubi tamen propria vis et contextus ratio semper attendenda est. Commutari v. c. possunt

1) *notitia*, *cognitio*, *scientia*; haec vere synonyma sunt, v. c. *notitia rei musicae*, *cognitio rei musicae*, *scientia rei musicae*, idem notant.

2) *eruditio* et *doctrina*, it. interdum *scientia* v. c. *multarum rerum accurata*. At *eruditio* est interdum quoque i. q. *institutio*: hinc contextus ratio habenda, ne v. c. ubique dicamus: *sine eruditione hoc factum est* etc.

3) *abstracta* saepe pro *concretis* ponuntur, v. c. *adolescencia*, *juventus*, *senectus* pro *adolescentibus*, *juvenibus*, *senibus*, v. c. *adolescencia* est *audacior* etc. Sic nostri: *die lugend* etc. it. *das Alter ist furchtsam*. Sic *audacia* pro *audacibus* Cic. Rosc. 20 *ut metu contineatur audacia* i. e. *audaces*: at simul ad ipsam audaciam respicitur. Sic *scelus* pro *scelesto*, *conjuratio* pro *conjuratis*, ubi tamen contextus considerandus.

4) *consilium* (*Entschluß*), *ratio* et *sententia*, saepe commutantur; v. c. *hoc consilium secutus est*, *hac in sententia fuit*, *hanc rationem iniiit* etc.

5) *familiaritas* et *consuetudo der Umgang*; at *consuetudo* tum demum admitti potest, si contextus docet, non posse explicari *Gewohnheit*; v. c. *propter amorem et consuetudinem*, *quae inter nos intercessit*. Hic planum est, sermonem esse de familiaritate.

6) *anni hominis et aetas*: v. c. *aetate me inferior est, an Jahren ist er unter mir i. e. ist jünger als ich*: per *aetatem facere potuisset i. e. per annos, den Jahren nach hätte ers thun können*.

7) *auctoritas pro consilio Rath* poni potest, si contextus admittit, h. e. si sermo est de *consilio hominis prudentis, magni*, vel si respondet vernaculo *Vorstellung, Zureden*, v. c. *auctoritatem patris facile sequor*.

8) *cogitationes, sensa animi, sententia, mens*, v. c. *intelligo tuas cogitationes etc.*

9) *facies, os, vultus*; at paulum differunt: *vultus*, maxime si lineamenta oris (*des Gesichts*) respicis, vel *tristitiae, laetitiae, modestiae etc.* rationem habes: v. c. *hilari vultu mit freundlichem, muntrem, Gesichte*: *facies* etiam totam corporis speciem indicare potest.

10) *vitium, peccatum, error, culpa*. At differunt proprie. *Vitium* est genus, et notat nostrum *Fehler*, sive sit *naturae* seu *culpae* seu alius causae, v. c. *vitium domus, vestis* (*ewenns nicht recht gemacht ist*), *hominis etc.*; *peccatum* est das *Vergehen, Versehen*, quocunque modo fiat; *error* der *Irrthum* est peccatum mentis *des Verstandes*; *culpa* est peccatum, quod nobis tanquam auctoribus tribuitur, *die Schuld*. *Vitium* differt a *sceleribus*, haec sunt omnium gravissima peccata, v. c. *caedes, adulterium, sacrilegium, grobe Laster, Bosheiten*: et a *flagitiis* h. e. factis turpibus, *Schandthaten, schändliche Dinge*.

11) *opinio, existimatio, sententia, iudicium de re aliqua*. *Opinio* tamen est levior *die Vermuthung*, et *iudicium* a causis gravibus pendet, *Urtheil*.

12) *verba et oratio*, v. c. *ex oratione fratris tui perspexi, i. e. ex iis, quae frater mecum locutus est, aus den Worten f. aus dem Reden etc.*

13) *cupiditas, cupido, aviditas, studium*.

14) *providentia, diligentia*.

15) *studium, industria, assiduitas, opera, labor*. At proprie differunt: *studium* est voluntas ardens s. *impetus animi* der *Trieb*: *industria* der *Fleiß, die Beschäftigung*: *industria acris* et *assidua* est *assiduitas*; si cum quadam intensione corporis fit, est *opera*: ac, si molesta nobis est *industria*, dicitur *labor*.

16) *pulchritudo rei, venustas, dignitas, interdum etiam praestantia, excellentia*.

17) *dulcedo, suavitas*.

18) *turpitudine et foeditas*.

19) *stul-*

19) *stultitia et stoliditas*, interdum augendi causa *dementia*, *amentia*, *furor*.

20) *calliditas*, *astutia*, interdum etiam *consilium*.

21) *humanitas*, *facilitas*, *liberalitas*, *comitas*.

22) *inhumanitas*, *crudelitas* et *immanitas*: duo posteriora sunt graviora.

23) *laetitia*, *gaudium*. Distinguit quidem has notiones Cic. Tusc. III, 6 et 31: at nec ipse nec alius priscorum hoc discrimen observavit.

24) *dolor*, *tristitia*, *animi molestia*, interdum *moeror*; proprie *moeror* est *tristitia intus in pectore inclusa*, der Gram: *luctus* vero est saepissime *moeror* vel *tristitia* ob *mortuum*, cerniturque plerumque vestibus atris, die Trauer.

25) *cura* *Sorge*, *Kummer*, et *moeror* *Gram*: hic est gravior illa.

26) *casus* et *fortuna* *Schicksal*.

27) *vita* et *salus*: proprie tamen *salus* est *status*, qui reddit nos tutos a vitae periculo: non igitur plane est *vita*.

28) *incolumitas* die *Unverletzttheit*, et *salus* i. e. quando in pristino bono statu manemus.

29) *mors*, *obitus*, *finis vitae*.

30) *multitudo*, *copia*, *magna pars*, *magnus numerus*.

31) *paucitas*, *exigua pars*, *exiguus numerus*.

32) *probitas vitae*, *sanctitas*, *integritas*.

33) *virtus*, *honestas*: quamquam forsan multi Christiani dubitabunt *honestatem* pro *virtute* ponere.

34) *existimatio* *Ehrel.* *Reputation*, et *dignitas* *Ansehen*, *Ehre*.

35) *merita* et *dignitas* die *Verdienste*.

36) *fama* et *rumor*: hic est minor illa; est nempe *fama* obscurior et incertae originis: pro *fama* interdum ponitur *celebritas nominis* et *gloria*; sed haec est proprie *fama vulgarissima*.

37) *praestantia*, *excellencia*.

38) *dubitatio*, *haesitatio*.

39) *gravitas* et *pondus*, v. c. *eneris*, *argumentorum*.

40) *improbitas*, *malitia*, quae proprie est, cum quis de industria malus est.

41) *decus*, *ornamentum*.

42) *honor*, *cultus*, interdum *observantia*; at *dignitas* est *honor internus*.

43) *paupertas*, *egestas*; at haec est major, die *Dürftigkeit*.

44) *constantia*, *gravitas*, it. interdum *fortitudo*.

45) *inconstantia*, *levitas*.

46) *magnitudo rei*, *gravitas* v. c. *mali*, *morbii*.

47) *felicitas, beatitudo.*

48) *dignitas der Anstand, decor.* Plura lector ipse inveniat.

II) *Substantivum pro adjectivo, v. c. 1) victor exercitus, die siegende, siegreiche, Armee.* Cic. Manil. 21 *victorem exercitum deportavit.* conf. Liv. V, 19 etc. At hic postulat necessitas: neque enim adjectivum exstat. Et hoc saepe accidit, ut adjectiva vernacula vel per substantiva vel per verba exprimere cogamur, v. c. *tugendhaft, möglich, unmöglich, sinnlich, verständlich, begreiflich* etc. 2) *nihil rei et nulla res.* 3) In primis huc pertinet mutatio adjectivi in substantivum, quando adjectivum notionem primariam vel gravio-rem continet, quam additum substantivum, v. c. *major erat copia virorum* Cic. ad Div. V; ep. 21 §. 2 *pro plures erant viri;* ibid. ep. 2 §. 22 *hujus temeritati si — non restitisssem* etc. *pro huic temerario homini.* Rosc. Am. 17 extr. *si in hanc calamitatem venit propter praediorum bonitatem et multitudinem i. e. propter praedia bona et multa.* Phaedr. I, 12, 6 *crurum nimiam tenuitatem vituperat i. e. crura nimis tenuia:* et I, 14, 14 *quantae putatis esse vos dementiae i. e. quam dementes vos esse putatis?* Cic. Phil. II, 3 *cujus temperantiae fuit de M. Antonio querentem abstinere maledictio* etc. *pro quis tam temperans esse potuit, ut abstineret* etc.? Quae omnia imitanda sunt. — Huc pertinent breves hi loquendi modi: *mirabatur paucitatem auditorum i. e. quod tam pauci essent auditores: noli mirari librorum multitudinem, i. e. quod tor libri sunt: laudavit tuam humanitatem, doctrinam* etc., *pro laudavit te, quod tam humanus, doctus, esses: ignovit ejus pueritiae pro ignovit ei, quod adhuc puer esset.* Pertinent haec proprie ad breviter.

III) *Substantivum pro pronomine ob gravitatem dicendi:* v. c. Cic. Catil. I, 1 *o tempora! o mores! Senatus haec intelligit, consul videt, hic tamen vivit pro ego video;* ib. c. 6 extr. *quod eam (sicam) necesse putas esse consulis in corpore defigere, pro meo in corpore: at consulis erat gravius et aptius dictum.* Sic frater fratri dicere potest: *noli repudiare fratris preces, pro meas.* Est proprie brevitatis, pro: *meas preces, quae a fratre veniunt.* Sic pater filio: *ne aspernere patris consilium, i. e. meum.*

III) *Nomen proprium, at notum fatis, et notae virtutis cujusdam vel etiam vitii, poni interdum potest 1) pro substantivo, v. c. Achilles, Hector, pro fortissimo: Cicero pro oratore magno: Nestor pro prudente sene, v. c. Cic. ad Div. VIII,*

Virg. xi. 538. Sub-
ta dulced. amant
monit. 6 etc.

ep. 14 §. 5 *habere aliquem in consiliis capiundis Nestorem*: respicitur ibi quidem proprie ad Nestorem illum, quia de Agamemnone sermo est; at ex vocabulo *aliquem* intelligitur, Ciceronem cogitasse in universum *senem prudentem*. Sulpic. in nobili illa epistola consolatoria in Cic. Epp. ad Div. III, 5 §. 13 ait: *noli oblivisci, te Ciceronem esse*, h. e. virum egregie sapientem, qui aliis praeclara consilia dare queat etc. 2) Interdum etiam *nomen proprium* pro *pronimine* dicitur gravitatis causa, v. c. Cicero Ligar. 2 ait Caesari: *M. Cicero apud te defendit, alium in ea voluntate non fuisse, in qua se ipsum confitetur fuisse*, pro: ego defendo — in qua me ipsum confiteor etc. At illud gravius dictum erat, quia nomen Ciceronis admonet, eum fuisse notissimum illum Pompejanum etc. Totus locus legi debet. Ac saepius Cicero nominibus propriis pro pronominibus utitur ob gravitatem, h. e. ob maiorem laudem vel vituperationem alicui conciliandam.

V) In primis *duo substantiva* pro *uno* ponuntur, ita tamen, ut neutrum vi sua careat. Neque enim credendum, priscos duo vocabula pro uno simpliciter posuisse. Imo fecerunt hoc, ut accuratius atque ita magis perspicue et gravius loquerentur: v. c. 1) *corpus hominis* pro *homine*, v. c. *vulnerare corpus hominis* pro *hominem*: at illud rectius, quia non totus homo, i. e. corpus et animus simul, vulneratur, sed tantum corpus. Sic rectius *ulcus latere dicitur in corpore hominis*, quam *in homine*. 2) *animus hominis* pro *homine*, v. c. *offendere animum hominis* rectius dicitur, quam *hominem*: nam non totus homo offenditur, sed ejus animus. Dici quidem potest pars poni pro toto, at hoc est *Synecdoche* h. e. *non accurate dictum*. Deinde postulat perspicuitas: *offendere hominem* potest quoque significare *invenire hominem*. Sic prisci non dicunt *uti homine sich eines Menschen bedienen, ihn zu etwas gebrauchen*, quia hoc significaret quoque *mit einem Menschen umgehen*: semper igitur pro illo dicunt *uti opera hominis*, ad dilogiam evitandam. 3) *mucrone gladii ictus* rectius, quam *gladio ictus*. 4) *puppis navium appulsae litori* rectius, quam *naves* etc. 5) *maris saevitia* pro *mari*, quando scilicet saevit: ergo pro *mari saevo*. 6) *ratio senatus est mutata* Cic. ad Div. I, ep. 8 §. 8 i. e. *senatus est mutatus*: at proprie est *conditio senatus* etc. 7) *spe praemiorum incitatus* pro *praemiis incitatus*; at illud rectius: non enim tam praemia futura quam eorum spes incitat. — Hinc patet, illam commutationem non ita intelligendam, ut ubivis duobus substantivis pro uno uti liceat, nulla idearum habitatione: quo nil stultius foret. Sed subtilitas idearum, atque

ita perspicuitas ac simul gravitas, interdum adjuvatur illa additione: v. c. *animum offendere hominis, corpus hominis vulnerare, puppes navium appulsae* etc., accuratius dicta sunt, quam *hominem, naves* etc. — *Ratio senatus est mutata* Cicero dicere cogeatur. Nam, si dixisset: *senatus est commutatus*, sensus esse poterat, senatum aliam mentem induisse, vel alios in senatum receptos esse, superioribus ejectis: cum tamen Cicero dicere vellet, senatus rationem (i. e. *Verfassung*) mutatam esse h. e. non eandem amplius esse, quae olim fuisset, ubi quisque senatorum ea, quae sentiret, libere dicere posset. — Deinde *spe praemiorum incitatus* non plane est idem, quod *praemiis incitatus*. Hoc enim indicat vel indicare potest, aliquem jam praemia accepisse atque ita his jam acceptis incitatum esse: at *spe praemiorum incitatus* est, qui nihil dum praemii accepit, sed tantum sperat, se, si quam rem peregerit, praemia laturum. — Sic est in omnibus aliis exemplis. V. c. Cic. Or. I, 9 *quis tibi hoc concesserit*, — *genus hominum non prudentium consiliis compulsum potius quam disertorum oratione delinitum se oppidis sepsisse?* Hic singulis vocabulis sua sententia constat: nec simpliciter dictum est pro *per prudentes, per disertos*: *consiliis* adesse debet, ne videatur genus humanum vi compulsum esse. Vertendum: *wer wird dir das zugestehen, daß das menschliche Geschlecht nicht vielmehr durch den Rath s. die Rärhe kluger Männer gedrungen; als durch das Reden beredter Leute gelockt s. geschmeichelt, sich* etc.

Nunquam Cicero, qui ipse dixit, verba sine sententiis ponere insaniam esse, nec alius scriptor prudens, simpliciter ac sine iusta causa pro uno vocabulo duo posuit. Semper ambobus vis quaedam continetur. Non igitur, si quando accidit, ut duo substantiva occurrant, quorum unum explicare satis commode nesciamus, propterea dicendum est, hoc redundare (quasi nos omnia satis intelligamus), et tantum periphrasi cuidam servire, v. c. *vis Herculis* positum esse pro *Hercule*, *vis deorum* pro *diis*, *vis canum odora* ap. Virgil. pro *canibus* etc. Id quod nonnulli Philologi perperam, de mea quidem sententia, faciunt, atque hanc deinde interpretandi rationem, minus accuratam et violentam, in libros divinos invehunt, et ubique clamant: *hoc vocabulum per hebraismum redundat*. Quod quid aliud est, quam dicere: *hoc vocabulum caret omni sensu seu notione?* Male. Nam, etsi multa vocabula priscarum linguarum, quia et ratio multarum rerum et cogitatio hominum inde a prisca aetate ad nostra usque tempora paulum immutata est, in vertendo non apte reddi ver-

vernacule possunt, quod experientia satis docet: tamen hinc non continuo sequitur, ea carere sententia et tantum periphrasi jejunae h. e. redundantiae cuidam servire. Imo, si ea certo intelligimus, debemus ea, nisi vernacule vertere, tamen explicare eorumque notiones indicare posse; nisi velimus omnem interpretationem incertam reddere et cuilibet potestatem facere, ubicunque vult, dicendi: *hoc redundat, illud item*; ubi tamen alius notionem inesse imo gravitatem quandam certo credit. Si igitur prisca, ut de his nunc solis loquar, duo vocabula pro uno temere seu ex usu quodam dicendi posuissent, stultissimos esse dixerim. Cur non potius Socratem imitatur, ac, si e duobus vocabulis unum tantum explicare valemus, de altero nostram incertam fatemur? Et dicere, scriptorem aliquid frustra ponere, est eum manifeste vituperare ac de ejus mente ac doctrina non optime sentire. Ac miror, Celeb. Ernestium, qui in graecis scriptoribus particulas illas *γὰρ, δὲ* etc., nunquam redundare toties confirmavit ac monuit (vid. v. c. ejus Xenoph. memor. et Homer.), tamen in Cicerone quasdam periphrases seu redundantias unius vocabuli conjuncti cum altero tam liberaliter admittere. Vid. v. c. Clavis Cic. in vocabb. *vis, natura, ratio, necessitas, res*. In *vis* ait: „servit etiam periphrasi, ut *vis deorum* pro *diis*, loco non laudato. Foran in mente habuit locum Cic. Nat. D. III, 36 extr. *vim omnem deorum ac potestatem*. At hic *vis* est *Wirkung, Kraft, Einfluss*. In *natura* ait: „est etiam in periphrasi Nat. D. II, 54 *natura alvi* pro *alvus*“. Gesnerus in Chrestom. Cic. rectius explicat *naturam* hic per *substantiam* s. *essentiam*. In *ratio* dicit: „ponitur et pro re ipsa: v. c. *ratio ipsa* Inv. I, 1; per *fiduciae rationem* fraudare Caecin. 3; *veritatis ratio* Verr. I, 2“. Ergo *ratio ipsa* pro re, *fiduciae ratio* pro *fiducia*, *veritatis ratio* pro *veritate* ei positum est: at cur non *ratio ipsa* explicetur die *Vernunft selbst*, *fiduciae ratio* per *causam fiduciae*, *veritatis ratio* die *Rücksicht der Wahrheit*? Locorum ipsa inspectio docebit, hoc ita fieri posse vel potius debere. In *necessitas* ait: „*necessitas de natura, ordine naturae* etc., additque Catil. III, 4 *mors aut necessitas naturae* etc.“, ubi *necessitas* non potest *natura* esse, quia *naturae* additur, neque *necessitas naturae* pro *natura* dicere potuit Cicero, nisi tautologiae vitium committere voluit. Alibi etiam distinguit Cicero *necessitatem* a *natura*, v. c. Verr. III, 14 *ipsi naturae ac necessitati*, unde patet, duo haec verba non plane idem notare. Et cur *necessitas* non ubique esse possit *immutabilitas quaedam, Unveränderlichkeit*, vel etiam *Unvermeidlichkeit, Nothwendigkeit*,

Nothdurft, nothwendige Folge cet.? Tandem in res: „Verr. I, 14 *res rationum* pro *rationes*“. Imo, ut loci inspectio docet, quamquam Cicero non totum verborum contextum posuit, *res rationum* sunt *res*, quae in *rationes Verris simul relatae* erant, *berechnete und in ein Verzeichniß gebrachte Dinge*, non ipsae *rationes*.

Prisci semper credendi sunt causas habuisse, cur duo substantiva pro uno ponerent. *Prima* est ea, quam supra memoravi, quia ista additione vocabuli elocutio *accuratior*, magis *definita*, atque ita *dilucidior*, *suavior*, et *gravior* redditur. *Altera* est *concinnitas*. Hujus studio forsan nimio ductus Cicero, praesertim in adolescentia, quae, quidquid scit, exponere et omnia ornare cupit, interdum duo vocabula pro uno posuit, ubi alterum abesse poterat. At tamen interdum tantum, vel rarissime, vel potius nunquam. Neque enim vocabulum ornatus causa additum sensu omni caret. V. c. Rosc. Com. 8 dixit: *inertia laboris*, quia sequitur *magnificencia liberalitatis*. Propter hanc oppositionem ac concinnitatis s. aequalitatis verborum studium possit Cicero, homo tum 26 annorum, vocabulum *laboris* sine ulla sententia videri posuisse: quia *inertia* significat *die Trägheit*, ubi notio *laboris* non necessaria esse videatur. At non ita se res habet. Nam *inertia* est etiam *die Ungeschicklichkeit*, idque proprie. Ad hanc igitur ambiguitatem evitandam Cicero addidit et addere coactus est *laboris*, ut quisque videret, *inertiam* hic esse *Trägheit*. Debebat quidem, fateor, proprie dicere *inertia in labore*: durum est enim dicere *inertia laboris*: ut itaque Cicero, si vituperandus est, propterea tantum vituperari debeat, quod concinnitatis studio abreptus *laboris* pro *in labore* dixit. At quis nescit, plures similes genitivos, per praepositionem explicandos, atque adeo interdum duriores apud priscos occurrere? — Ceterum, si hic mos invalescat, ut duo vocabula, si ita lubet h. e. si ita melius videtur, per unum explicare liceat, quid arti interpretandi tandem fiat? quam incerta ipsa reddatur? Equidem, quotiescunque ejusmodi conjunctionem duorum vocabulorum reperio, utrumque auditoribus meis explicare studeo: et pauca reperi, quae non explicari liceret, quamquam non semper apte verti. Si quando tamen accidit, ut alterutrum vocabulum explicare nequeam, quod accidisse mihi non nego, aperte dico atque profiteor, me id non intelligere. Cujus professionis me non tam pudet, quam dicere, vocabulum redundare et efficere inanem periphrasin vel ob meram concinnitatem positum esse. Tanta cum religione veneror priscorum scriptorum prudentiam.

VI) *Substantivum* pro *adverbio*, sed plerumque conjunctum cum praepositione vel adjectivo vel cum utroque, v. c. *praeter opinionem* pro *repente*; *per insidias aliquem interficere* i. e. *insidiosè*; *singulis diebus* pro *quotidie*; *singulis annis* pro *quotannis*; *omni studio* i. e. *studiosissime*; *summa celeritate* i. e. *celerrime*; *summa cum diligentia rem perfecit* i. e. *diligentissime*. — Huc pertinent multa adverbia vernacula, quae vel per substantivâ vel per verba, de qua re infra, circumscribuntur: *schriftlich* per *literas*, *stündlich* *singulis horis*, *monathlich* *mensibus singulis*, *per singulos menses*, *bedingungsweise* *sub conditione* s. *ea conditione*, *ut* etc.

Haec haëtenus. Contra substantiva saepe per verba circumscribi possunt, v. c. *qui genuerunt* pro *parentibus*: *quod natum est* i. e. *infans*: *qui judicant* i. e. *judices*: *quod accidit* i. e. *casus*; sic et quae facta sunt pro *casibus* Cic. ad Div. VI, ep. 1 §. 15 *Neque ego ea, quae facta sunt, fore cum dicebam, divinabam*, i. e. *da ich die Zufälle voraus sagte, so prophezehte ich sie nicht*. Sic *cum taces* pro *silentio tuo* Cic. Rosc. Am. 19 *Verum concedo tibi, ut ea praetereas, quae, cum taces, nulla esse concedis* h. e. *aber ich erlaube dir diejenigen Dinge zu übergehen, deren Wichtigkeit (quae nulla esse) du durch dein Stillschweigen (cum taces) zugestehst*. Sic *gerundia* et *participia* saepe pro substantivis adhibentur, v. c. *eundo defatigatus sum* i. e. *itione*: *narranda ista re me terruisti* i. e. *narratione rei* etc. Sic: *silentes* s. *silendo interdum plus proficimus quam loquentes* s. *loquendo*, pro: *silentio* — *quam verbis*, *durchs Schweigen richten wir zuweilen mehr aus, als durchs Reden, durch Worte*.

SECT. II

De commutatione adjectivorum.

Adjectiva varie commutantur:

I) *Adjectivum* ponitur pro *adjectivo* vel idem vel e contextus ratione fere idem significante, v. c. *fessus et lassus*: *indubitatum*, *certum*, *exploratum*; *praeclarus*, *egregius*, *eximius*,

mius, praestans, excellens, interdum insignis, singularis: turpis, foedus, interdum augendi causa abominandus, detestandus, averfandus: pulcher, formosus (hoc plerumque de corporis forma), *interdum venustus, praeclarus, egregius, praestans etc.; callidus, astutus, versutus malo sensu, interdum sagax, prudens: difficilis, arduus* (propr. hoch zu ersteigen, zu erreichen), v. c. *res ardua: humanus, facilis* (proprie qui, quae alii volunt, facile agit), *comis freundlich: inhumanus, expers humanitatis, ferreus unempfindlich, et in majori re crudelis, immanis: aequum billig, interdum justum, verum eodem sensu: suavis, jucundus, gratus, dulcis* (proprie est jucundum, quod delectat, gratum, quod gratiam Dank meretur; sic differunt ap. Ciceronem): *hilaris, laetus, v. c. frons laeta, hilaris: stultus, stolidus, interdum imprudens, ineptus, ridiculus, insulsus: altus, excelsus, arduus: profundus, altus: continuus an einander hängend, perpetuus, v. c. montes continui, perpetui: cupidus, avidus, studiosus: insignis sich auszeichnend, singularis außerordentlich, bono et malo sensu; it. praestans, eximius, egregius etc. bono sensu: malus, pravus, improbus de homine: rectus, honestus, interd. justus de re: probus (homo), sanctus, integer: plenus, refertus* (propr. voll gestopft, ergo majus illo): *injucundus, molestus, ingratus, gravis, interdum acerbus empfindlich: tenuis, exilis; parvus de re, interdum fragilis et caducus hinfällig, vergänglich: magnus, gravis de re mala, v. c. morbus gravis, et augendi causa vehemens, acer: imperitus, rudis, inscius, interdum stultus etc.: sedulus, assiduus: diligens, accuratus: perniciosus, periculosus, capitalis, interdum inutilis (litotes), v. c. civis inutilis, ut nos ein unnützer Mensch: salvus unverletzt, incolumis, integer sunt synonyma: felix, beatus, fortunatus: inanis, vacuus: notus, cognitus, et augendi causa clarus, celebris de homine ac re, et manifestus, apertus, perspicuus de rebus: occultus, tectus, absconditus: inauditum, novum: proprium h. e. non commune cum aliis, praecipuum eodem sensu, was man vor andern zum voraus hat, vorzüglich: aptus, idoneus, accommodatus ad rem, interd. dignus i. e. anständig, sich schickend: probus ächt; verus, spectatus, v. c. aurum probum; verum etc., amicus probus etc.: attentus, diligens in audiendo: constans, gravis, it. fortis: inconstans, levis; et innumera alia. Hic notandum adhuc:*

a) pro omnis antecedente sine dici debet ullus; v. c. sine ulla dubitatione, male sine omni etc. Subtilitas notionum hoc exigit

exigit et usus loquendi. Prisci enim plerumque v. c. *sine ulla dubitatione* etc. At occurrit quoque *sine omni*, v. c. *sine omni periculo* Terent. And. II, 3, 17. *sine omni malitia* Plaut. Bacch. V, 2, 13. *sine omni sapientia* Cic. Or. II, 1 extr.

b) superlativus libenter mutatur in comparativum; v. c. pro: *omnium doctissimus est* dicere licet: *nemo eo est doctior*; sic: *nil est humanius illo* pro *ille est humanissimus*: — in primis placent isti comparativi pronomini relativo juncti, v. c. *locutus sum cum homine, quo nemo doctior esse potest, quo nihil suavius, humanius, novi*; pro: *qui est omnium doctissimus, suavissimus*.

c) quot mutari potest in quantum, v. c. *quantum librorum habes* i. e. *quot libros?* it. *tot in tantum*, v. c. *tantum librorum emi*. Interdum vernaculum *wie viel, so viel*, non potest reddi per *quot tot*, sed per *quantum tantum*, quando scilicet non tam multitudo quam magnitudo indicatur, v. c. *so viel Verstand; wie viel Gelehrsamkeit! tantum ingenii; quantum doctrinae!* etc.: — it. *quot* mutari solet in *quotusquisque*, si non tam directe interrogatur, quam cum querela quadam exclamatur, atque omnino paucitas recte indicatur: v. c. *wie viel glauben dieses?* i. e. *pauci*; *wie viel gibts, die ihr Leben gern einbüßen?* h. e. *pauci*. Hae duae formae reddi debent: *quotusquisque hoc credit? quotusquisque est, qui vitam libenter ponat?*

II) Adjectivum pro substantivo: v. c. *senex* pro *in senectute*; sic *adolescens, puer, vivus* pro *in adolescentia, in pueritia, in vita*. Cato *literas graecas senex didicit* i. e. *in senectute*: *feci hoc adolescens* i. e. *in adolescentia*: *cognovi eum puerum, ich habe ihn in seiner Kindheit kennen gelernt: dixit hoc vivus* i. e. *bey seinem Leben*: — sic et participia, v. c. *dixit moriens, proficiens, rediens*, i. e. *bey seinem Tode, bey seiner Abreise, Rückkunft: profectum illum nemo amplius vidit, nach seiner Abreise hat ihn weiter niemand gesehen*. Sic semper dicendum. Pertinent huc formulae *salvis legibus* i. e. *sine laesione legum: salvo jure* Cic. ad Div. XIII, 77 in. i. e. *sine laesione juris* etc.: semper ita dicendum. Sic *poculum aureum, argenteum*, i. e. *ex auro, argento*; *pyxis eburnea* i. e. *ex ebore*: it. *Civis Lipsiensis, Berolinensis, Atheniensis*, pro *e Lipsia, Berolino, Athenis*; illud semper melius, licet Livius I, 50 dixerit *Turnus Herdonius ab Aricia* pro *Aricinus* et XXXVII, 22 *tredecim a Rhodo naves* pro *Rhodiae*, ut nos vernacule dicimus: *ein Bürger aus Leipzig, Schiffe von Rhodus* etc. Hinc ap.

ap. Nepot. v. c. *Themistocles Atheniensis, Epaminondas Thebanus* etc. non verti debet *ein Athenienser, Thebaner*, sed von *Athen, Theben*, ut tirones assuefiant tali dicendi rationi, nec postea vernacula *ein Mann aus Wien* etc. vertant e *Vienna*, sed *Viennensis*. — Pertinent huc multa alia vernacula substantiva, quae latine debent per adjectiva verti, quia substantiva vel defunt vel dubiae sunt auctoritatis: v. c. *rectitudo, certitudo, perniciositas, aptitudo, ridiculitas* etc. Hic v. c. dicendum: *quis non videt, hoc esse rectum, certum, perniciosum, aptum, ridiculum* etc., *wer sieht nicht die Richtigkeit, Gewißheit, Schädlichkeit, Schicklichkeit, Lächerlichkeit* etc. Huc pertinet *verum* pro *veritas*: ut fere semper pro vernaculo *Wahrheit*, nisi virtus illa proprie in abstracto indicatur, dici debet, v. c. *Si verum scire vis*, i. e. *wenn du die Wahrheit wissen willst*. Sic Cic. ad Div. V, ep. 20 §. 12, non *veritatem*, quod falsum fuisset. — Et alibi adjectiva possunt poni pro verbo conjuncto cum substantivo, v. c. *hoc suspiciosum est* pro *suspicionem movet* *erregt Verdacht* Cic. Rosc. Am. 23.

III) *Adjectivum* interdum pro *adverbio*: nota hic sunt *nulus dubito* pro *non dubito*; *primus* pro *primum*; *solus, unus* pro *tantum, solum*, v. c. Cicero hoc *primus* dixit, Neutonus *primus* invenit, i. e. *hat es zuerst gesagt, zuerst erfunden*; *mihi soli* non dixit, *mir allein* hat ers nicht gesagt; *mater sola* adest, *ist allein da*; *pater unus* dixit, *hats allein* gesagt; *sola doctrina* nititur, *er verläßt sich bloß auf die Gelehrsamkeit*. Millies ita Cicero, v. c. Verr. I, 1 *Sicilia* — *prima omnium* — *provincia est appellata*: *prima* docuit maiores nostros — *sola* fuit ea fide etc., *ist zu allererst eine Provinz genannt worden, hat zuerst gelehrt — ist allein so treu gewesen* etc. et paulo ante pro *prima* eodem sensu dixit *princeps*: *omnium nationum* — *princeps* *Sicilia* se ad *amicitiam fidemque* populi rom. applicuit, i. e. *hat sich zu allererst — begeben* etc. Ad Div. V, ep. 20 §. 12 et, *si verum scire vis, hoc uni scribe meo intellexi non nimium placere* pro *hoc tantummodo scribe* etc. Huc pertinent alia, v. c. Cic. Agr. II, 2 *versantur enim in animo meo multae et graves cogitationes*, quae mihi nullam partem neque diurnae neque nocturnae quietis impertiunt, ubi dicere poterat: quae mihi nullam quietem neque noctu neque die etc. Rosc. Am. 7 *decem horis nocturnis sex et quinquaginta millia passuum cisis pervolavit* pro *noctu decem horis* etc. Ad Div. VI, ep. 2 §. 4 *necesse est enim aut armis urgeri rempublicam sempiternis aut etc. pro semper*. Ad Attic. XI, ep. 24 med. *Philozimus non modo nulus venit, sed ne per literas quidem aut per nuntium certior* *facit*

facit me, quid egerit pro non modo non venit, ut nostri: es kam kein Philotimus. Tusc. I, 38 — cum mors nec ad vivos pertineat, nec ad mortuos? Alteri nulli sunt, alteros non attinget, pro alteri (i. e. mortui) non sunt, existiren nicht mehr. Rosc. Am. 6 erat ille Romae frequens i. e. frequenter.

SECT. III

De commutatione numeralium.

Numeralia interdum etiam permutantur:

I) *inter se*, v. c. *octodecim*, *decem et octo*, atque *duodeviginti*, hoc ubique rectius putatur, sed *decem et octo* ap. Livium legitur, ergo recte ita dicitur; omninoque de *octodecim* plane dubitatur, an sic dici debeat, quia praeter Frontinum non alius scriptor eo usus videtur. Sic et *duodevicesimus* dicendum: sic et *undeviginti* pro *novemdecim* rectius dicitur, et *undevicesimus* pro *decimus nonus*: sic et in reliquis, v. c. *undetriginta*, *duodetriginta*, *undequadrageinta*, *duodequadrageinta*, et sic porro pro *novem et viginti*, *octo et viginti*, *novem et triginta*, *octo et triginta* etc., atque ita ubique etiam *undetricesimus*, *duodetricesimus*, *undequadragesimus*, *duodequadragesimus* etc. dicendum. — De *millia* notandum, non posse poni pro *mille* h. e. pro *uno mille*; sed semper de pluribus dicendum, v. c. *duo*, *tria*, *millia*. Vidi tirones interdum hic peccasse, quia nos in vernacula de utroque, et de uno et de pluribus millibus, dicimus *tausend*, v. c. *drey tausend*; at forsitan tantum in singulari dicere debebamus *tausend*, et in plurali *tausende*. Sed quis usum loquendi v. c. *drey tausend Mann* mutet?

II) *Numeralia* pro *adjectivis* copiam vel paucitatem indicantibus interdum ponuntur, v. c. *sexcenti*, *centum*, *mille* pro *permultis*: sic *sexcenties*, *millies*, *centies* pro *saepissime*: ubi tamen iudicio opus, ne de rebus, quae, licet crebro, tamen v. c. vix vices factae sunt vel fieri potuerunt, dicamus *millies*, *sexcenties*, v. c. si quis dicere velit, se suum diem natalem *millies sexcentiesve* celebrasse, ridiculus fiat. Sic et *tria verba* pro *paucis*, it. *ut unum verbum addam*, *uno verbo dicam* etc. Sic et nostri *tausendmal*, *hundertmal*, pro *sehr oft*: *nur auf zwey Worte*, *mit zwey Worten*, *mit einem Worte*, *sagen*, ubi *paucissima verba* intelliguntur.

SECT. IIII

De variatione pronominum.

Pronomina commutantur:

I) *inter se*, v. c.

1) *nos* pro *ego* saepe dixit Cicero in orationibus aliisque libris, ut hodierni oratores et scriptores: dixit adeo *nobis consulibus* pro *me consule*. — Quaerunt eruditi, an hoc modestiae causa Cicero, Virgilius, aliique fecerint. Hoc Buchnerus de commut. orat. p. 88, Servii ad Virg. Aen. II, 89 auctoritatem secutus, affirmat, ex eoque Heineccius in fundam. repetit. — At hoc non ubique certe locum habere putaverim. Credo, ex orationibus, in quibus oratores multa cum auditoribus communicant vel communicare simulant (et hoc modestiae nomen hactenus mereatur), deinde in libros fluxisse, ac Ciceronem, illi de se in plurali dicendi rationi assuetum, deinde et alibi, ubi de se solo loquitur, istum pluralem adhibuisse. Nam non ubique istum pluralem posse modestiam indicare clarum est. Et quis v. c. hodie legens scriptores recentiores de se ita loquentes: *Nos librum edidimus, supra de hac re diximus, vide nos supra vel nostram dissertationem, Cajus nos refutare voluit* etc. hoc pro signo certo modestiae habere, nec potius consuetudini dudum receptae tribuere, velit?

2) *id quod* saepissime pro *quod*, si non ad unum certum substantivum, sed ad totam praecedentem sententiam, refertur, v. c. *Amas virtutem: id quod laudo*.

3) *nescio quis* pro *quidam*, si de homine obscuro atque contempto vel vili sermo est: indicatque proprie, nos nescire, quis iste homo sit, vel saltem nescire simulare. At *nescio quid* non modo minuendi causa dicitur, v. c. *ingenii mei nescio quid* h. e. *meum exiguum ingenium*, sed etiam augendi causa. Cic. Arch. 7 *Atque* (sic Editt.; forsan leg. *Atqui*) *idem ego contendo, cum ad naturam* (i. e. ingenium) *eximiam atque illustrem accesserit ratio quaedam conformatioque doctrinae, tum illud nescio quid praeclarum ac singulare solere existere* h. e. *illud praeclarum et singulare, quod explicare, quod verbis exprimere, nequeo*. Sic et nostri: *der Mann hat etwas, ich weis nicht was großes in seinen Mienen*.

4) *ipse* pro *ille* dici debet de persona primaria, cum de ejus rebus vel comitibus ante dictum est: v. c. *Caesar misit legatum*

legatum cum tribus cohortibus — ipse secutus est cum etc., *er aber folgte* etc.: ubi ille vero falsum est.

5) in primis *qui quae* quod notandum, quod pro *is, ille, ego, tu, nos, vos* saepissime connexionis causa dicitur, abjectis particulis connectendi *et, vero, enim*: v. c. *Cajus mihi librum misit: quem cur non legam, nullam causam video pro et cur eum non legam* etc. *Amicos tibi comparabo: quibus ut familiarissime utaris, rogo pro ut vero iis famil.* etc. *Doleo me non adfuisse. Qui si adfuissem* etc. pro *nam si ego adfuissem* etc. *Vellem, te vocassem. Qui si adfuissem* etc. pro *si tu vel si enim tu adfuissem* etc. *Nihil de re comperimus. Quibus si nuntiatum erit* etc. pro *si vero nobis vel si nobis nuntiatum* etc. De hac re jam supra dictum est. — Pertinet huc quoque *qui pro cum, ut* etc., v. c. *ego, qui scirem* etc., *da ich wüßte: Caesar, qui sciret* etc., *da er wüßte: dignus es, quem laudem* i. e. *ut te laudem: digna est virtus, quam amemus* etc., quia in *qui quae quod*, si ita cum conjunctivo consociatur, semper pronomen aliquod v. c. *ego, tu, is* etc. latet. Attamen de iis infra dicemus.

Not. *haec et hoc* a tironibus vidi temere commutari, deceptis per vernaculam, ubi utrumque vertitur *dieses*, sive de una re sive de pluribus sermo fit. — Male. *Hoc* semper de una re, *haec* de pluribus, dicendum, v. c. quando dixi: *tu amas virtutem*, recte adjicio: *hoc mihi placet*, et perperam: *haec mihi placent, dieses gefällt mir*. At, quando dixi: *tu non amas amicos, insidiaris parentibus, persequeris inimicos*, tum recte subjicio: *haec mihi non placent*. Sic est quoque de *quod et quae*.

II) Pronomen pro adjectivo, v. c.

1) *ipse* pro *integer, totus*, in accurate definiendo numero ac temporis spatio, v. c. *tres ipsos dies abfui* i. e. *tres totos dies*, gerade (just) drey Tage.

2) *is* pro *talis* saepissime, sequente vel *ut vel qualis*, v. c. *ea es doctrina, ut paucos habeas pares pro tali es* etc. *An putas me eum esse, qui mentiar? pro me talem esse, ut* etc. *Cicero se praestitit eum, quem esse decuit pro talem, qualem*: nil frequentius.

3) *hic* pro *praesens* i. e. *gegemeärtig, jetzig*, saepissime, v. c. *haec tempora die gegemeärtigen Zeiten; hi mores die jetzigen Gebräuche*; sic plerumque dicendum, si sermo est de rebus; nec fere *praesens* usurpandum, licet vernacula dicat *der gegenwärtige Krieg, das gegenwärtige Uebel*, quod vertendum *hoc bellum, hoc malum*: nam *praesens* de personis fere dicitur: quamquam et de rebus interdum, v. c. *praesens tempus* Cic.

Cic. Catil. I, 9. At etiam de personis saepe Cicero hic usurpat, v. c. Rosc. Am. 20 *sed si ego hos bene novi*, h. e. *wenn ich die Herren hier recht kenne*, intelligit *judices*. Offic. III, 16 *M. Cato sententiam dixit, hujus nostri Catonis pater etc.*, h. e. *unsers jetzt lebenden Catons Vater*: ut contra ille de eo, qui non amplius praesens est s. vivit, dicitur, v. c. Verr. II, 2 *ita ille M. Cato sapiens* i. e. *der ehemalige Cato etc.* — Ceterum de *hic*, ubi de rebus dicitur, exempla in Cicerone ubi vis obvia: item in aliis scriptoribus, v. c. Liv. VI, 4 extr. *eodem anno — Capitolium quoque saxo quadrato substructum est, opus vel in hac magnificentia urbis conspiciendum*, i. e. *ein Werk s. Gebäude, das sich auch bey jetziger s. gegenwärtiger Pracht der Stadt sehen läßt*.

4) *hic* interdum pro *proximus*, s. *proxime elapsus*, dicitur, ergo de tempore, v. c. *his diebus accidit*, ut nos: *was in diesen Tagen sich zugetragen hat*, i. e. *proximis, modo elapsis*.

5) *ille* pro *prior* seq. *hic* pro *posterior* libenter utuntur *prisci*, v. c. et Cicero et Livius legendus: *ille ob eloquentiam, hic ob historiam*, der *erstre wegen* — der *letztre wegen der Geschichte*. Male hic dicatur: *prior, posterior*. Sic: Cicero et frater ejus occisi sunt: *hic Romae, ille in fuga*, h. e. *der letztre in Rom, der erstre etc.* Sic ubique dicendum, ita, ut *hic* ad *posteriorem*, *ille* ad *priorem* referatur, v. c. *virtus et amicitia colenda: illa i. e. virtus — haec i. e. amicitia etc.*: quamquam non negandum, *priscos quoque non raro hic peccasse et tō hic ad remotius, tō ille ad propius retulisse*: de qua re vid. infra P. II, c. I sect. XX, n. I.

6) in primis *quicunque* et *quisquis* pro *omnis* qui dicendum saepe est: v. c. *pro omnia tibi dabo, quae volueris; laudo omnes, quos tu laudas*, dici potest brevius: *quaecunque volueris, ea tibi dabo; quoscunque laudas, eos laudo*. Potest etiam, ut sponte patet, *ea et eos* omitti. — Sic *quidquid* pro *omnia quae*, v. c. *quidquid statueris, id probabo*, i. e. *omnia, quae etc.* Exempla supra (c. 4. sect. I VIII, c. 5 sect. 6 VIII) allata sunt, nec quidquam frequentius est: *unum laudabo*, Cic. ad Div. XIII, ep. 72 extr. *velim existimes, quibuscunque rebus Cerelliae bene feceris, mihi te gratissimum esse facturum*, pro *in omnibus rebus, in quibus Cerelliae etc.* Hoc in primis imitandum.

III) Pronomen pro adverbio, v. c.

1) *quid* pro *cur*? *millies*; v. c. *quid fles?* it. *quid est quod etc.*, si *gravior est interrogatio*.

2) *ipse*

2) ipse pro adeo, v. c. ipse Cicero, licet inimicus, hoc laudis Caesari tribuit, h. e. so gar Cicero etc. Nostri etiam dicunt: selbst Cicero pro so gar Cicero etc. Nihil frequentius, v. c. Cic. Verr. III, 14 extr. in his ipsis rebus etc. Sic et ipse pro sponte, v. c. ipse fecit h. e. nullo impellente, ut nos: von selbst: saepissime ita prisca, etiam de rebus. Cic. Divin. I, 34 valvae clausae repagulis subito se ipsae aperuerunt i. e. haben sich von selbst geöffnet. — Not. ipse etiam respondet saepe nostro eben, just, v. c. just, (eben, gerade) das suche ich, hoc ipsum quaero: diversum est ab idem, v. c. cum de homine loquimur, et hic repente advenit, dicimus: da kommt er eben, da kommt er just s. gerade. Hoc non aliter verti potest, quam: hic venit ipse. Saepe ita prisca, v. c. Cic. Offic. I, 22 quoniam etiam ob has ipsas causas et parentiores habuerunt exercitus et fortiores, et paulo post: sed tamen id ipsum gestum est consilio urbano, sine exercitu, h. e. ja wegen der nämlichen Ursachen s. wegen dieser Ursachen eben haben sie auch gehorsamere — Heere gehabt.

3) idem saepissime pro item (ebenfalls) s. porro, etiam, v. c. Cicero multas orationes scripsit: idem libros philosophicos edidit, i. e. er hat auch philosophische Schriften herausgegeben, pro edidit item, porro, etiam; sic: dedi fratri librum, eundemque monui, ut mox redderet, i. e. und habe ihn auch erinnert; sic: tu non solus Homerum legisti: ego eundem legi, pro ego eum etiam legi. Sic Cicero sexcenties. Arch. 7 atque idem ego contendo etc., ich behaupte aber auch etc., pro atqui (sic forsan leg.) ego item s. etiam contendo. Solet etiam idem bis ponere pro simul s. tum tum, v. c. Orat. 7 in. videmus enim fuisse quosdam, qui iidem ornate ac graviter, iidem versute et subtiliter dicerent, h. e. welche zugleich mit Schmuck und Nachdruck, und zugleich etc. s. welche nicht nur mit Schmuck — sondern auch s. welche so wohl mit Schmuck — als auch etc. Ad Div. VIII, ep. 2 in. Caninius idem tuus et idem noster, i. e. so wohl dein als mein Freund, zugleich dein und etc. Phil. II, 16 quod autem idem moestitiam meam reprehendit, idem iocum, magno argumento est, me in utroque fuisse moderatum. Semel ita est idem Fin. II, 20 de L. Thorio Balbo quodam: utebatur eo (i. e. tali) cibo, qui et suavissimus esset, et idem facillimus ad concoquendum. Mur. 9 Asiam istam refertam et eandem delicatam sic obit, ut in ea neque avaritiae neque luxuriae vestigium reliquerit, das so reiche s. mit allen Dingen überflüssig versehene, und zugleich wollüstige, Asien bereisete er so, daß er etc., ac saepius.

III) Pronomen pro praepositione, v. c. quae tua est humanitas, qui tuus est erga me amor, h. e. pro tua humanitate, pro tuo erga me amore. Sic Cicero ad Div. VII, ep. 2 §. 2 quod si mihi permisisses, qui meus amor in te est, confecissem cum coheredibus, i. e. hättest du es mir überlassen, so hätte ich vermöge meiner Liebe zu dir, s. brevius als ein guter Freund von dir, es mit den Miterben abgethan. Sulpic. in Epp. Cic. III, ep. 5 §. 15 quod si quis etiam inferis sensus est, qui illius (filiae) in te amor fuit, — hoc certe illa te facere non vult, i. e. wofern die Verstorbenen noch Empfindung haben, so will sie vermöge der Liebe, die sie zu dir gehabt hat, gewiß nicht, daß du das thust. Sic dici potest: scripsit, quae illius doctrina fuit, egregie, h. e. pro sua doctrina.

V) Pronomen pro conjunctione. Pertinet huc e superioribus (v. n. III) idem pro etiam s. porro, v. c. ego omnia promisi: idem omnia feci, quae potui, i. e. ich habe auch alles gethan etc.; it. isque pro et quidem, v. c. habes libros multos eosque praeclaros, i. e. und zwar vortreffliche. In primis huc pertinet qui quae quod, de cuius usu non nimis saepe dici potest; ponitur

1) pro ut cum pronomine, v. c. dignus sum, qui amer, quem ames, pro ut ego amer, ut me ames: digna est virtus, quae ametur, quam amemus, pro ut (ea) ametur, ut eam amemus. It. in aliis, v. c. misi tibi librum, quem legeres, pro ut eum legeres, um es zu lesen: ut Caesar B. G. III, 16 cum Caesar misisset nuntios, qui postularent, i. e. ut postularent, daß sie fordern sollten s. die da fordern sollten etc. Cic. ad Div. III, ep. 3 §. 2 etsi nemini concedo, qui maiorem ex pernicie — rei publicae molestiam traxerit, pro ut is maiorem etc., ob ich gleich niemand zugesteh, daß er mehr Betrübniß über den Untergang des Staats empfunden hätte etc.; it. VI, ep. 1 extr. nemo est tam afflictus, qui — non possit navare aliquid et efficere pro ut is non etc.; ibid. ep. 6 §. 7 nolo enim hunc — existimare, me ea suasisse Pompejo, quibus ille si parvisset, esset hic quidem clarus etc., pro me ea (i. e. talia) suasisse Pompejo, ut, si iis ille parvisset etc. Qui locus in primis tenendus et imitandus. Nihil enim latinius esse potest.

2) pro quod daß, cum da. Cic. ad Div. I, ep. 9 §. 31 illud — nostrum consilium jure laudandum est, qui meos cives, a me conservatos, — servis armatis objici noluerim, pro quod s. cum ego meos etc., mein Verfahren ist zu loben, daß ich nämlich nicht

nicht gewollt habe etc.: VII, ep. 28 §. 2 *et hoc tempore (vide-
ris esse) non solum sapiens, qui hinc absis, sed etiam beatus, i. e.
daß du von hier entfernt bist: ep. 30 §. 2 incredibile est, quam
turpiter mihi facere videar, qui his rebus intersim, i. e. quod
s. cum intersim, daß ich Antheil nehme etc. — Saepe etiam
qui pro cum in narrationibus. Sic Caesar centies, item Ci-
cero Rosc. Am. 9 homines antiqui, qui ex sua natura ceteros
fingerent etc., pro cum ex sua etc. In primis in Verrinis, v.
c. Verr. I, 26 homo (Philodamus), qui et summa gravitate et
jam id aetatis et parens esset, obstupuit hominis improbi dicto,
scil. quod Verres dixerat: cur ad nos filiam tuam non intro
vocari jubes? der Mann, weil, da er ein sehr ernsthafter Mann
war etc. Potest et verti: welcher, at tamen proprie cum in
eo latet, quod ex conjunctivo perspicitur.*

3) pro enim, vero, et: de qua re supra (c. 7 sect. III) v. c.
Cic. ad Div. V, ep. 21 §. 6 Ego is sum, — qui nihil unquam
mea causa fecerim: cui nisi invidisset is, — et ipse esset beatus
etc. Hic cui nisi est pro nisi enim mihi, quamquam et per et
nisi mihi explicari potest: ib. ep. 12 §. 14 Nihil est enim ap-
tius ad delectationem lectoris, quam temporum varietas fortu-
naeque vicissitudines: quae etsi nobis optabiles in experiendo non
fuerunt, in legendo tamen erunt jucundae, pro nam etsi eae no-
bis, vel et quamquam eae nobis etc.

Ceterum in his omnibus, etsi qui pro ut, cum, quod, enim,
vero, et videtur poni, tamen latet in eo ubique aliquod pro-
nomen is, ego, tu etc., et v. c. dignus sum qui lauder est pro
ut ego lauder, non pro ut simpliciter: ut adeo tantum pronomen
pro pronomine positum sit et tantum ratione vernaculae
dici possit qui pro illis particulis poni.

SECT. V

De variatione verborum proprie ita distorum.

Verba in primis saepe commutari solent:

I) *inter se*: ubi tamen contextus propriaeque significa-
tionis ratio diligenter habenda. Non enim ubique verbum
cum verbo commutandum. Pertinent huc quoque phra-
ses, quae interdum pro verbis singulis poni possunt, maxi-
me a) quando adjectivum adest vel pronomen, v. c. hoc
amore vel magno amore me complexus est, pro ita vel valde me
amavit; magnam vel hanc utilitatem affert ista res pro valde

vel ita prodest: sed non simpliciter ubique *complecti amore pro amare, utilitatem asferre pro prodesse*, dixerim, quia affectatum videatur. Cogitationi simplici non convenit pompa verborum. b) ob concinnitatem, ut membra aequalia fiant: v. c. *Antonius reipublicae plus damni quam utilitatis attulit: Cajus suos parentes omni molestia vexare potius quam beneficiis recreare studuit.* — Praemonendum hoc duxi, quia ipse experientia edoctus scio, magistros nonnullos discipulis suis ubique phrasin pro verbo simplici, tanquam pulchriorem, seu, ex ipsorum sermone, ornatiorem (*zierlicher*) commendare. Commutari itaque haec fere possunt:

1) *Pati, ferre, sinere*; interdum *permittere*, propr. *überlassen, die Gewalt geben*. It. *potestatem alicui facere* v. c. *discedendi*. Sic Caesar B. G. III, 15. It. *veniam dare*: haec omnia notant nostrum *zulassen, erlauben*.

2) *Tolerare, perpeti, perferre, sustinere, subire, erdulden, ertragen*, v. c. *onus, malum, fortunam*.

3) *Suadere, consilium dare, auctorem esse, censere*, v. c. *censeo tibi esse faciendum, literas scribendas esse.* — Male huc refertur *consulere alicui*: hoc non est rathen sc. verbis, sed *prospicere sorgen*. Decipiuntur hic tirones eo, quod *consulere alicquem* est *in consilium adhibere, um Rath fragen*: hinc putant *consulere alicui esse consilium dare*. Male.

4) *Habeo, mihi est, sum praeditus, instructus, ornatus, itutor, non careo, non sum expers rei.* — At haec non promiscue usurpanda. *Est mihi* (vel de pluribus *sunt mihi* etc.), *habeo, non careo, praeditus sum* ubique licet, si de possessione sermo, v. c. *habeo libros, sunt mihi libri, agri* etc. quamquam et de aliis rebus, v. c. *habere amorem, febrem* etc. Nec tamen dixerim: *haec mulier habet pulchritudinem magnam s. faciem pulchram*, sed *praedita est: mulieri est facies pulchra* etc. *Utor*, quia proprie est *usurpo*, tantum de iis dicitur, quae, dum habemus, etiam usurpamus. V. c. *utor patre liberali, libris praeclaris*, recte dicitur: at de eo, qui libros pulchros habet, quos nec legit, nec intelligit, vix dixerim: *utitur libris pulchris*: et ridiculus sum, si de eo dicam: *utitur quidem pulchris libris, sed iis uti nescit pro habet quidem pulchros* etc. *Ornatus sum* de iis dicimus, quae nobis ornamento sunt: v. c. *ornatum esse doctrina, virtute* etc. Potest interdum pro *habere* dici esse cum genitivo et ablativo, v. c. *mulier est pulchrae formae, pulchra forma* intell. *praedita*.

5) *Careo*,

5) Careo, non habeo, expers sum, mihi non est, mihi deest, me deficit. Interdum consequens desidero proprie vermissen, sich sehnen. — Differt destitui, destitutum esse, quod non ubique pro carere dici potest, sed tantum, ubi sermo est de rebus vel personis, quibus v. c. nitebamur. Nam proprie destitui est deserui, relinqui ab eo, cui confidebas. Male ergo dicitur: Socrates divitiis destituebatur. Non enim iis confusus est.

6) Pro esse saepe poni potest reperiri s. inveniri: v. c. sunt, qui dicant, et reperiuntur, inveniuntur, qui dicant. At non ubique: v. c. doctum esse et doctum inveniri differunt, illud est gelehrt seyn, hoc für gelehrt befunden werden: sic Socrates innocens fuit, at non a iudicibus inventus est innocens. Ergo reperiri, inveniri, seq. praedicato dicitur de re certa et manifesta. — Etiam versari pro esse interdum poni potest: v. c. quamdiu versatus es in hac urbe? At proprie est circumagē sich herumdrehen; ut supra monitum est: hinc non simpliciter est esse, sed paulo diutius alicubi esse, h. e. morari in loco: qui enim se alicubi versat proprie, is paulum moratur; sic nostri de hominibus subrostranis h. e. in foro otiose ambulantibus dicunt: er dreht sich auf dem Markte herum. Recte ergo versari pro morari seu esse aliquamdiu in loco, it. in re, v. c. versari in arte discenda i. e. occupari. Tirones etiam ita teneant: versari, si cum esse (seyn) commutare volunt, debet respondere nostro sich befinden. — Pro esse seyn nonnulli usurpant quoque existere: at plerumque hoc apud priscos notat oriri, fieri, apparere, se ostendere: nec facile apud priscos pro simplice esse occurret; sed ubi pro esse positum videtur, ibi poterit verti sich zeigen.

7) Dicere sagen et loqui reden sunt plerumque synonyma: pro iis etiam dici potest ostendere s. demonstrare i. e. vorstellen, zeigen, darthun, v. c. ostendit, demonstravit ei, rem fieri non posse, rem esse praeclaram, facilem etc. — It. docere, si de iis sermo est, quae, qui audit, nondum norat: v. c. docere causam eiuſe ſeine Sache ſagen, de clientibus, i. e. dicere, quare consistat. Cic. Verr. II, 15 tum eum docet Heraclius, non posse eo die sortiri, i. e. tum ei dicit etc. — It. cedo pro dic, Terent. Hec. III, 4, 32 Reduc uxorem, aut, quam ob rem non opus sit, cedo. — It. dare interdum pro dicere. Terent. Heaut. prol. 10 Nunc quamobrem has partes didicerim, paucis dabo i. e. dicam. — It. interdum verba facere; at tantum, quando de pluribus, v. c. conceptis et solennibus verbis sermo est. Ciceroni dicitur fere tantum de oratione. quae v. c. ad populum habetur, de relatione ad senatum, et de recitanda formula in dedicatione v. c. aedis. Hic sunt verba con-

cepta et solennia. Non igitur pro dicere simpliciter adhibendum.

8) *Narrare, memorare, commemorare, docere, tradere, memoriae prodere, referre, ostendere, demonstrare*; interdum *certiorem facere, mentionem facere*, sunt fere synonyma. At a) *tradere* propr. überliefern, *memoriae prodere* propr. dem Andenken hinterlassen, de historicis solis aliisque dici potest, qui rem literis consignant. b) *Certicrem facere* est *certam rem nuntiare: mentionem facere* Erwähnung thun s. erwähnen est *rem tantum breviter attingere*: ac falso dicas: *Xenophon rerum gestarum Cyri mentionem fecit*, imo *memoriae prodidit, retulit* etc.

9) *Promittere, polliceri*, it. *ostendere* s. *demonstrare* saepe occurrit seq. accusativo cum infinitivo, v. c. *Frater ostendit, demonstravit, se mox libros esse missurum*. Cic. ad Div. V, ep. 12 §. 30 *cum mihi saepe ostenderis, te accuratissime nostrorum temporum consilia atque eventus literis mandaturum* etc., da du mir oft versprochen hast, recte. At tamen proprie est *geäußert* hast. Differunt ab iis gradu *spondeo, recipio, praesto* seq. accusativo cum infinitivo: quae tria sunt synonyma et indicant *ita promittere, ut id, quod promiseris, certo futurum sit*: proprie enim *spondere* est *Bürge seyn, recipere* es auf sich nehmen sc. *rem actum iri, praestare* die Gewähr leisten, *gut dafür seyn*. Cicero etiam: *in me recipio* etc.

10) *Docere, erudire, instituere aliquem literis*, it. *imbucere literis*, it. *tradere alicui vortragen*: sic Graeci *παγαδιδόναι* pro *erudire*, quia, qui erudit, dat discipulis aliquid h. e. cognitionem rerum: sic *accipere* in seq.

11) Pro *discere* poni potest saepe *doceri, institui, erudiri*, it. *accipere*, v. c. *haec accepi a magistro meo* i. e. *didici*: *hanc artem a fratre accepit* i. e. *didicit*. Sic Graec. *παγαλαμβάνειν*. Nam quemadmodum, qui docet, proprie aliquid *tradit* s. *dat*, ita discens proprie aliquid *accipit*. Interdum et *haurire* usurpare licet, quia discens e fonte quodam *haurimus*. V. c. *ex natura hausimus legem*, de defensione nostri, Cic. Mil. 4.

12) *Audire, accipere, cognoscere* sunt synonyma; it. dici potest *discere*: v. c. *cum audissem, accepiissem, cognovissem, didicissem, regem esse venturum* etc. — It. *nuntium accipere* *Nachricht erhalten*, *certiorem fieri de nuntio certo*. Sic et *comperire* h. e. *nuntium certissimum accipere erfahren*. It. *auribus percipere*, *rarius auribus usurpare*. At aliud est *experiri* h. e. *tentare* s. *periculo facto et experientia discere*, v. c.

Qui

Qui liberos suos amisit, is expertus est, quantopere obitus eorum parentibus doleat.

13) *Curo rem, curam ago* s. *gero rei, prospicio, consulo rei, rationem rei habeo, curae mihi res est.* Interdum *caveo* alicui, si quidem cura in malo avertendo consistit, v. c. Patronus causae cavet iis, quorum causas agit.

14) *Spektare aliquid in re auf etwas bey einer Sache sehen, seine Absicht richten:* pro eo saepe dicitur *id agere, hoc sequi, hoc consilium sequi, sequente ut*, v. c. *Cajus in omnibus rebus laudem spektat* s. *id spektat, ut laudetur; id agit s. hoc consilium sequitur, ut laudem consequatur.* It. *rationem habere, sequente vel genitivo vel etiam ut, quid etc.* v. c. *commodi sui*, Cic. ad Div. VII, 17. *Te habuisse rationem, ut consuleres*, Cic. ad Div. III, 5. *Habeo rationem, quid acceperim*, Cic. Verr. V, 14. *Hanc rationem habere coepit, causam sibi dicendam esse*, Ib. 39.

15) *Pro homines ita solent agere* dici potest: *est mos, est moris int. negotium, mos obtinet, mos s. consuetudo ita fert, est hoc in more positum* Cic. Agr. II, 1 in. Pro eo Cicero et dixit Rosc. Am. 36: *more majorum comparatum est.* Item de singulis hominibus occurrit *habere* Cic. Phil. II, 28 *habebat hoc Caesar* h. e. *hic mos erat Caesaris*; ut nostri dicunt: *Caesar hatte das an sich.* — Recentiores interdum pro *soleo* usurpant *amo*, v. c. *Cicero amat ita ponere: est loquendi ratio e Graeco petita, sed Ciceroni similibusque, ut videtur, ignota, ac fere nonnisi poetis usitata*, v. c. *Horat. Od. III, 16, 9 Aurum perrumpere amat saxa etc.*

16) *Pro esse sequi inter poni quoque potest intercedere, v. c. Inter hanc et illam rem hoc discrimen intercedit* pro *est, ist* dieser Unterschied: *inter me et patrem tuum familiaritas intercessit* pro *fuit.* It. si *inter* tantummodo cogitatur, vel relatio inter duos homines exprimitur. Sic saepissime Cicero. It. Caes. B. G. I, 34 *quamque justae causae necessitudinis ipsis cum Aeduis intercederent* pro *essent.*

17) *Pro vereor, timeo, metuo interdum vide ne, i. e. proprie cura, considera, cave, ne, usurpari solet, si quem alloquimur.* Nam praeterquam in allocutionibus usurpari non posse per se patet: et semper ista forma propriam vim quodam modo retinet. V. c. Cic. ad Div. III, ep. 9 §. 13 *Vide, ne superbi sit, aspernari ejus (Caesaris) liberalitatem* pro *timeo, ne*: at illud gravius dictum est; sic nostri: *sieh ja zu, daß es nicht Stolz sey* s. *daß kein Stolz heraus komme.* Ad Div. V, ep. 4 extr., ubi Cicero a Metello petit, ut ipsius reditum ex exilio adjuvet, additque curandum esse, ne forte ista res nimis sero fiat, his verbis: *vide, ne, cum velis revocare —*

cum, qui servetur, non erit, non possis; verba: vide, ne non possis, conjungenda, et explicanda timeo ne non possis, ich fürchte du möchtest hernach nicht können. At proprie quoque: sieh nur zu, daß du nicht am Ende unvermögend seyst. Sic venustius quam timeo, ne. Verr. III, 44 extr. Vide, ne ille non solum temperantia sed etiam intelligentia te atque istos, qui se intelligentes dici volunt, vicerit, i. e. timeo, ne — vicerit. Sic et nostri: sieh zu, daß er dich — nicht etwa mag übertroffen haben. Neque ergo vide ne pro timeo ne facile usurpandum, nisi simul proprie quodam modo explicari possit. Et sic aperte est Rosc. Am. 36 ecquid habes, quod dicas? mihi ausculta: vide, ne tibi desis: tua quoque magna res agitur: hic proprie explicandum sieh zu, nimm dich in Acht, daß du dir nicht selbst schadest: nam per timeo ne explicari ob contextum nequit, saltem non necesse est. — Duo tantum loca sunt, ubi vide ne aptius per timeo ne explicandum sit, Cic. Tusc. II, 18 Vide, ne, cum omnes rectae animi affectiones virtutes appellentur, non sit hoc proprium omnium. Divin. II, 4 extr. Vide igitur, ne nulla sit divinatio. Attamen propria vis in iis quodam modo latet. Proprie enim est: sieh zu, Sorge also, damit einige Weissagung sey s. damit es eine gebe: — ne nulla i. e. ut ulla, h. e. ich fürchte, daß es keine geben mag. — Referuntur huc ab Ernestio in Clave Cic. haec quoque loca: a) Brut. in epp. Cic. ad Div. XI, ep. 20 §. 5 Illud vide, ne timendo magis timere cogaris: ubi tamen proprie explicari debet, sieh zu, daß du nicht etc. b) Q. Cic. ad Cic. in epp. ad Div. XVI, ep. 26 Vide, ut probare possit, te non peccasse. Nec hic opus est per timeo ne explicari: imo ut hic significat wie: sieh zu, wie ers beweisen s. glaublich machen könne etc. Refert Ernesti huc quoque videndum est, Cic. ad Div. XIII, ep. 14 §. 2 Videndum est, ut honeste vos esse possitis: hic proprie explicari potest per curandum est, ut etc. Idem refert huc Rosc. Am. 48 Videant, ne sit etc., quod explicandum putat per timeo ne etc. At, totus locus si inspicitur, apparet, hoc non quadrare; verba sunt: quapropter desinant aliquando dicere, male aliquem locutum esse, si quis vere ac libere locutus sit: desinant suam causam cum Chrysogono communicare: desinant, si ille laesus sit, de se aliquid detractum arbitrari: videant, ne turpe miserumque sit, eos, qui equestrem splendorem pari non potuerunt, servi nequissimi dominationem ferre posse. Cohaerent hic desinant, videant: utrumque eodem modo explicandum esse patet: et cur non proprie explicandum per caveant? sie mögen sich in Acht nehmen, daß mans nicht für etwas schändliches

liches und betrübtes halte etc. Et tota orationis gravitas enervetur, si explicetur per *timeo ne*. Hinc patet, ubique propriae notionis vocabulorum rationem habendam. — Sic etiam pro *vide ne* occurrit *provide ne* Cic. Acad. III, 19 *provide etiam, ne uni tibi istam sententiam minime liceat defendere*: — it. *confidera ne* ad Div. XV, ep. 14 §. 7 *sin minus, confidera, ne in alienissimum tempus cadat adventus meus*; quae singula per *timeo ne* explicari, at vero etiam proprie intelligi, possunt. Sic et nostri v. c. *sieh nur zu, daß du nicht vor zu großer Klugheit fehlest*, quod fere idem est quod *ich fürchte, du möchtest* etc.

18) *Declarare, profiteri, prae se ferre, indicare* sunt synonyma: it. *significare*: hoc tamen fit signis quibuscunque sive apertis seu obscuris, estque nostrum *zu verstehn geben, anzeigen*, v. c. *oculis, vultu, vel verbis*. — Pro iis etiam dici potest *efficere, ut aliquis intelligat*: sic Cic. Phil. II, 4 *perficiam, ut intelligat* etc. it. *aperire* v. c. *mentem suam*: it. *volo intelligi* saepe Cicero utitur, v. c. *per ista verba intelligi voluit, nihil esse* etc. i. e. *indicavit, hat zu verstehn gegeben, daß* etc., et cum accusativo: *hoc voluit intelligi* i. e. *er gab dieses zu verstehn*. — Huc pertinent quoque *enuntiare* et *prodere*: illud est *heraus sagen, bekannt machen, ausschwatzen*, hoc *bekannt machen, verrathen*: posterius libenter de malis rebus dicitur, v. c. *non dixerim: Caji liber prodit magnam doctrinam, verräth viel Gelehrsamkeit, Belesenheit, sed indicat, declarat, spirat* etc.

19) *Affirmo rem, pono rem*, sunt synonyma i. e. *bejahen*: it. *dico, rem ita esse*: it. *ajo* seq. accusativo cum infinitivo. Interdum *confirmo*, quod proprie est *bestärken, versichern* h. e. *dicere, rem ita esse*.

20) *Negare* est 1) *läugnen*; pro eo dicitur *tollere* quoque, v. c. *tollere deum Gott läugnen*, cui opponitur *ponere deum*: quia, qui aliquid negat, is, quantum in ipso est, illud removet vel remove saltem e rerum natura studet. 2) *abschlagen*; pro eo interdum *recusare verweigern*, it. *respondere tristius*. Sic Cic. ad Div. III, ep. 13 §. 15 *Quo facilius, quibus est iratior, respondere tristius possit, hoc est adhuc tardior ad te molestia liberandum* i. e. *damit er es denen desto leichter abschlagen könne* etc. Est litotes.

21) *Praedico vorher sagen*; pro eo dici potest *fore dico*. Sic Cic. ad Div. VI, ep. 1 §. 15 *Neque ego ea, quae facta sunt, fore cum dicebam, divinabam futura pro cum ea praedicebam, da ich das Geschehene vorher sagte, so weißagte ich nicht*.

nicht. Differt *divinare* h. e. *praedicere* rem ita, ut ejus causam nullam scias, *propheteyen*, *weissagen*, cum contra *praedicere* sit omnino dicere, rem fore.

22) *Credo*, *puto*, *arbitror*, *reor*, *existimo*, *statuo* seq. accus. cum inf. (nam *statuo* seq. infinitivo est *consilium capio* *ich entschliesse mich*) sunt synonyma, et notant nostrum *ich glaube*, *meyne*, *halte dafür*. It. *videretur mihi res esse pulchra* i. e. *credo rem esse* etc. *Tu videris mihi esse sapiens* i. e. *credo te esse* etc. *Videor tibi, patri, esse doctus* i. e. *tu credis, pater credit, me esse doctum* etc. It. Cicero in epistolis saepe sic habeto i. e. *crede*; v. c. ad Div. XVI, ep. 4 §. 8. — *Opinor* est *ich vermuthe* h. e. *credo aliquid sine causa idonea*. *Persuadeo mihi* est plus quam *putare*, *credere* etc.: indicat enim, nos credere aliquid certissimis de causis, *sich überzeugen*, *gewiß glauben*. *Judicare* est etiam credere certas ob causas, *mit Gründe glauben*. Honorificentius ergo est dicere: *homines judicant, persuadent sibi, te doctum esse*, quam: *homines credunt, putant, arbitrantur, ventur, statuunt*, et, quod omnium levissimum est, *opinantur*: postremum est nostrum vulgare *denken*: v. c. *er denkt, ich sey* etc.; nos dicimus vulgo: *Narren denken* i. e. *opinantur*.

23) *Orare*, *rogare*, *precari*, *petere* ab aliquo, sunt synonyma, it. *quaeso*, it. *contendere* ab aliquo, si acrius sit. Sic et *poscere*, proprie *verlangen*.

24) *Poscere* et *postulare*, *fordern*, *verlangen*: *flagitare* est vehementer et cum quadam animi impatientia *poscere*: *desiderare* est *poscere* aliquid, quod abest, *sich sehnen*.

25) *Debeo facere* *ich bin es zu thun schuldig*, *es ist meine Pflicht* etc.; pro eo dici potest *meum officium est*, vel *meum est* simpliciter. V. c. *patri est alere liberos*, *pater debet alere* etc., *liberorum est (officium) colere parentes, liberi debent* etc. Pro his ubique licet uti gerundio necessitatis vel participio fut. passivi, v. c. *patri sunt liberi alendi: liberis colendi sunt parentes*; it. *scribendum est mihi* etc. — Differunt ab illis duobus *oportet*, *necesse est*, *cogor*, *non possum* non s. *non possum facere* quin: a) *oportet* indicat fieri rem debere ob utilitatem, vel alia de causa, *es ist nöthig*, *dienlich*, *billig*, cet. v. c. *oportet me librum legere, oportet tuos hortos inspiciam*, i. e. *ich muß doch das Buch lesen, ich muß doch deinen Garten besuchen*. Sic: *oportet adolescentes mature sapientiae assuefieri* h. e. *utile est*. b) *necesse est* significat rem ita fieri debere, ut contrarium ejus ne cogitari quidem possit, *es ist schlechterdings nöthig*, *es ist natürlich, unvermeidlich* cet. v. c. *Necesse est moriamur, edamus, bibamus, dormiamus*. Sic: *necesse*

necesse est, cum esse stultum, qui deum neget. Cum hoc convenit quodam modo c) non possum non seq. infin. seu non fieri potest quin etc., quod proprie est: via alia non iniri potest, ut non hoc vel illud fiat, es kann nicht anders kommen s. gemacht werden, daß nicht etc. seu ich kann nicht anders, nicht umhin. V. c. quamquam otium mihi non suppetebat, tamen facere non poteram s. fieri non poterat, quin scriberem i. e. ich konnte es nicht Umgang haben, mich dessen nicht entschlagen, es wollte nicht anders angehen etc. d) cogor est gezeuungen werden: ergo usus per se patet. Sed pro his omnibus poni potest gerundium necessitatis, vel, si substantivum adest, participium fut. pass. — Ceterum non negandum est, priscos interdum debere ponere, ubi debebant necesse est dicere, it. oportet pro necesse est, debeo.

26) Pro non opus est s. non oportet, si est i. q. non est causa, dici debet non est quod, v. c. Non est, quod rideas, fleas, du hast nicht Ursache, nicht nöthig, zu lachen, zu weinen. Sic dicendum, nec: non habes causam ridendi etc. Sic enim prisci non seire loquuntur. Sic: non est quod speres, du darfst nicht hoffen, pro non habes causam sperandi. Sic et affirmative: est quod rideamus pro habemus causam ridendi: habes, quod speres. Cic. ad Div. VI, ep. 2 §. 7 intelliges, te habere aliquid, quod speres.

27) Utile est, prodest mihi, in rem meam s. e re mea est, sunt synonyma. Res hic est commodum: hinc e republica est e commodo publico zum Nutzen des Staats. It. phrases: mihi affert utilitatem, est mihi utilitati, commodo etc. inprimis si adjectiva vel pronomina adduntur, v. c. magnae utilitati fuit ista res, hanc mihi utilitatem attulit vel magnam etc. It. fructus magnus ex ista re in me redundat: redundare propr. überlaufen, überfließen.

28) Volo ich will, cupio ich bin begierig, desidero rem ich sehne mich darnach possunt interdum commutari. Cupio plus est quam volo: et desidero plus quam cupio, indicat nempe cupere rem absentem, quam valde amas.

29) Non accipere nicht annehmen, v. c. munus, rem etc., commutari potest interdum cum recusare, negligere, contemnere, praetermittere: v. c. praetermittere provinciam ausschlagen, de eo, qui praeses provinciae fieri non vult, Cic. ad Div. V, ep. 2 §. 6 Ego si hoc dicam, me tua causa praetermisisse provinciam etc. et statim deinde de eadem re dicitur deponere provinciam, eodem sensu, die Provinz ausschlagen, abgeben etc.

30) *Nolo ich will nicht* commutari subinde potest cum *non curo* i. e. proprie non magni aestimo, *mache mir nichts daraus*, seq. infinitivo. V. c. *Persium non curo legere*. Cic. Or. II, 6 i. e. *ich mag den Persius nicht lesen, mache mir nichts daraus*. Sic de re, quam cernere nolumus, quia parvi facimus, dicere licet: *cernere hanc rem non curo*. At in aliis non licet: v. c. *ne cures scribere pro noli scribere* etc. falsum et ineptum foret.

31) *Vincere* est 1) *siegen*: pro eo ubique dici potest *superare*, si quidem accusativus personae aut rei additur: it. *fundere*, *fugare*, *profligare*, *prosternere*. — Notandum tamen, *fundere* et *fugare* proprie inter se differre. *Fundere hostes* est *prosternere* i. e. *humi sternere*, *cadere hostes* h. e. partem eorum magnam, unde fieri solet, ut ceteri fugiant. At *fugare* est *in fugam conjicere*: hinc *fundere* et *fugare*, *fusi* *fugatique*, tanquam antecedens et consequens apud historicos saepe conjunguntur, idque recte. 2) *übertreffen*, commutatur cum *superare*, *excellere*, *antecellere*, *antecedere*, *anteire*, *praestare*, *superiorem esse*, *post se relinquere* etc.

32) *Confugere ad* etc. *seine Zuflucht nehmen* et *se recipere ad aliquem* vel *in locum* sunt plane synonyma, notantque *fugere in locum* vel *ad aliquem*, ut *ibi tutus sis*. Differunt ergo a *fugere* h. e. *celeriter currere* v. c. ob metum cet.

33) *Ire*, *proficisci*, *contendere in locum*, *petere locum*, *urbem*, et *iter facere* sunt synonyma. *Petere* est proprie *auf etwas zugehen* s. *reisen*. *Proficisci* non modo est *reisen*, sed etiam *wohin gehen*, v. c. *e domo in forum aliumve locum propiorem*: v. c. *in pistrinum* (e domo) Terent. And. III, 4, 21. *domum* (e foro) Terent. Phorm. V, 6, 20. *Ad eam domum* (in ipsa urbe) Cic. Verr. I, 27. Et sic saepius de brevi itione. *Incedere* est tum *aliquo ire*, tum exprimit saepe nostrum *einher gehen*, si nonnisi itionis ratio habetur, nec locus spectatur, e quo vel in quem itur, v. c. *exercitus incedit*. *Migrare* est *ziehen* h. e. *ire aliquo ita, ut non redeas, sed ibi maneas domiciliumque ponas*. Sic et *demigrare* *wegziehen*.

34) Pro *hinc sequitur* s. *consequitur*, *consequens* est, dici potest *hinc intelligitur daher sieht man*, *hinc fit daher kömmts*, *hinc colligitur daher schließt man*, *hinc planum fit daraus erhellet*, s. *hinc apparet, videre, intelligere, colligere licet daraus kann man sehen, schließen* etc.

35) *Punire* et *animadvertere in aliquem* (quae est litotes) commutari potest cum *poena afficere*, adjecto vel adjectivo vel pronomine, v. c. *poena gravissima afficere, hac poena affectus est*. — Subinde etiam *ulcisci aliquem* usurpari potest, si con-

fi contextus admittit. Habet enim duplicem vim a) alicujus causa alterum punire h. e. rächen. Sic Orestes ultus est patrem occidenda matre. b) aliquem punire. Pro puniri poni quoque potest poenas dare cum dativo.

36) Exemplum afferre ein Beyspiel anführen, vorbringen, proferre, memorare, commemorare, it. uti exemplo: it. laudare usurpari potest, si contextus est talis, ut non possit de laude accipi, v. c. ad ostendendam hujus vocabuli vim laudabo Ciceronem, Livium: recte: i. e. commemorabo. Item sumere aliquem dixit Cic. Rosc. Am. 16 med. Verum notos homines sumere odiosum est i. e. bekannte Leute anzuführen ist etc. sic et Cic. Sext. 12 quid — potest sumere illustrius cet. ubi Ernesti sine causa haesitat. Sic et nostri: wir wollen einmal den nehmen i. e. anführen, saepius dicunt.

37) Dico seq. non brevitatis causa mutatur in nego: v. c. pater negavit, se ante novi anni initium rediturum, der Vater sagte, er würde nicht vor dem neuen Jahre wieder kommen, pro dixit, se non etc. Sic prisci millies.

38) Fateor, profiteor, confiteor interdum commutari possunt; modo discrimen teneatur. Fateor et confiteor est genus ich bekenne, non nego, sive hoc fiat libere ac libenter sive non: profiteor est fateor aliquid sponte, declaro, prae me fero i. e. mache kein Geheimniß daraus, declarare öffentlich; v. c. Cajus professus est, se librum esse editurum i. e. hat bekannt gemacht; Socrates professus est, se nihil scire i. e. hats öffentlich frey heraus gesagt, ohne allen Zwang. Pro fateor interdum non nego, non infitor, it. concedo, ich räume es ein etc. usurpari potest.

39) Contemnere, sich nichts aus einem machen, nicht fürchten, nicht achten, s. contentui habere, despicere propr. verächtlich auf etwas herab sehen, parvi aestimare s. facere sunt synonyma: it. negligere rem, interdum abjicere. Non liberum putare aliquem graviter dictum est a Cicerone Rosc. Am. 46 pro valde contemnere, cui simile est non hominem putare, quod alibi occurrit, estque nostrum jemand für einen schlechten Menschen, für einen Schurken, halten. It. susque deque habere, quod tamen rarius est.

40) Contentus sum et satis habeo sunt eadem. Cic. ad Div. V, ep. 2 §. 14 Satis habeas, nihil — me conqueri i. e. sis contentus sey zufrieden, sey froh, daß ich nicht klage. Sic Nep. satis habere coegit etc. Potest et saepe dici non poenitet: v. c. me non poenitet fortunae meae, i. e. ich bin mit meinem Schicksale zufrieden. It. placet, probatur mihi res: contra displicet mihi res i. e. non sum ea contentus. Sic de
homine

homine maxime difficili et moroso: *displicet sibi ipse* h. e. *er ist mit sich selbst nicht zufrieden*. Sic dici debet. Equidem non dixerim: *contentus non est se ipso*.

41) *Fieri*, si adjectivum praedicati loco additur, mutari solet in *reddi*, ut *reddere* tum, cum adjectivum tanquam praedicatum adjicitur, saepe occurrit pro *facere*; v. c. *redditus est doctus, sapiens*, pro *factus est*. Sic *reddere aliquem doctum, sapientem*, pro *facere*. Item interdum *evadere* pro *fieri* occurrit: at non simpliciter est *fieri*, sed *fieri* post adhibitam operam, et nominativus praedicati addi debet, v. c. *Epicureus evaserat*, Cic. Brut. 35. *Ex fucosis firmi evadant*, Q. Cic. Petit. Conf. 9. *Inane coeptum evasit*, Liv. XXXV, 47. *Non posse oratores evadere*, Cic. Or. I, 28. *Evadere* vero, cum notat vel *adscendere*, v. c. *evadere in muros*, vel *evenire, eventum habere*, non huc pertinet. Conjungit haec nescio qua fortuna Heineccius p. 49 et tirones confundit.

42) *Studere* et *operam dare rei* sunt synonyma. Si verbum addendum est, debet post *studeo* infinitivus semper et post *operam dare* debet ut poni. V. c. *Cicero studuit magnam laudem consequi*; *Cicero operam dedit, ut magnam laudem consequeretur*. Sic dicendum, et nec *studeo ut res fiat* nec *operam do rem fieri* dicendum: non, quod non ita occurrat: quid enim non occurrit in priscis? sed quia raro: et omnia rara sunt suspecta. — Potest et dici *operam navare rei*: at hoc videtur plus dicere, quam *operam dare*, quia est a *navus* s. *gnavus*, ut *navare operam* videatur proprie esse *gnavam operam dare* s. *operam contendere, intendere*, vel simile quid. Cic. ad Div. VI, ep. I extr. *Nemo est tam afflictus, qui non aliquid navare et efficere possit*: hic est sine *operam*. Quidquid est de vi propria, *navare operam* est *accuratam, magnam, operam dare*. — Dicit quoque potest *incumbere ad* s. *in rem* v. c. *ad discendum, ad literas, ad aliquid consequendum* etc. Est grave verbum: indicatque omnes vires intendere propter aliquid, *sich zu etwas anstrengen*. Neque ergo ad s. *in* ab *incumbere* regitur, ut tirones putant, sed v. c. *incumbere ad discendum, ad rem recte perficiendam* est *sich anstemmen, angreifen, um zu lernen, um die Sache gehörig zu vollenden*; et *incumbere in* s. *ad literas* est proprie *sich anstemmen, angreifen, in Ansehung der Gelehrsamkeit, der Wissenschaften*. Sed ad pro *ratione* s. *quod attinet in Ansehung* saepissime occurrit: v. c. *hoc est ad fructum uberrimum* h. e. *hoc est uberrimum ratione fructus, dieß ist sehr reichlich in Ansehung des Nutzens* i. e. *verschafft reichen überflüssigen Nutzen* (aliter explicat Ernesti ad Cic. Nat. Deor. I, 1. at hic vir pretium

pretium nescio quod statuebat in recedendo a verbis, ubi nulla necessitas erat.). Pro *incumbere*, quod proprie de remigibus dictum est *incumbentibus ad remos*, dici posse omnes vires intendere per se patet. Sed intelligitur, illud *incumbere* non nisi de *maximo labore operaque* dici posse: et falso omnes, qui literarum studiosorum nomina gerunt, dicuntur *incumbentes ad literas*. Hôc assidue discantibus solis convenit.

43) *Video*, *cerno*, *conspicio* sunt fere synonyma. *Cerno* et *video* de oculis et mente; *conspicio* est nostrum *erblicken*, h. e. ita videre, ut, simulac hominem cernimus, statim animadvertamus, quis sit. Differt ergo paulum: *vidi hominem* et *conspexi te*. Hinc dicitur hoc verbum de iis, qui vestibus insignibus, equo insigni, aliave insigni re se venditare vulgo student, et animadverti cupiunt. Prisci dicunt de iis v. c. *dant se conspiciendos, sie lassen sich sehen*, ut nos *der läßt sich doch sehen*, et de rebus: *das läßt sich sehen*, non: *dant se videndos* etc. it. *conspiciendus in equo* ap. Tibullum, *regali conspectus in auro* apud Horatium etc. — *Intueri ansehén, anschauen*, est oculos aliquo convertere, contemplari, considerare, sic et *inspicere ansehén, besichtigen, besehen, beschauen*, v. c. domum ante inspicere, quam emas.

44) *Sentire*, *intelligere*, *cognoscere* s. *noscere*, *videre* saepe commutari possunt. At differunt ita. *Sentire* est *obscurè intelligere, empfinden, fühlen, merken*, et ab *opinari* non valde differt hac significatione (aliud enim est *in senatu sentire* pro *sententiam dicere*), v. c. *sentio, quid per jocum istum intelligas, ich merke, was du* etc. *Sentio, quomodo res evenitura sit, ich merke, wie die Sache ablaufen werde*. *Animadvertere* proprie *die Gedanken auf etwas richten*, est nostrum *wahrnehmen, bemerken*, et illi fere simile. *Cognoscere* est *kennen lernen, Kenntniß erlangen, Nachricht bekommen*, it. *Kenntniß haben*: ergo *cognovi*, ut *novi*, est *ich kenne ihn*. *Intelligere* *sehen, einsehen, verstehen*. Haec duo de majori perspicuitate dicuntur. Ab his differt interdum *agnoscere* estque *aliquem* (aliquid), *quem* (quod) jam olim cognovimus (*kennen gelernt haben*), iterum *cognoscere*, atque pro eo ipso *habere, einen für den erkennen, für den man ihn sonst gehalten*, uno verbo *anerkennen*, v. c. Cum Cajum, quem olim cognitum diu non vidi, repente conspicio ac dico: hic est Cajus, tum *agnovisse* Cajum dicor. Plerumque tamen *ad agnoscere* respondet vernaculo *erkennen*. Hinc *recognoscere* *aliquid* *etwas von neuem überdenken, in Gedanken durchgehen* ap. Ciceron. Saepe *cognoscere* et *agnoscere* apud priscos idem notant,

45) *Possè*,

45) *Posse, valere, sunt fere synonyma: valere tantum de re difficiliore, vermögen, im Stande seyn, v. c. non longius ire valebat ob corporis imbecillitatem, ubi tamen et poterat dici licebat: imo pro valeo seq. infinit. usitatus est possum. Pro posse interdum scire et sustinere dici potest: at differunt proprie. Posse de viribus et mentis et corporis dicitur; v. c. Saxum hoc tollere possum. Scire de mente tantum; v. c. latine scit scribere rectius dicitur quam potest, licet nostri: er kann lateinisch schreiben. Sustinere est posse cum quadam audacia, sich unterfangen, v. c. Quis talia dicere sustineat? pro possit, gravius dictum: wer könnte so etwas sagen? Tu hoc negare sustines? Das kannst du noch läugnen? i. e. unterstehst dich?*

46) Pro vivere dici potest vitam vivere, degere, ducere, trahere, agere: at non sine adjectivo vel pronomine, v. c. vitam talem s. hanc vivo, dego, ago, duco etc. Deinde agere, vivere, degere de omni vita dicitur jucunda, molesta, v. c. Ego vitam tristem, tu suavem vivis, agis, degis. Ducere de tranquilliori et laetiori; trahere fere de molesta, misera, inquieta.

47) Mori, decedere, vita excedere, mortem cum vita commutare, diem obire, diem suum vel supremum obire, desinere esse in vivis, animam efflare cet. sunt synonyma: it. vitam ponere, animam deponere. It. mortem oppetere, quod forsitan de morte violenta tantum dicitur. Dico forsitan; quis enim certo scit? sic animam deponere Nep. Hann. I et vitam ponere Cic. ad Div. VIII, 24 extr. de morte violenta dicuntur; quamquam inde non continuo sequitur, ut non de morte naturali dici possint; nam in totis; ponere et deponere nihil violentiae per se inest. Sic mori dici potest de morte vel naturali vel violenta.

48) Aliquem juvare, adjuvare, alicui auxiliari, adesse, praesto esse, opem ferre, adjumento esse etc. sunt synonyma. Suppetias ferre est rarum. Subsidio venire zu Hülfe kommen in der Noth, v. c. exercitui laboranti ac fugam meditati etc. It. prodesse alicui, utile esse, utilitatem afferre etc. pro juvare dici potest: in primis de rebus, v. c. medicina valde profuit seu salutaris fuit etc. hat sehr geholfen. Promovere befördern, v. c. alicujus felicitatem, non bene dicitur: imo adjuvare. Nam promovere est proprie fortrücken. Ergo felicitatem promovere das Glück fortrücken, non est es befördern, sed impedire vel adimere, eripere, potius. Nec prisca ita loquuntur.

49) Mederi, sanare, occurrere, v. c. morbo, malo: it. tollere, si effectus consideratur, et similia, v. c. liberare morbo, pellere, removere, interdum corpore ejicere etc.

50) *Impedire* f. *impedimento esse*, *obstare*, *officere*, *prohibere* etc. sunt synonyma. Notetur etiam *per me stetit*, *quominus istud fieret*, *es hat an mir gelegen*, daß das nicht geschehen ist, *pro impediti rem*.

51) *Vituperare* et *reprehendere* sunt eadem: *invehi in aliquem* est acrius, *auf einen losziehen*. *Notare* est *beschimpfen*, *tadeln*, proprie de censoribus dictum.

52) *Ignoscere* et *veniam dare* synonyma. It. *parcere*, si *perspicuitas* admittit. — Quaeritur, an pro *ignoscas mihi* dici possit *velis in bonam partem accipere*. Non ubique. Est enim proprie *auf der guten Seite auslegen*. Non igitur usurpari potest nisi de re, quae et in bonam et in malam partem accipi potest: v. c. Quando pauper diviti munusculum mittit, hoc potest a divite et in bonam et in malam partem accipi, prout hic vel humanus vel superbus est. Hic igitur pauper pro *ignoscas mihi* dicere potest: *velis in bonam partem* f., quod idem est, *noli in malam partem accipere*, quod tale munusculum, quo carere poteras, tibi mittere ausus sum. Sic, si inferior superiori consilium dat, potest ille dicere: *accipias in bonam partem* h. e. *legen Sie es ja gut aus*, quod ego, qui inferior sum, tibi, qui majori es sapientia, consilium dare audeo. Hic poterat item dici negative *ne accipias in malam partem*, *ne vitio vertas*; item *ignoscas mihi*. At de rebus, quae semper in malam partem accipi debent, quia nunquam per se bonae sunt, ista formula non convenit: v. c. quando quis alterum laesit, v. c. verberavit, male de eo locutus est, is deinde, sui excusandi causa, non dicere potest: *accipias in bonam partem*, quod te verberavi etc. *Ne accipias in malam partem*, *ne vitio vertas*, sed *ignoscas. veniam da* etc. Conf. sequ.

53) *Aegre ferre*, *molestè ferre aliquid*, *übel nehmen*, *sich ärgern*, *misvergnügt seyn*, sunt synonyma. Pro eo et dici potest interdum *in malam partem accipere*, h. e. *es auf der bösen Seite aufnehmen*, si quidem de re sermo est, quae in utramque partem accipi potest. Stultum foret dicere: *pater filii ignaviam in malam partem accipere debet*: quia ignaviam nemo in bonam partem accipere potest. Sic et *vitio vertere* est non *aegre ferre* sed proprie *etwas als einen Fehler auslegen*. Ergo non potest dici nisi de rebus, quae et vitio et laudi verti possunt. Conf. praeced.

54) *Imperare* *befehlen*, *praecipere* *Regeln vorschreiben*, *jubere* *heissen* et *mandare auftragen* possunt commutari. At differunt. — *Imperare* est gravissimum et nostrum *befehlen*,

Ordre geben, diciturque de iis, qui aliis praepositi sunt, v. c. *dux belli imperat militibus, rex civibus etc.* — *Iubere* dicuntur omnes, qui ab aliquo aliquid vel imperio vel precibus vel consilio postulant. Ergo etiam de inferioribus vel hominibus ejusdem ordinis dicitur, estque fere i. q. *velle, rogare*; respondetque nostro *einem sagen, daß er etwas thun solle*: v. c. dicere possum: *frater jussit me ad se venire* i. e. *voluit, rogavit, hat mirs geheißen, hat gesagt, daß ich zu ihm kommen solle.* Apud Terentium est adeo *jubeo te salvere* i. e. *saluto te* s. *salve*; ubi *jubeo* est *opto*. At, si de imperantibus dicitur, est i. q. *imperare befehlen*. Ergo ubique videndum, de quali homine sermo sit. — *Fraecipere* proprie *Regeln geben, vorschreiben*, recte potest de imperante dici: hic est *befehlen*. At saepissime dicitur de docentibus, v. c. *praecipere alicui vitae rationem* h. e. *vorschreiben* s. *lehren, wie man leben soll*: estque fere *docere, tradere*: Philosophi egregie praecipunt i. e. *geben vortreffliche Regeln, Lehren, s. lehren vortrefflich*. Hinc *praeceptor* est magister, quia *praecepta dat* i. e. *Lehren*. — *Mandare* semper est nihil aliud quam *committere, auftragen*, h. e. *rogare aliquem* s. *velle, ut aliquid faciat*. Sic filius potest patri ad nundinas proficiscenti mandare, ut quosdam libros sibi emat. Dux belli etiam potest mandare v. c. *legatis, tribunis, centurionibus*, ut hoc vel illud agant: tum *mandare* nihil aliud est quam *committere*. Si quis tamen hic velit vertere *befehlen*, non impedio, praesertim cum et nostri *befehlen* pro *auftragen* dicant: v. c. qui in nundinis versantur, mandatorum a suis amicis acceptorum memores dicunt saepe: *er hat mir auch befohlen, das mit zu bringen*. Mandare rem est etiam credere, quod tamen fere eodem reddit, v. c. *mandamus terrae semina, Deo nostram felicitatem*. — Ceterum pro *imperare, jubere* etc., Cicero saepe dicit *velle* seq. accus. cum infinitivo, v. c. *voluit hoc fieri, voluit illum venire*, pro *jussit hoc fieri, illum venire*. Rosc. Am. 25 extr. de majoribus loquens: *insui voluerunt* (parricidas) *in culeum vivos atque ita in flumen dejici*, h. e. *sie haben verordnet, daß sie sollten lebendig in einen etc.* Quae ratio in primis imitanda. Ceterum est litotes.

55) *Defendere, tueri, causam alicujus agere, patrocinari* sunt synonyma. Interdum *cavere alicui* h. e. *avertere ab aliquo malum aliquod*. It. *prospicere, consulere, rationem habere* et similia, si in universum loqui lubet nec genus curae definite exprimere.

56) *Felix sum, felicitate fruor, bene mecum agitur, vel negative non male mecum agitur* (ich bin nicht übel dran): it. *utor fortuna secunda*. — In primis, si ut sequitur, usurpandum est contingit: v. c. *non omnibus contingit, ut tali magistro utantur*, h. e. *non omnes sunt tam felices, ut talem magistrum habeant*. Contigit tibi, ut ab omnibus laudem consequeris, i. e. *tam felix fuisti, ut etc.*, du hast das Glück gehabt, bist so glücklich gewesen, von allen gelobt zu werden. Sic prisci fere semper.

57) *Recordari, meminisse, reminisci, in memoriam revocare* synonyma. It. *memoria tenere* h. e. *im Gedächtnisse noch haben*; it. negative *non oblitum esse*. Huc pertinet formula: *res, dies, venit mihi in mentem*, pro quo et dicitur *rei, diei, venit mihi in mentem*: posterius nonnulli vocant elegantius, haud dubie, quia difficilius est explicatu et paulo durius. Genitivus iste fortasse non pendet a *venit mihi in mentem*, sed est pro *nominativo* positus, quia verus nominativus deest: *diei venit mihi in mentem* est fortasse (certo enim adfirmari nequit) pro *negotium diei* i. e. *dies venit etc.*, ut adeo formula *diei, rei, venit etc.* proprie sit vitiosa, nisi usus loquendi hoc vitium excusaret. At pro praecipua elegantia habere est hominis insani, non elegantis.

58) *Oblivisci, oblivioni tradere* (qui mirus est loquendi modus), *non meminisse* sunt eadem; it. *res effluxit ex animo, ex memoria mea*, h. e. *oblitus sum*.

59) *Constituere sich vornehmen, entschließen; statuere, discernere, in animo habere*: quae singula sequitur infinitivus: it. *consilium capere*: it. *cogitare*, v. c. *cogitabat proficisci*, ut nostri: *er gedachte zu verreisen*; interdum id agere s. *spectare, ut etc.*

60) *Celare rem, disimulare, regere, non aperire, non dicere, non enuntiare*; it. *filere, tacere etc.* sunt synonyma.

61) *Parare anschaffen, verschaffen, erwerben; comparare, acquirere, parare, conciliare*. Item *efficere* v. c. *amicos sibi*: it. *invenire* interdum occurrit, v. c. *cognomen Africani invenit* i. e. *hat den Zunamen erhalten, sich erworben* — Not. *Conciliare* libenter de re suavi dicitur, v. c. *amicos, amicitiam, pecuniam etc.*: pario nonnullis videtur cum labore fieri, *parare* sine eo: at utrumque est *erwerben, anschaffen*, et ad utrumque requiritur opera sive magna sive parva.

62) *Accipere bekommen, adipisci, nancisci, quomodocunque fiat, etiam casu ac sine labore*. V. c. *Natus est praeclarum ingenium*. At *consequi, assequi*, proprie *erreichen*, est *accipere per laborem*: *impetrare* est accipere quacunque ratione,

tionem, v. c. opera, imprimis precibus. V. c. Cicero meritis suis consecutus est summos honores: filius a patre veniam peccatorum impetravit, sed hic et dici potest accepit, adeptus est: it. consecutus est, quia preces sunt instar laboris, quo veniam consequitur.

63) *Dubito de re, dubium mihi est, in dubium voco, sum dubius etc., haereo, non liquet, haesito quid faciam etc.*

64) *Certus sum, certum est mihi, persuasum est mihi, non dubito, sunt eadem: sic et certum est, nemo dubitat, inter omnes constat s. convenit. — Not. constat tirones esse putant i. q. notum est: male; est i. q. convenit: v. c. constant rationes i. e. conveniunt treffen, kommen, überein. Ergo constat inter omnes est i. q. omnes consentiunt s. idem sentiunt: inter paucos constat est wenige kommen darin überein; constat inter eruditos est es ist unter den Gelehrten ausgemacht, die Gelehrten kommen darin überein. Verum quidem est, inter quos de re constet, iis hanc esse notam: at propterea constat non est i. q. notum est; sed potius certum est. At non omnia certa solent ubique nota esse.*

65) *Spero, spes mihi est, in spe sum, spe teneor, spes me tenet, spes mihi injecta est, in spem veni, spem concepi sunt synonyma. In spem venio s. spem concipio indicat initium sperandi: contra despero, spem abjeci, deposui. Atque ita pro spero dici potest non despero, non spem abjeci s. deposui etc.*

66) *Suscipere rem et recipere etiam über sich nehmen: quae etsi a nonnullis (v. c. Ernestio in Clave Cic.) proprie differre inter se dicuntur ita, ut illud sponte hoc ob preces fiat, tamen hoc discrimen a priscis non servatur: ergo est fictum: vid. v. c. Cic. Att. XII, 10 obsecro te, suscipe: Cic. ad Div. V, 12 §. II si te adducemus, ut hoc suscipias: et plura in Lexico nostro majori. It. subire rem, si est res molesta, ac per metonym. sustinere: it. descendere ad rem, si inviti suscipimus, ac si res est dura, molesta. Potest et agredi ubique dici etc.*

67) *Vertere übersetzen et interpretari: quia tamen hoc etiam per erklären explicatur, hinc perspicuitatis causa vertere plerique praeoptant; non male. Item transferre v. c. e latina in vernaculam linguam.*

68) *Habitare locum et in loco, colere locum, incolere locum et in loco sunt synonyma: interdum etiam civem esse alicujus urbis.*

69) *Ridere aliquem; it. deridere, irridere, habere deridiculo: interdum risu excipere, mit Lachen empfangen, aufnehmen, v. c. verba alicujus risu excipere über jemandes Worte lachen:*

lachen: it. interdum metonym. *risu dignum judicare* etc. Notetur et jocosa illa locutio *propinare aliquem deridendum*, quæ cum iudicio et cogitatione propriæ significationis adhibenda est. Proprie enim est *jemand dem andern gleichsam zutrinken, um ihn zum besten zu haben*.

70) Pro *respondere* dici et potest *alicujus verba excipere* h. e. proprie *loqui post alium*, *reden, nachdem der andere geredet hatte*: ergo de pluribus verbis usurpandum, nec de uno vel duobus. Pro *sic respondit* sæpe dicitur quoque: *ad hæc Cajus ita: tum Cajus ita dicere coepit, vel inquit: v. c. Cajus vero: nolo, inquit, hoc facere*.

71) Pro *convenire übereinkommen* etiam *respondere* dicitur, v. c. *spei non exitus respondit, der Ausgang kam nicht mit der Hoffnung überein, entsprach nicht der Hoffnung*. Sic ubique dicere licet.

72) *Gaudere, laetari, laetitia affici, laetitia efferri* in majori re; it. *exultare laetitia* i. e. *vor Freuden springen*; *delectari* i. e. *sich ergötzen*; *voluptatem capere ex re* i. e. *ein Vergnügen an etwas haben*. Ciceronis discrimen, quod inter *gaudium* et *laetitiam* esse statuit Tusc. III, 6 et 7, non attendendum, quia nec ipse nec alii prisce in usu id attenderunt.

73) *Angi et pavere* sunt synonyma: sic et *angor* et *pavor*. *Angor* est *Angst*: *pavor* est *trepidatio cordis* *Herzklopfen, Angst, Scheu*, ergo non de *metu*, sed de *metu gravissimo* s. *angore*, dicendum est: hinc *pavidæ matres* sunt *die ängstlichen, vor Angst zitternden, Frauen*. Vir fortis nunquam pavet, nunquam pavorem sentit. Cicero Tusc. III, 8 pavorem explicat per *metum mentem loco moventem*, non male: at nostra explicatio est forsitan accuratior. *Aegritudo* est *Gram, Kummer*.

74) *Dolere, tristem esse, tristitia affici, aegre ferre, molestè ferre*; it. non *laetum esse aliqua re*: quæ est *litotes*.

75) Pro *incipere ansangen* dici potest *instituere, ordiri, initium capere* s. *sumere* s. *facere* etc.; it. *coepit*; it. *aggredi*, v. c. *aggressus est dicere pro coepit*.

76) *Occidere, interficere, vita privare, vitam eripere, vim inferre, de medio tollere*; et interdum, si contextus fert, *simpliciter tollere* etc., sunt synonyma. It. *caedere et obtruncare*; at hæc indicant magnam vim, respondentque nostro *niederhauen*, quod *gladio* sit *similive instrumento*.

77) Pro *minari* etiam *denuntiare* dici potest, v. c. *denuntiare mortem*; proprie *denuntiare* est *ankündigen*, scil. *aliquid mali*. Ergo contextus consulendus.

78) *Erro, fallor, res me fallit* s. *fefellit*, sunt synonyma. Et rectius dicimus *res, spes, me fefellit*, quam ego *me fefelli in re, spe*. Sic etiam prisca nunquam. It. *decipior* v. c. *specie recti, in errorem inducor*; it. *inducor* interdum simpliciter.

79) *Fugere et vitare*: hoc est non modo zu vermeiden suchen; sed etiam i. q. *effugere wirklich vermeiden*.

80) *Persuadere alicui aliquid et probare alicui aliquid* sunt synonyma. It. *efficere, ut aliquis rem credat, rem probabilem reddere*. At aliud est *convincere* v. c. *aliquem vel aliquid, quod est efficere* (v. c. testibus, argumentis, cet.) *ut appareat aliquem aliquid (mali) fecisse, vel aliquid (mali) commissum esse*; ergo semper dicitur in rebus malis, v. c. *furem, homicidam, convincere*; it. *convincere errorem*. Cic. Rosc. Am. 24 dixit *convincere facinus*, de parricidio, h. e. certissimum reddere v. c. testibus. De bonis rebus non dici potest *convincere*, v. c. *de tua doctrina, industria, convictus sum male diceretur pro de tua doctrina, industria, mihi persuasum est* h. e. *ich bin von deiner Gelehrsamkeit, deinem Fleiße, überzeugt*.

81) *Monere* s. *admonere et hortari* ita differunt: *monere* est in memoriam revocare alicui *erinnern an etwas*; deinde monendo aliquem impellere ad rem, ut nostrum *erinnern*, v. c. *erinnere ihn doch, daß ers thue* cet., at *hortari* est *ermahnen*, quod fit *auctoritate, praeceptis* etc. Mollius est *monere* quam *hortari*: *hortamur* eos, qui v. c. nolunt aliquid agere. Non decet hominem inferiorem dicere superiori: *hortor te*, sed *moneo*: ut et in vernacula. *Instare* est *acrius, einem zusetzen*.

82) *Amare, amore afficere* s. *complecti*, sunt synonyma. An etiam *diligere*? Non plane. Nam hoc proprie est *magni facere*, et sic, ni fallor, fere ubique explicari potest, ut non opus sit explicare per *amare*. Et hinc intelligi potest ille locus Ciceronis notissimus ad Div. VIII, ep. 14 §. II *quis erat, qui putaret, ad eum amorem, quem erga te habebam, posse aliquid accedere? tantum accessit, ut mihi nunc denique amare videar, antea dilexisse*, h. e. *daß ich dich jetzt erst zu lieben, vorher nur hochgeschätzt zu haben, glaube*. Ad Div. XIII, ep. 47 §. I *ut scires (legendum haud dubie scias) eum non a me diligi solum, verum etiam amari, ob eam rem tibi haec scribo*, i. e. *daß er von mir nicht nur hochgeschätzt, sondern etc.* Ex hac nostra explicatione apparet satis discrimen istorum duorum vocabulorum, quod e grammaticorum, aliorumque interpretum explicatione non potest intelligi, qui ambo hactenus differre dicunt, ut *amare* sit *gravius, diligere levius*. Iam conetur aliquis hac re interpretari loca illa Tullii.

Ceterum

Ceterum non negandum, esse loca, ubi per *favere* geneigt seyn, günstig seyn, vel etiam *amare* lieben, werth halten, explicandum videatur, v. c. Cic. Or. II, 40 *ferae partus suos diligunt*. Cic. Fin. V, 9 *Omne animal se ipsum diligit*, i. e. *ist sich gewogen vel schärzt, liebt, sich*. Haec sufficiant.

II) Partes verbi, v. c. modi, numeri, tempora etc., inter se non raro quoque commutari possunt.

A) *Modus pro modo*: v. c.

1) *Indicativus fut. pro imperativo*, v. c. *non scribes pro ne scribe*: *non venies, nisi scripsero, du wirst nicht kommen* i. e. *ne veni s. venias*. Est humanius dictum. Sic nostri *Sie werden heute bey mir bleiben*, i. e. *maneas mecum hodie*: et servis adeo dicunt: *ihr werdet auf die Post gehen, ihr werdet das, ihr jenes, machen*. Est humanius dictum pro *gehet, machet*.

2) *Conjunctivus pro imperativo*, v. c. *ne facias, ne scribas*, quod modestius et humanius dictum est pro *ne fac, ne scribe*. Proprie enim notat: *du möchtest das wohl nicht thun, nicht schreiben*. Sic dicas, *des pro dic, da*: proprie *du möchtest es doch sagen, geben*, ut magis optantis quam imperantis esse videatur.

3) *Conjunctivus, intercedente cum, pro infinitivo* in hac formula: *Audivi ab. s. ex eo* (v. c. *patre cet.*), *cum diceret pro audivi eum dicere, ich habe ihn sagen hören*. Cic. ad Div. III, ep. 7 §. 7 a *Pausania* — *audivi, cum diceret, te secum esse etc.* Or. II, 33 *med. jam id quidem saepe, inquit, Catule, ex eo audivi, cum diceret, sibi certum esse etc.* Sic et Brut. 22 in *memoria teneo, me ex Rufo audisse, cum diceret etc.* Sic et nostri: *ich habe von ihm gehört, da er sagte etc.* At ista ratio non satis accurata esse sed aliquid negligentiae spirare videtur. Quia tamen in usu fuit, eam rejicere non debemus; tantum abest, ut pro egregia habeamus, ut faciunt ii, qui, ut quidque est maxime singulare, ita maxime eo delectentur, id admirentur et pro pulchro habeant.

4) *Infinitivus pro indicativo* in narrationibus, v. c. *Caesar proficisci, dicere, pro Caesar proficiscebatur, dicebat, vel profectus est, dixit*. Nil frequentius apud Livium et Caesarem, aliosque. Vocatur vulgo *infinitivus historicus*, et a Servio ad Virgil. Aen. VIII, 493 *stilus historicus*; melius forsan *infinitivus narratorius*, ne tirones putent, eum historicorum esse proprium, ut Servius ait ad Virgil. Aen. II, 683, quia

omnibus narrantibus communis est, centiesque occurrit, non modo apud Caesarem et Livium, v. c. Caes. B. G. I, 16 *Interim Caesar — flagitare*: Liv. I, 4 extr. *ita geniti — peragraré circa saltus*; sed etiam apud Ciceronem in orationibus, ubi narratur, in primis Verrinis, v. c. Verr. II, 76 *haerere homo, versari, rubere pro haerebat, versabatur, rubebat, er stockte, drehte sich, ward roth*; c. 77 *Clamare omnes ex conventu, neminem unquam ex Sicilia fuisse Verrutium. Ego instare, ut mihi responderet etc. pro clamabant, instabam. Sic et Poetae*: v. c. Virgil. Aen. II, 685, VIII, 493. — Reperitur adeo iste infinitivus ante *cum*, v. c. Sallust. Iug. 98 *Dies consumtus erat, cum tamen barbari nihil remittere atque — instare*, ubi vid. Cortius; add. Tac. III, 71 in. — Mirabile utique est, modum infinitum pro finito poni. Hinc eruditi causam interdum indagare conati sunt. Plerique dicunt, intelligendum esse *coepit, coeperunt*, praesertim cum alibi hoc verbum addatur, v. c. *dicere coepit, coeperunt* pro *dixit, dixerunt*, saepe occurrit. Cortio ad Sall. Cat. 6 hoc supplementum non videtur placere, ipse tamen aliud non suppeditat. Ac profecto *coepit, coeperunt*, non ubique quadrat, v. c. Sallust. Iug. 92 extr. *milités neque pro opere consistere propter iniquitatem loci neque inter vineas sine periculo administrare. Quis hic coeperunt intelligat? Nonne potius poterant intelligere debeat?* At forsan nihil intelligendum est. Clar. Niclas ad Heinecc. fund. stili I, 2, 57

****** p. 245 affert causam ingeniosam sanè. Ait: „*Rationem, tur haec enallage propria sit historicorum et poetarum (rectius, narrationum omnis generis), invenire mihi videor hanc, quia carmina et historiae primum sunt et antiquissimum scripturae genus. Fuisse autem omnino tempus videtur, ubi praeter infinitum modum de verbis nihil fuerit in usu, ut adeo nomen suum ipsa re tuitus sit, quod indicat, non significari certam aliquam personam aut tempus certum. Nimirum ab initio linguas non fuisse verbosas, sed inopes valde et compendiarias, hominesque satis habuisse animi sensa utcunque explicare, vix potest dubitari. Docent nos hoc parvi. Infans quum verba tentat et loqui incipit, in grammatica sua non agnoscit nisi infinitivum; hic ei esse solet pro omnibus modis, temporibus, numerisque, hunc, prout opus habet, applicat personis, ich trinken, du trinken etc. Hic infinitivus illi instar omnium est, quae nos in verborum flexione solemus observare. Hoc itaque, quod enallagen aut ellipsin vocant grammatici, potius esse archaismus videtur. Et hae reliquiae consuetudinis antiquissimae, quae in linguis ab initio obtinuit,*

in

in plerisque, orientalibus in primis, adhuc servantur, ubi haec priscae linguarum paupertatis vestigia admodum exstant frequenter." Docta et ingeniosa conjectura: et quis in tali re, quae vere historica res est, ultra conjecturam adscendere certive aliquid pronuntiare possit? — Attamen hic primum quaeritur, quatenus exempla infantum huc referri possint. — Infantes tantum imitantur et repetunt visa et audita: nihil agunt, quod non alios egisse viderint, nihil loquuntur, quod non alios dixisse audiverint. Hi igitur propterea pro finito verbo infinitivum adhibere solent, quia hunc centies a parentibus, nutricibus, aliisque audiverunt, interrogantibus ipsos, *willst du trinken, essen, schlafen, stehen?* etc. Repetunt igitur posteriorem partem harum interrogationum: *trinken, essen* etc., deinde, ubi *ich* didicerunt, quod fero interdum fit, dicunt: *ich trinken, essen* etc. Vidi etiam infantes ab initio dicere *du willst trinken, du willst essen* etc. pro *ich will* etc., quod signo manifesto est, eos tantum repetere; ut itaque exemplo infantum vix hac in re utendum videatur. Deinde mirabile est, istum infinitivum tantum de rebus praeteritis usurpari; v. c. *frater dicere* semper est *dicebar, dixit*, nunquam *dicet, dicit*. Tum notandum est, historicos, itemque oratores, in narrando multo crebrius verbo finito quam infinito uti. Tandem saepe additur *coepit*, it. *instituit*, ita, ut haec verba fere frustra adsint: *dicere instituit, coepit*, est *dixit*. Hinc ellipsis verbi *coepit, instituit*, vel alius verbi non plane rejicienda videtur, quod forsan primum per negligentiam vel festinationem dicentis ac postea scribentis omisum est; ac deinde homines, cum sermonem suum tamen sic intelligi vidissent, de industria omittere coeperunt. Negligentia vel festinatio est mater plerarumque, nisi forsan omnium, figurarum grammaticarum, in primis ellipseos. V. c. in hac forma: *non modo sed ne quidem* pro *non modo non* etc., prisca alterum *non* omiserunt, nonne per negligentiam ac contra legem subtilitatis? At omiserunt, quia alios intelligere tamen videbant: et sunt hodie, qui istam formam adeo pro pulchra habeant, et istam ellipsin elegantiae nomine ornent: sic *haud scio an pro annon: nihil aliud, quam risit*, omisso *fecit* etc. Quis nescit, fieri saepe solere, ut, quod initio vitium fuerit, postea, ubi consuetudinis auctoritate receptum et a plerisque usurpatum est, nomen rei bonae, imo virtutis elegantiaeque, adipiscatur. Mihi non incredibile est, Romanos in istis infinitivis narratoriis nullam ellipsin cogitasse, atque hunc dicendi modum, a majoribus

acceptum, temere, ut fit, retinuisse. — Quaeritur vero, cur recentiores Romani, ut *Cicero, Caesar, Livius*, cum tamen alios archaïsmos tollere studuerint, istum *infinitivum narratorium* conservarint. — Ob *variationem* puto, qua nihil suavius: ergo ob *suavitatem*. Et in nulla re tam difficile est variare, quam in narratione, ubi res, prout actae sunt, simpliciter narrari, non dilatatione, figuris tropisque, ornari debent. Quam injucundum est dicere: v. c. *homines adven-runt, deinde dixerunt, et statim abierunt*: propter repetitionem syllabae *runt*? Pro quo suavius est: *homines advenerunt, deinde dicere atque abire*; vel *advenire, dixerunt, abire*. Quod hic dixi, pro mera opinione haberi velim. Quis enim in hisce rebus decernere aliquid audeat? Ceterum priscos mis-cuisse ita, ut dixi, *infinitivos illos et indicativos*, quemque docebit inspectio illorum ipsa.

5) *Infinitivus cum accusativo* pro verbo finito, v. c. *gaudeo te vivere, doleo te aegrotare, pro quod vivis, aegrotas*: sic *necesse est hominem mori* pro *ut homo moriatur*; *oportet me ire* pro *ut eam*; *aequum est nos facere* pro *ut faciamus* etc.

B) *Numerus pro numero*: v. c. *cogita, quid dignitas et officium postulet* vel *postulent*: utrumque recte. Posterius, quia duo nominativi verbum in plurali postulant, prius, quia hi res vita carentes signant. — Huc pertinet *multitudo caesi, pars vulnerati, capti, sunt* apud historicos pro *caesa, vulnerata, capta*: quia nominativi isti multitudinem notant. Forma haec per *negligentiam* orta, quia subtilius est singularem nominis jungere singulari verbi; at propter usum excusanda, ac, si cui lubet, usurpari recte potest.

C) *Tempus pro tempore*:

1) *Praesens conjunct.* pro *imperfecto conjunctivi* in his formis: *dicat aliquis, es möchte jemand sagen: si quis dicat, objiciat, wenn jemand sagen, einwenden, sollte: hoc non negem, affirmem, das möchte ich nicht läugnen, bejahen* etc., rectius (quia de praesenti tempore sermo) et usitatus dicitur, quam *diceret, objiceret, negarem, affirmarem*, licet vernacula imperfecto utatur: nisi praeterita adjuncta sint, v. c. *credidi, si quis ita diceret, eum errare, wenn jemand so reden sollte* etc.: hic *errare* est *imperfectum*: vel si perspicuitas aliqua imperfectum magis desideret. At, si praesentia circumstant, praesens manet; v. c. *credo, si quis ita dicat, eum errare*: non *diceret, wenn jemand so reden sollte*. Hinc Terentius in illo:

tu si hic sis, aliter sentias, wenn du hier i. e. an meiner Stelle wärst, so würdest du anders denken, non poterat dicere: aliter sentires. At, si dixisset: tu si hic esses, ut quoque dicere poterat, tum dicere debuisset: aliter sentires. Sic enim quoque prisci.

2) *Praesens pro perfecto* in narrationibus valde usitatum est, et haec ratio reddit narrationem vividam, subjiciens quasi res oculis nostris. V. c. *Caesar tum proficiscitur, ducit secum, loquitur, convocat, pro profectus est, duxit, locutus est, convocavit*: sic millies Caesar, Livius, Cicero: at in narrando tantum: sic et nostri: *endlich erscheint der Feind, die Unsrigen rücken vor, fechten etc.; da ich das höre, so schreibe ich den Augenblick, erhalte aber keine Antwort etc., pro erschien, rückten, fochten, hörte, schrieb, erhielt etc. cf. supra c. 2 sect. XVII n. XX, b, p. 177. Not. ad hanc commutationem praesentis cum perfecto non pertinere illam formam: memini me legere pro legisse, jam supra c. 2 sect. XVII n. XX, e, p. 178 monui. Legere enim hic est imperfectum: memoria enim non ad praesentia sed ad praeterita respicit. Hinc dicitur quoque: *audivi hominem dicere et dixisse*, ubi nemo putat *dicere* esse praesens, nec esse posse inde patet, quia pro eo etiam dicitur: *audivi ex eo s. ab eo, cum diceret, non cum dicat.**

3) *Praesens pro futuro* variae usurpatur et usurpari potest:

a) Quando de re futura illa quidem sed certo eventura atque ita quasi jam praesente et ob oculos nostros versante loquimur, v. c. *cras sum apud te; brevi tempore infelix es; tum omnes te contemnunt; die mundi extremo mortui in vitam redeunt pro ero, eris, contemnent, redibunt. Sic et nos loqui notum est: v. c. morgen komme ich zu dir etc.*

b) Quando futurum deest, v. c. *spero, ista brevi abs te disci s. posse disci. Sic saepius prisci. At rectius tamen est ob perspicuitatem ponere fore ut, v. c. spero fore; ut ista brevi abs te discantur. — Reperiuntur apud priscos interdum talia praesentia pro futuris, ubi futura tamen in usu sunt: v. c. Cic. Verr. V, 25 appellitur navis Syracusae: expectatur ab omnibus: supplicium sumi de captivis putatur, pro sumtum iri: nisi forsan Cicero hoc fecit ad narrationem vividam reddendam, de qua re ante dictum est. Forsan Cicero temere et de more ita locutus est. Frustra sint, qui forsan putent, *sumtum iri* non bene sonuisse Ciceroni propter duplex i. Omnia bene sonant, quae recta sunt. Sic Cic. Att. I, 1 *spero nobis profici. Terent. Eun. III, 3, 14 sperat a me avellere. Sic spero me accipere, consequi,**

sequi, pro accepturum, consecuturum esse, quod non imitandum puto, licet vernacule ita loquamur.

c) In primis prisci, accurate loquentes, praesenti utuntur, ubi vernacula (de re praesenti) futurum habet: v. c. *das wird jeder einschen; wer will das läugnen? niemand wird läugnen: jeder wird wissen etc.*: hic recte, quia de praesenti re proprie sermo est, dicitur: *quisque intelligit vel intelligat; quis hoc negat vel neget? nemo negat vel neget.* Sic prisci millies, nec *intelliget, negabit.* Scio quidem etiam priscos interdum hic futuro uti; at illud tamen et ob ideae rationem rectius et frequentius.

4) *Imperfectum pro perfecto*, v. c. *memini me dicere pro dixisse.* It. saepe narrant prisci in imperfecto, ut nos, ubi proprie perfecto uti debebant. In primis in epistolis, ubi res narrantur, quae ante, quam literae redditae fuerint, praeterire vel mutari possunt, *imperfectum* pro praesente vernaculo adhiberi debet. V. c. *Ich höre, man sagt mir, ich bin krank, audiebam, dicebatur mihi, aegrotabam etc.* De hac re supra c. 2 sect. 17 n. 20 p. 176 a) dictum est.

5) *Perfectum conjunctivi* saepissime pro praesente ejus dicitur in his formulis: *ne dixeris, sage es nicht*, pro *ne dicas: dixerit, objecerit, aliquis, es möchte jemand sagen, einwenden*, pro *dicat, objiciat: si quis crediderit, dixerit, negaverit etc., wenn jemand glauben, sagen, läugnen sollte*, pro *credat, dicat, neget: hoc non dixerim, crediderim, das möchte ich nicht sagen, glauben*, pro *dicam, credam.* Hoc imitandum est. Sed de eo jam supra p. 178 d) et p. 190 b).

6) *Futurum indicativi pro praesente imperativi vel conjunctivi*, de quo jam supra p. 343 1) et 2), v. c. *non scribes, non facies, pro ne scribe s. scribas, ne fac s. facias.*

Not. Hic tantum de iis permutationibus temporum locutus sum ac loqui debui, quas imitari nobis licet. Vitiosae non huc pertinent, nisi interdum haecenus, ut vitentur. Sic occurrit v. c. *praesens pro imperfecto* in epist. Lentuli ad Cic. in hujus Epp. ad Div. XII, ep. 14 §. II *Cum consulibus decreta est Asia, et permissum est iis, ut, dum ipsi venirent, darent negotium, qui Asiam obtineant pro obtinerent.* Est vitium vel scriptoris vel librarii. Miror Ernestium, qui severam temporum in Cicerone egerit censuram, hic nihil monuisse.

D) *Personales terminationes* seu, ut vulgo, sed male, vocantur, *personae* (subjectum praecedens Verbo est persona, non particula Verbi) commutantur in exprimenda enuntiatione generali, h. e. quae ad omnes homines pertinet, ubi vernacula

cula utitur *man*, v. c. *dicitur* et *dicunt man* *sagt*: *cupere ea, quae assequi non possis* s. *non possumus, stultum est*, i. e. *was man nicht erlangen kann*. — At 1) in terminatione Verbi personali incepta pergere debemus; v. c. *cupere ea, quae assequi non possis, stultum est, quia timendum est, ne derideare*. Si dixeris *non possumus*, debet sequi *derideamur*. Hoc per se patet, quia semper ejus personae, quae adhibetur, proprie ratio habetur.

2) Non ubique istas terminationes personales (s. personas vulgo) promiscue usurpare licet: a) *Tertia passivi* ubique fere convenit, v. c. *dicitur, invenitur* etc.; it. *homines inveniuntur man findet Leute* etc.; *dicuntur homines esse; inventus est homo, inventi sunt multi, man hat einen Menschen, man hat viele, gefunden*. Et hic nominativus attendendus, v. c. *ego dicor, tu diceris, pater dicitur, nos dicimur*, i. e. *man sagt von mir, dir, ihm, uns* etc.: sic *ego laudor, tu laudaris, pater laudatur, nos laudamur* etc. *man lobt mich, dich, ihn, uns* etc. Si nominativus nec adest nec cogitari potest, manet tertia terminatio personalis singul., v. c. *creditur man glaubt* etc. b) *Tertia pluralis activi* deponentisque tantum in certis verbis, ubi consuetudo jam invaluit, usurpatur, intellecto *homines*: haec sunt fere verba *dicendi* et *putandi*, v. c. *ajunt, statuunt* etc. alia Verba vix, ob perspicuitatem, ita usurpare licet, nisi *vulgo* addatur, unde intelligatur de hominibus universis sermonem esse. Ineptum foret dicere: *reperiunt multos, man findet viele*: quia lector in praecedentibus quaereret subiectum s. personam ad *reperiunt*. c) *Prima pluralis activi* et deponentis ubique quadrat, si res, quae enuntiatur, de nobis apte dici potest, ac si ejus rei participes sumus vel esse volumus, v. c. rectum est: *ea, quae assequi non possumus, cupere stultum est: non fieri potest, ut, quae nesciamus, ea aliis explicare possumus*; sive enim veritas: *es ist einfältig, das zu begehren, was man nicht erreichen kann; es ist nicht möglich, daß man das, was man nicht weis, andern erklären könnte*, seu: *es ist einfältig, wenn wir das begehren; was wir nicht erreichen können; es ist nicht möglich, daß wir das, was wir nicht wissen, andern erklären könnten*, sensus eodem redit. At stultum foret dicere: *Vituperamus nos, quod istud egimus, man tadelt uns* etc. Nam hic non sumus inter eos, nec esse volumus, qui nos vituperant. Hic possit dici: *vituperamur, quod, s. vituperant nos homines*. d) *Secunda singularis* pertinet ad lectorem proprie, eumque in universum, i. e. non certum quendam, sed omnem. Hinc in libris admittitur, quia hic lector in genere cogitatur: nec singuli lectores aliquid ad se proprie referre possunt: v. c. *non fieri potest, ut, quae nescias, aliis tradas; stultum*

zum est ea cupere, quae non possis consequi, i. e. *was man nicht weis, nicht erlangen kann*. At in epistolis, ubi unus certusque lector est, qui, simul atque hanc terminationem Verbi personalem secundam singularis numeri reperit, hanc ad se pertinere putat vel putare potest, parce ista terminatione personali secunda utendum est: v. c. non dixerim in epistola facile: *non mirandum est s. ne mireris, te ab omnibus contemni, cum nihil didiceris, man darf sich nicht wundern, daß man von allen verachtet wird, wenn man nichts gelernt hat*. Humanitas hanc exceptionem postulat: omninoque hic et perspicuitatis et usus dicendi, ut in omnibus, ratio est habenda. At si res vel contextus est talis, ut lector epistolae facile videat, ea, quae in illa dicantur, ad universos homines pertinere, illa terminatione secunda uti licet. Hinc patet, iudicio opus esse.

E) Genus pro genere, v. c.

1) *Passiva et activa* saepe inter se permutantur, v. c. *amo te, et amaris a me* etc.; *scio te haec dixisse, et haec a te dicta esse*. Et haec permutatio est necessaria, quando accusativus duplex personas indicans cum infinitivo adest, ad ambiguitatem evitandam, v. c. *patrem te amare dicunt* potest duplicem vim habere, et *patrem amare te*, et *te amare patrem*. Huc pertinet illud: *ajo te, Aeacida; Romanos vincere posse*, ubi oraculum peccavit vel peccare voluit contra perspicuitatem, quod ordo verborum esse potest *te posse vincere Romanos* et *Romanos posse vincere te*. Talibus accusativis cum infinitivo abstinendum est. Huic igitur ambiguitati medetur mutatio activi in passivum, v. c. *te dicunt a patre amari* vel *patrem a te* etc. — Hac permutatione opus quoque est in participiis ponendis (si quidem iis uti cupimus), v. c. *hominem a te diu cultum tandem deseruisti* pro *quem diu colueras*. — Sunt deinde multa verba activa, quae pro passivis vel pro reciprocis usurpantur, v. c. *vertere* pro *verti* vel *vertere se*, v. c. Liv. II, 52 *omnis ira belli ad populationem vertit* pro *se vertit*, et V, 59 *jam verterrat fortuna*, i. e. *se seu versa erat*, ac sic saepissime; it. Caes. B. Civ. III, 25 *hyems jam praecipitaverat*, int. *se*.

2) *Deponentia* ajunt pro *passivis* poni: at hoc tantum in participiis nonnullorum verborum temporis perfecti locum habet, v. c. *expertus*, quod saepissime passive occurrit; it. *pacatus, testatus*.

III) Verbum pro nomine substantivo:

1) *Infinitivus*, quando subjecti vim habet. V. c. *errare humanum est*, i. e. *error: amare deum est homine dignum*, i. e. *amor dei*. Haec mutatio necessaria est interdum, ubi nomen non exstat, v. c. *virtutem magni facere reddit hominem felicem*, i. e. *die Hochschätzung der Tugend macht etc.*: sic *didicisse multa non semper reddit homines sapientes*, i. e. *die Erlernung vieler Dinge macht nicht immer weise*: sic *didicisse fideliter artes emollit mores* etc.

2) *Participia* saepe pro nomine substantivo: v. c. *crede mihi affirmanti*, i. e. *glaube mir auf meine Versicherung, auf mein Wort*, pro *crede mihi propter meam affirmationem* s. *cum confirmo*: sic Cic. ad Div. XIII, 7. *med. mihi adfirmanti credas velim*: sic Cic. Agr. II, 2. *extr. non dubitanti fidele consilium, non laboranti certum subsidium, ostenditur*, h. e. *bey meinem Zweifel habe ich keinen treuen Rath, bey meiner Noth keine Hülfe, zu erwarten*, pro *non in dubitatione mea, non in labore* s. *periculo meo* etc. — Sic *possum dicere deseruit me laborantem, aegrotantem*, *Er hat mich bey meiner Noth, Krankheit, verlassen*. Sic *diffusus* pro *ob diffidentiam* Caes. B. G. VI, 38 *hic diffusus suae atque omnium saluti inermis è tabernaculo prodit*, i. e. *aus Mistrauen zu seiner und der Seinigen Sicherheit ging er* etc. Sic *defatigatus* pro *ob defatigationem*; Cic. Acad. III, 3 *neque nos studium exquirendi defatigati relinqueamus* etc. Sic *timens* pro *ob timorem*: v. c. *timens periculum aufugit*, *aus Furcht vor der Gefahr entfloh er*: *profisciscens*, i. e. *in itinere vel ante iter*, v. c. *profisciscens per Poloniam* etc., *auf seiner Reise durch* etc.: *profisciscens mandabat mihi*, *bey* s. *vor seiner Reise trug er mir auf*: *moriens dicebat*, i. e. *bey seinem Tode sagte er*: *mortuus*, i. e. *post mortem*: *sepultus*, i. e. *post sepulturam ejus*; v. c. *mortuo et sepulto patre abii*, i. e. *post patris mortem et sepulturam*. — Sic innumera alia: *it. discendo* durch das *Lernen*; *docendo* durch die *Unterweisung*; *narranda re ista gravem timorem iniecit omnibus*, i. e. *narratione rei istius*; *in audienda re*, i. e. *in auditione rei*. Sic *cunctando vicit*, *sperando vitam consumpsit* pro *cunctatione*, *spe*: *add. puto* pro *de mea sententia*, v. c. *patrem puto esse doctum*, i. e. *der Vater ist nach meiner Meynung gelehrt*. — Tandem *huc pertinet medens* i. e. *medicus*, ap. Ovid. et Plin. Paneg. *it. natantes* i. e. *pisces* ap. Virgil. etc. Attamen his vix uter praeterquam in carmine.

III) *Verbum pro adjectivo interdum usurpari potest: v. c. vix dici potest* s. *vix credi potest pro incredibile est. Omnes sciunt, s. nemo est quin sciat s. qui nesciat, ignoret pro omnibus notum est: inter omnes constat pro omnibus certum est s. nemini est dubium: et sic porro. — Haec variatio saepe necessaria est, vel quia lingua latina multis caret nominibus adjectivis, vel quia nonnullis vocabulis alias ob causas uti volumus, v. c. fieri potest pro possibile est: fieri non potest pro est impossibile: corrigi homo non potest pro est incorrigibilis; deus videri s. cerni nequit pro invisibilis est: non vinci potest pro est invincibilis: non possumus mente complecti naturam dei pro natura dei est nobis incomprehensibilis etc.*

V) *Verba pro adverbis: v. c. quid quaeris? i. e. kurz. In primis huc pertinent haec: necesse est hominem mori pro homo necessario moritur s. mori debet: manifestum est te errare pro manifesto erras: certum est, nil melius esse virtute pro nihil est profecto s. certo melius virtute: Ciceronem fuisse magnum oratorem non dubium est s. nemo dubitat pro Cicero haud dubie fuit magnus orator: parum abest, quin illud credam, pro credo illud propemodum. Sic parum aberat, quin cecidissem, pro fere cecidissem bald s. beynahe wäre ich gefallen: tu saepius ad me literas mittis quam solebas pro quam antea als sonst. Sic Cic. ad Div. VI, ep. 2 in. ne putes me rarius scribere quam solebam, i. e. daß ich feltner schreibe, als sonst. — In primis notanda est haec variatio ob adverbia multa in lingua vernacula obvia, quibus in latina nulla respondent, v. c. unmöglich, hoffentlich, vermuthlich, billig etc.; v. c. ich kann das Buch unmöglich lesen, non fieri potest, ut istum librum legam: vermuthlich ist er gestorben, mortuum esse opinor: in primis cum qui, v. c. hier ist das Buch, das du vermuthlich nicht gelesen hast, verti debet hic est liber, quem a te nondum lectum esse opinor; hoffentlich wird er morgen wieder kommen, cras cum reversurum esse spero, speramus; das Geld muß ich ihm billig geben, pecuniam illi me dare aequum est: et sic in aliis. Et in primis haec ratio tenenda et imitanda est.*

VI) *Verba, et quidem participia, pro praepositionibus saepe adhiberi possunt:*

1) *Pro sine, v. c. homo carens libris pauca discit i. e. homo sine libris: potest quoque dici interdum privatus, non instructus, non ornatus etc., v. c. quomodo amicis privatus potes vitam suavem degere pro sine amicis etc.*

2) *Pro*

2) Pro *cum*, v. c. *venit instructus magna militum multitudine pro venit cum magna etc.*; *duxisti uxorem*, *magnis praeditam* s. *instructam divitiis*, *et singulari prudentia et virtute ornatam*, h. e. *du hast eine Frau genommen mit großem Reichtume und mit s. von außerordentlicher Klugheit und Tugend etc.*

3) Pro *ob*, *propter*: *hic millies ductus, adductus, impulsus, permotus, motus, incitatus, inflammatus, impeditus, prohibitus, exclusus, perterritus, coactus etc.* ap. Ciceron. dicitur pro *ob*, v. c. *gloriae cupiditate ductus, adductus etc. fecit*, h. e. *ob cupiditatem gloriae fecit*. Cic. Verr. II, 62 *quemquam — putas dubitaturum, quin — pecuniam statuae nomine dederit vi atque imperio adductus, non officio ac voluntate?* i. e. *propter vim atque imperium, non officium ac voluntatem*. Verr. III, 1 *in omnes, qui alterum nullis impulsu inimicitii, nulla privatim laesi injuria, nullo praemio adducti in iudicium vocant etc.*, *ubi impulsu, laesi, adducti pro ob potius dici possunt, nullis impulsu inimicitii est propter nullas inimicitias, nulla laesi injuria est propter nullam injuriam, nullo praemio adducti est propter nullum praemium*. Caes. B. G. I, 3 *his rebus adducti et auctoritate Orgetorigis permoti constituerunt*, h. e. *propter has res et propter auctoritatem Orgetorigis constituerunt etc.* Sulpic. ad Cic. in epp. ad Div. III, ep. 12 §. 7 *reliquos ajebant profugisse metu perterritos*, h. e. *profugisse ob metum* s. *metu*. Caes. B. G. VII, 26 extr. *quo timore perterriti Galli — destiterunt etc.*, h. e. *dieser Furcht wegen etc.* ibid. c. 28 in. *hostes nova re perterriti etc.* — Sic *exclusus, impeditus, prohibitus* pro *propter*, si sermo est de rebus, quae impedimento esse possint, v. c. Cic. Verr. III, 27 *hi ipsi posteaquam temporibus reipublicae exclusi per senatum agere, quae voluerunt, non potuerunt etc.*, i. e. *ob tempora reipublicae, da sie wegen der unglücklichen Umstände des Staats ihr Suchen nicht durch den Senat durchsetzen konnten*. Sic saepe *exclusus* s. *impe- ditus* temporis angustia, i. e. *wegen Mangel der Zeit*; it. *occupationibus multis prohibitus, impeditus, districtus, scribere non potui*, wegen der vielen Geschäfte konnte ich nicht schreiben. Sic *coactus*: v. c. *egestate coactus alio se contulit*, i. e. *propter egestatem, wegen Dürftigkeit begab er sich anders wohin*. — Huc pertinent et praesentia vel imperfecta participiorum, v. c. *timens fugiebat*, i. e. *propter timorem fugiebat*; *timens deum nil mali committis*, aus Furcht vor Gott thust du nichts Böses. *Carens magistro discere nil possum*, wegen Mangel eines Lehrers kann ich etc.; *feci hoc confidens tuae humanitati*, i. e. *propter confidentiam, aus Zutrauen zu deiner etc.*; *diffidens*

meis viribus, i. e. ob diffidentiam etc., aus *Mistrauen* etc. Hunc usum in primis studiosis bonae latinitatis commendaverim propter brevitatem: nec tamen postulo, ut ubique haec participia per *propter* explicentur, sed tamen saepissime id fieri debet, ut isti orationi assuescant ubique *tiro-*nes.

4) Pro *post*, v. c. *coenatus cubitum ivit*, i. e. post coenam: sic *pransus*, i. e. post prandium: *mortuo tibi etiam gratiam habeo*, i. e. post mortem tuam, *ich werde dir es noch nach deinem Tode Dank wissen*: *veritas diu oppressa tandem emergit*, i. e. nach langer Unterdrückung. — Huc pertinent ablativi consequentiae, v. c. *his literis acceptis dixi*, nach Erhaltung dieses Briefes etc.; *hac pugna pugnata*, i. e. post hanc pugnam: *mortuo patre hoc factum est*, i. e. post mortem patris hoc etc.; *quibus dictis abiit*, i. e. post haec verba abiit: et sic in aliis.

5) Pro *in*, v. c. *iter faciens per Franciam scripsit*, i. e. in itinere etc., auf der Reise schrieb er: *scribens mortuus est*, er starb beym Schreiben, pro *in* scribendo: *moriens mihi dicebat*, i. e. in moriendo, beym Sterben. *Coenans dicebat*, i. e. in coena s. inter coenandum, bey der Tafel sprach er. Et sic in pluribus. At iste usus in primis commendandus. Sic *indutus tunica sedebat dixerim*, non *in tunica*, er saß in der Weste: Cicero ait etiam *cum tunica*, Verr. III, 24. *cum toga*, Vatin. 13. *cum stola*, Verr. III, 34.

6) Pro *ex* interdum, v. c. pro *scio hoc ex experientia* rectius dico: *scio hoc expertus* s. *experientia edoctus*.

7) Pro *praeter* dici potest particip. *exceptus*, v. c. *libri tui, exceptis paucis, sunt praeclari*, i. e. praeter paucos.

8) Pro *apud*, *juxta*, v. c. *libris assidens moriebatur*, er starb bey den Büchern.

VII) *Verbum* pro conjunctione, v. c. *dum*, *cum*, *postquam*, *quia*, et etc. Fit haec commutatio per participia, de quibus supra dictum est, v. c. *fecit hoc timens*, h. e. quia timebat: *mortuo patre*, i. e. postquam pater mortuus est: *coenans dicebat*, i. e. dicebat, dum coenabat, i. e. während daß er speisete. *His dictis abiit*, i. e. haec dixit et abiit: et sic in aliis.

SECT. VI

De commutatione adverbiorum.

Adverbia commutantur

I) *Inter se*, v. c.

I) *Ita*,

1) *Ita, sic, tam* sunt synonyma: modo teneamus *tam* plerumque ante adjectiva et adverbia poni; v. c. *tam bene, tam bonus*: rarius ante *Verba*, nisi sequatur *quam*, v. c. *tam te amo, quam fratrem*. *Ita* et *sic* ubique ponuntur; v. c. *ita bonus, ita bene, ita amo*, seq. ut etc.

2) *Adeo*, quod majus est quam *sic*, cum *usque eo*, proprie *so weit hin, bis dahin*, et *usque adeo* interdum commutari potest.

3) *Rursus, denuo et iterum*: duo priora ubique conveniunt; *iterum* est *secundum*, *zum zweytenmal*: male altera vice vel adhuc semel.

4) *Praeclare, eximie, egregie, excellenter* etc., sunt synonyma.

5) *Stolide et stulte, temere*, sunt eadem.

6) *Alias* i. e. *sonst, ehemals*, v. c. *sonst wars nicht so*: pro eo et dici potest *olim, antea, antehac*: non item *alioqui* s. *alioquin*, quod est *sonst* i. e. *in andern Stücken, aus andern Ursachen, weidrigensfalls*.

7) *Quamdiu, quousque, quem in finem, wie lange?* sunt eadem.

8) *Tantum, tantummodo, solum, modo, duntaxat* sunt synonyma; it. non nisi, v. c. *legi non nisi tres libros, ich habe nur drey Bücher gelesen*, est proprie *nichts als, weiter nichts als*. *Solummodo* non occurrit ap. Ciceronem, neque omnino in aetate aurea: at ap. Plin. H. Nat. etc. Ceterum plane respondet *tā tantummodo*: nam ut hoc ex *tantum* et *modo*, sic illud ex *solum* et *modo* conflatum est: utrumque per pleonasmum.

9) *Saltem, duntaxat, wenigstens* semper commutari possunt; v. c. *da mihi libros saltem* s. *duntaxat tres*. — Interdum et *certe*: at hoc proprie est i. q. *certo gewiß*: ergo non pro *saltem* poni potest, nisi simul per *certo* explicari queat; v. c. *si non hodie, certe cras redibo*, i. e. *so werde ich wenigstens morgen zurück kommen*, s. *so werde ich morgen gewiß zurück kommen*. Dicitur pro eo et *at certe*, praecedente *si non* s. *nisi*; it. *at sine certe*: v. c. *dabo tibi, nisi omnes, at certe multos libros* s. *at multos libros*. Saepissime utraque ratio occurrit: v. c. Cic. Quint. 31 *si non propinquitatis, at aetatis suae*. Cic. Verr. III, 85 *si non bonam, at aliquam* etc. v. Gron. ad Liv. XXIII, 37.

10) *Fere, paene, propemodum, tantum non*, v. c. *dedi ei libros fere omnes* s. *tantum non omnes*.

11) *Cum primum, ut primum, simul* seq. ac, atque, ut, vel etiam sine his particulis, *so bald als*, sunt eadem, v. c. *cum*

primum potero, ut primum potero, simulac potero, simul potero, veniam, i. e. ich werde kommen, so bald ich können werde. — Not. *quamprimum* interdum *tirones* cum *simulac* s. *cum primum* cummutant. Male: *quamprimum* est *primo quoque tempore, ehestens, so bald als möglich.* Occurrit tamen *quam primum* pro *cum primum*, sed tantum sequente verbo *posse*, v. c. *quam primum possis* Plaut. Capt. II, 3, 88. Legitur quidem Cic. Mil. 34 *quam primum tetigero*, sed Ernesti recepit *primam* pro *primum*.

12) *Saepe, saepenumero, crebro, non raro* sunt eadem: it. *centies, sexcenties, millies*; at hoc est longe *saepissime*, nec v. c. de iis rebus, quae vix *decies, vicies* etc. factae sunt, dici potest; v. c. *millies nundinas Lipsienses obiit pater meus* ridicule dicatur.

13) *Aequae* seq. ac s. *atque*, et non minus *quam eben* so wohl als sunt eadem, ac saepe occurrunt, v. c. *amo te non mirus quam patrem*: sic pro *aeque parum* ac rectius dicitur *non magis quam eben* so wenig als: sic enim prisca, v. c. *amas me non magis quam fratrem, du liebest mich eben* so wenig als etc.

14) *Utrum* s. *ne* seq. *an*: vel omisso *utrum* s. *ne*: v. c. *utrum pater* s. *paterne fecit an frater?* et *pater an frater fecit?* sic nescio, *utrum pater* s. *paterne an frater fecerit*, et nescio, *pater fecerit an frater*.

15) Pro *primo, secundo, tertio* etc., quae vulgo (sed male, sunt enim Ablativi) pro adverbiiis habentur et per se non male usurpari possunt, usitatus dici *primum, deinde, tum*, ac, si ulterius numerus progreditur, *praeterea, insuper, tum, deinde* etc., et ultimum numerum per *tandem, postremo, denique* exprimi jam supra c. 7 sect. 4 p. 301 1) dictum est.

II) *Adverbium* pro nomine substantivo conjuncto cum praepositione vel adjectivo. V. c.

I) *Prudenter, sapienter, stulte* rem gessit pro *cum prudentia, sapientia, stultitia*. At illud, ut brevius, ita usitatus. Sic *studiose* s. *cupide* librum legere, mit Eifer, Begierde, ein Buch lesen, est usitatus quam *cum studio, cum cupiditate*. Sic *studioissime* mit dem größten Eifer, *diligentissime* mit größter Sorgfalt, pro *summo* s. *omni studio, summa* s. *omni diligentia*, quod aequae recte dicitur. Sic aliter pro alio modo; ita, sic, pro tali modo: v. c. *rem aliter egit ac* etc., *er hat die Sache auf eine andre Art* etc.: ita *vir clarissimus a teterrimo homine acerbissima morte est affectus*, Sulp. in Cic. Epp. ad Div. III, 12, *auf diese Art ist der große Mann — auf eine erbärmliche Art*

Art umgebracht worden. — Pertinent huc plura, quae vernacule per substantiva vulgo explicantur, v. c. *vere dicere possum*, *ich kann in Wahrheit* s. *mit Grunde der Wahrheit sagen*: *liquido jurare*, *confirmare* mit gutem Gewissen schwören, *versichern*: *considerate aliquid agere*, etwas mit Ueberlegung thun; *sic callide* mit List: *misere perire* auf eine klägliche Art umkommen: *male sedulus* auf unrechte Art ämsig: *liber subtiliter scriptus*, ein mit Gründlichkeit geschriebenes Buch, et sic porro.

2) Notentur hic, *istic*, *illic* pro *hoc in loco*, *isto in loco*, *illo in loco*; *huc*, *istuc*, *illuc* pro *in locum hunc*, *istum*, *illum*; *hinc*, *istinc*, *ilinc* pro *ex loco hoc*, *isto*, *illo*. Hae particulae in epistolis Ciceronis ita usurpantur, ut *hic*, *huc*, *hinc* de loco eo, ubi scribens epistolam degit, ponatur; *istic*, *istuc*, *istinc* de loco eo, ubi amicus est, ad quem epistola mittitur; et *illic*, *illuc*, *ilinc* de tertio quodam loco. Quando v. c. Briga Lipsiam scribo, possum ita loqui: *quid hic agatur*, *alio tempore tibi scribam*, *nunc velim scire*, *quid istic actum sit*; ubi hic est Brigae, *istic* est Lipsiae: porro: *nuper istinc* (i. e. Lipsia) *huc* (i. e. Brigam) *venit homo quidam*, *sed mox hinc* (i. e. Briga) *istuc* (i. e. Lipsiam) *redit*. At, si Dresdae mentionem in eadem epistola injicio, ita loqui debeo: *si scripseris Dresdam*, *scribas mihi*, *quid illic*, i. e. Dresdae, *fiat et an illuc*, i. e. Dresdam, *profecturus et quando illinc*, i. e. Dresda, *istuc*, i. e. Lipsiam, *rediturus sis*. Sic Cicero semper, v. c. ad Div. III, ep. 10 §. II e Cilicia provincia Romam ad Appium ita scribit: *illud pugna et enitere*, ut, *cum hic tibi satisfecerimus*, *istic quoque nostram in te benevolentiam navare possimus*: *hic* i. e. in provincia mea, *istic* i. e. Romae: ad Div. VI, ep. 16 extr. *prius hic* (Romae) *te nos*, *quam istic tu nos videbis*: *istic* i. e. in tuo loco in deiner Gegend: ad Div. XIII, ep. 14 extr. Cicero Romam scribens: *scribite et vos*, *quid agatis*, et *quid istic* (Romae) *agatur*: sic *isto* i. e. ad te, ad Div. VIII, ep. 16 §. 22 *licet modo isto venire*. Sic et *iste* saepe de rebus, quae *istic* i. e. in loco amici sunt vel fiunt: v. c. *istae res* etc. Cic. ad Div. VIII, ep. 17 in. *Non tu homo ridiculus es, qui* — *ex me quaeris*, *quid de istis municipiis et agris futurum putem* h. e. *municipiis et agris*, qui sunt in ea regione, *ubi tu es*, was mit den Municipien und Ländereyen in deiner Gegend werden wird. XIII, ep. 65 extr. *ex tota tua provincia omnique isto imperio* etc.

3) In primis huc pertinet *ita*, quod poni saepe potest a) pro hac conditione, seq. *si* vel *ut*, v. c. Cic. ad Div. XV, ep. 20 §. 2 *Crebris nos literis appellato, atque ita, si idem fiat a nobis*

bis h. e. schreibe öfters an mich, und zwar unter der Bedingung, wenn ichs auch thue. Offic. I, 9 Nam hoc ipsum ita iustum est, quod recte fit, si est voluntarium. Ad Div. XIII, ep. 9 §. 5 Scio te omnia facturum, ut nobiscum quamprimum sis. Sed tamen ita velim, ut ne quid properes h. e. hac conditione, doch wünschte ichs, sähe ichs gern, unter der Bedingung, daß du nicht eilest. Sic dicere possum: dabo tibi librum ita, ut mihi mox reddas s. si mihi mox etc. b) pro hoc exitu, Cic. ad Div. I, ep. 2 §. 7 ita sum cum illo locutus, ut mihi viderer animum hominis ab omni alia cogitatione ad tuam dignitatem traducere, i. e. habe mit ihm mit solchem Erfolge geredet s. mit der Wirkung etc. Manil. 3 Etenim adhuc ita vestri cum illo rege contenderunt imperatores, ut ab illo insignia victoriae, non victoriam, reportarent, h. e. hoc exitu; et statim ibid. Triumphavit Sulla — Murena — sed ita triumpharunt, ut ille pulsus superatusque regnaret. c) pro hac restrictione, ut loquuntur, seu haftenus, mit der Einschränkung, in so fern: Cic. Rosc. Am. 20 in. Accusatores multos esse in civitate utile est, ut metu contineatur audacia. Verumtamen hoc ita est utile, ut ne plane illudamur ab accusatoribus h. e. allein das ist mit der Einschränkung s. in so weit nützlich, daß wir auch dabey nicht gänzlich etc. Supra c. 7 sect. 2 n. VI, p. 292 diximus hoc ita ut quoque per quidem sed explicari posse. Recte. Nam varie commutare licet.

III) Adverbium pro adjectivo solo. V. c.

1) breviter pro paucis: v. c. breviter rem dicere: sic late s. fusa rem explicare i. e. multis.

2) ita et sic pro talis. V. c. Cic. Rosc. Am. 30 Sic vita hominum est, ut ad malefium nemo conetur sine spe atque emolumento accedere, i. e. so ist das menschliche Leben beschaffen, i. e. so geht es in der Welt: niemand thut etwas Böses, ohne einen Vorthail etc. Sic et Terent. Andr. I, 1, 35 sic vita erat. Cic. ad Attic. III, ep. I non proc. a fine: ita sunt res nostrae.

3) heri semper lenitas apud Terent. pro sempiterna pertinet quoque huc; at non imitandum, quia perraro ita prisci; atque ita, si recte iudicamus, eo abstinendum est.

III) Adverbium pro pronomine, v. c.

1) cum pro quo, qua, quibus, de tempore; v. c. illo tempore, cum nemo aderat pro quo: temporibus iis, cum talia credebantur,

debantur, in den Zeiten, da man solche Dinge glaubte pro quibus. Sic saepe prisci. Cic. ad Div. X, ep. 3 §. 6 Scis profecto — fuisse quoddam tempus, cum homines existimarent, te nimis etc. pro quo homines etc. Ib. XV, ep. 14 in. Multi enim anni sunt, cum ille in aere meo est, es sind schon viele Jahre, daß er in meiner Schuld ist, pro ex quibus, et sic saepius. Utraque ratio bona est.

2) unde i. e. a quo, a qua, quibus, e quo, e qua, e quibus, millies dicitur. Dicere v. c. possum; unde venis? von wem kömmt du? Homo, unde venisti etc. i. e. der Mann, von dem du gekommen bist; sic femina, unde venisti pro a qua; sic domus, unde egressus sum; sic res, unde orsi sumus, die Sache, von der wir angefangen haben; sic unde sequitur i. e. qua ex re sequitur. Sic priscis is, in quem agebatur lege in causa privata, dicebatur unde petitur h. e. a quo petitur scil. res possessa, an dem man Anspruch macht wegen etwas, von dem man etwas (gerichtlich) fordert.

3) hic i. e. hac in re saepissime. Hic videre licet, hierbey kann man sehen i. e. hac in re; hic admonendum puto, bey dieser Gelegenheit muß ich erinnern; — sic et ubi i. e. qua in re; v. c. Cajus multa scripsit; ubi tamen notandum est etc., wobey doch zu bemerken ist etc.

4) hinc i. e. hac ex parte, cui respondet illinc i. e. ex illa parte. V. c. Cic. Catil. II, II Ex hac parte pugnat pudor, illinc petulantia; hinc pudicitia, illinc stuprum; hinc fides, illinc fraudatio etc., ubi hinc est auf dieser Seite, illinc auf jener Seite i. e. ex parte Catilinariorum. Hinc et illinc arcitus junguntur. Liv. XXXII, 10 extr. Multis hinc atque illinc vulneribus acceptis nox pugnae finem fecit; ubi hinc atque illinc est proprie ex hac atque illa parte i. e. ex utraque parte, nachdem man auf beyden Theilen viel Wunden empfangen, so machte die Nacht dem Fechten ein Ende. — Sic pro illinc in illa forma repetit saepe Livius hinc, v. c. I, 13 in. Tum Sabinae matres — dirimere infestas acies, dirimere iras; hinc patres, hinc viros orantes i. e. ex hac parte viros, ex illa partes etc. possit et verti: indem sie bald ihre Väter bald ihre Männer batten. At illud tamen accuratius. III, 23 extr. Ita bifariam consules ingressi hostium fines, ingenti certamine hinc Volscos, hinc Aequos populantur h. e. auf einer Seite die Volsker, auf der andern etc. s. auf der Seite die Volsker, auf jener die Aequer.

5) hinc pro ex hac re s. ex hoc millies Cicero et alii: v. c. hinc intelligitur i. e. hac ex re, hieraus sieht man; pro eo et

inde dicitur saepissime: inde sequitur, intelligitur, daraus folgt, sieht man.

6) ut wie pro quo je, cum superlativo, v. c. in illa formula: ut quisque est doctissimus, ita solet esse modestissimus, pro quo quis est doctior, eo solet esse modestior, ad verbum est: so wie ein jeder sehr gelehrt ist, so pflegt er auch sehr bescheiden zu seyn. Formula ista valde utitata et ob variationem commendanda est.

V) Adverbium pro verbo interdum. Huc pertinet ecce, en pro vide, adspice, videte, adspicite; v. c. ecce me, ecce patrem i. e. vide me, patrem; vel etiam hic ego sum, hic est pater siehe, da bin ich, siehe, da ist der Vater! Cic. Verr. III, 66 Ecce autem nova turba atque rixa i. e. videte autem novam etc. da sehet einmal etc. Verr. V, 47 En quod Tyndaritani libenter praedicent etc. i. e. videte, da sehet einmal, was sie so gern von sich sagen. Sext. 27 extr. En, cur ceteri reges stabilem esse suam fortunam arbitrentur etc. i. e. da sehet ihr, warum die übrigen etc. Deiot. 6 med. En crimen, en causa, cur regem fugitivus, dominum servus, accuset i. e. da siehst du die Beschuldigung, da siehst du die Ursache, warum etc. Sic saepe in epistolis. — It. ecce tibi: v. c. Cic. Offic. III, 21 Ecce tibi, qui rex populi romani dominusque omnium gentium esse concupierit idque perfecit i. e. da siehst du nun einen, der etc. f. da siehst du nun, wie er etc. Sermo est de Caesare. — Potest et ecce, en, usurpari pro hic habeo, hic est, v. c. alicui quaerenti de libro quodam respondere possum: ecce librum istum, hier habe ich das Buch, hier ist das Buch; ut Francicum voici.

VI) Adverbium pro conjunctione. Exempla jam supra allata sunt, v. c.

I) ita seq. ut pro quidem zwar, v. c. amo priscos ita, ut recentiores non spernam i. e. amo quidem priscos: attamen recentiores non sperno. Sic saepe prisci, v. c. Cic. Catil. III, 7 med. qui (equites) vobis ita summam (den Vorzug) ordinis consiliiue concedunt, ut vobiscum de amore reipublicae certent h. e. qui vobis quidem — concedunt, attamen vobiscum certant etc. Poterat perspicuitatis causa tamen addi, ut ad Div. V, ep. 21 in. quod ego ita libenter accipio, ut tamen tibi non concedam h. e. das sehe ich nun wohl gern, nehme es zwar mit Vergnügen an, aber ich gebe dir nichts darin nach. Cf. c. 7 sect. 2 n. VI, p. 292.

2) ut

2) ut adverb. seq. ita pro *et et, tum tum*, non solum sed etiam; v. c. Cic. ad Div. XII, ep. 13 §. 10 *Dolabellam, ut Tarsenses, ita Laodicensi ultro arcessierunt* i. e. non solum *Tarsenses*, sed etiam etc. s. *et Tarsenses et Laodicensi*. Sic creberrime. At not. semper similitudo vel comparatio debet cogitari posse.

SECT. VII

De commutatione praepositionum.

Praepositiones commutantur:

1) *Inter se.* V. c.

1) pro *apud* saepe ponitur *juxta, ad, propter*, si significat *bey*, i. e. *neben, dabey*: v. c. *esse ad urbem bey der Stadt seyn*, *juxta* s. *propter viam bey* s. *am Wege*. *Penes bey* indicat saepius vel aliquam rei possessionem vel potestatem, v. c. *penes me est* i. e. *in potestate mea est, es steht bey mir*. Cic. Agr. II, 19 extr. *eos agros, quorum adhuc penes Cn. Pompejum omne iudicium et potestas, more majorum debet esse* etc. Or. 41 extr. *sin ea* (eloquentia) non modo eos ornat, *penes quos est* etc. h. e. *qui eam tenent*. Add. Verr. III, 29 *quae sua penes illum* i. e. *Verrem essent, die bey* *Verres von ihm wären*, h. e. *quae Verres ipsi abstulisset*. — Pro *apud* usurpatur *cum*, si rei praesentia propior indicatur, v. c. *habitat mecum* i. e. *er wohnt bey mir* h. e. *in eadem domo*. *Habeo pecuniam mecum, ich habe Geld bey mir* h. e. *in mea veste*. Sic semper dicendum.

2) pro *ante* poni potest quoque a) *ob*; v. c. *ob oculos versari* i. e. *ante oculos*. Sic *ob oculos ponere, vor Augen stellen*. b) *prae*, v. c. *prae se ferre, vor sich hertragen*, hinc est *decla- rare, aperte profiteri*; it. *prae se agere* v. c. *armentum*, Liv. I, 7 *qua prae se armentum agens nando trajecerat* etc. i. e. *ante se*. c) *pro*, v. c. Cic. Phil. III, 11 *sedens pro aede Castoris dixit* i. e. *ante aedem*. Caes. B. G. VII, 70 *legionesque pro castris constituit* i. e. *ante castra*; et statim *legiones Caesar, quas pro vallo constituerat* etc. et c. 71 in. *copias suas, ut pro castris collocaverat*; unde intelligitur, Romanis in hac commutatione fere idem accidisse, quod nobis in usu particularum *vor* et *für* accidit: hae duae particulae, ut prisca monumenta testantur, proprie eadem sunt atque a majoribus pro iisdem habitae, donec recentiores, distinguendi cupidi,

cupidi, ob maiorem, ut putabant, perspicuitatem *vor* et *für* vocabula a se diversa esse edixerint et statuerint.

3) pro *circiter* in numeris incertis saepe ponitur *ad*, ut nobis *bey*, v. c. *ad* duo millia i. e. *circiter* duo millia *bey* s. *an zweytausend*. Saepe ita Cicero, Caesar, Livius. Cicero ad Qu. fratr. II, ep. I non proc. ab in. Sane *frequentes fuimus*: omnino *ad* ducentos h. e. *gegen zweyhundert*. Ad Attic. I, 14 med. *homines ad quindecim* Curioni nullum senatus consultum facienti assenserunt, *gegen funfzehn* etc. Cluent. 40 in. *cum annos ad quinquaginta natus esset*. Liv. X, 17 *ad* duo millia et trecenti occisi etc. Caes. B. G. II, 33 *Occisus ad hominum millibus quatuor* etc. ac saepius; ubi notes, *ad* sine suo casu poni tanquam adverbium.

4) pro *contra* poni potest non modo *adversus*, sed etiam saepe *in*. Cic. Offic. I, 9 in. *quod apud Platonem est in philosophos dictum* etc. i. e. *contra*, sic saepius, v. c. *odium in aliquem* recte dicitur. — Interdum et pro *contra* dici potest *praeter*, v. c. *praeter consuetudinem*, *wider Gewohnheit*; *praeter spem*, *opinionem*, *wider Hoffen*, *Vermuthen*: sic sexcenties. It. *praeter voluntatem*, *wider seinen Willen*. Cic. Catil. II, 7 extr. *Cum ei nihil adhuc praeter ipsius voluntatem cogitationemque acciderit* etc. It. *praeter naturam et fatum*. Cic. Phil. I, 4 *Multa autem impendere (mihi) videntur praeter naturam praeterque fatum*.

5) pro *erga* gegen poni posse *in*, *adversus*, vel *pueris notum est*. V. c. *amor erga te*, *in te*, *adversus te*. Haec eadem sunt.

6) pro *ex* interdum *de*; v. c. *unus ex civibus et de civibus*; *homo ex plebe et de plebe* etc. Sic saepissime occurrit.

7) pro *de* interdum *super*; v. c. *super hac re multa scripta sunt* h. e. *de hac re*, ut nostri: *hierüber ist viel geschrieben worden*. Sic saepe dicitur.

8) pro *inter* poni potest *in*; v. c. *in doctis numerari* h. e. *inter doctos*; *in diis referri* i. e. *inter deos*; — it. *de et ex*, v. c. *ex graecis doctissimus* s. *de graecis* etc. h. e. *inter graecos* s. *graecorum*. Haec omnia recte dicuntur.

9) pro *post* nach poni potest a) *ex*; v. c. *ex hoc tempore*, *nach dieser Zeit*; *ex quo seit dem*, saepissime. Cic. Mur. 7 *Cum amplissime atque honorificentissime ex praetura triumphasset*, h. e. *post praeturam*. Sic saepius. b) *a*; notum est *a meridie* i. e. *post meridiem*. Cic. Senect. 6 *Cujus a morte hic tertius et tricesimus est annus*, *dieses ist nach* s. *seit seinem Tode das drey und dreyßigste Jahr*; potest tamen et *verti von seinem Tode an zu rechnen*. Sic Phil. II, 41 in. *Ab hora ter-*
tia

zia bibebatur, ludebatur, vomebatur, nach drey Uhr, f. von drey Uhr an, wurde getrunken etc. Liv. XLIII, 34 Ab his praeceptis concionem dimisit i. e. post haec praecepta, quae dederat concioni. Ib. c. 45 extr. Ab hac direptione cum per tumultum naves conscenderent etc. i. e. post hanc direptionem. Sic et nos interdum: vom Essen geht er ins Bette etc. i. e. alsbald nach dem Essen. c) secundum. Sic saepe Cicero, Livius; v. c. Cic. Act. I in Verr. 10 Secundum Kalendas Ianuar. i. e. post; ibid. secundum quos (ludos) aut nulli aut pauci dies ad agendum futuri sunt i. e. post quos. Sic ib. c. 11 tua ratio est, ut secundum binos ludos mihi respondere incipias, h. e. post binos ludos, f. binis ludis interjectis, ut Verr. I, 11 de eadem re dixit. Et sic saepius.

10) pro pone saepissime post; v. c. Sall. Jug. 19 Post eos (Gaetulos) Aethiopes esse, hinter ihnen wohnen die etc. — It. secundum, ut per se intelligitur, v. c. Sulpic. ad Cic. in epp. ad Div. III, ep. 12 Duo vulnera accepisse — alterum in capite secundum aurem i. e. hinter dem Ohre.

11) pro secundum nach dici potest a) pro; v. c. pro dignitate nach Verdienst, pro tua prudentia nach deiner Klugheit; b) de; v. c. de mea sententia nach meiner Meynung; c) ex; v. c. ex aequo nach der Billigkeit; ex lege fecit, vixit, nach dem Gesetze, nach der Vorschrift etc. d) ad; v. c. ad nutum alicujus se fingere et accommodare. Sic Cic. Or. 8. It. Loqui ad voluntatem, reden, wie es der andre haben will, nach seinem Willen. Sic Cic. Amic. 25 in. Hominum — ad voluntatem loquentium omnia, nihil ad veritatem, i. e. secundum voluntatem, secundum veritatem. Add. ibid. c. 5 med. Nunquam ego dicam, Fabricium, Curium — ad istorum normam fuisse sapientes. Ac saepius.

12) pro ob f. propter poni potest a) per in precibus; v. c. rogo te per deum. Sic semper dicendum. b) pro vermöge, nach; v. c. pro amicitia nostra illud facias, rogo i. e. propter amicitiam, um unserer Freundschaft willen. Sic pro tuo in me amore etc. Sic saepissime. c) interdum prae; v. c. prae gaudio; prae lacrymis, loqui non possum, ich kann vor Freude, vor Thränen, nicht reden. Sic saepissime. d) interdum ad; v. c. Liv. I, 7 Inde cum actae boves quaedam ad desiderium, ut fit, relictarum mugissent etc. i. e. ob desiderium, aus Sehnsucht nach den hinterlassenen etc. VI, 27 Et ad Praenestini famam belli novas legiones scribendas patres censuerant i. e. propter Praenestini belli famam etc., potest tamen et esse post, auf das Gerücht; Caes. B. Civ. II, 31 extr. Vobis beneficium remitto, — ne ad contumeliam honorem dedisse videamini

deamini i. e. propter contumeliam; ut nostri zur Beschimpfung, zur Schmach. Ib. III, 11 *Atque mutatis ad celeritatem jumentis ad Pompejum contendit* h. e. ob celeritatem, ut celeriter proficisci posset. Sic saepius.

13) pro *super* über in his formis per dici debet: per campum fugere übers Feld fliehen, per agros currere über die Aecker laufen. Sic per montes iter facere, per medios montes ducere die Armee über die Gebirge führen, per forum ferre über den Markt tragen etc. Sic ubique dicendum. — Not. etiam per gradus dejicere, über die Treppe f. die Treppe hinab werfen, est Liv. I, 48. Nec aliter dici potest. — Etiam pro *super* auf debet per dici in hac similitudine forma: auf den Feldern herum laufen, per agros discursare, per agros vagari; posterius est v. c. Liv. XXXI, 21.

14) pro *versus* gegen (an praepositionis nomen mereatur, hic non quaeritur) potest saepe ad dici; v. c. *tendere, proficisci, urbem versus* et *ad urbem*. — Not. *tirones: ad urbem ire*, ergo et *ad Romam ire* f. *contendere*, non esse *in urbem ire*, sed *urbem versus* auf die Stadt zu gehen. *Romam ire* est nach Rom gehen h. e. velle intrare Romam: *ad Romam ire* auf Rom zu gehen, licet non velis intrare: ut adeo praepositio *ad* non frustra ponatur.

II) Praepositiones poni possunt pro substantivis nonnullis:

1) a ponitur saepe a) pro *a parte* f. *a partibus* auf der Seite, Parthe; v. c. *stare ab aliquo* es mit jemanden halten, auf seiner Seite seyn, est pro *stare a partibus alicujus*. Sic *a fronte* von vornen, *a tergo* von hinten etc., pro *a parte frontis, tergi*, auf der Seite der Stirn, des Rückens, proprie. Sic in aliis. b) pro *ratione* in Ansehung; v. c. *firmus a peditatu*, stark in Ansehung des Fußvolks; *ab omni re paratus* i. e. bereit, in Ansehung eines jeden Dinges, brevius mit allem versehen Et sic in aliis.

2) *ad* ponitur a) pro *in comparatione*, ut vulgo loquuntur; v. c. *nihil ad Persium* Cic. Or. II, 6 i. e. er ist nichts in Vergleichung mit dem Persius. Sic rectius quam: *in comparatione*, quod dicendum non est. b) pro *ratione* in Ansehung; v. c. Cic. Catil. I, 5 *Faciám id, quod est ad severitatem lenius et ad communem salutem utilius* h. e. *ratione severitatis, ratione communis salutis*; et sic *ad puto* in omnibus locis, ubi post adjectivum ponitur, explicandum esse, v. c. *hoc est ad fructum uberrimum, ad constantiam firmissimum, ad poenitentiam stabile*, h. e. *hoc est uberrimum ratione fructus, firmissimum ratione constantiae, stabile ratione poenitentiae*. Imo in illa

illa formula: *nihil ad Persium*, sic quoque explicari potest: *nichts in Ansehung des Persius* h. e. *in Vergleichung* s. *gegen den* etc. Item in aliis, ut forsitan ita notiones illius particulae paulo pauciores reddi possint. Et philologorum officium esse puto notiones vocabulorum potius pauciores reddere quam multiplicare.

3) *contra* gegen über pro e regione; v. c. *contra Italiam*, *contra Africam*, *Italien gegen über* etc.

4) de pro ratione s. quod attinet; v. c. de libro, quem a me poscis, scito, me illum a te non accepisse, in *Ansehung des Buchs* s. *was das Buch anbelangt* etc. Sic saepissime prisci; v. c. Cic. ad Div. I, ep. I §. 6 *Hortensii et mea et Luculli sententia cedit religioni de exercitu* i. e. *ratione exercitus*; II, ep. 17 §. 3 *De rationibus referendis*, non erat incommodum, te nullam referre, h. e. *quod ad rationes attinet* etc. III, ep. 12 §. 3 *De me autem suscipe paulisper meas partes*, et eum te esse finge, qui sum ego, h. e. *in Ansehung meiner* s. *was mich aber betrifft* etc. IIII, ep. 15 extr. *Quod de te sperare, de me praestare, possum*; de te, de me i. e. *ratione mei, tui*. Nos vero etiam hic dicimus: und das kann ich von dir hoffen, von mir gewiß versichern.

5) ex pro per occasionem, nach Masgebung, auf Veranlassung; v. c. Cic. ad Div. II, ep. 15 §. 2 *Quid si meam* (epistolam) legas, quam ego tunc ex tuis literis misi ad Appium? welchen ich auf Veranlassung deines Briefs an den Appius geschrieben habe. Planc. ep. ad Cic. in Epp. ad Div. X, ep. 4 in. *Gratissimae mihi tuae literae fuerunt, quas ex Furnii sermone te scripsisse animadverto* i. e. *auf Veranlassung der Worte des Furn.* Explicant alii secundum; quod fere eodem redit: at illud dilucidius puto.

6) pro ponitur a) pro loco anstatt, quod notum est factis; v. c. *misi mihi Homerum pro Virgilio* statt des Virgils; b) pro ad defensionem; v. c. *dicere pro aliquo* est dicere in defensionem alicujus, defendere oratione. Nil notius. V. c. Cicero dixit *pro Roscio* etc. *Oratio habita pro Murena* etc. Et ipsae hae orationes sic inscribuntur: *oratio pro Roscio, Cluentio, Archia, Milone* i. e. *Rede zur Vertheidigung des Roscius, Cluentius, Archias* etc.

7) prae ponitur libenter pro vulgari in comparatione; v. c. *licet sis miser, tamen prae me felix es*, so bist du doch glücklich gegen mich s. *in Vergleichung mit mir*. Conf. sequ.

III) Praepositio pro verbo et quidem fere participio, vel etiam adjectivo. V. c. *clam patre* i. e. *patre ignorante* s. *in scio*;

scio; coram rege hoc dixit i. e. rege praesente s. cum rex aderat; profectus sum Berolinum cum multis amicis, in Begleitung vieler Freunde pro comitantibus multis amicis. Amisi omnia, praeter libros i. e. libris exceptis; sum felix prae te i. e. sum felix, tecum comparatus s. si me tecum comparo, in Vergleichung mit dir, wenn ich mich mit dir vergleiche. — Cicero etiam cum posuit pro indutus. Verr. III, 24 In hac officina — cum tunica pulla sedere solebat et pallio, saß in der Werkstatt in einer schwarzen Weste. Ibid. c. 34 Erat admodum amplum et excelsum signum (Dianae) cum stola. Sic cum roga pulla, Cic. Vat. 13. — Add. per id bellum, per istas inducias pro dum bellum id gerebatur, dum istae induciae erant, während daß dieser Krieg geführt wurde, durante illo bello, währendes Waffenstillstandes. Sic sexcenties. Nostri tamen itidem: diesen Krieg hindurch etc.

III) Praepositio pro conjunctione. Hic notabo, cum saepe pro et poni possit; v. c. pater cum matre profectus est pro et mater; ego cum fratre id egi pro ego et frater. Haec commutatio interdum necessaria est, ut nimia frequentia particulae et vitetur; quae perspicuitati officere potest, ac simul suavitati.

SECT. VIII

De commutatione conjunctionum.

Conjunctiones commutari saepe solent:

I) *Inter se*; ubi haec dabo exempla:

I) *Et, ac, que, atque* inter se commutari possunt ac saepe debent perspicuitatis et suavitatis causa. V. c. et non repeti debet, nisi arctissime cohaeret cum priori et potestque utrumque explicari per *non solum sed etiam* s. *aeque ac, sowohl als auch*. Recte hinc dixit Cic. Rosc. Am. 8 in. Cum jam proscriptionis mentio nulla fieret, et cum etiam, qui antea metuerant, redirent, ac jam defunctos sese periculis arbitrantur etc. Recte pro et jam defunctos etc. Sic nolim dicere: pater et mater et vivunt adhuc et recte valent, sed pater ac mater etc., quia primum illud et cum sequentibus duobus non cohaeret; atque ita lectoris animum turbare possit. Omninoque omnis nimia frequentia istius particulae, ut omnium vocabulorum, vitanda est; v. c. non dixerim:

rim: hanc rem et omnes et docti et indocti et laudant et admirantur; nec ita; cum et cum viro et claro et docto locutus essem et vidissem, eum et mecum sentire et me amare, et gavisus sum valde et ei gaudium meum declaravi; nec ita: cum hanc egregiam rem et vidissem et pro dignitate laudassem, et miratus sum et alios posse eam improbare et te maxime, et valde dolui. Omnia per se recta: sed omne nimium vertitur in vitium; nec fieri potest, quin aliqua confusio oriatur. Hic itaque ac, atque, it. que immiscendum, vel alia mutatione utendum, v. c. cum hanc egregiam rem et vidissem et pro dignitate laudassem, tum miratus sum — tum valde dolui. — Prisci interdum peccant in nimis multiplicando *et* et; sed hoc imitandum non est. — Notandum quoque ac non debere poni ante vocalem, v. c. ac ille, ac ego; pro quibus v. c. dicendum atque ille, egoque etc.

2) At, verum, vero, autem sunt synonyma. At in primis usurpatur de re graviore, vel praecedentibus opposita: hinc in objectionibus: v. c. at hoc est fictum, pro objici possit, hoc fictum esse. — Notandum etiam neque vero libentius dici quam neque autem.

3) Aut et vel sunt eadem et usurpantur de diversis rebus, v. c. Pallas aut Iuno; penna vel mensa; — sive seu de eadem re diversi tantum nominis, v. c. Pallas seu Minerva, Apollo sive Phoebus.

4) Ut ne saepe pro ut non, v. c. Cic. Rosc. Am. 20 Verumtamen hoc ita necessarium est, ut ne plane illudamur ab accusatoribus.

5) Pro et, enuntiationi consecutionem effectumve praecedentium indicanti praefixa, saepe dici potest ut praecedente tam, ita; v. c. pro deus est valde benignus, et dat nobis beneficia quotidie etc. rectius dicitur: deus est tam benignus, ut nobis det etc. Sic vernacula: wie könnte ich so unhöflich seyn, und dir das abschlagen? Du bist so gütig gewesen, und hast mir das Buch geschickt: sey so gütig und hilf mir, ita verti debent: quomodo possim ita inhumanus esse, ut tibi hoc denegem? Tu tam benignus fuisti, ut mihi librum mitteres; sis tam benignus, ut opem mihi feras. Perperam hic dicatur: quomodo possim ita inhumanus esse et denegare etc. Tu fuisti tam benignus et misisti mihi etc. Sis tam benignus et feras etc. Hoc est theodisce, non latine, loqui.

6) Pro nam poni interdum potest ut, ad enuntiationes arctius copulandas, praecedente tantus, ita etc.; v. c. pro in magna versor perturbatione: nam nescio, quid faciam, quo confugiam etc. ita dici possit: in tanta perturbatione versor, ut,

ut, quid faciam, quo confugiam, nesciam. Multa loca priscorum, in quibus *ut* est, per *nam* explicari possunt, v. c. Caes. B. G. II, 27 in. *Horum adventu tanta rerum commutatio est facta, ut nostri etiam, qui vulneribus confecti procubuis- sent, scutis innixi, praelium redintegrarent, pro horum adventu magna rerum commutatio est facta: nam nostri — redintegrabant.* — At haec mutatio *tā* nam in *ut* tum demum fieri potest, cum aliquid indicatur, quod e praecedenti ortum sit. Neque ergo negandum, hoc posse quoque per *et* explicari, ut in praecedenti observatione: *horum adventu magna commutatio est facta, et nostri — redintegrabant;* ut vel hinc appateat, quam variis ex partibus locus aliquis considerari quamque varie, salvo tamen sensu, explicari vertique possit.

7) Pro itaque s. ergo poni potest interdum *ut*; v. c. *tam parum me amas, ut non mirari debeas, te* etc. pro *amas me parum: itaque non mirari debes;* — ac sine *tam, ita*: v. c. *Egregie rem egisti, ut facile appareat, quantum sapientia efficere possit pro itaque apparet* etc.: add. quae de commutatione *tā* *ut* cum hinc paulo post n. III, p. 370 3) dicuntur.

8) Pro quidem saepissime vel potius fere semper dicitur *etsi, quamquam, licet* etc.; v. c. pro *non possumus quidem omnia efficere; attamen omnes mentis nervos intendere debemus,* ita dicitur: *quamquam non omnia efficere possumus, tamen* etc. Sic millies Cicero, et omnes prisci; v. c. Cic. ad Div. V, ep. 16 in. *Etsi unus ex omnibus minime sum ad te consolandum accommodatus, quod tantum ex tuis molestiis cepi doloris, ut consolatione ipse egerem: tamen, cum longius a summi luctus acerbitate meus abesset dolor quam tuus, statui nostrae necessitudinis esse meaeque in te benevolentiae, non tace- re tantò in tuo moerore tamdiu* etc. pro *sum quidem* etc., *ich bin zwar unter allen am wenigsten geschickt, dich zu trösten, weil ich mich über dein Unglück so sehr betrübe, daß ich selbst Trost nöthig habe. Allein, da meine Betrübniß doch nicht so sehr heftig, als deine* etc. Sic ib. ep. 18 in. *Etsi egomet, qui te consolari cupio, consolandus ipse sum, propterea, quod nullam rem gravius jam diu tuli, quam incommodum tuum: tamen* etc. pro *egomet quidem — incommodum tuum; attamen* etc. Sic VI, ep. I est quater §. 1, 2, 3 et 4, ut appareat, quam studiosè Cicero *etsi* pro vulgari *quidem* ponere soleat. Nec quidquam est, quod magis tironibus, quam haec commutatio, commendandum videatur. Hinc saepissime *etsi, licet* etc. per *zwar* verti debet; et, quamquam interdum per *obschon* verti potest, tamen sunt loca, , ubi

ubi perspicuitas et ordo enuntiationum laeditur, nisi per zwar vertas; in primis ubi *postquam*, *cum*, aliave particula temporis vel etiam causalis praecessit, v. c. Cic. ad Div. III, ep. 6 in. *Cum meum factum cum tuo comparo, etsi non magis mihi faveo in nostra amicitia tuenda quam tibi: tamen multo magis meo facto delector quam tuo*, h. e. wann ich mein Betragen mit deinem vergleiche, so begünstige ich zwar bey Unterhaltung unserer Freundschaft mich nicht mehr als dich s. dich eben so wohl als mich (h. e. ich suche dich und mich so gut als möglich zu entschuldigen): aber ich muß doch bekennen, daß mir mein Betragen mehr gefällt als deines. Cicero, qui habebat, quod valde cum Appio conquereretur, humanissime ibi loquitur, illiusque factum inhumanissimum teste carpit. — Ibid. §. 2 *Cum ille mihi respondisset, nihil me tibi gratius facere posse, quam si ad Sidam navigassem; etsi minus dignitatis habebat ille adventus et ad multas res mihi minus erat aptus: tamen ita me dixi esse facturum*. Nec hic *etsi* verti potest obgleich, obschon, nisi omnia vis perturbare; sed sic vertendum: da er mir geantwortet hatte, daß ich dir keinen größern Gefallen thun könnte, als wenn ich nach Sida zu schiffete: so war zwar eine solche Ankunft (in die Provinz) mit nicht sonderlichem Ansehen verbunden, und paßte zu vielen Dingen nicht sonderlich; ich sagte aber dessen ungeachtet, daß ichs thun wollte.

9) *Etsi, tamen, quamquam, quamvis, licet*, sunt synonyma; interdum et pro iis *cum* da usurpari potest, in primis sequente tamen. V. c. *cum librum acceperit, tamen negat se accepisse*. Hic sive vertas da sive ob er gleich das Buch etc., res eodem redit. Cic. Rosc. Am. 22 *Haec cum sint omnia, tamen exstent oportet expressa sceleris vestigia etc.* i. e. obgleich dieß alles so ist s. obgleich alle diese Umstände vorhanden sind, so müssen doch deutliche Spuren des Vatermordes sichtbar seyn etc. Potest tamen etiam *cum* ibi verti wenn, ut contextus docet: wenn das auch alles so wäre s. wenn auch alle diese Umstände da wären etc., et forsitan ita rectius. — *Etiamsi* non est i. q. *quamquam*, sed est pro *si etiam wenn auch*; v. c. *facerem hoc, etiamsi scirem cum periculo conjunctum esse*, ich würde es thun, wenn ich auch wüßte, daß Gefahr dabey wäre. Prisci non facile dicunt *si etiam*. — Huc pertinet ut, quod supra c. 2 sect. 17 B, I p. 157 diximus esse non i. q. *etsi obgleich*, sed gesetzt daß. Interdum tamen ut et *etiamsi cum etsi, quamquam*, commutari posse patet, quia gesetzt daß, wenn auch, interdum est idem quod obgleich.

10) *Quodsi* pro *si* poni potest: at 1) requirit tum ante se interpunctionem maximam; 2) debet aliquid praecedere, cum quo quodam modo cohaereat. Sic et *quod nisi* saepe pro *nisi* ab initio periodi, praecedente sententia aliqua, cum qua cohaeret. Ergo vel ab initio libri, epistolae etc. vel in media sententia s. enuntiatione ponere stultum foret. Cf. supra p. 58 f) inprimis infra c. 9 sect. 4 n. II.

II) *Conjunctio* pro verbo: 1) *nisi*, praecedente vocabulo negativo, v. c. *nihil habes, nisi domum, du hast weiter nichts als das Haus*, pro *excepta domo*. *Nemo hoc efficere potuit, nisi pater, als der Vater*, pro *excepto patre* s. *si patrem excipis, si a patre discesseris*. 2) *ut* pro *fac, pone, finge, faciamus, ponamus, fingamus*, i. e. *gesetzt* s. *wir wollen einmal setzen*, v. c. *ut istud se habeat, tamen pauci erunt, qui credant, gesetzt, dieß verhielte sich auch so, so werden es doch wenigé glauben: ut habeas omnes divitias terrae, tamen per eas neque ingenium neque doctrinam tibi comparare possis, gesetzt, du hättest alle Reichthümer der Welt, so würdest du dir doch nicht durch sie können etc.*

III) *Conjunctio* pro adverbio. V. c.

1) *Neque* pro *non*, ab initio totius sententiae; de quo supra c. 7 sect. 3 n. II p. 297 b): v. c. *neque vero, neque enim, neque tamen*.

2) *Et duplicatum* pro *non solum sed etiam*; it. *cum tum* s. *tum tum*. Cf. c. 7 sect. 1 n. I, p. 281 1).

3) In primis huc pertinet *ut* pro *hinc, unde, inde*, v. c. verba haec: *frater tuus felici est ingenio: hinc non mirum, eum alios doctrina superasse*, ita commutantur: *frater tuus est felici ingenio, ut non mirum sit etc.*, vel addito *tam*: *est tam felici ingenio, ut etc.* Hic usus est apud priscos frequentissimus, vel praecedente *ita, tantus, talis*, vel sine his vocabulis. V. c. a) praecedentibus iis, Caes. B. G. II, 6 *tanta multitudo lapides — jaciebant, ut in muro consistendi potestas esset nulli*, pro *magna multitudo lapides jaciebant: hinc in muro consistendi potestas erat nulli, daher konnte man nicht mehr auf der Mauer stehen bleiben*. Ibid. c. 35 in. *His rebus gestis, omni Gallia pacata, tanta hujus belli ad barbaros opinio perlata est, ut ab nationibus, quae trans Rhenum incolerent, mitterentur legati ad Caesarem etc.*, pro *magna — opinio perlata est: hinc s. unde ab nationibus — mittebantur legati etc.* It. VI, 41 in. *ac tantus fuit etiam post discessum hostium terror, ut ea nocte, cum C. Volusenus missus cum equi-*

equitatu ad castra venisset, fidem non faceret, adesse cum incolumi Caesarem exercitu, pro ac magnus fuit — terror: hinc — fidem non faciebat etc. At in omnibus his locis ut melius est quam istud hinc, quia connexio arctior fit. b) sine ita, tantus etc. Cic. ad Div. III, ep. 6 §. 7 Considera nunc vicissim tuum (factum). Non modo ibi non fuisti, ubi me quam primum videre posses, sed eo discessisti, quo ego te ne persequi quidem possem triginta diebus, qui tibi — constituti essent: ut tuum factum, qui, quo animo inter nos simus, ignorant, alieni hominis, ut levissime dicam, et fugientis congressum, meum vero conjunctissimi et amicissimi esse videatur, pro hinc tuum factum etc., daher dein Betragen denen, die unsere Gesinnung gegen einander nicht kennen, als ein Betragen eines unfreundschaftlichen und unsere Zusammenkunft fliehenden Mannes — vorkommen möchte. Marcell. 6 quos cives amissimus, eos Martis vis perculit, non ira victoriae: ut dubitare debeat nemo, quin multos, si fieri posset, C. Caesar ab inferis excitaret, pro hinc, unde s. quare, dubitare debet nemo etc., daher darf niemand zweifeln etc. Offic. I, 26 itaque alter (Philippus rex Maced.) semper magnus, alter (Alexander filius) saepe turpissimus fuit: ut recte praecipere videantur, qui monent, ut, quanto superiores simus (sic Edit. Ern., Aliae sumus), tanto nos geramus submissius, pro hinc recte praecipere videntur, daher scheint die Regel derer richtig zu seyn, daher scheinen diejenigen Recht zu haben etc. Vident hic tirones, quam multiplex usus particulae ut esse possit, et quam praeclare serviat arctiori connexioni: hinc jam supra c. 7 sect. 2 n. III, p. 291 de ea dictum est.

SECT. VIII

De commutatione interjectionum.

Interjectiones etiam, ut vulgo saltem vocantur (vulgaria enim nomina hic servanda sunt), interdum pro aliis vocabulis poni possunt. V. c. o me miserum! pro quam miser ego sum! s. nonne sum miser? O hominem crudelem! pro quam crudelis homo hic est! Et vernacula wie gütig ist Gott! wie schrecklich den Menschen der Tod! gravius ita vertuntur: o deum benignum, benignissimum! o mortem hominibus terribilem! sic o hominem in ultimas terras deportandum! est graviter dictum pro: nonne hic

homo dignus est, qui deportetur in etc. — Add. *heus pro audi*; quod est nostrum *he* f. *heh*; hinc et apparet, priscos non pronuntiasse *hais*, ut nos, sed ita, ut *e* audiretur.

Haec haecenus. Plures commutationes vocabulorum lector in priscis ipse investigabit et facile comprehendet.

SECT. X

De fontibus quibusdam commutationis vocabulorum.

Addam aliquot genera f. fontes istius commutationis, ut, si forte vocabulum aliquod non statim in mentem veniat, aliud, et interdum aptius, sumere queamus. Numerus istorum fontium, ut puto, facile augeri a quolibet poterit:

I) Saepe poni potest *duplex negatio* pro *vocabulo affirmante*: v. c. *non indoctus* pro *doctus*: *non inferior* pro *par* vel etiam *superior*: *non par* pro *inferior* vel *superior*: *non obscurus* pro *clarus*, *celeber*: *non contemnendus* pro *magni faciendus*, *praeclarus*: *non est obscurum* pro *est manifestum*, *apertum*: *non nescio* f. *non ignoro* pro *scio*: *non nemo* pro *aliquis* *jemand* vel *aliquot*, *mancher*: *nemo non* pro *omnes*: *nonnulli* pro *aliquot*: *nonnunquam* pro *interdum*: *nunquam non* pro *semper*: *non nihil* pro *aliquid*: *nihil non* pro *omne*: *non semel* pro *saepe*: *nusquam non* pro *ubique*: *haud scio an* f. *nescio an* pro *puto*: *non dubito quin* pro *certo credo* f. *mihi persuadeo*: *non oblitus sum* pro *recordor*: *non recordor* pro *oblitus sum*: *haud immemor* pro *memor*: *haud ingratus* pro *gratus*: *non pauci* pro *multi*: *non multi* pro *pauci*: *non veto* f. *prohibeo* etc. pro *concedo*, *patior*: *non concedo* f. *patior* pro *veto*, *impedio* etc.: *non perdidici rem* pro *conseravi*: *non sperno* pro *amo*, *cupio*, *accipio*, v. c. *munus* etc.: *non odi* pro *amo*: *non amo* pro *odi*: *non parco vitae alicujus* pro *interficio*: *non negligo officium* pro *satisfacio officio*: *non prodeco in forum* pro *contineo me domi*: *non difficile est* pro *facile est*: *non inhumanus est* pro *humanus est*: *non poenitet me sortis meae* pro *contentus sum sorte mea*: *non displicet* pro *placet*: *non sine* pro *cum* saepissime dicitur, v. c. *non sine laude rem gessit* pro *cum laude*, et notandum saepe

cum

cum non poni posse, at semper non sine, v. c. non dixerim: haec res cum prudentia gesta est, sed potius: non sine prudentia vel prudenter etc.

Notandum hic:

a) Interdum negative dicta plus valere affirmative dictis, quod e contextu solo dijudicandum, v. c. *non inferior* potest etiam *superior* esse, *non indoctus* pro *valde docto* poni, quae litotes vocatur. V. c. Livius vocat Polybium *non spernendum auctorem* h. e. *maximae fidei et gravitatis*. Sulpic. ad Cic. in Epp. ad Div. III, ep. 12 in. *etsi scio non jucundissimum nuntium me allaturum*, h. e. *tristem*, ut nostri: *nicht die angenehmste Nachricht*: sic *homo non beatissimus*, *nicht der glücklichste, wohlhabendste, reichste Mann*, i. e. *pauper*: sic Nep. Agef. 8. Verba sunt: *ut hominis non beatissimi suspicionem praeberet*. — At in his omnibus equidem puto semper esse ad verba vertendum: *kein zu verachtender Schriftsteller, Erzähler, Gewährmann, nicht die angenehmste Nachricht; nicht der wohlhabendste, reichste*: ut ironia vel litotes sentiantur. Nam quisque sentit, non idem plane esse, five negative five affirmative exprimas: et multum suavitatis et gravitatis peribit, si omnia negative dicta affirmative explicemus ac vertamus. Cui bono est litotes, si eam non servamus et vernacule reddimus? Nam, si vere judicamus, nihil verborum ita commutari potest, ut non simul notiones ipsae paululum permulentur. Ergo in omni commutatione opus est iudicio. Et omnes istas commutationes, quae hoc toto capite continentur, non posui hoc consilio, ut statim arripiantur et ubique usurpentur, sed ut, si opus sit, in mentem facilius veniant.

b) Interdum verecundiae causa, ubi de nobismet ipsis loquimur, negative loqui potius solemus, quam affirmative: v. c. *non equidem sum stultissimus, indoctissimus pro sum sapiens, doctus*. At quisque videt illud minus dicere, ac minus simul intelligi velle, quam hoc. Sic Corydon pastor ille ap. Virg. Ecl. II, 25 ad se Alexidi puero, cuius amore flagrabat, commendandum cum magna venustate (i. e. *Artigkeit, Galanterie*) et modestia dicit: *non sum adeo informis* i. e. *ich bin eben nicht so gar ungestaltet*. Quis hic dicat dictum esse pro *formosus*? — Interdum ad modestiam augendam additur fortasse, v. c. Cic. ad Div. I, ep. 9 §. 4 *Sed certe et ego te auctore amicissimo ac sapientissimo, et tu me consiliario for-*

rasse non imperitissimo, fideli quidem et benevolo certe usus esses. Modestius non imperitissimo pro prudenti.

c) Interdum negative loqui cogimur, quia affirmative loqui non possumus, h. e. quia vocabulum affirmativum deest, vel non usitatum est, vel confusionem parit: v. c. *non facile* adverb. pro *difficulter* dici debet, quia hoc non in usu est: v. c. *non facile istud impetrabis a patre, du wirst es schwerlich vom Vater erlangen* s. *erbitten*. Sic *non sine* pro *cum* saepe dici debere, ante monitum est. Hoc fit ob perspicuitatem: v. c. *non sine causa hoc dico, ich sage das mit Grund* s. *Ursache*, rectius quam *cum causa*: *non sine voluntate patris id egit, er hat es mit Willen des Vaters gethan*; hic male dicatur: *cum voluntate*. Rem *non sine prudentia, calliditate, egit er hat die Sache mit Klugheit, List, betrieben, gethan*. Hinc in fronte librorum, qui *cum privilegio quodam regis* eduntur, rectius inscribatur: *non sine privilegio* (si hoc vocabulum retineri debet) quam *cum privilegio*. Illud rationi priscorum convenientius quam hoc.

II) Saepe poni potest *antecedens* pro *consequente*: v. c. *subire* i. e. *sich unterziehen* saepissime pro *suscipere, sustinere, perferre*, quia, qui onus subit, is illud quoque suscipit et perfert, sic et nos *sich unterziehen einer Sache* pro *über sich nehmen*: *clavum tenere das Steuerruder halten* pro *regere*, de republica dictum Cic. ad Div. VIII, ep. 15 §. 10: *pendere* *wägen* pro *judicare beurtheilen* saepissime, ut nos *erwägen*. Sic et *metiri* pro eodem, ut nos *ermessen, abmessen*, v. c. *omnia quaestu*, Cic. Phil. II, 43. Sic *petasatus den Reisehut aufhabend* pro *paratus ad iter, reisefertig*. Cic. ad Div. XV, ep. 17 in.: *vixit pro mortuus est*: *alicui vale dicere* seu *jubere aliquem valere* pro *discedere*. Cic. ad Attic. V, ep. 2 illum — *salutavi, postea jam jussi valere, machte ihm mein Compliment und ging von ihm fort*, sic nostri *Abschied nehmen, sich empfehlen* pro *fortgehen von jemand*: *occurrere entgegen gehen* saepe pro *mederi* v. c. *satietati*, Cic. Verr. III, 47. it. pro *juvare sponse*, v. c. *supplicibus*, Cic. Deiot. 14: *patere* *offen stehen* pro *parata esse ad usum* zu *Diensten stehen* saepe, v. c. Cic. ad Div. VI, ep. 10 §. 9 *ut intelligant, omnia Ciceronis* (i. e. mea) *patere Trebiano*: *mittere int. nuntium* pro *nuntiare, certiore facere*, saepe, v. c. Cic. ad Div. XI, ep. 8 in. *Polla tua misit, ut ad te — darem etc.* *Judicium principis* saepe potest dici pro *munere* s. *honoribus*, v. c. *gratulor tibi de judicio regis* pro *de munere a rege accepto*; sic et in verbis; v. c. *gratulor mihi, quod tam honorifice de me sentire* s. *judicare voluisti,*

voluisti, h. e. istud munus mihi offerre voluisti. Sic apud priscos de exercitu dicitur, conferre signa pro pugnare, ein f rmliches Treffen halten s. liefern, proprie die Fahnen zusammen sto en lassen; signa inferre, proprie die Fahnen hinein (scil. ins feindliche Heer) tragen, pro invadere, angreifen; signa convellere, proprie die Fahnen herausrei en scil. e terra, pro abire, castra movere; signa convertere pro in aliam partem tendere, eine Wendung nehmen, den Marsch anders wohin richten.

III) In primis consequens saepe ponitur pro antecedente, v. c. beati apud nos dici possunt pro mortui: redemptus ausget pro captus, captivus. Sic Cic. Manil. 12 Qui ad vos ab exteris nationibus venirent, captos querar, cum legati populi romani redempti sint? quod gravius dictum: indicat non modo captos sed etiam coactos esse se redimere: quod majori dedecori est populo romano: poterant enim per errorem capi, at ob reverentiam a praedonibus dimitti. Nep. de Attico ait c. 17 eum nunquam cum matre in gratiam rediisse pro nunquam offendisse matrem, nunquam inimicitiam cum matre habuisse. At hoc paulo obscurius dictum est, et ob ambiguitatem non ubique quadrat, sed tantum, ubi contextus permittit. Plaut. Capt. III, 4, 14 hic — me nunquam irridebit pro non me decipiet, quia homines pravi eum, quem decipere, solent irridere. Cic. ad Div. XV, ep. 17, extr. ego nunquam quemquam ad te, cum sciam, sine meis literis ire patiar pro ego omni occasione ad te scribam. Sic plura commutari queunt, v. c. audiui dici potest pro narratum mihi est. magnam tibi habeo gratiam pro multa vel magna beneficia mihi tribuisti vel accepi abs te. Sic de magno viro: ornat nostram urbem s. ornamento est nostrae urbi pro habitat in nostra urbe. Sic: nondum adspectu patris tui me exhilarare vel frui potui, nondum libri lectione frui potui, pro nondum vidi patrem tuum, nondum librum legi. Sic: careo facultate aliis bene facienti, de aliis bene merendi, pro sum pauper, careo divitiis: it. non careo facultate multorum felicitatis adjuvandae pro sum dives. Sic: Cajus donavit nos vel eruditos libro egregio pro scripsit librum egregium. Et sic centies. — In primis pro mori variis commutationibus uti licet, v. c. a) de amico: ereptus nobis est, caremus ejus adspectu, amplexu, consuetudine etc., desit nos dulci sermone recreare etc., abiit in locum melioris conditionis etc. b) de viro erudito: non amplius ornat hanc academiam, urbem etc. s. desit ornare hanc urbem etc., magnam jacturam fecit respublica literaria, grave vulnus nobis inflixit mors ejus, omnes

sentimus istam calamitatem. c) de improbo: *liberati sumus hac peste, hoc homine capitali* s. pernicioso: *definit nostram quietem turbare: non amplius est, quod illum timeamus: abiit ad sui similes etc.* In quibus omnibus consequens notio pro antecedente ponitur.

III) *Causa pro effectu.* V. c. *Mars pro bello* interdum dici potest, v. c. *vis Martis, saevitia Martis, perculit etc.* *Venus pro gratia, venustate, it. pro concubitu* per modestiam saepe dici potest: interdum *ferrum pro gladio, aurum pro aureis numis vel vasis*, ut et *argentum.* — *Ingenium* pro cogitationibus acutis witzige Einfälle saepe dicitur, v. c. *admirabantur ejus ingenium* sie bewunderten seine witzigen Einfälle, *delector tuo ingenio etc.* — Sic *mens* pro cogitationibus millies dicitur: v. c. *mentem meam tibi declarabo* ich will dir meine Gedanken sagen etc. *Anima* pro vita, *scriptor* pro *ejus scriptis*, *poeta* pro *carminibus ejus*, v. c. *legi Hagedornium.* *Mobilis, levis*, saepe pro *inconstans.* — *Antiquus* pro *praecepius*, v. c. *nihil mihi est antiquius tua amicitia* nichts ist mir vorzüglicher, schätzbarer, als deine Freundschaft. Sic Cic. ad Div. XI, ep. 2 §. 2 *nec habui quidquam antiquius, quam ut Pansam convenirem* h. e. Ich hielt nichts für wichtiger, als den Pansa zu sprechen, meine erste Sache war mit ihm zu reden. Lepid. ad Cic. in Epp. Cic. ad Div. X, ep. 35 *testor deos, quam nihil antiquius communi salute ac libertate judicavim* i. e. daß ich nichts für wichtiger gehalten, nichts mehr geschätzt habe, als etc. — *Proprium* interdum pro *constans* dauerhaft, quia, quae nobis propria sunt, ea constanter nobis manent, vid. Cic. Manil. 16, ubi jungitur *proprium* et *perpetuum.* Verba sunt: *quod* (loquitur de Pompeji fortuna) *ut illi proprium ac perpetuum sit,* — *velle et optare debetis:* proprie est *eigenthümlich.* Pertinet huc *meminisse* pro *gratum esse*, it. pro *gratificari* alicui omni ratione, v. c. Cic. ad Div. XV, ep. 17 extr. est pro *epistolam mittere* alicui. Verba sunt: *et amabo* (h. e. sey so gut) *cum dabis posthac aliquid domum literarum, mei memineris,* denke an mich h. e. schreibe mir. Ac sic plura.

V) *Effectus pro causa* saepe poni potest, v. c. *cadere* pro *interfici in praelio:* sic *condemnare* de accusatore dicitur, quia *condemnatio* est *effectus accusationis legitimae:* sic *ejicere urbe* de accusatore itidem ap. Ciceronem dicitur pro *efficere, ut aliquis ejiciatur:* sic *necessitas* die Unvermeidlichkeit, Unveränderlichkeit, potest interdum pro *natura* poni, quia est hujus effectus; at propterea non per se notat *naturam*, et contextus debet esse accommodatus: sic et *necessesse* est

est es ist natürlich: sic vide, ne lacrymae tuo nomini, tuae dignitari, officiant pro noli flere: sic parcere pro ignoscere: nam, qui ignovit inimico, is huic deinde parcit.

VI) Pertinent huc aliae locutiones *metonymicae*, v. c. a) *continens* pro *contento*: *urbs laetatur pro homines: domus pro familia: domum curavit sic hat das Haus besorgt i. e. res domesticas: sic literae proprie Buchstaben pro doctrina*, quia olim omnis doctrina romana, h. e. philosophia, e *libris philosophorum* discebatur, iisque continebatur; ob eandemque causam *literae* pro *epistola*. b) *signum* pro *signato*, v. c. *sceptrum* pro *regno*: ap. Romanos *toga* pro *pace*, *fascis* pro *imperio* etc., quae hodie de nostris rebus usurpare non licet. Sic et *laurea* de *victoria*, quia apud priscos usus *laureae* proprie erat, qui nunc non amplius est.

VII) Pertinent huc *synecdochicae* locutiones, ut dicamus, v. c. modo *pater est sepultus*, modo *patris corpus est sepultum*, offendere alicujus animum et aliquem. Nam variatio est suavis.

VIII) Pertinent huc *metaphoricae* locutiones, v. c. *ignis* de *amore magno*, *fons* pro *causa*, *malum serpit breitet sich aus*, it. manat, ut Cic. ad Div. XII, ep. I §. 2 *Manabat enim illud malum urbanum et ita corroborabatur* etc. *Projicere wegwerfen* pro *vili pretio res vendere* Cic. ad Div. XIII, ep. 2 §. 8 *etiamne reliquias tuas misera projicies?* nostri dicunt *verschleudern*, *wegwerfen*, v. c. *es ist ordentlich weggeworfen*, *weggeschmissen*; eodem tropo. *Abstergere metum* pro *demere plane*, Cic. ad Div. VIII, ep. 16 §. 22 *volo enim abstergere animi tui metum*, *ich will dir nur deine Furcht benehmen*. Sic saepius: it. *abstergere molestias*, Cic. Senect. I *ut non modo omnes absterferit senectutis molestias* etc. De hoc ceterisque tropis jam supra dictum.

VIII) *Genus* pro *specie* millies, ut in omnibus linguis, ita in latina poni solet. Qua de re etsi inter tropos dici solet et supra dictum est, tamen hic repeti ac simul exemplis illustrari mereretur. Inter alia notabo tantum haec:

I) *Commodare* pro *leihen* notum est: at proprie est *gratificari gefällig seyn*, *jemand einen Gefallen thun*, *dienen*, quocunque modo fiat; ac saepe sic occurrit, v. c. Cic. ad Div. III, ep. 3 §. 3 *velim tibi curae sit, ut, quae successor — commodare potest is, qui provinciam tradit, ea etc.*, h. e. *was einem Nachfolger derjenige zu Gefallen thun kann, welcher die Provinz etc.* XIII, ep. 41 in. *Quae fecisti Lucceji causa, scire te plane volo, te homini gratissimo commodasse*, ac saepius.

2) *Vivere cum aliquo* pro *uti aliquo*, mit einem umgehen, saepe dicitur.

3) *Appellare debitorem* pro *poscere debitum mahnen*: proprie enim est in universum anroden, quacunque de causa fiat.

4) *Dicere* sagen, reden, millies pro *orationem habere* v. c. ad populum.

5) *Accipere* empfangen pro *discere*, quia in discendo aliquid accipimus a magistro. Sic *tradere* übergeben pro *docere*.

6) *Adesse alicui*, einem gegenwärtig seyn, saepissime pro *opem ferre*, adjuvare, dienen, ut *desse nicht dienen*.

7) *Afferre* pro *nuntiare*: sic Cic. ad Div. X, ep. 20 in. *Ita erant omnia, quae istinc afferebantur*, incerta i. e. alle Nachrichten aus deiner Gegend sind so ungewiß etc.

8) *Curare* propr. besorgen pro *sanare* notum est.

9) *Decedere* fortgehen pro *mori* saepissime.

10) *Satisfacere* propr. *facere tantum, quantum alter jure postulare potest*, jemand befriedigen, Genüge leisten; saepissime pro *solvere debitum* bezahlen; it. pro *se defendere*, *excusare alicui*. Hae tres notiones fluunt e priori, vel sunt potius tantum quasi applicationes ejus ad certa genera satisfaciendi. Nostri etiam vocabulo generis utentes dicunt *jemand befriedigen* pro *bezahlen*.

11) *Quiescere* ruhen pro *dormire* notum, sic et in vernacula de dormiente dicitur: *er ruhet*.

12) *Honorem habere alicui* propr. *eine Ehre anthun*, erweisen, pro *praemiis aliquem afficere*: omne enim praemium est species honoris. Sic Cic. ad Div. XVI, ep. 9 §. 6 *Curio misi (i. e. scripsi), ut medico honos haberetur i. e. ut ei praemium daretur*. Sic et *commoda* pro *praemiis*.

13) *Otium* Ruhe pro *pace*: sic et nos: *es ist nun Ruhe im Lande* i. e. Friede. Hinc *otiosi* ap. Ciceronem pro iis ponuntur, qui *neutraram partium sunt, welche neutral sind*: quia hi in otio i. e. in pace vivunt.

14) *Tempus* saepe pro *occasione* s. *tempore opportuno*, apto, v. c. ad Div. X, ep. 5 §. 9 *cujus — gratiae gloriaeque cave tempus amittas* h. e. *occasionem*: sic et nos; — it. pro *incommodis, laboribus*, Noth, v. c. *Processe*: sic Cic. Manil. I.

15) *Honores* proprie alle Art von Ehren saepissime pro *muneribus honorifico*, Ehrenamt.

16) *Fabula*, propr. Erzählung s. eine Geschichte five vera five ficta, pro *tragoedia* et *comoedia*, quae duae sunt species *fabulae*.

17) *Mortales* pro *hominibus*. Et innumera alia, si quis attendere et singula e suis fontibus derivare volet.

X) In primis huc pertinet conversio relationis notionum, v. c. *filius pro patre et patris pro filio, dare pro accipere et contra etc.* Hic fons est longe uberrimus. Exempla pauca dabo. Commutari inter se possunt

1) *Tu es meus filius et ego sum tuus pater; velim tuus filius esse et velim te patre uti; it. tu instar patris mihi fuisti et me pro filio habuisti, tractasti ut filium etc.*

2) *Molestum est tali servo uti et molestum est talis hominis herum esse.*

3) *Donasti me libro et accepi abs te librum s. donatus sum abs te libro.*

4) *Tu mihi non scripsisti et nihil literarum a te accepi, it. nullam literam etc., at hoc gravius: sic Cic. ad Div. XV, ep. 16 in. Puto te jam suppuere, cum haec tertia jam epistola ante te oppressit, quam tu scidulam (h. e. fere Billet) aut literam: et ad Attic. XIII, 39 neque diu absuit, neque ullam literam ad me, intell. scripsit s. dedit: sic et nos: er hat nicht einen Buchstaben an mich geschrieben, quod gravius est quam er hat keinen Brief geschrieben.*

5) *Servire et dominum s. herum habere.* Sic Cic. ad Div. XV, ep. 18 §. 2 *Mea (int. philosophia) molesta est: pudet enim servire h. e. dominum habere.* Nil aliud intelligitur. Romani tum, in primis Pompejani, nolébant Caesarem dominum habere, sed cupiebant aequo jure uti.

6) *Cajus mihi vendidit domum et emi domum a Cajo s. Caji.*

7) *Fui ejus discipulus et ille fuit meus magister s. erudit me etc.*

8) *Lauro convivio vos excepit et laute epulari estis apud eum.*

9) *Magnis beneficiis me ornasti, affecisti, et ego magna beneficia abs te accepi, ornatus sum magnis etc.*

10) *Paucas abs te epistolas accepi et tu paucas epistolas ad me misisti, dedisti.*

11) *Tu es me superior et ego te sum inferior.* Sic omnes homines sunt longe inferiores deo et deus est omnibus hominibus longe superior. Ac sic millies variari potest: tenendum tamen, interdum hanc interdum illam relationem magis contextui convenire etc.

XI) Est et aliud genus commutationis perspicuitati et gravitati valde serviens, quando pro vocabulo, quo dicitur res facta esse, aliud ponitur vocabulum, quo simul *modus, forma, et qualitas* rei indicatur: v. c. *puteum deprimere pro facere s. fodere, quasi deprimendo facere: sic contorquere hastam*

hastam pro vi conicere, quasi torquendo jacere. Rarius tamen profaici: at saepissime poetae. — Loquor hic etiam tantum de singulis verbis, non de copiosa rei descriptione: haec enim ad copiam dicendi referenda. — Pertinet tamen istuc Cic. in Pison. 6 — respondes, altero ad frontem sublato, altero ad mentum depresso supercilio: ubi sublato et depresso accuratius dicta pro vulgari: tracto, vergente, extenso vel simili.

XII) Est et variatio per deminutiva, v. c. *literulae pro literae* ap. Cic. ad Div. V, ep. 21 §. 5 *Itaque utor eodem perfugio, quo tibi utendum censeo, literalis nostris pro literis, per modestiam: sic XVI, ep. 10 §. 3 Literulae meae sive nostrae* (loquitur cum Tirone) *tui desiderio oblanguerunt, i. e. Literae nostrae Unser Studiren etc. Sic ingeniolum meum ob modestiam dicimus etc.*

XIII) Est et variatio per proverbia: v. c. *oleum et operam perdere pro frustra laborem impendere: homo non semissis pro homo vilis contemnuque dignus: Andabatarum more pugnare etc. — Sed quaeritur, quatenus priscorum proverbia hodie usurpare liceat. Proverbia sunt certarum plerumque tantum nationum; singulae habent sua. Hinc usum proverbiorum romanorum apud nos Germanos rarum esse debere crediderim; et non nisi in maxime notis concedendum.*

XIII) Est et variatio per *pleonasmum*, sed *verum* h. e. ubi vere vocabulum redundat et aequè rectè sine isto pleonasmò dici poterat, v. c. *interea temporis pro interea*, et per *ellipsis* *veram* h. e. ubi vere vocabulum deest, v. c. *paucis dicam*, int. *verbis*, ut nos *ich wills mit wenigen sagen*, int. *Worten. — De utraque re infra dicetur; de pleonasmò in capite de copia, et de ellipsi in cap. de brevitate dicendi. Alius est pleonasmus vel ellipsis ex animi permotione oriens atque hanc indicans.*

XV) In primis huc pertinet variatio per *circumscriptionem* pro uno vocabulo, v. c. *qui audiunt pro auditores: qui nos genuerunt pro nostri parentes*, quae saepe etiam necessaria est, quia Latini saepe non habent unum vocabulum, quo exprimere possint unum vocabulum Germanorum, atque ita pluribus reddere coguntur, vel id vocabulum tale est, ut, quia non est aureae aetatis, eo nolimus uti, v. c. *vernünftig* *rationi consentaneus, unmöglich quod fieri non potest, sic thunlich, faßlich, vernehmlich, unwiderstehlich etc. De hac circumscriptione infra in Cap. de copia dicendi loquemur.*

SECT. XI

De variatione constructionis grammaticae.

Est etiam variatio vocabulorum in constructione grammatica. V. c.

- 1) *Sum doctior patre et quam pater*, utrumque recte: neutrum elegantius, prius tantum est brevius dictum.
- 2) *Dignus qui laudetur, laude et laudis*, posterius est paulo rarius.
- 3) *Egeo et indigeo* cum ablat. et genitivo.
- 4) *Opus est mihi libro et liber*. Sic *opus est mihi libris et opus sunt mihi libri*. De ea re supra p. 144, 2 est dictum.
- 5) *Referre in deos, inter deos et in diis*, recte dicuntur.
- 6) *Poenitet me facti et fecisse*.
- 7) *Donare alicui librum et donare aliquem libro*, ut nos: *einem ein Buch schenken, einen beschenken mit* etc.
- 8) *Praeire verba et verbis vorbethen, vorsagen*, ut alter repetat, illud est frequentius.
- 9) *Ea res et id rei* etc. Sic *multum tempus et temporis*, hoc est usitatus.
- 10) *Adire patrem et ad patrem* etc.
- 11) *Antecedere alicui et aliquem* etc.
- 12) *Sequitur ut*, et seq. accus. c. infin. Sic *oportet discas et te discere* etc.
- 13) *Venit, ut te videret, te visurus, tui* s. *te videndi causa, ad te videndum*. Haec plane eadem sunt; it. *te visum*: at supinis rarius utuntur prisca.
- 14) *Habere aliquem pro docto et doctum*.
- 15) *Inter Graecos doctissimus, in Graecis, Graecorum doctissimus*.
- 16) *Spero patrem venturum et fore ut pater veniat*. Haec sunt eadem. Neque enim tantum haec periphrasis in verbis carentibus supino sed et in aliis saepissime usurpatur, v. c. Cic. ad Div. VI, ep. 13 §. 2 *Postea vero quam magnam spem habere coepi fore, ut te brevi tempore incolumem haberemus*: ubi dicere pari jure poterat nos te — habituros esse. Ac sic saepius. Haec haecenus.

At tirones ad hanc variationem nonnulla referunt, quae eo non pertinent, v. c.

- 1) *Pridie Kalendas, Nonas, Idus et pridie Kalendarum, Nonarum, Iduum*. At prius magis probant eruditi. Deinde alii dicunt *Kalendae, Nonae, Idus Maji, Novembris*; alii *Kalendulae,*

Kalendae, Nonae, Idus Majae, Novembres etc.: posterius praeferendum putant eruditiores, quia nomina mentium adjectiva proprie sunt, v. c. *Ianuarius, a, um, Aprilis, e*: hinc dicendum v. c. *Pridie Kalendas Majas, Iunias, Apriles, Novembres*: *pridie Nonas, Idus, Martias, Septembres* etc.

2) *Potiri* cum genitivo, accusativo et ablativo. At semper ablativus praeferendus praeter hanc formam *potiri rerum*, h. e. *imperium consequi*, die *Oberherrschaft* s. *die höchste Gewalt erlangen vel haben*, hic *res* notant *republicam vel summam potestatem, imperium*. — At si *res* vulgarem notionem habet, *Dinge, Sachen*, perspicuitatis causa malim ablativum ponere; v. c. hoc: *ich habe mich meiner Sachen, die mir genommen waren, bemächtigt*, verterim: *potitus sum rebus*, non *rerum*: quamquam nec hoc per se falsum foret. Nam, si verterem *potitus sum rerum*, posset aliquis lectorum de *summa potestate* intelligere.

CAP. VIII

De copia dicendi s. verborum.

C*opia dicendi s. verborum*, si recte omnibusque ex partibus consideratur, nititur fere omnis eloquentia Ciceronis. Sed quia hic non oratorem proprie, nedum romanum, fingimus, sed ad omne genus bene latine scribendi dicendique respicimus: arctioribus nos limitibus includemus ac non nisi tantum, quantum in universum prodesse possit, atque ita de *copia verborum universa* dicemus.

SECT. I

Quid sit copia verborum ista?

Copia verborum s. copia dicendi, ut Cicer. Or. II, 25 prope fin. vocatur, it. *ubertas in dicendo*, ut dicitur ibid. I, 12 in. (nos possumus vocare *die Ausführlichkeit*, interdum *Weitläufigkeit*, it. *Reichthum in der Ausführung und im Ausdrücke*), cernitur, si summatim loqui volumus,

lumen, *duabus* in rebus, 1) in eo, ut pro uno vocabulo duo vel plura ponantur, 2) in eo, ut pro una enuntiatione s. propositione (*Satz*) duae vel plures adhibeantur. —

Not. Ad enuntiationes referri possunt quoque ac debent argumenta, et argumentationes, similitudines, testimonia, exempla: quae omnia si late copioseque enuntiantur, ac multis interjectis aliis enuntiationibus, quarum altera ex altera fluit, ita illustrantur et explicantur, ut illorum v. c. argumentorum etc. natura, utilitas, magnitudo ac pondus non modo plane perspiciatur sed etiam recte sentiatur, nonne hinc copia dicendi potest dici eloquentia universa cerni vel ipsa eloquentia esse?

At haec commutatio verborum copiosa s. copia dicendi non ubique est adhibenda: inepta enim ac frigida saepissime foret, sed tantum, quando contextus idearumque ratio postulat: hoc est 1) *primum*, quando notio aliqua, verbis explicanda, est ejusmodi, ut in ea paulo diutius versari debeat, atque ita uno verbo, una enuntiatione, contentus esse nequeas, si quidem cupis, ut vel lector vel auditor illam notionem ideamque recte percipiat eaque rite moveatur. Ergo, ut ubique, ita et hic perspicuitatis et gravitatis ac simul contextus ratio habetur. Iam, si unumquodque vocabulum semper ideam continet, sequitur, ut, si pro uno verbo plura adhiberi debent, etiam plures ideae pro una ponantur atque ita oratio et stilus non tam verbosior quam plenior idearum fiat. 2) *deinde* ob numerum s. concinnitatem et aequalitatem membrorum: quae postulat, ut, quando praecedens membrum vel enuntiatio pluribus verbis constet, sequens quoque vel totidem vel saltem non multo pauciora vocabula complectatur. Sed et hic idearum ratio habenda est diligenter, et nil ponendum, quod aptis ideis careat. *Quid est enim tam furiosum, quam verborum vel optimorum vel ornatissimorum sonitus inanes nulla subiecta sententia* h. e. idea s. notione? ut Cicero recte ait Orat. I, 12. Ergo omnis copia

pia dicendi, omnis dilatatio, est stulta, nisi per eam ideae vere augmentur atque ita contextus verborum dilucidior, suavior, gravior fortiorque redditur. Eadem, recte adhibita, est praeclara, imo pars eloquentiae necessaria. Auditor enim ac lector ideam gravem uno verbo expressam saepe negligit et praeterlabi finit, putans, quidquid breviter ac celeriter dictum et scriptum sit, non grave esse: hinc illam non satis capit, ac saepe ne animadvertit quidem, nedum sentit pondus illius ideae. Solent enim homines, ut a vestium magnificentia ad hominis illa induti dignitatem, sic a verborum pompa ac magnificentia ad rei dignitatem et magnitudinem vulgo concludere. — Hinc secus est, si idea copiosius et latius exprimitur. Nam *primum* verba plura de una re s. idea recitata efficiunt, ut auditor attentus fiat eamque pro magna gravique habere incipiat; *deinde*, si auditor eandem ideam aliis verbis saepius repeti audit, recognoscere eam saepius cogitur, atque ita ejus veram naturam et gravitatem tandem intelligit et sentit. Quae omnia in lectorem quoque cadere apertum est. — Quomodo itaque ista copia verborum s. dicendi recte instituitur? Diximus, eam et ad singula verba h. e. *ideas* singulas, et ad enuntiationes h. e. *judicia*, conclusiones, argumenta, testimonia, exempla etc. pertinere. — De utraque re dicendum mihi est. Sed, quia in universum tantum loquor, nil hic de argumentorum, testimoniorum etc., tractatione dici potest: haec enim res ad perspicuitatem pertinet, de qua separatim agetur.

SECT. II

De copia dicendi in verbis singulis.

Copia dicendi s. *verborum*, quatenus in singulis tantum vocabulis (ideis) consideratur, cernitur in conjungendis *vocabulis pluribus*, ubi *unum* per se sufficiebat vel saltem sufficere prima specie videbatur. Sed nunquam

quam obliviscendum, quotiescunque vocabula augeantur, toties augeri ideas, nec ullum vocabulum sua notatione eaque apta carere debere. Est igitur non tam copia verborum quam idearum. Fit ea variis modis: hos praecipuos esse putem:

I) Uni vocabulo, five sit nomen five verbum five adverbium, quod per se sufficere poterat, additur interveniente particula *et* s. *ac*, *atque*, *que*, aliud ejusdem generis (v. c. substantivum substantivo etc. interdum etiam plura). At inter se differre singula debent, saltem quodam modo. Alioquin foret inanis copia verborum, non copia idearum. Neque ergo vocabula ejusdem plane notionis, v. c. *edere* et *vesci*, *ire* et *proficisci* etc., jungi possunt. Videndum vero est omnino, ut posterius priori sit gravius et fortius, saltem clarius, ita ut prioris sit quaedam explicatio vel confirmatio. Hoc ordo rerum postulat. Coniunguntur itaque a priscis et coniungi possunt sequentia:

A) *Causa et effectus*, ubi alterutrum sufficiebat, v. c.

1) *Liberalitas et beneficentia*; it. *liberalitas* et *benignitas*. Nam et *beneficentia* die *Gutthätigkeit* et *benignitas* die *Gütigkeit* est effectus *liberalitatis* h. e. *einer edlen Gesinnung, Wohlgezoogenheit, Freygebigkeit*. V. c. pro magna est patris in me *beneficentia* dicere possum: magna est patris in me *liberalitas ac beneficentia*; sic pro tuae *liberalitati* omnia debeo dicere possum: *tuae liberalitati et beneficentiae omnia* etc. Sic jungi possunt *liberalitas* et *clementia* h. e. *Gnade, Sanftmuth*, gegen die *Beleidiger*, quia haec est effectus *liberalitatis*.

2) *Humanitas die Menschenliebe* et *facilitas die Gefälligkeit*, quia haec est effectus illius; v. c. *hominis humanitas et facilitas* est magna pro *hominis* *facilitas* est etc. Sic *humanitas* et *clementia*; *humanitas* et *beneficentia*; *humanitas* et *benignitas*: quia *humanitas* est fons *clementiae*, *beneficentiae* et *benignitatis*. Sic *humanus* et *benignus*, *humanus* et *beneficus*, *humanus* et *comis*. Sic *humanitas* et *misericordia* junguntur ap. Cic. Catil. III, 6. Ait: — *non atrocitate animi moveor*, — *sed singulari quadam humanitate et misericordia*.

3) *Lex et conditio*, quia haec est effectus illius: Cic. Agr. II, 3 *quod non eadem, qua superioribus consulibus, lege et conditione utendum esse decrevi*. In universum Cicero

vult dicere, se non consuetudinem consulum superiorum imitaturum esse, qui coram populo non dixissent. Ergo proprie dicere debebat *eadem consuetudine*; pro eo dicit *condicione*, quia isti consules sibi consuetudinem istam quasi conditionem aliquam praescripserant. At, ubi dixerat *condicione*, facile ei in mentem veniebat *lege* ob connexionem idearum dictam.

4) *Ordo rerum et necessitudo* junguntur ap. Cicer. Harusp. 9 *quis est tam vecors, ut — deos esse non sentiat, et ea, quae tanta mente sunt, ut vix quisquam arte ulla ordinem rerum ac necessitudinem persequi possit, casu fieri putet?* *ordo rerum* die Ordnung der Dinge in der Welt et *necessitudo rerum* die Verbindung der Dinge hic junguntur; quia *ordo* est effectus *necessitudinis*: nam *necessitudo* efficit quendam certum ordinem. Sufficere poterat *ordinem rerum*.

5) *Ingeniosissimus*, proprie der ein sehr gut Genie hat, sehr witzig ist, et *etloquentissimus* sehr beredt junguntur Cic. Font. 13. Ait: *exstat oratio hominum longe ingeniosissimi atque eloquentissimi C. Gracchi etc. i. e. des allerwitzigsten und beredtesten Mannes*. Nam ab ingenio pendet eloquentia, tanquam effectus a causa. — Eadem de causa jungitur et jungi potest *ingeniosissimus* et *suavissimus* homo: nam *suavitas* hominis pendet ab ejus ingenio, von seinem Witze, quo alios delectare potest. Sic et *ingeniosissime* et *suavissime*.

6) *Sapientia et constantia* s. *fortitudo* jungi possunt, quia *sapientia* efficit *constantiam* et *fortitudinem*. *Sapientia* autem hic cernitur in eo, si quis rerum omnium verum premium novit, ac scit v. c. res multas, in his contemptum, mortem, et alias hujus generis necessarias contemnendas esse. Sic *sapiens et fortis* s. *constans*; hinc *sapienter et fortiter* s. *constanter ferre fortunam, casum* etc. saepissime occurrit. Sic *sapientia et magnitudo animi*, quae est illius effectus, junguntur Cic. ad Div. I, ep. 9 §. 8. Sic *gravitas* proprie die Schwere et *constantia* die Standhaftigkeit, quae est effectus illius, junguntur saepe, v. c. Cic. Sull. 30.

7) *Statae ac solennes caerimoniae* occurrunt ap. Cic. Harusp. 9: quia, quod *statum* est i. e. festgesetzt ist, deinde et *solenne* est i. e. solet certis diebus anni fieri ac celebrari.

8) *In lucem adspectumque proferre*, ans Licht bringen, rectius dicitur, ubi alterutrum vel *lucem* vel *adspectum* abesse poterat: *lux* est causa *adspectus*. Cicero ordinem invertit Arch. 6 *Si qui ita se literis abdiderunt, ut nihil possint — in adspectum lucemque proferre*. Debebat causa praeponi et effectus

effectus sequi, natura utriusque rei ita postulante. At saepe hic prisca parum sunt diligentes.

9) *Permiscere* et *perturbare* junguntur ap. priscos et recteungi possunt: *permiscere* *vermischen* est causa et *perturbare* *trübe machen* est effectus. Cic. Verr. I, 15 in. *Etenim, si haec perturbare omnia et permiscere volumus* etc. i. e. denn, wenn wir in solchen Sachen eine Unordnung machen wollen etc., ubi *perturbare* sufficebat. Notandum, hic ordinem idearum naturalem perturbatum itidem esse.

B) *Antecedens* et *consequens* notio jungitur, ubi alterutra sufficere poterat. V. c.

1) Cic. Rosc. Am. 24 in. *Videtisne, — ut eos* (scil. parricidas) *agitant furiae neque consistere usquam patiantur?* Sufficere poterat *agitant* i. e. heruntreiben, verfolgen; sed additur gravitatis causa *consequens consistere nusquam patiantur* i. e. lassen sie nirgends Fuß fassen, stille stehen. Recte.

2) *Factum* et *consilium* der Entschluß junguntur, quia in homine, prudente certe, semper *consilium* antecedere et *factum* ipsum deinde sequi solet, v. c. Cic. Agr. II, 3 in. *quam non ita gerendum consulatum, ut in omnibus meis factis atque consiliis vestrum de me factum consiliumque laudetur. Omnia mea facta et consilia sunt omnia, quae facio.* Ergo in factis sufficebat: per *consilium* et *factum vestrum* intelligitur hoc, quod Cicero ab iis consul creatus est. Sensus ergo universus est: *ut in omnibus, quae ago, vestra electio laudetur, damit ihr von eurer Wahl Ehre haben möget.*

3) Cic. Agr. II, 3 *Qui aditum hujus loci conspectumque vestrum magnopere fugerunt; ubi conspectumque vestrum abesse poterat; est consequens illius aditus: nam, qui adit suggestum illum, ut pro rostris dicat, is prodit in conspectum populi.*

4) Cic. Fin. I, 7 *Ad majora enim quaedam nos natura genuit et conformavit, ubi genuit est antecedens et conformavit gebildet.*

5) Cic. Fin. I, 10 *Blanditiis praesentium voluptatum deliniti atque corrupti etc. deliniti est antecedens, corrupti consequens.*

C) *Totum* cum *parte* vel *partibus* interdum jungitur, it. genus cum specie vel speciebus. V. c. Cic. Harusc. II Lentulum ita alloquitur: *te, nomen, imperium, vocem, adspec-tum, impetum tuum stans senatus equitesque romani et omnes*

boni sequebantur; ubi *te* est totum, et nomen *Lentuli*, *imperium*, *vocem*, *adfectum*, *impetum* quasi *Lentuli* partes vel attributa. Dicere poterat tantum: *te stans senatus* — *sequebantur*. At gravius dictum est per copiam istam. — Sic *gentes* et *nationes* saepe conjunguntur, v. c. Cic. Sext. 23 in. *regum, gentium, nationum* etc., et inverſo ordine Font. 11 extr. *Exteris nationibus et gentibus ostendere*. Videtur *gen* esse totum, et *nationes* ejus partes; ut *populus* est pars *gentis*, complectentis plures *populos*. Sic jungitur *virtus* et *integritas*, species virtutis, v. c. Cic. Fonte. 13 *Qui tanta virtute et integritate fuit, ut* etc. Sic nostri: *so tugendhaft und rechtschaffen*.

D) Iunguntur saepe duo vocabula, quorum posterius est fortius priori. Quae ratio in primis est tenenda et imitanda, v. c. *puto et mihi persuadeo; velim credas tibi persuadeas; qui cum credidisset sibi persuasisset nil esse* etc.: *persuadere sibi* est ob certas causas credere, *sich überzeugen, überzeugt seyn*. Sic *spero* et *confido* libenter jungitur *ich hoffe und habe das feste Vertrauen*; hic *spero* abesse poterat, quia in *confido* jam latet. Sic in prioribus *credo, puto*, abesse poterat, quia inest jam in *persuadere sibi*. At melius est per gradus incedere, quia, si ita praecedens per consequens quasi corrigitur, gravitas consequentis simul adjuvatur. Sic pro *spondeo* s. *recipio* possum dicere *polliceor et spondeo, polliceor et recipio; polliceor* s. *promitto, spondeo atque praesto* etc. *Spondere, recipere, et praestare* sunt longe graviora quam *promitto*: *spondere* est *Bürge seyn, recipere* *es auf sich nehmen*, quod idem est ac *praestare*, quod significat *gut dafür seyn, dafür stehen*. Quae singula indicant, rem promissam certo actum iri. — Addam aliquot alia exempla e Cicerone et Livio:

1) *Aversari* *verabscheuen* et *exsecrari* *verwünschen, verfluchen*, junguntur ap. Liv. VIII, 12 in., ubi de Manlio illo severo narratur: *juventutem et tunc et omni vita deinde quersatam eum exsecratamque*. Posterius est gravius priori.

2) Cic. Rosc. Am. 24 *Agitari et perterrer* *taedis ardentibus*, ubi *agitari* est minus quam *perterrer*; ibid. *suum quemque scelus agitat amentiaque afficit*, ubi *amentiaque afficit* est gravius quam *agit*; ibid. *ut summus furor atque amentia consequatur*, ubi *amentia* gravior est *furore*. Cicero poterat in his omittere *agitari, agit*, *furor*. At oratio fit gravior per copiam.

3) Rosc.

3) Rosc. Am. 46 *Ut omnes despiciat, ut hominem prae se neminem putet.* Posterius est longe gravius: ut repetitur pro et. Poterat alterum, vel ut despiciat vel ut — putet, omitti. At utrum? Utrumque conjunctum gravitatem adjuvat, daß er jedermann verachtet, und niemand gegen sich für einen Menschen hält. Descriptio hominis insolentis.

4) *Excitare et inflammare.* Cic. Manil. 2 *Quod maxime vestros animos excitare atque inflammare debet ermuntern und entflammen;* prius abesse poterat per se.

5) Cic. Manil. 3 *Macula, — quae penitus jam insedit atque inveteravit in populi rom. nomine;* posterius est gravius.

6) Ibid. uno nuntio — *necandos trucidandosque denotavit;* trucidare est nostrum niederhauen, niedermetzeln et plus significat quam necare.

7) Cic. Arch. I *Huic profecto ipsi — et opem et salutem ferre debemus, opem i. e. Hülfe, salutem est Errettung, ergo gravius illo: potest hoc quoque pro specie et opem pro genere haberi.*

8) Ibid. 9 *Nostra sunt tropaea, nostra monumenta, nostri triumphi.*

9) Sext. 46 *Qui motus conversionesque reipublicae quaerunt. Motus Bewegung, conversio est Umkehrung, Veränderung;* per motum respublica conquassatur, per conversionem evertitur et perit, atque ita v. c. in monarchiam mutatur.

10) *Magnum et grave.* V. c. Cic. Manil. 6 *Magna et gravia bella.* Sic turpia et flagitiosa Fonteij. 13. Ac sic plura.

E) Duo vocabula e diversis tropis ducta junguntur saepe; quo pertinent et ea, quorum alterum est tropicum, alterum proprium. V. c.

I) Ubi duplex tropus. Cic. ad Div. III, ep. 10 §. II *Pugna et enitere, ne quid nobis temporis prorogetur.* Alterutrum abesse per se poterat: pugnare est proprie fechten, eniti sich anstemmen, v. c. ut in montem, arborem, ascendas. Huc pertinet frangere et debilitare, quod utrumque vertitur schwächen. Sic saepe vires fractae et debilitatae occurrunt i. e. diminutae; proprie est frangere zerbrechen, debilitare entnerven, lähmen, verstümmeln. Sed utraque re, et frangendo et debilitando, vires corporis minuuntur. Huc pertinet Cic. Arch. I *Omnes artes, quae ad humanitatem pertinent, habent quoddam commune vinculum et cognationem inter se: poterat vel vinculum vel cognationem abesse, Alle Wissenschaften, die die Menschlichkeit h. e. menschliche Empfindung*

lung- und Gesinnung befördern, haben eine gewisse Verbindung und Verwandtschaft unter sich. Quod non verti schöne Wissenschaften, hoc feci propterea, quia ad verba vertere volebam. Cicero intelligit *poesin* et in primis *philosophiam*, quippe quae in primis, ut et *poesis*, reddit hominum animos molliores s. *humaniores*; efficit, ut hominum magis misereantur, iis facilius ignoscant etc. Et huc pertinet: *didicisse fideliter artes emollit* etc. Nam Romanorum neque Iurisprudentia nec Theologia nec Ars medendi poterat homines reddere humaniores.

2) Alterutrum tropicum, v. c. Caes. B. G. VI. 13 *Qui aliquo sunt numero atque honore*; ubi alterutrum abesse poterat: *numero* est tropicum, *honore* proprium. Sic *via et ratio ein Mittel*, ubi vel *via* vel *ratio* abesse poterat; prius est tropicum. Sic et nostri: *ich weis Mittel und Wege*.

F) Iunguntur duo vocabula, quorum alterum ideam exprimit *negative*, alterum *affirmative*; at not. 1) utraque idea debet inter se paululum saltem differre; 2) attendi debet, ut posterius sit gravius priori. Sed hoc in omnibus istis additamentis observandum. V. c. *res est praeclara, nec ubi vis obvia*; homo magnus, nec obscurae famae; liber egregius, nec cum multis comparandus. Quomodo hoc donum spernere nec cum voluptate potius accipere potuisti? it. statui rem in lucem proferre, nec amplius tacere. In his conjunctio fiebat per et s. nec h. e. et non. — Fit vero etiam per non sed, vel etiam sine sed. Et sic oratio fit gravior, v. c. Cic. Arch. 4 *Adest — Lucullus, qui se non opinari, sed scire, non audivisse, sed vidisse, non interfuisse, sed egisse dicit*. Poterat dicere: *qui se scire, vidisse, imo egisse dicit*; at illud erat gravius. Muren. 9 *Vixit ad aliorum arbitrium, non ad suum*; poterat satis habere ita dixisse; *vixit ad aliorum arbitrium*; poterat, si breviter loqui volebat. — Fit haec copulatio quoque per non modo non, sed etiam, v. c. Cic. Arch. 2 extr. *Ut hunc A. Licinium non modo non segregandum — verum etiam — putetis adsciscendum fuisse*. Rosc. Am. 24 *Ex quo si macula concepta est, non modo elui non potest, verum usque eo permanat ad animum, ut summus furor amenitiaeque consequatur*; ubi verbis non modo elui non potest omisissis, quae per se intelliguntur, dicere ita poterat: *ex quo si macula concepta est, usque eo permanat ad etc.* At copiosius atque ita gravius loqui voluit. Referam huc ibid. 23 extr. *Quod qui tantum facinus commiserunt, non modo sine cura quiescere, sed ne spirare quidem sine metu, possunt; ubi non modo dictum*

dictum est pro non modo non obsequens ne quidem; ut itaque utrumque dictum sit negative, ita tamen, ut alterum gravius sit, ac prius per posterius fere tollatur; poterat Cicero dicere: *quod qui tantum facinus commiserunt, ne spirare quidem* etc., quia verba non modo — *quiescere* per se ex illis intelliguntur. — At omnis copia auget, non verba, sed ideas s. notiones. In primis huc pertinet ibid. 25, ubi Cicero, postquam dixerat, Solonem in parricidas nullum supplicium constituisse, addit: *sapienter fecisse dicitur, cum de eo nihil sanxerit, quod antea commissum non erat, ne non tam prohibere quam admonere videretur*; nonne hoc gravius ac plenius est, quam si dixisset: *ne admonere videretur*, atque verba non tam prohibere quam omisisset, quod forsitan multi facturi fuissent?

G) Praeterea et alia vocabula apud Ciceronem conjunguntur ac pro uno ponuntur, si quidem eorum notiones inter se quodam modo differunt, v. c.

1) *Culpa* et *peccatum*, ad Div. V, ep. 21 §. 14 *Tibi que persuade, praeter culpam ac peccatum, qua semper caruisti et carebis, homini accidere nihil posse, quod sit horribile et pertimescendum*; ubi simul notes *horribile et pertimescendum*, cum alterutrum horum sufficere posset. *Peccatum* est omnis error in universum, omnis declinatio a veritate, proprie a scopo, ein Fehler; sed *culpa* die Schuld, die man an einem gemachten Fehler hat, est, quatenus istud peccatum nobis, tanquam auctoribus, tribui potest: interdum peccat aliquis, sed sine culpa h. e. er fehlt, aber er kann nichts dafür, ist nicht Schuld daran.

2) *Auctor* et *dux*, Sext. 46 *Qui cum auctores sint et duces suorum studiorum* etc. *Auctor* est, a quo pendet initium facti vel rei; *dux*, qui ducit nos ad hanc rem gerendam; parum ergo differunt. Sic *auctor* et *princeps* alibi jungitur; it. *dux* et *princeps* saepe. It. *auctores* et *magistros religionum* vocat Cicero majores Harusp. 9.

3) *Defensor* et *patronus*, Cic. Sext. 46 in. *Harum rerum tot atque tantarum esse defensorem et patronum* etc. parum differunt. Forsan *patronus* est genus vel causa, *defensor* species vel effectus.

4) *Laus* et *gloria*, Arch. II *Nullam — virtus aliam mercedem laborum periculorumque desiderat praeter hanc laudis et gloriae.* — *Gloria* est opinio hominum de nobis bona, late per orbem terrarum vagata; estque major laude. Inverso ordine occurrunt Fonteij. II extr. *Qui maxime gloria et*

laude ducuntur. — It. gloria et fama Arch. 10 eodem gloriam famamque penetrare.

5) *Scelera et flagitia* saepe conjuncta occurrunt ap. Ciceronem, *Bosheiten und Schandthaten*; v. c. Rosc. Am. 9 Interdum *flagitia et facinora*, v. c. Sallust. Cat. 23 §. 1.

6) *Sceleratus et impius* junguntur Cic. Deiot. 1. — It. *impurus et sceleratus* ad Attic. VIII, ep. 15 extr. Sic *impie scelerateque* Rosc. Am. 24 *Qui aliquid impie scelerateque commiserint*. Sic *turpissimus atque impurissimus* praetor Verres vocatur Verr. III, 35.

7) *Acerrime fortissimeque* pugnare saepe occurrit v. c. Caes. B. G. V, 43. Sic *aspere et acerbe accusatus est* Cic. ad Div. I, ep. 5 §. II.

8) *Moderatissimus et continentissimus* Cic. Arch. 7. Sic *santissimus et temperantissimus* Fonteij. 13.

9) *Donum et munus*. Cic. Arch. 8 — *deorum aliquo dono et munere commendati esse videantur*; quae parum differunt.

10) Cic. Arch. 11 *Res* — *attigit hic versibus atque inchoavit*, parum differunt; *verte: er hat sich daran gemacht und angefangen*.

11) *Bellum magnum atque difficile* ibid. 9. Sic *bella magna et gravia* Manil. 6.

12) Cic. Arch. 9 *Nostra sunt tropaea, nostra monumenta, nostri triumphi*. Haec differunt.

13) *Illustris et gloriosus*. Cic. Fin. I, 11 in. *Sed de clarorum hominum factis illustribus et gloriosis satis hoc loco dictum sit*. *Illustris* est proprie in luce positus, *clarus*; *gloriosus* est concilians gloriam.

14) *Detertere et avocare a religione* Cic. Harusp. 9: *illud est gravius*.

15) Cic. Rosc. Am. 22 *Res tam scelestas, tam atrox* (*grausam, schrecklich*), *tam nefaria* *credi non potest*. *Ib. si tantum facinus, tam immane tamque acerbum credituri sint*. Sic jungitur alibi *inhumanitas, crudelitas, immanitas* etc.

16) Cic. Rosc. Am. 24 *Suae malae cogitationes conscientiaeque animi terrent*, *seine bösen Gedanken, Vorstellungen, und sein böses Gewissen schreckt ihn*; quae parum differunt.

17) *Formosus, pulcher, et amabilis* junguntur. Cic. ad Div. VIII, ep. 14 §. 9 *Nihil est enim, mihi crede, virtute formosius*,

mosius, nihil pulchrius, nihil amabilius. Formosius parum differt a pulchrius. Illud dicunt de corpore tantum dici: quod hoc loco Ciceronis refutatur.

18) Cic. Mil. I *Veterem consuetudinem fori et morem pristinum judiciorum requirunt, vermissen die ehemalige Gewohnheit bey den Gerichten; ubi vetus consuetudo fori et mos pristinus judiciorum fere eadem sunt.*

19) Ibid. paulo post: *non enim corona confessus vester cinctus est, ut solebat: non usitata frequentia stipati sumus; ubi frequentia auditorum est ipsa illa corona, quae cingere judicium solebat, sic dicta ob similitudinem coronae eines Kranzes; verti possit Kreis, Zirkel.*

20) Fin. I, 8 *Maledicta, contumeliae, tum iracundae contentiones concertationesque in disputando pertinaces; ubi contentiones et concertationes parum differunt.*

21) Offic. III, 6 *Feritas et immanitas belluae etc. — Ac sic multa millia occurrunt; sic praeclarus, insignis, excellens jungi possunt, quia paululum differunt, licet unum sufficere possit. — Non dici potest, quam soleant prisca duo vocabula fere sibi aequalia, quorum discrimen vix inveniri cogitarique interdum potest, jungere. V. c. Cic. ad Div. VI, ep. 5 §. 3 *Non mihi sumo, ut plus ipse prospiciam, quam te videre atque intelligere mihi persuaferim, ubi videre et intelligere vix differunt; ibid. ep. 6 §. 22 Propter exitus eventusque bellorum, ubi vel exitus vel eventus sufficiebat. Fin. I, 6 Complexiones et copulationes et adhaesitationes atomorum, quae tria sunt fere eadem; ibid. c. 7 Ista sua sponte et per se esse jucunda, ubi vel sponte sua vel per se abesse poterat. Sic Harusp. 10 prope fin. Renovata atque instaurata. Sext. 47 Majoribus praesidiis et copiis oppugnatur resp. Ibid. jungitur cunctatio et tarditas, quae vix discernuntur. Sic spoliatus et expilatus Verr. III, 27 extr. Spoliatam atque nudatam Sull. 28 extr. Quomodo differunt excidere et elabi? Iunxit ea Cicero Catil. I, 6 dicens: *quoties jam tibi extorta est sica ista de manibus! haecenus recte, est enim aus den Händen gewunden, vi erepta; at pergit: quoties vero excidit casu aliquo et elapsa est! utrumque indicat, sponte factum esse ac repente; nonne vel excidit vel elapsa est abesse poterat? Sic fere Virgil. Aen. VI, 310 Lapsa cadunt folia. — Addamus illud decantatum satis Catil. II, 1 in. Abiit, excessit, evasit, erupit. Quis haec singula satis distinguat? At haec conjunctio copiosa vix excusanda, nisi oratori, animo maxime commoto ac simul laetitia referto loquenti, talia condonari posse dicas. Nam loquens animo commoto coacervat voca-***

bula interdum plura, quam opus erat: hinc tot pleonasmus. Quanto melius Florus, asperere alioquin loquens, de Caesaris victoria a Pharnace reportata III, 2 *more fulminis venit, percussit, abscessit*. In primis Caesar saepe jungit duo vocabula, quorum alterum abesse poterat, v. c. B. G. V, 42 *religisque diebus turres — falces, testudinesque — parare ac facere coeperunt*, ubi *parare ac facere* parum differunt; — ibid. c. 58 *dispersi dissipatique discedunt*. Quomodo differunt inter se *dispersi et dissipati*? — VII, 30 *pati et perferre*, ex edit. Oudendorp., quae plane eadem sunt; et sic quoque Terent. Andr. I, 1, 35. Sic B. Civ. I, 46 *loca dejecta et inferiora*, quae sunt eadem, et II, 31 *disimulare et occultare*, quae plane non differunt; ac saepius. — Ex his locis omnibus, si quidem salvi satis omnes sunt, nec manus aliqua interdum inferuit synonymum aliquod, apparet, quam studiose istam copiam appetere soliti fuerint priscae.

II) *Ex uno substantivo fiunt duo*; hoc est, substantivum mutatur in genitivum et aliud substantivum illi conveniens additur. Nam haec additio non ubique locum habet, sed tantum, ubi perspicuitatis vel gravitatis causa nova idea requiritur, qua illud substantivum, quod in genitivum mutari debet, magis explicetur et illustretur. Indicant hae additiones plerumque vel partem illius substantivi vel attributum vel causam:

I) *Partem*, v. c. *vulnerare hominis corpus pro vulnerare hominem*: illud rectius et magis definitum; quia simul pars indicatur hominis, quae vulneratur. Non enim hic totus homo vulnerari dicitur, sed tantum ejus corpus; animus etiam dici possit vulnerari. — Sic *offendit patrem ex hac den Vater beleidigt* rectius mutatur ita: *offendit patris animum*. Non enim totus pater sed ejus solus animus offensus est. Putida forsan nonnullis diligentia et subtilitas haec videatur. At *offendere* est etiam *reperire*. Ergo *patrem offendere* possit explicari *den Vater finden*, nisi contextus consulatur. At *offendere animum patris* statim quisque per *beleidigen*, non *finden*, explicaverit, non consulto antea contextu. — Sic pro *adolescens mature debet assuescere praeceptis sapientiae* rectius dicitur: *adolescentis animus mature* etc. Sic *sapientis animus non timet pericula* pro *sapiens non timet* etc.

2) *Attributum*, sed latissime sumtum. V. c. pro *tu me reddidisti sapientem* dici interdum potest: *tua institutio, tua consilia, tua praecepta reddiderunt*, it. *tuum exemplum* etc. Possunt etiam haec e superiori regula jungi: *tua praecepta,*
con-

consilia, et tuum exemplum reddiderunt me etc. — Sic pro *pater mihi haec donavit, frater hoc fecit*, dicere subinde possum: *patris liberalitas mihi etc., fratris sapientia, fratris temeritas, hoc fecit*. — Sic pro *militibus dici potest militum fortitudo*, pro *res rei praestantia etc.*, pro *ego contemno mortem* dici potest *meus animus*, vel accuratius *animi mei fortitudo* s. *constantia contemnit mortis acerbiteratem*; potest et geminatis substantivis ita dici: *animi fortitudo ac constantia mortis acerbiteratem et terrorem contemnit*. — Cic. ad Div. V, ep. 2 §. 22 *Hujus ego temeritati si virtute et animo non resistissem* etc. rectius quam: *huic ego si non etc.*; *temeritas* est attributum *hujus* h. e. Metelli fratris. — Sext. 47 extr. *Quem neque periculi tempestas neque honoris aura potuit* — *de suo cursu* — *demovere pro neque periculum neque honor potuit etc.* At recte addit *tempestas* et *aura*, ob verba *de cursu*: proprie enim *cursus* de navigatione dicitur; ibique *tempestas auraque* multum valet: *tempestas* saeva, qualis hic intelligitur, navem repellit, at *aura*, pone sequens, adjuvat illius cursum. Hinc et *aura popularis* dicitur de favore populi romani, quia per hunc homines ad summos honores perveniebant; quod hodie non fit; hinc hodie vix *aura popularis* usurpari poterit. Favor ille populi romani erat *aura*, quia, instar aerae, propellebat, ut ita loquar, navem eorum, qui per populum multa consequi studebant, atque ita ipsorum cursum adjuvabat. — Huc pertinent alia exempla, v. c. *sefellit curam*, *diligentiam*, *custodum* pro *custodes*; *reliquit hujus vitae molestiam* pro *hanc vitam*; *commisit se meae curae* pro *commisit se mihi*; *confisus est fidei Caji* pro *Cajo* etc. At haec exempla ita proprie sunt explicanda: *sefellit custodes*, licet *curam* vel *diligentiam* adhiberent; *reliquit vitam*, quae ipsi molesta erat; *commisit se mihi*, ut *curam* ejus gererem: *confisus est Cajo*, quia *fidelis* videbatur. Hinc patet, istas additiones, si recte examines, non tam copiam quandam quam breviteratem dicendi efficere. Quid enim brevius est? utrum hoc: *sefellit custodum curam*? an illud: *sefellit custodes, licet curam adhiberent*? Sic haud dubie *reliquit vitae molestiam* brevius est dictum quam *reliquit vitam*, quae ei molesta erat; et sic in aliis. Fateor, prima specie videri esse copiam, si audio pro uno substantivo poni duo; at aliter videtur res accuratius cogitata. Potest et dici, *reliquit vitae molestiam* positum esse pro *reliquit vitam molestam*, ut tantum adjectivum in substantivum mutatum sit; de qua re jam supra p. 308 2) dictum est.

3) *Causam* in primis; v. c. *laudo fratris sapientiam pro laudo fratrem*; at hoc non nisi de sapiente dici posse patet et dictum proprie est *pro laudo fratrem*, quod *sapiens est*; sic *pepercit illius pueritiae* recte dici interdum potest *pro pepercit illi*; at non nisi de puero dici potest. Ac proprie positum est *pro pepercit illi, quia puer erat*; ut adeo, si vere aestimas, haec forma dicendi magis brevitatis quam copiae nomen mereatur. Nam brevius est dictum *pepercit illius pueritiae* quam *pepercit illi, quia puer erat* s. *ob pueritiam ejus*. — Pertinet hoc genus in primis ad gravitatem dicendi, quia tali modo totum argumentum s. causa, *quia puer est*, uno vocabulo exprimitur. Iam, quo brevius multitudo idearum exprimitur, eo magis mentem ferit animumque movet. Sic Cic. ad Div. V, ep. 4 §. 6 *Tu, tuas inimicitias ut reipublicae condonares, te vicisti pro ut tuas inimicitias ob rempublicam*, s. *quia reipublicae interesse videbas, deponeres* Liv. XXXVIII, 5 *Alterum* — *suas inimicitias remississe reipublicae pro deposuisse ob reipublicae commodum*. Cic. ad Div. VIII, ep. 14 §. 14 *Hoc si tibi fortuna quadam contigisset, gratularer felicitati tuae etc.* Hic *gratularer felicitati tuae* non est simpliciter dictum *pro gratularer tibi*, sed *pro gratularer tibi, quod tam felix esses etc.* De hac re infra in cap. de brevitate dicetur: nam profecto potius eo pertinet.

III) Substantivo adduntur libenter adjectiva, sed apta, v. c. *ver laetum, hyems tristis, saeva; deus benignus, justus; bellum grave, magnum, difficile etc.* At semper videndum, ut exprimat attributum aliquod contextui conveniens. V. c. *deus benignissimus nostrae felicitati prospicere nondum desuit*: hic recte dicitur *deus benignissimus*, et perperam dicatur *deus justus*, quia verba *nostrae felicitati prospicere etc.* convenient magis benignitati quam justitiae; at stultum foret dicere: *deus benignus vindicat flagitia etc.*: hic magis convenit *deus justus*. Videndum, ut epitheta ne sint inania. Ne poetis quidem, si accurati esse cupiunt, dignum est adjectivis inanibus et contextui nullam vim addentibus uti, nedum profaiciis. Cicero ubique diligens est in hac re. Exempla vix afferri possunt, quia sine contextu toto non intelligi potest satis, utrum epitheta necessaria per se fuerint apte posita, nec ne. Et tirones in legendo scriptore prisco credunt vulgo, singula verba, quae vertunt, necessario adesse debuisse. Cic. ad Div. III, ep. 8 §. 18 ait: *non potui in illo sumtu (provincialium) non necessario negligens esse*, h. e. *ich konnte bey dem so unnöthigen Aufwande nicht nach-*

nachsehend, nicht gleichgültig, seyn. Sic enim explicandum. In Clave Cic. Ernestii Edit. quart. *negligens* explicatur *largus, effusus*, laudato hoc Ciceronis loco. Quod quomodo fieri possit et contextui conveniat, equidem conjectura assequi non valeo. Ceterum *non necessario* abesse poterat per se. Sponte vero addidit Cicero, ut Appius videret, istum sumtum non necessarium fuisse, atque ita Ciceronem, quod etiam impedisset atque ita paupertati provincialium consulisset, minime ab Appio culpandum esse. Inest in hoc epitheto argumentum s. causa, quam ita exprimere, si voluisset, poterat: *in sumtu isto, quia eum plane non necessarium esse videbam, negligens* etc. — Liv. VIII, 7, postquam narraverat, Manlium iussisse filium securi feriri, pergit: *exanimati omnes tam atroci imperio* etc. Recte *imperium hoc* (*dieser Befehl, Ordre*) vocatur *atrox*; dicere poterat: *exanimati omnes hoc imperio*, quia per se intelligitur fuisse *atrox*. At gravitatem rei auget epitheton tale, quod ideam, licet jam notam, repetit et animo imprimit. Plura exempla afferre supersedeo. — Loquor vero hic tantum, ne quis hic erret, de adjectivis, non per se necessariis, sed ad maiorem vel perspicuitatem vel gravitatem tantum addendis. Non loquor de necessariis, v. c. *patres benignos magis amamus quam saevos*; hic *benignos* et *saevos* requirebantur, nisi verba omni sensu carere deberent. Notandum epitheta, quae alibi bona sunt, interdum inepta esse posse; v. c. alius mihi dicere potest: *veniam in tuos hortos pulchros, vidi tuos libros egregios*. At ego nequeo dicere: *veni in pulchros meos hortos* etc. sine affectationis vel ambitionis crimine; praeterquam jocosae. Sic non omne bellum potest dici *grave, difficile, magnum*. Quando vero Cicero dixit Manil. 2: Romanos olim bella magna et gravia ob salutem sociorum gessisse, recte dixit. Omninoque videndum, ut, quot verba, totidem aptae notiones ponantur.

III) Saepissime ablativo additur *participium*, ad causam indicandam, cur aliquid fiat factumve sit, ubi in vernacula non semper additur. Talia sunt *ductus, adductus, motus, impulsus, incitatus, commotus, incensus, inflammatus, doctus, instructus, munitus, captus, delinitus, corruptus, actus, deceptus, victus, fretus, confusus, coactus, prohibitus, impeditus, exclusus, lacesitus, perterritus, attonitus, ictus* etc. Pro feci hoc cupiditate rei vel amore tui possum dicere feci hoc rei cupiditate vel tui amore *ductus, adductus, motus, impulsus, incitatus*, ac, si cupiditas vel amor paulo gravior est, *incensus, inflam-*

inflammatus, et augendi causa abreptus s. ablatu*s* i. e. hinge-
 rissen, it. coactus. Pro coepit fugere hostium metu dicere licet:
 coepit fugere hostium metu ductus, adductus, motus, commotus,
 impulsus, incitatus, perterritus conterritus, et augendi causa
 ictus, abreptus, ablatu*s*, attonitus. — Negative loquenti ad-
 dere eadem fere participia licet, ac praeterea haec: *impe-*
ditus, *prohibitus*, *exclusus*, interdum *absterritus*, *detrerritus*;
 v. c. non poteram id facere temporis angustia *impeditus*, *pro-*
hibitus s. *exclusus*. Sic pro non facere ausus est metu gravi
 dicere licet: non facere ausus est metu gravi *detrerritas*, *abs-*
territus, *impeditus* s. *prohibitus*. Sic inopia rei familiaris
impeditae sorores emere illa non potuerunt. Sic experientia
doctus s. *edoctus* pro experientia. Sic aetate confectus de
 fene, proprie durch die Jahre entkräftet. — At semper hic
 videndum, ut propria significatio participii servetur. Exem-
 pla e priscis haec afferam pauca: Cic. ad Div. III, ep. 8 §. 18
 Ego autem cum hoc suscepissem non solum iustitia sed etiam
 misericordia adductus etc. h. e. nicht nur aus Gerechtigkeit
 sondern auch aus Mitleiden. Orat. I, 9 Quis enim tibi
 hoc concesserit, — genus humanum — non prudentium con-
 siliis compulsu*m* potius quam disertorum oratione delinitu*m*
 se oppidis moenibusque sepsisse? h. e. daß das menschliche Ge-
 schlecht sich nicht vielmehr auf das Anrathen kluger Män-
 ner als durch das Reden beredter Leute etc.: ubi apte ad-
 ditur compulsu*m* et delinitu*m*. Verr. III, 1 in. Omnes, qui
 alterum, iudices, nullis impulsu*m* inimicitii*s*, nulla privatim laesi
 injuria, nullo praemio adducti in iudiciu*m* reipublicae causa
 vocant etc. et statim: atque eo magis, si id, ut ante dixi,
 faciunt nulla re commoti alia, nisi utilitate communi; ac sta-
 tim: atque ille his praefidiis ingenii fortunaeque munitus ta-
 men hac cura continebatur etc. poterat dicere instructus pro
 munitus. Verr. III, 34 extr. Itaque aliquando multis malis
 magnoque metu victi Segestani praetoris imperio parendu*m*
 esse decreverunt i. e. wegen des Unglücks, das Verres ihnen
 zufügte, und aus großer Furcht, er möchte sie noch mehr pla-
 gen, beschlossen sie endlich seinem Befehle zu gehorchen. Fin. I,
 10 At vero eos et accusamus et iusto odio dignissimos iudi-
 camus, qui blanditiis praesentium voluptatum deliniti atque
 corrupti, quos dolores et quas molestias excepturi sint, occae-
 cati cupiditate non provident etc. Verr. III, 40 Donec po-
 pulus atque universa multitudo, atrocitate rei misericordiaque
 commota, senatu*m* clamore coegit etc. — Caes. B. G. I, 2 Is
 — regni cupiditate inductus conjurationem nobilitatis fecit
 etc. aus Begierde zur königlichen Würde machte er etc. Ib.

c. 3 *His rebus adducti et auctoritate Orgetorigis permoti constituerunt etc.* Et eod. cap. extr. *Hac oratione adducti inter se fidem et iusjurandum dant etc.* Ib. c. 11 *Quibus rebus adductus Caesar non expectandum sibi statuit.* c. 13 *Helvetii, repentino ejus adventu commoti, — legatos ad eum miserunt.* c. 15 *Quo praelio sublati (stolz gemacht) Helvetii — audacius subsistere — coeperunt.* c. 16 extr. *Praesertim cum — eorum precibus adductus bellum suscepit etc. auf ihr Bitten.* c. 18 in. *Liscus oratione Caesaris adductus — proponit.* c. 27 in. *Helvetii omnium rerum inopia adducti legatos de deditione ad eum mittunt.* Poterat et hic dicere coacti, ut Terent. Andr. I, 1, 45 *Ex Andro commigravit huc viciniae inopia et cognatorum negligentia coacta.* — Liv. I, 7 *Cacus — captus pulchritudine boum, cum avertere eam praedam vellet etc.* ibid. 12 non proc. ab in. *Romulus et ipse turba fugientium actus (propr. getrieben) arma ad coelum tollens, inquit etc.* et paulo post: *et alia Romana acies audacia regis accensa fundit Sabinos.* cap. 16 *Romana pubes — velut orbitatis metu icta moestum aliquamdiu silentium obtrinit; et paulo post: cum perfusus horrore venerabundusque adstrissem etc.* II, 12 *Cum rex simul ira infensus periculoque conterritus circumdari ignes minitabundus juberet; et statim: attonitus miraculo, cum ab sede sua profiluisset etc.* Add. I, 45 *Religione tactus hospes — ex templo descendit ad Tiberim i. e. aus Andacht, Andächteley, Aberglauben, Respect, Gewissensscrupel etc.* Saepius etiam usurpat Livius excitus, v. c. I, 7 *Evander concursu pastorum — excitus postquam — audivit etc.* c. 14 *Excitus Romulus — exercitum educit.* — Add. Sulp. in Epp. Cic. ad Div. III, ep. 12 §. 7 *Reliquos ajebant profugisse metu perterritos i. e. aus Furcht; Caes. B. G. VII, 26 Quo timore perterriti Galli — destiterunt etc.* Sic exclusus, Cic. Verr. III, 27 *Hi — posteaquam temporibus exclusi per senatum agere, quae voluerunt, non poterant etc.* Cf. supra commutatio participiorum cum praepositionibus c. 8 sect. 5 n. VI, 3 p. 353: nam haec participia possunt per ob s. propter explicari. Ceterum apparet, hanc additionem participiorum fieri maxime ob perspicuitatem, quippe quae eo major fit, quo major subtilitas est in verbis eorumque compositione.

V) Saepissime *verbum*, proprie ita dictum, mutatur in *participium*, et huic deinde aliud *verbum* additur; at hoc non frustra adesse sed semper aliquid majus exprimere debet, in primisque *eventum* aliquem; v. c. pro *urbs incensa est*

est dici potest *urbs incensa flagrat*; at hoc proprie est *die Stadt ist angezündet worden und brennt noch*: sic pro *miles confossus est gladio* dici potest *miles gladio confossus cecidit*: sic *miles sagitta ictus periit* pro *ictus est*; at τὸ cecidisse et perire proprie intelligi debet. — Neque enim ista additio est pleonasmus. Sic *pater aegrotans jacet* pro *pater aegrotat*: at hoc tantum indicat, patrem aegrotare, nec simul in lecto jacere; at illud notat utrumque. Ergo *pater aegrotans jacet*, ut nostrum *liegt krank*, graviolem morbum indicat quam *pater aegrotat*. Sic Phaedr. I, 24 de rana: *rupto jacuit corpore* pro *rupta est*: poterat et dicere *rupta jacuit*. In primis hic divites sunt poetae, v. c. *sagitta missa, hasta contorta*, volabat pro *mittebatur*, contorquebatur. — Exempla paucula ad imitandum laudabo. Cic. Acad. III, 1 *Itaque, ut literis consignamus, quae monumentis mandare volumus*, sic ille in animo res insculptas habebat pro *insculpserat*. At illud gravius: indicat enim simul res in animo mansisse. Orat. I, 10 *Scoici vero nostri disputationum suarum atque interrogationum laqueis te irretitum tenerent* pro *irretirent*: at illud gravius. Harusp. 9 *cognovi, multa homines doctissimos — et dixisse et scripta de deorum immortalium numine reliquisse* pro *et dixisse et scripsisse*: at illud plus indicat. Cap. 10 *quorum de sententia illa eadem renovata atque instaurata celebrantur* pro *renovantur atque instaurantur*; at illud gravius. Cap. 11 in. *Vis enim innumerabilis — servorum ab hoc aedili religioso in scenam, signo dato, immissa irrupit* pro *immissa est*: at illud gravius. Cap. 12 *quorum (ludorum) religio tanta est, ut ex ultimis terris arcessita in hac urbe confederit* pro *ut ex ultimis terris in hanc urbem arcessita sit*. At illud gravius. Liv. I, 31 extr. *Ipsum regem tradunt — fulmine ictum cum domo conflagrasse* pro *fulmine ictum esse*. At quisque videt illud gravius esse dictum: nam potest aliquis ictus esse nec tamen cum domo conflagrasse. Hinc patet, talia additamenta prudenter adhibenda esse, ne vel minus vel plus dicamus, quam dicendum sit.

VI) *Verbum finitum* millies apud priscos mutatur in *infini-*
tum addito alio, at apto, *Verbo* proprie sumto, v. c. *puto*,
arbitror, *existimo*, *judico*, *constat*, *certum est*, *notum est*,
audivimus, *accepimus*, *dicunt*, *video*, *intelligo*, *mihi videtur*,
laetor, *doleo* etc., v. c. pro *nihil pulchrius est virtute* dici
 potest *nihil pulchrius virtute esse constat* s. *scimus*, *omnes*
sciunt, *quis nescit* etc. Sic *patrem tuum scio doctum esse* pro
pater tuus est doctus: in primis cum *qui quae quod*, v. c.
 amisi

amisi patrem, quem doctissimum fuisse omnes affirmant, fatentur etc. Sed haec non frustra addenda sunt; hoc foret nugari: imo addita notiones suas tenerè debent. Cicero ita millies, v. c. ad Div. VI, ep. 4 §. 18 Ego, quae te velle quaeque ad te et ad tuos pertinere arbitrabor, omnia studiose diligenterque curabo pro Ego, quae tu voles, quaeque ad te et ad tuos pertinebunt, omnia etc.: Recte: ego enim non omnia, quae ad aliquem pertinent, curare possum, sed tantum ea, quae arbitror ad eum pertinere. Sic ep. 23 §. 5 polliceor, me, quaecunque saluti dignitatique tuae conducere arbitrabor, — facturum pro quaecunque — conducent: IIII, ep. 14 extr. Tu velim, et quid agas et quid acturum te putes, facias me certiore pro quid acturus sis. Aët. I in Verr. 14 in. Quo me tandem animo fore putetis, si quid in hoc ipso iudicio intellexero — esse violatum atque commissum pro quo tandem animo ero, si quid in hoc ipso iudicio erit violatum atque commissum. Ad Div. IIII, ep. 7 in. Esi eo te adhuc consilio usum intelligo, ut id reprehendere non audeam, non quin ab eo ipse dissentiam, sed quod ea te sapientia esse iudicem, ut meum consilium non anteponam tuo, tamen — tua summa erga me benevolentia — me hortata est, ut ea scriberem ad te, quae et saluti tuae conducere arbitrarer et non aliena esse ducerem a dignitate. Hic te usum intelligo est pro usus es, te esse iudicem pro sis, conducere arbitrarer pro conducerent, et aliena esse ducerem pro aliena essent. At Verba tamen addita simul suam vim tenent, et orationem subtiliorem reddunt. Manil. 6 Quo tandem animo esse existimatis aut eos, qui vestigalia pensitant, aut etc. pro Quo tandem animo sunt aut ii etc.? ibid. c. 10 Ego enim sic existimo in summo imperatore quatuor has res inesse oportere pro nam in summo imperatore quatuor has res inesse oportet. Ad Div. V, ep. 21 §. 5 utor eodem perfugio, quo tibi utendum censeo pro quo tibi utendum est. At illud modestius. Ad Div. II, ep. 18 §. 4 nolo habere inimicos, — quos video deinceps tribunos plebis per triennium fore pro qui deinceps tribuni plebis — erunt: V, ep. 20 §. 15 Quae cum viderem tot vestigiis impressa, ut in his errari non posset etc. pro Quae cum essent tot vestigiis impressa etc. At illud gravius. Agr. II, 5 in. quorum (Gracchorum) consiliis — multas esse video reipublicae partes constitutas pro multae reip. partes constitutae sunt: c. 4 in. — quam (libertatem) non solum ab hominibus verum etiam a bestiis — expeti videtis pro quae non solum — a bestiis expetitur. Manil. 9 Hoc jam fere sic fieri solere accepimus (i. e. audivimus), ut regum afflictæ fortunæ facile multorum opes alliciant etc. pro Hoc jam fere sic

fieri solet, ut etc.: ibid. Multa praetereo consulto, sed ea vos conjectura perspicite, quantum illud bellum factum putetis pro quantum illud bellum factum sit: cap. II quam multas existimatis insulas esse desertas! pro quam multae insulae desertae sunt! c. 12 tum facilius statueris, quid apud exterarum nationes fieri existimetis pro quid — fiat, Dann könnet ihr leichter urtheilen, was bey auswärtigen Nationen geschehen mag. Verr. III, 35 Quem tibi aut hominem — aut vero deum — auxilio futurum putas? pro Quis tibi aut homo aut deus auxilio erit? Ad Div. II, ep. 18 §. 4 Nocere tibi iratum neminem posse perspicio pro Nocere tibi iratus nemo potest. Verr. I, 15 Ipse Sulla — hominem removit, Beneventi esse jussit apud eos, quos suis partibus amicissimos esse intelligebat pro qui partibus suis amicissimi erant. Ad Div. III, ep. 13 extr. Ego, quae ad te pertinere intelligam, studiosissime curabo pro quae pertinebunt. Sic VI, ep. 23 §. 6 Si quid ad me scripseris, ita faciam, ut te velle intellexero pro ut tu volueris, wie du es wirst haben wollen. — Sic scio, scimus etc. additur, v. c. Manil. 7 Nam tum, cum in Asia res magnas permulti amiserant, scimus Romae, solutione impedita, fidem concidisse pro Nam tum, cum — amiserant, Romae — fides concidit: c. 12 Cnidum aut Colophonem — nobilissimas urbes — captas esse memorem, cum vestros portus — in praedonum potestate fuisse sciatis? pro cum vestri portus — fuerint? — Sic scito millies in Epistolis Cic. additur, v. c. V, ep. 20 §. 20 quod scribis de beneficiis, scito a me et tribunos militares — delatos esse pro a me et tribuni — delati sunt. — Sic certum est: Act. in Verr. I, 18 in. Mihi certum est non committere, ut in hac causa praetor nobis consiliumque mutetur pro non committam, ut etc. — Sic sentio, recorder, fateor, polliceor, reperior etc. additur. Cic. Agr. II, 16 auctoritatem senatus exstare hereditatis aditae sentio pro auctoritas — exstat etc.: ibid. Haec L. Philippum saepe in senatu confirmasse memoria teneo pro Haec L. Philippus — confirmavit. Catil. II, 4 Quis — veneficus — inveniri potest, qui se cum Catilina non familiarissime vixisse fateatur pro qui — non vixerit. Verr. Act. I, 13 extr. haec omnia me diligenter severeque acturum esse polliceor pro — ego acturus sum etc. Rosc. Am. 23 dormientes eos repertos esse pro eos dormisse. — Sic et in primis videri solet addi, v. c. Manil. 23 in. Quare etiamsi quem habetis, qui collatis signis exercitus regiones superare posse videatur etc. pro possit. Agr. II, 2 ut vester honos ad mei temporis diem petitus non ad alienae petitionis occasionem interceptus, nec diuturnis precibus efflagratus,

tatus, sed dignitate impetratus esse videatur pro sit. Manil. c. 4 extr. sed de Lucullo — ita dicam, ut neque vera laus ei detracta oratione nostra neque falsa afficta esse videatur pro neque detrahatur — neque affingatur etc., et sic sexcenties. — Ita et volo: v. c. ad Div. II, ep. 18 §. 5 Cur ego te velim incidere in terrores tribunicios? pro cur incidas in terrores tribunicios? warum solltest du gerathen? etc. Ita et alia verba addi possunt, sed haec omnia verba addita vim suam propriam tenere debent, nec frustra temereque addi possunt.

VII). In primis Cicero alique prisca saepissime *verbum finitum* mutant in *gerundium*, vel, si substantivum adest, in participium futuri passivi, et cum *esse* et *sine esse*, atque deinde addunt *puto* s. *arbitror*, *existimo*, *credo*, *censeo*, *iudico*, *statuo*, *duco*, *videri*, interdum *video* cet. v. c. *scribendum* putavi pro *scripsi*; *has literas ad te mittendas censui* pro *misi*. At in his omnibus verborum additerum ratio proprie habenda est, nec v. c. dici potest: *moriendum* putavit pro *mortuus est*: hoc enim non a voluntate hominis pendet; proprie *scribendum* putavi est *ich habe geglaubt schreiben zu müssen*, ergo *scripsi*: est antecedens pro consequente. Exempla haec dabo: Cic. Orat. I, 2 *solesque — a me — dissentire*, quod ego prudentissimorum hominum artibus eloquentiam contineri statuam; tu autem illam ab elegantia doctrinae segregandam putes et in quodam ingenii atque exercitationis genere ponendum pro tu autem illam — *segreges et in — genere ponas*: ibid. *Ac ne quis forte cum aliis studiis — magis hanc dicendi rationem — comparandam putet* pro *comparet*. Orat. III, 44 Haec igitur duo, vocis dico moderationem et verborum conclusionem, — a poetica ad eloquentiam traducenda duxerunt pro *traduxerunt*. Divin. in Caecil. 2 *Adductus sum officio, fide, — ut onus hoc laboris — mihi suscipiendum putarem* pro *ut onus hoc laboris susciperem*. Verr. I, 58 quem pater moriens tum tutoribus et propinquis, tum legibus, tum aequitati magistratum, tum judiciis vestris commendandum putavit pro *commendavit*. At illud accuratius. Manil. I omne meum tempus amicorum temporibus transmittendum putavi pro *transmisi*: ibid. qui ei quoque rei fructum suo iudicio tribuendum esse censuerunt pro *tribuerunt*; et statim: *Atque illud in primis mihi laetandum jure esse video* pro *laetor jure*: c. 8 in. In quo maxime laborandum est, ne forte a vobis, quae diligentissime providenda sunt, contemnenda esse videantur pro *contemnantur*: c. 9 *Erat enim metus injectus*

iis nationibus, quas nunquam populus romanus neque laceſſendas bello neque tentandas putavit pro neque laceſſivit bello neque tentavit h. e. adortus eſt. Agr. II, 4 quod (otium) ita jucundum eſt, ut et vos et majores veſtri et fortiffimus quiſque vir maximos labores ſuſcipiendos putet, ut aliquando in otio poſſit eſſe pro ſuſcipiat etc. Sext. 2 med. eorum ſcelere, qui cum omnibus ſalutis meae deſenſoribus bellum eſſe ſibi gerendum judicaverunt pro bellum geſſerunt. Manil. 14 poſtremo ſigna et tabulas ceteraque ornamenta graecorum oppidorum, quae ceteri tollenda eſſe arbitrantur, ea ſibi ille (Pompejus) ne viſenda quidem exiſtimavit: hic bis copia iſta uſus eſt Cicero, ut appareat, quantopere ea delectatus ſit; tollenda eſſe arbitrantur eſt pro tollunt, et ne viſenda quidem exiſtimavit pro ne viſebat quidem ſeu ne vidit quidem. In Epistoſis Ciceronis nihil frequentius, v. c. ad Div. V, ep. 5 §. 1 aliquid mihi ſcribendum putavi pro ſcripſi: ep. 12 §. 12 et ſi liberius, ut conſueſti, agendum putabis pro ages: XV, ep. 4 §. 31 Ipſam quidem gloriam per ſe nunquam putavi appetendam pro appetivi. Vatin. ad Cic. in Epp. ad Div. V, 10 extr. Quare te rogo — meam cauſam agas meque — defendendum putes pro defendas, et ſic millies. Sic et alii ſcriptores, v. c. Caef. B. G. I, 7 Caefar — concedendum non putabat pro non concedebat: cap. 11 extr. Quibus rebus adductus Caefar non exſpectandum ſibi ſtatuit, dum etc. pro non exſpectavit: cap. 23 in. rei frumentariae proſpiciendum exiſtimavit pro proſpexit ſ. proſpicere voluit etc. At haec additio verborum non quadrat, niſi de certa voluntate ac iudicio ſermo eſt: hinc et ſaepe per velle explicari vel poteſt vel debet, v. c. ſcribendum putavi h. e. ſcribere volui etc.

VIII) Adduntur etiam vocabula, notionem cauſae, modi, temporis, loci aliasque determinationes enuntiationum continentia: qua re perſpicuitas et gravitas egregie adjuvatur. Ea ſunt in primis adverbia, it. pro, propter et aliae praepoſitiones cum ſuis caſibus: v. c. pro deus non deſinit nos beneficiis afficere poſſis dicere: deus, pro ſua ſumma benignitate, non deſinit nos quotidie etc.; pro quis tam multas res a Caefare geſtas narrare poſſit? dicere licet: quis tam multas res a Caefare fortiffime geſtas ſatis ſ. pro dignitate referre ſ. exponere poſſit? — Pro dei ſapientiam non ſatis admirari poſſumus dici poteſt: dei ſapientiam nunquam ſatis etc.; pro deus nos innumeris beneficiis cumulavit poſſis dicere: deus nos inde ab incunte aetate innumeris etc.; pro Homerus Achillis res geſtas cecinit

cecinit dici potest: Homerus Achillis res gestas praeclare cecinit. — Omninoque verbis adverbia, ubicunque licet, addi debent. Cicero ita millies, v. c. Rosc. Am. 22 *ut, propter quos hanc suavissimam lucem adspexerit, eos indignissime luce privarit: ubi indignissime a multis forsan omisum fuisset; c. 25 Sapienter fecisse videtur, cum de eo nihil sanxerit, quod antea commissum non erat etc., ubi antea per se abesse poterat, quia per se intelligitur.* Verr. III, 29 *et vehementer petere coepit; et statim: iste homini minari acerrime coepit, ubi vehementer et acerrime valde augment.* Manil. I *et meus labor in privatorum periculis caste integreque versatus etc., et statim: facile intellexi et quid de me judicaretis etc., ubi caste integreque et facile non sine gravitate addita sunt; c. 3 delenda vobis est illa macula, — quae penitus jam insedit atque inveteravit in populi romani nomine etc., ubi penitus auget.* Orat. I, I in. *Cogitanti mihi saepenumero et memoria vetera repetenti perbeati fuisse illi videri solent etc., ubi saepenumero additum est.* Talia additamenta in primis pertinent ad subtilitatem narrationis, quae postulat, ut nulla determinatio rem illustrans omittatur. Sic Sulpic. narrat caedem Marcelli in epist. ad Cic. in epp. ad Div. III, 12 §. 4 *Postridie ejus diei — circiter hora decima noctis Postumius, familiaris ejus, ad me venit et mihi nuntiavit, M. Marcellum collegam nostrum post coenae tempus a P. Magio — pugione percussum esse et duo vulnera accepisse, unum in stomacho, alterum in capite secundum aurem etc., ubi postridie ejus diei, circiter hora decima noctis, pugione, secundum aurem addidit, quia accurate narrare voluit.* Ibid. *Nos in nobilissimo orbis terrarum gymnasio Academiae locum delegimus, ibique eum combussimus, posteaque curavimus, ut iidem Athenienses in eodem loco monumentum ei marmoreum faciendum curarent.* Singula accurate, in nobilissimo — Academiae, ibique, in eodem loco.

VIII) Repetitur ob gravitatem dicendi interdum idem vocabulum; v. c. quando ego fratrem rogo, ut mihi ignoscat, dicere possum: rogo te, ut frater fratri ignoscas pro ut mihi ignoscas. Latet simul argumentum s. causa, cur mihi ignoscere debeat, scilicet quia frater ejus sum. Sic gravius dictum est: *quomodo tu socius socium, amicus amicum, decipere potuisti, quam quomodo tu socium, amicum etc.* Cic. Mur. 41 extr. *Quem ego vobis — consul consulem ita commendo etc.* Liv. II, 12 Mucius ait Porfeneae: *Romanus sum civis: C. Mucium vocant: hostis hostem occidere volui pro te*

volui occidere. Hoc copiae genus videtur potius esse brevitatis quaedam, quia causa simul inclusa latet. — Sic repeti quoque potest aliud vocabulum relationis oppositae, v. c. *quomodo tu pater filium odisse potuisti? quomodo tu filius patrem necare potuisti?* ubi *pater* et *filius* abesse poterant, at valde augent vim orationis. Huc retulerim repetitionem vocabuli *omnes*, *multi* etc., v. c. *multas multorum causas suscepit, omnibus omnium commodis prospicit deus*: in quo est gravitas. Cic. Verr. II, 12 in. *Nemini dubium est, quin omnes omnium pecuniae positae sint in eorum potestate, qui judicia dant, et eorum, qui judicant.*

X) In primis copia dicendi, quod ad singula vocabula attinet, cernitur in *circumscribendo* uno vocabulo per plura. Fit hoc triplici modo: *primum* per *definitionem* latissime sumtam, h. e. omnem descriptionem five brevem five latam, five accuratam seu minus accuratam, sed semper talem, ut e contextu, quae res indicetur, statim intelligi possit, licet in compendio philosophico pro definitione iusta non habeatur. *Deinde* per *partitionem*, *μερίσθω*. *Denique* per *comparationem*. In his omnibus spectatur 1) *perspicuitas*, quia pluribus verbis magis licet ideam aliquam declarare quam uno: 2) *suavitas*, quia ita vituperationem quandam vel laudem recte includere simul licet: ac deinde variatio, fons suavitatis, adjuvatur: 3) *gravitas*, si argumentum s. causa simul includitur, ut saepissime fieri hic solet. Et argumenta recte intexta ob brevitatem saepe valde animum feriunt: 4) *periodica et numerosa structura*, quam patet melius per *circumscriptiones*, quam per singula verba, adjuvari.

A) *Circumscriptio singulorum vocabulorum* per *definitionem* vel *descriptionem* et *explicationem* quamcunque. Possum v. c. de deo loquens ita dicere: *stultum est cum vituperare, cujus sapientiam ne satis quidem perspicimus pro stultum est deum vituperare*: it. *amare eos debemus, qui nobiscum vinculo cognationis conjuncti sunt pro amare debemus cognatos*. Nihil frequentius apud priscos et in primis Ciceronem tali circumscriptione. Quae cum sit res valde tenenda et imitanda, plura exempla asserre me non pigebit. Duplicem faciam descriptionem, breviorē s. simplicem et majorem s. uberiolem.

1) *Breviores descriptiones* per *qui quae quod, quid*: quae tantum periodis struendis serviunt, interdum et variationi, ceteroquin non magis perspicuae gravesque sunt, quam
singula

singula vocabula circumscripta, v. c. pro *auditores* dixit Cicero saepe *qui audiunt*, v. c. Invent. I, 55 *Quintus est, per quem omnia ante oculos singillatim incommoda ponentur, ut videatur is, qui audit, videre* h. e. *ut videatur auditor videre*. Ibid. *Septimus, per quem ad ipsos, qui audiunt, — convertimus pro ad ipsos auditores*. Brut. 50 *ut, qui audient, quid efficiatur, ego etiam, cur id efficiatur, intelligam pro ut auditores, quid etc., et statim: credit iis, quae dicuntur, qui audit oratorem pro auditor, ubi et iis, quae dicuntur pro verbis dictis dici possunt posita esse, ut tota sententia ita potuerit enuntiari brevius: credit dictis auditor*. Ibid. *hacc perinde accidunt, ut eorum, qui adsunt, mentes etc. pro ut auditorum vel etiam praesentium mentes etc.* — Sic pro *judices* dixit Cicero *qui judicant*, et pro *praetor* dixit *qui judicia dat*, v. c. Verr. II, 12 in. *Dubium nemini est, quin omnes omnium pecuniae potestae sint in eorum potestate; qui judicia dant, et eorum, qui judicant pro potestae sint in praetorum et judicum potestate.* — Sic pro *aratores* dixit Cicero *qui arant* Verr. II, 13 III, 5: sic *quod natum est* ap. Terent. pro *infans: qui consuluntur* i. e. *Iurisconsulti*; plura habet Gronov. ad Liv. III, 44. — Sic Cicero pro *nilhil horribile* maluit dilatando dicere *nilhil quod sit horribile: v. c. ad Div. V, ep. 21 §. 14 tibi que persuade, — homini nilhil accidere posse, quod sit horribile aut pertimescendum*. Sic dicere possumus *quae scripsisti pro scripta, quae fecisti pro facta tua, quae imperavit pro imperata etc.: sic quae efficiuntur* Cic. Tusc. III, 7 i. e. *effectus*; sic *ea, quae procreaverunt* sc. *bestiae*, Cic. Nat. D. II, 51 extr., i. e. *pulli*: sic *qui trans Rhenum incolunt* ap. Caesar. pro *Transrhenani*: sic *quidquid ex se posset proferre*, (scil. *Sicilia*) Cic. Verr. II, 2, i. e. *omnes ejus fruges*. Et sic porro. — Huc pertinet circumscriptio per *quid, quemadmodum etc., v. c. nescio quid velis pro voluntatem tuam: quid vellet, celavit* i. e. *voluntatem*. Cic. ad Div. V, ep. 21 prope fin. *ut istinc te ne moveas, — nisi ex me prius quaesieris per literas, quid te velim facere*: hic *quid te velim facere* est pro *consilium meum*. Ad Div. III, ep. 4 §. 7 *uno te vicimus, — quod, quemadmodum ea res ageretur, vidimus pro quod modum rei vidimus*: at illud dilucidius; sermo est de venia Marcello a Caesare data. — Referri huc possit *si quid*: v. c. *si quid virium habeo, id etc. pro omnes meas vires*. Inest in hac formula dubitationis atque ita modestiae aliquid. Hinc Cic. orationem pro Archia ita incipit: *si quid est in me ingenii — pro omne meum ingenium etc.*

2) Paulo longiores descriptiones, in quibus plus perspicuitatis vel acuminis vel gravitatis inest. V. c.

Immeritum: Pro eo dicitur v. c. *quod abest a culpa*. Sic Cic. ad Div. VI, ep. 2 extr. *fortuna, quae abest a culpa h. e. immerita*. Poterat et dicere: *quae caret culpa, non conjuncta est cum culpa* etc.

Honestum: Pro eo dici potest, v. c. *non alienum a dignitate*: sic Cic. ad Div. VIII, ep. 14 §. 5.

Prodesse f. *utile esse*: quod mutari potest in *ad commodum pertinere*; sic Cic. ad Div. V, ep. 5 §. 2 *Omnia enim a me in te profecta sunt, quae ad tuum commodum — pertinerent*.

Plane haud nosse aliquem: mutatur v. c. in *nescire, utrum aliquis sit albus an niger*, e proverbio, sic Cic. Phil. II, 16 *Et quidem vide, quam te amarit is, qui albus aterne fueris, ignorans, fratris filium praeteriit*. Sic Phaedr. III, 15 agnus de matre ipsum non nutriente ait: *unde illa scivit, niger an albus nasceretur?* h. e. *plane me haud norat, nec me curabat*.

Ulcisci dominum. Notabilis hic est locus ille Cic. Mil. 10 extr., ubi Cicero narrare tandem coactus, quis exitus fuerit pugnae inter servos et Milonis et Clodii ac Clodium tandem occisum esse, hanc rem ita caute describit, ut vix intelligatur. Postquam dixerat, servos Milonis audivisse vel credidisse dominum suum occisum esse, pergit: *fecerunt id servi Milonis neque imperante neque sciente neque praesente domino, quod suos quisque servos in tali re facere voluisset pro servi Milonis ultri sunt dominum suum*: quibus in verbis latet simul caedes Clodii; hinc simul dictum est *pro occiderunt Clodium*.

Parentes: pro hoc vocabulo dici potest v. c. *quibus vitam debemus; qui nos genuerunt; per quos hanc lucem adspeximus*, posterius est Cic. Rosc. Am. 22, de quo loco statim latius dicetur. Cicero ibi dixit *propter quos pro per quos*, quod et alibi sic occurrit, v. c. *propter se liberos*, Cic. ad Div. VII, 27 ac saepius.

Parricidam esse, patrem vel parentes occidere. Hanc notionem aliquoties Cicero dilatavit pluribus verbis pro Rosc. Am., maxime c. 22 extr. Verba sunt: *portentum atque monstrum est certissimum* (h. e. est res naturae repugnans ac certo aliquid mali portendens), *esse aliquem humana specie et figura, qui tantum immanitate bestias vicerit, ut, propter (i. e. per) quos hanc suavissimam lucem adspexerit, eos indignissime luce privarit*. Haec verba posita sunt

funt omnia pro *portentum* — est certissimum, esse hominem, qui parricida esse s. parentes occidere possit. Insunt hic plures circumscriptiones: 1) esse aliquem humana specie et figura, h. e. esse hominem; sed illud gravius: nam indicat talem hominem non nisi figuram humanam, non humanam naturam, habere, atque ita non verum hominem esse: quid gravius esse potest? 2) deinde propter quos hanc lucem suavissimam adspexerit, eos pro parentes; at illud gravius: indicat enim simul beneficium parentum, quibus debemus, quod lucem hanc adspicere possumus: hincque eo majus scelus est ipsos luce privare: tandem 3) luce privarit pro occiderit; at illud gravius atque aptius ob praecedens propter quos lucem adspexerit: depingit enim extremam hominis turpitudinem, inhumanitatem et insaniam, qui eos audet privare luce, qui ipsi potestatem adspiciendi hanc lucem dedere. — Alia circumscriptione expressit parricidam ibid. c. 23 prope fin. Nemo enim putabat, quemquam esse, qui, cum omnia divina atque humana jura (i. e. leges) scelere nefario polluisset, somnum statim capere potuisse pro Nemo enim putabat, quemquam parricidam somnum statim etc. s. quemquam, qui patrem occidisset, statim etc. Recte. Polluere divina et humana jura pro occidere patrem: quia, qui patrem occidit, violat et polluit leges divinas h. e. naturales atque humanas. Expressit generaliter; at vix generalius exprimere potuisset: nam polluere jura humana et divina dici de omnibus sceleribus et flagitiis potest. — Est in eadem oratione alia adhuc parricidae circumscriptio cap. 26 in., ubi Cicero, postquam dixerat, parricidam in culeum esse infundendum, et sic in fluvium dejiciendum, de hoc singulari supplicio hoc iudicium, subtile magis et argutum quam verum, subjicit: o singularem sapientiam! nonne videntur (maiores) hunc hominem (parricidam) ex rerum natura sustulisse et eripuisse, cui repente coelum, solem, aquam terramque ademerunt, ut, qui eum necasset, unde (a quo) ipse natus esset, careret iis rebus omnibus, ex quibus omnia nata esse dicuntur. Inest arguta comparatio: qui eum necasset, unde ipse natus esset, est parricida: res, ex quibus omnia nata esse dicuntur, sunt illa quatuor sic dicta elementa, quae Cicero paulo ante nominaverat, coelum i. e. aer, sol i. e. ignis, aqua terraque. Tales circumscriptiones, in quibus comparatio, causa et argumentatio, inest, placent semper et habent vim singularem, quae, quo tectior est, eo magis se exferit.

Sullani: mutatur v. c. in *qui vicerunt*: acute et caute ita Cic. Rosc. Am. 47 in. *me* — id maxime defendisse, ut ii *vincerent*, *qui vicerunt*. Nolebat Cicero Sullanos nomine proprio appellare: facile vero auditoribus erat sentire, quos homines intelligi vellet. Sic pro Caesare saepe dicit in Epistolis *in cuius potestate omnia sunt, qui omnia tenet* etc. Hoc est generaliter dictum.

Vitia: pro hoc vocabulo dicitur v. c. *quae in aliquo requirimus* s. *desideramus*, *was wir an jemand vermissen*, humane ac modeste de homine dictum, quem teste vituperamus. Utitur illa circumscriptione Cicero de Catone Uticensi pro Muren. 29. Ait: *In M. Catone haec bona, quae videmus, divina et egregia, ipsius scitote esse propria: quae nonnunquam requirimus, ea sunt omnia non a natura, sed a magistro* h. e. brevius: *Omnia bona, quibus Cato instructus est, debet sibi suaeque naturae et ingenio egregio: sed omnia vitia sua* (v. c. gravitatem et severitatem nimiam) *debet Stoeicae philosophiae*. Non venustius in carpendi studio dici poterat.

Aetas puerilis: mutari potest v. c. in *aetas*, cui etiam in captis urbibus parcitur. Sic Liv. V, 27 Camillus imperator romanus loquitur ad ludi magistrum improbum pueros, quos erudiebat, in castra romana ducentem: *Arma habemus, non adversus eam aetatem, cui etiam in captis urbibus parcitur, sed adversus armatos*. Est genus pro specie: possit enim quoque *senectus* ita dici: at contextus docet, de pueritia ibi sermonem esse.

Diversus s. *aliter se habens*. Cic. hoc circumscripsit ad Div. III, ep. 2 §. 10 *Si habes jam statutum, quid tibi agendum putes, in quo non sit conjunctum consilium tuum cum meo* etc., h. e. *in quo sit consilium tuum a meo diversum*. Omnia autem verba inde a *Si habes* usque ad *meo* posita sunt pro *Si aliter sentis atque ego*. Nam *consilium* hic est der *Entschluß*.

Herus: circumscribi potest v. c. *per: qui centum habet oculos*. Sic ap. Phaedr. II, 8, 18 *unus boum cervo, qui ad ipsos confugerat, ait: Salvum te cupimus quidem: sed ille, qui oculos centum habet, si venerit, magno in periculo vita vertetur tua*. Egregie haec periphrasis convenit contextui illi. Nam per se et ubique dicere ineptum foret. — Sic apud Plautum *homo trium literarum* i. e. *fur* jocandi causa dicebatur: nec alibi adhiberi potest.

Liberalis: circumscribi potest v. c. ita: *qui omnibus bene facere gaudet; qui alios solet beneficiis ornare, exhilarare* etc.; *qui alios felices reddere* s. *aliorum felicitatem adjuvare, augere*,

gere, studet etc. — Sic pro *avarus* dici potest: *qui, quo plura habet, eo plura cupit; cujus cupiditas pecuniae satiare nequit; qui nihil spectat nisi divitias; nullius rei curam gerit nisi divitiarum, et sic porro.*

Fortissime per ita s. sic seq. ut circumscribi potest; v. c. Cic. ad Div. V, ep. 2 §. 20 Nam in senatu — sic cum eo de republica disputavi, ut sentiret, sibi cum viro forti et constanti esse pugnandum pro Nam in senatu cum eo fortissime et constantissime disputavi. At quanto gravius illud! Nam, si ipse adversarius sensit fortitudinem Ciceronis, quis de ea dubitet?

Optime per ita, sic, seq. ut cum verbis effectum indicantibus saepe circumscribitur, v. c. Cic. Agr. II, 3 in., ubi Cicero, posteaquam dixerat, nobilitatem invidia tactam, si quid ipse peccasset, statim populum romanum, quod illum consulem fecisset nobilitatique praetulisset, vituperaturum, ita pergit: mihi autem, Quirites, omnia potius perpetienda esse duco, quam non ita gerendum consulatum, ut in omnibus meis factis atque consiliis vestrum de me factum consiliumque (i. e. vestra electio) laudetur pro mihi — potius perpetienda duco, quam non optime gerendum consulatum. At quam jejunum hoc prae illa ubertate! — Omnino hic notandum, ideam multitudinis, magnitudinis et excellentiae, atque in universum superlativos solere ac debere saepissime circumscribi per ita seq. ut; vel per tantum seq. ut, etc. it. per tantum seq. quantum, si notio magnitudinis, multitudinis et excellentiae, vere apparere debet. V. c. Cic. ad Div. VIII, ep. 14 §. 10 Semper amavi, ut scis, M. Brutum propter ejus — constantiam: tamen idibus Martiis tantum accessit ad amorem, ut mirarer locum fuisse augendi in eo, quod mihi jam pridem cumulatum etiam videbatur pro tamen idibus Martiis immensum quantum vel permultum accessit ad amorem. At hoc est illo longe inferius. Ibid. §. 11 Quis erat, qui putaret, ad eum amorem, quem erga te haberem, posse aliquid accedere? tantum accessit, ut mihi nunc denique amare videar, antea dilexisse h. e. magni fecisse. Hic tantum accessit — dilexisse pro immensus, incredibilis, cumulus accessit dictum quidem; at gravissime, h. e. ita, ut ardens amor satis appareat. Add. in ead. epist. §. 9 Nam, cum te semper tantum dilexerim, quantum tu intelligere potuisti, tantum his tuis factis incensus sum, ut nihil unquam in amore fuerit ardentius. Egregie pro Nam, cum te semper valde dilexerim, maxime his tuis factis meus amor auctus est. Sic Caes. B. G. I, 12 Flumen est Arar, quod in Rhodanum influit, incredi-

incredibili lenitate, ita, ut oculis, in utram partem fluat, judicari non possit, quae omnia dicta sunt vel pro flumen est lenissimum vel pro lenissime influit: at quanto dilucidior illa circumscriptio? Pertinet hoc simul ad copiam dicendi in enuntiationibus, quia ex una enuntiatione duae fiunt. — Omninoque tirones superlativis et vocabulis magnitudinem vel multitudinem indicantibus per particulas ita, tantum etc., circumscribendis mature assuescere debent; v. c. pro amat te valde dicendum interdum amat te ita, ut nihil supra; ita, ut vix filius patrem vel pater filium vel frater fratrem magis amare queat etc. Pro est doctissimus dici potest: est tam doctus, ut nihil sit, quod non intelligat; s. ut nihil in eo literarum desiderari possit; s. ut pauci sint, qui cum eo comparari queant etc. Sed hoc pertinet ad comparationem, peculiarem fontem copiae, de qua mox.

Omnes, omnia, mutari potest in Nihil est quod non, Nemo est quin etc., v. c. pro Omnes sciunt dicitur Nemo est, quin sciat, qui nesciat, qui ignoret: pro Omnia deus efficere potest dicitur Nihil est omnino, quod deus efficere non possit: pro Omnia scit dici potest Nihil est, quod ille nesciat; nihil est tam abditum, quod ille nesciat s. quod illum fugiat. Sic nullus dolor est, quem non tempus s. temporis longinquitas minuat et molliat pro omnem dolorem tempus minuit et molliat. — Sic nullo modo mutari potest in fieri non potest: v. c. Fieri non potest, ut homo omnia discat pro Homo nullo modo omnia discit s. discere potest. Pertinent huc quoque circumscriptiones necessariae, h. e. ubi lingua latina unam ideam uno vocabulo, more Germanorum, exprimere nequit; v. c. nemo dicere potest: Homo locutus est irresistibiliter, oratio hominis fuit irresistibilis, quae ita circumscribenda: Homo ita locutus est, ut resisti ei non posset; oratio ejus talis s. tam fortis tam diserta fuit, ut ei nemo resistere posset. — Sic multa similia adjectiva et adverbia Germanorum circumscribi possunt, v. c. faßlich, vernehmlich, v. c. faßlich erklären, explicare ita, ut singula comprehendere, intelligi, possint: vernehmlich reden, ita loqui, ut omnes audiant, intelligant etc.: die Worte waren vernehmlich, verba talia erant, ut quisque intelligeret etc.

Sed in his circumscriptionibus omnibus principatum tenent eae, quae causam s. argumentum quoddam simul continent, quo pertinent supra p. 408 allatae circumscriptiones parentum, parricidae etc. Ad quas maxime attendere tirones debent in legendo Cicerone, cujus, ut omnes libri, ita orationes in primis plenae illarum sunt, v. c. Manil.

Manil. I. ubi Cicero proprie dicere volebat haec: *Ego auctoritatem et eloquentiam meam in primis apud vos ostendere debeo. At non modo auctoritatem et eloquentiam, sed in primis vos venuste et graviter circumscribens ita loquitur: Si quid auctoritatis in me est, ea apud eos utar, qui eam mihi dederunt* (h. e. apud vos); *et si quid etiam dicendo consequi possim, iis ostendam potissimum, qui ei quoque rei* (i. e. eloquentiae) *fructum suo iudicio* (h. e. creando me consule) *tribuendum esse censuerunt* (h. e. tribuerunt). Haec omnia dicta sunt pro *Auctoritate mea apud vos utar, et eloquentiam meam vobis potissimum ostendam*. At in illa circumscriptione inest primum *modestiae* significatio in *si quid* etc. deinde *causa*, cur auctoritate utatur apud auditores, quia scilicet illi eam dederunt creando Cicerone consule, et causa, cur eloquentiam ostendat potissimum apud illos, quia scilicet praemiis illam affecerant.

Paucula etiam adferam, v. c. *Posterius* circumscribuntur Cic. Fin. III, 19 extr. per *qui aliquando futuri sunt*: Porro *quae similitudinis causa ex aliis rebus transferuntur*, Cic. Or. III, 13 i. e. *metaphorae vel vocabula metaphorica*. Et sic innumerabilia adferri possint.

B) *Circumscriptio unius vocabuli per partitionem*, h. e. ubi pro toto ponuntur partes, pro genere species, pro specie individua. Hac re perspicuitatem et gravitatem dicendi valde adjuvari per se patet, v. c. *pro omni tempore mihi se consilio adfuturum promisit* dicere interdum licet: *promisit, se mihi, sive mane sive vespere ad ipsum venissem, consilio adfuturum*: pro nullum scriptorem legit dici potest: *neque poetam, neque oratorem, neque philosophum, neque historicum legit*: pro *morte filii tui omnia tibi tristia sunt* s. *nihil tibi placet* dici potest: *nihil tibi placet amplius earum rerum, quae tibi olim tantae laetitiae fuerunt, non horti, non libri, non domus tua etc.* Sic pro *omnes regem lugent* dici potest: *lugent principes regni, eruditi, cives, milites*. — Potest etiam partibus pro toto positum totum ipsum addi ac vel praeponi vel subijci, v. c. *lugent eum filii, cognati, amici, hospites et omnes, qui eum norant*; vel *lugent eum, quicumque ipsum norant, filii, cognati, amici, hospites pro omnes eum lugent*. Pauca exempla subijciam e praeiis:

Officia circumscripsit Cic. ad Div. V, ep. 5 §. 2 *Omnia a me in te profecta sunt, quae ad tuum commodum, quae ad honorem, quae ad dignitatem pertinerent* h. e. *omnia officia a me in te profecta sunt*.

Negotia

Negotia publica. Cic. ad Div. VIII, ep. 20 §. 4 *Nam omnem nostram de republica curam, cogitationem de dicenda in senatu sententia, commentationem causarum abjecimus, h. e. omnia negotia publica.* Tripliciter enim Cicero eloquentiam suam declarare poterat, *in concione pro rostris, in senatu, et in foro defendendis reis: nostram de republica curam* pertinet ad orationes pro rostris habendas, *commentationem causarum* ad orationes judiciarias.

Eloquentia circumscribitur per ingenium et industriam modeste Cic. Manil. I — *statueremque, nihil huc (ad rostra) nisi perfectum ingenio, elaboratum industria, afferri oportere pro nihil huc nisi eloquentia perfectum afferri oportere: quia ingenio et industria s. exercitatione nititur maxime eloquentia.* Omisit per modestiam scientiam rerum multarum s. doctrinam, quam alibi addit: v. c. Arch. I in. *Si quid est in me ingenii — si qua exercitatio dicendi — si hujusce rei ratio aliqua ab optimarum artium studiis ac disciplina profecta etc. h. e. si eloquentia instructus sum.* Hic ponit ingenium, exercitationem dicendi, quae cum industria convenit quodam modo, et tandem doctrinam, quam exprimit per verba: *hujusce rei, h. e. dicendi, ratio ab optimarum artium studiis ac disciplina profecta.*

Respublica circumscribitur Cic. Sext. 46 in. *Hujus autem otiosae dignitatis haec fundamenta sunt: religiones, auspicia, potestates magistratuum, senatus auctoritas, leges, mos majorum, judicia, jurisdictio, fides, provinciae, socii, imperii laus, res militaris pro Hujus autem otiosae dignitatis fundamentum est respublica s. status reipublicae, pro ea ponit partes ejus religiones, auspicia etc., quod haud dubie apertius.*

Nusquam circumscribitur Cic. Catil. II, I *non in campo, non in foro, non in curia, non denique intra domesticos parietes pertimescemus sc. sicam Catilinae vel Catilinam ipsum pro nusquam pertimescemus.*

Magna res est, multa requiruntur etc. Hoc circumscribitur Cic. Sext. 46 *Harum rerum tot atque tantarum (i. e. partium reip. ante memoratarum) esse defensorem et patronum magni animi est, magni ingenii magnaeque constantiae pro Harum rerum — esse — patronum est res magna s. multa requirit, multas virtutes postulat, dazu gehört gar viel: at illud longe praeclarius h. e. magis perspicuum: magnus animus est, qui omnia pericula contemnit; ingenium magnum cernitur in ejus celeribus motibus h. e. geschwinden Einfällen, ut homo statim sciat, quid agendum, quid omit-*
tendum;

tendum; *constantia* pendet a magno animo et efficit, ut homo acriter pergat in re incepta, nec terroribus aliisque impedimentis moveatur.

Omnia hominis vel homo totus circumscribitur Cic. Pis. 40 *Omnes memoriam consulatus tui, mores, faciem denique ac nomen — detestantur pro Omnes te detestantur.* At illud longe gravius.

Nemo. Caes. B. G. VII, 28 *non aetate confectis, non mulieribus, non infantibus pepercerunt pro nemini plane pepercerunt.*

Nihil. Cic. Sext. 47 *qualis pater tuus, M. Scaure, fuit, — quem nulla unquam vis, nullae minae, nulla invidia labefecit pro quem nihil labefecit.* Ibid. in fine: *qualis Catulus fuit, quem neque periculi tempestas, neque honoris aura potuit unquam de suo cursu aut spe aut metu demovere, h. e. quem nihil s. nulla res potuit de suo cursu h. e. vitae ratione demovere etc.* Eleganter *cursus* pro *vitae ratione*, ut in metaphora maneret, quia praecessit *tempestas* et *aura*.

C) *Circumscriptio unius vocabuli per comparationem* in primis adhibetur a priscis ad notionem *magnitudinis* et *multitudinis* apertius et gravius exprimendam, quam per vocabula jejuna valde, *magnus, multus, saepe* etc. fieri potest. Neque enim multitudo et magnitudo, cum utraque sit res relativa, aliter rite aestimari, nedum sentiri, potest, quam si illam cum alia multitudine et magnitudine contuleris. Comparatio omnis definit illam demum eique verum pretium statuit.

Valde. V. c. pro *valde* s. *magno opere te amo* dici potest: *amo te ita, ut pater filium vel filius patrem, frater fratrem etc., non magis amare possit; vel amo te tantopere, quantopere vix pater indulgens filium bonae indolis amare potest, vel quantopere vix filius patrem, frater fratrem, amare solet: vel non minus te amo, quam filius patrem etc., vel amo te tantum, quantum fas est homini hominem amare, vel ut vix unquam fuerint, qui simili amore cujusquam flagrant; vel jocosae: amo te tantopere, quantopere vix avarus pecuniam, eruditus suos libros, sponsus sponsam amare potest s. ut vix avarus thesauros suos, eruditus suos libros, sponsus sponsam magis amare queat.* Ac sic saepius variari potest. Cic. ad Div. VIII, ep. 14 §. 9 *Nam cum te semper tantum amaverim, quantum ipse intelligere potuisti etc., pro valde amaverim: at illud praeclarius, quia simul indicatur,*

catur, amico jam notam esse magnitudinem amoris. Addi potest sequens:

Magnus. V. c. pro *meus erga te amor est magnus, maximus, summus* etc. dicere possis: *qualis patrum amor erga liberos, vel liberorum erga patres, fratris erga fratrem esse solet, talis est meus erga te amor; vel non minori te complector amore, quam pater filium, filius patrem, frater fratrem complecti solet.* Sed attendendum est, utrum ad minorem an majorem natu an aequalem scribamus. Potest et latius dici: *magnus esse solet amor liberorum erga parentes, parentum erga liberos etc., at dubito, an meus in te amor minor sit s. comparari cum illo possit; vel sic: quamquam parentes filiorum, in primis virtute ornatorum, amore flagrare vehementer solent, tamen amor, quo te complector, tantus est, ut, nisi superare, at aequare illum videatur.* Ac sic centies variare licet. Sic pro *literarum studia magnam vel singularem utilitatem afferunt hominibus* dici potest: *studia literarum hominibus tantam afferunt utilitatem, quanta vix ulla ex re percipi potest, vel, ut paucae res sint, quae similiter delectent, vel, ut, qui ei adsuetae sint, iis ceterae voluptates sordeant s. longe inferiores videantur, vel sic: utilitas, quae e literarum studiis percipitur, major est ea, quam divitiae aliaeve res humanae afferre queunt.* Ac sic ingenii ope facile plures variationes, contextui aptae, inveniri possunt.

Saepe per *saepius quam* etc.; *tam saepe* s. *toties ut; toties quoties* circumscribi potest. V. c. pro *istam rem saepe vidi* dici potest: *rem istam tam saepe vidi, ut non amplius ejus videndae cupiditate tenear, vel ut fere taedio mihi sit* etc. Cic. Manil. 10 de Pompejo ait: *Qui saepius cum hoste conflixit, quam quisquam cum inimico concertavit?* pro *saepissime*; at illud gravius.

Diutissime it. *semper, perpetuo, per tamdiu seq. quamdiu vel ut, dum.* Cic. Acad. III, 22 in. *Qui (Antiochus) haec ipsa — didicit apud Philonem tamdiu, ut constaret, diutius didicisse neminem pro qui haec ipsa didicit diutissime.* Offic. II, 12 prope fin. *Ti. enim Gracchus P. F. tamdiu laudabitur, dum memoria rerum romanarum manebit pro Ti. enim Gracchus diutissime vel etiam perpetuo s. semper laudabitur.*

Permuli, multi, circumscribuntur per *tot quot; tot ut; plures quam* etc., v. c. pro *permultos fortes viros habuit Roma* dici possit: *Roma tot viros fortes habuit, quot fere nulla gens, eaque fortissima, numerare potuit, s. ut nullam gentem constet esse, quae tantum numerum fortium virorum habuerit,*

habuerit, f. ut nulla gens tanto numero gloriari possit. Sic permultos habes libros ita efferri possit: habes tot libros, (tantum librorum) quot (quantum) pauci viderunt, quot regem non dedeceat habere; vel per jocum: tot libros, quot coelum stellas etc., ut Ovid. tot mala sum passus, quot in aethere sidera lucent h. e. permulta, innumera; cui similis est ille versus alius forsan poetae: quot coelum stellas tot habet tua Roma puellas i. e. innumeras. Cic. Manil. 10 de Pompejo: qui — plura bella gessit, quam ceteri legerunt; plures provincias confecit, quam alii concupiverunt pro qui plurima, innumera, bella gessit, et permultas provincias confecit. Est hyperbole forsan iusto major. At per se patet, tales dilatationes f. circumscriptiones non nisi in res et homines singulares cadere; hinc frigidum foret ubique iis uti.

Parum, non multum. Cic. ad Div. III, ep. 7 §. 15 Gratia tantum possumus, quantum victi int. possunt, pro gratia parum valemus scil. apud Caesarem ejusque amicos, ich stehe in nicht besondern, in schlechtem, Credit, Ansehen. Victi enim non multum valent gratia plerumque.

SECT. III

De copia dicendi in enuntiationibus.

Copia dicendi in enuntiationibus cernitur in eo, ut pro una enuntiatione duae vel plures ponantur, perspicuitatis et gravitatis adjuvandae causa. Hinc non ubique fieri posse clarum est. Sed quomodo haec copia instituetur? Maxime ita, ut vel partes pro toto, species pro genere, ponantur vel notiones causae, effectus, conditionis, loci, temporis, aliaeque determinationes per totas enuntiationes exprimendae addantur. Haec enim singula reddunt rem ipsam dilucidiorum et graviorum. Possunt etiam interdum vocabula in enuntiationes mutari, quia et sic gravitas dicendi adjuvatur. Possunt huc nonnulla exempla, quae supra ad copiam dicendi in vocabulis singulis retulimus, referri, quia in iis non modo unum vocabulum per plura circumscriptum est, sed simul ex una enuntiatione duae factae sunt. Praecipuos igitur modos augendi enuntiationes enumerabo: quorum numerus quin augeri possit, nullus dubito.

I) *Unum vocabulum*, quod *genus* vel *Totum* aliquod indicat, saepe per *partitionem* s. *μερισμὸν* aliquot enuntiationibus constantem *circumscribi* potest. Qua re, ut per omnes circumscriptiones rite institutas, adjuvari perspicuitatem vel gravitatem, non opus est monere. Paucula exempla afferam:

Mali s. *improbi* circumscribantur ap. Cicer. Sext. 46 *Etenim in tanto civium numero magna multitudo est eorum, qui aut, propter metum poenae, peccatorum suorum conscii novos motus conversionesque reipublicae quaerant, aut qui, propter insitum quendam animi furorem, discordiis civium ac seditione pascantur, aut qui, propter implicationem rei familiaris, communi incendio malint, quam suo, deflagrare. Egregie pro etenim in tanto civium numero magna multitudo est malorum* s. *improborum*. At quam jejune hoc prae illo!

Omnes Mil. 8 in. *Luget senatus, moeret equester ordo, tota civitas confecta senio est, squalent municipia, affligantur coloniae, agri denique ipsi tam beneficium, tam salutarem, tam mansuetum civem desiderant pro omnes omnino lugent Clodium*. Ironice dictum. At quam gravius illud! et quis non admiratur copiam verborum apte inventorum *luget, moeret, senio confecta est, squalent, affligantur, desiderant!* Sic pro regem hunc diu vivere omnes optant dicere liceat: regem hunc diu vivere optant principes regni, cupiunt eruditi, volunt milites, poscunt cives. Potest quoque *Totum* vel *genus* addi, v. c. in exemplo proxime allato: *omnes omnino desiderant* s. *flagitant*. Sic pro tota domus *luget* ita queat dici: *luget pater, mater se infelicissimam esse clamat, filii trepidantes per domum discurrunt, tota denique domus gemit; ubi tamen verba tota denique domus gemit* omitti etiam possunt. Ac sic in pluribus. Quisque sentit, talem partitionem recte usurpatam multum gravitatis continere.

Nihil circumscribitur variis saepissime modis apud Cicero-
nem, v. c. Arch. 6 *qui ita vivo, ut ab nullius unquam me tempore aut commodum* (sic Ed. Graev. In Edit. Ernest. est *commodo*) *aut otium meum abstraxerit, aut voluptas avocarit, aut denique somnus retardarit; egregie dictum pro qui ita vivo, ut nihil me unquam ab ullius tempore prohibuerit, s. qui ita vivo, ut ab nullius tempore unquam me quidquam prohibuerit*. Hunc locum infra alio consilio afferam, quo planius percipiatur Ciceronis artificium in copia dicendi.

Omni tempore s. semper et omni loco s. ubique circumscribitur apte in illo loco celeberrimo Cic. Arch. 7 extr. Haec studia (humanitatis) adolescentiam alunt (Edd. agunt obscuro sensu), senectutem oblectant, secundas res ornant, adversis perfugium ac solatium praebent, delectant domi, non impediunt foris, pernoctant nobiscum, peregrinantur, rusticantur pro haec studia profunt omni tempore et loco. At quanto praeclarius illud! Addi possunt circumscriptiones singulorum vocabulorum, quae supra Sect. 2 de copia dicendi in singulis vocabulis allatae sunt.

II) Enuntiatio, praesertim notionem rei magnae, praeclarae vel manifestae continens, saepe potest per ita ut; adeo ut; tantum ut etc. dilatari atque circumscribi. Fit hoc dupliciter: vel causa praeponenda vel effectu postponendo.

I) Praeponitur causa atque ita nova enuntiatio efficitur; v. c. pro hic solet omnium hominum felicitati libenter consulere dici potest: hic est eo animo s. ea benignitate, ut omnium hominum felicitati libenter consulat s. consulere soleat. Pro hic adolescens dies noctesque literis dat operam dicere licet: hic adolescens tanto literarum studio (s. tanta cupiditate) flagrat (s. tenetur), ut dies noctesque det iis operam. Pro deus nobis benefacere quotidie gaudet dicitur: deus est ita benignus s. tanta benignitate, ut nobis benefacere quotidie gaudeat. Pro deus omnia efficere potest dici potest: deus est ita potens s. tanta potentia, ut nihil sit, quod efficere non possit. Sic pro deus odit omnia peccata dicitur: deus est ita sanctus, ut oderit etc. Pro omnes hoc intelligunt dici potest: nemo est tam stultus s. tam rerum ignarus, ut non hoc intelligat. Pro omnes hoc fatentur dicitur interdum: nemo est tam stultus vel tam amens, quin fateatur. Pro omnes hoc sciunt dicitur: nemo est tam imperitus s. rudis etc., quin sciat; vel etiam simpliciter nemo est, quin sciat. Pro deus optime scit, quid nobis prosit dicitur: deus ea est sapientia, ut, quid nobis prosit, optime sciat. Pro innumerabiles homines trucidavit dici potest: fuit tanta crudelitate atque immanitate, ut innumerabiles homines trucidaret s. trucidare non dubitaret. Pro huic homini parci non potest dicere licet: tantum est hominis facinus, vel tanta hominis sunt facinora, ut ipsi parci nequeat. Pro huic homini s. hujus hominis verbis facile credi potest dicitur: hic homo tam amans est veritatis, ut, quidquid dicat, ei facile credi possit s. ut ejus verbis facile credi possit. Pro rem istam, quam narras, credere non possum dici potest: res

ista, quam narras, tantopere recedit a veritate s. tam stulta est, ut credi non possit. Pro Homerus facile intelligi potest dicere licet: Homerus est tanta facilitate s. tam facilia sunt Homeri cetermina, s. adeo carent omni difficultate, ut a quovis, linguae perito, intelligi possint s. ut nemo sit, qui ea non intelligat, modo linguam graecam calleat. Contra pro Aeschylus non facile intelligi potest dicitur: Aeschyli dicendi genus est tam abstrusum s. obscurum etc., ut non facile intelligatur, s. scribit ita, ut vix sensa animi assequi valeas. Sic pro te non possum intelligere dicitur: tu ita loqueris s. tam obscure, confuse, loqueris, ut mentem tuam, s. quid velis, intelligere nequeam. Pro omnia violantur s. violari solent dici potest: nihil est tam sanctum, nihil tam firmum, quod non violari possit seu quod non aliquando violare sustineat audacia. Sic Cic. Rosc. Am. 25. Qui cum intelligerent, nihil esse tam sanctum, quod non aliquando violaret audacia pro omnia posse violari ab audacia. — Addam aliquot adhuc exempla ex illo. Manil. II Quis enim toto mari locus per hos annos aut tam firmum habuit praesidium, ut tutus esset, aut tam fuit abditus, ut lateret? pro quis enim toto mari locus per hos annos aut tutus fuit aut latuit? At illud gravius et apertius. Ibid. c. 16 prope fin., cum dicere deberet: quare cum bellum negligi non possit et accuratissime sit administrandum etc., maluit praeposenda singulis enuntiationibus enuntiatione causali ita loqui: quare cum bellum ita necessarium sit, ut negligi non possit, ita magnum, ut accuratissime sit administrandum etc. Sic Cicero millies, ut nulla re fere magis delectari videatur. Agr. II, 16 Nam utrumque ita magnum est, ut nullo modo neque concedendum neque ferendum sit pro nam utrumque nullo modo neque concedendum neque ferendum est. Phil. II, 7 in. Adeone pudorem cum pudicitia perdidisti, ut hoc in eo templo dicere ausus sis, in quo etc. pro tunc hoc ausus es in eo templo dicere etc.? At illud gravius. Cap. 15 Neque vero eram tam indoctus ignarusque rerum, ut frangerer animo propter vitae cupiditatem etc. pro neque vero frangebar animo propter vitae cupiditatem etc. Phil. III, 2 Quis est tam ignarus rerum, tam nihil de republica cogitans, qui hoc non intelligat? pro quis hoc non intelligit? Cap. 4 Quis autem rex unquam fuit tam insignite impudens, ut haberet omnia commoda, beneficia, jura regni venalia? pro quis autem rex unquam habuit omnia commoda — venalia? Mil. 30 Quamquam hoc animo semper fuimus omnes in patriae proditoribus opprimendis, ut, quoniam nostra futura esset gloria, periculum quoque et invidiam nostram putarem pro quamquam

quam semper omnes in patriae proditoribus opprimendis, quoniam nostra futura erat gloria, periculum quoque et invidiam nostram putavimus. Arch. 5 in. Metellus — tanta diligentia fuit, ut ad L. Lentulum praetorem et ad iudices venerit et unius nominis litura se commotum esse dixerit pro Metellus ad Lentulum praetorem et ad iudices venit et dixit se unius etc. Cap. 8 in. Quis nostrum tam animo agresti ac duro fuit, ut Roscii (histrionis clarissimi) morte nuper non commoveretur pro quis nostrum Roscii morte nuper non commotus est? Wer hat sich über den Tod — nicht betrübt? At illud gravius. Cap. 9 in. Neque enim quisquam est tam aversus a Musis, qui non mandari versibus aeternum suorum laborum facile praeconium patiat, niemand ist der Dichtkunst so feind, daß er nicht seine Thaten gern besingen lassen sollte, si ad sensum summumque veritas: pro omnes enim mandari versibus aeternum suorum laborum facile praeconium patiuntur, jeder läßt seine Thaten gern besingen; at quam jejuna hoc, quam rude prae illo! Cap. 12 in. dicere voluit proprie: an vero omnes arbitremur simul moritura esse nobiscum omnia; at pro his ita loquitur: an vero tam parvi animi videamur esse omnes, qui in republica atque in his vitae periculis laboribusque versamur, ut, cum usque ad extremum spatium nullum tranquillum atque otiosum spiritum duxerimus, nobiscum simul moritura omnia arbitremur? Sollte man uns alle, die wir uns mit dem Staate bey solchen Gefahren und Mühseligkeiten des Lebens beschäftigen, für Leute von so schlechterem Geiste s. niedriger Denkungsart halten, daß wir, nachdem wir bis ans Ende unsers Lebens nicht eine einzige ruhige und müßige Stunde gehabt, glauben sollten, es werde alles zugleich mit uns sterben? Egregie et gravissime dictum! Catil. III, 9 in. Hic quis potest esse tam aversus a vero, tam praecipuus, tam mente captus, qui neget, haec omnia, quae videmus, praecipueque hanc urbem deorum immortalium nutu atque potestate administrari? pro hic quis neget, haec omnia etc. Orat. I, 58 med. Cicero dicere volebat: omnes sciunt, quid sit sementis ac messis, arborum putatio ac vitium, quo tempore anni ac quo modo ea fiant. At maluit copiosius et gravius ita dicere: nemo tam sine oculis, tam sine mente vivit, ut, quid sit sementis ac messis, quid arborum putatio ac vitium, quo tempore anni aut quo modo ea fiant, omnino nesciat. Egregie, ac simul periodice: nam copia periodicis magis favet quam brevis. Gravitationem praeponenda tali enuntiatione causali adjuvari augerique quis est, quin sentiat? Ac profecto haec copia, quae dicitur, fere potius

brevitatis quam copiae nomen meretur, quia causa s. argumentum continetur paucis verbis constans atque sic tectum, ut vix argumenti speciem prae se ferat.

2) Postponitur enuntiationi saepe effectus, atque ita nova enuntiatio efficitur. V. c. pro deus est valde benignus dici latius potest: deus est tam benignus, ut omnibus adesse libenter soleat s. ut omnium felicitari prospicere s. omnibus quotidie bene facere s. omnes beneficiis cumulare quotidie gaudeat. Pro deus est potentissimus dici potest deus tanta s. ea est potentia, s. tam potens est, ut omnia, quae velit, efficere queat s. ut nihil sit omnino, quod efficere non possit etc. Pro deus est valde sapiens s. sapientissimus dici potest v. c. deus est tam sapiens, ut in nulla unquam re errare possit s. ut, quid hominibus profit, quid obsit, optime ac certissime sciat etc. Pro Hic homo valde amat literas s. magno literarum studio flagrat dici potest: Hic homo literas tantopere amat s. tanto literarum studio flagrat, ut iis noctes diesque det operam s. ut iis ceteras res omnes postponat etc. Pro nihil est satis sanctum, tutum, dicitur: nihil est tam sanctum, quod non improbitas hominum violare sustineat s. quod non aliquando violet audacia. Pro Hic homo est valde imperitus, indoctus, dicere licet: Hic homo est ita imperitus, tam indoctus, ut ne facillima quidem verba intelligat, vel ut nullius rei naturam perspiciat, vel ut ne facillimum quidem scriptorem legere possit, ut nihil omnino sciat etc. Pro Fuit valde crudelis dicere licet: fuit tam crudelis, ut nemini vel nulli aetati parceret, ut ne infantibus quidem parceret; ut innumeros trucidare non dubitaret, ut sanguine vel innocentium pasceret etc. Pro Res, quam narras, falsa est dicere licet: Res, quam narras, tam falsa est vel tam abhorret ab omni veritatis specie, ut nemo credere possit, ut ne puer quidem credat, ut vel puer fidem tibi deneget etc. Pro Hic vir est amantissimus veritatis dicitur: Hic vir est ita amans veritatis, ut, quidquid dicat, nullo negotio credi possit, vel ut nunquam mentitus sit, ut ne mendacium quidem audire nedum dicere sustineat etc. Pro Homeri carmina sunt valde facilia dici potest: Homeri carmina tam facilia sunt, ut, quicumque linguae graecae aliquam notitiam teneat satisque attentus esse possit, ea intelligat. Pro Pindari carmina sunt valde difficilia intellectu dici potest: Pindari carmina sunt tam difficilia, ut, qui ad eum legendum accedere velit, magna multarum rerum cognitione, magna linguae graecae notitia, et magna attentione instructus esse debeat. Pro amo te valde dici potest: amo te ita, ut nihil sit,
quod

quod tibi non commodem; ut in omnibus rebus operam studiumque meum omni tempore expectare possis etc. Et sic in pluribus. Cic. Off. II, 15 extr. Quamobrem nec ita claudenda est res familiaris, ut eam benignitas aperire non possit, nec ita referanda, ut pateat omnibus egregie pro Quamobrem res familiaris nec nimis claudenda nec nimis referanda est h. e. nec nimis parci nec nimis benefici esse debemus s. est modus adhibendus. Marc. 3. in. nulla est enim tanta vis, quae non ferro ac viribus debilitari frangique possit pro nulla vis est satis magna. Conf. quae supra lect. 2 p. 406 in copia singulorum verborum de circumscriptionibus unius vocabuli diximus: nam huc quoque pertinent, quia in iis duae enuntiationes pro una posita sunt.

III) Enuntiatio notionem rei vel valde magnae, gravis et excellentis, vel valde parvae continens, quo pertinet notio temporis vel longissimi vel brevissimi etc., per comparationem aliquam dilatatur ope particularum ita ut, tantum quantum, tantum ut, vel gradus comparativi; atque ita pro una enuntiatione duae pluresve efficiuntur. V. c. pro Amo te valde dicitur amo te ita s. tantopere, ut pauci sint, quos simili amore amplectar; s. ut vix pater filium, filius patrem, frater fratrem similiter amare possit. Pro Cicero summus orator fuit dicitur Cicero tantus orator fuit, quanti omni tempore pauci reperiuntur; vel Cicero tantum dicendo valuit, ut vix orator esse possit, qui ejus vim dicendi assequatur s. assequi posse sibi videatur. Pro tua domus est valde parva vel nimis parva dici potest: domus tua est tam parva, ut casae agricolarum majores esse videantur. Pro frater tuus scit parum dicitur frater tuus tam parum scit, ut a quoque puero longe superetur. Pro vita nostra perbrevis est dici potest: vita nostra tam brevis est, ut ad somnii similitudinem accedere videatur etc. Pro virtus est omnium rerum praeclarissima dicitur virtus est tam praeclara, ut ceterae res prae ea contemnendae videantur vel ut aurum omnesque divitiae prae ea sordere hominibus debeant. Cic. Manil. 10 pro Pompejus saepissime cum hoste conflixit, multa bella gessit, multas provincias confecit ita loquitur: saepius cum hoste conflixit, quam quisquam cum inimico concertavit; plura bella gessit, quam ceteri legerunt; plures provincias confecit, quam alii concupiverunt: cap. 11 quae tanta sunt in hoc uno, quanta in omnibus reliquis imperatoribus, quos aut vidimus aut audivimus, non fuerunt pro quae maxima s. summa in hoc uno sunt. At illud majus, honorificentius, apertius et gravius.

Phil. III, 1 in. *Frequentia vestrum incredibilis, Quirites, concioque tanta, quantam meminisse non videor* etc. pro concioque maxima. Ad Div. V, ep. 8 §. 2 *Nam et cum consulibus et cum multis consularibus tanta contentione decertavi, quanta nunquam ante ulla in causa pro Nam et cum consulibus et cum multis consularibus maxima contentione decertavi*: at illud gravius: omninoque tales circumscriptiones rem graviores reddunt. Hinc tenendae et imitandae sedulo. Ac nihil frequentius apud Ciceronem. Addi possunt exempla superiora sect. 2 p. 415 circumscriptionis vocabulorum singulorum per comparationem instituendae: pertinent enim huc haecenus, quia ex una enuntiatione plures fiunt.

III) Egregius modus augendi enuntiationes est, quando in enumeratione aliquot vel multarum rerum aut personarum per unum *verbum* proprie ita dictum connexarum his singulis singula *verba* adduntur, atque ita, quot vocabula erant, totidem enuntiationes fiunt: v. c. pro *amant te cives et peregrini* dicas: *amant te cives, diligunt peregrini*; pro *deus nobis vitam, sanitatem, pacem aliaque bona donavit* dicas: *deus nos vita donavit, sanitate beavit, pace ornavit, aliisque bonis frui voluit*, vel alio modo, v. c. *deus nobis vitam dedit, sanitatem donavit, pacem concessit, aliaque bona tribuenda existimavit*. Videndum enim est, ut, si fieri possit, talia *verba* eligamus, quae eosdem casus nominum regunt, siquidem enuntiationes breviores fieri debent, ut illae erant. Sic pro *laetantur rex, principes regni, cives* dicere liceat: *laetatur rex, gaudent principes regni, exsultant cives*. — En exempla e Cicerone. Arch. 6 volebat proprie dicere: *qui ita vivo, ut ab nullius unquam me tempore aut commodum aut otium aut voluptas aut denique somnus abstraxerit* vel *prohibuerit*; at copiosius ita dixit: *qui ita vivo, ut ab nullius unquam me tempore aut commodum aut otium meum abstraxerit aut voluptas avocarit, aut denique somnus retardarit*. Egregie *abstraxerit* convenit τῷ otium, *avocarit* τῷ voluptas, *retardarit* τῷ somnus. Peccavit tamen paululum, quod non ad *commodum* quoque peculiare *verbum* posuit, v. c. *abduxerit, retinuerit* etc. In Gronoviana tamen et Ernest. est *commodo*, pro quo Graevius recepit *commodum*: illud non male conveniat, ut cohaereat cum *tempore*: at tunc Cicero debuisset dicere *tempore vel commodo*. Sed *commodum* praeplacet. Neglecta concinnitas s. membrorum aequalitas nos non movere debet: eam etenim Cicero saepius neglexit: v. supra c. 6 sect. 3, n. I, 4, a. Cap. 7 pro

Haec

*Haec studia profunt in adolescentia, in senectute, in secundis, in adversis, rebus, domi, foris, noctu, peregre, rure h. e. omni tempore et loco maluit ita dicere: haec studia adolescentiam alunt (Edd. agunt, non satis perspicue), senectutem oblectant, secundas res ornant, adversis perfugium ac solatium praebent, delectant domi, non impediunt foris, pernoctant nobiscum, peregrinantur, rusticantur. Ubi notes, membra non esse sibi aequalia. Cap. 8 Cicero volebat dicere: *Homerum suum civem esse dicunt Colophonii, Chii, Salaminii, Smyrnaei*: sed maluit addendo singulis peculiari verbo ita dicere: *Homerum Colophonii civem esse dicunt suum, Chii suum vindicant, Salaminii repetunt, Smyrnaei vero suum esse confirmant*. Rosc. Am. 22 dicere proprie debebat: *multum valet humanitas, communio sanguinis et ipsa natura* scil. ad parricidium non committendum. At copiosius ita dixit: *magna est vis humanitatis, multum valet communio sanguinis, reclamitat istiusmodi suspicionibus ipsa natura*. Add. Orat. 3 *Ac video, hanc primam ingressione non ex orationibus disputationibusque ductam, sed e media philosophia repetitam* etc., ubi vel *ductam* vel *repetitam* sufficere et ad utrumque referri bene poterat; nec *ductam* et *repetitam* inter se valde differunt. Sic Manil. 1 dicere poterat Cicero: *nihil huc nisi ingenio et industria elaboratum afferri oportere*; at pro eo dixit: *nihil huc, nisi perfectum ingenio, elaboratum industria, afferri oportere*. Ac millies tam copiose Cicero. Sic pro non amore mei sed cupiditate tuae utilitatis incensus hoc feci dicere possum: non amore mei ductus sed cupiditate tuae utilitatis incensus etc. Quis non videt, sic quoque praeter opinionem hanc sententiam factam esse numerosam, quia ablativus ablativo, genitivus genitivo, participium participio respondet. Sed, ut ista copia tenenda et imitanda, ita nituntur hic omnia ingenio, ut statim verba plura eaque apta in mentem veniant, ac simul exercitatione quadam. Etiam poetae, nam sunt oratores s. eloquentes, delectantur ista copia ac millies utuntur: v. c. Virgilius Aen. VI, 803, 804, de Hercule loquens, pro licet cervam, aprum Erymanthium, et hydram Lernaean occiderit maluit duobus versibus, apponendo singulis istis nominibus substantivis peculiari verbo, ita loqui:*

*Fixerit acripedem cervam licet, aut Erymanthi
Pacarit nemora, et Lernam tremefecerit arcu.*

V) Pro una enuntiatione, quae per se et necessitatis causa sufficiebat, conjunguntur interdum duae, quarum

una rem negative altera positive exprimit. Sic gravitas rei adjuvatur. V. c. pro *semper memor ero tuorum beneficiorum* diei potest: *nunquam tua beneficia obliviscar; semper animo meo infixi erit illorum memoria*: quae duae enuntiationes per *tantum abest* conjungi possunt: *tantum abest, ut beneficia tua oblivisci possim, ut potius eorum memoria meo animo infixi perpetuo mansura sit* etc. Et haud dubie formula illa *tantum abest* hanc originem habuit, ut res et negative et positive declarari atque ita gravius exprimi posset. Sed etiam sine *tantum abest* illa ratio eandem rem negative et positive simul explicandi Ciceroni frequentissima est; et ut hoc supra in singulis vocabulis ostendimus, et exempla attulimus, ita nunc in enuntiationibus ostendemus afferendis aliquot exemplis: v. c. Cic. Agr. II, I, ubi dicere vult, se de suis majoribus parum posse dicere, quia non summos honores gesserint, neque ita populo innotuerint: hoc ita eloquitur: *Mihi quidem apud vos de meis majoribus dicendi facultas non datur; non, quod non tales fuerint, quales nos illorum sanguine creatos disciplinisque institutos videtis, sed quod laude populari atque honoris vestri luce caruerunt*. Hic non, quod non — videtis est negative, sed quod laude — caruerunt est positive dictum: prius abesse poterat, quia posterius jam per se sufficebat; at gravitas rei adjuvatur illo; veritas: *nicht als wenn sie nicht auch solche Männer gewesen, als ihr mich sehet, der ich von ihrem Blute abstamme und ihre Sitten erlernet habe, sondern weil sie an dem öffentlichen Lobe des Publicums und am Glanze eurer Ehre nicht Antheil genommen, h. e. brevius: nicht als wenn sie nicht auch so geschickte Leute gewesen wären als ich, sondern weil sie sich nur mit Staatsfachen nicht abgegeben, und kein öffentliches Ehrenamt bekleidet haben*. Inest his verbis magna laus. — Catil. II, 4 *Non est jam lenitati locus, severitatem res ipsa postulat*. Utraque enuntiatio fere idem declarat; ergo alterutra abesse per se poterat. — Mil. I in. *Et si vereor, ne turpe sit, pro fortissimo viro dicere incipientem timere, minimeque deceat, cum T. Annius Milo ipse magis de reipublicae salute quam de sua perturbetur, me ad ejus causam parem animi magnitudinem afferre non posse* etc. Hic bis conjungitur enuntiatio negativa et affirmativa de eadem re: primum *turpe sit* et *minime deceat*: illud affirmative, hoc negative; deinde *timere* et *parem animi magnitudinem afferre non posse*: illud affirmative, hoc negative. Poterat Cicero, si voluisset, alterutro omisso dicere vel ita: *Et si vereor, judices, ne turpe sit pro fortissimo viro dicere incipientem timere, vel ita: Et si vercor, judices, ne minime deceat,*

cum

cum T. Annius Milo — perturbetur, me — afferre non posse. At utrumque conjunctum multo apertius et gravius rem explicat. Cap. 26 extr. *satis declarat* (Pompejus) *se non terrorem inferre vobis — sed praesidio esse.* — Arch. 7 *Quod si non hic tantus fructus ostenderetur, et si ex his studiis* (humanitatis) *delectatio sola peteretur, tamen etc. poterat Cicero vel ita dicere: Quod si non hic tantus fructus ostenderetur, vel ita: Quod si ex his studiis delectatio sola peteretur, atque ita alterutram enuntiationem omittere; at contextus perspicuitas et gravitas aliquid perdidisset: poterat et ita dicere: Quod si non hic tantus fructus ex his studiis, sed tantum delectatio peteretur; non male: at sic non duae totae enuntiationes effectae essent. Ac sic saepius Cicero. — Sic pro omnes virtutem magni faciunt dicere v. c. possum: Nemo virtutem contemnit, omnes magni faciunt. Add. Cic. Orat. 32 Quamquam aliud videtur oratio esse, aliud disputatio, nec idem loqui esse quod dicere: ubi aliud esse et nec idem esse sunt synonyma. Poterat brevius dicere: Quamquam aliud videtur esse oratio et disputatio, loqui et dicere.*

VI) Coniunguntur pro una enuntiatione libenter duae, vel etiam plures, eandem rem explicantes et designantes, sed posterior debet esse gravior vel dilucidior priori, atque ita priorem magis confirmare vel explicare et illustrare. Saepissime ita Cicero. V. c. Rosc. Am. 24 *Sua quemque fraus* (h. e. maleficium, scelus) *et suus terror maxime vexat: suum quemque scelus agitat amentiaque afficit: suae malae cogitationes conscientiaeque animi terrent.* Cicero volebat proprie dicere, non Furias ipsas (deas illas ultrices) hominem vexare, ut in tragoediis fieri homines vulgo viderent, sed suum quemque scelus et fraudem h. e. maleficium. Ergo sufficebat prima enuntiatio *Sua quemque fraus et suus terror maxime vexat: ceterae duae suum quemque scelus etc., suae malae cogitationes etc. abesse poterant, si quidem breviter loqui voluisset. At additae quantum gravitatis addunt illi primae! Agitare i. e. herumtreiben, verfolgen; amentia afficere et terrere sunt magis perspicua quam vexare, atque hoc explicant. — Div. in Caecil. 14 in. Nunquam ille me opprimit consilio, nunquam ullo artificio pervertet, nunquam ingenio me suo labefactare atque infirmare conabitur. Hic opprimit explicatur per verba pervertet, labefactare atque infirmare conabitur. Poterat et ita dicere: Nunquam me consilio, artificio, ingenio opprimit, pervertet, labefactabit, de qua re antea dictum est. — Manil. 9 postquam dixerat hoc: Hunc* (Mithri-

(Mithridatem) in illo timore et fuga Tigranes rex Armenius excepit, ita pergit: diffidentemque rebus suis confirmavit, et afflictum erexit, perditumque recreavit: quae tria tamen parum inter se differunt; at copia per se, modo vocabula et enuntiationes paulum inter se differant, gravitatis aliquid semper affert, ut guttae multae conjunctae plus virium habent quam una. — Mil. I Non enim corona confessus vester cinctus est, ut solebat; non usitata frequentia stipati sumus. Haec duo verbis, non item re, valde differunt: corona est frequentia; at differunt tamen, quod satis interdum est oratori copiose loquenti. Et stipatus tamen plus notat quam cinctus. — Rosc. Am. 46 ut omnes despiciat, ut hominem prae se neminem putet. Posterius est gravius priori. — Quint. 21 Hoc timent homines, hoc laborant, hoc institui, atque adeo institutum referri ac renovari, moleste ferunt. Hic per gradus quasi inceditur, quod semper optimum et perspicuitati gravitatisque maxime accommodatum. — Marc. 2 aliquoties junguntur duae enuntiationes, quarum alterutra abesse poterat per se, sed posterior est fortior: maximam vero partem (rerum gestarum) quasi suo jure fortuna sibi vindicat, et, quidquid est prospere gestum, id paene omne ducit suum. Et statim: ut vero hujus gloriae — socium habes neminem; totum hoc, quantumcunque est, — totum est, inquam, tuum. Et statim: quin etiam illa ipsa rerum humanarum domina Fortuna in istius se societatem gloriae non offert, tibi cedit, tuam esse (Graev. se esse) totam et propriam facetur. Et tandem: nunquam enim temeritas cum sapientia commiscetur, nec ad consilium casus admittitur. Egregie: consilium a sapientia et casus a temeritate parum differt: attamen non plane eadem sunt: imo casus est explicatio temeritatis (der Unbedachtsamkeit) et consilium est explicatio sapientiae: cap. 7 qui non intelligat, tua salute contineri suam, et ex unius tua vita pendere omnium: cap. 9 in. Haec igitur tibi reliqua pars est, hic restat actus, in hoc elaborandum est etc. Ac saepius hac in oratione praeclara. — Coniunguntur tales enuntiationes pro una positae interdum per non modo sed etiam, per non sed etc., atque ita gravitas crescit. V. c. Cic. Rosc. Am. 24 dicere debebat proprie: ex quo (sanguine parentum occisorum) macula concepta elui non potest, vel ita: ex quo macula concepta permanat ad animum usque; sed coniunxit utramque enuntiationem, et posteriori effectum simul addidit, atque ita dixit: ex quo, si qua macula concepta est, non modo elui non potest, verum usque eo permanat ad animum, ut summus furor atque amentia consequatur. Qua conjunctione quis

non sentit gravitatem sententiae auctam esse? — Ib. c. 23 dicere debebat: *quod, qui tantum facinus commiserunt, sine cura quiescere non possunt*, können ohne Kummer f. Sorgen nicht schlafen; sed addita alia enuntiatione gravius ita loquitur: *quod, qui tantum facinus commiserunt, non modo sine cura (non, quod supplendum) quiescere sed ne spirare quidem sine metu possunt*. — Marc. 3 dicere poterat simpliciter: *haec qui facit, eum cum summis viris comparo*, sed gravius ita loquitur: *haec qui facit, non ego eum cum summis viris comparo, sed simillimum deo judico*. Poterat et ita dicere: *haec qui facit, eum simillimum deo judico*; at illud gravius: negatur enim comparatio cum summis viris, quae per se iam gravis est. — Pertinent huc plura exempla, ubi negativa enuntiatio, per se non necessaria, praeponitur, ut consequens eo gravior fiat; v. c. Marc. 8 *Satis — naturae fortasse (vixisti), addo etiam, si placet, gloriae: at, quod maximum est, patriae certe parum*. Quae omnia dicta sunt pro tu patriae nondum satis vixisti. Ib. c. 9 *Nec vero haec tua vita ducenda est, quae corpore et spiritu continetur: illa, inquam, illa vita est tua, quae vigeat memoria saeculorum omnium, quam posteritas alet, quam ipsa aeternitas semper tuebitur*. Quae omnia dicta sunt pro vita tua, Caesar, constas nominis immortalitate.

VII) Augeri etiam saepe enuntiationes possunt ita, ut enuntiationi aliam enuntiationem, quae modum illius quendam indicet, addamus, licet per se intelligi atque ita abesse possit. Tales enuntiationes, praeponendae, sunt v. c. *non fieri potest, accidit, factum est, fit, effectum est, faciendum putavi, evenit, contigit, datum est* etc., v. c. *pro deus non mentitur dici potest: fieri non potest, ut deus mentiatur: datum est tibi hoc, ut posses efficere pro tu potuisti efficere*. *Accidit, ut moreretur pro mortuus est: contigit fratri, ut ab omnibus laudaretur pro frater ab omnibus laudatus est: factum est, ut crearetur consul pro creatus est consul*. — At notandum, accidere, contingere semper casum indicare, sic et *factum est: et evenire etiam casum vel potius eventum rei*. Exempla pauca dabo e praeis. — *Accidit: Cic. ad Div. III, ep. 2 in. Cum et contra voluntatem meam et praeter opinionem accidisset, ut mihi cum imperio in provinciam proficisci necesse esset* etc. *pro cum et contra voluntatem meam et praeter opinionem mihi cum imperio in provinciam proficisci necesse esset* etc. At illud accuratius: indicat enim, Cicero- nem non sponte vel cupiditate imperii praelidem provinciae

Ciliciae factum: et Appii intererat hoc scire, quia hic forsitan e provincia non libenter decedere vellet. Ac sic Cicero millies. — *Contingit, contigit*: Cic. ad Div. VIII, ep. 14 §. 13 *Contigit enim tibi, quod haud scio an nemini, ut summa severitas animadversionis non modo non invidiosa sed etiam popularis esset*, Denn du hast das Glück gehabt, das meines Wissens s. vielleicht niemand gehabt hat, daß die schärfste Ahndung dich nicht nur nicht verhasst sondern auch beliebt bey dem Publicum gemacht hat pro Nam tua summa severitas non modo non invidiosa sed etiam popularis fuit; id quod vix cuquam contigit. — *Obtingit*: Cic. Verr. V, 15 in. Cum tibi forte obtigisset, ut jus diceres etc. pro Cum per sortem factus esses praetor urbanus. — *Fit, factum est*: Rosc. Am. I Ita fit, ut adsint propterea, quod officium sequuntur pro Ita adsunt propterea etc. Caes. B. G. I, 31 §. 4 factum esse, uti — Germani mercede arcesserentur pro Germanos — arcessitos esse; II, 4 Qua ex re fieri, ut — magnam sibi auctoritatem magnosque spiritus in re militari sumerent pro Qua ex re illos magnam sibi — sumere. — *Evenit*: Liv. I, 7 Forte ita evenit, ut Potitii ad tempus praesto essent, iisque exta apponerentur, Pinarii — ad ceteram venirent dapem pro Forte Potitii ad tempus praesto erant, iisque — apponebantur, Pinarii — veniebant etc. Sed haec sunt tralaticia, quae millies occurrunt. — Sunt et alia, quae saepissime praeponuntur, v. c. *Effectum est*: v. c. Marcell. ad Cic. in Epp. ad Div. III, II §. 2 non prius mihi persuadere potui, quam tuis est effectum literis, ut uterer vestro potissimum consilio pro quam propter tuas literas utebar s. uti statuebam vestro potissimum consilio: at illud gravius. Sic facere, v. c. Cic. Rabir. Post. I Quamquam hoc plerumque facimus, ut consilia eventis ponderemus pro Quamquam plerumque consilia eventis ponderamus. Ad Div. III, ep. 4 §. 10 Fecerat autem hoc senatus, ut — cunctus confurgeret et ad Caesarem supplex accederet pro senatus autem cunctus confurrexerat et — accesserat. Sic XIII, ep. 48 in. eoque facio libentius, ut eos tibi commendem etc. pro eoque libentius eos tibi commendo. — Sic faciendum putare, ad Div. II, ep. 19 §. 4 Quae cum essent incerta, existimavi tamen esse faciendum, ut ad te statores meos et lictores cum literis mitterem pro Quae cum essent incerta, tamen existimavi ad te statores et lictores mittendos esse etc. s. brevius: tamen ad te statores et lictores misi. III, ep. 8 in. faciendum mihi putavi, ut tuis literis brevi responderem pro putavi tuis literis brevi respondendum esse. Cicero ita millies. — Sic et datum est: v. c. Cic. Rabir. Post. I praeferim cum sit hoc generi hominum prope
natura

natura datum, uti, qua in familia laus aliqua forte floruerit, hanc fere — cupidissime persequantur pro praesertim cum genus hominum natura familiam hanc, in qua laus aliqua forte floruit, cupidissime fere persequatur s. persequi soleat. Fin. III, 20 Atque ut tauris natura datum est, ut pro vitulis contra leones summa vi impetuque contendant etc. pro Atque ut tauri natura pro vitulis — contendunt: at illud apertius ac planius: — Sic natura est insitum; v. c. Cic. Sull. 30 hoc natura est insitum, ut, quem timueris, — hunc semper oderis pro natura odisti eum, quem times, Man hasset von Natur, auf eine natürliche Art, den, welchen man fürchtet. — Sic praeponi potest Natura, fortuna mihi, tibi, illi hoc dedit, tribuit etc., v. c. Cic. Rosc. Am. 16 in. Si tibi fortuna non dedit, ut patre certo nascere, ex quo intelligere posses, qui animus patrius in liberos esset pro Si patre certo tu non natus es, ex quo etc., est tecta vituperatio Erucii. — Possunt et alia praeponi, v. c. ita vivo: Cic. Arch. 6 Me autem quid pudeat (scil. literis humanitatis operam dare), qui tot annos ita vivo, ut ab nullius unquam me tempore aut commodum aut otium abstraxerit, aut voluptas avocarit, aut denique somnus retardarit? pro Me autem quid pudeat, quem tot annos ab nullius unquam — abstraxerit — avocarit — retardarit? — In primis praeponi solet agere, v. c. hoc ago, id egit: quod proprie est consilium aliquod sequi, etwas zur Absicht haben: ergo non de actionibus temerariis sed cum consilio susceptis dici debet: v. c. semper id egi, ut multa discerem, aliorum felicitatem adjuvarem pro semper studui multa discere, aliorum felic. adjuvare. Cic. Rosc. Am. 20 Sin autem sic agitis, ut arguatis aliquem patrem occidisse, neque dicere possitis quare aut quomodo etc. wenn ihr aber darauf umgehen s. das zur Absicht haben wollet, daß ihr etc. pro Sin autem arguetis aliquem etc. wenn ihr aber jemand beschuldigen wollet s. werdet: at prius est fortius. Catil. III, 6 qui id egerunt, ut gentem Allobrogum in vestigiis hujus urbis atque in cinere deflagrati imperii collocarent pro qui voluerunt gentem Allobrogum — collocare. Ad Div. III, 7 §. 18 Tu autem si id agis, ut minus mea causa, dum ego absim, debere videaris, quam ego tua laborarim etc. pro Tu autem si minus mea causa, dum ego absim, debere videris, quam etc. Ac sic Cicero saepissime, ut nihil sit, quod magis imitandum videatur. It. Nepos, Themist. 5 id agi, ut pons dissolveretur, man gehe damit um, die Brücke abzubrechen pro pontem dissolutum iri. Sic Livius, Caesar, Sallustius etc.

VIII) Enuntiationi saepe additur *alia enunziatio illius explicationem et illustrationem continens*; v. c. Cic. Manil. II de virtute Pompeji dixerat eamque laudaverat; provocare vult ad testes hujus virtutis *Italiam, Siciliam, Africam, Galliam, Hispaniam, iterum Italiam* etc. Poterat ergo simpliciter dicere: *testis est Italia, Sicilia, Africa, Gallia, Hispania, iterum Italia* etc., vel sic: *testis est Italia, testis est Sicilia, testis est Africa, testis est Gallia, testis est Hispania, testis est iterum ac saepius Italia* etc. Haec sufficere poterant Ciceroni, quia credere poterat, res in illis terris a Pompejo gestas auditoribus esse notas: at non sufficebant Ciceroni, quia ista nimis breviter dicta forent, cum praesertim non omnes auditores statim forsan recordarentur rerum in istis terris gestarum. Addit ergo singulis terris quandam explicationem rerum illarum vel potius repetitionem universam ac copiosius ita loquitur: *testis est Italia, quam ille ipse victor L. Sulla hujus virtute et subsidio confessus est liberatam; testis est Sicilia, quam multis undique cinctam periculis non terrore belli sed celeritate consilii explicavit; testis est Africa, quae magnis oppressa hostium copiis eorum ipsorum sanguine redundavit; testis est Gallia, per quam legionibus nostris in Hispaniam iter Gallorum internecione patefactum est; testis est Hispania, quae saepissime plurimos hostes ab hoc superatos prostratosque conspexit; testis est iterum saepiusque Italia, quae cum servili bello premeretur, ab hoc auxilium absente expetivit, quod bellum expectatione Pompeji attenuatum atque imminutum est, adventu sublatum ac sepultum* etc. Quam egregie et quanta cum variatione! — Rabir. Post. 10 L. vero Scipionis, qui bellum in Asia gessit Antiochumque devicit, non solum cum chlamyde sed etiam cum crepidis in Capitolio statuum videtis; addidit explicationem qui bellum — devicit tum ob necessitatem, quia etiam alius L. Scipio fuerat, tum praesertim, ut, Rabirii defendendi causa, appareret, chlamydem et crepidas non esse indignas magnis et honestis viris. Sic ibid. ergo ille P. Rutilius, qui documentum fuit hominibus nostris virtutis, antiquitatis, prudentiae, consularis homo, soccos habuit et pallium? etc. Ubi additur qui — homo, sed cum gravitate. Non frustra igitur sunt talia additamenta. — Marcell. 3 At vero, cum aliquid clementer, mansuete, juste, moderate, sapienter factum, in iracundia praesertim, quae est inimica consilio, et in victoria, quae natura insolens et superba est, aut audimus aut legimus, quo studio incendimur — ut eos saepe, quos nunquam vidimus, diligamus? Additamenta quae est inimica consilio et quae natura insolens et superba est, quae sunt

sunt explicationes *iracundiae ac victoriae*, abesse potuisse fa-
teor: at cui non placent additae? Cui non contextum con-
sideranti? Imitanda talia sunt tironibus, ut discant perspicue
ac graviter dicere.

VIII) Additur etiam enuntiatio *comparationem* continens
vel simplicem, vel in primis eam, quae serviat argumen-
tationi aut a minori ad majus aut a majori ad minus. a)
Exemplum *comparationis* hoc esto: pro *Sempronius valde*
errabat, cum putabat, se ab omnibus conspectum et laudatum
iri dicere interdum liceat: Sempronio fere idem accidit, quod
Ciceroni e Sicilia redeunti, ut, cum credidisset, fore ut ab om-
nibus conspiceretur et laudaretur, valde opinio ipsum falleret,
vel latius: *quod Ciceroni e Sicilia redeunti accidit, ut, cum*
Ostiae putasset se ab omnibus gratissimo animo et cum omni
laudis significatione exceptum iri, valde falleretur, idem fere
Sempronio contigisse videmus, ut in eo, quod omnibus se con-
spectum ac laudatum iri credidisset, valde erraret. Cicero
saepissime *comparationibus* utitur, v. c. Fin. III, 20 *Atque*
ut tauris natura datum est, ut pro vitulis contra leones sum-
ma vi impetuque contendant: sic ii, qui valent opibus atque id
facere possunt, ut de Hercule et de Libero accepimus, ad ser-
vandum genus humanum incitantur. — Offic. II, 12 med. *Sed*
ut pecuniae non quaerendae solum ratio est, sed etiam collocan-
dae (anzuwenden), quae perpetuos sumtus suppeditet, nec so-
lum necessarios, sed etiam liberales: sic gloria et quaerenda et
collocanda ratione est. — Ligar. 12 rogat Caesarem, ut idem
faciat in Ligario, quod in Marcello fecerit, atque ita ve-
niam huic datam cum venia illi danda comparat, idque pau-
lo latius: *fac igitur, quod de homine nobilissimo et clarissimo*
M. Marcello fecisti nuper in curia, nunc idem in foro de op-
timis — fratribus. Ut concessisti illum (Marcellum) senatui,
sic da hunc (Ligarium) populo: — et si ille dies tibi gloriosus
populo romano gratissimus fuit, noli, obsecro, dubitare, simi-
lem illi gloriae laudem quam saepissime quaerere. Egregie
et graviter dictum! — Dejot. 4 extr. comparat Caesarem
cum Pompejo: *tanto ille (Pompejus) superiores vicerat glo-*
ria, quanto tu omnibus praestitisti. Itaque Cn. Pompeji bella,
victorias, triumphos; consulatus admirantes numerabamus;
tuos enumerare non possumus. Quid majus dici poterat? Et
tamen aliquid majus dixit Cicero de Caesare pro Marcell. 2
et 3. Comparat hic per duo haec capita veniam Marcello
datam cum Caesaris rebus gestis: hoc facit ita, ut primum
res gestas Caesaris cum aliorum rebus gestis compareret, et

has longe inferiores illis confirmet, deinde clementiam atque ita veniam Marcello datam illis rebus gestis longe superiorem esse evincat. Legi merentur duo haec capita, ut artificium plane perspiciatur. Discañt hanc comparandi rationem diligenter tirones: sed, ut apte discant, debent multarum rerum cognitione ante instructi esse. Nam, si quis res non accurate novit, quomodo is apte eas inter se conferre possit? Legendi hic quoque sunt poetae, qui comparationibus abundant, sed ita legendi, ut, quantum ex illis orationi prosaicae conveniat, simul attendamus. b) Exempla comparationis argumentationi servientis sint haec: Cic. Manil. 5 in., ubi Cicero docet, majores de minori re saepe bella gessisse, ergo debere Romanos eo magis nunc bellum gerere cum Mithridate. Dicit: *majores vestri saepe mercatoribus ac naviculariis injuriosius tractatis bella gesserunt: vos, tot civium romanorum millibus uno nuntio atque uno tempore necatis, quo tandem animo esse debetis? Legati quod erant appellati superbius, Corinthum patres vestri, totius Graeciae lumen, extinctum voluerunt (i. e. exstinxerunt): vos eum regem inultum esse patiemini, qui legatum populi romani consulare vinculis ac verberibus atque omni supplicio excruciatum necavit? Illi libertatem civium romanorum imminutam non tulerunt; vos vitam ereptam negligetis? Ius legationis verbo violatum illi persecuti sunt; vos legatum populi romani, omni supplicio interfectum, inultum relinquetis? Videte, ne, ut illis pulcherrimum fuit, tantam vobis imperii gloriam relinquere, sic vobis turpissimum sit, id, quod accepistis, tueri et conservare non posse.* Quid praeclarius, quid gravius dici potest? Adjuvat gravitatem interrogatio, eaque repetita, et tandem admonitio *videte ne* etc., quae est conclusio e praecedentibus facta. Tales loci saepius sunt legendi. — Addatur Rosc. Am. 39 *In minimis privatisque rebus etiam negligentia* etc., *in tanta re, quae publice gesta atque commissâ sit, qui non negligentia* etc. Brevior comparatio est Ligar. 4 *Quorum igitur impunitas, Caesar, tuae clementiae laus est, eorum ipsorum ad crudelitatem te acuet oratio? Gravissime et simul brevissime dictum pro ii homines, qui ipsi per tuam clementiam poena liberati sunt, ii ipsi te, Caesar, incitabunt ad alios graviter crudeliterque puniendos?*

X) Commemoratio exemplorum et antiquorum et recentiorum, itemque testimonii magnorum virorum, ut enuntiationum copiam, quod per se patet, auget, ita, si quidem apte locoque adhibetur, perspicuitati ac gravitati valde prodest.

prodest. Possunt et debent interdum haec exempla et testimonia novis enuntiationibus apte inventis, maxime causis, illustrari et confirmari, ut vis eorum magis ac certius perspiciatur et sentiat. Omnia hic vertuntur in contextus ratione et ingenii bene subacti felicitate, quae e plurimis optima quaeque eligere sciat. Loca e Cicerone, abundante talibus rebus, multa afferre superfedeo. Unum laudabo Mil. 4 in., ubi ad evincendum, vim illatam vi posse repelli, atque ita hominem, qui nos telo aggrediatur, a nobis occidi posse, ac propterea Clodium a Milone jure caesum esse, laudat hoc exemplum: *pudicitiam cum eriperet militi tribunus militaris in exercitu C. Marii, propinquus ejus imperatoris, interfectus ab eo est, cui vim afferebat.* Ubi notes egregiam circumscriptionem: *ab eo cui vim afferebat dictum pro a milite*, at aptissime h. e. quia simul causa inclusa est. Pergit Cicero: *facere enim probus adolescens periculose quam perpeti turpiter maluit.* Haec est causa, cur miles recte fecerit; tandem addit Cicero ad vim exemplo addendam: *atque hunc ille vir summus (Marius) scelere solutum periculo liberavit.*

XI) Additur enuntiationi in primis enuntiatio *causam* prioris vel *consilium* (*Absicht*) continens per particulas causales *nam*, *enim*, ac, si arctius cohaerere debet, per *quia*, *cum*, *ut*, *ne* etc. In hoc genere copiae in primis regnat Cicero, qui nihil fere dicit, cujus causam non addat, ac saepe tam teste, ut vix appareat, causam additam esse. Ac profecto nihil tam eloquentiam decet, nihil tam prodest perspicuitati et gravitati, quam causas, easque aptas, frequenter adjicere. Utrum v. c. aptius est dicere: *quis deum non amet?* an: *quis deum, qui tam beneficus est, non amet?* Exempla pauca afferam. Cicero Rosc. Am. 25 prope fin. majores laudaturus, quod in parricidas poenam constituerint, atque ita sapientius quam Solon, qui illud omiserat, egerint, hoc ita eloquitur: *quanto majores nostri sapientius qui cum intelligerent, nihil esse tam sanctum, quod non aliquando violaret audacia, supplicium in parricidas singulare excogitaverunt; ut, quos natura ipsa retinere in officio non potuisset, ii magnitudine poenae maleficio submoverentur.* Poterat breviter dicere: *quanto majores nostri sapientius qui supplicium in parricidas singulare excogitaverunt.* At hoc nimis jejenum videbatur ei: hinc addit primum causam his verbis: *cum intelligerent, nihil esse tam sanctum, quod non aliquando violaret audacia;* deinde subjicit aliam causam seu consilium verbis his: *ut, quos natura ipsa retinere*

in officio non potuisset, ii magnitudine poenae maleficio (i. e. parricidio) submoverentur. — Ac paulo ante, ubi narrat, Solonem de industria nullum supplicium in parricidas constituisse, ita loquitur: *sapienter fecisse dicitur, cum de eo nihil sanxerit, quod antea commissum non erat, ne non tam prohibere quam admonere videretur.* Verba *ne non tam* — *videretur* abesse per se poterant: at volebat causam adjicere, cur sapienter fecisse in eo Solon dicatur. — Ibid. cap. 26, ubi illud supplicii genus, quod in eo constabat, ut parricida in culeum infusus in flumen dejiceretur, diligentius, ac forsitan nimis diligenter, tractans non contentus est dixisse: *noluerunt feris corpus objicere, noluerunt nudos in flumen dejicere, sed singulis his enuntiationibus causas addit sic loquens: noluerunt feris corpus objicere, ne bestiis quoque, quae tantum scelus attigissent (i. e. anrührten, non fräßen ut Ernesti in Clave explicat: illud gravius; quasi vel solo tactu iam immaniores fiant) immanioribus uteremur; non sic nudos in flumen dejicere, ne, cum delati essent in mare, ipsum polluerent, quo cetera, quae violata sunt, expiari putantur.* — Catil. III, 1 dicere vult Cicero: si dies, quibus conservamur, aequae sunt jucundi ac dies, quibus nascimur, se ob conservationem Romae, oppressio Catilina, eodem honore dignum esse, qui Romulo ob conditam urbem tributus sit. At hoc causis additis ita confirmat et dilatat: *si non minus nobis jucundi atque illustres (verti queat merkwürdig) sunt ii dies, quibus conservamur, quam illi, quibus nascimur, quod salutis (h. e. conservationis Errettung) certa laetitia, nascendi incerta conditio (notetur simul concinnitas membrorum et oppositio), et quod sine sensu nascimur, cum voluptate servamur (not. eadem concinnitas et oppositio): profecto, quoniam illum, qui hanc urbem condidit, ad deos immortales benevolentia famaue sustulimus, esse apud vos posterosque vestros in honore debet is, qui eandem hanc urbem conditam amplificatamque servavit.* Egregia sententia, in qua et argumentatio inest, qua Cicero sibi plus honoris postulare videtur, quam Romulo tributus fuit: *si hic ob conditam Romam etc., quanto magis ego ob conservatam etc.* Hic notemus tantum causas additas quod salutis — conditio; et quod sine — servamur; ac quoniam — sustulimus; quam jejune ac breviter sine iis disisset: *si non minus nobis jucundi atque illustres sunt ii dies, quibus conservamur, quam illi, quibus nascimur, profecto esse apud vos posterosque vestros in honore debet is, qui hanc urbem conditam amplificatamque servavit.* Quam parum perspicue et graviter! ut taceam posteriora sine verbis
que-

quoniam illum etc. manca esse ac fere sensu carere. — Mil. 4 *Pudicitiam cum eriperet militi tribunus militaris in exercitu C. Marii, propinquus ejus imperatoris, interfectus ab eo est, cui vim afferebat.* Hic poterat Cicero definire: nam causa, cur interfecerit, facile intelligitur. Cicero tamen statim addit: *facere enim probus adolescens periculose quam perpeti turpiter maluit*, h. e. interficere illum malebat, etsi videbat fore, ut propterea capite plecteretur, quam istam turpitudinem perferre. — Cap. 30, ubi Cicero dicere vult, se periculum et invidiam non timuisse; sed addit simul causam hanc, quia etiam gloria futura esset sua, atque sententiam ita effingit: *quamquam hoc animo semper fuimus omnes in patriae proditoribus opprimendis, ut, quoniam nostra futura esset gloria, periculum quoque et invidiam nostram (int. esse) putaremus.* Multum perdat sententia, si causa *quoniam* — gloria omitatur. — Ligar. 10 cum dixisset: *si vestras* (scil. injurias persequimini): *videte, ne erretis, qui Caesarem vestris inimicis iratum fore putetis*, hic poterat definire; at addit *cum ignoverit suis.* Haec causa addita addit sententiae demum gravitatem. Nam, si Caesar suis inimicis ignovit, quanto magis ignoscet inimicis aliorum? — Ac sic Cicero millies; ac saepissime per *qui* cum conjunctivo et cum indicativo: tam tegere scit Cicero causas; v. c. Verr. III, 28 *Antiochus, qui animo et puerili et regio esset, nihil de istius (Verris) improbitate suspicatur*, h. e. *Antiochus quia s. cum animo* etc. — Ligar. 12 *Sed parum est me hoc meminisse; spero etiam te (Caesar), qui oblivisci nihil soles nisi injurias, quoniam hoc est animi, quoniam etiam ingenii tui, te — recordari.* Egregie ad laudem memoriae Caesaris! Dicit: *spero, te recordari*; addit causam *qui oblivisci nihil soles nisi injurias*, h. e. *quia singulari es memoria, quae omnia servat*: hujus causae iterum affert causam *quoniam hoc est animi, quoniam hoc est ingenii tui.* — Marcell. 10 extr., ubi Cicero Caesarem, qui satis se sibi vixisse dixerat, hortatur, ut vitae consulat, ita loquitur: *Quare omnes te, qui haec* (i. e. hunc statum rerum s. reipublicae) *salva esse volumus, et hortamur et obsecramus, ut vitae, ut saluti tuae, consulas.* In verbis *qui haec salva esse volumus* latet causa, cur rogent, ut Caesar suae salutis ac vitae consulat: dixerat enim antea, omnium salutem niti salute Caesaris, ita, ut, si Caesar periret, omnes et omnia simul interirent. Valde adulatorie dictum. Verba *qui haec salva esse volumus* dicta sunt recte pro *quia haec omnia et nosmet simul ipsos salvos esse volumus.* — Ac sic millies Cicero utitur *qui* in causali enuntiatione, quod vulgaris interpret saepe non animadvertit.

XII) Saepe etiam praecedentibus effectus aliquis vel aliquid, quod e prioribus consequi solet vel colligi potest aut posse videtur, licet per se intelligi possit, tamen, ad perspicuitatem vel gravitatem magis adjuvandam, addi potest et debet per particulas concludentes *hinc, quare, igitur* etc. in primisque *ut pro ut itaque*; sic nova fit enuntiatio, atque adeo plures. Saepissime ita Cicero: v. c. Agr. II, 2 Cicero glorians, quod consulatum suo anno acceperit, ait: — *reperietis — me esse unum ex omnibus novis hominibus, de quibus meminisse possumus, qui consulatum petierim, cum primum licitum sit, consul factus sim, cum primum petierim.* Hic poterat desinere; sed, ut ostenderet, hoc nonnisi ob dignitatem suam contigisse, addidit hanc conclusionem: *ut vester honos (consulatus) — non ad alienae petitionis occasionem interceptus, nec diuturnis precibus efflagitatus, sed dignitate impetratus esse videatur, daß man also wohl sieht (videatur), daß diese eure Ehre von mir nicht etwa bey Gelegenheit des Anhaltens eines Andern erschlichen (proprie aufgefassen), noch durch langes Bitten erbettelt, sondern durch Verdienst erlanget worden; pro unde intelligitur, vestrum honorem — interceptum etc.* Ubi notari etiam meretur numerus. — Cap. 5 Cicero, ut Rullum tribunum plebis ridiculum reddat, describit eum, ejusque vultum, vestitum singularem etc. Sed non contentus est hac re, sed addit simul, quid inde colligi possit. Verba sunt: *jam designatus alio vultu, alio vocis sono, alio incessu esse meditabatur; vestitu obsoleiore, corpore inculto et horrido, capillatior quam ante, barbaque majore*: hic poterat desinere, sed addit: *ut oculis et adspectu denuntiare omnibus vim tribuniciam et minitari reipublicae videretur.* — Marcell. 6 Cicero laudans Caesaris clementiam in victos Pompejanos ait inter alia: *quos amisimus cives, eos Martis vis perculit, non ira victoriae: ut dubitare debeat nemo, quin multos, si fieri posset, C. Caesar ab inferis excitaret, quoniam ex acie conservat, quos potest.* Verba *ut dubitare* etc. omitti poterant, at cum magno damno sententiae. — Ligar. 6 defendens, causam Pompejanam non fuisse scelus, sed errorem, vel ad summum temeritatem, pergit: *ac mihi quidem, si proprium et verum nomen nostri mali quaeratur, fatalis quaedam calamitas incidisse videtur et improvidas hominum mentes occupavisse: ut nemo mirari debeat, humana consilia divina necessitate esse superata*: verba *ut nemo mirari debeat* etc., h. e. *hinc nemo mirari debet* etc., abesse poterant, at addita augent. — Manil. 4 in. loquens de Mithridate, qui in Hispaniam adeo

ad Sertorianos miserat, ad bellum cum iis conjungendum, hoc ita exprimit: *Mithridates — usque in Hispaniam legatos Ecbatanis misit ad eos duces, quibuscum tum bellum gerebamus*: hic poterat finire orationem; sed addit: *ut, cum duobus in locis disjunctissimis maximeque diversis uno consilio a binis hostium copiis bellum terra marique gereretur, vos, ancipiti* (h. e. duplici, e diversis partibus) *contentione districti, de imperio dimicaretis*. Nunc apparet gravitas belli: sine hoc additamento priora fuissent languida nec satis perspicua. — Ad Div. V, ep. 12 §. 16 *Quem enim nostrum ille moriens apud Mantineam Epaminondas non cum quadam miseratione delectat? qui tum denique sibi avelli jubet spiculum, posteaquam ei percontanti dictum est, clypeum esse salvum*: haec sufficiebant; sed addit: *ut, etiam in vulneris dolore, aequo animo cum laude moreretur, daß er also auch beynt Schmerze etc. s. daher starb er etc.: etiam in dolore est adeo in dolore s. licet dolore vulneris afficeretur*. Ac sic saepissime.

XIII) Additur quoque interdum contrarium, atque ita nova fit enuntiatio. V. c. labor membra firmat, cum contra desidia frangat; it. pace omnia virent et vivunt, cum contra bello omnia torpeant ac mortua videantur. Sic: concordia res parvae crescunt, discordia magnae dilabuntur. — Sic multa sibi opponi possunt, quamquam non semper oppositio subtilis nimis est. Cic. Catil. III, I dies, quibus nascimur, cum diebus, quibus e vitae periculo liberamur, ita comparans, ut hos illis praeferat, hanc addit causam: *quod salutis certa laetitia, nascendi incerta conditio, et, quod sine sensu nascimur, cum voluptate servamur*. — Deiot. 9 med. defendens, Dejotarum non vino se obruisse, nec nudum in convivio saltasse, opponit his vitiis duobus frugalitatem illius ac sic loquitur: *Dejotarum saltantem quisquam aut ebrium vidit unquam? Omnes in illo sunt rege regiae virtutes, — sed praecipue singularis et admiranda frugalitas*. Nonne poterat verba *Dejotarum saltantem — vidit unquam* omittere ac statim dicere: *omnes in illo etc.*? Poterat: at non poterat plene et graviter locuturus. — Cap. II ubi Castoris factum, qui servum a Dejotaro avo abduxerat ad hunc accusandum, cum Domitii facto, qui servum Scauri inimici ad se venientem Scauro remisit, comparans ita loquitur: *ille (Domitius) inimico servum remisit, tu ab avo abduxisti; ille incorruptum audire noluit, tu corrupisti; ille adiutorem servum contra dominum repudiavit, tu etiam accusatorem adhibuisti*. Ibid. *fit in dominatu servitus, in servitute dominatus*: ubi alter-

utrum sufficiebat; sed utrumque conjunctum est gravius. — In primis contrarium addi juvat, si argumentum simul inest, v. c. Cic. Ligar. 10 *Si vestras*, int. injurias persequimini: *videte, ne erreris, qui Caesarem vestris inimicis iratum fore puteris, cum ignoverit suis*; opponuntur sibi iratum fore inimicis vestris et ignovisse suis inimicis; et causa, cur vestris inimicis non iratus futuris sit, est, quia suis ipse ignovit. Ibid. cap. 5 med. *Quam multi — impedirent clementiam tuam, cum etiam ii, quibus ipse ignovisti, nolint te in alios esse misericordem?* Inest argumentum hoc: si ii, quibus Caesar ignovit, eum nolunt esse in alios misericordem h. e. eum ad crudelitatem in alios incitant, quid tandem alii facient, qui Caesaris clementiam non experti sunt? Deiot. 14 extr. *Dabis profecto misericordiae, quod iracundiae negavisti* — In omnibus his alterutra enuntiatio abesse per se poterat; dicere Cicero poterat: *videte, ne erreris, qui Caesarem vestris inimicis iratum fore puteris*, omittis *cum ignoverit suis*; poterat dicere: *quam multi — impedirent clementiam tuam, cum etiam hi te nolint in alios esse misericordem*, et tandem: *dabis profecto hoc misericordiae*. Potuisset sane, si copiose pleneque dicere noluisset.

XIII) Addi quoque saepe potest ac debet enuntiatio, conditionem praecedentium continens per particulas *si, nisi, si quidem, quatenus*, interdum et *qui*. V. c. pro deus hominibus peccata libenter remittit dici possit: *deus hominibus peccata, si eorum ipsos vere poenitet, libenter remittit*. Postulat hoc subtilitas h. e. diligentia, qua in scribendo nihil eorum, quae adesse debent, temere omittimus, atque ita perspicuitas ab illa pendens. Sic pro quaecunque a me postulaveris, ea tibi dabo rectius dicas; quaecunque a me postulaveris, ea, si potero, tibi dabo. Nam ultra vires homo progredi nequit, et prudens non plus promittit, quam efficere possit. — Cic. ad Div. V, ep. 21 §. 15 pro Ego ad te brevi veniam prudentius dixit: *Ego, si videbitur recte (tuto) fieri posse, ad te veniam brevi*. Marcell. 6 *ut dubitare debeat nemo, quin multos, si fieri posset, C. Caesar ab inferis excitaret*. Deiot. 5 *quod* (scil. Dejotarum insidiatum esse vitae Caesaris) *tu, nisi eum furiosissimum judicas, suspicari profecto non potes*. Ibid. paulo ante, ubi narrat, Dejotarum partes Pompeji secutum quidem, sed Pharsalico praelio facto a Pompejo discessisse, dicit: *spem infinitam persequi noluit: vel officio, si quid debuerat, vel errori, si quid nescierat, satisfactum esse duxit: domum se contulit*. Verba
si

si quid debuerat, quae sunt explicatio officii erga Pompejum, et verba *si quid nescierat*, quae sunt venusta explicatio erroris, abesse posse quis non credat? At quis non sentiat, adesse debere? — Add. Marc. 7 in., ubi sermo est de suspicionem Caesaris, credentis, suae vitae insidias parari. Cicero tractat eam tanquam rem gravem et ait: *tua cautio nostra cautio est: ut, si in alterutro peccandum sit, malim videri nimis timidus quam parum prudens*. Verba *si in alterutro peccandum sit* abesse per se poterant: at gravitatem adjuvant. — In primis enuntiationes conditionales pertinent ad humanitatem modestiamque, v. c. pro Rem, *quam a me narrari cupis, tibi narrabo*, humanius dicatur: Rem, *quam a me narrari cupis, tibi, si quidem recte scio, recte memini, narrabo*. Sic venustius est dicere: *rogasti me, ut, si quid consilii scirem, tibi darem quam rogasti me, ut tibi consilium darem*. — Cic. sic millies, v. c. ad Div. V, ep. 20 §. 9 *Illud cave dubites, quin ego omnia faciam, quae interesse tua aut etiam velle te existimem, si ullo facere modo possim*. Ibid. §. 27 *Ego tamen, cum Tullius rure redierit, mittam eum ad te, si quid ad rem putabis pertinere*. Marc. 8 Caesari, qui diu satis se naturae vel gloriae vixisse dixerat, dicit: *Satis, si ita vis, naturae fortasse: addo etiam, si placet, gloriae: at, quod maximum est, patriae certe parum*. Tollas verba *si ita vis, si placet*: et multum venustatis peribit. Omnia autem haec dicta esse adulatorie, non vere, sciunt ii, qui Ciceronis animum norunt.

XV). Addatur etiam saepe oportet enuntiatio, *tempus vel locum* designans: pertinet hoc ad subtilitatem atque ita ad perspicuitatem: v. c. pro *Quomodo potes Cajum pro inimico habere, qui te tot beneficiis ornaverit* dici possit: *Quomodo potes Cajum pro inimico habere, qui, quocunque tempore potuerit, te beneficiis ornare studuerit?* i. e. semper. Sic pro Cicero videns, quae in Sicilia bene egisset, non omnibus nota esse, valde indignabatur possis accuratius dicere: *Cicero cum e Sicilia reverfus Ostiam venisset, vidissetque, quae illic bene egisset, hic non omnibus nota esse etc.* — Cicero in exprimendis notionibus temporis et loci vel per vocabula singula vel per enuntiationes non facile negligens est: v. c. Manil. 4 in., ubi narrat, Mithridatem id egisse, ut se cum Sertorio conjungeret, non omittit notionem temporis, dicens ita: *Mithridates autem omne reliquum tempus non ad oblivionem veteris belli sed ad comparisonem novi contulit*: (nunc ostenditur hoc verum esse) *qui (i. e. nam) postea-*

quam maximas aedificasset ornassetque classes, exercitusque permagnos, quibuscunque ex gentibus potuisset, comparasset, et se Bosporanis, finitimis suis, bellum inferre simulasset, usque in Hispaniam legatos Ecbatanis misit ad eos duces etc. Poterat omiſſis verbis posteaquam maximas — inferre simulasset ita dicere: *Mithridates autem omne — novi contulit: qui usque in Hispaniam etc.* At haec brevitatis officiebat subtilitati, perspicuitati, et gravitati. Majus erat, tum demum mittere ad Sertorium, posteaquam ipse jam maximas classes et exercitus sibi comparaverat. — Deiot. 5 in. Cicero defendens Deiotarum, qui Pompejo addictus fuerat, cum narrat eum ad Pompejum venisse ab eoque discessisse, hoc ita facit, ut temporis rationem praecipue habeat, quia magni referebat, quando venisset et quando discessisset. Ait: *Ad eum (Pompejum) igitur rex Deiotarus venit hoc misero fatalique bello, quem antea justis hostilibusque bellis adjuverat, — vel rogatus, ut amicus, vel arcessitus, ut socius, vel evocatus, — postremo venit, ut ad fugientem, non insequentem, id est, ad periculi non ad victoriae societatem. Itaque, Pharsalico praelio facto, a Pompejo discessit etc.* Tollas hoc misero fatalique bello, antea justis hostilibusque bellis, ad fugientem non insequentem, Pharsalico praelio facto; et omnia tolles, propter quae Caesar Deiotaro ignoscere poterat. Ignoscebat enim facile iis, qui post Pharsalicum bellum partes Pompeji reliquerant. — Sed unde sumimus enuntiationes temporis vel loci? Saepe per circumscriptiones: v. c. Caes. B. G. III, 2 in. *Cum dies hibernorum complures transissent h. e. post dies hibernorum complures.* Sic pro Roma credebatur, se post mortem Caesaris liberam fore dici potest, Roma credebatur, se, postquam Caesar interfectus esset, liberam fore.

XVI) Additur etiam enuntiatio concessiva per *etsi, etiamsi, it. si* etc., quae licet per se intelligi atque ita abesse possit, tamen saepe rem auget et gravitati prodest. V. c. Cic. Arch. 8 in., postquam de Roscio, histrione illo praestantissimo, dixerat, eum dignum fuisse, qui nunquam moreretur, addit simul concessivam enuntiationem hanc: *cum senex esset mortuus.* En ipsa verba: *Quis nostrum tam animo agresti ac duro fuit, ut Roscii morte nuper non moveretur? qui cum (i. e. licet) esset senex mortuus, tamen propter excellentem artem ac venustatem videbatur omnino mori non debuisse.* — Manil. 5, ubi Cicero querens de imperatoribus

ratoribus Asiam provinciam vexantibus et diripientibus, ita loquitur: *quod ejusmodi in provinciam homines cum imperio mittimus, ut, etiamsi ab hoste defendant, tamen ipsorum adventus in urbes sociorum non multum ab hostili expugnatione differant.* Verba etiamsi ab hoste defendant, tamen per se abesse poterant. — Marc. 7 Cicero Caesari, insidias vitae timenti, persuadere conatur, ei a suis amicis nihil insidiarum strui: post ad inimicos transit et sic quaerit: *An, si tui nihil cogitant sceleris, cavendum est, ne quid inimici?* Poterat enuntiatione *si tui nihil cogitant sceleris* abesse; at servit connexioni, atque ita perspicuitati: *si est pro etsi.* — Deiot. 4 excusat se et Pompejanos apud Caesarem, quod Pompeji memoriam nondum amittere possint, his utens verbis: *Neque enim, si tuae res gestae ceterorum laudibus obscuritatem attulerunt, idcirco Cn. Pompeji memoriam amisimus.* Quam venuste! Si verba *si tuae res gestae* — attulerunt non addidisset, cetera verba speciem inhumanitatis habuissent. Si i. e. *etsi, licet, etiamsi; wenn auch gleich deine Thaten* etc. Praemittit laudem Caesaris, ut eo facilius Pompeji mentionem facere possit. Caute et callide!

XVII) *Res*, per quam aliquid efficitur vel effici potest, *das Mittel*, addi quoque saepissime debet, subtilitate ac perspicuitate id exigente: et, licet, illa res facilius per singula verba exprimatur, v. c. per ablativum, tamen et saepe per enuntiationem ope particularum *cum, si* etc. exprimi potest. V. c. pro *quis dubitet, quin frater tuus magna sua modestia sibi multos amicos conciliaturus sit*, dicere liceat: *Quis dubitet, quin frater tuus, cum tanta sit modestia, multos sibi amicos sit conciliaturus.* Sic pro *homo ingenio bono et industria magna doctus facile fieri potest* dici potest: *Homo, si ingenio bono est magnamque in discendo adhibet industriam, facile doctus fieri potest.* — Cic. Manil. 6 *Nam ceteris in rebus, cum venit calamitas, tum detrimentum accipitur: at in vectigalibus non solum adventus mali sed etiam merus ipse affert calamitatem*, pro *Nam in ceteris rebus calamitate detrimentum accipitur* etc., *Denn in andern Dingen bekommt man erst den Schaden durch den Verlust, durch das Unglück selbst: cum venit calamitas est calamitate s. calamitatis adventu*, ut statim dicitur *adventus mali*. Conf. supra cap. 5 Sect. 7, ubi diximus, quomodo in universum e singulis vocabulis enuntiationes atque ita periodi effici possint. Sed meditandum est, ut, etiamsi nulla verba singula adsint, tamen etiam enuntiationem efficere possimus: quod facile est attendenti. V. c. pro *Bellam officit literarum*
studia

studiis dici potest: *Bellum, cum otium turbet, officit literarum studiis*: sic pro *literarum studia* mores reddunt molliores dici potest: *Literarum studia, cum mentem hominis acuant animumque ad sensum humanitatis traducant* s. animoque sensum humanitatis instillent, mores utique reddere possunt molliores. Sed hinc patet, quam facile verba atque etiam totae enuntiationes nobis in mentem veniant, si rem, de qua loquimur, recte intelligamus. Rem bene intellectam verba sponte sequuntur.

Haec haftenus. Ceterum, ut in copia dicendi magna, nisi forte maxima, pars stili bene latini in primis Ciceroniani cernitur, ita per se patet, et verba singula et enuntiationes addendas debere esse aptas reiue convenientes, non quae sitas, multo minus inanes sensuque carentes. Nihil enim tam stultum est, quam loqui sine sententia. Melius est breviter ac nervose dicere, quam multa verba, nervis carentia et languida, proferre.

SECT. IIII

De Pleonasm o.

Copiae dicendi subjungimus pleonasmum grammaticum, h. e. redundantiam vocabuli, quod contextui nullum pondus addit, ac salvo sensu abesse poterat. Alius est pleonasmus rhetoricus s. redundantia vocabuli permotionem animi significans et gravitatem rei adjuvans, v. c. *his oculis vidi* etc., quae huc non pertinet. Cum autem interdum in pleonasm o grammatico errari soleat, ut vocabulum redundare credatur, quod non redundet; cujus erroris haec est origo, quod vulgo significationes vocabulorum ex Lexicis vel aliunde, non e priscis ipsis, neque ita e contextu, hauriuntur et discuntur; duplicem hic pleonasmum s. redundantiam (et cur non potius latino quam graeco vocabulo in explicanda latina lingua utimur?) faciam, 1) *redundantiam verborum veram* 2) *fictam*:

1) *Redundantia vocabuli vera* est, ubi vocabulum adest, quod salvo sensu abesse plane poterat, et quod ne minimam quidem vim contextui addere videtur; sed quod addi hodie potest, quia prisci, linguae usu ita ferente, addiderunt. Hic notandum

notandum est, quae vocabula prisca quam saepissime ita addiderint, ea etiam a nobis addi posse; quae vero illi raro addiderint, ab iis nobis abstinendum.

I) *Ita, sic, hoc, id, illud* saepissime apud priscos redundat, sequente accusativo cum infinitivo, atque ita apud nos redundare licet. V. c. *Ita*: Cic. ad Div. XIII, ep. 10 §. 2 *Sed cum ita sibi persuasset ipse, meas de se accurate scriptas literas maximum apud te pondus habituras etc., Da er aber überzeugt war, fest glaube, daß etc.* Hic ita aperte redundat. Ibid. ep. 56 in. *Cluvius Puteolanus valde me observat valdeque me diligit. Is ita sibi persuadet, quod in tua provincia negotii habet, nisi te provinciam obtinente meis commendationibus confecerit, id se in perditis et desperatis habiturum.* Hic ita redundat: *Er glaubt ganz gewiß s. ist überzeugt, daß er die in deiner Provinz ausstehenden Gelder s. Capitalien für verlohren halten werde, wofern er sie nicht unter deinem Gouvernement bekommt, einkriegt*: VI, ep. 2 §. 2 *Quare velim ita statutum habeas (i. e. credas), me tui memoriam cum summa benevolentia tenere.* — *Sic*: Cic. ad Div. II, ep. 3 §. 3 *Brevi tamen sic habeto, in eum statum temporum tuum reditum incidere etc. Doch wisse kürzlich so viel, daß deine Rückkunft gerade in solche Zeiten trifft etc.* Nostri enim etiam per redundantiam addunt das s. so viel. XIII, ep. 57 §. 5 *Sed tamen sic velim existimes, te mihi nihil gratius facere posse, quam etc., Doch bitte ich dich zu glauben, so viel zu glauben etc.* Ibid. ep. 65 §. 6 *Sic enim velim existimes, ex tota tua provincia omnique isto imperio nihil esse, quod mihi gratius facere possis.* — *Hoc*: v. c. Cic. ad Div. VI, ep. 3 §. 6 *Ego tibi hoc confirmo, etsi levis est consolatio ex miseriis aliorum, nihilo te nunc majore in discrimine esse, quam quemvis etc.* Sic et nostri addunt das: v. c. *Ich kann dich das versichern, daß etc. vel etiam ich kann dich so viel versichern, daß etc.* XIII, ep. 77 §. 2 *Atque hoc ut tui necessarii sciant, hoc me animo erga te esse, velim facias eos per literas certiores, ut — ne dubitent, Und damit deine Anverwandten wissen mögen, daß ich etc. vel Und damit deine Verwandten das wissen, daß ich gegen dich so gesinnet sey, so schreibe ihnen, daß sie kein Bedenken tragen sollten etc.* — *Id*: v. c. Caes. B. G. I, 7 in. *Caesari cum id nuntiatum esset, eos per provinciam nostram iter facere conari, maturat ab urbe proficisci etc., Als Caesar die Nachricht erhielt, daß sie etc. vel, si id exprimere velis, Als dem Caesar das hinterbracht wurde, daß sie etc.* — *Illud*: v. c. Cic. ad Div. II, ep. 12 §. 1 *sunt enim multa: sed ea non audeo scribere. Illud moleste fero, nihil me adhuc his de rebus habere tuarum literarum: ubi illud manifeste*

manifeste redundat, verti tamen possit: *Das sehe ich nicht gern, ist mir nicht recht, daß ich etc.* Off. III, 6 non proc. ab init. *Verum autem primum: verum igitur et extremum.* Nam illud quidem absurdum est, quod quidam dicunt, parenti se aut fratri nihil detracturos, commodi sui causa; aliam rationem esse civium reliquorum etc. — In his omnibus locis ita, sic, hoc, id, illud vere redundant: nisi forte dicas, servire praeparationi lectoris ad sequentia, ut nostrum *das, so viel*, atque ita perspicuitati. Recte ergo dicere possumus: *scripsi patri hoc, id, ita, me mox venturum: promisit mihi hoc, se omnia facturum etc.* Sic et hoc, id, illud ante ut redundant, v. c. *hoc a me petiit, ut mox redirem, er bath mich, daß etc. s. er bath mich um das s. darum, daß etc.*

2) Quoad ejus fieri potest, quoad ejus facere possum: ubi ejus i. e. hac in re redundat: *so viel hierin etc.* Cic. ad Div. III, ep. 2 §. 4 quoad ejus facere potueris, *so viel du hierin wirst thun können, in so fern dirs möglich seyn wird.* Sed cum quoad ejus durum sit, et quod (neutr.) i. e. *so viel cum genitivo saepe occurrat, v. c. quod operae* Cic. Off. I, 6, quod ejus (agri) Liv. XXXI, 4; quaeri potest, annon pro isto quoad ejus ubique quod ejus legi debeat.

3) Ut ne saepe occurrit pro ne, ut non, v. c. ad Div. II, ep. 7 §. 9 non ut decernatur aliquid novi, quod solet esse difficilius, sed ut ne quid novi decernatur. XIII, ep. 77 §. 2 velim facias eos (necessarios) per literas certiores, ut, si quid tibi opus sit, ne dubitent mihi jure suo denunziare. Verr. II, 60 Postulant enim, non, uti ne cogantur statuere. Post red. in Sen. 5 legem tribunus tulit, ne auspiciis obtemperaretur, ne obnuntiare concilio aut comitiis, ne legi intercedere liceret, ut lex Aelia et Fufia ne valerent: ac saepius.

4) Nisi si pro nisi saepissime ponitur, at tantum 1) in sententia media, quando aliquid praecessit; 2) quando nisi si explicari potest per praeterquam si, *außer wenn, es müßte denn, wo nicht etwa etc.* Ergo non ubique nisi si ponitur pro nisi, ut ex animadversionibus multorum philologorum colligere possis, qui simpliciter dicunt nisi si pro nisi poni, et hunc usum multis exemplis illustrent. — Ab initio orationis, epistolae, totiusque sententiae poni non potest. Ceterum in hoc usu nil valde mirabile est: nisi indicat exceptionem et est in hac forma i. q. *praeterquam außer*, ut saepe: ergo nihil nisi est nihil praeterquam. Quid ergo mirum est nisi si jungi? Usus igitur loquendi aliquot exemplis confirmabo. Cic. Orat. II, 58 extr., ubi quaerit, quatenus oratori sint tractanda ridicula, ait: *miseros illudi nolunt* (rhetores vel etiam oratores),

oratores), nisi si se jactent, Unglückliche solle man nicht ver-spotten, außer wenn sie prahlen. Catil. II, 4 in. *Quod expectavi, jam sum assecutus, ut vos omnes factam esse aperte conjurationem contra rempublicam videretis: nisi vero si quis est, qui Catilinae similes cum Catilina sentire non putet, Es müsste denn jemand seyn, wofern nicht etwa jemand ist, der nichts etc.* Liv. VI, 26 *Hic noster, hic plebis nostrae habitus fuit, eritque semper, nisi si quando a vobis proque vobis arma acceperimus.* Ac sic saepius.

5) *Interea temporis pro interea simpliciter: est talis redundantia, qualis est in saepe numero pro saepe, ut nostri oftmals h. e. oft der Zeit nach (nam Mal est tempus) pro oft.* Sic et nostri interdum zehn an der Zahl per miram redundantiam dicunt, quasi non per se manifestum sit zehn esse numerum. — Sed ubi locorum? quo locorum? minime gentium gravius dicta sunt quam ubi? quo? minime: v. c. *ubi locorum est? nescio, ubi locorum sit, ut nostri ich weis nicht, wo er in der Welt ist, steckt. Quo locorum fugiam, wo soll ich in der Welt hinfliehen? Minime gentium bey Leibe nicht.* Ergo in his locorum et gentium non redundant profus.

6) *Mihi, tibi, nobis, vobis (rarius sibi) redundat; v. c. tum demum ille mihi venit, da kam er mir erst: sic ap. Terentium: tum mihi sunt senes.* Cic. ad Div. VIII, ep. 2 §. 3 *At tibi repente paucis post diebus, cum minime expectabam, venit ad me Caninius, da kam dir der Caninius: Terent. Adelph. II, 4, 12 Quid ait nobis Sannio?* Sic et Graeci, ut Vigerus et Vechnerus aliique monstrarunt: sed quid opus est externis? Nosmet ipsi ita loquimur, at tantum in sermone familiari. — Omnino ista redundantia est per se vitiosa, et ego quidem, si unquam mihi tibi sic usurpaverim, non nisi in familiari sermone usurpaverim. Alibi enim stultum foret. V. c. quis dicat in oratione solenni: *Deus tibi vel vobis omnia, quae vult, efficere potest?* Interpretes priscorum tales pleonasmos notantes plerumque contenti sunt dixisse: *redundat* s. *παράλει*, et exempla plura congestisse; at obliviscuntur monere, quatenus et quando usurpari liceat. Nam, si recte rem cogitas, isti dativi semper relationem habent aliquam ad personam illam, quae in dativo posita est, et communicant rem cum ea.

7) *Imo vero, umgekehrt, vielmehr, au contraire, pro imo saepe occurrit, ubi imo sufficiebat: v. c. Cic. Mil. 24 in. ut sustinuit! dii immortales, sustinuit? imo vero ut contempsit ac pro nihilo putavit!* Ad Div. I, ep. 9 §. 21 *inimicum meum, meum? imo vero legum, judiciorum, otii, patriae etc.: qui locus infra (10) laudabitur.* Videtur tamen *ro vero* paulum augere

augere et gravius dictum esse, quam imo simpliciter. Nemque *to vero* hic est pro *vere*.

8) *Id quod* pro *quod*, quando non ad unum certum vocabulum singul. num. gen. neutr. praecedens sed ad totam sententiam praecedentem refertur: v. c. *Tu valde amas deum, id quod laudandum est*; potest tamen pari jure dici *quod laudandum est*. Videtur haec redundantia per negligentiam orta, ut plures pleonasmus et ellipses: nisi dicas distinctionis atque ita perspicuitatis causa inventam, ut statim appareret, non ad vocabulum unum generis neutrius sed ad totam sententiam respici: v. c. *Tu beneficium istud contempsisti, id quod nemo laudat*: hic statim apparet, *contemnere istud beneficium* non laudari: at *quod nemo laudat* possit ad *beneficium* solum referri, quasi hoc nemini laudabile videatur. Sed forsan hoc paulo subtilius est. Nam et *ii qui* pro *qui* est Cic. Or. II, 12 prope fin. ex edit. Ernest. Ubi tamen Pearcius edidit *hiqua*. Ergo nildum decernere licet.

9) *Item* in oppositionibus saepissime usurpatur, ubi nostra lingua tacet: v. c. *Ich liebe den Cajus, nicht dich*, latine dici potest: *Amo Cajum, non item te*. Nostri pro eo utuntur *aber* vel *und*: *Ich liebe den Cajus, nicht aber dich* s. *und nicht dich*. Saepe ita Cicero v. c. Orat. 43. *Nam omnium magnarum artium, sicut arborum, altitudo nos delectat, radices stirpesque non item*: ad Attic. II, ep. 21 med. *O spectaculum uni Crasso jucundum, ceteris non item!* *Welch ein Anblick, bloß dem Crassus angenehm, den andern aber nicht!* Sic Tusc. III, 14 non procul ab in. ac saepius. Proprie vero *item* est *ebenfalls, auch*: et hoc proprie in usu cogitari debet. Redundat igitur tantum ratione nostrae linguae.

19) *Ille quidem* saepissime apud Ciceronem ita occurrit, ut *ille* plane redundet, sequente *sed, tamen, vero*: ac propter hunc frequentem usum debemus illud imitari: v. c. *liber, quem mihi misisti, est ille quidem bonus, sed carus, ist zwar gut, aber theuer: habeo amicos, fideles illos quidem, sed paucos, zwar getreue, aber wenige.* — Exempla e Cicerone dabimus 1) ubi *sed* sequitur, qui usus est frequentissimus: Catil. II, 5 *Quod si in vino et alea comissiones solum et scorta quaererent, essent illi quidem desperandi, sed tamen essent ferendi, so wären sie zwar ohne Hoffnung der Besserung, aber doch zu ertragen.* Marcell. 3 *Itaque, C. Caesar, bellicae tuae laudes celebrabuntur illae quidem non solum nostris sed paene omnium gentium literis atque linguis, nec ulla unquam aetas de tuis laudibus conticescet. Sed tamen ejusmodi res, nescio quomodo, etiam cum leguntur, obstrepi clamore militum videntur et tubarum sono,*

sono, Daher werden zwar deine löblichen Kriegsthaten nicht nur in unsern, sondern fast etc. Cap. 4 Haec enim res (venia Marcello data) unius est propria C. Caesaris, ceterae duce te gestae sunt magnae illae quidem, sed tamen multo magnoque comitatu. Ad Div. I, ep. 9 §. 21 Erat hoc mihi dolendum: sed multo magis illud, quod (certi homines, quos nominare non vult) inimicum meum, meum? imo vero legum, iudiciorum, otii, patriae, bonorum omnium sic amplexabantur, sic in manibus habebant, sic fovebant, sic me praesente osculabantur, non illi quidem, ut mihi stomachum facerent, quem ego funditus perdididi, sed certe, ut facere se arbitrarentur. Quis, quaeso, hic τὸ illi vertere possit? Ibid. V, ep. 15 in. Omnis amor tuus ex omnibus partibus se ostendit in his literis, quas a te proxime accepi: non ille quidem mihi ignotus, sed tamen gratus et optatus. XII, ep. 9 §. 2 Tanquam enim clausa sit Asia, sic nihil perfertur ad nos, praeter rumores de oppresso Dolabella, satis illos quidem constantes, sed adhuc sine auctore. Senect. 18 Ac morositas (quae cum aliis vitiis senectuti vulgo obijcitur) tamen et ea vitia, quae dixi, habent aliquid excusationis, non illius quidem justae, sed quae probari posse videatur i. e. haben einige Entschuldigung, die zwar nicht hinlänglich ist, sich doch aber hören läßt. Offic. II, 6 aut postremo pretio ac mercede ducuntur (h. e. oder thun es endlich fürs Geld und für Lohn): quae (postrema ratio) sordidissima est illa quidem ratio et inquinatissima, welches gewiß die niederträchtigste und schmuzigste Art ist. Hic locus notandus, quia sed post multa demum verba sequitur. 2) sequente tamen pro sed: Amicit. 19 Novitates autem (i. e. novae amicitiae) si spem afferunt, ut, tanquam in herbis non fallacibus, fructus appareat, non sunt illae quidem repudiandae: vetustas (vetusta amicitia) tamen suo loco conservanda est. 3) sequente vero pro sed: ad Div. XII, ep. 30 §. 8 verumtamen multo mihi notiozem amorem tuum effecit Cherippus. O hominem semper illum quidem mihi aptum, nunc vero etiam suavem!

11) Magis et potius post comparativos et post malle, praepotere, praestat interdum reperitur apud priscos, ubi manifeste redundat. V. c. Cic. Orat. II, 74 de Themistocle, memoria eccellente praedito: cum quidem ei fuerit optabilius oblivisci posse potius, quod meminisse noller, quam, quod semel audisset vidisset, meminisse: ubi potius abesse debebat propter optabilius, in quo jam latet. — Cato ad Cicer. in Epp. ad Div. XV, ep. 5 §. 4 et idcirco casum potius quam te laudari mavis. Cic. Pison. 7 med. Huic enim populo ita fuerat ante

vos consules libertas insita, ut emori potius quam servire praefaret. Add. Ligar. 2 *An ille — Uticae potius quam Romae — esse — maluisset?* Sic Nep. Con. 5 *potius patriae opes augeri quam regis maluit.* Sic et Terentius Adelph. II, 2, 13 *mallem auferre potius etc.* Hec. III, 1, 17 *ut puerum praeoptares perire potius quam etc.* — Sic et Graeci centies, ut dudum observatum est a Vechnero, Vigero, aliisque. Attamen, cum ista redundantia videatur esse res potius negligentiae priscorum, quam elegantiae, non suasero ei, qui sit gustus delicatioris, ut illam rationem imitetur.

12) *Est, erat, futurum est etc.* sequente ut cum conjunctivo saepe redundat, v. c. *est, ut id maxime deceat*, Cic. Or. 59 in., i. e. *id maxime decet.* Sic *est, ut philosophi tradant*, Cic. Or. II, 36, i. e. *philosophi tradunt*: sic *si est, ut dicat*, Terent. Hec. III, 1, 43, i. e. *si dicit*: sic *Ille, erat, ut odisset*, Cic. Mil. 13 extr., i. e. *Ille oderat*; sic *si est, facturus ut sit officium*, Terent. Adelph. III, 5, 4, i. e. *si facturus est etc.*: sic *futurum esse, ut omnes pellerentur*, Caes. B. G. I, 31, i. e. *omnes pulsus iri.* Sic et nos v. c. *wenn es so ist, daß er kommen will* i. e. *wenn er kommen will.*

13) Plures sunt pleonasmī, v. c. *sed autem, etiam quoque, itaque ergo, tum deinde, tandem denique, deinde postea*, (ut nostri interdum *hernach dann, alsdann hernach vel hierauf*) etc. Magnum numerum collegit Vechnerus in Hellenol. p. 155 ff. et ibi Heusing., it. Horat. Turf. de particulis. At sponte patet, hos pleonasmos cavendos esse studioso bonae latinitatis et eloquentiae. Nec tamen huc pertinet *At vero*, quod saepe occurrit pro *At*, et gravius dictum videtur: quia *ro vero* hic est i. q. *vere.*

II) De pleonasmō s. redundantia ficta, h. e. cum vocabulum nonnullis redundare videtur, quod tamen non redundat. V. c.

I) *Quod si* saepissime ab initio sententiae totius, postquam aliquid, cum quo illa cohaeret, praecessit, ponitur pro *si*, et *quod nisi* pro *nisi*, atque interdum *quod ubi* pro *ubi*, *quod utinam* pro *utinam*. V. c. Cic. Catil. II, 5 med. *Eadem tamen illa — libido permanet.* *Quod si in vino et alea comessationes et scorta quaerent, essent illi quidem desperandi, sed tamen essent ferendi.* Caes. B. G. I, 44 ex media oratione Ariovisti: *sui opprimendi causa habere; quod nisi discedat (Caesar), aut exercitum deducat ex his regionibus, sese illum non pro amico sed pro hoste habiturum; quod si eum (Caesarem) interfecerit, multis sese nobilibus principibusque populi romani gratum esse facturum; et paulo post: quod si*

discessisset

discessisset ac liberam sibi possessionem Galliae tradidisset etc. Cic. ad Div. XIII, ep. 57 §. 2 Nam ejus opera — intelligo me et rempublicam adjuvari posse. Quod nisi tanta res ejus ageretur, nec ipse adduci potuisset, ut a me discederet, neque ego, ut eum a me dimitterem. Caes. B. Civ. II, 16 in. Portae — in muro relinquuntur. Quod ubi hostes viderunt, ea, quae diu longoque spatio refici non posse sperassent, paucorum dierum opera et labore ita refecta, ut etc. Cic. ad Div. XIII, ep. 4 §. 1 Conficior lacrymis sic, ut ferre non possim. Quod utinam minus vitae cupidi fuissimus! Sic et Sallust. Jug. 14 §. 21 Quod utinam illum — videam. — In his omnibus tamen quod redundare videtur. At cum semper primum locum totius sententiae, per se absolutae, occupet, nec unquam ponatur a priscis, nisi alia sententia praecefferit, cum qua quodam modo cohaereat, apparet, istam particulam servire connexioni duarum sententiarum, neque ita plane redundare. Sed si quaeritur, quid significet, nescire me fateor; plerumque tamen per igitur explicari et vernacule per nun, also (v. c. wenn er nun nicht fortgehen sollte, wenn nun die Feinde sähen) verti posse puto. Videtur esse accusativus, intellecta aliqua praepositione, ut ita quod pro quo i. e. qua re positum esse dici possit, quemadmodum plures accusativi per ablativum explicantur. Gesnerus explicat qua in re, circa quod negotium, ad Heinecc. p. 69. Alii aliter. Cf. p. 58 et 370 10).

2) Doctissimus quisque, optimi quique, optima quaeque et similia videntur nonnullis, qui inde a pueritia superlativos ita explicarunt: der gelehrteste et der allergelehrteste, der beste, der allerbeste, poni pro doctissimus, optimi, optima; et quisque, quique, quaeque redundare. Imo eo progressi sunt, ut, quia apud Ciceronem hanc formam dicendi saepius vidissent, aliquid elegantiae praecipuae in ista redundantia inesse suspicarentur. Peracute! Quid stultius esse potest, quam dicere, vocabulum elegantiae ac pulchritudinis causa redundare? Hoc aequè stultum est ac dicere, hominem esse inutilem quidem sed elegantiae ac pulchritudinis causa inutilem. Nam redundare et inutilem esse sunt eadem. Imo supra p. 56 et c. 3 sect. I n. III p. 206 dictum est, optimus quisque proprie esse quisque optimus h. e. omnes optimi alle sehr rechtschaffene; et doctissimus quisque alle sehr gelehrte s. jeder sehr gelehrte Mann: nam tantum de omnibus, non de uno dici potest: v. c. optimus quisque maxime gloria ducitur, der rechtschaffenste Mann ist der ruhmbegierigste h. e. omnes viri optimi etc.

3) Scribendum putavi pro scripsi; at illud est gravius, indicatque me consilio scripisse, non temere. Sic tempus trans-

mittendum putavi Cic. Manil. I pro tempus transmissi. Sic et faciendum putavi ut scriberem pro scripsi, et alia hujus generis indicant, me voluntatem et sententiam meam secutum esse, me neque temere neque coactum egisse. Non igitur mera redundantia est. In epistola Sulpicii ad Ciceron. in Epp. ad Div. III, 12 in. legitur adeo visum est faciendum, quoquo modo res se haberet, vos certiores facere. Durum est visum est faciendum, vos certiores facere. Cortio, qui, quidquid durum est, elegans esse credit, videtur in istis verbis duplex elegantia inesse. Male. Aut cum Lambino legendum faciendum, ut vos certiores facerem, quod tolerabilius, aut potius faciendum ejici debet ac legi: visum est vos certiores facere.

4) *Fac eas, fac facias, scribas pro i, fac, scribe. At τὸ fac augeat sententiam: est excitantis, valde hortantis et rogantis, ut nostris: mach und gehe, mache daß du schreibest: hinc tantum in sermone familiari locum habere videtur. Nep. Pausan. 2 Certum hominem ad eum mittas face, cum quo colloquatur. Cic. ad Div. III, ep. 4 §. 8 Nam sic fac existimes etc. Est fere nostrum ja; denn glaube ja etc. Ibid. VI, ep. 5 §. 8 Quapropter primum fac animo forti atque magno sis. XII, ep. 22 §. 8 Fac, ut provinciam retineas in potestate reipublicae. Unde patet, in illis ut omissum esse.*

5) *Vero in principio nonnullarum Ciceronis epistolarum occurrit, ubi per nostrum aber verti nullo modo potest, v. c. ad Div. VI, ep. 6 Ego vero, Servi, vellem, ut scribis, in meo gravissimo casu adfuisses. VII, ep. 30 Ego vero jam te nec hortor nec rogo, ut etc. VIII, ep. 5 Mihi vero ad nonas bene maturum videtur fore etc. XVI, ep. 10 Ego vero cupio te ad me venire etc. Ep. 23 Tu vero confice professionem, si potes. Ad Attic. V, ep. 1 in. Ego vero et tuum in discessu vidi animum et meo sum ipse testis. — Etiam in media sententia sic occurrit Cic. ad Quint. fratr. II, ep. 9 non proc. ab in. Quod me admones de nostra Urania, suadesque, ut meminerim Iovis orationem, quae est in extremo illo libro; ego vero memini, et illa omnia mihi magis scripsi quam ceteris. — An τὸ vero in his redundat? Dicunt eruditi, referri hanc particulam ad praecedentem epistolam vel ejus partem atque ita servire responsioni. — Recte: at quid, quaeso, nunc vero significat? quomodo explicandum? quomodo vertendum? Hoc non addunt. Est τὸ vero, ut certo, ablativus a verum, atque plane idem quod vere, profecto, wirklich, wahrhaftig, in der That, in Wahrheit, die Wahrheit zu sagen; et sic, puto, ubique verti poterit. Nam sunt etiam alia loca, ubi vero in responsionibus*

fionibus vim habeat affirmandi, exprimatque nostrum *recht*, *in der That*, atque adeo primum locum sententiae occupet. V. c. Cic. Mur. 31 med., ubi sententias nonnullas Stoicorum refutat, vero et etiam commutantur inter se; recitat singulas sententias et statim responfionem addit. Verba sunt: *misericordia commorus ne sis*. Etiam: *in dissolvenda severitate*; sed tamen est laus aliqua humanitatis. In sententia permemento. Vero: *nisi sententiam sententia alia vicerit*, h. e. *sey nicht mitleidig*. (Antwort:) *Recht*: nämlich wenn die Gerechtigkeit darunter leidet; doch lobt man auch die Menschenliebe. Beharre auf deinem Entschlusse, Meynung. *Recht*: wenn nämlich dieser Entschluß (Meynung) nicht von einem bessern übertroffen wird. Nonne hic vero est i. q. *vere, recte*? — Divin. I, 46 *illam* (Caeciliam) *autem* (virgini, quae in illius sella paulisper requiescere cupiebat) dixisse: *vero, mea puella, tibi concedo meas sedes*, *recht*, *meine Tochter* etc. Exspectabat enim omen. — Leg. I, 24 extr. Atticus M. Ciceroni, qui dixerat *deinde facio et libenter et, ut spero, recte, quod* etc., respondet ita: *vero facis et merito, fuitque id, ut dicis, in hoc sermone faciundum*. Quis non videt, hic vero Attici esse idem, quod antea *recte* Marci Ciceronis? Ac forsan, si rem diligentius examinas, nostrum *aber*, neque in literis a *vere*, neque in significatione a *wirklich, in der That*, multum differre videtur. Sed hoc non est hujus loci.

6) *Non is sum, qui negem*, ac similia, pro *non nego*: at illud gravius; ut nostrum *ich bin nicht derjenige s. der Mann, der es läugnen sollte* gravius est, quam *ich läugne es nicht*. Sic Cicero pro *tu haud nescis quid sis* venustius h. e. ad laudandum accommodatius Lucejo dicit *neque tu is es, qui, quid sis, nescias*, ad Div. V, ep. 12 §. 21.

7) *Isque, et is, idemque* per redundantiam quandam, eamque, ut vocant, elegantem adjici nonnulli opinantur: v. c. *habet multas domos, easque pulchras*. At nunquam redundat, sed explicat accuratius et auget, estque et *quidem, und zwar*, vel *ac praeterea*. Nam non ubique dicere licet: v. c. *domus, eaeque multae; homines, iique docti* etc. Supra p. 59 h) et c. 7 sect. I n. III, 3, p. 287 de hac re jam dictum est.

8) *Si quis pro qui* saepissime ponitur ac poni potest, v. c. *libros, si quos habes, mihi mitte pro libros, quos habes, mitte*; at illud modestius dictum est, et aliquid dubitationis continet; sic rogo, *ut, si quid negotii habes, id mihi committas* pro rogo, *ut negotium, quod habes, mihi committas*. Hoc de negotio certo, illud de incerto, loquitur. Neque enim ubique *si quis pro qui* dicere licet; v. c. ridiculum foret et impium

dicere: deus, si quas res creavit, eas etiam conservat pro deus res conservat, quas creavit. — Paucula exempla dabo e Cicrone. Rosc. Am. 38 *In privatis rebus si qui* (pro quis) *rem mandatam non modo malitiosius gessisset, sui quaestus aut commodi causa, verum etiam negligentius, eum majores summum admisisse dedecus existimabant: pro in privatis rebus qui rem mandatam — gessisset — negligentius, eum majores — existimabant; in primis notabilis est locus Veri. I, 4 in. Quis hoc non perspicit, praeclare nobiscum actum iri* (ironice dictum), *si populus romanus istius (Verris) unius supplicio contentus erit, ac non sic statuerit, non istum majus in sese scelus concepisse, — quam eos, si qui istum tot, tantis, tam nefariis sceleribus coopertum jurari sententia sua liberarint? Per eos, si qui — sententia sua liberarint intelligit judices, venusta circumscriptio- ne. Debebat dicere quam eos, qui istum — coopertum jurari sententia sua liberarint. At dubitanter loqui mavult eos, si qui etc., quasi dubitet, judices posse esse tam improbos, ut Verrem, hominem improbissimum, absolvant. Sensus enim illius sententiae totius est, populum romanum Verrem, licet improbissimus sit, tamen non pro improbiore habiturum, quam judices, si illum absolvant, atque judices gravius puniturum esse, quam Verrem ipsum. Terrere vult Cicero judices. Verr. V, 25 sermo est de una nave piratarum capta et Syracusas abducta: iste, quasi praeda sibi advecta, non praedonibus captis, si qui senes aut deformes erant, eos in hostium numero ducit; qui aliquid formae, aetatis, artificii, que habebant, abducit omnes etc. sensus: die Alten und Hässlichen sieht er als Feinde an, die Schönen, Jungen, und die Künstler nimmt er alle mit. Si qui pro qui positum, at venustius: wenn etwa Greise oder Hässliche darunter waren, die sah er als Feinde an, mochte sie nicht haben, behandelte sie hart. — Sunt tamen adhuc duae causae, cur Cicero si qui pro qui posuisse videatur: una, ut variaret orationem, quia sequitur qui aliquid etc.; altera, ob perspicuitatem: nam, si posuisset qui senes etc., poterat rō qui ad verba praedonibus captis referri et cum iis conjungi a lectore: nicht als wenn Räuber gefangen wären, welche alt und hässlich wären etc. Nam, etsi ex sequentibus patet hoc non ita explicari posse; tamen perspicuitas, filia humanitatis, postulat, ut lectori quasi obviam eamus, neque eum diu haesitate cogamus et expectare, dum ipse e sequentibus priora sibi explicet. — Ac sic saepissime si quis pro qui, si quid pro quod, usurpatur a Cicrone, in primis in Epistolis, v. c. ad Div. VIII, ep. II §. 3 Quod scribis, praelia te mea causa sustinere, non tam id labo- ro,*

ro, ut, si qui mihi obtrecent, a te refutantur, quam intelligi etc. Si qui mihi obtrecent h. e. inimicos obtrectatores meos.

9) Quid est, quod pro cur f. quid ponitur, sed ob gravitatem; est enim illud gravius: v. c. quid est, quod queramur, fleamus gravius est dictum quam cur querimur, flemus? Ut nostrum: was ist wohl die Ursache, warum wir klagen, weinen, sollten gravius est quam warum klagen wir, weinen wir? Cic. ad Div. III, ep. 8 §. 15 Quid enim erat, quod me persequerentur in castra etc., Warum sollten sie mir denn ins Lager nachfolgen, was hatten sie denn für einen Grund, mir — nachzufolgen? etc. Verr. II, 20 extr. Quid est, quod tu alios accusas? quid est, quamobrem putes te etc. h. e. warum willst du denn andere beschuldigen? warum denkst du doch, du könntest etc. Nonne hoc gravius est, quam cur accusas? quamobrem putas etc. Fin. I, 10 med. Hanc ego cum teneam sententiam, quid est, cur verear, ne ad eam non possim etc., Welche Ursache ist wohl, daß ich befürchten sollte, wearam sollte ich besorgen etc. est gravius et cum majori animi persuasione dictum quam cur vereor?

10) Amabo, quaeso, obsecro, et malum non frustra adjiciuntur; sed tria priora sunt verba rogantis: amabo est nostrum ich bitte vel ich bin dir auch gut, recht gut, ich will dir auch gut seyn; perspicui hoc potest v. c. e Cic. ad Div. XV, ep. 17 extr. Et amabo te, cum dabis posthaec aliquid domum literarum, mei memineris h. e. und sey doch so gut, und denk an mich auch (i. e. schreib an mich ein Briefchen mit), wenn du nach Hause etwa schreiben wirst, seu: und wenn du nach Hause schreibst, so denk an mich doch auch, ich will dir auch recht gut seyn; amicissime dictum. Ac sic saepius. Quaeso, obsecro, sunt verba, notantque ich bitte, ut et nos loquimur: komm doch, ich bitte; ac sic semper verti debet. V. c. Cic. Ligar. 12 Noli, obsecro, dubitare, C. Caesar etc. i. e. trag doch, ich bitte sehr, kein Bedenken etc. Malum est indignantis, der Henker! der Geyer! apud Comicos: v. c. quae, malum, haec impudentia est? proprie substantivum esse notum est, o Unglück, welch Unglück! etc.

CAP. X

De brevitate dicendi.

Brevitas dicendi, copiae supra explicatae contraria, est virtus orationis s. stili, paucioribus et vocabulis et enuntiationibus, salvo tamen sensu, imo etiam interdum cum majori gravitate et suavitate exprimens ea, quae possint pluribus enuntiari, atque etiam vulgo enuntiari solent. Sunt interdum notiones, quae verbis exprimi debent, tam vulgares ac leves, ut, quo brevius et celerius exprimas, eo melius et aptius loquare. Omninoque in rebus levibus magna pompa magnoque comitatu verborum uti est stultum ac puerile, suavitati-que atque adeo interdum perspicuitati officit. In gravibus etiam rebus saepe breviter dicendum est, ut celerius sentiantur et ut lector auditorve opprimatur. Saepe postulat v. c. gravitas, ut et verba et enuntiationes nonnullae arctius jungantur, atque ita omnis dilatio et explicatio, per quam nimis longe a se disjungantur, omittatur. Saepe etiam vocabulum, quod adesse debebat necessario, atque adeo enuntiatio omitti debet, ut dicentis scribentisque animus permotus animadvertatur, atque lectoris auditorisque animus itidem moveatur et incendatur. Magna igitur virtus orationis est brevisitas dicendi, modo ea rite uti sciamus. Hic, quia de ea in universum tantum loquemur, breviores esse debemus. Brevisitas dicendi pertinet vel ad verba singula vel ad enuntiationes. De utraque re paucis exponemus.

SECT. I

De brevitate dicendi in verbis singulis.

Brevitas dicendi in vocabulis singulis duabus rebus constat: *primum*, ut uno vocabulo duo, interdum plura, comprehendantur; *deinde*, ut vocabula omittantur, quod

quod vulgo appellant *ellipsis* h. e. *defectum*, nomine valde indefinito et generali.

I) *Uno vocabulo* saepe possunt duo, interdum plura, vocabula comprehendi. Exempla aliquot addam; plura facile inveniri poterunt.

A) *In particulis:*

1) *Nisi* pro *si non*; v. c. pro *si tu hoc non facies, ego faciam* dicitur *nisi tu hoc facies*, etc. Sic millies prisci.

2) *Nec* s. *neque* pro *et non, etiam non*. Sic saepissime dicendum: v. c. pro *cum pater domum venisset, et me non reperisset, irascebatur* etc. dicitur *cum pater domum venisset, nec me reperisset* etc. Sic pro *amo te, et non possum dicere, quare*, dicitur *amo te, nec possum* etc. Hoc mature et statim ab initio discere debebant pueri, ne deinde, si quando audiunt, pro singulari pulchritudine haberent. Sic pro *etiam non*, v. c. *du hast es auch nicht gesehen* s. *auch du hast es nicht gesehen* vertendum: *nec tu vidisti*. Sic *necdum* pro *et nondum*, v. c. *pater abiit, necdum rediit*.

3) *Quin* varie servit brevitati a) pro *ut non*: saepissime sequi conjunctivo; v. c. *non fieri potest, quin homo magno ingenio magnaue industria praeditus multa discat, es ist nicht möglich, daß ein Mensch nicht viel lernen sollte* etc. brevius: *ein Mensch muß viel lernen* etc. pro *non fieri potest, ut non homo — multa discat*; quod itidem rectum et valde usitatum quoque est. b) pro *quod non, tanquam non*, sequi conjunct., als *wenn nicht*: saepissime, v. c. Cic. ad Div. III, ep. 7 in. *Etsi eo te adhuc consilio usum intelligo, ut id reprehendere non audeam, non quin ab eo ipse dissentiam, sed quod ea te sapientia esse judicem, ut* etc. pro *non, quod non* s. *tanquam non ab eo ipse dissentiam, nicht als wenn ich nicht anderer Meynung wäre* etc., sed tò *quod non, tanquam non*, it. quo *non* etiam rectum fuisset, et saepissime quoque occurrit. — Etiam pro *quod non* h. e. *cur non* post *nihil causae est*; v. c. Cic. Quint. 9 in. *Cum in altera re nihil causae esset, quin secus judicaret ipse de se* etc. c) pro *qui non* sequi conjunctivo in his formis: *nemo est, quin sciat; quis est, quin sciat, credat, velit* etc. Sic saepissime Cicero. d) pro *cur non* sequi indicativo: saepissime Cicero et Livius, v. c. Cic. ad Attic. III, 17 *Quin tu huc advolas et invisisti illius nostrae reipublicae germina? Warum eilst du nicht hierher und besuchst* etc. Ad Div. VII, ep. 8 §. 3 *Quin tu urges istam occasionem*

caſionem etc., *Warum eilst du nicht, dieſe Gelegenheit zu benutzen* etc. ac ſaepius. Liv. I, 47 *Quin accingeris?* Cap. 57 *Quin, ſi vigor juventae ineſt, conſcendimus equos?* ac ſaepius. Haec tamen particula aliquid impatientiae et adhortationis ad celeritatem quandam ſimul continet; neque ergo ubique pro *cur non* poni poteſt.

4) *Libentiſſime* pro *cum ſumma voluptate*; v. c. *libentiſſime hoc feci*, *ich habe es mit dem größten Vergnügen* gethan; ſic *libenter* mit Vergnügen, v. c. *libenter audire aliquid*; ſic *libentius* pro *majori cum voluptate*; — ſic et *jucundius*; v. c. Cic. Tuſc. V, 34 in. *Darius in fuga, cum aquam turbidam et cadaveribus inquinatam bibiſſet, negavit unquam ſe bibiſſe jucundius* h. e. ſagte, er habe nie mit größerem Appetit ge-trunken. — Sic *ſtudioſiſſime* pro *ſummo ſtudio*, *celerrime* pro *ſumma celeritate*; v. c. *ſtudioſiſſime rem incepit et celerrime peregit*, er hat die Sache mit dem größten Eifer angefangen, und mit der größten ſ. mit ſehr großer Geſchwindigkeit voll-bracht. Et ſic plura adverbia eorumque ſuperlativi uſur-pari poſſunt.

5) *Hic ſaepiſſime* a) pro *hac in re*; v. c. *hic peccavit*, *hierin hat er gefehlt*; ſic Cic. Verr. A&. I, 16 extr. *Hic ſi quid erit offeſſum* cet. — ſic *hinc* pro *ex hac re*; v. c. *hinc ſequitur*. b) pro *hac in urbe, hoc in loco*, ubi ſcilicet is eſt, qui ſcribit. Sic *huc* pro *in noſtram urbem vel locum*, ubi vivit ſcribens: *hinc* pro *ex noſtra urbe vel loco*, ubi is eſt, qui ſcribit. Sic in epiſtolis *iſtic* i. e. in loco, ubi is eſt, ad quem epiſtola ſcribitur; *iſtuc* pro *in locum iſtum*; *iſtinc* pro *ex iſto loco amici*. Sic *illic, illuc, illinc* de tertio quodam loco. Supra c. 8 ſect. 6 p. 357 2) de hac re jam dictum eſt.

6) *Adverbia loci de perſonis ac rebus* per brevitateſ quan-dam ſaepiſſime dicuntur; v. c. a) *unde* pro *a quo, a quibus*, v. c. *homo, unde didici* i. e. *a quo*; *homines, unde didici* i. e. *a quibus* etc.; *domus, unde veni* i. e. *e qua*. Sic *unde petitur* dicebatur a Romanis reus in cauſa privata h. e. *is, a quo petitur*, int. *hereditas, domus* etc., *von dem man fordert, an dem man Anſpruch macht*: Cic. ad Div. VII, II. Or. I, 37 in. Sic et in aliis, v. c. Cic. Agrar. II, I in. *Plerique autem hoc perficiunt, ut tantum majoribus eorum debitum eſſe videatur, unde etiam, quod poſteris ſolveretur, redundaret*. Hic *unde* eſt pro *e quo*, et *e quo* pro *ut ex eo*. Senect. 4 extr. Cato major de Q. Maximo dicit: *cujus ſermone ita rum cupide fruebar, quaſi jam divinarem id, quod evenit, illo exſtincto fore, unde diſcerem, neminem, pro fore neminem, a quo diſcerem ſ. poſſem diſcere*. Orat. I, 15 *Hoc proſecto efficiet*,

efficiet, ut, quamcunque rem a quoque cognoverit (i. e. didicerit), de ea multo dicat ornatiùs, quam ille ipse, unde (i. e. a quo) cognoverit, als derjenige sogar selbst, von dem er es gelernet hat. Ibid. c. 46 extr. Fontes, unde hauriretis etc. i. e. e quibus. Brut. 92 extr. Non ut ingenium et eloquentiam meam perspicias, unde longe absum pro a qua longe absum. Flacc. 26 Adsum Athenienses, unde humanitas, doctrina, religio, fruges, jura, leges ortae etc. pro a quibus etc. Ac saepius. — Sic unde pro qua ex re, et inde pro hac ex re millies occurrit, v. c. unde patet, intelligitur; inde manifestum est; ut nostrum daher erhellet pro aus diesem s. aus dieser Sache. b) ubi pro apud quem, apud quos etc. V. c. Cic. Quint. 9 extr. Neque enim adhuc, praeter te, quisquam fuit, ubi nostrum jus contra illos obtineremus; hic ubi pro apud quem. Sallust. Catil. 20 §. 8 Itaque omnis gratia, potentia, honos, divitiae apud illos sunt, aut, ubi illi volunt i. e. apud quos. Sic saepius — It. ubi pro in quo, in qua etc. v. c. locus, ubi erat; urbs, ubi natus est pro locus, in quo erat; urbs, in qua etc. Nihil frequentius. Sic et nostri dicunt wo. c) quo pro ad quem, quos, quae etc. Cic. ad Div. II, ep. 9 in. In his enim sum locis, quo et propter longinquitatem et propter latrocinia tardissime omnia perferuntur: hic quo est pro ad quae: III, ep. 5 §. 8 veni in eum sermonem, ut dicerem, me libenter ad eam partem provinciae primum esse venturum, quo (i. e. ad quam) te maxime velle arbitrarer. Verr. V, 65 in. adeunt ad ea loca, quae nunquam antea viderunt, ubi neque noti esse iis, quo venerunt, neque semper cum cognitoribus esse possunt: hic est primum ubi i. e. in quibus scil. locis: deinde quo pro ad quae scil. loca. Et statim: sed, quocunque venerint, hanc sibi rem praesidio sperant futuram: ubi quocunque est pro ad quoscunque homines vel in quaecunque loca. Ac sic saepissime. Ac sic nostri dicunt quoque wohin: d) alio pro in alium locum vel etiam ad alium, ad alios homines. Sic v. c. Cic. ad Div. I, ep. 4 §. 1 invidia eorum, qui a te causam regiam alio transferebant: ubi oppositio a te et alio aperte docet, alio de persona quadam intelligendum esse. — Sic et aliunde pendere pro ab aliis rebus pendere, von den äußerlichen Dingen, als Reichthum, Ehre, abhängen, und darin sein Glück und Beruhigung suchen. Cic. ad Div. V, ep. 13 §. 2 Sic aliunde stare pro ab alio s. ab aliis partibus stare. Liv. XXIII, 45 non proc. ab in. qui aliunde stet semper etc. e) alibi pro alio in loco notum, it. pro alia in re, v. c. Liv. VII, 41 in. ait T. Quintius: se — nolle alibi, quam in innocentia spem habere:

habere: XXX, 35 extr. *fassus in curia est* (Hannibal), *non praelio modo se, sed bello, victum, nec spem salutis alibi quam in pace impetranda esse, ubi alibi aperte est pro in alia re.* f) *Alicunde pro ab aliquo loco:* Cic. Fin. V, II med. *In parvis enim saepe, qui nihil eorum cogitant, si quando his ludentes minamur praecipitatuos alicunde, extimescunt: et pro ab aliquo homine, ab aliquibus hominibus:* v. c. Cic. ad Attic. X, ep. I fere med. *non quo alicunde audieris, nicht als wenn du es von jemand gehöret hättest.*

7) *Ita et sic varie brevitati servit:* a) *pro hoc exitu, effectu, mit dem Erfolge, Ausgange:* v. c. Cic. Manil. 3 *Et enim adhuc ita vestri cum illo rege contenderunt imperatores, ut ab illo insignia victoriae, non victoriam, reportarent, Denn bisher haben eure Feldherren mit demselben Könige mit dem Erfolge gefochten, daß sie zwar etc.* Et statim: *triumphavit L. Sulla, triumphavit L. Murena de Mithridate, sed ita triumpharunt, ut ille pulsus superatusque regnaret.* b) *pro hac condicione sequente si vel ut.* Cic. ad Div. XV, ep. 20 §. 2 *Crebris nos literis appellato (i. e. scribe ad me saepius) atque ita, si idem fiat a nobis und zwar unter der Bedingung, wenn es auch von meiner Seite geschieht.* Offic. I, 9 *Nam hoc ipsum ita iustum est, quod recte fit, si est voluntarium.* — Liv. I, 17 med. *Decreverunt enim (patres), ut, cum populus regem iussisset (i. e. elegisset), id sic ratum esset, si patres auctores (i. e. approbatores) ferent.* Ac saepius. *Nec tamen negandum, etiam in nonnullis per hoc modo vel per zum alsdann explicari posse.* c) *pro hactenus f. hac restrictione, ut vulgo dicunt:* Cic. ad Div. XIII, ep. 56 §. 2 *Nunc cum mihi ab amico — tantum oneris imponitur, ego quoque tibi imponam — ita tamen, ut tibi nolim molestus esse, doch in so fern, daß etc.* d) *pro hac ratione, hoc modo: quod notius est, quam ut illustrari mereatur. Et praecedens exemplum, ut et nonnulla alia praecedentia per hoc modo possunt recte explicari.*

8) *Ac sic plures particulae usurpari possunt, v. c. saepe pro multis temporibus; semper pro omni tempore; simul pro eodem tempore; una pro eodem loco; tum pro isto tempore; igitur pro hanc ob rem; denique pro ad extremum; hinc illinc pro ex hac et illa parte f. e parte utraque; subito f. repente pro praeter opinionem etc. Haec omnia recte imitari licet.*

B) *In verbis proprie ita dictis: v. c. contemno pro non timeo: contemnere iram alicujus, sich vor jemandes Zorne nicht fürch-*

fürchten. Sic saepissime. *Careo pro non habeo*. *Negligo pro non curo, non magni aestimo, it. non punio, non ulciscor*: est metonymia antecedentis pro conseq., v. c. Cic. Manil. 5 *vos vitam ereptam negligetis?* h. e. *non ulciscemini*: proprie wollt ihr das so übersehen, so hingehen lassen, euch darum unbekümmert lassen? Sic *Nego pro non dico* s. *dico non etc.*, v. c. *negavit se ullo modo facere posse, er sagte, er könne es auf keine Weise thun: negavit se daturum, er sagte, er würde es nicht geben*. Sic *semper dicendum*. *Admonere pro facere, ut aliquis recordetur, s. alicui in animum revocare*. V. c. Cic. ad Div. V, ep. 2 §. 28 *Meus enim me sensus, quanta vis fraterni sit amoris, admonet*. *Egregie: sensus me admonet per prosopoeiam*. Conf. supra caput 8 de variatione vocabulorum.

C) *Participia et nomina saepe pro praepositione cum casu*: v. c. *rediens dicebat pro in reditu, post reditum: moriens dicebat pro paulo ante mortem, mortis tempore: depositis armis pro post depositionem armorum* Cic. ad Div. VI, ep. 2 §. 4: *Perditis rebus pro post jacturam rerum* Cic. ad Div. VI, ep. 1 §. 12. — *Senex literas didicit pro in senectute*. *Frater meus hoc fecit puer, adolescens, juvenis pro in pueritia, adolescentia, juventute etc.* Haec ratio valde est imitanda.

D) In Substantivis:

1) *Ablativus* a) *pro per cum suo casu*, v. c. *virtute ac sapientia pro per virtutem ac sapientiam*; quod aequè rectum est: at illud modo brevius. b) *post comparativum pro quam*, v. c. *doctior patre pro quam pater*, quod aequè rectum et usitatum est: illud modo brevius, et sola hac brevitate sua se commendat.

2) In primis *substantivum*, cum praepositione *propter* s. *ob* junctum, saepissime, hac praepositione abjecta, transit in eum casum, quem verbum proprie dictum regebat, ac tunc alterum substantivum, quod hoc casu erat, vel pronomen abit in genitivum. V. c. *pro invidere alicui ob divitias, honores*; *pro ignoscere alicui ob adolescentiam etc.* brevius dici potest: *invidere alicujus divitiis, honoribus*; *ignoscere alicujus adolescentiae etc.* Sic Cicero millies, v. c. ad Div. VIII, ep. 14 §. 14 *Hoc si tibi fortuna quadam contigisset, gratularer felicitati tuae pro gratularer tibi propter tuam felicitatem* s. *quod tam felix esses*: nam et per quod explicari potest: ut ibid. V, ep. 2 §. 28 *ego dolori tuo non solum ignosco, sed summam etiam laudem tribuo pro ego non solum tibi ignosco, quod doles, sed etiam etc.* Ich verzeihe dir nicht nur deine Be-

Betrübniß f. daß du dich betrübst etc. Rosc. Am. I *si quid liberius dixero* — *ignosci adolescentiae meae poterit pro ignosci mihi poterit propter meam adolescentiam* f. quia adhuc adolescens sum. Philipp. V, 17, ubi Caesarem Octavianum, postea Augustum, commendans, ut possit propraetor esse, ait: *Legibus enim annalibus cum grandiore aetate ad consulatum constituebant, adolescentiae temeritatem verebantur pro adolescentiam ob ejus temeritatem* f. quia temeraria esset, verebantur. At illud brevius: *Da sie in den Jahrgesetzen ein höheres Alter zum Consulate bestimmten, so thaten sie es bloß, weil sie sich vor der Unbesonnenheit der Jugend fürchteten.* — Referri huc quoque meretur ad Div. V, ep. 4 §. 5 *Tu, tuas inimicitias ut reipublicae donares, te vicisti pro tu te vicisti* (ut nos: du hast dich überwunden, de aegre ignoscentibus), *ut mihi tuas inimicitias adversus me reipublicae causa donares* h. e. remitteres. Sic et *inimicitias suas reipublicae remittere* h. e. *reipublicae causa deponere* ap. Liv. XXXVIII, 5. Haec forma valde imitanda.

3) Eadem brevitatis, sed paulo suavior est, quando substantivum cum praepositione ob f. propter it. per conjunctum, abjectis his praepositionibus, abit in nominativum ac personam subjecti induit: quae res prosopopoeiae suavi locum dat. V. c. a) propter, ob: pro mihi ob pudorem meum aditus ad te interclusus fuit dici potest: mihi pudor meus aditum ad te interclusit. Millies ita Cicero, v. c. ad Div. III, ep. 13 §. 18 *Nam et complectar ejus familiarissimos — et in ipsius (Caesaris) consuetudinem, quam adhuc meus pudor mihi clausit, insinuabo pro consuetudinem, quae mihi clausa erat ob pudorem meum:* ib. V, ep. 12 §. 8 *potest enim mihi denegare occupatio tua pro potes enim tu mihi denegare propter occupationem tuam* f. quia jam nimis occupatus es, denn du kannst mir es abschlagen wegen deiner Beschäftigung. Ead. epist. §. 10 *amorque nostro (nostri?) plusculum etiam, quam concedit veritas, largiari pro ob amorem nostri nobis largiari* h. e. *facias plusculum* etc. *thue aus Liebe zu mir etwas mehr* etc. Ac sic saepius. b) per: v. c. pro per doctrinam tuam clarus es factus dicitur brevius: *doctrina tua te clarum reddidit; pro per modestiam homo consequitur laudem dicitur: modestia homini parit laudem.* Cicero ita millies. V. c. ad Div. III, ep. 13 §. 9 *Itaque orbus iis rebus omnibus, quibus et natura me et voluntas et consuetudo assuefecerat* etc. pro *orbus iis rebus omnibus, quibus me et per naturam et voluntatem et consuetudinem* f. *natura et voluntate et consuetudine assuefeceram.* Sic in loco ante laudato V, ep. 12 §. 10 *plusculum*

culum etiam, quam concedit veritas pro plusculum etiam, quam conceditur per veritatem. Potest etiam huc referri locus superior V. ep. 12 §. 8 *consuetudinem, quam adhuc meus pudor mihi claustr:* quod etiam dictum esse potest pro *consuetudinem, quae mihi adhuc per pudorem clausa est:* nam propter, ut supra explicatum est, et per interdum parum inter se differunt. Haec ratio utraque in primis digna est, quam imitari studeamus ac deinde in vernaculam linguam transferamus. Omnis enim eloquentia latina prodesse debet eloquentiae vernaculae: nec Cicero tantum exemplar latinorum oratorum sed et aliorum esse debet: vera enim eloquentia ubique et in omnibus linguis est ac manet eadem eloquentia cum hoc uno discrimine, ut vocabula aliter sonent.

E) In pronomibus:

1) *Quicumque* s. *quisquis* pro *omnis qui; quodcumque quidquid*, *quaecumque* pro *omne quod, omnia quae*, dici potest. V. c. pro *omnes eos amo, quos tu amas* brevius atque ita suavius dicitur: *quoscunque amas, eos amo*; pro *omnia, quae dices, mihi placebunt* dici potest: *quaecumque dices, ea mihi placebunt* s. *quidquid dices, id mihi placebit*. Sic pro *confirmo tibi, me in omni re, in qua potuero, tibi adfore* dicitur *confirmo tibi, in quacumque re potuero, in ea tibi adfore*. Sic pro *scio, libros omnes, quos a patre acceperis, pulchros esse* dicitur: *scio, quoscunque libros a patre acceperis, pulchros esse*. Sic saepissime dicere debemus. Nihil enim frequentius apud Ciceronem occurrit.

2) *Hic et iste* varie brevitati serviunt apud Ciceronem. *Hic* a) pro *qui hic est, qui hic sedet*; sic Cicero saepe in orationibus de reis, quos defendit, dicit *hic* h. e. *der hier sich befindliche, der hier sitzende*, v. c. *hic Archias*. b) *qui nunc* s. *nostris temporibus vivit*, v. c. Cic. Offic. III, 16 M. Cato — *hujus nostri Catonis pater* h. e. *der Vater unsers irtzt lebenden Cato*. — *Iste* in epistolis pro *qui istic est* h. e. in ea regione, ubi amicus degit: v. c. ad Div. VIII, ep. 17 in. *ex me quaeris, quid de istis municipiis et agris futurum putem* i. e. *fragest mich, was mit den in deiner Gegend sich befindlichen Städten und Ländereyen werden wird*.

3) In primis brevitati servit pronomen relativum *qui quae quod*: hinc ejus usus apud priscos, maxime Ciceronem, tam frequens est, ut nihil tam frequenter occurrere possit. Usurpari igitur a nobis saepissime potest *qui* a) pro *ut ego, ut tu, ut is*; sic *cujus* pro *ut meus, ut tuus, ut illius*; sic *cui* pro *ut mihi, tibi, illi etc.*; sic *quorum* pro *ut noster*;

noſter, veſter, illorum etc. v. c. pro dignus ſum, ut (ego) amer, ut me ames dicitur dignus ſum, qui amer, quem ames; ſic pro dignus eras, ut (tu) laudareris, ut te homines laudarent dicendum dignus eras qui laudareris, quem homines laudarent: pro digna eſt virtus, ut (ea) ametur, ut eam amemus dicendum digna eſt virtus, quae ametur, quam amemus. Pro dignus eram, ut mihi fidem ſervares dicendum cui fidem ſervares. Pro dignus es, ut tibi hoc donem dicendum cui hoc donem. Pro digna eſt virtus, ut ei ſtudeamus vel ut ea delectemur dicendum digna eſt virtus, cui ſtudeamus vel qua delectemur. Pro dignus ſum, ut mecum vivas dicendum dignus ſum, quocum vivas. Pro dignus es, ut te eruditi utantur dicendum dignus es, quo eruditi utantur. Pro indignus ſum, ut meis peccatis ignoſcas dicendum indignus ſum, cujus peccatis ignoſcas. Pro dignus es, ut tuos libros legam dicendum dignus es, cujus libros legam. Pro liber eſt dignus, ut ejus lectio ſaepe repetatur dicendum liber eſt dignus, cujus lectio ſaepe repetatur. — Sic et in plurali. Pro digni ſumus, ut (nos) amemur dicendum qui amemur. Pro digni eſtis, ut (vos) amemini dicendum digni eſtis, qui amemini. Pro digni ſunt parentes, ut (ii) amentur vel ut eos amemus dicendum digni ſunt parentes, qui amentur vel quos amemus. Pro indigni ſumus, ut noſtris peccatis ignoſcatis dicendum indigni ſumus, quorum peccatis ignoſcatis. Pro digni eſtis, ut veſtrae felicitati proſpiciam dicendum digni eſtis, quorum felicitati proſpiciam. Pro libri ſunt digni, ut eos crebro legamus, ut eorum lectionem repetamus dicendum libri ſunt digni, quos crebro legamus, quorum lectionem repetamus. Pro digni ſumus, ut nobiſcum vivatis dicendum digni ſumus, quibuſcum vivatis. Pro digni fuiſtis, ut vobis uteremur, dicendum digni fuiſtis, quibus uteremur. Pro digni ſunt parentes, ut omne genus felicitatis illis contingat dicendum digni ſunt parentes, quibus omne felicitatis genus contingat etc. — Sic ſemper dicendum, nec unquam ut poſt dignus indignus ponendum, praeterquam ſi qui ſtatim jam praecceſſit, quia talis repetitio tam propinqua injucunda foret. Non enim dixerim: homines multos vidi, qui digni erant, qui vituperarentur, ſed ut vituperarentur. Cum vero, ut ſupra dictum eſt, ordo verborum hic proprie debeat eſſe: homines multos vidi, qui, qui vituperarentur, digni erant: quis ita loquatur? Nonne potius: multos vidi, qui, ut vituperarentur, digni erant? — Notandum etiam priſcos noſtrum verbi diſtinctionem longe crebrius per dignum eſſe exprimere quam per mereri, ut adeo propterea iſte uſus τῷ qui eo magis tenendus

dus videatur. — Neque etiam credi debet, quod tirones
 vulgo credunt, *qui* hic poni pro *ut*; sed pro *ut* cum pro-
 nomine aliquo, ut semper addidimus. Neque vero tan-
 tum *ut* qui post dignus ita ponitur, sed in univcrsum,
 quando *ut* consilium s. causam finalem indicat, poni recte
 potest: v. c. *misit homines, qui illum adducerent* pro *ut ii*
illum etc. Sic pro *misit mihi librum, ut eum legerem* dici
 potest: *misit mihi librum, quem legerem*. Pro *non dedi tibi*
pecuniam, ut pro libidine ea uteris dici potest: *non dedi tibi*
pecuniam, qua pro libidine uteris. Sic post concedo sequi-
 tur *qui* pro *ut* cum aliquo pronomine, v. c. *nemini conce-*
do, qui majorem ex perniciē reipublicae molestiam traxerit,
ich gebe niemand darin etwas nach, gestehe niemand zu, daß
er sich über den Verfall des Staats mehr betrübt haben sollte
 Cic. ad Div. III, ep. 3 §. 2 pro *nemini concedo, ut is* etc.
 Sic ad Div. VI, ep. I extr. *Nemo est tam afflictus, qui —*
non possit etc. pro *ut is non possit* etc. — Est etiam alius hu-
 jus pronominis *qui* usus isque paulo difficilior, quando
 pro *ut is* ponitur, praecedente *is* h. e. *talis*, v. c. *tu es ea*
doctrina, qua si ego essem, felicem me praedicarem, du hast
eine solche Gelehrsamkeit, daß ich mich für glücklich halten
würde, wenn ich dergleichen hätte pro *tu ea* (i. e. *tali*) *es*
doctrina, ut, si ego ea vel tali essem, felicem me praedica-
rem. Sic Cicero saepe, v. c. ad Div. VI, ep. 6 §. 7 *Nolo*
enim hunc de me optime meritum (Caesarem) existimare, ea
me suasisse Pompejo, quibus ille (Pompejus) si paruisset, esset
hic (Caesar) quidem clarus in toga et princeps, sed tantas
opes, quantas nunc habet, non haberet, quod ita verten-
dum: denn ich will nicht, daß dieser um mich so verdiente
Mann glaube, als wenn ich dem Pompejus einen solchen Rath
gegeben hätte, daß, wenn er ihm gefolgt wäre, der Caesar
zwar auch ein großer und vornehmer Mann zur Friedenszeit
seyn, aber freylich so große Macht nicht haben würde, als er
itzt hat; pro nolo — existimare, ea (taliam) suasisse Pompejo,
ut, si ille iis paruisset etc. Catil. II, 9 *non vident, id* (h. e.
tale quid) *cupere, quod si adepti fuerint, fugitivo alicui aut*
gladiatori concedi necesse esse? sehen sie denn nicht, daß sie
nach so etwas trachten, daß, wenn sie es auch erlangt haben
würden, sie hernach einem fortgelaufenen Sclaven — nach-
stehen müßten pro *non vident, se tale quid cupere, ut, si id*
adepti fuerint etc. Phil. II, 4 *Quid minus est, non dico ora-*
toris sed hominis, quam id obicere adversario, quod, ille si
verbo negarit, progredi amplius non possit, qui objecerit? pro
quam tale quid obicere, ut, si ille (pro hic) verbo etc., was

schickt sich wohl weniger, ich will nicht sagen für einen Redner, sondern überhaupt für einen Menschen, als seinem Gegner so etwas vorzuwerfen, daß der, welcher es vorgeworfen hat, nicht weiter fort kann, wenn es jener mit seinem einzigen Worte läugnet? — Eodem modo quantus, qualis, pro ut tantus, ut talis, praecedente tantus, talis, saepissime occurrit. V. c. Cic. ad Div. VIII, ep. 14 §. 6 gratulor tibi, cum (pro quod, ut saepe), tantum vales apud Dolabellam, quantum si ego apud sororis filium valerem, jam salvi esse possemus pro gratulor tibi, quod tantum vales apud Dolabellam, ut, si tantum ego valerem apud etc. Planc. II extr. Tribunus plebis fuit — certe talis, quales si omnes semper fuissent, nunquam desideratus vehemens esset tribunatus pro talis, ut, si omnes tales etc. Et sine praecedente talis Phil. II, 7 praesertim cum senatus populusque romanus haberet ducem, qualis si qui (pro quis) nunc esset, tibi idem, quod illis accidit, contigisset pro haberet (talem) ducem, ut, si quis talis nunc esset etc. Hoc diligenter imitandum; ac v. c. Deine Gelehrsamkeit ist so groß, daß ich mich glücklich schätzen würde, wenn ich dergleichen hätte, ita vertendum: Doctrina tua tanta est, quanta si ego instructus essem, felicissimus mihi viderer. Et vernaculum: Dein Vater war ein solcher Mann, daß ich glücklich wäre, wenn ich ein solcher Mann seyn könnte, ita vertendum: Pater tuus vir talis erat, qualis si ego esse possem, beatus essem. Sic et quot, quoties, pro ut tot, ut toties, praecedente tot, toties, v. c. Tu habes tot libros, quot si ego haberem, dives essem, pro: Tu habes tot libros, ut, si ego tot hab. cet. Tu toties legisti Homerum, quoties si ego eum legissem, bene mecum ageretur pro: Tu toties legisti Homerum, ut, si ego toties eum etc. b) Qui quae quod saepissime poni potest pro cum ego, cum tu, cum is, atque ita cujus pro cum ejus, meus, tuus; cui pro cum mihi, tibi, illi etc. V. c. Pater, qui id nesciret, mirabatur pro cum is nesciret id etc. Ego, qui nihil periculi subesse crederem, eo sum profectus pro Ego, cum (ego) nihil etc. f. Ego, quod nihil etc. Sic Quomodo te contemnere possim, cujus libri tam praeclare scripti sint! pro cum tui libri etc. An tu me contemnis, cujus virtutes antea tantopere laudaveris? pro cum meas virtutes etc. Quis Ciceronem non legat, cujus libri tam pulchri sint? pro cum ejus etc. Quis virtutem oderit, qua nihil pulchrius esse constet? pro cum ea cet. Quis miretur homines mori, quos sciamus mortales esse? pro cum eos cet. Quomodo de literis loqui potes, quibus nunquam operam dederis? pro cum iis cet. Quomodo nos ingratos vocare potestis, quibus nil bene-

beneficii tribueritis? pro cum nobis nihil etc. Sic Non video, quomodo possitis mihi opem ferre, quibus omnia desint pro cum vobis cet. Sic ne doctrina vestra gloriamini, quorum libros nemo legere cupiat pro cum vestros cet. Sic Nolite nobis aegre facere, quorum miseriam jam maximam esse sciatis pro cum nostram miseriam etc. Millies ita Cicero, Livius, Caesar. V. c. Cic. Verr. I, 25 Hospes Ianitor, qui nihil suspicaretur, veritus, ne quid in ipso se offenderit, hominem summa vi retinere coepit, der Wirth Ianitor, weil er nichts argwöhnnte etc. pro cum is nihil. Et statim: Iste (Verres), qui hospititis relinquendi causam reperire non posset, alia sibi ratione viam munire ad stuprum coepit pro Iste, cum (is) hospititis etc. Verres, weil er keinen Vorwand, seinen Wirth zu verlassen, finden konnte etc., et paulo post: Iste, qui una cupiditate raperetur, totum illius postulatam causamque neglexit pro cum una etc. Interdum per quod commodius explicatur et vernacule daß vertitur, v. c. Cic. ad Div. I, ep. 9 §. 31 Illud quidem certe nostrum consilium jure laudandum est, qui meos — cives — servis armatis objici noluerim pro quod ego meos cives etc. daß ich meine Mitbürger bewaffneten Sclaven nicht habe Preis geben wollen, et VII, ep. 28 §. 7 et hoc tempore non solum (videris) sapiens, qui hinc absis, sed etiam beatus: ubi qui hinc absis pro quod hinc abes, daß du nicht hier bist. At propter conjunctivum melius est dicere, qui in his pro cum poni, quia conjunctivum regit estque iridem particula causalis. c) qui quae quod ponitur pro et is, et ego, et tu etc. it. pro is vero, ego vero, tu vero in principio totius sententiae, praecedente alia, ad quam istud qui referri possit. V. c. pro Pater mortuus est. Et cum eum sepelire vellemus etc. rectius h. e. brevius et unitarius dicitur: Pater mortuus est. Quem cum sepelire vellemus etc. Sic Tu mihi semper utilia suastisti. Cujus consilio si semper paruissem, essem beatus dicitur pro Tu mihi — suastisti. Et si tuo consilio semper paruissem etc. Sic pro veni ejus domum. Cum vero eum non invenissem, redii dicitur: veni ejus domum. Quem cum non invenissem etc. Sic pro Diu te quaesivi: si vero vel ac si te invenissem etc. dicitur: Diu te quaesivi. Qui si te invenissem etc. Sulpicius in epist. ad Cic. ad Div. III, 5 §. 1 Postquam mihi renuntiatum est de obitu Tulliae filiae tuae, sane quam, pro eo ac debui, graviter molesteque tuli: communemque eam calamitatem existimavi: qui si (i. e. ac si ego) adfuissem, neque tibi defuissem coramque meum dolorem tibi declarassem. d) Interdum etiam qui pro nam ego, tu, is etc. poni potest, si contextus tam apertus est, ut etiam sine particula causali

tamen intelligi possit, sententiae causam inesse aliquam. V. c. Cic. ad Div. V, ep. 12 §. 14 *Nihil est enim aptius ad delectationem lectoris, quam temporum varietas fortunaeque vicissitudines: quae etsi nobis optabiles in experiendo non fuerunt, in legendo tamen erunt jucundae: ubi quae etsi nobis etc.* explicari potest: *Nam etsi eae nobis etc.*; potest vero etiam sic explicari: *atque etsi eae etc.* — Ceterum in his omnibus non qui pro *ut*, *quod*, *cum vero*, *et*, simpliciter, sed, ut iam monuimus, simul pronomen *ego*, *tu*, *is* cet. inclusum est.

II) Saepe etiam omittitur vocabulum ita, ut ejus defectus compensari non debeat, quia facile h. e. ob usum loquendi et contextus rationem intelligi potest. Hic *defectus* vulgo graeco nomine *ellipsis* appellatur, quod valde generale atque indefinitum est; quemadmodum fere omnes appellationes in grammatica aliisque artibus tam generales et indefinitae sunt, ut sine definitione et explicatione atque adeo distinctione intelligi nequeant. Exempla paucula laudabo, et ea tantum, quae imitari licet. Vitiosae enim ellipses huc non pertinent. Omittuntur ergo

A) Nomina:

1) *Homo, homines*, v. c. *omnes dicunt, putant etc.* int. *homines*; sic *ajunt, ferunt, man sagt*. Sic *sunt, reperiuntur, qui dicant, es gibt Leute, die da sagen; fuerunt, qui dicerent, erunt semper, qui dicant etc.*, ubi vel *homines* vel *aliqui* deest. Sic *homo* deest in *est, qui tecum loqui velit* h. e. *es ist jemand, der etc.* brevius *es will jemand mit dir reden*; sic *non erat, cui literas recte darem* i. e. *es war niemand, dem ich den Brief hätte sicher mitgeben können*. — In his potest etiam *aliquis* intelligi. Millies ita prisci.

2) *Aedes* s. *templum*, v. c. ad D. Nicolai, Martini etc. int. *aedem*. Sic prisci v. c. ad Castoris Cic. Quint. 4 *Nisi ad Castoris quaesisset etc.* Sic Liv. I, 33 *Quibus ad Murciae sedes datae*, int. *aedem* vel *facellum*; ib. cap. 41 *Habitabat enim rex ad Iovis statoris*; ac saepius: sic et nostri: *bey Barbarn, bey Niclas pro ad aedem D. Barbarae, Nicolai etc.* it. praecedente *a*. V. c. Cic. ad Divers. XIII, ep. 2 §. 5 *Quemadmodum a Vestae ad tabulam Valeriam ducta esses etc.*

3) *Locus*. V. c. *habes, ubi doctrinam ostendas tuam; non habeo, quo confugiam, intell. locum*. Sic prisci saepissime.

4) *Tempus*. V. c. erat, cum ita cogitabam pro tempus erat, cum etc. es war eine Zeit, da ich etc. h. e. cogitabam aliquando s. aliquo tempore. Sic prisci millies.

5) *Negotium vel aliquid*. V. c. non habeo, quod agam pro non habeo negotium, aliquid, ich habe nichts zu thun. Sic non habeo, quod edam, bibam etc., habe nichts zu essen etc. Sic est, quod narrem s. narrare possim, ich habe etwas zu erzählen, pro est aliquid, quod etc. Sic est, quod fleas, rideas, du hast Ursache zu weinen, zu lachen, ubi est duplex ellipsis, pro est aliquid, propter quod fleas etc. Sic non est, quod gaudeas, du hast nicht Ursache dich zu freuen. Sic semper dicendum: nam aliter non prisci. — Pertinet huc etiam patris est, meum, tuum est, alere liberos, es ist des Vaters, meine, deine Pflicht, die Kinder zu ernähren, ubi vel officium vel negotium cum Perizonio intelligitur. Rectum tamen quoque et valde usitatum est dicere est patris, meum, tuum officium liberos alere; sic enim prisci saepissime: illud modo brevius. In his formulis: boni pastoris est tondere pecus, non deglubere; equorum est hinnire et similibus rectius et certius intelligitur negotium (si quidem vocabulum intelligendum), nam tondere pecus, non deglubere est officium omnis pastoris, non boni; hujus tantum est negotium, es ist seine Sache, die Schafe nur zu scheeren h. e. ejus consuetudo ita fert; et alterum ita vertitur: das Wiehern ist eine Sache der Pferde; quae duo exempla fere eodem redeunt. — Ceterum, quia prisci semper ita loquuntur, nec substantivum addunt, hinc supplementum omne non satis certum. Verisimiliora hic pro certioribus habentur.

6) *Verba*. V. c. ut paucis dicam, ut nostri daß ichs mit wenigen sage intell. Worten. Sic quid multa? scil. verba dicam? quid multis te moror scil. verbis?

7) *Pars* omittitur vel potius, quia nullus genitivus sequitur, tacite includitur in nonnullis adjectivis; v. c. extrema urbe est pro in parte urbis extrema; sic extremo capite, libro pro extrema parte s. in fine capitis, libri; sic in media urbe, in medio mari, capite, libro pro in media urbis, maris, capitis, libri parte. Sic saepissime prisci; v. c. Cic. ad Div. VII, ep. 5 §. 5 Literae mihi dantur a te, quibus in extremis scriptum erat pro in quarum parte extrema s. fine, erhielt ich einen Brief von dir, wo am Ende geschrieben stand s. an dessen Ende geschrieben etc. Verr. III, 53 In hac insula extrema est fons i. e. in extrema parte hujus insulae etc. — Sic et primus, ultimus; v. c. Cic. ad Div. III, ep. 6 §. 4 Te in prima provincia velle esse, du wollest vorn in der Provinz seyn, pro

in parte prima provinciae, in dem vordersten Theile der Provinz; sic ultima provincia pro ultima pars provinciae, Cic. ad Attic. V, ep. 16 extr. loquens de sua provincia, cujus ante se praeses Appius fuerat: Appius, ut audivit nos venire. in ultimam provinciam se conjecit Tarsum usque, pro in ultimam provinciae partem. Sic Cic. Verr. III, 45 in. In eo sacrario intimo i. e. in intima parte ejus sacrarii, im innersten der Kapelle. Sic in summo loco i. e. in loci summa parte: v. c. Cic. ibid. cap. 48 Est loco praecelso atque edito; quo in summo est aequata agri planities etc., ubi quo in summo est pro in cujus summa parte. Haec imitari quoque licet, dummodo caveamus, ne ambiguitas oriatur, quod contextus definire debet.

B) Pronomina interdum omittuntur. V. c.

1) Ego, tu, nos, vos (in nominat.) semper omitti possunt ante verbum, nisi gravitas aut oppositio postulat. Amo te pro ego te amo rectum est; at amo te, tu me odisti vel amo te, me odisti falso dictum est: hic debet esse ego te amo, tu me odisti, propter oppositionem. sic tu librum legisti, frater tuus ne vidit quidem, hic tu adesse debet. Sic vernaculum du sagst nein, ich sage ja dazu verti debet tu negas, ego ajo s. affirmo; sic tu affirmas, alii negant etc. At, si neque oppositio talis adest nec gravitatis aliquid in pronomine quaeritur, rectius ego, tu, nos, vos, omittitur.

2) Is saepe omittitur, ubi adesse recte poterat, si intelligi facile potest. Dicere v. c. licet: dux praelium adversante fortuna commisit. Victum et fugientem occiderunt hostes insequentes pro victum eum et etc., quia eum facile intelligitur. Sic pater rogabat me, ut id facerem, nec roganti resistere poteram, pro nec ei roganti; sed sponte hoc intelligitur. Ac sic per omnes casus et numeros. Sic millies prisci, maxime Livius. — In primis solet is frequenter omitti, ubi qui vel sequitur vel praecessit; v. c. laudatur, qui ita agit, derjenige wird gelobt, der es so macht, pro laudatur is, qui etc. Laudantur, qui ita loquuntur pro laudantur ii, qui etc. Sic et inverso ordine: qui ita agit, laudatur: qui ita loquuntur, laudantur. — At haec omissio tantum habet locum, si utrumque pronomen est eodem casu; tum enim perspicuitas non offenditur: v. c. errant, qui putant, credunt, ut saepe Cicero pro ii errant etc. Sic Verr. I, 16 Rogat Rubrium, ut, quos ei commodum sit (invitare), invitet pro rogat Rubrium, ut eos invitet, quos etc. Orat. II, 45 Neque enim facile est perficere, ut irascatur, cui tu velis, iudex pro ut irascatur ei; in

in Graeviana tamen additum video ei. Sic ea saepe omit-
ti potest: v. c. *quae pulchra sunt, laudo, pro ea laudo etc.*

3) *Meus, tuus, suus, noster, vester*, quotiescunque intel-
ligi e contextu possunt, toties omitti debent, licet vernacula
saepissime addere velit; v. c. *ich bin mit meinem Vater ver-
reiset* verti debet *ego cum patre profectus sum*, non *cum patre
meo*: quia enim nulla alia persona adest, per se patet, pa-
trem meum, nec patrem alius hominis, intelligendum esse;
sic *ich habe mit meinem Bruder, mit meiner Schwester, gere-
det*; *ich will meine Aeltern zu Rathe ziehen* vertendum locu-
tus sum *cum fratre, cum sorore*; *consulam parentes*; sic Cajus
redet hiervon in seiner Dissertation, *ich bin in meinem
ganzen Leben glücklich gewesen, du hast deine Zeit, deine
Jugend, gut angewandt* verti debet: Cajus ea de re loquitur
in disertatione; *ego per omnem vitam fui felix; tu tempus,
adolescenziam, bene collocasti*. Sic pater filium misit, non suum
filium. Sic semper dicendum: nam fere semper ita prisci.

C) *Verba proprie dicta omittuntur*. V. c.

1) Scito s. confirmo tibi, vel simile quid, saepissime in
membro consequente omittitur, praecedente vel *si* vel *quod*
i. e. *was anbelangt*, vel *ne* etc. v. c. *pro quod librum tibi
mitti cupis, scito s. confirmo tibi, me ipsum nondum legisse
brevius dicitur quod librum tibi mitti cupis, ipse eum non-
dum legi*; sic vernaculum: *wenn du wissen willst, wo der
Vater ist, so muß ich dir sagen, daß er nach Leipzig gerei-
set ist* vel *daß ichs nicht weiß* ita verti potest: *si, ubi pater
sit, scire vis, Lipsiam profectus est, vel nescio*; *pro scito eum
profectum esse, scito me nescire*. Sic Cic. millies, v. c. ad
Div. III, ep. 5 §. 14 *Quod te a Scaevola petiisse dicis, ut, dum
tu abesses, ante adventum meum provinciae praecesset, eum ego
Ephesi vidi, — nec ex eo quidquam audiui, quod sibi a te man-
datum diceret: was das anbelangt, daß du sagst, du hättest den
Scaevola gebethen, in deiner Abwesenheit vor meiner Ankunft
der Provinz vorzustehen, so versichre ich dich s. so mußt du
wissen, daß ich ihn zu Ephes gesehen habe, — und daß ich nichts
von ihm gehört habe, daß er nämlich den Auftrag von dir er-
halten hätte*. Ad Div. V, ep. II §. 2. *Quod mihi feminam
primariam Pompejam uxorem tuam commendas, cum Sura
nostro statim tuis literis lectis locutus sum, ut ei etc. pro scito
me statim locutum esse cum Sura etc. Ibid. ep. 12 §. 30 Ac
ne forte mireré, cur — a te id nunc tanto opere et tam mul-
tis verbis petamus, illa nos cupiditas incendit etc. pro scito
illam cupiditatem nos incendere etc.* VII, ep. 26 §. 5 Cicero

ex intestinis laborans et dysenteriam timens ita scribit: *Attamen ne mirere, unde hoc acciderit, quomodo ve commiserim, lex sumtuaria, quae videtur λιτοτητα (h. e. frugalitatem) attulisse, ea mihi fraudi fuit pro scito legem sumtuariam mihi fraudi fuisse.* Rosc. Am. 27 *Quomodo occidit (patrem)? ipse percussit, an aliis occidendum dedit? Si ipsum arguis, Romae non fuit, pro eum scito Romae non fuisse.* Vatin. ad Cicer. in Epp. ad Div. VII, ep. 9 in. *Si tuam consuetudinem in parrociniis (h. e. clientibus) tuendis servas, P. Vatinus cliens advenit (i. e. ad te venit), i. e. scito Vatinium advenire.* Ac sic saepissime.

2) *Dicere* saepe omittitur in narrationibus, si e praecedentibus quodam modo intelligi potest. V. c. Liv. I, 9 in. *Tum ex consulto patrum Romulus legatos circa vicinas gentes misit, qui societatem connubiumque novo populo peterent; urbes quoque, ut cetera, ex infimo nasci etc., ubi post peterent intelligi debet ac dicerent, unde pendent urbes — nasci et sequentes infinitivi; sic cap. 27 Equitem — redire in praelium jubet; nihil trepidatione opus esse, suo jussu circumduci Albanum exercitum etc. pro redire jussit et dicere, nihil trepidatione etc.* Sic et nos: *er befahl dem Reiter zurück zu kehren, man habe nicht Ursache sich zu fürchten, das Albanische Heer ziehe sich auf seinem Befehl so herum etc.* Sic nos in aliis. V. c. *er schickte eilends einen Boten an ihn, es wäre die höchste Zeit, die Sache vorzunehmen, ubi deest und ließ ihm sagen.* Ibid. c. 57 *Incaluerant vino; age sane: omnes citatis equis advolant pro dicebantque; age sane.* Nep. Ages. 4 *Nuntius ei domo venit, Athenienses et Boeozios bellum indixisse Lacedaemoniis pro Nuntius venit dicens, Athenienses etc.* Add. Cic. ad Div. XV, ep. 1 §. 4 — *Mini litterae redditae sunt a Tarcondimoto, qui fidelissimus socius — existimatur, Pacorem — cum permagno equitatu Parthico transisse Euphratem etc., ubi deest quibus nuntiabatur, vel simile quid.*

3) *Infinitivus* verbi omittitur, ubi intelligere eum licet. V. c. *non tantum efficere possum, quantum tu potes int. efficere.* Cic. Verr. I, 26 *Rogat Rubrium, ut, quos ei commodum sit, invitet, ubi ad commodum sit deest invitare, sed facillime intelligi potest.* Sic II, 13 *Eum judicem, quem commodum erat, dabat pro quem dare commodum erat, dabat.* Orat. II, 45 *Neque enim facile est perficere, ut irascatur ei, cui tu velis, judex etc. pro perficere, ut judex irascatur ei, cui tu velis sc. judicem irasci.*

4) *Facere* omittitur saepe in hac formula: *nihil aliud quam*, v. c. *nihil aliud quam flevit, risit* etc. pro *nihil aliud fecit, quam ut fletet, rideret* etc. Suet. Caes. 20 *Ut, quoad potestatem abiret, domo abditus nihil aliud quam per edicta obnuntiaret* pro *nihil aliud faceret, quam ut per edicta obnuntiaret*. Id. August. 83 *Mox nihil aliud quam vestabatur et deambulabat* pro *mox nihil aliud faciebat, quam ut vestaretur et deambulare*; ac saepius ita Suetonius. Apud Livium occurrit quoque. — Sic et *nihil aliud praeterquam*: Liv. III, 26 extr. *Et illa quidem nocte nihil praeterquam vigilatum est in urbe*. Haec loquendi ratio orta est ab negligentia, matre multarum figurarum sic dictarum, atque per se est vitiosa: usus tamen dicendi omnia concedit. Sed occurrit etiam sine ista ellipsi, v. c. Cic. Rosc. Am. 37 extr. *si nihil aliud fecerunt, nisi rem detulerunt*.

D) *Adverbia* omitti solent nonnulla; v. c.

I) *Scilicet* (si quidem hoc vocabulum nomen adverbii accipere potest, est enim contractum e *scire licet*), nempe ad explicationem praecedentis vel vocabuli vel enuntiationis, per se intelligendae, non adhiberi debet, ut in vernacula lingua fieri solet per *nämlich*, sed plane omitti; v. c. *ich weis, was du willst, nämlich daß ich dich lieben soll*, debet verti *scio, quid velis, ut te amem*; non *scilicet, ut te amem*: nam, quia explicatio statim sequitur, non opus est particulam explicativam praemittere. Sic: *ich sehe, was du wünschest, nämlich daß dein Vater lange leben möchte*, verendum est *video, quid optes, ut pater tuus diu vivat*, omisso *scilicet, nempe*. Sic ubique Cicero; v. c. ad Div. VII, ep. 16 §. 4 per jocum ita scribit: *Balbus mihi confirmavit, te divitem futurum*. Id *utrum romano more* (h. e. proprie) *locutus sit, bene nummatum te futurum, an, quomodo Stoici dicunt, omnes esse divites, qui coelo et terra frui possint, postea videro* h. e. *Balbus hat mich versichert, du würdest reich werden. Ob er hier nun römisch geredet s. ob ers auf römische Art* h. e. *eigentlich verstanden, daß du nämlich viel Geld haben werdest, oder so, wie die Stoiker sagen, daß alle die reich seyn, die Luft und Erde genießen können, das werde ich künftig sehen; pro scilicet te bene nummatum fore*. Agr. II, 3 *Ego, qualem Kalendis Januariis acceperim rempublicam, Quirites, intelligo; plenam sollicitudinis, plenam timoris*: *ich sehe, wie ich den Staat s. in was für einer Verfassung ich den Staat (zu regieren) übernommen s. bekommen habe, nämlich voll Kummer, voll Furcht; ubi ante plenam recte omissum est*

Gg 5

scilicet,

scilicet, nempe. Ita semper priscei omittunt; peccat igitur, qui addit: nisi forte in libris dogmaticis concedendus sit ejus usus interdum, praesertim in rebus difficilioribus.

2) Non omitti potest a) post *non modo*, si *ne quidem* sequitur. Sic frequenter priscei. Est quidem proprie vitium negligentiae: at, quia usus dicendi recepit, et quia prisceis placuit, etiam nobis placere debet. Dici igitur potest v. c. *hic homo non modo scribere, sed ne legere quidem didicit, er hat nicht nur nicht schreiben, sondern auch nicht einmal lesen gelernt*, pro *non modo non*; sic: *hoc non modo vidi, sed ne audivi quidem pro hoc non modo non vidi etc.* Cic. Rosc. Am. 23 extr. Propterea quod, qui tantum facinus commiserunt, non modo sine cura quiescere, sed ne spirare quidem sine metu possunt. Ad Div. I, ep. 9 §. 23 Non modo praemiis, quae apud me minimum valent, sed ne periculis quidem compulsus ullis etc. — It. post *non solum*: Cic. Pil. 10 Cum — senatui non solum juvare rempublicam, sed ne lugere quidem liceret pro non solum non juvare etc. Orat. I, 46 Vehementer errat, neque solum inscientiam meam, sed ne rerum quidem magnitudinem perspicit. — Occurrit tamen etiam apud Ciceronem non modo non, non modo nullus, non solum non sequente *ne quidem*; ut dubium videri possit, utrum melius sit retinere negationem an abjicere. V. c. *non modo non, sed ne quidem*, legitur Liv. III, 35 med. it. Cic. Or. 2 in., ubi Ernesti posterius non tolli cupit. Male. Cic. Marc. 5 ut nulla non modo cupiditate, sed ne spe quidem etc., ubi itidem Ernesti perperam ulla pro nulla legendum putat. b) post *haud scio an* s. *nescio an*: dicere licet v. c. *Cicero fuit orator magnus, et haud scio, an maximus pro et haud scio, annon maximus.* Sic saepe priscei. V. c. Cic. ad Div. VIII, ep. 15 §. 4 Est id quidem magnum atque haud scio an maximum; sed tibi commune cum multis etc. pro haud scio annon maximum. Senect. 20 Sed haud scio an melius Ennius scil. loquatur pro annon: aber ich weis nicht, ob nicht Ennius besser rede s. mich dünkt aber, Ennius rede besser. Fin. V, 3 in. Quorum princeps Aristoteles; quem, excepto Platone, haud scio an recte dixerim principem Philosophorum h. e. welchen ich, doch den Plato ausgenommen, wohl mit Recht den vornehmsten Philosophen nennen möchte pro haud scio, annon recte etc. — Sic nescio an pro nescio annon. Liv. XXXVII, 54 med. Quae parare et quaerere arduum fuit, nescio an tueri difficilius sit, ich weis nicht, obs nicht schwerer sey das zu behaupten, was schon schwer war zu erwerben, s. mich dünkt, es sey schwerer etc. pro

pro nescio annon. — Etiam dubito an pro dubito annon est Nep. Thrasyb. I in. Si per se virtus sine fortuna ponderanda sit, dubito an hunc primum omnium ponam, so bin ich ungewiß, ob ich nicht diesem den Vorzug vor allen geben soll. — Quaeritur, quid de hac forma elliptica judicandum, et quomodo explicanda sit. Quod ad prius attinet, est haud dubie vitiosa, quia particula non, ad sensum tam necessaria, omittitur, et tantum per usum loquendi excusanda; ac, quia prisci ita locuti sunt, item nos sic loqui possumus, si quidem nulla ambiguitas orationis timenda est. Quod ad significationem hujus formulae attinet, puto ad verba explicandam esse, ich weis nicht, ob nicht, s. ich dünkte wohl daß, mich dünkt, interdum vielleicht. Mihi itaque videtur esse litotes, quae, ut omnis litotes, ad verbum explicanda est, ut venustas servetur. Inest enim isti formulae aliqua dubitatio modesta, ut nos modestius dicimus ich weis nicht, obs nicht schön zu nennen, quam ich weis es gewiß, daß etc. Nam hanc formulam simpliciter affirmare, ut Ernestius in Clave putat, non ausim dicere: nam ea non nisi in rebus, quae aliquid dubitationis continent eique obnoxiae sunt, a priscis usurpatur et usurpari debet. V. c. nescio an Homerus sit suavior Virgilio, ut nos ich weis nicht, ob nicht Homer angenehmer sey als Virgil, h. e. ich zweifle kaum, daß ers nicht sey. At non dicere possum: nescio an deus sit major omnibus regibus pro certo scio deum esse etc. Illud impie dictum foret. — Ceterum notandum, priscos quoque dicere haud scio an, nescio an ita, ut particula non minime intelligenda sit, sed verba proprie sint explicanda: ich weis nicht, ob; v. c. Nep. Timol. I. Namque huic uni contigit, quod nescio an ulli etc. h. e. diesem einzigen ist das geglückt, wovon ich nicht weis, ob es jemanden sonst geglückt sey s. brevius: was meines Wissens niemand geglückt ist. Cicero pro illa formula haud scio an ulli dixit aliquoties haud scio an nemini, v. c. ad Div. VIII, ep. 14 §. 13 Contigit enim tibi, quod haud scio an nemini, ut etc. du hast das Glück gehabt, das vielleicht, s. meines Bedünkens, meines Wissens, niemand gehabt hat; ubi haud scio an est i. q. puto, fortasse. Sic ad Quint. fr. I, ep. 1 §. 10 Etenim si in promerendo, ut tibi tanti honores haberentur, quanti haud scio an nemini etc. h. e. als vielleicht niemand. In his duobus locis poterat dicere: haud scio an ulli. Sic Dolabell. in Cie. Epist. ad Div. VIII, 9 quod nescio an nulli, ut Ernesti recepit; aliae Editt. an ulli. Videtur tempore Ciceronis haud scio an proverbialis locutio fuisse, quae vulgo usurparetur pro forsan. Ceterum ut haec locutio nescio (haud scio) an ulli, nescio (haud scio)

scio) an nemini s. nulli etc. non sperni a nobis debet, ita, qui eam pro praecipua elegantia habent, non multum videre mihi videntur.

3) *Utrum* s. *ne* enclit. omittitur saepe sequente *an*; dici potest, v. c. *nescio scribam, an legam, ich weis nicht ob ich schreiben oder lesen soll, pro nescio utrum scribam s. nescio, scribamne an legam.* Sic et in interrogationibus: *vis legere an scribere? willst du lesen oder schreiben?* pro *utrum vis s. visne legere an scribere?* Est haec forma dicendi itidem per se vitiosa, quia particula ad sensum necessaria omittitur; at, quia prisci frequentissime ea utuntur, propterea concedenda et nobis imitanda est. Cic. Rosc. Am. 27 *Quomodo occidit? ipse percussit, an aliis occidendum dedit?* pro *utrum ipse percussit, s. ipsene percussit* etc. Liv. VIII, 13 *Dii immortales ita vos potentes hujus consilii fecerunt, ut, sit Latium deinde, an non sit, in vestra manu posuerint, haben es in cure Gewalt gestellt, ob Latium noch seyn oder nicht mehr seyn soll, pro ut, utrum sit Latium etc. seu ut, sitne Latium etc.* — Sic et sequente *nec ne*; Cic. Offic. I, 3 med. *Tum autem aut anquirunt aut consultant, ad vitae commoditatem — conducatur id nec ne, de quo deliberant, pro utrum ad vitae etc.* Nat. Deor. I, 14 *Dubitetque omnino, deus animans sit nec ne pro utrum deus etc. seu sitne deus animans nec ne.* Ad Div. II, ep. 17 §. 5 *Parthi transierint nec ne, praeter te, video dubitare neminem, ob die Parther über den Euphrat gegangen sind oder nicht etc.* Verr. I, 45 *Quid ergo interest, proferantur nec ne? Ac sic saepissime. Etiam Nep. Eum. II in. Nondum enim statuerat, servaret eum nec ne.*

4) *Ut*, cum indicativo conjunctum, *wie*, saepe abjicitur, ita, ut vel nihil in constructione mutetur vel accusativus cum infinitivo sequatur. V. c. *pater, puto, doctus est, et patrem doctum esse puto, pro pater, ut puto, doctus est; sic et nostri: der Vater, glaube ich, ist gelehrt.* Sic pro *tu illud fecisti, ut probe scio* brevius dicitur: *te illud fecisse probe scio.* Hoc in primis imitandum est: nihil enim latinius esse potest, in primis si *qui quae quod* in accusativo sic ponitur sequente infinitivo: v. c. *Cicero interfectus est; quem magnum oratorem fuisse constat pro qui, ut constat, magnus orator fuit.* Sic *gaudeo patrem tuum adhuc vivere, quem valde tibi profuturum esse scio pro qui valde tibi proderit, ut scio.* Sic saepissime dicendum. — Possunt haec exempla quoque explicari de quo, *eum*: hinc patet et haec tria verba posse in *quem* mutari:

mutari: v. c. pro pater, de quo audiveram, eum mortuum esse, vivit adhuc, semper dicendum est pater, quem mortuum esse audiveram, vivit adhuc. Sic pro libri, de quibus credebam, eos mihi surreptos esse, reperti sunt, quod cum vernaculo convenit, Die Bücher, von denen ich glaubte, daß sie mir gestohlen wären etc. semper dicendum est libri, quos credebam mihi surreptos esse, reperti sunt. Sic semper fere prisca: v. c. Cic. Verr. III, 27 Hic Verres hereditatem sibi venisse arbitratus est, quod in ejus regnum ac manus venerat is, quem iste et audierat multa secum praeclara habere et suspicabatur, h. e. Da glaubte nun Verres, es wäre ihm eine Erbschaft aufgestoßen, weil in sein Reich und seine Gewalt derjenige gekommen war, von dem er nicht nur gehört hatte, daß er viele Kostbarkeiten bey sich hätte, sondern es auch vermuthete: pro de quo iste audierat eum multa etc. vel etiam pro qui multa secum praeclara habebat, ut et audierat et suspicabatur, welcher, wie er nicht nur gehört hatte, sondern auch vermuthete, viele Kostbarkeiten bey sich hatte: ib. cap. 29 quod sciret — in Capitolio esse ponendum, — id sibi ut donaret, rogare — coepit pro de quo sciret, id esse ponendum, Er bath, ihm das zu schenken, wovon er doch wußte, daß es in das Capitolium gesetzt werden sollte, vel pro quod in Capitolio ponendum erat, ut sciebat, welches, wie er wohl wußte, in das Capitolium etc. ib. cap. 45 In eo sacrario intimo fuit signum Cereris perantiquum: quod viri, non modo cujusmodi esset, sed ne esse quidem sciebant pro de quo viri non modo non sciebant, cujusmodi esset etc. Von welcher Statue die Mannspersonen nicht nur nicht wußten, wie sie beschaffen wäre, sondern nicht einmal, daß sie vorhanden wäre. Hic post non modo omissum est non, quia ne quidem sequitur. Ceterum semper ita loquendum, non de quo, eum, id; de quibus, eos, ea etc. more vernaculae linguae.

E) Praepositiones nonnullae saepissime omitti possunt; loquor itaque tantum de usitata et imitanda ellipti. V. c.

1) ad: v. c. summum höchstens, zum höchsten, aufs höchste pro ad summum: sic minimum wenigstens, zum wenigsten pro ad minimum: v. c. dabo tibi tres, summum quatuor, libros: da mihi tres, minimum duos, libros: sic adire patrem pro ad patrem. Haec omnia recte dicuntur.

2) propter: v. c. quid est, quod fleas pro quid est, propter quod fleas: sic non est, quod rideas, dicas, gratias agas pro non est, propter quod etc. du darfst nicht lachen, sagen, danken

kēn s. *du hast nicht Ursache zu lachen, zu sagen, zu danken* etc. Sic semper dicendum, nec unquam in talibus formulis *propter* addendum est: quia prisca semper ita tantum loquuntur.

3) *per*: v. c. *tres menses ibi fuit, biduum hic mansi* pro *per tres menses, per biduum*. Utraque ratio est bona, et sine praepositione *per* et cum ea, nam prisca utraque saepe utuntur: prior tantum est brevior.

4) *ex*: v. c. *urbe exire* pro *ex urbe exire*: sic *urbs ejicere* pro *ex urbe*: ut notissimum est.

5) *in*: v. c. *erudire aliquem artibus* pro *in artibus*: sic *tertio capite, quarto libro* pro *in tertio capite, in quarto libro* etc. saepissime dicitur. Sic *hesterna nocte, superiori die, his diebus* etc. pro *in hesterna nocte, in superiori die, in his diebus* rectius h. e. usitatius dicitur: omninoque in nominibus tempus designantibus, v. c. *mensis, hora* etc., si adjectivum vel pronomen trium terminationum adest, semper ista praepositio abjici debet.

6) *a*: v. c. *liberare morbo, malo*, recte dici potest pro *liberare a morbo, a malo* etc., quod posterius tamen aequum bonum est. Sic *abstinere aliqua re* pro *ab aliqua re*. Utrumque recte dicitur.

7) *de*: v. c. *meo consilio auf mein Anrathen* pro *de meo consilio*. Sic *mea sententia nach meiner Meynung* pro *de mea* etc. dici potest.

8) *cum*: v. c. *summo studio, summa cupiditate* pro *cum summo studio, cum summa cupiditate*, v. c. *discere*, rectissime dici potest. — Alias praepositionum ellipses duriores praetereo, quippe quae huc non pertinent. Praetereo etiam nimis notas v. c. *Romam ire* pro *in Romam* etc. *Athenis* pro *in Athenis* etc. Talia enim jam inde a pueritia disci solent.

F) *Conjunctiones* nonnullae saepissime omitti possunt atque adeo saepissime debent, v. c.

1) ut a) post rogandi verba saepe omittitur: in primis post *velim*: v. c. *velim dicas, velim tibi persuadeas* etc. Sic fere semper prisca. b) post *necessesse est, oportet*: v. c. *oportet discas ista: homo moriatur necessesse est*. Hic ut semper omitendum est. Sic semper fere prisca: v. c. Cic. Rosc. Am. 22 *Cum multa antea commissa maleficia, tum vita hominis perditissima, tum singularis audacia ostendatur necessesse est*: h. e. *Es müssen*

müssen nicht nur viel vorher begangene Mordthaten (nam de his sermo est) sondern auch ein sehr liederliches Leben des Menschen, ferner eine außerordentliche Kühnheit dargethan werden; et statim: haec cum sint omnia, tamen exstent oportet expressa sceleris vestigia etc. h. e. Und wenn das auch alles wäre, so müssen deutliche Spuren des Vatermords sichtbar seyn etc. it. cap. 24 Accedat huc oportet odium etc.; et statim: respersas manus sanguine paterno iudices videant oportet. Ibid. cap. 40 Intimi multa videant neceffe est.

2) ne post cave: v. c. cave dicas, facias thue es, sage es bey Leibe nicht: est gravius dictum pro ne facias.

3) In oppositionibus, ubi vernacula und vel aber addere solet; semper et vel vero s. autem omitti debet: v. c. Du bist reich, ich aber arm vel und ich arm verti debet: Tu es dives, ego pauper. Male dixeris ego vero vel et ego pauper. Sic Du sagst ja, und ich nein s. ich aber nein vertendum: Tu ais s. affirmas, ego nego: male et ego s. ego vero nego. Sic Ich habe viele Bücher, mein Bruder aber wenige vertendum: Ego habeo multos libros, frater paucos habet. Sic ubique fere prisca. V. c. Cic. Manil. 3 Etenim adhuc ita vestri cum illo rege contenderunt imperatores, ut ab illo insignia victoriae, non victoriam, reportarent pro non vero victoriam vel nec victoriam etc.: Denn bis itzt haben eure Feldherren mit jenem Könige so h. e. mit dem Erfolge gefochten, daß sie zwar die Kennzeichen, Ehrenzeichen, des Sieges, nicht aber den Sieg, davon getragen vel daß sie die Kennzeichen des Sieges und nicht den Sieg davon getragen: respicit eo, quod triumpharunt, nec tamen vicerunt: insignia victoriae sunt triumphi, ovationes. Marcell. 6 Quos amissimus cives, eos Martis vis perculit, non ira victoriae pro non vero ira etc. vel nec ira victoriae: Die Bürger, die wir verlohren haben, hat die Gewalt des Kriegs, und nicht der Zorn des Siegs, zu Boden geschlagen vel nicht aber der Zorn etc. Philipp. II, 3 extr. At ego, tanquam mihi cum M. Crasso contentio esset, quocum multae et magnae fuerunt, non cum uno gladiatore nequissimo, de republica graviter querens, de homine nihil dixi pro nec cum uno etc., Ich aber habe nur mich des Staats wegen heftig beklagt, von der Person aber nichts gesagt, gleich als wenn ich einen Streit mit dem Crassus, — und nicht mit dem nichtswürdigsten Banditen hätte. Ad Div. VI, ep. 6 §. 20, ubi Caesarem excusans ait: Armorum ista et victoriae sunt facta, non Caesaris pro
nec

nec Caesaris vel non vero Caesaris, Das sind Handlungen der Waffen und des Sieges, nicht aber f. und nicht des Caesars h. e. hieran sind die Waffen und der Sieg Schuld, und nicht der Caesar. Ad Div. X, ep. 26 §. 8 *Si nescis, tibi ignosco, nos in culpa sumus pro et nos in etc.* — Duo tamen loca reperi, ubi vero vel autem additur. Cic. ad Div. III, ep. 6 §. 7, ubi suum factum cum Appii facto comparans ait: *ut (h. e. ut itaque) tuum factum — alieni hominis (factum), — meum vero conjunctissimi et amicissimi (factum) esse videatur.* Orat. I, 2 solesque — a me — dissentire, quod ego prudentissimorum hominum artibus eloquentiam contineri statuam, tu autem illam ab elegantia doctrinae segregandam putes etc. Debebat in illo esse: *meum conjunctissimi*, in hoc: *tu illam*, omisso vero et autem. Forsan et plura loca invenientur.

4) et f. que, ac, atque omittitur saepe inter duo, saepius inter tria vel plura, vocabula ob celeritatem dicendi, plerumque tamen ob gravitatem. V. c. *virtutem, doctrinam amo; vitium, inscitiam odi pro et doctrinam, et inscitiam.* Sic deum debemus amare, colere, venerari pro et venerari. Vocant Rhetores *asyndeta* h. e. *membra non vincta* f. *carentia copula.* Sic Cicero saepissime. Notum est illud *abiit, excessit, evasit, erupit* Catil. II, 1 in. Sic Cic. Quint. 27 *cui Romae domus, uxor, liberi, procurator esset.* Sext. I *eos autem, qui omnia divina et humana violarint, vexarint, perturbarint, everterint etc. pro atque everterint.* — Sic et enuntiationes sine ista copula conjunguntur. V. c. Cic. Rosc. Am. 24 *Sua quemque fraus — vexat: suum quemque scelus agit amentiaque afficit: suae malae cogitationes conscientiaeque animi terrent pro ac suae malae etc. ibid. cap. 44 Non enim laborat de pecunia: non ullius rationem sui commodi ducit: facile egestatem suam se laturum putat: si — crimine liberatus sit pro et facile etc.* Agrar. II, 13 in. *Dat praeterea potestatem, verbo praetoriam, re vera regiam: definit in quinquennium, facit sempiternam.* Pertinet haec ratio ad gravitatem: nam, quo celerius auditor dicta audit, eo magis moverur. At copula et impedit istam celeritatem; hinc et poetae illam tantopere fugiunt.

Haecenus de ellipseos f. omissionis vocabulorum generibus, quibus uti possumus ac debemus. Sunt vero etiam aliae ellipses rariores, quibus abstinendum est, v. c. Cic. Manil. 12 *Sardiniam venit pro in Sardiniam.* Sic interdum
potius,

potius, magis, sequente quam deest ad graecam rationem, v. c. Liv. VII, 8 in. multiplex quam pro numero damnum est. Sic cum, licet comitatum indicet quendam, omittitur ap. Livium, Caesarem, Nepotem, idque crebro. V. c. Caes. B. G. II, 19 in. subsequebatur omnibus copiis pro cum omnibus copiis: ac saepius, ut iis, qui ita loqui interdum velint, fere non vitio vertendum videatur. Attamen non nisi de exercitu s. copiis militaribus usurpatum a priscis esse memini.

SECT. II

De brevitate dicendi in enuntiationibus.

Brevitas dicendi in enuntiationibus cernitur in eo, ut vel uno vocabulo, aut duobus, tota enuntiatio exprimatur vel una enuntiatio omittatur, quia e contextu intelligitur aut alia enuntiatione inclusa teste est.

I) *Saepe uno vocabulo, vel summum duobus, tota enuntiatio exprimi atque ita una enuntiatio pro duabus poni potest. V. c.*

I) *At in objectionibus saepe usurpari potest pro: possit hic aliquis objicere s. contra dicere. V. c. postquam commendassem virtutis studium ob ejus utilitatem, ac deinde difficultatem hujus studii objicere vellem, possem ita loqui: magnam igitur virtutis studium asferre utilitatem patet. At difficillimum est: pro at objici possit, dici possit, difficillimum illud esse. Sic Cicero millies in orationibus, in epistolis, et ubique. V. c. Phil. II, 9, ubi Cicero crimen illud diluere studens, quod dicebatur ille ab Antonio fuisse Miloni auctor Clodii interficiendi, ita loquitur: at ego suasi. (Haec est objectio, nunc sequitur responsio:) Scilicet is animus erat Milonis, ut prodesse reipublicae sine suatore non posset. At laetatus sum. (Nova objectio: cui statim sic respondet:) Quid? ergo in tanta laetitia cunctae civitatis me unum tristem esse oportebat? Verba at ego suasi et at laetatus sum sunt duae objectiones pro at dici possit vel at dicis, me suasisse: at dicis, me laetatum esse. Verbis scilicet is animus etc. et quid? ergo etc. responderetur istis objectionibus. Rosc. Am. 16 in. repetens id, quod Erucius accusator Roscii di-*

xerat, hunc a patre minus amatum fuisse, quia ab eo rus amandatus esset, ita loquitur: *at enim, cum duos filios haberet (pater Roscii), alterum a se non dimittebat, alterum ruri esse patiebatur; pro at dicis, objicis, s. at dici, objici, hoc possit etc., ubi notes at enim dictum esse pro at, atque enim redundare.* — Ad Div. VI, ep. 6 §. 20, loquens de Pompejo et causa Pompejana, ait: *in quo (i. e. in qua re) admirari soleo gravitatem et justitiam et sapientiam Caesaris: nunquam nisi honorificentissime Pompejum appellat.* (Nunc sequitur objectio) *At in ejus personam multa fecit asperius.* (Responso nunc sequitur) *Armorum ista et victoriae sunt facta, non Caesaris; ubi at in ejus etc. dictum pro possis tamen contra dicere, possit vero ab aliquo objici, contra dici etc.* VIII, ep. 6 §. 9 *Vel cum spe, si non optima, at aliqua tamen vivere. At in perturbata republica vivimus. Quis hoc negat? etc. pro at dicis, nos in perturbata republica vivere, seu dici tamen potest, objici potest, nos etc.* Add. Sulpicii epist. ad Cicer. in Epp. ad Div. III, ep. 5 §. 7 Qui, postquam varia consolatione usus est, ad Ciceronis dolorem ob mortem filiae gravissimum molliendum, ita pergit: *at vero malum est, liberos amittere: (huic objectioni nunc ita occurrit:) malum; nisi hoc pejus sit, haec sufferre et perpeti; pro at dicis, dici poterit, malum esse etc. Aber, wirst du sagen, aber man kann doch immer sagen, daß es ein Unglück sey, seine Kinder zu verlieren; ja es ist ein Unglück, wo nicht etwa die Erduldung der gegenwärtigen Umstände noch ein größeres ist h. e. aber es ist noch ein größeres Unglück, die gegenwärtigen Umstände des Staats zu erdulden.* Ac sic saepius.

2) *Quod pro quod attinet ad id, quod, saepissime dici potest v. c. quod mihi scripsisti de morte fratris tui, fatendum est mihi, maximo me dolore affectum, was das anbelangt, daß du mir den Tod deines Bruders gemeldet hast etc.* Sic vernaculum: *was das anbelangt, daß einige Gelehrte an der Unsterblichkeit der Seele zweifeln, so ist dieses etc. verti potest breviter: quod nonnulli eruditorum dubitant de animi immortalitate etc.* Sic Cicero centies, et maxime in epistolis, ubi ad aliquid respondet; v. c. ad Div. III, ep. 5 §. 7 *quod itinerum meorum ratio te nonnullam in dubitationem videtur adducere, visurusne me sis in provincia; ea res sic se habet; h. e. eam rem sic se habere scito; ibid. §. 14 Quod te a Scaevola petiisse dicis, ut, dum tu abesses, ante adventum meum, provinciae praecesset, cum ego Ephesi vidi etc. h. e.*

me

me scito vidisse cum Ephesi. Ibid. ep. 4 §. 7 Quod scribis, tibi manendi causam eam fuisse, ut me convenires, id mihi, ne mentiar, gratum est, Daß du schreibest (nostri enim etiam daß dicunt: pro was das anbelangt, daß), du wärest deswegen dort geblieben, um mich zu sprechen, so ist mir das, die Wahrheit zu sagen, angenehm. Sic et V, ep. 2 §. 5 Quod autem ita scribis, pro mutuo inter nos animo, quid tu existimes esse in amicitia mutuum, nescio. Ibid. §. 12 Quod scribis de reconciliata nostra gratia, non intelligo, cur reconciliatam esse dicas, quae nunquam imminuta est; et §. 13 Quod scribis, non oportuisse Metellum fratrem ob dictum a me oppugnari, primum hoc velim existimes, animum — probari etc.

3) Ita cum conjunctivo saepe est formula jurandi sequente ut cum conjunctivo vel etiam indicativo, respondens nostrae formulae: so wahr ich wünsche, daß etc. v. c. ita me deus adjuvet, ut nihil praeclarius est virtute, so wahr ich wünsche, daß mir Gott helfen möge, so wahr ist's auch, daß nichts vortrefflicher sey als die Tugend s. brevius: so wahr mir Gott helfe, es ist nichts vortrefflicher als die Tugend. Dictum ergo est pro quam verum est, me optare, ut deus me adjuvet, tam verum est quoque, nihil esse praeclarius virtute. Proprie tamen ita explicari debet: Gott möge mir eben so (ita) helfen, wie (ut) nichts vortrefflicher ist als die Tugend — Sic vernaculum So wahr ich wünsche immer glücklich zu seyn, so wahr wünsche ich auch, daß du lange leben mögest s. so wahr ist es auch, daß ich wünsche etc. ita vertitur: Ita semper sim felix, ut tu diu vivas: hic ut debet conjunctivum habere, quia est particula optantis; cum supra in hac formula: Ita me deus adjuvet, ut nihil praeclarius est virtute rectum erat est, quia non optantis sed affirmantis particula erat. — Cicero ita saepe. V. c. Divin. in Caecil. 13 in. Ita deos mihi velim propitios, ut, cum illius temporis mihi venit in mentem, — non solum commoveor animo, sed etiam toto corpore perhorresco h. e. So wahr ich wünsche, daß die Götter mir gnädig seyn mögen, so wahr ist es auch, daß ich, wann mir die Zeit einfällt, — nicht nur erschrecke, sondern auch am ganzen Leibe zittere. Verr. V, 14 in. Ita mihi meam voluntatem spernque reliquae vitae vestra populiue romani existimatio comprobet, ut ego, quoscunque adhuc mihi magistratus populus romanus mandavit, ita accepi, ut me omnium officiorum obstringi religione arbitrarer, h. e. So wahr ich wünsche,

daß euer und des römischen Volks Urrheil meine itzige Gesinnung (voluntatem) und meinen künftigen Wandel billigen möge, so wahr ist es auch, daß ich alle Aemter, die das römische Volk mir aufgetragen hat, so (h. e. in der Absicht, mit der Bedingung) angenommen habe, daß ich geglaubt, ich sey zu allen Pflichten verbunden. Catil. III, 6 Nam ita mihi salva republica vobiscum perfrui liceat, ut ego, quod in hac causa vehementior sum, non atrocitate animi moveor (es nicht aus Grausamkeit thue) — sed singulari quadam humanitate et misericordia. — It. sine ut: v. c. Cic. Attic. I, 16 Saepe, ita me dii juvent! te non solum auctorem meorum consiliorum, verum etiam spectatorem pugnarum mirificarum, desideravi. Terent. Eun. III, 2, 21 Ita me dii ament, honestus est pro quam verum est me optare, ut dii me ament, tam verum est, eum esse honestum i. e. pulchrum, at illud multo brevius. Ac sic saepius.

4) *Quicumque et quodcumque, quaecumque; quisquis et quidquid* usurpantur et usurpari debent, ubi vernacule dicimus: wer es auch sey, was es auch sey s. es sey wer es wolle, es sey was es wolle: v. c. Hic nunquam illud credet, quisquis dicat, Er wird das nie glauben, es mag es sagen, wer es auch wolle: Nunquam veniam, quemcumque miseris h. e. ich werde nie kommen, du magst schicken, wen du willst: Quidquid dicas, ille tamen in sua sententia manebit h. e. Du magst sagen, was du mir willst, er wird doch auf seiner Meynung bleiben. Sic Ianuam non aperiet, quisquis s. quicumque venerit, Er wird die Thüre nicht aufmachen, es mag kommen, wer da will. Sic quaecumque videris, du magst gesehen haben, was du willst: quoscumque libros legeris, du magst für Bücher gelesen haben, was für welche du willst. Sic semper dicendum. Sic enim semper prisci. — Sic et quantuscumque, er mag so groß seyn wie er will; qualiscumque, er mag beschaffen seyn wie er will, v. c. homo, quantuscumque est, tamen est inferior deo h. e. der Mensch mag so groß seyn wie er will, so ist er doch geringer als Gott: quantascumque res vidisti, tamen fuerunt parvae prae his h. e. Du magst so große Dinge gesehen haben als du gewollt hast, so sind sie doch klein gegen diesen: qualescumque hi libri sunt, tamen semper profunt, si leguntur, diese Bücher mögen beschaffen seyn wie sie wollen, so nützen sie doch, wenn sie gelesen werden. Qualiacumque vidisti, tamen nil tibi profunt, die Dinge, die du gesehen hast, mögen nun beschaffen seyn wie sie wollen, so nützen sie dir doch nichts. — Sic et quando-

quandocunque, es sey wann es wolle; quotiescunque, es sey so oft als es wolle, v. c. quandocunque veniat, venerit, er mag kommen, wann er will etc. quotiescunque me vocet, er mag mich rufen so oft er will etc. Sic semper dicendum. Prisci enim non aliter.

5) Participia valde serviunt brevitati, et propter hanc fere solam causam usurpanda sunt: quo pertinent nonnulla substantiva et adjectiva, temporis notionem habentia: v. c. moriens dicebat pro cum moriebatur, dicebat: proficiscens quaerebat ex me pro cum proficiscebatur, quaerebat etc. Patre mortuo recepi me ad etc. pro postquam pater mortuus erat, recepi etc. Frater, profectus in Poloniam, nondum scripsit pro Frater, qui profectus est etc. — Vivus hoc mihi mandabat pro cum vivebat, hoc etc. bey seinem Leben etc. Senex literas demum didicit pro cum jam senex erat, literas etc. h. e. in senectute. Adolescens Sullam est secutus pro cum adolescens erat etc. Mortuus est juvenis pro mortuus est, cum erat adhuc juvenis. Consul id fecit pro cum Consul erat, id etc. Me Consule hoc factum est pro cum Consul eram, hoc factum est. Sic millies prisci omnes.

6) Utinam pro quam s. quantopere optandum est ut: nam hoc significat proprie, est enim pro ut positum s. uti, quod idem est, adjecta terminatione nam, ut in quisnam pro quis. V. c. utinam deus omnibus cupiditatem virtutis injiciat! h. e. Wie sehr ist zu wünschen, daß Gott etc. seu: O daß doch Gott allen Menschen eine Begierde zur Tugend einflößen wollte! ubi male loquaris: Wollte Gott, daß Gott allen Menschen etc. Ineptum hoc foret: quamquam rō utinam saepe quoque verti posse wollte Gott daß, non negandum est. Hinc vernaculum: Wie sehr ist zu wünschen, daß wir dieß bedächten, vertendum: Utinam hoc cogitemus, vel si quid praecessit, ad quod refertur: Quod utinam cogitemus! Sic semper fere prisci. Potest tamen et o! si pari jure adhiberi.

7) Saepe enuntiationem causalem uno vocabulo exprimere licet: v. c. ignovi tuae adolescentiae pro ignovi tibi, quia eras adhuc adolescens: laudant omnes tuam sapientiam pro laudant omnes te, quod tam sapiens es: gratulor tuae eruditioni, felicitati pro gratulor tibi, quod es tanta eruditione, es tanta felicitate: invident fratris divitiis, honoribus etc. pro invident fratri, quod divitiis, honoribus est instructus, ornatus

etc. Sic Cicero saepissime: v. c. Rosc. Am. I *Si quid liberius dixerō — ignosci adolescentiae meae poterit etc. pro Si quid liberius dixerō — ignosci mihi poterit, quia adhuc sum adolescens: ad Div. VIII, ep. 14 §. 14 gratularer tuae felicitati h. e. gratularer tibi, quod tam felix esses s. tanta felicitate utereris. Philipp. V, 17 Legibus enim annalibus cum grandiorē aetatem ad consulatū constituebant, adolescentiae temeritatem verebantur pro adolescentiam verebantur, quia haec plerumque temeraria esse solet.*

8) Pro: *tu es tali vultu, quali pater tuus erat, du siehst so aus, wie dein Vater*, dici brevius potest: *tu es similis patri. Sic pro hic homo est eodem animo, quo pater ejus fuerat, denkt, ist so gesinnt, wie sein Vater* dici interdum potest: *similis est patri. Sic prisci saepissime, v. c. Terent. Eun. III, 2, 43 Quid tibi ego multa dicam? domini similis es i. e. du bist wie dein Herr.*

9) Pro: *ego non tantum dicere possum, quantum vos cupitis audire*, brevius dici potest: *ego vel mea oratio vestrae cupiditati non respondet s. non satisfacere potest. Sic pro non semper id evenire solet, quod homines sperant, dicitur brevius: non semper spei hominum exitus respondet. Sic pro aliter res evenit ac pater opinatus est dicitur brevius: exitus non respondit opinioni patris. Cicero saepissime hac brevitate usus est. Philipp. II, 23 extr. etsi nullo modo poterit oratio mea satisfacere vestrae scientiae pro etsi nullo modo potero tantum narrare, quantum jam nostis. Manil. II in. Iam vero virtuti Cn. Pompeji quae potest par oratio inveniri? pro Iam vero quatenam verba possint inveniri s. excogitari, quae tanta sint, quanta virtus Pompeji est, vel quae verba inveniri possint, quae magnitudinem virtutis Pompeji satis exprimere valeant? Ad Div. I, ep. I in. Ego omni officio ac potius pietate erga te ceteris satisfacio omnibus, mihi ipse nunquam satisfacio pro Ego quidem tantum officium ac potius tantam pietatem erga te declaro, ut ceteri omnes ea contenti sint, at simul tam exiguum, ut ipse nunquam ea contentus sim. Ad Div. II, ep. 5 §. 2 non, quo verear, ne tua virtus opinioni hominum non respondeat pro non, quo verear, ne tua virtus non tanta sit, quantam homines opinantur s. quanta hominum de ea est opinio.*

10) Pro: *ut pauper moritur, ita etiam diviti moriendum est*, potest brevius dici: *diviti non minus quam pauperi moriendum*

riendum est; dives aequè ac pauper moritur; et diviti et pauperi moriendum est. Sic Horat. I, od. 4 enuntiatione una, licet paulo longiori, illam sententiam exprimit: *Pal-lida mors aequo pulsat pede pauperum tabernas regumque turres*; egregie. Sic in aliis similibus agendum est.

II) Pro: *hic homo putat, omnes esse ipso inferiores seu putat, se omnibus hominibus esse superiorem*, dici potest brevius, si lubet: *hic omnes prae se contemnit, despicit, se omnibus antefert, sibi omnes postponit etc.*

12) Pro: *hic homo primus fuit, qui hoc dixit, fecit, vel diceret, faceret etc.*, prisci brevius dicunt *hic homo primus hoc dixit, fecit*. Hinc vernaculum: *Er war der erste, welcher flog, welcher es wußte, welcher es sah*, nunquam vertendum *primus erat, qui fugiebat, sciebat, videbat vel fugeret, sciret, videret*, sed semper: *primus fugiebat, primus sciebat, primus videbat*. — Sic est etiam in *unus, solus, ultimus*, similibusve, v. c. *Ich bin s. ich war der einzige, welcher da blieb* vertendum *Unus mansi s. solus mansi, non unus fui, qui etc. solus fui, qui etc.* *Er war der letzte, welcher fortging* semper vertendum *Ultimus discessit s. abiit, nunquam: Ultimus erat, qui etc.* Sic et in aliis casibus: *Ich war der einzige, dem er es sagte; du bist der einzige, mit dem ich umgehe; er war der letzte, den ich sah* semper ita vertendum *Mihi uni dicebat, te uno s. solo utor, illum vidi ultimum, non eram unus, cui dicebat; eras solus, quo utebar; erat ultimus, quem videbam*. Sic loqui est vernacule loqui. Cic. Verr. II, I med. *quod omnium nationum exterarum princeps* (i. e. prima) *Sicilia se ad amicitiam fidemque populi romani applicuit pro quod omnium nationum princeps fuit Sicilia, quae se ad etc.*; et statim: *prima omnium* — *provincia est appellata, pro prima omnium est, quae provincia appellata est; et statim: prima docuit majores nostros, quam praeclarum esset etc. pro prima est, quae docuit etc.*; ac deinde: *sola fuit ea fide benevolentiaque erga populum romanum etc. pro sola fuit (est), quae ea fuit etc.*; ibid. c. 3 med. *Sic porro nostros homines diligunt, ut his solis (Siculis) neque publicanus neque negotiator odio sit pro ut hi soli sint, quibus neque publicanus etc. daß sie die einzigen sind, denen weder ein Generalpächter noch etc.* Verr. III, 25 *Pisonis ejus, qui primus de pecuniis repetundis legem tulit pro qui primus fuit, qui de pecuniis etc.* Caes. B. G. III, 16 *Ubi*

autem, qui uni ex transrhenanis ad Caesarem legatos miferant etc. pro qui uni ex transrhenanis fuerant, qui etc. welche von den jenseits des Rheins wohnenden die einzigen gewesen waren, die an den Caesar Deputirte geschickt hatten. — It. in aliis: v. c. Cic. ad Div. XVI, ep. 6 in. Tertiā ad te hanc epistolam scripsi eodem die pro haec est epistola tertia, quam scribo eodem die, das ist nun der dritte Brief, den ich an einem Tage an dich schreibe. Sic vertendum est: scripsi in epistolis pro scribo: quia sermo est de re praetereunte. Sic ibid. ep. 7 in. Septimum jam diem Corcyrae tenebamur pro hic est dies septimus, ex quo etc., Das ist nun der siebente Tag, daß ich mich hier aufhalte: tenebamur pro teneor. — Sic nec in aliis latini imitantur nostros homines, ubique fere, atque adeo de vilibus rebus dicentes: Er ist derjenige gewesen, der es gethan, gesagt, hat; sed dicunt: Ille hoc fecit, dixit. Non late loquuntur prisca, ac forsā omnes prudentes, nisi in re gravi.

13) Pro: alius hoc alius illud dicit, Einer sagt dieß, der andre jenes, brevius dici potest alius aliud dicit: sic alius alium sequitur, Einer folgt dem, der andre jenem, pro alius hunc, alius illum sequitur; sic alius alio modo discit pro alius hoc modo alius illo modo discit: sic aliud alii dedit pro dedit alii hoc alii illud, er gab einem das, dem andern jenes: sic prisca. V. c. Cic. Invent. II, 1 extr., ubi dicere vult, naturam h. e. deum non singulis hominibus cuncta simul atque ita non perfectam pulchritudinem dare, sed tantum aliquid, adjuncto simul aliquo malo s. vitio, hoc ita exprimit: Itaque, tanquam ceteris non sit habitura, quod largiatur (natura), si uni cuncta concesserit, aliud alii commodi, aliquo adjuncto incommodo, muneratur h. e. gleich als wenn sie hernach den andern nichts zu schenken haben würde, wenn sie einem alles schenkte, so schenkt sie dem einen diesen dem andern jenen Vortheil, doch mit Hinzufügung einiger Unbequemlichkeit. Donat v. c. huic pulchritudinem, sed sine divitiis, illi divitias, sed sine pulchritudine etc. Aliud commodi jungi debet: commodi regitur ab aliud; et dictum est pro aliud commodum, ut hoc negotii, id rei, pro hoc negotium, ea res etc. Verr. I, 22 itemque cetera signa et ornamenta cum cognoscerent, alia alio in loco lacrymantes intuebantur pro alia (sc. signa et ornamenta) hoc in loco, alia in illo loco, so sahen sie sie mit Thränen an, einige an diesem, andre an jenem, Orte. Ib. c. 26 med. Hic tum alius ex alia parte intell. clamabat vel.

vel dicebat, Da schrie einer von der Seite, der andre von jener Seite pro alius ex hac, alius ex illa, parte. — Sic et alius alio vel aliorum pro alius huc, alius illuc, einer dahin, einer dorthin. Cic. Divin. I, 34 Simia — sortes ipsas et cetera — disturbavit et aliud alio dissipavit pro aliud huc, aliud illuc, dissipavit, streute eins dahin, das andre dorthin. Liv. II, 54 extr. ita dilapsi passim alii alio h. e. einige zerstreuten s. verliefen sich dahin, andre dorthin. Sic alius alibi einer hier, der andre dort: Liv. VIII, 2 in. milites decem pastorum habitu mittit pecoraque diversos alium alibi haud procul romanis pascere jubet praefidiis; it. Liv. XLIII, 33 in. iussit alios alibi fodere. Sic alius aliunde pro alius ex hac parte, alius ex illa parte. Terent. Phorm. II, 2, 19 Aliis aliunde est periculum. Liv. XLIII, 12 in. Romanosque, qui alii aliunde coibant etc. welche zusammen kamen, einige von hierher, andere von dorthen. — Sic alius aliter, alii aliter pro alius hoc, alius illo, modo; alii hoc, alii illo, modo. Cic. Orat. II, 19 quoniam aliter ab aliis digeruntur intell. partes: weil sie von einigen so, von andern anders, geordnet werden pro ab aliis hoc, ab aliis illo, modo. Ad Attic. VII, ep. 8 in. et illum aliter cum aliis de nobis locutum audiebam, daß er mit einigen so, mit andern anders, von mir geredet etc.

14) Obtemperare alicui pro facere ea, quae aliquis fieri iussit, voluit. Sic obtemperare dolori suo pro facere, quae dolor postulat, h. e. ulcisci se: Cic. Manil. 19 in. Sed tamen in salute communi idem populus romanus dolori suo maluit quam auctoritati vestrae obtemperare pro maluit id agere, quod dolor suus a se postulabat, quam quod vos decrevistis scil. Pompejum non esse contra praedones mittendum.

15) Falso, recte, male, non injuria etc. saepe pro enuntiationibus ponuntur. Falso pro hoc falsum erat: Male pro male in ea re egit, vel actum est, vel egi: Recte, non injuria pro recte factum est etc. V. c. Frater invito patre abiit. Male: h. e. darin hat er nicht recht gehandelt. Cic. Offic. III, 18 Atqui in talibus rebus aliud utile interdum, aliud honestum, videri solet. Falso: nam etc. h. e. das ist falsch, nicht wahr, nicht an dem. Sic Nep. Alcib. 9 in. Sperans ibi facillime suam fortunam oculi posse. Falso. Nam etc., ubi falso est pro sed in eo fallebatur, er irrte sich aber, es war nicht so. Non injuria et neque injuria saepe Cicero, v. c. Rosc. Am. 40 in. In rebus minoribus socium fallere tur-

piissimum est, aequaeque turpe atque illud, de quo ante dixi. Neque injuria: h. e. und hierin geschieht kein Unrecht s. brevius: und das zwar mit Recht. Ad Quint. III, ep. 8 Hoc horret Milo: nec injuria: et si etc. Und hierin thut er nicht Unrecht, brevius: und das mit Recht.

16) Omnis metaphora est brevitatis quaedam, similitudinem rei, quae tota enuntiatione exprimi poterat, uno vocabulo exprimens: qua re una enuntiatione existit pro duabus. V. c. *pulvis et umbra sumus* s. *vita nostra est pulvis et umbra* pro *vita nostra tam breviter durat, quam breviter fere durare solet pulvis et umbra*, seu pro *quemadmodum pulvis et umbra mox evanescit, sic et vita nostra mox dilabitur*, seu pro *vita nostra est instar pulveris et umbrae, quae mox evanescit*. Sic *sapientia est fons felicitatis* est dictum pro *quemadmodum e fonte aqua perennis provenire solet, ita e sapientia felicitas oritur*. Sic *sapientiae radix amara, fructus dulcis, est dicitur* pro *sapientia est instar arboris, cujus etsi radix amara est, tamen dulcem fructum effert, seu quemadmodum radix arboris felicitatis amara, fructus dulcis, est, ita initium sapientiae, ob discendi laborem, molestiam quidem affert; at, si illa frui coeperis, si semel ipsam imbiberis, ejus effectum senseris, voluptatem certam parit*. Ac sic in ceteris.

II) Saepe una enuntiatione plane omitti potest ac debet:

1) Non omnes tres syllogismi enuntiationes recitari ab oratore et scriptore debere notum est, sed unam omitti h. e. eam, quae e contextus ratione intelligi facile potest. V. c. *quisquis magnas res gessit, nomen suum immortale reddit. Quis igitur miratur, Caesarem nominis immortalitatem consecutum? vel sic: Caesarem res magnas vel immortales gessisse quis nescit? Quis ergo miretur, nomen ejus immortale redditum esse?*

2) *Metonymia* orationem reddit brevem, ponens consequentem enuntiationem pro antecedente: tum enim antecedens recte inclusa est intelligique debet. Nam plane ideam consequentem cum antecedente commutari, ita, ut utraque sit eadem, credi non debet. V. c. *vir, fortissime pugnans, tandem cecidit* pro *occisus est et cecidit* scil. *humili*. Sed quis ex eo, quod pugnans cecidit, non sponte intelligat, eum antea occisum esse? Sic homo sepultus nocere nemini

mini potest, ubi notio mortis simul inest, pro homo mortuus et sepultus etc.: sed illud ex hoc sponte intelligitur. Pertinent haec omnia ad gravitatem, de qua infra.

3) In narrationibus in primis omittuntur eae enuntiationes, quae vel e praecedentibus vel e consequentibus facile intelligi possunt, ut Cicero praecipit Invent. I, 20 de brevitate narrationis inter alia hoc dicens: *et si ita dicetur, ut nonnunquam ex eo, quod dictum sit, id, quod dictum non sit, intelligatur* etc. v. c. *Domum ego reversus volebam amicum videre, credens, eum se melius habere. At domum ejus ingressus audio, funus ejus mox elatum iri.* Hic deest v. c. *loquor cum ejus servis vel ancillis; audio eum mortuum esse.* At quis talia non sponte intelligat? It. *Romam venire jussus est. Quo cum venisset, reperit* etc. pro *Romam venire jussus est. Ivit itaque eo: et, cum eo venisset, reperit* etc. At stultus foret, qui e verbis: *quo cum venisset*, non per se intelligeret, illum Romam ivisse. Sic omnes boni scriptores, historici, oratores ac poetae, si quid narrant. Cic. Verr. III, 40 in., postquam dixerat Verrem imperasse lictoribus, ut Sopatrum de porticu dejicerent nudumque constituerent, pergit: *vix erat hoc plane imperatum, cum illum spoliatum* (h. e. vestibus exutum) *stipatumque lictoribus videres: ubi omissum est: dejiciebatur de porticu.* At omissio haec auget celeritatem rei. — Verr. V, 54 *Haec cum maxime loqueretur, sex lictores eum circumfistunt valentissimi et ad pulsandos verberandosque homines exercitatissimi: caedunt acerrime virgis: denique* etc. pro *Haec cum maxime loqueretur, ad eum accedunt sex lictores — exercitatissimi, circumfistunt eum, expediunt virgas, iisque caedunt acerrime* etc. At quis *ad accedere* et *expedire virgas* non per se intelligat? Nam, si eum circumfistunt, accefferint, ac, si caedunt, virgas expedierint necesse est. Poterat et addi *vestes exuunt, deripiunt*: at et hoc sponte intelligitur. — Sic Liv. I, 28 de Metto Fufetio: *Centuriones armati circumfistunt int. eum: ubi itidem deest accedunt ad illum.* — Sallust. Catil. 28 §. 3, postquam dixerat Curium per Fulviam monuisse Cicero-nem de vitae periculo, addit: *ita illi* (qui venerant Cicero-nem interfectori) *janua prohibiti tantum facinus frustra susceperant: pro illi quidem domum Ciceronis venerant, at Cicero eos excludi jusserat. Ita illi janua prohibiti tantum* etc. At omissa verba facile intelliguntur ex his: *janua prohibiti.* — Id. Jugurth. 12 extr. de Hiempsalis caede: *cum*
Hiempsal

Hiempsal interim reperitur, occultans sese tugurio mulieris ancillae, quo initio pavidus et ignarus loci perfugerat. Numidae caput ejus, ut jussi erant, ad Iugurtham referunt. Ubi debebat proprie esse: Numidae igitur occidunt eum, ipsius caput abscidunt, et hoc, ut jussi erant, ad Iugurtham referunt. At ex eo, quod caput Hiempsalis referunt, vel pueri intelligunt, illum occisum capiteque privatum esse. — Sic et omnes poetae boni, in primis Virgilius, v. c. Aen. I, 693 (689) de Cupidine, pro Iulo ad Didonem ex voluntate Veneris ire parante:

*Paret Amor dictis carae genitricis et alas
Exiit et gressu gaudens incedit Iuli.*

Magna venustas in verbis postremis! Post alas exiit inferre poterat: et tentat, an ita possit incedere, ut Iulus: ac forsan alius poeta minoris ingenii hanc sententiam inferuisset, et magna verborum pompa exornasset. At recte abest, quia intelligi potest. — Ibid. IIII, 133 de Didone venatum ire parante:

*Reginam thalamo cunctantem ad limina primi
Poenorum expectant: ostroque insignis et auro
Stat sonipes ac frena ferox spumantia mandit.*

Hic deest: regina interea, dum Poenorum principes expectabant ipsam, inducitur se apte et ad venatum se recte parabat. At quis hoc scire cupit? Quis non sponte intelligit? — Ibid. v. 581 s. de celeritate, qua Trojani Carthaginem relinquunt:

*Idem omnes simul ardor habet: rapiuntque ruuntque:
Litora deseruere: latet sub classibus aequor:
Adnixa torquent spumas et caerula verrunt.*

Egregie! deest hic: naves conscendunt: at hoc per se intelligitur nec cum festinatione illa convenit: cui aptius est, statim dicere: latet sub classibus (i. e. navibus) aequor, Adnixa etc. — Add. Aen. II, 426, ubi dicitur Ripheus, licet fuerit homo iustissimus, tamen etiam periisse. Verba sunt:

*— cadit et Ripheus, fortissimus unus
Qui fuit in Teucris et servantissimus aequi.
Diis aliter visum.*

Quomodo haec cohaerent? Ante verba *Diis aliter visum* omiſſa eſt enuntiatio hujus fere ſententiae: *Atque ita dignus fuiſſet vita longiſſima ſ. longiori: At Diis aliter viſum.* Haec omiſſio eſt paulo obſcurior.

4) Saepe tandem ante *enim* enuntiatio, quae ad hanc particulam reſpicit, omittitur, ſeu ſequitur cauſalis ſaepe enuntiatio, cum tamen non praeceſſerit ea enuntiatio, cujus cauſam illa continet. Hoc fieri ſolet maxime ab iis, qui animo commoto loquuntur. Verum per ſe patet, hanc omiſſam enuntiationem debere eſſe talem, ut e contextu facillime intelligi queat. Brevitas enim dicendi perſpicuitati, primariae virtuti eloquentiae ac ſtili, non debet officere. Exempla aliquot e Cicerone afferam. Ad Div. I, ep. 8 §. 10 *neque a me ulla res, quae ad te pertineat, negligetur. Neque enim verebor, ne ſim ei moleſtus, cui jucundum erit etiam propter id ipſum, quod me eſſe gratum videbit.* Ante *Neque enim verebor* etc. deeſt enuntiatio: *Colloquar itaque cum Pompejo de te: nam per verba ei, cui jucundum erit etc.* intelligitur Pompejus. At omiſſa facile intelligitur. — Ibid. V, ep. 12 §. 21 *neque autem ego ſum ita demens, ut me ſempiternae gloriae per eum commendari velim, qui non ipſe quoque in me commendando propriam ingenii laudem conſequatur. Neque enim Alexander ille gratiae cauſa ab Apelle poſtiſſimum pingi et a Lyſippo fingi volebat, ſed quod illorum artem cum ipſis tum etiam ſibi gloriae fore putabat.* Quomodo haec cohaerent? Ante *Neque enim Alexander ille* etc. deeſt: *id quod exemplo Alexandri oſtendam vel idem ſpectavit Alexander vel ſimile quid.* — Ad Div. VIII, ep. 14 §. 9 *Nam cum te ſemper tantum dilexerim, quantum tu intelligere potuiſti, tum his tuis factis ſic incenſus ſum, ut nihil unquam in amore fuerit ardentius. Nihil eſt enim, mihi crede, virtute formoſius, nihil pulchrius, nihil amabilius. Hic ante Nihil eſt enim* etc. omiſſum eſt: *Hujus mei erga te tam ardentis amoris cauſa virtus tua eſt* vel ſimile quid. — In ead. ep. 14, ubi Cicero Dolabellam ob everſionem columnae Caefari erectae et animadverſionem in tumultuantem plebem laudans ita loquitur: *Contigit enim tibi, quod haud ſcio an nemini, ut ſumma ſeveritas animadverſionis non modo non invidioſa ſed etiam popularis eſſet, et cum bonis omnibus tum infimo cuique gratiſſima. Hoc ſi tibi fortuna quadaſdam contigiſſet, gratularer felicitati tuae: ſed contigit magnitudine tum animi tum etiam ingenii (i. e. eloquentiae)* atque

atque consilii (prudential). *Legi enim concionem tuam. Nihil illa sapientius.* — Quomodo verba: *Legi enim concionem tuam* h. e. orationem ad populum habitam, possunt esse causa praecedentium? Debebat proprie sic dici: — *tum animi tum etiam ingenii atque consilii: quod e concione tua valde elucet.* *Legi enim hanc tuam concionem.* At ommissa verba quis non sponte intelligat? — Agrar. II, 4 in. *Quae cum ego non solum suspicarer, sed plane cernerem, dixi in senatu, in hoc magistratu (consulatu) me popularem consulem futurum.* *Quid enim est tamulare, quam pax? — quam libertas? — quam etiam?* Ante *Quid enim est tam* etc. deest aliquid, v. c. Sed, vere me dixisse, statim vobis ostendam, vel Sed, ne hac de re dubitetis, statim vobis explicabo, quid per vocabulum populare intelligendum sit, vel simile quid. At stultum fuisset praedicere, quid dicturus esset, cum explicatio statim sequatur. Recte igitur omisit, quod per se intelligendum erat. — Ibid. non longe post: *Quare qui (i. e. quomodo) possum non esse popularis, cum videam haec omnia, Quirites, pacem externam, libertatem, — otium domesticum, denique omnia, quae vobis cara atque ampla sunt, in fidem et quodam modo in patrocinium mei consulatus esse collata?* Neque enim, *Quirites*, illud vobis jucundum aut populare debet videri, largitio aliqua promulgata, quae verbis ostentari potest, re vera fieri, nisi exhausto aenario, nullo pacto potest. Hic ante *Neque enim, Quirites, illud* etc. omisum est *At vos etiam intelligere debetis, quid vere populare sit ac dici possit, vel At vos non debetis decipi simulatione s. falsa specie popularitatis, vel simile quid.* Sic omnia cohaerent. At rectius omittebatur, quia intelligebatur. — Manil. 13 extr., ubi Pompejus laudatur, quod sociis h. e. provincialibus in hibernis pepercit: *Non modo, ut sumtum faciat in milites, nemini (provincialium) vis inferatur (h. e. nemo cogitur sumtum facere in milites) sed ne cupienti quidem cuiquam permittitur.* *Hyemis enim, non avaritiae (Habsucht), perfugium majores nostri in sociorum atque amicorum rebus esse voluerunt (i. e. praeceperunt).* Hic ante *Hyemis enim, non* etc. omisum est: *Et hac in re recte s. ex legum praescripto egit, vel simile quid: quod tamen facillime intelligi posse quisque videt.* Ac sic Cicero milites: et ad talia tironibus sedulo in illius lectione attendendum est. — Sed eadem brevitate utuntur alii scriptores, v. c. Terent. Andr. III, 2, 22 Davus ait: *quasi tu dicas id factum consilio meo.* Simo respondet: *Certe enim scio: ubi*
enim

enim pro vero videtur positum esse; sed non est, modo ante certe enim scio intelligas tace, vel recte ais, vel simile quid. Horat. Sat. II, 5, 79, ubi Ulyssi pudicitiam suae Penelopes laudanti et inter alia hoc dicenti: *quam nequiere proci recto depellere cursu* h. e. *ab honesta pudicaque vita demovere*, Tiresias ita respondet:

*Venit enim magnum donandi parca Juventus,
Nec tantum Veneris, quantum studiosa culinae;
Sic tibi Penelope frugi est etc.*

Ubi ante *Venit enim* etc. intelligendum videtur: *Erras vel hoc non mirum est*, scilicet Penelopen non potuisse recto vitae et pudicitiae cursu depelli, sed mansisse pudicam. Venit enim ad eam talis Juventus, quae non serio amaret, quae non magna illi donaret, et magis comedendi quam amoris causa veniret. — Sic et in Graecis est, ubi, ut dudum ab eruditis monitum est, innumeris locis ante γὰρ debet intelligi enuntiatio a festinanter loquente omissa. Est enim hic mos incitato et commoto animo loquentium, ut, dum festinanter loquuntur, enuntiationem aliquam transfiliant, et ut, e vulgari proverbio, lingua praecurrat mentem. Hanc rationem sequuntur et sequi debent ii, qui, etsi non ipsi incitate loquuntur, tamen alios incitate loquentes inducunt, ut veritati ac naturae convenienter loqui videantur. — An vero in Graecis ubique talis enuntiatio omissa ante γὰρ intelligi apte possit et vero debeat, ut, praeunte Clarkio ad Homerum, multi hodie interpretes putant, altius indagandum videtur, nec equidem definire ausim. Conferantur hic libelli satis noti, *Bosii Ellipses*, et *Vigerus* de Idiotismis graecae linguae, et ad eum Viri doctissimi, Hoogeveenius et Zeunius. — Sic et multa loca sunt latinorum scriptorum, ubi enim celerè transitioni servit; ita ut, an aliquid omissum antea sit, ad quod referatur, et quid omissum sit, dictu sit difficile: v. c. Liv. III, 3 prope fin. ex oratione Canuleji animo maxime commoto loquentis: postquam dixit, Numam Pompilium, L. Tarquinium, Servium Tullium, licet advenae fuerint, reges esse factos, tum pergit: *Quid enim de T. Tatius Sabino dicam, quem ipse Romulus parens urbis in societatem regni accepit*. Facilius foret, si dixisset: *Quid vero de etc.* At enim non potest cum vero commutari. Fortasse tamen ante *Quid enim de etc.* omissum est: *Sufficient haec,*

haec, sufficere haec exempla possunt, Nihil amplius dicam, vel simile quid. Quis enim aliquid certi definire potest? — Sic At enim in objectionibus, v. c. Cic. Rosc. Am. 16 in. Quid hic intelligitur?

Ceterum, ut totum hoc brevitatis dicendi genus ad gravitatem maxime pertinet, ita magna cautio est, ne, dum brevitatem dicendi affectamus, in ambiguitatis vel obscuritatis vitium incidamus: id quod multis accidit. Debet ergo et brevitatem modum quendam servare. Peccavit hic et priscis in primis Plinius major in Hist. Nat. v. c. VII, 51: ubi inter signa morborum letalia refertur *praefandi humoris e corpore effluvium*. *Praefandus humor* modeste quidem hic dicitur pro *excrementis*: at quam breviter dictum pro *humor*, cui *praefari* solemus honorem h. e. cui solemus, si eum nominare cogimur, hanc formulam praemittere: *sit venia verbo!*

FINIS PARTIS PRIORIS



IMMAN. IO. GERH. SCHELLERI

PRÆCEPTA

STILI BENE LATINI

IN PRIMIS CICERONIANI

SEV

ELOQVENTIAE ROMANAE

QVATENVS HAEC NOSTRIS TEMPORIBVS

IN DICENDO ET SCRIBENDO

VSVRPARI POTEST

SVMMA DILIGENTIA MAXIMOQVE PERSPICVITATIS
STVDIO TRADITA ET ILLVSTRATA



PARS POSTERIOR



EDITIO ALTERA AVCTIOR ET EMENDATIO

LIPSIAE

SVMTIBVS CASPARI FRITSCH

CLCCLXXXIII

THE UNIVERSITY OF CHICAGO

LIBRARY

1891-1892

1891-1892

1891-1892

1891-1892

1891-1892

1891-1892

CONSPECTUS

PARTIS POSTERIORIS

<i>Pars Posterior, de tribus virtutibus primariis eloquentiae,</i>		
	<i>perspicuitate, gravitate, et suavitate dicendi</i>	pag. 505
Cap. I	<i>De perspicuitate dicendi</i>	506
Seçt. I	<i>Perspicuitas est summe necessaria</i>	506
Seçt. II	<i>Quid sit perspicuitas dicendi, accuratius explicatur</i>	507
Seçt. III	<i>De fontibus perspicuitatis remotioribus s. generalibus</i>	510
	I) <i>Ingenium bonum</i>	510
	II) <i>Doctrina solida et subtilis</i>	513
	III) <i>Modestia</i>	514
	IIII) <i>Cognitio hominum</i>	515
	V) <i>Linguae accurata cognitio</i>	516
	VI) <i>Prudentia</i>	517
	VII) <i>Sunt et alii fontes, v. c. hilare ingenium, magistri disciplina etc.</i>	517
Seçt. IIII	<i>De fontibus perspicuitatis propioribus in univ- ersum</i>	518
Seçt. V	<i>A) De fontibus perspicuitatis propioribus in explicandis rebus s. ideis</i>	518
Seçt. VI	<i>I) De adiectione causarum</i>	519
	I) <i>Thesi generali adduntur causae</i>	519
	1) <i>Satis firmae</i>	520
	2) <i>Satis multae</i>	520
	3) <i>Causae debent recte tractari</i>	521
	4) <i>Debent repeti</i>	522
	II) <i>Adduntur causae aliis enuntiationibus</i>	523
	A) <i>Diserte</i>	524
	B) <i>Tecte</i>	526
	1) <i>Omissione particulae causalis</i>	526
	2) <i>Per qui quae quod</i>	527
	3) <i>Per particulam, si pro quia, cum etc.</i>	528
	4) <i>Per appositionem</i>	529
	5) <i>Per participia</i>	530
	6) <i>Per periphrasin</i>	530
	7) <i>Causa praeponenda</i>	531
Seçt. VII	<i>2) De adiectione exemplorum</i>	532
	1) <i>Exempla debent rei convenire</i>	533
	2) <i>Esse</i>	

CONSPECTUS

	pag. 533
2) <i>Esse vera</i>	533
3) <i>Recte tractari</i>	534
<i>Sect. VIII</i> 3) <i>De adjectione testimoniorum</i>	535
<i>Sect. VIII</i> 4) <i>De adjectione conditionis</i>	537
<i>Sect. X</i> 5) <i>De adjectione modi</i>	541
<i>Sect. XI</i> 6) <i>De adjectione instrumenti</i>	543
<i>Sect. XII</i> 7) <i>De adjicienda idea temporis</i>	544
<i>Sect. XIII</i> 8) <i>De addenda idea loci</i>	545
<i>Sect. XIII</i> 9) <i>De adjectione effectus</i>	547
<i>Sect. XV</i> 10) <i>De periphrasi</i>	548
<i>Sect. XVI</i> 11) <i>De dissolutione Totius in partes, Gen- neris in species et Individua</i>	550
<i>Sect. XVII</i> 12) <i>De comparatione ac similitudine ad- denda</i>	557
<i>Sect. XVIII</i> 13) <i>De repetitione idearum</i>	560
<i>Sect. XVIII</i> 14) <i>De pictura rei addenda</i>	561
<i>Sect. XX</i> 15) <i>Additamenta ad fontes perspicuitatis rerum</i>	562
<i>Sect. XXI</i> B) <i>De fontibus perspicuitatis propioribus in usu verborum</i>	563
<i>Sect. XXII</i> 1) <i>De delectu vocabulorum singulorum Debent eligi</i>	563
I) <i>Vera</i>	565
II) <i>Nota</i>	569
III) <i>Debent sumi significatione nota</i>	572
III) <i>Debent esse apta h. e. notionibus respondere</i>	575
V) <i>Debent ambiguitate carere</i>	576
<i>Sect. XXIII</i> 2) <i>De perspicuitate in conjungendis vo- cabulis</i>	576
I) <i>Substantivis debent verba addi convenientia</i>	577
II) <i>Verbis addi debent adverbia convenientia</i>	578
III) <i>Substantivis addi debent adjectiva conve- nientia et sufficientia</i>	584
III) <i>Adjectiva saepe mutari debent in substantiva</i>	584
V) <i>Substantivo aliud substantivum additur</i>	587
VI) <i>Non peccari debet in casu, numero, genere substantivorum, in tempore, modo Verborum</i>	592
VII) <i>Non debet peccari in usu participiorum</i>	593
VIII) <i>Subjecti idea ab idea praedicati debet fa- cile discerni posse</i>	595
VIII) <i>Nominativus princeps non facile omitti debet</i>	597
X) <i>Praepositio A, notans temporis initium, liben- ter ante se habet inde</i>	597
XI) <i>Parentheses longae vitandae</i>	597
XII)	597

PARTIS POSTERIORIS

XII) <i>Post parenthesin additur inquam, igitur, ergo, sed, verumtamen, sed tamen</i>	pag. 597
XIII) <i>Vocabulum obscurius explicatur vel aperte vel recte</i>	599
XIIII) <i>Repetitur eadem idea vel per idem vocabulum vel per alia ei substituta</i>	599
XV) <i>Rarae constructiones vitandae</i>	601
XVI) <i>In usu particularum conjunctivarum debet inesse perspicuitas</i>	602
XVII) <i>Vocabula similia cum cautione adhibenda</i>	604
XVIII) <i>Periodis longioribus et crebrioribus abstinendum</i>	608
XVIII) <i>Abstinendum est ellipsis durioribus</i>	608
XX) <i>Vocabulis relativis hic, ille, alter alter recte utendum</i>	609
XXI) <i>Duo pluresve genitivi non facile jungendi</i>	611
XXII) <i>Vitandus est concursus plurium infinitivorum</i>	612
XXIII) <i>Superlativus vernaculus magis perspicue per comparisonem exprimitur</i>	613
XXIII) <i>Brevitas dicendi saepe prodest perspicuitati</i>	613
Sect. XXIII 3) <i>De ordine vocabulorum, ut fonte perspicuitatis</i>	615
Sect. XXV 4) <i>De connexionione vocabulorum</i>	621
Cap. II <i>De Gravitate dicendi</i>	623
Sect. I <i>Quid sit gravitas?</i>	623
Sect. II <i>De fontibus gravitatis remotioribus</i>	625
I) <i>Animus generosus</i>	625
II) <i>Ingenium praeclarum</i>	626
III) <i>Doctrina lata et solida</i>	627
IIII) <i>Cognitio humanorum animorum</i>	627
V) <i>Cognitio opinionum humanarum</i>	628
VI) <i>Linguae lata et accurata cognitio</i>	628
VII) <i>Alia, v. c. auctoritas hominis, vox etc.</i>	628
Sect. III <i>De fontibus gravitatis propioribus</i>	629
I) <i>Debet doceri rei magnitudo</i>	629
<i>Id quod fit</i>	
1) <i>E fontibus s. causis magnis</i>	629
2) <i>Ex effectis</i>	629
3) <i>Ex modo</i>	630
4) <i>E consilio</i>	630
5) <i>Ex instrumentis</i>	631
6) <i>E temporis celeritate et opportunitate</i>	631
7) <i>E loci natura</i>	632
8) <i>E personarum conditione et relatione</i>	632
* 3	9) E

CONSPECTUS

9) E comparatione cum aliis	633
II) Circumscriptio	637
III) Partitio	638
IIII) Pictura rei s. descriptio	639
V) Testimonium grave	640
VI) Sententia acuta et gravis	641
VII) Loqui asseveranter et cum persuasione animi	643
VIII) Dilemma	647
VIII) Interrogatio	647
X) Exclamatio	648
XI) Sermocinatio	649
XII) Repetitio idearum vel per diversa vel per eadem vocabula, 1) conjunctim 2) ab initio membrorum 3) in eorum fine	649
XIII) Correctio	651
XIII) Confirmatio, adversarium ipsum concedere	652
XV) Retorsio argumenti ab adversario prolati in illum ipsum	653
XVI) Concessio	653
XVII) Praeteritio	654
XVIII) Dubitatio	656
XVIII) Occupatio	657
XX) Praeparatio lectoris vel auditoris ad rem magnam	658
XXI) Communicatio	658
XXII) Oxymora	659
XXIII) Ironia	660
XXIII) Adjectio causae	661
XXV) Brevitas dicendi in ostendendis ideis	662
XXVI) Brevitas in arctius contrahendis ideis	665
XXVII) Abruptum dicendi genus	667
XXVIII) Oppositio idearum contrariarum	669
XXVIII) Honestatis studium ubique apparens	671
XXX) Repetitio eorundem vocabulorum	671
XXXI) Mutatio languidioris vocabuli in fortius	673
XXXII) Adjectio vocabuli ad vocabulum	678
XXXIII) Mutatio unius enuntiationis in plures	685
XXXIII) Crebra repetitio copulae s. polysyndeta	686
XXXV) Collocatio verborum gravis	687
XXXVI) Clausula gravis absolutae sententiae	688
XXXVII) Concinnitas membrorum	689
XXXVIII) Delectus literarum et syllabarum	690
XXXVIII) Vocis gravitas	692
Cap. III De suavitate dicendi	693
	Secl.


PARTIS POSTERIORIS

Sect. I <i>Quid sit suavitas dicendi?</i>	pag. 693
Sect. II <i>De ejus necessitate</i>	693
Sect. III <i>De fontibus suavitatis remotioribus</i>	694
Sect. IIII <i>De fontibus suavitatis propioribus</i>	695
I) <i>Perspicuitate dicendi</i>	695
II) <i>Gravitate dicendi</i>	696
III) <i>Iusta brevitate et iusta copia dicendi</i>	696
IIII) <i>Modeste de nobis dicendo</i>	696
V) <i>Modestia et humanitate erga alios ubique de- claranda</i>	697
VI) <i>Observanter loquendo de magnis viris</i>	698
VII) <i>Leniter loquendo de inimicis</i>	699
VIII) <i>Leniter et recte vituperandis hominibus</i>	700
VIII) <i>Significando, nos esse faciles et virtutum amantissimos</i>	700
X) <i>Vitandis plebejis vocabulis</i>	701
XI) <i>Vitandis vocabulis obsoenae</i>	702
XII) <i>Vitandis vocabulis, quae rem ingratam pro- prie indicant</i>	702
XIII) <i>Novitate elocutionis</i>	705
XIII) <i>Variatione sententiarum et vocabulorum</i>	706
XV) <i>Genere scribendi non affectato</i>	707
XVI) <i>Aequali scribendi genere</i>	710
XVII) <i>Vergo scribendi genere</i>	712
XVIII) <i>Descriptionibus rerum suavis</i>	713
XVIII) <i>Focis apte adhibitis interdum</i>	714
XX) <i>Acute dictis</i>	715
XXI) <i>Repetitione vocabuli eodem sensu</i>	723
XXII) <i>Repetitione ejusd. vocabuli, sed diverso sensu</i>	724
XXIII) <i>Repetitione ejusdem fere vocabuli, sed paulum mutati cum sensu contrario</i>	724
XXIII) <i>Repetitione eorundem vocabulorum, sed inverso ordine</i>	725
XXV) <i>Conjunctione contrariorum s. antithetorum</i>	726
XXVI) <i>Periodo</i>	728
XXVII) <i>Numeris oratoriis</i>	730
XXVIII) <i>Vitanda inani eorundem vocabulorum repetitione</i>	732
XXVIII) <i>Vitanda repetitione ejusdem syllabae</i>	738
XXX) <i>Vitanda eadem terminatione plurium vo- cabulorum</i>	738
XXXI) <i>Vitando nimio concursu ejusdem literae</i>	739
XXXII) <i>Vitanda aspero concursu vocabulorum, et contra laevi sequendo</i>	740
	XXXIII)

CONSPECTUS PARTIS POSTERIORIS

XXXIII) Cavendo, ut sententia orationis profanae clausula poetica terminetur vel ne nobis versus poeticus excidat	pag. 743
XXXIII) Vitando omni concursu syllabarum et literarum, qui aliquid obscenae ideae in mente aliorum excitet	744
Appendix I De subsidiis quibusdam stili latini	747
Sect. I De lectione praeceptorum	747
Haec lectio debet esse	
I) assidua	747
II) accurata	750
A) In lectionibus publicis	750
B) Domi	764
Sect. II De exercitatione in latine scribendo, dicendo, cogitando	772
I) Exercitatio in latine scribendo a) scholastica	
b) domestica	772
II) Exercitatio in latine dicendo	777
III) Exercitatio in latine cogitando s. meditando	779
Sect. III Additamenta de imitatione praeceptorum ipsa	781
I) Qualis debeat esse imitatio	782
II) Quis praeceptorum praecipue imitandus	786
Appendix II De elaborationibus	792
Sect. I De elaborationibus s. scriptionibus in genere	792
Sect. II De elaborationibus in specie	794
Sect. III De orationibus propriae sic dictis	794
Sect. IIII De narrationibus	803
Sect. V De conscribendis epistolis	807
Sect. VI De libellis ad doctrinam pertinentibus	813
Appendix III De variis divisionibus generum dicendi	814
Sect. I Prima divisio in demonstrativum, deliberativum, et iudiciale	815
Sect. II Altera divisio in genus dicendi tenue, mediocre s. temperatum, et sublime	816
I) Tenue	817
II) Mediocre	818
III) Sublime	819
Sect. III Tertia divisio in genus dicendi Asiaticum, Rhodium, Atticum, Laconicum	826
I) Asiaticum	826
II) Rhodium	827
III) Atticum	827
IIII) Laconicum, an fuerit	831





PARS POSTERIOR

DE

TRIBUS VIRTUTIBUS PRIMARIIS ELOQUENTIAE ATQUE STILI PERSPICUITATE, GRAVITATE AC SUAVITATE

Tres sunt, ut omnis eloquentiae, ita stili bene latini virtutes primariae, *perspicuitas*, *suavitas* et *gravitas* dicendi: illa rem planam ac dilucidam reddit, efficitque, ut singula recte intelligantur: ista auditores lectoresque delectat atque ita eorum favorem et attentionem conciliat: haec tandem efficit, ut res magna recte sentiatur atque ita lectoris auditorisque animus ad eam amandam, admirandam, agendam vel contemnendam, fugiendam, et averfandam incitetur. *Copia dicendi*, *brevitas*, *ornatus*, et si quae aliae numerantur virtutes eloquentiae, sunt illis tribus subiectae, iisque serviunt: ut ideo melius subsidia harum trium virtutum quam ipsae virtutes eloquentiae dici mereantur: nisi forte secundarias vocare libeat: quod tamen eodem redeat.

CAP. I

De Perspicuitate dicendi.

SECT. I

Perspicuitas est summe necessaria.

Perspicuitas dicendi est haud dubie princeps virtus eloquentiae, et omni tum scribenti tum dicenti tam necessaria, ut sine ea garriat tantum, omnisque et suavitas et gravitas necessario pereat. Ejus necessitas patet primum per se. Nam cur loquimur et scribimus? nonne ut intelligamur? Verba enim sunt signa rerum. Qui itaque ita loquitur, ut non intelligatur, is sibi ipse repugnat et auditorem illudit. Omnis et scriptor et orator vult persuadere. Quod quomodo efficere potest, nisi argumenta ejus etc. intelligantur? Omnis scriptor et orator vult placere, ut attentionem legentium et audientium excitet. Quod quomodo sine perspicuitate fieri potest? Vult tandem quoque saepissime animos eorum movere, flectere, incitare: quomodo hoc fieri potest, si non intelligitur? Omnia igitur nituntur perspicuitate: omnis persuasio, omnis suavitas, omnis gravitas dicendi, omninoque omnis eloquentia. Nam omnes tropi, figurae, et ornamenta eo tendunt, saltem eo tendere debent, ut res quam maxime perspicua fiat: hinc rhetores figuras appellant *lucina*. Et gravitas dicendi quid aliud est quam summus gradus perspicuitatis? — Altera causa, cur perspicuitas summe sit necessaria, est humanitas. Humanitatis est hominibus aditum ad nos quam facillimum reddere. Inhumanus foret, qui ad se venienti amico multa impedimenta opponeret, et v. c. fores obseraret vel eum per longas ambages, easque minime necessarias, ad se venire juberet. Qui nos legit, est similis ei, qui ad nos venit colloquendi causa. Nonne tam humani esse

esse debemus, ut, quae legat, etiam mox intelligat? Aequae se res habet cum oratore, qui semper inhumanus est, si ita loquitur, ut auditores vel plane non vel aegre ejus cogitationes percipiant.

SECT. II

Quid sit perspicuitas dicendi, accurate explicatur.

Perspicuitas dicendi et scribendi cernitur in eo, si quis rem quamlibet ita explicat, omninoque ita vel loquitur vel scribit, ut et ipse et res facile intelligatur ab iis, quibus s. quorum gratia vel dicit vel scribit. Quatuor itaque requiruntur. a) *Primum et loquens et scribens debet intelligi ab audiente et legente* h. e. auditor et lector debet in audiendis et legendis alicujus verbis plane idem cogitare, quod hic, dum loquebatur et scribebat, cogitarat, atque cum singulis verbis vel loquentis vel scribentis easdem plane notiones conjungere, quas hic uterque cum illis conjunxerat. b) *Deinde res ipsa debet plane intelligi*, h. e. auditor et lector videre debet non modo, rem, quae traditur, veram esse, sed etiam, cur vera sit credique debeat: id quod argumentis, exemplis etc., eorumque iusta tractatione fieri solet. Possis hanc dicere perspicuitatem rerum, ut illam verborum. Neque enim perspicuitas ad sola verba pertinet, verum quoque ad res, earumque rectam subtilemque explicationem. c) *Porro loquens et scribens debet facile intelligi*, hoc est, ut non opus sit sensum verborum operose investigare vel sensa animi conjectura demum assequi: quia alioqui taedium creatur, attentio minuitur, ac liber abjicitur, e veteri proverbio: *qui non vult intelligi, non debet etiam legi*. Peccant hic nonnulli recentiores, qui, dum argutias et quandam brevitatem captant, ut pulchre doctaeque scripsisse videantur, in obscuritatem incidunt. Nemo pulchrius scribit et loquitur, quam qui perspicue scribit et dicit. d) *Tandem loquens et scribens*

non ab omnibus promiscue intelligatur necesse est, sed ab iis solis, quorum gratia scribit vel loquitur. Auditorum et lectorum semper habenda est ratio. Hoc tenendum, ne vitium obscuritatis cuiquam temere objiciamus. Qui v. c. nova inventa mathematica in lucem edit, is, si a solis Mathematicis intelligitur, satis perspicue scripsisse censendus est: his enim solis scripserat. Neque ergo, quia imperiti istius artis mentem ejus assequi non valent, propterea obscuritatis crimen subire debet: his enim non scripserat. Et sic in aliis disciplinis: in quibus si quid novi aliquis profert, perspicuitatis laude ita ornandus, si ab iis, qui istas disciplinas tractarunt, facile intelligitur. Sic Criticus, criticas animadversiones in linguas priscas priscosve scriptores edens, si ab Criticis facile intelligitur, perspicue scripsit, nec est, quod querelas artis criticae imperitorum curet: his enim nec scripserat nec scribere potuerat. Carmina porro epica continent maximam fere partem ea, quae doctrinam non vulgarem spirant, vel saltem exercitam et subactam lectoris mentem desiderant. Quid itaque mirum, illa a quolibet intelligi haud posse? Hinc, ut de vernaculis loquar, Klopstockius, qui inter vernaculos poetas epicos principatum tenere hodie putatur, si ejus Messias a multis non intelligitur, propterea culpandus non videtur: doctis enim solis scripsit haud dubie. Saepius tamen optavi, placuisset ei ingenium suum quoque accommodare ad intelligentiam indoctorum, ut et hi carmen illud nobilissimum legere possent. Ac profecto perspicuitas posset magis communis reddi, nisi scriptores primum crederent, in verbis exquisitioribus et rarioribus inesse majorem pulchritudinem et gravitatem, deinde mythologiam gentilium e priscis gentilibus haustam in suos libros invehent, iisque tanquam gemmis cogitationes suas distinguendas putarent. Equidem omne pulchrum, omne grave, pono in notionibus, non in verbis. Gravitas et pulchri-

pulchritudo rei ac notionis vera ubique apparet, etiam in vulgaribus verbis, ut pulchrum corpus nil pulchritudinis amittit in vestitu vulgari et noto. Moses gravissime loquitur: *Et deus dixit: fiat lux, et facta est lux.* Verba sunt simplicissima et notissima. Graeci, homines sensibus maxime addicti et auribus auditorum titillandis nati, verborum pompam et lenocinia repere-runt, quibus homines allicerent et delectarent: a qui-bus hausit Cicero illorum discipulus, auramque popu-larem captans. Hinc Grammatici et Rhetores, qui se ad gustum hominum accommodare solent, illa leno-cinia verborum in formam artis adeo redegerunt. An vero nos severi Germani Graecos illos ubique imi-tandos sumere debeamus, aliis judicandum relinquo. Hoc tantum moneo, pompam verborum, ad pulchri-tudinem ac gravitatem rei declarandam exquisitorum, saepius movere suspicionem, rem ipsam non pul-chram per se ac gravem esse. Idem valet de mytho-logia aliisque figmentis. Condonanda haec sunt Graecis et Romanis, utpote gentilibus. Cur repe-timus talia christianis auribus et oculis; cum sint obso-leta et ab nostris moribus ac sacris abhorrentia? Veri-tatem sequamur potius; et miseri sumus, si non ubi-que vere loqui possumus, sed ad figmenta confugere cogimur. Scio, quid contra dici possit. Scio vero etiam, nullam veram utilitatem e mythologia aliisque figmentis, v. c. fabulis romanensibus etc., a genere humano percipi posse. Haec haecenus. Redeo ad per-spicuitatem. Si quis tandem omnibus promiscue, et doctis et indoctis, scribit aut dicit, utrorumque intel-ligentiae consulere debet: ut adeo, si a plebe non in-telligatur, perspicue scripsisse minime dicendus sit. Hanc in classem maxime quatuor scriptorum genera refero 1) qui fabulas, ad corrigendos hominum ani-mos inventas, scribunt 2) qui capita doctrinae morum populari modo tractant, qui vitia hominum, non tan-

tum doctorum sed et indoctorum perstringunt more Rabeneri etc., it. qui de disciplina domestica, de puerorum institutione corrigenda, scribunt etc. 3) qui orationes sacras edunt 4) qui capita disciplinae et artis aliqujus indoctis explicare studuerunt. Id quod in arte medendi (nam in Theologia dudum factum est) a nonnullis hodie cum plausu factum videmus. In his nomino Unzerum et Tissotum: qui professi sunt, se, non medicis, sed artis medendi imperitis scripsisse. Nec negaverim, multa in eorum libris indoctos, h. e. qui non sint medici, intelligere atque ita discere posse, v. g. de puri aetheris utilitate, de usu pomorum salubri, aliaque, quae ad diaetam universam pertinent, itemque de signis morborum universis etc. At permulta imo pleraque insunt, quae non nisi a medico intelligantur, ut isti duumviri dicendi sint vel legem perspicuitatis per imprudentiam migrasse vel tantum simulasse, se indoctorum gratia scribere. Omnino omnis perspicuitas est res difficilis. At longe majoris est artis ac difficultatis ita scribere, ut ab indoctis intelligatur, quam ita, ut ab doctis. Hi enim saepissime, quae desunt, mente et cogitatione facile supplere, et, quid scriptor voluerit, conjectura quodam modo assequi possunt.

SECT. III

De fontibus perspicuitatis remotioribus s. generalibus.

Fontes perspicuitatis remotiores sunt hi:

I) Primus fons est *ingenium bonum*, sine quo nihil omnino praeclari fieri potest. Per *ingenium* hic intelligo non *illam facultatem mentis similitudinem rerum perspicendi et observandi* (Witz) sed ex usu loquendi vulgari totum complexum egregiarum virtutum seu *facultatum mentis, den guten Kopf, das gute Genie*. Hoc *ingenium* duabus rebus seu virtutibus primariis, de mea quidem sententia, continetur: a) *primum phantasia praeclara et feraci,*

feraci, qua et *ideae notionesque priscæ facillime reperiuntur* (hactenus est mater memoriae felicitis) et *novae ideae notionesque facillime inveniuntur*, vel sponte ac saepe temere vel in primis similitudine aut conjunctione aliqua notionum ansam praebente: b) *deinde praeclaro subactoque iudicio*, h. e. facultate facile sentiendi et animadvertendi, quae *ideae ac notiones* sibi invicem convenient, quae non, atque ita vel conjungi vel disjungi debeant: quae facultas oritur maxime ope attentionis, ingeniis bonis semper propriae, ut quae cuiusque rei signa facile et sponte observare solent, si quidem illa attentio bene culta et exercitata est. Utraque ista facultas (phantasia et iudicium) conjuncta debet in eo esse, cui ingenium bonum tribuere rite volumus. Phantasia, sine qua iudicium esse nequit, colligit et supeditat variarum idearum et notionum multitudinem, estque instar condipromi. Iudicium deinde has digerit conjungitque apte atque ita, ut singularum natura ac relatio postulat. Iam quomodo, quaeso, iudicium notiones apte digerere ac suo quamque loco, velut imperator milites suos, collocare potest, nisi jam in mente reperit multas variasque notiones a sola phantasia expectandas et arcessendas? Miror igitur eos, qui aliquem ajunt posse ingenio carere, et tamen praeclaro iudicio instructum esse, eumque, qui iudicio valeat, ei, cui bonum sit ingenium, praeferendum esse. Nescio profecto, quid loquantur, vel potius ipsi nesciunt. Videntur forsitan partem cum toto, phantasiam cum ingenio, confundere, vel per ingenium intelligere facultatem illam mentis similitudinem rerum inveniendi, *den Witz*: nam et haec et phantasia nomine ingenii a Cicero insignitur. Nullo modo fieri potest, ut homo, carens phantasia praeclara, iudicio praeclaro utatur. At homo, licet careat iudicio praeclaro, tamen praeclara phantasia instructus esse potest, ac vel sic quodam modo laudem ingenii boni meretur. Neque enim tan-

tum phantasia est pars certissima ingenii boni, sed etiam, ut e superioribus patet, basis et fundamentum judicii, h. e. suppeditat menti facultatem materiamque judicandi. Sed quod non omnes, qui phantasia egregia utuntur atque adeo saepe abundant, judicio subtili praeclaroque instructi sunt, hujus rei culpa non inest in natura mentis eorum, quippe quae est capacissima judicii vel subtilissimi, sed vel in parentibus et magistris, qui illorum mentem mature ad rerum causas et ordinem attendere non jusserunt, sicque eam acuere et subtiliter judicando notionibusque recte vel conjungendis vel disjungendis assuefacere neglexerunt, vel in ipsis illis, v. c. in negligentia, in animi commotionum fervore etc. Homo v. c. nimia honoris, pecuniae, ultionis etc. cupiditate flagrans, aliisque animi perturbationibus nimis deditus (et homines, quo sunt feliciori ingenio h. e. phantasia praediti, eo fervidioribus animi motibus trahuntur, nisi mature eos regere et opprimere didicerunt, idque in primis mature corrigendo et ad subtilitatem adducendo judicio), homo, inquam, animi motionibus nimis obnoxius harum tumultu facile impeditur, quo minus seriem et relationem idearum perspiciat ac rem quamque legitime judicet. Nam judicium legitimum ac subtile requirit animum placidum atque tranquillum. At ille, licet perperam saepe judicet, tamen propterea laude phantasiae praeclarae atque ita boni ingenii non simpliciter est privandus. Qui vero cuiquam phantasia praeclara, parte illa boni ingenii primaria, manifeste carenti judicium tribuunt, idque, ut nonnunquam addunt, egregium, eos toto, quod ajunt, coelo errare e supra dictis apparet. Forsan viderunt aliquando aliquem, praeclara phantasia carentem, *judicia aliquot recta ac praeclara proferre*. An vero propterea judicavit? Forsan aliorum, v. c. magistri, parentum etc., judicia, ut fit, pro suis venditavit, atque ita duntaxat id, quod audiverat

ac memoria tenebat, memoriter recitavit. At qui non sponte judicat, h. e. qui suum vel assensum vel dissensum non suo ingenio declarat, sed aliorum dictata repetit, is ne judicare quidem, nedum praeclare judicare, dici potest. Quae hic dixi, nituntur experientia, quae in ejusmodi rebus debet decernere. Memini, parentes quosdam, cum filios meae disciplinae traderent, mihi dicere, eos, licet non ingenio bono, at judicio egregio, instructos esse. At vidi, hos esse stupidissimos. — Hoc igitur ingenium bonum, late sic dictum, *der gute Kopf, das gute Genie*, conanti perspicue scribere et dicere summe necessarium est. Sentit enim illud difficultatem rei cujusque, sentit defectum causarum, connexionis, et omnium eorum, quae perspicuae explicationi serviunt, atque ita ea supplere potest: attendit ad argumentorum levitatem, pondus, connexionem etc., et scit, undeumat: supplet enim simul omnia, quae ad perspicuitatem pertinent.

II) Alter perspicuitatis fons est *doctrina solida ac subtilis*: quam et cognitionem rerum philosophicam dixeris: quae cernitur in eo, ut non solum multa didiceris (nam omnes fere disciplinae omnesque fere artes eloquentiam adjuvant) sed etiam ita didiceris, ut non tantum singularum rerum, quas noris, causas easque justas, verum quoque, si fieri potest, harum causarum causas scias et memorare facile queas. Theologus v. c. instructus est doctrina solida, si singula Theologiae capita non modo tenet, sed etiam loca librorum sacrorum novit, quorum auctoritate illa capita nitantur: at nec hoc sufficit: debet etiam nosse, quomodo ea ex istis locis legitime demonstrari ac defendi possint. Sic Philologus solida eruditione praeditus est, si v. c. historiam priscam vel antiquitates romanas graecasve non modo novit, sed etiam dicere potest, quibus priscorum locis illae nitantur et quomodo inde eruantur. Sponte patere judico, doctrinam solidam, quae sine in-

genio bono parari non potest, esse fontem perspicuitatis certissimum. Nam, quod in rebus sensuum imperio obnoxii sunt signa externa, idem sunt in rebus sensus non ferientibus argumenta s. causae. Hae etenim sunt signa veritatis; et veram rem esse non aliunde, quam e causis allatis s. argumentis, colligimus. Qui Logicen vel attigit, is novit, ideam s. notionem distinctam dici eam, quando signa objecti noris; eamque magis distinctam et adaequatam (ut vulgo loquuntur) fieri, si signorum signa memorare queas. Iam, qui rerum, de quibus dicere ac scribere parat, causas ac, si fieri potest, causarum causas novit, ut tali modo mens ejus non nisi notionibus maxime distinctis et adaequatis, ut Logici appellant, utatur atque ita in clarissima luce versetur, nonne is, quae distincte novit et cogitat, ea etiam distincte ac perspicue dicere possit et scribere? Nihil facilius esse dixerim: debet enim ille, quae cogitat, ea duntaxat eloqui vel calamo excipere. Hinc ego semper, si quem doctorum video perspicue aliquid tradere, eum puto id accurate scire seu cognitione ejus solida subtilique ornatum esse. Qui contra de re contorte, obscure et confuse, diserunt, ii plerumque eam non accurate tenere videntur: ac raro iis credendum est, qui affirmant, se rem egregie scire, at verbis exprimere perspicue non posse. Neque tamen nego, interdum accidere posse, ut homo pereruditus remque egregie calens tamen eam obscuris verbis tradat, atque ita perspicuitati officiat. Verum hoc e superbia quadam plerumque nasci puto, qua inflatus sibi que nimis placens artificium scribendi, more puerorum, ostentare ac laudem scilicet magnam magnae eruditionis inde consequi cupit: quasi eruditionis sit magnae, vel verba rara adhibere vel sensa animi ea verborum obscuritate involvere, ut nemini eo penetrare liceat. Hinc

III) *Modestiam* fontibus perspicuitatis adjungo. Modestia monere nos potest, ut laudem non ponamus in

in iis, quae aliis displiceant, atque ita in scribendo dicendoque talia verba talemque eorum compagem sequamur, ut facile nos alii intelligant. Quod nobis in aliis non placet, id aliis in nobis aequè non placebit. Non placet nobis aliorum obscuritas in dicendo ac scribendo: ergo et nostra aliis displicebit, hincque eam vitare nostrum est. Stultus erat ille magister apud Quintil. Instit. VIII, 2, qui discipulos, quae scriberent, obscurare jubebat, utens verbo *σκότισον* h. e. quo obscurius, eo melius. Imo, quo obscurius, eo stultius.

III) Quartus perspicuitatis fons est *cognitio hominum*. Intelligo hic eam, quando novimus, quid homines vulgo intelligant et intelligere possint, quid non. Orator et scriptor, si hoc nescit, quomodo se ad eorum intelligentiam accommodare potest? Quotus vero quisque est, qui hominum mentes accurate norit, et qui id agat, ut antea, quam aliquid dicat vel scribat, sedulo indaget, an lectores et auditores singula recte intellecturi sint? Plerique putant, quia ipsi ea intelligant, quae scribant et dicant, propterea etiam auditores lectoresque esse intellecturos. In quo valde errant: nam, quin vel obscurissime scribens dicensve ea, quae scribat dicatve, intelligere possit, quis dubitet? Diu enim meditatus est, remque ita familiarem sibi reddidit. At auditor et lector inscias aures et oculos insciamque mentem secum afferunt. — Sed unde addiscitur ista cognitio hominum? Variis ex rebus: primum ex usu hominum, si crebro de variis rebus cum illis disputes, si more Socratis te inscium esse plane simules ac doceri cupias, si de iis, quae legerint, audiverint, interroges, quomodo ea intellexerint etc. Deinde ex te ipso, si crebro te interroges, quid de hac vel illa re cogites, quomodo explicare velis, si forte subito hoc facere jubeare etc. In primis tandem ex institutione diligenti adolescentum. Hic crebra est occasio humanae mentis rationem, vires, imbecillitatem, insciam indagan-

indagandi. Hinc fieri videmus, ut, quo quis diutius in erudienda adolescentia versatus est, idque cum fide, diligentia et religione summa, eo magis ille perspicue rem tradere possit. Casaubonus, Gesnerus et Ernesti, ut plures taceam, hoc suis exemplis docent. Nec tamen negandum est, ingenio bono opus quoque esse ad mentis humanae vires explorandas.

V) Quintus fons perspicuitatis est *linguae*, qua in dicendo et scribendo uteris, *accurata cognitio*. In quaque lingua singulae notiones variis illae quidem modis exprimi possunt, sed est tamen alius alio aptior et dilucidior: ac plerumque unus est aptissimus et maxime perspicuus. In omni lingua sunt vocabula rara, obscura, ambigua, perspicua, propria; constructiones et connexiones ambiguae, contortae, faciles, perspicuae etc. Quas omnes res si non satis nosti, si delectum earum habere nescis, semper in periculo es, ne obscuris ambiguisque vocabulis et constructionibus pro perspicuis utare. At vero diu linguam aliquam tractaveris necesse est antea, quam eo pervenias, ut iusto vocabulorum delectu, ordine et constructione, ubique uti discas. Et dolendum est, hodie linguam adeo vernaculam a permultis negligi et inter res leves numerari; cum tamen lingua seu sermo sit imago mentis, et singula vocabula sint imagines singularum notionum, ut adeo, qui linguam negligit et contemnit, mentem quoque negligere et contemnere videatur. Culturam linguae, tanquam rem supervacaneam, Criticis relinquendam putant, quasi non omnes omnino homines recte loqui et ea, quae alii recte loquantur, recte intelligere debeant. Quanto minus mirum est, latinae culturam vulgo negligi, praesertim cum homines non magnum illi pretium vulgo statui videant, sciantque, se latine non locuturos esse. Nam hodie nemo fere linguam vult discere, nisi eam, qua cum aliis loqui possit, v. c. Francogallicam etc., quasi linguae externae loquendi causa

causa tantum discendae sint. Videntur vulgo de vernaculae usu ad usum omnium linguarum concludere. Sed unde linguae cognitio comparatur? E lectione bonorum librorum diligenti. Legendi igitur sunt, si vernacule cupis perspicue scribere et dicere, scriptores vernaculi optimi, h. e. qui eloquentiae atque ita perspicuitatis laude excellunt. Orator enim verus s. vere eloquens est ubique perspicuus. Ita, si latine cupis perspicue scribere ac dicere, legas frequenter scriptores priscos eloquentia claros, in primis Ciceronem, exemplar perspicuitatis probatissimum, nec cum vulgo putes, ex iis nihil praeter vocabula latina hauriri. Imo inde discimus artem recte, venuste, perspicue cogitandi, dicendi et scribendi.

VI) *Prudentia* quoque est fons perspicuitatis. Ea nos ab inepta inanique placendi cupiditate et affectationis studio, matre obscuritatis, abstertere potest, docens nos, omnem verborum ornatum sine sententia pulchra esse puerilem; sapientem curare magis res ac sententias quam verba, utpote quae sponte sequi solent, modo recte cogitaveris. Stultum est in durioribus translationibus, trajectionibus etc., laudem sapientiae quaerere. Verba sunt instar vestis, sententia instar corporis. Iam quis vestis magis curam gerat quam corporis? vel verba sunt fere putamina, sententia nucleus: hunc potius appetimus. Ridiculus foret, qui hospiti suo fructus apponeret, quorum putamina picta auroque ornata, ipsi fructus essent putres vel vulgaris saporis.

VII) Sunt et alii perspicuitatis fontes, v. c. ingenium hilare proclivius est ad facilitatem locutionis et perspicuitatem, quam triste: ac saepius illud pendet a liberaliori educatione, a fortunis etc. Aliud est ingenium in egestate aliud in divitiis educati. Magni quoque refert, quo magistro usus sis. Si magistrum tristem et obscuritatis studiosum aut hilarem et perspicuitatis

aman-

amantem nactus es, facile te ad ejus similitudinem conformabis: et a teneris assuescere multum est. Non parum quoque interest, quales libros primum legeris, utrum obscure an perspicue scriptos. Qui v. c. Yungii, Britanni, cogitationes nocturnas primum legit, et cum gustu legit, ei alii libri minus sapient, et is Yungiano more scribere cupiet: praesertim cum nonnulli putent, si ipsorum cogitationes non statim intelligantur, hoc esse signum majoris et exquisitioris doctrinae etc.

SECT. IIII

De fontibus propioribus perspicuitatis in universum.

Fontibus perspicuitatis remotioribus recensitis recensebimus propiores h. e. eas res, quibus proprie perspicuitas dicendi scribendique efficitur. Fontes hi propiores sunt duplicis generis: pertinent vel ad res s. notiones, ad quas omnes enuntiationes quoque referendae, explicandas; vel ad verba, quibus et singulae et conjunctae notiones explicantur. Frustra est de verborum perspicuitate laborare, nisi antea notiones, quas explicare verbis studes, perspicue et accurate h. e. ex omnibus partibus et attributis atque, ut loquuntur, circumstantiis cogites. Nam has partes omnes, haec attributa, has circumstantias verbis recte exprimere est perspicue loqui ac scribere. Fontes igitur, nisi forte omnes, at praecipuos memorabimus.

SECT. V

A) De fontibus perspicuitatis propioribus in explicandis rebus s. notionibus.

Fontes perspicuitatis propiores in explicandis rebus s. notionibus cernuntur in additionibus justis novarum notionum, per quas illae res s. notiones certiores magisque definitae reddantur, atque ita lectores
et

et auditores non modo eas plane, h. e. aequae ac scriptor et orator, intelligant, sed etiam certas esse sibi statim persuadeant. Omni itaque obscuritati, errori ac dubitationi, quae in animo auditorum et lectorum oriri possit, sedulo ac mature occurrendum est, resque ita eorum menti proponendae sunt, ut haec eas totas exque omnibus partibus perspiciat, nec quidquam in iis desideret. Ut igitur praecipuos fontes perspicuitatis nominem, addere rebus explicandis debemus *causas* s. *argumenta, exempla, testimonia, conditionem, modum, instrumentum et omnia ea, per quae res factae sunt, temporis et loci notionem; utendum est saepe dilatatione notionis per periphrasin, notiones nonnullae saepius repetendae sunt, interdum brevitate utendum, ordo idearum observandus, et acumen saepe vitandum est* etc.

SECT. VI

I) De adiectione causarum.

Primus ac praecipuus fons perspicuitatis est *adjectio causarum* s. *argumentorum*: qua nihil ad rem planissimam reddendam atque ita ad persuadendum efficacius esse constat. *Causa* s. *argumentum* est enuntiatio, cujus veritate, tanquam fundamento, nititur veritas alius enuntiationis; seu brevius: est *signum veritatis*. Hinc patet, quanti referat causas bene nosse. Possint inter eas quoque referri *testimonia*: haec enim in rebus historicis sola valent ad evincendum, rem vere factam esse: it. *exempla*, quia per ea demum saepe numero docemur rem aliquam esse certam ac veram. Sed de testimoniis et exemplis, quia mos ita postulat, separatim infra (Sect. 7 et 8) agetur: hic loquemur tantum de *causis* proprie sic dictis s. *argumentis* vulgo appellatis. *Causae* igitur addantur

I) In primis *thesi* s. *enuntiationi generali*, quam scribendo dicendove tractas et explicare latius atque illustrare cupis.

Hic

Hic quatuor sunt observanda: 1) causae debent esse satis firmæ; 2) satis multae; 3) debent rite tractari; 4) debent saepe repeti. Haec quatuor breviter, perspicue tamen, explicabimus.

1) Causae debent esse satis firmæ, certae, *graves* h. e. tales, ut propter eas thesis illa vera esse videatur, et ut lector vel auditor ad id, quod velis, credendum, atque ita ad amandum vel averſandum, hincque vel agendum vel omittendum abripiatur. De ipsarum ratione ac delectu non multa hic dici possunt, quia alius rei aliae sunt causae: et coram aliis auditoribus et lectoribus aliae causae sunt afferendae, prout eorum est intelligentia et gustus; ac saepe temporis locique ratio est habenda. Orator ipse vel scriptor antea, quam causas suas in publicum effert, diligenter videat, an ipse iis moveatur h. e. propter eas thesin suam pro certa habeat. Nam, ut flendum est tibi prius, si vis me flere, ita ipse causa aliqua ante moveare necesse est, si vis me illa moveri. Orator frigidus, vimque causae s. argumenti ipse non sentiens, licet valde clamet, tamen nihil efficit, sed auditores reddit sui similes h. e. frigidos. Non clamor sed pondus argumentorum facit, ut prudentes rem credant et pro vera habeant. Quare singulas causas aliquoties et interjecto aliquo tempore debemus perpendere, h. e. cum thesi conjungere et judicare, an propter hanc vel illam causam res thesi s. themate comprehensa necessario credi debeat. Saepe enim fit, ut causam, semel cogitatam, pro certa, firma, gravique habeamus, quam, si post aliquod tempus iterum cogitamus et cum themate in mente nostra jungimus, videmus parum certam, firmam, gravemque, imo levem ac frigidiusculam esse.

2) Causae debent esse satis *multae*, si fieri potest. Quo enim plures illae sunt, eo firmior et certior res audienti et legenti videtur. At et hic sunt cautiones: a) Saepe non omnes recensere opus: interdum praeteritione, figura illa rhetorica, uti licet, praesertim si res non valde ignota, non valde incerta, ac dubia est. Sed b) omnes hae causae, quotcumque sunt, debent esse certae, firmæ ac graves. Leves enim et incertae causae firmitati ceterarum et gravitati officiant ac thesin ipsam reddunt dubiam et suspectam, et ipse scriptor vel orator fit suspectus amittitque aliquid auctoritatis suae. Non credendum hic est rhetoribus, qui leves causas immisceri patiuntur easque, velut milites rimidos et inertes, vel fortibus causis praeponi vel inter has interſeri jubent. Fecerunt quidem ita nonnunquam prisci

prisci in orationibus habitis coram plebe, quae argumenta numerare non ponderare solet, atque huius animum multitudinem causarum opprimere, repente commovere, atque ita illam ad sententiam suam amplectendam inflammare et abripere studuerunt. At nos hodie, in alio rerum statu viventes et clariori veritatis luce in omnibus rebus (ut saltem gloriamur) utentes, vix deceat istam levitatem imitari. Qui de re certa ac vera loquitur et scribit, ei profecto non desunt certa et firma argumenta, modo ipsam recte norit. Praestat saepe unam causam, si firma et gravis est, asserre, quam multas leves et infirmas. Prudens lector vel auditor curat earum gravitatem, non multitudinem. Iudicio hic permagno opus est, ne sine necessitate causas cumulemus, et alibi, ubi opus erant, plane omittamus. Lectorum et auditorum rei quae ipsius ratio habenda est.

3) Causae debent etiam *recte tractari* h. e. ita tradi, ut manifeste appareat, quomodo propter eas thesis ipsa credibilis ac certa sit. Quod nisi sit, lectoris vel auditoris menti non persuaderetur de firmitate theses. Habet interdum orator causas et bene multas et bene firmas et graves: at ita eas tradit et recitat, ut earum vis non appareat. Omnia igitur vertuntur in earum recta tractatione, quae est res summae artis maximaeque difficultatis. Quomodo ea instituitur? Tria hic requiruntur. a) *Primum* debet causa, si opus est h. e. si non per se intelligitur, explicari et tam diu illustrari, donec sentiamus planam esse. Haec explicatio et illustratio debet brevis esse, ne conjunctio causae vel cum sequenti ejus confirmatione vel cum thesi nimis interrumpatur, et attentio legentis et maxime audientis impediatur et minuat. Interdum causa per se patet, nec indiget explicatione et illustratione: unde eam addere putidum foret et lectori vel auditori ingratum. Nihil enim ingratius et molestius est, quam audire ac videre, ea explicari et illustrari, quae jam plane intelligamus, ac forsitan dudum plane intellexerimus. Omnia explicare et illustrare est diffidere lectoris vel auditoris intelligentiae et prudentiae, ipsumque pro stulto et imperito habere. Nonne hoc ei molestum esse et summopere displicere debet? b) *Deinde* debet ostendi, causam istam esse firmam et certam: quod non alia ratione fieri potest, quam adjicienda alia causa, eaque non minus certa, qua illa nitatur. Haec causa adjecta itidem debet, si opus est, explicari, illustrari, atque adeo nova causa confirmari, quae talis sit, ut alia causa non egeat.

Inter has causas adjiciendas exempla et testimonia quoque pertinere per se patet. V. c. quando demonstrare vellem, mortem non debere nobis nimio opere horrendam videri, adderem forsan causam hanc: *quia via est ad felicitatem aeternam*. Huic causae forsan hanc causam subnecterem: quia literae sacrae hoc nos docent, et tandem loca aliquot eaque praecipua laudarem. Possem vero illius thesios: *mors non nimis horrenda videri debet*, aliam quoque causam asserre, hanc scilicet: *quia omnibus hominibus instat*. Quaero hic: *cur instat hominibus?* et respondeo: *ob structuram corporis humani*; possum etiam sic quaerere: *unde scimus, mortem omnibus instare?* tum respondeo: quia experientia hoc nos docet: nemo enim hominem cognovit vel de aliquo audivit legitve, qui non mortuus esset: addere etiam possum illam causam a corporis humani structura petitam. c) Tandem causa debet conjungi cum thesi, h. e. debet doceri, quomodo ex ista causa, recte quidem explicata, illustrata et per alias causas stabilita, vel ex istis causis, si plures sunt, sequatur, thesin esse certam et veram. Fit hoc per conclusionem v. c. ita: Iam si hoc vel illud, quod causae loco allatum erat, certum est, apparet quoque thesin, quae ex illa causa fluit, esse veram. Addi quoque potest ac debet alia causa, quae conclusionem confirmet. V. c. Thema: *Mors non nimis est pertimescenda*. Cur? prior causa: *nam omnibus instat*. Cur? iterum confirmatur duabus rebus: *quia non modo experientia hoc quotidie docet, sed et corporis nostri structura monet*. Hinc concludo: *Si omnibus mors instat, cur eam nimis pertimesco?* Cur s. quomodo hoc inde sequitur? *quis enim sapiens id nimio opere fugiat et timeat, quod effugere non potest?* Posterior causa: *nam est via ad felicitatem aeternam*: Estne hoc verum? est: *nam libri divini hoc docent*. An hi vere loquuntur? Recte. Iam concludo: *Si mors est via etc., quis eam timeat?* Cur s. quomodo hoc inde sequitur? *Quis enim timeat viam, quae eum ad meliorem fert locum, quam is est, ubi nunc degit?* Potest etiam hic tanquam causa tertia adjici exemplum eorum, qui mortem non timuerunt, v. c. Socratis etc. Tum concludo: *Si alii homines mortem contemnere sustinuerunt: cur nos timeamus?* En causam: *Nam, quod alii potuerunt, etiam nos posse debemus, modo velimus, modo audeamus* h. e. *modo animum nostrum eodem modo conformemus et sapientia* h. e. *vera rerum notione atque ita mortis instruamus etc.*

4) Causae istae debent quam saepissime et omni occasione, et maxime in fine orationis ac tractationis totius, repeti,

peti, ne auditor vel lector eas obliviscatur. At haec repetitio debet aliis verbis institui, ne taedium legenti audientive creetur, ac plerumque teste h. e. ita, ut lector vel auditor vix sentiat, se audire vel legere eandem causam jam ante vel saepius lectam aut auditam. In quo artificio regnat Cicero, qui causas omni occasione repetit et inculcat, at simul varias iis vestes induere novit. Legantur in primis ejus orationes. In Maniliana v. c. Cicero vult ostendere, bellum Mithridaticum esse grave; causam in primis affert hanc, quod vectigalia Asiae in periculo sint. De his igitur vectigalibus, quae conservare Romanorum magni intererat, omni occasione ac singulis fere paginis aliquoties loquitur, eorumque periculum in mentem auditorum revocat. Ibidem docere vult, Pompejum solum dignum esse, qui illi bello praeficiatur; hic addit causam hanc, quia singularibus virtutibus sit praeditus. Has igitur virtutes saepius et omni occasione repetit, at saepe ita, ut repetere non videatur. Et sic in aliis orationibus. Res per se patet. Auditor vel lector causas, licet diligenter explicatas et confirmatas, tamen propter multitudinem aliarum rerum, quas audit legitve, interdum obliviscitur. Memoriae igitur illius subveniendum est. In fine autem orationis rursus repeti debere ita, ut auditor earum summam denovo intueatur et contempletur, per se patet. Nam, quo propius ad finem tendit oratio, eo magis capita ejus praecipua e mente auditoris, nisi valde sit sapiens et attentus, elapsa plerumque sunt. Ceterum enumerationem causarum et satis firmarum et satis multarum, earumque rectam tractationem et crebram repetitionem, efficere, ut res s. thesis ipsa melius perspiciatur atque ita perspicuitas dicendi valde adjuvetur, manifestum est, ut adeo non mirum esse debeat, nos hanc rem ad perspicuitatem retulisse. Nam sine causis nulla rei est certa perspicuitas, nedum persuasio.

II) Aliis quoque enuntiationibus singulis, nisi apertissimae ac fere sole clariores sint, causae ubique addendae sunt. Auditores et lectores, licet causas ipsi saepe addere et cogitare possint, tamen raro hoc faciunt, maluntque ab oratore et scriptore eas audire et discere, praesertim cum mens vel maxime attenti lectoris et auditoris tandem defatigaretur causis ubique sponte quaerendis et inveniendis: unde plerumque

taedium vel saltem defectus attentionis sequeretur. Deficiente vero attentione lectoris et auditoris quomodo ei persuadeas? quomodo eum moveas? Cicero, si quem laudat, vituperat, monet, hortatur, orat, si suadet, miratur, si quid pro magno, incredibili, parvo, contemnendo habet, si quid credit, praedicat, optat, sperat, timet etc., ubique fere causas addit, quamquam non quilibet lector eas pro causis ubique forsan habeat, quia saepissime teste prolatae et intextae nec particulis causalibus insignitae sunt. Versatur igitur hac in re dupliciter, *diserte et teste*.

A) Primum *diserte*, per *cum*, *quia*, *quoniam*, *quo*, *quin* (i. e. *quo non*), *ut*, *ne*, *nam*, *enim*, *etenim*, *propter*, *adductus*, *motus*, *incitatus*, *impeditus* etc. v. c. Manil. I in. dicit, *se nondum pro rostris dixisse*; hujus rei addit causam hanc: *non mea me voluntas sed vitae meae rationes — prohibuerunt*: huic causae aliam causam subjungit: *nam omne meum tempus amicorum periculis* h. e. causis in foro agendis *transmisi*: et hanc causam confirmat hac causa: *nam per aetatem et ob eloquentiae defectum non ausus sum pro rostris dicere*. En ipsam verborum Tullianorum compagem hanc: *Quamquam mihi semper frequens conspectus vester multo jucundissimus, hic autem locus ad agendum amplissimus, ad dicendum ornatus est visus, Quirites: tamen hoc aditu laudis, qui semper optimo cuique maxime patuit, non mea me voluntas, sed vitae meae rationes ab ineunte aetate susceptae prohibuerunt. Nam, cum antea per aetatem nondum hujus auctoritatem loci attingere auderem, statueremque, nihil huc, nisi perfectum ingenio, elaboratum industria, afferri oportere, omne meum tempus amicorum temporibus transmittendum putavi.* — Ibid. c. 3 in. hortari vult Romanos, *ut maculam, Mithridatico bello superiore conceptam, deleant*; non hoc simpliciter ita eloquitur, sed addit causas, cur delenda sit illa macula, 1) quia Romani laudis appetentes sint 2) quia Mithridates nondum pulsus sit; et hujus rei causam hanc addit, quia Imperatores nondum illum regem vincere satis potuerunt. Haec omnia ita effert: *Et, quoniam semper appetentes gloriae praeter ceteras gentes atque avidi laudis fuistis, delenda vobis est illa macula, Mithridatico bello superiore suscepta, quae penitus jam insedit atque inveteravit in populi romani nomine; quod is, qui uno die, tota Asia, tot in civita-*

civitatis uno nuntio atque una literarum significatione cives romanos necandos trucidandosque denotavit, non modo adhuc poenam nullam, suo dignam scelere, suscepit, sed ab illo tempore annum jam tertium et vicesimum regnat, et ita regnat, ut se non Ponto neque Cappadociae latebris occultare velit, sed emergere e patrio regno atque in vestris vectigalibus, hoc est, in Asiae luce versari. Etenim adhuc ita vestri cum illo rege contenderunt imperatores, ut ab illo insignia victoriae, non victoriam, reportarent. — Ibid. c. 6 ostendit necessitatem Asiae provinciae ob vectigalia defendendae et belli statim cum Mithridate gerendi, his utens verbis: Itaque haec vobis provincia, Quirites, si ad belli utilitatem et pacis dignitatem retinere vultis, non modo a calamitate sed etiam a metu calamitatis est defendenda. Statim addit causam: Nam ceteris in rebus, cum venit calamitas, tum detrimentum accipitur. At in vectigalibus non solum adventus mali sed etiam metus ipse affert calamitatem. Hujus causae addit hanc causam statim: Nam, cum hostium copiae non longe absunt, etiam si irruptio facta nulla sit, tamen pecora relinquuntur, agricultura deseritur, mercatorum navigatio conquiescit. Ita neque ex portu neque ex decumis neque ex scriptura vectigal conservari potest. — Verr. I, 2 Cicero ait, se propterea Verris accusationem suscepisse, ut iudices occasionem haberent illo damnando suae iustitiae declarandae et invidiae iudiciorum levandae, atque ita populum a consilio iudicia transferendi a senatoribus in equites avocarent: Itaque mihi videor magnam et maxime aegram et prope depositam reipublicae partem suscepisse, neque in eo magis meae quam nostrae laudi existimationique servisse. Addit causam: Accessi enim ad invidiam iudiciorum levandam vituperationemque tollendam, ut, cum haec res pro voluntate populi romani esset iudicata, aliqua ex parte mea diligentia constituta auctoritas iudiciorum videretur: postremo, ut esset hoc iudicatum, ut finis aliquando iudiciariae controversiae constitueretur. Addit causam: Etenim sine dubio, iudices, in hac causa ea res in discrimen adducitur. Additur causa: Reus est enim nocentissimus; qui si condemnatur, desinent homines dicere etc. — Ad Div. I, ep. 1 in. Ego omni officio ac potius pietate erga te ceteris satisfacio omnibus, mihi ipse nunquam satisfacio. Statim addit causam: Tanta enim magnitudo est tuorum erga me meritorum, ut, quoniam tu, nisi perfecta re (i. e. revocatione Ciceronis) de me, non conquesti, ego, quia non idem in tua causa (i. e. restitutione regis Aegyptii) efficio, vitam mihi esse acerbam putem. In qua causa duae

aliae causae insertae sunt, quoniam tu etc., et quia non idem etc. — Ad Div. V, ep. 5 in. *Etsi statueram nullas ad te literas mittere nisi commendaticias, non quo eas intelligerem satis apud te valere, sed, ne iis, qui me rogarent, aliquid de nostra conjunctione imminutum esse ostenderem etc.* En duas causas, unam negativam h. e. non veram, non quo eas intelligerem etc., alteram positivam h. e. veram, sed, ne iis, qui etc. — Ibid. III, ep. 9 §. 12 Cicero rogat Appium, ut sibi curet supplicationem decernendam; et addit pro tua fide, diligentia et amicitia Verba sunt: *Illud, quod pollice- ris, velim pro tua fide diligentiaque et pro nostra non insti- tuta (i. e. incepta demum) sed jam inveterata amicitia cures, evitare, ut supplicatio nobis quam honorificentissime quam pri- mumque decernatur.* Ac sic Cicero millies.

B) Deinde solet in primis Cicero causas innumeris in locis recte adicere h. e. ut non a quolibet statim sentiat, quia nulla particula causalis aliudve signum solenne causae adest. Fit hoc variis modis:

I) Omittit saepissime particulam causalem, si per se intelligitur: v. c. Manil. 3 *Etenim adhuc ita vestri cum illo rege contenderunt imperatores, ut ab illo insignia victoriae, non victoriam, reportarent. Triumphavit L. Sulla, triumphavit L. Murena de Mithridate, duo fortissimi viri et summi imperatores, sed ita triumpharunt, ut ille pulsus superatusque regnaret: pro Triumphavit enim L. Sulla etc.* Per insignia enim victoriae intelligit triumphos. — Ibid. c. 9 ait, Mithridatem secum multas quoque copias ab aliis regibus subsidio missas habere, additque causam, quia reges a regibus adjuvari solent. Haec ita exponit: *Mithridates autem et suam manum jam confirmarat, et eorum, qui se ex ejus regno collegerant, et magnis adventiciis auxiliis multorum regum et nationum juvabatur. Hoc jam fere sic fieri solere accepimus, ut regum afflictae fortunae facile multorum opes allicient ad misericordiam, maximeque eorum, qui aut reges sunt aut vivunt in regno etc.: pro Hoc enim jam fere etc.* — Ad Div. III, ep. 9 §. 14, ubi Marcello reditum in patriam propterea suadet, quia tutior ibi sit sedes quam alibi. Hoc ita effert: *Caput illud est, ut, si ista vita (i. e. in loco, ubi nunc es) tibi commodior esse videatur, cogitandum tamen sit, ne tutior non sit. Magna gladiatorum (alii gladiatorum, quod facilius) est licentia: sed in externis locis minor etiam ad facinus (i. e. caedem) verecundia: pro Magna enim gladiatorum etc.* — Ad Div. V, ep. 2 §. 25, ubi se purgat Metello, quod

quod in ejus fratrem acerbe dixerat: *cognosce nunc humanitatem, si humanitas appellanda est in acerbissima injuria remissio animi ac dissolutio*. Statim causam addit hanc: *Nulla est a me unquam sententia dicta in fratrem tuum: quotiescunque aliquid est actum, sedens iis adfensi, qui mihi lenissime sentire visi sunt: pro Nulla enim est a me etc.* Ac sic sexcenties.

2) *Qui quae quod* millies apud Ciceronem substituitur particulis causalibus nam, quia, cum etc. v. c. Manil. 2 *Genus* est belli ejusmodi, quod maxime vestros animos excitare atque inflammare debeat: in quo agitur populi romani gloria — agitur salus sociorum atque amicorum — aguntur certissima populi romani vectigalia et maxima, quibus amissis et pacis ornamenta et subsidia belli requiretis: aguntur bona multorum civium, quibus est a vobis et ipsorum et reipublicae causa consulendum. Hic qui ter sustinet vicem particulae causalis: in quo agitur etc. dictum est pro nam in eo agitur etc., deinde quibus amissis est pro nam iis amissis, tandem quibus est a vobis etc. pro nam iis est a vobis etc. — Ibid. c. 14 extr. Et quisquam dubitabit, quin huic (Pompejo) hoc tantum bellum transmittendum sit, qui ad omnia nostrae memoriae bella conficienda divino quodam consilio natus esse videatur? ubi qui ad omnia etc. dictum pro cum is ad omnia etc. — Ad Div. III, ep. 2 §. 1 bis est qui pro nam, quia: A. d. III Kal. Majas cum essem in Cumano, accepi tuas literas. Quibus lectis cognovi non satis prudenter fecisse Philotimum; qui, cum abs te mandata haberet, ut scribis, de omnibus rebus, ipse ad me non venisset, literas tuas misisset: quas intellexi breviores fuisse, quod eum perlaturum putasses. Hic qui cum abs te mandata haberet — ad me non venisset dictum est pro Nam, cum abs te mandata haberet, non venerat; et quas intellexi etc. pro nam eas intellexi s. quia eas intellexi etc. — Ad Div. III, ep. 9 §. 11 Cicero proprie dicere vult: Nam profecto non est meum committere, ut negligens in scribendo fuisse videar. Pro eo ita loquitur: Nam profecto non est meum, qui in scribendo, ut soles admirari, tantum industriae ponam, committere, ut negligens in scribendo fuisse videar: praesertim cum id non modo negligentis sed etiam ingrati animi crimen futurum sit. Verba: qui in scribendo tantum industriae ponam continent causam, cur non sit Ciceronis negligentem esse in scribendo: addit aliam causam praesertim cum id non modo etc. — Ad Div. V, ep. 2 §. 15, ubi Cicero ea defendens, quae contra Metelli fratrem egerit, ita loquitur: Si vero meam salutem contra illius (i. e.

fratris tui) *impetum in me crudelissimum defenderim*, satis habes (i. e. sis contentus) nihil me etiam tecum de tui fratris injuria conqueri. *Quem ego cum comperissem omnem sui tribunatus conatum in meam perniciem parare atque meditari etc.*, ubi *Quem ego cum comperissem* est pro *Nam cum ego comperissem etc.* — Ibid. §. 19 de eodem Metelli fratre per ironiam: *Hominem gravem et civem egregium!* qui, qua poena senatus consensu bonorum omnium eos affecerat, qui urbem incendere, magistratus ac senatum trucidare, bellum maximum constare voluissent, eadem dignum judicaret eum, qui curiam caedere, urbem incendiis, Italiam bello liberasset, ubi verba qui, qua poena etc. sunt causa, cur vocet illum hominem gravem et civem egregium: poterat dicere: *O hominem gravem et civem egregium!* nam s. quia, qua poena — affecerat, — eadem dignum judicabat eum etc. — Ibid. ep. 12 §. 16 *Quem enim nostrum ille moriens apud Mantineam Epaminondas non cum quadam miseratione delectat?* qui tum denique sibi avelli jubet spiculum, posteaquam ei percontanti dictum est, clypeum esse salvum etc. pro *Nam is tum denique sibi avelli etc.* Ac sic saepius. Pertinet iste usus ad breviter: hinc supra p. 463 ff. jam in capite de brevitate dicendi de usu pronominis *qui*, it. p. 295 in capite de connexionione membrorum diximus, quae addi possunt.

3) Particula *si* a Cicerone innumeris locis particulae causali *quia*, *cum* etc., substituitur ob modestiam. V. c. Manil. 6 in. *Quare, si propter socios nulla ipsi injuria lacerati majores nostri cum Antiocho, cum Philippo, cum Aetolis, cum Poenis bella gesserunt: quanto vos studio convenit, injuriis provocatos, sociorum salutem una cum imperii vestri dignitate defendere etc.* pro *Quare cum propter* — *bella gesserint etc.* et paulo post: *Itaque haec vobis provincia, Quirites, si ad belli utilitatem et pacis dignitatem retinere vultis, non modo a calamitate sed etiam a metu calamitatis est defendenda. Ubi si aperte est pro quia: nam profecto retinere volebant provinciam: at Cicero simulat se dubitanter loqui, quasi incertum sit, an retinere velint, ipsisque permittere, utrum velint retinere nec ne.* — Ad Div. V, ep. 2 §. 24 *Et, si intelligis, non me dicto Metelli (fratris tui), ut scribis, sed consilio ejus animoque in me inimicissimo esse commotum, cognosce nunc humanitatem etc.* pro *Et cum* haud dubie e supra dictis intelligas etc. At illud modestius dictum: sed causam ibi latere manifestum est e sequentibus cognosce etc. — Ibid. §. 29 *A te peto, ut tu quoque aequum te judicem dolori meo praebeas: si acerbe, si crudeliter, si sine causa a*
ruis

ruis oppugnatus, ut statuas mihi non modo non cedendum, sed etiam tuo atque exercitus tui auxilio in ejusmodi causa utendum fuisse: ubi aperte si pro quia, cum: at profecto illud modestius, humanius, atque ita venustius dictum. — Add. Catil. I, 3 in. Etenim quid est, Catilina, quod jam amplius expectes, si neque nox tenebris obscurare coetus nefarios nec privata domus parietibus voces conjurationis tuae potest: si illustrantur, si erumpunt omnia? pro' cum s. quia neque etc. — Arch. 12 Quae cum ita sint, petimus a vobis, judices, si qua non modo humana verum etiam divina in tantis negotiis commendatio debet esse, ut eum etc., ubi si qua pro quia aliqua, cum aliqua etc. Ac sic saepius. — It. apud Poetas saepe si pro cum, quia, ponitur: v. c. rogo te, Iupiter, ut hoc vel illud facias, si rite te colui, sacra rite feci etc. Sic Virgil. Aen. I, 607 Aeneas Didoni ait: Dii tibi, si qua pios respectant numina, si quid usquam justitiae est et mens sibi conscia recti, praemia digna ferant! — In primis Cicero, ubi de se, de suis virtutibus, loquitur, tanquam causis, ob quas aliquid petit vel per quas effici aliquid vult: v. c. rogo te, ut, si dignus sim, mihi hoc tribuas etc. Arch. I in. Si quid est in me ingenii etc. Manil. I Si quid auctoritatis in me est, ea apud eos utar etc. Certo sciebat Cicero sibi esse ingenium etc., sibi esse auctoritatem propter magistratum, quem gerebat: at humanitatis et modestiae erat, de his rebus dubitanter loqui. Quam rationem in primis adolescentibus imitandam censuerim. Nihil enim magis commendandum est quam humanitas et modestia: et pertinet ea simul ad suavitatem dicendi: nihil enim suavius quam modeste dicere.

4) Per appositionem, quam vulgo vocant in libellis grammaticis, exprimit Cicero saepissime quoque causam: v. c. Ad Div. III, ep. 2 §. 3 Cicero Sulpicio, consilium ejus exquirenti, dicere vult: Ego nihil tibi suadere possum, et causam addere hanc: quia tu ipse satis prudens es. At ita loquitur: Quod meum consilium exquiris, id est tale, ut capere facilius ipse possim, quam alteri dare. Quid enim est, quod audeam suadere tibi homini summa auctoritate summaque prudentia? Quisque videt in verbis homini summa auctoritate etc. latere causam, cur ei consilium dare nolit; et dictum esse pro quia ipse es homo summa auctoritate summaque prudentia s. cum sis ipse homo etc. Notetur ibi simul summa Ciceronis humanitas et observantia in vocabulo audeam pro possim, velim: illud longe fortius est. — Idem fere dixit Cicero Marcello ibid. ep. 8 in. Neque mouere te

audeo praestanti prudentia virum, nec confirmare maximi animi hominem unumque fortissimum pro Neque monere te audeo, quia es vir praestanti prudentia, nec confirmare, quia es homo maximi animi etc., ubi itidem audeo venuste et humane dictum pro volo. — Catil. III, 12 prope fin. Vos, Quirites, quoniam jam nox est, veneramini illum Iovem, custodem hujus urbis ac vestrum etc. In verbis custodem hujus etc. latet causa, cur venerari debeant Iovem, quia est custos hujus urbis et vester s. quia hanc urbem vosque custodierit et contra Catilinarios impetus defenderit. — Verr. II, 37 med. Iste (Verres), homo omnium aequissimus atque a cupiditate remotissimus, se cogniturum esse confirmat pro Iste, quia est homo aequissimus etc.: ironice dictum. — Ceterum hanc rationem ad brevitatem dicendi pertinere sponte intelligitur. Eodem modo dicere possis: Quis Ciceronem, hominem eloquentissimum et in bene scribendi arte exercitatissimum non sibi in bene scribendo imitandum proponat? pro cum sit homo eloquentissimus etc. Quis non literarum studia, delicias cujusque sapientis, amanda putet? pro cum sint deliciae etc. Veneremur Deum, creatorem nostrum i. e. quia nos creavit. Odi pigritiam, matrem multorum malorum pro quia est mater etc.

5) Etiam in participio saepe latet causa, v. c. amemus Deum nobis quotidie bene facientem pro quia bene facit etc. Odi pigritiam nos a studio sapientiae revocantem i. e. quia nos revocat etc. Viso patre animum collegi; visis hostibus milites fugere coeperunt. — De aliis participiis, quae causas per se continent, ut motus, ductus, adductus, incitatus, inflammatus, prohibitus, adjutus etc. hic non sermo est; antea S. 6 II, A p. 524 de iis diximus.

6) Saepe etiam periphrasi apud Ciceronem aliosque bonos scriptores recte includitur argumentum: quae ratio in primis commendanda, praesertim cum simul gravitati serviat. V. c. Cic. Rosc. Am. 23 prope fin. Nemo enim putabat, quemquam esse, qui, cum omnia divina atque humana jura scelere nefario polluisset, somnum statim capere potuisset pro Nemo enim putabat, quemquam esse, qui, cum patrem occidisset, somnum statim capere potuisset, seu pro Nemo enim putabat, quemquam parricidam (nam de hoc sermo ibi est) somnum statim capere potuisse. At illa parricidae circumscriptio quemquam esse, qui, cum omnia divina atque humana jura scelere nefario polluisset continet simul causam, cur is, qui patrem occiderit, non possit statim post illud facinus patratum capere somnum, scilicet hanc, quia isto scelere omnia

omnia jura divina et humana, quantum in ipso est, violavit. — Liv. V, 27 Camillus ad magistrum quendam ludi pueros, quos erudiebat, in castra Camilli ducentem atque ita proidentem, loquitur, istud factum nefarium valde vituperans: *Arma, inquit, habemus, non adversus eam aetatem, cui etiam in captis urbibus parcitur, sed adversus armatos: per aetatem eam, cui etiam in captis urbibus parcitur intelligit pueros s. pueritiam.* At in illa circumscriptione latet causa: sensus enim est: *Arma habemus non adversus pueritiam, nam huic aetati etiam in captis adeo urbibus parci solet, sed tantum adversus armatos.* Conf. supra caput de copia (P. I, c. 9 S. 2, 10 A. 2 p. 408 ff.), ubi plures periphrases. Sed istae periphrases, quae argumentum recte continent, pertinent, ut facile patet, ad breviter dicendi.

7) Huc referendum est, quod enuntiationi, quae simpliciter efferri poterat et vulgo quoque solet, praepositur enuntiatio causam ejus recte complectens: v. c. pro *quis hoc non perspicit?* dicitur *quis est tam stultus s. tam rerum imperitus, ut non perspiciat?* Nam *stultitia* seu *imperitia* est causa, cur homo non aliquid perspiciat. Sic pro *Deus nobis quotidie bene facit* dici potest: *Deus est tanta benignitate, ut nobis quotidie bene faciat: nam benignitas Dei magna est causa, cur nobis quotidie bene faciat.* Sic pro *Deus omnia efficere potest* dicitur *Deus est tam potens s. tanta potentia, ut omnia efficere possit s. ut nihil sit, quod efficere nequeat.* Sic Cicero millies, v. c. Phil. II, 15 pro *Neque vero frangebar animo propter vitae cupiditatem etc.* dixit: *Neque vero eram tam indoctus ignarusque rerum, ut frangerer animo propter vitae cupiditatem.* — Ibid. c. 7 pro *An tu hoc ausus es dicere in eo templo, in quo senatum* — consulebam dixit: *Adeone pudorem cum pudicitia perdidisti, ut hoc in eo templo dicere ausis sis, in quo etc.* — Arch. 9 pro *Omnes enim mandari versibus aeternum suorum laborum facile praeconium patiuntur*, h. e. libenter res gestas suas carmine celebrari volunt, dixit: *Neque enim quisquam est tam aversus a Musis, qui non mandari versibus aeternum suorum laborum facile praeconium patiatur.* — Ibid. c. 8 in. pro *Quis morte Roscii nuper non commotus est* h. e. doluit? dicere maluit: *Quis nostrum tam animo agresti ac duro fuit, ut Roscii (comœdi clarissimi) morte nuper non commoveretur?* — Ibid. c. 12 in. pro *An nos omnes, qui in republica atque in his vitae periculis laboribusque versamur, arbitremur, cum usque ad extremum spatium nullum tranquillum atque otiosum spiritum duxerimus, nobiscum simul omnia moritura?* egregie ita

ita loquitur: *An vero tam parvi animi videamur esse omnes, qui in republica atque in his vitae periculis laboribusque versamur, ut, cum usque ad extremum spatium nullum tranquilum atque otiosum spiritum duxerimus, nobiscum simul moritura omnia arbitremur?* — Plura exempla congesta reperies supra in capite de copia dicendi (P. I, c. 9 S. 3, 2 p. 419 ff.): ibi enim de periphrasi late egimus.

SECT. VII

2) De adjectione exemplorum.

Alter fons perspicuitatis propior in explicatione idearum est *adjectio exemplorum*. Haec in primis valent ad rem, quam explicamus, et de qua lectori et auditori cupimus persuaderi, perspicuam reddendam. Exempla longe plus valent causis s. argumentis e rei natura petitis. Argumenta docent, rem fieri potuisse, exempla, rem factam esse: argumenta efficiunt, ut res verisimilis videatur, exempla declarant rem esse veram. Saepe lector vel auditor argumentis fidem ita habet, ut tamen simul dubitet, an res, quae commendatur, ab hominibus vere patrata sit; at, si audit vel legit, vere patrata esse, hinc colligit, eam quoque ab aliis hominibus et a se patrari posse. Nam homo concludit vulgo sic: Si res ab aliis jam acta est, se quoque eam agere posse; contra, si res per se quidem fieri possit, sed nondum ab aliquo facta sit, nec se eam facere forsan posse. Et sic in aliis rebus auctoritas exemplorum ubique postulatur. Recte. Exempla enim veritatem, ut sic loquar, e regno possibilitium in regnum visibilium transferunt, efficiuntque, ut lector vel auditor rei veritatem, quam antea in genere cognorat, nunc quasi ob oculos videat. *Exemplum* possis ita definire, ut dicas esse *enuntiationem factum aliquod continentem*, per quod docetur, rem, quam tradis et explicas, vere in natura rerum fuisse et factam esse, seu brevius sic: ut dicas esse *factum aliquod explicandae thesi accommodatum*.

De exemplorum justo usu haec notabimus :

1) *Exempla debent rei accurate convenire*, h. e. homines, quorum exemplum affertur, debent id vere praestitisse, quod in thesi tractatur, eodemque modo, quo dictum est, praestari debere: v. c. si sermo est de mortis contemptu, exemplo esse potest Socrates: nam is vere mortem contempsit; non vero Cicero, qui, licet de mortis contemptu praeclare loquatur, tamen eam, ubi vere instabat, timuit. Sic, si de paupertatis studio et divitiarum contemptu loqueris, idem Socrates exemplo recte esse potest, itemque Fabricius, Curius: Hi enim sponte contemserunt divitias, cum eas consequi facile possent. Non vero ii memorandi sunt, qui, quia pauperes esse cogebantur nec divitiarum consequendarum facultatem habuerant, eas contemserunt vel potius contemnere simularunt: nec ii, qui, quia divites jam sunt, divitias se non appetere nec amare dicunt. — In exemplis etiam hoc videndum, ut, si v. c. in tractanda virtute aliqua hominem memoras ea vere praeditum, hic non simul aliis multis iisque notis vitiis gravioribus inquinatus sit, ne exempli auctoritas imminuatur. Nam hominem laudari audienti mihi si in mentem venit cetera ejus vita prava: virtus ea, quae in illo laudatur, fit, nescio quo pacto, suspecta. Non asferrem exempli causa Catilinae fortitudinem in perferendis laboribus etc.

2) Deinde *exempla debent esse vera*. Ficta nil efficiunt, nisi apud indoctos, imperitos. At hos decipere quantae artis! quantae vero utilitatis, si illi aliquando vident et discunt, rem, quam pro certa audiverant, fabulam esse. Hinc forsan judicari potest, quantum utilitatis fabulae romanenses, comoediae, tragoediae, carmina plena deorum et dearum lectori et spectatori indocto asferre possint in virtutis studio inflammando.

3) *Exempla debent etiam recte tractari*, h. e. debet effici, ut eorum auctoritas appareat: hinc debent a) interdum explicari, si quidem non satis nota creduntur, ac v. c. doceri, quo consilio et animo hic vel ille rem gesserit, cur res ita geri vel non geri potuerit, necesse fuerit etc. b) saepe etiam argumento aliquo confirmari: v. c. postquam de contemptu divitiarum Socratis exemplum allatum est, possunt variae causae addi, v. c. sciebat enim, veras divitias in sapientia ac virtute, non in externis rebus, cerni; vel didicerat enim, omnem, qui contentus esse posset, esse divitem s. non posse esse pauperem; vel qui divitias contemnere posset, ditissimum esse; vel didicerat enim iis rebus carere, propter quas divitiae inven-

tae sunt s. quas divitiae solae suppeditant etc. c) tandem debent exempla non modo conjungi cum thesi h. e. doceri, thesios veritatem ex illis sequi, sed etiam in primis, ut vis eorum melius appareat, adjuvari saepissime concludendo, a majori ad minus vel a minori ad majus vel a pari ad par: v. c. Si Socrates, qui gentilis fuit, eo progredi potuit fortitudinis, ut mortem, inimicam illam generis humani vulgo tam terribilem, contemneret, quanto magis nos decet, qui Christiani sumus, id efficere posse, vel brevius: Si Socrates, ut gentilis, hoc potuit efficere, quanto magis nos, ut Christiani, id efficere posse debemus, vel: Si philosophia gentilis tantum valuit in morte contemnenda, quanto magis debet hic valere philosophia christiana? Si Socrates solius mentis ope id effecit, quanto magis nos religione christiana adjuti etc. Sic: Si Socrates divitiarum inutilitatem perspexit, quanto magis nos Christiani etc. vel: Si Socrates contemnenda morte, despiciendis divitiis, tantam laudem consecutus est, nonne etiam nos etc.

SECT. VIII

3) De adjectione testimoniorum.

Tertius fons perspicuitatis propior in explicandis ideis est *testimoniorum adjectio*. *Testimonia* 1) in rebus historicis sunt summae necessaria, si res, quae traduntur, pro certis ac perspicuis haberi debent, et plus valent, quam omnia argumenta e rei natura ducta. At, si gravia fideque digna esse debent, profisciscantur oportet ab hominibus fide dignis h. e. qui et rem, quam narrant, recte norint, atque ita recte narrare possint, et simul recte vereque narrare velint omnique mendacii vanitatisque studio careant. Sed 2) in aliis quoque rebus, v. c. in judicanda praestantia, utilitate alicujus rei, interdum *testimonia*, si quidem sunt a magnis celebribusque viris petita, perspicuitati et persuasioni profunt h. e. efficiunt, ut res certior fiat ejusque praestantia et utilitas vel turpitudine, necessitas etc. magis perspicatur: quia vulgo homines multum tribuunt testimoniis clarorum virorum h. e. judiciis eorum de aliqua re, hincque libenter ad eorum auctoritatem provocant. Sed cum

cum omnes homines, licet sint clarissimi et de nostra sententia maximi, tamen semper maneant homines h. e. labi interdum possint: non testimoniorum auctoritati nimis confidere debet orator vel scriptor, neque iis antea uti, quam res ipsa, quam per ea confirmare vult, jam argumentis et exemplis satis confirmata et fulta est. Male igitur agunt, qui statim, postquam v. c. rem philosophicam tradiderunt et veram esse dixerunt, hanc causam addunt: *nam ita dixit Cicero vel Plato etc. vel sic omnes docti judicant.* Testimonia hic sunt nihil aliud quam judicia doctorum de re aliqua. Quis in iudicando non interdum fallitur? At, si rem jam aliunde constat certam esse, non inutile est addere, quid eruditi de ea iudicent. Hic tamen, ut sponte patet, excipienda sunt testimonia librorum divinorum, quae semper sunt certa atque vim argumentorum vere habent, ut adeo orator in laudanda vel vitupeanda re ad dicta biblica recte provocet, modo haec recte explicentur et ostendatur, quibus in verbis dicti insit testimonium illud, ad quod provocas: nam interdum id latet in paucis dicti verbis, ut adeo, si totum dictum recites nec verba ipsa, quae proprie testimonium suppeditent, memores et explices, auditor nondum vim testimonii perspiciat et sentiat.

SECT. VIII

4) De adiectione conditionis.

Quartus fons perspicuitatis propior in explicandis rebus est *adiectio conditionis*: quae addi semper debet, si de re sermo est, quae non nisi sub certa conditione facta est fieri solet ac potest, certa, utilis, noxia est etc. Pertinet hoc ad diligentiam s. subtilitatem dicendi, nihil omittentem, quod lector vel auditor expectare possit, et veram matrem perspicuitatis. Ac cum pleraeque res humanae non nisi sub certa condi-

conditione fiant, certae, utiles, noxiae, praeclarae sint etc.: apparet innumeris in locis notionem conditionis addendam esse. Cicero etiam hic nobis exemplar esse potest. Nunquam is fere simpliciter aliquid confirmat, pollicetur, rogat etc., sed fere semper adjecta conditione, utens particulis, *si, nisi, quoad* s. *quod* i. e. *quoad, quantum* etc.

V. c. Agr. II, 6 in. legem Rulli agrariam dissuasurus ita loquitur: *Omni hoc vobis ratione confirmare possum, Quirites, hoc animo me ad legendam legem cognoscendamque venisse, ut, si eam vobis accommodatam atque utilem esse intelligerem, auctor ejus atque adjutor essem.* Recte. An vero aliter loqui poterat? Tolle verba: *si eam vobis — intelligerem*, et videbis, quam imprudenter stulteque dictum sit. — Ad Diverf. XIII, ep. 28 in. scribit Servio, se quidem libenter ab eo petere, sed multo libentius gratias agere; id quod haud dubie est signum animi generosi. Ita ergo loquitur: *Et si libenter petere a te soleo, si quid opus est meorum cuiquam, tamen multo libentius gratias tibi ago, cum fecisti aliquid commendatione mea* etc. Tollas verba *si quid opus est meorum cuiquam* et senties, Ciceronem locutum esse more plebis, quae ob humilitatem et levitatem animi ubique et a quolibet petit, si quid beneficii accipere potest, non habita ratione conditionis alicujus justae. — Ad Div. XV, ep. II extr. Marcello scribens, se propediem Romae fore, ita loquitur: *Ego, si me navigatio non morabitur, quae incurrebat in ipsos etefias, propediem te, ut spero, videbo.* Sic omnes prudentes loqui debent: neque enim navigatio est in hominis potestate. Cicero, si conditionem *si me navigatio non morabitur* omisisset, falso locutus esset. — Ad Div. XIII, ep. 17 §. 6 Curium Servio commendans ita loquitur: *Spondebo enim tibi, vel potius spondeo in meque recipio, eos esse M. Curii mores, eamque tum probitatem tum etiam humanitatem, ut eum et amicitia tua et tam accurata commendatione, si tibi sit cognitus, dignum sis habiturus.* Quotus quisque recentiorum hanc conditionem *si tibi sit cognitus* addidisset? Sed inest ei magna humanitas et modestia: quae vult, ut non simpliciter ab amico postulemus, ut aliquem sua amicitia propter nostram commendationem solam dignum judicet, sed hactenus, si ipse illum cognoverit. — Ibid. ep. 23 §. 4, ubi Anchialum Servio commendat: *Quare pergratum mihi feceris, si eum in*
amici-

amicitiam tuam receperis, atque eum, quod sine molestia tua fiat, si qua in re opus ei fuerit, juveris. Egregie h. e. accurate et humanissime dictum. Non vult, ut Servius Anchialum in universum et in omnibus rebus juvet, sed tantum, *si qua in re opus ei fuerit*: Non vult, ut Servius nulli labori molestiaeve in juvando Anchialo parcat, sed addit, *quod sine molestia tua fiat*; quod est quoad, quantum, quatenus, in se fern. Duplex igitur inest conditio. — Ibid. ep. 26 §. 6, ubi Mescinii Rufi negotia Servio commendat: *Sic enim praescriptissimus iis, quibus ea negotia mandavimus, ut omnibus in rebus, quae in aliquam controversiam vocarentur, te arbitro, et, quod commodo tuo fieri posset, te disceptatore uterentur.* Verba quod commodo tuo fieri posset h. e. quoad s. quatenus sine molestia tua fieri posset sunt conditio humana, sub qua Cicero illud fieri velit. — Et §. 7 *Illud praeterea, si non alienum tua (i. e. a tua) dignitate putabis esse, feceris mihi pergratum, si qui difficiliore erunt, ut rem sine controversia confici nolint, si eos, quum cum senatore res est, Romam rejeceris.* Conditio si non alienum a tua dignitate putabis esse addita est ob humanitatem. Altera conditio si qui difficiliore erunt etc. a re ipsa postulabatur. — Ibid. ep. 37 extr., ubi Hippias Acilio commendatur: *Quoquo modo autem se res habet, peto a te, ut honoris mei causa eum expedias, tantumque ei commodes (i. e. gratificeris) et in hac re et in ceteris, quantum tua fides dignitasque patietur.* Quanta humanitas! Non vult, ut Acilius omnia omnino faciat, sed fidei suae et dignitatis rationem habeat. Ac propterea haec conditio, quae tecta quodam modo est, in petendo a nemine, nisi inhumano, omitti potest. Ac sic millies conditionem adjectam in Cicerone reperies. — Hanc rationem sedulo imitari debemus, v. c. pro *Liberi debent parentes amare* potest dici: *Liberi, si grati esse volunt, debent parentes amare.* Pro *Deus hominibus interdum bona interdum mala tribuit* possit ita dici: *Deus, quatenus sapientiae ipsius consentaneum est, hominibus modo bona modo mala tribuit; vel Deus modo bona, si ea nostris rebus utilia esse videt, nobis tribuit, modo mala, si ea nobis magis profutura intelligit, nobis immittit etc.*

SECT. X

5) De adjectione modi.

Quintus fons perspicuitatis propior in explicandis rebus est *adjectio modi*, quo res facta, vel credibilis,

certa sit etc. Pertinet enim ad subtilitatem, matrem perspicuitatis. Homines enim non contenti sunt audire, aliquid factum esse, sed quaerunt etiam, quomodo factum sit etc. Iam supra P. I p. 404 s. hac de re, in cap. de copia dicendi, dictum est.

Hic tantum haec tria monebimus:

1) Si res fit vel facta est casu aut necessario, addendum est *accidit, contingit, contigit, necesse est, forte, necessario* etc. V. c. pro *In itinere cum essem, reperi hominem, qui* etc. dicitur: *In itinere cum essem, accidit, contigit, ut reperirem hominem* etc. Pro *Cum pater mihi ereptus esset puero, non potui recte erudiri* dici possit: *Cum accidisset, ut pater mihi puero eriperetur, factum est, ut non possem recte erudiri.* Pro *Qui deditus est luxuriae, pauper tandem fiet* dici possit: *Qui luxuriae deditus est, pauper fiat vel egestate tandem prematur necesse est.* Pro *Qui in discendis literis non magnam industriam adhibet, non valde doctus fiet* dici potest: *Non s. nullo modo fieri potest, ut, qui in literis discendis non magnam adhibeat industriam, magnam doctrinam consequatur; vel etiam Non credibile est hominem, qui non — adhibeat, valde doctum fieri.* Sic et per ablativos: v. c. *Cum in agro essem, vidi forte s. casu hominem aliquem* etc. *Homo necessario s. necessitate naturae moritur.* — Not. Quamquam lector vel auditor plerumque in his locutionibus e sequentibus eque contextu sentit, rem factam esse casu vel necessario: tamen humanius est ejus intelligentiae, ut ita loquar, obviam ire atque ita efficere, ut citius sciat.

2) Si quid ab aliquo bene aut male actum dictumve est, hoc, licet e contextu perspicui possit, tamen addere convenit. Fit hoc maxime per adverbia, v. c. *bene, egregie, male, stulte* etc. v. c. Pro *Pompejus, qui rebus multis gestis cognomen Magni acceperat, tandem in Aegypto periit* dici potest: *Pompejus, qui rebus multis bene gestis cognomen Magni jure acceperat, tandem in Aegypto misere periit.* Hic addita sunt *bene, jure* et *misere*, sed ita, ut convenient remque recte explicent. Sic si quem locum Ciceronis, Virgilii etc., quo praeclara sententia continetur, afferre volo, possum ita incipere: *Hanc rem Cicero his verbis egregie confirmat, vel de hac re Cicero praeclare s. bene ait: et tum sequitur ipsa sententia.* Verum quidem est, lectorem vel auditorem sponte, quando sententiam videt auditve, judicare posse, bene illa verba dici: at quid obstat, quo minus antea eum monea-

moneamus ipsiusque animum ad excipiendam egregiam sententiam, tanquam hospitam, praeparemus et excitemus? Ac sic in pluribus est agendum, omninoque usus adverbiorum commendandus.

3) Si quid narramus et tradimus, hoc vel certo scimus vel opinamur, conjicimus, audivimus, arbitramur etc. Hinc notiones, modum hunc definientes, quo scimus aliquid, addendae sunt, ut lector vel auditor sciat, quid et quantum de illa re credere, utrum eam pro certissima, an pro incerta ac mera opinione habere debeat. Ancillae et homines earum similes solent, quidquid narrant, ita tradere, quasi certissimum sit. Non sic Cicero: qui ubique fere addit *certum, manifestum, indubitatum est*, si de re certissima sermo, it. *constat, perspicio, intelligo, video, apparet, scio, non nescio* etc., contra de minus certa *arbitror, puto, existimo, credo, videtur mihi* etc., de incertissima *opinor, conjicio, dicunt, ajunt, audivimus, rumor est* etc. Cujusmodi additamenta, quae nondum in vernaculam satis venerunt, quantopere perspicuitatem adjuvent in Ciceronis libris, illorum plenissimis, vix dici potest. Paucula exempla dabimus: v. c. pro *deus est* dicitur *deum esse manifestum, certum, indubitatum est, aperte videmus* s. *intelligimus, nemo nescit, nemo ignorat, quis est qui nesciat* s. *qui non videat?* — Cic. Manil. 7 *nam tum, cum in Asia res magnas multi amiserant, scimus Romae solutione impedita fidem concidisse.* Addit *scimus*, ut declararet, se de re omnibus nota loqui. Si omisso *tū scimus* dixisset *Romae solutione impedita fides concidit*, poterant nonnulli auditores, quibus ista res haud nota erat vel non satis nota, opinari, eum tantum ita credere, nec de manifesta re loqui. — Ad Div. III, ep. 14 §. 8 scribit Plancio exsulanti, quem consolari volebat: *Si enim status erit aliquis civitatis, quicumque erit, te omnium periculorum video expertem fore. Nam alteros (Caesarianos) tibi jam placatos esse intelligo, alteros (Pompejanos) nunquam iratos fuisse.* Addit *video* et *intelligo*, tanquam de re paulo certiori loquens, ut animum Plancii confirmet. — Sic *perspicio* addit ad Div. II, 18 §. 4 *Nocere tibi iratum neminem posse perspicio* etc., ut ostendat, se de re minus dubia loqui. — Alibi addit *audivimus, accepimus* etc., *puto, arbitror, videtur* etc., si non audet pro certa rem habere; v. c. Manil. 9 *Hoc jam fere sic fieri solere accepimus, ut regum afflictæ fortunæ facile multorum opes alligant ad misericordiam, maximeque eorum, qui aut reges sunt aut vivunt in regno.* — Ad Div. V, ep. 21 §. 10 *Est enim*

res jam in eum locum deducta, ut, quamquam multum intersit inter eorum causas, qui dimicant, tamen inter victorias non multum interfuturum putem. Recte addit *putem*, quia nesciebat, an multum inter victorias ambarum partium interfuturum esset: quod si dixisset *interfuturum sit*, visus esset certo scire. — Ad Div. VI, ep. 4 §. 18 *Ego, quae te velle quaeque ad te et ad tuos pertinere arbitrabor, omnia studiose diligenterque curabo*. Recte addit *arbitrabor*, quia nescit ea omnia, quae ad Torquatum ejusque domum pertineant h. e. utilia esse possint; nescit, quae Torquatus velit. Si omisisset *arbitrabor* ac dixisset *quae tu vis, quaeque ad te et ad tuos pertinent*, falso ac simul paulo inhumanius dixisset. — Ibid. ep. 23 §. 5 *Ego, quid possim, nescio vel potius me parum posse sentio. Illud tamen tibi polliceor, me, quaecunque saluti dignitatique tuae conducere arbitrabor, tanto studio esse facturum etc.* Recte et modeste dictum. Homo homini non potest polliceri, se facturum omnia, quae illius saluti dignitatique conducant vere, sed tantum, quae *arbitratur* conducere. — Hinc et millies *videri* addit, v. c. ad Div. V, ep. 21 §. 8 *Neque me tamen ulla res alia Romae tenet, nisi expectatio rerum Africanarum* (belli Africani). *Videtur enim mihi res in propinquum adducta discrimen*. Recte *videtur mihi adducta*, non *adducta est*: nec enim certo sciebat. — Ibid. §. 15 *Ego, si videbitur recte fieri posse, ad te veniam brevi pro si recte fieri poterit; at rectius et accuratius additur videbitur* h. e. *si credidero*: proficiscimur enim, non quia *recte* h. e. tuto proficisci possumus: quis enim mortalium hoc certo scit? sed quia credimus, nos posse. — Hinc Cicero saepe claudit periodos per *videatur*, quod non plane otiosum est, sed indicat, eum tantum *putare*, hoc vel illud ita esse; estque saepe modestius dictum: saepe tamen *videatur* est quoque idem quod *intelligatur man sieht*. Sed et de aliis hominibus Cicero, accurate loquens, ita loquitur, v. c. Cluent. 64, ubi sermo est de singulari furto Stratonis servi, qui fundum armarii exsecuerat atque ita pecuniam inde abstulerat: *Quidam ex amicis Saffiae recordatus est, se nuper in auctione quadam vidisse in rebus minutis aduncam ex omni parte dentium et tortuosam venire ferrulam, qua illud (armarium) potuisse ita circumsecari videretur*: pro qua illud potuisset ita circumsecari; at recte additur *videretur*, quia mera tamen erat opinio et conjectura. — Hanc igitur rationem in primis imitemur, et v. c. pro ego isto homine, quia probus et integer est, utar dicamus quia probus et integer videtur vel, si paulo certius, quia

eum probum et integrum esse judico, video, perspicio: sic, si librum praeclarum esse audiui et eum emere volo, non dicere possum: Ego librum illum, quia praeclarus est, emam, sed Ego librum, quem praeclarum esse audiui, emam, et sic in ceteris.

SECT. XI

6) De adjectione instrumenti s. rerum, per quas res efficitur.

Sextus fons perspicuitatis propior in explicandis rebus est *adjectio instrumenti* h. e. rerum earum, per quas aliquid fit, fiet vel effectum est. Pertinet ad subtilitatem explicationis. Lector vel auditor non modo vult scire, rem factam esse, cur et quomodo facta sit etc., sed etiam quibus rebus et quibus auxiliis. Hoc nunquam omittendum est, nisi *statim sponte a quolibet* intelligatur. Stultum enim foret ubique dicere *oculis adspicere, pedibus ire, calamo scribere* etc. Ergo iudicio quoque opus. Exempla pauca afferam. Quando dico: *Pompejus effecit, ut nomen Magni consequeretur*, sentio deesse id, per quod illud effecerit: rectius ergo dico *Pompejus multis rebus praeclare ac felicissime gestis effecit, ut nomen Magni consequeretur*. Sic pro Ciceroni contigit, ut, licet ignobilis esset, ad summos honores perveniret dicendum: *Ciceroni eloquentiae magnitudine contigit, ut* etc. Sic pro *Frater tuus* eo felicitatis progressus est, ut ab omnibus omnino laudaretur rectius dicitur *Frater tuus insigni humanitate, modestia, vel etiam summo virtutum studio* etc. *eo felicitatis progressus est, ut* etc. Nonne ita res fit magis perspicua? Sic Cicero ubique.

V. c. Marcell. 2 in laudanda magnitudine et celeritate rerum gestarum Caesaris ait: *nec vero disjunctissimas terras citius cujusquam passibus potuisse peragrari, quam tuis non dicam cursibus sed victoriis lustratae sunt*. Rectius et accuratius, quam si dixisset: *nec vero disjunctissimas terras*

citius a quoquam potuisse peragrari, quam a te illustratae (aliae edd. illustratae) sunt. Pro a quoquam non opus erat dici passibus cujusquam: at pro a te, opus erat dici cursibus, imo victoriis tuis, vel tuis non dicam cursibus sed victoriis: at, quia hoc ponere volebat, mutabat quoque ob numerum s. concinnitatem membrorum a quoquam in cujusquam passibus. — Agrar. II, 3 med. Neque enim ullo modo facere possum, ut, cum me intelligam non hominum potentium studio, non excellentibus gratiis paucorum, sed universi populi romani iudicio consulem ita factum, ut nobilissimis hominibus longe praeponerer, non et in hoc magistratu et in omni vita sim (sic leg. et sic Edit. Ernesti, non essem, ut ceterae Edit. habent) popularis. Tolle verba non hominum potentium studio, non excellentibus gratiis paucorum, sed universi populi romani iudicio, et omnis sententia perit. — Ibid. in fine narrans, quam misero statu rempublicam initio consulatus sui acceperit, ait inter alia miseriae illius signa: sublata erat de foro fides, et hic poterat definere, sed addit: non ictu aliquo novae calamitatis, sed suspitione ac perturbatione iudiciorum, infirmatione rerum judicatarum. Recte: ita enim intelligitur, quibus rebus fides sublata sit. — Orat. I, 9, ubi Scaevola Crassum, qui dixerat ab oratoribus civitates initio esse constitutas, refutans dicit: Quis enim tibi hoc concesserit, aut initio genus hominum in montibus ac sylvis dissipatum non prudentium consiliis compulsus potius quam disertorum oratione delinitum se oppidis moenibusque sepsisse? Recte additur non prudentium consiliis compulsus potius quam disertorum etc. — Ibid. c. 61 de Demosthene: cumque ita balbus esset, ut ejus ipsius artis, cui studeret, primam literam non posset dicere, perfecit, meditando, ut nemo planius eo locutus putaretur. Recte addit meditando h. e. exercitatione. — Ibid. c. 8 de praestantia eloquentiae: Quid enim est tam admirabile — aut tam potens tamque magnificum, quam populi motus, iudicum religiones, senatus gravitatem unius oratione converti? Praeclare additum est unius oratione. Eadem haec sententia est fere Muren. II in. Gravis etiam illa est et plena dignitatis dicendi facultas, quae saepe valuit in consule deligendo, posse consilio atque oratione et senatus et populi et eorum, qui res judicant, mentes permovere. — Ad Div. VIII, ep. 14 §. 14 Dolabellae, quem laudare vult, dicit: Hoc si tibi fortuna quadam contrigisset, gratularer felicitati tuae: sed contigit magnitudine animi tum etiam ingenii atque consilii.

SECT. XII

7) De adjicienda notione temporis.

Septimus perspicuitatis fons propior est *adjectio temporis*: cujus notionem ad definite loquendum ac primariam notionem s. thesin plenius effingendam et explicandam pertinere, quis non videt? Volumus enim etiam scire, *quando res facta sit, quamdiu duraverit etc.* Addere igitur illam est scriptoris et oratoris. Accuratius is v. c. loquitur, qui dicit: *heri frater tuus apud me fuit, et tres tantum horas mecum mansit*, quam qui dicit: *frater tuus apud me fuit, et non diu mecum mansit*. Nonne vero etiam prior magis perspicue dixit? Sic, qui dicit: *amabo te, quoad vivam; beneficium tuum nunquam obliviscar*, rectius loquitur, quam dicens: *amabo te, beneficium tuum non obliviscar*. Cicero hanc diligentiam in addenda temporis notione ubique fere observat h. e. ubicunque potest et opus est.

V. c. Manil. 3 in. hortans Romanos, ut maculam in bello superiori Mithridatico conceptam deleant, ita loquitur: *Et quoniam semper appetentes gloriae praeter ceteras gentes atque avidi laudis fuistis, delenda vobis est macula Mithridatico bello superiore suscepta etc.* Non dicit *macula ante suscepta*, sed *macula Mithridatico bello superiore suscepta*, ut tempus magis definiatur: et statim explicat, qua re maculam illam conceperint, ac pergit: *quod is, qui uno die, tota Asia, tot in civitatibus uno nuntio atque una literarum significatione cives romanos necandos trucidandosque denotavit, non modo poenam nullam suscepit etc.* Intelligit Mithridatem: poterat verba uno nuntio atque una literarum significatione omittere: at tum non tota notio facti illius Mithridatici patuisset. — Ad Div. I, ep. I in. *Ego omni officio ac potius pietate erga te ceteris satisfacio omnibus, mihi ipsi nunquam satisfacio.* Poterat dicere *mihi ipsi non satisfacio*: at quanto accuratius ac simul humanius nunquam, tanquam credat, se nunquam satis posse pietatis officiique Lentulo pro hujus opera in Cicerone revocando praestare. — Ad Div. XIII, ep. 17 in. Curii, quem commendat Servio, amicitiam laudans ait: *Nam et amicitia per-*

vetus mihi cum eo est, ut primum in forum venit, instituta (i. e. coepta), et Patris cum aliquoties antea tum proxime hoc miserrimo bello domus ejus tota mihi patuit. Attendas, quaeso, diligentiam Ciceronis! Poterat dicere: Nam et amicitia pervetus mihi cum eo est dudum instituta et Patris cum aliquoties antea tum nuper domus ejus tota mihi patuit: sed pro dudum maluit dicere ut primum in forum venit h. e. togam virilem accepit, et pro nuper maluit dicere proxime hoc miserrimo bello. — Add. Sulpicii Epist. ad Cic. in Epp. ad Div. III, ep. 12 §. 4 caedem Marcelli narrans: Postridie ejus diei, cum ab Athenis proficisci in animo haberem, circiter hora decima noctis Postumius, familiaris ejus, ad me venit et mihi nuntiavit, M. Marcellum, collegam nostrum, post coenae tempus a P. Magio Cilone, familiare ejus, pugione percussum esse et duo vulnera accepisse, unum in stomacho, alterum in capite secundum aurem etc. Quam diligenter! postridie ejus diei, circiter hora decima noctis, post coenae tempus.

SECT. XIII

8) De addenda idea loci.

Octavus fons perspicuitatis propior est *adjectio loci*. Cupimus enim quoque scire, ubi res gesta sit, acciderit, ubi aliquis nunc sit etc., in quem locum profectus sit, unde venerit etc. Et placet is scriptor et orator, qui nostrae cupiditati satisfacit et sponte it obviam, quia videtur nil reticere velle, quod ad totam rem perspicuendam pertineat; cum contra is displiceat ac perspicuitati rei officiat, qui notionem loci omittat. Cicero quidem hac in re quoque ubivis est diligens: interdum loci ideam universam tradens per *omni loco, ubique, nusquam* etc.; interdum ipsum locum accurate memorans:

V. c. Rosc. Am. 24 in. de Furiis loquens parricidas persequentibus: *Viderisne, quos nobis poetae tradiderunt patris ulciscendi causa supplicium de matre sumsisse, — ut eos agerent Furiae neque consistere usquam patiantur* etc. Abesse poterat *usquam*, at rectius adest. — Manil. 3 de caede civium romanorum jussu Mithridatis facta loquens: *quod is, qui uno die (en notionem temporis!), tota Asia, tot in civitatibus uno nuntio atque una literarum significatione ci-*
ves

ves romanos necandos trucidandosque denotavit. Addidit verba tota Asia, tot in civitatibus, ut totius facti crudelis ratio appareret. — Add. epistola Sulpicii modo laudata ad Div. III, ep. 12 §. 4. de caede Marcelli: *pugione percussus esse et duo vulnera accepisse, unum in stomacho, alterum in capite secundum aurem: et paulo ante §. 2 cum ab Epidauro Piraeum navi advectus essem etc. §. 4 ut ab Athenis in Baeotiam irem etc.*

SECT. XIII

9) De adjectione effectus s. consequentiae.

Nonus fons perspicuitatis propior est *adjectio effectus* rei et eorum, quae inde secuta sunt vel sequi solent vel tantum concludi possunt. Adjuvat et hoc perspicuitatem rei. Non enim lector vel auditor semper ipse vult aut potest e dictis id colligere, quod ex iis consequatur. Cicero nec hanc rationem negligit, imo in ea est longe diligentissimus:

V. c. ad Div. V, ep. 12 §. 16 *Quem enim nostrum ille moriens apud Mantineam Epaminondas non cum quadam miseratione delectat? qui tum denique sibi evelli jubet spiculum, postquam ei percontanti dictum est, clypeum esse salvum. Hic poterat desinere, sed addit: ut etiam in vulneris dolore aequo animo cum laude moreretur. — Manil. I extr. Dicendum est enim de Cn. Pompeji singulari eximiaque virtute: hujus autem orationis difficilius est exitum quam principium invenire. Ita mihi non tam copia quam modus in dicendo quaerendus est. Additur ita mihi non tam copia etc., quae verba per se poterant abesse, quia eorum sententia e praecedentibus quodam modo intelligi potest: sed addita augent perspicuitatem efficiuntque, ut magnitudo Pompeji a melius perspiciatur. — Ibid. c. 6, ubi docet Asiam provinciam propter vectigalia non modo a calamitate sed etiam metu calamitatis defendendam: Nam, pergit, ceteris in rebus, cum venit calamitas, tum detrimentum accipitur: at in vectigalibus non solum adventus mali sed etiam metus ipse affert calamitatem. Nam cum hostium copiae non longe absunt, etiam si irruptio facta nulla sit, tamen pecora relinquuntur, agricultura deseritur, mercatorum navigatio conquiescit. Hic desinere poterat, sed addit: Ita neque ex*

portu neque ex decumis neque ex scriptura vectigal conservari potest. Hoc e prioribus per se sequitur: nam, si pecora relinquuntur, perit scriptura; si agricultura deseritur, pereunt decumae; si navigatio mercatorum conquiescit, perit portorium. — Ibid. c. 9 narrans Mithridatem regum auxiliis adjuvari ait: *Hoc jam fere sic fieri solere accepimus, ut regum afflictæ fortunæ facile multorum opes alliciane ad misericordiam, maximeque eorum, qui aut reges sunt aut vivunt in regno, ut regale his nomen magnum et sanctum esse videatur.* Hic poterat desinere, sed addit, quid inde secutum sit: *Itaque tantum victus efficere potuit, quantum incolumis nunquam est ausus optare: nam cum se etc.* — Ibid. c. 13 med., postquam de avaritia imperatorum in provinciis dixerat, addit: *Itaque propter hanc avaritiam imperatorum quantas calamitates, quocunque ventum sit, nostri exercitus ferant, quis ignorat?* — Agr. II, 4, postquam dixerat, se, quia ab universo populo factus sit consul, etiam popularem esse debere, pergit: *Quare qui possem non esse popularis etc.* — Potest quoque effectus recte adjici, de qua re supra in capite de copia dicendi p. 422 dictum est: v. c. *pro deus est longe potentissimus potest dici: deus est tam potens, ut nihil sit, quod non possit efficere: pro homo est valde indoctus, imperitus, dicitur: homo est tam imperitus, ut ne minimas quidem res intelligat, vel ut ne legere quidem sciat.* Sic pro *hic homo est amantiſſimus veritatis* dicitur: *hic homo est tam amans veritatis, ut mendacium ne audire quidem nedum dicere possit.* Sic pro *Res, quam narras, est falsissima* dicitur *Res, quam narras, est tam falsa, ut vel puer fidem tibi denegat etc.* Quisque videt hanc adjectionem effectus perspicuitati rei, quae traditur, majori prodesse. — Interdum etiam effectus et consecutionis notio uno vocabulo comprehendere potest, v. c. *victor discessit pro fuit: omnia prostrata jacent pro sunt: in primis apud Poetas: Phaedr. I, 20, 6 canes rupti prius perire pro rupti prius sunt.* — Ovid. Met. I, 119, 120 *Tum primum siccis aer fervoribus ustus Canduit, et ventis glacies constricta pependit pro ustus est, constricta est: at praeclare additur Canduit, pependit: ibid. v. 124 pressique jugo gemuere juvenci pro pressi sunt, at gemuere perficit, ut ita loquar, notionem.* Pertinet haec res in primis ad gravitatem dicendi, de qua infra.

SECT. XV

10) De periphrasi.

Decimus fons perspicuitatis propior in explicatione rerum est *periphrasis* s. *circumscriptio rei* per plura verba. Facile intelligitur, per plura vocabula posse rem magis perspicue tradi quam per unum. Nam unum vocabulum celeriter praetervolat aures auditoris et oculos lectoris, atque ita idea in eo latens negligitur vel parum animadvertitur. — At notandum est, duplicem esse periphrasin. — Una est, quando notio una reducitur ad genus suum h. e. exprimitur verbis generalibus: haec servit tegendae et occultandae notioni, si talis est, ut tegi occultarique paululum mereatur. Hanc huc non pertinere per se clarum est: nam, si tegit notionem, non perspicuam reddere potest. Talis est v. c. periphrasis illa ap. Ciceronem Milon. 10 extr., ubi Cicero narrans Milonis servos cum Clodii servis pugnassee, et simul tecte h. e. ita, ut vix ab auditoribus sentiantur, memorare cupiens, in ea pugna Clodium occisum esse, utitur hac generali periphrasi: *fecerunt id servi Milonis, quod suos quisque servos in tali re facere voluisset pro ultri sunt dominum suum, quem caesum esse putabant, atque ita occiderunt Clodium.* — Alterum genus periphraseos, huc pertinens, est id, quando notio s. res dissolvitur in suas partes et attributa sua vel omnia vel saltem aliquot: quo pertinent omnes definitiones et descriptiones.

V. c. pro *quis deum non amet* dicitur *quis eum non amet, a quo creatus est atque quotidie innumeris beneficiis afficitur?* Sic pro *mirum est Christianos non legere libros sacros* dici potest: *Quis non miretur, libros sacros non legi ab iis, qui illorum auctoritate nisi dicunt suam religionem?* — Sic ap. Cic. Rosc. Am. 22 *parentes occidere ita circumscribitur: eos, per quos lucem suavissimam adspexit, luce privare:* verba sunt ibi qui tantum immanitate bestias vicerit, ut, propter (i. e. per) quos hanc suavissimam lucem adspexerit, eos indignissime

sine luce privavit: quanto magis perspicue dixit, quam si dixisset: qui tantum immanitate bestias vicerit, ut parentes suos occiderit? — Manil. 3 Mithridates circumscribitur per singulare factum, quod cives multos occidi iussit. Verba sunt: delenda vobis est illa macula Mithridatico bello superiore suscepta, quae penitus jam insedit atque inveteravit in populi romani nomine; quod is, qui uno die, tota Asia, tot in civitatibus uno nuntio atque una literarum significatione cives romanos necandos trucidandosque denotavit, non modo adhuc poenam nullam suo dignam scelere suscepit etc. Hic is, qui uno die — trucidandosque denotavit est Mithridates. Iam si Cicero dixisset: delenda est vobis macula Mithridatico bello superiore suscepta, quae penitus jam insedit atque inveteravit in populi romani nomine, quod Mithridates non modo adhuc poenam nullam suo dignam scelere suscepit etc. an auditores perspexissent, cur macula delenda esset, et qua in re consisteret scelus Mithridatis, pro quo nondum poenam suscepisset? ac num Romani ad bellum cum Mithridate denovo gerendum atque ita ad imperium Pompejo in illo committendum incitati fuissent? Nullo modo. At in illa periphrasi latet explicatio maculae ac simul causae, cur bellum gerendum sit: ut adeo tales periphrases quodam modo magis ad brevitatem quam ad copiam dicendi referendae videantur. — Ibid. c. 17 in. Pompejum circumscribens ita ait: aut cur non, ducibus diis immortalibus, eidem, cui cetera summa cum salute reipublicae commissa sunt, hoc quoque bellum regium committimus? pro aut cur non ducibus diis immortalibus Pompejo hoc bellum regium committimus? Sed quis non sentit illa periphrasi simul inclusum esse argumentum, propter quod Pompejo hoc bellum regium committi debeat, quia scil. ei jam cetera summa cum salute reipublicae commissa sint; atque illam periphrasin magis perspicue Romanos docuisse, cur Pompejo illud imperium permittendum esset, quam solum nomen Pompeji? Cf. plura exempla circumscriptionis supra p. 406 ff. in capite de copia dicendi.

SECT. XVI

II) De dissolutione totius in partes et generis in species et individua.

Undecimus fons perspicuitatis propior in explicandis rebus est *dissolutio Totius in suas partes, Generis*

in suas species atque adeo individua, si fieri potest. Possit haec ratio quodam modo ad periphrasin referri. Omne Totum et Genus uno vocabulo expressum cito praetervolat auditoris aures et lectoris oculos atque simul mentem: at in partes et species disolutum diutius versatur ante aures auditoris et oculos lectoris, atque ita facilius et planius perspicitur. — Deinde res eo celerius et facilius intelligitur, quo propius admovetur sensibus. Genus et interdum Totum maxime remota sunt ab illis: at partes et species sunt iis propiores: proxima sunt individua, quippe quae in rerum natura reperiuntur, atque ita nostris sensibus nota sunt, cum Genus et interdum Totum tantum cogitatione sciamus. Hinc et exempla singulorum hominum tantopere profunt perspicuitati. Et quid aliud est exemplum afferre, quam Totum in partes vel Genus in individua dissolvere, si quidem accurate perpendas? — Dupliciter ista dissolutio Totius in suas partes et Generis in suas species vel individua institui potest. 1) Primum, ut praedicatum, quod ante dissolutionem istam Toti et Generi conveniebat, partibus deinde ac speciebus vel individuis tribuatur. V. c. pro *Mors instat omnibus hominibus* dici potest *Mors pauperi et diviti, nobili et humili, docto et indocto instat*: hic *Homines* in partes vel species dissolvuntur, in pauperes, divites, nobiles etc. et praedicatum *instat* manet. 2) Deinde possunt quoque singulis istis partibus vel speciebus singula praedicata tribui: quae ratio perspicuitati ac deinde etiam gravitati dicendi maxime est consentanea: v. c. *Mors instat pauperi et diviti: minatur nobili et humili: invadit domos doctorum et indoctorum*, vel auctis praedicatis potius ita: *Mors instat pauperi, minatur diviti: adest humili, non parcat nobili: intrat domos indoctorum, nec timet domicilia doctorum*. Potest etiam praeponi Totum vel Genus atque ita dici: *Quis est mortalium, qui a mortis periculo liber esse possit? Instat illa pauperi, minatur diviti: adest hu-*
mili,

mili, non parcat nobili: intrat domos indoctorum, nec timet domicilia (vel seriam frontem) doctorum et sapientum. Et sic alia ratione facile variari potest. Ciceronis libri sunt talium exemplorum plenissimi: neque enim ipse in ulla parte perspicuitatis tam regnat, quam in hac.

Prioris generis exemplum est Sext. 46 *Etenim in tanto civium numero magna multitudo est eorum, qui aut propter metum poenae, peccatorum suorum conscii, novos motus conversionesque reipublicae quaerant, aut qui propter insitum quendam animi furorem discordiis civium ac seditione pascantur, aut qui propter implicationem rei familiaris communi incendio malint quam suo deflagrare: pro Etenim in tanto numero civium magna multitudo est civium malorum: at vides, quam apte cives malos diviserit in suas partes vel species; quamque perspicue ita locutus sit, quia hac divisione quisque auditorum poterat cives malos agnoscere. — Arch. 7 extr. laudans artes humanitatis prae aliis artibus dicere poterat: Nam ceterae (artes) neque temporum sunt neque aetatum omnium neque locorum. Haec vero studia (humanitatis) prosunt omnibus temporibus, omnibus aetatibus et locis. At quanto copiosius h. e. accuratius et distinctius pro eo dicit: Nam ceterae neque temporum sunt neque aetatum omnium neque locorum. Haec studia adolescentiam alunt (sic leg. puto), senectutem oblectant, secundas res ornant, adversis perfugium ac solatium praebent, delectant domi, non impediunt foris, pernoctant nobiscum, peregrinantur, rusticantur. — Posterioris generis exemplum est Milon. 8 in. dicere volebat, ironice quidem: Omnes omnino lugent Clodium; sed maluit ita loqui: Luget senatus, moeret equester ordo, tota civitas confecta senio est, squalent municipia, affliguntur coloniae, agri denique ipsi tam beneficium, tam salutarem, tam mansuetum civem desiderant. Plura exempla supra p. 413 et 418 in capite de copia dicendi de di, ubi de periphrasi agitur.*

SECT. XVII

12) De comparatione ac similitudine addenda.

Duodecimus fons perspicuitatis dicendi propior in re explicanda est *adjectio comparationis* s. *similitudinis*. Nihil magis rem perspicuam reddit, quam *comparatio*.
Haec

Haec est mensura, definiens rei magnitudinem, vilitatem, omnemque qualitatem. De nullarum rerum multitudine, paucitate, magnitudine, altitudine, pulchritudine aliave qualitate definite et subtiliter judicare possumus, nisi eas cum aliqua eaque satis nota re comparemus. Magnus acervus frumenti e comparatione demum cum modio aliove mensurae aptae genere intelligitur. Si quis se multum frumenti habere dicit, nemo scit, an vere multum sit, quia alii aliquid vocant multum, quod aliis videtur parum: nemo enim scit, quantum habeat. At, si modio mensus est, et dicere potest, se v. c. mille modios habere, tum demum de multitudine frumenti judicari potest. Sic vini oleique multitudo non nisi e comparatione ejus cum sextariis, amphoris, aliisque generibus metiendi liquida, sic panni longitudo et latitudo non nisi e comparatione cum ulna intelligitur. Sic et res omnes, quae mente, non oculis, comprehenduntur, metiri solemus comparandis iis cum alia re jam nota. V. c. *Helena* notae pulchritudinis fuit; it. *Venus* pro *pulcherrima* habetur vulgo: *Apelles* et *Zeuxis* sunt noti *pictores* iique magni: Cicero et Demosthenes sunt noti ob *eloquentiam* summam: Homerus est notus *poeta* isque magnus: Roscius clarissimus *histrion*: Alexander, Hannibal, Scipio, Caesar, Eugenius noti sunt ob *res multas bello bene gestas*: Trajanus et Marcus Aurelius ob *bonitatem*. Sic nota est venti *celeritas* et *magnitudo* amoris parentum. Sic nix nota est ob *candorem* et *facilitatem* liquecendi. Sol notus est ob *splendorem* et *principatum* inter coeli corpora etc. Cum ejusmodi igitur rebus et hominibus comparamus res et homines, si opus erit: v. c. Cum dico *valde te amo*, *impense te amo*, non tam perspicue loquor, quam ubi meum amorem cum amore magno aliorum eoque noto comparo, v. c. parentum erga liberos, vel liberorum erga parentes, et v. c. dico: *Amo te ita, ut pater filium* vel *filius patrem amat*, vel *ut pater filium*

filium non magis amare possit; vel Qualis amor parentum erga liberos esse solet, talis est meus erga te.

Comparatio potest esse latior, brevior, et brevissima. — *Latior*, quando rem, cum qua aliquid comparo, antea explico, argumentis confirmo et illustro. V. c. *Comparisonem amoris mei erga aliquem cum amore paterno ita latiore reddere possum: Magnus esse solet amor parentum erga liberos, nec quidquam fere est, quod ad ejus similitudinem accedat. Nihil enim est, quod illi horum utilitati, commoditati, et felicitati non tribuant. Imo parentes saepe suae commoditati et utilitati commoditatem et utilitatem liberorum anteponunt. Sed, quamquam iste amor eximius et singularis esse solet, tamen dubito, an amor, quo ego in te incensus sum, illi amori cedat etc.* Potest etiam res, quacum rem comparo, comparisone cum alia re magna illustrari. Sic Cicero pro Marcell. 2 comparans clementiam Caesaris Marcello praestitam cum ejus rebus gestis, has antea docet esse maximas, et, ut hoc doceat, comparat eas cum aliorum rebus gestis et confirmat has longe ab illis superari. Postquam itaque planum fecit, res Caesaris gestas esse summas et singulares, tum docet, iis superiorem tamen esse istam clementiam, idque argumentis confirmat. Totus locus, qui est paulo longior, est legendus. — *Brevior* est comparatio, v. c. quando res, cum qua aliquid comparatur, non explicatur nec argumentis confirmatur nec per aliam similitudinem illustratur, sed pro nota sumitur: v. c. *Magnus esse solet amor parentum erga liberos: quis hoc negat? Attamen meus erga te amor ab illo minime superatur.* — *Brevissima* est, si paucis vocabulis constat, v. c. *amo te, ut patrem: vel Qualis liberorum amor erga patrem, talis meus est erga te.* Potest etiam interdum particula comparandi *ut* etc. omitti, v. c. *Tu pater mihi es: in te patrem veneror etc.* Haec est origo metaphoræ: nam in ea particula similitudinis tantum omittitur, atque ita tota similitudo

uno

uno vocabulo exprimitur, ut in loco de metaphora p. 103 ff. dictum est.

Debet vero omnis comparatio esse *apta*. Hinc 1) res, quacum comparare aliquid cupis, debet esse *vera*. Unde res fictae omittendae sunt omnes, v. c. *Phoenix*, avis quaedam priscis nominata, *cantus cygnorum tempore mortis*, *Elysium*, amor *Pelecani erga pullos* etc. Cum talibus rebus nulla debet comparatio institui: nam si res ipsa non est nec fuit, multo minus similitudo inesse apta potest. 2) in rebus veris videndum, ut similitudo, quam quaeris, vere insit: hinc homines cum hominibus, res cum rebus, nec homines facile cum rebus vel res cum hominibus compares. Peccarunt hic interdum prisci: v. c. Caesar comparavit multitudinem interfectorum cum longitudine temporis B. Gall. II, 11 extr. ita loquens: *Ita sine ullo periculo tantam eorum multitudinem nostri interfecerunt, quantum fuit diei spatium*, dicere debebat: *quantam licebat per diei spatium*. 3) debet etiam in comparandis hominibus eorum dignitatis et ordinis ratio haberi, ut v. c. regem cum rege, vel saltem non multo inferiore, ducem belli cum duce belli comparemus, nec v. c. militem quemvis cum rege, licet utriusque factum simillimum sibi sit, v. c. uterque mortem aequissimo animo contemserit. Sic hominem fortissimum in bello, at simul propter alias virtutes notum, non comparare debemus cum homine, licet fortissimo, at propter malefacta noto. Sic neminem, quem ob laboris patientiam laudare velim, comparem cum Catilina, quia hic sceleribus et flagitiis simul innotuit. Omninoque in comparatione rei cum re vel hominis cum homine videndum, ne ideae secundariae tales in animo lectoris vel auditoris excitentur, quae toti rei officere possint. Sic institutionem magistri nolim comparare cum fimo, licet res utraque inter se haecenus conveniat, quia, ut fimo agrum molliet et fertilitatem adjuvat, sic institutio bona mentem

animumque emollit fertilemque reddit. Injucunda enim simul excitetur idea.

Porro comparatio potest quadrupliciter institui, ut vel par cum pari, vel majus cum minori, vel minus cum majori, vel contrarium cum contrario comparemus. Quadruplex hic usus saepius occurrit apud Ciceronem:

1) *Par res vel homo confertur cum pari*: v. c. victoria cum victoria, orator cum oratore, poeta cum poeta: ubi fere sic concluditur, quod alteri convenit, id etiam alteri convenire debere. Sic Cicero Arch. 6 comparat suum studium artium humaniorum cum aliorum studio voluptatum et ait: *Quare quis tandem me reprehendat, aut quis mihi jure succenseat, si, quantum ceteris ad suas res obeundas, quantum ad festos dies ludorum celebrandos, quantum ad alias voluptates et ad ipsam requiem animi et corporis conceditur temporum, quantum alii tribuunt tempestivis convivis, quantum denique aleae, quantum pilae, tantum mihi egomet ad haec studia recolenda sumsero?* — Ibid. c. 8 comparantur Homerus et Archias, ac docetur, multas civitates certasse de Homeri patria, voluisseque eum civem habere; hinc colligit Cicero: *Ergo illi alienum (Homerum), quia poeta fuit, post mortem etiam expetunt: nos hunc (Archiam) vivum, qui et voluntate et legibus noster est, repudiamus?* Nonne in priori loco per comparisonem fit perspicuum, quam aequum sit, Ciceroni studia literarum non invidere, et in posteriori loco, aequum esse Archiae civitatem non eripere? — Ibid. c. 9 extr. et 10 in. comparatur Archias cum Ennio: docet Cicero, quam carus fuerit Ennius Romanis, ac concludit: *Ergo illum, qui haec fecerat, Radium hominem, majores nostri in civitatem receperunt, nos hunc Heracliensem (Archiam) multis civitatibus expetitur, in hac autem legibus constitutum, de nostra civitate ejiciemus?* Nonne ita magis intelligitur, indignum esse, civitatem adimere Archiae, cum Ennio tributa sit? Ac sic saepissime.

2) *Minor res vel homo cum majori comparatur*, haecenus, ut appareat, si res major non magnam vim habuerit, si homo major non multum effecerit, non mirum esse debere, si res vel homo minor multo minus efficere possit etc. Hoc valet ad hominem et rem excusandam eique adeo aliquid laudis conciliandum.

3) In primis notanda est comparatio *majoris rei cum minori*, qua nihil ad persuadendum et ad rem illustrandam accommodatius est. Instituitur ea sic, ut primum res minor ita explicetur et illustretur, ut etiam maximam esse appareat, deinde addatur, eam tamen parvam esse prae illa re, quam cum illa comparamus, v. c. si comparamus virtutem cum doctrina illamque hac praestantiorē esse declarare volumus, dicimus v. c. *Doctrina est haud dubie res praeclara et ab omnibus appetenda: mentem enim illustrat etc. At quanto praeclarius est virtus? Nam etc.* addendae enim sunt causae, cur virtus praeclarius sit. Nihil frequentius apud Ciceronem. Pertinet huc in primis locus supra laudatus Marcell. 2, in quo comparatio latissime tractata est: Docere omnino vult, clementiam Caesaris erga Marcellum praestitam esse omnium rerum summam. Comparat ergo eam cum rebus bellicis a Caesare praeclare gestis. Has primum valde extollit: *Nullius, inquit, tantum est flumen ingenii, nulli dicendi aut scribendi tanta vis, tanta copia, quae non dicam exornare sed enarrare, C. Caesar, res tuas gestas possit. Sed affirmo, et hoc pace dicam tua, nullam in his esse laudem ampliorem, quam eam, quam hodierno die consecutus es.* Deinde latius instituit comparisonem rerum gestarum Caesaris cum rebus gestis aliorum imperatorum, valdeque illas laudat et concludit: *Quae quidem ego nisi tam magna esse fatear, ut ea vix cujusquam mens aut cogitatio capere possit, amens sim.* Postquam has bellicas laudes summopere extulit, tum incipit sensim extenuare, ut clementia major videatur, quam rem argumentis confirmare studet. — Sunt et breviores comparationes, v. c. Arch. 8 comparatur Archias cum Roscio histrione: *Quis nostrum tam animo agresti ac duro fuit, ut Roscii morte nuper non commoveretur (i. e. doleret)? qui cum esset senex mortuus, tamen, propter excellentem artem ac venustatem, videbatur omnino mori non debuisse.* Ergo ille corporis motu tantum amorem sibi conciliarat a nobis omnibus: nos animorum incredibiles motus celeritatemque ingeniorum negligemus? Cicero hac comparatione hoc studet efficere, ut appareat, si Roscius propter artem corporis tantopere amatus fuerit, multo magis decere amari Archiam propter artem ingenii, ut sic loquar, h. e. poesin. — Ibid. c. 10 comparat Archiam cum poeta quodam malo, cui Sulla praemium dederat hac conditione, ut nil scriberet: unde Cicero colligit et verisimile reddit, Sullam multo magis Archiam expetituram et civitate romana donaturum fuisse. Manil. 5 in. Cicero stu-

det Romanos ad bellum cum Mithridate redintegrandum incitare; quod ut efficiat, docet, quanto minoribus saepe de rebus majores bella gesserint; ut hinc appareat, eo magis nunc ob ignominiam magnam a Mithridate acceptam bellum cum hoc rege gerendum. Dicit: *Majores vestri saepe mercatoribus ac naviculariis injuriosius tractatis bella gesserunt: vos tot civium romanorum millibus uno nuntio atque uno tempore (ab Mithridate) necatis, quo tandem animo esse debetis? Legati quod erant appellati superbis, Corinthum patres vestri, totius Graeciae lumen, extinctum esse voluerunt: vos eum regem inultum esse patiemini, qui legatum populi romani, consularem, vinculis ac verberibus atque omni supplicio excruciatum necavit? Illi libertatem civium romanorum imminutam non tulerunt: vos vitam ereptam negligetis? Ius legationis verbo violatum illi persecuti sunt: vos legatum populi omni supplicio interfectum inultum relinquetis? Quis non hinc videt, Mithridatem bello esse persequendum? — Add. Arch. 12, ubi de gloriae cupiditate loquitur: An, cum statuas et imagines, non animorum simulacra, sed corporum, studiose multi summi homines reliquerunt, consiliorum relinquere ac virtutum nostrarum effigiem nonne multo malle debemus, summis ingeniis expressam et politam? Studet planum facere, quam carus sit habendus Archias, cum ejus poesis serviat celebrandis nominibus claris: nam per summa ingenia intelligit poetas, quorum versibus facta clarorum virorum celebrari solebant.*

4) Etiam contrarium cum contrario comparatur, ut illius vera ratio melius appareat, e vulgari regula: *opposita juxta se posita magis elucescunt*. Sic Cicero vitam urbanam cum vita rustica comparat in Orat. pro Rosc. Am. 27; frugalitatem cum luxuria Tusc. V, 33 seq.; Verrem cum Pisone Frugi Verr. III, 25, ubi docet, hunc nimis diligentem fuisse in provincia, ita, ut, cum annulum sibi faciendum curaret, hunc in foro coram omnibus fieri juberet, et aurum palam appenderet artifici, Verrem contra parum diligentem in vasis aureis multis faciendis: *Verrem cum Marcello Verr. III, 54, ubi docet, hunc in bello magis pepercisse Syracusanis, quam illum in otio, et claudit: Conferre Verrem, non ut hominem cum homine comparetis, ne qua tali viro mortuo fiat injuria, sed ut pacem cum bello, leges cum vi, forum et jurisdictionem cum ferro et armis, adventum et comitatum cum exercitu et victoria conferatis*. Sic comparat Dionysium tyrannum cum Archimede Tusc. V, 20—23.

SECT. XVIII

13) De repetitione idearum.

Tertius decimus fons propior perspicuitatis in explicandis illustrandisque notionibus est *crebra repetitio rerum* s. *notionum*: qua nihil ad perspicuitatem ac gravitatem dicendi magis accommodatum et necessarium esse potest. Ea nituntur multae figurae rhetoricae, ut anaphora, epiphora etc., quae nihil aliud sunt quam repetitiones notionum. Notiones, non omnes, sed eae, ad quas lector auditorve praecipue attendere debet, quas ejus interest in primis tenere, quia illis superstructa est tota orationis compages et consilium totum dicentis et scribentis, v. c. thesis, argumenta horumque argumenta etc., saepissime et omni occasione repetendae sunt, ut memoriae lectoris vel auditoris firmiter inhaereant, ex eaque ne elabantur: his enim elapsis ceterae notiones corruunt ac frustra prolatae sunt. Semel enim dicta facile oblivioni traduntur, et vel attentissimus quisque non potest facere, ut non interdum hanc vel illam notionem, propter multitudinem aliarum notionum, amittat. Repetitionem igitur necessariam esse patet: quaeritur tantum, quomodo sit instituenda. Fieri hoc debet plerumque recte h. e. ita, ut lector vel auditor vix sentiat, se eandem notionem iterum vel aliquoties audire aut legere. Quatuor modis hoc fieri potest ac debet et continuo et interjectis verbis:

1) *Continuo* una res s. notio bis, ter, ac saepius repeti potest, sed aliis verbis, modo affirmative modo negative, modo tropice modo proprie, aliave ratione. V. c. *liberalitas* et *beneficentia*, *factum* et *consilium*, *pugnare* et *eniti* (Cic. ad Div. III, 10 §. II), *frangere* et *debilitare*, *peccatum* et *error*, *aversari* et *exsecrari*, *praeclarum* nec *ubivis obvium* etc. Haec de singulis notionibus; de quibus supra p. 385 ff. dixi in cap. de *copia dicendi*, ubi monui, posse duo ac plura verba (ad exprimendam unam notionem)

jungi, 1) quorum unum causam, alterum effectum, notet, 2) quorum unum exprimat notionem antecedentem, alterum consequentem indicet, 3) quorum unum rem totam vel genus, alterum (vel cetera) partes vel species, designet, 4) quorum alterum sit tropicum, alterum proprium, vel quorum unum ex hoc, alterum ex illo, tropo ductum, 5) quorum alterum fortius sit altero, 6) quorum alterum positive, alterum negative, sit dictum, omninoque 7) quorum alterum ab altero saltem paulum differat. — Eodem modo in junctis notionibus vel enuntiationibus (Sätzen) agendum est: v. c. Si thema sit: *mors non est extimescenda*, et causa, *quia omnibus instat*, possim hanc causam fortasse ita exprimere varie ac repetere: *Mors enim instat omnibus hominibus: nemo ab ejus periculo liber esse potest. quisque, sive sit dives sive pauper etc., mortalem se esse fateatur necesse est: possis longius progredi, si velis: Haec est communis sors, quam frustra tentamus effugere: Nullae lacrymae, nullae preces, nullae divitiae, nullae opes liberare hinc possunt: Omnes expectat idem fatum etc.*

2) Maxime vero notiones et enuntiationes praecipuae, ut thesis, argumenta eorumque argumenta, et quidquid orator et scriptor pro re notabili habet, id post interjecta plura verba repeti debet. Hic eadem variatione, de qua paulo ante dixi, utendum est, ut repetitio ejusdem notionis et enuntiationis non facile a lectore et auditore sentiat. Aegre enim ferret lector vel auditor, si eandem rem iisdem verbis saepe repeti videret, quia crederet, se pro puero haberi, cui eadem res saepius repetenda esset. Nemo enim est, qui non credat, se rem aliquam memoria tenere posse. At, si lector vel auditor eandem rem alia verborum forma et veste videt, opinatur, se aliud quid videre: manetque in hoc errore, nisi in arte dicendi ipse valde exercitatus sit: sed vel exercitato placet ista variatio. Cicero hac in ratione excellit, ut appareat, quam parum valeat eloquentia sine ista repetitione. In Agr. II, I seq. hanc notionem: *Ego homo novus factus sum consul meo anno*, saepe repetit: dicit primum: *Me primum hominem novum consulem fecistis*: deinde: *eum locum, quem nobilitas praefidiis firmatum atque omni ratione obvallatum tenebat, me duce rescidistis etc.* porro: *neque me tantummodo consulem — sed ita fecistis, quomodo pauci nobiles consules facti sunt, novus ante me nemo*: deinde: *reperietis, me esse unum ex omnibus novis hominibus — qui consulatum petierim, cum primum licitum sit; consul factus sim, cum primum petierim etc.* Postea: *Est illud amplissimum, quod hoc honore ex novis homi-*

*Nullus in terra
est locus, ad quem
dives morte transire
possit.*

hominibus primum me multis post annis affecistis; quod prima petitione, quod anno meo: deinde: me non extrema tribus — sed una voce universus populus romanus consulem declaravit: et c. 3 Cum me intelligam — universi populi romani iudicio consulem ita factum, ut nobilissimis hominibus longe praeponerer etc. — Ibid. quater promittit se fore popularem consulem: cap. 3 ait: non solum hoc in loco dicam, sed et in senatu dixi, popularem me futurum esse consulem: et paulo post: Neque enim ullo modo facere possum, ut — non et in hoc magistratu et in omni vita sim (sic leg. pro essem) popularis. Cap. 4 Quae cum cernerem — dixi in senatu, me popularem consulem futurum. Et paulo post: Quare qui possim non esse popularis etc. In vocabulo popularis non poterat uti variatione sed id servare cogeбatur, quia tum solenne erat, et Cicero mentem suam consiliumque ambiguo hoc vocabulo tegere volebat. — Sic idem Cicero in Maniliana quoties repetit, vectigalia esse in periculo, Pompejum esse virum magnum omnibusque virtutibus imperatoris ornatum, et dignissimum qui mittatur adversus Mithridatem! — Unum exemplum adhuc illustrationis causa addam hoc: Si thema sit: mors non est extimescenda nimis hominibus, ejusque primum argumentum sit hoc: quia omnibus instat: hoc argumentum s. notio haec: mors instat cuique, saepissime ac saltem toties, quoties hoc argumentum novo argumento confirmatur, repeti debet. Possit ergo fortasse ita dici: Prima causa, cur mortem non nimis extimescere debeamus, est, quia omnibus instat, atque adeo frustra eam effugere tentamus. Hoc primum docet experientia quotidiana: Non fere est dies, qui istam vim mortis non declaret. Quotidie videmus vel audimus homines omnis generis ad locum sepulturae efferrī. Nec mors tantum pauperes, debiles, humiles et contentos vocat, sed et divites, robusti, principes et honorati triste ejus imperium experiuntur. Quis itaque id, quod effugere nequeat, nimio opere extimescat? Quis est tam infirmo animo, ut, quod omnibus commune est, quod certo scit ad se venturum, hoc ei angorem vel horrorem incutiat? etc. Corporis deinde (alterum argumentum primi argumenti) nostri structura ipsa nos docet, nos non immortales natos esse. Tam fragile enim est atque caducum, ut facile praevideamus, fore, ut aliquando corruat. Quod si ita se res habet, quis tam stultus esse potest tamque parum sui memor, ut, quod fore aliquando certo praevideat, id adeo horreat, si quando fiat; et ut hospitem illam, cujus adventum certissimum esse dudum norit, summo horrore et tremore expectet. Non

sapientis est, id anxie horrere, quod mutari vitarique nequeat etc. Poterant ac debebant haec longe latius explicari, illustrari etc., si necesse esse hoc loco putassemus.

3) Figurae illae rhetoricae, *anaphora, epiphora, symploce* et *epizeuxis*, huc pertinent: repetunt enim hae eandem notionem efficiuntque, ut ea menti lectoris et auditoris saepius obversetur; qua re ut perspicuitatem ita deinde simul gravitatem adiuvare quis non videt? *Anaphora* repetit notionem eandem in principio enuntiationum connexarum, v. c. *Deus nobis vitam dedit, Deus nos sanitate donavit, Deus nos mente instruxit* etc. *Epiphora* repetit notionem in fine enuntiationum, v. c. *Doletis tres exercitus populi romani interfectos? interfecit Antonius. Desideratis clarissimos cives? eos quoque vobis eripuit Antonius. Auctoritas hujus ordinis afflicta est? afflixit Antonius.* *Symploce* est conjunctio anaphorae et epiphorae, v. c. Cic. Agr. II, 9 *Quis legem tulit? Rullus. Quis partem populi privavit suffragiis? Rullus. Quis comitiis prohibuit? Rullus. Quis tribus, quas voluit, vocavit, multo custode sortitus? Quis decemviros, quos voluit, renuntiavit? Idem Rullus. Quem principem renuntiavit? Rullum.* Quis inde non perspicere poterat, quam periculosa Rulli lex foret? *Epizeuxis* repetit eandem notionem continuo iisdem verbis, v. c. *Deus, deus hoc fecit:* sic Cic. Catil. I, 1 *nos, nos, dico aperte, consules desumus* h. e. nos consules soli sustinemus causam, cur nondum Catilina supplicio affectus sit. Font. 7 in. *Fuit, fuit illis iudicibus divinum ac singulare consilium* etc.

4) Tandem in fine orationis, qui epilogus vocatur, solent argumenta eorumque argumenta, sed haec brevissime, una cum thesi repeti, ut lector vel auditor denuo summam dictorum colligere et argumenta cum thesi comparare atque ita sibi de thesi persuadere possit. Hac de re nihil dicere hic attinet. Quis enim hoc non observet?

SECT. XVIII

14) De pictura rei addenda.

Quartus decimus fons propior perspicuitatis in explicandis illustrandisque rebus s. notionibus est *pictura rei* s. *descriptio rei vivida*, quam vulgo diatyposin et hypotyposin, nomine graeco eoque notiori, appellant. Cernitur illa in eo, cum res aliqua ita narratur vel potius

tius depingitur, ut ei interesse et oculis ipsam fere cernere videamur. Id quod fit, si quaedam ejus partes seu circumstantiae, sensibus subjectae, in primis eae, quae oculis percipiuntur, recensentur. Qua re quin perspicuitas rei valde adjuvetur, quis dubitat? sic Livius praelia saepe ita depingit, ut iis interesse et pugnantem videre videamur. Sic Cicero, Antonii computationem describens, Phil. II, 41 hanc ita auditoribus perspicuam reddit, ut auribus et oculis subjiciat: Ait: *personabant omnia vocibus ebriorum: natabant pavimenta vino: mdebant parietes etc.*: sic Ligar. 3 extr. *Quid enim, Tubero, destrictus ille tuus in acie Pharsalica gladius agebat? cujus latus ille mucro petebat?* etc. — At cavendum est, ne particulas rei seu circumstantias eas, quae nauseam creare possint, memoremus. Peccavit hic Cicero Phil. II, 25 extr. *In coetu vero populi romani, negotium publicum gerens, magister equitum, cui ructare turpe esset, is vomens, frustis esculentis, vinum redolentibus, gremium suum et totum tribunal implevit.* Quis verba haec sine nausea legere potest? Cicero ergo peccavit, odio gravissimo in Antonium incensus, quem omni occasione Romanorum contemptui exponere et omnibus deridendum propinare studebat. Hoc odium eum abripuit eo, ut pudorem adeo offenderet.

SECT. XX

15) *Additamentum ad fontes perspicuitatis rerum.*

Hi erant fontes perspicuitatis rerum praecipui. Plures haud dubie detegi poterunt, si quidem in legendis magnis oratoribus singula accurate contemplemur, et, unde ducta sint, inquiramus. Nam ipsi oratores saepe nesciunt, unde singula, quae protulerint, hausta sint: unde errant, si qui opinantur, e Ciceronis libris rhetoricis omnia praecepta perspicuitatis atque etiam eloquentiae disci posse. Possunt v. c. ad perspicuitatis fontes in rebus explicandis referri

1) *Brevitas*: Saepe enim brevis magis prodest perspicuitati quam copia. Interdum interest lectoris et auditoris notiones quasdam statim et simul audire, ut adeo peccet orator et scriptor, si divellat et singulas late explicet. In narando in primis saepe decet nonnullas res, quam celerrime et artissime fieri potest, jungi. Cf. supra p. 490 ff. caput de brevitate dicendi.

2) *Ordo idearum*. Ideae debent conjungi, prout earum natura postulat: de qua re supra in Parte priori p. 210 ff. late dictum est. Non facile alienae ideae debent immisceri, saltem non multae: vocatur haec parenthesis. Hinc longas parentheses easque crebras, quantum quidem fieri potest, vitare debemus: saltem, si parenthesi paulo longiori supersedere non possumus, debemus post illam repetere notiones priores, saltem notionem primariam, ut contextus interruptus quodam modo restituatur.

3) *Modestia in acumine adhibendo*. Qui acute loqui nimis cupit, saepe incidit in obscuritatem.

4) *Subtilitas in omni re attendenda*, v. c. ut videamus, utrum praedicatum toti subjecto an ejus parti rectius conveniat: v. c. *offendere alicujus animum* pro *offendere aliquem*: *vulnerare alicujus corpus* pro *vulnerare aliquem*: sic *puppi* advertere litori vel ripae pro *navem advertere* etc. Huc pertinet subtilitas in jungendis duabus ideis, ut v. c. praedicata conveniant subjectis, v. c. ut dicamus *gradus altus*, non *gradus magnus* etc. Referuntur talia vulgo ad vocabula: hinc et ibi de ista re dicemus.

SECT. XXI

B) De fontibus perspicuitatis propioribus in usu vocabulorum.

Sequitur alterum genus fontium perspicuitatis propiorum pertinens ad verba eorumque usum. Magna, imo interdum omnis, perspicuitas in eo nititur. Nam, nisi verba talia sunt, ut per ea res vere exprimatur; nisi singulis notionibus accurate respondent; nisi recte juncta et collocata sunt; nisi, quidquid dilucide cogitavimus, id aequae dilucide oculis lectorum et auribus auditorum exponere possumus: nunquam dicemur perspicue dicere vel scribere. Iam de recto verborum usu

usu etsi supra in Parte hujus libelli priore c. 2 multa diximus, tamen et hic nonnulla monere non inutile erit. Perspicuitas dicendi, quod ad verba attinet, quatuor rebus consistit: 1) vocabulorum singulorum delectu 2) compositione 3) ordine 4) connexionione. De his igitur pauca dicentur, sed ita, ut lectores cum his ea quae Parte priore dicta sunt, conjungere velim, quia sine supra dictis haec, quae nunc dicentur, non satis intelligi nec satis prodesse possunt.

SECT. XXII

1) De delectu vocabulorum singulorum.

Primus fons propior perspicuitatis in vocabulorum usu est *delectus* isque rectus *vocabulorum singulorum*.

Hic notanda sunt haec:

1) *Primum debent eligi vocabula vera*, h. e. ea, quae vere apud priscos Latinos occurrunt, atque ita vere latina sunt. Nam, si non leguntur apud priscos Latinos, non credibile est ea ab auditoribus et lectoribus intelligi. Omittenda igitur sunt

1) *Graeca vocabula omnia*, si quidem fieri potest h. e. si latine exprimi possunt. Peccant hic multi, qui libenter immiscent graeca latinis, v. c. ubique dicunt κατ' ἐξοχήν, ὡς ἐν παρόδῳ, ὁ πᾶν Casaubonus h. e. *celeberrimus* etc. Nam non omnes lectores et auditores intelligunt graeca, qui latine sciunt. — Excipiuntur graeca vocabula a Latinis jam recepta et latina veste donata, v. c. *museum*, *tropaeum* etc. Tolerari haec possunt, quia jam satis nota sunt et intelliguntur. Tolerari etiam potest, si quis quid graeco vocabulo exprimit, quia latino non potest: at hoc raro fieri solet, modo latine loqui velis. Pertinent huc figurae rhetoricae, quae forsan omnes latine verti vel saltem veste latina indui possint: sed illud longe melius. Nihil magis perspicuitati nocet, et ambiguitati magis prodest, quam vocabula peregrina in eam linguam, qua in scribendo et dicendo uteris, recipere. Si omnes et dicentes et scribentes inde ab omni tempore hoc vitassent,

vitassent, et omnia vocabulis linguae suae, iisque popularibus, expressissent, multae disensiones et sectae non exstissent. — Verba peregrina in linguam aliam inuenta amittunt sensum aliquid notionis vel aliquid adsciscunt: donec tandem vera notio vel pereat vel valde obscura et ambigua fiat. Docent hoc vocabula *Logice*, *Philosophia*, *Philologia*, *Evangelium Matthaei*, et sexcenta alia. Quis haec nomina intelligit sine explicatione et definitione? At, si cui nomini demum explicatio seu definitio addenda est, nonne hoc indicat, illud esse per se obscurum vel ambiguum? Huc pertinent ea, quae ad verbum sunt translata, v. c. *regeneratio*, *fides in Christum*, *consummatio saeculi* etc. Iam, si vocabula peregrina sunt praeterea tropica, difficultas eorum et obscuritas magis augetur.

2) Omittenda sunt vocabula recens inventa, et in Theologorum, Iureconsultorum, Medicorum, Philosophorum, aliorumque libris et orationibus interdum obvia: quia non sunt vocabula vere latina. Tolerari tamen debent, si sunt per necessitatem inventa, v. c. *infusum*, ut a *decocto* discernas etc. Sed unde discimus, quae vocabula sint priscorum, et quae sint recens inventa? Maxime e lectione priscorum: haec est certissima magistra: at, quia ea ab omnibus postulari non potest, prodest lectio librorum, in quibus vocabula recens facta collecta sunt, quales sunt *Cellarii Antibarbarus* et *Curae posteriores*, *Vorstii libellus de latinitate merito suspecta*, *Iensii Collectanea purae et impurae latinitatis* etc., it. usus Lexici boni. Attamen non credendum est in his libris omnia contineri. Quis enim mortalium omnia ista colligere possit? Talia vocabula sunt v. c. *abbreviatura*, *aequipollentia*, *aptitudo*, *coacte*, *concivis*, *confrater*, *condescendere*, *controvertitur*, *correcte*, *extemporaneus*, *filialis*, *gratitudo*, *impraegnare* etc.

3) Omittenda sunt vocabula dubiae auctoritatis, h. e. quae quidem adhuc in scriptoribus priscis, saltem in multis eorum editionibus, leguntur, sed quae Critici vel ejecerunt, vel ejicienda adhuc censent, quia non videntur a scriptore profecta, vel quae aliis de causis incerta sunt. Talia sunt *accereso*, *accensio*, *divertere einkehren*, *multare pro mulcare* i. e. *verberare*, *percutere*, *periculum* ap. Nepot. in Epam., *vendico* pro *vindico* etc. Sed unde haec et similia discas? E lectione priscorum, si quidem uteris editionibus Criticorum, v. c. Gronoviorum, Graevii, Burmanni, Gesneri, Ernestii etc.: in primis si ipse es Criticus eque contextu et ope Codicum manu scriptorum atque ingenio lectione priscorum subacto judicare potes, quid prisci

prisci scripserint, quid non. Ac dolendum est, in scholis tractari vulgo ab adolescentibus, imo saepe ab ipsis magistris, editiones vulgares et ab imperito homine profectas: unde falsa vocabula inde a prima aetate discuntur. Quid juvat opera Criticorum hanc in rem adhibita, si eam ignoramus, nec uti possumus aut volumus? Sed hinc apparet etiam utilitas et necessitas artis criticae in explicandis priscis, et quam perperam agant ii, qui ad aetatem adolescentum in scholis non accommodatam esse dicant: Imo nullam sententiam in ullo prisco scriptore ac ne vocabulum quidem explicare tuto possum, nisi scio hoc esse a scriptore profectum. Alioquin vitia explico et discenda tironibus trado.

Ceterum, etsi vocabula diximus vere latina esse debere, tamen id haecenus volumus intelligi, quatenus sufficiunt ea ad explicandas nostras notiones. Hinc toleranda sunt multa recentiora, v. c. *Archidux*, *Abbas*, *Vasallus*, *angelus*, *infusum* etc., ut infra dicetur. Nam non habemus vocabula vere latina, quae iis salvo sensu substituantur.

II) *Deinde* in exprimendis ideis *eligi debent vocabula nota*, ut lectores et auditores intelligant, quid dicamus. Difficile est dictu, quid cuique notum sit. Nam aliis ea sunt nota, quae aliis ignota sunt. Per *nota vocabula* intelligo ea, quae credere possumus ab omnibus, qui linguam latinam quodam modo callent, intellectum iri. Hinc usurpanda sunt non nisi ea, quae a) in aetate aurea, quae vocatur, usitata fuere: nam libri hujus aetatis maxime leguntur; hinc vocabula in illis obvia lectoribus et auditoribus nota esse credibile ac notiora, quam quae sunt aliarum aetatum, in primis vocabula Ciceronis: hujus enim libri praecipue leguntur, ut propterea vocabula in illis occurrentia sint notiora quam alibi obvia. b) *Deinde* in his *usitatis* vocabulis eligenda sunt *maxime usitata* h. e. ea, quae in scriptoribus aureae aetatis, in primis in Ciccone, creberrime occurrunt. Nam, talia notiora esse omni lectori et auditori debere quam raro occurrentia, sponte intelligitur. Hinc sequitur, ut, quantum res patiatur, omitantur

I) Vocabula ea, quae non in aurea aetate occurrunt. Sed unde ea novimus? E lectione maxime ipsa istorum scriptorum, et e bono Lexico. Recensebo magnam partem eorum, quae nunc quidem, quantum scio, in libris priscorum aureae aetatis non leguntur: anon vero aliquando ab editoribus
inse-

inferi possint nonnulla illorum, non confirmare possum: *Abbas* et *Abbatissa*, abbreviatura, abbreviare, abominabilis et abominatio, acquisitio, additicius, adoptatio, aequanimiter, aequanimis, aequipollentia, affectuosus, affirmativus, affirmative, agonizare, albedo, aliquid, aliquanti i. e. aliquot, aliquatenus, amantissimus, amabiliter, anathema, angustiare, animalculum, animatus, annihilare et annullare, annuatim, apostata, appropriare, aptitudo, *Archidux* etc., archivum, armistitium, assistentia, assuefactio, augmentare, balbuties, baptismus, baptizare, benefactor, beneplacitum, bestialis, blasphemia, bibliothecarius, bibo subst., boatus, bovinus, breviarium, caespitare s. cespitare, cambium, calculare, canonizare, captivare, carentia, carminice, carnalis, carnaliter, casualis, casualiter, certitudo, coacte, coadjutor, coequalis, coetaneus, coevus, coelitus, coincido, combinare, Comitissa, commendatorius, commensalis, compater, compazior, complacentia, complices, computus, concernit (i. e. attinet ad) concivis, concordantia, concupiscentia, condescendere, condolentia, confiscare, confoederare, confoederatio, confortare, confrater, congrue, connumerare, consistorium, consortium, constellatio, contrariari, contradictorius, e, contribulis, controvertitur, conversari i. e. umgehen, sich aufhalten, coordinare, cordialis, cordialiter, cordicitus, corporalis, corporaliter, correcte, correspondere, crapulari, creatura, crucifigere, cuprum, cursorius, cursorie, dapifer, decollare, decrementum, deitas, deprædare, deriso, desertum, desolatio, deteriorare, deviare, diescit, dietim i. e. quotidie, dignanter, districtus subst., diversicolor, diversimode, divisim, dolorificus, dolorosus, dubietas, Ducissa, econtra, edecumatus, efficaciter, effigiare, efformare, elemosyna, elucescit es erhellit, epitomare, epitomator, eremita, ethnicus, excommunicare, exhibitor, exinanitio, exorbitare cum derivatis, extemporaneus, extraordinarie, extrinsece, facilitare, famigeratus, favorabiliter, feriari, ficticius, fidejussor, figmentum, filialis, filialiter, finalis, finaliter, flavedo, fluxus substant., forpex, forficare, frontispicium, fructificare, frustraneus, fundamentalis, fundamentaliter, gehenna, glorificare, gratanter, gratitudo, habitaculum, hebdomadatim, hereditare, historiographus, homagium, hortulanus, humiditas, humiliare, hypocrita, idololatria, jejuna, ignominiose, ignoranter, illatio, illativus, illegitimus, immediatus, immediate, immoriger et immorigerus, impertinens, impenitens, impenitentia, importantia, impossibilis, impossibilitas, imprægnare, inadvertentia, incapax, incertitudo, incessabilis, incessabiliter, incessanter, incidenter, incolatus, incongruus, inconsideranter, inconsideratio, incoram, incorporealis, incorporealiter, incorrigibilis, incorrigibiliter, incredulitas, incun-

anter,

tanter, incurabilis, incurabiliter, indefinenter, indigitare, indisciplinatus, infernalis, infinities, influxus, ingratitude, inobediens, insimul, inspidus, insolite, insufficiens, entia, enter, intelligibilis, intimare, intimior, intrinsece, invariabilis, invasor, inverecunde, inverecundia, irrationalis, irrationaliter, irrationabilis, irrationabiliter, irreconciliabilis, irregularis, irregulariter, irremissibilis, irreverenter, tia, invisibilis, invisibilitas, invisibiliter, itinerarium, iuramentum, iustificare, labilis, licite, liga, longanimus, longanimitas, lubricitas, lucta, maledictus, manductio, martyr, martyrium, matricula, medie, medietas, mediate, mediator, meliorare, mensurare, meridionalis, minorare, miraculosus, modernus, molestare, momentaneus, momentaliter, monachus, monialis, monoculus, mortificare, multoties, necessitare, negativus, negative, neotericus, neutralis, nigredo, nimietas, notorius, notorie, novendecim, nullatenus, nullibi, obtenebrare, obviare, occidentalis, octodecim, ocularis, oculariter, orthodoxus, orthodoxe, ordinarie, oscitantia, pacifice, paenultimus, parochia, partialis, passio, peccamen, peccaminosus, peccator, peccatrix, perlator, perpendiculariter, pientissimus, pinnaculum, plausibiliter, pompose, populosus, possibilis, possibilitas, praenominatus i. e. praedictus, praeprimis, praesentaneus, praesentare, praeservare, praesupponere, primicerius, primordialis, primogenitus, prioritas, profunditas, proficius, prolongare, promanare, promitudo, propalare, prophetare, proportionaliter, protectio, protector, protoplasti, purificare, puritas, pusillanimis, pusillanimitas, qualisqualis, quantocius, ratificare, realis, realiter, recenter, recommendare, recompensare, rectitudo, redargutio, redhostimentum, refrigerium, reiteratio, repedare, respective, restaurare, resurrectio, reverenter, reverendissimus, revisio, rigorosus, salvator, salvificare, sanctificare, sanctificatio, sapidus, scandalum, scandalosus, scholaris, scibile, scortatio, scrutinium, septimana, septimanatim, signanter, situari, situatio, solummodo, somnolentus, somnolentia, sordities, specialis, specialiter spondaicus, spontaneus, stannum, sternutatio, subalternus, subalternare, subalternatio, subaudire, subintelligere, subjugare, sublimare, subsistentia, substantia, successivus, successive, sufficientia, sufficienter, summitas, superciliosus, superfluous, superioritas, supernaturalis, suppedaneum, supremitas, sustentaculum, tortura, totalis, totaliter, transmutatio, transsubstantiatio, triumphator, vacantia, vane, variabilis, vasallus, vaticinium, vegetativus, verificare, vernalis, viceversa, viror, visibilis, visibilitas, visibiliter, ullibi, ultime, ultimo et ultimato, unanimiter, uniformis, unigenitus, voluptuosus, voracitas, uxoratus, et sexcenta alia: quis enim cuncta commemorare vel tantum scire queat? Haec igitur vocabula omit-

omittenda sunt, si fieri potest h. e. si iis carere possumus. Multis enim horum vocabulorum carere possumus, iisque alia substituere, v. c. pro *adoptatio* dici potest *adoptio*, sic *aequanimitate* mutari potest in *aequo animo*, *affirmativus* in *affirmans*, *agens*, v. c. *enuntiationes agentes*: *armistitium* in *induciae*, *archivum* in *tabularium*, *assistentia* in *auxilium*, *assuefactio* in *consuetudo*, *boatus* in *mugitus*, *coequalis*, *coetaneus*, *coaevus* in *aequalis*, *concivis* in *civis*, *cordicitus* in *ex animo*, *correcte* in *emendate*, *nullibi* in *nusquam*, *multoties* in *saepe*, *novendecim* in *undeviginti*, *nigredo* in *nigror*, *prosciuis* in *utilis*, *profunditas* in *altitudo*, *restaurare* in *instaurare*, *salvator* in *servator* (i. e. *Erretter*), *salvificare* in *servare*, *solummodo* in *tantummodo*, *ullibi* in *usquam*: et sic in aliis agi potest: interdum et circumscribere licet. Sunt vero etiam non pauca, quae non bene commutari possint, nisi ubique lata circumscriptione uti velis, quae tandem taedio est, praesertim si nota jam sunt vocabula: v. c. *Abbas*, *Abbatissa*, *Archidux*, *Archimareschallus*, etc., *angelus*, *diabolus*, *bibliothecarius*, *canonizare*, *Comitissa*, *Monachus*, *Monialis*, *Pastor* v. c. *ecclesiae alicujus*, *Diaconus*, *Archidiaconus*, *Papa*, *Vasallus*, *paenultimus*, *occidentale imperium*, et alia multa nomina ordinis, dignitatis, et honorum, v. c. *Minister* regis etc., it. adjectiva honores designantia, *reverendissimus*, *praenobilissimus* etc., quae ejicere durum foret atque inhumanum. Sunt nota, et, quidquid vocabuli Ciceroniani iis substituas, nunquam id exprimit, quod vocabulum barbarum, more receptum, exprimit vel exprimere videtur. Sic et in rebus philosophicis, theologicis etc., agendum.

2) Sequitur deinde, ut omnia raro apud scriptores aetate aetatis et Ciceronem occurrentia vocabula omittamus, si quidem fieri potest, quia credibile est ea non cuivis lectori et auditori nota esse; ut taceam, talia vocabula his scriptoribus excidisse videri, atque ipsos non ea pro bonis habuisse, quia alioquin crebrius iis usi essent. Talia sunt v. c. *absque*, *causari*, *infideliter*, *genitor*, *genitrix*, *vituperium*, *servitudo* etc.

3) Etiam poetica h. e. quibus tantum poetae delectantur; ea sunt paulo duriora et communi dicendi usui plerumque ignota. Nam non omnia, quibus poetae utuntur, sunt poetica vocanda, sed quibus illi soli: quo forsitan pertinet *imputare*, *aequor* de mari etc. At de his non judicare potest, nisi qui lectioni priscorum jam assuetus est. In primis huc pertinent epitheta v. c. *altisonus*, *horrissonus*, *velivolus*, *flammiger* etc., quae nota esse debent ei, qui vitare vult.

4) Graeca,

4) Graeca, ut supra n. I dictum, quantum fieri potest, quia non omnibus lectoribus et auditoribus sunt nota.

5) Omnia recentiora, si iis carere possumus, quia non auditoribus et lectoribus omnibus nota.

6) Etiam in usu vocabulorum e mythologia et antiquitatibus doctorum cautio magna est adhibenda. Non semper sciimus, an auditores illa omnia intelligant: non omnes mythologiam et antiquitates eadem opera discunt: Imo saepe ne lectores quidem semper intelligunt, licet his tempus suppetat ad consulendos libros: ut taceam humanitatis esse, lectores, quantum potest fieri, hac molestia evolvendi libros liberare, ac propterea potius vocabula popularia sumere. Et quo quis peritior est linguae latinae, eo minus solet vocabula ex antiquitatibus romanis petere: praesertim cum, ut infra dicetur, raro in nostra tempora recte transferri possint.

III) *Vocabula debent sumi significatione nota.* Significatio nota est ea, quam saepissime apud priscos, in primis Ciceronem, occurrere certum est: nam tales significationes etiam iis notae sunt, qui non subtilissima linguae cognitione instructi sunt. Habent enim vocabula, per se bona et optima, interdum

1) *significationes rariores*, quae paucis notae sunt, quia non omnes linguam diligentissime discunt, v. c. *notatio* occurrit pro *etymologia* ap. Ciceronem; sic *gaudeo* interdum pro *habeo*; *utor* pro *indigeo*; *evadere* pro *fieri*; *supplicium* pro *supplicatio*; *ex tempore* pro *statim*, *subito*, semel dixit Cicero Arch. 8; *quasi* additum numeris pro *fere*, *circiter* etc., his abstinendum censeo.

2) habent nonnulla vocabula significationes dubias, de quibus adhuc lis est inter doctos vel quae nondum satis confirmatae sunt, v. c. *periculum* apud Nepotem in Epamin. 8, quod alii explicant per *columnam*, alii per *tabulas publicas*, das *Protocoll*, provocantque ad Ciceron. Verr. III, 7, ubi *scribis tabulae publicae periculaque magistratuum committi* dicuntur: sed nondum clarum est, Ciceronem per *pericula magistratuum* intellexisse *tabulas publicas*, praesertim cum hae ipsae jam nominentur, ut taceam Ciceronem dixisse *pericula magistratuum*, quod secus in Nepote, ubi Epaminondas petit a iudicibus, ut suo periculo certa verba inscribant: alii *periculum* tolli et cum alio vocabulo commutari volunt. — Sic denique Graevius explicat *ut paucis dicam, me expediam*, kurz zu

sagen: at potest hoc vocabulum plerumque per *tandem*, *postremo*, vel etiam per *adeo* *sogar* explicari, ut adeo ista Graeviana significatio inter fictas referri posse videatur. — Sic *humare* h. e. *humo tegere* explicant nonnulli per *cremare*, laudantque Ciceron. Leg. II, 22, ubi dicit, *sepultos* dici sua aetate quoque *humatos*; et Nepot. Eum. 13 extr., qui ait: *hi — humaverunt, ossaque ejus ad matrem — deportanda curarunt*. Quomodo potuerunt Eumenem *humare* i. e. *humo tegere* et deinde *ossa ejus ad matrem deportanda curare*? hinc colligunt, *humare* esse *cremare*. At a) Ciceronis locus non docet *humari* esse *cremari*. Cicero dicit tantum, sua aetate omnes *sepultos* i. e. *crematos* dici *humatos*. Recte: omnes *sepulti* i. e. *cremati* possunt dici *humati*, quia omnes homines, ubi combusti erant, *humabantur* h. e. *humo tegebantur*, ossa scilicet eorum: hinc per metonymiam *crematum* vocare possum *humatum*: at propterea *humari* non est plane *cremari*: ut nos quoque hominem *sepultum* pro *mortuo* dicimus: at propterea *mori* et *sepeliri* non eadem sunt. b) locus Nepotis haud dubie corrigendus est, et leg. *cremaverunt* pro *humaverunt*, ut jam Lambinus, praeclarus iudex bonae latinitatis, vidit. Rectius ergo ubique *humare* explicamus *humo tegere*. Ab ejusmodi igitur significationibus, nisi plane fictis, at dubiis saltem, abstinere debemus. Possint huc multa adhuc referri vocabula; itemque multae phrasae, v. c. *ad scenam ire* ap. Nepot., quod nondum clarum est esse idem quod *in scenam prodire* etc.

3) habent et multa vocabula adeo fictas significationes, quae apud priscos aureae vel argenteae aetatis non occurrunt, sed a recentioribus interdum vocabulis nonnullis tribui perperam solent: v. c. *advocare* pro *causas agere* s. *patronum causarum* esse; *ambitio* pro *superbia* et *ambiciosus* pro *superbia inflatus*, cum priscis sit *studium aliis valde placendi* etc.; *angustia* die *Angst*; *apparere* pro *videri*, cum sit *manifestum* esse; *avarus* pro *nimis parco et tenace*, cum sit *pecuniae nimis cupidus*; *bona opera* de *beneficentia* erga *egenos, miseros* etc.; *brachium saeculare* de *magistratibus*; *calumnia* pro *criminatione* alicujus coram aliis quacunque in primis privata et tecta, *Verläumdung*; *calamitas* pro *omni malo, fortuna adversa Unglück*, cum sit *jactura rei gravior vel malum gravius*; *clemens* pro *benefico, benigno*, cum sit tantum *facilis in venia* alicui danda; *communiter* pro *vulgo, plerumque*, cum sit i. q. *sine partitione*, Cicero ad Div. XIII, ep. 12 in. opponit *communi-*
ter

ser et separatim; compilare pro colligere in universum, cum sit tantum spoliare; confundi pro pudore adfici ap. scriptores eccles. ex hebraico; consulere alicui pro suadere, cum sit prospicere; convincere pro persuadere, cum sit nihil aliud, quam ostendere aliquem aliquid (mali) fecisse vel rem (malam) ita se habere, licet aliquis neget; ergo tantum in mala re occur- rat; copia pro exemplo, die Copie; cordatus pro animosus; crux pro malis s. rebus adversis apud Theologos; damnati pro iis, qui in orco sunt vel suppliciis aeternis afficiuntur; deputare pro destinare, hinc deputatum, cum sit priscis amputare; destitui pro carere in universum, cum sit deserui; devotio pro summa ardentique pietate erga deum; diligens de valde et libenter occupato, cum sit accuratus, providens, ad singula attentus, sic diligentia male ponitur pro industria, der Fleiß; discuro pro loquor, discursus pro sermo; discretus pro humanus, modestus; excessus, ein Exceß, grave peccatum; festivitas de die solenni; fides v. c. in Christum ap. Theologos, der Glaube, sic et fideles die Gläubigen; fornicatio de scortando; gentilis ein Heide; haecenus de tempore bis itzt (saltem a multis haec notio dubitatur); humilis sensu bono et humilitas de virtute certa, Demuth, cum priscis sit niedrig, Niedrigkeit, v. c. virgultum humile, ac per contemptum dicatur, v. c. animus humilis ein niedriges, niederträchtiges, Gemüth; impingere neutraliter pro offendere anstoßen, cum sit priscis activum; infernus die Hölle; infideles die Ungläubigen; infidelitas der Unglaube ap. Theologos; inferre pro concludere, argumentari, apud nonnullos philosophos; infucatus pro non fucatus, cum priscis sit idem quod fucatus; inquam, si est revocantis se in verbis perperam dictis ich wollte sagen, prisci utuntur eo in repetitione verborum post parenthesin, at, ubi perperam dicta corrigere volunt, dicunt, volui dicere, non inquam; intercedere pro rogare alicujus causa; iterum pro rursus in universum, priscis est pro secundo, deinde, zum zweyten Male; juxta pro secundum, ex, v. c. juxta Platonem hoc verum est, priscis est idem quod prope; laqueus pro fune omni, priscis pro fune, cui nodus inest, et respondet nostro Schlinge, Fallstrick; levis pro facilis, priscis pro eo, quod caret pondere, deinde pro vano, contemnendo, vulgari; linea pro versu eine Zeile; magistratus pro toto senatu; maxima pro regula, principium, quod sequimur in agendo; medium pro re, qua aliquid efficitur, das Mittel; ministerium de ordine sacerdotum; momentum pro pretio, v. c. res magni momenti dicunt pro re magni pretii, cum sit res magni ponderis ad aliquid bene peragendum,

momentum enim est *pondus*; *mundus* pro *hominibus*, in primis pro *malis*; *multare* pro *verberare*, hic debet usurpari *mulcare*; *omnino* in affirmante responsione; *opinio* de omni sententia, etiam certa, sic et *opinari*; *paganus ein Heide*; *persecutio* de malis illis, quae Christiani passi sunt sub Imperatoribus primis; *poenitentia die Buße*; *praecise* pro *accurate*, cum sit *breviter*; *praesumo* pro *audeo*, priscis est *ante sumo*; *pro tempore* pro *nunc*; *prolixus* de verbis, v. c. epistola *prolixa*; *promovere* pro *adjuvare befördern*; *proximus* de homine in universum; *publicus* pro *manifestus*, cum sit priscis id, quod nomine populi fit, ad eum vel ejus commodum pertinet etc. sic et *publice*, v. c. *publice missus est ad hoc bellum*; *quoad* cum accusat. pro *quod attinet ad* etc.; *resurgere* pro *ab inferis aliquando redire*; *remedium* pro *re*, qua aliquid efficitur, bono sensu, priscis dicitur de re, qua aliquid avertitur; *scientia* pro *disciplina* in libris tradita, v. c. *Philosophia*, *Theologia*, priscis est id, quod *scimus*, seu idem quod *notitia*, *cognitio*; *saecularis weltlich*; *seducere* pro *decipere*; *suspensus ab honoribus*, *munere*; *teneor* pro *debeo* seq. infinitivo; *vergo erreichen*, v. c. *in honorem*; *verba facere* pro *loqui* in universum; *vice* conjunctum cum nomine numerali, v. c. *prima vice*, *secunda vice* etc.; *unio* pro *conjunctione*; *vocatio* de munere alicui committendo; *votum* pro *suffragio das Votum* etc. His igitur significationibus abstinendum: cum vero plura vocabula hujus generis sint, ista res non nisi e lectione priscorum tuto disci potest. Nonnullae etiam significationes in aurea aetate non videntur in usu fuisse; hinc multi his abstinere; huc pertinet *privilegium* bono sensu; *quandoque* pro *interdum* etc.

4) sunt et significationes vocabulorum poetis forsan propriae; v. c. *salutor* pro *appellor*, sic et *audio* pro *vocor*, *est pro licet*, v. c. *hinc videre est*, *hieraus kann man sehen*. At non omnes lectores et auditores ita legerunt poetam, ut significationes ibi tantum obvias tenerent.

III) *Vocabula debent quoque esse apta h. e. notioni, quam mente tenes, accurate respondere eamque plane exprimere*, atque ita neque nimis multum neque nimis parum dicere. Haec est certissima ad perspicuitatem via. Tripliciter igitur hic peccari potest:

1) *primum*, quando orator vel scriptor cum vocabulo aliquo *aliam ideam* conjungit, quam illud habet h. e. quam prisci

prisci cum eo olim conjunxerunt, v. c. quando *consulere* alicui usurpat pro *suadere* s. *consilium dare*, ut vulgo faciunt, *diligentia* pro *industria* *Fleiß*; omnino in responsione affirmante, quandoque pro *interdum*, *scientia* pro *arte* vel *disciplina* in libris tradita etc. add. vocabula paulo ante recensita.

2) *deinde*, quando loquens vel scribens majorem ideam cum vocabulo conjungit, quam hoc habet, v. c. quando usurpat *opinio* pro *certa sententia*; *opinari* pro *judicare*, *sibi persuadere*, vel etiam *arbitrari*, est enim tantum *credere sine causa*, *vermuthen*; *parum doctus* pro *paulum docto*, cum sit fere i. q. *indoctus*, *parum* enim per contemptum dicitur, et vix differt a *non*; sic et *vix* parum abest a *non*, v. c. *vix credi potest* et *non credi potest* fere eadem sunt, et apud priscos inter se commutantur. Qui itaque alicujus laudandi causa dicit, eum *parum doctum esse*, *ingenio parum felici praeditum esse*, is illum non laudat, et errat, cum putat se vernaculum *ein wenig*, quod fere convenit cum *ziemlich* et medium est inter *viel* et *nichts*, expressisse. Sic *mediocris*, *mediocriter*, non semper cum laude dicitur; v. c. *eruditio mediocris* est tum *mittelmäßige*, i. e. *ziemliche*, tum *mittelmäßige* i. e. *schlechte Gelehrsamkeit*. Sic *mediocriter doctus*.

3) *tandem* peccatur, quando in loquendo vel scribendo *minorem* ideam cum vocabulis jungimus, quam ea vere continent, v. c. quando dicitur *ira inflammatus* pro *iratus*, cum illud *graviter iratum* hoc simpliciter *iratum* indicet; *persuadere sibi* pro *putare*, *credere*, cum illud sit *certo credere*, pro *certo habere*; *honoratissimus* in titulis *hochgeehrtester*, cum apud priscos de vero *honore* vel de *munere honorifico* tantum dicatur etc.

Iam quomodo agendum est, ut vocabula ubique ideis recte respondeant? Debemus et rem, quam exprimere verbis studemus, et vocabula ipsa, quibus exprimenda sit, accurate intelligere. Quod utrumque si observamus, nunquam peccabimus. Nam tum videbimus multas ideas s. res, Romanis olim notas, nobis hodie ignotas esse et contra multas res nobis hodie cognitatas illis ignotas fuisse: unde patebit, non omnia prisca vocabula hodie usurpari amplius posse, quia non singulis ideis hodiernis respondent. Huc pertinent v. c. *legio*, *cohors*, *tribunus*, *hastati*, *triarii*, *sestertius*, *denarius*,

municipium etc.: *legio* vix respondet ei multitudini militum, quae vocatur hodie *ein Regiment*: et, cum *cohors* fuerit priscis *decima pars legionis*, quaeritur, an respondeat ei numero, qui vocatur *Bataillon*: *municipium* hodie plane non exstat amplius, est enim *oppidum suis legibus suisque magistratibus se regens ac simul jure civitatis romanae utens*, ubi est tale oppidum? Et innumera talia ad antiquitates pertinentia non satis conveniunt nostris temporibus, ac ne *servus* quidem, it. *toga, tunica* etc. Nostri *servi* sunt liberi; ac, quod nobis vocatur *Rock, Weste*, diversum est a *toga, tunica*. Quid igitur agemus? Sumamus, fateor, necesse est vocabula prisca, quae habemus, et ignosci nobis saepe debet, quia melioribus caremus. Hinc in rebus, quae recens inventae sunt et priscis plane ignotae fuere, non vitio verti debet iis, qui recentiora vocabula usurpant, v. c. *bombarda, pulvis pyrius, Archidux, Confessionarius, Minister regis pro amico* etc. An etiam *Regimentum, Batalio* etc. dicamus? Equidem putaverim. Sunt, qui circumscribere malint tales res: quod non omnibus placet, qui brevitatis sunt studiosiores. Hic omnia ista vertuntur in consensu eruditorum: ab his pendet *usus* atque ita lex et norma loquendi. Pertinent huc etiam multa Theologica, Iuridica, Medica. Theologo v. c. non vitio verto, quando de *angelis, diabolo, Messia, episcopo, diacono, spiritu* etc. loquatur, quia haec vocabula omnibus nota sunt: Sic Iureconsulto facile ignosco loquenti de *feudis, Allodiis, Vassallo, Gerada, jure patronatus, praescriptione longi temporis* etc. Medico, quando de *pilulis, infuso, decocto, extravasatione, electuariis* etc. loquitur et scribit. Si quis tamen velit ac possit apte i. e. salva perspicuitate circumscribere, ei non invidebo. — Philosophi non tanta necessitate premuntur, quia Cicero jam philosophiam latine tractavit: at Theologiae nostrae, Iurisprudentiae, et Arti medendi illud non contingere potuit. Ac docuit Ernesti Initiis philosophicis, posse nos de philosophia, dummodo velimus, bene latine scribere. Ceterum cogitemus, in verbis non inesse pulchritudinem sed in ideis latentibus in illis et in conjunctione vocabulorum. Hinc, qui barbara (ut vulgo vocantur h. e. non occurrentia apud priscos) vocabula usurpat, at praeclare in iis cogitat, et ea praeclare et ad perspicuitatem accommodate conjungit, is pulchrius scribit et magis placet, quam qui vocabula non nisi e Cicerone hausta adhibet, sed in iis non praeclare cogitat, et ea imperite obscureque conjungit.

V) *Debent tandem vocabula omni ambiguitate carere* h. e. vel per se definitam certamque vim habere vel haec vis debet per contextum aut etiam aliunde certo definiri. Hinc 1) vel legenda sunt vocabula, quae sunt unius ejusque certae significationis, v. c. *homo, sum, scando* etc.: id quod in primis agendum, si contextus ea non explicat; 2) vel, si vocabulum homonymum h. e. duarum aut plarium significationum sumitur, id quod propterea, quia illorum numerus est major ac praeterea res saepe tale verbum postulat, fieri saepissime necesse est, debet a) aut contextus talis esse, ut, quam vim cum illo vocabulo jungamus, statim appareat, h. e. vel verba statim addita vel antecedentia vel saltem consequentia debent manifeste declarare, quae vis sit illius vocabuli; b) aut saltem res illo vocabulo homonymo h. e. ambiguo expressa debet tam nota esse, ut lectori et auditori statim in mentem veniat, quid vocabulum istud indicet. Exemplis hoc illustremus. *Consilium, consuetudo, uti sunt vocabula homonyma.* Si quis dicit mihi: *audistine aliquid de consilio patris?* nec quidquam aliud addit, ego non intelligo, quid *consilium* hic notet: potest enim *Rath, Entschluß, Klugheit* esse. At, si quis dicit: *Pater mihi suavit, ut ita rem instituerem. Quomodo placet tibi hoc consilium?* hic aperte video, *consilium* esse *der Rath*: atque ille locutus est perspicue. Si quis dicit: *Marcelli consilium multi vituperarunt*, nemo hoc intelligit; at, si dicit: *Marcelli consilium, qui in patriam redire volebat, multi vituperarunt* vel *cum Marcellus in patriam reverti nollet, multi hoc consilium vituperarunt*, perspicue loquitur: nam manifestum est, *consilium* esse *der Entschluß*. Sic dicens: *Cicero Catilinae furorem non vi et armis sed consilio et calliditate oppressit*, perspicue loquitur, quia contextus docet, *consilio* esse *durch Klugheit*. Qui dicit: *consuetudine hoc didici pro familiaritate* etc., is obscure loquitur, at, si dicit: *Ab hominibus, quibus utimur, multa disci possunt; ego ipse consuetudine hominum multa didici*, perspicue loquitur: nam vocabulum *hominum* declarat, quid *consuetudo* hic sit: et praecedentia multo magis. Sic *usus sum multis hominibus* pro *usus sum opera multorum* *ich habe mich vieler Menschen bedient*, v. c. ad aliquid efficiendum, ambigue dictum est, quia et notare potest *vixi cum multis* *ich bin mit vielen Menschen umgegangen*: hinc rectius est addere *opera*: v. c. *Ad istam rem efficiendam multorum opera usus sum.* Et hinc dicit Cicero, nisi fallor, semper *uti aliquo mit einem umgehen, uti alicujus opera sich jemandes*

bedienen: nec unquam, puto, dixit *uti homine* pro *gebrauchen*: et sic omnis ambiguitas vitatur. Huc pertinent multa vocabula, v. c. *imperium*, *oratio*, *persona*, *dignitas*, *auctoritas* etc., in quorum usu semper vel contextus vel historiae ratio habenda: v. c. *imperium Sullae*, *Scipionis* etc., quisque intelligit esse *das Commando*, quia hi viri sunt noti; sic *auctoritate senatus Caesar* ignovit Marcello per se ambigue dictum est, at historia docet, *auctoritatem* esse hic *das Zureden*, *Vorstellung*. At, si de re ignota loquens uterer *auctoritate* isto sensu, nemo me intelligeret, quia *auctoritate* posset esse quoque *imperio auf Befehl* vel *consilio* etc. Sic Cicero saepe in epistolis, praesertim ubi jocatur, utitur vocabulis ambiguis, quorum sententia, quia contextus nil explicat, nobis obscura est; sed quae is, ad quem scripsit, praeclare intellexit, quia rem, ad quam Cicero respiciebat, nōrat, ut ideo Cicero non illi sed nobis tantum obscure scripserit, neque ita obscuritatis nomine accusandus sit. Ceterum in delectu verborum singulorum recte servando omnia vertuntur in eo, ut ea recte intelligamus, in primisque eorum vim propriam et primam teneamus, de qua re supra p. 85 ff.

SECT. XXIII

2) De perspicuitate in conjungendis vocabulis.

Alter fons propior perspicuitatis in vocabulorum usu est *eorum conjunctio recta*. Et haec est res princeps: nam, qui vocabula latina bene deligit et male conjungit, is semper male scribit.

Tenenda hic sunt maxime haec:

I) *Nominibus substantivis addi debent verba, proprie dicta, quae illis convenient*, v. c. vocabulo *viae*, quando pro *ratione*, qua quid consequimur vel consequi studemus, ponitur, *das Mittel*, non convenit eripere, dare, quia proprie *via der Weg* non potest eripi, dari. Male ergo loquamur: *Omnes viae mihi sunt ereptae*, *mir sind alle Mittel benommen*, imo *occlusae*, *obseptae*, *interseptae* etc. Non accurate dicitur *dedit mihi viam ad illud consequendum*, imo: *patefecit mihi viam*, *aperuit*, *munivit* etc. Attamen tradere vias est Cic. Leg. I, 6. Non dici potest *honoris gradum accipere*, *eine Ehrenstelle bekommen*, sed *adscendere*, *ad honoris gradum pervenire*.

venire. Sic non dici potest *poenas accipere*, sed *poenas dare*, *pendere*, *dependere*, *persolvere*. Sic *prisci*: unde patere puto *poenam* non proprie esse *die Strafe* sed *die Rache*; hinc, qui punitur, *dat alii quasi ultionem sui* s. facit, ut alius se ulciscatur vel ultus sit. Non dici debet *naufragium pati Schiffbruch leiden* i. e. *das Unglück haben*, daß *das Schiff scheitert*, licet Seneca Herc. Oet. 118 ita loquatur, sed *facere*, cum Cic. ad Div. XVI, 9; quia illud posset et verti *Schiffbruch erdulden*, *sich gefallen lassen*. Sic *damnum facere* vel *accipere Schaden leiden* i. e. *bekommen* rectius dicitur, quam *damnum pati*, quia hoc quoque foret *damnum aequo animo ferre*: nam *pati pro aequo animo pati erdulden*, *sich gefallen lassen*, *nicht dawider murren*, saepe a *priscis* dicitur. Non dicitur *peccata remittere*, nam non possunt *peccata remitti* *erlassen werden*, at *poenam remittere die Strafe erlassen* recte dicitur: nam haec potest alicui remitti. Non dixerim *rogare munus* s. *honores, magistratum*, *um ein Amt bitten, anhalten*, sed *petere*, quia *prisci* fere semper ita: *rogare* per se non falsum; sed Cicero distinxit *rogare* et *petere* Planc. 10 in.: Phil. II, 30 extr; forsitan *rogare* est in universum *bitten*, sed *petere* *förmlich darum anhalten*. Et sic in aliis multis. Sed hic omnia vertuntur non modo in lectione *priscorum*, sed in primis in cognitione primae notionis vocabulorum: quam qui tenet, semper scit, qualia verba iis addi possint. Qui eam nescit, semper dubius haeret, nec ullum vocabulum antea cum alio vocabulo conjungit, quam sciat, *priscos* eodem modo ea conjunxisse. Sic, ubi de rebus romanis loquimur, servanda sunt *verba*, substantivis convenientia, v. c. *consulem*, *praetorem*, *creare*, saltem sic creberrime dicitur, quamquam et *facere* rectum est: *dictatorem dicere*, quia unus v. c. *consul* eum *dicit*; quamquam et *creare*, *facere*, occurrit: *senatorem legere*, quia *delectus habebatur*; *legem ferre* (*proprie tragen*) de magistratu, qui eam ad populum fert (i. e. *an das Volk hinträgt, vor das Volk bringt*), h. e. ei proponit et recitat; *legem jubere, sciscere*, de populo illam jubente ratam esse, quia *populus solus*, h. e. *universi Romani*, poterat *jubere*, *legem ratam esse*; *Vestalem legere* vel *capere*; *Flaminem* et *Interregem prodere*. Sic *senatum habere*, *concionem habere* etc.

II) *Verbis*, proprie dictis, addi debent adverbia illis convenientia: v. c. *enixe rogare*, non *obnixe*; *facile pati sich etwas gern gefallen lassen*, non *libenter pati*: sic *prisci* semper, nec aliter res patitur: nam *libenter* est *cum voluptate*

mit Vergnügen, et pati est tolerare erdulden: quis dicat mit Vergnügen erdulden? Et, qui apud nos dicunt: *sich etwas gern gefallen lassen*, ii non cogitant in his verbis illud: *etwas mit Vergnügen erdulden*, sed hoc: *nicht dawider murren*, damit zufrieden seyn: ut vel hinc pateat, perperam dici libenter pati: At, si quis in perferenda re adversa voluptatis aliquid perciperet (quales homines vix reperiri putaverim), tum posset iste homo dici libenter pati. Sic non dici potest: *hic cibus sapit pulchre*, ut nostri interdum loquuntur, *schmeckt schön*; nec *hic flos olet pulchre*, *riecht schön*; nam pulchritudo omnis inest in externa specie, non in natura et interna conditione rei: rectius ergo dicitur bene sapit, olet etc. Ceterum et hic omnia pendent a recta notitia vocabulorum maximeque primae eorum significationis.

III) Nominibus substantivis addi debent adjectiva tum convenientia tum sufficientia s. satis multa.

I) Convenientia h. e. quae a priscis addi solent, et quorum ideae conveniunt ideis substantivorum: v. c. recte dicitur *consilium bonum ac fidele*; *bonum*, si cum prudentia datur, *fidele*, si cum fide: qui enim consilium nobis dat, is debet hoc primum posse, deinde etiam velle: posse pertinet ad scientiam ejus, et tum consilium est *bonum*; velle pertinet ad fidem et voluntatem ejus, ut ea loquatur, quae sentiat; tum consilium est *fidele*. Non recte proprie dicitur *consilium prudens, sapiens*; homines sunt *sapientes, prudentes*, non consilia eorum: hinc nec satis accurate dici potest *res prudens, sapiens*; nec hoc est *prudens* das ist klug, sed hoc est *prudens*: v. c. *es ist klug oder einfältig, wenn man so handelt, est prudentis vel stulti ita agere*. Nec tamen dissimulandum, priscos τὸ *prudens* et *sapiens* dixisse de rebus, v. c. *prudensissimum consilium* Nep. Eum. 3: *Sapiens excusatio* Cic. Att. VIII, 12: *sapiens consilium*, Ovid. Met. XIII, 433 et saepius; ut hic usus damnari nequeat. *Pulcher* dicitur de externa specie: ergo recte dixeris *horti pulchri, vestis pulchra*, si ad externam speciem respicis: at non *ager pulcher* de fertilitate, sed *bonus*: sic Graecis καλὸς est *pulcher*, ἀγαθὸς *bonus*, unde patet καρπὸς καλὸς in N. Testam. de bonitate fructus non recte dici. *Homo senex* recte de annis et *homo antiquus* de moribus dicitur. *Homo magnus*, *vir magnus*, de ejus statura s. corporis longitudine perperam dicitur, sed dici debet *longus*: nam *magnus* de hominibus dictum pertinet tantum ad eorum virtutes et res gestas: v. c. *Pompejus fuit*

fuit vir magnus, hinc Alexander magnus etc. *Conditio amoena* ein angenehmer Zustand, *res amoena* angenehme Sache, *fortuna amoena* ein angenehmes Schicksal, angenehmer Zufall. non accurate dicitur: nam *amoenus* tantum de suavitate, quae ope sensuum, imprimis oculorum, percipitur, v. c. regionis dicitur, v. c. *regio amoena*, *praedium amoenum* h. e. ein angenehm gelegenes Landgut s. welches in einer angenehmen Gegend ist. Rectius itaque dicitur *conditio*, *fortuna*, *res laeta* etc. *Manus propria* pro mea, tua, sua cet. stulte dicitur, quia *proprius* est tantum *eigenthümlich* et opponitur *communi*, v. c. *rei vis propria* die Kraft, die der Sache eigen ist und die andere Sachen nicht haben: *domus propria* est, quae non est communis cum aliis: v. c. *aedes* non *domus* est *propria* singulis hominibus, sed omnibus communis. Hinc *manus propria hominis* est *manus*, quam non is habet communem cum aliis; nonne hoc per se intelligitur, manum cuiusvis hominis esse ei propriam? Cur igitur addimus? Ergo *manu propria* scripsi foret ich habe es mit der Hand geschrieben, die mir eigenthümlich zugehört: nonne hoc dictum esset, quasi haberem adhuc alias manus cum aliis hominibus communes. Nonne igitur ridiculum est dicere *manu propria*? At, qui sic loquuntur, cogitant vernaculum mit meiner eigenen Hand: sed hoc est *manu mea*. Intelligunt ergo lectores, *manu propria* non per se sed tantum propterea perperam dictum esse, quia *propria* jam per se intelligitur, atque ita hoc epitheton supervacaneum est. Si quis vero jocosè dicat: *diese Hand ist mir eigenthümlich*, vel si quis habeat unam manum ligneam pro naturali, quae v. c. abscisa sit vel alio modo perierit, ac de altera manu, salva adhuc, loquatur, *diese Hand ist mir eigenthümlich*, tum debet hoc verti *haec manus est mihi propria*, i. e. sie gehört mir allein zu etc. *Gradus honoris* (Ehrenstelle) non potest dici *magnus*, *praeclarus*, *egregius*, *pulcher* etc., sed *altus*, *excelsus*, quia in *gradu* proprie sumto die Stufe non magnitudinis, excellentiae, pulchritudinis sed altitudinis ratio habetur. *Vestigia* v. c. hominis possunt dici *perspicua*, *expressa*, at non *magna*, *pulchra* etc., quia in *vestigiiis* hominis, quae debemus sequi, non ratio habetur, quam vel magna vel pulchra sint, sed quam expressa, ut ea videamus. Qui itaque de principe aliquo dicit, eum *vestigia magna patris sui magni sequi*, is peccat, ut taceam magna *vestigia* hominis declarare *magnum pedem* vel *laxos calceos*, ut eo minus hoc possit laudi duci. *Finis*, pro consilio Absicht sumtus, non potest dici *bonus*, *praestans*, *pulcher*, egre-

gius, excelsus, laudabilis, humilis etc. eine schöne, vorzüglichste, erhabene, löbliche, niedrige Absicht, sed certus, definitus: nam finis proprie est id, in quo consistimus, das Ende; et, quia consilium est id, ubi consistimus, si eo pervenimus, hinc recte finis pro consilio dici potest. Quia vero in fine proprie sumto non consideramus nec considerari potest, an sit bonus, pulcher; multo minus, an sit humilis, excelsus (haec ne cogitari quidem possunt in fine), et in omni translatione vocabulorum ad propriam eorum vim, ope phantasiae nostrae, respicimus, hinc patet nec posse illa adjectiva fini tropice sumto convenire. Sic nec finis prudens, sapiens, callidus etc., tum propter modo dictam causam, tum propter supra allatam; quia non nisi homines sunt prudentes (i. e. providentes vorsichtig proprie), sapientes, callidi etc. At decipit tirones interdum linguae vernaculae usus. Sic lingua vernacula dicendum, non materna, die Muttersprache: non enim tantum mater ea utitur sed et pater, fratres et omnes in terra eadem nobiscum viventes. Sic nec dixerim bona vel mala conscientia, das gute oder böse Gewissen; sed conscientia recte vel male actorum, seu conscientia rectorum vel malorum consiliorum: nam conscientia est das Bewußtseyn einer Sache, die man gethan, scientia eorum, quae egeris: haec nec bona nec mala esse potest; at ea, quorum conscii sumus, possunt esse vel bona vel mala, et in idea Gewissen nos ad ea semper respicimus, quae egimus. Equidem scio, Ciceronem dixisse praeclara conscientia, at semel ita locutus est tantum ad Attic. X, ep. 4 Praeclara igitur conscientia sustentor, cum cogito, me de re publica aut meruisse optime, cum potuerim, aut certe nunquam nisi divine cogitasse etc.: occurrit etiam apud eundem semel recta conscientia ad Attic. XIII, ep. 20 in omni vita sua quemque a recta conscientia traversum unguem non oportet discedere; quae verba ne videntur quidem ipsius esse, sed sententia potius e libro aliquo philosophico sumpta. Apud Sallust. Iugurth. 62 §. 8 legitur quoque: coepit flectere animum et ex mala conscientia digna timere: at semel hic dicitur mala conscientia das böse Gewissen, et Cortius ait: „pro mala aliud primum fuit perscriptum in Guelf. 12. Forte nudum dederat Crispus ex conscientia.“ Respicit Cortius ad Sallust. Iug. 32 §. 5, ubi legitur: ei timido et ex conscientia diffidenti rebus suis etc., ut adeo mala conscientia non satis firma auctoritate nitatur. Quamquam igitur Cicerō dixit praeclara conscientia, recta conscientia, tamen hoc non imitandum puto, quia semel dixit; dicendus potius est peccasse,

peccasse, quam recte locutus esse. Multo minus dixerim *conscientia bona* vel *mala*. Locuti sic sunt scriptores posteriores, Quintilianus, Plinius, Tacitus, Seneca etc. Quos imitetur, qui volet. Ac, cum Cicero longe saepius dixerit *conscientia* cum genitivo, v. c. *recte factorum, rectorum consiliorum* etc., cur non hoc potius imiter, praesertim cum et per se rectius sit dictum? — Huc retulerim quoque nonnulla participia, quae pro substantivis usurpantur: at, quia participia proprie sunt, non possunt adjectiva juxta se ferre, sed pro iis adverbia postulant, quia sunt particulae verborum proprie dictorum, et adverbia solent addi verbis: v. c. *dictum, factum, doctus, sapiens* etc. Non dici potest *verus doctus* ein *wahrer Gelehrter*, nec *magnus doctus* ein *großer Gelehrter* etc., sed *vere doctus, valde doctus*, dicendum est: sic non *verus sapiens*, sed *vere sapiens* ein *wahrer Weiser*. Non dici proprie potest *praeclarum, acutum, venustum, facerum dictum*, sed *praeclare, acute, venuste, facete dictum*: hinc saepe occurrunt *acute, facete, dicta bons mots*. Non dici proprie potest *rectum, bonum, malum, sapiens, stultum factum* eine *rechtschaffene, gute, böse, weise That*, sed *recte factum, bene factum, male factum* etc. Quamquam non negandum, priscos saepe *τὸς factum* et *dictum* substantivè uti, atque iis adjectivum addere, v. c. *factum laudabile*, Cic. Dom. 36: *factum praeclarum atque divinum*, Cic. Phil. II, 44 et *pulcherrimum factum*, Ibid.: *facta illustria*, Cic. Fin. I, 11: *ecquod ejus factum*, Cic. Sull. 26: *factum illustre* Nep. Arist. 2 et saepius: *Nullum meum minimum dictum*, Cic. ad Div. I, 9: *Mutua dicta*, Ovid. Met. VIII, 717: *Bona dicta*, Cic. Or. II, 54: *Dictis meis*, Plaut. Pseud. I, 3, 125 et saepius; ut adeo ei, qui vocabulo *factum* velit jungere adjectiva, ignosci possit.

2) *Sufficientia* adjectiva addi debent substantivis, h. e. tot, quot sufficient ad subjectum aliquod pro ratione contextus rite describendum. Adjectiva exprimunt attributa subjecti: videndum igitur, quae et quot attributa res quaeque postulet, si definite loqui velimus. V. c. in *consilio* requirimus duo attributa, ut primum sit *bonum*, deinde *fidele*: recte ergo dixeris *consilium bonum ac fidele*. In beneficiis spectatur hoc, ut sint *multa et magna*. Qui itaque loquitur: *Deo ob magna ejus beneficia amorem debemus*, vel sic: *Deo ob multa ipsius beneficia amorem debemus*, non tam recte ac perspicue loquitur, quam qui dicit: *Deo ob ejus et multa et magna beneficia amorem debemus*. Accuratus vero loquitur, qui ita dicit: *Deo ob ejus et multa et magna beneficia*

ficia amorem magnum ac perpetuum debemus; nam sic et adjectiva sufficientia addidit substantivo *amorem*. Accuratissime omnium et maxime perspicue loquitur dicens: *Deo benignissimo et liberalissimo ob ejus et multa et magna beneficia magnum perpetuumque amorem debemus*. Sic enim substantivo *Deo* addidit quoque adjectiva, illud ac simul totam sententiam illustrantia. Qui hominem doctum ac simul modestum ita laudat, ut dicat, eum esse *doctum*, non tam perspicue loquitur, quam qui addit *modestum*. Et sic in ceteris. Cic. Verr. I, 1 med. ait: Nam si iste (Verres) id fecisset, quod primo statuerat, ut non adesset, minus aliquanto, quam mihi opus esset, cognosceretur, quid ego in hac accusatione comparanda constituendaque elaborassem; vestra vero laus tenuis plane atque obscura, judices, esset. Recte dicit, laudem judicum tenuem et obscuram fore: Non sufficebat tenuis h. e. parva: nam laus potest esse tenuis, at nota: hinc addit obscura h. e. ignota, vel non satis nota, non omnibus nota. — Fonteij. 16 in. nos vero, judices, non et multis et firmis praesidiis, vobis adiutoribus, isti immani atque intolerandae barbariae resistere? Recte. Non sufficebat multis, addi debebat firmis: praesidia enim possunt esse multa, sed non firma, et contra; utrumque jungi debet. Nec immani barbariae sufficebat; addebat intolerandae. — Sic Manil. 2 pro qua (salute sociorum) multa majores vestri magna et gravia bella gesserunt; et statim: aguntur certissima populi romani vestigalia et maxima: nec certissima nec maxima omittere poterat, si quidem recte ac perspicue volebat loqui: possunt enim vestigalia esse certa, at non magna, itemque magna, at non certa. — ibid. c. 9 fani locupletissimi et religiosissimi diripiendi causa in eas oras nostrum exercitum esse ductum: fanum est locupletissimum, si divitiis et ornamentis abundat, religiosissimum, si summa religione colitur ab hominibus: neutrum itaque abesse poterat, praesertim cum in utroque sit causa, cur nationes timuerint, ne fanum illud diriperetur.

Sed quaeritur hic, an etiam duo adjectiva sine copula et possint uni substantivo addi. — Possunt utique, at non nisi tum, cum unum adjectivum una cum substantivo cogitari potest tanquam unum subjectum, v. c. Codex Lipsiensis primus, ubi Codex Lipsiensis jam pro noto subjecto habetur. Sic meus magnus amor, tuum longum iter; multi magni morbi curantur abstinencia et quiete; ubi magnus amor, longum iter, magni morbi pro singulis subjectis habentur: sic Cic. Manil. 9 magnis adventiciis auxiliis regum: Cic. Phil. I, 14 acerbissi-

num ejus diem supremum: Cic. Phil. V, 15 *periculosissimum civile bellum*; et ibid. *bellum acerbissimum civile*: Cic. Tusc. II, 11 *ad malam domesticam disciplinam*. In quibus auxiliis adventiciis, diem supremum, bellum civile et domesticam disciplinam tanquam unum subjectum cogitatur. — Imo tres adjectiva jungi possunt, si duo una cum substantivo, tanquam unum subjectum, cogitari possunt, v. c. *carissimus tuus parvulus filius*, Cic. Phil. I, 13: *etiam externos multos claros viros nominarem* Cic. ad Div. VI, 6 §. 24: in quibus *tuus parvulus filius* et *externos claros viros* jam ante conjunctim cogitata sunt, quam *carissimus* et *multos* accederet. — In primis duo adjectiva sine *et* recte jungi possunt substantivo, si alterum indicat *qualitatem*, v. c. *magnus, brevis, ruber, niger, clarus* cet., alterum vel exprimit *numerum, multitudinem, paucitatem* (v. c. *omnes, pauci, nullus, multi* cet.) vel indicat *locum*, aut *gentem, urbem, terram* cet. (v. c. *Latinus, Romanus* cet.) vel significat *possessionem*, quo pertinent pronomina *meus, tuus, suus, noster, vester*; itemque *hic, ille, qui* cet. v. c. *multi magni morbi: hi magni viri: nostra fortia facta*: sic *recenti adventu meo* Cic. ad Div. V, 17 §. 3: *vestri pulcherrimi facti*, Ibid. XII, 3 §. 2: *multa magna bella*, Cic. Manil. 2: Imo ista omnia jungi possunt, v. c. *externos multos claros viros*, Cic. Ibid. VI, 6, ubi notandum est, tria adjectiva addi: at non aliter dicere fere poterat: *externos claros viros* tanquam notum subjectum considerabat, et tum putabat addi posse *multos*: vel *externos* indicat *terram*; *multos* *numerum*. Poterat tamen dicere: *multos externos, eosque claros, viros nominarem*: ac sic forsan suavius dixisset. — Not. Apud Nepot. Eum. 13 extr. legitur: *hi militari honesto funere, comitante toto exercitu, humaverunt*. Hic aliter se res habet atque in supra memoratis locis Ciceronis. Hic et *honesto* et *militari* indicat *qualitatem*. Quaeritur, utrum *honesto funere*, an *militari funere*, pro subjecto uno habendum? Ordo quidem verborum suaderet, ut *honesto funere* jungeretur: at *militari* videtur esse adjectivum primum atque ita *militari funere* jungendum: at tum *honesto* non quadrat: nam haec adjectio videatur indicare, militare funus esse duplex, alterum honestum, alterum inhonestum: quod Nepos dicere haud dubie noluit. Quare vel dicamus *duram* esse hanc conjunctionem adjectivorum ap. Nepotem, vel, si culpam magis librariis tribuere placet, cum Lambino bonae latinitatis praeclaro iudice, sed a Criticis nonnullis, dura ac nova amantibus, qualis Cortius erat etc., inprimis a Gebhardo valde contempto, deriso et reprehenso, legamus:

militari

militari honestoque funere, ut honestoque fit explicatio rē militari, ut saepissime apud Ciceronem.

III) *Adjectiva* possunt ac debent saepe in *substantiva* mutari, si in iis inest notio primaria: et tum substantiva vel pronomina, quibuscum conjuncta erant, abeunt in genitivum. V. c. Cic. Rosc. Am. 17 extr. *si in calamitatem venit propter praediorum bonitatem et multitudinem pro propter praedia bona et multa*: at non praedia per se sed eorum bonitas et multitudo erant causa calamitatis illius, ergo bonitas et multitudo sunt hic ideae primariae. Sic ad Div. V, ep. 2 §. 22 *Hujus ego temeritati si virtute atque animo non resistissem* etc. pro *Huic temerario homini si* etc. At temeritas est idea gravior; temeritati enim, non ipsi homini, resistendum putavit. Ad Div. VI, ep. 6 §. 19 *In quo admirari soleo gravitatem et justitiam et sapientiam Caesaris pro In quo admirari soleo Caesarem, quod tam gravis, justus, et sapiens est*: sed illud accuratius. Caes. B. G. III, 17 §. 2 *Itaque, etsi summa difficultas faciendi pontis proponebatur propter latitudinem, rapiditatem, altitudinemque fluminis* etc. pro propter latum, rapidum, et altum flumen: ubi notes eandem diligentiam, de qua paulo ante in usu adjectivorum diximus, servatam esse, h. e. nullum attributum omissum esse, quod flumini, transitum difficilem reddenti, conveniret: poterat nec latitudo nec rapiditas nec altitudo omitti. Nam flumen potest esse latum, nec tamen rapidum; potest esse rapidum, nec tamen altum et latum etc. Plura dicta de hac re sunt supra p. 308 ff. in cap. de *variatione vocabulorum*.

V) *Uni substantivo* (quo pertinent pronomina) aliud substantivum interdum additur, per quod illud magis definiatur, atque ita perspicuitas magis adjuvetur: atque ita prius substantivum (it. pronomen *hic, ille* cet.) abit in genitivum. Substantivum, quod additur, notat plerumque vel partem vel attributum substantivi, cui additur, vel causam. Quod ut recte intelligatur, notandum est hoc. Vulgo h. e. sermone populari vel plebejo, qui non nimis subtilis accuratusque solet esse, tribuitur rei toti aliquid, cum tamen hoc ejus tantum parti vel attributo latissime sumto conveniat h. e. dicitur de re aliqua (vel homine) ita, tanquam hoc, quod dicitur, ad illam totam pertineat, cum tamen hoc vere parti vel attributo ejus tantum tribui debeat. Porro dicitur saepe de re ita, ut causa omittatur. Haec igitur pars, hoc attributum, haec causa ab iis, qui accuratius lo-

quun-

quantur, peculiari vocabulo exprimitur et illi rei additur. Sic intelligendum est illud, quod diximus de substantivo addendo alii substantivo; ne quis forte putet, ubique substantivum addi vel, ut nonnulli loquuntur, ex uno substantivo duo fieri posse. V. c. pro *vulnerare hominem* rectius dixeris *vulnerare hominis corpus*; quia *vulnerare* non ad totum hominem, h. e. ad animum et corpus, sed ad corpus solum pertinet. Sic *sedere in puppi* rectius est, quam *sedere in nave*, de gubernatore: nam is sedet tantum in puppi. Quod qui non intellexerunt, putarunt hic partem pro toto poni: male. Sic *femina pulchrae formae* est accuratius dictum quam *femina pulchra*. Sic *offendere animum hominis* *jemand beleidigen* rectius dicitur quam *offendere hominem*: nam *offensio* non ad totum hominem sed ad ejus animum pertinet. Sic *spes, opinio, me fefellit* rectius quam *ego me fefelli in spe, opinione*, et prisci illud semper hoc nunquam dicunt. — Apud priscos nihil frequentius ista ratione: hinc ex illis perspicuitatem dicendi discere facillimum est. Cic. ad Div. V, ep. 2 §. 14 *Si vero meam salutem contra illius impetum in me crudelissimum defenderim, satis habeas, nihil me etiam tecum de tui fratris injuria conqueri*: ubi notes *meam salutem* pro *me*, *illius impetum* pro *illum*, poni: at, cum dixisset *impetum*, addere facile erat *crudelissimum*; deinde *de tui fratris injuria* dictum pro *de tuo fratre*: sed quam praeclara h. e. ad perspicuitatem accommodata est illa mutatio! — Ibid. §. 15 *Quem ego cum comperissem omnem sui tribunatus conatum in meam perniciem parare etc.*, ubi notes *tribunatus conatum* pro *tribunatum* dici: possit et huc referri *in meam perniciem* i. e. *in me, contra me*. — Ibid. §. 22 *Hujus ego temeritati si virtute atque animo non restissem etc.*, ubi notes *hujus temeritati* dictum esse pro *huic*. Paulo ante quidem diximus, *hujus temeritati* dictum esse pro *huic temerario homini*; et nunc dicimus poni pro *huic*. Nonne hoc est repugnantia loqui? Minime. Teneamus igitur, Ciceroni primum in mentem venisse haud dubie *huic ego si etc.*, deinde cogitanti illi accuratius τὸ *huic* in mentem venit vel statim *temeritati* addere et *huic* in *hujus* mutare, vel *temerario* addere ac deinde τὸ *huic temerario* mutare in *hujus temeritati*. Quidquid est, nam certo dici nequit, quam viam cogitandi hac in sententia formanda ingressus sit, certe apparet, *hujus temeritati* tandem positum esse pro *huic*: et utile est mutationem sententiae duobus modis indagare, ut deinde discamus vel adjectivum in substantivum novum mutare vel statim substantivum substantivo addere, — Ibid.

§. 28 ego dolori tuo non solum ignosco pro tibi; et statim: *meus enim me sensus, quanta vis fraterni sit amoris, admonet pro quantus sit fraternus amor.* — Ibid. ep. 12 §. 5 *Neque tamen, haec cum scribebam, eram nescius, quantis oneribus premerere susceptarum rerum et jam institutarum: ubi quantis oneribus rerum pro quantis vel etiam quot rebus etc.* — Ibid. §. 7 *Et simul si uno in argumento unaque in persona mens tua tota versabitur etc., ubi mens tua tota versabitur dictum pro tu totus versaberis: at quanto accuratius illud!* — Ibid. §. 8 *Neque tamen ignoro, quam impudenter faciam, qui primum tibi tantum oneris imponam; potest enim mihi denegare occupatio tua etc., ubi potest enim mihi denegare occupatio tua dictum est pro potes enim mihi tu denegare: postea Ciceroni in mentem veniebat causa, cur denegare posset, hocque denegari posse propter occupationem, hinc pro tu enim potes cet. ponebat potest enim mihi denegare occupatio tua.* Quis non sentit ita magis perspicue Cicero-nem sententiam expressisse? — Caes. B. G. II, 22 in. *Instructo exercitu, magis ut loci natura, dejectusque collis et necessitas temporis, quam ut rei militaris ratio atque ordo postulabat.* Quam accurate, quam perspicue dictum! pro *Instructo exercitu, magis ut locus, collisque et tempus, quam ut res militaris postulabat.* Nullum additorum substantivo-rum otiosum est, ut ii forsan opinantur, qui libenter cre-dunt, priscos pro uno vocabulo temere duo ponere. *Dejectus* vero esse substantivum i. e. *declivitas*, nec participium, e tota verborum compage apparet. Add. Cic. in epist. modo laudata §. 4 *sed etiam illa cupiditas, vel ut auctoritate testi-monii tui, vel indicio benevolentiae, vel suavitate ingenii, vivi perfruamur, ubi auctoritate testimonii dictum est pro testi-monio, indicio benevolentiae pro benevolentia, et suavitate in-genii pro ingenio.* Cupit Cicero res suas per Luccejum his-toricum celebrari: hoc ita circumscribit, *se cupere testimonio ejus, benevolentia, et ingenio frui*, quia laus Lucceji est testi-monium, indicat benevolentiam scriptoris, nec sine ingenio res apte laudari potest: Iam pro testimonio dicit testimonii auctoritate, quia testimonium Lucceji multum valebit apud lectores; pro benevolentia ponit benevolentiae indicio, quia illud testimonium et illa laus indicat benevolentiam; pro ingenio dicit suavitate ingenii, quia ingenium scriptoris est legenti suave. — Sic Phaedr. I, 4 de cane carnem ferente per fluvium: *lympharum in speculo vidit simulacrum suum pro in lymphis vidit se*; at illud accuratius: addit *speculum*, ut appareat, cur se potuerit videre; deinde *se non proprie pote-*

poterat videre sed tantum simulacrum suum: — Sic fab. 12 *Ad fontem cervus, cum bibisset, restitit, et in liquore vidit imaginem suam. Ibi dum ramosa mirans laudat cornua, crurumque nimiam tenuitatem vituperat, venantum subito vocibus conterritus per campum fugere coepit etc.*, ubi primum imaginem suam pro se, propter causam modo dictam; deinde crurum tenuitatem nimiam pro crura; sed addere quoque volebat causam, cur crura vituperaret, hinc ait *crura nimis tenuia seu crurum tenuitatem nimiam*; tandem venantum vocibus conterritus pro per venantes vel a venantibus conterritus. — Fab. 14 v. 10 *Timore mortis ille (e futuro medicus factus) tum confessus est, non artis ulla medicae se prudentia, verum stupore vulgi factum nobilem pro confessus est, se non per artem medicam, verum per vulgum, factum esse nobilem*; at illud accuratius: nam *ars medica* per se non affert nobilitatem s. famam, sed, quoad ejus es peritus s. peritia ejus; hinc pro *per artem medicam* dicit *artis medicae prudentia*: deinde *vulgus* non per se affert nobilitatem seu famam, sed quoad est stultus, stupidus, s. *stupor vulgi*: hinc pro *per vulgum* dixit *vulgi stupore*. — Fab. 15 in. *In principatu commutando civium nil praeter domini nomen mutant pauperes. Recte pro praeter dominum dixit praeter domini nomen*: nam vere tantum mutant *nomen domini*, ut, si ante vocabatur Augustus, nunc vocetur Tiberius: dominus semper manet, semper manent sub domino. Et statim: *Is hostium clamore subito territus pro ab hostibus, per hostes territus s. hostes timens*: at accuratius additur *clamore*: hic enim proprie terrebatur; hostes nondum apparebant. Ex his exemplis facile intelligimus, quando deceat substantivo substantivum addere, et quomodo hoc excogitari possit. Addi possunt supra p. 394 ff. dicta in cap. de copia verborum.

VI) Non peccari debet in casu, numero, genere substantivorum, in tempore, modo verborum etc., quia haec peccata perspicuitati officere interdum possunt: v. c.

I) Non debet peccari in casu. Non dici v. c. debet *condolere alicui, communicare alicui*, pro *cum aliquo*: quia prisca non ita loquuntur, ac lector peritus possit incertus fieri, unde pendeat iste dativus. Sic non dicendum est *jubeo tibi, erubescere alicujus*, ob eandem causam. Sic non dicendum est *incumbere literis* pro *in vel ad literas*. *Incumbere* est proprie *niti sich auf etwas stemmen, auflegen*; et tunc res, qua nitimur, ponitur recte in dativo, v. c. *baculo, mensae* etc. Ergo *incumbere literis* recte diceretur hoc sensu, ut significaret *niti literis* proprie, h. e. *sich auf die Buchstaben stemmen*,

men, auflegen, non vero Mühe auf das Studiren wenden, fleißig studiren: h. e. incumbere ad literas, quod notat proprie sich anstemmen f. anstrengen h. e. sich große Mühe geben wegen f. in Ansehung des Studirens f. der Gelehrsamkeit: ad non pendet ab incumbere, sed est i. q. ratione vel propter. Hinc verò etiam intelligitur, incumbere ad rem gravius esse dictum quam operam dare f. studere rei, et, qui dicitur incumbere ad literas, eum dici longe majorem iis operam dare, quam qui dicitur literis operam dare f. studere. Interdum verbum dupliciter construitur; v. c. ponere (vel collocare) in mensa et in mensam; sic ponere in gratia Cic. Att. VI, 6 extr. et in gratiam, Ibid. V, 3: sic latere i. e. ignotum esse habet et accusativum, v. c. quod latet nostrum sensum, Varr. R. R. I, 40; cf. Ovid. Pont. III, 9, 126: Virg. Aen. I, 134 latuere doli fratrem, ac saepius; et dativum, v. c. quod mihi latere valeat, Cic. Catil. I, 6: mihi late, Lucan. I, 418: hosti Roma latet, Sil. XII, 614: quae oculis et auribus latere soleat, Varr. L. L. VIII, 52.

2) Non debet peccari in numero. Decipit hic facile tirones lingua vernacula, quae interdum, etiam si de pluribus rebus loquitur, tamen singulari perperam utitur, v. c. *Vater und Mutter lebt noch, ist noch gesund, ist gestorben*, ubi falso dicitur *Pater et mater vivit adhuc, sanus est, mortuus est, sed vivunt, sani sunt, mortui sunt*. Sic vernacula dicit *viel, wenig* pro *viele, wenige Dinge*: v. c. *In dem Buche steht viel vom Kriege, ich habe viel gelesen, viel gehört, wenig gelernt* etc., quod male vertas: *In hoc libro multum de bello occurrit, multum legi, multum audiui, paucum didici*: debet dici *multa, pauca*, quia sermo est de *multis rebus* vel saltem *pluribus quam una*: praesertim cum *multum* sit quoque adverb. notans *saepe, valde*, ut adeo confusio oriri queat. Sic etiam *etwas weniges* verti debet *pauca*: potest tamen etiam *parum* dici. In primis huc pertinent pronomina *dieses, jenes, dasselbe, welches*, quae, cum proprie unam rem notent sintque singularis numeri, vulgo usurpantur de multis rebus: hinc nonnulli eodem modo hodie *haec, illa, ea, quae* de *una re* usurpant, ut contra *hoc, illud, id, quod* de *pluribus*, quia opinantur non inesse discrimen. Male. Notandum igitur, de una re dici rectius *hoc, illud, id, quod*, de pluribus *haec, illa, ea, quae*: v. c. *Pater meus mortuus est. Hoc scribere tibi volui*. Recte *hoc*, quia unam rem indicat, scilicet *patrem mortuum esse*: et male *haec* usurpetur. Sic *an tu id, illud, nescis, mihi bello omnia erepta esse?* Male ponatur *ea, illa* pro *id, illud*, quia de *una re* sermo scil. de

eo, quod mihi bello omnia erepta sint. Contra, quando dicere: amisi parentes, amisi fratres, perdidici facultates meas, patria mihi erepta est: nonne hoc mihi dolorem injiciat necesse est vel nonne propter id doleam? perperam loqueretur: debet esse nonne haec mihi dolorem injiciant necesse est vel nonne propter ea doleam? nam praecedunt res plures a) amisi parentes, b) amisi fratres, c) perdidici facultates, d) erepta mihi est patria. Sic perperam loquitur dicens: filius meus non est discendi cupidus, praeceptis meis adversatur, virtutemque odit: hoc aequo animo ferre non diutius possum; nam praecedunt plura a) non est discendi cupidus b) praeceptis meis adversatur c) virtutemque odit: ad haec tria refertur hoc male: ergo debet esse haec. In nonnullis peccant ipsi prisca, v. c. omne pro omnia saepe dicunt, sic et quidquid pro quaecunque sexcenties occurrit: interdum etiam hoc, quod etc., licet ad plura referatur: at haec, ea, de una re praecedente nunquam dicunt. Qui itaque omne pro omnia dicere vult, habet, quo se defendat; attamen semper omnia malim dicere quam omne, licet prisca ita locuti sint: quidquid pro quaecunque tolerari potest, quia quam saepissime occurrit: at hoc, id etc. pro haec, ea, et haec, ea, etc. pro hoc, id, tolerari non potest. Sed quaeritur, quomodo ista commutatio numeri vitiosa perspicuitati officere queat. Lector vel auditor linguae peritus, reprensens pluralem, cogitat pluralem h. e. plures res, et has non reprensens credit omittas esse aliquot: contra, ubi videt auditve singularem, cogitat quoque singularem h. e. unam rem, cum tamen orator vel scriptor istum singularem ad plures res referri velit: nonne igitur ita fit, ut lector vel auditor cum verbis scriptoris vel oratoris non possit easdem plane ideas conjungere, quas scriptor oratorve cum iis conjunxit?

3) Non debet peccari in genere. Hic duo notanda: a) ne usurpemus genus substantivorum rarius, v. c. finis interdum in genere feminino usurpatur, v. c. Cic. leg. II, 22 quae finis: sic saepius, v. c. Cic. ad Div. XII, ep. I in. legitur defendentibus Criticis: Finem nullam facio etc., et in epistola Pollionis ad Cic. X, ep. 32 §. 9, quorum quis ullam finem etc. Melius tamen esse putem finem in masculino semper ponere, quia sic usitatius. — Sic deus pro dea interdum apud poetas e graeca ratione reperiri eruditi dicunt; v. c. Virg. Aen. II, 632 ducente deo; VII, 497 deus absuit. At licet credam in his locis deum proprie intelligi (Gott), non deam certam, tamen concesserim, poetas ita posse dicere,

quia rariorem dicendi rationem amant: non item prosaicos. Dicitur quidem in Clave Cic. Ernestiana apud Ciceronem quoque *deus* pro *dea* dici, ibique duo loca memorantur; sed ex his parum vel nihil pro illa re sequi puto. Unus locus est Tusc. I, 47, ubi Ernesti dicit de *Iunone* dici *deum*. Narratur ibi illa fabula de Cleobi et Bione, qui, cum iumenta morarentur, ipsi ad jugum accesserunt et matrem sacerdotem ad sacrificium solenne vexerunt: nunc sequuntur verba, ad quae Ernesti, ut puto, respexit: *Ita sacerdos advecta in fauum, cum currus esset ductus a filiis, precata a dea* (i. e. Iunone) *dicitur, ut illis praemium daret pro pietate, quod maximum homini dari posset a deo*: quaeritur, an postrema verba a deo referantur ad Iunonem; quod si est, *deus* hic dicitur pro *dea*: at, si Cicero voluisset intelligere Iunonem his verbis, haud dubie dixisset *ab ea, ab illa*: ac ne a *dea* quidem apte dixisset, quia jam *dea* modo praecessit, nec repetitione opus erat. Haud dubie a deo Cicero intellexit a deo aliquo von einem Gotte, sensus est: *soll die Göttinn gebethen haben, sie möchte ihnen doch für diese kindliche Liebe die größte Belohnung geben, die nur einem Menschen von einem Gotte gegeben werden könnte*. Latini carentes scilicet articulo non possunt der Gott et ein Gott discernere, nisi per contextum. *Deus* ergo hic est genus f. *deus* in univsum, non certus *deus*. Sic et est in altero loco Invent. II, 31. Locum ipsum ponam: *Imprudencia est, cum scisse aliquid is, qui arguitur, negatur: ut apud quosdam lex erat, Ne quis Dianae vitulum immolaret. Nautae quidam, cum adversa tempestate in alto jactarentur, voverunt, si eo portu, quem conspiciebant, positi essent, ei deo, qui ibi esset, se vitulum immolatueros. Casu erat in eo portu fanum Dianae ejus, cui vitulum immolari non licebat. Imprudentes legis, cum exissent, vitulum immolaverunt. Accusantur. Intentio est, vitulum immolastis ei deo, cui non licebat*. Verba postrema, ad quae Cel. Ernesti respexisse videtur: *vitulum immolastis ei deo, cui non licebat*, sunt nihil aliud, quam quaestio rhetorica universalis, et quamquam in applicatione tandem ad Dianam respicitur, tamen hic vocabulum *dei* ut vocabulum generis consideratur: *ihr habt dem Gotte ein Kalb geopfert, dem man keins opfern soll*. Nec forsan alicui, nisi graece perito, in mentem venisset, verba *ei deo* non nisi de *Diana* illo loco intelligenda esse. Ergo et hoc usu abstinendum censeo. — Latini, perspicuitatis cupidissimi a *filia*, *dea* etc., interdum fecerunt *filiabus*, *deabus*, ut discernere a *filiis*, *diis*; factis a *filiis*, *deus*;

deus: licet scirent, *filia*, *dea*, et similia feminina habere aequè *is* in dativo et ablativo ac masculina illorum: sic Cicero dixit *diis deabusque* pro *diis diisque* Rabir. perd. 2. Cogebatur ita facere. At, ubi talis necessitas non urget, abstinendum est ista terminatione *abus*: v. c. *ambabus diis beyden Göttinnen* dicendum, non *ambabus deabus*, quia jam ex *ambabus* apparet, *diis* esse a *dea*: sic, si de certamine illo inter Iunonem, Minervam et Venerem, de malo aureo loquerer, rectè dicerem, postquam nominatae ipsae essent, *his tribus diis* vel *his diis inter se dissentientibus*: quia sponte patet, tres deas, non tres deos, intelligi. Hinc Varro de re rust. III, 16 §. 7 de Musis locutus ait: *His diis* (i. e. Musis) *Heliconem attribuerunt homines* pro *deabus*. Hoc addendum putavi, ne crederet aliquis, ab *afina*, *dea*, *liberta*, *anima* etc. semper *afinabus*, *deabus* etc. formari ac sic dici necessario debere. b) deinde videndum, ne vocabula, quae, ut significatione, ita genere differunt, licet iisdem literis constent, confundamus, v. c. *malus* pro arbore in horto, est generis feminini, sed pro arbore in navi, ut sic loquar, *Mastbaum*, est masculinum: *Calx* pro *postrema pedis parte*, *die Ferse*, est generis communis, saepius tamen feminini; pro *materia lapidis cocti*, *der Kalk*, generis feminini: sic *Adria* masc. est mare Adriaticum, *Adria* fem. est oppidum; *Cupido* fem. est *cupiditas*, *Cupido* masc. est *deus ille amoris* etc.

4) Non debet peccari in *tempore*: quia talia peccata perspicuitatem offendunt facillime; v. c. qui vernacula verba: *ich weis nicht, wann der Vater schreiben, kommen, wird* verteret, *nescio, quando pater scripserit, venerit* pro *scripturus sit, venturus sit*, quia crederet, *scripsero, venero*, esse futurum conjunctivi, is non perspicue loqueretur: nemo eum intelligeret, sed quisque lectorum vel auditorum linguae peritorum crederet, *scripserit, venerit*, esse perfectum conjunctivi, atque ita verteret: *wann der Vater geschrieben hat, gekommen ist*. Sic, si quis futurum indicativi simplex pro futuro exacto usurpat, vernacula deceptus, v. c. *quando veniam, tibi dicam* pro *venero*, is aliud dicit, aliud cogitat; atque ita obscure loquitur. Sic aliud est dicere *fratris culpa factum est, ut miser sit*; aliud *ut miser esset*: prius indicat, eum adhuc miserum esse, posterius, eum fuisse quidem sed non amplius esse miserum. De vero usu et consecutione temporum supra p. 173 ff. in Parte priore late dixi, quo lectores rejicio.

5) Non peccari debet in *verborum modis*: v. c. *cum*, si cum indicativo ponitur, est particula temporis ac significat *quando*, fin causalis est, regit semper conjunctivum. Iam, si quis vernaculum *wenn ich kann* exprimit *cum possim*, perperam loquitur: lectores et auditores intelligunt *da ich kann*, idque recte, ut ideo ille mentem suam non perspicue declaraverit. Sic *dum indem, während daß*, regit indicativum, *dum bis* indicativum et conjunctivum: qui haec confundit, is perspicuitatem laedit. Sic, qui dicit alicui: *Et si sis doctissimus, tamen non omnia te scire fatebere* hoc sensu: *Ob du gleich sehr gelehrt bist* etc., is in mentem suam non perspicue exprimit: nam verba ista notant haec: *Ob du gleich sehr gelehrt wärest, seyn magst* etc., atque ita ille de doctrina ejus, quem valde doctum appellare cupit, dubitanter loquitur, idque imprudens. Debet igitur dicere: *et si doctissimus es*, si perspicue loqui cupit. Sic *si vides* est *wenn du siehst*, si videas *wenn du sehen solltest*. In oratione tamen obliqua, quam appellant, h. e. quando vel conjunctivus vel accusativus cum infinitivo praecessit, *si videas* potest etiam esse *wenn du siehst*: causa pendet ab illa oratione obliqua. Hac de re supra p. 157 satis multa diximus, quae hic repetere taedio foret.

6) Nec peccari debet in *terminatione verbi personali*, quam vulgo *personam* appellant; pertinet huc illa enuntiatio universalis, quae vernacule per *man* exprimitur, v. c. *man sagt, man ist, man glaubt* etc.: videndum hic est, utrum per tertiam singul. vel plural., an per primam pluralis, an per secundam singularis exprimi debeat: v. c. *Non omnia credenda sunt, quae dicuntur, was man sagt*, it. non, *quidquid dicitur, semper verum est, nicht alles, was man spricht, ist allezeit wahr*: haec recte dicuntur: male loquaris: *Non omnia credenda sunt, quae dicimus vel quae dicis: non, quidquid dicimus vel dicis, semper verum est*. Iudicio hic opus est. Contra recte dicitur: *pulchrum est ea, quae scias vel sciamus, quae didiceris, didicerimus, alios docere* h. e. *Es ist schön, wenn man das, was man weis vel gelernt hat, andere lehrt*. Etiam hac de re supra p. 171 s. satis superque dictum est. Videndum scilicet, an res ei personae proprie conveniat, quam eligas.

VII) Non debet peccari in usu *participiorum*. Tirones plerumque participia discunt paulo serius, quia haec, nescio quomodo, inter difficillimas res numerantur, et vel putant vel audiunt ea esse singularia quaedam linguae latinae: hinc vulgo

vulgo fit, ut in eorum usu singularem *pulchritudinem*, seu, ut ipsi vocant, elegantiam inesse credant, atque ita, quo crebrius illa usurpent, eo pulchrius sibi scribere videantur. Hoc non verum esse supra docui. Duo tantum monebo 1) participia debent ita usurpari, ut statim appareat, an per *qui*, *postquam*, *quando* etc. explicari debeant. In duobus ablativis absolutis h. e. qui non ab aliquo verbo vel praepositione reguntur, et qui vulgo ablativi consequentiae (satis obscure, ut fere omnia in libris grammaticis) appellantur, nulla est difficultas: hi enim per *cum*, *dum* vel *postquam*, explicantur. At in aliis major difficultas. In his igitur, qui perspicuitati studet, is v. c. vernaculum, *wenn* (*wann*) non nisi tum, cum est particula temporis, in participium, si ita lubet, mutat; at, si *so wenn* conditionem significat vel de re dubia loquitur ac *so möchte, sollte, würde* secum habet, non illud cum participio facile commutat, v. c. hoc: *si patrem videam, dicam ei, wenn ich den Vater sehen sollte* etc., non potest mutari sic: *videns patrem dicam ei*: quia *videns* possit quoque explicari *cum video, wann ich sehe*: tolerabilius foret, si quidem participium fieri necesse est, dicere *visurus patrem* etc., at et hoc tantum est: *quando videbo, wann ich sehen werde*, loquiturque de *videndo* tanquam de re certa, cum *si videam* dubitanter illud exprimat. Tantaе difficultatis est ita loqui, ut vel minima particula cogitationum nostrarum plane et statim intelligatur. 2) participia non debent nimis coacervari. In omni participio est quaedam brevitās dicendi: quae si continuatur, mens auditoris et lectoris, quae breviter et celeriter dicta latius cogitare cogitur, tandem defatigatur. Hinc lectio Livii magis defatigat mentem lectoris, praesertim non valde exercitātam, quam lectio Nepotis, Caesaris ac fere Ciceronis. Et in tanta coacervatione participiorum vix fieri potest, quin aliqua obscuritas in mente legentis et maxime audientis suboriatur. Inprimis cavenda sunt participia, si propter similem casum substantivi independentem ambiguitas exsistere potest: v. c. non dixerim: *Tu uteris hominibus voluptatibus fruentibus* vel *hominibus fruentibus voluptatibus*; ut taceam injucundum esse: sed hoc pertinet ad suavitatem. De participiorum usu supra p. 165 ff. in Parte priore fuisse diximus.

VIII) *Subiecti idea ab idea praedicari debet statim et facile discerni posse.* Peccari hic potest in omnibus fere casibus, maxime in his: 1) in duobus nominativis: qui v. c. argutiarum amore ductus dicit: *tristitia laetitia est*, nec ali-

quid praeterea addit, quo illam sententiam explicet, is obscure loquitur; nam sensus potest esse quoque: *laetitia est tristitia*; nam subjectum non semper primum locum occupat: sic Cic. ad Div. III, 10 §. 9 *dubitare non possum, quin tibi amplitudo ista sollicitudo futura sit*, ubi sollicitudo est subjectum. Sic Terent. Hec. II, 1, 4 *ambigue dixit: Itaque adeo uno animo omnes socrus oderunt nurus*: quia per se dubium est, utrum *socrus oderint nurus*, an *nurus oderint illas*: at contextus ibi ambiguitati occurrit. 2) *in duobus dativis*: v. c. non dixerim *mihi est parcendum homini* pro *meum est parcere homini*, quia et explicari possit *hominis est mihi parcere*, nec tibi *persuadendum est patri* etc., ac ne haec quidem: *medico medendum est morbo*, *fratri opera danda est literis*, *tibi studendum est literis*; licet nulla ambiguitas inesse possit, et haecenus toleranda videantur. 3) *in duobus accusativis*: v. c. non dixerim *hominem amantem deum amo* vel *hominem deum amantem amo*: inest enim ambiguitas. Multo minus dixerim: *Miror homines videntes alios virtutes colentes nolle ipsos eas amare vel earum amantes esse*. Hoc foret profecto lectoris attentionem et patientiam vexare, eique difficultates sine necessitate obijcere, vel potius fluctus movere in simpulo, ut ajunt. Qui facilius loqui potest, cur is tam contorte loquatur? At amor participiorum et reverentia nimia facile ad tales argutias abripit. Inprimis huc pertinent duo accusativi substantivorum cum infinitivo juncti, qui plerumque ambiguitatem creant, praesertim si duos homines omninoque duo animalia indicant, v. c. *audio patrem filium non amare*. Uter eorum amat? pater an filius? Uterque intelligi potest. Notum est illud oraculi: *Ajo te, Aeacida, Romanos vincere posse*. Ambigue locutus est Plautus Merc. II, 4 in. *Pentheum diripuisse ajunt Bacchas*: ubi subjectum est *Bacchas*, quod nemo scire potest, nisi cui ista fabula nota est. Aequè ambigue locutus est Terent. Hec. V, 1, 6 *Credo edepol te nonnihil mirari, Bacchis, quid sit, quapropter te huc foras puerum evocare jussi*: ubi per se non liquet, utrum *Bacchis puerum* an *puer Bacchidem* evocaverit, imo magis videatur *Bacchis puerum* evocasse, quia *te* praepositur: at ex contextu intelligitur, puerum fuisse, qui evocaverit *Bacchidem*. Neque vero Cicero istis duobus accusativis abstinuit; v. c. ad Div. V, ep. 20 §. 8 *Itaque huic loco primum respondeo, me, quamquam justis de causis rationes deferre properarim, tamen te expectaturum fuisse, nisi in provincia relictas rationes pro latis haberem*: ubi per se quidem ambiguum, utrum *me* an *te* sub-

subjectum sit: at contextus facile docet, *me* esse. Et quomodo Cicero, istud mutare potuisset? Evitari quidem ista conjunctio duorum accusativorum facile alioqui potest mutando activo in passivum, v. c. *Pentheum direptum esse a Bacchis: audio filium a patre non amari pro patrem filium non amare*: at in illo Ciceronis loco ista mutatio non quadrat. Poterat tamen, si voluisset, ita dicere: *respondeo, me hoc facturum fuisse, ut te exspectarem*: sic nulla ambiguitas, nulla difficultas. Et hac ratione ejusmodi duo accusativi facile evitari poterunt. Ac profecto eorum conjunctionem omni modo vitare est perspicue loquentis; et, quo magis perspicue loquimur, eo melius loquimur.

VIII) *Nominativus princeps, Verbo legitime praecedens*, qui vulgo *nominativus* simpliciter vocatur, idque satis obscure *), h. e. *subjectum* (sic enim rectius dicitur) non facile omitti debet, nisi paulo ante praecessit, atque ita facile intelligi potest. Omittunt eum pueri libenter, credentes illum in verbo jam latere (*er stecke im Verbo*; quam obscure dictum!) quia didicerunt *amat er liebt, legit er liest*, hinc *et er* verti non opus esse putant. V. c. *Da ich mit deinem Vater geredet hatte, so ging er nach Hause; da ich deinen Bruder davon überzeugen wollte, so sprach er*, vertendum: *Postquam cum patre tuo locutus eram, hic vel is domum abiit: Cum fratri tuo persuadere de ista re conarer, is vel ille mihi respondit*: Non satis accurate loquaris: *domum abiit; mihi respondit*, omisso pronomine *hic*, vel *is*, *ille*: nondum enim *nominativus* adfuit. Sic: *Nuper tuum fratrem vidi apud patrem meum: quaesivit ex eo* etc. obscure dictum est: quis enim quaesivit? *pater an frater*? Dicendum potius, si *pater fratrem* interrogavit: *hic quaesivit ex illo*, vel, si *frater* interrogavit patrem: *ille ex hoc quaesivit*: sic omnia plana. Etiam in vernacula falso dictum est: *Neulich sah ich deinen Bruder bey meinem Vater: da fragte er ihn*, quia aequae nescio, ad utrum illorum *et er* et ad utrum *et ihn* pertineat. Sic ambigue loquitur dicens:

*) Male vulgo in scholis quaerunt ex pueris: *ubi est nominativus*? cum tamen duo vel plures adsint. Si igitur puer unum eorum sumit prius, peccare dicitur, et tamen quaesivit et invenit *nominativum*. V. c. *Egregius vir semper habitus est Epaminondas, dux Thebanus*. Hic et *vir* et *Epaminondas* et *dux* est *nominativus*. At, si quaerere juberetur *subjectum*, ac sciret, quid *subjectum* esset, id quod puer facile discit, statim diceret *Epaminondas* esse *subjectum*.

eens: *Cajus et Titius de variis rebus disputarunt. Quaerenti, quid sentiret, respondit* etc. Dicendum, si *Cajus quaesivit: quaerenti illi — respondit hic*, vel *Cum ille quaesisset, respondit hic*: si *Titius quaesivit*, dicendum: *Huic quaerenti*, vel *Cum hic quaesisset, respondit ille*. Prisci hoc plerumque observarunt; hinc *to is* et in primis *to qui*, quod salvo sensu saepe abesse poterat, tamen ab initio enuntiationis principalis, post interpunctionem maximam saepissime ponunt. V. c. *Caesar in Galliam profectus est. Qui cum ibi reperisset* etc., ubi nulla ambiguitas foret, etiamsi *qui* abesset. — Cic. Rosc. Am. 25 *Quanto majores nostri sapientius? Qui cum intelligerent, nihil esse tam sanctum* etc., ubi, etiamsi *qui* abesset, tamen majores intelligerentur facile. — Divin. in Caecil. I de Siculis loquens ait: — *factum est, uti cum summum in veteribus patronis multis tum nonnullum etiam in me praesidium suis fortunis constitutum esse arbitrarentur. Qui nunc populati atque vexati cuncti ad me publice saepe venerunt* etc. *Qui* i. e. Siculi: sed quis hoc e contextu non intelligat? — Manil. 4 in. *Mithridates autem omne reliquum tempus non ad oblivionem veteris belli sed ad comparationem novi contulit. Qui posteaquam maximas aedificasset ornassetque classes* etc. *Qui* i. e. *Mithridates*: hoc contextus docet: at facilius est lectori et maxime auditori, subjectum enuntiationis sequentis statim nosse. — Sic *is* et *id* ponitur, atque ita subjectum repetitur a Cicerone, ubi e contextu jam intelligi poterat, v. c. Verr. III, 50 in. *Numos dabat arator. Quomodo? aut unde? Qui, si largissimus esse vellet, cumulatione mensura uteretur, ut antea solebant facere in decumis, cum aequa lege et conditione venibant. Is numum dabat. Unde? de frumento? Et qui et is abesse poterat; quis enim alius quam arator intelligendus?* — Ad Div. I, ep. 3 in. *Aulo Trebonio, qui in tua provincia magna negotia et ampla et expedita habet, multos annos utor valde familiariter. Is cum antea semper — gratissimus fuit* etc. — XIII, ep. 49 in. *Q. Pompejus, Sexti filius, multis et veteribus causis necessitudinis mihi conjunctus est. Is cum antea — consueverit* etc. — Epist. 56 in. *Cluvius Puteolanus valde me observat, valdeque est mihi familiaris. Is ita sibi persuadet* etc. — Ibid. §. 3 *Dixerat mihi Euthydemus, cum Ephesi essem, se curaturum, ut ecclia Mylasi Romam mitterentur. Id factum non est, Es ist nicht geschehen.* — Epist. 58 in. *L. Custidius est tribulis et municeps et familiaris meus. Is causam habet* etc. — Epist. 64 §. 6 *Tantum a te petimus, ut agas eam rem, ne relinquant hominem innocentem ad alicujus tui dissimilis quaestum. Id cum gratum mihi erit, tum* etc. — Epist. 67 §. 4 est hoc: *Feceris igitur mihi gratissi-*

gratissimum, si eum — adjuveris. Hoc mihi vehementer erit gratum etc. Haec pronomina non omnes hodie scribentes forsan addidissent: sed non omnes hodie perspicuitatis tam studiosi sunt, quam Cicero erat.

X) Praepositio *a*, quando initium temporis (vulgo terminum *a quo*) significat, ante se libenter habere solet *inde*; v. c. *inde a primis annis; inde a principio hujus imperii; inde ab adolescentia ita factum*. Sic omnis ambiguitas tollitur; et lector statim praevidet, *a* non causam efficientem sed tempus indicaturum. *Ab adolescentia factum est* esse quoque per se potest *adolescentia fecit* i. e. *adolescentes*.

XI) Parentheses, nisi omnes, longae tamen et crebrae in eadem sententia, quantum fieri potest, vitandae sunt: interruptunt enim contextum verborum antecedentium et consequentium. Res per se loquitur.

XII) Post parenthesin paulo longiorem Cicero, ut contextum interruptum restituat atque ita perspicuitatis causa, repetit unum vel etiam aliquot vocabula addito vel Verbo *inquam*, ut nostri *sage ich*, vel particulis *igitur, ergo*, interdum *sed, veruntamen, sed tamen*: v. c. Orat. III, 31 in. *Nostra est enim (si modo nos oratores sumus, si in civium disceptationibus, si in periculis, si in deliberationibus publicis adhibendi auctores et principes sumus) nostra est, inquam, omnis ista prudentiae doctrinaeque possessio* etc. — sic ad Attic. I, ep. 16 med. *Idem ego ille (non enim mihi videor insolenter gloriari, cum de me apud te loquor) idem, inquam, ego recreavi afflictos* etc. — *Igitur*: ad Div. I, ep. 9 §. 67 *Scripti etiam (nam ab orationibus dijungo me fere referoque ad mansuetiores musas, quae me maxime, sicut jam a prima adolescentia, delectarunt) scripsi igitur Aristoteleo more* etc. — ad Attic. XVI, ep. 3 in. *Tu vero sapienter (nunc demum enim rescribo his literis, quas mihi misisti, convento Antonio Tiburi) sapienter igitur, quod* etc. — Tusc. III, 15 in. *Quando et aliis locis de virtute diximus et saepe dicendum erit (plerumque enim quaestiones, quae ad vitam moresque pertinent, a virtutis fonte ducuntur) quando igitur virtus est affectio animi* etc. Not. hic aliam sententiam sequi. — Fin. III, 20 in. *Postea tuus ille Poenulus (scis enim Cinnaeos, clientes tuos, e Phoenicia profectos) homo igitur acutus* etc., ubi alia vocabula repetuntur, scilicet *homo acutus* pro ille *Poenulus*. — Sic Fin. V, 32 *Laetor quidem, philosophiam, cujus antea suppellectilem pluris aestimabam, quam possessiones reli-*
quorum,

quorum, ita mihi dives videbatur, ut ab ea petere possem, quid quid in studiis nostris concupissem, hanc igitur laetor etiam etc., ubi hanc pro philosophiam ponitur. Omisi hic semiluna (·) signa nota parentheseos, quia non exstant in editionibus ac sine iis parenthesis agnoscitur. — Ergo: ad Div. XV, ep. 10 in. *Quando id accidit, quod maxime mihi fuit optatum, ut omnium Marcellorum, Marcellinorum etiam (mirificus enim nominis ac generis vestri fuit erga me semper animus), cum ergo ita accidit, ut etc.* — Tusc. I, 7 *An tu dialecticis ne imbutus quidem es? in primis enim hoc traditur: omne pronuntiatum (sic enim mihi in praesentia occurrit, ut appellarem ἀξιωμα: utar post alio, sed, si invenero melius), id ergo est pronuntiatum, quod est verum aut falsum etc.* — Sed: v. c. ad Quint. frat. II, ep. 3 non procul ab in. *Qui (Pompejus) ut peroravit: nam in eo sane fortis fuit: non est perterritus: dixit omnia: atque interdum etiam silentio cum auctoritate peregerat: sed, ut peroravit, surrexit Clodius: Not. verba nam in eo usque ad peregerat sunt parenthesis, licet signum ejus desit; tum repetuntur sed ut peroravit.* — Offic. I, 30 *Quin etiam si quis est paulo ad voluptates propensior, modo ne sit ex pecudum genere (sunt enim quidam homines non re sed nomine), sed si quis est paulo erectior etc., ubi tamen alia sententia infertur post sed: sic fere Orat. III, 12 in. Equidem cum audio socrum meam Laeliam (facilius enim mulieres incorruptam antiquitatem conservant, quod multorum sermonis expertes ea tenent semper, quae prima didicerunt,) sed eam sic audio, ut Plautum mihi — videar audire. Not. in his praecedentibus exemplis sed habet tantum vim connectendi aliquam. — Sed tamen: ad Div. VIII, ep. 16 §. 2 quidquid arte fieri poterit (non enim jam satis est consilio pugnare, artificium quoddam excogitandum est), sed tamen quidquid elaborari aut effici potuerit ad istorum benevolentiam conciliandam etc. respondet nostro unterdessen aber i. e. es sey aber wie ihm wolle etc. — sic Orat. II, 90 non procul ab in. Saepe ego doctos homines, quid dico saepe? imo nonnunquam: saepe enim qui potui, qui puer in forum venerim, neque inde unquam diutius quam quaestor abfuerim? sed tamen audiui, ut heri dicebam, et Athenis cum essem, doctissimos viros, et in Asia etc. — Veruntamen: ad Div. V, ep. 21 §. 9 Puto autem mea nonnihil interesse (quamquam id ipsum, quid intersit, non sane intelligo), veruntamen, quidquid illinc nuntiatum sit, non longe abesse velim etc., ubi tamen non tam restituere contextum quam verbis parentheseos signo inclusis respondere videtur, ut supra sed tamen h. e. es sey wie ihm wolle, unterdessen aber, etc. Melius huc quadrat ad Attic. I, ep. 10 in.*

Cum

Cum essem in Tusculano (erit hoc tibi pro illo tuo Cum essem in Ceramic), veruntamen cum ibi essem etc.

XIII) Si quod vocabulum paulo obscurius esse credimus, eo-
que tamen uti cogimur, id explicare debemus v. c. per hoc est,
five, seu, aliove modo. Exempla afferre non possum: quia
aliud alii difficile et obscurum est: et hic ad lectorum et au-
ditorum captum se quisque accommodare debet. Potest etiam
interdum, si quidem lubet ac propter reverentiam erga audi-
tores per hoc est explicare dubitas, explicatio teste institui;
id quod fit 1) quando statim synonymum adjicis, v. c. *aucto-
ritas et consilium: subtilitas et diligentia*. Divin. in Caecil. 7
Da mihi hoc et concede. Verr. III, 7 *Do hoc tibi et concedo*.
De qua re supra p. 385 in Cap. de Copia dic. late dictum
est. 2) quando rem eandem et negative et affirmative effers:
v. c. *in luce clarissima res versatur, nec ullo modo negari potest*.
3) repetitione ejusdem rei per aliud vocabulum vel per cir-
cumscriptionem. Sic Cicero millies. Cf. p. 390 ff. et 406 ff.

XIII) Repetitio ejusdem ideae, praesertim si ad eam in pri-
mis attendere lectorem et auditorem volumus, valde necessaria est
perspicue loqui cupienti, ut supra p. 557 ff. in explicatione re-
rum f. idearum diximus. Lector vel auditor semel dicta
obliviscitur vel non attendit: at repetita non potest oblivisci,
cogitur attendere. Fit ista repetitio tum statim tum omni
occasione per totam rei tractationem, placetque in primis,
si ita fit, ut vix sentiat a legente et audiente, nisi valde
docto, repetitionem ejusdem ideae tam saepe factam esse.
Si quaeris, quibus modis ea instituat, tres hic proponam:

1) Idem vocabulum repetitur: v. c. Cic. Rosc. Am. 26 *Tanti
maleficii crimen, cui maleficio tam insigne supplicium est consti-
tutum, probare te, Eruci, censes posse talibus viris, si ne causam
quidem maleficii protuleris? ubi maleficio repetitur*. — Verr.
III, 6 *Perpaucae Siciliae civitates sunt bello a majoribus nostris
subactae: quarum ager cum esset publicus populi romani factus,
tamen illis est redditus. Is ager a censoribus locari solet: po-
terat dicere Is a censoribus, at vocabulum ager simul repetere
maluit ob perspicuitatem*. — Manil. 12 extr. *Ita tantum bel-
lum, tam diuturnum, tam longe lateque dispersum, quo bello om-
nes gentes ac nationes premebantur, Cn. Pompejus extrema hye-
me apparavit, ineunte vere suscepit, media aestate confecit*. Re-
petit ideam belli, ut appareat, quanta virtute sit Pompejus,
qui tantum bellum tam celeriter confecerit. — Cluent. 57
A. Clu-

A. Cluentius, eques romanus, causam dicit ea lege, qua lege senatores et ii, qui magistratum habuerunt, soli tenentur: ubi quae sufficebat per se. — Mil. 20 in. Ante fundum Clodii: in quo fundo propter insanas illas substructiones facile mille hominum versabatur valentium: abesse fundo poterat; sed repetit, ut iudices magis videant, quam incredibile sit, Milonem talem locum ad pugnandum cum Clodio elegisse. — Pertinet huc illa anaphora, quae nihil aliud est quam repetitio ejus vocabuli, ad quod attendi volumus: v. c. Verr. III, 9 Hunc in omnibus stupris, hunc in fanorum expilationibus, hunc in impuris conviviis principem adhibebat sc. Verres: sermo est de Apronio. Huc pertinet Epizeuxis v. c. dolebam, dolebam etc. Phil. II, 15; it. epiphora, clausulam repetens.

2) *Vocabulo, cujus ideam repetere volumus, substituitur pronomen aliquod, v. c. is, ille, hic, qui, v. c. Verr. II, 53 de Timarchide loquens Cicero ait: Exquisitis palam pretiis et licitationibus factis describebat censores binos in singulas civitates Timarchides. Is suo labore — consequebatur, ut ad istum (Verrem) sine ulla sollicitudine summa pecunia referretur: ubi is est idem Timarchides; ac paulo post: Sed ne miremini, qua ratione hic (Timarchides) tantum apud istum (Verrem) libertus potuerit etc. Recte: nam Timarchides profecto erat homo notabilis. Add. dicta n. VIII.*

3) *Vocabulo illi substituitur aliud ejusdem generis h. e. nomen nomini, Verbum Verbo, interdum etiam plura verba, atque ita eadem res aliis verbis diverse exprimitur, v. c. Cic. Verr. I, 1 in. Neminem vestrum ignorare arbitror, iudices, hunc per hosce dies sermonem vulgi atque hanc opinionem populi romani fuisse, C. Verrem altera actione responsurum non esse neque ad iudicium adfuturum. Quae fama non idcirco solum emanarat etc. Hic fama nihil aliud est quam sermo vulgi. Verr. III, 6 primum dicit: Ita decumas lege Hieronica semper vendundas censuerunt etc. Deinde: Hoc jure ante Verrem praetorem Siculi semper usi sunt: ubi hoc jure est idem quod lege Hieronica. In primis notanda haec duo loca: Verr. I, 5 in. Meditetur de ducibus hostium, quos accepta pecunia liberavit: videat, quid de illis respondeat, quos in eorum locum subditos domi suae reservavit: quaerat non solum, quemadmodum etc., ubi meditetur, videat; quaerat posuit, cum uno horum contentus per se esse potuisset. Sed omnis repetitio vocabulorum, modo sit apta, est repetitio idearum h. e. efficit, ut rem planius perspiciamus: hinc pertinet in primis ad gravita-*

gravitatem dicendi. Alter locus est Cluent. 2 in. *Dominetur* (falsa invidia opposita veritati) *in concionibus, jaceat* (i. e. nil valeat) *in judiciis: valeat in opinionibus ac sermonibus imperitorum, ab ingeniis prudentium repudietur: vehementes habeat repentinos impetus, spatio interposito et causa cognita consenescat!* Egregie dictum! *Dominetur, valeat, vehementes habeat impetus, et jaceat, repudietur, consenescat:* quae copia dicendi! Poterat *dominetur* vel *valeat* etc. ac *jaceat* vel *repudietur* sufficere. Cicero his omnibus vocabulis vult dicere, falsam invidiam (*die ungegründete üble Nachrede, Blame,*) apud iudices nil valere atque ita Cluentio nil nocere debere.

XV) *Ut rara vocabula*, quia sunt paulo ignotiora, sic quoque *in primis raras constructiones, licet auctoritate priscorum se tucantur, fugere debemus: v. c. fruor cum genitivo* etc. Nam lector vel auditor, qui usitata tantum et nota meminit, non statim intelligit, unde iste genitivus pendeat, et opinatur, aliquid forsan omissum esse, quo ille casus referatur. Sic non dixerim: *priscis ita dicitur* pro *a priscis*: nec *cunctis laudatur* pro *a cunctis*, licet iste dativus sic occurrat apud Ciceronem interdum post passiva: poetae ita solent loqui. At post gerundium necessitatis, ut dicitur, et participia in *du* recte dativus pro *a* cum ablat. ponitur: v. c. *mihi Deus est amandus* pro *a me*: *liberis parentes sunt colendi* pro *a liberis*: *libri nobis sunt legendi* pro *a nobis*. Imo in hac forma dativus est rectior, et tam usitatus apud priscos, ut altera forma per *a* pro vitio habenda videatur. Omnia enim hic nituntur usu dicendi. — Sic nolim dicere *in potestatem esse* pro *in potestate*, licet Cicero ita dixisse dicatur Manil. 12, ubi haec in nonnullis Editt. leguntur: *cum vestros portus in praedonum fuisse potestatem sciatis?* at Edit. Ernest. *potestate: sic in potestatem ditionemque esse* legitur Cic. Divin. in Verr. 20 extr. ut in aliis Editt. ita in Ernest.; id quod mihi perinde est, ac si quis vernacule dicat *in die Gewalt seyn* etc.: ut alia loca taceam, quorum nonnulla tamen explicatione adjuvari possunt, nonnulla dubia habentur: it. Liv. XXIII, 8 *stantibus vobis in aciem armatis* pro *acie*: vid. Vechn. Hellen. ed. Heuf. p. 258 seq. Forfan hic accusativus non nisi manui librariorum tribuendus est. — Non facile dixerim *tempus est* dicere pro *dicendi*, licet ita dicat Cicero Orat. II, 42 extr. Top. 1: sic Liv. VI, 18 extr. *tempus est jam majora conari*; VIII, 5 in. *tempus erat nihil agere* etc. Nep. Agef. 3 *tempus copias extrahere ex hibernaculis*; Hannib. extr. *nunc tempus est hujus libri facere finem*: non, quod falso ita dicatur; nam

si prisci ita non raro loquuntur, quis pro falso habeat? sed quia haec constructio non cuiusvis lectorum vel auditorum nota est, ut timendum sit, ne eorum mens perturbetur. Sic non raro sequitur accusativus cum infinitivo apud priscos, v. c. Cic. Att. III, 5 *jam tempus est, me ipsum a me amari*. Nep. Dat. II in. *tempus esse, majores copias parari* etc.: quae ratio non spernenda est, tum quia prisci ita loquuntur, tum quia cum alia ubique commutari non potest. — At nemo raras constructiones fugere potest, nisi qui eas novit h. e. qui lectioni priscorum assuetus est, atque ita suis oculis cernit, quid rarum, quid usitatum in constructione sit vel saltem a viro perito admonetur. — Cavendum hic quoque est, ne statim fidem habeamus omnibus iis, qui confirmant, priscos hoc vel illo modo locutos: v. c. non equidem dixerim *mei unius opera, tui unius studio* pro *mea unius, tuo unius*, licet post alios Cortius, defensor ille omnium durarum locutionum, ad Cic. Epp. ad Div. II, 6 extr. defendat, Ciceronem ibi *tui unius studio*, Marcell. 7 *ex unius tui vita*, Vatin. 3 extr. *cum mei unius salute* scripisse. Edit. Ernest. habet ad Div. II, 6 quidem *tui unius*, sed Marcell. 7 Vatin. 3 habet *tua, mea*. add. de hac re Perizon. ad Sanct. II, 13, 3 p. 251, quem Cortius secutus est. — Sic nec dixerim: *illum, ut vivat, optant* cum Terent. Adelph. V, 4, 20, qui saepius ita loquitur, ex graecismo: vid. Perizon. ad Sanct. p. 188.

XVI) In recto usu *particularum*, quibus vocabula et membra conjungi solent, *et, aut, vel, it. si, cum* etc. inest magna perspicuitas. Notandum igitur

1) *Et* non omittendum esse facile, v. c. *dixit, abiit*: quia lector vel auditor tum adhuc aliquid expectat; praeterquam in sermone gravi, ubi aliquis commoto animo loquitur: hic enim sonus vocis ipse indicat, finem esse sententiae: Et in legendo vel per distinctionis signa animadvertitur vel e contextu.

2) Libenter priscos duplex *et* ac duplex *aut* ponere, ubi vernacula uno contenta est, supra jam in Parte priorie dictum est. Fit hoc ob perspicuitatem: sic enim statim lector auditorve videt, duo vocabula ita juncta cohaerere et ad eandem enuntiationem pertinere, ac duo membra ita juncta secum cohaerere et ad eandem pertinere sententiam. Quando quis v. c. dicere vult, se ab hominibus amari et laudari, idque his verbis exprimit: *Homines me et amant et laudant*, nonne sentis, lector, re, simulac verba *et amant le-*
geris

geris vel audiveris, statim expectare adhuc aliud *et*, atque ita aliud praedicatum, atque ita quasi jam praeparari tuam mentem ad id percipiendum et attentam fieri? Sin ille ita loquitur: *Homines me amant et laudant*, nonne post *amant* videtur enuntiatio clausa esse, et postea nova incipere, donec videas tandem *et laudant* etiam eo referri? Id quod in lationibus enuntiationibus magis perspicitur. V. c. *Si te semper inde ab adolescentia valde amavi, et pro magna meritorum tuorum multitudine et excellentia maximi aestimavi, (quis hoc non faciat?) intelligere facillime potes etc.* Hic initio dubius sum, utrum *et amavi* claudat enuntiationem, ac *et* et membrum consequens incipiat, sitque per *etiam* explicandum, an verba *et pro magna etc.* ad illam pertineant, sitque vertendum *und*. Hoc antea non certo scio, quam ad *intelligere potes* veniam. At haec dubitatio statim evanescit, si scribis ac dicis: *Si te et semper amavi et pro etc.* Sic malim dicere: *Et patrem et matrem amo pro patrem et matrem amo.* Sic et aut: v. c. *Liber tibi aut jam redditus est aut brevi reddetur*, rectius et magis perspicue est dictum quam *liber tibi redditus est etc.* Saepe etiam *et* et ter ponitur: v. c. *et patrem et matrem et fratrem amo.* — Pertinet huc quoque nec s. neque bis ponendum pro uno. V. c. pro *librum hunc non vidi nec videre volo* dicitur *librum hunc nec vidi etc.* Cic. ad Div. III, ep. 7 §. 13 *propterea quod neque is, qui tenet rempublicam (i. e. Caesar), patietur, neque ipsa respublica: propterea quod non is etc.* Melius *et* neque, neque, s. nec, nec conjungere verba et membra, quam *non, neque*, atque ita melius servire perspicuitati, facile intelligitur. Qui plura exempla cupit, consulat Partem priorem, in Cap. de *Connexionem* Sect. I et II, p. 281 ff., ubi de tota re accurate et late egimus.

3) *Et*, licet saepissime pro *etiam* poni possit, tamen, si contextus talis est, ut videatur quoque per *que (und)* explicari posse, non ponendum, sed dicendum est *etiam, quoque*. V. c. *Cum vidissem te brevi perlegisse et Virgilium et Homerum, et Horatium tibi mittendum censui*: h. e. *etiam Horatium*: at ego hic posuerim *etiam Horatium*, vel *Horatium quoque*; quia *et Horatium* videri possit ad praecedentia referri, et contextus demum consulendus est: et in legendo signum distinctae minimae opem ferre debet. — Sic pro: *cum istum librum et emissem et legissem, et vidissem, nihil praeclari eo contineri etc.* malim dicere: *Cum istum librum et emissem et legissem, vidissemque vel ac vidissem etc.*, ut lector vel auditor statim videat, verba *librum et emissem et legissem* unam enuntiationem effici-

cere, et verbis ac vidissem vel vidissemque aliam incipi. — Sic prisci plerumque; nam interdum etiam Ciceronem tria et jungere, ubi duo tantum inter se arcte cohaereant, negari non potest.

4) Si non confundendum est cum particula *cum wann*, quae est temporis, illa plerumque conditionis. Aliud est *faciam cum possum* et *faciam si possum*; in vernacula quidem utrumque est *wenn ich kann*: at *cum possum* est eo tempore, quo possum, et *si possum* est ea conditione, per quam liceat facere: hoc dubitanter loquitur, illud non. Sic *cum volo* est *zu der Zeit, da ich will*: *si volo* *unter der Bedingung, daß ich will* s. *wofern ich anders will*. — Ex ista commutatione harum duarum particularum, quae hodie valde usitata est, oriri potest alia obscuritas; v. c. multi nesciunt, *cum wann* jungi per se indicativo: dicunt ergo v. c. *cum sciam, possim*, hoc sensu, ut sit *wann ich weis, kann*, cum omnes lectores et auditores, linguae gnari, hoc intellegendi sint ita, ut significare putent *da ich weis, kann* etc. Nec tamen negandum, *si* apud priscos de tempore non raro occurrere, v. c. *tum existere, si* etc. Cic. Tusc. III, 22 in. et saepius.

5) *Cum* s. *quum* non commutari debet cum *dum*: hoc enim semper indicat tempus adhuc durans per eam actionem, quae in illo fit: v. c. *dum scribebam, venit pater während daß ich schrieb, im währenden Schreiben* (sic forsan rectius quam *während des Schreibens*, nam *während* est particip.): hic *dum* indicat, patrem venisse in media scriptione mea, ut ita loquar, at *cum scribebam* non accurate hoc indicat.

6) Sic et aliae conjunctiones, v. c. *etiamsi wenn auch; ut (gesetzt daß)*, non confundendae sunt cum *quamquam*, ut vulgo fit etc. De his et pluribus supra in P. I, p. 157 ff. et 366 ff., dictum est late: hic loquor de iis, quatenus perspicuitati serviant. Quaecunque vero accurate dicuntur, sunt perspicua magis quam quae vitiose.

XVII) In vocabulis, quae externa literarum forma inter se conveniunt, significatione differunt, videndum, ne lector auditorve ea confundat et unum pro altero habeat, vel nimis diu quaerere cogatur, utrum intelligat. Talia verba sunt multa: v. c.

1) *Uti* pro *ut* et *uti* ab *utor*. V. c. Nolim dicere: *Satis multa de animi voluptate dixi. Qua uti quisque studet potiri, ita* etc. Malim dicere: *Qua ut* etc. Possit per *uti* lectoris vel auditoris mens perturbari vel paululum retardari; quia
initio

initio *uri* videatur esse ab *utor* propter ablativum *qua*; postea quidem facile apparet manifeste esse particulam similitudinis. Debemus omnia remove, quae vel paululum impedire queant legentem et audientem.

2) *Quodque, quaeque*: quod potest compositum esse e duobus vocabulis *quod* et *que*: *quae* et *que*: potest vero quoque esse a *quisque*.

3) *Quin* pro *imo* interdum non posuerim v. c. post *non dubito*: v. c. haec verba: *Ich zweifle nicht, ja ich bin ganz gewiß überzeugt*, non verterim: *Non dubito, quin certissime mihi persuasum est*. Nam quamquam ex indicativo *persuasum est* patet, *quin* hic esse adverbium *ja*: tamen initio lectori, ob praecedentia verba *non dubito*, facile in mentem venit credere, esse conjunctionem *daß* s. *daß nicht*. Malim itaque dicere: *Non dubito, imo seu atque adeo certissime* etc.

4) *Est a sum* et *est ab edo*: v. c. si quis dicat: *habet cibum, nec tamen est stultus* hoc sensu: *Er hat Speise und der Narr ist doch nicht*, is valde obscure loquatur: Pauci conjectura forsitan assequantur, *est* pro *edit* positum esse. In jocando ita liceat ambigue loqui.

5) *Ut* adverb. et *ut* conjunct. v. c. *video, ut venerit, ich sehe wie er gekommen* paulo obscurius dictum est pro *quomodo*: et tamen Cicero aliquoties ita loquitur: *Rosc. Am. 24* in. *Viderisne, quos nobis poetae tradiderunt patris ulciscendi causa, supplicium de matre sumsisse, cum praesertim deorum immortalium jussis atque oraculis id fecisse dicantur, tamen ut eos agitent Furiae* etc. Cohæret *Viderisne* cum *ut* eos agitent etc. Hoc in loco facile tiro haerere solet, tum quod verba *ut* eos agitent tam longe sejuncta sunt a *viderisne*, tum quod *ut* pro *quomodo* explicandum est; quod mirum illi solet esse propter additum conjunctivum. — Locus *Agrar. II, 1*, ut *Graevius* quidem eum legit (nam in vulgatis sensu caret): *ipse modice dicam* (scil. de meis meritis), *ut, si necesse erit, vos eosdem existimaturos putem, qui judicastis*: paulo difficilior videtur ob particulam *ut*: quaeritur, utrum sit adverbium *wie*, an conjunctio *daß*: Ego pro adverbio habeo ac sic verito: *Warum ich aber dieser so großen Ehre, i. e. des Consulats, würdig bin, davon will ich selbst mäßig reden, nämlich so, wie ich glaube, daß ihr selbst davon urtheilen werdet* (existimaturos), *ihr, die ihr bereits euer Urtheil geäußert habt* (qui judicastis) scil. *dadurch, daß ihr mich zum Consul gemacht habt*. Cui haec pars orationis *Agrariae* satis nota est, is novit, quantopere Cicero gloriatur, quod suo anno factus sit consul, et quantopere se laudare cupiat, nec tamen palam

hoc facere audeat: hinc tam teste de sua laude loquitur, ut vix ab attento intelligi mens ejus plane possit. At rectius puto ut per *wie* quam per *daß* explicari.

6) *Sis a sum et sis pro si vis*, quod posterius est Cic. Rosc. Am. 16 extr. *Age, refer animum, sis, ad veritatem.* Hoc in contextu quodam potest ambiguitatem asserre.

7) *Regis a rex et regis a rego*; sic *legis, sedes* etc. sic *videris, legeris* etc. sic *existit ab exsisto* et ab *exsto* etc. it. *constitit a consto* et a *consisto* etc.

8) *Eo* adverb. (quamquam proprie est ab *is*) et *eo* ab *is*. V. c. *Eo homine profecto* potest per se esse tum *postquam is homo profectus est*, tum *postquam homo eo profectus est*. Hinc *eo*, si *istuc* notare debet, malim in *istuc* hoc loco mutare ad vitandam ambiguitatem.

9) *Et si obgleich cum et si und wenn* facile confundi potest a lectore et auditore. Hinc posterius mutatur rectius in *ac si*: Cicero tamen habet non raro *et si* pro *und wenn*.

10) Eaedem terminationes vocabulorum in casibus interdum obscuritatem efficere possunt, v. c. *tu suavior es omnibus*: ubi *omnibus* per se potest esse et ablativus pro *quam omnes*, et dativus: sic, si quis dicat: *fratres peregrinantes viderunt*; ubi per se dubium, utrum fratres viderint peregrinantes, an peregrinantes viderint fratres. Hinc vocabulum *talis* ap. Horat. I, od. 4, 18 difficile est: ac sensus verborum *regna vini talis* semper dubius manebit h. e. tamdiu, quoad Horatius ipse dicat. Nescimus, utrum Horatius istud scribens poculum tenuerit manu sublata, ut Baxt. et Gesn. putant, nec male quidem; an *talis* sit a *talus*. Nil antea Horatius de vino dixerat, ut imprudenter locutus sit, si *talis* i. e. *rots* intellexerit. Quamquam quis poetam legibus coerceat vel imprudentiae accuset? — sic Cicero obscure (saltem nobis) locutus ad Div. VIII, ep. 20 in. dicens: *Me autem a te, ut scurram velitem, malis oneratum esse non moleste tuli.* Forsan difficultas latet in *malis*. Explicationem, si qua esse hujus loci potest, dedit summus Ernesti in clave Cic., quamquam de *malis* Ciceroni missis nihil antea ibi dicitur. — Sic ap. Virgil. Aen. VII, 411 de Ardea oppido: *Locus Ardea quondam dictus avis: et nunc magnum manet Ardea nomen*; ubi *avis* ambiguum est. Ego sumo *avis* ab *avus*, ut sit a *majoribus*: sic et Cel. Heynium explicare video. Donatus *avem* intelligit: quod puerile mihi videtur: quis enim nescit *Ardeam* esse quoque *avem*? Hoc addere non decebat Virgilii gravitatem: et quaeritur adeo, an Virgilius ad *avem* illam omnino respexerit.

II) Eaedem terminationes vocabulorum in Genere faepe possunt lectoris et auditoris mentem dubiam, saltem aliquamdiu, reddere. V. c. *multorum* est genit. masculin. et neutrius: Non dicendum igitur est: *haec est causa multorum* pro *multarum rerum*; sed rectius *multarum rerum*. Et sic prisci semper. — Sic *hujus*, *cujus*, non in neutro absolute dici debet, v. c. *hujus causa*, die *Ursache hiervon*: sic malim dicere *qua re*, *hac re* *hierdurch* quam *quo*, *hoc*: tolerabilius est *quo* quam *hoc*, quia hoc possit videri quoque Nominativus vel Accusativus, v. c. *Hoc factum est hierdurch istis* etc. Sic vernaculum *hieraus*, v. c. *hieraus sieht man* rectius vertitur *hac ex re*, quam *ex hoc*, quia hoc possit et pro masculino haberi: sic malim dicere *qua ex re*, quam *ex quo*, saltem illud crebrius usurpem, quam hoc: et rarius prisci *ex quo* quam *qua ex re* dixerunt. Sic si quis dixisset: *Suum cuique pulchrum est*, ac tum ex me vernacule quaereret: *was ist die Ursache hiervon?* haec quaestio vertenda est *quaenam est hujus rei causa?* Male loquaris: *quaenam est hujus causa?* hoc neutrum *hujus* nemo intelligeret: multo pejus diceret: *quaenam est causa de hoc*: quod vix pueris ignoscendum. — Apud Liv. II, 9 ambiguitas generis locum reddit paulo obscuriorem. Verba sunt Tarquiniorum Porſenam rogantium, ut sibi regnum romanum restitueret. Dicit Livius: *monebant (Tarquinii Porſenam) etiam, ne orientem morem pellendi reges inultum sineret. Satis libertatem ipsam habere dulcedinis. Nisi, quanta vi civitates eam expectant, tanta regna reges defendant* etc., *tanta* scil. *vi*: et regnum est *die königliche Würde*, non *das Reich*, ut *regnare* est *regem esse* v. c. Liv. I extr. Melius tamen Livius fecisset, si scripisset: *tanta reges regna* etc., ne tiro in errorem induceretur, ac crederet, saltem initio, *tanta* coniungendum esse cum *regna*. — Multo obicurius est locus Liv. VIII, 13 med. *Quae regio si fida Samnitibus fuisset, aut pervenire Arpos exercitus romanus nequisset, aut interjecta inter Romam et Arpos, penuria rerum omnium, exclusos a comitatibus absumpisset*. Quaeritur enim, quo *interjecta* sit referendum. Glareano non vitio nimis vertendum, quod *interjecta* ad *penuria* retulerit. Locus enim est obscurus. Gronovii explicatio et correctio est aequae contorta nec sufficiens. Locus haud dubie critica indiget adhuc manu: interim intell. *regio*. Ceterum hinc puto multa *supina Verborum* rarius occurrere apud priscos, quia ambigua sunt ac cum participiis passivorum confundi a lectoribus et auditoribus possunt: hinc puto quoque factum, ut prisci dixerint *dic*,

duc, fac, fer pro *dice, duce* etc., ne cum *dice*, quod olim in usu fuisse e *dicis* causa patet, *duce* a *dux*, *face* a *fax*, et adverbio *fere* confunderentur. Hinc *assiduus* ab *asse* dando forsitan obsolevit, ne cum *assiduus* ab *assideo* permutaretur etc.

XVIII) *Caveamus, ne nimis longis iisque crebrioribus, ut omnino complexionibus verborum; ita maxime periodis utamur*: quia attentionem lectoris et auditoris defatigant, taedium ei tandem afferunt, ac simul difficultatem intelligendi sensum oratoris et scriptoris. Peccavit hic saepe Caesar; id quod haud dubie inde accidit, quod celeriter et subito ea, quae singulis diebus gesta essent, perscriberet. In primis longa complexio verborum est Bell. Gall. II, 25 *Caesar, ab decimae legionis cohortatione ad dextrum cornu profectus, ubi suos urgeri, signisque in unum locum collatis duodecimae legionis milites confertos sibi ipsos ad pugnam esse impedimento. quartae cohortis omnibus centurionibus occisis signiferoque interfecto, signo amisso, reliquarum cohortium omnibus fere centurionibus aut vulneratis aut occisis, in his primopilo P. Sextio Baculo, fortissimo viro, multis gravibusque vulneribus confecto, ut jam se sustinere non posset, reliquos esse tardiores, et nonnullos ab novissimis desertos praelio excedere ac tela vitare, hostes neque a fronte ex inferiore loco subeuntes intermittere et ab utroque latere instare, et rem esse in angusto vidit, neque ullum esse subsidium, quod submitti posset: scuto ab novissimis uni militi detracto (quod ipse eo sine scuto venerat), in primam aciem processit, centurionibusque nominatim appellatis, reliquos cohortatus, milites signa inferre et manipulos laxare iussit, quo facilius gladiis uti possent. Cogites, nominativus Caesar et verbum ad eum pertinens vidit quam longe inter se disjuncti sint: et membrum antecedens totum claudi demum verbis: quod submitti posset. Quis non defatigetur legenda complexione verborum tam longa? Iam, si in narrando ista longitudo defatigat et vitium est, quanto magis in alio dicendi scribendique genere? — Nimis quoque longae complexiones verborum ac simul non parum contortae sunt Ciceron. Quir. p. red. I in: *Quod precatus — maxime laetor, Quirites*, quae duodeviginti versibus constat: et Dom. 57 in., quae septem et viginti versibus continetur: ac ne satis quidem inter se cohaeret. Sed hoc facile accidit in longis complexionibus verborum.*

XVIII) *Abstinendum est ellipsis durioribus* h. e. non nisi ea vocabula omittenda sunt, quae vel statim praecesserunt, atque ita e contextu facile intelligi queunt, vel per consuetu-

suertudinem inveteratam omitti vulgo solent, atque ita ab omnibus linguae gnaris intelligi statim possunt: quales sunt v. c. *paucis dicere int. verbis: quid multa?* int. *dicam: nescio scribam an legam* pro *scribamne vel utrum scribam* etc.: *non habeo, quod agam* int. *negotium: habes, ubi virtutem tuam ostendas* int. *locum: sunt, qui dicant* int. *homines: non modo scribere sed ne legere quidem didicit* pro *non modo non: haud scio an* pro *annon: quid fles* pro *propter quid* etc.: *ires dies ibi fui* int. *per.* Hae sunt vulgares et satis notae ellipses: quibus quis non utatur? Consuetudo eas jam notatas reddidit. Sic *pater diu mecum de ista re locutus est; nec tamen potuit* etc. pro *nec tamen ille potuit: at hoc ille sponte intelligitur* e contextu h. e. quia non nisi *pater* praecessit, ad quem *potuit* refertur. Sic *Caesar Pompejum vicit: victum et fugientem excepit Aegyptus* pro *hunc victum: at hunc* omitti potest, quia e praecedentibus verbis intelligitur, *victum* esse Pompejum. — At sunt duriores ellipses, quando vocabulum, quod omittitur, non statim vel plane non praecessit, ac contextus simul difficilior est, v. c. Cic. ad Div. XII, ep. 30 §. 16 *Honore enim cum ignominia dignis non erant comparandi* pro *Honore enim digni* etc. (ut edidit Ernesti). Eodem modo Ovid. Met. I, 20: (*pugnabant*) *Mollia cum duris, sine pondere habentia pondus* pro *Mollia pugnabant cum duris, pondus habentia pugnabant cum iis, quae erant sine pondere* h. e. *levia.* Dura est ellipsis particulae *potius, magis, ante quam* v. c. Nep. Datam. 8 in. *tamen statuit congregi, quam cum tantis copiis refugere* etc. pro *statuit potius* etc.: plura ejusmodi exempla habet Vechn. Hellen. p. 138, sed cum cautione legenda, quia nonnulla loca hodie aliter leguntur: it. Sanctius in Minerv. ibique Periz. p. 692 et 699, qui etiam de aliis ellipsis consuli possunt. — Durior et obscurior est etiam saepe ellipsis, quando duos homines vel plures colloquentes inducimus et omittimus vocabula *dixit, respondet, vel tum ille, ego, Cajus* etc., praesertim si colloquium paulo longius est ac de rebus non vulgaribus dicitur. Sic Horatius saepe obscurior fit, v. c. Sat. II, 5, ubi Tiresiam et Ulysses inducit colloquentes: it. in Arte poetica s. epistola ad Pisones passim. Addi etiam possunt, quae supra P. I in cap. de brevitate p. 468 ff. dicta sunt. Sed unde discimus notas ellipses? nonne e lectione priscorum? Ergo hac omnia nituntur.

XX) Vocabulis relativis *hic ille* et *alter alter* recte utendum h. e. ita, ut lector statim videat, quo singula pertineant, nec demum e contextu hoc suspicari opus habeat.

1) *Hic et ille* ita usurpari debent, ut *hic* ad propius vocabulum, *ille* ad remotius, referatur, veluti nostrum *dieser et jener*. Fit hoc dupliciter: a) *primum*, ubi tantum de uno homine vel una re sermo fuit. *Hic*, si iste homo vel ista res paulo longius praecessit, usurpari debet *ille*: sin propius, *hic*: v. c. *Si virtus tibi placet, cur hanc* (vel etiam *eam*, non *illam*) *non colis?* Sic *De virtute multa diximus*. Haec tamen non omnibus placent: Haec scil. multa, non illa. Sic *Notum est misere Pompejum perisse*. Fugerat *hic* in Aegyptum etc. Recte: *hic*. At *Si virtus, donum illud dei egregium, tibi tantopere placet, quomodo, quaeso, fit, ut tamen illam non colas*. Rectius *illam*, quam *hanc*. Sic *Pompejum, qui antea invictus fuerat et nomen felicitis consecutus erat, tandem misere perisse notum est*. Fugerat *ille* in Aegyptum etc. Rectius *hic* est *ille*, quam *hic*. Non tamen negandum, *hic* peccari interdum a priscis, et interdum *ille* pro *hic* poni. b) deinde in primis hoc observandum est, ubi de duobus hominibus vel rebus sermo est. Tum semper *hic* ad propiorem, *ille* ad remotiorem, referri debet. V. c. *Cum Caesar et Pompejus diu inter se contenderent, ille, quia neminem superiorem, hic, quia neminem parem ferre poterat etc.*, ubi *ille* ad Caesarem, *hic* ad Pompejum, pertinet; perperam dixisses: *hic, quia neminem superiorem etc.*, quia tum lector ad Pompejum retulisset ea, quae ad Caesarem pertinebant. Sic Cicero ad Atticum saepissime scripsit. Nec *hic* intermisit etc. *hic* i. e. *Atticus*, si dicas *ille*, intelligatur Cicero. — Res est nota, nec exemplis priscorum eget: unum tamen afferam, ubi de duabus rebus sermo est, et *illud* usurpatur; non sequente tamen *hoc*, quia altera res omittitur. Cic. ad Div. XVI, ep. I prope fin. ad Tironem: *Nos ita te desideramus* (i. e. *re nobiscum habere cupimus wir sehnen uns nach dir*), *ut amemus*. Amor, ut *valentem* (Tiro aegrotabat) *videamus, hortatur: desiderium* (Sehnsucht), *ut quam primum*. Illud igitur potius. Cura ergo potissimum, *ut valeas etc.*: *et illud* ad prius refertur, h. e. ad verba: *amor hortatur, ut te valentem videamus*: dicit ergo Cicero, se illud praeferre, et statim se explicat verbis: *Cura ergo potissimum, ut valeas*. — Hanc igitur diligentiam ubique servare debemus, licet prisci interdum peccent. Nam peccasse eos interdum, et *et ille* retulisse ad propius, *hic* ad remotius, negari nequit: v. c. Cic. Rosc. Com. 2 *Quid est, quod negligenter scribamus adversaria? quid est, quod diligenter conficiamus tabulas? qua de causa? quia haec* (adversaria) *sunt menstrua, illae* (tabulae) *sunt aeternae; haec delentur statim, illae servantur sancte: haec parvi*

tem-

temporis memoriam, illae perpetuae existimationis fidem etc., ubi debebat pro haec dicere illa, et haec pro illae: ac contra. Liv. XXIII, 29 *Et mittentibus et missis ea laeta expeditio fuit: nam et illis (missis), quod jam diu cupiebant, novandi res occasio data est, et hi (mittentes) sentinam quandam urbis rati exhaustam laetabantur pro et his — et illi. Id. XXX, 30 Melior tutiorque est certa pax, quam sperata victoria. Haec in tua, illa in deorum manu est, ubi haec ad pacem, illa ad victoriam, refertur: debebat ordo inverti et esse illa — haec.*

2) Alter et alter ita usurpari debent, ut prius ad remotius, posterius ad propius, referatur: v. c. *Et doctrina et virtus praeclara est. Alteram cupimus, alteram vulgo negligimus; ubi prius alteram ad doctrinam, posterius ad virtutem, referatur. Hic ordo est naturae rerum consentaneus et priscorum usu confirmatus. — At vero et hic peccant nonnunquam prisca, et ordinem invertunt: v. c. Cic. Nat. Deor. II, 47 med. Dedit autem eadem natura beluis et sensum et appetitum, ut altero (i. e. appetitu) conatum haberent ad naturales pastus capeffendos, altero (i. e. sensu) secernerent pestifera a salutaribus. Offic. I, 12 Ut enim cum cive aliter contendimus, si est inimicus, aliter, si competitor: cum altero (i. e. competitore) certamen honoris et dignitatis est, cum altero (i. e. inimico) capitis et famae etc. Offic. II, 15; Quint. I, ac saepius. Sed tamen haec omnia sunt peccata negligentiae. — Pro posteriori alter occurrit etiam hic, iste, ille, at raro, ut puto: v. c. Cic. Rosc. Am. 6 extr. Nam duo isti sunt Roscii, quorum alteri Capitoni cognomen est, iste (alter), qui adest, Magnus vocatur: et statim: alter plurimarum palmarum vetus ac nobilis gladiator habetur; hic autem (alter) nuper se etc. Flor. III, 7 quamvis duces non essent praesentes, alterum corporis aegritudo, illum metus et ignavia, subduxisset etc. Nec haec facile imitemur.*

XXI) Duo, multo minus plures, genitivi non facile, si quidem ullo modo fieri potest, conjungendi sunt, quia contextum interdum reddunt difficiliorem et obscuriorem. Et tamen non raro ita prisca, v. c. Cic. ad Div. II, ep. 13 §. 5 *Genus institutorum et rationum mearum dissimilitudinem nonnullam habet cum illius (Appii) administratione provinciae: ubi notes Appii administratio provinciae. Ibid. VIII, ep. 8 §. 6 sed superiorum temporum fortuna reipublicae causam sustineat, ubi fortuna superiorum temporum reipublicae jungendum; causam sustineat i. e. nos excuset, mag die Schuld auf sich nehmen. Ibid. X, ep. 3 §. 7 maxima orbitate reipublicae viro-*

virorum talium h. e. *cum respublica talibus viris valde sit or-
bata.* Offic. I, 13 *L. Sullae et C. Caesaris translatio pecunia-
rum* etc. pro a *L. Sulla et C. Caesare facta translatio* etc. Oc-
currunt adeo tres genitivi, v. c. *Caes. B. G. II, 17 in. eorum*
dierum consuetudine itineris nostri exercitus perspecta i. e. *post-*
quam consuetudinem itineris nostri exercitus per eos dies per-
spexerant s. *postquam viderant, quomodo per eos dies exercitus*
noster proficisci soleret etc. Et ibid. III, 8 in. *Hujus civitatis*
(Venetorum) est longe amplissima auctoritas omnis orae mari-
timae regionum earum. — Sed ne nimis severi videamur,
ignosci potest alicui, si duos genitivos, v. c. alterum subiecti,
alterum objecti, jungit; modo ordine collocet perspicuo:
Id quod fit, si vocabulum, unde uterque genitivus pendet,
in medio collocatur, ac genitivus subiecti ei praeponitur,
et genitivus objecti subjicitur, v. c. *Hominum cupiditas vir-*
tutis, ut supra *Sullae et Caesaris translatio pecuniae, Appii*
administratio provinciae etc. At, si ordo simul perturbatur,
crescit obscuritas: sic ap. Liv. XXVIII, 30 *Iam in ipsa pugna*
haec (quinq. remis), cum infesto rostro peteret hostium na-
vem, obliqua ipsa ictum alterius rostri accipiebat; ubi alterius
rostri non conjungenda, tanquam alterius sit neutrius gene-
ris: debebat esse rostri alterius scil. navis. Ibid. prope fin.
Cum inter triremes fortuna regente anceps praelium miscere-
tur, quinq. remis romana, seu pondere tenacior, seu pluribus
remorum ordinibus scindentibus vortices, cum facilius rege-
retur, duas triremes suppressit, unius praelata impetu lateris
alterius remos deterfit. Verba inde ab *unius praelata* etc.
sunt valde obscura; ordo est: *deterfit* (i. e. confregit) *remos*
lateris alterius unius (scil. triremis Punicae) *praelata* (i. e.
praetervecta) *impetu* i. e. *cum impetu: zerbrach durchs. hef-*
zige Vorbeyfahren die Ruder der einen Seite von einer feind-
lichen Galeere etc. Obscuritatem loci augent rariora voca-
bula, *detergere* pro *confringere*, in militia navali solenne,
praeferr pro *praetervehi*, *impetu* pro *cum impetu*, *vehemen-*
ter. Conf. de pluribus genitivis Gronov. ad Liv. XXXIII, 26,
Sanctius in Min. et ad eum Perizonius p. 177 et Gramma-
tica mea P. II c. I §. I n. VIII.

XXII) Cavendus est quoque concursus plurium infinitivo-
rum, quia inde obscuritas oriri potest: v. c. *Potes enim tibi*
persuadere, hominem nihil magis oportere amare, quam vir-
tutem. Hoc tamen tolerabile; item hoc: *Audio, te tibi*
non persuadere posse, nihil hominem magis oportere amare,
quam virtutem. — At fere intolerabile est ita dicere: Phi-
losophus,

Iosophus, quem dicunt dixisse licere omnia turpia agere etc. vel quem omnia turpia agere licere dixisse dicunt etc. Aequè obscure dictum est: Audio te saepe dicere, omnes putare bonum esse multa discere vel te saepe dicere, omnes omnia discere bonum esse putare. Sic obscurum est hoc: solent prisci docere, quemque credere oportere, dulce et decorum esse pro patria mori vel adeo: solent prisci docere, quemque dulce et decorum esse pro patria mori credere oportere. Quis haec statim intelligat? Possunt duo posteriora facile ita mutari: a) Audio te saepe dicere, neminem esse, qui non bonum putet multa discere: b) solent prisci docere, quisque credat oportere, dulce et etc. vel ita: docere solent prisci, cuique hanc sequendam sententiam, ut statuatur, dulce et decorum esse etc. vel nihil tam dulce et tam decorum esse, quam etc.

XXIII) Superlatus vernaculus v. c. der grösste etc. rectius ac magis perspicue per comparativum exprimitur: si tamen superlativum latinum sumas, addi debet omnium. Causa est, quia superlatus etiam tantum per valde explicari solet, v. c. doctissimus i. e. valde doctus: si v. c. vernaculum die Tugend ist die vortrefflichste Sache vertere vis, ne dicas: virtus est res praestantissima, hoc enim foret eine sehr vortreffliche Sache, sed est omnium rerum praestantissima vel nihil est virtute praestantius: sic pater tuus est omnium doctissimus et nemo patre tuo est doctior. Potest etiam hoc fieri per particulas comparativas, v. c. Nihil tam praestans, quam virtus: itemque aliis modis comparandi, v. c. Virtus omnes res vincit praestantia etc. Nulla enim magnitudo, multitudo, praestantia tam perspicue apparet, quam per comparisonem. Dictum de hac re est supra P. I in cap. de copia verborum p. 417 ff. et 423 f., quo lectores rejicimus.

XXIII) Brevitas dicendi subinde commendanda est, quia saepe aequè ac copia dicendi perspicuitati prodest. Duplex est ista brevis; altera pertinet ad enuntiationes, cum v. c. una enuntiatio, salvo sensu, praecipue in narrando omittitur etc., de qua supra p. 490 ff. in cap. de brevitate: altera ad verba spectat, estque huius loci: cerniturque in eo, si enuntiatio paucioribus verbis exprimitur, quam exprimi vulgo solet. Hoc in primis prodest in longis complexionibus verborum. Quomodo hoc efficitur? multis rebus, v. c.

I) quando ope unius verbi duas enuntiationes in unam redigimus, v. c. Cic. Agr. II, I in. Est hoc in more positum, Quirites, institutoque majorum, ut ii, qui beneficio vestro
ima-

imagines familiae suae consecuti sunt, eam primam habeant concionem, qua gratiam beneficii vestri cum suorum laude conjungant etc. Postrema verba *qua gratiam beneficii vestri cum suorum laude conjungant* dicta sunt pro qua primum vobis gratias agant pro beneficio vestro (consulatu), ac deinde laudent suos majores. Cicero, ut totum exordium istius orationis declarat, vult nobiles carpere, ut se extollat, qui cum sit novus homo careatque majoribus, tamen consul factus sit anno suo. At non audet aperte carpere, timens nobiles: hinc recte hoc facit ac paucis verbis: *qua gratiam beneficii vestri cum suorum laude conjungant.*

2) per participia, v. c. verba: *Postquam literas tuas, quas heri, cum domum rediissem, acceperam, quia magnum ex iis solatium percepturum me esse sperabam, cupide perlegeram, venit ad me etc.* possunt, si placet, ita fieri breviora: *Litteris tuis, quas heri, domum reversus, acceperam, propterea, quod ex iis me magnum percepturum esse solatium sperabam, cupidissime perlectis etc.* vel *postquam literas heri, cum domum rediissem, acceptas, propterea — cupidissime perlegeram etc.* — Sic Caes. B. G. II, 25 in illa longissima complexione verborum, supra sub n. XVIII allata, multas enuntiationes ope participiorum breviores reddit: alias illa multo longior facta esset; v. c. *Caesar profectus* pro *cum profectus esset*: *signis collatis* pro *postquam signa collata erant etc.* Intolerabilis Caesar factus esset, si toties *postquam, ubi, cum etc.* dicere voluisset.

3) per *propter* pro enuntiatione per *quia*, ut duplex enuntiatio causalis eaque aperta vitetur: v. c. pro *Cum ego propterea, quod hodie mihi, quia pater mortuus est, domum proficiscendum est, tecum, ut constitutum erat, non cras colloqui possim etc.* dici brevius potest: *Cum ego propterea, quod mihi ob patris obitum etc.* atque ita expeditius. Sic Caes. B. G. III, 24 §. 2 *Erat ob has causas summa difficultas, quod naves ob magnitudinem, nisi in alto, constitui non poterant etc.*, ubi *ob magnitudinem* pro *quia magnae erant.*

4) per *post*, cui *ex, ab*, interdum substituitur, v. c. pro *Cum audierim, te hereditatem, quae, posteaquam avunculus tuus mortuus est, ad te, quia te heredem ex asse voluit esse, rediit, nolle accipere etc.*, quae per se egregia foret periodus, possis, si lubet, brevius dicere: *Cum audierim, te hereditatem, quae post avunculi mortem (s. avunculo morituro) ad te, quia is te etc.* Sic Caesar in illa longa complexione verborum saepius memorata B. G. II, 25 incipit: *Caesar ab decimae legionis cohortatione profectus ad etc.*, ubi in verbis:

ab

ab decimae legionis cohortatione breviter loquitur pro postquam decimam legionem cohortatus erat.

De tota hac re tum passim tum in capite de brevitate p. 481 ff. fusius et accuratius diximus. — Ceterum, ut in omnibus istiusmodi rebus, ita in hac brevitate habenda est ratio quoque eorum, cum quibus nobis res est. Lector multo facilius rem, licet fusa dictam, intelligit, quia ob oculos habet et lecta relegere potest, quam auditor, qui celeriter dicta celeriter arripere et cum dicente longius progredi cogitur, nec potest cogitandae uni rei diu inhaerere. Plus igitur libertatis scriptori conceditur quam oratori; sed, quantum hic in studio brevitatis negligendo sumere sibi debeat, hoc ipsius mens iudicet necesse est. Debet semper et orator et scriptor lectores et auditores sibi ob oculos quasi ponere et cogitare, se non sibi, sed illis, scribere et dicere. Haec cogitatio eum optime docebit modum, ut aliarum rerum, ita copiae et brevitatis servare.

SECT. XXIII

3) De ordine verborum, ut fonte perspicuitatis.

Tertius fons propior perspicuitatis in usu vocabulorum est *ordo verborum ac collocatio apta*. In qua si peccas, saepe in verbis maxime manifestis obscurus eris: saepe etiam ambiguitas vocabulorum recta eorum collocatione evitatur. Stulti sunt, qui verborum latinorum ordinem pro libidine variari posse opinantur, v. c. *mors ista afflixit mihi grave vulnus*, vel *mors afflixit ista* etc. vel *mihi ista grave mors afflixit vulnus* etc. Alii regulas dederunt, partim falsas, partim indefinitas; v. c. *omnis*, *nemo*, it. superlativum postponendum esse. Verus vocabulorum ordo pendet vel ab natura idearum, quae illis continentur, vel a contextu.

1) Ordo vocabulorum pendet primum ab *idearum natura* h. e. qui ordo idearum in mente fuit, idem ordo debet verborum esse in charta, atque ita, quae in mente cohaerebant, etiam in charta vel in dicendo cohaerere debent. V. c. *causa*, *conditio*, *modus rei*, *tempus* etc. prius fit ac prius cogitatur, quam id, quod propter *causam*, sub *conditione* etc. fit: hinc *notiones* et *enuntiationes causales*, *conditionales*

ditionales etc. praeponuntur. V. c. *rem*, quia non vidi, credere non possum. De hac tota re supra in capite de ordine verborum late dixi, P. I, c. 3 S. 2 p. 210, fl., quae consuli possunt. — Tantum exempla pauca ordinis iusti afferam. Verr. V, 34 in. *Ecce autem repente, ebrio Cleomene, esurientibus ceteris, nuntiatur piratarum naves esse in portu etc.* c. 44 *Ne multa, ipsum dicere adolescentem audistis, se ob hunc virgarum metum pecuniam Timarchidi numerasse: — c. 52 Tu in provincia tam splendida, apud socios fidelissimos, cives romanos honestissimos, in metu periculoque provinciae, dies continuos complures in litore convivisque jactuisti: ubi singula vocabula suum locum occupant; cogites primum in provincia, deinde apud socios; quando? in metu etc. quamdiu? dies continuos eosque complures etc.* — Ibid. c. 62 extr. *Hac se commemoratione civitatis (clamavit: civis romanus sum) omnia verbera depulsurum cruciatumque a corpore dejecturum arbitrabatur: et c. 63 in. Huccine tandem omnia reciderunt, ut civis romanus in provincia populi romani, in oppido foederatorum, ab eo, qui beneficio populi romani fasces et secures haberet, deligatus in foro virgis caederetur? Hic ne unum quidem vocabulum suo ordine privari potest.* — Add. locus ille clarissimus Suet. in Domit. 19 *Nonnunquam in pueri procul stantis, praebentisque pro scopo dispanfam dextrae manus palmam, sagittas tanta arte direxit, ut omnes per intervalla digitorum innocue evaderent: Mutes vel unum vocabulum, et perspicuitas valde laedetur.* — Peccarunt tamen hic interdum prisca, maxime poetae; et ordine verborum turbando obscuriores facti sunt, v. c. Horat. Sat. I, 5, 72 *sedulus hospes Paene macros arsit, dum turdos versat ad ignem: ubi macros a turdos et arsit ab hospes male se junctum est. Rectius foret: sedulus hospes Paene arsit, macros dum turdos etc.*, ut Lambin. ex uno Cod. legit. — Ovid. Met. I, 222 *Mox, ait, experiar, deus hic, discrimine aperto, an sit mortalis, ubi ordo est: Ait: mox discrimine aperto experiar, (utrum) hic sit deus an mortalis i. e. homo: at quam disiectus! Et tiro, nisi signis distinctionis adjuvetur, valde hic torqueatur, praesertim cum utrum omisum sit.* — Peccavit et Livius XXVIII, 30 extr. *Cum inter triremes fortuna regente anceps praelium misceretur, quinquere mis romana, seu pondere tenacior seu pluribus remorum ordinibus scindentibus vortices, cum facilius regeretur, duas triremes suppressit, unius praelata impetu lateris alterius remos deterfit.* Verba postrema unius praelata etc. valde obscura sunt ob turbatum ordinem, ac simul ob

ficilia

facilia verba praelata i. e. praeterveſta, deterſit i. e. fregit, et ob ellipſin vocabuli *navis* ad *unius*. Verborum ordo hic eſt: (*quinqueremis* romana) *deterſit remos alterius lateris unius* ſc. *navis praelata* (cum) *impetu*. Livius ſaltem debuiſſet ita dicere: *lateris alterius unius remos, praelata impetu, deterſit*: vel pro *unius* ponere *ex una* vel addere *navis*. — Add. Terent. Andr. II, 3, 2, ubi non modo verba ſed adeo totae enuntiationes alieno ordine poſitae ſunt: *Si id ſuccenſeat nunc, quia non dat tibi uxorem Chremes, ipſus ſibi eſſe injurius videatur: neque id injuria: priusquam tuum ut ſeſe habeat animum ad nuptias perſpexerit*. Verborum ordo hic eſt: *Si (ob) id, quia Chremes non dat tibi uxorem, tibi nunc ſuccenſeat (pater), priusquam tuum animum, ut ſeſe habeat ad nuptias, perſpexerit, ipſus ſibi eſſe injurius videatur; neque id injuria*. Dura eſt trajectio verborum *tuum ut ſeſe habeat animum ad nuptias*: durior eſt trajectio hujus totius enuntiationis *priusquam* uſque ad *perſpexerit*. Sed forſan haec poſterior librario tribuenda, quia verba totum verſum complent, et hic verſus inter *Chremes* et inter *ipſus* forſan inferendus. Nam verſus ſaepeius a librariis male transpoſitos eſſe conſtat.

2) Pendet vero etiam ordo verborum ſaepe a contextu, idque tripliciter:

a) Quando contextus gravis eſt h. e. unam vel aliquot graves ideas continet. Tum vocabula has exprimentia, licet per ſe ſuaque, ut ante dictum, natura poſterioſorem locum mereantur, tamen propter iſtam gravitatem, quam ſolus contextus definire debet ac poteſt, priorem occupant locum. Hoc non officit perſpicuitati, ſed potius eam adjuvat; ita enim lector vel auditor ſtatim ſcit, ad quas ideas praecipue attendere debeat, atque ita mentem ſcribentis dicentisque facilius perſpicit. V. c. *grave mihi vulnus inſlixit mors fratris mei*, non *vulnus mihi grave* cet. nec *mors fratris mihi grave* etc. Sic Cicero ubique; v. c. Verr. V, 29 *Civem romanum ſecuri eſſe percuſſum*, *Annius eques romanus dicit*. Qui ſcit, quam grandis idea lateat in vocabulis *civis romanus*, is non mirabitur, haec praepoſita eſſe: male Cicero locutus eſſet: *Annius eques romanus dicit, civem* etc. Sic *civis ille romanus*, quem Verres in crucem tolli juſſit, non clamat: *ſum civis romanus*, ſed *civis romanus ſum* ibid. c. 62 — Sic c. 42 in. *vinctos adſpiciunt catenis liberos ſuos*: ut indignitas rei magis perſpiciatur; non *adſpi-*

ciunt liberos etc. — Sic c. 62 *Caedebatur virgis in medio foro Messanae civis romanus, iudices.* a) *caedebatur virgis* b) *ubi? in medio foro Messanae* c) *quis? civis romanus.* Ordo hic verborum servit gravitati rei, h. e. efficit, ut magis sentiat ac fere oculis cernatur. — In primis notabilis est locus ibid. c. 33 *Stetit soleatus praetor populi romani cum pallio purpureo, tunicaque talari, muliercula nixus in litore.* Egregia descriptio hominis valde dissoluti, libidinosi etc. a) *stetit* b) *soleatus* c) *quis? praetor populi romani* etc. Perperam h. e. cum minori gravitate dixisset: *praetor populi romani stetit in litore soleatus* etc. Tunc enim narratio simplex et languida fuisset. — Agr. II, 17 *Grave est enim nomen imperii* etc., non *imperii enim nomen est grave*: in grave enim est primaria idea, ad quam attendi debet. — Sic et in epistolis, v. c. ad Div. II, ep. 4 §. 6 *Est enim tibi gravis adversaria constituta et parata, incredibilis quaedam expectatio*: egregie dictum et egregio ordine dictum pro *expectatio est adversaria* (i. e. inimica, hostis) *gravis* etc., sed *gravis* recte primum locum obtinet. Sic ibid. ep. II §. 2 *Mirum me desiderium tenet urbis* etc., non *desiderium mirum*: ep. 16 in. *Magno dolore me affecissent tuae literae* etc., non *dolore magno, nec literae tuae* etc. Sic V, ep. 21 in. *Gratae mihi tuae literae fuerunt* etc. VI, ep. 4 in. *Novi, quod ad te scriberem, nihil erat* etc. Sic rectius quam *Nihil erat novi, quod* etc. In *novi* est idea primaria: ep. 9 in. *Cum A. Caecina tanta mihi familiaritas consuetudineque semper fuit* etc., ubi recte incipit *Cum A. Caecina*, hunc enim commendat, ad hunc in primis attendi vult, hunc igitur primum nominat. Sic X, ep. 28 §. 7 *magnum damnum factum est in Servio*: sentiebat huius damni magnitudinem, hinc eam statim in principio enuntiationis ponit: non ipsum *damnum* aut *in Servio* etc. Et sic millies Cicero, itemque omnes boni scriptores. Interdum et gravius vocabulum postponitur, si oratio per gradus quasi incedit, v. c. *abiit, excessit, evasit, erupit* Cic. Catil. II in. — Not. tota res pertinet in primis ad gravitatem dicendi; conf. igitur cap. 2 de Gravitate.

b) Quando contextus ambiguus fit vel fieri posse videtur: nam *videri* jam sufficit perspicue dicere ac scribere cupienti. Tum vocabula saepe alium locum obtinent, quam obtinere debere videbantur: v. c. *Hominem egregium ob factum laudant* etc. est ambigue dictum: potest enim *egregium* tum ad *hominem* tum ad *factum* referri:

con-

contextus quidem tandem decernit, at hujus decretum ubique expectari a lectore et auditore non finit vera perspicuitas. Quare, si egregium ad hominem referri debet, scripserim *egregium hominem*: sin ad factum, scripserim *ob egregium factum*: sic non opus est contextus opem implorare. — Sic Omnes sapientes laudant hoc sensu, ut sit *quisque sapientes laudat*, ambigue dictum est; dixerim saltem: *omnes laudant sapientes* vel potius *ab omnibus laudantur sapientes* vel *quisque s. nemo non laudat sapientes*. — Sic Homines magni ingenii iudiciiue praeclari putantur est ambigue dictum; potest enim praeclari referri ad iudicii et ad putantur, ut sit nominativus: si ad prius, dixerim *praeclarique iudicii*; sin ad posterius, dixerim *putantur praeclari* vel *homines ingenii iudiciiue magni putantur praeclari s. praeclari putantur*. Sic nulla ambiguitas: possit quidem et aliis verbis exprimi; sed hac de re hic non sermo est: loquimur enim hic tantum de ordine. — Sic Livius in loco supra n. I et S. 23 n. 21 laudato XXVIII, 30 *quinqueremis romana* — *unius praelata impetu lateris alterius remos deterisit paulo expeditius dixisset, si scripisset: remos alterius lateris unius praelata etc.* Et in eod. cap. paulo ante in verbis: *Iam in ipsa pugna haec, cum infesto rostro peteret hostium navem, obliqua ipsa ictum alterius rostri accipiebat*, ambigue posuit vocabulum alterius; debebat dicere *rostri alterius* sc. navis. Haec de vocabulis singulis. — Ita et in enuntiationibus, v. c. nolim dicere: *rem, quam laudas, quia non vidi, credere non possum*, quia incertum est, utrum verba *quia non vidi* sint causa verborum *quam laudas*, an verborum *credere non possum*. Dixerim potius: *Rem, quam laudas, credere, quia non vidi, non possum, vel rem, quam laudas, ego, quia non vidi, credere etc.* Nunc manifeste illa verba *quia non vidi* pertinent ad *credere non possum*. — Sic *is, qui virtutem amat, quia officium sequitur, laudandus* ambigue dictum est; dicas potius: *qui virtutem amat, is, quia officium sequitur, laudandus est*. Sic nulla ambiguitas. Ita Cicero et omnes prisca. Conf. supra P. I, cap. 5 de periodis. — Peccarunt tamen hic quoque interdum prisca: v. c. Cic. Verr. III, 25 *Is (Pisonis pater) cum esset in Hispania praetor, qua in provincia occisus est, nescio quo pacto, dum armis exercetur, annulus aureus, quem habebat, fractus est et comminutus*. Verba nescio quo pacto sunt paululum ambigue posita, et tum ad *occisus est* tum ad *annulus aureus fractus est* referri possint. Si ad prius pertinent, debebat dici *in qua provincia, nescio quo pacto,*

occisus est: sin ad posterius, dici debebat: *annulus aureus, quem habebat, dum armis exercetur, nescio quo pacto, fractus est* etc. — Sed hinc apparet, quanta diligentia in iungendis, ut singulis vocabulis, ita in primis enuntiationibus adhibenda sit, et quantopere, quod ad has attinet, structura periodorum profit perspicuitati.

c) Propter clausulam periodorum: ut quas terminandas esse paulo longiori vocabulo, in primis eo, cujus syllaba paenultima sit longa, supra in capite de *numero* P. I, c. 6 p. 270 et 274 dictum est: ubi monuimus hoc non tam fieri ob suavitatem, ut Cicero numeri oratorii suavitate et efficacia abreptus sibi persuasit, quam ob perspicuitatem: quia, quo propius vox dicentis ad finem sententiae absolutae pervenit, eo remissior fit, ac plerumque syllaba ultima ultimi vocabuli plane non auditur: hinc opus est, syllabam praecedentem non modo longam esse, sed vocabulum ipsum pluribus syllabis constare, ut, pereunte una syllaba, tamen ipsum vocabulum animadvertatur. Hinc clauditur sententia libenter ditrochaeo, v. c. *comprobavit* etc. Sed et omnino longiora vocabula, licet careant paenultima longa, si quidem alia habere non possumus, in sententiae absolutae exitu, imo etiam in fine enuntiationis ejusque paulo longioris, praeferenda sunt vocabulis brevioribus h. e. duas syllabas vel unam complectentibus. Hinc superlativi saepe claudunt enuntiationes et sententias absolutas. Cf. de tota re dictum caput de *numero* p. 273 ff. — Sed hinc patet, hanc clausulam saepe efficere, ut vocabulum alium locum occupet, quam natura sua occupare debeat. V. c. *nihil vidi praeclarius: non ista frui potuit potestate* etc. Quamquam hic saepe incertum est, an non haec trajectio vocabulorum fiat potius ob eorum gravitatem: interdum enim gravius praepositur, ut ante dictum, interdum, ad expectationem lectoris et auditoris excitandam, postponitur. — Laudabo aliquot exempla Ciceronis, ut lector ipse videat, utrum vocabulum ob longitudinem an ob gravitatem ultimum locum tenere videatur. Manil. 2 *eundem hunc unum ab hostibus metui, praeterea neminem*: in *neminem* videtur esse gravitas: cap. 6 *non solum adventus mali sed etiam metus ipse affert calamitatem*: cap. 9 *Haec dum nostri colligunt omnia diligentius, rex ipse e manibus effugit*: in *diligentius* et *effugit* inest, puto, gravitas. Nat. Deor. I, 20 in. *Hunc deum rite beatum dixerimus, vestrum vero laboriosissimum*: et ibid. in fine: *quamquam non tam dicendi ratio mihi habenda fuit quam audiendi.*

audiendi. In vocabulo *audiendi*, ut in *laboriosissimum*, est gravitas; inest enim oppositio. Ad Div. V, ep. 12 §. 18 *expletur animus jucundissima lectionis voluptate.* In *voluptate* est gravitas: et haec videtur esse causa, cur illa vocabula ultimum locum occupent, non longitudo. Saepe enim claudit Cicero sententiam brevi vocabulo, cum haberet tamen longius, quia illud gravius, v. c. in epist. laudata §. 2 *nomen ut nostrum scriptis illustratur et celebretur tuis*; et statim: *tamen ignoscas velim huic festinationi meae*; cur non ordine paululum mutato dixit: *scriptis tuis illustratur et celebretur*, et *tamen huic festinationi meae velim ignoscas*? Hinc in illo Manutii, quod Heinecc. fund. stili p. 61 assert: *solent esse, quae minus expectantur, laetiora*, puto hoc *laetiora* non nisi ob gravitatem ultimo loco positum esse. — Ceterum, si in clausula illa non nisi longitudo vocabuli spectatur, hoc magis ad dicendum quam ad scribendum pertinet, ut in capite de numero p. 274 si monuimus, ac per se pater.

SECT. XXV

4) De connexionē vocabulorum.

Quartus fons propior perspicuitatis dicendi in verborum usu est *connexio eorum apta*, quo pertinet quoque *connexio enuntiationum*, quippe quae verbis constant. Hac igitur saepe ambiguitati occurritur, saepe faciliior intelligentia lectoris et auditoris adjuvatur. Fit ea variis modis; v. c. duo vocabula secum arctius conjuncta per duplex *et*, vel, si sunt oppositae significationis, per duplex *aut*, ac, si amborum ideae tolluntur, per duplex *neque* junguntur: eodem modo duae enuntiationes per duplex *et*, *aut*, *neque* junguntur, ubi vernacula uno contenta foret. Pertinet huc in primis pronomēn *qui quae quod*: cuius ope ab initio enuntiationis vel sententiae absolutae positi valde adjuvatur *connexio*. V. c. *Frater tuus nuper ad me venit. Qui cum multa de te dixisset* etc. Sic melius h. e. magis perspicue istae duae enuntiationes junguntur, quam si dicas: *Cum multa* etc. Nam sic statim videmus, de

quonam sequens enuntiatio locutura sit. Sed de hac re satis multa diximus in peculiari capite de *modis connectendi vocabula*, *enuntiationes* etc. P. I, c. 7 S. 1 — 3; quae repetere hic taedio foret. Interdum tamen connexio debet interrumpi, h. e. nulla connexio idearum esse debet. Fit hoc in declaranda vehementi animi permotione, v. c. magna ira, dolore etc. Pertinet hoc utique quodam modo ad perspicuitatem: nam tali modo perspicit auditor et maxime lector, animum dicentis et scribentis esse commotum, atque hinc magis intelligit rei gravitatem. Pertinet huc aposiopesis, h. e. quando de industria sermonem non continuamus, ut lector auditorque suspicari tantum cogatur, quid dicturi fuisset. Quia tamen haec res ad gravitatem dicendi quoque pertinet eoque vulgo refertur, non plura de ea hic dicemus.

Haec de perspicuitate dicendi: quae claudemus hac admonitione, ut, si quid scribamus, id ante accurate consideremus, perspiciamus, et ad singulas ideas, singula vocabula et enuntiationes, sedulo attendamus ac videamus, an in vocabulis vel in eorum et enuntiationum conjunctione aliquid duri, inusitati, ambigui, obscuri sit: ac, si quid tale reperimus, statim corrigamus: ut deinde, quidquid scripsimus, post intervalla temporum iterum ac saepius perlegamus, ac denuo investigemus, an aliquid obscuri vel ambigui insit vel inesse possit. Nam, quod initio videbatur nobis facile et planum, id post aliquod tempus videtur difficile, ambiguum et obscurum. Tandem cogitare debemus, quo magis perspicue quidque explicare possimus, eo melius nos scribere.



CAP. II

De Gravitate dicendi.

SECT. I

Quid sit gravitas dicendi.

Graviter dicere, nachdrücklich reden, est ita dicere, ut auditoris animus moveatur (*gerührt und in Affect gesetzt wird*), atque ita ad laetitiam, amorem, admirationem, spem, ad tristitiam, misericordiam, odium et indignationem, contemptum rei, timorem etc. incitetur et inflammetur. Gravitas igitur orationis quam necessaria sit, per se patet, quia, nisi orator moverit auditorem, eum ad aliquid agendum, imitandum, fugiendum non potest incitare. Quod idem de scriptore dici posse per se patet, quia is saepe movere debet lectores. Iam nulla removentur homines, nisi primum ea sit gravis seu in utramque partem magna h. e. vel valde pulchra vel valde turpis, it. vel valde utilis vel valde noxia etc.; deinde ista rei gravitas verborum ope declaretur. Nam, licet sint in plebecula, qui nihil non admirentur, etiam levissima quaeque, et ubique stupeant, et qui subinde vel sola voce robustiori ac vocabulo quodam sonantiori moveantur vel potius moveri videantur; et alii contra, pauciores tamen (si quidem tales vere adhuc reperiuntur), qui *nihil admirari magnum esse* cum Horatio statuant: tamen neque illos neque hos hic curamus: utrisque enim eloquentia Ciceroniana non convenit. Gravitas igitur dicendi versatur non nisi in *rebus gravibus*, ut possis eam ita definire, ut sit *virtus orationis ea, quae res graves ita tractat, ut graves esse vere appareat* s. brevius, ut sit *perspicuitas rerum gravium*: ut adeo gravitas a perspicuitate tantum *objecto* differat, vel etiam haecenus, ut sit altior gradus perspicuitatis; vel etiam sic, ut perspicuitas ad *mentem*, gravitas ad *animum* pertineat: illa doceat, rem esse

certam, haec, rem esse gravem: hinc potuissimus forsan gravitatem ac simul sublimitatem orationis, quae est non nisi summus gradus gravitatis, in capite de perspicuitate tradere. Sine perspicuitate enim nulla est gravitas. Possis etiam *gravitatem dicendi*, si velis, latius ita definire, ut sit *virtus eloquentiae ea, qua efficitur, ut non modo mens auditoris et lectoris cum persuasione videat, rem esse veram et certam, sed etiam animus ejus simul moveatur.*

Hinc vero 1) sequitur, omnem gravitatem dicendi inesse proprie non tam in verbis quam in ideis: nam *res* s. *ideae* sunt graves, non verba: hinc, si subtiliter quaeris, ne recte quidem satis dicitur *graviter dicere*, *gravitas dicendi* (it. *sublimitas orationis*), quia hoc dictum videtur, quasi verba animum moveant, cum tantum *ideae* moveant, et verba tantum declarent, *res* s. *ideas* esse graves. Quemadmodum enim, si quis verbis declarat, *rem esse utilem, turpem, periculosam*, non hoc dicimus *dicere utiliter, turpiter, periculose*: sic *declarare aliquid grave* (*wichtig, groß in seiner Art*) esse, an dici queat *graviter dicere*, quaeri adhuc possit. At, quia usus invaluit, toleremus hanc locutionem, modo gravitatem dicendi ubique de re, nunquam de verbis per se, intelligamus. — Hinc patet, verba simpliciter ac per se gravia non esse, sed tantum in contextu et in relatione ad auditores. Sic quaeritur, an singulare genus dicendi possit vocari *grave* (ut *tenuē, mediocre*). Et hic usus vel abusus dicendi fecit, ut multi, in primis adolescentes, quia gravitatem dicendi laudari audiverint ac graviter dicendo ipsi delectentur (quod oritur maxime e lectione poetarum praematura, praesertim cum hodie de legendo cum sensu, *mit Empfindung, mit Gefühl*, saepe dicatur), gravia vocabula hinc inde excerpant ac deinde in res vulgares et minus graves transferant: quod forsan non facerent, si *gravis dicendi generis, gravitatis dicendi, et gravium verborum* nunquam

quam mentio fieret, ac si statim potius diceretur, *graves res proferre, ostendere earum gravitatem* etc. 2) Cum *gravitas dicendi* sit nihil aliud quam explicatio perspicua rerum gravium, patet, de rebus tenuibus h. e. non gravibus dicere graviter (*mit Rührung, mit Affect*) esse frigide loqui. — Hinc peccant, qui singulis verbis cupiunt alios movere et ubique cum *sensu, mit Gefühl, Empfindung* scribere. Utuntur quidem verbis gravitatem quandam sonantibus: at, quia res non est gravis, sed tenuis h. e. ordinaria, non graviter, sed frigide, loquuntur h. e. rem parvam magna veste induunt et pro re magna venditant. Res enim tenuis semper manet tenuis, licet omni pompa verborum ornatur: ut homo parvus semper parvus manet, quamcunque ei vestem circumdes, nisi quod magis deridetur, ubi detegitur.

SECT. II

De fontibus gravitatis remotioribus.

Iam quaeritur, unde oriatur ista dicendi gravitas. — Non male forsan egero, si, ut de perspicuitate feci, hic itidem fontes duplicis generis ostendero: *remotiores* et *propiores*.

Remotiores sunt:

I) *Animus generosus et ad honestatem, pudorem, omnesque virtutes valde conformatus*: ut res valde graves ac magnas sentire possit. Nam, si ipsi eas non sentimus, quomodo aliis sentiendas curabimus? quomodo verbis apte exprimemus? a) Animus generosus seu excelsus est is, qui supra captum ac sensum hominum solitum cogitat et sentit h. e. qui ea contemnere scit, quae homines vulgo magni faciunt, v. c. divitias, favorem populi et honorem, odium aliorum, mortem etc. Talis erat Socrates: ex parte Demosthenes et Cicero; v. c. hic divitias contemnere sciebat: hinc gravissime

contra Verrem dicere poterat. Ejusmodi hominibus de magnis rebus praeclare loqui non difficile est. Verba enim sunt non nisi *echo cogitationum et animi*. Post libertatem amissam periit Romae quoque animus generosus. Hodie, cum v. c. divitias, honorem cet. tantū facere, paupertatem, odium, invidiam, et mortem tantopere timere per exempla et consuetudinem hominum aliasque res discamus, valde difficile est nostris hominibus graviter (it. sublimiter) dicere. Deest enim valde animus generosus, fons gravitatis et sublimitatis. Hinc gravitatem et sublimitatem dicendi, quam ex se petere debebant, aliunde h. e. e scriptoribus magnis, quibus generis nobilitas, educatio et consuetudo, generosum animum iniecit, petere, eorumque sententias graves et generosas ediscere etc. coguntur. Hinc turba imitatorum ingens etc. b) Virtutum acre et assiduū studium pendet ab animo generoso et excelso. Sed hoc studium debet esse voluntarium, ob virtutum dulcedinem susceptum, verum et magnum. Qui virtutes vere et ardentem amat, is de earum pulchritudine et utilitate magna it. de vitiorum turpitudine melius et gravius loqui potest, quam qui virtutem et vitium e libris tantum cognovit. Hic semper frigide loquetur: hinc talis non debebat potestate uti de virtute dicendi.

II) *Ingenium praeclarum*, de quo supra c. 2 sect. 3 p. 510 ff. late dixi, in primis *phantasia praeclara*, quae efficit, ut in re gravi cogitanda simul ejus causae, effectus, aliaeque ideae cum illa conjunctae facile in mentem veniant. Res enim per se non gravis est h. e. per se animum non movet, sed ob ideas plures cum illa conjunctas: v. c. *mors ob patriam* per se, h. e. si non nisi hanc mortem cogitas, non movet: at, quia simul in mentem veniunt aliae ideae, v. c. *quam ardua et supra hominum consuetudinem elata res, quam utilis sit* etc., tum demum animum movet. Sic *egestas alicujus* non per se movet, sed quia simul cogito, *eum hominem esse, eum*
non

non culpa sua egenum factum, eum meliori sorte dignum, eum fame forsan periturum esse etc. Sic mors patris non per se movet, sed propter conjunctionem aliarum cogitationum, v. c. *me nunc solum esse, me amicum optimum, defensorem etc., amisisse, incertam nunc esse meam fortunam etc.* Quae omnia in psychologia ostendi debent.

III) *Doctrina lata et solida*, quae efficit, ut non modo multa sed etiam rem quamque accurate h. e. ex omnibus partibus intelligamus, atque ita sciamus causas et effectus rei, et *quomodo, quando, quibus auxiliis, quo consilio etc.* ea acta sit. Nam, si haec nescis, phantasia tibi repetere non potest.

III) *Cognitio humanorum animorum*, ut sciamus, qua parte eos aggredi debeamus. Docet hoc diuturna experientia et longus usus hominum. Hic videmus, nulla re moveri homines nisi extraordinaria, et, quo magis illa vulgares res superet, eo magis homines ea moveri. At hic ratio habenda, cum quibus nobis res sit. Plebs vulgo difficilior movetur, quia animus ejus non per literas humaniores aliasque res factus est mollior h. e. quia phantasia ejus non facile conjungit cum re audita ideas cum illa, ut ante dixi, jungendas. Hinc accuratius cum ea agendum est, h. e. singulae rei particulae explicandae sunt. Qui voce sonantiori tantum plebem movere student, ii consilio suo nunquam recte satisficient, movent vel potius terrent quidem: at hic terror est repentinus, mox evanescens sine fructu: velut tonitru, quod etsi homines valde terret, tamen, ubi praeteriit, nemo id amplius cogitat: homines redeunt ad chartas luforias, quas, audito tonitru, abjecerant. Docti plerumque statim moventur: et quaeritur, an coram his etiam voce sonantiori itemque multis figuris rhetoricis et aliis ornamentis utendum sit, et annon harum rerum usus tantum indoctae plebis causa inventus sit, cum docti, re magna perspicue
et

et interdum breviter tantum explicata, jam moveri soleant. Sed de hac re acutiores viderint.

V) *Cognitio opinionum*, quae inter homines vulgo regnant. V. c. *divitias* fere omnes admirantur ac pro fonte felicitatis habent: hinc, si quem vident divitias posse contemnere, stupent. Si omnis homo divitias contemneret, frustra contentum earum ut rem magnam proponeres; foret enim tum res vulgaris et ordinaria. Hinc, qui Lacedaemone de contemptu divitiarum, ut re gravi, dixisset, frustra dixisset, nec animos Spartanorum movisset, quia ei jam assueti erant. Sic res alibi gravis alibi non gravis esse potest: sic, quod Europaeorum animos movet, forsan Americanorum animos non moveret. Docet hoc vis illa auri ex America olim ablati, quod Americani aequo animo perdebant, Hispani cupide sumebant, quia hi ad felicem vitam sibi credebant opus esse auro, illi sine eo felices esse poterant. Hos Americanos plerique hodie vocant *ferros*, forsan ob morum et opinionum dissimilitudinem, quia quaeque natio suos mores suasque opiniones putat esse *humaniores* quam aliarum. Sic, quia *mors* vulgo tantopere timetur, hinc ejus contemptus inter graves res refertur. Et sic in aliis. Sic, quia *libertas*, *civitas romana*, olim tantae res videbantur, earum jactura tum gravis res erat; hinc Cicero de ea graviter loqui poterat.

VI) *Linguae lata et accurata cognitio*, ut scias vocabula cogitationibus magnarum rerum respondentia et eorum conjunctionem structuramque accommodatam ad rem istam: quamquam plerumque vocabula gravia, gravis conjunctio et structura, sponte sequuntur, modo rem gravem graviter cogites.

VII) Sunt et alia quaedam: v. c. *auctoritas hominis*, *vox* in dicendo etc. Homo, qui in magna dignitate, fama, et auctoritate est, facilius movet quam alius etc. Hoc est illud vulgo sic appellatum *praejudicium auctoritatis*, quod latius serpit, quam putamus, eoque saepe

saepe infecti sunt ii, qui liberos illo se plane esse putant. Nec quidquam difficilius est, quam eo plane se liberum reddere.

SECT. III

De fontibus gravitatis dicendi propioribus.

Huc pertinent sequentia:

I) In primis demonstrandum est perspicue h. e. per signa et argumenta certa, *rem*, qua alios movere volumus, *esse magnam et gravem*: quod nisi fit, cetera artificia rhetorica omnia sunt frustra, certe in animis prudentium. Magnitudo rei apparet

1) e fontibus s. *causis* ejus *magnis*. Quo majores sunt causae, eo major esse solet res effecta. V. c. virtus omnis est res magna, quia ad eam consequendam cupiditatibus, quas tantopere homo amat, valde resistendum est etc. *Venia inimico data* est res magna; quia cupiditas sui ulciscendi tam potens compesci debet. Sic *doctrina*, ob intentionem mentis magnam et longinquam etc. Sic *contemptus divitiarum*, *honoris* etc., est res magna, quia sapientia requiritur h. e. scientia pretii rerum humanarum vere aestimandi etc. Sic omnes res, si multum ingenii, laboris etc., postulant, inter magnas gravesque referendae.

2) ex *effectis* ejus *magnis*. Hoc argumentum in primis est certum et simul populare. Nam ex effectis metimur vulgo rei magnitudinem vel exilitatem: et, quo ampliora, majora, et diuturniora effecta sunt, eo major est res. V. c. qui de tota civitate vel tota terra meritis est, ejus meritum est majus quam ejus, qui de uno cive: hinc *pax* est major quam *victoria*. Hinc *Marius* caedendis *Cimbris* ac *Teutonis*, *Cicero* opprimendo *Catilina*, majores res gessere, quam *Pompejus* superando *Mithridate*. Sic, qui menti hominum bene fecit,

is majus quid egit, quam qui corpori etc. Sic de omnibus rebus valde bonis judicatur, quas proprie magnas appellamus. Eodem modo de rebus valde malis, quas vulgo *graves*, non *magnas*, appellamus, sed quas hic, brevitatis studio, etiam inter *magnas* refero (hinc supra dixi *res in utramque partem magnas*), judicari solet, ut, quo plura et majora s. graviora et diuturniora sint earum effecta, eo graviores ipsae sint. V. c. Cic. Act. I in Verr. 4 extr. *quam* (Siciliam) *iste* (Verres) *per triennium ita vexavit ac perdidit, ut ea restitui in antiquum statum nullo modo possit, vix autem per multos annos innocentisque praetores aliqua ex parte recreari aliquando posse videatur*. Quid gravius dici potuit? quis non Verris avaritiam pro magna s. gravi habeat? quis non ea moveatur?

3) ex modo, quo res agitur. Major, gravior, et admirabilior est res, quae, licet cum summa difficultate conjuncta esset, tamen feliciter peracta est, quam quae cum nulla vel exigua. Hinc *Hannibalis transitus Alpium* est res magna: legatur hic Livius. It. *Ciceronis oppressio Catilinariorum* etc. It. res magna, si nullo cum damno aliorum peragitur, major et gravior est, quam si cum calamitate, caede aliorum, fit. It. beneficium, si clam tribuitur alicui, majus censetur, quam si palam et cum magna pompa: it., si libenter tribuitur, est gravius, quam si ab invito profiscitur etc.: it., si cum specie honoris datur, est gravius, quam si nomine praemii vel mercedis tribuitur etc. Sic et in rebus malis: *adimere per vim* est gravius, quam clam, v. c. Cic. Verr. III, 25 *civi romano annulus de digito detractus, est*: quod gravius dictum quam *ablatus, ademptus est*: nam *detrhere* indicat vim: additur *de digito*: quod gravitatem rei auget.

4) e consilio magno, quo res agitur. Qui rempublicam liberat ab oppressoribus non sua utilitate sed tantum publica adductus, ejus factum est majus, quam qui
civita-

civitatem propterea liberavit, ut deinde ei imperaret. Omninoque, qui reipublicae singulisque hominibus officia praestat, non praemiorum spe adductus, sed solo studio recte eque republica agendi, ejus factum est majus quam facta aliorum. Sic Anglus ille *Pitt*, Comes de Chattam, laudatur et pro magno viro habetur, quia in omnibus rebus non suam sed reipublicae utilitatem spectavit. *Caesar* magnas res gessit: quae majores essent, si eas reipublicae commodo solo incitatus gessisset.

5) ex *instrumento*, quo in re peragenda utimur, s. *rebus*, quarum auxilio aliquid fit. V. c. major est victoria ejus, qui exigua manu militum magnas hostium copias fudit. Talis est victoria Atheniensium Miltiade et Themistocle ducibus a Persis reportata: tales sunt multae victoriae Romanorum. Sic *magna doctrina* hominis, qui ob egestatem paucis vel nullis libris et magistris uti potuit, est major, quam *magna doctrina* ejus, qui divitiis paternis adjutus, quoscunque libros vellet, emendi et optimis doctissimisque magistris utendi facultatem habuit. Hunc enim valde doctum factum esse non tam mirabile, quam illum, qui adjumentis orbatus erat ac simul cogebatur multum temporis institutioni puerorum tribuere.

6) ex *temporis celeritate* et *opportunitate*: a) *celeritate*: res per se magna, si celeriter fit, est major, quam res per se magna, quae cum quadam tarditate peragitur. V. c. beneficia celeriter tributa plus valent quam sero data: hinc *bis dat, qui cito dat*. Sic expeditiones magnae majores fiunt, si cum celeritate conjunctae sunt. — Hinc Cicero laudat Caesaris res gestas, magnasque esse docet, inter alias causas etiam ob *celeritatem* Marcell. 2. Ait: — *nec celeritate conficiendi — nec vero disjunctissimas terras citius cujusquam passibus potuisse peragrari, quam tuis non dicam cursibus sed victoriis lustratae sunt*. — Sic de Pompejo Manil. 12 extr.

Ita

Ita tantum bellum, tam diuturnum, tam longe lateque dispersum, quo bello omnes gentes premebantur, Cn. Pompejus extrema hyeme apparavit, ineunte vere suscepit, media aestate confecit. En celeritatem! b) opportunitate: v. c. beneficium magnum, quod alicui tribuitur tum, cum illi maxime eo opus erat, majus fit, quam si alio tempore datur. Victoria magna, quae eo ipso tempore ab hostibus reportatur, quo ab alio eorum exercitu urbs quaedam nostrae terrae obsidetur vel oppugnatur, et quae hanc urbem illa vel obsidione vel oppugnatione liberat, major fit, quam si alio tempore accidisset. Sic Cicero, etsi in Agr. II, in. valde laetatur, quod consul factus sit homo novus, tamen hunc honorem pro majori re propterea ibi habet, quod is sibi contigerit anno suo et cum primum petierit.

7) *e loci ratione* interdum: v. c. auxilium magnum, e longinquo oblatum, est res gravior quam e propinquo: facilius est enim adesse iis et eorum meminisse, qui nobis prope sunt, quam eorum, qui procul habitant. Sic contra periculum est gravius, si in propinquo loco versatur: v. c. Catilinaria conjuratio fiebat Romae etc.: hinc ejus periculum erat gravissimum: hinc ejus oppressio eo gloriosior. It. res bellica, quae in loco non opportuno et tamen bene gesta est, pro majori habetur, quam eadem foret, si in loco opportuno gesta esset.

8) *e personarum conditione, dignitate, relatione erga nos etc.*, v. c. *beneficium magnum* acceptum a rege majus putatur, quam ab alio acceptum. Sic donum profectum ab homine sapiente meritisve claro est pluris aestimandum, quam quod dedit alius. Sic laus sapientis est major quam stulti. Sic, si pauper aliquem summa egestate pressum adjuvat summa aliqua pecuniae, hoc donum est res major, quam si eadem summa a ditiori data esset. Item, quando inimici nobis opem ferunt, nos laudant, nobis gratulantur, idque vere et ex animo faciunt,

faciunt, major est ista res et admirabilior, quam si ab aliis profecta esset. Sic amor magnus magnorum virorum est res major quam amor magnus aliorum. Sic quoque odium patris, regis, sapientum etc. erga aliquem est res gravior quam odium aliorum. Sic peccata interdum in alio homine graviora habentur quam in alio: v. c. gravius peccat senex vel homo amplissimo munere fungens, si ebrietati etc. deditus est, quam adolescens vel homo fortis humilis. Sic gravius peccavit Verres in eo, quod praetor Siciliae luxuriae deditus erat, quod *stetit soleatus praetor populi romani cum pallio purpureo tunicaque talari muliercula nixus in litore*, Cic. Verr. V, 33, quia, si hoc habitu uti neminem Romanorum decuit, multo minus propriaetorem; it. quod *cum pulla veste in officina majorem partem diei solebat sedere*, Cic. Verr. III, 24: *tunica enim pulla indutum esse* est plebis, non senatoris, multo minus propriaetoris etc. Sic Catilina, reipublicae romanae periculum struens, gravio-rem rem suscepit, quia civis romanus erat, quam Mithridates.

9) e *comparatione* rei cum alia re magna aut pro magna saltem vulgo habita. Comparatio, ut supra c. I Sect. 17 p. 550 ff. dictum, rei magnitudinem vel gravitatem, atque ita omnem magnam pulchritudinem, turpitudinem, utilitatem etc. praebet denuo auditori vel lectori vere conspiciendam. Nec enim de magnitudine judicare possumus nisi mensura quadam, h. e. comparatione. Per se autem intelligitur rem, cum qua aliam rem comparamus, debere esse notae magnitudinis. In omni comparatione rite instituta inest simul argumen- tum aliquod, quia a pari ad par, a minori ad minus etc., concludere licet.

Comparamus igitur

a) *pares res cum paribus*; ubi sic concludimus, res pa- res debere esse eadem dignitate, laude, honore vel con- temtu etc. V. c. si factum aliquod pro valde pulchro vel

pro valde turpi habetur, sequitur, aliud factum, quod ei par esse demonstratum est vel demonstrari debet, aequè magnum et pulchrum vel aequè turpe esse debere. V. c. *victoria, beneficium, conjuratio* etc.

b) *maiores res cum minoribus*: ubi sic concludimus: si minori rei tantum laudis vel vituperationis, poenae etc. tributum est vel convenit, quanto plus majori: vel, si res, quae facilius est vel minores ingenii vires, minorem laborem, postulat, aut cujus effecta sunt leviora, pro magna re habetur, quanto major ea esse debet, cujus fontes, cujus effecta sunt majora. Sic Cicero comparat *victoriam sui* seu clementiam erga adversarium cum victoria ab hostibus reportata in Orat. pro Marcello, et veniam Marcello concessam longe majorem rem esse declarat quam Caesaris res gestas, licet magnae quoque sint. Hoc genus comparandi in primis gravitati prodest. Debet hic primum ea res, cui aliam praeponere deinde volumus, proponi ut magna; ac deinde doceri, aliam tamen esse majorem. — Sic Cicero egit Marcell. 2, ibi primum valde tollit res Caesaris gestas, in eamque rem eas cum aliorum rebus gestis comparans docet has viles esse prae rebus Caesaris: deinde sensim incipit docere, veniam Marcello datam esse tamen illis longe majorem: id quod argumentis, ut decet, confirmat. Sic et in rebus malis ac turpibus. V. c. si *cupiditas paucis nocendi* est res valde turpis, quanto turpior et gravior est res, *toxi civitati* vel *multis hominibus nocere velle* etc.: si *homicidium* est res gravis, multo gravior res sit *parricidium* necesse est.

c) *rem cum re illi contraria* interdum quoque comparare licet, ut illius ratio, ac simul ejus magna pulchritudo, utilitas, turpitudine etc. magis elucescat: res enim eo pulchrior videtur, quo turpior res illi contraria est, et eo turpior fit, quo pulchrior est res contraria. Sic fortitudo militum cum ignavia, prudentia cum stultitia, aliaeque virtutes cum vitiis oppositis comparantur, et contra. V. c. *Avaritia nihil est turpius, nihil homine indignius. Consideremus contra liberalitatem: et videamus, quam homine digna sit et quam generosum hominis animum indicet* etc. *Quam excelsus est animus hominis liberalis, tam humilis est animus avari ac non nisi suae utilitatis pecuniaeque studiosi* etc.

Eodem quoque modo *personae* inter se comparari possunt: quamquam in earum comparatione etiam res proprie comparantur, ut *virtutes, vitia, facta*. Comparantur

a) *personae pares*: ubi itidem concludimus, homines sibi pares virtutibus vel vitiis etiam honore, dignitate, laude, praemiis, contemptu etc. pares esse debere: ut adeo, si alter pro magno habeatur vel pro valde turpi, alter pro eodem habendus sit. Sic Cicero *Archiam* poetam in Orat. pro eo habita c. 6 comparat cum *Homero* et c. 9 cum *Ennio*, ut doceat, cum Homerum multae civitates suum civem esse vellent, et Ennio civitas romana donata esset, *Archiam* eodem modo dignum esse, qui civis romanus sit. Sic comparat Cicero *Catil. III, 1* se cum *Romulo* hactenus, quod hic Romam condiderit, ipse Romam servarit, ac docet, sibi non minorem honorem deberi: quamquam, qui verba illius accurate legit, videt, Ciceronem teste indicare, se *Romulo* praeferendum esse.

b) *personae majores cum minoribus*, gravius vel vituperandi vel laudandi causa. In laudando ita concludimus: si is, qui magnam rem egit, pro magno habitus est vel habetur, sequitur, ut, qui majorem rem egerit, pro majori viro habendus videatur: v. c. qui victoriam ab hostibus reportat, est vir magnus: quanto major, qui pacem nobis donat? Sic, si minus doctus magno honore fruitur, sequitur, doctiorem majori frui debere: si opifex assidue artem suam colens laudatur, quanto magis eruditus, literis assidue navans operam? In vituperando ita concludimus: si is, qui levius peccatum commisit, pro turpi poenaque digno homine habetur vel habitus est, quanto magis is, qui graviora commisit? — Sic Cic. *Rosc. Am. 39* In minimis rebus qui mandatum neglexerit, turpissimo judicio condemnatur necesse est: in re tanta, cum is — mortuum ignominia affecerit, is inter honestos homines atque adeo inter viros numerabitur? In minimis privatisque rebus etiam negligentia mandati in crimen judiciumque revocatur (ut *Graev.* legit), — in re tanta, quae publice gesta sit, — qua is tandem poena afficietur? Recte ibi Cicero colligit, si negligens mandatum levius ac privatum tamen poena dignus sit, eum, qui publicum mandatum idque majus negligat, et non tantum negligat, sed malitiose et cum perfidia agat, graviore poena afficiendum esse. — Major fit gravitas, si homo cum omnibus hominibus comparatur iisque praefertur; v. c. quando dicimus: praestitit id, quod nemo mortalium praestare potuit etc. vel in vituperando: omnes superavit flagitiis etc. Sic Cicero in *Maniliana* docet, *Pompejum* praeferendum esse omnibus ceteris imperatoribus; ait cap. 10

Nunc vero cum sit unus Cn. Pompejus, qui non modo eorum hominum, qui nunc sunt, gloriam sed etiam antiquitatis memoriam virtute superavit etc., id quod deinde confirmat: qui saepius cum hoste conflixit, quam quisquam cum inimico concertavit: plura bella gessit, quam ceteri legerunt, plures provincias confecit, quam alii concupiverunt etc., quae tamen valde hyperbolice dicta sunt. — In malam partem de Verre, v. c. Verr. I, 8 *Quis est, qui hoc non ex priorē actione abstulerit* (mit nach Hause genommen i. e. didicerit), omnium ante damnatorum scelera, furta, flagitia, si in unum locum conferantur, vix cum hujus parva parte aequari conferrique posse? Quid gravius dici poterat? Quamquam hic non tam homo cum hominibus omnibus quam facta unius cum omnium factis h. e. flagitiis comparantur: sed gravitate rerum nititur hominis vel summa turpitudine vel summa laus.

c) *personae contrariae* etiam interdum inter se comparantur, ut v. c. excellentia vel virtus unius ex alterius summa turpitudine et vitio magis appareat et major videatur, ac contra. Sic Cicero ad Verrem deprimendum et acrius vituperandum compararat eum cum *Africano* Verr. III, 35, qui Segestanis deos patrios ex hostium urbe recuperatos reportaverat, cum Verres, praetor Siciliae, eos abstulerit: cum *Pisone*, diligentissimo homine, Verr. III, 25, qui, cum annulum sibi aureum faciendum curaret, hoc palam in foro fieri iussit, aurumque artifice appendit, ut quisque sciret, unde Piso praetor Siciliae annulum sibi faceret; ex quo patet, eum nihil auri eripuisse Siculis: quod secus erat in Verre, homine avarissimo: cum *Marcello* Verr. III, 54 et 55, qui, licet imperator esset atque ita jure belli multa eripere ornamenta posset, tamen non modo aedificiis privatis, publicis et sacris, pepercit, sed etiam nullum deum violavit, nullum attigit (cap. 54), cum Verres praetor Siciliae in otio ac pace istos deos auferre non dubitaverit. — Gravius est, quando homo cum bestiis comparatur: v. c. *parricida* ap. Cic. Rosc. Am. 22 extr. *Portentum atque monstrum certissimum est, esse aliquem humana specie et figura, qui tantum immanitate bestias vicerit, ut, propter* (i. e. per) *quos hanc suavissimam lucem adspexerit, eos indignissime luce privarit: cum etiam feras inter sese partus atque educatio et natura ipsa conciliet.* Locus multas ob causas egregius! Add. quae de *comparatione* supra jam dicta sunt cap. I sect. 17 p. 550 ff.

Sunt praeterea alia adjumenta, quae vel ad rei magnitudinem gravitatemque illustrandam aut certiore reddendam pertinent vel auditores lectoresque attentiores reddunt efficiuntque, ut hi rei vim et gravitatem magis sentiant, atque ita gravitatem dicendi variis modis augent. Huc pertinent

II) *Circumscriptio* magnae ideae per definitionem vel descriptionem. Definitio et descriptio nihil aliud est quam disolutio rei in sua attributa, late sumpta, vel omnia vel pauca. Hinc egregie adjuvat perspicuitatem rei, atque ita gravitatem. Sic enim accuratius perspicimus ea, quibus constet illa magnitudo et gravitas ideae. Dixi de periphrasi jam supra cap. I sect. 15 p. 547 f. et P. I, c. 9 sect. 2 n. VIII. In primis vero gravitati rei serviunt eae circumscriptiones, in quibus argumentum inclusum est: argumenta enim tecta magis saepe movent quam aperta, quia illarum vis est lenior et suavior. Cicero exemplis abundat.

V. c. Rosc. Am. 22 extr., ubi pro verbis: *monstrum est, hominem posse suos parentes occidere* ita loquitur: *portentum atque monstrum certissimum est, esse aliquem humanam specie atque figura, qui tantum immanitate bestias vicerit, ut, propter quos hanc suavissimam lucem adspexerit, eos indignissime luce privarit; ubi notes; esse aliquem humana specie atque figura pro esse aliquem hominem: deinde propter quos hanc suavissimam lucem adspexerit pro parentes; hic inest argumentum, cur non occidere debeat, et cur monstrum sit illos occidere; hinc tandem addit: eos indignissime luce privare pro occidere. Egrege vocabulum lucis repetit: nam eos, per quos lucem adspeximus, hac luce privare, quam indignum! Quis inde non magnitudinem parricidii perspicit et sentit? — Agr. II, 12 de decemviris, quos Rullus constitui volebat, ita loquitur: *Videre nunc, eos, qui a vobis nihil potestatis acceperint, quanto majoribus ornamentis afficiat, quam omnes nos affecti sumus, quibus vos amplissimas potestates (i. e. magistratus) dedistis. Per eos, qui a vobis nihil potestatis acceperint* intelligit illos decemviro; in illa circumscriptione latet argumentum, cur non deceat illos tantis ornamentis ornari, quia scil. a populo nil potestatis h. e. nullum magistratum acceperint: hinc magnitudo*

tudo peccati Rulliani magis apparet. — Fonteij. 14 *Videte igitur, utrum sit aequius hominem honestissimum, virum fortissimum, civem optimum, dedi inimicissimis atque immanissimis nationibus, quam reddi amicis.* Per hominem honestissimum, virum fortissimum, civem optimum intelligit Fonteijum: sed in hac circumscriptione inest argumentum, cur non hunc virum deceat condemnari ob homines inimicissimos et immanissimos: hoc enim indicatur per *dedi inimicissimis* etc., quae verba etiam sunt circumscriptio. — Gravissime senatores et omnes cives romanos circumscribit per *principes orbis terrarum gentiumque omnium*, injecta simul similitudine gladiatorum Philipp. III, 14 *Quod si jam (quod dii omen avertant!) factum extremum reipublicae venit, quod gladiatores nobiles faciunt, ut honeste decumbant, faciamus nos, principes orbis terrarum gentiumque omnium, ut cum dignitate potius cadamus, quam cum ignominia serviamus.* In circumscriptione latet argumentum indignitatis majoris. *Principes orbis terrarum* coguntur imitari gladiatores in decumbendo? — Sic in illo: *avarus optat, quod habet*, inest circumscriptio, quamquam brevior: dictum enim est pro *optat divitias*; at in circumscriptione latet causa majoris indignitatis vel potius amentiae: quis enim, quod habet, id optat?

III) *Partitio s. dissolutio totius in suas partes, generis in species.* Dictum de ea est supra cap. 1 sect. 16 p. 548 ff. et P. I, c. 9 sect. 2 n. X. Nihil enim magis ad perspicuitatem pertinet, nihil vero etiam magis ad gravitatem. *Res per Genus et per Totum* declarata nondum satis est manifesta, ut adeo gravitas rei nondum satis apparere possit, nisi rem accuratius h. e. ejus partes, species, ac, si fieri potest, particulas et individua ante oculos ponas.

V. c. gravius dicitur *amisi parentes, domum, honores ac dignitatem* quam *amisi omnia*: — sic laudant eum omnes non graviter dictum est: quinam enim sunt isti omnes? Gravius dicitur: *laudant eum et indocti et docti, laudant et cives et externae nationes, laudant et principes civitatis et inferiores* etc. — Sic Cicero laudare cupiens clementiam Caesaris et veniam Marcello datam et ostendere, eam majorem esse illius rebus gestis, ait Marcell. 2 *Nihil sibi ex ista laude centurio, nihil praefectus, nihil cohors, nihil turma decerpit: pro Nihil sibi*

sibi ex ista laude exercitus decerpit s. tribuit. Nonne illud multo gravius? — Ibid. c. 3 dicere poterat: *domuisti magnas copias barbarorum; sed ait: domuisti gentes immanitate barbaras, multitudine innumerabiles, locis infinitas, omni copiarum genere abundantes.* Sic Caesaris virtus major apparet. — Cicero laudare cupiens artes humaniores et docere, eas esse omnium aetatum et locorum, maluit hoc late ita exprimere: *Haec studia adolescentiam alunt, senectutem oblectant, secundas res ornant, adversis perfugium ac solatium praebent, delectant domi, non impediunt foris, pernoctant nobiscum, peregrinantur, rusticantur.* Nonne ita utilitas istorum studiorum magis apparet, quam si dixisset: *ubique et semper profunt?* vid. plura exempla cap. I sect. 16 p. 548 ff. et P. I, c. 9 sect. 2 n. X.

III) *Pictura rei s. descriptio rei vivida*, quae efficit, ut rem ipsam videre eique interesse videamur. Efficitur illa afferendis quibusdam rebus cum illa re conjunctis et in sensus cadentibus. Rhetores eas, si longiores sunt, vocant *diatypoſes*, sin breviores, *hypotyposes*: sed haec divisio nullius est utilitatis: quisque enim sponte videre debet, utrum descriptio illa longior an brevior fieri debeat. Nimis longae non esse debent, ne tandem taedio fiant et vim suam amittant. Iudicio quoque ac delectu rerum, quibus ad rem depingendam utimur, opus est; h. e. debemus tantum eas particulas s. circumstantias afferre, quae rei gravitatem afferant, non levissima quaeque in mentem venientia memorare: quod puerile est. — Peccant in hoc nonnulli hodie, qui ubique pingere rem quam explicare et confirmare argumentis malunt, quia vident hoc placere lectoribus multis, qui non tam curant, ut sibi de rei veritate persuadeatur, quam ut eam *sintiant* s. ea *moveantur*: cum tamen non ante possumus re moveri, quam de ea nobis persuasum sit. Nec debemus rem depingere nisi gravem h. e. talem, quae, ut per se magna est, ita meretur, ut ejus magnitudo et gravitas a legente vel audiente recte atque ordine sentiat. — Pleni sunt harum descriptionum libri historicorum.

V. c. Liv. I, 13 in. *Tum Sabinae mulieres — crinibus passis scissaque veste — ausae se inter tela volantia inferre, ex transverso impetu facto dirimere infestas acies, dirimere iras, hinc patres hinc viros orantes etc.* — In primis notabilis est descriptio pugnae inter trigeminos Horatios et Curiatios commissae, cap. 25 *Foedere isto trigemini — arma capiunt. — Consederant utrinque pro castris duo exercitus, periculi magis praesentis quam curae expertes — datur signum, infestisque armis, velut acies, — concurrunt. Ut primo statim concursu increpuere arma, micantesque fulgere gladii, horror ingens spectantes perstringit, et neutro inclinata spe torpebat vox spiritusque etc.*: nam totum caput est perlegendum. Quis vero illud legens non singula sentit, singulis rebus ita movetur, tanquam sua res agatur? — sic brevis narratio de Metio Fufetio per equos iussu regis romani dilacerato cap. 28 etc. — Item Cicero saepissime in Orationibus Verrinis, pro Milone, in Philippicis etc. v. c. Verr. I, 30 *Constituuntur in foro Laodiceae spectaculum acerbum — grandis natu parens adductus ad supplicium, ex altera parte filius etc.* — Verr. V, 33 *Sterit soleatus praetor populi romani cum pallio purpureo tunicaque talari, muliercula nixus in litore: ibid. c. 38 in portu Syracusano de classe populi romani triumphum agere piratam, cum praetoris nequissimi inertissimique oculos praedonum remi respergerent: ubi not. respergerent oculos etc.* — Philipp. II, 41 *personabant omnia vocibus ebriorum; natabant pavimenta vino, madebant parietes etc.* Sed videndum, ut pudori ac modestiae consulamus, neque eas res temere proferamus, quae aures nimis offendant. Hic peccasse videtur Cicero, odio acerrimo in Antonium abreptus in ead. orat. cap. 25 *In coetu vero populi romani negotium publicum gerens, magister equitum, cui ructare turpe esset, is vomens, frustis esculentis, vinum redolentibus, gremium suum et totum tribunal implevit.* Graviter quidem dixit, at injucunde: a) *ructare* b) *vomens* c) *frustis esculentis* d) *vinum redolentibus* e) *implevit gremium suum* et f) *totum tribunal*: quae singulae ideae sunt injucundae, quanto magis fiunt, si conjunctae sunt? Quis ista sine nausea legere nedum audire potest?

V) *Testimonium* magnorum sapientiumque virorum de re solet ejus gravitati aliquid ponderis addere; quia homines iis, quae vir sapientiae laude clarus dixit, magnam

magnam vim vulgo tribuere solent. Dixi jam de *testimoniis* supra p. 534 in cap. 1 de perspicuitate, ubi monui non ante iis utendum esse, quam res idoneorum argumentorum auctoritate confirmata sit. Nam testimonia humana per se nihil aliud sunt quam *judicia*: et in iis quis non saepe labatur, licet sit sapientissimus? Nec res propterea magna est, quia homines pro magna habent; sed magnitudo rei debet esse in ipsius rei natura. — Excipiuntur tamen, ut supra ibid. p. 534 f. monui, praeter *testimonia* f. *judicia librorum sacrorum*, quae pro firmissimis argumentis habenda sunt, *testimonia humana* in facto aliquo narrando: hic testimonia, si sunt perfecta ab hominibus fide dignis, sunt optima rei argumenta. — In primis vero gravitatem rei adjuvat *testimonium adversarii* f. *concessio*. Nam, si v. c. ipse adversarius concedit, aliquem valde doctum esse, vel rem, cui adversatur, egregiam esse, multum valet istud testimonium. — Hinc, si quis, non Christianus, Christianorum sacra ex parte laudat, huic laudi multum tribuitur. Sic contra, si quis de se vel amico, quem valde amat, aliquid vitii concedit, ejus quoque testimonium non sine pondere esse solet.

VI) *Sententia acuta et gravis*. Sententia est enuntiatio e vita sumpta, eaque universa h. e. per quam aliquid in genere affirmatur vel negatur, laudatur vel vituperatur etc. *Acuta* est, si non sine ingenio inventa neque adeo vulgaris est: *gravis*, si argumentum rei, de qua sermo est, continet. Hinc ejus vis ad animos movendos patet: argumenta enim testata quantam vim afferant, nemo nescit. V. c. Quando de Socrate dixi, *eum non fuisse appetentem divitiarum*: et addo: *sapientia (temperantia) enim paucis contenta est*: vel *sapiens (temperans) enim paucis contentus est*. Inest quaedam brevis pro: *Socrates non appetens fuit divitiarum: fuit enim temperans (sapiens): sapientia (temperantia) vero est paucis contenta*. Quis non videt mediam enun-

tiationem: *fuit temperans*, omissam esse? — sic saepissime Cicero ad rem confirmandam utitur *sententia aliqua* pro argumento:

V. c. ad Div. VIII, ep. 14 §. 8 *Nam, cum te semper tantum dilexerim, quantum tu intelligere potuisti, tum his tuis factis sic incensus sum, ut nihil unquam in amore fuerit ardentius. Nihil est enim, mihi crede, virtute formosius, nihil pulchrius, nihil amabilius. Ante verba Nihil est enim etc. omissum est: Quis enim tuam virtutem non amet? vel Hoc meritis es virtute tua etc. —* Divin. in Caecil. 9, ubi Cicero vult, ut Caecilius suam integritatem et innocentiam ostendat: et statim addit loco argumenti: *Nihil est enim, quod minus ferendum sit, quam rationem ab altero vitae repossere eum, qui non possit suae reddere: quod gravius dictum est pro: non enim ferendus es, si non ipse potes reddere tuae vitae rationem et tamen vis ab alio repetere: Nihil est enim, quod minus ferendum sit etc. —* Sic Rosc. Am. 22 extr. postquam dixit *parricidium, rem tam scelestam, atrocem, nefariam, nisi ejus multa et manifesta sint vestigia, non credi posse*, statim addit causam; *Magna enim est vis humanitatis (der menschlichen Empfindung), multum valet communitio sanguinis, reclamitat istiusmodi suspicionibus ipsa natura: ubi itidem proprie sic debebat dici: Nam humanitatis et communionis sanguinis et naturae hic est ratio habenda: Magna enim est vis humanitatis etc.*

De sententiis notandum,

1) Debere esse manifeste et semper veras: v. c. *sine virtute nulla vera est felicitas. —* Admittuntur tamen quoque *verisimiles* vel plerumque tantum verae; v. c. *obsequium amicos, veritas odium parit*; quo pertinent innumera proverbia; it. *hyperbolicae*: v. c. *nihil miserius stultitia: nihil praeclarius eruditione etc.*; quo itidem pertinent proverbia multa.

2) Debent non nimis longae esse. Quo breviores, eo graviores.

3) Debent non nimis crebrae esse. Quia omnis sententia speciem praecepti habet et auditores lectoresque docere videtur; hi offenduntur tandem; et omnino, qui sententias nimis frequentat, videtur magistrum auditorum et lectorum agere velle. Qui tamen crebrioribus uti cupit, ac profecto nil gravius est quam acuta sapientiaeque plena sen-

sententia, is potest, ad vitandam istam injucunditatem, hanc rationem sequi, ut sententias non semper suo nomine sed etiam aliorum proferat: v. c. *Socrates non fuit appetens divitiarum, quia sciebat, temperantiam (sapientiam) esse paucis contentam.* Et sic saepius potest is homo, quem laudamus, induci recitans sententiam. Interdum etiam addi potest: *Nemo nescit, omnibus notum est:* sic orator non suo sed omnium nomine recitat istam sententiam. In primis orator communicare potest sententiam cum auditoribus, v. c. *Nostis s. quis vestrum ignorat, temperantiam esse paucis contentam.* — Hoc genere variationis saepius taedio lectorum et auditorum occurri potest, atque ita saepius sententias adhibere licebit.

4) Debent esse honestae: sed hoc per se patet.

VII) *Loqui assseveranter et cum certa animi persuasione.* Hoc magis decere graviter loquentem quam dubitanter dicere per se patet. Nam, si ipsi oratori et scriptori de re ejusque magnitudine persuasum esse videmus, eo certiore rem esse credimus. Hinc, quo magis animus illius videtur esse motus, eo magis ei de re videtur esse persuasum, et eo certior haec nobis videtur.

Hanc in rem solent oratores atque ita scriptores

1) De re praesente vel facta loqui ut certa et manifesta: hinc saepe addunt *Certum est, quis non videt?* etc. v. c. *Virtute nihil praeclarius esse, quis non intelligit? Quem fugit, Hannibalem tandem victum esse a Scipione? Quis est, qui nesciat bona animi et ingenii longe praeclaviores esse bonis corporis?* v. c. Cic. Verr. III, 28 in. Nunc — attendite, de quo — *populus romanus nunc non primum audiet, quod (sic forsan leg. pro et) in exteris nationibus usque ad ultimas terras pervagatum est.* Et sic millies: in primis Act. I in Verr. cap. 5 extr. — Huc pertinent illae formulae: *omnes sciunt, sole clarius est, nihil manifestius, nihil apertius, esse potest; nemo negat, nemo dubitat, quis est qui dubitet, qui dubitare vel negare audeat?* etc. — Tales formulae valent ad animos magis movendos, si quidem res per se certa vel argumentis ante confirmata est. Stultum enim foret ubique dicere *Certum, manifestum est, quis nescit* etc. etiam ibi, ubi lector auditorve vel rem ignorat vel valde de ea dubitat. — Oratores

tores vero non modo de re certissima sed etiam interdum de re tantum verisimili loquuntur tanquam de certissima. V. c. *nihil homini tam nocet quam otium, vel quis nescit, nihil homini tam nocere quam otium?* etc. Cicero v. c. Verr. I, 4 gravius dixit: *Non est, non est in hoc homine cuiquam peccandi locus* h. e. *hic homo non potest absolvi*, quam si dixisset: *Non videtur locus esse* etc. *Vix putem locum esse* etc.

2) De rei effectu vel eventu tanquam certissimo. V. c. *Qui ad literas omni studio incumbit, eruditus, sapiens fiet. Haec res tam praeclara est, ut in perpetuo honore mansura sit: Ubi itidem istae formulae superiores Certum est, quis non videt?* etc., item aliae, v. c. *necesse est, nullo modo fieri potest, quin* etc. usurpari possint. V. c. *Qui ita vivit, necesse est aliquando contemptui eum omnibus fore.* Cic. Verr. I, 5 *evoleat ex vestra severitate: mihi credite, arctioribus apud populum romanum laqueis tenebitur: credet iis equitibus populus romanus, qui ad vos antea producti testes, ipsis inspectantibus ab isto civem romanum, qui cognitores homines honestos daret, sublatum esse in crucem dixerunt. Credent omnes XXXV tribus — audietur a populo* etc.: qui locus egregius, at paulo longior. Sic in Agraria altera effectum legis Agrariae praedicit ut certum, cap. 18 ait: *Intellexistis, quot res et quantas decemviri legis permissu vendituri sint pro vendere possint.* — Cicero adeo ad rem augendam dicit interdum, quid aliquis facturus fuisset, v. c. Phil. II, 27 loquens de Antonii immensa luxuria: *Quamobrem definite mirari, haec tam celeriter esse (ab Antonio) consumpta. Non modo unius patrimonium, quamvis amplum, ut illud (Pompeji) fuit, sed urbes et regna celeriter tanta nequitia devorare potuisset.* Gravissime dictum: at hyperbolice.

3) De re futura, ut jam praesente. Hoc valde auget gravitatem rei, quia sic fere ipsam oculis cernere videmur. v. c. *Tu, si ita pergis vivere, miser es pro eris.* Saepissime in libris sacris prophetae, quae Judaeis eventura erant, de iis tanquam praesentibus loquuntur, v. c. *video jam: urbs lugeat, laetatur* etc. *pro lugebit, laetabitur*: sic et nos: *du stirbst wenn du das issest, du bist unglücklich*: vel de certo morituro: *er stirbt gewiß pro wird sterben*: quae omnia gravius dicuntur. — Sic Cicero millies: v. c. Agr. II, 21 *sicque agro pergrande vectigal imponitur pro imponitur*: sermo enim est de re futura. Manil. 17 *aut cur non ducibus diis immortalibus eidem, cui cetera summa cum salute reipublicae commissa sunt, hoc quoque bellum regium committimus pro commitemus vel committere volumus?* At in praesenti

com-

committimus inest major celeritas et gravitas: vult admonere, non diu expectandum esse.

4) Orator etiam interdum e suo ingenio addit causam verisimilem et credibilem, cur aliquid factum sit, cum tamen forsitan alia fuerit, vel causam et consilium, quod aliquis in re aliqua fuscipienda secutus fuerit, cum tamen forsitan alia causa aliud consilium fuerit, imo saepe res temere et casu ita facta sit: v. c. de homine docto, qui ad summos honores pervenit, dicere possum: *Quomodo is tantos honores consequi potuisset, nisi summa eruditione ornatus fuisset?* Sic in hominis eruditi vita exponenda dicere licet: *Contulit se ad literarum studia, non, ut vulgo fieri solet, quia parentes illud voluerant vel ita jusserant, nec, quia hanc viam ad divitias honoresque certissimam esse crederet, sed hoc consilio, ut et mentem sapientiore redderet, atque ad cogitandum acueret, et animum virtutis splendore illustraret etc.* Sic de aliquo, qui multorum amicitia usus est, dicere licet: *Non mirum est, eum tam multis amicis usum, cum ipse omnibus hominibus amicus esset: qui enim alios amat, ab aliis redamatur.* — Sic Cicero saepissime agere solet, ut causas, propter quas aliquid factum sit vel quibus ductus aliquis aliquid fecerit, pro libidine h. e. e re sua addat. V. c. Arch. 7, ubi literas humaniores i. e. in primis philosophiam laudat et ad earum utilitatem demonstrandam Africanum, Laelium, Furium et Catonem memorat, addit causam, cur hi viri literis illis operam dederint, his verbis: *Qui profecto, si nihil ad percipiendam colendamque virtutem literis (scil. humanioribus) adjuvarentur, nunquam se ad earum studium contulissent:* quamquam contra hanc causam nonnulla dici possint. Nam nemo utilitatem artis ante novit, quam eam tenet. Non puto ideo *adjuvarentur* pro *adjuti essent* positum esse, ut Gesnerus in Chrestom. putat, quia nemo ante potest adjuvari literis illis ad virtutem colendam, quam ad illas se contulerit: quomodo ergo isti viri dici possunt non id consilium secuturi fuisse, ut ad illas literas se conferrent, nisi illis adjuti essent? Magis *adjuvarentur* est proprie sumendum: *nisi utilitatem inde haurirent vel credidissent potius se hausturos esse:* nisi forte potius leg. *adjuvaremur.* — Verres, praetor Siciliae, Gavium civem romanum in crucem sustulerat. De hoc facto late loquitur Cicero Verr. V, 66: inter alia hoc est notabile: *Italiae conspectus ad eam rem ab isto delectus est, ut ille in dolore cruciatuque moriens perangusto freto (Edd. fretu) divisa servitutis ac libertatis jura cognosceret, Italia autem alumnum suum servitutis extremo*

extremo summoque supplicio affixum videret. Egregie h. e. gravissimè dictum. Scilicet Verres crucem ea parte Siciliae, quae ad fretum spectat, erigi iussit, ut tali modo Gaius cruci affixus Italiam spectare posset.

5) Orator etiam interdum in narrando aliquo facto addit, quid homo in illo cogitaverit, crediderit, speraverit, timuerit etc.: id quod e facto ipso concludit. Hac re, quae saepe argumenti speciem induit, fit res ipsa certior et gravior. V. c. pro: *hic homo non legit libros sacros dicitur: hic homo non legendos putat libros sacros s. non e re sua esse credit legere, vel nescit, quam utilis sit lectio librorum* etc. — sic de intemperante quodam: *iste homo nullum certiore felicitatis fontem esse credit, credidit, quam usum ciborum nimium: vel nihil praeclarius norat quam gulae servire* cet. sic de eo, qui multos sibi libros emit: *Nihil erudito dignius censebat esse librorum utilium supellectile multa.* Cicerō ita quam saepissime, v. c. Verr. II, 6 *Qui (Verres) simulatque ei sorte provincia Sicilia obvenit, statim Romae et ad urbem, ante quam proficisceretur, quaerere ipse secum et agitare cum suis coepit, quibusnam rebus in ea provincia maximam uno anno pecuniam facere posset. Nolebat in agendo discere — sed in Siciliam paratus ad praedam meditatatusque venire cupiebat.* — Ibid. cap. 30 *Iste, quasi metueret, ne Petilius, privato illo iudicio transacto aut dilato, cum ceteris in consilium reverteretur, ita properans de sella exsiluit, hominem innocentem — indicta causa condemnavit.* Egregie quasi metueret etc. — Verr. III, 27 in narratione illa de Verre, qui Antiocho, regi Syriae, qui Syracusas venerat, tandem multa vasa egregia, in his trullam ex una grandi gemma factam et candelabrum e gemmis clarissimis opere mirabili perfectum, abstulit: *Itaque (Antiochus) isto praetore venit Syracusas. Hic Verres hereditatem sibi venisse arbitratus est, quia in ejus regnum ac manus venerat is, quem iste et audierat multa secum praeclara habere et suspicabatur.* Post narrat, Antiochum a Verre ad coenam vocatum, et hunc ab illo vicissim magnifico convivio exceptum esse; ibi Antiochum, quia Verrem haud nosset, ei omnia sua vasa maxime praeclara monstraſſe, quae Verres valde admiratus sit: tandem ait: *Postquam inde (i. e. e convivio) discessum est (a Verre), cogitare (Verres) nihil aliud. quod ipsa res declaravit, nisi quemadmodum regem ex provincia spoliatum expilatumque dimitteret.* Notes in ista narratione 1) *Hic Verres hereditatem sibi venisse arbitratus est* 2) *quem suspicabatur* etc. 3) *Verres cogitabat nihil aliud* etc. Haec additamenta praeclare

clare ostendunt animum avarissimi hominis, qui *arbitratur sibi praedam obvenisse*, atque *susplicabatur*, aliquem aliquid secum habere, quod arte quadam eripi possit, et *cogitat meditatursque* rationem, qua illud eripiat. — Multo gravius loquitur orator, quando dicit, aliquem reum ipsum non sperare sibi ignosci vel se absolvi posse: hoc enim indicat, flagitia et scelera ejus esse nimis magna vel multa. Sic de eodem Verre Cicero Verr. I, 2 *tametsi de absolutione istius* (Verris) *neque ipse* (Verres) *jam sperat*, nec populus romanus metuit. Quid gravius dici poterat: *ipse non jam i. e. non amplius sperat?* etc.

VIII) *Dilemma*; cum duas res (interdum tres, tum *trilemma* vocari queat) sibi contrarias ita proponimus, ut, utracunque eligatur ab adversariis vel auditoribus, tamen nihil contra nostram causam concludi possit. Haec res gravitatem rei affert, quia non modo auditori facultatem dubitandi praecidit, sed et indicat oratori, quia tam *ingenue* omnia profert, de re valde persuasum esse.

V. c. Cic. Quint. 26 *Utrumlibet elige: alterum incredibile est, alterum nefarium, et ante hoc tempus utrumque inauditum.* — Si enim illud diceret, improbe mentiri videretur; cum hoc confiteris, id te admisisse concedis, quod ne mendacio quidem tegere possis. Sic Cicero in Divin. in Caecil. ostensus, hunc ad Verrem accusandum non esse aptum, ita loquitur cap. 18 extr.: *si summam injuriam ab illo (Verre) accepisti, tamen, quoniam quaestor ejus fuisti, non potes eum sine ulla vituperatione accusare: si vero nulla tibi facta est injuria, sine scelere eum accusare non potes.* — Philipp. II, 22 *O miserum te, si intelligis! miseriorem, si non intelligis etc.*, ubi exclamatio augeat. Add. cap. 23 in., ubi simul interrogatio est. Add. Curt. VII, 8 §. 26, ubi Scythae Alexandro haec dicunt: *si deus es, tribuere mortalibus beneficia debes, non eripere; sin autem homo es, id, quod es, semper te esse cogita.*

VIII) *Interrogatio* orationem haud dubie gravio-rem potest reddere: indicat enim, nos moto animo atque ita cum magna persuasione loqui. V. c. *quid praeclarius esse potest virtute?* vel *quis non videt, nihil praeclarius*

clarius esse etc.? Quis deum esse neget? Cic. Manil. 10 Quis igitur hoc homine scientior unquam aut fuit aut esse debuit? — At interrogatio non debet usurpari nisi in re certa et ubi certo scimus, neminem nobis respondere posse. In re dubia necdum argumentis confirmata stultum foret interrogare, v. c. si quis de laude eloquentiae dicere incipiens non nisi ita loqueretur: Quis nescit, quantopere laudanda sit eloquentia? quis ejus utilitatem non intelligit? quis negat etc. — Gravior fit interrogatio, si qua causa tecte includitur, v. c. Quis est tam obtusae mentis, qui non videat? quis tam rerum imperitus, ut non perspiciat? etc. Haec enim dicta sunt pro: Nemo hoc non videre debet, quia nemo est tam obtusae mentis: Nemo non perspicit hoc, quia nemo tam imperitus rerum est. — Gravitas talis interrogationis augetur, si haec repetitur: v. c. Cic. Divin. in Caecil. 6 tamen his invitissimis te offeres? tamen in aliena causa loquere? tamen eos defendes? etc., ubi simul repetitio particulae tamen gravitatem non parum adjuvat. Verr. II, 78 in. Videtis Verrutium? videtis primas literas integras? videtis extremam partem nominis, caudam illam Verris etc., ubi itidem anaphora simul notanda: et statim: Quid expectatis? quid quaeritis amplius? tu ipse Verres quid sedes? quid moraris? — Sed interrogatio sponte discitur ac sponte oritur, modo de re gravidicas sitque tibi de gravitate persuasum. Animus commotus ad interrogandum valde proclivis est. Interdum etiam responsio additur, v. c. Cic. Verr. III, 53 in., cap. 67 med. etc.

X) *Exclamatio*: haec enim indicat, nos in dicendo et scribendo esse commoto animo, quod signo est, nobis esse de re valde persuasum. Hinc illa post rem gravem et certam, satis explicatam et argumentis gravibus stabilitam, recte adhibetur. Cic. Philipp. II, 22 *O miseram te, si intelligis! miseriorem, si non intelligis etc. — At stultum foret ubique dicere: O rem praeclaram!*

claram! o hominem nefandum! Ita loquuntur pueri. Hinc ab initio orationis non convenit exclamare; nec in narratione, quia indicaret, historicum esse commoto animo. At omnis testis, et historicus est testis, debet loqui sine animi permotione: haec enim suspicionem movet, rem vel auctam vel imminutam esse.

XI) *Sermocinatio*, *Prosopopoeia*, *Apostrophe* serviunt maxime gravitati. — *Sermocinatio* est, quando hominem inducimus loquentem vel cum aliis vel secum. Sic Cic. Milonem inducit loquentem Mil. 34 *Valeant, valeant, inquit, cives mei, valeant, sint incolumes* etc.: qui locus est longe gravissimus. Cf. Auct. ad Herenn. III, 43 *Sapiens saepe ita secum loquitur: Non mihi soli sed etiam, atque adeo multo potius, natus sum patriae* etc. Sic Cicero Rosc. Am. 21 accusatorem Erucium inducit loquentem: *Cum hoc modo accusas, Eruci, nonne hoc palam dicit: ego, quid acceperim, scio, quid dicam, nescio: unum illud spectavi, quod Chrysogonus agebat, neminem isti patronum futurum* etc. Quid gravius esse potest, quam audire accusatorem ipsum fatentem, se nil dicere nosse sed pecunia corruptum accusationem recepisse? Gravior est *sermocinatio*, si mortuos loquentes inducimus. — *Prosopopoeia*, quando res tanquam personae loquentes inducuntur, v. c. Cic. Catil. I, 7 patria alloquitur Catilinam et rogat eum tandem ut discedat etc.: quae allocutio non sine gravitate est. — *Apostrophe*, i. e. quando alloquimur homines absentes, imo res inanimatas, v. c. parietes testamur etc., etiam mortuos. — Sed hae tres res, ut non nisi e maxime commoto animo oriuntur atque sine eo usurpari nullo modo possunt, ita praeterea, si recte tractare velimus, magnam prudentiam postulant, v. c. ne modum excedamus vel vocis exilitate ridiculi fiamus etc.

XII) *Repetitio idearum* gravium earundem crebra; ut ipsae magis penetrent in animos legentium et audientium. Semel enim dicta facilius praetervolant vel

oblivioni traduntur: sed repetitione firmitus haerent
ideae graves et animos gravius movent. Dixi hac de
re in Cap. I de perspicuitate sect. 18 p. 557 ff. et sect. 23
n. XIII.

Instituitur v. c. haec repetitio per totam orationis
compagem, ubicunque occasio se obtulerit; in primis in
eadem sententia. Est praeterea duplex: *ideae* enim vel
iisdem vocabulis repetuntur vel aliis. 1) Per *alia* vocabu-
la, v. c. Cic. Verr. I, 5 in. *Meditetur de ducibus hostium,*
quos accepta pecunia liberavit: videat, quid de illis respon-
deat, — quaerat —: ubi meditetur, videat, quaerat parum
differunt. Ibid. *Confringat iste sane vi sua consilia senatoria:*
quaestiones omnium perrumpat: evolet ex vestra severitate:
quae tria non valde differunt. Ibid. *Credet iis equitibus*
romanis populus — Credent omnes quinque et triginta tri-
bis — audietur a populo romano vir primarius — probabit
fidem et auctoritatem et religionem suam L. Suetius etc.: quae
singula idem declarant: nam audietur a populo etc. proba-
bit fidem etc. nihil aliud est quam populus romanus iis cre-
det. Philipp. II, 27 extr. *O audaciam nimiam! tu ingredi*
illam domum (Pompeji) ausus es? tu illud sanctissimum limen
intrare? tu etiam illarum aedium diis penatibus os importu-
nissimum ostendere? quae tria, quod ad sensum per se attinet,
parum inter se differunt. 2) Per *eadem* vocabula: haec
repetuntur

a) Vel *conjunctim*, quod *epizeuxin* vulgo vocant: v. c.
Cic. Fonteij. 7 *Fuit fuit illis iudicibus divinum — consi-*
lium. Catil. I, 1 *Fuit fuit quondam in hac republica vir-*
tus etc.; ibid. *nos nos, dico aperte, consules desumus.*
Phil. II, 15 in. *Dolebam, dolebam, patres conscripti, rem-*
publicam; et cap. 22 in. Tu tu, inquam, M. Antoni, prin-
ceps C. Caesari, omnia perturbare cupienti, causam belli
contra patriam inferendi dedisti. — Duo vocabula repetit
Cic. Verr. I, 4 *Non est non est in hoc homine cuiquam pec-*
candi locus, iudices. Ac deinde: *non is est reus, non id*
tempus, non id consilium etc.; quod gravius est.

b) Vel ab *initio membrorum* tum parvorum tum lon-
giorum: quae repetitio *anaphora* vocatur: v. c. Cicero
Fonteij. 14 *Frugi — hominem et — temperantem, plenum*
pudoris, plenum officii, plenum religionis. Arch. 6 *Sed ple-*
ni omnes sunt libri, plenae sapientium voces, plena exemplo-
rum vetustas: ad Div. VIII, ep. 14 §. 9 Nihil est enim,
mihī

mihi crede, virtute formosius, nihil pulchrius, nihil amabilius: et §. 7 tum nihil magnificentius, nihil praeclarius actum unquam, nihil reipublicae salutaris: Verr. I, 15 Commune est hoc malum, communis metus, commune periculum: ibid. Non enim potest ea natura, quae tantum facinus commiserit, hoc uno scelere contenta esse. Neesse est semper aliquid ejusmodi moliatur: necesse est in simili audacia perfidiaque versetur. — Gravior est anaphora conjuncta cum interrogatione: v. c. Divin. in Caecil. 6 tamen his invitissimis te offeres? tamen in aliena causa loquere? tamen eos defendes, qui se ab omnibus desertos potius quam abs te defensos malunt? tamen his operam tuam pollicebere, qui etc.?

c) Vel in fine membrorum: quae repetitio vocatur epiphora. V. c. Cic. Verr. III, 42 med. Quid? is ubi est? praesto est, testis est: et statim: Quis est hic? qui ad statuum adstrictus est. Quid? is ubi est? testis est. — Phil. II, 22 Doletis tres exercitus populi romani interfectos? interfecit Antonius. Desideratis clarissimos cives? eos quoque vobis eripuit Antonius. Auctoritas hujus ordinis afflicta est? afflixit Antonius. Inest partitio, quae gravitatem auget.

d) Vel anaphora et epiphora conjungitur interdum h. e. unum vocabulum ab initio membri alterum in fine repetitur, v. c. Cic. Agr. II, 9 in. Quis legem tulit? Rullus. Quis majorem partem populi suffragiis privavit? Rullus. Quis comitiis prohibuit? Rullus. — Quis decemviros, quos voluit, renuntiavit? Idem Rullus. Vocatur haec figura symploce: in cujus usu tamen judicio opus est, ne ridiculi fiamus. Add. dicta Cap. I sect. 18 p. 557 ff. et sect. 23 n. XIII.

XIII) Correctio h. e. quando gravem ideam gravior sequitur, atque ita illam quasi corrigit.

V. c. Cic. Verr. I, 3 extr. Non enim furem sed ereptorem, non adulterum sed expugnatorem pudicitiae, non sacrilegum sed hostem sacrorum religionumque, non sicarium sed crudelissimum carnificem civium sociorumque in vestrum iudicium adduximus. Quam graviter hoc dictum est! fur, adulter, sacrilegus, sicarius jam graves ideae erant. — Verr. II, 13 Haec omnia isto praetore non modo perturbata sed plane et Siculis et civibus romanis erepta sunt: gravius est eripere quam perturbare. — Verr. III, 27 in. Venio nunc

non jam ad furtum, non ad avaritiam, non ad cupiditatem, sed ejusmodi facinus, in quo omnia nefaria contineri mihi atque inesse videantur etc. — Verr. V, 37 ut ante Syracusani in moenibus suis, in urbe, in foro hostem armatum ac victorem quam in portu ullam hostium navem viderent: a) in moenibus b) in urbe c) in foro: ac deinde: a) hostem armatum b) hostem victorem. — Ibid. cap. 66 Facinus est, vinciri civem romanum: scelus, verberari: prope parricidium, necari, quid dicam in crucem tollere? verbo satis digno tam nefaria res appellari nullo modo potest. Sermo est de Gavio, cive romano, in crucem a Verre sublato. — Philipp. II, 26 prope fin. Tantus igitur te stupor oppressit, vel, ut verius dicam, furor, ut etc. — Cap. 27 de luxuria Antonii, quia paucis diebus innumera effuderat: Quae Charybdis tam vorax? Charybdis dico? quae, si fuit, fuit animal unum; Oceanus, medius fidius, vix videtur tot res, tam dissipatas, tam distantibus in locis positas, tam cito absorbere potuisse. Inest simul hyperbole: et Charybdis a Cicerone quidem memorari poterat, quia ista profunditas vasta Romanis nota erat, in nostra vero hodie tempora et loca non amplius convenit, ut per se patet. — Phil. III, I in. quippe cum bellum nefarium — non comparari sed geri viderem.

Ceterum ad hanc Correctionem referri quoque potest *Incrementum*, ut vulgo dicitur, cujus exemplum v. c. est illud e Catilinaria I; I in. hic tamen vivit. Vivit? imo etiam in senatum venit, fit publici consilii particeps, notat etc. — Eodem quoque pertinet Rosc. Am. 22 Magna est enim vis humanitatis: multum valet communio sanguinis: reclamitat istiusmodi suspicionibus ipsa natura: portentum atque monstrum certissimum est etc. Egregie h. e. graviter dictum: a) humanitas i. e. sensus (*Empfindung*) erga homines hominibus omnibus innatus; is est infimus gradus vinculi amoris erga homines: deinde b) communio sanguinis s. propinquitas etc.

XIII) *Confirmatio*, adversarium rem concedere, vel nihil habere, quod contra dicat, vel non nisi levia proferre.

V. c. Cic. Rosc. Am. 16 extr. ait accusatori: Age nunc, refer animum, sis (i. e. si vis), ad veritatem, — jam profecto te intelliges inopia criminum summam laudem Sex. Roscio vitio et culpae tribuisse. Cap. 18 extr. Audio (h. e. hoc placet mihi,

mihi, gut): nunc dicis aliquid, quod ad rem pertineat: nam illa, opinor, tu quoque concedis levia esse atque inepta. Ac statim: Verum haec quoque tu intelligis esse nugatoria. — Cap. 19 extr. Quid est aliud, iudicio ac legibus ac maiestate vestra abuti ad quaestum atque ad libidinem, nisi hoc modo accusare, atque id obicere, quod planum facere non modo non possis, verum ne coneris quidem? Quid gravius accusatori dicere poterat? Notandum, hic non modo non sequente ne quidem dictum esse, cum posterius non abesse alibi soleat: forsan Cicero de industria h. e. perspicuitatis maioris causa addidit, vel forsan hic diligentior esse voluit quam alibi, quia hic particula negativa gravitas rei maxime nititur. — Add. cap. 21; ubi accusatorem inducit fatentem, se nihil, quod dicat, habere: Cum hoc modo accusas, Eruci, nonne hoc palam dicis: ego, quid acceperim (scil. pecuniam), scio; quid dicam, nescio etc.

XV) *Retorsio* argumenti ab adversario pro se prolata aliunde rei ita instituta, ut illo argumento vel illa re contra illum ac pro nobis inque rem nostram utamur. Inest sane gravitas: et, quo gravior illa res visa est adversario, eo gravior est retorsio:

V. c. Cic. Divin. in Caecil. 19 in. *At vide, quid differat inter meam opinionem ac tuam.* (Attende, quam leniter loqui videatur Cicero, opinionem dicens!) Tu cum omnibus rebus inferior sis, hac una in re mihi anteferri putas oportere, quod quaestor illius fueris; ego, si superior ceteris rebus esses, hanc unam ob causam te accusatorem repudiari putarem oportere. Id quod deinde late demonstrat, idque egregie: totus locus est perlegendus: quemadmodum omnes omnino figurae rhetoricae non ex allatis exemplis discendae sunt, sed loca ipsa sunt perlegenda, ut contextus ratio simul perspiciatur: ab hac enim pendet iudicium omne de figura aliqua vel recte vel perperam adhibita: ab hac pendet deinde etiam legitimus figurarum usus. — Quod hic dixi, valere debet de omnibus locis hoc in libello allatis: quia contextus omnis afferri hic non potest.

XVI) *Concessio* h. e. quando concedimus aliquid vel plura, ita tamen, ut inde nil contra nos sequi possit seu ut res nostra ejusque vel veritas vel gravitas ne

minimum quidem perdat; v. c. *Faciamus, fingamus, ita esse: non tamen hinc sequitur, quod illi elicere conantur etc. Largior, rem non saepe accidisse: propterea non sequitur, rem plane nunquam factam esse vel fieri non posse.* Inest sane gravitas, quia sic indicamus, nos non omnia ad nos cupide trahere: quod interdum est signum malae causae ac suspectos nos reddit: sed paucis contentos esse vel tantum iis, quae certissima sint, uti etc. Cicero saepius.

V. c. Ligar. 6 *Fuerint cupidi, fuerint irati, fuerint peritines: sceleris vero crimine, furoris, parricidii, liceat Pompejo mortuo, liceat multis aliis carere: ubi fuerint est pro concedo Pompejanos fuisse cupidos, iratos etc.* — Rosc. Am. 38 est gravis concessio cum conditione conjuncta: *Nisi intellexeritis, judices, nullum esse officium, nullum jus tam sanctum atque integrum, quod non ejus scelus atque perfidia violarit et imminuerit; virum optimum esse judicatore.* Sermo est de Capitone. Cicero hic plura concedit, quam postulari poterant: neque vero quidquam gravius dici poterat: intelligitur enim, Capitonem fuisse hominem nequissimum omnium. — Add. Divin. in Caecil. 9 in, *Cognosce ex me, quoniam hoc primum tempus discendi-nactus es, quam multa esse oporteat in eo, qui alterum accuset: ex quibus si unum aliquod in te cognoveris, ego jam tibi ipse istud, quod expetis, mea voluntate concedam: quae deinceps recenset.* Quid gravius dici poterat? Nonne hinc intelligitur, quam aptus ad accusandum Caecilius fuerit?

XVII) *Praeteritio* h. e. cum confirmamus, nos multa de aliquo homine vel de re dicere aut adhuc addere posse, sed consulto ea praeterire, aut, quia per temporis angustiam non illa omnia afferre liceat, aut, quia e paucis a nobis dictis res satis appareat, vel aliam ob causam. Indicat hoc, nos magna copia de re dicendi instructos esse, et auctoritatem majorem nobis conciliat, atque ita gravitatem rei adjuvat.

Praeteritio ista est duplex:

I) *Vera* h. e. quando vere multa adhuc dicenda praeterimus, neque res praetereundas recensemus, sed tantum in

in universum confirmamus, nos praeterituros esse multa; v. c. Multa adhuc hanc in rem dicere possim: sed quid opus est, cum res jam manifesta sit? vel sed praeterire cogor ob temporis brevitatem etc. — Saepe ita Cicero. Rosc. Am. 33 extr. Permulta sunt, quae dici possint, quare intelligatur, summam tibi facultatem fuisse maleficii suscipiendi: quae non modo idcirco praeterito, quod te ipsum non libenter accuso, verum eo magis etiam, quod, si de illis caedibus velim commemorare, quae tum factae sunt ista eadem ratione, qua Sex. Roscius occisus est, vereor, ne ad plures oratio mea pertinere videatur. Graviter dictum: praeteritio conjuncta est cum testa insectatione aliorum. — Verr. I, 17 praetermittam minora omnia, quorum simile forsitan alius quoque aliquid aliquando fecerit: nihil dicam, nisi singulare, nisi quod, si in alium reum diceretur, incredibile videretur. — Verr. III, 26 in. Nullo modo possum omnia istius facta aut memoria consequi aut oratione complecti; genera ipsa cupio breviter attingere. — Manil. 9 extr. Multa praeterito consulto: sed ea vos conjectura perspicite etc. — add. Verr. I, 16, ubi excusat se, quod tam breviter loquatur de criminibus Verris: Nolite, quaeso, iudices, brevitatem orationis meae potius quam rerum ipsarum magnitudine crimina ponderare. Mihi enim properandum necessario est, ut omnia vobis, quae mihi constituta sunt, possim exponere. — Philipp. II, 25 notabo tamen singulas res: etsi nullo modo poterit oratio mea satisfacere vestrae scientiae h. e. etsi non possum tot res vobis narrare, quot jam nostis.

2) Simulata h. e. ubi dicimus, nos res multas non prolaturus esse, sed tamen summam saltem eas recensemus. Et de hoc genere praeteritionis in libellis rhetoricis maxime exponi solet. Verr. I, 12 in. Itaque primum illum actum istius vitae turpissimum et flagitiosissimum praetermittam: nihil a me de pueritiae suae flagitiis peccatisque audiet: nihil ex illa impura adolescentia: quae qualis fuerit, aut meministis, aut ex eo, quem sui simillimum produxit, recognoscere potestis. Omnia praeteribo, quae mihi turpia dictu videbuntur: neque solum, quid istum audire, verum etiam, quid me deceat dicere, considerabo. Vos, quaeso, date hoc et concedite pudori meo, ut aliquam partem de istius impudentia reticere possim. Omne illud tempus, quod fuit ante quam iste ad magistratus remque publicam accessit, habeat per me solum ac liberum. Sileatur de nocturnis ejus bacchationibus ac vigiliis. Lenonum, aleatorum, perductorum nulla mentio fiat. Damna, dedecora, quae res patris ejus, aetas ipsius, pertulit, praeter-

tereantur. Lucretur indicia veteris infamiae. Patiatur ejus vita reliqua me hanc tantam jacturam criminum facere. Quis non hujus praetermissionis gravitatem sentit? Sed istae res proprie non praetermissae sed tantum breviter summamque enarratae sunt. — Manil. 16 De hujus autem hominis (Pompeji) felicitate — hac utar moderatione dicendi, non ut etc. ac statim: Itaque non sum praedicaturus, Quirites, quantas ille res domi militiaeque, terra marique, quantaque felicitate gesserit, ut (i. e. quomodo) ejus semper voluntatibus non modo cives assenserint, socii obtemperarint, hostes obediunt, sed etiam venti tempestatesque obsecundarint. Est gravis praetermissio ac gravior, quam si late singulas has res dicendo persecutus esset. — Agr. I, 7 Non queror deminutionem vectigalium, non flagitium hujus jacturae atque damni. Praetermitto illa, quae nemo est quin gravissime et verissime conqueri possit, nos caput patrimonii publici, pulcherrimam populi romani possessionem, subsidium annonae, horreum belli, sub signo claustrisque reipublicae positum vectigal, servare non potuisse: eum denique nos agrum P. Rullo concessisse, qui ager ipse per sese et Sullanæ dominationi et Gracchorum largitioni restitisset. Non dico, solum hoc in re publica vectigal esse, quod, amissis aliis, remaneat, intermissis, non conquiescat, in pace niteat, in bello non obsolescat, militem sustentet, hostem non pertimescat. Praetermitto omnem hanc orationem et concioni reservo. Hic Cicero late rem explicat, et tamen ait se praetermittere eam, quia non satis copiose, more suo, explicaverit. — Philipp. II, 25 Quid ego istius decreta, quid rapinas, quid hereditatum possessiones datas, quid ereptas proferam? Et addit causam: cogebat egestas; quo se verteret, non habebat. Cicero itaque excusat Antonium: quid gravius dici poterat? Et paulo post: Sed haec, quae robustioris improbitatis sunt, omittamus: loquamur potius de nequissimo genere levitatis.

Sed in hujus figurae usu tenendum, nos non debere praetermittere res, nisi vel sint leves vel sine iis oratio jam satis certa et firma sit. Stultum foret ea ubique temere uti, et, ubi v. c. argumenta ponenda sint, ibi praetermissione eorum uti vel fortiora praeterire et leviora ponere.

XVIII) *Dubitatio* h. e. quando dicimus, nos nescire, ob copiam materiae vel argumentorum, unde incipiamus, quid primum vel praecipue proferamus, ubi definamus etc. Gravitate haec ratio adjuvat, et scrip-

scriptori, maxime tamen oratori apud plebem (nam eruditus hoc artificio non facile capi solet), auctoritatem conciliat: putant enim lectores et auditores, oratorem vel scriptorem, qui tanta rerum et argumentorum copia abundet, rem certissimam et gravissimam tradere. Per se vero patet non nisi de re gravi usurpari istam figuram posse. Saepe ita Cicero.

V. c. Manil. I extr. *hujus autem orationis (de Pompejo) difficilius est exitum quam principium invenire.* Inest dubitatio teste: quasi dicat: dubito, qua ratione de Pompejo dicendi finem facere possim: quod sane graviter dictum est h. e. *indicat virtutem Pompeji maximam esse.* Marcell. 4 extr. *Vereor, ut hoc, quod dicam, perinde (sic Edit. Graev., sed ne hoc — non perinde Edit. Ernest.) intelligi auditu possit, atque ipse cogitans sentio: ipsam victoriam videris vicisse, cum ea, quae illa erat adepta, victis remisisti.* Dubitat Cicero, an sententiam hanc: *ipsam victoriam vicisse videris* satis exprimere verbis possit: quae dubitatio indicat, quam ingens ipsi videatur illa sententia. — Alio adhuc dubitationis genere usi sunt prisca oratores, cum dicebant, se dubitare s. incertos esse, s. nescire, quid ipsi vel ii, quorum causam agebant, agerent, quo confugerent. Quo pertinet illud Gracchi ap. Cic. Orat. III, 56: *Quo me miser conferam? quo me vertam? In Capitoliumne? at fratris sanguine redundat. An domum? matremne ut miseram lamentantemque videam et abjectam?* quod imitatus videretur Cicero Muren. 41 in. *quo se miser verter? domumne? — an ad matrem etc.?*

XVIII) *Occupatio* h. e. quando ipsi afferimus ea, quae contra nos nostramque sententiam dici vel alicui in mentem venire forsan possint, sed ita, ut simul refutemus. Affert ea ratio dicenti et scribenti non parum auctoritatis, quia declarat, eum in re tam certa versari, ut nihil vere objici possit: quoniam alioquin istas objectiones non tam ingenue protulisset. — Varias hic formulae usurpantur: v. c. *Scio, mihi objici posse: Forsan tamen erunt, qui objiciant: At objecerit, dixerit, aliquis etc.* Sic Cicero millies. — Longissima occupatio est in Maniliana, ubi Cicero late refutat ea, quae Hortensius

et Catulus de Pompejo contra Mithridatem non mit-
tendo dixerant cap. 17 seqq. -- Add. ibid. cap. 20 *At
enim nihil novi fiat* etc., cui objectioni Cicero statim oc-
currit.

XX) *Praeparatio lectoris vel auditoris ad rem mag-
nam: v. c. his formulis: Nunc venio ad rem singularem:
Nunc vero attendite ad rem extraordinariam: Iam sequi-
tur aliquid, quod omnia superiora longe superare videatur
etc.* Saepius ita Cicero.

V. c. Verr. III, 45 in. *Audite etiam singularem ejus, judi-
ces, cupiditatem, audaciam, amentiam, in his praesertim sa-
cris polluentis etc.* Haec praemittit Cicero dicturus de
signo Cereris per Verrem sublato. — Sic, cum cap. 48 narra-
re vult, lignum Cereris Ennensis religiosissimum per Ver-
rem quoque sublato, antea lectores cap. 47 ad hanc rem
singularem audiendam his verbis praeparat: *Ad ea autem,
quae dicturus sum, reficite vos, quaeso, iudices, per deos im-
mortales! per eos ipsos, de quorum religione jamdiu dicimus,
dum id ejus factum commemoro et profero, quo provincia tota
commota est. De quo si paulo altius ordiri ac repetere memo-
riam religionis videbor, ignoscite. Rei magnitudo me breviter
perstringere atrocitatem criminis non sinit.* Deinde incipit
narratio ipsa. — Sic ibid. cap. 27 narraturus, quomodo Ver-
res Antiocho regi Syriae multa egregia vasa aurea, in his
trullam et candelabrum Iovi Capitolino dedicatum, abstule-
rit, incipit: *Venio nunc non jam ad furtum, non ad avaritiam,
non ad cupiditatem, sed ejusmodi facinus, in quo omnia nefa-
ria contineri mihi atque inesse videantur, in quo dii immortales
violati, existimatio atque auctoritas nominis populi romani im-
minuta, hospitium spoliatum ac proditum etc.*

Tali ratione animi lectorum et auditorum magna rei idea
antea implentur, quam res ipsa profertur: expectatio incen-
ditur: cui si deinde rei magnitudo ipsa recte tractata respon-
det, maxime inflammetur animus audientium et legentium
neceffe est.

XXI) *Communicatio h. e. cum auditores ac lecto-
res quasi in consilium adhibemus de re aliqua, iisque
permittimus, quid de ea velint judicare; vel brevius
sic:*

fic: est provocatio ad intelligentiam et iudicium auditorum vel lectorum: v. c. per formulas: *Ipsi haud dubie sentitis etc. Videte, quam praeclara res sit: Ipsi iudicate: Nemo vestrum erit, qui non statim perspiciat, qui non pro praeclara re habeat etc.* vel sic: *Quid de hac re statuendum sit, ipsi facile iudicabitis, auditores.* — Ista ratio non modo commendat nos auditoribus vel lectoribus, quia suae intelligentiae et iudicio tantum tribui vident, sed gravitatem quoque rei adjuvat. Nam non lectoribus vel auditoribus iudicium de re relinquimus, nisi haec certissima sit: hinc auditor lectorve videns sibi relinqui iudicium, rem pro certa habere cum oratore vel scriptore solet. — Hinc vero etiam patet, non nisi in manifesta re ista figura utendum esse. Cicero longe faepissime ea utitur: v. c. Verr. II, 4 *Ecquem existimatis unquam etc.* et statim: *Videte, quid potuerit, qui quatuor etc.* — Hinc toties in ejus orationibus est: *videtis, audistis, cognovistis, scitis, nonne videtis etc.*

XXII) *Oxymora* h. e. duae ideae, quae alibi sibi repugnant, ita junctae, ut non sibi vere repugnent, sed tantum repugnare videantur. V. c. de avaro eoque divite: *optat, quod habet* i. e. divitias. Inest argumentum stultitiae; quis enim optet, quod jam habet? At proprie falso dictum est: *avarus ille non optat id, quod habet* s. divitias, quas jam tenet, sed earum incrementum. Est lusus ingenii non verus: et acumen veritatis expers vix intelligentes moveat. Sic *cum tacent, clamant* est pro *clamare videntur*.

Totus locus proprie sic se habet Cic. Catil. I, 8: Cicero vult docere, senatores omnes ea, quae ipse contra Catilinam, quem hic alloquitur, agat, probare, licet fileant; dicit ergo: *de te autem, Catilina, cum quiescunt* (h. e. cum nihil contra ea senatores dicunt, quae ego asperrime de te locutus sum), *probant: cum patiuntur* scil. me ita contra te loqui, *decernunt: cum tacent, clamant*: manifeste probant, decernunt, clamant dicta sunt pro *probare, decernere, clamare videntur* seu *silentio suo*

suo indicant, se probare ista a me dicta, se adeo decernere contra te, imo adeo clamare videntur: quamquam ingenue fateor, tò clamant, si lusum ingenii excipis, parum aptum videri, et magis fervori animi Tulliani condonandum quam inter venustates referendum esse. — Sic Iuno irarum plena de Trojanis Virgil. Aen. VII, 295 ait: *Num capti potuere capi?* Est lusum ingenii veritatis expers: nam, qui *captus est*, non is capi potuit? Sed dicere volebat: *num capti potuere capti manere?* vel *num vinci potuere?* vel *capti est pro capta urbe* (Troja). Ira mentem praecipitabat.

Hinc putem raro, in oratione quidem seria, oxymoris, licet lusu ingenii se commendantibus, nos uti posse. Pertinent enim inter enuntiationes minus subtiles ac tantum speciosas. Nihil veri continent, atque hominum mentem celeriter quidem invadunt, iisque ob hanc celeritatem placent: at, si deinde diligentius eorum sensum indagarunt, frigida esse reperiunt.

XXIII) *Ironia* h. e. quando de persona aut re, cuius conditio et ratio satis nota est, per simulationem aliter loquor ac verum est, ac v. c. vituperanda me laudare, laudanda vituperare, levia magni facere etc. simulo; v. c. de virtutis inimico: *videte, quanti virtutem aestimet: videte magistrum, unde virtutis, et exemplar, et praecepta capere possitis.*

Cic. Verr. II, 31 in. de Verre: *Retinete retinete hominem in civitate, iudices: parcite et conservate, ut sit, qui nobiscum res iudicet, qui in senatu sine ulla cupiditate de bello et pace sententiam ferat.* — Verr. V, 10 de eodem Verre: *Habetis hominis consilia, diligentiam, vigilantiam, custodiam, defensionemque provinciae.* — *Ne diutius in tanta penuria virorum fortium talem imperatorem (int. Verrem) ignorare possitis, non ad Q. Maximi sapientiam, neque ad illius superioris Africani in re gerenda celeritatem, neque ad hujus, qui postea fuit, singulare consilium, neque ad Pauli rationem ac disciplinam, neque ad C. Marii vim atque virtutem, sed aliud genus imperatoris (Edit. Ern. imperatorem) sane diligenter retinendum et conservandum, quasso, cognoscite: et ibid. cap. II Quo loco mihi non praetermittenda videtur praeclari imperatoris (Verris) egregia ac singularis diligentia.* Gravius ista sunt, per ironiam dicta, quam si serio res dicta esset: magis ridiculus ita redditur Verres.

Verres. — Catil. I, 2 *Si te jam, Catilina, comprehendi, si te interfici jussero: credo, erit verendum mihi, ne non hoc potius omnes boni serius a me quam quisquam crudelius factum esse dicat.* Acrius credo erit verendum est dictum pro non erit verendum etc. — Catil. III, 10, ubi Cicero se laudaturus, postquam de magnis imperatoribus dixit, addit: *erit profecto inter horum laudes aliquid loci nostrae gloriae; nisi forte majus est patefacere nobis provincias, quo exire possimus, quam curare, ut etiam illi, qui absunt, habeant, quo victores revertantur.* Pro *nisi forte majus est* etc. volebat proprie dicere: *nisi forte minus est*; vel nam forte minus aut non majus est. Per locum quem habere debent imperatores victores, quo revertantur intelligit Roman: unde patet, Ciceronem se sensim praeferre istis imperatoribus.

Gravis est utique ironia, et Cicero saepissime ea cum gravitate utitur. Sed hodie tamen rarius ea utendum censuerim, in oratione quidem seria. Oratorem omninoque hominem gravem decet serio loqui. Quando vero nobis liceat hodie uti, non ausim desipere. Omnia hic vertuntur in tempore, rei ratione, auditorum vel lectorum conditione, ingenio denique dicentis ac scribentis. Cicero poterat ea facili uti in orationibus judicialibus, ubi tum oratores operam dabant omnem, ut adversarios ridiculos redderent; quod hodie non licet: deinde erat tum, cum Catilinariam scribebat, consul, omninoque vir magna auctoritate et ingenio: nec, quod uni licet facere, omnibus semper licet.

XXIII) *Adjectio causae*, ob quam aliquid pro vero habendum sit. Nam, nisi res vera est, nec magna ac gravis esse potest. Dixi de adjectione causarum, quibus nihil magis necessarium esse potest, latissime supra cap 1 de perspicuitate sect. 6 p. 519 ff., quae repetere hic non possum. Summatim sic tenendum: Omnia, nisi sint per se satis perspicua, debent confirmari causis s. argumentis, quo exempla quoque referri licet. Haec argumenta debent esse satis certa, satis multa, debent recte tractari h. e. ita, ut eorum vis appareat; debent tandem omni occasione repeti.

Haec adjectio et repetitio causae s. argumenti potest fieri vel diserte per *Nam, cum, quia, quoniam, quo, quin* pro quo
non,

non, ut, propter, adductus, motus, incitatus etc. vel *rectius* h. e. ita, ut non a quovis statim animadvertatur, causam adiectam esse: id quod fit vel omittenda particula causali nec alia illi substituenda vel substituendo illi pronomine *qui quae quod* aut *si*, it. appositione sic dicta aut participio; it. periphrasi, in qua saepe argumentum inest; it. praeposendo attributo rei loco causae: v. c. *quis est tam stultus, ut non intelligat pro quis est, qui non intelligat?* Haec omnia supra c. I sect. 6 p. 524 ff. late tractata sunt.

(XXV) *Brevitas dicendi ea*, qua ideae ac verba nonnulla, quae e contextu intelligi possunt, omittuntur, atque ita ideae quaedam, quas arctius ob maiorem gravitatem conjungere volumus, conjunguntur. Gravius enim feriuntur saepe animi auditorum et lectorum, quando statim ideas consequentes vident et audiunt. De hac brevitate dicendi supra P. I capite peculiari p. 468 ff. et 490 ff. diximus: quia vero non omnis brevitatis est gravis, paucula exempla brevitatis gravis afferemus.

1) Omittitur interdum notio antecedens (interdum plures) et statim consequens ponitur. V. c. *fortissime pugnans cecidit pro occisus est et cecidit*: nam *pro occidi* per se intelligitur. Sic *Regis epistola affertur: accusati statim necantur pro regis epistola affertur, in qua scriptum erat, ut accusati statim necarentur*: atque ita *accusati statim necari sunt*. — Verr. III, 40 in. *Vix erat hoc plane imperatum, cum illum (Sopatrum) spoliatum (i. e. vestibis exutum) stipatumque lictoribus videres*: ubi deest *detrahebatur de porticu*, in qua erat, et de qua in forum dejici Verres jusserat. — Verr. V, 54 *Haec cum maxime loqueretur, sex lictores eum circumstant valentissimi et ad pulsandos verberandosque homines exercitatissimi: caedunt acerrime virgis etc. pro sex lictores eum accedunt et circumstant — exercitatissimi: expediunt virgas iisque caedunt etc.* At *pro accedere et expedire virgas* per se intelligitur: poterat et *addere vestes exuunt*. At Ciceroni non nisi *pro caedere virgis* grave isto loco videbatur: hinc celeriter hoc narrare cupiebat. — Sallust. Jug. 12 extr. de Hiempsalis caede: *cum Hiempsal reperitur, occultans sese tugurio mulieris ancillae, quo initio pavidus et ignarus loci perfugerat. Numidae caput ejus, ut jussi erant, ad Iugurtham referunt pro Numidae igitur caput*

put abscidunt, et hoc, ut jussi erant etc., sed abscondere per se intelligitur. — Liv. I, 28 de Metio Fufetio: *Exinde duabus admotis quadrigis in currus earum distentum illigat Metium: deinde in diversum iter equi concitati lacerum corpus in utroque curru* — portantes pro equi concitati sunt, lacerantes corpus, et corpus sic lacerum etc. At quam languide dictum id foret? — Virg. Aen. III, 582 *Litora deseruere: latet sub classibus aequor pro Litora deseruere, classes h. e. naves in mare deduxere: et jam latet* etc. At illud gravius et celeritati exprimendae aptius: plura exempla vid. in cap. de brevitate. In primis saepe omittitur ante enim enuntiatio, ad quam *τὸ* enim proprie refertur: v. c. Cic. ad Div. VIII, ep. 14 §. 14 *Contigit tibi, — ut summa severitas animadversionis* (in tumultuantes) — *popularis esset. — Hoc si tibi fortuna quadam contigisset, gratularer felicitati tuae. Sed contigit magnitudine tum animi tum etiam ingenii atque consilii. Legi enim concionem tuam. Nihil illa sapientius. Verba legi enim* etc. non sunt proprie causa praecedentium, sed debebat proprie dici: *tum etiam ingenii atque consilii: id quod s. quae scil. magnitudo e tua oratione ad populum habita elucet: legi enim* etc. Ibid. §. 9 *Nam cum te semper tantum dilexerim, quantum tu intelligere potuisti, tum his tuis factis sic incensus sum, ut nihil unquam in amore fuerit ardentius. Nihil est enim, mihi crede, virtute formosius, nihil pulchrius, nihil amabilius* etc. Ante *Nihil est enim* omissum est *Hujus mei tanti amoris erga te causa sola est virtus tua, vel simile quid. Manil. 13 extr. de Pompejo, in hibernis parcente fociis: Non modo, ut sumtum faciat in milites, nemini vis affertur, sed ne cupienti cuiquam permittitur. Hyemis enim, non avaritiae, perfugium nostri in sociorum atque amicorum tectis esse voluerunt: ubi ante Hyemis enim* etc. deest *Et hac in re recte vel e legum praescripto agit vel simile quid. — Sed, quidquid omissum cogitari potest, id, si additum fuisset, languidiorem orationem reddidisset. Celeriter et commoto animo loquentes non singula recensere possunt: et ex hac re judicat auditor, oratorem commotum esse, et sensim ipse commovetur. Plura exempla vid. in cap. de brevitate p. 490 ff.*

2) *Omittitur copula inter vocabula et membra, quia saepe impedit, quo minus ideas graves satis celeriter lector percipiat atque ita sentiat. Huc pertinet illud veni, vidi, vici: quod gravius est, quam veni, vidi et vici. Sic Cic. Catil. I, 3 extr. Nihil agis, nihil moliris, nihil cogitas, quod ego non modo non audiam etc. cap. 5 non feram, non patiar, non sinam. Catil.*

Catil. II, 1 *Abiit, excessit, evasit, erupit*; quam languide dixisset atque erupit! Cluent. 66 *Nihil est enim mali, nihil feceris, quod illa non ab initio filio voluerit, optaverit, cogitaverit, effecerit.* Philipp. III, 14 *Nostis insolentiam Antonii, nostris amicos, nostis totam domum. Libidinosi, petulantibus, impuris, impudicis, aleatoribus, ebriis servire, ea est summa miseria etc.* Ac sic millies.

Est omnino hic mos commoto animo loquentium, ut copulam omittant, festinante animo fervido et mentem linguamque praecipitante atque festinare aequae jubente.

3) *Omittitur interdum objectum*: v. c. in illo: *veni, vidi, vici*, ubi deest is, quem *vidit, vicit*, Caesar. At facile intelligi poterat Pharnaces: atque ita tres ideas *venire, videre* (hostem), et *vincere* arctius conjungere licebat, ut victoriae celeritas et facilitas indicaretur. — At haec omissio, ut per se patet, non locum habet nisi in re satis nota. Sic illud Aristippi ap. Cic. ad Div. VIII, ep. 26 §. 6: *Habeo, non habeor a Laide*: pro *Habeo Laidem*. Sic Senec. de ira I cap. 16 de affectibus loquens: *Habent, non habentur* (i. e. domantur). Et Epist. 8 *In quibus* (viscatis beneficiis) *hoc quoque miserrimi fallimur, quod habere nos* (ea) *putamus; habemur* scil. ab iis. Plin. VIII, epist. 30 extr. *ea invasit homines habendi cupido, ut possideri magis quam possidere videantur*; ubi et ad *habendi* et ad *possidere* deest accusativus: qui tamen facile intelligitur. Huc pertinet illud: *Oderint, dum metuant*. Sic Virgil. Aen. III, 581 *rapiuntque ruuntque* ad celeritatem exprimendam: ubi accusativus ad *rapiunt* deest.

Not. quaeritur, an etiam subiectum omitti possit: faciunt hoc interdum homines prae nimia vel ira vel laetitia, ut id, de quo loquuntur, non nominent. Cicero quidem ita agit, ut v. c. Verrem saepe haud nominet, sed dicat *iste* per contemptum. Quod an nos hodie imitari debeamus, valde dubito; nisi subiectum non longe praeceffit, quia alioquin perspicuitas violetur. In forensibus orationibus Romanorum facilius hoc poterat tolerari, quia reus aderat, et auditores statim, quis intelligeretur, sentiebant.

4) *Omittitur saepe in comparisonibus id vocabulum, quod comparationi servit*, v. c. *velut, quasi* etc., ut adeo homo vel res dicatur id ipsum esse, cuius tantum similis est. V. c. *pulvis et umbra sumus: honos est fumus: tu es mihi pater: dixit Iuno illa de muliere imperiosa* etc.: quae omnes sunt metaphorae:

phorae: unde patet, metaphoram constare sola omissione particulae comparativae, et nihil aliud esse quam genus brevitas dicendi. — Pertinent huc quoque forsan omnia fortiora vocabula, de quibus infra dicitur, v. c. Cic. Phil. II, 14 *agrorum nundinae pro venditione*: dictum est pro *quasi nundinae*: at incitate loquens omittit particulam *quasi*; ut exempla conviciantium de plebe satis docent. — Huc pertinent quoque oxymora: v. c. *cum tacent, clamant* i. e. *quasi clamant; cum ratione insanire* etc. Nam *otium negotiosum* non pertinet inter oxymora: quia *otium* hic est vacatio a munere publico: at quid impedit, quo minus homo, postquam ea, quae ad munus publicum pertinent, egit, atque nunc otium nactus est, hoc otium conferat ad alia negotia, v. c. legendos, scribendos, libros. Non igitur inest repugnantia, nisi in literis s. elementis. Sed omnis repugnantia debet inesse notionibus: an quoque literis inesse queant, viderint ii, qui illud inter oxymora referunt.

XXVI) *Brevitas dicendi ea*, qua paucioribus vocabulis plures ideae, imo singulis vocabulis totae enuntiationes, exprimi possunt. Adjuvat ea celeritatem declarandi nostras cogitationes atque ita gravitatem dicendi: nam, quo scelerius illae ab auditore et lectore audiuntur et percipiuntur, eo gravius saepissime sentiuntur. Diximus de hac re late P. I in cap. de *brevitate dicendi* p. 481 ff.

Hic tantum haec in universum dicemus:

1) paucioribus vocabulis plures notiones exprimuntur, v. c. *es similis patris* pro *es tali animo, quo pater tuus solebat esse*: *vita tua respondet spei hominum* pro *tu vivis ita, ut homines credebant te vitam esse acturum*: *sic exitus non respondet meae expectationi* pro *res non talem exitum habet, qualem ego expectabam*: *primus hoc feci* pro *primus sum, qui hoc fecerim*: *Iste se omnibus praefert* pro *putat se esse superiorem omnibus* etc.

2) uno vocabulo duae ideae exprimi possunt, seu unum vocabulum pro duobus, poni potest, v. c. *quin* pro *cur non, ut non*: *ita* pro *hoc consilio, hoc effectu* etc.: *hic* pro *hac in urbe*: unde pro *a quo, qua ex re* etc.: *libentissime* pro *summa cum voluptate*: *contemno* pro *non timeo*: *negligo* pro *non curo* etc.: *qui cum* pro *cum vero hic*: *participium* pro verbo *cum*

particula vel cum pronomine *qui*: propter et per cum suo casu in unum vocabulum contractum, v. c. *invides meae felicitati* pro *invides mihi ob meam felicitatem*: *peperci hominis adolescentiae* pro *peperci homini ob adolescentiam*: *occupatio tua potest mihi denegare* pro *potes mihi denegare propter occupationem tuam*: *Virtus tibi summos honores peperit* pro *per virtutem tibi peperisti summos honores*. Exempla e Cicerone reperies supra in cap. de brevitate p. 457 — 468.

3) uno vocabulo tota interdum enuntiatio exprimi potest. V. c. a) *At* in objectionibus pro *possit mihi objicere aliquis* etc. v. c. pro his verbis: *possit mihi aliquis objicere, rem esse nimis difficilem; sed respondeo, multos jam eam egisse*, potest brevius dici: *At res est nimis difficilis; at multi egerunt*: nam et in respondendo objectionibus *et* at repeti potest. Sic b) *quod* pro *quod ad id attinet, quod*, v. c. *Quod autem nonnulli rem istam negant, manifeste errant* seu *in eo manifeste errant*. c) *ita* in jurando pro *quam verum est me optare, ut hoc vel illud fiat*, aut brevius: *quantopere opto, ut* etc., sequente *ut* pro *tam verum est me quoque optare, ut* etc., aut brevius pro *tantopere opto quoque, ut* etc., si *ut* cum conjunctivo ponitur, vel etiam pro *tam verum est, hoc illudve accidisse, se habere* etc., si *et* ut indicativo jungitur. Exemplum prioris generis: *ita deus me in omnibus rebus adjuvet, ut reipublicae omnia bona contingant* pro *Quam verum est me optare s. quantopere opto, ut deus me in omnibus rebus adjuvet, tam verum est quoque me optare s. tantopere opto, ut reipublicae omnia bona contingant*. Exemplum alterius generis, ubi *ut* indicativum habet, hoc esto: *ita tibi omnia ex sententia cedant, ut rem non recte egisti* pro *Quam verum est me optare, ut tibi omnia ex sententia cedant, tam verum est, te rem non recte egisse*. d) *quicumque* s. *quisque* venit, dicit pro *veniat*, dicat, *quicumque* s. *quisquis* velit venire, dicere. e) participium pro *cum*, *postquam*, dum seq. verbo: v. c. *dicebat haec proficiscens* pro *cum proficiscebatur, proficisci parabat*. f) substantiva, adjectiva, praepositiones cum suis casibus pro *cum*, *dum*, *postquam* etc. seq. verbo: v. c. *senex, puer, ista didicit* pro *cum senex, puer, erat*: Cicero hoc fecit consul pro *cum consul erat, cum consulatum gerebat*: post mortem patris, ex morte patris etc. pro *postquam pater mortuus erat*. g) *utinam* pro *quam optandum est, ut* etc. v. c. *Quod utinam omnes faciant* h. e. *Wie sehr ist zu wünschen, daß dieß jedermann thun möchte: utinam te deus salvum mox reducat!* h) *falso, recte, non injuria* pro *falso dixit, egit, recte dixit, egit* etc., non injuria hoc factum

factum est etc.: Multi hanc rem pro nimis ardua habent. Falso seu Male: pro et hac in re falso s. male loquuntur, agunt. Sic Laudatur vulgo virtutis praestantia. Recte s. praeclare h. e. in eaque re recte s. praeclare agunt.

De his singulis supra P. I, cap. 10 de brevitate p. 481 ff. latius diximus et exempla e priscis, maxime Cicerone, congegimus, quae videri possunt.

XXVII) *Abruptum dicendi genus* h. e. quando ideae non inter se cohaerent, quia una, interdum plures, quarum ope illae cohaerere debebant, omissae sunt. Est igitur genus quoddam ellipseos. Mos vero est hic incitate loquentium, ut eorum lingua unam alteramve ideam facile transfiliat. V. c. *tale quid fieri potuisti?* ubi intell. *credibile est*, vel simile quid. Quae ratio valde gravitati prodest: indicat enim animum maxime commotum et admirationis maximae simul plenissimum; hinc ea nemini uti licet, nisi hoc animo vere sit.

Sic Cic. Verr. V, 44 med. *Hic cuncti Siculi fidelissimi atque antiquissimi socii, plurimis affecti beneficiis a majoribus nostris, graviter commoventur, et de suis periculis fortunisque omnibus pertimescunt. Illam clementiam mansuetudinemque nostri imperii in tantam crudelitatem inhumanitatemque esse conversam? condemnari tot homines uno tempore nullo crimine? defensionem suorum furtorum praetorem improbum ex indignissima morte innocentium quaerere. Hic ob commotum animum omissum est id, a quo verba illam clementiam — esse conversam? et verba condemnari tot homines etc. praetorem quaerere defensionem etc. pendeant. Intelligendum est num credibile est vel simile quid. — Eodem modo nostri in simili animi per-motione loquuntur: daß ich doch das gethân habe! daß ich doch nicht hingegangen bin! daß er doch nicht geschrieben! vel und ich, das zu thun? und ich nicht hinzugehen? und er nicht zu schreiben? et forsitan in omnibus linguis vel potius omnibus nationibus hoc usitatum est. Nam ira ubique dicat verborum connexionem eandem h. e. saepe nullam. Saepius ita Cicero et alii. Rosc. Am. 22 legitur in editionibus: Quid postea? Erat sane suspiciosum. Neutrum sensisse? ausum autem esse quemquam se in id conclave committere, eo potissimum tempore, cum ibidem essent duo adolescentes filii, qui et sentire*

et defendere facile possent. Hic igitur in verbis *neutrum sensisse?* et in verbis *ausum autem quemquam* etc. foret illud abruptum dicendi genus: sed arbitror signum distinctionis post *suspiciosum* esse delendum. Hoc mihi tam certum est, ut, quotiescunque in hunc locum inciderim, semper crediderim signum istud distinctionis peccato tyothetarum in textum irrepsisse. Melius haud dubie est, orationem hic cohaerere. Cicero non loquitur de sua causa sed de aliena: cur Ciceroni opus erat hic animo tam commoto et incitato loqui atque abrupto dicendi genere uti? Et hoc non ubique inculcare debemus. Oratio praeclare cohaeret: *erat sane suspiciosum, neminem sensisse, et ausum quemquam esse* etc. — Aliud genus abrupte loquendi est Cic. Catil. I, 9 in. *Quamquam quid loquor? te ut ulla res frangat? tu ut unquam te corrigas? tu ut ullam fugam meditare? tu ut ullum exilium cogites?* Deest, unde pendeat *ut*: forsan intelligendum *ferine potest* aut *possit*. Sic et nostri: *du solltest dich bessern?* Eod. cap. extr. *aquilam* — *sciam esse praemissam? tu ut illa diutius carere possis, quam venerari* — *solebas?* *du solltest ihn lange missen können?* ubi *ferine potest* ob *possis* intelligi nequit; attamen simile quid intelligitur. — Aliud genus abrupte loquendi est, quando verba sequentia desunt, sine quibus praecedentia vel non vel aegre intelligi possunt. Vocatur in libellis rhetoricis *aposiopesis*; possis, si latine ac simul perspicue loqui malis, vocare *silentium repentinum* vel *silentium in medio contextu orationis*: Cicero *reticentiam*, Orat. III, 53, Celsus apud Quintil. VIII, 2 *obtricientiam* appellavit: quae appellationes iis, qui graeca inculcari nolunt, magis placebunt. — Sed haec *reticentia* est duplex: a) quando in sermone familiari orationem repente abruptimus, quia nolumus alium quendam, qui forsan illi interest, audire aliquid, quod tantum auribus familiarissimorum credimus. Item in Epistolis Cicero interdum abruptit, quia is, ad quem scribit, ea, quae omittuntur, per se intelligit. V. c. ad Div. XIII, ep. 3 §. 9 *Si perficitis, quod agitis, me ad vos venire oportet; sin autem: sed nihil est opus reliqua scribere post sin autem deest nihil perficitis* vel simile quid; sed, quae deinceps sequi debebant, nemo praeter Terentiam et liberos Ciceronis, ad quos epistola scripta est, intelligere potest. Haec *reticentia* non est gravis, nisi forte putemus prae nimio dolore Ciceronem ista omisisse: quod non incredibile. b) quando animus nimis commotus linguam mentemque ita praecipitat, ut hae nonnullas ideas et verba prae nimia festinatione transfiliant et omittant. Huc pertinet illud ap. Virgil. Aen. I, 139 *Quos ego, satis decantatum.*

tatum. Tali reticentia abstinendum hodie cenfeo, saltem in oratione seria; quia hominem honestum et gravem non decet animi permotionibus nimis abripi: hoc minuit auctoritatem. — Est et aliud reticentiae gravis genus, quando rem turpem, atrocem, vel nimis injucundam filemus, sperantes, nostram mentem a lectore vel auditore quodam modo intellectum iri. Sic Virg. Ecl. III, 7 ff. loqui videtur Damoetas cum Menalca: *Parcius ista viris tamen objicienda memento: Novimus et qui te, transversa tuentibus hircis: Et quo, sed faciles, Nymphae risere sacello.* Hic ad te aliquid deest: quid? nescimus: videtur turpitudine aliqua latere. Talis reticentia laudanda est. Cic. ad Div. XII, ep. 6 §. 4 Cassio scribit de Bruto plenus aegritudinis et angoris: *Res, cum haec scribebam, erat in extremum deducta discrimen. Brutus enim Murinae vix jam sustinebat. Qui si conservatus erit, vicimus: sin, quod dii omen avertant, omnis omnium cursus ad vos.* Hic ad sin aliquid deest, v. c. *non liberabitur obsidione* vel simile quid, quod Cicero ob rem ingratam omittebat: sed facile intelligitur ex adjectis verbis: *quod dii omen avertant*, et e praecedentibus. Sed et hac reticentia in dicendo vel scribendo non facile utendum cenfeo, nisi addamus aliquid, unde omissa intelligi possint, imitantes Ciceronem, qui addidit: *quod dii omen avertant!* Tum gravitati servire patet, quia, quae reticentur, saepe majora putantur quam saepe sunt, et ipsa animi permotio, quae vel istam reticentiam comitatur vel inde elucet, gravitatem affert, dummodo, res ipsa sit gravis, ne fluctus in simpulo excitare videamur. Auditor se facile accommodat ad dicentem, praesertim si auctoritas, vox etc., adjuvent. Flente oratore magno facile flent quoque auditores.

XXVIII) *Oppositio idearum sibi contrariarum*: vulgo vocantur *antitheta*.

Haec oppositio 1) nihil aliud est proprie quam brevis comparatio duarum rerum contrariarum: hinc 2) non tam ad suavitatem, quamquam etiam ad hanc, quam ad gravitatem dicendi pertinet: nam v. c. pulchritudo rei e turpitudine alius rei addita magis elucescit, et turpitudine rei, addita alius rei pulchritudine, crescere et magis sordere videtur. Est hoc rei naturae conveniens. 3) non modo ideae proprie sibi contrariae huc pertinent, sed omnes ideae, quae quadam relatione diversae sunt certoque in contextu sibi opponuntur, v. c. *abire, redire, fallere, falli* etc. 4) oppositio ista debet,

quantum fieri potest, concinna esse h. e. sibi aequali numero idearum respondere, quod numeri oratorii nomine insigniri solet, v. c. si unum antithetorum una idea constat, alterum quoque una constare debet, sin unum duabus, tribus pluribusve, ideis continetur, alterum totidem ideis, atque ita totidem verbis, contineri deceat. V. c. Cic. Mil. 4. *Est haec non scripta sed nata lex, ad quam non docti sed facti, non instituti sed imbuti, sumus*: Hic scripta et nata, docti et facti, instituti et imbuti tibi opponuntur. — Catil. II, 11 *Ex hac enim parte pudor pugnat, illinc petulantia: hinc pudicitia, illinc stuprum: hinc fides, illinc fraudatio: hinc pietas, illinc scelus etc.*, ubi pudor et petulantia, pudicitia et stuprum etc., sibi opponuntur. It. hinc et illinc non modo tibi opponuntur ibi, sed etiam crebro repetuntur; quod augeat gravitatem. — Verr. III, 92 *Vides eandem aestimationem propter temporis dissimilitudinem in illo (Sacerdote) laudis causam habere, in te criminis; in illo beneficii, in te injuriae*: ubi iterum est duplex oppositio in eadem enuntiatione: opponuntur enim primum in illo et in te — deinde laudis et criminis, beneficii et injuriae. Ib. c. 4 extr., ubi Verres cum L. Mummio comparatur: *plures hic solus villas ornamentis fanorum quam ille (Mummus) sana spoliis hostium ornasse?* Cluent. 2 *dominetur (invidia falsa) in concionibus, jaceat in judiciis etc.* Verr. V, 6 *ut, quam damnatis servis crucem fixeras, hanc indemnatis civibus romanis reservares.* Plura vid. supra p. 265 ff. P. I, c. 6 de numeris oratoriis. 5) in oppositione videndum, ut ideae sibi contrariae arctius jungantur: sic gravitas crescit. V. c. *fugebat conventus sapientium, stultorum usu delectabatur* gravius dicitur, quam si ordinem verborum immutes. Sic cave, ne, dum alios studeas fallere, fallaris ipse gravius est dictum, quam cave, ne, dum fallere alios studeas, ipse fallaris. Sic mortalem immortales inimicitias exercere non decet: non mortalem inimicitias immortales etc. Sic hominem decet mortales inimicitias, amicitias immortales, habere vel hominem decet inimicitias mortales, immortales amicitias, habere, utrumque recte dicitur, quia illic inimicitias et amicitias hic mortales et immortales arctissime conjunguntur. Minus grave foret: hominem mortales inimicitias decet habere et immortales amicitias. Sic corpore cum simus mortali, immortalis nominis famam appetamus. Sic corporis mortalitatem nominis immortalitate compensemus vel mortalitatem corporis nominis etc., sed illud melius. Sic res est haud dubie utilis, necessaria nullo modo. Sic apud Cic. Orat. 63 e Carbonis oratione: *patris dictum sapiens temeritatem filii comprobavit*: ubi sapiens et temeritatem non sine gravitate

tate juncta sunt: ac forsan haec conjunctio idearum sibi contrariarum, praeter vocem, effecit, ut populus ista verba audiens tantopere exclamaret (ut Cicero ibi narrat), non ditrochaeus in *comprobavit*, ut Cicero putavit; de qua re supra p. 276 f. in cap. de numero dixi. — Pertinent huc oxymora, v. c. *cum tacent, clamant*: quae brevitate atque ita arctiori conjunctione graviora sunt. Si Cicero dixisset v. c. *Cum tacent hi viri, profecto, Catilina, clamant*, omnis gravitas periisset.

XXVIII) *Honestatis virtutumque studium per totam orationem* apparens, cum v. c. de virtute semper tantquam de re certissime praeclara ac divina, de vitio semper ut de re turpi homineque indigna, loquimur, nec unquam ambigue aliquid dicimus, unde possit colligi, nos non vere amantes esse virtutum. Sed, ut hoc studium virtutis recte declarare possimus, debemus esse illa instructi. Nam nihil est difficilius quam virtutis, qua careas, studium simulare. Ac praeterea, si homines nos norunt esse vitiorum amantes, nostra oratio, licet sit virtutum omnium plenissima, tamen fide, auctoritate et gravitate, carebit. Nemo gravius de virtute loquitur, quam qui eam possidet. Qui non rem vere et graviter sentit, quomodo is eam vere et graviter eloqui potest? Adeo verum est *pectus esse, quod desertos faciat*: ac neminem ad gravitatem dicendi omninoque ad eloquentiam aptiorem esse quam virtutis vere studiosum. Res ipsa loquitur.

XXX) *Repetitio eorundem vocabulorum*, graves ideas continentium. V. c. *Si lacrymae nihil prosunt, quid lacrymis indulges?* gravius est dictum quam *quid eis indulges?* Sic *Si Christi nomen profitemur, nonne Christi vitam imitari debemus?* gravius est dictum quam *nonne ejus vitam etc.* vel *nonne magistri nostri vitam etc.* Sic Cicero saepissime.

V. c. Verr. III, 94 in. *Utrum, cum judices sitis de pecunia rapta, conciliata, tantam pecuniam captam negligere?* gravis est

repetitio de pecunia capta et pecuniam captam: *ad conciliata* hic melius, puto, abesset; et statim: *an, cum lex sociorum causa rogata sit, sociorum querimonias non audire?* recte repetitur sociorum: languidum eorum fuisset. — Arch. 2 extr. *Quod si mihi a vobis tribui concedique sentiam, perficiam profecto, ut hunc A. Licinium non modo non segregandum, cum sit civis, a numero civium, verum etiam, si non esset, putetis adfiscendum fuisse.* Egregie civis et civium: nam de hac re, an Archias pro cive habendus, est quaestio. Ibid. cap. 4 med., postquam Cicero docuit, civitatem Archiae, quamquam non per tabulas publicas, quia tabularium flammis interierit, tamen per testimonia virorum fide dignorum demonstrari posse, addit ad refellendum accusatorem Archiae: *Est ridiculum ad ea, quae habemus* (i. e. testimonia hominum), *nihil dicere: quaerere, quae habere non possumus* (i. e. testimonium tabularum publicarum): *et de hominum memoria tacere, literarum memoriam flagitare.* Graviter dictum de memoria et memoriam, ut ridiculos reddat eos, qui ad tabulas publicas provocant. — Phil. II, 22 extr. *Omnia perfecit* (Antonius), *quae senatus, salva republica ne fieri possent, perfecerat: cuius tamen scelus in scelere cognoscite: ubi duplex repetitio, eaque gravis, perfecit et perfecerat, scelus et scelere.* In his omnibus gravitas augetur auctiori conjunctione horum vocabulorum. — Sic Mil. II *Insidias factas esse constat, et id est, quod senatus contra rempublicam factum iudicavit: ab utro factae sint, incertum est.* Gravis est repetitio *factas, factum, factae*: nec erat, quod Cel. Ernesti illam in Prolus. de grata negligentia pro tali negligentia haberet. Haud dubie Cicero hoc vocabulum de industria repetiit; dicit: a) *factum* constat: Cicero vero intelligit per *factum* callide *insidias*, cum senatus dixerit caedem Clodii *factam esse contra rempublicam* cf. cap. 5. b) *factum* i. e. e mente senatus Clodii caedes, e mente Ciceronis *insidiae*, est contra rempublicam. c) *facti* vero auctor incertus est h. e. incertum est, uter insidias fecerit. Vides gravitatem, vides simul, quam callide Cicero mentem senatus explicet. Sic Liv. III, 3 e vehementi oratione Canuleji defendentis alterum consulem ex plebe fieri debere: *Si populo romano liberum suffragium datur, ut, quibus velit, consulatum mandet, et non praeciditur spes plebejo quoque, si dignus summo honore* (i. e. consulatu) *erit, adipiscendi* (pro adipiscendi) *summi honoris, stare haec urbs non poterit?* Gravis est repetitio verborum: *si dignus summo honore erit, adipiscendi summi honoris.* Ernesti l. c. hanc quoque pro grata tantum negligentia habet. — Huc pertinet Hom. Odyss. τ. 204 fl., ubi

quinque

quinque versibus quinques *τήκεσθαι* vel *κατατήκεσθαι* h. e. *liquefcere* usurpatur in suavissima et ad movendos lectorum animos aptissima comparatione animi Penelopes, audita narratione de Ulyffe, liquefcantis cum nive liquefcente. Quam repetitionem Ernesti ibidem pro grata negligentia habet, sed addit tamen ipse, hoc vocabulum aptissimum fuiffe. — Ad hanc repetitionem eorundem vocabulorum gravem referre quoque possumus repetitionem eorum inversam, quae vulgo *ἐπ'άνωδος* et interdum *ἀντιμετάθεσις* appellatur, v. c. Quintil. X, 7 *Qui stultis videri eruditi volunt, stulti eruditis videntur.* Plin. Paneg. 17 *Non ideo vicisse videris, ut triumphares, sed triumphare, quia vinceres.* Ceterum in his omnibus conservatio eiusdem vocabuli gravior est quam variatio. — Add. Vellej. II, 117 de Quintilio Varo: *quam* (Syriam) *pauper divitem ingressus, dives pauperem reliquit:* Ponas vel *copiosam* pro *divitem* vel *inopem* pro *pauperem*, et minus graviter dictum erit.

XXXI) *Mutatio languidiorum vocabulorum singulorum in fortiora.* Haec est res maxime necessaria: nam languide loqui est languide cogitare. Hic omnia vertuntur in linguae accurata cognitione, ut, quae vocabulis vis insit, satis scias, deinde in memoria felici et prompta, quae statim vocabula gravibus ideis respondentia suggerat: quamquam mens rite commota rei gravitate sponte plerumque illa suppeditat. *Pectus enim est, quod disertos facit, et vis mentis,* ait Quintil. X, 7, et addit: *ideoque imperitis quoque, si modo sunt aliquo affectu concitati, verba non desunt.* Fortiora s. graviora verba sunt ea, quorum ideis vel per se major vis continetur vel quibus inclusa simul latet idea secundaria gravitatem rei augens. Loquimur autem hic tantum de vocabulis singulis. Exempla speciminis loco affereamus: unde deinde facile plura effingi poterunt.

A) *Vocabula vim majorem per se continentia.* V. c.

1) *Stertere* pro *dormire*.

2) *Volare* pro *celeriter ire*: sic *advolare* i. e. *celeriter venire*.

3) *Prodere* pro *periculo aliquem exponere*, quia, qui hoc facit, fere proditoris est similis: v. c. *prodere vitam*

tam et pecuniam ap. Terent. Heaut. III, 1, 69: et Adelph. III, 5, 58 *prodidisti te et illam miseram et gnatum*: it. pro deserere, quia, qui aliquem deserit, is eum periculo exponit atque ita prodere videtur: v. c. *prodere urbem* de urbis obsessae desertore. Sic *proditio consulis tui* Cic. Verr. I, 14 de Verre, qui quaestor Carbonem, proconsulem suum, et provinciam deseruerat, ut Cicero ait cap. 13, ubi dicit *consulem deseruit*, et paulo post de re eadem *aufugerit*, *profugerit*. Graeci sic usurpant *προδίδοναι*.

4) Nullus pro nullius aut parvi pretii s. utilitatis, v. c. Cic. Amic. 26 *Nulla est igitur haec amicitia, cum alter verum audire non vult, alter ad mentiendum paratus est*. Sic Cic. dixit interdum *nulla esse judicia*, v. c. Verr. Act. I, 7 pro non esse justa, atque ita parvae vel nullius utilitatis: nam non iuste judicare est fere nihil aliud quam non iudicem esse. Sic Cic. ad Div. VII, ep. 3 §. 9 de Pompejo post pugnam apud Dyrrachium: *Ex eo tempore vir ille summus nullus imperator fuit*; ut et nostri: *er war kein Feldherr* h. e. non satisfecit officio imperatoris. Sic *nullus sum* pro perii per hyperbolen.

5) Cic. Fonteij. 16 in. *impetus terroresque depellit pro removet*. Sic *detrahere* gravius est quam *adimere*, v. c. Cic. Verr. III, 26 *annulus de digito detractus est*.

6) Philipp. II, 4 *personabant omnia vocibus ebriorum: natabant pavimenta vino* etc. pro audiebantur voces ebriorum, *madebant pavimenta vino*: at quanto fortius personabant; quod indicat maximum clamorem: et *natabant*, quod indicat maximam vini abundantiam.

7) Verr. V, 52 *tu in provincia tam splendida, apud socios fidelissimos, cives romanos honestissimos, in metu periculoque provinciae, dies continuos complures in litore convivis-que jacuisti*; ubi *jacuisti* fortius erat quam *fuisti*.

8) Verr. V, 55 in. *carcer ille, qui est a crudelissimo tyranno Dionysio factus Syracusis, quae lautumiae vocantur, in istius (Verris) imperio domicilium civium romanorum fuit*. Grave verbum est *domicilium* pro locus, quasi fuerit perpetuus et proprius locus civium romanorum, quasi hi in carcere habitaverint. Sic *habitat in lecto* nostri augendae rei causa dicunt de eo, qui nimis diu et magnam adeo diei partem in lecto jacet.

9) Verr. I, 4 *tot tantisque sceleribus coopertus* pro *plenus*; at *coopertus* est longe majus; proprie enim significat, ita multitudine rerum circumdatum esse, ut conspici non possis: v. c. *lapidibus cooperiri* Verr. I, 46: Liv. III, 50.

10) ob-

10) *obvallatus* pro *munitus* Agr. II, 1 *Me perlongo intervallo prope memoriae temporumque nostrorum primum hominem novum consulem fecistis: et eum locum (consulatum), quem nobilitas (i. e. nobiles) praefidiis firmatum atque omni ratione obvallatum tenebat, me duce rescidistis virtutique in posterum patere voluistis.* Gravius est *obvallatus* quam *munitus*, *septus* etc., ductum e re militari, ubi castra vallo munebantur, quod rescindi oportebat ab oppugnantibus. Sensus loci est: *Vos consulatum, quem nobiles soli habere omnibus viribus studebant, aliis omnibus, si quidem virtute excellent, consequendi facultatem dedistis.* Peccavit tamen Cicero, quod dixit *locum* i. e. consulatum *rescidistis*: *locus* i. e. castra non rescinditur sed *vallum*, quo *septus* est.

11) *nundinae* pro *venditio*: Cic. Philipp. II, 14 obijciuntur Antonio agrorum, oppidorum, immunitatum, vestigalium flagitiosissimae *nundinae*: sic *jus nundinari* Verr. I, 46 *qui ab isto (Verre praetore) jus ad utilitatem suam nundinarentur.* Iam *vendere* agros etc. Antonio et *jus Verri* erat turpitudini: quanto majori esse debet *nundinari*, quod indicat, venditionem fieri palam atque ita, ut, quicumque velit, pro pecunia accipere illas res possit.

12) *Excussus* pro *ejectus*. Cic. Phil. II, 22 *Consules ex Italia excussos* etc. Iam *ejectos* erat grave: at gravius *excussos*: *excutere* proprie *quatiendo ejicere*, *herauschütteln*. Sic Virgil. Aen. VII, 299 Iuno irata Trojanos vocat *patria excussos*, cum ne *ejecti* quidem proprie essent: *fugerant tantum e patria*, quia *cremata* erat. Eadem est ratio loci Ciceroniani.

13) Cic. ad Div. I, ep. 1 in. *ut vitam mihi acerbam putem pro tristem*, vel *pro ut magno pudore perfundar* etc.

14) *Dedecus* pro *homine turpi*: abstractum pro concreto. Sic *asinus* a leone vocatur ap. Phaedr. I, 21 *dedecus naturae* pro *qui dedecori es*: dictum est quasi sit *nihil nisi dedecus*.

In his omnibus, quorum nonnulla ad sequentem classē referri possint, inest superlatio veritatis s. hyperbole; ac tota ratio, si ad vivum refecēs, cernitur in ommissione particulae *fere*, ut adeo, si audaculi fuissetus, ad elliptin referre potuissetus: v. c. *nundinae* i. e. *fere* s. *quasi nundinae*, *obvallatus* i. e. *fere obvallatus* etc. Cf. quae de oxymoris n. 22 dixi: nam v. c. *dum tacent clamant* dictum est pro *fere clamant*: proprie enim dicere Cicero debebat: *dum tacent, assentiuntur mihi* etc. Et tum recte locutus esset, quia silentio assentiri saepe solemus.

B) Vocabula, in quibus inclusa simul latet notio *secundaria* gravitatem augens: ut adeo non modo ideam eam, quam proprie exprimere debeant, sed et illam secundariam complectantur, atque ita una idea pro duabus seu unum vocabulum pro duobus ponatur. Si igitur vis duplex in angustum contracta et compressa fortius ferit, vocabulum unum, in quod contractae sunt duae ideae, animos magis ferire et movere necesse est. Exempla aliquot afferam: quamquam exempla prioris classis, si accuratius indagentur, fere omnia in hanc quoque classem referri forsitan possint. Sed hoc nunc non agimus.

1) Inest simul idea *effectus* s. *consequentiae*: v. c. a) *miserum me reddidit* pro *valde mihi nocuit*: — sic *perii* saepissime pro *miser sum*: sic *ridebis* pro *felix eris*, *flebis* pro *miser eris*: ut Gr. *καταλειψαι* de *vapulantibus* et *poenas dantibus* dicitur. b) accusator Ciceroni saepe dicitur *damnare aliquem* vel *urbe ejicere* pro *accusare* vel *efficere*, ut *aliquis damnetur* atque ita *ex urbe ejiciatur*. Hic igitur dicitur aliquis aliquid fecisse, cum tamen tantum occasionem praebuerit. Ergo in *damnare* de accusatore non modo inest idea accusationis sed simul damnationis; ut in *ejicere ex urbe* praeter hanc notionem etiam inest idea accusationis: sic *condemnare* est Cic. Verr. V, 9 *Nam istum paucis horis primae actionis omnium mortalium sententiis condemnavi*. c) Cic. Manil. 12 *Qui ad vos ab exteris nationibus venirent, captos querar, cum legati populi romani redempti sint?* Hic *redempti* pro *capri*; at gravius est *redempti*: nam non modo includit τὸ *capri*, sed simul continet ideam redemptionis, quae longe acerbior et nomine populi romani indignior est. d) Virgil. Aen. III, 2 de Didone: *caeco carpitur igne* pro *uritur*, et hoc pro *teneatur*: jam grave verbum est *teneri* i. e. *gefesselt werden*, gravius *uri*, longe gravius *carpi* i. e. *sensum absumi*. Sed in *carpitur* inest τὸ *uritur*. e) Virg. Aen. VII, 303 *optato conduntur Thybridis alveo* pro *veniunt* vel *sunt*: sed vocabulo *conduntur* i. e. *teguntur* inest simul idea securitatis. Ergo insunt duae ideae: 1) *esse* 2) *securitas*; add. Cic. Catil. I, 10 in. *Quanta in voluptate bacchabere?* ubi *bacchabere* pro *eris* positum est, at multo gravius.

2) Inest simul notio *causae*: v. c. Agr. II, 6, ubi Cicero monet Romanos, ne credant, ipsum legi agrariae Rulli temere repugnare, tanquam inter consules et tribunos dissidium esse necesse sit, quia historia doceat, saepe consules et tribunos inter se acerrime contendisse: haec posteriora callide ita exprimit: *quia persaepe seditiosis atque improbis*
tri-

tribunis plebis boni ac fortes consules restiterunt, et quia vis tribunicia nonnunquam libidini resistit consulari. Praetereo hic, Ciceronem de consulibus resistentibus dixisse *per saepe*, et de tribunis resistentibus *nonnunquam*: hic tantum de vocabulo *libidinis* sermo est. *Libidini* dixit pro *voluntati* s. *consilio*: at simul indicare vult *voluntatem* fuisse *temerariam*: *libido* enim est, cum, quidquid cupis, id efficere studes, neque aliorum consilium auctoritatemque nec causas justas curas, *Eigensinn*, *Muthwillen*, *Caprice*. Mire, sed graviter, dixit Cicero Verr. I, 3 *ut ego hunc unum, ejusmodi reum* (Verrem) *post hominum memoriam fuisse arbitrer*; cui *damnari expediret*. Verba: cui *damnari expediret* dicta, sunt pro *qui damnari praecipue mereretur, deberet* etc. At *expediret* indicat causam, cur *damnandus* sit, scil. quia hoc ei *expediat*, et indicat, eum tam *improbum* esse, ut non nisi poena corrigi possit. In verbis *expedit alicui damnari* inest *oxymorum* quoddam.

3) Inest idea *firmitatis*: v. c. *stat sententia* pro *est*.

4) Inest idea *certitudinis*, v. c. *reperitus est sapiens* pro *fuit*; sed illud indicat, omnes hoc credere; sic *effecit, ut doctus reperiretur* majus est quam *ut doctus esset*.

5) Inest idea *turpitudinis*, v. c. *polluere jura* pro *violare* v. c. Cic. Rosc. Am. 23 est quasi *polluendo violare*.

6) Inest idea *rei indignae ac molestae*, v. c. *descendere ad conditiones* h. e. *conditiones licet duras accipere*: sic *descendere ad extrema*: sic Cic. Verr. I, 38 *qui ut se periculo litium conjunctione criminum liberarent, quo ego vellem, descensuros pollicebantur*; sic et nostri *sich herablassen, herunterlassen*, de re indigna, acerba: ubi coacti eam agunt.

7) Inest idea *dignitatis* s. *meritorum*: v. c. *judicium pro honoribus*: at illud gravius, quia simul indicatur, *honores merito tributos esse*, atque ita eum, qui honores tribuerit, non temere sed *judicio ductum* atque ita ob *dignitatem* tribuisse: hinc v. c. *omnes judicium regis de te laudant* gravius est dictum quam: *omnes laudant regem, quod tibi honores istos s. munus tribuerit*: in hoc enim nulla causa latet, cur tribuerit: hinc etiam ad n. 2 referri possit. *Judicium* etiam de *omni honore, praemio*, dicitur ob eandem causam, v. c. Cic. ad Div. X, ep. I extr. *teque hoc existimare volo, quidquid in eum* (Furnium, legatum tuum) *judicii officiique contuleris, id ita me accipere, ut in meipsum te putem contulisse* i. e. *honoris vel praemii* in genere: Sic *judicare* gravius est dictum quam *existimare*; v. c. aliud est: *Philosophi judicant rem ita esse, aliud: existimant, putant* etc.; illud indicat, illos

cum

cum iudicio existimare h. e. certis causis ductos: hoc significat, illis causas iustas deesse.

8) Inest idea rei terribilis, atrocis: v. c. Cic. Catil. II, I extr. *Iacet ille nunc prostratusque est, Quirites, et se perculsum atque abjectum esse sentit, et retorquet oculos profecto saepe ad hanc urbem, quam e suis faucibus ereptam esse luget.* Hic cogitemus tantum *et* retorquet oculos pro respicit gravissime esse dictum: quia respicitur ad belluam vel bestiam aliquam, quae praedam sibi ereptam esse fremit, et oculos modo horrendo retorquet.

9) Inest simul idea tristitiae: vid. v. c. locus modo allatus Catil. II, I extr. *retorquet oculos profecto saepe ad hanc urbem, quam e suis faucibus ereptam esse luget.* Hic *luget* pro *videt* gravissime dictum; inest simul idea et videndi et lugendi. Est vero proprie pro *cum luctu videt*; ergo quaedam brevitatis.

10) Inest idea laetitiae; v. c. Cic. ad Div. XV, ep. 8 in. *Marcellum tuum consulem factum, teque ea laetitia affectum esse, quam maxime optasti, mirandum in modum gaudeo.* Hic deest notio audiendi: Sed pro *audio* vel *audivi* maluit Cicero statim dicere, *se gaudere*: quia sciebat, tum *et* *audio* in *gaudeo* latere. Est vero proprie pro *cum laetitia audivi*, vel *audivi et vehementer gaudeo*: ut inidem pro genere brevitatis dicendi haberi possit.

II) Inest idea curae: v. c. *providi, ut rem istam acciperes, pro feci, ut etc.* Ergo interdum *providere, rationem habere*, pro *facere*. Sic *providere vorbeugen, vorbeuen*, pro *impedire* ponitur; atque continet et ideam impediendi et simul ideam providentiae, curae, diligentiae. V. c. *Quae si non astu providentur etc.* ap. Terent. Andr. I, 3, 3, i. e. *praecaventur seu providendo impediuntur.*

Ac sic forsitan plura reperientur.

XXXII) *Adjectio vocabuli ad vocabulum* atque ita *ideae* ad *ideam*, ut huius gravitas adjuvetur magisque sentiatur. Sed quomodo haec adjectio instituitur, atque ita ex uno vocabulo duo, ex una idea duae, efficiuntur? Dictum de hac re est supra p. 384 ff. P. I, c. 9 de copia verborum s. dicendi Sect. 2 et 3.

Hic tantum nonnulla, ad gravitatem spectantia, afferemus:

1) *Ad-*

1) Adjicitur idea effectus s. vocabulum, quod effectum aliquamve consequentiam continet: v. c. *captum tenere* pro *ceperisse*; *voluptates eum captum tenent* gravius est quam *ceperunt*, quia indicat, eum nondum vinculis earum liberatum esse. *Tenere* est effectus τὸ *ceperisse*. Ap. Phaedr. *rana rupto jacuit corpore* pro *rupta est*: τὸ *jacuit* rem magis oculis subjicit. *Iacere* est consequens τὸ *rumpi*. Sic *pater aegrotans jacet* majus est quam *aegrotat*: nam indicat majorem vim morbi, qui illum lecto affixum tenet: nam de leviori morbo dici illud non potest; sic *morbo confectus jacet*; sic *humi prostratus jacet*; sic *domus incensa flagrat* pro *incensa est*: indicat enim domum adhuc ardere. Sic *confossus periiit* pro *confossus est*. *Flagrare* est effectus τὸ *incendi* et *perire* effectus τὸ *confodi*. Sed haec vocabula non addi possunt, nisi earum ideae convenient rei, de qua sermo est. Nam ista ratio, si accurate cogitas, est magis genus quoddam brevitatis dicendi quam copiae: nam v. c. *captum tenent* est pro *vicerunt et adhuc tenent*: *rana rupto jacuit corpore* pro *rupta est et jacuit*: *pater aegrotans jacet* pro *aegrotat et jacet in lecto*: *confossus periiit* pro *confossus est et periiit*: — Poetae in primis hanc rationem frequentant, v. c. Virgil. Aen. VII, 297 Iuno per ironiam loquitur: *at, credo, mea numina tandem fessa jacent, odiis aut exsaturata quievi*: pro *fessa sunt et exsaturata sum*: at crescit idea τὸ *fessa adjecto jacent*, ut idea τὸ *exsaturata* per additum *quievi*: τὸ *jacere* est effectus τὸ *fessum esse*, et τὸ *quiescere* τὸ *exsaturatum esse*. Aen. III, 376 ait Dido: *Heu furiis incensa feror* pro *incensa sum*, sed *feror* auget τὸ *incensa sum*: est enim proprie *feror* hin und her getrieben, hingerissen, werden, ut charta incensa fertur volans in aethera. *Ferri* igitur est effectus τὸ *incensum esse*. Ibid. 15 eadem Dido, cum dicere vellet, se nulli amplius viro nupturam esse, ait: *Si mihi non animo fixum immotumque sederet, ne cui me vincolo vellem sociare jugali etc.*, ubi *fixum immotumque sederet* est pro *fixum immotumque esset*. Sed *sederet* indicat firmitatem perpetuam: estque effectus τὸ *fixum esse* et consequens τὸ *immutum esse*. Quidquid enim *fixum est* v. c. in terra, id *sedet* i. e. *firmum est*: et, quidquid *immutum est*, id per se *sedere* et *firmum esse* cogitur. Sed et haec omnia dicta sunt per brevitatem quandam: *fessa jacent* pro *fessa sunt et jacent*; *exsaturata quievi* pro *exsaturata sum et quievi*: *incensa feror* pro *incensa sum atque ita feror*: *fixum sederet* pro *fixum esset atque ita sederet*. Sententia sedet, stat, de firma sententia notum est. Exempla e prosaïcis supra p. 399 sq. n. 5 in cap.

de copia dicendi dedi, v. c. Liv. I, 31 *fulmine ictum conflagrasse pro ictum esse*: Cic. Or. I, 10 *laqueis te irretitum tenebant pro irretiisse etc.*

2) Additur idea certitudinis s. vocabulum ideam manifestam certamque esse declarans; talia sunt *certum est*, *constat inter omnes*, *nemo nescit*, *scimus*, *non credibile est*, v. c. pro: *An virtus, qua nihil praestantius est, ab homine contemnitur?* gravius dicitur: *an credibile est, virtutem, qua nihil esse praestantius certum est, ab homine contemni?* Cic. Manil. 7 *Nam tum, cum in Asia res magnas multi amiserant, scimus Romae solutione impedita fidem concidisse pro Romae fides concidit*: at tō scimus rem reddit certiore; indicat enim sermonem esse de re nota. Ibid. cap. 12 — *nobilissimas urbes captas memorem, cum vestros portus atque eos portus, quibus vitam et spiritum ducitis, in praedonum fuisse potestate sciatis?* pro *cum vestri portus — fuerint*: at additum *sciatis* indicat Ciceronem de re notissima loqui. — Huc pertinent formulae *non fieri potest*, *quin, non facere possum*, *quin et similia*, quae rem certam esse confirmant. V. c. Cic. Verr. II, 14 extr. de Verre ubique praedam captante: *providebat, cum tanta hereditas in controversiam venisset iudicioque peteretur, fieri non posse, ut sine praeda ipse discederet*: ubi *fieri non posse ut etc.* graviter dicta sunt pro *se non sine praeda discessurum* h. e. *se particula quadam illius hereditatis potiturum*: gravius est *non fieri posse etc.*, quia hoc indicat, quam firmiter persuasum fuerit Verri. Agrar. II, 3 *Neque enim ullo modo facere possum, ut — non sim (non essem) popularis pro Ego enim popularis ero vel debeo esse etc.*; sed illud indicat, nihil certius esse posse. Ibid. cap. 5 *negabant me adduci posse, ut ullam largitionem probarem pro negabant me ullam largitionem probaturum*: at quanto certius et gravius hoc exprimitur per *negabant me adduci posse*, sic sagten, ich sey gar nicht dahin zu bringen etc.

3) Additur idea opinionis, h. e. *sententiae incertae adversariorum*, s. vocabulum indicans, adversarios, quae contra nos dicant, tantum opinari: sic Cicero saepe uno verbo suspectos reddit adversarios: v. c. Agr. II, 3 in., ubi dicit, *nobiles invidia tactos, si quid ipse perperam egisset, non modo non veniam ei daturus, sed etiam populum romanum, quod talem consulem fecerit, vituperaturos*. Verba inter alia sunt haec: *Sed mihi videntur certi homines, si qua in re me non modo consilio verum etiam casu lapsum esse arbitrabuntur, vos universos, qui me antetuleritis nobilitari, vituperaturi*. Dicere debebat: *si qua in re — lapsus fuero*: sed

sed auget indignitatem rei addito verbo *arbitrabuntur*, quod indicat, illos, etiamsi Cicero non re sed ipsorum opinione tantum peccaverit, hoc jam pro maximo flagitio habituros. Gravius itaque in eos invehitur usu verbi *arbitrabuntur*.

4) *Additur notio argumenti* s. vocabulum argumentum rei continens. V. c. pro *deum odisse quis potest?* gravius dicitur: *deum tam benignum odisse quis potest?* Nam simul argumentum inest, cur non possimus eum odisse; sic pro *Deus talia scelera certo puniet* dicitur gravius *deus justus talia* etc.; sic pro *preces tuas pater tuus non repudiabit* dicitur *preces tuas pater tuus humanus* etc.; sic *omnes laudant Ciceronem* mutatur in *omnes laudant Ciceronis eloquentiam*, si scilicet de eloquentia sermo est. Nam nihil addere debemus, quod non contextui conveniat. Sic *ignoscere alicujus adolescentiae* pro *alicui*: sic pro *quis est, qui non videat?* dicitur: *quis est tam imperitus rerum, quis est tam stultus, qui non* etc. Exempla multa dedi P. I c. 9 Sect. 3, p. 419 ff. et P. II cap. I Sect. 6 p. 531 f. n. 7

5) *Additur idea modi* s. vocabulum, docens, qua ratione aliquid fiat, factum sit, futurum sit etc. Huc pertinent innumera vocabula: a) *necessitatis*, ut *necesse est, non facere potui quin*; v. c. *Omnis homo moriatur necesse est* pro *moritur vel morietur*: *Si deum colis, necesse est felix fias* pro *felix fies*. b) *casus*, ut *accidit* etc.; v. c. *dum ista gerebat ac perficere studebat, accidit ut moreveretur* pro *mortuus est*. c) *consilii*, quatenus casui opponitur; v. c. *faciendum putavit, ut patriam adjuvaret* pro *patriam adjuvit*: at hoc temere fieri potuit, illud indicat factum esse cogitate et post deliberationem; sic *illis malis occurrendum statuit* pro *occurrit*; sic ap. Virgil. Aen. III, 475 *decrevit mori* de Didone pro *voluit*: at velle potest temere accidere; gravius ergo *decrevit*. d) *consuetudinis*, v. c. aliud est *benefacere solebat*, aliud *benefaciebat*, illud gravius: sic *Verres jus vendere solitus est* gravius dicitur quam *Verres jus vendidit*; hoc indicat, eum forsitan semel vel interdum id fecisse, illud declarat, eum perpetuo ita egisse. Cic. Rosc. Am. 45 non procul ab in. de Chrysogono, potente illo Sullae liberto, a quo antea quaesierat, cur bona Roscii venierint, cur tantulo? etc. ita pergit: *Quae omnia si, quemadmodum solent liberti nequam et improbi facere, in patronum suum volueris conferre, nihil egerit*: pro *Quae omnia si, quemadmodum faciunt liberti nequam* etc. At *solent facere* indicat hunc morem esse libertinorum nequam, nec aliter ipsos agere posse:

posse: gravius ergo quam *faciunt*: hoc enim indicaret, eos *interdum* tantum ita facere. — Et sunt alia multa, quae huc referri possint: Unum *posse* addam, quod Cicero cum summa gravitate adjecit Aet. I in Verr. 16. Loquitur ibi in genere de judiciis, quae tum invidia premebantur, quia credebantur iudices pecunia facile corrumpi et improbissimos homines absolvere. Dicit: *Nulla est enim laus, ibi esse integrum, ubi nemo est, qui aut possit aut conetur corrumpere pro ubi nemo est, qui corrumpat*: at gravius *possit aut conetur*; quod indicat, iudices facillime corrumpi posse, modo aliquis eos corrumpere possit, h. e. pecunia sit instructus ad corruppendos, vel *conetur* h. e. *velit*. Et statim: *in hoc homine statuatur, possitne, senatoribus judicantibus, homo nocentissimus pecuniosissimusque (i. e. Verres) damnari: pro In hoc homine judicabitur, an vos iudices, cum sitis senatores, Verrem nocentissimum et simul pecuniosissimum damnaturi sitis*. At quanto gravius *possitne* damnari, quasi damnatio pecuniosorum hominum inter res pertinuerit, quae fieri nullo modo possent, quae maximis cum difficultatibus conjunctae essent. Sic *ideae laetitiae dolorisque* et *aliae* facile addi poterunt.

6) Adjicitur verbum *sum*, it. *reperior, invenior*: v. c. pro *quis nescit* dicitur *gravius quis est qui nesciat?* ut etiam in nostra lingua *Wer ist wohl, der nicht wissen sollte* gravius est quam *Wer weis nicht?* Hoc debebant tirones mature discere, ne deinde crederent, *quis est qui nesciat* significare idem quod *quis nescit*; atque illud tantum elegantius (sic enim loquuntur) dictum esse. Sic *quid est quod fleas* gravius est quam *quid fles?* sic pro *Quis non credit, cui ignotum est, quis dubitat* etc. gravius dicitur: *Quis est, quin credat, cui ignotum sit, qui dubitet* etc. sic pro *nemo credit, dubitat* etc. gravius dicitur: *Nemo est, reperitur s. invenitur, qui credat, dubitet* etc. Cic. ad Div. VIII, ep. 14 §. 11 *Quis erat, qui putaret, ad eum amorem, quem erga te haberem, posse aliquid accedere?* pro *Quis putabat vel putaret*: at illud gravius. Divin. in Caecil. 7 *Sunt multa, quae Verres in me esse arbitratur, quae scit in te, Q. Caecili, non esse* pro *multa Verres in me esse arbitratur* etc., at illud gravius. Fonteij. 14 *praesertim cum tot res sint, quae vestris animis pro hujus innocentis salute supplicent pro praesertim cum tot res vestris* etc. Verr. I, 3 in. *Rapiunt eum (Verrem) ad supplicium dii patrii, quod iste inventus est, qui e conspectu parentum abreptos filios ad necem duceret* etc. pro *quod iste e conspectu parentum abreptos filios ad necem duxit*. Sic in

epistola

epistola Sulpicii ad Cic. ad Div. III, ep. 12 §. 6 de Marcelli caede: *et, cui inimici propter dignitatem peperceraut, inventus est amicus, qui ei mortem afferret*: gravius dictum quam *et, cui inimici — peperceraut, ei amicus mortem attulit*.

7) Adjiciuntur et alia vocabula, quae vulgo *synonyma* vocantur, vel potius junguntur plerumque per copulam *et, ac, cet.* (quae tamen interdum ob gravitatem abjicitur) ad ideae alicujus gravitatem adjuvandam. Vocantur *synonyma*, quia interdum eorum significationes difficile est inter se discernere. At nulla vocabula addenda sunt ejusdem significationis, quae proprie et accurate *synonyma* appellantur: hoc enim foret nugas proferre et vocabulis ludere. Semper ista vocabula, quibus una eademque idea exprimi vulgo creditur, debent inter se differre significatione, saltem quodam modo. Nam, etsi interdum nescimus, qua ratione duo vocabula inter se proprie differant, tamen sentimus, si quidem linguam callemus, eas differre: et hoc in his tenebris sufficere debet. Hinc patet, non tam unam ideam duobus vel pluribus vocabulis exprimi, quam totidem ideas fieri, quot sint vocabula, ut adeo haec *synonymorum* conjunctio proprie ad incrementum idearum atque recte ad gravitatem pertineat. Dixi de hac adjectione vocabulorum latissime in P. I c. 9 de *copia dicendi* Sect. 2 p. 385 fl.: quo lectores rejicio. — Hic tantum summam loquar. Differre igitur ista vocabula debent vel tropo vel gradu vel alia ratione, ut v. c. jungi possint duo vocabula, quorum alterum indicat *causam* alterum *effectum*, vel saltem aliquam *consequentiam*; alterum *Genus* vel *Totum* alterum *speciem* vel *partem*, ac, si plura vocabula sunt, *partes*; alterum sit *proprie* alterum *tropice* positum vel alterum ex hoc alterum ex illo tropo arcessitum; alterum sit *negative* alterum *affirmative* positum; alterum denique sit saltem altero *fortius*. — Possunt quoque tria et plura ita jungi. Sed semper haec ratio est tenenda, ut fortius languidiori aut minus forti postponatur. V. c. Cic. Verr. I, 2 extr. *Mihi pro cetera ejus audacia atque amentia ne hoc quidem* (scil. quod adest) *mirandum videtur*. Sic ibid. cap. I in. *quod nemo quemquam tam audacem, tam amentem, tam impudentem fore arbitrabatur* etc. et paulo ante: *quod iste certe statuerat et deliberarat* etc., ubi *deliberarat* per se abesse poterat; cap. 2 extr. *multa impie nefarieque commisit*; cap. 3 in. *sine furore atque amentia non fiunt*. Agr. II, II extr. *Reges constituuntur, non decemviri, iique ab his initiis fundamentisque nascuntur, ut — omne vestrum jus, potestas, libertasque tollatur*: ubi primum *initiiis funda-*

mentisque, quae per se parum inter se differunt, deinde *jus, potestas, libertasque* junguntur. Phil. II, 25 in. *Venisti Brundisium in sinum quidem et in amplexum tuae mimulae.* Ibid. *Tu istis faucibus, istis lateribus, ista gladiatoria totius corporis firmitate tantum vini — exhausteras.* Cap. 44 *Eripiet, extorquebit tibi ista populus romanus etc., ubi extorquebit gravius est quam eripiet.* Marc. I *Dolebam enim et vehementer angebar etc.* Ibid. paulo ante: *tam inusitatam inauditamque clementiam*, ubi etiam *mansuetudinem, clementiam*, rerum omnium modum et sapientiam conjungit, quae parum inter se differunt, sed differunt tamen proprie. Cap. 2 illo aemulo atque imitatore studiorum meorum etc.: ubi aemulus ab imitatore parum differt. Cap. 3 *debilitari frangique:* ibid. *At vero cum aliquid clementer, mansuete, juste, moderate, sapienter factum — audimus etc.* Catil. I, 2 extr. *te speculabuntur atque custodient.* Cap. 5 *Non feram, non patiar, non sinam:* quae quomodo differant, latet: sic Catil. II, 1 *Abiit, excessit, evasit, erupit.* Act. I in Verr. 15 in. *Itaque a populo romano contemnimur, despiciuntur;* quae duo parum inter se differunt; addit tamen statim: *gravi diuturnaque jam flagramus invidia.* Verr. I, 11 *si me non omnes noti ignotique monuissent, id agi, id cogitari, in eo laborari, ut etc., ubi laborari gravius quam agi, cogitari.* Verr. III, 31 *Ita ab una civitate vi, minis, imperio, injuriaque praetoris eripiuntur etc., ubi vi, minis, imperio, injuria inter se differunt.* Verr. V, 37 extr. *victa atque superata est.* Et sic sexcenta alia. — Sed in his exemplis videmus, nisi nimio in Ciceronem amorē vel potius superstitione capti sumus, nonnulla esse, ubi vocabula jungantur, quae plane inter se non differant: v. c. *non feram, non patiar, non sinam:* sic et *abiit* et *excessit* eadem sunt: Catilina enim *abiit* Roma, atque ita *excessit*. Redundant igitur ista vocabula; et haec vitiosa sunt. Quia tamen ex fervore animi proveniunt, propterea ignoscenda, imo, quia haec redundantia fervorem animi indicat (nam homo commoto animo plura loquitur quam necesse est), haec quoque gravitati serviunt quodam modo. Nam saepe auditoris animus commoveretur etiam animum oratoris commotum esse animadvertens. Attamen malim nostros oratores hodie abstinere tali redundantia. Gravitas enim dicendi maxime gravitate idearum rite declaranda constare debet. Add. seq.

8) Adjicitur interdum, fervore animi impellente, vocabulo vocabulum, cujus idea plane redundat et otiosa est, et tantum haec gravitati dicendi prodest quodam modo,
quia

quia auditor vel lector inde sentit, animum dicentis scribentisve valde commorum esse vel fuisse. Vocatur vulgo *pleonasmus*, graeco nomine, hoc est *redundantia*: v. c. *his oculis vidi, his auribus audiui*: ubi *his oculis* et *his auribus* abesse poterat. At fervor animi cumulare gaudet vocabula. Sic Aeneas ap. Virgil. Aen. III, 359 loquens cum Didone eique narrans, se Mercurii voce juberi Carthagine abire ait: *vocemque his auribus hausi*, ubi *his* per se abesse poterat. Sed sic solent homines vel incitate vel valde asseveranter loquentes cum aliis et timentes, ne sibi non fides habeatur. Sic et nostri: *Ich hab's mit meinen eignen Ohren gehört, mit meinen eignen Augen gesehen*. — Referri huc posse paulo ante (n. 7) ex Cicerone memorata: *non feram, non pariar, non sinam: abiit, excessit*, jam ibi monuimus.

XXXIII) *Mutatio unius enuntiationis in plures*: diutius enim immorando iisdem ideis fiunt hae graviores. Dictum hac de re est supra in P. I cap. 9 de *copia dicendi* Sect. 3 p. 417 ff.

Fit hoc 1) quando, pluribus subjectis commune praedicatum habentibus, singulis suum praedicatum tribuimus: v. c. pro Colophonii, Chii, Salaminii, Smyrnaei dicunt, *Homerum esse suum civem* Cicero Arch. 8 dixit: *Homerum Colophonii civem esse dicunt suum, Chii suum vindicant, Salaminii repetunt, Smyrnaei vero suum esse confirmant*. — Hoc fit in primis in partitione, v. c. pro *Omnes lugent mortem Clodii* Cicero dixit Mil. 8 *Luget senatus, moeret equester ordo, tota civitas confecta senio est, squalent municipia, affliguntur coloniae, agri denique ipsi etc.* 2) quando subjecto plura praedicata pro uno tribuimus, v. c. pro *Deus nobis vitam, sanitatem, parentes dedit* dici potest *Deus nobis vitam dedit, sanitate frui iussit, parentes donavit etc.* Id quod fit in primis in partitione, v. c. pro *Deus nobis multa et magna beneficia dedit* dicitur *Deus nobis vitam dedit, sanitate frui iussit, necessitati consuluit, commoditati adeo et voluptati nostrae prospexit etc.* 3) praeponenda causa: v. c. pro *Deus omnia efficere potest* dicitur *Deus tanta est potentia, ut omnia efficere possit*. 4) addendo effectum: v. c. pro *Deus est valde potens* dicitur *Deus est tam potens, ut nihil sit, quod efficere nequeat*. 5) jungendis duabus per copulam *et* (vel etiam sine ea) enuntiationibus, quarum alterutra sufficiebat: v. c. Cic. Catil. II, 4 *Non est jam lenitati locus: severitatem res ipsa*

flagitat: ubi prior est negativa, altera affirmativa; Rosc. Am. 24 *Sua quemque fraus* (i. e. maleficium) *et suis terror maxime vexat, suum quemque scelus agit at amentiaque afficit.* 6) addenda enuntiatione causam vel consilium, quo res suscipitur, indicante. V. c. Cic. Rosc. Am. 25 *Qui cum intelligerent, nihil esse tam sanctum, quod non aliquando violaret audacia, supplicium in parricidas singulare excogitaverunt: ut, quos natura ipsa retinere in officio non potuisset, ii magnitudine poenae maleficio submoverentur.* Verba: *ut quos natura — submoverentur* indicant causam et consilium, quo ducti Romani excogitaverint illud supplicium, ac per se abesse poterant; sed addita augent gravitatem rei. 7) addenda enuntiatione indicante id, quod ex re colligi possit; v. c. Cic. Agr. II, 5 de Rullo: *Iam designatus alio vultu, alio vocis sono, alio incessu esse meditabatur, vestitu obsoletiore, corpore inculto et horrido, capillatior quam ante, barbaque majore: ut oculis et adspectu denuntiare omnibus vim tribuniciam et minitari reipublicae videretur.* — Plura exempla et simul plura genera enuntiationum addendarum reperies in dicto cap. 9 Part. I.

XXXIII) *Crebra repetitio copulae tum inter singula vocabula tum inter membra et enuntiationes.* Vocatur vulgo *poly syndeton*, et sic Quintilianus vocat VIII, 3: *vel poly syndeta* i. e. ad verbum *saepe juncta*, int. membra vel vocabula. — Videtur hujus repetitionis hic usus esse, ut, in recitandis multis rebus, earum multitudo major appareat: nam, quo diutius in enumerandis rebus versamur, eo plures videntur esse: v. c. *Deus nobis vitam et sanitatem et pacem et mentem dedit.* Cicero saepissime ita.

V. c. Verr. II, 5 *quo reliquae tot et tantae et tam graves civitates, tota denique Sicilia plus auctoritatis apud vos haberet; ubi prius et abesse poterat.* Rosc. Am. 5 extr. *ab initio, res quemadmodum gesta sit, vobis exponemus, quo facilius et hujus hominis innocentissimi miseras et illorum audaciam cognoscere possitis et reipublicae calamitatem.* Mil. II, ubi de jure se a vi defendendi loquitur: *Sin hoc et ratio doctis et necessitas barbaris et mos gentibus et feris natura ipsa praescripsit, ut omnem semper vim — a corpore, a capite, a vita sua propulsarent.* In hoc loco sunt *poly syndeta*

deta et *asyndeta*: Quae quia utraque gravitatem adjuvare dicuntur, quaeritur, quomodo differant. — Videntur *asyndeta* valere in rebus *celerrime* ad praescriptum fervidi animi recitandis; *polyasyndeta* in rebus tardius recensendis, ut pondus earum non modo sentiat, sed etiam cogitetur: *asyndeta* opprimunt mentem et animum ita, ut hic ardeat antea, quam illa cogitare coeperit; *polyasyndeta* demonstrant rem et menti tempus relinquunt ad consideranda dicta: ut igitur *asyndeta* ad incitatiores gravitates, *polyasyndeta* ad moderatiores, pertinere videantur.

XXXV) *Collocatio vocabulorum gravis* h. e. talis, ut vocabula eo ordine ponantur, quo maiorem vim exhibere possint. Dixi hac de re in cap. I de *perspicuitate*, Sect. 24 p. 615 ff. et in primis n. 2 a) p. 617 ff., quia et ad hanc referri potest. Et suus quemque sensus docere debet, quem locum quodque verbum occupare debeat. Hic igitur sensus docet, *verbum grave* interdum *praeponi* aliis, interdum *postponi*.

1) *Praeponitur verbum gravius*. V. c. *Civis romanus sum*, non *sum civis romanus*, clamat ille Gavius Cic. Verr. V, 62, cum cruci affigebatur: sic Agr. II, 17 *grave est enim nomen imperii*, non *nomen imperii est grave*: sic Cic. ad Div. II, ep. 4 §. 6 *Est tibi gravis adversaria — incredibilis expectatio pro expectatio est tibi gravis* cet. Ibid. ep. II §. 2 *Mirum me desiderium tenet urbis* etc., non *desiderium urbis mirum*: ad Div. V, ep. 21 in. *Gratae mihi tuae literae fuerunt*: et sic in millibus. — Omnis gravitas pendet a contextu: neque igitur certa regula dari potest: v. c. *magnum tuum est crimen* et *crimen tuum est magnum* recte dici et cum gravitate dici potest; interdum prius, interdum posterius, est gravius, v. c. si quis de suo crimine loquitur et id pro vili habet, cum magnum sit, dicere debeo: *magnum tuum est crimen*: hic *magnum* est primaria notio, per quam *id vili* statim refellere volo; contra, si cui dico, eum crimen commisisse et hoc crimen esse magnum, dicere debeo: *crimen tuum est magnum*: hic *id magnum* praemittere non opus est. Hic ubique videndum, ut, si qua idea gravior est et lector auditorve ad eam prius respicere debet, ea aliis praeponeatur. Pertinet huc nobile illud: *sterit solatus praetor populi romani cum pallio purpureo* cet. Verr. V, 33.

2) *Postponitur saepe verbum gravius*: in primis ad expectationem auditorum et lectorum opprimendam: atque ita vocabulum extremum sententiae, si forte est, ceteris vocabulis praecedentibus addit aliquid fortitudinis et gravitatis. Deinde est naturae consentaneum a tenui initio incipere et cum gravitate desinere: hinc in fine sententiae expectatur aliquid majus et gravius. Cicero sic millies. V. c. Verr. I, 3 in. *Agunt eum (Verrem) praecipitem poenae civium romanorum: quos partim securi percussit, partim in vinculis necavit, partim implorantes jura libertatis et civitatis in crucem sustulit.* Grave est percutere civem romanum securi: at hoc saepe factum est v. c. in castris: gravius est cives in vinculis necare; gravissimum omnium est in crucem illos tollere: quae est fervorum poena: atque adeo in crucem tollere eos; qui provocabant ad jura libertatis et civitatis v. c. ad legem Porciam. Recte ergo postposuit in crucem sustulit. Philipp. II, 25 *quid ego istius decreta, quid rapinas, quid hereditatum possessiones datas, quid ereptas proferam?* ubi ereptas esse gravius verbum quam datas manifestum est. Ibid. paulo ante obijcitur Antonio in urbe auri, argenti, maximeque vini direptio: hic vinum occupat ultimum locum, quia ostendere ibi vult Cicero, Antonium fuisse vinolentum et omnibus voluptatibus addictum. Hinc patet, gravitatem verbi saepe a contextu pendere: nam in alio contextu idea auri forsitan fuisset gravior quam idea vini. Pertinet huc etiam arctior conjunctio vocabulorum graviorum, de qua supra dixi n. XXVIII, v. c. *qui alios studet fallere, fallitur ipse.*

XXXVI) *Clausula gravis absolutae sententiae.* De hac re supra dictum est P. I c. 6 de numero p. 273 ff.: nam ad eum vulgo illa clausula refertur.

Gravitas hujus clausulae consistit in eo, 1) ut longius vocabulum claudat sententiam perfectam et absolutam, v. c. *amandavit, videretur* etc. 2) ut syllaba paenultima hujus ultimi vocabuli longa sit, v. c. *amandavit, fateretur, videatur* etc. sic Cic. Fonte. 15 in. *retinendos putetis.* 3) ut huic paenultimae syllabae insit vocalis sonora, qualis est e, o, a: in quibus eminet a: v. c. *amandatus* pro *dimissus*, *profligavit, amavit, navigavit* etc. Sed haec tria supra P. II, c. I sect. 24 p. 620 f. monui magis ad perspicuitatem quam ad gravitatem et magis ad dicendum quam ad scribendum pertinere. Lector non tam curat, qualia vocabula in sententiae

rentiae fine sint, quam auditor; qui si unam syllabam vel duas non audit, totum vocabulum praetermissum est. Ultima syllaba plerumque in dicendo perit: jam, si praecedens etiam periret, totum vocabulum negligeretur: hinc decet, paenultimam syllabam praeditam esse vocali sonora, ut haec saltem servetur. Iam, quo longius tale vocabulum est, eo minus timendum est, ne aures auditoris praetervolet. Quod Cicero clausulae tantam vim tribuit, non mirandum est, cum a Graecis ita sit edoctus: hinc, cum Cicero Orat. 63 dicit in Carbonis verbis *Patris dictum sapiens temeritas filii comprobavit* per vocabulum *comprobavit* maximum populi clamorem excitatum esse, hoc ipsius opinioni de vi summa clausulae convenit: at hunc clamorem ex alio fonte existere potuisse credibile est. Legenda sunt, quae hanc in rem in cap. de numero p. 276 f. dixi. 4) quando ultimum sententiae absolutae membrum paulo longius redditur, quod facile fit per *copiam* dicendi supra p. 270 ff. explicatam, v. c. adjectione synonymorum, ut *victra atque superata* pro solo *victra*: in primis adjectione unius vel plurium vocabulorum graviorum, ut Catil. I, 13 *gravius vehementiusque affligantur*: Ibid. *omnia patefacta, illustrata, oppressa, vindicata esse videatis*: vel adjectione verbi ad verbum, v. c. *faciendum putavit* pro *fecit*, *retinendos putavit* pro *retinuit*; sic Cic. Manil. I *tribuendum censuerunt* pro *tribuerunt*; Verr. V, 37 in. *penetrare coeperunt* pro *penetrarunt* etc.

XXXVII) *Concinnitas membrorum*, quae *numerorum oratoriorum* vel *numeri oratorii* nomen optimo jure gerit. Cernitur in eo, ut singula membra, in primis sibi contraria, vel pari longitudine vel saltem idearum numero sibi respondeant. Non negari potest, hanc aequalitatem membrorum aliquid gravitatis continere; quemadmodum in cantando numeros musicos (*den Tact*) observare est gravius quam eos, more puerorum, negligere. Hic ad sensum cujusque provoco, ne explicare rem cogar. Exempla supra dedi in P. I c. 6 Sect. 3 p. 265 ff., ubi de tota re latissime actum est.

V. c. *non opinione sed per argumenta adductus feci* non graviter h. e. non gravi homini convenienter dictum est: gravius erit: *non opinione sed argumentis* etc. — Sic *Non opinionis levitate sed argumentis ductus feci* minus graviter dictum:

dictum: gravius est: *Non opinionis levitate sed argumentorum gravitate adductus feci*: — sic *Non opinionis levitate sed argumentorum gravitate ductus feci* minus graviter dictum est, quia r̄q̄ ductus nihil respondet in priori membro. Ergo dicas: *Non opinionis levitate abreptus sed argumentorum gravitate morus feci*: et sic porro: quo longius progredieris in uno membro, eo longius quoque in altero progredi decet, ut aequalitas, si quidem fieri potest, fervetur. — Si tamen ob defectum vocabulorum aliamve causam fieri non potest, ignoscendum est inaequalitati membrorum, modo gravitas idearum sibi constet. Cicero enim saepe neglexit istam aequalitatem: at, ubicunque potuit, servavit. V. c. *Est haec non scripta sed nata lex*: hic opponit *scripta* et *nata*: recte. Si dixisset: *Est haec non scripta sed hominum animis innata lex*, peccasset: sic peccasset, si dixisset: *Est haec non a majoribus scripta sed nata lex*: quia illic membrum posterius hic prius paulo longius foret. Ad Div. VI, ep. 2 §. 5 *Si armis aut condicione positis aut defatigatione abjectis aut victoria detractis civitas respiraverit*. Recte: opponuntur enim sibi *condicione positis*, *defatigatione abjectis*, *victoria detractis*, tria substantiva, tria participia. Orat. I, 9 *quis enim tibi hoc concesserit*, — initio genus humanum in montibus ac sylvis dispersum, non prudentium consiliis compulsum potius quam disertorum oratione delinitum, se oppidis moenibusque sepsisse? Egregie. Opponuntur prudentium consiliis compulsum et disertorum oratione delinitum: conveniunt prudentium et disertorum, consiliis et oratione, compulsum et delinitum. Vid. plura memorato cap. 6 de numero Part. I.

XXXVIII) Delectus literarum et syllabarum.

Hoc saltem multi gravitatem dicendi adjuvari putant. 1) *literarum*: v. c. elementum R putant convenire rei atroci, tristi, terribili: hinc vocabula talia, v. c. *terror*, *horror*, *horrendum* etc., in tali re praeoptanda censent. Hinc Virgilius Aen. III, 181 *Famam Monstrum horrendum* appellans creditur hoc de industria fecisse. Quis hoc certo affirmare auit? Quodnam aliud vocabulum usurpare potuisset? Vocabula talia, in quibus R est, casu exstiterunt vel ii, qui illa formarunt, respexerunt ad aliquid horrendi: ut adeo a posteris, qui originem primam vocabulorum nesciunt, pro vulgaribus haberi soleant. Et sunt alia vocabula, elemento R instructa, in quibus nihil horrendi est, v. c. *fortuna*, *ar-*
trum,

trum, carmen, ergo, margo, formosus, dormio etc. — Equidem puto, priscos omnem gravitatem in ideis, non in sono vocabulorum, posuisse; ut taceam, nos ne satis quidem pronuntiationem priscorum nosse. Ac, si quis mihi *obitum liberorum meorum nuntiat*, nonne is aequè tristis nuntius est, ac qui *mortem eorum*? licet in vocabulo *mortis* insit R, in vocabulo *obitus* non sit. 2) *syllabarum*. Cicero pedes alios aliis putat esse graviores, sed ipse incertus est, ut supra in cap. de *numeris oratoriis* p. 277 ff. monui. — Et quis in tali re non incertus esse cogitur? Quanto incertiores nos simus necesse est, qui ne sciamus quidem satis, quomodo Romani sua verba pronuntiarint. — Putant nonnulli Virgilium versu illo lento Georg. III, 174 *Illi inter sese magna vi brachia tollunt* exprimere voluisse Cyclopum operam difficilem et tarditatem quandam, cum tamen addatur *magna vi* et Cyclopes tali labori maxime pares fuisse credibile sit: — sic Virgilius alibi versu celeri *Quadrupedante putrem sonitu quatit ungula campum* Aen. VIII, 596 creditur a nonnullis *celeritatem* quandam exprimere studuisse. Si Virgilius hoc de se dixisset, crederem. At, quantum ego Virgilium novi, hic videtur mihi omnem gravitatem dicendi in idearum gravitate, non verborum inani sono, posuisse. Ac reperiuntur multi versus in Virgilio, ubi de re celeri vel laeta spondei, de re tarda vel tristi dactyli, usurpantur, ut vel hinc appareat nil certi definiri posse: v. c. *Tityre tu patulae recubans* etc. Virg. Ecl. I, 1: *Talia voce refert* Aen. I, 212: *Multa gemit* Ibid. 469: *Illic res laetae* Aen. II, 783: *Dejecit saxum* VIII, 226: *Invadunt urbem* II, 265: *Caeduntur vigiles* Ibid. 266 etc. Ac profecto, quae gravitas in ipso sono verbi inesse potest? cum omnis gravitas, omnis laetitia, omnis tristitia, quae sono inesse vel inde oriri videtur, ex ideis quibusdam, quae cum ipso sono conjungi solent vel conjunctae aliquoties sunt, existere solent. V. c. sonus campanarum interdum est tristis, interdum laetus, ut vulgo loquuntur, interdum habet aliquid magnifici, prout res est, quae isto tempore cogitatur. Tempore, quo liberi nostri ad sepulturam esseruntur, sonus campanarum est tristis: alio tempore est laetus, v. c. quando festus quidam dies isque solennis et memorabilis celebratur etc. Si quis tamen sono vocabulorum h. e. certis literis et syllabis gravitatem adjuvare possit, ejus studio non invidebo: et forsan interdum coram plebe aliquis illarum usus esse potest: sic Cicero forsan illis pedibus poeticis, de quibus loquitur, interdum usus est in concionibus. — Attamen tutius est in idearum gravitate gravita-

tem dicendi quaerere. Ac profecto, si quis ideam aliquam magnam per alias multas ideas secundarias explicare studet et his ideis omnibus verborum ope apte exprimendis intentus est, is, dum illas cogitat, vix potest de literarum elementis, syllabis et earum sono, cogitare. Ad hoc ei tempus non suppetit. Atque adeo, si de literarum et syllabarum delectu diu et anxie cogitaret, nonne interea illae ideae omnes effugerent? Nam, ut ferro candenti utendum est, e proverbio vulgari, sic ingenio utendum est, dum fervet, hoc est, dum ideas suppeditat. Hae non sunt semper in nostra potestate. — Hinc vix crediderim Virgilium de literarum et syllabarum sono cogitasse; quia tum tam egregiam Aeneida ab eo non accepissemus.

XXXVIII) *Vocis gravitas* in dicendo multum valere solet. — Sunt, qui ea vocis modulatione uti sciant, ut verbis, non gravitatem spirantibus, aliquid gravitatis, saltem coram plebe, addere sciant: quanto magis in rebus ac verbis gravitate vere ornatis? Demosthenes et Cicero hoc satis superque suis exemplis demonstrant. Quod vox in dicendo, id quodam modo efficiunt in scribendo signa quaedam distinctionis, v. c. *signum interrogationis, exclamationis, parentheseos* etc. — In primis huc pertinet lineola illa transversa, qua utuntur hodie ad gravitatem quandam indicandam vel potius abutuntur. Recte uti ea possimus ad *reticentiam* seu *apophoresin* indicandam: modo ne nimis saepe fiat: hoc repugnaverit naturae. Animus valde commotus, qualis in *reticentia* esse solet, non diu manet tantopere commotus, sed mox defervescit. — Editores priscorum in locis, quibus talis *reticentia* inest, non ponere talem lineolam transversam miror: nam tali modo lectoribus ista *reticentia* facilius et celerius appareret.

Haec de *gravitate* dicendi. Possint plura addi: sed, qui subsidiis illis remotioribus instructus est et aliquot Ciceronis orationes, v. c. Verrinas, Manilianam, Agrariam secundam, Catilinaras, Sextianam, Milonianam, Philippicam secundam etc., it. orationes Livianas legit,

legit, is facile, si id agit, plura ad gravitatem dicendi pertinentia reperire potest — Ad *gravitatem dicendi* referri quoque possit *sublimitas dicendi*, quae est scientia apte dicendi de rebus sublimibus h. e. iis, quae propter magnitudinem singularem rarae sunt raroque fiunt inter homines. Dicuntur sublimes, quia quasi e circulo mortalium tolluntur, vel quia homines eas patrantes se supra vulgus tollunt. *Sublimitas* dicendi igitur est altior gradus gravitatis; ut adeo eadem, quae in hac observantur, in illa observanda sint. Attamen de ipsa, quia mos ita fert, infra in Append. III paucula separatim dicemus.

CAP. III

De Suavitate dicendi.

SECT. I

Quid sit suavis dicendi.

Suavis orationis s. dicendi est virtus orationis, quae efficit, ut placeamus lectoribus vel auditoribus, atque ita libenter ab iis legamur et audiamur. Intelligitur ergo hic suavis honesta et honesto homine digna, non ea, quae cachinnos commoveat etc. Vocari quoque potest *gratia*, it. *venustas* a *Venere*: haec enim amantes reddit suaves, h. e. amor efficit, ut amans amanti place-re studeat. Hinc et *Venus* pro *gratia* dicitur; it. *veneres* v. c. *ista res habet suas veneres* h. e. *suam gratiam*.

SECT. II

De ejus necessitate.

Suavis orationis et dicenti et scribenti summe necessaria est. Ab ea enim pendet omnis attentio atque
hinc

hinc persuasio. Orator et scriptor vult persuadere, quod maxime fit argumentis: quod ut fiat, debet illa perspicue explicare, ut auditor vel lector eorum vim intelligat. — Sed quomodo hoc fieri potest, si auditor vel lector ob injucunditatem dicentis vel scribentis non attente legere non attente audire vult? Orator vel scriptor vult animos movere. Quod quomodo sine attentione auditorum vel lectorum assequi potest?

SECT. III

De fontibus suavitatis remotioribus.

Hanc suavitatem dicendi nemo consequitur, nisi
 1) est ingenio praeclaro et hilari, ut in varias formas se vertere, ad auditores et lectores se accommodare, et multa quoque, eaque praeclara, comminisci possit, et totum hoc libenter faciat. 2) nisi sit praeditus doctrina lata et subtili, ut multa sciat, quibus orationem variet, sententiis priscis saepe alium eumque suaviorem vestitum donet etc. 3) nisi cognoverit animos hominum, ut sciat, quid iis placeat, quid non. Hic docet experientia, v. c. omne inexpectatum, omne novum, placere; vulgare, licet praeclarum alioquin sit, tamen, quia vulgare factum est, displicere plerumque. Ad illorum igitur gustum se accommodare atque ita aptissima quaeque eligere decet. — Multi putant, quidquid Cicero vel aliquis priscorum dixerit, id per se et ubique pulchrum esse atque ita omnibus hodie placere debere. Non negandum est innumerabilia in illis occurrere, quae pulcherrima et sint et per omnem aetatem manfura sint. At hi prisci tamen erant homines, et interdum lapsi sunt: et, ut quisque est ingeniosissimus, ita facillime labitur ob fervorem animi, celeritatem cogitandi etc. Ac profecto Cicero protulit dicta, quae ne priscis quidem semper placere potuerint, v. c. *Ius Verrium* ambigue dictum in Verrinis de jure, quod Verres praetor

praetor dixit; ubi simul respicitur ad *jusculum* e carne suilla factum, quia *Verres* etiam *porcum* significat. Deinde, licet prisci innumera egregie dixerint, tamen nonnulla, quia jam diu saepeque jactata sunt, *gratiam* hodie amiserunt: nam gratia saepissime in nova et inexpectata verborum forma cernitur. Adjuvat et 4) lectio librorum suavitate iusta conditorum ita instituenda, ut hanc suavitatem in nostram mentem derivemus, ei que nos assuefaciamus etc.

SECT. IIII

De fontibus suavitatis dicendi propioribus.

Iam indicabimus ea, per quae suavitas orationis propius *adjuvari* possit. Adjuvatur igitur illa

I) *Perpicuitate dicendi*. Haec ipsa jam lectori et auditori suavis est, ut omnis obscuritas molesta. Nam primum omnis homo gaudet, si quid facile intelligit. Videmus hoc in pueris laetantibus, si rem explicatam statim intellexerint. Deinde omnes homines discere suamque cognitionem augere cupiunt, paucissimis forsitan exceptis, qui tamen forsitan, si maturius, rectius, et cum quadam facilitate ad discendum et attendendum assuefacti fuissent, libenter didicissent ac cupiditatem discendi imbibissent. Nam, quo quis plura didicit, eo plura discere cupit: contra, ut quisque paucissima didicit, ita paucissima discere vult: et, quo quis facilius et celerius discit, eo facilius et libentius discere cupit: cum contra, quo quis difficilius et tardius discat, eo difficilius deinde discere velit. Obscuritas multorum magistrorum in docendo, itemque oratorum, ut parentum negligentiam taceamus, multos a discendo avocat et absterret. Magistri, itemque oratores de sacris rebus loquentes, hoc raro de se credunt, sed malunt causam parvorum profectuum, quos discipuli et auditores faciant, in horum vel stupiditatem vel ignaviam vel negligentiam.

ligentiam vel in aliud quodcunque conferre, quam in se, decepti falso syllogismo: *Quia rem intelligimus vel magistri sumus, hinc perspicue rem tradere possumus* etc. Perspicuitas est lumen orationis: et oratio, omnibus venustatibus conferta, tamen sine perspicuitate non est venusta. Nam, quod non intelligo, quomodo id mihi placere potest?

II) *Gravitate dicendi* h. e. quando res ita tractatur, ut ejus magnitudo, magna pulchritudo, turpitudine etc. sentiantur a nobis nostrumque animum commoveat. Placet enim nobis commotio animi nostri: placet oratio, si ea nos ad admirationem, ad iram, atque adeo ad misericordiam rapit. Nam et misericordia nobis suavis est. Lacrymae nostrae nobis interdum placent etc.

III) *Iusta brevitatem et iusta copia dicendi* h. e. quando neque nimis multa neque nimis pauca dicimus. Id quod difficile est, nec sine magno judicio et cognitione rei accurata fieri potest. *Nimis pauca* dicimus, quando auditor vel lector rem nondum plane intellexit h. e. ita, ut volebamus intelligi: *Nimis multa*, cum plura dicimus, quam scire cupit et res postulat: v. c. nimis crebra repetitione ejusdem rei vel explicatione rei non necessaria etc., quod taedium creat. Voluptatem quandam sentit interdum et lector et auditor, sponte reperta sententia aliqua scriptoris et oratoris: et contra aegre fert, si sibi singula ac vel minima quaeque ex ordine recensentur et late explicentur. Sed hic tamen et materiae et auditorum lectorumque ratio consulenda est diligenter.

III) *Modeste atque adeo demisse de nobis ac de nostris virtutibus et factis loquendo.* Placet hoc auditoribus et lectoribus, qui omnem superbiam et arrogantiam oderunt atque adeo, si quis vere se laudat, hoc pro arrogantia habent: quia, qui se laudat, is, quantum sibi tribuit virtutis, tantum aliis detrahere videtur. Sic Cicero.

V. c. Rosc. Am. I Credo ego vos, judices, mirari, quid sit, quod, cum tot summi oratores hominesque nobilissimi sedeant, ego potissimum surrexerim, qui neque aetate neque ingenio neque auctoritate sim cum iis, qui sedeant, comparandus. Egrege h. e. humanissime dictum est: qui neque — ingenio neque auctoritate etc.: surrexerim intell. ad dicendum: nam sedent, qui dicere nolunt; surgunt, qui dicere parant. Ibid. cap. 2 in. His, de causis ego huic causae patronus exstiti, non electus unus, qui maximo ingenio, sed relictus ex omnibus, qui minimo periculo possem dicere, neque uti satis firmo praesidio defensus Sex. Roscius, verum uti ne omnino desertus esset. — Huc pertinet, quando de nostris viribus ac virtutibus dubitanter et cum quadam conditione loquimur: v. c. si quid scio, si quid valeo pro cum multa sciam, cum valeam etc. Sic Cic. Arch. in. Si quid est in me ingenii, quod sentio quam sit exiguum etc., ubi tamen proprie dicere vult, se omne suum ingenium omnemque omnino eloquentiam ad Archiam defendendum conferre debere. Sic Manil. I si quid dicendo consequi possum etc.

V) Modestia et humanitate erga alios ubique declaranda. Sic Cicero millies.

V. c. ad Div. III, ep. 2, ubi Sulpicio, qui a Cicerone consilium petierat, ita scribit §. 3: quid est, quod audeam suadere tibi homini summa auctoritate summaque prudentia? Egrege audeam dicit per modestiam summam pro possum aut velim: et addit homini summa — prudentia, in quibus verbis causa latet, cur nolit illi consilium dare. — Ibid. §. 10 Tu, si videbitur, ita censeo facias, ut, si habes jam statutum, quid tibi agendum putes, in quo non sit conjunctum consilium tuum cum meo, supersedeas hoc labore itineris: sin autem est, quod mecum communicare velis, ego te expectabo. Tu, quod commodo tuo fiat, quamprimum velim venias etc. Omnia modeste. Sensus in universum hic est: Cicero Sulpicium, si idem cum Cicerone consilium capere velit, rogat, ut ad se veniat; sin minus, ut domi maneat. Haec egregie expressit: observes hic a) si videbitur int. tibi, h. e. si tibi ita placuerit: relinquit igitur ejus arbitrio: b) ita censeo facias pro ita fac: c) supersedeas hoc labore itineris pro ne venias ad me: at egregie ideam laboris cum itinere conjuncti intexuit: hinc supersedeas: d) communicare mecum pro colloqui: at illud modestius et honorificentius erga Sulpicium, quia illo indicatur, Sulpicium aliquid consilii habere posse, quod proferat: e) communi-

care velis pro communicare possis vel communices: f) ego te expectabo: quam humane pro veni ad me: g) quod commodum tuo fiat h. e. sine tuo incommodo. — Ad Div. III, ep. 3 §. 3 prospexi tempestatem futuram (bellum): neque id solum mea sponte, sed multo etiam magis monente et denuntiante te: hic Sulpicio potissimum tribuit Cicero, quod prospexerit illud bellum. — Ibid. §. 10 Sulpicio, quem consolari, sed teeste, cupit, haec dicit: Haftenus existimo nostram consolationem recte adhibitam esse, quoad certior ab homine amicissimo fieres iis de rebus, quibus levare possent molestiae tuae. Reliqua sunt in te ipso etc., dixit: haftenus, quoad certior fieres etc. egregie pro ut docereris, ut disceres etc. — Ibid. §. 13 Nichil faciam insolenter: neque te tali vel scientia vel natura praeditum hortabor etc. Non vult hortari illum: Nam hortari magnum virum est insolentis: hortatur tantum superior et sapientior inferiorem. — Sic Ibid. §. 14 Quare non equidem te moneo. — Ad Div. V, ep. 8 §. 9 Is enim tu vir es, et eum me esse cupio, ut — conjunctionem amicitiamque nostram utrique nostrum laudi sperem fore. Verba: et eum me esse cupio valde modesta sunt pro et ego is (h. e. talis) quoque sum vel et ego me eum esse fateor etc. Et talia loca sunt innumera.

In primis in petendo humanitatem servare studet: nihil fere petit, nisi ita, si fieri possit, si a dignitate amici non aliena res fuerit etc. Videantur ejus literae commendaticiae, v. c. ad Div. XIII, ubi sub conditione tantum homines commendat eosque adjutos vult: v. c. epist. 17 §. 6 addit: *si tibi sit cognitus*; ep. 26 §. 6 *quod commodum tuo fieri possit*; et §. 7 *si non alienum a tua dignitate putabis esse*: ep. 37 extr. *peto a te, ut tantum ei commodes — quantum tua fides dignitasque patietur.* Add. XIII, ep. 26 §. 8 *litteras ad te a M. Lepido consule, non quae te aliquid juberent (neque enim id tuae dignitatis esse arbitramur), sed quodam modo quasi commendaticias famsimus.* — Omninoque hinc discunt tirones, veram amicitiam cum quadam observantia conjunctam esse.

VI) *Observere loquendo de magnis hominibus omninoque iis, qui vel meritorum splendore vel munerum amplitudine vel generis nobilitate excellunt. Placet enim hoc vulgo et male audiunt, qui illud negligunt.*

Cicero quidem ad Crassum scribens eique significare cupiens, se non temere ac repente ipsius amicum factum, hoc ita exprimit ad Div. V, ep. 8 §. 6 *De me sic existimes ac tibi*
persua-

persuadeas velim, non me repentina aliqua voluntate aut fortuito ad tuam amplitudinem meis officiis amplectendam incidisse, sed, ut primum forum attigerim, spectasse semper etc. Hic amplecti alicujus amplitudinem officiis suis dictum est cum significatione magnae observantiae pro amicum alicujus fieri. Ac statim ibi pergit: *Quo quidem ex tempore memoria teneo, neque meam tibi observantiam neque mihi tuam summam benevolentiam ac liberalitatem defuisse.* Egregie h. e. humanissime et observanter dictum pro neque tibi meum amorem vel benevolentiam neque mihi tuum amorem vel benevolentiam defuisse. At suam benevolentiam s. amorem vocat observantiam: quod vocabulum includit aliquam reverentiam erga superiores respondetque nostro *Respect, Ehrerbietung, Hochachtung.* — Et talia innumerabilia in Ciceronis epistolis reperiuntur: et talia interpretes earum diligenter observare et explicare debebant: nam, cur interpretes in vocabulis tantum corrigendis, explicandis et auctoritate plurium locorum confirmandis, quae omnia praeclara quoque sunt, versari debeat, nullam causam video. Veneres Ciceronis debemus sentire: et inter veneres praecipue pertinent humanissime dicta.

Ceterum hinc patet, quanto magis orator res sacras explicans de Deo, de Iesu, angelis etc. observanter loqui debeat. — Quaeritur ergo, an v. c. de Iesu et angelis diminutiva facere debeamus, quod in canticis nonnullis factitatum videmus, v. c. *Iesulein, Engelein, Engelchen.* Suus quemque sensus docere potest, hoc dedecere. Quis de suo principe ac rege diceret v. c. *mein Fürstelein, mein Herrchen?* Quis hoc non vitio verteret et abjecte dictum esse clamaret? Qui ista per aestum quendam amoris defendere conantur, ii cogitent, ne possent quidem ullum amorem sine observantia locum habere.

VII) *Leniter loquendo de inimicis nostris.* Nemo enim liberaliter educatus rusticitatem in conviciando amat, laudat, nedum audire vel legere cupit.

Cicero, etsi interdum hic peccavit, v. c. in Philipp. secunda, nimio Antonii odio ablati, tamen plerumque istam lenitatem prae se ferre sciebat: v. c. ad Div. III, ep. 9 §. 3 Appio scribit: *intellexique in provincia multos fuisse, qui nos, quo animo inter nos sumus, esse nollent: egregie pro qui inimicitias inter nos excitarent; qui id agerent, ut ego te et tu me odisses.* Sic pro odisse aliquem dici potest

non favere alicui, non nimis ejus cupidum, non esse amicum ejus etc.

VIII) *Leniter vel tecte vituperandis hominibus.* Vulgo enim placet, si vituperationes per ambages quasdam proferuntur.

V. c. Cic. Rosc. Am. I patronos caufarum tum clarissimos vituperare vult, quod ob Sullae metum defensionem Roscii fuscipere noluerint. Hoc ita exprimit: *quia, si quis istorum dixisset, — in quibus summa auctoritas est atque amplitudo, si verbum de republica fecisset, id quod in hac causa fieri necesse est, multo plura dixisse, quam dixisset, putaretur.* Ad Div. I, ep. 8 §. 9 *Amissa est (dignitas consularis) culpa eorum, qui a senatu et ordinem conjunctissimum et hominem clarissimum abalienarunt pro culpa hominum improborum.* — Vel hinc patet, periphraseos ope tales tectas vituperationes facile concinnari posse. Huc pertinet illud Socratis, qui, cum ab adolescente quodam petulante colapho percussus esset: *Video, inquit, mihi in posterum cum galea incedendum esse: pro tu es homo inhumanissimus, tu es belua, bos etc.* Huc pertinet illud Siculi ap. Cic. Orat. II, 69, qui, cum sibi datus esset patronus causae stultissimus a Scipione praetore: *Quaeso, inquit, praetor, adversario meo da istum patronum, deinde mihi neminem dederis (i. e. des) pro iste patronus est nullius utilitatis, stultissimus.* Huc pertinet, quando de vinofo dicimus: *non est inimicus vini; de vorace: sapit ei egregie etc.*

VIII) *Significando in omnibus, quae scribimus vel dicimus, nos esse faciles, clementes, mansuetos, justos, omniumque virtutum amantiissimos.* Placet hoc omnibus, atque adeo iis, qui vitiis dediti sunt. Mirabile est, etiam virtutis non amantes tamen libenter audire virtutem laudari, eamque amantibus plerumque favere. In primis placent virtutes beneficae, v. c. liberalitas erga pauperes, misericordia, clementia erga peccantes etc. Placent propterea Senecae libri:

Sed et Cicero quam facilem, benignum etc., se ubique declarat! Quid suavius est animi grati significatione ad Div. I, ep. I in. *Ego omni officio ac potius pietate erga te ceteris*
satis-

satisfacio omnibus, mihi ipsi nunquam satisfacio etc.? Indicat, se nunquam satis officii et pietatis Lentulo, qui ipsum revocandum curaverat, pro hoc singulari officio praestare posse. — Pertinet huc, quando officia promittimus, vid. Epistolae libri primi, et ad Div. V, ep. 8 §. II *polliceor eximium et singulare studium in omni genere officii, quod ad honestatem et gloriam tuam spectat: in quo, etiamsi multi mecum contendunt, tamen cum reliquis omnibus tum Crassis tuis iudicibus omnes facile superabo*, et sic §. 13, 14, 15: — et quando dolemus, nos non posse alios satis adjuvare, v. c. ad Div. III, ep. 13 §. 10 et I, ep. 1 in., ubi dicit sibi vitam suam acerbam esse, quod non Lentulo tantum operae praestare possit, quantum Lentulus Ciceroni praestiterit. Huc pertinet, quando excusamus, quae aliis ingrata esse putamus et addimus, facta esse casu nec nostra culpa, v. c. ad Div. III, ep. 2 in. Appio, cui succedebat in provincia et qui diutius in ea manere velle videbatur, scribit: *Cum et contra voluntatem meam et praeter opinionem accidisset, ut mihi cum imperio in provinciam proficisci necesse esset etc.*, ubi notes a) *contra voluntatem meam* b) *praeter opinionem* c) *accidisset* d) *necesse esset*. Sic ad Div. V, ep. 8 §. 3 causam simultatis inter se et Crassum ortae confert in alios et dicit: *Neque mehercule unquam mihi tui aut colendi aut ornandi voluntas defuit: sed quaedam pestes hominum* (h. e. quidam homines perniciosi) *laude aliena dolentium et te nonnunquam a me alienarunt et me aliquando immutarunt tibi*.

X) *Vitandis plebejis vocabulis* h. e. iis, quibus tantum plebs uti solet. Parit enim injucunditatem et simul contemptum, si quem eodem modo, quo sola plebs loquitur, loqui audimus: quia videtur unus de plebe esse, a qua discere nolumus: at orator itemque scriptor erudire cupit. Quod licet maxime cadat in linguam vernaculam, tamen et in latina locum habet: quia doctis nota sunt plebeja vocabula et plebejæ dicendi formae latinorum, atque ita non minus contemnunt plebejo more scribentem ac dicentem latine, quam in vernacula fieri solet. — Qui omnia vocabula e scriptoribus priscis, Cicerone, Plauto etc., promiscue pro bonis habet et usurpat, is facile in hoc vitium incidet. Excipiendus tamen est, si quis hominem plebejum loquen-

tem inducit, v. c. in comoedia: hunc enim decet plebejo more loqui. Ad plebeja pertinent in primis ea, quorum idea aliquid taedii afferre potest vel sumpta est a rebus abjectis. Hic usus consulendus est, itemque ratio auditorum.

XI) *Vitandis vocabulis obscœnis* h. e. quae auris pudica audire non vult, quia rem vulgarem et naturalem proprie et directe indicant. — Res igitur seu idea ista vel plane omittenda est, quod saepe fieri licet, vel, si minus licet, vocabulis utendum est, quae istam ideam recte indicent: quod fit generali modo h. e. vel uno vocabulo generali, v. c. *natura* ap. Cicer., vel generali descriptione s. periphrasi, v. c. *ire, quo saturi solent; pars corporis, qua sedemus; pars, qua viri sumus* etc. Et, quo tectius ista res indicatur, modo e contextu quodam modo intelligatur, eo suavius dici creditur. — An tamen medici semper istis similibusque vocabulis propriis supersedere possint, dubito. Ac profecto ipsas has res earumve ideas non turpes esse manifestum est, nec nos eas pro turpibus haberemus, nisi mos et educationis ratio quaedam ita sanxisset. Neque ita vocabula ipsa pro turpibus haberemus, nisi vel mos iis aliquam turpitudinis maculam adpersisset vel nos eorum vocabulorum plerumque puderet, quae plebis, quam vulgo contemnere solemus, ore celebrari solent. Mori tamen, quicumque sit, cedendum esse per se patet: nam morem negligere saepe turpitudini ducitur. Ac vel hinc istis vocabulis, quae vulgo obscœna vocantur, abstinendum esse apertum est. — Hinc quoque rhetores metaphoram jubent a rebus honestis duci omnemque in ea turpitudinem vitari, v. c. Cic. Orat. III, 41 ait: *Nolo dici morte Africani castratam esse rempublicam. Nolo stercus curiae dici Glauciam.* Est genus euphemismi sic vulgo dicti.

XII) *Vitandis iis vocabulis, quae rem ingratam proprie indicant, et commutandis cum suavioribus* h. e. cum iis,

lis, quorum ideae aliquid suavius continent. Dicitur vulgo haec ratio dicendi *euphemismus*.

Huc inter alia pertinent haec:

1) quando de morte, cujus idea hominibus vulgo terribilis, saltem ingrata, est, ita loquimur, ut ideae isti aliam ideam substituamus: v. c. *beatus tuus pater pro mortuus; vivere desuit, ad deum abiit, passus est aliquid humani* etc. pro *mortuus est*: sic si *quid ei acciderit* pro *si mortuus, si interfectus, fuerit*. Suavius est utique feminae, cujus maritus in bellum proficiscitur, quando illi dico: *si quid acciderit marito tuo* etc. vel *potest enim ei aliquid humani accidere*, quam cum dico: *si maritus tuus occisus fuerit* vel *potest enim is occidi*: nonne illa idea est suavior vel tolerabilior? Sic nostri: *wenn Gott über ihn gebiethen, ihn zu sich nehmen, sollte* etc. pro *wenn er sterben, unkommen, sollte*. Illud est humanius et suavius.

2) quando de inimicitia alicujus loquimur, in primis, quando alicui in memoriam revocamus inimicitias, quas vel cum aliis vel nobiscum habuit. Nemo hanc memoriam libenter repetit: si tamen repetenda est, recte facere solent homines venusti. Quam recte Cicero ad Crassum scribens mentionem facit inimicitiae, quae inter utrumque fuit, ad Div. V, ep. 8 §. 2 *multa varietate temporum interruptum officium cumulate reddidi*: et §. 3 *Neque mehercule unquam mihi tui aut colendi aut oruandi voluntas defuit: sed quaedam pestes hominum laude aliena dolentium et te nonnunquam a me alienarunt et me aliquando immutarunt tibi*. Quam leniter ideam inimicitiae pristinae ingratam exprimit verbis: *te nonnunquam a me alienarunt, et me tibi aliquando immutarunt*!

3) quando alicui aliquid denegamus vel aliquid ab eo nobis oblatum accipere recusamus, hocque ita facimus, ut ille aegre ferre non possit. Sic nostri venustiores munus recusantes malunt dicere *Ich danke ergebenst, bin sehr verbunden* (scil. *für das Anerbieten*), vel, si cum longe inferiori loquuntur, *es ist gut, quam ich will es nicht haben, behalten Sie, behaltet es selbst*. — Sic prisca venustiores (non omnes Latini; nam haec venusta forma loquendi non ad linguam universam pertinet: ut nonnulli credere videntur) dicebant *recte, benigne*. Si quis v. c. proficiscens aliquem interrogabat, an sibi epistolam ad aliquem credere vellet, interrogatus, si literarum nihil dare vellet, respondebat; *recte pro nolo: proprie*

prie vero recte significat hic recte facis, quod me interrogas, placet mihi tua humanitas etc. — Terent. Eun. II, 3, 50 Chae-rea narrat, se cum cognato quodam invitum esse locutum, quia interim virginem vix visam amiserit, et ait: Dum haec dicit (cognatus), abiit hora: rogo, num quid velit: Recte, inquit: abeo. In verbis postremis rogo num quid velit: recte, inquit, inest duplex euphemismus: a) rogo num quid velit h. e. ich frage ihn, ob er noch etwas befehle dictum est pro abire parabam: quia, qui ab aliquo abire festinant, sic solent loqui: haben sie noch etwas zu befehlen? verlangen sie noch etwas von mir? etc. b) deinde Recte respondebat ille cognatus pro Nihil, ut nostri interdum inferioribus dicunt: Es ist gut pro ich habe weiter nichts zu sagen: prius posteriori esse humanius dictum, sponte liquet. — Sic benigne ap. Horat. I, ep. 7, 16 Calaber hospitem, ut edat, rogat: Vescere sodes: Hospes respondet: Iam satis est: Calaber pergit: At tu quantum vis tolle: Hospes respondet: Benigne h. e. Nolo: at proprie est benigne facis, benignus es, quod me rogas, magnam habeo gratiam. — Ibid. v. 61 Vultejus Mena a Philippo ad coenam vocatur, sed respondet: benigne, quo verbo indicat, se nolle venire: dictum ergo est pro Non veniam, sed humane. Verba sunt: Ad coenam veniat. Non sane credere Mena (se ad coenam a Philippo tam nobili viro vocari): Mirari secum tacitus. Quid multa? Benigne, respondet. Tum Philippus: Neget ille mihi? e quibus verbis clarum est, benigne responder dictum esse pro recusat venire, negat se venturum, dicit se nolle venire ad coenam. — Sic ap. Plaut. Menaech. II, 3, 30 ait invitatus quidam: bene vocas, magna gratia est pro non veniam, ut nostri ich danke ergebenst, vielmals etc. Proprie vero est: bene facis, cum me vocas et pro hac benevolentia magnam habeo tibi gratiam. — Sic et Graeci venustiores (non omnes Graeci; neque enim hoc ad linguam graecam per se referri debet) dicebant: καλῶς; sic ἐπαινεῖν τὴν κλήσιν proprie laudare vocationem s. invitationem ad coenam dicitur de recusantibus Xenoph. Sympos. I §. 7, quod simile est Latino gratiam habere, dicere recte etc. — Pertinet huc ex Cic. Or. II, 69 supra n. 8 allatum dictum Sicut illius, qui patronum causae stultum, sibi a praetore datum, his verbis repudiavit: Quaeso, praetor, adversario meo da istum patronum, deinde mihi neminem dederis pro hunc patronum nolo accipere; proprie vero est: da hunc patronum adversario meo: nam deinde mihi non opus erit patrono; quia tum sine patrono vincam,

4) quando in respondendo veram causam aliamve rem, quia ingrata erit interroganti, reticemus et generali responsione defungimur: v. c. ap. Terent. Hec. III, 2, 20 mater quaerit ex filio: *Quid tu igitur lacrymas? aut quid es tam tristis?* filius respondet: recte, mater; h. e. nihil est, mater, ut nostri *Es ist nichts, es ist gut*, si veram causam dicere vel directe respondere nolunt.

5) quando teste aliquem reprehendimus: de qua re supra n. VIII.

XIII) *Novitate elocutionis.* Omne novum placet: omne vulgare et nimis notum taedio est et minuit attentionem auditorum et lectorum. — Sed illud non ita intelligendum, ut ubique novitati elocutionis studere debeamus: hoc enim non fieri potest. At saepe tamen fieri potest. Nec difficile hoc puto esse sub his conditionibus 1) si simus ingenio praeclaro et animo generoso instructi: 2) si sententiam plane et ex omnibus partibus intelligamus: 3) si verborum singulorum vim accurate teneamus atque ita sciamus, utrum sententiam exprimant recte, nec ne: 4) si iusta vocabulorum recte intellectorum copia instructi simus, ut e multis aptissima quaeque eligere possimus: 5) si non simus ea superstitione infecti, ut credamus, hanc vel illam sententiam non nisi iis verbis, quibus Cicero aliusve vir magnus expresse, exprimi debere vel non meliorem vestem accipere posse, quam vel Cicero vel alius priscorum illi circumdederit. Qui v. c. verba et sententiam recte intelligit, is, ingenio adjutus, facile multa verba, quae Cicero non junxit, jungere potest, quia sibi conveniunt et eandem sententiam exprimunt, atque adeo novas sententias deinde invenire. At, qui vel sententiam vel vocabulorum vim non accurate tenet, ac, quae vocabula sibi conveniant, nescit, sed tantum eorum conjunctionem e Cicerone novit, quod dicitur vulgo *ex usu loquendi discere*, is nullam aliam phrasin, nisi quam apud Ciceronem legit, usurpare audeat. At nonne hoc est priscos nimis superstitiose imitari vel

potius agere more puerorum, qui de rebus nil dicunt, nisi quod pater de illis dixerit, non aliud vocabulum proferunt, quam quod pater protulerit? Multas sane novas similitudines, praeter eas, quae apud priscos occurrant, hodie proferri posse quis neget? modo aptae sint rei que convenient: quamquam etiam multa, quae prisci dixerunt, hodie pro novis haberi usurparique possunt, quia paucis nota atque ita multis nova sunt. — Novitas autem illa elocutionis commendanda est in primis 1) in *proverbiis*, ne ea ubique prisco habitu proferantur 2) in similitudinibus 3) in exemplis 4) in tropis 5) in verbis.

XIII) *Variatione sententiarum et verborum*, quae novitati illi saepe vicariam operam praeclare praestat. Omnis variatio delectat, non modo ciborum, sed etiam idearum et verborum. Aequè pauper est is, qui eandem ubique sententiam profert et iisdem ubique verbis exprimit, quam qui quotidie eadem se veste conspiciendum praebet. — Debemus igitur sententias varie exprimere, modo negative modo affirmative, modo per interrogationem modo sine ea, interdum propriis interdum tropicis vocabulis, modo per hanc modo per illam vocabulorum structuram: et in tropis etiam variatione utendum, ut v. c. in metaphora similitudo rei arcessatur modo ab hoc modo ab illo floris genere etc. — Copia verborum hic debet ad manum esse, ut multis modo haec modo illa eligamus.

V. c. quando dico: *Quamquam, qui perspicue loquitur, valde laudandus est, tamen is, qui simul suaviter loquitur, magis laudandus est*, parum suavis est oratio, quae suavior fiet variatione, v. c. cum dico: *Quamquam, qui perspicue loquitur, valde laudandus est, tamen is, qui cum perspicuitate suavitatem orationis conjungit (conjungere scit vel qui simul suaviter loqui novit), majori laude dignus est censendus: vel tamen, qui cum ista perspicuitate suavitatem orationis conjungere sciat, eum majori laude dignum esse constat, quis neget? etc.* — Sic dicens: *Virtutis amantes quisque laudat: victorum aman-*

amantes nemo laudat: quomodo enim laudari potest, qui ipse laudanda agere non vult? parum suaviter loquitur: suavius dicet v. c. ita: *Virtutis amantes quisque laudat: vitiorum studiosis nemo laudem tribuit* etc. At verba: *quomodo enim laudari potest, qui ipse laudanda agere non vult*, manere debent, ut oppositio laudari et laudanda agere non vult clarius elucescat. Potest et ita variari: *Qui virtutem amat, is laude hominum frui solet, quae contra vitiorum studiosis deesse solet vel at vitiorum studiosi illa carent* etc. Variatio est multiplex, v. c. pro amoris causa, propter amorem, ob amorem dici potest amore ductus, incitatus etc. cf. supra P. I cap. 8 de variatione, S. 10 p. 372 ff., quae late ibi tractata est. — Potest quoque interdum in collocatione vocabulorum variari, v. c. interdum is praepositur *quod* qui, interdum postponitur, v. c. eos, qui literis operam dant, semper amo, et qui literis operam dant, eos semper amo. Sed haec variatio ordinis verborum non nisi interdum permittitur, h. e. quando usus ordinis fixus, perspicuitas, gravitas etc. non offenditur vel in re vulgari.

Interdum tamen variatione vocabulorum uti non licet: v. c. 1) quando alia vocabula non habemus ad rem exprimendam: v. c. *consul dixit dictatorem: literae mihi sunt redditae* etc. Quid pro dixit et redditae dicas? Nisi forte velis dicere *dictator factus est* omissa consulis idea, et *literas accepi*: ubi tamen contextus ratio consulenda. Hinc Cicero non culpandus videtur, qui ad Div. XI, ep. 16 in. dixerit: *epistola reddita sit*, et post tres versus: *epistolae tibi reddendae*, et interjectis iterum duobus versibus: *non loco redditae*. Injucundior foret haec repetitio, si in eadem sententia esset. Sic Liv. XXX, 33 non proc. ab in. *Hannibal — elephantos instruxit*, et, cum deinde de cetera acie loquitur, post sex versus iterum usurpat *instruxit*: sed et haec repetitio toleranda, cum post sex versus demum fiat. Retulit haec duo loca Cel. Ernesti ad gratam negligentiam. 2) quando gravitas postulat: v. c. in oppositione, *Nec prosunt domino, quae prosunt omnibus artes* Ovid. Met. I, 523 etc. Dictum hac de re est supra in cap. de gravitate S. 3 n. 30, et dicetur infra etiam aliquid de vitanda repetitione ejusdem verbi n. 21.

XV) *Genere scribendi non affectato. Affectatum est nimis studiose quaesitum: et hoc indicat res et verba non bene convenire materiae. Non affectatum dicendi et scribendi genus est, quando ita dicimus et scribimus,*

ut

ut natura materiae postulat, v. c. *tenuiter* de rebus tenuibus, *magnifice* et *ornate* de rebus magnis et ornatu dignis. — Affectato igitur dicendi scribendique genere utimur, quando de rebus tenuibus magnifice et sublimiter loquimur, quando, quidquid pulchri scimus vel scire nobis videmur, v. c. epitheta poetica vel otiosa, v. c. *lac album*, rara vocabula, itemque descriptiones locorum, rerum etc., sententias acutas, tropos, figuras, v. c. exclamationes etc., id ubique ac propterea plerumque inepte et alieno loco ponimus, omninoque ita loquimur aut scribimus, ut auditor aut lector facile animadvertat, nos *voluisse videri pulchre scribere*: quod lectori et auditori semper molestum est. Qui *vult videri pulchre scribere*, is nec *videtur* pulchre scribere nec *scribit pulchre*. Lector vel auditor vult pulchritudinem ipse sentire ac sponte de ea judicare: non ab oratore vel scriptore moneri impellique ad sentiendam. Qui studet videri pulchre dicere et scribere, is videtur auditori vel lectori succclamare: *Lauda me et admirare*. Id quod semper est arrogantis et sibi nimium confidentis. Pulchritudo vera sponte se ostendit ac sponte placet; nec opus habet, ut digito monstretur: velut forma virginis vere pulchra mox animadvertitur. Huc pertinent in primis acute dicta: quae si quis ita profert, ut ipsi placere videantur, vel ita, ut primus laudet aut risu hilarive fronte excipiat, omnem, quam habebant, pulchritudinem ac suavitatem illa statim amittunt; quia audientes, qui liberum arbitrium sibi postulant, sibi imperari, quid judicare debeant, arbitrantur. Deinde puerile est ubique ornatum adhibere: indicat enim, te non diu disciplinam magistri reliquisse, te judicio carere etc. — *Affectatus* sermo plerumque nascitur 1) ex ambitione s. vanitatis studio vel etiam ex arrogantia 2) ex inopia iudicii 3) ex inscitia rei, quae tractatur; omninoque e defectu doctrinae accuratae. Nonnemo rem nimis auget et ornat, quia majorem non novit atque

que ita illam pro omnium maxima habet. 4) ex cognitione vocabulorum non accurata. Multi utuntur affectato sermone, ita, ut hoc nesciant: putant, se recte atque adeo praeclare loqui, quia sic didicerunt. Hinc 5) in primis venit ex institutione magistrorum multorum perversa, qui prius de pulchra latinitate, de orate scribendo, ut loquuntur, quam de recte scribendo dicunt, tanquam recte scribere sit nimis puerile vel nimis facile ac per se discatur; atque adolescentes ad pulchre scribendum, non ad pulchre cogitandum, impellunt, tanquam *cogitare* non ad scribendum sit necessarium sed tantum ad philosophum proprie sic dictum pertineat. Omnes homines natura ducuntur cupiditate pulchritudinis atque ita pulchre loquendi et scribendi. Iam, si adolescens pulchre scribere ac loqui ante discit et studet quam pulchre cogitat, nonne ista pulchritudo, in meris verbis, iisque raris, tropicis ac sine sensu pulchritudinis rerum exquisitis constans, sit coacta et affectata necesse est? Legunt vulgo Ciceronem, pulchre quidem scribentem: at sententiam ejus ac contextum idearum negligunt, obliviscuntur, ac saepe ne intelligunt quidem. Verba sola, utcunque intellecta, usurpare in omni contextu gaudent. Potest interdum in eorum verbis nonnullis vera inesse pulchritudo, si ideae pulchrae sunt: at, quia nimis condensantur istae venteres, molestae fiunt et affectationi propinquae. Aromata sunt suavia; at nimia eorum multitudo in cibus est taedio. Matrona honesta ornat se, at modice et apte, et ejus forma placet: meretrix nimium ornatum affectat, quia virtutibus suis diffidit nec pulchritudinem suam sine illo satis declaratum iri putat.

Venit hic in mentem *gratae negligentiae* in scribendo, quam sunt qui commendent. Dubius sum, quid de ea sentiam, quia in vocabulo *negligentiae* videtur esse ambiguitas. Omnis vera negligentia est vitium, indi-

indicatque lectorem ab scriptore, auditorem ab oratore, contemni; et tum opponitur diligentiae, quae non satis commendari potest. Sed interdum videtur aliquis negligens esse, comparatus cum alio nimis ornato h. e. cum eo, qui ubique ornatum, quemcunque novit, adhibet, et qui vocari possit nimis diligens, nimis accuratus, quod semper vitium est: quemadmodum matrona honesta, accurate vestita et ornata, possit vocari negligens prae meretrice nimis ornata: quia neglexit hunc nimium ornatum. Si sic grata illa negligentia intelligatur in scribendo, facile assentior: it., si per gratam negligentiam intelligatur *simplicitas* (das Ungekünstelte), quae *arti* opponitur. — At videtur vocabulum *gratae negligentiae* vulgo usurpari ad defendendos scriptores priscos, in primis Ciceronem et Caesarem, quos interdum negligenter h. e. vitiose scripsisse non negari potest. Vera autem negligentia nunquam grata erit intelligentibus et gustum habentibus: ac forsan per eam priscos non defenderemus, nisi magna observantia erga eos teneremur vel didicissemus a magistris nostris, priscos ab omni vitio, quo possent, defendendos esse. — Commendavit etiam Cel. Ernesti *negligentiam gratam* in Opusc. Phil. p. 126 et affert repetitionem multorum vocabulorum, quam ad gratam negligentiam refert: quam tamen partim vitiosam partim vel ob gravitatem vel ob defectum alius vocabuli necessariam fuisse crediderim, ut et ex supra dictis et ex infra dicendis apparere puto. Omnino suaserim tironibus, ut magis diligentiam quam negligentiam sequendam statuunt. Loca ab Ernestio ad confirmandam gratam negligentiam infra memorabo, ubi agetur de *vitanda repetitione ejusdem vocabuli*.

XVI) *Aequali scribendi genere*; quod ad proxime praecedens quodam modo pertinet. Sed *aequale genus scribendi dicendique* non ita intelligendum, ut per totam

ora-

orationem ac librum vel magnifice vel tenuiter scribere debeamus: nam nulla est oratio, nullus liber, in quo non interdum graviter, magnifice ac sublimiter, interdum tenuiter dicendum sit: nam modo narramus, modo docemus, modo affectus hominum excitare studemus. Sed aequale dicendi scribendique genus constat in eo, ut characterem singulis dicendi generibus proprium servemus; nec verba vel modos rem tradendi ex alio in aliud genus transferamus. — Male v. c. descriptiones ac similitudines uberiores et crebriores, quae sunt poetis propriae, transferas in historiam: male vocabula rara et poetica, v. c. *altitonans*, *horrifonus* etc., it. exclamationes in historia usurpes. — Sic contra narratio simplex historicorum h. e. artificio carens non convenit poetis. Genus dicendi poeticum iterum in species quasdam se dividit: aliud est dicendi genus in odis, aliud in fabulis, aliud in epicis carminibus scribendis. Haec genera non confundenda sunt. Sic orator aliis similibus utitur quam poeta, et alio modo tractat, et rarius ipsa adhibet. Ridiculus est orator vel scriptor, si poetarum epicorum more repente assurgit et statim deinde humilia verba profert, tanquam Davus in Comoedia loquatur. — Haec inaequalitas oritur ex iisdem fontibus, ex quibus affectatum genus dicendi provenire diximus: praeterea e collectaneis quibusdam, ut vocantur. Colligunt nonnulli ex omnibus scriptoribus, quidquid praeclari ibi reperiunt vel quidquid praeclari invenisse credunt: ac, si quid scribunt, eo confugiunt, et inde rapiunt, quidquid inveniunt. Sic facile fit, ut Virgiliana commisceantur cum Terentianis, Ciceronianis etc., verba servi cum verbis sapientis et docti etc. Melius est, quae legeris, in succum, quod ajunt, convertere tibi proprium, more apum, quae è florum succis efficiunt succum suum h. e. *mel*. Quis mel gustans novit, unde apes illud congefferint? Sic, quaecunque legimus, ita debemus concoquere, ut deinde

inde pro nostris habeantur. Id quod facile est, modo nihil dicas, quod non accurate intelligas.

XVII) *Vegeto scribendi et dicendi genere* h. e. tali, quod lectorum et auditorum attentionem excitet: id quod in primis opus est, si oratio vel liber est paulo longior aut materia paulo tenuior ac siccior. Nam *in opere longo*, ait Horatius, item *in tenui, fas est obrepere somnum*. Sed unde hoc consequimur? Maxima ejus pars debetur naturae, educationi et doctrinae, conventus hominum non fugienti. — Adjuvatur illud multis rebus, quas hic recensere non possumus; v. c. 1) *epithetis* descriptionem rei continentibus; sed haec non otiosa esse debent: v. c. Cic. Senect. 15 *terrae natura delectat: quae cum gremio mollito ac subactō semen sparsum excepit, primum id occaecatum cohibet: — deinde — elicit herbescentem ex eo viriditatem* etc. Totus locus est suavis; additur hic *mollito ac subactō*, deinde *sparsum, occaecatum, herbescentem*. 2) omnino *descriptionibus* rei, efficientibus ut ipsa oculis fere subjiciatur: de quibus mox. 3) *acute dictis*, de quibus infra. Nihil magis attentionem excitat. 4) *interrogationibus* et *exclamationibus*, ubi tamen videndum, ut aptae sint rei que convenient. 5) *metaphora* pulchra. Omnis *metaphora*, si a re sensibus subjecta sumpta est, excitat attentionem in re subtili diu audienda. Nam, quidquid audire vel videre videmur, id mentem magis nostram ferit, quam quod cogitando consequimur. — In primis delectat *metaphora* *suavis*, ut vulgo non satis quidem accurate loquuntur, h. e. *in qua inest suavis imago* s. *quae a re suavi ducta est*, v. c. *a segete, vere, floribus* etc. v. c. *flos aetatis* etc. — Placet etiam *metaphora* a re grandi ducta: v. c. *vallum aristarum*: sic Cicero Senect. 15 loquens de segete: *et contra avium minorum morsus munitur vallo aristarum*. — Maxime tamen omnium placet attentionemque excitat et recreat *metaphora*, quando rebus inanimatis vitam vel adeo vocem et actiones

nes animalium aut hominum tribuit: v. c. *somno oppressus*, de eo, cui somnus obrepit: *somno victus*, de eo, qui, postquam diu somno restitit, tandem dormire cogitur: *somno victus*, de eo, qui ita dormit, ut non facile excitari possit. Hic consideratur somnus ut homo, qui aliquem inimicum opprimit h. e. *repente invadit*, *vincit* h. e. *superat*, et *vincit* h. e. *ligat*. — Sic Cic. Nat. Deor. II, 33 *quippe quae* (terra) *gravidata seminibus omnia pariat et fundat ex sese, stirpes amplexa alat et au-geat, ipsaque alatur vicissim a superis externisque natu-ris*. Cui haec legenti somnus obrepere possit? *gravi-data, pariat, fundat, amplexa* etc. Omnia praeclara et suavia. — Senect. 15 *seges dicitur niti sich aufstemma, et adolescera*. Verba sunt: *quae* (viriditas herbescens i. e. *seges*) *nixa fibris stirpium sensim adolescit, culmoque erecta* etc. Ac paulo post *vitis dicitur serpens* etc. — Sic *seges dicitur laeta: sic flos dicitur mori: sic agri di-cuntur sitire* etc. *Fontes sitiunt* dixit Cicero ad Q. Frat. III, 1 med.: et *venias ad sitientes aures* ad Att. II ep. 14 in. — At parcius tamen ita prosaici: crebrius poetae, quibus nihil frequentius; v. c. *cymba gemit, testa sur-gunt* ap. Virgil.: *it. vino vel somno fallere curas* pro *obli-visci* Horat. Serm. II, 7, 114: *sic currus non audit ha-benas* Virg. Georg. I, 514. Verba sunt: *Fertur equis auriga neque audit currus habenas*.

XVIII) *Descriptionibus rerum suavis v. c. mon-tium, regionum, bestiarum, actionum, permotionum ani-mi* etc. in primis *naturae*: v. c. Cic. Senect. 15 descri-bit *segetem crescentem*: cf. Nat. Deor. II, 33 in. et cap. 47 ff., *quae plena sunt descriptionum suavissimarum*, v. c. cap. 47 *Jam vero vites sic claviculis adminicula, tan-quam manibus, apprehendunt, atque se ita erigunt, ut ani-mantes* etc. Ibid. *Jam vero alia animalia gradiendo, alia serpendo, ad pastum accedunt, alia volando, alia nando: cibumque partim oris hiatu et dentibus ipsis capeffunt, par-tim unguium tenacitate arripiunt, partim aduncitate ros-*

trorum: alia sugunt, alia carpunt, alia vorant, alia mandunt. Et plures sunt capp. seqq. de singulis animalibus: at uberior est descriptio hominis a cap. 54 ad cap. 61: ubi de singulis ejus partibus dicitur, et tota quidem suavissima, ut cap. 56 *sensus autem, interpretes ac nuntii rerum, in capite, tanquam in arte, mirifice ad usus necessarios et facti et collocati sunt.* Nam oculi, tanquam speculatores, altissimum locum obtinent: ex quo plurima conspicientes fungantur suo munere. Et aures cum sonum percipere etc.: cap. 57 in. quae (natura) primum oculos membranis tenuissimis vestivit et sepsit: quas primum perlucidas fecit, ut per eas cerni posset; firmas autem, ut continerentur. Sed lubricos oculos fecit et mobiles, ut et declinarent, si quid noceret, et adspectum, quo vellent, facile converterent. — Munitaeque sunt palpebras tanquam vallo pilorum, quibus —, si quid incideret, repelleretur etc. Sed totus locus est perlegendus. — Omninoque nihil suavius natura, ut, qui ejus rationem accuratius cognoverit, is nullo negotio suaviter scribere possit: nam nulla fere est materia, ubi non vel similitudo aliqua vel vocabulorum multitudo à natura arcessi et usurpari possit. Orator, cui natura ignota est, plerumque haeret in spinis et jejune scribit ac dicit. — Nec modo in Cicerone sed etiam in Caesare, Livio, maxime in poetis, ut Ovidio, Virgilio, egregiae suavissimaeque reperiuntur descriptiones rerum. Animi permotionum descriptiones innumeras habent Ovidius et Virgilius, v. c. Aen. I est descriptio irae Junonis et Neptuni: amoris, irae ac furoris Didonis Aen. III etc. Cujusmodi descriptiones qui possit sine attentione ac sine voluptatis sensu legere, ferreus sit necesse est.

XVIII) *Focis apte adhibitis.* Qui in jocando placere vult, debet ingenio uti praeclaro et cognitione animorum humanorum instructus esse. Risum movere facile est: at apte joculari non cadit in quemque.

Joci debent esse

1) *liberales* s. liberali homine digni h. e. non modestiam et religionem laedentes. Exsecrandus est, qui alios virtutis impensis, ut sic loquar, delectare gaudet. Rejiciendi ergo omnes joci, in quibus, quidquid ad sacra et virtutes pertinet, deridendum propinatur. Peccarunt hic Aristophanes et Plautus, non item Terentius, Cicero etc.

2) *rei convenientes*: non igitur, quidquid in buccam venit, effutiendum est, licet modestiam et virtutes non offendant.

3) *non vulgares* h. e. plebi non nimis notae: debent habere novitatis aliquid.

4) *acuti*, et tamen simul tales, ut *non quaesiti* videantur. Quod utrumque conjungere non facillimum est. *Acuti* h. e. in quibus aliquid reconditi latet, non cuivis statim apertum sed tantum prudentioribus et urbanioribus. Placet enim acumen ingenii. De *acute* dictis separatim dicitur, quia non omne acute dictum jocus est. *Non quaesiti* videri debent h. e. tales esse debent, ut statim in mentem venisse videantur. Ergo debet exercitatus esse in acute dictis, qui acute jocando placere vult. Aegre ferimus, si quis jocum profert, quem diu et diligenter excogitasse videtur: quia tum videtur placere velle, quod molestum est. Homines volunt videri sponte risisse, et ridentes ob jocum magis placent sibi propterea, quod acumen ingenii in joco intellexerint, quia sic acute cogitasse videntur, quam iis is placet, qui jocando acumen sui ingenii ostendit.

5) *parci*. Quo crebriores sunt joci, eo magis vulgares fiunt. Qui nimis crebro jocatur, fit homo ridiculus. Peccavit hic Cicero ingenio interdum abundans, qui aliquando propterea *ridiculus-consultus* appellatus est. Joci sunt genus aromatum orationis. Sed nimis crebrum usum aromatum stomachus fastidit. — Ceterum de *jocis* legi potest Cicero Orat. II, 54—71 et Quintil. VI cap. 4 totum.

XX) *Acute dictis*, sive per jocum sive serio adhibeantur. — *Acute dicta* sunt ea, quae non statim a quolibet intelliguntur, sed aliquid reconditi atque ita non a quovis expectati continent. — Vocabula *acutus* et *acumen* proprie de cuspide, de gladio, cultro, similibusque instrumentis dici notum est, quae dicuntur *acuta esse* s. *acumen habere*, quando non in superficie seu ex-

tremitate rerum, quas petunt, haerent, sed alte penetrant: quod si non possunt, dicuntur *obtusa* esse. Sic *mens obtusa* est, quae rei externam tantum faciem cogitare et videre potest: *acuta* vero *mens* s. *acumen mentis* dicitur, quando mens in rem ipsam penetrat cogitando vel altius quam mens aliorum, et in ea plura videt atque observat quam mens aliorum multorum, v. c. causam aliquam tectam vel causarum causas, it. consilia et artes hominum callidorum etc. Talis igitur mens dicitur *acuta esse* et *acute moveri* i. e. *cogitare*: nam cogitationes ejus penetrant alte, atque ita ab hominibus, quorum mens non aequè alte penetrat sed in externa rerum facie moratur, perspicere non facile vel non statim possunt. — Facile hinc intelligitur, *acumen* de cogitando quidem, non vero de loquendo, proprie dici posse, ut adeo *acute dicta* proprie falso ita dicantur: verba enim non alte penetrant in rerum intimam rationem et naturam sed cogitationes tantum. Quia tamen, qui acute aliquid cogitat, id dicendo declarat, et *acute cogitata* non nisi *dicendo* apparere possunt: hinc mos invaluit, ut homines, qui in eligendis vocabulis non semper satis accurati sunt, eos, qui acute cogitata proferrent, dicerent *acute dicere*, quemadmodum ii, qui res sublimes rectè eloquerentur, dicebantur *sublimiter dicere*, *sublimitate orationis uti*. Hinc *acute dicta* saepe occurrunt. Proprie igitur *acute dicere* per quandam dicendi brevitatem dicitur pro *acute cogitata dicere* s. *proferre*. — *Acute* itaque *loqui* est ita loqui, ut, qui te audit, non statim mentem tuam intelligat, sed inexpectati aliquid audiat, quod tamen rei conveniens et aptum verumque esse deinde animadvertit et sentit. Omne *acutum* in dicendo est inexpectatum, at simul rei conveniens et verum. Ergo non omne inexpectatum pro acute dicto habendum est: sed et verum rei-que conveniens simul sit necesse est. Placere autem hominibus *acute dicta* per se patet, quia mens humana

talis

alis vulgo est, ut magis gaudeat, si quid intellectu difficile intellexit et conjectura assecutus est, quam, si quid facile intellectu audit et intelligit: id quod e studio hominum vulgari aenigmata audiendi et solvendi apparet: nam, quo difficiliora sunt aenigmata, eo libentius audiunt; nec quidquam studii remittunt in illis solvendis. — At non nimis crebra esse debent *acute dicta*, cum ob causam supra in *sententiis* P. II c. 2 sect. 3 n. VI allatam, tum quia mentis aciem auditorum et lectorum nimis intendunt ac tandem fatigant, et praeterea, quia omne venustum nimia frequentatione invenustum fieri et taedium creare solet. Omninoque in acute loquendo magno ingenio iudicioque opus est, ac simul cognitione animorum humanorum, ut non antea in acute loquendo felices nobis videamur quam certo sciamus, ea, quae acute dixerimus, omnium prudentium plausum tulisse. — *Acute dicta*, quae melius *scharfsinniges* h. e. *scharfsdenkendes Reden* (quia *Sinn* olim pro *Verstand* usurpabatur) quam *witziges* (a *wissen*) *Reden* a nobis dicuntur, possunt dividi in *minus* vel *magis acute dicta*, prout ad ea et proferenda et intelligenda vel majori vel minori ingenii ac doctrinae copia opus est. — Interdum vel acutissime dicta famam amittunt et contemnuntur, si quidem in vulgus et in omnium notitiam abeunt omniumque ore frequenter usurpantur: id quod in multis videmus proverbii fieri, quae vilia sunt, quia proverbialia sunt. — *Acute tandem dicta*, si vix ac ne vix quidem intelligi possunt, omni ratione sunt vitiosa, quia offendunt perspicuitatem, primariam scribentis dicentisque virtutem.

Plurima vel potius innumera forsan genera sunt *acute dictorum*. Quis singula novit? quis recensere potest? Ac forsan indies nova euduntur. Equidem *septem* genera enumerabo: nam non omnem lusum verborum inanem, qui interdum etiam a nonnullis inter acute dicta numeratur, asserre possum.

A) *Primum genus est, quando specie repugnantia profero* s. duas ideas sibi contrarias ita conjungo, ut propter contextus rei que rationem nihil repugnantiae insit. Dicuntur haec vulgo *oxymora*; v. c. cum dico: *dives hic est pauper*, scil. quia divitiis non fruitur, atque ita a paupere non diversus videtur; vel de avaro divite: *optat, quod habet* i. e. divitias. — Pertinent huc paradoxa illa Stoicorum: *omnem sapientem, licet sit pauper, tamen divitem, et, licet sit servus, tamen regem esse* etc. Pertinet huc illud e Cicerone: *cum tacent, clamant*; it. *stulta sapientia* de eo, cujus sapientia nihil prodest. Huc pertinet Flor. II, 6 §. 27 acute dictum de Fabio Cunctatore: *qui novam de Hannibale victoriam commentus est, non pugnare*: Martial. VIII, 11 *nubere uxori*, quod indicat ejus imperio obnoxium esse. Verba sunt: *Uxorem quare locupletem ducere nolim, Quaeritis? uxori nubere nolo meae*: quod acutius est quam cum Ovid. Met. VIII, 761 *Iphis puella, cui pater, quia pro mare habebat, virginem desponderat, ait: Pronuba quid Juno, quid ad haec, Hymenaeae, venitis Sacra, quibus, qui ducat, abest, ubi nubimus ambae?* dicit: *abest, qui ducat* i. e. *deest vir*: *ubi nubimus ambae* i. e. *nos ambae sumus feminae*: nam ducere est virorum, nubere feminarum. Acute et hoc dictum quidem est, at sensus vulgaris inest, ut magis lusus vocabulorum speciosus sit. Add. Ovid. Met. VII, 604 *mortisque timorem Morte fugant*. Plenus est Ovidius; v. c. Heroid. XIII, 105 *eadem sequerisque fugisque, Tu tibi dux comiti, tu comes ipsa duci*. Sed haec omnia, si proprie intelligerentur, vere sibi repugnant: at alterutra idea, five sit subiectum five praedicatum, seu alia sit idea adjecta, non ita sumitur, ut id, quod esse dicitur, vere sit, sed ut tantum esse videatur: ut itaque, si vere loquimur, sit non nisi lusus vel fallacia vocabulorum. V. e. *dives hic est pauper* dicitur pro *videtur pauper esse* s. *est pauperi similis*: *sapientia hominis stulta* pro *quae homini videtur esse sapientia, non est vera sapientia, sed est stultitia*, vel, si vocabulum per jocum retinere velis, *est sapientia stulta* h. e. nulla. In hoc: *optat, quod habet* est merus lusus vocabulorum, *deest veritas*: *avarus non optat quod habet, sed plus quam habet seu plures divitias, incrementum divitiarum*. Nec igitur hoc ad oxymora subtiliter referri potest. Referunt huc etiam *otium negotiosum*: sed hic in verborum externa forma, non in ideis, reperitur repugnantia. Nam *otium* hic sumitur pro *vacatione a laboribus statis e muneris ratione subeundis*, qui nunquam tales sunt, ut non *alia negotia* quoque suscipere possimus. Cur finitis laboribus

bus statis, hoc est *in otio*, non possumus aliud negotium suscipere? Hoc tum dicatur *otium negotiosum*. Romani senatores certo anni tempore in villas suas excurrebant, quia tum Romae otium erat, h. e. senatus non conveniebat et negotia senatus cessabant. Cur igitur in villis non poterant aliquid agere atque ita *otium negotiosum* habere? At, si *otium* esset *vacatio ab omni labore*, sive muneris ratione sive alia quacunque de causa subeundo, *Müßiggang*, tum plane repugnaret huic *otio* *negotiosum*. Ac forsan primus, qui *otium negotiosum* pro *oxymoro* habuit, *otium* ita intellexit, sc. *Müßiggang*. (Cf. p. 664, 4). — Ceterum oxymora caute usurpanda sunt. Dictum de iis etiam supra est cap. 2 de gravitate sect. 3 n. XXII p. 659 f.

B) Alterum genus est *ambiguitas sententiae* s. *ideae ob vocabulum homonymum*. Sunt scilicet vocabula permulta, quae duplicem (saepe plures) sententiam s. vim habent, *homonyma* dicta, quibus utuntur acute dicturi interdum de industria ita, ut audientes et legentes paulisper incertos relinquunt, utram vim cum illis conjungere debeant: quamquam ingenium sagax celeriter vim veram deprehendit, et omnino contextus debet esse talis, ut consilium dicentis et scribentis intelligatur. Interdum ita ambigue loquens a paucis, iisque prudentioribus, intelligi vult. Exempla dabimus. Cicero, cum dixit de Octaviano, *ornandum et tollendum esse*, in vocabulo *tollendum* ambigue locutus est. Nam *tollere* potest esse tum *ad honores evellere* tum *interficere*. Octavianus dicitur hanc ambiguitatem sensisse et dixisse, se cauturum, ne *tolleretur* h. e. *interficeretur* Suet. Aug. 12. Cicero autem videri volebat vocabulum priori sensu usurpasse. Sic ap. Sueton. Ner. 39

Quis negat, Aeneae magna de stirpe Neronem?

Sustulit hic matrem, sustulit ille parvem

ubi prius est *interfecit*, posterius est *portavit humeris*. Hue pertinet in primis hoc dictum Ciceronis: *Tertia deducta est*. Serviliae cuidam, quam Caesar aequae ac filiam ipsius Tertiam amabat, cura Caesaris praedium quoddam addictum erat parvo. Quod cum multi mirarentur, Cicero: *quo melius emunt sciat, Tertia deducta est*. Sensus inest duplex, 1) *tertia pars pretii deducta adeo i. e. donata Serviliae est*: sic multi intellexere, 2) *Tertia, filia Serviliae, ad Caesarem concubitus causa deducta est*: et hoc significare volebat Cicero. Cf. Suet. Jul. 50. En aliud: Faustus, Sullae filius, cu-

jus soror duos simul amafios habebat, Fulvium, fullonis filium, et Pompejum Maculam, dixit: *miror, sororem meam habere maculam, cum fullonem habeat*. Ciceronis Epistolae, in primis ad Trebatium in libro VII et ad Paetum libr. VIII, refertae sunt talibus argutiis: v. c. VII ep. 13 *Treviros vires cenfeo: audio capitales esse, malletm auro, argento, aere essent*: ubi per *Treviros* et natio quaedam Galliae, in quam Trebatius erat, et *Treviri* s. *Triumviri capitales ac Triumviri auro, argento, aere* intelliguntur. Ad Div. VIII, ep. 18 Paeto, quocum libenter de coenae apparatu etc. jocabatur, scribit: *disce jam προλεγόμενας*: in quo vocabulo et prolegomena eloquentiae et jocose simul prolegomena artis coenandi intelligit. In orationibus Verrinis Cicero vocabulum *Verris* ambigue utitur, ut et praetorem illum et suem intelligat. Nescio, an satis apte et honeste: v. c. *Jus Verrinum* usurpat Verr. I, 46 de jure, quod Verres dixit in praetura urbana, ubi simul respici vult ad *jus suillum*. Verba sunt: *negabant mirandum esse, jus tam nequam esse verrinum*; ac deinde: *cum Sacerdotem, qui verrem tam nequam reliquisset*, quae iterum ambigue dicta. It. *Verrutius* erat nomen fictum, in quo latebat Verris nomen: vid. Cic. Verr. II, 76. Cicero irridendi causa appendicem *utius* vocat *caudam Verris* ibid. c. 78 in. ambigue, respiciens ad suem. Ejusmodi ambiguitates, ad quas homines ingenio abundantes valde propensi sunt, saepissime in frigus abeunt sensuque carent. V. c. quod aliquis (Aristot. Rhet. II, 23) de Draconis legibus dixit: *non hominis istae sunt leges sed draconis* h. e. *serpentis*: quid hoc sibi vult? quid sunt leges serpentis? Sic ap. Plaut. Rud. I, 1, ubi aliquis *aedes illustres* vocat, quas venti perflabant. Haec sunt acute vel potius facete dicta hominum de plebe. Sic Augustus, videns multos a Cassio accusatos *absolvi*, dixit, cum architectus fori nimis diu hoc opus extraheret: *Velim Cassius meum quoque forum accuset, ut tandem absolvatur* h. e. *perficiatur*. Quam parum acute! quam frigide! Quid inest, nisi lusus puerilis in verbo *absolvere*? Nihil sententiae. Nam *absolvere* aliud est de accusatis dictum, aliud de foro. At *acumen* debet in sententia s. idea, non in verbi externa forma, latere. Nam, si *τῶν absolvatur* substituas *perficiatur*, quod omni jure fieri potest, nihil absurdius dici videbis. — Omninoque acumen ambiguitate vocabuli sola nitens nec simul ideam praeclaram et inexpectatam continens semper miserum esse puto. Et innumera acute dicta ap. Cicer. et alios invenies, quae omni sensu carent et tantum lusu verborum constant.

C) *Tertium* genus est *ambiguitas sententiae per vocabuli depravationem* s. *immutationem* h. e. alienam pronuntiationem jocosae quaesitam: v. c. Cato dixerat cuidam: *eamus deambulatam*; et hic ait: *quid opus fuit de?* qua re significare voluit, *ambulatam* jam suffecisse; tum Cato respondit: *Imo vero quid opus fuit te?* Narrat hoc Cicero Orat. II, 63. Paulo acutius est dictum Stilponis ap. Diog. Laert. II, 118. Qui cum vidisset hyeme Cratetem frigore rigidum, dixit ei: ὦ Κράτης, δονεὶς μοι χρεῖαν ἔχειν ἱματίου καὶ ὤ h. e. *videtur tibi opus esse pallio et mente*: sed vocabula καὶ ὤ conjunctim pronuntiabat, tanquam esset καὶ ὤ a καὶ ὤ h. e. *pallio novo*: simile quid attulit ad istum locum Menagius. — Sed notandum, hoc tantum in pronuntiando, non in scribendo, ergo tantum in sermone familiari locum habere posse; nec ejusmodi acute dictis multumtribuendum: sunt enim lusus verborum, quales toto die in ore hominum urbanorum observare licet.

D) *Quartum* genus est, quando ad *alterius verbum aliquod ambiguum respondemus alio sensu quam quo ipse illud protulit*. Sic fecit Catulus ap. Cic. Orat. II, 69. Malus quidam orator, qui in epilogo misericordiam se movisse putabat, cum deinde assedisset, quaesivit e Catulo, videreturne misericordiam movisse: *Ac magnam quidem*, respondit Catulus, *neminem enim puto esse tam durum, cui non oratio tua miseranda visa sit*. Ambiguitas erat in hoc: *misericiordiam movisse*; orator de misericordia in clientem, Catulus de misericordia erga oratorem, loquebatur, sed de industria. Sic, eum post pugnam Pharsalicam esset, qui diceret, nondum animum esse despondendum, quia adhuc septem aquilae restarent, Cicero respondit: *Recte hortareris, si cum graculis nobis bellum esset*. Egregie, cum praesertim intus reprehensio hominis modesta.

E) *Quintum* genus est injecta brevis similitudo, vulgo *allusio* dicta, sive sit apertior sive tectior. V. c. Furius Albinus post fugam Mutinensem interrogatus, *quid ageret Antonius?* respondit: *quod canis in Aegypto, bibit et fugit*. Egregie, quia simul inest falsa et venusta reprehensio brevitate summa simul se commendans. Sic Augustus, cum ei quidam offerret libellum trepidus et manum modo proferret modo retraheret, dixit ei: *putasne te assem elephantum dare?* praecclare pro noli tam timidus esse. Huc pertinet Flor. II, 6 *Capuam Hannibali Cannas fuisse h. e. perniciosissimam*.

It. Cic. Senect. 19 *Neque enim histrioni, ut placeat, peragenda est fabula, modo, in quocunque fuerit actu, probetur; neque sapienti usque ad Plaudite vivendum. Huc pertinent multa ex antiquitatibus vulgo ducta, v. c. Andabatarum more pugnare, fasces submittere, pro cedere alicui vel revereri aliquem; it., si quem perperam de re judicantem vocamus censorem vitio creatum etc. — In his tamen usurpandis magna cautio est, quia multa ex antiquitatibus sumpta non ab omnibus intelliguntur ac temporibus nostris plerumque non conveniunt, ut alibi monuimus, nisi forte in jocando iis uti velis. Pertinet huc, quando de hominē, qui, quod non efficere poterat, id se noluisse simulat, dicimus: *Est instar vulpis ap. Phaedrum, dicentis: nolo acerbam sumere vel brevius: Est instar vulpis nolentis acerbam sumere.* Ad tectam egregiamque similitudinem refero etiam dictum Socratis supra memoratum: qui, cum ab adolescente petulante percussus esset colapho, dixit: *video mihi in posterum cum galea incedendum esse, h. e. tu es cavendus, ut bellua, ut bos, vel alia bestia.**

F) *Sextum* genus est *Ironia*, quando aliquid ei, quod cogito, contrarium dico, ita tamen, ut e certis signis vel e contextu mens mea appareat. V. c. quando *sapientem* voco *stultum* vel *stultum* dico esse *sapientem*. Sic laudare pro vituperare et contra: v. c. quando aliquis praeclara carmina vituperat, et ego dico: *valde laudavit.* Sic nostri per jocum alicui, qui valde laudatus est, dicunt: *Sie sind sehr getadelt, gescholten, worden etc.* Pertinet huc locus Ovid. Heroid. XIII, 120 *Quid fiat fonti, cum rea laudis agar?* hic rea laudis acute dictum est et oxymorum. De *Ironia* supra P. II c. 2 sect. 3 n. XXIII it. P. I c. 2 sect. 15 dictum est.

G) *Septimum* genus, cum praecedente cohaerens, est ironica deminutio criminis alicujus vel alius rei ingratae per speciem tantum facta: possit et vocari *testa reprehensio*. V. c. Africanus (ap. Cic. Orat. II, 67) tribu movebat centurionem, quia Pauli pugnae non interfuerat. Is cum se custodiae causa in castris remansisse diceret, quaereretque, cur ab illo notaretur, Africanus respondit: *Non amo nimium diligentes h. e. timidos.* Huc pertinet illud e Cic. Or. II, 69: Siculus ille, cui praetor Scipio patronum causae dabat, hospitem suum, hominem nobilem, sed admodum stultum: *quaeso, inquit, Praetor, adversario meo da istum patronum, deinde mihi neminem dederis (i. e. dare debes) pro Apage istum patronum, qui nil prodest, imo obest, qui causam non agere sed corrumpere potest.*

Haftenus de acute dictis: sunt enim innumera; cf. Cic. Orat. II, 54—71. Non vero ista posuimus, ut iis cupide uterentur tirones: discenda et legenda sunt, ut, quam variis modis ingenia se aperire soleant, discamus, ac, si forte in mentem veniant apteque hoc fieri possit, interdum adhibenda vel similia ad eorum imitationem effingenda. Teneamus, acute scribere et dicere esse rem lubricam, et, ut quisque acutissimus videri cupiat, ita plerumque stultissimum videri. Teneamus etiam ea acute dicta, quae ambiguitate aliqua vocabulorum cernantur, non nimis magni aestimanda: sunt celeres motus ingenii, qui, more scintillae, celeriter oriuntur, celeriter moriuntur h. e. oblivioni traduntur, et delectationi ad breve tempus profunt. Nulla vera utilitas inde expectari potest. Hinc forsan excusabimur, quod non plura ejusmodi genera attulimus. Pluris facienda sunt ea acute dicta, quibus sententia aliqua praeclarior et fortior redditur. Haec vere delectant, haec vera sunt animorum pabula. Animi enim humani pascuntur ideis, non verbis.

XXI) *Repetitione ejusdem vocabuli eodem sensu in diversis sed arte conjunctis enuntiationibus.* Fit hoc tantum in sententiis ac proverbiiis, quia hic simplicitas regnat, et ubi quaedam est oppositio.

V. c. hoc Laberii ap. Macrobi. Sat. II, 7 *necesse est multos timeat, quem multi timent.* Injucundius foret *quem multi metuunt*: variatio hic videatur res artificii atque ita quaesita. Sic illud Publii Syri: *Cui plus licet quam par est, plus vult quam licet.* It. illud: *plus dat, qui cito dat*; dicas: *plus largitur, qui cito dat*; vel *plus dat, qui cito largitur* vel *tribuit*; et venustas simplex perit. Sic cui multa credita sunt, ab eo multa postulantur; recte: perperam dixeris ab eo non pauca etc. ob eandem causam. Sic Quintil. X, 7 *ut, cum multa scripserimus, etiam multa dicamus.* Cic. Phil. II, 4 *Quid est aliud, tollere e vita vitae societatem, quam tollere amicorum colloquia absentium?* Pertinet hoc simul ad gravitatem dicendi, ut supra P. II c. 2 sect. 3 n. XII et XXX dictum est: et ea sunt optime dicta, quae simul suavitati et gravitati profunt. Sic Offic. II, 22 *Quam autem habet aequitatem, ut agrum multis annis aut etiam saeculis ante possessum, qui nullum habuit, habeat, qui autem habuit, amittat?* Ovid. Met. I, 519 Apollo ait de sua et Cupidinis sagitta: *Certa quidem nostra est: nos-*
tra

era tamen una (i. e. tua, qua vulneratus sum) sagitta certior, in vacuo quae vulnera pectore fecit. Recte certa, certior. Ibid. v. 523 Nec profunt domino (i. e. mihi), quae profunt omnibus, artes. Sic suavius dicitur: Tu pater es, quomodo patris animum exuere potes, quam quomodo genitoris animum etc. Hoc stultum et affectatum foret.

XXII) Repetitione ejusdem vocabuli sed diverso sensu: vocatur vulgo antanaclassis vel dilogia.

Est duplex: 1) ea, quae mera ambiguitate nititur, nec sententiam fortiorem suavioremque reddit, sed merus lusus verbi est, v. c. Cic. ad Attic. XIII ep. 14 Quid ergo? ista culpa Brutorum? minime illorum quidem, sed aliorum brutorum, qui se cautos ac sapientes putant. Est merus jocus, isque valde frigidus: nulla inest similitudo nisi literarum. — Sic Verr. Act. I, 9 ludit vocabulo praerogativae; dicit: Dedit enim praerogativam (i. e. indicium) suae voluntatis ejusmodi, ut isti pro praerogativis (i. e. prima tribu) eam reddidisse videatur. Est jocus inanis. Argumenta e similitudine vocabuli ducta sunt misera et inanes lusus. Ac sic saepe Cicero. 2) melior est ista repetitio, si priori loco nomen rei vel res simpliciter, posteriori vera rei ratio, natura ac vis indicatur. Et haec sola digna erat, quae in libris rhetoricis memoraretur: v. c. studiosi literarum saepe non sunt earum studiosi; inest acumen pro qui studiosi literarum vocantur, saepe non sunt earum studiosi. Est oxymoron. Sic non omnes Christiani sunt Christiani pro non omnes, qui Christiani vocantur, sunt vere Christiani. Sic Romani non amplius Romani sunt i. e. fortitudinem amiserunt: Αξιοι & Αξιοι. Sic vivamus dum vivimus i. e. vivamus vere s. vita fruamur etc. Pertinet haec repetitio simul ad gravitatem et suavitatem: hinc vere suavis est. Vera enim suavitas animum afficit: si suavitas non in animum penetrat, sed in vocabulorum literis haeret, non est suavitas vera, sed ficta, imo puerilis.

XXIII) Repetitione ejusdem fere vocabuli, sed una vel paucissimis literis immutati cum sensu contrario, vel apertius: Conjunctione duorum vocabulorum sibi fere similia et tantum una vel paucissimis literis dissimilia, sed cum sensu contrario, saltem diverso.

V. c. Terent. Andr. I, 3, 13 *Nam inceptio est amentium, non amantium.* Sic amare interdum amarum est. Sic Cicero in Philippicis: *ex oratore arator factus est.* Sic video me a te non conveniri sed circumveniri. Sic in Verrinis: *Sicilia te non praetorem sed praedonem habuit.* Vocatur haec ratio dicendi *paronomasia*. Sed in ea debet esse oppositio quaedam studiose quaesita: atque ita tota res ad gravitatem pertinet. Graviter dictum est: *inceptio est amenium, non amantium.* — Si cui itaque vocabulum aliquod excidit, quod similitudinem habeat cum proximo vocabulo, non huc trahendum est: v. c. Cic. ad Div. V ep. 12 §. 23 de Agesilao, *qui neque pictam neque fictam imaginem suam passus est esse.* Nam quomodo aliter dicere voluit ac *pictam, fictam*? Sic paulo ante §. 22 dixerat: *Neque enim Alexander ille gratiae causa ab Apelle potissimum pingi et a Lysippo fingi volebat* etc. Hic est iterum *pingi et fingi*. An Cicero haec duo vocabula tantum propter similitudinem quandam, atque ita ob lusum verborum posuit? Nonne potius ita locutus est, quia aliter non potuit loqui? — Sic Nep. Attic. 17 dixit: *Philosophorum ita percepta habuit praecepta* etc. Quaeritur, an Nepos de industria *percepta* et *praecepta* opponere voluerit et tanquam *opposita* posuerit. Vix credo; nil oppositionis inest; sensus enim est: *Atticum percepisse praecepta philosophorum.* — Sic Vellej. II, 5 in. *urbiumque potitus numero, aditis, quae vix audita, Galaei cognomen meruit.* Hic quaeritur, an verba *aditis* et *audita* Vellejus de industria conjunxerit. Videtur casu illa conjunctio excidisse, si tamen de industria conjunxit, quod fieri potuit, quia neminis voluntatem certo scire possumus, de Velleji judicio non bene equidem existimem, quod similitudine vocabulorum ludere voluerit. Nam, si omnem ejusmodi similitudinem, quae inter literas duorum vocabulorum intercedit, pro *paronomasia*, figura illa rhetorica, habere volumus, debemus etiam haec eo referre: *vi victus, medicorum est mederi morbis, jure ille jurare noluit; cur curas? cur curris? nolens volens* et sexcenta alia. Non alia exempla eo referenda censuerim, quam quae Terentiano: *inceptio est amentium, non amantium*, similia sunt. Nam omnis repetitio vocabuli, nisi gravitate et excellentia ideae compensatur, est ingrata.

XXIII) *Repetitione eorundem vocabulorum, sed inverso ordine.* Vocatur *epanodos* vulgo; ut illud: *quod sequitur fugio, quod fugit, ipse sequor.*

Cic. Brut. 39 *ut eloquentium juris peritissimus Crassus, juris peritorum eloquentissimus Scaevola putaretur: et cap. 40 consultorum alterum disertissimum, disertorum alterum consultissimum fuisse.* — Planc. 28 *Gratiam autem et, qui refert, habet, et, qui habet, in eo ipso, quod habet, refert:* quae repetiit Cicero Offic. II, 20 ac fere iisdem verbis Quir. p. red. 9. — Vellej. II, 117 de Vari avaritia: *quam (Syriam) pauper divitem ingressus, dives pauperem reliquit.* Plin. Paneg. 17 *ut — non ideo vicisse videaris, ut triumphares, sed triumphare, quia viceris.* — Haec repetitio et conversio vocabulorum atque ita idearum in oppositione maxime locum habet et placet propter recte injectam comparisonem, et tali modo sententiam fortiter reddit. Quod si non fit, merus lusus verborum est, v. c. illud Lucilii ap. Gell. XVI, 9 extr. *Verum hic ludus ibi susque omnia deque fuerunt. Susque et deque fuisse, inquam, omnia ludus jocusque.* Possunt et tales verborum inversiones multis placere: sed loquimur hic de prudentioribus, quibus vix placeant, nisi forsan in jocando: hic enim nihil non licet. — Interdum etiam non tam vocabula, quam sententia invertitur, quod aequae suave est, si quidem inest non modo veritas sed in primis vera consecutio unius sententiae ex altera, v. c. Quint. X, 7 med. *et qui stultis eruditi videri volunt, stulti eruditis videntur.* Vere et egregie: poterat, si voluisset, verba ipsa invertere: *qui stultis eruditi videri volunt, eruditis stulti videntur.*

XXV) *Conjunctione contrariorum s. antithetorum:* quae, quo arctius conjuncta sunt, eo magis placent. — Pertinet ea res et ad perspicuitatem et ad gravitatem et ad suavitatem dicendi, atque ita ad universam eloquentiam. Ad perspicuitatem, quia rei rationem per oppositionem alius rei magis perspicimus: ad gravitatem, quia sic rei magnitudinem et gravitatem melius sentimus et magis movemur: ad suavitatem, quia nulla re magis natura delectamur quam varietate rerum, in primis conjunctione disjunctorum, v. c. colorum, de quibus consuli possunt feminae elegantiores: et vel *umbra* et *lumen* in arte pictoria id docet. — Sed et hic videndum, ut magis idearum quam vocabulorum rationem habeamus h. e. ut veritatem, magistram et fontem pulchritudinis, sequamur. Hac conjunctione contrario-

trariorum Ovidius et excelluit et vero etiam centies peccavit. Nam, ut quisque est ingeniosissimus, ita maxime frequentationem antithetorum appetit: sed, quo quis magis ea appetit, eo magis in periculo est, ne labatur. *Antitheta* sunt Sirenes, quas dum sequimur, a vera via facile aberramus: sunt fructus nimis dulces, quibus, cum vesci homo coepit, non satiari potest. Hinc magna cautione et iudicio opus est. — Quod si scriptor vel orator rem rei vere oppositam habet, v. c. *virtutem vitio, divitias paupertati* etc., nulla difficultas est: tum enim utraque facile, tanquam umbra et lumen, coniungi potest. Et sic Cicero Catil. II, 11 in comparanda causa Romanorum cum causa Catilinae dicere poterat: *Ex hac enim parte pudor pugnatur, illinc petulantia: hinc pudicitia, illinc stuprum: hinc fides, illinc fraudatio: hinc pietas, illinc scelus* etc. Et Mil. 4 de illo moderamine inculpatae tutelae, ut dicitur: *Est igitur haec non scripta sed nata lex, quam non didicimus, accepimus, legimus, verum ex natura ipsa arripuimus, hausimus, expressimus, ad quam non docti, sed facti, non instituti, sed imbuti sumus.* Talia antitheta ita placent, ut saepe obliviscamur indagare, an singulis verbis suae sint ideae, annon aliquid inane adsit: v. c. *quid est, non docti sed facti: nonne facti est pro nati?* etc. — Verum, si scriptor vel orator contrarias ideas ipse fingere cogitur, si quidem ejusmodi antithetis vult uti, major est difficultas: et hic interdum fit, ut verba verbis, non ideae ideis, opponantur, quod est verba s. fumum vendere. Fit hoc, quando oppositio in eadem re, in eodem homine, quaeritur, ut homo sibi ipse opponatur vel potius sibi opponi videatur. Plenus est Ovidius.

V. c. Met. VII, 339 *His, ut quaeque pia est (filiarum), hortatibus impia prima est, Et, ne sit scelerata, facit scelus.* Videntur haec sibi repugnare, sed non repugnant, nisi verborum externa forma. Filiae istae patrem senem interficiunt, quia Medea promiserat, illi se vitam et juventutem reddituram esse,

esse. *His igitur hortatibus Medae, ut quaeque pia est, i. e. patrem valde amat, ita prima est quoque impia h. e. patrem interficere festinat; et facit scelus h. e. interficit patrem, ne sit scelerata h. e. ut pietatem declararet, seu ne omittenda re, qua pietas declarari poterat, scelus committere videatur. Sic nulla repugnantia: sic vero omnis pulchritudo perit. Sed delectant nos talia, etiam si interdum a veritate sint aliena, et tantum specie se commendent, quia homines sumus. — Sic Metam. VIII, 878 de Erisichthone inter alia acute dicta: Ipse suos artus lacero divellere morsu coepit, et infelix minuendo corpus alebat. Acute minuendo corpus alebat ac simul vere. Legenda sunt talia multa, sed deinde vera sententia eruenda est, ut videamus, sitne tantum vestitus pulcher, an idea praeclara. Sed idea non potest esse praeclara, nisi antea sit vera.*

XXVI) *Periodo.* — *Periodus* est proprie *circuitus* scil. sententiae majoris s. primariae, quae, injecta aliqua sententia secundaria h. e. illius explicationem, causam, conditionem etc. continente vel etiam pluribus ejusmodi sententiis, ita dissecta est, ut, qui ejus singulas partes, ordinem constructionis sequens, colligere cupit, non nisi per circuitum quendam s. ambages id facere et ad illas pervenire possit. — Deinde *periodus* per abusum a nonnullis dicitur tota illa sententia primaria una cum omnibus enuntiationibus secundariis illam dissecantibus. — De natura periodi et structura supra in capite peculiari late dictum est P. I cap. 5. Iam haec periodi structura etsi perspicuitatem, quia tali modo ideae et enuntiationes prius cogitatae priorem locum occupant, et gravitatem dicendi, quia sic ideae non modo ita arctius comprimuntur sed etiam graviores priorem locum facilius obtinent, non parum adjuvat: tamen ad suavitatem dicendi in primis pertinet. Nam, cum ideae inter se cohaerentes per injectas alias s. enuntiationes sejungantur, lectoris, ut et auditoris, animus cupide atque, quid secuturum sit, expectans exhilaratur ad finem totius sententiae veniens, sensumque perfectum nunc videns ac saepe aliquid hic inveniens, quod non expectaverat. Docet hoc non modo experientia, sed et

et ipsa natura animi humani confirmare potest. Longe suavius est rei exitum post aliquem ambitum s. ambages quasdam quam statim cognoscere. Placet nobis, si animus noster paulisper incertus suspensusque est de exitu, et inexpectato exitu magis delectatur quam diu praeviso. Omnes narrationes, si bonae esse debent, ita institui solent. Hinc in comoediis et tragoediis, quae vitae humanae consuetudinem sequi solent, itemque in carminibus epicis, hoc artificium notissimum est, ut exitus rei praeter spem auditorum et lectorum evenire debeat: quam in rem inseruntur ea, quae rem ipsam, cujus exitum expectamus, difficilem reddere atque adeo impedire videantur: id quod spectatores et auditores eo cupidiores reddit. Similiter fere, si parva cum magnis contendere quodam modo licet, se res habet cum periodo. Ambitus ille s. circuitus, quem enuntiatio vel una vel plures insertae efficiunt, est fere instar *nodi* illius retardantis exitum rei in dramatibus. Periculum faciat, qui velit, in periodo dissolvenda; et languidiorem, saepe quidem, orationem reperiet. Sed omne languidum est injucundum.

Nonne, quaeso, suavius est v. c. *quomodo deum, qui nobis inde ab incunabulis tot beneficia tribuit, odisse sustineamus?* quam *quomodo deum odisse sustineamus, qui nobis inde ab incunabulis tot beneficia tribuit?* Et hoc exemplum est paulo vulgarius: in aliis iisque majoribus magis id perspicitur. — Cic. Arch. 6 *Quare quis tandem me reprehendat aut quis mihi jure succenseat, si, quantum ceteris ad suas res obeundas, quantum ad festos dies ludorum celebrandos, quantum ad alias voluptates et ad ipsam requiem animi et corporis conceditur temporum, quantum alii tribuunt tempestivis conviviis, quantum denique aleae, quantum pilae, tantum mihi egomet ad haec studia recolenda sumfero?* Nonne hoc suavius est, quam si dixisset: *Quare quis tandem me reprehendat aut quis mihi jure succenseat, si tantum temporum mihi egomet ad haec studia recolenda sumfero, quantum ceteris ad suas — pilae?* — Ibid. cap. 12 in. *An vero tam parvi animi videamur esse omnes, qui in republica atque in his vitae periculis laboribusque versamur, ut, cum usque ad extremum spa-*

zium nullum tranquillum atque otiosum spiritum duxerimus, nobiscum simul moritura omnia arbitremur? Dicas pro eo: An vero tam parvi animi videamur esse omnes, qui in republica atque in his vitae periculis laboribusque versamur, ut nobiscum simul moritura omnia arbitremur, cum usque ad extremum spatium — duxerimus? Et sentias illam sententiam ut nobiscum simul moritura omnia arbitremur nunc languidiorem factam, et cum ea simul totam istam verborum compagem. — Sic et in aliis minoribus, v. c. Cic. Senect. 22 in., ubi Cyrus ita loquens inducitur: *Nolite arbitrari, o mihi carissimi filii, me, cum a vobis discessero, nusquam aut nullum fore: nec enim, dum eram vobiscum, animum meum videbatis, sed eum esse in hoc corpore ex iis rebus, quas gerebam, videbatis.* Nonne hoc suavius est quam: *Nolite arbitrari, o mihi carissimi filii, me nusquam aut nullum fore, cum a vobis discessero: nec enim animum meum videbatis, dum eram vobiscum, sed eum esse in hoc corpore ex iis rebus videbatis, quas gerebam?* — Tali modo si quis per totam orationem aliquam vel librum diceret vel scriberet, nonne auditor lectorve taedio caperetur, imo ad somnum invitaretur? Sed simul notandum est, quod supra P. II c. I sect. 23 n. XVIII jam monuimus, periodos nec ubique nec nimis longas esse ponendas: nimia enim suavitas fit taedio: et nimia longitudo defatigat mentem audientis et legentis.

Ceterum miror artificium periodicae orationis in vernacula lingua tam raro usurpati, ut potius plerique per membra, quod ajunt, scribere gaudeant. Ac, si qui periodice scribunt, fit hoc plerumque casu, non de industria, quemadmodum Herodoto interdum periodus aliqua praeter ejus voluntatem excidit. Causa illius rei videtur esse haec, quia vulgo credunt, quidquid intra bina signa distinctionis maximae, quae *Puncta* vulgo dicuntur, inclusum sit, id esse periodum. Hinc nemo est, qui non periodice scribere sibi videatur.

XXVII) *Numero oratorio* vel potius *numeris oratoriis* h. e. partibus sententiae majoris sibi aequalibus; unde patet, *numeros* rectius quam *numerus* dici. Sententia his numeris ornata vocatur *sententia numerosa* vel etiam *oratio numerosa*, itemque *concinntas membrorum*. — Cernuntur *numeri oratorii* in aequalitate s. proportionē

portione earum enuntiationum, quae ad se invicem referuntur et idearum ratione cohaerent, in primis contrariarum, ut, si unum membrum uno, duobus, tribus etc. vocabulis constet, alterum totidem vocabula habeat, et vocabula sibi respondentia sint ejusdem generis, h. e. vel *ablativi* vel *genitivi* vel *participia* etc.

V. c. *non audiui, sed vidi: hinc pudicitia, illinc stuprum: Est haec non scripta sed nata lex* etc., ubi vocabula *singula singulis* opponuntur, *audiui* et *vidi*, *pudicitia* et *stuprum*, *scripta* et *nata*. — Sic *bina binis*: v. c. *specie honestus, re improbus*; ubi *specie* et *re*, *honestus* et *improbus*, sibi opponuntur. Sic Cic. Rosc. Am. 26 *Etenim quid est tam commune quam spiritus vivis, terra mortuis, mare fluctuantibus, litus ejectis?* ubi *spiritus, terra, mare, litus* ac deinde *vivis, mortuis, fluctuantibus, ejectis* sibi pari modo respondent, Quod si pro *fluctuantibus* ponas *iis, qui fluctibus agitantur*. vel pro *ejectis* dicas *iis, qui tandem ejecti sunt*, statim sentias aliquid injucunditatis. — Sic *terna ternis*, v. c. *armorum vi oppressus et clementiae beneficio recreatus*: ubi *armorum* et *clementiae, vi* et *beneficio, oppressus* et *recreatus* sibi respondent. Sic Cic. Orat. I, 9 *Quis enim tibi hoc concesserit, aut initio genus hominum, in montibus ac sylvis dissipatum, non prudentium consiliis compulsum potius quam disertorum oratione delinitum se oppidis moenibusque sepsisse?* Quam suaviter sibi hic respondent *prudentium consiliis compulsum* et *disertorum oratione delinitum*! Mutes aliquid et dicas v. c. *per prudentes pro prudentium consiliis* vel *per disertos pro disertorum oratione* vel omittas *compulsam* aut *delinitam*: et facile sentias aliquid deesse, et sentias simul aliquid injucunditatis. Res est manifesta: et suavem esse istam membrorum aequalitatem per se patet. Omnis enim aequalitas partium, omnis proportio placet et pulchra habetur, ut in aedificiis, ita in sonis, verbis etc. — Ad *numerum* referunt quoque vulgo, quod membrum sententiae extremum, nisi aequale, saltem paulo longius esse debet. Sed hoc magis ad perspicuitatem et gravitatem retulerim. — Referunt illic quoque, quod ultimum vocabulum productius esse et paenultimam syllabam longam habere debet. Sed et hoc magis ad perspicuitatem et gravitatem quam ad suavitatem referendum puto, nisi forte haecenus ad hanc referendum censeas, quia perspicuitas et gravitas ipsa suavis est. Sed de tali suavitate hic non loquimur.

Ceterum de numeris ipsis eorumque natura supra in peccari capite dictum est P. I cap. 6, ubi simul monuimus, non nimis affectandos sed in iis semper idearum rationem habendam esse.

XXVIII) *Vitanda inani vocabuli ejusdem, multo magis plurium, repetitione, praesertim crebra.*

Repetitio vocabuli inanis est, quae fit sine majori perspicuitate et gravitate: v. c. *homo, qui alios amare non potest, aliorum amorem expectare non potest*, injucundum est ob inanem repetitionem verbi potest; suavius erit: *qui alios amare nequit, aliorum amorem expectare non potest vel qui alios amare non potest, aliorum amorem expectare nequit*; nisi alia variatione uti malis. — At repetitio, si gravis est, placet. V. c. Ovid. Met. I, 523 *nec profunt domino, quae profunt omnibus, artes*: est enim oppositio. Sic pater es: *quomodo patris animum exuere potes?* rectius hic *patris* quam *genitoris*. Sed, ut ista repetitio inanis displicet, ita magis displicet, si crebra est; v. c. si quis dicat: *Non fratri tuo liber placere potest, quia non intelligere eum potest, ac ne satis quidem legere potest*. — Excusanda tamen ista repetitio inanis est, si aliud vocabulum non exstat, v. c. *dicere dictatorem, epistolam reddere, epistolam scribere, legere; bibere, stare etc.*, ubi variatio difficillima est et plerumque affectati quid continet. V. c. Cic. τὸ est crebro repetiit Verr. III, 42 *Quid? ubi est? praesto est: testis est. Proagori Sopatri jussu. Quis est hic? qui ad statuam adstrictus est. Quid? ubi est? testis est*. Sed quid, quaesio, vocabuli τὸ est substituere debuit ac potuit? ut taceam istam repetitionem ad gravitatem dicendi referri posse. — Excusatur etiam ista repetitio, si vocabulum non statim repetitur sed interjectis pluribus verbis, praesertim in materia tenui ac vulgari: v. c. *Non potest ille liber fratri tuo placere, quia sententias, quae illo continentur, intelligere non potest*: melius quidem foret *nequit*, at tamen tolerabile sit quoque *non potest*.

Ceterum, ipsos priscos in ista repetitione inani negligentes fuisse et peccasse, innumeris eorum locis ostendi posset, v. c. Cic. Orat. 13 *Me autem, qui Isocratem non diligunt, una cum Socrate et cum Platone errare patiantur: ubi posterius cum abesse poterat*. — Ibid. cap. 59 in. *Solet autem quaeri, totone in ambitu verborum numeri tenendi sint, an in primis partibus atque in extremis: ubi in ter repetitur; postremum saltem abesse poterat, salva sententia*. — Et statim: *Est autem, ut id deceat, non id solum. Ponendus enim*

enim ambitus etc., ubi pro posteriori id dicere debebat hoc. Est igitur negligentia. — Nec longe post: *Id autem bona disciplina exercitatis, qui et multa scripserint et, quaecunque etiam sine scripto dicerent, similia scriptorum effecerint, non erit difficillimum*: ubi est scripserint, scripto, scriptorum. At vix aliter dicere poterat. — Ad Div. V ep. 12 §. 14, 15, 16 ter usurpavit enim: *Nihil est enim* etc. *Habet enim* etc. *Quem enim nostrum* etc. — Ibid. §. 21, 22, 23, 24 ter neque et quater enim legitur: *Neque enim tu is es, qui, quid sis, nescias* etc. *Neque autem ego sum ita demens* etc. *Neque enim Alexander ille gratiae causa ab Apelle* etc. *Nec minus enim est Spartiatus Agefilaus ille perhibendus* etc. *Unus enim Xenophontis libellus* etc. Est negligentia: poterat nam quoque ponere. — Ad Div. VI ep. I quatuor priores periodi per *etsi* incipiunt: a) *Etsi ea perturbatio est omnium rerum* etc. b) *Nam etsi, quocunque in loco quisquis est* etc. c) *Quare etsi multarum rerum* etc. d) *Etsi enim cum magna* etc. Ciceronem vitium negligentiae hic commisisse nemo sanus neget: poterat enim *quamquam, licet* etc., quoque dicere. Oblitus ergo sui est paululum. Et injucundum est hanc crebram repetitionem legere. Sed quis non interdum peccet? — Ad Div. XI ep. 16 in. *Permagni interest, quo tibi haec tempore epistola reddita sit: utrum cum sollicitudinis aliquid haberes, an cum ab omni molestia vacuus esses. Itaque ei praecepi, quem ad te misi, ut tempus observaret epistolae tibi reddendae. Nam, quemadmodum coram, qui ad nos intempestive adeunt, molesti saepe sunt, sic epistolae offendunt non loco redditae: ubi reddita, reddendae, redditae. Sed non aliud aptum verbum habuit. Hinc excusandus. — Sic Liv. I, 3 *Is sepultus in eo colle, qui nunc est pars Romanae urbis, cognomen colli fecit: hic est colle, colli*. Gronovio patri haec repetitio non placet; malitque ipse colle omissum esse. At primum, si omnes scriptores accurate ubique loqui debent, et nil redundantiae concedatur, quid non corrigendum sit? Sic enim et Livius I, 53 perperam dixisset in his verbis: *concepit animo eam amplitudinem Iovis templi, quae digna deum hominumque rege, quae romano imperio, quae ipse etiam loci maiestate esset. Captivam pecuniam in aedificationem ejus templi seposuit*. Hic etiam non opus fuisset templi repetere. Deinde in priore Livii loco *in eo colle*, quod Gronovius abesse cupit, salva perspicuitate abesse non potest. An credibile est Livium, scriptorem tam accuratum et apertum, ponere *in eo*, sine substantivo, et velle, ut lectores e vocabulo *colle*, quod post septem demum vocabula sequitur,*

tur, colli ad *τὰ* in eo trahant? Et in altero loco repetitio *templi* perspicuitati consentanea erat. Aliud frigidus Criticus cogitat, aliud scriptor, fervido et occupato materia apte conjungenda ingenio scribens. Add. Liv. I, 41 *Interim Servio Tullio jubere populum dicto audientem esse. Eum jura redditurum, obiturumque alia regis munia esse.* Ingrata est haec repetitio verbi *esse*, et omitti poterat: plura exempla hujus repetitionis habet ibi Gronovius. — Sic et Caesar, isque in primis: v. c. B. Gall. I, 6 extr. *Omnibus rebus ad profectionem comparatis diem dicunt, qua die ad ripam Rhodani omnes convenient. Is dies erat a. d. V Kal. Apr.* etc. Hic vocabulum *diei* crebro repetitur. Ibid. cap. 49 *ultra eum locum, quo in loco Germani confederant, circiter passus quingentos ab his, castris idoneum locum delegit, acieque triplici instructa ad eum locum venit.* Haec repetitio vocabuli *loci* tam crebra est inanis et ingrata: poterat Caesar dicere: *ultra eum locum, in quo Germani confederant, circiter passus quingentos ab his, castris idoneum locum delegit, acieque triplici instructa ad eum venit.* Sic bis omisisset. Sed celeritate scribendi abreptus non attendit ad ea, quae supervacanea essent. Sic B. G. V, 50 *Caesar consulto equites cedere seque in castra recipere jubet; simul, ex omnibus partibus castra altiore vallo muniri, portasque obstrui, atque in his administrandis rebus quam maxime concurrari et cum simulatione timoris agi jubet:* ubi jubet repetitur, quae tamen repetitio post tot interjecta verba tolerari potest. — Caesar omnino, ut vere est scriptor elegantissimus, h. e. optima quaeque verba ad ideas exprimendas eligit, resque quam diligentissime ac brevissime describit, sic in verborum repetitione valde negligens fuit; quae negligentia non nisi ex ipsius cupiditate res celerrime literis mandandi orta est. Haecenus ei ignosci debet. Negligentiae hujus specimen insigne dedit Bell. Gall. I, 3 *Ad eas res conficiendas biennium sibi satis esse duxerunt, in tertium annum profectionem lege confirmant. Ad eas res conficiendas Orgetorix deligitur* etc. Hic quatuor adeo verba *Ad eas res conficiendas* parvo spatio interjecto repetuntur. Sed, qui Caesaris celeritatem scribendi cogitat, quae non singula accurate perpendit, ei nec illud mirum videbitur. Quidquid igitur est, repetitiones istas indicare negligentiam haud dubium est: sed negligentiam non suavem esse posse aequè manifestum est. Nostrum igitur, qui non sumus Caesares, est illam cavere. — Sed Cel. Ernesti ejusmodi repetitiones vocabulorum inanes ad gratiam negligentiam refert, in prolusione quadam

de illa scripta, ut adeo non tam vituperandae quam laudandae videantur. — Sed, ut pauca hac de re dicamus, primum omnis negligentia scribentis et dicentis indicat contemptum lectorum et auditorum, atque ita quandam arrogantiam. Deinde *simplicitas*, quae est orationis quaedam virtus certissima, h. e. *fuga omnis artificii*, non confundenda est cum illa sic dicta grata negligentia. Verum quidem est, placere scriptorem et oratorem, qui magis ad res, quas tractat, quam ad verborum curam respiciat: sed in verbis debet tamen quoque esse quaedam diligentia, sed non apparens, sed talis, ut verbum quodlibet se sponte obtulisse videatur. Et haec est illa *simplicitas*, *simplex venustas*. At haec *simplicitas*, haec *simplex venustas*, maiorem saepe curam ac diligentiam postulat, quam omne *artificium* apparens. Latet autem vere in ista simplicitate artificium quoddam et majus, at *tectum*: *ars tegitur arte*, ut sic loquar. Matrona simplicitate ornatus gaudens non abjicit diligentiam: imo haec adest, sed tecte. Ac profecto vellem, Cicero nunquam vocabulo *gratae* seu *non ingratae negligentiae* usus esset: sic enim nemo cultorum ejus et ad hunc et ad alios scriptores, qui interdum vere, non jucunde, negligentes fuere, defendendos istud vocabulum usurparet. Cf. Cic. Orat. 23 prope fin., ubi etiam de ista negligentia ait: — *non negligenter tractanda sunt: sed quaedam etiam negligentia est diligens* etc. Ergo Cicero nobiscum facit. — Tum Cel. Ernesti inter exempla gratae negligentiae, quam commendat, non modo repetitiones inanes sed etiam necessarias gravesque numerat. Exempla ejus sunt 1) Hom. Odyss. T. 204 fl., ubi quinque versibus quinquies *τήκεσθαι* et *κατατήκεσθαι* i. e. *liquefcere* occurrit. At ipse Ernesti concedit, hoc omnium aptissimum fuisse. Narratur ibi, *Ulysssem, hominis incogniti et mendici persona indutum, ad Penelopen venisse et narrasse, se vidisse et cognovisse Ulysssem: his verbis auditis e Penelopes oculis lacrymas fluxisse, et ipsius corpus liquefactum esse, quemadmodum nix soleat liquefcere in altis montibus, quando eam Euris liquefaciat et Zephyrus defundat s. dejiciat*. Egregia descriptio et similitudo! Decebat utique in comparando Penelopes animo commoto cum nive liquefcente vocabulum *liquefcendi* retinere, ut similitudo magis appareret et vim suam in animis lectorum exferret. Magnam artem in conservatione hujus verbi agnosco. Si quis tamen simplicitatem naturae magis hic agnoscat, ei non repugnabo. Ars enim tum demum magna est, cum imitatur exprimitque naturam. At negligentiam, licet grata-

tam, tamen non appellaverim. — 2) alter locus est Cic. ad Div. XI ep. 16 in., quem supra jam attuli. Ibi in tribus sententiis plenis et per se absolutis ter occurrit vocabulum *reddendi* de epistola: primum *reddita*, deinde *reddendae*, tandem *redditae*. At primum est verbum proprium in ista re; deinde aliquot versus intercedunt inter singulas repetitiones, ut talis repetitio, praesertim in epistola et in re vulgari, valde excusanda sit. An vero aliquam *gratiam* habeat, dubito. Si Cicero aliud vocabulum habuisset, haud dubie posuisset. — 3) tertius locus est Cic. Mil. II *Insidias factas esse constat: et id est, quod senatus contra rempublicam factum judicavit. Ab utro factae sint, incertum est: de hoc igitur latum est ut quaereretur*. Hic repetitur *factas, factum, factae*. At haec repetitio gravitati servit, nec est inanis. Senatus decreverat, caedem Clodii contra rempublicam factam esse. Cicero callidus istud decretum hic ita explicat, tanquam non ipsa caedes sed insidiae factae sint contra rempublicam, ut, si insidiae Clodio tribui possint, Milo liberetur. Thesis igitur Ciceronis demonstranda nunc fit haec: *ab utro factae sint insidiae?* Vocabulum *factae* retinere debebat, ut ipsa vocabula decreti retinere videretur. Tria igitur hic dicit Cicero: a) *factum ipsum* h. e. e mente senatus *caedes Clodii*, e mente Ciceronis *insidiae* constant, b) *factas esse has contra rempublicam quoque constat*, quia senatus ita judicavit; c) *de facti vero auctore* adhuc quaeritur, hic incertus est, seu *ab utro insidiae factae sint, incertum est*. Si Cicero alia vocabula sumisset, gravitati causae suae officisset. Cf. P. II c. 2 sect. 3 n. XXX — 4) quartus locus est Caes. B. G. V, 50 supra allatus. Hic est *recipere jubet, simul* etc. ac post quatuor versus *agi jubet*. Sed haec repetitio r̄ *jubet* post quatuor versus cui non tolerabilis videtur? Quis enim Caesaris celeritatem haud novit? Sed tamen est negligentia: an grata? vix putem. Mihi saltem ea, quae excusatione indigent, non placent. Supra illustriora negligentiae Caesarianae specimina dedimus. — 5) quintus locus est Liv. XXX, 33, qui sic se habet; nam oculis conspici debet, si negligentiae Livii veniam dare cupis: *Hannibal ad terrorem primum elephantos — instruxit: deinde auxilia Ligurum Gallorumque, Balearibus Maurisque admixtis: in secunda acie Carthaginenses Afrosque et Macedonum legionem; modico inde intervallo relicto subsidiariam aciem Italicorum militum (Bruttii plerique erant, vi ac necessitate plures quam sua voluntate decedentem ex Italia secuti) instruxit*. Hic post quinque versus repetitur *instruxit*: at a) erat aptissimum omnium

nium verbum, b) in tanto intervallo. — 6) sextus locus est Liv. II, 32 *Ea frequentior fama est, quam, cujus Piso auctor est, in Aventinum secessionem factam esse.* Repetitur est et tam modico intervallo: est ergo negligentia: at quomodo Livius dicere voluit? An sic: *quam quam Piso tradit?* hoc multo injucundius fuisset. Sed non omnia ad vivum rescandanda sunt in rebus minutis. — 7) septimus locus est Liv. III, 3, ubi Canulejus acerrime disputans contra patres de altero consule e plebe eligendo: *Si populo romano liberum suffragium datur, ut, quibus velit, consulatum mandet, et non praeciditur spes plebejo quoque, si dignus summo honore (i. e. consulatu) erit, apiscendi (pro adipiscendi) summi honoris, stare urbs haec non poterit?* Salse et acerbe dictum. Repetitur hic *summi honoris*: at hoc fit ob gravitatem, quia de *summo honore* i. e. *consulatu* quaestio est: haec est primaria idea. Poterat quidem dicere vel *si dignus erit vel apiscendi ejus*: at quanto fortior est repetitio? — 8) octavus locus est Liv. XXXII, 21. Aristaenus praetor Achaeorum, hanc gentem Romanis jungi cupiens, post alia multa, quae hoc suaderent, tandem ait: *Nolite, quia ultro Romani petunt amicitiam, id quod optandum vobis ac summa ope petendum erat, fastidire*: post allata deinde argumenta, et interjectis duodecim (non igitur paucis) versibus repetit eandem sententiam his verbis: *Nolite, si, quod omnibus votis petendum erat, ultro offertur, fastidire.* Hanc repetitionem numerat Ernesti ibidem inter inanes repetitiones. At a) de re gravi sermo est, quae ut repeteretur digna Aristaeo videbatur: ergo ad gravitatem dicendi pertinet; b) repetitio fit aliis verbis; c) post duodecim demum versus. — 9) nonus locus est ibid. cap. 22 *Dymaei ac Megalopolitani et quidam Argivorum prius, quam decretum fieret, consurrexerunt ac reliquerunt concilium, neque mirante ullo neque improbante.* Deinde causae memorantur; tandem post septem vel octo versus pergit Livius: *Ob haec (i. e. ob causas memoratas) concilio, quod inclinaverat ad romanam societatem jubendam, excesserunt; veniaque iis hujus secessionis fuit et magnis et recentibus obligatis beneficiis.* Hanc repetitionem, quae tamen longe aliis verbis fit, numerat Cel. Ernestius etiam inter repetitiones inanes. An ita plane nihil repeti debet, sed singulae ideae semel tantum proferendae sunt? Ejusmodi repetitiones aliis vocabulis factae saepe perspicuitati serviunt: et sic non modo oratores, sed et historici, poetae etc. Haec sunt loca ab Ernestio laudata. Quae deinde Vir Celeberr. de negligentia grata in collocatione verborum,

v. c. *pleniore ore* etc., dicit, infra n. 30 et 31 memōrābuntur.

XXVIII) *Vitanda repetitione ejusdem syllabae, praesertim crebra.* Et, quo propior sibi est ista repetitio, eo injucundior est.

V. c. *monet et hortatur*, ubi et bis est: *at ad illum* etc. vel *at ad Adolphum veniamus* etc., ubi ad ter est; quae repetitio eo plus injucunditatis habet. Nolim dicere: *Utinam ille tibi non modo polliceatur, sed et det*; malim *sed etiam det*. Nolim dicere *per perbreve tempus* sed *per tempus perbreve*. Nolim dicere: *cum cum patre locutus essem*, sed *ubi cum patre locutus eram* etc. — Peccarunt hic prisci interdum, v. c. Cic. ad Div. III ep. 3 §. 3 *sed multo etiam magis monente et denuntiante te*; ubi *te* repetitur continuo. Ad Div. XIII ep. 26 §. 7 *si eos, cum cum senatore res est, Romam rejeceris*; nam, etiam si scribas *quum cum pro cum cum*, tamen eadem fuit priscis pronuntiatio. Quint. 26 in. *An antequam postulasti* etc. Sic saepissime Cicero dixit *qui quia* etc. At hic concursus syllabae ejusdem, si non creber est, si pulchra vel gravi idea compensatur, facile excusatur et vix a legente et audiente animadvertitur. Si crebrius fit, sentitur insuavitas. — Magis injucundum in pluribus vocabulis continuo se excipientibus. V. c. Cic. Divin. II, 69 extr. *visus est in somnis amicae esse amictus amiculo*: qui locus ab Ernestio refertur ad gratam negligentiam.

XXX) *Vitanda eadem terminatione plurium vocabulorum*, quae, quo crebrior, eo insuavior est.

Est duplex: repetitur vel una syllaba vel duae.

I) *Repetitio ejusdem terminationis in una syllaba*; v. c. *pulchram illam sententiam*: quod injucundum est: injucundius vero, cum dicitur: *pulchram illam magnamque sententiam nunquam quisquam protulit*. Huc pertinet illud poetae ap. Auct. ad Herenn. III, 12: *Quidquam quisquam cuiquam quod conveniat, neget*. Tale quid vitandum est. — At peccarunt hic priscorum optimi quique, v. c. Cic. Verr. V, 36 prope fin. *Unam illam solam noctem* etc., ubi *am* ter apparet; et ibid. paulo ante: *tum flagitiosa illa convivia*, ubi tria vocabula in *a* desinunt. Philipp. II, 4 *quantam jam proferam*. Verr. II, 30 extr. *privato illo judicio transacto*

aut

aut dilato etc.: ubi quinque vocabula in o desinunt. Orat. I, 19 prope fin. *Haec autem esse penitus in media philosophia reclusa atque abdita.* Ad Div. VI ep. 6 §. 24 *etiam externos multos claros viros nominarem*: quod in primis injucundum est. Offic. I, 20 in. *fortis animus et magnus duabus rebus cernitur*: qui locus ab Ernestio l. c. laudatur, ubi ejusmodi repetitio inter genera gratae negligentiae refertur, et Gronovius ad Liv. XXXI, 22 citatur, cujus exempla tamen vulgaria nec valde notabilia sunt. Ovid. Met. I, 327 *Innocuos ambos, cultores numinis ambos.* Et sic plura reperiantur facile. — Hanc repetitionem injucundam esse ac negligentiam quandam indicare, quis non sentiat? Verum ista exempla, licet non commendanda sint, tamen videntur excusanda. Cui enim tale quid non excidat rem acriter meditantī? — At major est injucunditas, quando duae posteriores syllabae in duobus vocabulis repetuntur: de qua re statim.

2) *Repetitio* ejusdem terminationis in duabus syllabis seu repetitio duarum syllabarum in duobus vel pluribus vocabulis: quae valde injucunda est a) in vocabulis junctis, v. c. *rebus duabus*, quod tamen vix animadvertitur; hinc injucundus est versus Ciceronis: *O fortunatam natam me consule Romam.* Huc pertinet illud in primis ap. Aucl. ad Herenn. III, 12 *Flentes, plorantes, lacrymantes, obtestantes*, quod aures valde offendit. Offic. I, 18 prope fin. *pleniore ore*: quem locum Ernesti l. c. affert et ad gratam negligentiam refert. Phil. II, 28 *quod natum, conflatum* etc., quod valde injucundum. b) interjectis aliquot verbis, v. c. *injucundum non erat faciendum*; quod injucundum est. c) in membrorum, praecipue brevium, fine, v. c. *Nolim dicere: Quamquam te semper amavi, magni aestimavi et tibi viam ad felicitatem monstravi: tū avi* toties repetitum aures offendit. Huc pertinet illud: *haec omnia vidi inflammari, Priamo vitam evitari, Jovis aram sanguine turpari.* Sic tamen et Cic. Verr. V, 37 in. *Quem posteaquam inanem locum offenderunt, et praetorem commovisse ex eo loco castra senserunt, statim sine ullo metu in portum ipsum penetrare coeperunt*: ubi repetitio tū erunt injucunda est.

XXXI) *Vitando nimio concursu ejusdem literae.*

V. c. *Si ii igitur*, ubi quater i reperitur: Cic. Orat. I, 22 *hodieque faciunt, ut nulla* etc., ubi u ter est. Sic dolo novo oppressus. Sic si mihi id vis indicare. Cic. Verr. V, 36 extr. *statuerant, sese, si ea* etc., ubi sese si paulo injucundius. Horat.

rat. Art. 36 *pravo vivere naso*: ubi tria *v* aures offendunt. Sed haec singula, modo egregiis ideis compenſentur, facile excuſantur. — Idem de tribus iſtis locis iudicandum, quae Erneſti l. c. laudat et ad gratam negligentiam refert. Sunt haec: primum Cic. ad Div. XII ep. 2 §. 7 *tres eſſe conſulares, qui, quia, quae de republica bene ſenſerint, libere locuti ſunt, tuto in ſenatum venire non poſſint*: ubi *qui quia quae* notandum. Deinde Cic. Quint. II med. *qui, quia, quod debitum nunquam eſt, id datum non eſt, non pecuniam modo etc.*, ubi *qui quia quod* occurrit. Et tandem Nat. Deor. I, 20 *Quod (non qui) quia, quemadmodum natura efficere ſine aliqua mente poſſit, non videtis*: ubi *quod quia quemadmodum*. At in hiſ tribus locis nihil video negligentiae neque gratae neque ingratae. Artificium connexionis, de quo ſupra, ita poſtulat: ac, ſi ſingulas repetitiones tanto vitio vertere volumus, quis ſcriptor hic non peccaſſe dicendus ſit? nam ſic ne ſeſe quidem dici poſſit, it. *quemquem, quisquis, ii; quaeque, tar-tarus, intendentem, contendendum* etc. — Videndum tantum, ne nimis crebro fiat; ac cavendum, ne lectori auditorive videamur de induſtria ejuſmodi inanes repetitiones feciſſe. Qui enim de induſtria hoc facit, videtur aliquid in eo quae-rere ſibi-que valde placere, quod eſt ſignum arrogantiae, quae nec lectoribus nec auditoribus unquam placet. Iure igitur diſplicet verſus illius poetae ap. Auſt. ad Herenn. III, 12 *O Tite, tute, Tati, tibi tanta tyranne tulifti*: Omne enim nimium vertitur in vitium.

XXXII) Vitando aſpero vocabulorum concurſu, et contra laevi ſequendo.

De hac re magis hic loquor, ne quid deeſſe videatur, quam quod in noſtra tempora valde cadere exiſtimem. Laevis vocabulorum concurſus dicitur, quando vel prius in vocalem exit et poſterius conſonante incipit vel prius conſonante terminatur ac poſterius incipit vocali: v. c. *Nemo debet ita ſtatuerre de rebus iſtis*. Aſper contra eſt, quando binae vel conſonantes vel vocales ſe excipiunt, v. c. *ego ivi ad patrem noſtrum*; vel nullus ſic debet ſtatuerre etc. Et, quo plures conſonantes in tali conjunctione concurrunt, eo aſterior eſt conjunctio; v. c. *nam ſpecies*, ubi tres; *poſt tri-duum, trans fluvium*, ubi quatuor; *poſt ſtrepitum, amans ſtruere*, ubi quinque conjunguntur conſonantes. At

1) hoc nemo obſervavit; nec obſervare quiſquam poteſt, niſi omnem ſententiarum pulchritudinem evertere velit.

Nam

Nam laevis ista structura vocabulorum haec suo ordine per gravitatem aliamve causam iis debito privaret: et cui meditantī res et sententias earumque justam explicationem ac vocabula iusta etc. tempus suppetat ad laevem istam vocabulorum conjunctionem observandam? Et haud dubie ista diligentia foret ingratiſſima et maxime putida. — Exempla dabimus ex ipſo Cicerone, praeceptore iſtius rei, e quibus videbimus ipſi accidisse, quod vulgo hominibus accidere solet, ut, quae praeceperint et commendarint, ipſi non agant, et, ut facilius sit praecipere quam facere. Orat. I, 22 *Graeculo otioso et loquaci et fortasse docto atque erudito* etc. cap. 23 *ex rebus penitus perspectis planeque cognitis* etc. En laevem scilicet structuram! Et sic millies: etiam in orationibus, v. c. in Philippica illa secunda cap. 28 extr. *bellum, quod natum, conflatum, susceptum* etc. cap. 29 in. *bello tum propter timiditatem tuam tum propter libidines defuisti: gustaras civilem sanguinem vel potius exorbueras* etc. ac paulo post: *persecutus trucidaras. Quibus rebus tantis, talibus gestis, quid fuit causae, cur in Africam Caesarem non seque-
rere, cum praesertim belli pars tanta restaret?* Et sic ubique. — Et, quam parum Romani iſti laevitati conjunctionis studere voluerint, docent ipsa eorum vocabula tum simplicia tum composita: v. c. ii, *eo, abiit, euntium, fructuum, arrium, mensium, constructus, congregavit, distraxit, transgressus, transcribo vel transcribo, transcriptus* etc. ut *ſtata, ſtis* pro *lata, lis* etc., it. *ab* praepos. ante consonantem etc. praetermittatur.

2) Hinc Cicero ipſe, ſui ipſius conſcius, qui ejuſmodi concurſum tantopere damnarat, alibi eum adeo laudat, loquens de ſubmiſſo et Attico oratore: dicit Orat. 23 *Habet enim ille tanquam hiatus concursu vocalium molle quiddam, et quod indicet non ingratam negligentiam de re hominis magis quam de verbis laborantis.* At bonus Cicero ſibi non conſtat: vid. cap. 44, ubi inter alia ait: *Nam, ut in legendo oculus, ſic animus in dicendo proſpiciet, quid ſequatur, ne extremorum verborum cum inſequentibus primis concurſus aut hiulcas voces efficiat aut aſperas.* — *Quod quidem latina lingua ſic obſervat, nemo ut tam ruſticus ſit, quin vocales nolit conjungere.* Dicit ergo hic, neminem tam ruſticum eſſe, qui non vitet concurſum vocalium duarum. Recepit tamen Erneſti hoc loco *qui vocales cet. pro quin vocales cet.* — Sed res haec in lingua latina ſic ſe forſan habuit, ut in vernacula, et forſan in omnibus linguis ſe habet, ut in loquendo homines, etiam de plebe, omittant ultimam vocabuli vocalem, quane

quando sequens vocabulum incipit vocali: v. c. in vernacula vulgo dicitur *Dies' Art*, *schön' Art*, *Fried' und Freud' und Ruhe* etc. pro *Diese*, *schöne*, *Friede*, *Freude* etc. An vero haec omissio vocalis ultimae laevem conjunctionem vocabulorum efficiat, non ausim definire. Nam

3) ne intelligimus quidem, quid sit asperum, quid laeve, in conjunctione vocabulorum. Pendet haec res ab auditu: et hujus suavitas et facilitas pendet et a consuetudine audiendi et a pronuntiatione aliorum. Qui v. c. asperum quorundam sonorum concursum in re musica audire diu consueverunt, iis ille non tam asper videtur quam aliis: res hic propter angustiam loci non potest demonstrari: exemplum agricolarum et nationum in ultima terra habitantium docere quodam modo id potest. Deinde pronuntiatione multa aspera asperitatis suae multum amittere possunt. Sunt, qui conjunctionem multarum consonantium, quae vulgo aspera vocatur, tam presse et facile pronuntiare possint, ut nihil laevius esse videatur; cum contra alii vel laevissima quaeque tam vaste tamque aspere exprimant, ut nihil injucundius esse possit: consulatur hic sermo populorum singulorum gentis theodiscae vel etiam, si mavis, graecae. — Quidquid de asperitate vel laevitate conjunctionis vocabulorum dicitur, videtur adhuc inter hypotheses pertinere, quarum fundamentum certum nondum repertum est ac forsan nunquam reperietur. Sed hoc parum curabunt ii, qui id tantum agunt, ut omnem pulchritudinem et suavitatem in ideis, non in verbis, quaerendam existiment.

4) Si quis tamen concursus literarum fugiendus est, eum puto fugiendum esse, qui ambiguitati faveat et perspicuitati noceat. Hic cernitur in eo, ut vocabulum non facile eadem consonante terminemus, qua sequens vocabulum incipit: v. c. in nostra lingua *mit dem Namen* sonat ut *mitten Namen: der Baum muß* etc. ut *der Bau muß* etc. *nahm mich* ut *nahm ich* etc. Sic et in latina *res sibi* ut *res ibi: dicit deinde* ut *dicite inde: salutis satis* ut *saluti satis* etc. Hoc de pronuntiando tantum valere per se patet.

5) Sunt tamen nonnulla vocabula, quae non conjungere nobis liceat pro libidine: v. c. *e republica*, non *ex republica*, dixisse veteres ob istam laevitatem Cicero credit Orat. 47. An laevitas ista causa sit, dubito, quia prisca ex saepe ante literam R ponere solent: v. c. *laborare ex renibus* Cic. Tusc. II, 25: *ex re istius* Terent. Phorm. V, 7, 76: cur in *ex republica* illam tantum spectarint? Annon Cicero forsan erravit hic,

hic, ut in aliis? — Deinde tenenda sunt in primis duo vocabula *ac* et *neque*. a) *Ac* rarius seq. vocali apud priscos reperitur, plerumque seq. consonante; v. c. *ac pater*, *ac me* cet.; rarius vero v. c. *ac ego*, *ac ille* cet. pro quibus dicendum putant *atque ego*, *atque ille* cet. Causa latet: litera *c* non potest causa esse, quia *nec enim*, *sic enim*, *hoc enim*, *huc enim* etc. saepe dicitur: b) deinde *Neque* vero prisci libentius h. e. longe crebrius dixerunt quam *neque autem*. Occurrit *neque autem* semel, quod sciam, Cic. ad Div. V ep. 12 §. 21 *neque autem ego sum ita demens* etc. it. Lucret. V, 779. Sed causa, cur *neque autem* longe rarius usurparint quam *neque vero*, latet. Euphonia, quo vocabulo ad quodlibet defendendum, si non intelligunt, uti vel abuti multi solent, locum non habet. Nam, quodcumque rectum et consuetudine inductum est, bene sonat: et cur prisci alibi *neque* sequente diphthongo *au* posuerunt? v. c. Cic. Rosc. Am. I in. *neque auctoritate*: Catil. I, 1 extr. *neque auctoritas*. Virgil. Georg. I, 514 *neque audit* etc.: ergo in syllaba *au* non potest culpa esse: unde videtur causa non nisi usui dicendi tribuenda esse. Nam quis omnium rerum causas novit? V. c. cur prisci *nam* praeponere, *enim* postponere, vocabulo soleant? cum tamen *nam* et *enim* sint ejusdem significationis et ejusdem originis esse videantur. Sic *verum* praeponitur, *vero* postponitur; cujus rei causa aequè latet. Sic et *mecum*, *tecum* etc., pro *cum me*, *cum te* etc. Euphonia si regula deberet esse, quam fallax esset? quia alii jucunde alii injucunde eadem res sonat. Iudicium aurium est valde diversum, nisi certis legibus et regulis adstrictum iisque assuetum est.

XXXIII) *Cavendo, ne sententiam orationis prosaicae absolutam clausula poetica terminemus, v. c. dicere possit, atque videbat* etc., vel nobis in oratione prosaica totus versus poeticus excidat.

At nec hoc grave vitium esse existimem, modo ne data opera tales clausulas talesque versus immisceamus. Nam 1) hoc vitium, si vitium est, per se non injucundum est, sed tantum haecenus, quia videtur de industria tale quid quaesitum et affectatum: et omne affectatum seu studio quaesitum displicet, quia arrogantiam sapit, et orator scriptorve in illo magnam laudem ponere videtur. 2) Hoc olim poterat vitium aliquod esse, quia prisci, qui in vulgari sermone vocabula latina aequè ex syllabarum quantitate atque in car-

mine

mine pronuntiasse videntur; facilius versum poeticum in oratione prosaica agnoscerent, quam a nobis hodie fieri potest, qui syllabas multas aliter in scanfione, ut loquimur, aliter extra eam legimus: ut adeo ne timendum quidem facile sit, ne talis versus, si nobis excidisset, a multis hodie animadvertatur. 3) difficile est talem versum ubique evitare. — Priscis adeo ipsis multi hexametri, ut de aliis nihil dicamus, exciderunt: v. c. Sallust. Cat. 19 §. 4 *Cnei Pompeji veteres fidosque clientes*. Liv. Praef. in. est dimidius hexameter: *Facturusne operae pretium sim*. Tacit. Ann. I in. est totus hexameter: *Urbem Romam a principio reges habuere*. Etiam Ciceroni exciderunt, v. c. Arch. I in. *in quo me non infrior mediocriter esse* etc. Orat. III, 45 in. est hexameter dimidius: *Non est res tam difficilis, quam* etc. — Quod vero Cortius verba Ciceronis ad Div. XVI ep. 14 §. 3 *Nunc opus est te animo valere, ut corpore possis*, pro hexametro integro habet in nota ad h. l., in eo errat; quia syllaba prima verbi *valere* brevis est. Sic Heinecc. in fundam. stili p. 64 ait Cicero-nem Orat. III, 5 totum distichon inseruisse: *Complexi, plus multo etiam vidisse videntur, Quam quantum nostrorum ingeniorum acies*: sed in Cicerone legitur non *plus multo*, sed *multo plus*: saltem sic est in editione Ernestiana et forsitan in omnibus. — Ac plures hexametri, si quaerere vacaret eque re hominis cujusquam esset, facile invenirentur: cui enim non excidunt? Ut taceam de aliis versuum generibus, v. c. *jambicis*: quos in primis saepissime occurrere verisimilimum est. Quis conquirat? et cui bono? Si igitur prisci evitare non potuerunt, quanto minus nos poterimus? Facile igitur ignoscitur, si cui tale quid excidit, modo oratio ejus praeclaris sententiis ornata reperiatur. Quia tamen sunt, qui, quidquid prisci pro vitio habuerint, etiam hodie pro vitio habendum putent, atque ita talem versum vel etiam clausulam versus poetici, si cui exciderit, culpandum arbitrentur: suaserim omnibus, qui latine dicant vel scribant, ut, quantum possint, illam rem caveant. In minimis etiam placere homini humanum est.

XXXIII) *Vitando omni concursu syllabarum vel litterarum, qui cum vocabulo aliquo obsceni quid indicante similitudinem habeat, atque ita hanc ideam obscenam in lectoris auditorisque mente excitare possit. Omnis enim obscenitas displicet, atque adeo memoria ejus injunda*


cunda est. Exempla afferre nequeo. Sed nec hoc forsā nimis ad vivum refecandum est: alioquin peccassent Cicero et omnes prisci, qui *penates*, *Fidenates*, *Marianus*, *Caesarianus*, *Tullianum* etc. dixerunt: nam posteriores syllabae horum vocabulorum aliquid obscoeni continent; quo pertinent *nato*, *natas*, *penes*, *penitus*, *animus* etc., in quarum priore parte inest, si quis quaerere vult, aliquid obscoeni: quamquam puto ista vocabula omnia a priscis saepe audita et lecta esse ita, ut de obscoenitate non cogitarent, et recentiores quoque eadem vocabula ac similia saepe legisse ita, ut nihil obscoeni iis in mentem veniret: Nec minus a nobis hodie leguntur et audiuntur sine offensione aurium. Totam rem cujusque iudicio permitto.

Ceterum huc refert Cicero Orat. 45 *nobiscum*, et dicit, sic ad evitandam obscoenitatem dici: nam in *cum nobis* literae obscoenius concurrerent. Sed supra P. I cap. 3 de *ordine verborum* sect. 1 n. 6 p. 207 fl. monuimus, causam istam Ciceronis ab obscoenitate ductam nullius pretii esse: quia prisci 1) dixerunt *cum nostri*, *cum nominis* etc., in quibus tamen eadem obscoenitas inest, quae in *cum nobis* esse dicitur: 2) quia et dixerunt *secum*, *mecum*, *tecum*, *vobiscum* pro *cum se*, *cum me*, *cum te*, *cum vobis*, in quibus tamen nulla obscoenitas inest: hinc *cum* adverb. et conjunct. seu *quum*, quod tamen aequè pronuntiatum est ac *cum* praepositio, occurrit apud priscos sequente *se*, *me*, *te*, *vobis*: v. c. *cum te summis laudibus ad coelum extulerunt* Cic. ad Div. VIII ep. 14 §. 2 etc. — Cicero quidem l. c. ait, *mecum*, *tecum*, dictum esse, ut simile esset illis *vobiscum* atque *nobiscum*. Egregiam causam! Videtur potius ordinis inversi in *mecum*, *tecum*, *secum*, *nobiscum*, *vobiscum* (it. *quocum*, *quacum*, *quicum*) ratio esse eadem: et haec res vel casu orta, ut apud nos nonnulli *Zweifels ohne, der Sache wegen*, pro *ohne Zweifel, wegen*

wegen der Sache dicunt, et vulgo dicitur *meinetwegen*, *deinetwegen*, *seinetwegen*, ubi nemo causam novit, cur *wegen* postponatur; et ut apud Graecos nonnullas praepositiones suis casibus postponi notum est. Causa latet: sed sic et *quo de pro de quo* cet. occurrit. Iudicent acutiores! conf. supra P. I cap. 3 sect. 1, ubi latius ista res tractata est.

Haecenus de *suavitate dicendi*: in qua tamen suaves praeclaraeque ideae principatum obtinent. Sapiens enim magis ideis quam verbis delectatur: nec tamen cultus verborum ei displicet, modo idearum praestantia ornata reperiantur. Virgo pulchra, negligenter vestita et ornata, tamen valde placet: magis placet, praeclare simul vestita et ornata.

FINIS PARTIS POSTERIORIS



APPENDIX I

De subsidiis quibusdam stili bene latini.

Quamquam e supra dictis natura stili bene latini satis superque cognosci potest, ut fere non opus sit quidquam addere: tamen, ut plane nihil omisisse videamur, aliquot etiam subsidia paucis memorabimus. Ea sunt in universum duo 1) *lectio priscorum* 2) *exercitatio in scribendo*.

SECT. I

De lectione priscorum.

Lectio priscorum est primum ac praecipuum subsidium stili bene latini. Ex illis enim discenda est praecipue bene latine dicendi scribendique ratio. Hic duo notanda:

1) *Lectio bonorum scriptorum debet esse assidua.* Nam, si non multa quotidie legimus, quomodo ea omnia, quae ad bene scribendum pertinent, et quorum est ingens multitudo, colligere et discere possumus? deinde, quo plura legimus, eo crebrius eadem res, eadem verba, iidem connectendi modi etc. redeunt, atque ita firmitus in mente inhaerent. Legendi in primis sunt scriptores aureae aetatis, ut Cicero, Caesar, Livius, Terentius: in his scribendi genus est naturale et ab affectatione alienum: spectarunt enim magis res quam verba: cum contra scriptores posterioris aetatis sub imperatoribus, adulandi necessitate inducti, verborum ornamenta et lenocinia magis quam rerum veritatem ac pondera curaverint, et, libertate sentiendi amissa, coactio fere scribendi genere et affectato usi sint, paucissimis

forſan exceptis. — In primis tamen Cicero legendus 1) quia multos varii generis libros reliquit, in primis tales, quales hodie ſcribere ſolemus. Caefar et Livius ſcripſere libros hiſtoricos. Quotus vero quiſque hodie eſt, qui hiſtoriam conſcribat? Terentius comœdias: ſed et has pauci hodie ſcribent. At Cicero ſcripſit epiſtolas, orationes, itemque de rebus ad doctrinam pertinentibus, v. c. de eloquentia comparanda, de philoſophorum placitis, de officiis, de ſenectute, amicitia etc., ut ejus libri multis prodeſſe poſſint. Magnam quoque partem hiſtoriae temporum ſuorum v. c. de Catilina, Caefare, Octaviano, Antonio, Lepido etc. intexuit libris ſuis, v. c. epiſtolis, in quibus multa ſingularia reperiuntur, quae alibi non occurrunt. 2) quia fuit homo egregie doctus et egregio ingenio ornatus: hinc ex ejus libris multa diſcere, in primisque eorum lectione judicium noſtrum acuere, poſſumus. Nam, quo quis eſt doctior, eo ſubtilior eſt in dicendo et ſcribendo, eoque magis acuunt ejus libri mentem lectorum. 3) quia fuit vir magnae experientiae, ſapiens, Conſul etc. Hinc ex eo prudentiam poſſumus nobis comparare et diſcere, quid ii, qui rempublicam gubernant, ſentire, quid ſpectare, ſoleant, qualis eventus huic **vel illi conſilio reſpondere poſſit vel ſoleat** etc., quae omnia nobis profunt ad multa cavenda vel imitanda. Deinde, quo quis eſt ordine, loco, ac dignitate aliis ſuperior, eo magis conſuetudine hominum ſimilis conditionis utitur eoque venuſtior ejus eſt dicendi ratio: id quod in Ciceronem cadit: qui cum conſul eſſet et familiaritate Pompeji, Caefaris, aliorumque principum civitatis frueretur, nonne venuſtius ſcribere poterat, quam ſi homo vulgaris conditionis fuiſſet, qui non niſi vulgaribus hominibus utitur, e quorum uſu parum venuſtatis acquiri poteſt? Nec dubitandum, quin noſtri oratores majores oratores futuri eſſent, ſi principum et regum conſuetudine quotidie uti poſſent vel ipſi
ſummo

summo loco nati essent. 4) quia fuit omnium Romanorum disertissimus h. e. perspicue, graviter, suaviterque dicendi peritissimus. Ex eo igitur artem perspicue, graviter, suaviterque dicendi ac scribendi, atque ita aptissima quaeque verba eligendi, uno verbo eloquentiam, per omnes ejus libros fusam, haurire possumus. 5) quia Romae plerumque mansit, ut senatui interesset; nec, nisi in Ciliciam provinciam, abiit, idque in unum annum. Hinc sequitur, ejus dicendi genus mansisse urbanum, nec peregrinitate ulla corruptum. Accedit 6) quod singulis diebus dicendum ei erat vel coram senatu vel in judiciis vel coram populo: hinc exercitatio in bene dicendo erat ipsi tam familiaris, ut, quidquid deinde diceret vel in sermone familiari, jam bene dictum esset. Hoc non omnibus oratoribus contigit, ut tanta exercitatione uti possent, eaque coram auditoribus talibus.

Totum igitur Ciceronem saepe legere debemus a) *Epistolas ejus*, in primis *ad diversos*, it. *ad Q. Fratrem*, b) *Orationes*, v. c. *pro Rosc. Am.*, *Verrinas*, *Manilianam*, *Agrarias*, *Catilinarias*, *pro Murena*, *pro Archia*, *ad Quir. post reditum*, *pro domo*, *pro Sextio*, *pro Milone*, *pro Marcello*, *pro Ligario*, *Philippicas* etc. c) *libros de Finibus bon. et mal.*, *Quaest. academ.*, *Quaest. Tusculanas*, *de nat. deorum*, *de divinatione*, *de officiis*, *de senectute*, *de amicitia* etc. d) *libros rhetoricos*, ut *de inventione*, *de oratore*, *Brutum*, *oratorem* etc.

Cum hac Ciceronis lectione lectio Caesaris, Livii, Terentii crebra conjungenda, utpote qui, quod ad verba attinet, omninoque in apte venusteque dicendo Ciceronis sunt simillimi, atque ita bonae latinitatis culturam valde adjuvant et confirmant: itemque Nepotis et Sallustii lectio haud plane negligenda: etsi paululum discedunt a ratione Ciceronis, in primis Sallustius, qui in stilo singularia quaedam sectatur. Nec Plautus plane omittendus est: nec Varro de *re rust.* Huc accede-

dere debet lectio poetarum, Virgilii, Horatii et Ovidii, quae bonae latinitatis studio propterea opus est, ut poetica a prosaïcis discernere atque illa fugere sciat. Nam, ut *ignoti nulla cupido*, sic *ignoti nulla fuga est*. Possunt etiam isti poetae nostrum ingenium acuere et variis pulchrisque ideis locupletare. Haec de aurea aetate, in qua Terentium non male posuimus. Ex argentea aetate legi merentur *Quintilianus* et *Phaedrus*: item *Suetonius* et *Tacitus* ob historiam, et alii. Potest ex iis quoque disci, quid sit discriminis inter scriptores aureae et inter scriptores argenteae aetatis: quod valde prodest ad firmitus inhaerendum in Ciceronis latinitate et stilo. Ceterum lectio haec *Ciceronis*, *Caesaris*, *Livii*, *Terentii*, debet esse crebra: in primis Cicero saepe est perlegendus, saltem ejus Epistolae et praecipuae orationes. Nam semel legere nihil prodest, ac ne bis quidem. — At non sufficit Ciceronem legisse, debes eum quoque recte intelligere. Hinc

II) *Lectio priscorum, maxime Ciceronis, debet esse quoque accurata* h. e. debent prisci ita legi, ut intelligas plane singula verba, et scias, quid in singulis cogitaverit scriptor. Dupliciter haec lectio accurata instituenda:

A) *Primum praeeunte magistro in lectionibus publicis*, ut vocantur. Nam sine magistri ope hic vix ququam recte proficiet. — Quaerunt nonnulli, utrum hic lectio *stataria* h. e., ubi singula accurate explicantur, an *cursoria* h. e., ubi celeriter scriptor perlegitur, instituenda sit. Hic haud dubie magni refert, quales sint discipuli. Equidem puto utramque apte conjungendam, in difficilioribus locis utendum *stataria*, in facilibus et per se expeditis *cursoria*. Sed magni quoque interest, quali magistro utare, utrum sciat, quid difficile sit, nec ne, et an rem quamque perspicue explicare possit. Sunt, qui in cursoria lectione rem quamque, licet breviter, at longe accuratius explicant, quam alii in stataria: qui
inter-

interdum, omiſſa juſta rerum (nam hae in primis explicandae ſunt) et vocabulorum explicatione v. c. ex uſu loquendi, ex etymologia, ex antiquitatibus, hiſtoria, e contextu, locis parallelis etc. arceſſenda, in rerum inutilium et alienarum longa tractatione haerent, et v. c. ſcholiaſtarum et grammaticorum veterum ſaepe ad locum non facientium lata recitatione, etymologiarum variarum, earumque ſaepe incertiſſimarum, nec ad loci explicationem pertinentium longis diſquiſitionibus, phraſium variarum operoſa extractione et dictatione, tempus ita conſumunt, ut vix paucos verſus intra horae ſpatium abſolvant, nec tamen ſatis explicent. O! talem lectionem ſtatariam deus avertat ab omnibus ſcholis! Huc pertinent alii, aequae infelices, qui facilia latiffime explicant, difficilia, tanquam facillima, praetermittunt. — Imo peritus magiſter nihil aliud aget, quam ut diſcipulus locum ſcriptoris plane intelligat et in hujus mentem animumque penetret; hinc nihil omittet, quod ad ſingula intelligenda pertineat. Quam in rem a) contextum totius loci, imo totius libri, epiſtolae, orationis etc. a diſcipulo ubique conſuli jubebit. Nam ſine contextu nulla intelligentia rei eſt certa. Docebit, quid quaque ſententia contineatur; attendi jubebit, an et quomodo ſingulae ſententiae ſingulaque verba tum inter ſe convenient tum cum praecedentibus et ſequentibus cohaereant. Si hoc omittitur, ſi diſcipulus ad contextum ſponte attendere non mature diſcit, mens ejus non acuitur; ipſe modicos facit progreſſus in diſcendo, et nihil certi diſcit. b) examinabit ſententias (hoc non ubique fieri debere per ſe patet), an verae ſint, an pulchrae, acutae, vulgares etc., et cur: ita argumenta, exempla, ſimilitudines, deſcriptiones etc., an aptae ſint. c) non modo verba ſed etiam res explicabit. Non enim verbum intelligo, niſi rem intelligo in verbo latentem. Verbum a ſe explicari putant multi, quando vernaculum verbum ei reſpondens reci-

tant; v. c. gubernare *steuern* etc. At hoc non est *explicare* sed *vertere*. Locus potest saepe recte verti, nec recte explicari, et contra. Saepissime in loco explicando discipulo oritur difficultas inde, quod rem non intelligit: v. c. nescit, quid sit *navis*, quid sit *prora*, *carina*, *puppis*, *gubernaculum*, quid *clavus gubernaculi*; nescit, utrum prisci in appellenda nave proram an puppim adverterint litori; nescit eas artes, e quibus innumera vocabula in sermonem latinorum vulgarem translata sunt; nescit ritus priscorum, res gestas eorum etc. Quomodo is verba ipsa intelligat? nam non semper contextus hoc declarare potest. Iam, si ne ipse quidem magister rem intelligit, quomodo verbum explicare potest? Et hoc saepe accidere et saepe a coeco coecum duci non mirum est. Hinc fit, ut multi magistri in explicanda phrasi *appellere puppim litori* dicant *puppim pro tota nave* positam, et ut *clavum gubernaculi* per *gubernaculum ipsum* explicent, omninoque duo substantiva pro uno posita saepe dicant, quia alterum non intelligunt. Magister debet vocabulum saepe per definitionem, non modo *nominalem*, ut vocant, sed in primis *realem*, explicare. Ego fateor, me multa loca priscorum non satis intelligere, quia res ipsas non satis intelligo. Et credo, si omnes omnino artes, etiam *secularias*, recte intelligerem, me multo plura loca accuratius intellecturum. Nam, omnes ritus priscos, ad quos forsitan respicitur in loco difficiliore, a nobis intellectum iri, nulla spes est: quod idem de historia prisca dicendum. — Errant igitur, si qui putant, linguae latinae accurata cognitione nos posse eo pervenire, ut res a priscis traditas plane intelligamus. Imo vero res ante sit nota necesse est, quam possis linguam accurate intelligere. Loquor hic de rebus difficilioribus, quas prisci ipsi non explicarunt. Sic res se habet in nostra lingua, sic se habet in omnibus linguis. d) explicabit vero etiam singula verba, et docebit sintne pro-

propria an tropica, et an tropus sit aptus et pulcher, ubi propria vis vocabulorum, ut per se patet, explicabitur: nam sine ejus cognitione non nisi nugae existunt. e) in homonymis docebit, quaenam significatio contextui isti conveniat, et cur: ubi interdum videre discipulum jubebit, an ceterae significationes locum habeant, et cur non habere possint. f) Addet quoque saepe, utrum vocabulum hoc vel illud necessarium fuerit, et cur; an omitti potuerit: it. an egregia sententia cum eo conjuncta sit, an sententia per id fortior facta sit. It. an saepe occurrat vel omnino vel ista significatione. Hoc in primis est necessarium: nam nihil est, quod non occurrat apud priscos, at raro: et rariora fere inter vitia numerantur. Nec Lexicon hic sufficit. Unde discipulus discet? nonne a magistro? Hic debet esse optimum Lexicon. It. an verbum vel adjectivum conveniat substantivo. Neque enim omnia vel adjectiva vel verba cum substantivis conjungi possunt; v. c. *gradus magnus, gradum accipere*: quae conjungi nequeunt. g) ostendet etiam connexionem vocabulorum, enuntiationum et sententiarum absolutarum, v. c. per duplex *et, neque, qui* etc. h) periodos Ciceronis interdum resolvat, docebitque, cur enuntiationes insertae sint vel inferi debuerint. i) numeros oratorios notabit. k) in vertendis scriptoribus priscis curabit, ut singula verba, quoad quidem fieri possit, exprimantur. Versio sensum universum exprimens non est versio. l) Singula, quae recte explicata et versa sunt, imitari statim discipulum jubebit, ut videat, an recte intellecta sint. m) Omninoque singula frequenter et diversa ratione repetenda curabit etc.

Haec et plura magister peritus et fidelis aget, ut discipulus totam formam stili Ciceroniani perspiciat et imitari discat.

At non sufficit *bona* scriptorum notasse, debent et *vitia* in iis occurrentia, sive ipsorum sive librariorum

culpa commissâ sint, diligenter animadverti, ne per ea discipulorum mens in errorem inducatur ac pro virtutibus habeat, sed, ut caveat. Vitia sunt duplicia, alia in rebus s. ideis, alia in verbis. Utriusque generis exempla sunt in priscis: pauca notabimus.

I) Vitia in *rebus* s. ideis ac sententiis:

a) Cicero Rosc. Am. 27 et 29 repugnantia dicere videtur: priori enim loco ait: Roscium Romae fuisse, at non diu ibi mansisse: posteriori plane negat Roscium Romae fuisse. Verba sunt cap. 27: *unde eos noverat Roscius, qui Romam multis annis non venit, neque unquam plus triduo fuit?* et cap. 29 Roscio — *objicient, et illam sicariorum multitudinem — huic crimini putabunt fore? qui non modo Romae non fuit, sed omnino, quid Romae ageretur, nescirêt, propterea quod ruri assiduus — fuit.* Debebat dicere: *qui non modo Romae non tum* (s. isto tempore, quo pater occisus est) *fuit* cet. — In ead. oratione cap. 25 Ciceronem nimis copiose ac fere pueriliter de parricidii atrocitate et poena dixisse, eandemque rem, augendi causa, nimis saepe verbis inanibus, licet ornate concinnèque efficitis, enuntiasse, hodie in confesio est. Paucula tantum de isto loco celeberrimo dicam. Posteaquam Cicero dixerat, majores sanxisse, ut, qui parentes necasset, in culeum insutus in flumen dejiceretur, exclamat: *O singularem sapientiam! nonne videntur hunc hominem ex rerum natura* (i. e. ex mundo) *sustulisse et eripuisse, cui repente coelum, solem, aquam terramque ademerunt?* Male. Culeo insutus tamen in mundo manet. Causam deinde ingeniose comminiscitur, cur primum non feris objecerint, deinde cur non nudos in flumen dejecerint. *Noluerunt, inquit, feris corpus objicere, ne bestiis quoque, quae tantum scelus* (i. e. tam scelestum hominem) *attigissent, immanioribus uteremur.* Quomodo bestiae parricida attingendo (Ern. in clave explicat devorando, quod non opus est, imo illud gravius dictum) immaniores fieri possunt? Pergit: *non sic nudos in flumen dejicere, ne, cum delati essent in mare, ipsum polluerent* etc. Tandem ait: *Ita vivunt, dum possunt, ut ducere animam de coelo non queant: ita moriuntur, ut eorum ossa terra non tangat: ita jactantur fluctibus, ut nunquam abluantur: ita ejiciuntur, ut ne ad saxa quidem mortui*

con-

conquiescant. Quam argute! quam speciose! a) si animam, h. e. spiritum, de coelo ducere nequeunt, quomodo vivere possunt? nonne hoc est repugnantia loqui? b) terra quidem ossa eorum non potest tangere; at culeum tangit, in quo corpus est. Sic nec apud nos corpora humatorum terra tangit, quia loculo (*im Sarge*) inclusa jacent. At quis hoc pro magna miseria habet? Imo miserum habetur, si corpus sine loculo humetur atque ita terra illud tangat. Sic nec magna miseria est, quando corpora illorum fluctibus non abluuntur etc. — Fonteij. 17 rogat judices, ut Fontejum propter Fontejae sororis, quae Vestalis erat, lacrymas absolvant. Id his exprimit verbis: *Prospicite, ne ille ignis aeternus, nocturnis Fontejae laboribus vigiliisque servatus, sacerdotis vestrae lacrymis extinctus esse dicatur.* Grave sane argumentum! Sic forsan nullus frater Vestalium damnari potuit, si ista vis lacrymarum timenda sit. — Verr. III, 98 ait: *Torae res rusticae ejusmodi sunt, ut eas non ratio* (h. e. nulla praecepta oeconomica, nulla ars,) *neque labor, sed res incertissimae, venti tempestatesque, moderentur.* Quid? ars, sapientia et labor nihil profint agricolae? Cicero saltem debuisset addere *saepe, saepissime, vel etiam plerumque.* — Manil. 10 Pompejum, patronum suum, nimis hyperbolice hisce laudat verbis: *qui saepius cum hoste conflixit, quam quisquam cum inimico* (mit einem Privatgegner) *concertavit* (v. c. in foro, in curia), *plura bella gessit, quam ceteri legerunt, plures provincias confecit, quam alii concupiverunt, cujus adolescentia — non stipendiis* (i. e. Feldzügen, Kriegsdiensten) *sed triumphis est erudita?* O magnum adulatorem! An credibile est, Pompejum plura bella gessisse, quam alii legerint? Intra paucos dies multa bella legere, at non gerere, licet. Ut uno verbo dicam, omnia nimis aucta sunt. — Marcell. 7 extr., posteaquam satis adulatorie dixerat in Caesaris vita consistere rempublicam, addit: si insidiae, quas Caesar timere dicebatur, hujus vitae vere parentur: *quem deam, si cupiat, opitulari posse reipublicae credamus?* Quid magis adulatorie et simul impie dici potest? Et Cicero tamen alibi dixit, potentia divina omnia gubernari, et rempublicam sola deorum ope contra Catilinarios defensam et servatam esse. Nec post Caesaris caedem quisquam audiuit Ciceronem dicere: *republicam periisse.* — Contra historiam peccasse videtur Cicero Deiot. 7, ubi dixit, Attalum fuisse liberalem erga P. Africanum. Pro Attalo constat legi debere *Antiochum.* Multi ad defendendum bo-

num Ciceronem malunt librarios peccasse et Attali nomen pro Antiocho posuisse. Alii Ciceronem ipsum erroris accusant. Et quidni Cicero errare potuerit? Nemo mortaliū est, qui non interdum memoria labatur.

b) *Virgilius* confundit Scyllas Eclog. VII, 74. Vocat ibi *Nisi filiam*, quam *Phorci* nominare debebat. At poetas in Mythologia, quam ipsi maximam partem excogitarunt, peccasse non mirum est. — Narratio de Palinuro, quem Somnus deus in mare dejecerat Aen. V extr., et qui deinde in orco ab Aenea conspicitur, nunquam, puto, omni difficultate carebit. Aeneas ibi ita illum alloquitur Aen. VI, 341: *Quis te — deorum — sub aequore merfit? — namque — hoc uno responso animum delusit Apollo, qui fore te ponto incolumem finesque canebat venturum Ausonios.* Ille contra: *Neque te Phoebi cortina fefellit — nec me deus aequore merfit* etc., ubi deinceps narrat, se traxisse gubernaculum et, tres noctes diesque vectum aquis, tandem quarto die adnasse Italiae, sed crudelitatem incolarum expertum esse etc. Hic non ego cum Servio haereo in verbis: *nec me deus — aequore merfit* h. e. *nullus deus fecit, ut perirem fluctibus*, sed in eo, quod Palinurus Aeneae de falso Apollinis oraculo conquerenti dicere audet: *Neque te Phoebi cortina fefellit.* Nam utique fefellerat. Non enim satis erat, eum venire ad Italiam; debebat etiam *incolumis* venire. Et, qui tres dies noctesque maris undis fertur, vestibibus gravatus, an eum credibile est vivum manere posse? Nihil hac de re ill. Heynius: nec video, quomodo Palinurus oraculo Phoebi fidem fecerit, quod Heynius credit. Sophistice magis quam vere respondisse videtur Palinurus. Nam *ro incolumem* refero quoque ad *venturum fines Ausonios*. Et sic Aeneas ipse retulit: nisi dicamus Phoebi oraculum fallax fuisse, ipsumque praedixisse, Palinurum in ponto incolumem fore, et ad fines Ausonios venturum: sed, utrum incolumis eo venturus esset nec ne, non addidisse. Tali modo respondisset eventus oraculo. Attamen semper haec duo sunt mira, a) Aeneam intellexisse oraculum de *incolumitate* in adventu in Italiam: b) Palinurum tres noctes diesque vivum manere potuisse. — Deinde sui oblitus videtur poeta Aen. VI, 445, ubi Eriphylen *in lugentibus campis ponit*, in quibus tamen eos esse dixerat v. 442 *quos durus amor crudeli tabe peredit*, cum tamen illa non *duro amore peresa* sed *a filio occisa* fuerit, neque ita jure campos illos teneat, nisi dicamus, campos lugentes non tantum misere amantes sed plures

plures infelices heroínas complexos esse, et Poetam hoc dicere oblitum, nec satis subtiliter locutum. Cf. cel. Heyn. exc. 8 — Quod tandem poeta Aeneam lib. VI extr. per portam eburneam h. e. eam, unde falsa somnia mortalibus immittuntur, orco emittit, eruditi omnes eum damnant, quia sic indicare videtur, omnia, quae in illo libro egregie et cum magnae eloquentiae ac doctrinae laude traderit, nihil aliud fuisse quam somnium. Excusat eum ill. Heynius ita, ut crimine negligentiae non liberet. Ait, poetam istud posuisse parum memorem, quid inde sequeretur, aut hoc fuisse inter ea, quae Maro aliquando emendare voluisset. Ac sane, cum sciamus, quam imperfectum Maro opus Aeneidos reliquerit, in eo iudicando haud nimis acres censores esse debemus.

c) *Ovidium*, ut omnino ingenii copia, ita maxime in descriptione rerum peccasse tralaticium. Memorabo tantum duo: 1) notissimam illam fabulam de Narcisso Metam. III, 406 — § 10. Narcissus, adolescens egregiae formae, cum in limpido fonte, ad quem bibendi gratia procubuerat, faciem suam vidisset, repente, quia non suam sed alius hominis esse opinabatur, amore huius faciei atque ita sui ipsius vehementer arsit. Haecenus bene: nam credibile est, aliquem tali modo per imprudentiam sua ipsius forma capi et ardere amore posse; et totus locus est longe suavissimus. At postea adolescens sensit, se esse ipsum, cuius amore flagraret: et hic desinere poeta debebat, quia naturae humanae conveniens est, aliquem, si errorem suum senserit, talem amorem abjicere. At poeta, ut fit, ingenium suum coercere non poterat. Narcissus pergit sui amore ardere, et sic tandem periit inque florem sui nominis mutatus est. Haud dubie poeta hoc fecit, ut acutas sententias afferre posset: v. c. *flammas moveoque ferroque; roger anne rogem? quod cupio, mecum est; inopem me copia fecit*: quae omnia pulcherrima forent, modo res ipsa verisimilis esset. 2) *Halcyonē* Met. XI, 700 marito, qui, ipsa inscia, naufragio perierat, per somnum viso, ita domi secum loquitur: *Nunc absens pereor, jactor nunc fluctibus absens et, sine me, me pontus habet*. Dicere volebat: *maritus me absente perit, maritus fluctibus jactatur me absente, pontus maritum sine me habet*. Pro marito ponit se ipsam. Haud dubie istud est ingeniosius et acutius dictum, at non vere. Nam, licet interdum proverbio dicantur conjuges esse duae dimidiae partes unius corporis, tamen hoc in

in cogitatione sola, non in re, consistit. Et uxor non ubique pro *vir*i nomine se nominare potest.

Ejusmodi igitur vitia (qualia et supra passim notavi) in priscis obvia discipulis indicari diligenter debent, ut eorum mens acuatur attentionique mature assuescat, ac scriptores priscos, non propter eorum nomen ac famam, nec propter vocabula bene sonantia, sed ob sententias veras ac pulchras admirari discat.

2) Vitia *verborum* vel duras locutiones speciminis loco subiciemus:

a) in Cicerone. Verr. III cap. 35 *Quid hoc tota Sicilia est clarius, quam omnes Segestanas maronias et virgines convenisse* etc. $\tau\delta$ hoc ineptum est, quia jam sequitur *quam omnes* etc. Eadem tamen redundantia est ad Attic. III ep. 8 *Quid enim hoc miserius, quam eum — fieri non posse*, et Divin. I, 39 extr. *quid vero hoc turpius quam quod idem nullam sensit* etc. In his locis $\tau\delta$ hoc delendum videtur. — Agrar. II, 3 med. *Neque enim ullo modo facere possum, ut — non essem popularis: debet esse sim pro essem*. Et sic recep. Ernesti. — Ibid. cap. 35 *Ex hac copia atque omnium rerum affluentia (Campanorum) primum illa nata sunt: arrogancia, quae a majoribus nostris alterum Capua consulem postulavit; deinde ea luxuries* etc. Verba primum illa nata sunt debent hoc ordine legi: *illa nata sunt: primum arrogancia* etc. Nihil manifestius esse putaverim. Nihil monuit Ernesti. — Muren. 29 *Et quoniam non est nobis haec oratio habenda aut cum imperita multitudine aut in aliquo conventu agrestium* cetc. Pro *cum* videtur legendum *coram*. Attamen sic Caes. B. G. VII, 47 in. *legionisque decimae, quacum erat concionatus* etc. — Arch. 12 *An, cum statuas — multi — reliquerunt, — virtutum effigiem nonne multo malle debemus* etc.? *An* hic redundat: est igitur vitium negligentiae, nisi ac legere velimus. Ernesti non pro *nonne* dedit. — Flacc. 27 in. *Quis ignorat, qui modo unquam mediocriter res istas scire curavit, quin tria Graecorum genera sint vere?* ubi notes, *quin* post *ignorat* poni pro *tria Graecorum genera* esse. Sic tamen $\tau\delta$ *quin* etiam post *negare* est Liv. XXXX, 36 in. *negare non posse, quin rectius sit: et post suspicio*, Caes. B. G. I, 4 *non abest suspicio, quin ipse sibi mortem consciverit*. — Dom. 30 med. *Quod si non fuit* (h. e. si Sedulius Romae illo die non fuit), *quid te audacius, qui in ejus nomen incideris?* Viri docti vel in omittendum vel

vel *aes* post *in excidisse* putant. Utrumvis recte. Sensus est: *quod nomen Sedulii in lege illa posueris, tanquam is eam in primis sciverit* s. *jusserit*. Leges in *aes* incisas esse notum est. Ernesti, illo sensu non contentus, vulgatam praeferit (in *Clav. Cic. v. incidere*) et intelligit *legem*, ut sensus sit: *quod ejus nomine legem scripseris* s. *scribi curaveris*. At primum durum est *legem* intelligere, cum hoc vocabulum non praecesserit: ac simpliciter *incidere* sic non dici potest. Deinde dubito, an Latini dicant et dicere possint *in nomen ejus* pro *nomine ejus*, licet vernacule dicamus v. c. *auf eines Namen lügen, borgen*: quod Ernesti exempli causa affert. Ac totus locus docet, Sedulium fuisse, qui *legem* sciverit, non qui scripserit: sequitur v. c. *sin autem is primus scivit* etc. et paulo post: *si Sedulii centum se velle et jubere dixerint* etc. — Ad Div. II ep. 19 §. 6 *Quamobrem, quaecunque a me ornamenta in te proficiscuntur, ut omnes intelligant, a me habitam esse rationem tuae majorumque tuorum dignitatis*. Si quaecunque esset omnia, sensus facilis foret. Verum semper est omnia, quae: hinc *et* ut non habet, unde pendeat. Locus est vel vitiosus vel mancus. Editores nonnulli ad sensum perficiendum ante *ut* inserunt *elaborabo*, quod in nullo codice reperitur: de eo igitur monendi sunt discipuli, plerumque utentes editionibus levioribus, ne credant, *elaborabo* certo profectum esse a Cicerone. — Ad Div. VI ep. 6 §. 24 peccatum est contra suavitatem: *externos multos claros viros nominarem*; ut supra P. II c. 3 sect. 4 n. XXX monitum. — Ad Div. VI ep. 3 §. 6 *quam quemvis aut eorum, qui discesserint: alteri dimicant, alteri victorem timent*: ubi haud dubie membrum deest respondens verbis *aut eorum, qui discesserint*, quidquid Cortius contra dicat. Editores propter sensum addiderunt, *aut eorum, qui remanserint*: haec igitur verba non certo esse a Ciceronis manu, admonendi sunt discipuli. — Ibid. ep. 4 §. 3 legitur: *Equidem, cum haec scribebam, aliquid jam actum putabam, non quo, sed quod difficilis erat conjectura*. Sic Codd. habent, sed sine sensu: hinc editores ad sensum complendum ita dederunt: *non quo ego certo sciam* (Ernest. *scirem*), *sed quod haud difficilis erat conjectura*. Add. Sulpic. ad Cic. in epp. ad Div. III ep. 12 in. *visum est faciendum, quoquo modo res se haberet, vos certiores facere*. Aut debebat esse: *faciendum, ut vos certiores facerem*, aut potius: *visum est — vos certiores facere*, omisso *et* *faciendum*, quod manu aliena iniectum videtur. Certe *visum est faciendum facere* est soloecismus. Cortio adeo eleganti-

tiam

tiam videri potuisse miror: quamquam hic vir, quidquid rari et duri reperisset, id inter elegantias referre et inep-
tis saepe exemplis defendere solitus est. — Cicero habet
quoque quaedam rariora, v. c. *absque* pro *sine*, v. c. Invent.
I, 36 in. *absque approbatione*; ubi Ernesti pro *absque*, quod
ei vix latinum videbatur, *sine* edidit; et Attic. I, 19 in.
absque argumento; ubi, quod miror, Ernesti nil monuit.
it. ad *placandum deos* Catil. III, 8, pro quo usitatus *pla-*
candos.

Ceterum hinc patet, quam necessaria sit studioso lati-
nitatis ars critica, quamque errent, qui putent, hanc non
esse rem adolescentum. Sine ea saepe nesciremus, utrum
vocabula a Cicerone profecta, an a librariis vel typogra-
phis effecta, explicaremus.

b) In *Nepote* multa vitia vel dura vel saltem singularia
deprehenduntur; quae nisi a magistro diligenter indican-
tur, nunquam tiro certam latinitatis ideam nanciscitur,
praesertim cum hic scriptor fere primus sit, qui latinitatis
studiosis explicari soleat. Nonnulla, partim ab editoribus
jam notata, memorabimus: In praefat. *Nulla Lacedaemoni*
tam est nobilis vidua, quae non ad scenam eat mercede con-
ducta. Haec sensu vitiosa esse sensuque carere notum est.
Nam primum *ad scenam ire* vix significare potest *comoe-*
diam agere, actorem esse: actores enim non *ad scenam* sed
in scenam eunt seu *prodeunt*. Et ipse Nepos paulo post *in*
scenam prodire. Deinde incredibile est, *viduas nobiles* h. e.
stirpe generosa ortas *in scenam prodixisse mercede conductas*.
Nec quisquam demonstravit, hoc unquam factum esse.
Hinc Barth. pro *scenam* legit *stivam*, Gesn. et Heusingerus
coenam. At neutrum explicari satis potest. Venit mihi
aliquando in mentem legere: *quae non ad lenam eat mer-*
cede conductam, ut Nepos dicat, matronas honestissimas
post maritorum mortem non puduisse ad lenam ire, ibi-
que ad libidinem explendam consuetudine virorum uti. —
Milt. 4 extr. *civibus animum accessurum, cum viderent, de*
eorum virtute non desperari: debebat esse *de sua virtute*;
et statim: *et hostes fore tardiores, si animadverterent, au-*
deri etc. pro *animadvertissent*. Sed sic saepe Nepos. —
Themist. 4 §. 3 *tam angusto mari conflavit, ut multitudo*
navium explicari non potuerit pro *posset*. Sed sic saepius et
Nepos et alii. — Ibid. 10 §. 2 *ut multo commodius dicatur*
apud regem verba fecisse, quam hi poterant, qui in Perside
erant nati. Debebat esse *posset* pro *poterant*, et *essent* pro
erant.

erant. — Alcib. I in. *In hoc natura, quid efficere possit, videtur experta: rectius posset.* — Epam. 8 §. 2 *Omniaque, quae collegae dixerunt, confessus est.* Ut taceam omniaque quae injucunde dictum, pro dixerunt debebat esse dixerant. — Ibid. *Sed unum ab iis petivit, ut in periculo suo inscriberent etc.* Vocabulum periculo est crux Criticorum. Sunt, qui mutant in *sepulcro, cippo, titulo, pariculo* etc. Alii retinent *periculo* et explicant *Commentariis publicis*, quos *Protocolum* vulgo vocant, quia Ciceronem Verr. III, 79 putant *pericula magistratum* ita dixisse. At hoc est e loco obscuro locum obscurum illustrare: ac praeterea diversus est valde utriusque loci contextus: nam in Cicero ne dicuntur *tabulae publicae* (i. e. *Protocolli*) *periculaque magistratum scribarum fidei committi*, ubi forsan, si locus salvus, ad *periculum* proprie dictum respici potuit, quod in Nepote locum non habet. Si Nepos scripsisset *columna*, ut Plutarchus de eadem re loquens ait, vel simile quid, nihil difficultatis esset. — Agel. 5 §. 2 *tantum ab insolentia, ut commiseratus sit pro commiseraretur*: at sic et alii. — Eum. I extr. *praefuit alterae equitum legioni* etc. Sic Codd. et edit. Bos. pro *alteri*: et sic Caesar B. G. V, 27 *ne qua legio alterae legioni subsidio venire* etc., ut Oudend. e codd. recepit. Sic et Colum. V, II §. 10. — Eum. 6 in. *Ad hunc Olympias — cum literas — misisset in Asiam consultum, utrum repetitum Macedoniam veniret — et eas res occuparet: huic ille primum suasit* etc. Hic *utrum* ponitur non sequente *an*; at non semel ita Cicero. — Ibid. 13 extr. *Antigonus autem Eumenem mortuum propinquis ejus sepeliendum tradidit. Hi militari honesto funere comitante toto exercitu humaverunt, ossaque ejus in Cappadociam ad matrem — deportanda curarunt: Quomodo Eumenem humare et deinde ejus ossa in Cappadociam deportare potuerunt? Hinc nonnulli pro humarunt leg. cremaverunt: alii humarunt explicarunt per cremaverunt, quia forsan videntur, sepelire pro cremare mortuos dici. At humare est non nisi humo tegere: docet hoc etymologia et usus priscorum. Credit quidem Cel. Ernesti in clave Cic. h. v. *humare* ap. Nepot. dictum esse pro cremare, fretus loco Cic. Legg. II, 22. At Cicero ibi tantum dicit, sua aetate omnes sepultos i. e. crematos (nam *sepelire* est *cremare*) dici *humatos* h. e. humo tectos; quia scilicet ossa post cremationem humo teguntur atque ita humantur. Non vero hinc sequitur, *humare* esse *cremare*. Nam *esse* et *dici* saepe differunt. Sic nos omnem mortuum possumus hodie post*

aliquod tempus vocare *humatum*; quia omnes mortui humanantur: sed propterea *mori* et *humari* non sunt eadem. Verba Ciceronis sunt: *et quod nunc communiter in omnibus sepulchris, ut humati dicantur, id erat proprium tum in iis, quibus humus injecta contegeret.* Et semper *humare* a priscis pro *humo tegere* dicitur et a *cremare* distinguitur. Sic Cicero *ibid.* paulo post: *Nam, priusquam in os injecta gleba est, locus ille, ubi crematum est corpus, nihil habet religionis. Injecta gleba tum et illic humatus est et gleba vocatur etc.* — Eum. 8 §. 4 *Hoc Antigonus cum comperisset, intellexeretque etc. pro intellexissetque.* Quamquam hoc tolerabile. — Hannib. 1 in. *Si verum est — ut populus romanus etc. durum est τὸ ut.* Sed sic *ut* post *verisimile est*, Cic. Rosc. Am. 41: Sext. 36: Verr. III, 6; post *invisitatum est*, Cic. Mur. 21; post *certum est*, v. c. *nihil esse certius, quam ut etc.* Cic. Att. X, 4 med.; post *accedit*, Cic. Or. I, 8. — *Ibid.* 6 in. *Hic bellum gessit adversus P. Scipionis filium, quem ipse — fugaverat. τὸ quem* debet, postulante historia, ad *Scipionis*, non ad *filium*, referri, quod durum est. — *Ibid.* 13 *Hujus bella gesta etc.* est pleonasmus; et paulo post: *tempus est facere finem pro faciendi.* Sic tamen prisci saepius, vid. supra P. II c. 1 sect. 23 n. XV. — Attic. 4 *noli, oro te, inquit Pomponius, adversus eos me velle ducere*: ubi not. *noli velle ducere* pro *noli ducere*: ubi *velle* redundat. Sic tamen saepius, v. c. *nolite velle*, Liv. VII, 40 prope fin.: Cic. Balb. 28: Coel. 32: Philipp. VII, 9 — Attic. 12 *tantum abfuit a cupiditate pecuniae, ut nulla in re usus sit etc.* pro *uteretur*: sed sic saepius *Nepos etc.*

c) Neque est scriptor, in quo non ejusmodi vitia vel durae locutiones occurrant, v. c. Caes. B. Civ. I, 65 *Quos ubi Afranius procul visos cum Petrejo conspexit etc.*, ubi *visos* abesse debebat, licet Heinecc. in fundam. stili I, 1, 20 pro elegantia habeat. Clarkius editor Caesaris, ut eum de more editorum defendat, explicat ita, ut dicat, *hostes prius procul visos esse, quam eos conspexerit Afranius. Coacte satis et frigide.* — Sallust. Cat. 30 §. 3 *occurrit senati decreto pro senatus*: Liv. II, 35 *bellum romanum i. e. contra Romanos*: sic III, 19 *divina et humana scelera i. e. contra deos etc.* — Horatius Epod. 17 *Hectorem vocat homicidam, cum fuerit virorum interfector* et apud Homer. dicitur ἀνδροκτόνος, quod vertere voluit Horatius. *Hectori vero honorificentius erat viros vincere ac prosternere, quam homines in universum*: hoc est etiam latronum.

Currius

Curtius duplex *an* usurpat pro *utrum*, *an*: pro eo Tacitus dixit *sive*, *an* etc.

Ejusmodi igitur vel vitia vel singularia discipulis indicanda esse manifestum est, nec solum, quando occurrunt, sed, etiam si prisci recte loquantur, tamen saepe dicendum est, alios interdum aliter ac vitiose pro eo loqui: v. c. Quando occurrat *sine ulla dubitatione* etc., dixerim interdum, alios, et maxime recentiores, perperam dicere *sine omni dubitatione* etc. Quando accusat. cum infinitivo post verba sentiendi, cogitandi, significandi et sperandi occurrat, monuerim, alios hodie *quod* hic male usurpare: it. quando *arcesso*, *vindico*, *deverto einkehren* v. c. in villam, *auctor* etc. occurrat, moneam, male hic alios scribere *accereso*, *vendico*, *diverto*, *author* etc.

At cavendum quoque est, ne, quae vitia non sint, pro vitiis habeamus et venditemus: quod a magistris imperitis interdum fieri solet, v. c. 1) *si aliquis*, *si aliqua res*, recte dicitur pro *si quis*, *si qua*: it. *si qui*, *si quae*, rectum est. Triplici enim hoc modo locuti sunt prisci. Alterum tamen usitatissimum omnium. 2) *fructu*, *luxu*, *casu*, *usu* recte quoque dicitur pro *fructui*, *luxui*, *casui*, *usui* etc. v. c. Cic. ad Div. XIII ep. 71 *magno usu fuisse*: et Planc. ad Cic. ad Div. X ep. 24 §. 6 *subito impetu ac latrocinio parricidarum resistat*: Caes. B. G. VI, 42 *casu locum relinquere* etc. 3) Sallust. Jug. 38 §. 6 *locum hostibus introeundi dedit*: *eaque Numidae cuncti irrupere*. Hic *eaque* rectum est, intell. *parte*: nec legendum *eoque* scil. *loco*. Sic Caes. B. G. V, 51 *obstructis portis*, *quod ea* etc., int. *parte*. Sic saepius: it. *qua*, int. *parte*, saepissime occurrit. 4) Varro R. R. III, 16 §. 7 dixit: *his diis* (i. e. Musis) *Heliconem attribuerunt homines pro deabus*. Omninoque terminatio in *abus* v. c. in *equa*, *dea* etc. rarior est, nec fere a priscis usurpatur, nisi, ubi sexum aliter discernere nequeunt: v. c. Cic. Rab. perd. 2 *diis deabusque*. At *duabus filiis*, *afinis* etc., malim dicere quam *duabus filiabus* etc. 5) *cadere humi* recte dicitur pro *humum*, licet motum, non quietem, indicet: sic *ponere in terra* recte dicitur etc. Haec haecenus. — Innumera

Bbb 2

sunt,

sunt, quae, cum recta sint, ab imperitis magistris pro vitiis habeantur, atque in discipulorum speciminibus, quae *Exercitia* vulgo dicuntur, corrigantur; cum contra, quae aperte falsa sint, saepissime tolerantur, imo inter elegantias referantur. Hinc illae lacrymae! Hinc fit, ut discipulorum mens in dijudicanda latinitate vagetur, nec, quid bonum malumve sit, certo sciat, praesertim si varios magistros habent, quorum alius id damnat, quod alius laudat. — Huc pertinet, quod priscorum sententias variare aliis verbis conantur: Variare licet in nostris quidem: at non in alienis, praesertim si haec tam accurate sint efficta, ut aliam formam non desiderent.

B) *Deinde accedere debet domestica lectio*, h. e. tum repetitio crebra lectionis in scholis institutae tum lectio aliorum librorum in scholis non tractatorum, ut discipulus ipse discat periculum facere scientiae suae, et, quae desint, suppleat. Neque enim in scholis omnes scriptores, imo ne Cicero quidem totus perlegi potest. Haec igitur domestica lectio debet aequae accurata esse, h. e. eodem modo institui, quo scholastica praeunte magistro bono fuit. Ac solet quoque accurata esse, si bonum magistrum nactus es. Nam, qui bene coepit, bene pergit. — Ut autem ista eo felicius fiat, utendum est bonis veterum scriptorum editionibus cura *Criticorum* et *Philologorum* bonorum factis. Bonarum editionum duplex esse solet genus. Alterum pertinet ad textus integritatem, quod *criticum* vulgo dici solet: alterum ad explicationes locorum difficiliorum, quod *philologicum* dici possit. *Critica* editio est, in qua auctor codicibus bonis aut paucis aut, quod melius est, multis ac simul editionibus antiquis vel ipse vel, si haec inspectio non ei contigit, lectionibus inde per alios fide dignos viros excerptis usus est; atque vel has lectiones tantummodo recenset, iudicio de iis non addito, vel, quod melius est, de iis simul iudicat, atque harum ope
aut

aut lectionem vulgatam stabilit aut aliam, eamque certiore et meliorem, in textum recipit, causis iustis ubique indicatis. *Philologica* editio est, ubi difficiles loci et contextu, historia, antiquitatibus etc. explicantur, explicatioque usu loquendi, ubi opus, confirmatur, ac simul, quid in singulis locis pulchrum, grave, languidum etc. sit, indicatur. — Critica editio, praesertim ubi iudicium additur, semper est bona, licet explicationibus careat: atque adeo eae sunt bonae editiones, quae ad ejus exemplar confectae sunt: et talibus contenti possunt tirones esse, magistrum audientes. Nec sine critica potest philologica multum utilitatis afferre, quia lector semper dubius est, an verba, quae legit et explicat, e Codd. ducta et a manu scriptoris ipsius profecta sint. At si utraque, et critica et philologica, conjungitur, eo melior est adolescentibusque, qui ejus ope crescere cognitione cupiunt, utilior. Non enim iis sufficit, videre locum recte constitutum, sed cupiunt etiam illum intelligere. Notae philologicae conjunctae cum criticis sunt instar magistri, et ex illis non minus quam per hunc doctus fieri adolescens potest.

Aliquot bonas editiones scriptorum nominabo ex eo ordine, quo ipsi legi soleant. Consuli hic possunt *Fabricii* biblioth. lat.; it. Clar. *Harlesii* Introductio in ling. lat. etc.

1) *Nepotis*, non a pueris solis, sed etiam ab adolescentibus imo viris ob historiam legendi editiones bonas habemus: *Bosii*, qui, praeter notas, copiosum indicem adjecit: in primis *Augustini van Staveren*, quae est cum notis variorum suisque, it. *Heusingeri*: nec contemnenda est Cellariana, quae saepe repetita est. Recentissima est editio Clar. *Harlesii*.

2) *Cicero* varie est editus.

a) *Epistolas ad diversos* seu, ut alii loquuntur, *ad familiares* edidit *Graevius* cum suis et aliorum notis, at paucis, v. c. I. F. *Gronovii*; et adjecit commentarium *Pauli Manutii* utilissimum sane: it. *Cellarius* cum notis, ut solet, brevibus, ad geographiam, historiam, et latinitatem pertinentibus: rei criticae non valde rationem ipse habet, sed nititur editione et iudicio *Graevii*. Cellarianam repetiit *Gottl. Korte*, suisque notis criticis et philologi-

cis auxit: sed in his per saepe explicat res facillimas et tralaticias, omittit difficillimas, interdum defendit vulgata valde contorte et coacte, usus in hanc rem interdum locis poetarum omnis generis et scriptorum posteriorum saepe non textui Ciceronis similibus, ac Graevii lectiones labefactare studet, sed et hic et omnino in explicatione non valde felix fuit. Et tamen haec editio *Cellario-Kortiana* saepe recusa est, quia parabilis est, nec forsan iisdem sumtibus melior comparari potest. Ceterum hae epistolae in primis legi merentur.

b) *Epistolae ad Atticum* editae ab *Graevio*. At hae epistolae sunt saepe intellectu difficiles ob res, quas continent: saepe ad ea respicitur, quae nobis ignota sunt.

c) Libri de *officiis*, de *senectute* et de *amicitia*, ejusdem *Graevii* cura editi sunt: it. a *Pearcio*, Anglo.

d) *Orationes* edidit *Graevius* cum egregiis notis variorum eruditorum. Selectas quasdam, v. c. pro *Roscio Am.*, pro lege *Manil.*, pro *Milone* etc. nonnulli edidere; ut *Cellarius*, *Heumannus*, et doctiss. *Otto* 1777.

e) Libros de *oratore* edidit *Pearce*.

f) Libros de *inventione* una cum libris incerti Auct. ad *Herennium* edidit *Burmannus* secundus 1761.

g) *Quaestiones academicae*, libros de *finibus* bonorum et malorum, quaestiones *Tusculanas*, libros de *natura deorum*, de *divinatione* et *Fato*, edidit *Davisius*, Anglicus.

h) *Opera omnia* edidit Iac. *Gronovius* (quam editionem bis repetiit *Ernesti*, una cum varietate lectionis *Graevianae* et *Davisianae* et indice), *Verburgius* 1724 et *Olivetus* 1740; recentissima editio est *Ernestii* cum notis ipsius.

Addi hic meretur *Gesneri* Chrestomathia Ciceroniana, liber utilissimus et saepe editus: et *Nizolii* Lexicon Ciceronianum, auctum a *Facciolato*; it. *Corradi* Quaestura.

3) *Iul. Caesar* scripsit libros VII de bello gallico et tres de bello civili: ceteri sunt ab alio. Editiones sunt *Davisi*, *Clarkii*, *Oudendorpii*, qui *Davisi*, *Clarkii*, et *Dion. Vossii* notas addidit. Nec contemnenda est *Cellariana*, brevibus notulis et mappis geographicis instructa, sed ad criticum usum, ut omnes *Cellarianae*, parum utilis.

4) *Livium*, e cujus 140 libris priores decem, deinde ab 21 ad 45, superstites habemus (omissos supplevit *Freinsheimius*), edidit in primis 1) I. Fr. *Gronovius* 2) Iac. *Gronovius* filius, qui patris editionem repetiit et suis notis auxit: repetita

repetita ea est Basileae 1740. 3) *Doujatius* in usum Delphini cum notis et supplementis Freinshemianis. 4) *Clericus* cum pauculis notis, itemque supplementis modo dictis: quam editionem omissis his supplementis repetiit *Gesnerus*. 5) *Creverius* cum notis et supplementis. 6) praestantissima et copiosissima est Arn. *Drakenborchii*, Tomis VII constans, quaternis: in qua praeter suas congeffit priorum editorum et aliorum notas: in quibus, praeter Sigonium et Gronovium utrumque, Perizonii et Dukeri animadversiones sunt sane egregiae et acutissimae: adjectis quoque supplementis Freinshemianis. Haec editio, quia ob magnum pretium non ab omnibus cupientibus emi potest, repetita est, omissis tamen et notis et supplementis, a Cl. *Aug. Wilh. Ernestio*; qui tamen ad damnum illud quodam modo refarciendum adjecit Glossarium. Sed utinam possit aliquis notas Gronovii utriusque, Perizonii, Dukeri, Drakenborchii in compendium redigere, ut possint pluribus prodesse!

5) *Sallustii* editiones habemus a) *Wassianam*, quam repetiit *Haverkampius*; b) *Cortianam*, in qua *Kortte* more suo saepe nimis praeter rem copiosus est.

6) *Varronis* libros de re rustica, suavissimos sane, edidit *Gesnerus* una cum scriptoribus rei rusticae, Catone, Columella, Palladio: quae editio nuper cura *Ernestii* repetita est.

7) *Terentius* et *Plautus*, licet ante istam aetatem vixerint, tamen ad eam quodam modo pertinent, in primis *Terentius* creberrime legi meretur, ob praeclaras sententias et ob latinitatem. Terentium edidit a) *Lindenbrogius* cum notis haud satis multis b) *Bentlejus*; quae est critica editio. c) *Westerhovius*: qui animadversionibus suis, additis Donati et Calpurnii scholiis, illustrare studuit. At hae editiones adolescenti non sufficiunt ad Terentium recte intelligendum. Hinc versio *Daceriae* valde commendanda est. Qui Terentium edere vult, debet esse rei dramaticae peritissimus. — *Plauti* editionem habemus *Taubmannianam*, et in primis *Gronovianam*.

8) *Virgilium* edidit a) *de la Cerda*, Hispanus, cum egregio doctissimoque commentario. b) *Emmenessius* cum notis. c) *Taubmannus* cum notis e Servio vel aliunde petitis, nec satis subtilibus: congerit multa, nec ipse judicat. d) *Ruaeus* in usum Delphini cum bonis animadversionibus. e) recentissima est *Cel. Heynii*: et multis de causis praeclarissima.

9) *Ovidii* editio optima adhuc est *Burmänniana*, in qua sunt *Heinsii* notae: *Heinsianam* repetiit *Clar. Fischerus* Lips.

1758. Edidit etiam Ovidium I. P. *Millerus* sine notis, subiecto tamen Glossario, in qua mythologia et interdum latinitas difficilior explicatur. Ad totum Ovidium accurate edendum vix quisquam accedet, quia est longissimus liber: quotus quisque est, cui tempus suppetat ad illum saepius legendum: et tale quid postulatur ab eo, qui istum librum edere cupit. Minores libri, v. c. *Anacreon* etc., facilius leguntur, intelliguntur, eduntur et venduntur. Libros tristium separatim cum notis edidit Clar. *Harlesius* 1772. In primis legendi sunt libri *Metamorphoseon*, itemque libri tristium, ex *Ponto*, *Fastorum*, et *Epistolae Heroidum*.

10) *Horatii*, qui *odas*, librum *Epodon*, libros *satirarum* s. sermonum, et *Epistolarum*, ac libellum de arte poetica s. *Epistolam ad Pisones* scripsit, editiones bonae sunt a) *Baxteriana*, a *Gesnero* praeclaris adnotationibus locupletata. b) *Bentlejana* c) *Torrentiana* etc. Nuperrime edidit Clar. *Iani*.

11) *Tibullus* et *Propertius*, quorum uterque scripsit elegias, editi sunt a *Passerat* et *Broukhufio*: in primis *Tibullum* praeclaris notis illustravit Cel. *Heynius*. Cum *Tibullo* et *Propertio* vulgo conjungi solet *Catullus*, quem separatim doctis notis illustravit *Isaac Vossius*.

12) Nec *Lucretius* negligendus: quamquam hodie non a multis legitur: edidit eum *Creechius*, *Anglus*: it. *Lambinus*.

13) *Quintiliani institutiones oratorias* omnes studiosi latinitatis legere debent: edidit eas *Gesnerus*, cum notis non nimis multis, et *Burmmanus* una cum *declamationibus* *Quintiliani* nomen vulgo gerentibus.

14) *Phaedri* fabulae in primis lectioni adolescentum commendandae: ediderunt eas a) *Tan. Faber* b) *Schefferus*, cuius notae egregie docent propriam vim vocabulorum. c) distissima est *Burmanni*, quae duplex est, una octonis cum notis *Fabri*, *Schefferi*, *Heinsii*, *Gudii* etc., altera quaternis cum perpetuo *Burmanni* commentario.

15) *Suetonius* in primis prodest ad historiam sed etiam ad latinitatem. Edidere *Casaubonus*, *Graevius*, *Ernesti*, *Oudendorpius* etc.

16) *Plinii Epistolae* et *Panegyricus*. Edidit *Kortte*, et *Gesnerus*, quam editionem paulo auctiorem repetiit Clar. A. W. *Ernesti*. Nec contemnenda est editio *Cellariana*.

17) *Gellius* scripsit *noctes Atticas*, opus studiose latinitatis legendum. Edidit a) *Gronovius* cum notis, quam editionem

tionem *Conradi* repetiit Lipsiae, b) *Longolius*, sine notis, at cum indice bono.

18) *Curtii* editio optima est *Snakenburgii*. — Haec hactenus. Non omnes scriptores nec omnes editiones hic memorare attinebat. Qui latiore huius rei cognitionem nancisci cupit, adeat v. c. *Fabricii* biblioth. lat. auctam per *Cel. Ernesti*, item *Clar. Harlesii* introduct. in linguam latinam.

Ceterum, qui scriptores priscos notis virorum doctorum instructos legere cupit, is notet haec:

1) ne statim notas in loco difficili inspiciat; sed prius locum accurate et ex omnibus partibus contempletur, videatque, an suis ipsius viribus adjutus eum explicare possit. Ubi sensum nullo modo extorquere potest, tum demum notas adeat: quae sic magis proderunt quam statim consultae. Interdum tali modo videbit, ubi ipse haereat, ibi haerere quoque editores, et hos saepe nihil in difficillimo loco monuisse, quia facilis iis visus est. Etiam suavius est, sensu sponte reperto, interpretes consuluisse, ut videamus, utrum eorum explicatio, si qua addita est, nostrae explanationi similis sit nec ne. Haec est via ad subtilem linguae rerumque cognitionem. Qui mature id agunt, ut, simul locum non intelligunt, statim interpretes consulant, ii nunquam recte explicare scriptorem discent; ii per omnem vitam auctoritate aliorum nitentur, et non nisi citationibus doctorum res explicabunt, quia ipsi cogitare nesciunt.

2) Alia subsidia conjungere debet, v. c.

a) *bonum Lexicon*. Hic non nisi *Thesaurus Gesnerianus* vel *Faber Gesnerianus* vel *Lexicon Forcellini* memorari meretur. Iam multorum tironum paupertatem tantam esse scio, ut non facile unum horum Lexicorum sibi emere queant. Sed, cum ista Lexica non satis accurate scripta sint, ac praeterea care vendantur, ego ipse, postquam ante aliquot annos *Lexicon* minus ad formam libri memorialis *Cellariani* edideram, anno superiori *Lexicon* edidi majus, quod inscribitur: *Ausführliches und möglichst vollständiges lateinischdeutsches und deutschlateinisches Lexicon* cet., in quo curavi, ut omnes vocabulorum significationes accurate et ordine justo traditae reperirentur, et simul pretium libri tale esset, ut et a pauperibus emi posset. — Huc pertinet etiam magni *Ernestii clavis Ciceroniana*; *Horatii Tursellini liber de particulis* egregius, auctus per *Schwarzium* et postea per *Ernestium*, *Noltenii Lexicon Antibarbarum*, alique minores libelli de lingua latina,

ut *Goclenii, Hadriani Cardinalis, Gifanii observationes in linguam latinam* etc. In primis legenda est ei, qui accuratam tenere cupit linguae latinae cognitionem, *Sanctii Minerva*, egregiis magni Perizonii animadversionibus aucta (inde ab anno 1714). E quibus animadversionibus quantum disci possit, vix dici potest. Nam, si quis eruditorum linguam, ut graecam, ita latinam accurate intellexit, is fuit praecipue Iac. Perizonius. Ubique iudicium ejus est subtile, causis nixum, sanum et veritatis amans. Equidem, quidquid fere boni habet vel *Sanctius* vel *Perizonius*, inserui Grammaticae meae latinae.

b) libellos quoque eruditorum, in quibus multa scriptorum veterum loca explicantur, illustrantur, vindicantur, emendantur: v. c. *Gronovii observationes, Cuperi observationes, Bosii animadversiones in scriptores nonnullos, Victorii, Mureti, Canteri, Rutgersii* cet. *varias Lectiones*, inprimis *Observationes Miscell.*, quae *Burmanni* et *Dorvillii* cura prodierunt, cet.

c) *cognitionem historiae ac geographiae praeae*. Nam sine ea multa loca non intelligi possunt. — Huc pertinent opiniones praeorum philosophorum: quarum scientia saepe locum praeorum difficilem aperit.

d) *cognitionem antiquitatum, mythologiae* etc. Hinc legendi sunt mature libri huc ducentes: v. c. *Nieuportii succincta rituum romanorum* explicatio initio suffecerit. Post legendi sunt v. c. *Lipsius de militia romana, Sigonius de antiquo jure civium* etc. It, in *Lexicis* supra memoratis, v. c. *Lexico Fabri Gesneriano* multae antiquitates explicatae sunt breviter. In primis legendus est *Livius*, e quo solo fere antiquitatum romanarum certa cognitio peti debet, ita ut, qui non primam decadem legerit, parum illarum peritus reperiatur. — In *Mythologia* v. c. *Natalis Comes* quandam operam praestat: sed tamen melius est *Ovidii Metamorphosin* it. libros *Fastorum* legisse. Nam certius discuntur, quae ex ipsis fontibus hauriuntur. In nulla re fere scriptores recentiores tam incerti sunt, quam in tradenda mythologia et antiquitate.

e) *cognitionem linguae graecae*: sine ea nunquam cognitio linguae latinae accurata comparari potest. E lingua graeca facta est latina maximam partem, et scriptores latini innumera graeca vocabula, graecas phrasas, constructiones, connexiones etc. transtulerunt in linguam suam. Legatur *Vechneri hellenolexia*, per *Heusingerum* aucta, quae illud satis superque docet. Omninoque

que hic liber egregie prodest iis, qui de lingua latina accurate judicare cupiunt.

f) *notitiam multarum rerum, multarum artium*, v. c. agriculturæ, rei hortensis, artis pictoriæ etc. Nam non modo innumerabiles similitudines et descriptiones inventæ sunt, quas homo artium ipsarum plane rudis intelligere non potest; sed etiam innumera vocabula ex istis artibus petita et in vulgarem sermonem translata sunt; quemadmodum in vernacula millies contingit. Et quis, quaeso, scriptores rei rusticæ, in primis Catonem, Varronem, et Columellam, legere sine ulla rei rusticæ notitia audet? Et hos libros, maxime Varronis et Columellæ, ob suavitatem, latinitatem, aliamque utilitatem legendos esse, quis dubitat? *Pontedera, Schöttgenius*, et *Gesnerus* quomodo multa illorum loca tam praeclare explicare et illustrare potuissent sine rei rusticæ et hortensis scientia? Nam hic non res huc redit, ut sis latinae linguae peritus, sed ut sis ipsarum rerum peritus, ut sis rusticus, olitor etc. Non lingua latina per se me docet, an Varro, an Columella recte de olitore vel vinitor dixerit: sed ipse debeo esse olitor vel vinitor. Ac, si quando vir oriatur, qui, praeter accuratam linguae latinae criticamque scientiam, rerum ab scriptoribus rei rusticæ traditarum peritior Schöttgenio, Gesnero etc., in primis usu ipso diuturnaue earum exercitatione subactus sit, nonne credendum est, eum multa loca ac verba, quorum sensus nondum satis explicari potuit, explicaturum recte esse? Sic, qui Artis medendi earumque rerum, quae ad illam pertinent, plane imperitus est, is, licet accuratissima linguae latinae notitia instructus sibi videatur, tamen multa loca, in quibus istarum rerum aliquid occurrit, explicare non poterit. Nam unde, quaeso, fit, ut multa loca priscorum vel plane non vel non satis intelligamus? Nonne in primis inde, quod multae res, priscis notae, nobis hodie ignotae sunt? Res est manifesta. Nam v. c. nos magnam partem priscorum rituum non intelligere neminem fugit, qui priscos ipse diligenter legit: nam, qui istorum rituum notitiam non nisi e Compendiis hausit, is plerumque credit, se eorum scientia perfectum instructum esse. Id quod non mirum est. — Errant igitur, qui omnem rerum cognitionem e priscorum lectione petendam esse putant. Multae res inde disci possunt: fateor; sed non omnes. Iam nostrae artes plurimae, licet hodie aliam fere

fere formam induerint ac priscorum aetate habuerant, v. c. ars medendi etc., tamen non plane aliae factae sunt; atque ita saepissime notitia earum prodest ad loca multa, in quibus istae artes tractantur vel ad eas respicitur, recte intelligenda.

SECT. II

De exercitatione in latine scribendo, dicendo, et meditando s. cogitando.

Haec tria conjungi debent, si res procedere bene debet.

I) *Exercitatio in latine scribendo*: quae prima post interpretationem priscorum rite institutam esse solet ac debet, si quidem velis deinde accurate scribere et dicere. In dicendo saepe lingua praecurrit mentem, atque haec non semper animadvertit, si quid vitii illa commisit. In scribendo vero adjuvant simul *oculi*: quibus adjuta mens facilius vitia sentit. Deinde etiam propterea a scribendo incipere solent pueri, quia magister vitia sic facilius corrigere potest; ut taceam, nobis crebriorem occasionem esse latine scribendi quam dicendi: quod secus est in vernacula aliisque linguis, quibus in vulgari sermone uti volumus: id quod non cadit in latinam. Qui, decepti forsan similitudine vernaculae vel francogallicae, pueros volunt a prima aetate sibi latinitatem comparare *usu h. e. colloquendo*, vel de urbe, in qua omnes latine loquantur, condenda somniant, ii, ut ipsi non sermonis bene latini videntur periti esse, sic non cogitant, in tali urbe non bene latine dictum iri. Docet hoc quotidiana experientia de vernacula lingua: qua etsi nostri pueri perpetuo et audiunt alios homines loquentes et ipsi confabulantur, tamen, quam exigua sit eorum scientia linguae vernaculae multos per annos, quis nescit? Imo plerique homines, maxime de plebe, etsi per omnem aetatem lingua vernacula vel ipsi locuti sunt vel alios loqui audiverunt,

diverunt, tamen ne in senectute quidem saepissime eam recte intelligunt, h. e. nesciunt, quomodo de singulis rebus perspicue et accurate loquantur, nesciunt vocabula propria rerum etc. Atque adeo plerumque tam confuse de rebus plerisque loquuntur, ut, nisi saepius eos de rebus singulis interroges, vix mentem eorum percipias. Nam, quod de paucis iisque vulgaribus rebus, de quibus millies locuti sunt vel alios audiverunt loquentes, quodam modo perspicue loqui possunt, hoc nondum eorum magnam scientiam linguae indicat. Loquuntur quidem celeriter et audacter de omnibus rebus. Quis vero celeritatem dicendi et audaciam pro re laudabili et pro signo cognitionis linguae habeat? Scribere igitur recte latine discamus ante, quam recte latine dicere velimus.

Duplex est haec exercitatio in latine scribendo 1) scholastica 2) domestica. — Utraque et recta esse et conjungi debet. Recta est, si non tantum vocabula Ciceronis adhibere, sed in primis ejus connectendi rationem, copiam, dicendi, periodicam numerosamque verborum compositionem, omninoque ejus totum habitum h. e. perspicuitatem, gravitatem, suavitatemque dicendi imitari studes. Hoc enim est imitari. Stulti sunt, qui, si pueros jubent vocabula v. c. Nepotis, Ciceronis, usurpare, hoc vocant imitari Nepotem, Ciceronem. Ceterum

1) in *scholastica exercitatione* qua methodo utendum sit magistro, hujus judicio relinquendum est. Nam, si linguae latinae vere peritus est, h. e. scriptores optimos quosque in primis Ciceronem accurate legit et intellexit, ejusque scribendi rationem sibi familiarem reddidit, ei praecepta hic dare arrogantis foret. Is enim ipse varia via ducet discipulos ad Ciceronis elegantiam scribendi, quemadmodum is, qui millies in urbe aliqua fuit ejusque regionem plane cognitam habet, alios facile variisque viis eo ducere potest. Contra, qui Ciceronem non ipse intelligit, neque ita ejus scribendi rationem satis novit, quomodo is alios eam docebit? Hic coecus coecum ducet.

Duplex autem in scholis solet esse genus exercitationis latine scribendi.

Unum genus est, cum dictatur a magistro aliquid vernacule, quod adolescentes latine vertant vel statim inter dictandum vel domi. Utrumque bene; modo sint discipuli isti labori pares h. e. tales, ut Ciceroniani stili indolentum e praeceptis rite traditis tum maxime e lectione Ciceronis assidua accurataque jam calleant. Nam, etsi in subita versione, quam extemporalem vocant, a magistro perito adjuvari possunt, hic tamen non omnia dicere potest. In versione domestica, nisi sint bonae latinitatis satis periti, eo pejus scribunt, quo plus temporis ad meditandum habent. Hinc solent omni artificio, plerumque loco alieno, uti. Et correctio magistri, nisi accurata est, h. e. talis, ut singula vitia, etiam minima, ostendantur adiectis ubique causis, parum prodest. At hoc in magno coetu fieri nequit, praesertim si magister domi corrigit nec coram discipulis: hi enim saepe non legunt correctiones, nec intelligunt etc. Quare, nisi magistro plane persuasum est, discipulos latine satis scire (nam ista themata domi vertenda, quae *exercitia* vulgo vocantur, dictantur proprie non tam *discendi*, unde tironibus imperitis tale quid dictari non potest, quam *exercendi* gratia: hinc vocantur quoque *exercitia* h. e. per quae discipulus exerceatur in iis, quae didicit), suaserim potius, ut magister, si tale thema latine vertendum dictaverit, id statim coram se a discipulis explicari vertique jubeat, ita, ut singuli praelegant sententiam absolutam et vertant, nec tamen chartae mandent; ubi monere potest, cur hoc vel illud vocabulum eligere debeant, cur aptius sit alio, annon aptius eligere aut sententiam aliter exprimere possint; aliaque multa, quae ad connexionem membrorum, v. c. per pronomen *qui*, per duplex *et* etc., it. ad periodicam numerosamque orationis structuram pertinent, si discipuli nondum sciunt, subjicere potest. Haec ratio est valde utilis, quia sic non modo mature virtutes bonae latinitatis suggeri sed etiam vitia simul caveri possunt. Vitia corrigere etsi, ut in omnibus rebus, ita in latinitate, non inutile est, tamen multo utilius est efficere ac praestare, ne vitia committantur. A teneris assuescere multum est. Ista ratio inde a pueritia incipienda et tamdiu persequenda, donec discipulus se ipse ubique juvare et domi quidlibet vernaculi apte vertere possit. Sed, ut diximus, omnia hic nituntur peritia fidelis magistri: et hic intra unius anni spatium plus efficere valet, quam imperitus intra octo: imo hic nunquam discipulos bene latine scribere docebit, quia ipse nescit. Ac profecto, si, quicumque latine scribere alios doce-

docerent et priscos iis explicarent, satis hujus rei periti essent, perfecta linguae latinae cognitio annis duobus aut summum tribus acquiri posset. Nunc ea discitur sex, septem, octo et plures annos, et tamen tandem non addiscitur h. e. discipuli non facile audent aliquid latine *palam* scribere etc.

Alterum genus est, cum magister peritus, alius enim nec potest nec solet id facere, *thema* s. *argumentum orationis, narrationis, epistolae* etc. latinum discipulis proponit, quod hi, postquam in schola satis explicatum est, eadem lingua latius diffundant, illustrent et elaborent. Haec ratio est egregia: sic enim discipuli ipsi cogitare, ac simul latine cogitare, discunt, nec theodisca lingua, suam formam dicendi libenter suggerente, impediuntur, quo minus verba ac sententias vere latine componere, connectere etc., possint. — *Epistola* ista esse debet *vera*. Iubentur discipuli v. c. epistolam gratulatoriam ad hominem verum, quem ipsi satis norunt, scribere de re vera, v. c. de nuptiis, de honoris accessione etc. Epistolae fictae nihil profunt; nam in epistolis judicandis, utrum apte scriptae sint necne, magni refert rem et personam, ad quam scribitur, nosse. Hujus utriusque ratio habenda est. In epistolis, quarum argumentum fictum est, et quae ad homines fictos scribuntur, nullam regulam habet discipulus, ad quam suum ingenium accommodet. Imo scribit, quidquid ei in mentem venit h. e. quidquid placet. — Sic se res quoque habet cum *narratione*. Proponitur discipulis factum aliquod, quod in Livio, Cicerone, vel alibi legerunt, aut aliunde constat certumque est. Hujus facti particulas jubentur justo ex ordine conjungere factumque ipsum dilucide ac simul, ubi opus, causis, similitudinibus, sententiisque adjectis enarrare. — In *oratione* elaboranda dicitur *thema*. Hic videndum est, an intelligant; deinde assuefaciendi sunt argumentis, exemplis, testimoniis, similitudinibus sponte inveniendis, adjuvante tamen sensim magistro: tum domi totam orationem elaborant. Haec ratio est optima: quia sic mens acuitur et colitur: at linguae peritiam non levem postulat. Ergo 1) non prius hoc tentandum, quam vires discipulorum patiantur: ubi tamen non negandum, magistrum peritum, assiduum, et fidelem istas discipulorum vires, licet sint tenues, intra breve tempus alere et augere egregie posse, omninoque, quidquid velit, cito incipere ac feliciter celerrimeque ad exitum perducere valere, cum contra alii magistri id nullo modo fieri posse putaverint.

2) Antea tamen ratio prior, e vernacula in latinam linguam aliquid transferendi, aliquamdiu exercenda, atque etiam postea conservanda. — Sunt, qui plane nihil vernaculi latine verti sed statim latine scribi jubeant. Expeditius utique et facilius est iis, qui linguam latinam callent, statim latine scribere, quam contextum theodiscum latine vertere. At etiam hoc opus est. Quid si enim jubeare a principe vel rege aliquando v. c. orationem vernaculam vel librum celeberrimi viri cujusdam latine vertere? quomodo hoc perficere possis? Iis enim Philologis, qui non nisi latine scribi jubent, plerumque accidit, ut, licet egregie scribant, tamen e vernacula in latinum sermonem nihil apte transferre queant. Deinde certum est, si quis, adjuvante perito magistro, e lingua vernacula in latinam diligenter et crebro transfert, eum utriusque linguae fieri simul peritissimum, discrimenque, inter utramque intercedens, penitus perspicere, atque ita linguae latinae indolem longe melius et certius callere quam alios, qui non nisi latine scribendo, sine interventu vernaculae, operam dederint, quos praeterea videmus, ut latinae linguae peritissimos, ita vernaculae imperitissimos esse: quae res non turpitudine quadam caret. Utramque igitur rationem, et crebro latine scribendi, sine interventu theodisci sermonis, et e vernacula in latinam multa transferendi, in scholis usurpandam censeo. Sed, ut diximus, sine magistro perito ac fideli ista omnia frustra sunt. — Ceterum in latine scribendo non modo vocabulorum latinorum sed et periodicae numerosaeque eorum structurae, omninoque eloquentiae, habendam esse rationem e supra dictis luculenter apparet.

2) *Domestica exercitatio in latine scribendo eadem esse debet*, quae scholastica h. e. modo aliquid latine vertendum, modo latine statim scribendum, sed semper habita ratione non modo vocabulorum et phrasium sed etiam connexionis, periodicae numerosaeque structurae, omninoque eorum omnium, quae ad perspicuitatem, gravitatem, ac suavitatem dicendi, uno verbo ad eloquentiam pertinent. Nam sine eloquentia nemo bene scribit aut dicit. Deinde ista exercitatio debet esse assidua. Semper aliquid scribendum, v. c. narratio aliqua vel epistola ad commilitonem vel aliud quid. Exercitatio enim sola, post institutionem rite factam, reddit nos rei peritos: ipsa est magistra. Hinc recte Cicero monet, a stilo i. e. exercitatione ne transversum quidem unguem recedendum esse: *Stilus*, ut idem nomine Crassi ait Orat. I, 33, *est optimus et praestantissimus dicendi*

dicendi (it. *scribendi*) *effector ac magister*. In primis utilis est haec ratio, quando aliquem Ciceronis locum praeclarum accurate perlegimus, saepius repetimus, ac statim aliquid ad ejus similitudinem scribimus. Facilius enim est aliquem tum imitari, cum ejus forma et habitus totus nostrae menti adhuc praesens est, nosque ejus singulas particulas adhuc tenemus etc., quam post aliquod tempus. Hinc frequens lectio Ciceronis et priscorum cum ista imitatione coniungi debet, ut forma stili latini saepius occurrat etc. Add. quae infra n. III de latine cogitando dicentur.

II) *Exercitatio in latine dicendo*. Equidem scio, permultos, licet in scholis se nunquam in latine dicendo exercuissent, tamen, quia in latine scribendo se egregie exercuerant, postea, ubi res postulaverat, bene et celeriter latine locutos esse: tamen, quia, quod nunquam fecimus, hoc timoris nescio quid incutere solet, nosque id, quod primum facere jubemur vel cogimur, cum timore facere solemus, commendanda adolescentibus utique est illa dicendi exercitatio, ut, si forte aliquando in academicis disputationibus, quae latine instituuntur et linguae celeritatem postulant, personam respondentis, opponentis, vel praesidis gerere velint, hic aqua iis non haereat: deinde, ut, si forte eos aliquis latine alloquatur, latine statim respondere possint, neque iis idem contingat, quod accidisse ajunt magnis viris, Sigonio, Salmasio, Freinshemio, Facciolato, ut, licet egregie latinitatem nossent, tamen latine loqui timerent: quod inde factum puto, quia se pulchre loqui statim non posse videbant, famamque perdere nolebant, vel in dicendo non exercitati erant. His itaque de causis in latine loquendo exercendus est adolescens. Nec vero propterea haec exercitatio instituenda, ut lingua latina eo melius discatur, ut nonnulli perperam opinantur. Nam omnis exercitatio ejusmodi in quaque lingua nihil aliud efficit, quam ut celerius eam proloquamur et audaciam quandam, filiam illam diuturnae consuetudinis, adipiscamur. Nec vero hinc major ejus peritia

existit. Imo, si quis in loquendo exercetur ante, quam firmam linguae certamque notitiam tenet, haec exercitatio facile efficere potest, ut ille multis vitiis sermonis latini sensim assuescat; quibus deinde liberari difficile est. Quis enim non vim consuetudinis novit in utramque partem?

Quaeritur itaque, quando ista exercitatio dicendi incipienda et quomodo. 1) *quando?* haud dubie non ante, quam scribere scias et magnam linguae notitiam tibi comparaveris: quod vel serius vel citius accidere potest, prout vel ingenii vel institutionis ratio tulerit. 2) *quomodo?* a) coram magistro, v. c. in disputationibus, vel in lectionibus, ubi magister interrogat, discipulus responder. Nam adolescentes inter se latine loqui vix debent, nisi linguam praeclare calleant, quia nemo est, qui eorum vitia corrigat; ac quia nesciunt, de quam re dicant. b) ita, ut minorem temporis partem dicendo, maiorem scribendo, impendas. Nam, si de hominis scientia latinitatis et de ejus stilo judicamus, non ex ejus colloquiis latinis nec ex dicendo subito, sed ex iis, quae scribit vel cogitare dicit, v. c. oratione solenni, judicare solemus; quia hic plus temporis adhibuit. Ac profecto numerosa et periodica structura, ut alia taceamus, vix potest subito concinnari. Cicero ipse Orat. I, 33 sub persona Crassi accurate et parate dicere praefert *τὸ subito dicere*. Verba sunt: *Quamobrem in istis ipsis exercitationibus, etsi utile est, etiam subito saepe dicere, tamen illud utilius, sumto spatio ad cogitandum, paratius atque accuratius dicere*. Et addit: *Caput autem est, quod, ut vere dicam, minime facimus, (est enim magni laboris, quem plerique fugimus) quam plurimum scribere. Stilus optimus et praestantissimus dicendi effector ac magister: neque injuria. Nam, si subitam et fortuitam orationem commentatio (i. e. meditatio) et cogitatio facile vincit, hanc ipsam profecto assidua ac diligens scriptura superabit*. Quod si Cicero hoc loco subito dicere non tantopere commendat, cum tamen ibi de oratore romano agat, qui saepissime subito dicere cogitur: cur nos, qui in istam necessitatem non adducimur, tantopere *τὸ dicere latine* commendemus? Confundunt vulgo linguam cum lingua. Alia ratio est vernaculae, alia latinae vel alius. Vernaculam discimus potissimum *dicendi causa*: aliter enim vivere cum hominibus nostris non possumus: rarius utimur ea in scribendo. At latinam discimus

mus potissimum, ut libros illa conscriptos intelligamus, et praeclaras magnorum virorum sententias in nostram meritum derivemus: deinde etiam quodam modo *scribendi causa*, quia haec lingua eruditis in omnibus terris nota est. Eodem consilio Francogallicam discere debebamus; quia vero mos hodie ita fert, ut multi, contempta vernacula, Francogallica in dicendo et colloquendo utantur, hinc fit, ut multi credant, omnes linguas ad *dicendum* esse discendas.

III) *Exercitatio in latine cogitando et meditando.*

Haec est omnium utilissima, maxime necessaria, et tantopere commendanda, ut sine ea duae illae exercitationes parum fere prodesse videantur. Haec ratio valet in omnibus linguis. In quibus si quis magnos progressus facere earumque indolem recte tenere cupit, mature in iis meditari et cogitare discat necesse est. Qui vernacule bene cogitat, is vernacule bene scribit: sic, qui latine, francogallice etc., bene cogitat ac meditatur, is latine ac francogallice bene scribit. — Deinde haec exercitatio in *latine meditando et cogitando* saepius locum habet, quam exercitatio in latine scribendo et latine dicendo. Non enim ubique ac semper latine scribere possumus, quia v. c. chartam atramentumve ad manus non habemus vel aliam ob causam: nec semper et ubique latine loqui possumus, quia non semper est, quocum latine loqui possimus aut velimus. At latine cogitare et meditari ubique possumus.

Hoc vero fieri potest ac debet dupliciter:

1) quando soli sumus, nec librum latinum legimus, debemus cogitare, quomodo hoc vel illud latine exprimere debeamus: debemus totas sententias absolutas cum suis connexionibus, cum numerosa periodicaque collocatione effingere etc. Quod qui saepius tentat, is multum adjuvabitur.

2) in primis, quando librum latinum v. c. Ciceronis legimus, debemus in singulis enuntiationibus, in singulis sententiis cogitare, quomodo rationem Ciceronianam imitemur, h. e. statim aliquid ad ejus similitudinem effingere debemus. Ac felix est discipulus, si magister tale quid saepe facit, huicque rei illum mature assuefacit. V. c. quando in

principio orationis Ciceronis pro Rosc. Amer. lego: *Credo ego vos mirari, quid sit, quod, cum tot summi oratores hominesque nobilissimi sedeant, ego potissimum surrexerim, qui neque ingenio etc.*, quod proprie dictum est pro *Credo ego vos mirari, cur ego potissimum surrexerim, cum tamen tot summi oratores hominesque nobilissimi sedeant etc.* Quando igitur istud lego, et periodicam structuram imitandi cupidus sum, variis modis imitari possum, v. c. *valde miror, quid sit, quod, cum innumeri Ciceronis libros legant, paucissimi tamen ejus dicendi genus in scribendo assequantur, quod dictum est pro quid sit, quod paucissimi Ciceronis dicendi genus in scribendo assequantur, cum tamen innumeri ejus libros legant; vel ita: Mirabantur discipuli Christi, quid esset, quod Christus, cum se ab inferis tertio die rediturum esse promississet, tamen nondum appareret pro quid esset, quod Christus nondum appareret, cum tamen se ab inferis tertio die rediturum esse promississet.* — Sic, quando lego in Cic. Verr. V, 14: *Ita mihi meam voluntatem spemque reliquae vitae vestra populiue romani existimatio comprobet, ut ego, quos adhuc mihi magistratus populus romanus mandavit, sic eos accepi, ut me omnium officiorum obstringi religione arbitrarer; ubi ita est pro quam verum est me optare ut etc., et ut est pro tam verum est, me accepisse etc.*, statim ego, usum tñ ita seq. ut tenendi cupidus, aliquid simile cogito, v. c. *Ita mea conata deus, vel divina existimatio, perpetuo comprobet, ut ego, quas mentis vires deus mihi dederit, iis recte uti cupio: possum et aliis modis imitari, prout vel tñ ita seq. ut vel totam sententiam imitando exprimere volo.* Nam singula verba imitando exprimere est paulo difficilius, nec ubique quadrat: hinc, qui hic nimis diligentes sunt, in affectatum ac puerile dicendi genus incidunt. — It., ubi ap. Cic. ad Div. VIII ep. 14 §. 6 lego: *gratulor tibi, cum (i. e. quod) tantum vales apud Dolabellam, quantum si ego apud sororis filium valerem, jam salvi esse possemus pro cum tantum vales apud Dolabellam, ut, si ego tantum apud sororis filium etc.*, statim ad eandem rationem pro *tu mihi tantum beneficiorum tribuisti, ut, si pater tantum tribuisset, contentus esse possem, cogito et effingo haec: tu mihi tantum beneficiorum tribuisti, quantum si pater tribuisset, contentus esse possem.* — Sic vel pueri, bonae latinitatis cupidi, simulac tñ qui post dignus vident, statim simile aliquid componere sponte debent: atque id facient, si a magistro ita alluefacti fuerint. Sic, ubi legimus sententiam in Cicerone per pronom. *qui pro is vero, et is etc.*, incipientem, statim similiter agere debemus,

debemus, v. c. *Nondum literas accepi. Quas ubi accepero* etc. pro *Ubi vero eas accepero* etc. Ac sic in omnibus agendum est, si quidem artem latine scribendi addiscere brevi tempore cupimus. — Est in primis boni magistri, in lectionibus, ubicunque occasio tulerit, istam rationem diligenter sequi, ut supra jam monuimus. Nam profecto nihil utilius ista exercitatione esse potest: nec dubito, quin, quicunque bene latine scribere didicerint, hi omnes hanc facultatem in primis *latine cogitando* consecuti sint. Ac vix ullam aliam certioram viam eo tendere posse censuerim.

Ceterum adjuvare hic quoque quodam modo poterunt libri supra nominati, *Lexicon Fabri a Gesnero* editum, *The-saurus Gesneri*, *Nizolii Lexicon Ciceroni* a Facciolato editum; it. *Erasmus de copia verborum*; it. Ang. *Politiani Epistolae*, *Cunaei Orationes et Satir. Menippi*; it. *Gesneri Ernestiique scripta* etc. — Laudantur a nonnullis in hanc rem quoque *Sturmi* libellus de periodis et libri quatuor de universa ratione elocutionis rhetor.; it. *Serebaei* libellus de elect. et collocat. verborum: at sunt rari, ac forsan sine iis bene latine scribere discemus, modo Ciceronis libros frequenter legere recteque intelligere possimus.

SECT. III

Additamenta de imitatione ipsa.

Omnia ea, quae hactenus dicta sunt, pertinent ad Ciceronis priscorumque aliorum imitationem. His enim imitandis discimus bene latine scribere. Hinc patet, eorum imitationem commendandam esse. — At duplex hic oritur quaestio, 1) *qualis debeat esse imitatio* 2) *quis priscorum praecipue imitandus*. — Haec duplex quaestio, quae jam dudum ab iis, qui Ciceronem priscosque satis legerunt, ita disceptata est, ut non amplius dubia et incerta videatur, nostra aetate non amplius oriri debebat, nec forsan amplius oriretur, si, quicunque de latine scribendo loquerentur, Ciceronem priscosque alios satis legissent ac satis intellexissent. Cum vero linguae latinae hoc accadat, ut de ea ejusque adeo elegantia vel ii loquantur, qui ipsam non calleant, et

tamen omnes de ea judicare posse sibi videantur, quia omnes eam didicerunt; cumque plerique eorum, qui de latine scribendo atque adeo de bene latine scribendo loquantur, unum alterumve scriptorem priscum ac vel Ciceronem plane non vel minimam ejus particulam legerint: hinc saepe fit, ut, quia quisque non pessimum scriptorem legisse ac simul cum gustu, respondente cujusque cognitioni, legisse vult videri, interdum ista quaestio inter eos oriri soleat. Nos igitur, quorum est nos ad omnes accommodare, istam quaestionem, tanquam nova sit, proferre et ad eam denuo, licet breviter, disceptandam descendere debemus.

1) *Qualis debet esse imitatio?* duplex ejus virtus esse debet:

1) *Primum debet esse talis, qualis esse debet lectio* h. e. pertinere debet ad totum habitum stili priscorum. Ergo imitatio non debet esse tantum *verborum*; haec enim non est *imitatio*, sed *compilatio*: si tamen *imitationem* vocare cupis, appelles saltem imitationem puerilem: pueri enim, ut lapillos ludendi causa, ita verba sola captant. Imitatio debet esse *vera*, seu, si propter oppositionem ita appellare vis, *virilis*, h. e. pertinet ad similitudinem cogitandi, ad delectum vocabulorum cogitatis aptissimorum et compositionem ac connexionem, ad periodi structuram, numerosam verborum et enuntiationum collocationem, omnes denique virtutes eloquentiae in hoc libro explicatas, justam brevitatem et copiam, in primis perspicuitatem, gravitatem, suavitatemque dicendi complectitur, ut et passim et paulo ante de exercitatione scribendi monuimus. Haec qui in imitatione negligit, is ludit, non imitatur.

2) *Deinde debet ista imitatio sana esse nec nimis apparere* h. e. esse talis, ut sentiantur quidem a lectoribus intelligentibus, nos v. c. Ciceronis stilum imitando per totam nostrae orationis compagem expressisse, nemo vero dicere possit, ubi scilicet quibus locis illum imitati simus, unde nostra sumserimus etc. Debemus in Cicerone aliisque priscis imitandis exemplum apum sequi, quae e floribus succum ita exsugunt, ut, etsi omnes homines sciunt, e floribus haustum illum esse, tamen nemo possit dicere, quantum ex hoc vel illo flore eae hauserint.

hauserint. Debet itaque lectio priscorum, ut ita dicam, bene concocta esse, velut in apibus florum succi, ut, si quid scribere velimus, phrasas, vocabula, figuras vel sententias e priscis non tum demum sollicitè conquiramus, neque ubique Lexicon aliunde similem librum evolvamus (hoc sero tum fit) neque totos versus multo minus totas sententias absolutas e priscis in nostros libros et orationes transferamus, sed ut nobis, materiam, quam tractare instituimus, diligenter cogitantibus, statim in mentem veniat, quid et quomodo scribendum, phrasasque, verba, periodi structura et numeri oratorii sponte sequantur. Nam omnia diu quaesita sunt plerumque inepta, coacta, affectata, frigida: at, quidquid sponte in mentem venit, id plerumque rei naturae convenit estque aptum ac pulchrum. Interdum quidem, h. e. si quando incertus sis de aliquo vocabulo, Lexicon bonum consulere licet. Ista concoctio fit 1) rectè intelligendo sententias priscorum, quod primum est. 2) saepius repetendo: 3) saepissime exercendo. Atque istam imitationem quoque voco virilem. Viros enim pudet, si quem ubique imitari videntur, non item pueros. Omnis imitatio nimis manifesta est injucunda, tum, quia animum parvum indicat, qui nihil nisi repetere aliorum dicta et cogitata potest, tum, quia ejusdem rei repetitio eaque crebra taedium creat, cum contra variatio semper delectet. *O imitatorum servum pecus!* rectè ait Horatius. — Falluntur egregie vel superstitiosi sunt, qui magni sibi videntur, magnamque in eo laudem quaerunt, si dicere possint, se haec vel illa e Nepote, Livio, in primis Cicerone, summis. Quoties repetitum est principium praefat. Nepotis: *Non dubito fore plerosque, qui etc.*, vel initium orationis Tullianae pro Archia: *si quid est in me ingenii, quod sentio, quam sit exiguum etc.*? At cui hoc placet? Quis tale quid legens non exclamat: *Quae necessitas te cogebat?* — Legatur hanc in rem *Politiani* epistola ad Cortesium lib. 8, qui, licet Ciceronem imitari sciret, tamen ejus imitationem scil. anxiam disuasit. Ait v. c. *Mihi vero longe honestior tauri facies aut item leonis quam simiae videtur, quae tamen homini similior est:* et paulo post *Mihi certe, quicumque tantum componunt ex imitatione, similes esse vel psittaco vel picae videntur, proferentibus, quae nec intelligunt. Carent enim, quae scribunt isti, viribus et vita, carent actu, carent affectu, carent indole, jacent, dormiunt, stertunt. Non exprimis, inquit aliquis, Ciceronem. Quid tum? Non enim sum Cicero, me tamen, ut opinor, exprimo.* Et tandem: *quaeso, ne superstitione*

ista te alliges, ut nihil delectet, quod tuum plane sit etc. Sed, cum Ciceronem, cum bonos alios, multum diuque legeris, contriveris, edidiceris, concoxeris, et rerum multarum cognitione impleveris ac jam componere aliquid ipse parabis, tum demum velim, quod dicitur, sine cortice nates, atque ipse tibi sis aliquando in consilio — tuasque denique vires universas pericliteris. Vere. — Multi majores viri facti essent, nisi soli imitationi se tradidissent. Incitantur interdum clamore multorum: Nihil praestantius esse potest Homero, Virgilio, Cicerone etc. Quaeritur, annon, ut hi triumviri eos, qui ante se vixerant, vincere poterant, ita ipsi ab aliis vinci possint. Forsan multi vincerent, si vincere posse putarent. Quemadmodum igitur, qui pila luctant, non utuntur in ipsa lusione artificio proprio palaestrae, sed indicat ipse motus, didicerintne palaestram an nesciant, ut Cicero ait Orat. I, 16, sic, qui latine scribunt, etsi periodicis ac sententiis Tullianis, Livianis etc., non proprie utuntur, tamen ipsa scriptione declarant, se eorum rationem cogitandi et scribendi imitatione exprimere.

Quid autem statuendum est de priscis latinis, qui alios, v. c. Graecos, saepissime imitati dicuntur? Hic

1) concedendum est poetis, si interdum similitudines ex aliis poetis sumere, v. c. Virgilius ex Homero etc., quia forsan in rerum natura non aptiores res inveniebant, quas similitudinis causa usurpare possent, v. c. quando hominem fortem, constantem, ac cedere nescium comparant cum *caute* s. *saxo* undis maris resistente vel cum *ilice* s. *quercu* ventos contemnente etc. At in ceteris rebus poetae omnesque scriptores plerumque alios ita imitati reperiuntur, ut imitatio vix sentiat. Si tamen accadat, ut interdum eorum imitatio nimis apparens videatur, hoc in vitiis referendum.

2) Saepe docti credunt, aliquem priscorum hoc vel illud ex alio sumfisse, quia uterque eandem rem memorat, vel eam fere eadem ratione tractat, iisdemve fere verbis interdum exprimit: cum tamen aequae credibile sit, utrumque in istam rem, in istam sententiam, in istam verborum formam sponte incidisse et ipsum illam invenisse. Nam cur duo homines eadem sententia non sponte utantur? atque iisdem fere verbis eloquantur? Quis tam humanitatis expers est vel mentes hominum tam parum novit, ut sibi persuadeat, *unam* sententiam non nisi ab *uno* inveniri et cogitari posse? Alicui imitationem alterius obicere est res valde lubrica et incerta, nisi vel ipse fatetur, se ex alio hausisse,

hausisse, vel sententia tam singularis et uni ita familiaris ac propria est, ut vix alii in mentem venire potuisse credibile sit. — Memini aliquem aliquid pro concione dicere, quod alius é Voltario sumtum esse affirmaret, quia totam sententiam in Voltarii scriptis verbis fere iisdem reperisset, cum tamen ille ne vidisset quidem Voltarii scripta unquam. — Regnant quoque saepe in populo aliquo sententiae ac proverbia; quae unde orta, a quo inventa sint, nemo scit. Iam, si forte accidat, ut talis sententia vel proverbium in libris duorum scriptorum occurrat, an statim dicamus, alterum ex altero sumuisse? Valde hic erret, qui contendat, temporis habendam esse rationem, et, qui serius vixerit et scripserit, ab eo, qui prius scripserit, hausisse. Paulum Apostolum scimus aliquot versus graecos in epistolis suis protulisse, quos hodie in poetis quibusdam invenimus: at inde nondum sequitur, Paulum istos versus ex istis poetis sumuisse. — Imprudenter igitur agunt eruditi, qui, si quid in scriptore latino reperiunt, quod in alio scriptore aetatis superioris vel latino vel graeco occurrit, statim in notis ad istum scriptorem exclamant: *hoc sumtum est ex Homero, ex Aeschilo, ex Euripide, e Cicerone, Virgilio etc.*, quasi nihil certius esse possit, et quasi ipsi viderint scriptorem e scriptore sumere. Hunc in numerum praeter multos alios referendus est Cortius, qui ad haec verba Sallustii Catil. init. *veluti pecora, quae natura prona atque ventri obedientia finxit*, post alia longe petita tandem ait: „Imitatur plane Aur. Vict. Caes. cap. III n. 1 Claudius *ventri foede obediens*: et Epitom. cap. III n. 3 Hic *ventri*, vino, libidini foedae *obediens*.“ Unde hoc norat Cortius? Cur non potius dicebat: *similiter fere Aurelius*, vel *forasan huc respexit Aur. Vict.* etc.? — Idem ad haec verba cap. I extr. *Nam et prius, quam incipias, consulto: et, ubi consulueris, mature facto opus est*, quae haud dubie est sententia, quam hodie vel indoctus, qui priscos non legit, invenire possit, ita loquitur: „*Noster Demosthenem expressit*, qui ita Ex. XXII δει δὲ βεβλυσθαι μὲν ἐφ' ἡσυχίας, ποιεῖν δὲ τὰ δόξαντα μετὰ σπουδῆς, aut Isocratem ad Demonic. βεβλυσθαι μὲν βραδέως, ἐπιτέλει δὲ ταχέως τὰ δόξαντα, aut alium quem veterem. Nam Aristoteles VI Ethic. cap. X proverbio celebrari ait: πρᾶττειν μὲν δει ταχὺ βεβλυσθέντι, βεβλυσθαι δὲ βραδέως. et sic Herodian. II cap. VIII. Miror Ios. Wassium Themistium Orat. III p. 82 Zosimum Lib. I p. 49 citare, et tamen omittere potuisse Leonem in Tactic. cap. III n. 9, qui *manifeste nostram reddidit*; adde Herodot. VII cap. XLVIII, Valer. Max. II

cap. VII ext. 1, III cap. VIII ext. 2, Corn. Nep. Them. cap. III, Datam. cap. VII, Vellej. Pat. II cap. LXXVIII." Haec Cortius. O diligentiam putidam! Nonne Sallustium, senatorem romanum, virum doctissimum, credibile est sententiam istam, quam nostri adolescentes norunt, aut a patre aliquando inde a prima pueritia audivisse ac didicisse aut sponte invenisse? Plures commemorare taedet. Istud vero plerumque inde oritur, quod in citandis multis scriptoribus magna laus vulgo ponitur, et, quo quis plura legit atque ita plura citare potest, eo doctior habetur, quasi lectio multorum librorum sit signum magnae doctrinae certissimum. — Ac saepe vidimus aliquem propterea vituperari, quod non hunc vel illum scriptorem citaverit, quasi res nulla sine ista citatione possit esse certa, et quasi auctoritate aliorum et testimonio veritas nitatur. Ignoscendum igitur est ambitioni eruditorum, qui, quidquid legerunt, id in loco ponere et lectionem suam venditare et in lucem proferre festinant.

Ceterum ex iis, quae diximus, patet, nos in priscis pueriliter imitandis h. e. vel totis sententiis ex illorum scriptis in nostra transferendis non posse ad ipsorum exemplum et auctoritatem certo tutoque provocare. Sed faciamus, eos interdum pueriliter imitatos esse, tamen quaeratur, an deceat nos ad eorum exemplum accommodare vel nos eorum exemplo et auctoritate defendere. Priscorum enim virtutes amare, vitia odisse et fugere, debemus.

II) *Quis priscorum praecipue imitandus?* Cognovi enim non modo multos eruditos, qui bonae latinitatis indolem nosse beneque latine scribendi periti esse sibi videbantur, sed etiam, quod mirere, magistros non paucos credere, parum vel nihil differre, utrum Ciceronem, an alium ex aurea aetate, quae vulgo dicitur, scriptorem, ut Nepotem, Caesarem, Livium, it. Curtium imiteris. Vidi adeo eos, qui Nepotis stilum exprimerent, aequè laudatos esse ac qui Ciceronis. Imo interdum audiui, Ciceronem, quia paulo copiosius scriberet, a nonnullis pro non praeclaro scriptore habitum, eique Nepotem praelatum esse. Suus cuique gustus placet; fateor: sed omnis gustus pendet a cognitione rerum; quae si est accurata, ille est rectus: sin tralatitia, gustus est vel incertus vel pravus. Res, puto, facile decerni potest. — Si in latine scribendo non nisi vocabulorum et phrasium, ut multi temere et imperite opinantur, ratio haberi deberet, nihil interesset, utrum Ciceronem,

ronem, an Caesarem, Nepotem, Livium, Terentium etc. imitandum sumeres. Nam in his omnibus insunt bona vocabula, bonae phrasēs. Nec obesset, si ex argentea aetate scriptorem, ut Curtium, Senecam, Iustinum etc. imitando exprimeres. Quid? quod ne opus quidem esset, scriptorum veterum quemquam legi: quia e bono Lexico vocabula et phrasēs quaelibet peri et congeri possent. Et quid refert, utrum vocabula, si eorum tantum ratio habetur, ex aurea an ex argentea aetate ducta sint, modo a lectoribus intelligantur? Verum, de intelligentium sententia, in latine scribendo non sola verba, non solae phrasēs, sed totus orationis habitus spectatur, qui recta rerum et idearum tractatione, ordine, conjunctione, elocutione, venusta gravique sententiarum singularum conformatione, connexionē, iusta brevitate et copia, omninoque vera perspicuitate, gravitate, et suavitate h. e. eloquentia cernitur. — Iam quaeritur, an haec omnia ex omnibus scriptoribus latinis disci et an pari modo disci possint? Magnum enim inter ipsos discrimen intercedere facile patet ei, qui eos omnes vel saltem ex iis singulis particulam aliquam diligenter legit. Omnes scriptores, quacunque lingua scribant, inter se valde differunt 1) *tempore*, quo vivunt, et *statu reipublicae*, in qua scribunt; aliter scribit, qui in libera republica vivit, aliter, qui in republica non libera versatur: 2) *characterē* seu genere scribendi materiae, quam tractant, proprio. Aliter scribit historicus, aliter comicus, aliter orator, aliter philosophus. Sed et hic iterum est discrimen. — Aliter scribit historicus, rem breviter narrans; qualis fuit Caesar, qui, quidquid gessisset, celeriter et breviter perscripsit: hinc ejus negligentia non mira est; magis mirandum est, quod in tanta celeritate et in tantis occupationibus non negligentius scripsit, sed plerasque res diligentissime et tamen simul brevissime perscripsit: id quod maximum et divinum Caesaris ingenium, maximam doctrinam et exercitationem in scribendo luculenter declarat. Et magni viri interdum longe praeclarius scribunt celeriter scribentes, quam alii, multum temporis suis scriptis impendentes. Eodem pertinet Nepos, qui vitas virorum praeclarorum breviter exposuit. Aliter vero scribit historicus, qui res non modo enarrat, sed causas earum quoque affert, ut lectores de iis judicare ac prudentiores fieri possint. Cujusmodi historiam possis vocare *historiam philosophicam*. Talis fuit *Livius* ac posteriori aetate *Tacitus*. — Aliter scribit comicus, personam heri vel prudentis hominis,

nis, aliter, servi et hominis nequam personam inducens. — Aliter scribit orator, coram plebe dicturus, aliter, coram rege vel senatu romano etc. — Aliter scribit philosophus philosophis, aliter, ubi imperitos erudiendi causa populari sermone utitur: quod fecit Cicero in variis libris. Iam, ut similes cum similibus, ex veteri proverbio, libenter se congregare solent, ita sibi quisque ex eo scribendi genere, quod persequi cogitat, scriptorem, quem sequatur, eligat: h. e. comicum, si comicus, oratorem, si orator, historicum, si historicus fieri cupit. Iam quisque sponte sentiet, utrum Cicero, an Nepos, Caesar etc. praeoptandus sit. 3) *ordine et gradu honoris*. Aliter scribit rex eruditus, aliter civis eruditus, aliter consul romanus. Per se enim patet, quo quis eruditorum honoris gradu et muneris amplitudine magis excellat, eo doctiorem ac prudentiorem, ob faciliorem haec comparandi copiam, atque ita scribendi dicendique peritiorem fieri posse. 4) *doctrina et ingenio*: id quod per se manifestum est. Forfan opinetur aliquis me de *loci* natura, in quo scriptor vivit, seu de *climate*, ut appellant, dicere hic oblitum. At consulto tacui. Ego enim omnem ingeniorum vim et animorum rationem non climati, quod dicunt, sed institutioni, consuetudini, et statui reipublicae tribuendam dudum existimavi et adhuc existimo, nec de hac sententia per ea, quae pro vi climatis magna scripta legi, demoveri adhuc potui. De hac re forsan alibi. — Iam, uti res se habet cum scriptoribus omnium nationum, sic et cum latinis. Differunt scriptores latini et *tempore ac statu reipublicae*, in quo vixerunt, et *genere scribendi materiae ab iis elaboratae proprio*, et *honoris gradu munerisque amplitudine et doctrina atque ingenio*. — Aurea aetate i. e. tempore liberae reipublicae scriptores rerum, quam verborum, studiosiores erant, simplicius scribebant magisque perspicuitatem sequebantur, quam argentea, in qua lenociniis verborum, quam rerum justae tractationi, plus dabatur operae. Causa inest in statu reipublicae. Libera republica cives, uti res gerebant, ita res tractabant in scribendo ac dicendo: oppressa republica, rerum gerendarum potestas erat penes Augustum ejusque successores: ac civibus nihil nisi potestas loquendi relicta est. Cura ergo rerum amissa, curam vocabulorum fuscipiebant: nam otiosi tamen esse non plane poterant. Libera republica, ubi nemini opus est alterum timere vel adulari, ingenium civium, ad quodcunque vult, se erigit; dicit quisque libere, quidquid sentit; neminis beneficiis valde obligatus est, nec

nec obligatum iri sperat; atque ita dicit *vere*. Sed *τὸ vere dicere* est fundamentum *τῆς pulchre graviterque dicere*, omninoque *eloquentiae*. Nihil pulchrum est, quod non verum est. Libere sentiendi potestas ingenia vehementer acuit alitque et ad praestantissimum quidque proferendum viam sternit. — Libera porro republica, in qua eloquentiam certa et amplissima praemia expectabant, quisque, si praeclaro ingenio erat praeditus, ad eloquentiae studium incitatissimo gradu ferebatur. Quis enim ei non magnopere studeret, per quam videret homines posse summos honores, praeturam et consulatum, consequi? Nec forsan Cicero tam eloquens factus esset, nisi spes summorum honorum ipsum inflammasset. In libera republica romana oratores, atque ita scriptores, erant principes, duces, et gubernatores civitatis, sine quibus haec nullam legem sciscere vel antiquare omninoque nihil agere et jubere poterat, qui animos civium, ad quodcunque vellent, incitare, et, a quacunque re vellent, reflectere poterant: erant igitur viri reipublicae gerendae peritissimi, erant viri summa ac fere regia auctoritate et dignitate; v. c. Caesar, Cicero etc. At, quo quis genere, dignitate, et honore est superior, et quo quis majores res quotidie tractat, eo altiores cogitationes imbibit, eo magnificentius sentiendi et dicendi capax est, eoque pulchrius loquitur ac scribit, praesertim si ingenium summa doctrina excoluit. Accedit, quod talis vir non nisi summorum virorum reique publicae gerendae peritorum consuetudine utitur, cum iis quotidie colloquitur, atque ita tum majoribus rebus cogitandis tum venustius et gravius dicendo in dies magis assuescit. Tales erant Caesar, Cicero etc. Ac profecto, si hodie principes ac reges, iique doctrina eloquentiaque summa praediti, vel saltem non nisi viri nobilissimo genere nati, reique publicae administrandae assueti, ac simul doctissimi et eloquentissimi vel orationes vel libros ederent, profecto *aetas aurea* scriptorum vernaculorum eodem modo veniret, quo *aetas aurea* latinorum scriptorum Ciceronis et Caesaris tempore fuit. Nam oratores et scriptores humili genere nati et non nisi rebus humilibus et vulgaribus occupati, qui pulchritudinem et gravitatem cogitandi ac dicendi sublimesque sententias e scriptoribus demum ediscunt, non nimis longe progredi possunt: iis enim cum nimis multis difficultatibus et impedimentis luctandum est etc. Sed ista omnia praeclara, quibus libera res publica romana se efferre poterat, mutabantur mutata illa et amissa libertate. Hic

Impera-

Imperator, v. c. Augustus, Tiberius, Nero etc., solus erat *princeps*, solus magnas res gerebat etc. Lingua civium non, quod suae menti sed quod Imperatori ejusque amicis placebat, eloqui poterat. Eloquentia discebatur non amplius ad civitatem regendam, ut a Cicerone et Caesare factum erat, sed tantum ab iis discebatur, qui patroni causarum aliquando fieri cupiebant atque ita ea plane carere non poterant. Eloquentia, quia libertate sentiendi et magnificentia cogitandi carebat, fiebat enervis, ficca, haerebatque fere in verbis solis eorumque ornatu et fucis etc. Oratores et scriptores nunc erant genere, honore etc., humiliores. Et sic eloquentia deinde magis magisque lapsa est. Exorti quidem interdum sunt postea viri, eloquentia insignes, quemadmodum in cinere interdum scintilla aliqua reviviscit. At hae sunt *exceptiones*. Quenam enim est terra, in qua non interdum praeclarus vir nascatur? Et tamen eloquentia illorum nihil est ad eloquentiam Ciceronis nervosam.

Ex his itaque summatim disputatis apparet *primum*, auream aetatem illam, quam dicunt, ob simplicitatem, veritatem, magnificentiam ac pulchritudinem cogitandi, omninoque ob eloquentiam veram ac nervosam praeferendam esse argenteae ac ceteris aetatibus. Ac res ipsa patet ex scriptoribus aetatis argenteae, v. c. ex Floro, verborum interdum quam rerum studiosiore, itemque Seneca, qui lenociniis verborum abreptus plus interdum dixit, quam sensit. Etiam Quintilianus, Ciceronis admirator et imitator, nonnunquam coacta scribendi ratione utitur. Culpa est aut in imitatione, quae semper aliquid coacti habet, si nimia est, aut in aetate, aut in utraque. — Deinde apparet, e scriptoribus aureae aetatis Ciceronem ceteris praeferendum et digniorem esse, quem imitemur; quia a) fuit omnium tum viventium doctissimus: atque hinc eum accuratissime et optime scribere potuisse, quis dubitet? b) quia fuit ingeniosissimus et eloquentissimus. At *eloquentem esse* et *bene scribere* idem est. Et, qui ingenio magno instructus est, quid is non praeclare explicare potest? c) quia fuit princeps, fuit consul, consularis et rebus maximis in senatu vel cum populo agendis non modo interfuit sed plerumque praefuit: hinc non modo magna cogitabat, sed etiam inter magnos viros assidue versabatur, eorumque consuetudine, familiaritate, colloquiis, unde sane multa disci possunt, perpetuo utebatur: hinc contingere ei poterat, ut venustissima, suavissima, et optima dicens

cendi ratione uteretur: ac profecto credendus est vocabulis plebejis, obscoenis etc., quam maxime abstinuisse. d) in primis, quia ex omnibus scriptoribus aureae aetatis unus est, qui non modo permulta sed et talia scripserit, qualia hodie ab eruditis scribi fere soleant. Nam praeter permultas orationes et epistolas omnis fere generis reliquit disertationes uberrimas de rebus ad eruditionem disciplinasque pertinentibus, ut libros rhetoricos, quo pertinent libri de Inventione, de Oratore, Orator, Brutus etc., et philosophicos, quo pertinent libri Academicarum quaestionum, libri quinque de Finibus bonorum et malorum, libri Tusculanarum quaestionum quinque, libri tres de natura deorum, duo de divinatione, unus de fato, tres de legibus, tres de officiis, unus de senectute itemque de amicitia, de paradoxis Stoicorum etc. — Iam cum ea, quae ab eruditis hodie scribuntur et eduntur, sint fere orationes, epistolae aut disertationes ac libri disciplinam aliquam vel ejus particulam illustrantes, nonne convenit, eos potius Ciceronem, quam Terentium, Livium, Caesarem, Nepotem etc. imitari? (scilicet in tota orationis forma: nam in verbis ipsis fere conveniunt inter se isti scriptores). Nam, si quem imitandum nobis sumimus, aequum est, nos, ut doctissimum venustissimumque scriptorem, ita simul eum eligere, qui de eadem materia, de qua nobis in animo est scribere, vel saltem de simili scripserit. — At, si quis historiam simplicem scribere conetur, ei suaserim, ut Caesarem vel Nepotem, ac, si instructam s. pragmaticam, ut Livium hanc in rem legat et imitetur. Quotus vero quisque hodie est, qui historiam latine concinnare cogitet? — Sic, si quis Comoediam scribere instituat vel in latine colloquendo cum aliis se exercere velit, ei auctor sim, ut Terentium (it. Plautum) legat ejusque genus dicendi imitetur. Sed nec Comoedias hodie multi latine scribent et latine cum amicis colloqui pertinet inter res secundarias, quamquam non rejecerim aut damnarim, imo utile esse quoque censeo. Quare, ut nullus scriptor priscus negligendus vel contemnendus sed legendus quoque est, sic Cicero tamen in primis, qui diligentissime legatur et imitatione maxime exprimatur, dignissimus videtur. — Hanc porro imitationem quemadmodum non, ut jam aliquoties dictum est, ponere debemus in verbis, nam haec in aliis scriptoribus plerumque aequae bona sunt, sed in toto orationis habitu, ita, si quis verba Ciceronis verbis aliorum scriptorum praefert, hoc ei vitio non vertendum est. Nam, si quis aliquem in argumentorum,

rum, sententiarum, aliarumque rerum tractatione, in copia, perspicuitate etc., et omnino in tota orationis forma imitari cupit et diligenter studet, is illum et diligentissime et saepissime perlegat necesse est, quia scriptorem semel legisse nihil fere aliud est quam non legisse. Iam, si eum saepius cum summa attentione perlegit, quid mirum, si ipsi verba istius scriptoris ob consuetudinem notiora sunt faciliusque in mentem veniunt quam verba aliorum? Causa igitur latet in familiaritate cum illo scriptore contracta. — Desinant igitur contemtores imitatorum Ciceronis hos calumniari, tanquam verba Ciceronis per se meliora ubique esse putent. Hoc quemquam Philologorum sanorum putare incredibile est. Si quis tamen Philologorum sit, qui credat, Ciceronis verba per se et extra contextum h. e. relationem idearum sibi respondentium ubique esse praeclara et aliis semper meliora, is videat, quomodo se defendat: equidem ejus causam agere nolo. Interdum etiam ex scholis aliquid, minus accurate dictum, haerere solet etc.

APPENDIX II

De elaborationibus.

Ut de his diceremus, fecit exemplum aliorum. Quamquam vocabulum *elaborationis* a labore ductum est, tamen huc referimus omne, quod conscribitur, licet sine labore interdum fiat, v. c. epistolas ad familiares etc. Paucis desungemur.

SECT. I

De elaborationibus s. scriptioibus in genere.

Elaborare thesin s. *thema* est rem propositam perspicue, suaviter, ac, si opus est, graviter explicare. Vix opus sunt ei praecepta, qui perspicue, graviter, ac suaviter scribere didicit. Ad perspicuitatem dicendi referimus quoque, ut supra jam monitum est, id, quod alii dicunt

dicunt *ad persuadendum apte dicere*. Persuademus argumentis: nemo vero satis perspicue dicit remve explicat, nisi eam argumentis stabilit.

Hic igitur haec paucula adhuc monebimus:

1) De nulla re dicamus vel scribamus, nisi primum notabilis sit (nisi forte iussi simus a superiore), deinde, nisi eam plane ipsi intelligamus et sentiamus, hoc est, argumenta seu causas ejus satis multas satisque firmas, teneamus.

2) Haec igitur argumenta antea, quam scribamus, sedulo examinanda sunt h. e. cum themate saepius ac diligenter comparanda, ut videamus, an propter ea thema ipsum credibile vel certum sit. Prodest hic illa chartae ex ordine mandare, atque ita oculis subjicere. Melius rem mens perspicit, oculorum ministerio adjuta.

3) In primis attendenda est connexio cum argumentorum, quo exempla simul referimus, tum singularum enuntiationum, sententiarum, membrorum ac verborum. Hinc non modo ante elaborationem connexionem hanc in universum meditari debemus, sed in ipsa quoque elaboratione, quando unum argumentum vel unam partem materiae tractavimus et chartae mandavimus, perlegenda sunt singula membra, singulae sententiae, et videndum, an bene cohaereant. Et sic in ceteris agendum est. Ac, si omnia tractata et elaborata chartaeque commissa sunt, universus contextus diligenter perlegendus est, et videndum, an singula cum singulis apte cohaereant. Nec obest, totum contextum post aliquod tempus denuo perlegisse: imo prodest egregie. Saepe id, quod initio placebat, aliquanto post displicet. Sed hic iudicio opus est: suus quisque ipsius iudex esse debet.

4) Verborum delectus et ordo attendendus quoque est. Hinc *scriptum totum* aliquoties perlegendum, et videndum, an forsan hoc vel illo loco aptius graviusve vocabulum eligi, aut aptior, gravior, venustiorve ordo verborum institui possit ac debeat. Nec tamen hoc sufficit. Debemus etiam scriptum ad tempus aliquod v. c. aliquot dies seponere, et postea ad id diligenter perlegendum redire ac videre, quid emendari ac poliri possit. Saepe vocabulum, quod antea forte vel aptissimum videbatur, post aliquod temporis spatium videtur esse languidum et ineptum. Et haec ratio saepe repetenda. Sed hic, ut ante dictum, iudicio et doc-

trina opus est, ne forte non corrigenda corrigamus et corrigenda suo loco manere finamus. Saepe enim fit, ut aliquis id, quod scripserit, corrigat, quotiescunque legat, et eandem rem tamdiu corrigat, donec corruperit. Saepe enim id, quod statim ab initio posueramus, omnium optimum fuit. Prodest hic aures amicorum acutorum, nec facile adulantium, consuluisse. Praelegamus iis, si quid scripsimus, et, quid de eo iudicent, ita quaeramus, ut, etiamsi id valde vituperent, nos tamen non aegre feramus.

5) Habenda sedulo est ratio lectorum et auditorum: nam non omnibus ubique eadem eodemve modo scribenda ac dicenda sunt: ut supra monuimus.

SECT. II

De elaborationibus seu descriptionibus in specie.

Quatuor in primis solent vulgo esse ea, quae scribuntur: 1) *orationes* 2) *narrationes* 3) *epistolae* ad homines doctos 4) *libri et dissertationes* de rebus ad doctrinam pertinentibus. — De singulis pauca dicemus.

SECT. III

De orationibus proprie sic dictis.

Oratio proprie ita dicta constare solet in universum tribus partibus, 1) *exordio* 2) *thematate* 3) *conclusionem*.

1) *Exordium* proprie non opus esset, nisi consuetudo invexisset. Ac non nemini exordium majorem saepe difficultatem creat quam tota oratio. — Quale debet esse exordium? *Debet auditorem ad thema praeparare.* Et haec haud dubie causa est, cur inventum sit a priscis. Ergo debet tale esse, ut themati suo soli praeponi possit vel praeponi posse videatur. V. c. Si thema est: *historia literaria est studioso literarum utilis*, possit in exordio agi de nonnullorum errore, putantium eam inutilem esse, vel de causis, cur ejus studium a multis negligatur, vel possit exordium querelas continere de multorum contemptu historiae literariae etc. — In omni itaque
exordio

exordium debet esse 1) *thema* f. *propositio aliqua*, quam explicare et argumentis confirmare debemus: ubi ea notanda, quae supra de causis earumque tractatione in P. II c. I de *perspicuitate* Sect. 6 p. 519 ff. diximus: in exordio tamen brevitate quadam opus est. 2) *connexio hujus thematis* f. *propositionis cum themate orationis*. V. c. si thema orationis est: *historia literaria est studiosis literarum utilissima*, et exordium f. *thema exordii: multi contemnunt historiam literariam*. Causa: *quia ejus utilitatem non intelligunt*. Causae causa: *quia non ipsam didicerunt etc.* Connexio: *Quare de hac utilitate dicam* f. *dicere operae pretium erit*. Vel sic: *Exordii thema: multi putant historiam literariam ad adolescentes literarum studiosos non pertinere*. Causa duplex: una, *quia illi facile ejus suavitate ita abripi possint, ut ei se deinde totos tradant ceterasque res negligant*: altera, *quia tempus melius collocari et rebus magis necessariis et utilibus tribui possit*. Connexio cum themate orationis: *At* 1) *abusus non tollit usum nec tollere debet*. Si propter timorem, ne re abutamur, eam plane negligere, ea plane carere, debemus, quid non negligendum? qua re non cavendum? (v. c. igne, studiis literarum etc.) 2) *et quod ad tempus attinet, non video, quomodo, ceteris tamen rebus haud neglectis, id melius collocari queat, quam in discenda historia literaria*. Quod ut appareat, dicam de etc. Totam rem uberius explicari illustrarique debere per se patet. Quod quis hic a nobis postulet?

Interdum potest exordium etiam a persona dicentis, vel ab occasione, loco, ubi dicitur, tempore etc. duci: v. c. a) quando quis primum coram auditoribus dicit, ubi v. c. de honore loquitur, quem ex eorum praesentia capit etc., ac deinde vel aliud exordium cum themate orationis cohaerens addit, vel, si tempus non suppetit, statim thema orationis profert. b) quando dies, quo dicitur, est singularis et maxime illustris, v. c. natalis Principis etc. Attamen et hic decet exordii connexionem aliquam cum themate orationis observare: quod facile fit, si v. c. thema orationis isti diei consentaneum est, ac v. c. de *virtutibus boni principis* vel de *una virtute ejus* vel *in universum de bono, felici, principe, agit*. Hic omnia nituntur ingenio ac doctrina dicentis.

II) *Thema orationis*. Hic not. 1) *thema ipsum* 2) *ejus tractatio*.

1) *Thema ipsum* est vel *infinitum* vel *finitum*:

a) *infinitum* f. *indefinitum*, h. e. cum res in universum tractatur, nec ad certum hominem, certum tempus aut

locum, refertur, v. c. cum sermo est de virtutibus vel de modestia univēsa etc. Ac tum potest esse vel *generalius*, ubi de genere loquimur, v. c. de virtutibus in univēsum, vel *specialius*, v. c. de una virtute, ut *modestia*, *humanitate*, it. de paupertate, de divitiis etc., vel *specialissimum*, v. c. de *modestia erga inferiores* vel *superiores*, de *liberalitate erga hominēs*, *qui incendio fortunas amiserunt* etc., it. de *modestiae difficultate*, de *via ad modestiam*, de *utilitate paupertatis*, de *divitiarum recto usu* etc.

b) *finitum* s. *definitum*, h. e. quando thema ad certos homines vel certum hominem, ad certam urbem, certum tempus pertinet, v. c. *an Pompejo imperium sit committendum* etc., estque vel *generalius*, v. c. de *virtutibus principis* vel *studiosi literarum* etc., vel *specialius*, v. c. de *liberalitate principis*, vel *specialissimum*, v. c. de *liberalitate principis erga eos*, *quibus incendium fortunas eripuit*, aut *erga suos tempore egestatis publicae* etc.

Quo generalius est thema, eo plus quidem materiae ad dicendum datur, sed eo minus accurate res potest tractari. Tirones plerumque ejusmodi themata sibi eligunt. Quale igitur thema oratori eligendum est? 1) id, quod maxime auditorum attentionem conservat: ergo non *vulgaria* h. e. *generaliora* sunt eligenda. 2) id, quod satis accurate et copiose tractari potest: ergo non *generaliora* sumenda. 3) quod ad movendos auditorum animos aptius est: ergo *generalioribus* abstinendum. Hinc sequitur, quo specialius thema sit, eo melius esse: hoc enim 1) attentionem auditorum excitat et conservat: 2) satis accurate et copiose tractari potest, cum contra, quo generalior res est, eo magis summatim tractanda sit et tantum ejus capita breviter attingenda, ob materiae copiam: 3) animos auditorum plus movet. Genus et Totum nimis remota sunt a cognitione et sensu hominum; at partes Totius et species atque individua sunt propiora ei. Malim ergo dicere v. c. de *modestia eruditi* aliusve hominis quam de *modestia univēsa*; malim principem laudare ob *unam virtutem* quam ob *omnes*, et malim de *virtute ejus aliqua certo loco et occasione ostensa* loqui quam de *ista virtute univēsa*: malim unam rem gestam ducis bellici tractare quam totam ejus vitam. Pertinent huc multa themata, v. c. *An Physice profit Theologo* vel *quantum profit?* *an paupertas sit malum?* *quomodo paupertas tolerabilis reddi possit?* *paupertatem esse adjutricem doctrinae*, it. *marrem modestiae*

destitae etc; quid in divitiis colligendis spectari debeat? superbiam esse fontem irae: an poenae prosint reipublicae? cur poenae non arceant alios a malefactis? animum non posse corrigi, nisi mens corrigatur etc.

2) *Tractatio thematis.* Huc omnia ea pertinent, quae supra de perspicuitate, gravitate, et suavitate dicta sunt. Paucula ergo dicemus. *Thema* est enuntiatio, constans subjecto et praedicato. Hic igitur spectanda sunt in primis tria: *thematis explicatio, confirmatio, et illustratio.*

A) *Thematis explicatio.* Explicari debet, si opus est, subjectum, interdum praedicatum, interdum utrumque. Subjectum explicatur vel ex historia vel per definitionem. Hic auditorum reiue ipsius habenda est ratio, v. c. si thema est: *divitiae recte usurpandae sunt*, non opus est divitias explicare, quia quisque novit, quid per divitias intelligere debeat. Sin thema est: *Paupertas prodest artibus, est mater virtutis, prodest reipublicae etc.*, docendum est, paupertatem hic non esse eam, quae mendicare cogatur, sed eam, quae labore tantum comparet, quantum ad vitam sustentandam sufficiat. Sic: si thema est: *Caesar ob veniam Marcello datam admirandus est*, vel brevius *venia a Caesare Marcello data est admiranda*, explicandum est ex historia, qualis haec venia fuerit, quid peccaverit Marcellus, quam gravis inimicus Caesaris fuerit, quamque hunc laeserit Senatus consulto illo, quo Caesar jubebatur Galliam relinquere et Romae Consulatum praesens petere, qua re Marcellus cum Pompejo id spectabat, ut Caesar exercitu atque ita omnibus opibus privaretur: quia apud Romanos imperator, simul Romam ingressus erat, exercitum amittebat, nec amplius ejus dux esse poterat etc. Sic, si thema est: *Paupertas alit artes*, explicari debet, quid sit *alere artes* h. e. *incrementum iis afferre, efficere, ut floreat* etc. Explicatio potest esse vel brevior vel longior, prout res ipsa et auditorum ratio postulat. Si vel subjectum vel praedicatum per se statim intelligitur, ridicula est ejus explicatio. Inepti sunt, qui omnia omnino explicare volunt.

B) *Thematis confirmatio*, quae est res omnium maxime necessaria. *Thema* confirmamus, quando docemus, ipsum esse *verum*, h. e. praedicatum subjecto vere et haud dubie convenire: idque fit argumentis seu causis, quo pertinent saepe exempla, quae non modo illustrant sed in non-

nullis rebus quoque confirmant, item *testimonia*, praesertim in rebus historicis, ut supra in P. II c. 1 de *perspicuitate* S. 7 et 8 diximus. Hic tantum in argumentis paululum morabimur.

a) *Argumenta debent esse satis multa et satis firma.*

b) *debent recte digeri.* Fortius minus forti postponendum, quia auditores postrema quaeque memoria melius tenent. Levia argumenta plane omittenda. Sunt, qui ea fortibus immisceant, veluti mercatores bonis mercibus leves vel homines leves bonis numis adulterinos interdum immiscent. Ita prisci interdum oratores: at iis hac re opus erat, quia non loqui semper poterant, quae vellent, sed saepe defendere cogeantur homines improbissimos, it. loquebantur coram plebe, quae argumenta numerare non pendere solet. At nos hodie, cum sponte loquamur et coram hominibus prudentibus, deque rebus gravibus, ac raro accadat, ut aliquid laudare jubeamur non laudandum, cumque ipsam materiam eligere nobis liceat, non nisi certis firmissimisque utendum est argumentis. Pauca argumenta, si certa sunt, magnam vim habere possunt: nec res in multitudine sed in recta tractatione argumentorum vertitur.

c) *Argumenta debent saepius repeti*, in primis aliis verbis, ut vis eorum ex animis auditorum ne elabatur sed crescat.

d) *In primis argumenta debent recte tractari*, h. e. debet effici, ut eorum vis vere appareat. Fit duabus rebus 1) *confirmatione* eorum per nova argumenta; 2) *ostendenda eorum connexionem cum themate*. Primum igitur argumentum debet aliis argumentis confirmari, quo in nonnullis rebus pertinent exempla et testimonia; itemque exemplis et comparatione cum similibus illustrari et adjuvari. Saepe ista nova argumenta, quibus argumentum thematis confirmatur, iterum novis argumentis fulciri, imo et haec saepe rursus aliis argumentis confirmari, debent. Non hic definire et constituere licet, quoad in confirmatione argumentorum per alia argumenta progrediendum et quando subsistendum sit. Quisque orator per se sentiat et judicet necesse est, quando desinendum sit, h. e. debet scire, quid argumentis indigeat, quid non, quid manifestum sit, quid non. Posteriora tamen, quibus priora fulcianur, breviora esse debere per se intelligitur, ne confusio oriatur. Nam, si omnia argumenta posteriora, quae priorum confirmationi servantur, aequae

aeque late tractarentur, ac priora, quae thema confirmant, auditor totum contextum amitteret. Saepe posteriora ista argumenta una enuntiatione, interdum duobus verbis, constare possunt ac debent. Sed nihil definiri hic potest, quia materiae ratio valde diversa est, et alia latiore alia breviorum argumentorum posteriorum confirmationem postulare potest. — *Deinde debet in primis cujusque argumenti*, per quod thema confirmatur, *connexio cum themate ostendi*, h. e. debet doceri, quomodo propter istud argumentum, recte explicatum, confirmatum et illustratum, thema ipsum verum esse debeat. Hoc fit per *locum communem*. Hic locus communis nihil fere aliud est, quam *dictum illud de Omni et Nullo*, ut in logicis libellis vocatur: h. e. quod universis convenit, id convenit quoque singulis: et quod contra de *Nullo* dici potest, id aperte de singulis dici nequit: sic, quod *Toti* et *Generi* convenit, id convenit etiam *parti* et *speciei*: et, quod de *specie* dici potest, licet etiam de *individuis* dicere. Exemplum tironum causa subijciam. Thema: venia, a *Caesare Marcello* data, est *res admiranda*. *Argumentum*: quia est res magna: cur? quia est difficilis: cur? ob cupiditatem hominibus insitam se ulciscendi, quod experientia docet. *Connexio*: Iam omnes res magnae nostram admirationem excitant: quod experientia iterum docet. *Repetitio thematis*: Ergo, manifestum est, illam veniam esse rem magnam. Not. nos hic nimis breviter rem proposuimus, quia tantum ordinem indicare volumus. Nam aliis verbis, aliis sententiis, iisque pluribus rem explicandam et ornandam esse per se patet. Aliud exemplum. Thema: historia literaria studioso literarum est valde utilis. *Argumentum*: per eam enim cognoscit viros eruditos, eorum libros, vitam etc. atque ita vider, quantum sibi discendum restet, it. incitatur vita eorum legenda ad ipsos imitandos. *Connexio*: atqui omnia, quae studiosum ad discendum vel ad augendam doctrinam incitant, ei sunt valde utilia et commendanda.

Omnis igitur confirmatio thematis per unum argumentum, atque ita omnis tractatio unius argumenti, est syllogismus logicus inversus. Syllogismi logici conclusio est thema orationis, propositio syllogismi minor, ut dicitur, est argumentum thematis, et propositio syllogismi major est connexio argumenti cum themate seu locus communis. Quod igitur Logici primo loco, id Oratores

ultimo, ponunt, et quod illi ultimo, hi primo. Logici e duabus enuntiationibus, quas, ut jam notas certasque, fumunt et *praemissas* vocant, eliciunt novam enuntiationem illarum veritate nitentem, quam *conclusionem* vocant. Oratores hanc enuntiationem, quam Logici demum eliciunt, statim ab initio ponunt, sub nomine *thematis*, et istas duas enuntiationes, quas Logici ut notas praemiserunt, quaerunt demum. En exemplum utriusque rationis:

a) Logicae:

Omnia, quae studiosum literarum ad eas acrius discendas incitant, sunt ei utilia et commendanda,

Atqui Historia literaria incitat eum ad literas acrius discendas,

Ergo est ei valde utilis et commendanda.

b) Oratoriae:

Historia literaria est studioso valde utilis et commendanda.

Hoc est thema.

Nam incitat eum ad acrius discendas literas. Hoc est argumentum.

Sed quis dubitet ea utilia esse et commendanda studioso literarum, quae illum ad acrius discendum incitant? hic est locus communis, connexioni duarum praecedentium enuntiationum h. e. thematis et argumenti serviens. Aliud exemplum:

a) Rationis Logicae:

Quidquid magnum est, id est admirandum,

Atqui venia Marcello a Caesare data est res magna,

Ergo haec est admiranda.

b) Rationis Oratoriae:

Venia a Caesare Marcello data est res haud dubie admiranda.

Nam est res magna, h. e. propter difficultates varias a paucis perfici potest etc.

Sed omnes res magnae sunt admirandae.

Differunt itaque Oratores et Logici ita:

a) Logici e praemissis enuntiationibus eliciunt enuntiationem aliquam, quae inde necessario fluit: quod facilius est: at Oratores proponunt hanc enuntiationem,
et

et argumenta eorumque cum illa connexionem deinde quaerunt: quod difficilius est.

b) Logici non singulas enuntiationes declarant, illustrent etc. At Oratorum est, istas enuntiationes uberrime explicare, confirmare, illustrare.

Ceterum ita est oratori in omnibus argumentis agendum; et, quot sunt ei argumenta, tot sunt ei syllogismi inversi; quorum conclusio est thema. Qui haec, quae diximus, tenet, ei facile esse puto argumentum tractare: sed delectus argumentorum et elocutionis varietas atque ubertas, quae simul postulatur, pendet ab oratoris doctrina et ingenio. Conf. hic supra dicta in capp. de *perspicuitate, gravitate, et suavitate dicendi*.

C) *Thematis illustratio* per exempla et similia, ubi v. c. a minori ad majus concluditur vel contra etc. Eodem modo argumenta ipsa illustantur.

III) *Epilogus* s. *conclusio* it. *peroratio* proprie nihil aliud est, quam finis orationis. Ac profecto, postquam, thema satis explicatum est, finis orationis per se esse poterat: et in libris dogmaticis, quando thesis satis explicata est, statim desinere plerumque solemus. At

a) Romani graecique oratores, quorum orationes omnes in movendis auditorum, v. c. judicum et plebis, animis versabantur, solebant, re ipsa satis explicata, confirmata et illustrata, tandem ad iudices vel populum propius se convertere, atque 1) rem cum argumentis summam repetere et auditoribus in memoriam revocare; 2) deinde omni Rhetorices artificio id agere, ut animos auditorum commoverent, ira, misericordia, cupiditate etc. implerent, atque eo certius ad aliquid vel agendum vel omittendum impellerent. Hinc finis orationis iis erat nova quasi tractatio: hincque epilogus s. peroratio facta est pars quaedam orationis, eaque extrema.

b) Nostra eloquentia e Romana ducta est. Hinc item solemus non statim post explicatum atque confirmatum thema orationem finire, sed aliquid adhuc addere in epilogo; scilicet 1) argumenta breviter repetere, et inde concludere, thema certum esse 2) deinde aliquot praecepta et admonitiones addere, et, ubi fieri decet, thema ad auditores transferre, et eorum animos vel ad agendum aliquid vel ad fugiendum incitare, hancque in rem commovere et vel misericordia v. c. erga pauperes

etc. vel odio v. c. erga peccata vel amore v. c. erga deum etc. vel cupiditate v. c. virtutis etc. implere. Utrumque recte: prius, quia auditores non omnia dicta memoria tenent; hinc repetitio prodest; posterius, quia commotio animorum praeclare procedit, si argumentorum ope jam auditoribus de re persuasum est. Hoc est labantem magis impellere. At not. 1) multi nimium tribuunt isti perorationi; thema ipsum et argumenta non recte tractant; deinde commovendis in fine auditoribus vocis intensio, figuris etc., efficere student, ut illis de re ipsa, quam tamen argumentis rite stabilire debuerant, persuadeatur. In quo errant. Nulla re tam commoventur animi, quam argumentis: et haec recte tractata, et, ut prisca ajunt, contorta et librata, per se ac sine peroratione ista animos satis commovent. Neque igitur debemus auditores hortari, incitare etc., nisi argumentorum gravium iusta tractatio praecefferit. Vox parum prodest, et ad tempus tantum. Plerumque, ubi vocis intensio desinit, etiam animi commotio desinit. At argumentis creatur commotio diutissime durans: haec enim nititur fundamento firmo; nec commotio animi, quae voce forti figurisque gignitur, est vera commotio. 2) Nec *tò commovere animos auditorum* ubique convenire putem, v. c. in oratione, ubi materia, ad doctrinam pertinens, explicatur, et, ubi nihil nisi docetur, quis hic animos commoveat? Omninoque coram eruditis dicens ego vix audeam eorum animos voce et figuris commovere, quia, ut ego nulla re nisi argumentis ad rem credendam et vel agendam vel omittendam incitari soleo, ita et alios illis solis moveri puto.

Cum igitur mos ita ferat, ut epilogus s. peroratio addi debeat, quid in illa faciendum est? a) repetantur argumenta, sed commutatis verbis, una cum themate: b) addantur aliquot consecutiones, interdum praecepta et admonitiones, vel refutetur opinio aliorum nobis contraria; omninoque multa, quae alioquin in exordiis poni solent, ibi tractari possunt: ubi tamen semper auditorum reiue ratio habenda est diligenter. Non debemus praecepta dare viris prudentibus etc. Interdum etiam epilogus ad solum dicentem pertinere potest et consistere v. c. in gratiarum actione pro praesentia et attentione auditorum, si v. c. coram sapientibus viris de re ad doctrinae partem pertinente dixeris vel in commendatione sui, v. c. quando quis ex loco abiens auditores
valere

valere jubet; vel in promissione officiorum, v. c. quando quis munus solenni oratione auspicatur etc. — Ceterum orationem elaborare multis non tam difficile esset, nisi difficile multisque artificiis opus esse crederent. Qui ingenio valet, doctrina magna instructus est, se in elaborando saepe exercuit, et rem, de qua dicere vult, recte intelligit, ei facile erit dicere vel sine multis praeceptis.

SECT. IIII

De narrationibus.

Narratio est explicatio rei actae, estque duplex: *Primum*, quatenus est membrum orationis proprie dictae, vel explicationi in primis thematis servit et modo ei praepositur modo postponitur, vel ad illustrationem argumenti pertinet et *exemplum* appellari solet. Utraque narratio, ut ceteras virtutes narrationis habere debet, ita non nimis longa sit necesse est: id quod per se patet, quia est tantum particula parva orationis. Haec narratio est vel *simplex* h. e. ubi res narratur, ut gesta est, vel *ornata* h. e. cum singulae ejus partes eodem modo, quo argumenta tractantur, argumentis confirmantur et descriptionibus locorum etc. illustrantur. Hoc in oratione, cujus thema historicum est, vel cujus argumenta e factis arcessuntur, locum habet. Sic Cicero saepius, v. c. pro Roscio Amerino, ostensurus Roscium non fuisse patris sui interfectorem, maxime narrationibus utitur, v. c. Roscium non tum Romae fuisse, cum pater interfectus esset, nuntium caedis hujus non ad Roscium sed ad alium venisse etc. Sic in Verrinis docere studet, Verrem et Romae et in Sicilia contra jus et fas egisse, cives et provinciales vexasse, diripuisse, occidisse etc. Id quod non aliter declarare et confirmare poterat quam per *narrationes*. Hae, quia loco argumentorum erant, imo argumenta ipsa, etiam, ut argumenta, tractari et ornari nec simpliciter poni debebant. Ejusmodi narrationes ornatae

v. c. in laudibus magni ducis bellici locum habent, ubi, si ejus victoriae singulae narrantur, non simpliciter eas narrari sed ex suis causis duci et cum aliorum victoriis magnis comparari debere per se intelligitur. Et sic in omni laude magnorum virorum narrationes virtutum illorum debent esse ornatae.

Deinde, quatenus narratio est peculiare scriptio-
nis genus: cum v. c. vitam principis aliusque magni viri, bellum aliquod, vel res totius populi inde ab origine vel multorum populorum etc. exponimus, omninoque historici aut biographi partes fuscipimus; quales fuere Livius, Caesar, Nepos etc. Et de hac narratione hic proprie sermo est. Hic vitandae sunt omnes figurae commovendis affectibus inventae aliaeque ornamenta huc spectantia. Historicus et biographus debet fidelis esse h. e. rem narrare, prout acta est: ac, si res gravis est et admiranda, ea per se commovere debet legentium animos. Si ipse commovere animos studet, videtur vel diffidere narrationi suae vel nimis ea captus esse, quod vitium est. Peccavit hic nonnunquam Florus. Nihil est difficilius quam praeclare narrare. Homines ornatui nimis dediti sunt, nec rem aequo animo considerare facile possunt, sed vel amare et probare vel odisse et improbare eam solent. Iubent eruditi historicum neque patriae suae neque religionis nec sectae philosophicae nec alius cujusquam rei rationem habere. Quotus vero quisque est, qui ista omnia in narrando oblivisci possit? praesertim si sit animo humano et facile ipse moveatur re qualibet. Et hodie plerique scriptores student animos ita fingere, ut ficile moveantur et liquecant. Quae res non magnam spem nobis injicit, multos aliquando fore, qui bene narrent: cum contra odarum scriptores nunquam defore verisimillimum sit, quia his copia datur animo commoto loquendi. Facilius est hominibus ingenio praeclaro praeditis commoto animo dicere ac scribere quam placido.

cido. Omnia, quae ad narrationem bonam concinnandam pertinent, hic proferre non est hujus loci.

Notabimus duntaxat haec duo:

I) de *virtutibus narrationis universis*. Omnis narratio debet esse *vera*, *perspicua*, et *suavis*. Haec iudicio et scientiae scribentis relinquenda sunt; attamen duobus verbis explicabimus:

I) *vera* est, si is, qui narrat, rem recte narrare et potest et vult. Utrumque conjungi debet: interdum vult aliquis recte narrare, at non potest, quia ei iusta rei scientia deest: interdum potest aliquis recte narrare, at non vult ea, quae recte scit, fideliter referre. Recte narrare *potest* is, qui rei ipse interfuit ac simul de ea judicare recte potest. Quia tamen nos omnes omnibus rebus interesse non possumus, etiam eum dicimus rem recte narrare posse, qui eam ab aliis, recta rei scientia et voluntate fideliter narrandi praeditis, didicit. Recte narrare *vult* is, qui est veritatis perpetuo amantissimus, et, ut ipse non nisi vera audire cupit, ita aliis non nisi vera narrare gaudet. Talis homo non curat homines, non praemia, non damna, non opiniones, non laudes, non vituperationes, non sectas philosophorum: et nec patriae nec religionis, nec amicitiae nec inimicitiae, habet rationem, et narrat ita, tanquam solus sit in hac terra ac nemo sit, a quo aliquid expectare vel metueret, et tanquam sibi soli narret: narrat itaque rem ita, ut actam esse certo scit. An ejusmodi homines multi reperiri possint, quaeritur. Porro talis homo non nisi veritatem spectat; haec sola, ut sic loquar, per illius calamum loquitur, atque ita omnia ornamenta, quibus narratio gravior, suavior, probabilior fiat, omittit. Veritas per se gravis, suavis, et probabilis satis est. Omittit igitur figuras rhetoricas, animis lectorum movendis et incendendis aptas, v. c. exclamationes et interrogationes crebriores etc. Non enim affectus excitare studet: sed hi sponte e re ipsa oriri debent. Veritas per se satis commovet, incendit, reflectit etc., modo satis sit intellecta. Fateor, rem magnam saepe scriptoris ipsius animum commovere, incendere, atque adeo abripere. At hunc ignem extinguere, animum cohibere, et uno verbo se vincere debet. Quod quid aliud fere est quam naturam expellere? Magnum hoc esse ni fatear, mentiar. At propterea munus historici maximum quoque est. Hinc fit, ut historici tam rari sint, et ut nostri homines

nes malint fictas narrationes conscribere; quia hic ingenio indulgere possunt, quod in veris narrationibus non licet. Et tamen nihil generi humano utilius esse crediderim narrationibus veris et historia: nec quidquam magis optandum est quam multitudo historicorum. Fingere aliquid ingenii ope quis nequit? at vere loqui non est cujusvis hominis. Fictae res tantummodo delectant et tempori fallendo egregie serviunt; at veritas animos hominum nutrit, erudit, sapientia instruit et corrigit: imo etiam delectat, si quidem ei assuetus es. Paene oblitus essem monere in narrationibus, quatenus est genus scriptionis, opus esse *restes* nominare, quorum auctoritate narratio nostra nititur, et eorum gravitatem demonstrare.

2) *perspicua* est, si nihil omittitur, quod ad rem plane intelligendam pertineat, si ordo rerum ac temporum diligenter servatur, si nihil alieno loco immiscetur, quod seriem narrationis interrumpere atque animum legentis perturbare incertumque reddere possit, si nimia brevitates dicendi vitatur, si verba usitata et satis nota remque optime exprimentia usurpantur, si ordo verborum est naturae idearum conveniens, de qua re supra dictum est. Add. et P. II c. 1 de *perspicuitate dicendi*.

3) *suavis* est a) si *perspicua* est. Omnis enim *perspicuitas* placet. Etiam narratio omnis, si quidem res non indignas auditu continet, facile placet, modo intelligatur. b) si *iusta brevitates* servatur h. e. ut non nimis diu res vel aliqua ejus particula dilateretur: quod iudicio scriptoris relinquendum est. c) in primis varietate rerum, ac simul varietate elocutionis: it. si *inexpectata multa* continet, si praesertim exitus mirabilis est; it. descriptionibus hominum et rerum venustis; it. genere scribendi vegeto nec tamen affectato etc. Cf. supra cap. 3 de *suavitate dicendi*.

II) *Divisio*. Narratio est vel *simplex* vel *pragmatica*. *Simplex* est, cum tantum res cum suis partibus ex ordine, quo singulae actae sunt, simpliciter narratur, ita tamen, ut plane intelligatur; non additis iudiciis de ea vel de ejus ratione etc. Talis est narratio Nepotis, Caesaris. *Pragmatica*, cum non solum res per partes perspicue narratur, sed etiam, si paulo major est, e primis initiis ducitur et additur, cur ita facta sit, nec aliter fieri potuerit, quid occasionem praebuerit etc. it. iudicia de natura rei, de causis, quatenus hoc vel illud efficere possint, de moribus populi, imperatoris, aliusve viri notabilis, per quem res mag-

na gesta est, adduntur et loci communes tractantur etc. Per ejusmodi narrationes lector fit prudens h. e. discit causas rerum indagare et veras a fictis, quae saepe serio pro veris venditantur, discernere, et judicare, quid ex hac vel illa re sequi soleat, potestque in rebus agendis ipse cautior fieri aliisque praeclara consilia dare. Tales sunt magnam partem narrationes Livii et Taciti, ut Polybium, quia Graecus est, taceamus.

SECT. V

De conscribendis epistolis.

Epistolarum scribendarum praecepta accurata et sufficientia omnium minime tradi possunt. Nam materia, quae in iis scribendis tractatur, est tam diversa, ac personae, quae scribunt et ad quas scribitur, sunt tam diversae v. c. aetate, gustu, honoris gradu, omninoque relatione ad se invicem, ut praeceptis ista omnia comprehendere minime queant. Aliter enim scribimus de eadem re ad amicos, aliter ad inimicos, aliter ad inferiores, aliter ad superiores, aliter ad homines superbos, aliter ad modestos, aliter ad notos, aliter ad ignotos etc.

Epistola universa est scriptum, cujus hoc est consilium, ut absenti idem dicamus, quod ei, si adesset, dicturi essemus. Ac, si semper ad homines amicissimos scriberemus, nulla difficultas foret, quia hic iisdem verbis, quibus in colloquendo cum praesentibus illis usuri fuisset, uti possemus. At, credo, epistolarum ad amicos mittendarum praecepta non dantur vel non dari opus est: hic enim animus loquitur: sed earum potius, quas ad ignotos vel a nobis alienos, ac praecipue ad viros principes et amplissimis muneribus fungentes, scribimus. Gellertus in praefat. ad epistolas suas ait, nihil esse facilius quam epistolas scribere, modo naturam ducem in cogitando et scribendo sequamur. Recte, si ad amicos scribimus vel saltem ad eos, quorum conditio, sensus, et gustus notissimus est, praesertim

fertim si nobis non sunt multo superiores nobilitate, honoris amplitudine etc. At non, si ad alios; cum praesertim sensus hominum et gustus sit tam multiplex, tam varius etc.

Paucissima igitur tantum hic dicemus:

I) In omnibus, quae scribimus, videndum, ut lector ea et intelligat et credat: hinc multa huc pertinent dicta in cap. de *perspicuitate*. In primis, quando alicui aliquid confirmamus, causis hoc fulciendum est, ut lector videat, nos serio et ex animo loqui, nec tantum more vel adulatione ductos. Si quid v. c. laudamus, vituperamus, si cui gratulamur vel dolorem nostrum significamus, si promittimus, si spem metumve aliquem declaramus etc., haec omnia argumentis, modo breviter, modo late, confirmari et niti debent. V. c. nolim scribere alicui: *gratulor tibi, quod munus tam amplum nactus es*, et hic filere: vel doleo, *quod uxorem amisisti*, nec quidquam amplius addere. Malim v. c. scribere: *Gratulor tibi vel maxima laetitia affectus sum, quod munus nactus es, quod tu in primis bene ornare potes, vel quod nemo te praeclarius ornare potest, vel quod meritis tuis respondet, quod occasionem tibi praebet, multos (v. c. doctos, miseros etc.) adjuvandi, et merita multorum praemiis afficiendi. Doleo vel lugeo cum omnibus bonis ereptam tibi esse conjugem, virtutibus excellentem, quae tibi summae voluptati et adjumento erat, quae amicas innumeras solatio et consilio recreabat* etc. At per se patet, veritatem hic quoque sequendam esse, ne homini omnibus virtutibus carenti innumeras virtutes tribuamus.

II) Humanitas in primis ubique observanda est, v. c. humanius est: *Quod tibi rex munus tam amplum credidit, non tam tibi quam toti civitati vel reipublicae gratulor, quae quantum utilitatis ex tua prudentia et amore patriae captura sit, jam animo praevideo* etc., quam: *gratulor tibi munus a rege acceptum*. Sic, si quid petimus ab aliquo, cum conditione petendum est, v. c. *si digni simus, si fieri possit, si nihil molestiae ei, a quo petitur, creet* etc. Sic, si recusare aliquid cogimur, hoc ita faciendum, ut appareat, nos invitos recusare, v. c. *addenda est tristitia, qua affici nos dicimus, quod non potuerimus vel non possumus negotium aliquod suscipere* etc. Et quis omnia signa humanitatis memorare queat? Cf. supra cap. de *suavitate*. In primis

primis decet ubique de nobis nostrisque viribus ingenii et virtutibus modeste loqui, nos non laudare; item nos, quantum fieri possit, accommodare ad ejus, cui scribimus, gustum et intelligentiam, ne v. c. aliquid vehementer laudemus, quod ille vehementer oderit, vel vituperemus valde, quod ille impense amet, vel de re multa loquamur, quam ille non intelligat etc. Sed haec omnia nemo scit atque ita se accommodare ad ea potest, nisi, qui eos, ad quos scribit, fatis novit. Quotus vero quisque est, cui haec cognitio ubique contingat?

III) Observantia erga superiores, in primis viros summa dignitate summaque honorum amplitudine conspicuos, nunquam negligenda est. Licet enim nonnunquam hi ipsi dicant, se istam observantiam repudiare, nosque adeo jubent secum ita loqui, ut cum nostris familiaribus: tamen haec verba curare non debemus, si quidem prudentes esse volumus. Quare v. c. ne dicamus: *Iterum scribo ad Te vel scripsi ad te, Comes Illustrissime*, vel cum Cicerone: *ad te scribendum putavi*; sed v. c. *ad Te scribere ausus sum, audeo; pietatis meae esse duxi, pietas a me flagitabat; officium postulabat; pietati meae denegare non potui*, vel simile quid. Hinc consuetudini cedendum, a qua saepe pender observantia; hinc honorum nomina s. titulos, ut vulgo vocant, non negligere vel latinius exprimere debemus; sed morem sequi. Nam in colendis hominibus non quaeritur, quam latine, sed quam observanter, loquamur. Si quis tamen interdum bene latine, ac simul observanter, et vero etiam perspicue exprimere sciat, ejus judicio res relinquenda est. Nec causam video, cur non illa abstracta, v. c. *Serenitas, Excellentia tua* etc., a nobis usurpari possint. Non enim vivimus amplius in republica romana, ubi omnes erant pares, et ne *dominum* quidem quemquam appellabant, sed tantum dicebant v. c. *Tu, Caesar; Tu, Cicero* etc. Et Cicero, si nostris temporibus viveret, aliter etiam in talibus rebus scriberet. Hinc nec cum Cicerone initio epistolae scripserim v. c. *Ioannes Fridericus N. N. S. P. D. Comiti Illustrissimo*, nec *Comiti Illustrissimo salutem plurimam dicit Io. Fridericus N. N.*, sed *Comes Illustrissime* etc. Alia ratio est nostrae aetatis, alia fuit Ciceronis. Sic et observantius est dicere *Tibi me*, quam *me Tibi* etc.

III) In epistola delectus et ordo verborum debet esse curatior quam in sermone: licet in utroque idem dicamus. Nam sermo s. colloquium cum praesente, ubi finitum est, mox evanescit, et is, qui nobiscum collocutus erat, non

recordatur semper post aliquod tempus, *qualia verba et qualem eorum ordinem* tum usurpaverimus. At epistola saepe servatur: ac saepe fit, ut aliquoties perlegatur, ut adeo, si quid negligenter scriptum sit, id, nisi in prima, at in repetita lectione animadvertatur. It. epistola ostenditur interdum aliis, qui judicare possunt etc. Omninoque plus diligentiae in epistolis expectatur, quam in sermone cum praesentibus, quia illic plus temporis conceditur, quam hic. Sed ornamenta oratoria, figurae etc., absint: nam epistola sermoni vulgari longe similior est quam orationi.

V) Finis epistolae non debet esse: *Cura, ut valeas*, non tanquam per se hoc reprehendendum sit, sed quia nimis vulgaris est haec formula, et sapit nimiam imitationem Ciceronis. Sic constat inter eos, qui bene latine scribere creduntur, subscriptionem nominis cum contextu epistolae non cohaerere debere: v. c. rejiciant hoc: — *mihi tribuas, qui perpetuo manebo, Comes Illustrissime, vel Vir Illustris, tuo nomini illustri addictus N. N.*, sed ita malunt poni: — *mihi tribuas.*

Comes Illustrissime vel Vir Illustris etc.

*Tuo Nomini Illustrissimo vel Illustri
addictissimus*

N. N.

In ejusmodi rebus, per se non magnis, multum valet mos receptus. Et hunc sequi debemus, si offendere nolumus. Attamen non video, cur subscriptio nominis cum ipsa epistola non cohaerere bene possit, praesertim cum more epistolarum francogallicarum per hanc connexionem non parum observantiae humanitatisque declarari possit.

VI) In adjectivis muneris amplitudinem, generis splendorem etc., indicantibus, quae vulgo *titulum honoris, den Titel, die Titulatur*, appellant, servanda est magis consuetudo, quam elegantia stili Ciceroniani, si haec cum illa conjungi non potest. Offendimus homines, si iis non honoris titulum consuetum et solennem tribuimus, quia cum hoc titulo conjunctus est honoris gradus, ordo et locus, quo in conventibus hominum fruuntur. Apponam hic ejusmodi adjectiva s. honoris titulos, prout vulgo usurpari solent:

I) ad Regem ab initio epistolae ita scribitur:

Rex Serenissime ac Potentissime,

Domine longe Indulgentissime,

et in fine epistolae iterum:

Rex Seren. et Potentiss.

Dom. longe Indulgent.

*Nomini Tuo Augustissimo
devotissimus*

N. N.

Ita et ad *Imperatorem romanum*, nisi quod post *Potentissime* etiam addi solet *Inviectissime*.

2) ad *Principes Electores, Duces, Landgravios, Marchiones, Principes*:

Princeps Elector (Dux, Marchio, Princeps) Serenissime,

Domine Indulgentissime,

et in fine iterum:

Princeps Elector (Dux, Marchio etc.) Serenissime,

Domine Indulgentissime,

*Nomini Tuo Serenissimo
devotus*

N. N.

NB. Nonnulli, si ad *Electorem Principem* scribunt, addunt *Potentissime* post *Serenissime*.

3) ad *Comitem Imperii* vel etiam *Comitem Universum*:

Comes Illustrissime,

Domine (Maecenas) Gratiouissime, it. vidi Clementissime etc.
qui duo versus in fine repetuntur, deinde sequitur:

*Nomini Tuo Illustrissimo
devotus vel addictissimus*

N. N.

4) ad *Nobiles: Perillustres* etc. Si vero summo reipublicae munere funguntur, quales nobis sunt ii, qui *Statuz Ministri* appellantur, dicitur etiam: *Illustrissime*. Et in fine: *Nomini Tuo Perillustri, Illustrissimo*

devotus vel addictissimus

N. N.

5) ad eos, qui *non sunt nobiles*, varie scribi solet pro munerum ratione. Qui munere funguntur, quo alioquin nobiles fungi solent, vel qui inter eos, qui non nobiles sunt, amplissimum munus administrant, quales sunt *Consilarii*, ad eos scribitur: *Vir Illustris* (vernacule *Wohlgeborner*). Deinde sequuntur vulgo *Praenobilissime* et *Nobilissime*, quae duo adjectiva creduntur vulgo respondere vernaculis

Hochedelgeborner et *Hochedler*, it. *Hochwohledler* vel *Wohledler*. Hic quisque videre debet, quid cuique conveniat. Regnat enim in hoc genere magna confusio. Alterum versum quisque pro relatione, quae inter ipsum est et inter eum, ad quem scribet, apponere debet; v. c. *Vir Illustris* vel *Praenobilissime*, *Patrone* vel *Fautor* magni aestimande: sic et in fine uterque versus repetitur, et pro relatione vel necessitudine varie subscribitur, v. c. *Tuo Nomini Illustri addictissimus*, *addictus*; si ad inferiorem scribitur, interdum sic clauditur: *Tui studiosissimus*, omittis duobus istis versibus. Habemus et *Excellentissime*, *Celeberrime*, quae nonnulli Professoribus Academiarum tribuunt; it. *Praecellentissime*; it. *Amplissime* et *Consultissime*, quorum posterius Iureconsultis solis, prius et his et interdum aliis, tribuitur. Cuinam enim proprie conveniat *Amplissime*, nemo certo scit; it. *Experientissime*, quod *Medicis* tribuitur.

6) ad eos, qui munere *Sacerdotum* funguntur, quo pertinent quoque *Equites* et *Maltenses* et alii similes, ita scribitur:

- a) ad *Papam romanum*: *Sanctissime Pater*.
- b) ad *Cardinales*: *Eminentissime* etc.
- c) ad *Archiepiscopos* et *Episcopos*: *Reverendissime* etc.
- d) ad *Consiliarios ecclesiasticos* et *consistoriales*, *Superintendentes Generales* et alios quoque *Superintendentes*: it. *Professores Theologiae academicos*: *Vir summe venerabilis et doctissime*.
- e) ad *Inspectores* s. *Superintendentes* in minoribus oppidis (titulus enim hodie saepe variat pro oppidi vel parvitate vel magnitudine), *Archidiaconos* in maioribus oppidis et *Pastores*: *Vir maxime venerabilis et doctissime* etc.
- f) ad *Archidiaconos* minorum oppidorum, *Diaconos*, *Pastores* rure degentes eisque fere similes: *Vir plurimum reverende et doctissime* etc. Haec posui, prout more recepta vidi. Quae si cui non placeant, is non me sed morem debet reprehendere.

VII) Initium epistolae Cicero interdum facit per formulam *Si vales, bene est, ego quidem valeo*: qua vulgari formula qui inter amicos uti volet, ei non invidendum est. Alii statim a re ipsa initium fieri volunt: nec hoc iniquum est, praesertim inter amicos. Interdum per ambages quaedam ad rem perveniri solet, v. c. si quid petitur, quod difficile videtur impetratum, vel si qua res tractatur, cautionem postulans.

VIII) Qui latine scripsit ad aliquem, is ne *titulum externum*, ut vocant, seu *inscriptionem*, die *Aufschrift*, latinis verbis ponat, sed, more ac simul perspicuitate ita jubente, francice, v. c. *A Son Excellence* etc. *A Monsieur* etc. Nam quid ei, qui epistolam reddit, opus est scire, eam esse latinam? Imo non satis recte tradet, si inscriptio latina est, quia eam forte non intelligit.

Cetera in latinis epistolis aequè observantur atque in theodiscis: v. c. ut *titulum externum* s. *inscriptionem* non eidem plagulae, qua literae ipsae continentur, imponamus, sed alii chartae, illi circumdatae, s. *involucro*, vulgo *Couvert*. Postulat hoc et humanitas et necessitas. Potest enim epistola isto involucro carens in aperiendo facile scindi. Tectior quoque est epistola involucro instructa, nec periculum est, ne quis furim eam legat.

SECT. VI

De libellis ad doctrinam pertinentibus.

Scribuntur et saepissime libri vel libelli, in quibus materia ad doctrinae partem aliquam pertinens tractatur, v. c. dissertationes, programmata etc. De his multa dici nequeunt, quia, qui ad tales libros scribendos accedunt, ipsi sine cortice, ut ajunt, natate sciunt. Tironum causa monebimus tantum, in ejusmodi libellis servandam esse perspicuitatem, suavitatem, interdum gravitatem dicendi.

Addamus paucas cautiones:

1) Hic non ea exornatione argumentorum opus est, quae in orationibus postulat. Lectores enim sunt eruditi; et hi per se possunt argumentorum pondera aestimare et metiri, modo perspicue et ordine tradita sint.

2) Abstinendum est ab affectibus commovendis. Res est simpliciter proponenda et causis suis confirmanda. Figuræ itaque gravitati servientes pleraeque vel vitandae vel saltem modice adhibendae. Lector eruditus vult argumentis vinci, non verborum lenociniis abripi: imo haec ei timorem injiciunt, ne forte decipiatur. Expectat ille explicationem et confirmationem rei, non commotionem animi. Si tamen res gravis immiscetur, gravitas dicendi assumenda est. Tum commotio animi non abesse plane potest.

3) Verborum simplicitas, cum justo eorum ordine et tum verborum tum enuntiationum apta connexionem, in primis commendanda est. Quo enim major est verborum ornatu, eo suspectior est res, quam tractas. Et ista simplicitas in libris dogmaticis tam necessaria, forsitan est illa *grata negligentia*, quam multi, auctore Cicerone, laudant: scilicet grata est, quoad magis rerum quam verborum curam habuisse scriptorem apparet. Et haec est omnium eruditorum de rebus ad aliquam eruditionis partem pertinentibus scribentium.

Haec de elaborationibus. Sunt et alia scriptio-
num genera, v. c. *dialogi* et *inscriptiones*, quales in marmoribus priscis exstant. At raro ejusmodi res hodie occurrunt. Ac, si quis sermonis vulgaris peritus est, hominum animos satis cognovit, non ingenio caret, ac praeterea perspicue graviter et suaviter scribere didicit, is, ut in aliis rebus, ita in dialogis conscribendis non infelicem operam praestabit, dummodo materiam, cui par sit, tractare velit. In inscriptionibus spectatur brevitatem et acumen. Materia praebetur ab ipsa re, quae inscriptione ornanda est, v. c. aedificio publico, vel ab homine, cujus memoria inscriptione v. c. in statua etc. conservari debet.

APPENDIX III

De variis divisionibus generum dicendi apud
priscos memoratis.

Cum in libellis rhetoricis vulgo variae generum dicendi partim a recentioribus dividendi studiosis partim a priscis inventae et a recentioribus, ut sit, conservatae et retentae divisiones memorentur: nos etiam tres illas divisiones priscorum, quamquam earum utilitatem non magnam esse credimus, tamen, quia putatur nihil ignotum esse debere et ne huic libello aliquid deesse credatur, memorandas hic esse duximus.

SECT.

SECT. I

Prima divisio.

Prima divisio est in genus dicendi (vel potius causarum, sic Cicero, h. e. materiae) demonstrativum, deliberativum, et judiciale. Primum dicunt versari in laudando vel vituperando: Alterum in suadendo vel dissuadendo; Tertium in accusando vel defendendo. Sed forsan suavius erit, Ciceronis ipsius explicationem horum trium generum legere. Sic igitur ille Invent. I, 5 ait: Aristoteles autem, qui huic arti (oratoriae) plurima adjumenta atque ornamenta subministravit, tribus in generibus rerum versari rhetoris (i. e. oratoris) officium putavit, demonstrativo, deliberativo, judiciali. Demonstrativum est, quod tribuitur in alicujus certae personae laudem aut vituperationem. Deliberativum est, quod, positum in disceptatione et consultatione civili, habet in se sententiae dictionem. Judiciale est, quod, positum in judicio, habet in se accusationem et defensionem aut petitionem et recusationem. Et, quemadmodum nostra quidem fert opinio, oratoris (romani) ars et facultas in hac materia tripertita versari existimanda est. Cicero hic loquitur non de tribus generibus dicendi in universum, sed de materia tripertita, in qua orator romanus tempore reipublicae liberae versari solebat et debebat. Et ipsa nomina deliberativi et judicialis docent, non nisi de oratore sermonem esse, qui vel deliberandi causa pro rostris stat, et legem aut suadet aut dissuadet, it. in curia senatum ad rem impellere studet, vel in foro judicibus persuadere cupit, ut nocentem condemnent, innocentem absolvant, eive, cui bona erepta sint, restituant etc. Recte igitur ista divisio cadit in illa tempora et in illum statum reipublicae. Temporibus Caesarum, cum oratoribus non amplius liceret reipublicae consulere, cum populo de legibus agere etc., eloquentia non amplius erat deliberativa, sed tantum judicialis; tandem et in judiciis auctoritatis suae magnam partem

amisit. — Quaeritur igitur, an ista divisio nostris temporibus utilis sit. Sunt, qui eam non omni utilitate carere putent. Recte. Nihil enim est, quod non quodam modo saltem profit. At non quaeritur, an quodam modo profit, sed an ea carere plane possimus. Solent quidem et hodie oratores laudare, reprehendere, suadere et dissuadere, it. defendere aliquid: sed quo jure haec possumus vocabulis generis demonstrativi, deliberativi, et judicialis insignire? Memoria tironum non vocabulis, quorum utilitas est vel nulla vel parva et quibus carere illi possunt, obruenda est: praesertim cum rerum hodie discendarum sit tanta multitudo, ut ad omnes vix tempus suppetat, et ut magis utiles et necessariae praeferendae sint minus utilibus et minus necessariis.

SECT. II

Altera divisio.

Altera generum dicendi divisio est in tenue, mediocre, vel potius temperatum, et sublime. Difficile est singulorum, praesertim duorum priorum, characterem accurate definire, a) quia antiquitas nos de eo non satis erudiit, b) quia Cicero obscure et varie loquitur in Oratore; ubi cap. 23 tractat submissum et humilem oratorem, cui tenue dicendi genus convenit; et cap. 28 loquitur de tertio illo amplo, copioso, gravi, ornato, cui sublime genus convenire videtur; et cap. 26 extr. et cap. 27 inter utrumque interjicit medium quoddam, quod sit uberius humili et submissius amplissimo, quod temperatum genus dicendi appellare possis. c) quia vocabula ipsa sunt male lecta: nam tenue et mediocre, de quo Cicero cum laude loquitur, proprie in contemptum dicitur schlecht, mittelmäßig: deinde non dicendi genus est tenue, mediocre, sublime, sed materia, quae tractatur, est tenuis, mediocris, sublimis: ut adeo rectius dicatur oratio de rebus tenuibus, mediocribus, sublimibus.

Hoc triplex genus, prout intelligo ipse, paucis explicabo.

1) *Tenue,*

1) *Tenuē*, quod Cicero etiam vocavit *subtile*, *submissum*, *enucleatum*, *humile* (*humilis orator* Cic. Or. 23 in.), forsan melius dicatur *simplex* s. *ornatu carens*, pertinetque ad *res tenues* h. e. ornatus non capaces s. in quibus oratori non licet ornamenta et lumina addere et affectus excitare, sed ubi tantum rem subtiliter et eleganter, h. e. recte, accurate, perspicueque narrare et explicare debet: brevius: ubi nihil aliud quaeritur, nisi ut lector auditorve rem *sciat* et *veram esse credat*. Quaeritur igitur, ubi istud simplex dicendi genus s. *tenuē*, si ita vocare mavis, usurpandum sit. In rebus, ubi non nisi veritatem apparere volumus neque animos aliorum commovere cupimus, v. c. 1) in *narrando*, si hominibus rem narramus, quae ad ipsos non pertinet neque eorum animos tangere et movere potest, quam vulgo vocant *rem indifferentem*, et in qua narranda nihil aliud studemus efficere, quam ut illis nota fiat, v. c. quando nobis res Americanae, Africanae etc., narrantur. 2) in *genere dogmatico*, quando v. c. locum biblicum, locum scriptoris prisca, praecepta logica, metaphysica, physica etc. explicamus, idque eo animo, ut sensus intelligatur. In quibus omnibus non licet ornamentis rhetoricis, locis communibus, exclamationibus, interrogationibus crebris, anaphora etc. uti: quia tota ista res ad mentem, non ad animum, pertinet h. e. volumus *erudire*, non *movere*. Istis ornamentis videremur animum legentis vel audientis occupare et decipere velle. 3) in *dialogis*, omninoque, ubi sermonem quotidianum imitamur, v. c. in Comoediis. 4) si de rebus parvis loquimur h. e. vulgaribus: quales interdum orationi ornatissimae quoque immiscentur: non omnes enim res possunt esse graves ac magnae. Sed puerile foret in rebus parvis uti ornamentis. Hac tenui h. e. simplici oratione et tractatione usi sunt Caesar, Nepos, Cicero in libris oratoriis et philosophicis: hi sunt enim dogmatici: interdum etiam in orationibus; it. Livius saepe simpliciter narrat ac sine ullis ornamentis. Hac simplici rerum tractatione, modo recte et loco adhibeatur, nihil est suavius: hinc patet, quam indigne ea appelletur *tenuis*; ac nemini in mentem potuisse venire, ei istud nomen contemtionis plenum tribuere (nam *tenuis* non de laude dicitur), nisi ei, qui, copiae dicendi et aliis ornamentis ad ubertatem verborum et affectus excitandos spectantibus assuetus, contemnit ac pro rebus *humilibus* habet omnia ea, in quibus non copia dicendi summusque ornatus regnat. Et tales fuere Graeci: talis fuit eorum discipulus Cicero: quem deinde secutus est Quintilianus cum

aliis. Bonus Cicero pro excellenti ingenio, quo instructus erat, interdum ipse sensit, quam laudabilis esset ista simplex ratio dicendi. Extollit eam valde interdum: sed praeceptis Graecorum assuetus et aliorum opinione abreptus illam interdum deprimit, et interdum de ea ita loquitur, ut, quid velit, ipse nescire videatur. Legatur ejus Orat. 23 — 26.

II) *Mediocre*; quod sic vel dicitur de *rebus mediocribus*, quas tractat (sed eae, quae sint, definire non ausim) vel de ipsa tractatione, ut non tam sit ornatus expers, quam *tenue*, nec tamen tam ornatum, quam *sublime*. Cicero mire explicat Orat. 26 extr. dicens: *Uberius est aliud, aliquantoque robustius, quam hoc humile* (tenue), *de quo dictum est: submissius autem, quam illud, de quo jam dicitur, amplissimum* (sublime). *Hoc in genere nervorum vel minimum, suavitatis autem est vel plurimum. Est enim plenius quam hoc enucleatum* (tenue), *quam autem illud ornatum, copiosumque, submissius. Huic omnia dicendi ornamenta conveniunt, plurimumque est in hac orationis forma suavitatis. In qua multi floruerunt* etc. Hoc non est explicare, non characterem definire. Cicero tantum dicit, *esse ornatius humili et minus ornatum quam illud amplissimum* h. e. forsan *sublime*. Ego puto, si hic putare licet, Ciceronem per *mediocre* intellexisse *gravitatem illam dicendi*. Quia vero res alia alia gravior est, atque ita majorem copiam dicendi postulat, Cicero vero *tertium oratorem* (i. e. tertium genus dicendi) *amplum, copiosum, gravem, ornatum* appellat Orat. 28 in.: hinc orationem, qua res minus graves tractantur ad aliquod discrimen servandum, appellavit *mediocre*. Haud dubie Cicero melius fecisset, si duplex tantum genus dicendi constituisset, unum simplex, alterum ornatum: ac deinde hic dixisset, alterum tamen altero esse ornatius et copiosius pro ratione materiae. — Mirum est, has divisiones omnes esse tripartitas, quasi in numero ternario aliquid praecipui vel perfecti insit. *Mediocre* igitur s. *temperatum genus dicendi* magis perspicue diceretur *genus dicendi paulo ornatius* h. e. quo non modo res explicatur, sed etiam tropi pulchri, concinnitas membrorum etc., et figurae quaedam ad affectus modice excitandos usurpantur; quo pertinet parvus usus exclamationis, anaphorae, aliarumque figurarum talium. Sic Cicero scripisse videtur saepe in libris philosophicis, v. c. in descriptione naturae et corporis humani de Nat. D. II, it. in libris Rhetoricis passim; it. Livius etc.

III) *Sublime dicendi genus* s. *oratio sublimis* dicitur tropice pro *oratione de re sublimi*. Non enim *oratio*, h. e. verba, est *sublimis*, neque ita genus dicendi est sublime, sed *res* solae sunt sublimes. Si quis vero oratione sublimi sine re sublimi uti audet, atque de re aliqua parva ita loquitur, tanquam sit sublimis, hoc vocatur *frigus*, *tumor*: *frigus*, quia animi non moventur et incenduntur: *tumor*, quia in verbis magnificis nihil ineſt, velut in tumore proprie dicto nihil solet eſſe. — Iam, si quaerimus, *quid sit sublimitas orationis et quomodo efficiatur*, debemus antea quaerere *quid sit res sublimis*.

1) *Quid est res sublimis?* Sublime est proprie id, quod verſatur in aëre atque ita ſupra homines. Hinc *sublimis abiit* de Romulo ap. Liv. I, 16 i. e. *in coelum abiit*. Res itaque *sublimis* est proprie *talis*, quae in homines ob difficultatem non cadit; atque ita proprie tantum de *divinis factis* dicitur: deinde, si de hominibus dicitur, est res talis, quae ob difficultatem summam perrara est, quae fere a nemine, ſaltem a pauciſſimis, effici poteſt, atque ita ſe quaſi eximit numero rerum humanarum conſuetarum, ſequē e circulo mortalium altius tollit: et homo, talem rem patrans (ſi quidem homo eam patrare poteſt dici), ſupra ceteros mortales ſe tollit ac ſublimis exſtat. Inter ejuſmodi res ſublimes, quae ſemper bonae eſſe debent, referendus eſt in primis contemptus earum rerum, quae mortalibus vulgo tantae curae ſunt, ut ab iis plane pendeant, in iis felicitatem vel infelicitatem ſummam ponant, easque adeo inſtar deorum venerentur ac timeant, v. c. *divitiarum*, *honoris* (quo exiſtimatio, opinio bona etc., pertinet), *offenſionum gravium* et *mortis*. Hae quatuor res a mortalibus ita magni fieri ſolent, ut eum, qui iſtas contemnere poſſit, pro ſtulto habeant et aperte, ut amentem, derideant, et contra eum, qui illas cum vulgo magni faciat et laudet, pro prudente habeant et vere naturaeque convenienter iudicare atque agere credant. Perraro igitur propter harum opinionum conſuetudinem et propter cupiditatem ipſam hominibus inſitam accidere, ut homo iſtas res contemnat, quis dubitet? Provoco hic ad diuturnam experientiam hominum prudentum et ſenum. Iam, ſi quis eo fortitudinis pervenit, ut eas res vere contemnere queat, magna pars hominum ſtupet, admiratur, et ſublimem rem ab eo actam eſſe credit. Sic, quod Socrates mortem et divitias contemſit, haec res fuit ſublimis. Sed in iudicanda hac re magna cautio eſt, ne omnem iſtum contemptum ſtatim pro re ſublimi habeamus. Debet iſ eſſe verus, voluntarius,

tarius, et cum difficultatibus conjunctus. Nam, si quis 1) divitias et honores tandem contemnit, quia has res nunquam se consecuturum esse videt, vel quia eas haud novit nec usurpare scit; vel, si quis vel senex vel morbo diuturno gravique confectus mortem contemnit, quia effugere non potest; vel si quis offensiones v. c. superiorum, quia se ulcisci non potest, contemnit, talis contemptus non est res sublimis, saltem nondum certum est, esse rem sublimem, quia non est difficilis. Contemnere enim, quod non novimus vel non consequi nos posse scimus (sic vulgo contemnimus regna) vel mutare non possumus, non difficile est. Talis contemptus non est verus, non voluntarius. Saltem non certum est, eum esse verum ac voluntarium. Sic 2) si quis divitias, quia jam ditissimus est, vel honorem, quia eo jam abunde ornatus est, vel vitam, quia diutissime vixit aut molestam vitam gerit, vel offensiones graves, quia jam saepe ultus est aut timido, ignavo, lentoque est ingenio, omnes omnino injurias ferente, contemnit, hoc itidem non difficile atque ita non sublime est. — At, si quis pauperrimus divitias sibi honeste oblatas spernit, atque paupertatem illis sponte et cum judicio praefert; si quis gravissime laesus, cum potestatem sui ulciscendi vere habeat, tamen se ulcisci non vult, imo inimicos beneficiis sponte cumulat; si quis adolescens, sanitate corporis fruens, in honore et divitiis vivens, mortem sponte ob bonum publicum subit, hae sunt profecto res sublimes. Sic Curius, pauperrimus ille consul, repudiata illa immensa vi pecuniae; sic Camillus et Fabius Cunctator, opem ferentes, ille Romae, a qua praeter dignitatem in exilium ejectus erat, hic Minucio, a quo gravissime laesus erat, cum uterque se egregie ulcisci posset; sic Decii consules, morte pro patria sponte subeunda etc., vere declarant, se esse *sublimes*, vereque sublimes res gesserunt h. e. tales, quales non facile homo patrare potest.

2) *Quando igitur oratio est sublimis?* Quando per eam manifeste apparet, rem, quae tractatur, esse vere maximam, extraordinariam, ac sublimem h. e. talem, ut raro eam quam hominum perficere possit, atque adeo ut vix credibile sit, hominem tale quid efficere valuisse.

3) *Quomodo id efficitur?* Potest hoc saepe per simplicem orationem fieri: sic v. c. Moses singularem magnitudinem potentiae divinae egregie declarat his verbis simplicibus ornatuque rhetorico omni carentibus: *Et deus dixit:*

fiat

fiat lux: et facta est lux. Scriptor vel orator debet modo rei magnitudinem vere non modo sentire sed etiam intelligere h. e. attributa et signa certa magnitudinis scire et ea recitare. At, quia *primum*, qui de magnis ac sublimibus rebus loquitur, mota est semper mente, cujus enim animum non commoveat res extraordinaria? *deinde*, quia auditor lectorve non semper veram magnitudinem rerum magnarum et extraordinariarum paucis, iisque simplicibus, verbis expressam, sentit; in primis imperiti homines de plebe, qui, ut de honestate vestis plerumque ad honestatem viri, atque adeo ad doctrinae magnitudinem, famae celebritatem etc., concludere solent, sic magnam rem simplici verborum forma expressam non facile ut magnam rem agnoscere possunt: hinc solent plerumque scriptores, rei sublimitatem tractantes, omnia ea adhibere, quibus magnitudo rei vel imperitissimo apparere possit, et 1) singula magnitudinis signa seu argumenta late copioseque exponere, comparationibus illustrare, argumentationibusque gravitatem adjuvare etc.: 2) figuras, quae gravitati rerum indicandae serviunt, et, ut animum dicentis commotum declarant, ita animos auditorum commovere possunt, adhibere: 3) periodica verborum conclusione, numerosaque collocatione, item vocabulis productionibus et sonantioribus uti etc., ut de vocis subsidio nihil dicam. Sed ista omnia satis jam supra in P. II cap. 2 de gravitate dicta sunt. Ac forsan grave nihil est nisi *sublime*. Certe Cicero Or. 28, ubi de tribus generibus dicendi agit, postquam de *tenui* et *temperato* dixit, tandem de tertio dicturus ait: *Tertius* (i. e. orator, atque ita tertium dicendi genus) *est ille amplius, copiosus, gravis, ornatus, in quo profecto vis maxima est. Hic est enim, cujus ornatum dicendi et copiam admiratae gentes, eloquentiam in civitatibus plurimum* etc. *Hujus eloquentiae est tractare animos, hujus omni modo permovere: haec modo perfringit, modo irrepit in sensus, inserit novas opiniones, evellit insitas.*

Ceterum ex iis, quae diximus, patet,

1) neminem posse sublimi oratione uti, nisi re sublimi utatur: et stulti sunt, qui antea de illa quam de hac cogitant. Tirones citius et crebrius debebant rebus magnificis et sublimibus cognoscendis, cogitandis, et secum meditandis assue fieri, ut magnos generososque sensus mature imbererent, quam de sublimitate orationis erudiri eave exerceri. Qui multas res sublimes novit, easque satis intelligit et sentit, ei

non

non difficile est sublimiter dicere. Qui carens rebus magnificis et sublimibus de rebus vulgaribus magnifice et sublimiter loquitur, is *frigide* et *tumide* loqui dicitur, quia oratio ejus omni vi caret: *frigide*, quia auditores frigent h. e. eorum animus non commovetur; *tumide*, quia verba quidem sunt magnifica, sed in iis nihil inest magnificae rei.

2) neminem posse rem sublimem pro dignitate explicare, atque ita vere sublimiter loqui, qui eam non plane ex omnibus partibus atque pro dignitate cogitare ac sentire queat. Moses sensit sublimitatem potentiae divinae, hinc dicere poterat: *Et deus dixit: fiat lux: et lux facta est.* Manifestum vero est, non quemlibet sentire magnitudinem et sublimitatem rei alicujus. Is proprie tantum, de mea sententia, vere eam cogitare et sentire potest, qui eandem vel similem rem efficere valeat. Nemo rem bello praeclare gestam recte sentit et cogitat, nisi qui talem vel similem gesserit vel gerere possit. Hannibalis transitum Alpium, rem semper admirandam, nemo recte cogitare atque ita recte describere potest, nisi qui similem rem tentaverit. Heroa magnum nemo, nisi heros magnus, magnum philosophum, magnum poetam etc. nemo, nisi magnus philosophus, magnus poeta etc., recte cogitare et recte laudare potest. Sic summam alicujus modestiam, liberalitatem aliamque summam virtutem, nemo recte cogitare, explicare, illustrare et laudare potest, nisi eadem sit instructus. Nam quomodo, quaeso, magnam rem cogitare et laudare possum, quam ipse non plane h. e. per experientiam novi? nam sine hac illam non recte novimus. An de vitiis idem dicendum, neminem scilicet posse vitia magna, scelera ac flagitia, satis cogitare, explicare, et vituperare, nisi qui iis inquinatus fuerit, hic inquirere non est hujus loci. Hinc intelligitur, quam paucis proprie facultas res sublimes pro dignitate exponendi atque ita sublimi dicendi genere utendi possit contingere. Cum vero plerumque explicatio et exornatio sublimium rerum ad eos venire soleat, qui eas vel similes non patrarunt nec patrare possunt aut volunt, nos autem res sublimes legere valde cupiamus: humanitatis utique est aliquid remittere, et istam facultatem quoque iis quodam modo concedere, qui, etiamsi non sublimes gessere vel gerere possunt, tamen primum generosum animum, qui illarum magnitudinem quodam modo capere ac sentire queat, et ingenii magni et praeclarae educationis et exemplorum magnorum, ad quae se fingere diligenter studuerunt, et experien-

perientiae diuturnae ope aliisque rebus consecuti sunt: deinde, qui virtutum omnium vere amantissimos et vitiis vere inimicissimos se praestiterunt et praestare adhuc gaudent: tum, qui magnis et sublimibus rebus, sedulo et accurate cognoscendis, earumque rationiet fontibus diligenter investigandis omnem operam dederunt, sibi que istas res ab iis, qui explicare possent, explicandas studiose et saepissime curarunt, atque istis rebus meditandis, ponderandis, et cum iudicio admirandis assueverunt. At quisque prudens fatebitur, hanc tamen explicationem exornationemque semper imperfectam manere. Quis vero in hoc mundo aliquid perfecti omnibusque numeris absoluti exspectet? Sed longe alia res est, quando fictae res sublimes tractantur: quales interdum tradunt poetae. Hic scriptor sublimitatem ipse sibi talem finxit, qualem mens ejus cogitare et capere poterat; hancque in rem attributa et signa sublimitatis hinc inde collegit vel pro lubitu posuit. Sed, quod quis ipse finxit, id facilius tractare potest; quia primum nemo materiam fingit, cui non par sit: deinde ista res, quam ut grandem et sublimem proponit, non est in rerum natura, sed in scriptoris mente: hinc nemo lectorum de ejus ratione satis judicare potest. Sed, an sublimitas ficta, licet egregie tractata sit, magnam utilitatem lectorum animis asserre queat, aliis iudicandum relinquo. Mihi videtur tantum *delectare* posse, non *prodesse*, nisi delectationem quoque prodesse dicas.

3) Raro in rebus humanis rem sublimem, quae tractari possit, occurrere: nisi velis fictionibus uti. Ac profecto in fabulis romanensibus major multitudo rerum sublimium occurrit, quam in tota historia. Fingere enim quid non potest ingenium humanum? At, quid profunt fictae res sublimes? Sed in deo est vera, propria, ac perpetua sublimitas: ejus res gestae sunt omnes sublimes, eaeque proprie.

4) Non facile orationem posse totam esse sublimem: quia non omnis materia, quae rei magnae illustrandae adhibetur, est sublimis, v. c. comparationes; deinde quia animus auditorum nimis defatigaretur, si eum orator perpetuo commovere studeret. Imo continua sublimitas vim suam tandem perderet. Omnia enim magna, si iis nimis assuescimus, amittunt magnitudinis aliquid et incipiunt vulgaria fieri. Hinc variatione utendum, et interdum simpliciter et sine isto magno ornatu dicendum. Hoc Cicero in Oratore recte praecipit: v. c. 28 *Qui enim nihil*

hil potest tranquille, nihil leniter, nihil parcite, definite, distincte, facite dicere, praesertim cum causae partim totae sint eo modo partim aliqua ex parte tractandae: si is non praeparatis auribus inflammare rem coepit, furere apud sanos et quasi inter sobrios bacchari vinolentus videtur: et cap. 29 de se loquitur: Fuit ornandus in Manilia lege Pompejus. temperata oratione ornandi copiam persecuti sumus. Ius omne retinendae majestatis Rabirii causa continebatur: ergo in omni genere amplificationis exarsimus. At haec interdum temperanda et varianda sunt. In omni oratione occurrunt fere tenuia, modica, et magna. Vere igitur est eloquens, qui, ut Cicero ibid. ait, humilia subtiliter, h. e. sine ornatu, et magna graviter et mediocria temperate potest dicere.

5) Non sublimem scriptorem et oratorem seu dicentem et scribentem de rebus magnis et sublimibus pluris esse per se faciendum, quam eum, qui tenui oratione utatur h. e. de rebus ornatus non capacibus simpliciter et sine ornamentis dicat vel scribat, ut ii credunt, qui e veste hominem judicare solent. Materiae enim ratio utrumque postulat. Imo ambo scriptores et oratores sunt boni et pari honore digni, si quidem materiam suam bene tractant. Ambo mentis nervos intendere debent. Et profecto non minoris est artis in tempore ornatu abstinere quam illo uri in tempore. Imo vero forsan paulo majoris artis et difficultatis est ornatu abstinere quam adhibere, atque ita fere facilius est de sublimibus quam de tenuibus rebus dicere. Nam 1) homines vel natura vel consuetudine quadam et ambitione ad ornatus studium valde propensi sunt, cum contra simplicitatem contemnant, et de magnis rebus atque hominibus (v. c. regibus etc.) magis quam de parvis loqui cupiant, atque ita magnas res malint exponere et describere quam humiles et tennes. Id quod videmus vel in adolescentibus, qui, si poeticen attingunt, prius *Odas* concinnant quam *elegias, fabulas aliave carmina*. Hinc vero etiam tot *tumores* etc. Sed, ad quod quis natura ducitur, id ei est facilius. 2) deinde res magnae et sublimes, si vere tales sunt, praebent tam largam de se dicendi materiam, et tot tamque luculenta signa atque argumenta continent, ut orator ea tantum observare et in luce clariori ponere debeat v. c. comparisonibus etc., cum contra in rebus tenuibus saepe materia diu meditando conquirenda sit: id quod accidit Ciceroni in oratione pro Archia. 3) Magnae res per se commovent animum dicentis et scribentis. Mens vero commo-

commota per se loquitur: mens commota sapientis non nisi sapienter et graviter loquitur. Quod secus est in rebus tenuibus, ubi et animus et mens dicentis vel scribentis languida fere sit necesse est, nisi se ipsa interdum excitet et impellat. Hinc fugiunt vulgo homines tractationem rerum tenuium, v. c. narrationes etc. 4) tandem, qui in sublimi dicendi genere tractando interdum peccant, ii facilius veniam accipere solent, quam qui in tenui labuntur: quia vulgo dicitur equo generoso lapsus facilius esse ignoscendus quam ignobiliori, quasi longe facilius sit tenuiter quam sublimiter dicere ac scribere: scilicet pro recepta opinione, quo major res explicetur, eo difficiliorem esse, et, quo minor, eo faciliorem.

Ceterum hanc divisionem in *tenuē, mediocrē* s. *temperatū*, et *sublime genus dicendi* mancam et imperfectam esse monuit *Io. Guil. Bergerus*. Nec magnam inde utilitatem percipi video. Melius forsan *genus dicendi* dividatur in *simplex*, h. e. ornatu carens, et *ornatum*, ubi deinde dici possit, aliud alio esse ornatius, prout res, quae tractatur, sit gravior alia: vel saltem, si vocabula recepta tueri placeat, in *tenuē*, s. *submissum*, et *grave*, ubi addi possit, aliud alio esse debere gravius pro minori vel majori rei gravitate. Nec forsan vocabulo *sublimis* opus foret. Si tamen retinere placet, possit dici, *sublimitatem* esse summum gradum gravitatis. Forsan etiam melius fuerit, in libris rhetoricis, omissis istis generibus dicendi, non nisi de rebus recte tractandis agere, et docere, quatenus sint proprie tenues, quatenus magnae vel maximae. Cicero ipse in libro praeclaro, qui *Orator* inscribitur, in explicandis istis tribus generibus ita se torsit, ut facile appareat, istam divisionem, omninoque totam rem, ipsi non placuisse, neque tamen eum hanc divisionem, quam ipse inde a pueritia didicisset et usu receptam omnibusque placere videret, refutare et abjicere ausum esse. Quotus enim quisque est, qui opiniones et distinctiones, quas inde a pueritia imbibit, ad quas se conformavit, quas omnibus probari videt, ad quas se omnes conformare et fingere solent, aperte

TOM. II F f f oppug-

oppugnare, in dubium vocare, vel negare audeat? Memorantur et alia genera dicendi v. c. *floridum, concitatum, moratum* etc., quae tantum virtutes quasdam generis cuiusdam indicant. Sed quis tam innumeris distinctionibus tirones torqueat? Hoc profecto est, eos a regia via ad semitas et deverticula et tandem sensim ad invia ducere.

SECT. III

Tertia divisio.

Tertia divisio est in genus dicendi *Asiaticum, Rhodium, Atticum*, quibus nonnulli addunt *Laconicum*, quod alii, Ciceronianae eloquentiae assueti, omitti volunt, quia Lacones nunquam eloquentia usi fuerint, saltem non copiosa illa Ciceronis, e cuius eloquentia omne genus dicendi metiri solemus. Tota haec res nititur maxime auctoritate Ciceronis in Bruto, quam Quintilianus alique deinceps secuti sunt.

1) *Asiaticum* dicunt fuisse omnium diffusissimum, copiosissimum, h. e. omnibus ornamentis sententiarum et verborum abundasse, et, quidquid ad res ornandas amplificandasque dici posset, complexum esse. Quale si fuit, haud dubie vitiosum fuit: est enim in rebus, etiam optimis, modus servandus. Cicero creditur Asiatico more locutus esse in Orat. pro Rosc. Am. de parricidio: sed forsitan culpa est in adolescentia ejus. Omnes enim adolescentes fervidi ingenii, recentes a praeceptis magistrorum, et ambitiosi dissule dicere solent, praesertim si primum dicunt: quia tum doctrinam et artem ostentare cupiunt.

Totam rem sic cogitare debemus. Si verum est, quod Cicero Brut. 13 narrat, Asiaticos eloquentiam ex Athenis hausisse, qua re nihil verisimilius est, quia ad metropolin cetera oppida et oppidula se conformare solent: non mirum est, Asiaticos, quo remotiores erant a matre sua, Athenis, ubi doctrina vigeat, et ubi presse accurateque loquebantur, quo minus doctrinae operam dabant, et quo minus occasio dabatur eloquentiae ostentandae, eo magis praecepta Athenis hausta sensim oblitos esse et eloquentiam in verbosam loquentiam commutasse. Omnis eloquentia pendet a doctrinae magnitudine, a praemiis et honoribus, quos expectat, et ab exercitatione. Athe-
nis

nis erant viri doctissimi: hi regebant rempublicam, ut Cicero Romam: hi summis praemiis et honoribus afficiebantur, laudabantur etc.: hi propterea valde exercebantur. Haec omnia deerant Asiaticis: quid mirum, eorum eloquentiam non tam accuratam fuisse quam Atheniensium. Et omnes Asiaticos non inter se fuisse aequales h. e. verbis abundantes per se credibile est, quemadmodum non omnes Attici oratores pressè satis locuti sunt. Pendet enim haec res quoque ab ingenio, educatione, aliisque multis rebus.

II) *Rhodium* dicunt medium tenuisse inter Asiaticum et Atticum, ac fuisse pressius Asiatico, copiosius Attico h. e. tantum ornamentorum, quantum ad pulchritudinem orationis opus erat, atque ita neque nimis multa neque nimis pauca complexum esse. Quod si est, fuit haud dubie optimum. At quisque sentiet, hanc descriptionem, quam dedimus (et aliam dare non possumus), valde indefinitam esse. Quid enim est: *pressius Asiatico, copiosius Attico* etc.? debebat demonstrari, an multo pressius Asiatico, an multo copiosius Attico, et quatenus quibusque in rebus fuerit pressius illo, et copiosius hoc. Sed hoc non doceri potest: hinc illa descriptione contenti esse cogimur.

Res sic forsitan cogitanda. Eloquentia Rhodia, quae forsitan antea Asiaticae simillima fuit, correctæ est per *Atticam*. Aeschines enim Orator Atticus clarissimus per Demosthenem Athenis expulsus venit Rhodum, ibique eloquentiam docuit: hinc ea pressior et accuratior facta. Deinde Rhodus erat respublica libera, in qua, ut in omnibus liberis civitatibus, eloquentia multum valet, magnis praemiis afficitur, ac propterea studiose colitur. Quid mirum, eloquentiam istam Atticam ibi conservatam esse? Et credibile est, post mortem Demosthenis eloquentiam Rhodi magis floruisse quam Athenis. Cicero ipse usus est Rhodi Molone quodam magistro, a quo Asiaticam luxuriam et redundantiam dediscebat et pressius dicere discebat.

III) *Atticum* nonnulli tempore Ciceronis in tenuiter sicque dicendo versari, et omni ornamentorum genere carere, atque ita ab illo *tenui, subtili, submissoque dicendi genere*, quod supra explicavimus, non discrepare putaverunt: et principes ejus fecerunt Thucydidem et Lyfiam; vid. v. c. Cic. Orat. 9 et de opt. gen. orat. 4. At Cicero hoc negat: et recte; si quidem Isocrates, Aeschines, et in primis Demosthenes Attici oratores fuere; quod nemo sanus negaverit. Videtur igitur a Rhodio non multum discrepasse et in eo constitisse, ut de humilibus rebus humiliter s. tenuiter,

ter, de mediocribus s. temperatis temperate, de gravibus graviter et copiose diceretur, sed omnis illa redundantia Asiana vitaretur. Cf. Cic. Orat. 9, in primis Brut. 84 extr., ubi ait: *Ita fiet, ut non omnes, qui Attice, iidem bene; sed, ut omnes, qui bene, iidem etiam Attice dicant*: et de opt. gen. orat. 4 extr. *Ex quo intelligitur, quoniam Graecorum oratorum praestantissimi sunt ii, qui fuerunt Athenis, eorum autem princeps facile Demosthenes, hunc si quis imitetur, eum et Attice dicturum et optime: ut, quoniam Attici nobis propositi sunt ad imitandum, bene dicere, id sit Attice dicere.* Quintil. XII, 10, qui inter alia ait: *Melius de hoc nomine (Attico) sentiant, credantque Attice dicere esse optime dicere.*

Sed haec divisio et tota res

1) *est parvae vel nullius utilitatis.* Et nos eam duntaxat propter reverentiam erga antiquitatem, more aliorum, hic memoravimus. Pertinet non nisi ad historiam eloquentiae graecae, vel potius ad historiam opinionum romanarum de graeca eloquentia.

2) *divisio ista totaque omnino res non est subtilis et accurata.* Quis enim eloquentiam vel dicendi genus ab urbe, praesertim magna, atque adeo a tota terra nominet? An credibile est, Athenis, Rhodi, vel in tota Asia eandem eloquentiae formam viguisse, eamque semper? Nam primum omnis forma eloquentiae propter opinionum humanarum, a variis causis pendentium, inconstantiam, propter varietatem ingeniorum humanorum et studii literarum, a quibus eloquentia, nisi loquacitas debet esse, pendet, et propter alias multas causas mutationi subiecta esse solet: et eloquentia post triginta vel quinquaginta summum annos aliam formam et habitum plerumque induit, quam antea habuerat. Deinde in eadem urbe, praesertim magna et celebri, ubi ingens oratorum est numerus, non facile eadem est eloquentia. Nam, ut vincendi se invicem studium omittam, alius hac alius illa via ad eloquentiam tendit, prout vel ingenium vel magistrum nactus est, vel prout optime se ad eam perventurum esse credit. Forma eloquentiae omnino pendet 1) a *forma reipublicae*, in qua quisque vi-

vit:

vit: v. c. Ciceronis et Demosthenis eloquentia diversa est ab eloquentia posteriorum temporum: sic et Anglicana videtur differre a theodisca. 2) a *gustu plurium, eorumque magnorum*. Qui si copiam dicendi et ornamenta plurima amant, oratores hanc rem appetunt, et in ea consequenda magnam laudem ponunt: sin illi brevitatem dicendi ubique laudant, oratores hanc sequendam putant. Hinc Lacedaemone copia dicendi ab oratoribus, si qui sic dicendi sunt, negligebatur (nec forsan ipsa eloquentia), quia illam et principibus civitatis et vulgo displicere videbant. 3) a *magistri peritia et gustu*. Si ejus peritia magna, si gustus verus est, fingit discipulos egregios: sin minus, discipuli non parum proficiunt. Sed non omnes magistri sunt eadem peritia eodemve gustu. Hinc diversa discipulorum ratio. Nam, *quo semel est imbuta recens servabit odorem testa diu; et a teneris assuescere multum est*. Cicero incidit in Molonem magistrum, qui praeclare sciebat, quid et quantum in quaque re dicendum esset; hinc Ciceronis eloquentia alia facta est, quam facta esset, si ipse in eum magistrum, quo Hortensius usus erat, incidisset. 4) a *magistri cujusdam celebritate et auctoritate*: quae saepe disciplinis et artibus certam formam dedit. At, si ille moritur vel amittit celebritatem nominis et auctoritatem, eloquentia aliam formam plerumque induit, nisi discipulos sui similes multos eosque fideles reliquit. 5) a *doctrina*. Quo quis doctior est, eo melior et accuratior fit orator. Docet hoc exemplum Ciceronis, qui ipse fatetur se literis h. e. philosophiae, cui diuturnam operam dedit, eloquentiam suam potissimum debere. 6) ab *aetate*. Adolescens aliter loquitur ac senex. Cicero aliter scripsit et dixit adolescens, aliter senex. Quantum differt oratio pro M. Marcello a Rosciana, item a Verrinis! In illa non nisi virilis eloquentia conspicitur, quae v. c. concinnitatem membrorum aliaque ornamenta non studiose quaerit, sed adhibet, ubi se sponte

offerunt. Sic libri de officiis, de senectute, de amicitia etc., quam pleni sunt virilis eloquentiae! Sic Hortensius contra magis dicendo floruit adolescens, quam senior: vid. Cic. Brut. 94, 95. Erat scilicet nimis assuetus generi dicendi Asiatico, quod adolescenti quidem convenire videbatur, non item seni. 7) ab *ingenio*. Quod, quam diversum est in oratoribus, tam diversum reddit eorum genus dicendi. 8) a *materia*, quae tractatur. Non omnem materiam eundem ornatum admittere, manifestum est. Qui magnificas res tractandi occasionem habet, is gravius, copiosius, et ornatus dicit et scribit, quam cui non nisi res tenues tractandae creduntur. Hinc Demosthenes, cui pro populo de rebus gravissimis et ad rempublicam summam pertinentibus saepe dicendi occasio erat, summa dicendi copia ornamentisque omnibus excelluit, cum contra Lysias non nisi res tenues tractans et parvarum rerum causulas oratiunculasque litigatoribus scribens, ut hi scilicet eas ediscerent suoque ipsorum nomine haberent, non potuerit, nisi perraro, elate dicere. Qui, si de rebus magnis dixisset, haud dubie non minus copiose quam Demosthenes aut Aeschines dixisset. Cf. Cic. de optimo gen. orator. 3 extr., ubi de Lysia haec ait: *Est enim (Lysias) multis in locis grandior. Sed, quia et privatas ille plerasque, et eas ipsas aliis, et parvarum rerum causulas scripsit, videtur esse jejuniior, quoniam se ipse consulto ad minutarum genera causarum limaverit.* Et consuetudo fit deinde saepe altera natura. Haec vera videtur esse causa discriminis inter Demosthenem et Lysiam. Sic Cicero, si non nisi Quintianam nobis orationem reliquisset, a nobis pro tenui oratore haberetur, ac, si non nisi causas Quintianae similes tractasset vel tractandi occasionem habuisset, non illam amplam, copiosam, ornatamque eloquentiam consecutus esset vel ostendere potuisset. Sed largam ornate copioseque dicendi occasionem dederunt illi causae graves, v. c. Verris nefanda scele-

ra et flagitia, lex Manilia, et in primis Antonius etc. His debet laudem eloquentiae ejus, quam hodie admiramur. — Hae igitur a nobis allatae causae pluresque aliae efficiunt, ut in eodem loco, eodem tempore, non eadem eloquentiae forma reperiri facile possit, multo minus in diversis locis et temporibus diversis. Alia Romae erat eloquentia Crassi, alia Antonii, alia Hortensii, alia Ciceronis, Caesaris etc., ut apud Athenienses alia erat Demosthenis, alia Aeschinis, alia Lysiae, alia Thucydidis. Non igitur eloquentiae forma s. dicendi genus quoddam ab urbe vel terra aliqua nominari debebat. Haec appellatio a loco petita est similis cuidam recentiori appellationi, cum ante triginta vel quinquaginta circiter annos vulgo genus dicendi sacrum seu methodum de sacris rebus in aede dicendi dividebant in *Ienensem* et *Lipsiensem methodum* (Ienaische et Leipziger Predigermethode), et orationes edendas ista inscriptione insigniebant, quasi haec vel illa methodus propria esset Ienae, Lipsiae etc. Melius prisca genus dicendi ab hominibus nominassent, v. c. *genus dicendi Demostheneum, Aeschineum, Lysianum* etc.

III) *Laconicum genus dicendi* an unquam fuerit, quaeritur adhuc. Fuerunt, qui affirmarent: plures tamen hodie negant. Qui affirmant, ponunt id in maxima ac fere nimia dicendi brevitate. Ac profecto Lacedaemonii omnem dicendi copiam fugiebant et quam brevissime loqui solebant. Rescripsisse v. c. dicuntur ad verbosam Philippi Macedonis epistolam his pauculis verbis: Διονύσιος ἐν Κορίνθῳ *Dionysius Corinthi*: quibus verbis docere eum volebant, non esse quod se tantopere jactaret et Lacedaemoniis minaretur; tyrannorum regna non esse diuturna: Dionysium quoque, Siculum tyrannum, patria expulsam Corinthum fugisse, ibique ludum aperuisse; forsitan eandem sortem vel similem Philippo contingere posse: nisi respiceret etc. Idem dicuntur ad eundem regem epistolam misisse, in qua, negantes ei, quae volebat, scripserint literam ο pro ου. Quid brevius et parcius esse potuit? Qui contra negant genus dicendi Lacedaemonium ullum fuisse, defendunt suam sententiam ita, quia Lacedaemonii eloquentia caruerint. Hoc confirmat Cicero

Brut. 13 in., ubi ait: *Hoc autem studium* (dicendi h. e. eloquentiae) *non erat commune Graeciae, sed proprium Athenarum. Quis enim aut Argivum oratorem aut Corinthium aut Thebanum scit fuisse temporibus illis? nisi quid de Epaminonda, docto homine, suspicari libet. Lacedaemonium vero usque ad hoc tempus audiivi fuisse neminem. Menelaum ipsum, dulcem illum quidem tradit Homerus sed pauca dicentem. Brevis autem laus est interdum in aliqua parte dicendi, in universa eloquentia laudem non habet.* — Possit hic opponi, licet Cicero nihil audiverit de oratore quoquam Lacedaemonio, tamen potuisse Lacedaemone oratores esse. Nos multa nescimus, quae tamen esse possunt. Lacedaemoniorum res paulo ignotiores erant, quia ipsi mercaturae expertes et societate usuque exterorum exclusi vivebant. Ac, si oratores inter eos erant, quaeritur, an orationes suas antea, quam recitarent, diligenter chartae mandarint, more Atheniensium et Romanorum. Et Cicero, licet de Thebanis idem iudicium ferat, tamen addit: *nisi quid de Epaminonda, homine docto, suspicari libet.* Cur non simile quid de Lacedaemoniis suspicari libuit? At Epaminondas doctus fuit h. e. philosophiae operam dedit: quod de Laconibus, quos *ἀνδρες* vocant, dici non posse vulgo credunt, cum tamen illos concedant prudentissimos fuisse. An non philosophiam aliquam popularem didicerint?

Sed, ne nimis longe a re abeamus, tota ista lis, tota quaestio, utrum Lacedaemoniis eloquentia et dicendi genus, quod hic pro eadem re sumitur, tribui possit nec ne, nititur notione eloquentiae. Hanc si cum Cicerone ponimus in *copia dicendi*, quo pertinent omnes amplificationes, similitudines etc., ita ut, quemadmodum Cicero loco paulo ante laudato dixit, *brevitas in eloquentia universa nullam laudem habeat*: sequitur, Lacones caruisse eloquentia. Sin eloquentiam dicimus esse facultatem de rebus perspicue, graviter, et suaviter dicendi vel etiam persuadendi, quocunque modo hoc fiat: non video, cur Lacedaemonii, qui haud dubie persuadere, atque ita perspicue, graviter, suaviterque dicere potuerunt, eloquentiae laude careant. Lycurgus quidem iis suas persuasit leges: Philippus rex Macedonum haud dubie intellexit eorum mentem in istis verbis: *Διονύσιος ἐν Κορίνθῳ* etc. Et conveniebant atque inter se deliberabant de republica; hic opus erat persuasionem, perspicuitate, gravitate, et vero etiam suavitate quadam dicendi, ut scilicet dicta, consilia etc., placerent ceteris; uno verbo eloquentia. Nam, si quis paucis verbis idem efficere valet, quod

quod alius multis, an ille minus eloquens propterea, quod minus copiosus est, dicatur? Omnis eloquentia primis temporibus brevis ac Laconica fuit. Brevitas haec oritur ex paupertate, matre parsimoniae. Ubi luxuries est in vita, ibi luxuries quoque est in verbis. Natio, paucis rebus ad sustentandam vitam contenta, paucis item verbis contenta est et vitae paupertatem cum paupertate verborum conjungit. Est legibus obedientior, modestior, et facilius atque uno interdum verbo flecti et impelli potest. Roma, quamdiu pauper fuit et parsimoniae amans, tamdiu brevitatem dicendi amavit eaque contenta fuit. At luxuries, filia divitiarum, parit luxuriam verborum: a magnificentia supellectilis transimus ad magnificentiam verborum. Homines luxuriae dediti minus legibus obediunt: nam hae adversantur eorum cupiditatibus. Animus eorum fit durior erga praecepta et consilia, fit timidior, versutior etc. Ergo majori vi et copia, imo pompa ac fulmine, verborum opus est etc. Primis igitur temporibus eloquentia perbrevis erat: id quod docet Menenii Agrippae oratiuncula apud Livium, nihil nisi comparationem reipublicae cum corpore humano, senatus cum ventriculo, civium cum membris corporis complexa. Sero demum copia dicendi inventa est imperitorum causa, ut hi sententiam dicentis plane intelligerent et probarent: orationes enim coram plebe saepissime habendae erant. At, si cum eruditis loquimur, v. c. in disputationibus, copia dicendi abstinemus: Illi enim etiam sine hac nostram mentem intelligunt. An v. c. Menenius Agrippa, qui brevissima illa oratione plebem romanam flexit, eique *persuasit*, ut monte sacro decederet urbemque repeteret, minus eloquentiae declaravit, quam Cicero, qui longissima oratione et omni copia dicendi eidem plebi persuasit, ut legem Rulli agrariam repudiaret? Hic Antonius, qui ap. Cicero- nem de Orat. I, 21 et in Orat. 5 inter disertum et eloquentem discriminis nescio quid statuit, et dixit, se multos disertos vidisse, eloquentem omnino neminem, Antonius igitur hic forsan dicet, Lacones fuisse ad summum disertos, non eloquentes. Sed hoc est vocabulis ludere, iisque pro libidine uti. Laconibus igitur tribuenda est eloquentia, at non copiosa: tribuendum est genus dicendi, at non copiosum, quale Demosthenis et Ciceronis fuit. Hoc ipsi spreverunt, nec eo eguerunt, quia cives artibus graecis nondum corrupti, nondum cognitione statuarum, imaginum, epularum aliarumque rerum delicatarum ad voluptatum luxuriaeque sensum et cupiditatem translati erant, sed vitae

severae, ope legum Lycurgi et disciplinae publicae, assueti, facile paucisque verbis regi flectique et ad utilia amplectenda atque agenda, ad noxia fugienda, omittenda vel avertenda impelli poterant. Et, quod Sextus Empiricus refert, Lacedaemone cives, qui dicendi arti foris operam dedissent, propterea punitos esse, hoc non declarat statim, Lacedaemonios omne eloquentiae studium averfatos esse, quod inde vulgo praeter rem colligi solet, sed indicat tantum, eos eloquentia domestica contentos fuisse et credidisse, non aliud dicendi genus, idque copiosum, discendum esse. Mirabile est, Ciceronem Laconibus, quia orator eorum nullus innotuerit, eloquentiam tribuere nolle, cum tamen antiquissimis Romanis, de quorum eloquentia nulla tamen quoque exstant monimenta, eam tribuere non dubitet in libro, qui Brutus inscribitur, v. c. Bruto illi, qui reges ejecit etc. Ac profecto magna opus erat eloquentia ad populum impellendum, ut reges ejiceret, ac juraret, se nunquam eos revocaturum, nec unquam aliquem Romae regnare passurum. Nam eloquentiae magnitudo non ex ornamentis etc. sed ex ejus effectis colligi debet. Et, quod quis potest efficere paucis, cur id efficere cogatur pluribus et per ambages? Cui haud notum est proverbium: *quod potest fieri per pauca, non debet fieri per plura*? Haec sufficere possint ad eloquentiam, modo hoc vocabulum recte intelligatur, et ad genus quoddam dicendi, quamquam non copiosum, Lacedaemoniis vindicandum. — Ceterum vix illud nostris temporibus copiae Ciceronianae assuetis imitari nobis liceat, praesertim in orationibus ad plebem habendis, cui magis copia dicendi, recte adhibita, convenire ob causas modo dictas videatur.

F I N I S



I N D E X

VOCABULORUM, FORMULARUM RERUM ET LOCORUM

QUAE

EXPLICANTUR, EXAMINANTUR
ILLUSTRANTUR

A

- A** in *e* et *i* commutatum 29
A, initium temporis notans, ante se habere solet
inde 597: — pro *post* 362:
 — pro *subst.* nonnullis 364:
 — *omissam* 478
a privativum, figmentum Grammaticorum 29
 Abbas, Abbatissa 568
 abbrennen, de homine 116.
 Sic ardere
 abdicare se magistratu 139
abest: tantum *abest* — ut — ut
 294: — *seq.* ne *pro* ut non
 294
abies semper proprie intelligi
 debet 126
abire: hoc tibi non sic abibit
 199
ablativus unde pendeat 149:
 — post comparativum, omisso
quā quam, an elegantius
 ponatur 149: — comparativo
 praepositur 214, interdum
 praepositendus est 213:
 — pro *per* et *quam* 461:
 — *ablativi consequentiae*,
 ubi poni possint 168, ubi in
 alios casus transferri debeant
 168
 abruptum dicendi genus 667:
 absolvere, de foro 720
absporto rectius quam *aspor-*
to 33
 absque *pro* fine 568. 760
 abstergere 377
 abstracta *pro* concretis 305.
 675.
abus, terminatio rara, an et
 quando necessaria 141 sq.
 590 sq. 763.
ac rarius *seq.* vocali poni
 debet 142. 367. 743: —
 non semper eadem tem-
 pora jungit 191: — inter
 duo vocab. saepe omittitur
 480
 accedit ut 153
 accentum vocabulorum Roma-
 ni accommodarunt ad quan-
 titatem syllabarum 30
 accerso *pro* arcesso 564. 763:
 accerso an arcesso, origo
 incerta, arcesso tamen rec-
 tius videtur 38
accidit ut, verbo additum, an
 elegantiam efficiat, et quan-
 do dicatur 57
 accipere 339: — *pro* discere
 378: — in bonam partem
pro

I N D E X

- pro* ignoscere, an et quando 337: — nuntium 326: — damnum 577
 acclivis 86
 accommodatus 314
 accusativus cum infinitivo 150: — post *dubito* pro *an* cum conj. 151: — interdum, at raro; nec eleganter post *non dubito* 151: — post verba sensuum 152 et affectuum 155: — an post v. sentiendi, intelligendi, eleganter pro *quod* ponatur 62
 activa f. p. transitiva verba quae sint 147: — et passiva saepe inter se permutantur 350
 acumen 715
 acute dicta quae 715. 717: — dicere, loqui 716: eorum genera 717
 acutus etc. 715: — sententia 641
ad pro *circiter*, et sine suo casu 362: — pro subst. quibusdam 334. 364: — saepe omittitur 477
ad manum habere 199
ad minimum et minimum, ad summum et summum 199
*ad*cipio rectius quam accipio 32
*ad*de quod 153
 adducere locum, fundamenta 109
adeo differt a *sic* 355
*ad*fero rectius quam *affero* 32
*ad*gredior rectius quam *aggredior* 32
 adhuc semel 355
 adjectio vocabuli ad vocabulum auget ideas 385. 394. 396 etc. 678: — an adjuvet elegantiam 56
 adjectiva substantivis addi debent et apta et sufficientia 396. 578: — *duo* sine copula et *an uni* substantivo addi possint 582: — debent saepe in substantiva mutari 308. 584: — an eleganter mutantur 54: — vernacula saepe circumscribi debent 308. 412: — pro *cum*, *postquam* etc. seq. verbo 666: — permutantur 313 pro subst., adv. 315. 316
 adjectivo et ejus substantivo aliquid, et quid, inferendum fit 53: — — interponitur genitivus, vel praepositiones *erga*, *in*, *adversus* 216
 adjectivum vel participium, substantivis diversi generis vel numeri tanquam praedicatum aut epitheton additum, cui generi vel numero convenire debeat 144
 adicere oculum rei alicui 199
 adimo 88
 adipisci 339
adolescens rectius quam *adulescens* 32
 adoptatio pro adoptio 568
 Adria 591
*ad*siduus rectius quam *assiduus* 32
 adusfactio pro consuetudo 568
 adverbja verbis addi debent, eaque apta 404 sq. 577: — cur verbis anteponantur 214: — loci de personis et rebus 458: — loci et temporis c. gen. terrarum, loci, temporis 147: — *eo* et *pridie* an recte dicantur regere genitivum 147: — Germanorum multa saepe circum-

I N D E X

- circumscribenda sunt 313.
 412: — commutantur 354
 pro subst. et adj. 356. 358
 advocare *pro* causas agere 570
 advolare 673
ae, quomodo pronuntiatum
 sit 29
 aedes 579: — *pro* domo 131:
 — illustres 720: — omif-
 sum 468
Aegaeum, non *Aegeum* 36
 aeger 101
 aegritudo 341
 aequale scribendi genus 710
 aequalitas vocabulorum, mem-
 brorum et enuntiationum,
 v. *voc.*, *membr.*, *enuntiat.*,
num.
 aequanimiter *pro* aequo ani-
 mo 568
 aequae parum ac 356
 Aeschines 827. 30. 31
 aetas i. q. anni vitae 67. 76.
 306: — puerilis circumscri-
 bitur 410
 aetatis ver 103. 104
 Aetna mons, non mons Aetna
 214
 affectatum dicendi et scriben-
 di genus vitandum 707
 affectatus sermo, unde 708. 709
 affirmativus *pro* affirmans, ajens
 140. 568
 affligo 79
 agere: hoc ago, id egi etc.
 431: — age, agite, abea-
 mus 199: — agere florem,
 vitam turpem 199
 aggressus est *pro* coepit 341
 agnoscere 335
 alibi 459
 alicunde 460
 alio 459
 aliquanto 76
 aliquid omiffum 469
 aliquis, aliquid, aliqui ante re-
 lativum pronomen, an ele-
 gantius omittantur 61
 aliter 356
 aliunde 459
 alius, de *pluribus*, alius —
 alius 198
 alius alibi 489
 alius alio l. aliorum 489
 alius aliter 489
 alius aliud dicit *pro* alius hoc
 alius illud dicit etc. 488.
 alius aliunde 489
 allodium 140. 574
 allucinari et alucinari, *origo*
ignota 38
 allusio 721
 alter ego 198
 alter - alter, *prius* ad remo-
 tius, *posterius* ad propius
 611: nonnunquam permu-
 tantur, et *pro* posteriori *hic*,
iste, *ille* 611
 altera vice 355
 alterae *pro* alteri 761
 altisonus 568
 amabo non frustra additur 59.
 376. 455.
 amare et diligere 342
 amare *pro* scortari 126: —
pro solere 327
 ambigua vocabula vitari de-
 bent 575
 ambitio 80. 87: — *pro* super-
 bia 67. 570.
 ambitiolus *pro* superbia infla-
 tus 570
 Americani appellantur *feri*
 628
 amoenus: v. c. amoena cor-
 ditio, fortuna, res 579
 amor *pro* stupro 126: *pro* igne
vel potius ignis *pro* amore
 103.

I N D E X

- 103. 105:** — *pro coitu*
115: amore flagrare **104:**
 — homo amore flagrat **103:**
 — teneri, duci, *pro amare*,
 an elegantius **49. 66**
amplexus: ruere in amplexum
 alicujus *pro amplecti*, an
 elegantius **49** sq.
an, ob, c. conjunctivo **150. 160**
an — *an et an* — vel **194. 763.**
 analogia vicariam operam ety-
 mologiae praestat **42**
 anaphora **560. 600. 648. 650.**
 ancora, *non anchora* **33**
 Andabatarum more pugnare
722
āveu **29**
 ango **80**
 angor **341**
 angustia, Angſt **570**
 anima **67. 80. 376**
 animam efflare **336**
 animadvertere **335**
 animum alicujus ſ. hominis
 offendere *rectius quam* ali-
 quem ſ. hominem **60. 120.**
309. 394. 562. 585. Sic
 animus adolescentis, ſapi-
 entis, *pro* adoleſc. et ſap.
394. 395
 animus generoſus ſ. excellſus,
fons gravitatis **625**
 annulus et anulus, *origo igno-*
ra **38**
 antanaclafis **724**
ante commutatum c. aliis **361**
 antecedens interdum omiſſum
662
 Anticato **141**
antiquetādesis **673**
 antiquus **376:** — homo **578**
 antitheta **669. 726**
 Antonii eloquentia **831, 3**
 Antonius quid agit? Reſp. **721**
 apex *de ſacerdotio* **118**
 apocopes cauſa **30**
 apoſiopeliſ, reticentia ſ. obti-
 centia **668. 669. 692.**
 apoſtrophe **649**
 apparere *pro* videri **67. 570:**
 — malum apparens **67**
 appellare **378**
 appellere naſes, quomodo di-
 catur a priſcis **123** ſq.
apud commutatum c. aliis **361**
apud Livium etc. **197**
apud aliquem habitare, **197:**
 — — eſſe **197:** —
 aquilae ſeptem adhuc reſtant,
 Reſp. **721**
 arboris ſpecies *pro* arbori-
 bus univerſis, an recte **126**
 ſq.
 arceſſo *an* accerſo, *ignotum.* **38**
 Archidapifer **140**
 Archidux **139. 140. 568. 574.**
 Archimareſchallus **49. 568.**
 archivum *pro* tabularium **568**
arctus rectius quam *artus* **33**
 arcus Cydonius **128**
ardere: Ucalegon, hoſpes, ar-
 det **116**
 arduus **314**
arena: in arenam deſcende-
 re **93**
 argentum *pro* vaſis argenteis
115
 argumenti, ab adverſario *pro*
 ſe prolati, in illum ipſum
 retorſio **653**
 argumentorum (ſ. cauſarum)
 ratio vera **520. 798:** —
 connectendorum modi **301**
 Ariſtoteliſ Rhet. II, 23. **720**
 arma **67:** — *de bello*, olim, *an*
hodie **118:** — *inter arma*
ſilent leges, noſtris tempori-
 bus an conveniat **118**
 armenta

I N D E X

armenta 87
 armistitium *pro* induciae 568
 Asiaticum dicendi genus 826
 asperum in conjunctione vocabulorum quid sit, latet 742
 assem elephantos dare 721
 assequi 339
 assiduitas 68. 306
 assimilo rectius quam *assimulo* 33
 assistentia *pro* auxilium 568
 asyndeta 480. 687
 at, at vero, at enim, *in objectionibus* 300. 367. 481. 496. 666.
 Atheniensis 315. 316.
 atque non iisdem semper temporibus jungitur 191: — inter duo vel plura vocabula saepe omittitur 480: — *pro statim* 76
 attentior et iusto attentior 57
 Atticum dicendi genus 827
 au, quomodo pronuntiatum 30
 avarus 67. 87. 570: — circumscribitur 411
 auctor rectius quam *autor*, *author* 36. 42. 763: — auctor libri *pro* libro, quando poni possit 112: — auctor et dux 391
 Auctor ad Herenn. IV, 12. 738. 739. 740: — 43 649
 auctoritas 36. 42. 67. 306. 576: — Grammaticorum an regula orthographiae 32: — graecorum scriptor. operam vicariam ei praestat 42: — hominum, fons gravitatis 628
 audacia, non audatia 33. 42: — *pro* audacibus 305

audio *pro* vocor 572
 audire bene et male 193
 aura popularis 395
 aureae aetatis vocabulis an magna insit elegantia 49
 auribus usurpare *rarius quam* — percipere 326
 aurum *pro* valis et numis aureis 115
 aut et vel sunt eadem, nec commutari cum *sive seu* debent 142. 367
 aut (et vel) duplex, perspicuitati serviens in jungendis vocabulis et enuntiationibus 284 sq. 289. 602: — unum 285
 autor et author, v. *auctor*

B

b et *p* saepe confusa 26. 27. 32. 89
 bacca et baca, origo ignota 39
 Bacchum bibere 98. 100. 112
 balineum rectius quam *balneum* 33
 batalio 574
 bellua et belua, origo ignota 39
 bellum 44: — ducere 193
 bene audire 193: — emere, vendere 201
 bene scribere 7. 8 nemo potest nisi eloquens 8. 790, qui bene cogitat 16. 64; *bene latine scribere* 6. 8. 9. 64 non nisi orator scit 8. 12 et philosophus 16: est res difficilis 14; hodie paucorum 19; cur hodie vulgo contemnatur 20: — non discitur e libellis grammaticis, sed e lectione praeceptorum

I N D E X

- rum 20. 150, maxime Ciceronis 9. 786. 790
 beneficentia et liberalitas, humanitas 385
 benevole et benevolus rectius quam benivole et benivolus 33
 benigne pro non, in resp. 138. 703
 benignitas et humanitas, liberalitas 385
 biclinium 141
 Bilschen, ein 106. 110.
 Bischof 35
 boatus pro mugitus 568
 bombardas 574
 bona comedere 117
 bona opera de beneficentia erga egenos etc. 570
 bonus 80: — ἀγαθός 578
 bonus scriptor, historicus, poeta 8. 9
 brachium saeculare de magistratibus 570
 brevitatis dicendi 456. 613. 662. 665: — in vocabulis: uno pro pluribus ponendo 456. 665; vel uno omittendo 468. 664: — in enuntiationibus: duabus in unam contrahendis 481. 613—15. 665; vel una e duabus omittenda, praesertim in narrando 490. 662. sq.: — multum adjuvat perspicuitatem 562. 613 suavitatem 696
 Brutorum vocabulo ludit Cicerone 724
- C
- c ante vocalem ut k vel g pronuntiatur 27: — cum g, tanquam eadem litera, commutatum 27. 42
 cadere 66. 114: — in morbum 197: — humi 763: — pecunia cadit in eam diem 199
 caedere 341
 caerimonia, caeremonia, caeremonia, dubiae originis 39
 caerimoniae statae et solennes 386
 Caesar peccavit in conjungendis participiis ejusd. casus 169: — periodis nimis longis 608: — et aliter 762
 Caes. B. C. 1, 65 60. 762: — B. G. I, 6 734: — 7 445: — II, 6 370: — II 553: — 17 612: — 19 481: — 22 586: — 25 608. 614: — 27 368: — 33 362: — 35 370: — IV, 1 288: — 16 487: — 17 584: — 24 169. 213. 221. 614: — 25 169: — V, 27 761: — 50 736: — 51 763: — VI, 13 390: — 41 370: — VII, 28 415
 Cajus et Gajus 27. 42
 calamitas 67. 80. 87. 570.
 calefacere aliquem 199
 callidus 80. 87
 calumnia 67. 570
 calx 591
 camoena et camena, originis non certae 39
 cantherium comedere 117
 cantus cygnorum 553
 capere Vestalem, an eleganter dictum 62
 caput liberum, festivum etc. 121
 caput montis 107
 Carbonis dictum 80. 217. 276. 670. 689.

I N D E X

carina 123. 124

carminibus intexere deos, Musas, Gratias etc. an deceat 93. 94

carus, *non* charus 33

castrata respublica 107. 702

casus obliqui quando praepo-
nendi 52: — an elegan-
ter nominativo praemittan-
tur 52

caveo 87: — alicui 327

causa et caussa, *incertae orig.*
39

causa rei praeposenda 212:
— enuntiationi, simplici-
ter efferendae, saepe prae-
ponitur 419. 531

causae (s. argumenta), thesi
addendae, *quales esse debeant*
520: — enuntiationibus
singulis, *quomodo* 523 sqq.

cedo pro dic 325

celeber 314: — est termina-
tio masc., *celebris* fem. tan-
tum 142

celerius et dicto, opinione, spe,
celerius 57. 213

celerrime 458

censor vitio vel sine suffragio
populi creatus 93. 722

centies 130

Cerere vesci 98. 100. 112

cernere 335

certe 355

certiorem facere 326: — fieri
326

ceteri, *non* caeteri 33

Christiani debent abstinere
TOM. II

nominibus deorum homi-
num profanorum 94

ci ut *ki* pronuntiatum est 27.
42. 95

Cicero consul, *non* consul Ci-
cero 214

Cicero, exemplar omnium ora-
torum 463: — in primis
legendus et imitandus 790:
— qui libri *ejus* maxime
legendi 749: — creditur
Asiatico more locutus esse
in R. Am. 826: — vitia non-
nulla commisit in rebus 754
(741) et in verbis 758: —
in etymologia saepe pec-
cat 89: — de genere dic-
tenui etc. indefinite loqui-
tur 816 it. de numeris poe-
ticiis 277: — periodum pa-
rum perspicuis nominibus
appellavit 238: — obscoe-
nitatem in *cum nobis* esse
putat 207: — ludit in voc.
brutorum et *praerogatiuae*
724

Cic. I) *Epp.* ad Att. I, 10 598:
— 16 484: — II, 21 448:
III, 8 758: — V, 2 374:
16 470: — X, 1 460: — 4
580: — XIII, 20 580: —
39 379: — XIII, 14 724
ad Div. I, 1, 1 62. 486. 525.
543. 675. 700: — 2, 7 119.
358: — 4, 1 459: — 5, 7
290: — 8, 10 493: — 9, 4
373: — 21 447 449: — 31
467: — 10, 3 237: — II,
3, 3 445: — 4, 6 618. 687:
— 5, 2 486: — II, 2 618:
— 12, 1 445: — 13, 5 611:
— 16, 1 618: — 19, 4 430:
Ggg — 6

I N D E X

- 6 759: — III, 2, I 429.
 701: — 4 446: — 3, I
 213: — 4, 7 483: — 5, 2
 242: — 3 231: — 7 482:
 — 8 232: 14 471. 482: —
 6, I et 2 369: — 4 469:
 — 7 237. 291. 371. 480: —
 8, I 233. 430: — 15 455:
 — 18 397: — 9, 3 699:
 — II 527: — 12 526: —
 10, I 226: — 9 594: — II
 357. 389: — III, 2, I 527:
 — 3 529. 697: — 10 410.
 697: — 3, 2 465: — 3
 698: — 10 698: — 13
 698: — 5, I 467: — 7 300.
 482: — II 230: — 7, I
 401. 457: — 13 603: — 15
 236. 417: — 8, I 529: —
 9, 13 327: — 14 526: —
 II, 2 430: — 12, I 373.
 452. 759: — 4 405. 544.
 545: — 6 683: — 16 545:
 — 13, 9 462: — 18 462:
 14, 8 539: — V, 2, 14 585:
 — 15 527. 585: — 19 528:
 — 20 411: — 22 584. 585:
 — 24 528: — 25 526: —
 28 461 bis 586: — 29 528:
 — 4, 5 396. 462: — 7 327:
 — 5, I 526: 2 413: — 6,
 6 72: — 8, 2 424: — 3
 701. 703: — 6 698: —
 9 698: — II 701: — 12,
 2 621: — 4 298. 586: —
 5 586: — 7 586: — 8 463.
 586: — 10 462: — 14
 304. 323. 468. 733: — 16
 439. 528. 545: — 21 304.
 453. 493. 733: — 16, I
 368: — 17, 3 583: — 18,
 I 368: — 20, 8 594: —
 21, I 360. 687: — 6 323:
 9 598: — 14 391: — 15
 440. 540: — VI, I, I — 4
 304. 368. 733: — 5 299:
 — 21 334: — 2, 2 445:
 — 5 266. 690: — 3, 6 445.
 759: — 4, I 618: — 3
 233. 759: — 18 540: —
 6, 7 322. 465: — 19 584:
 — 20 479. 482: — 24 583.
 739. 759: — 7, I 2: — 8,
 2 233: — 9, I 618: — 13,
 2 381: — 20, 4 232: —
 23, 5 540: — VII, 3, 9
 674: — 5, 5 469: — 7, I
 236: — 13, 7 720: — 16,
 4 473: — 26, I 292: —
 5 471: — 28, 7 467: —
 VIII, 6, 9 482: — 8, 6 611:
 — II, 3 454: — 14, 6 293.
 466. 780: — 8 642: — 9
 411. 415. 493. 663: — 10
 411: — II 342. 411. 682:
 — 13 430. 475: — 14 396.
 461. 493. 663: — 16, 2
 598: — II 233: — 22
 357. 377: — 17, I 357.
 463: — 18, 5 720: — 20,
 I 606: — 4 414: — 26,
 6 664: — X, I, 7 677: —
 3, 6 359: — 7 611: — 4,
 I 365: — 22, 3 235: —
 28, 7 618: — 32, 9 589:
 — XI, 2, 2 376: — 16, I
 707. 736: — 20, 5 328:
 — 21, 13 231: — 27, 17
 235: — 18 236: — 29, I
 234: — XII, I, I 589: —
 2 377: — 3, 2 583: — 6,
 4 669: — 13, 10 361: —
 — 14, II 348: — 30, 8
 449: — 16 609: — XIII,
 17, I 543: — 6 536: —
 23, 4 536: — 26, 6 et 7
 537: — 28, I 536: — 37,
 3 537: — 47, I 342: —
 56, I

I N D E X

- 56, I 445: — 2 460: — 3
 596: — 72, 5 320: — 77,
 2 445: — XIII, 3, 9 668:
 — 9, 5 358: — 14, 2 328:
 — 4 357: — XV, I, 4
 472: — 8, I 678: — 14, I
 359: — 16, I 379: — 17,
 7 60. 375. 376. 455: — 18,
 2 379: — 20, 2 357. 460:
 — XVI, I, 7 610: — 6 et
 7, I 488: — 9, 6 378: —
 II, 7 226: — 14, 3 744:
 — 26, I 328: — ad Qu. Fr.
 I, I, 10 475: — II, 3, I 598
 Cic. 2) *Oratt. Agr.* I, 7 656:
 — II, I 426. 458. 558. 605.
 613. 632. 675: — 2 438.
 558: — 3 385. 387. 411.
 473. 542. 559. 680. 758:
 — 4 230. 236. 494. 546.
 559: — 5 438. 680. 686:
 — 6 536. 676: — 9 560.
 651: — II 683: — 12
 637: — 17 618. 687: —
 18 644: — 21 644: — 35
 758 *Arch.* I 389. 414. 529.
 697: — 2 390. 672: — 4
 390. 672: — 6 247. 266.
 268. 386. 418. 424. 431.
 554. 729: — 7 268. 318.
 419. 424. 427. 550. 639.
 645: — 8 268. 425. 442.
 531. 554. 555. 685: — 9
 389. 421. 554: — 10 554.
 555: — II 391. 392: —
 12 421. 531. 556. 729. 758
Balb. 20 292 *Caecil.* I 596:
 — 6 648. 651: — 7 682:
 — 9 642. 654: — 13 483:
 — 14 427: — 18 647: —
 19 653 *Caecin.* I 261 *Ca-*
til. I, I 560. 652: — 2 236.
 661: — 5 364 684: — 6
 393: — 7 649: — 8 659:
 — 9 668: — 10 676: —
 II 266: — 13 689: — II,
 I 393. 414. 664. 678. 684:
 — 4 447. 685: — 9 465:
 — II 670: — 13 289: —
 III, I 436. 439: — 8 760:
 — 12 530: — III, 7 360:
 — 10 661 *Cluent.* 2 601.
 670: — 19 274: — 47
 274: — 57 599: — 64 540
Dejot. 4 433. 443: — 5 440.
 442: — 7 755: — 9 439:
 — II 439: — 14 440
Dom. 30 758: — 57 608
Flacc. 27 758 *Fontej.* 2
 234: — II 391: — 13
 386. 388. 389: — 14 247.
 638: — 16 231 582. 674:
 — 17 755 *Harusp.* 9 386.
 391. 392: — II 387 *Ligar.*
 2 309: — 4 434: — 5
 440: — 6 654: — 10 437.
 440: — 12 433. 437. 455
Manil. I 234. 274. 413.
 414. 425. 524. 529. 545.
 657: — 2 389. 527. 582.
 583: — 3 230. 358. 389.
 460. 479. 524. 526. 543.
 544. 548: — 4 438 441.
 596: — 5 434. 442. 461.
 555: — 6 269. 389. 443.
 525. 528. 545: — 7 274.
 680: — 9 236. 427. 526.
 546. 582: — 10 234. 416.
 417. 423. 635. 755: — II
 420. 423. 432. 486: — 12
 375. 599. 631. 676. 680:
 — 13 494. 546. 663: —
 14 404: — 16 236. 376.
 420. 656: — 17 548. 644:
 — 19 489 *Marcell.* I 684:
 — 2 266. 428. 433. 541.
 555. 634. 638. 684: — 3
 429. 432. 433. 639: — 4
 Ggg 2 657:

I N D E X

657: — 6 291. 371. 438.
 479: — 7 441. 443. 755:
 — 8 429. 441: — 9 429:
 — 10 437 Mil. I 393. 426.
 428: — 4 265. 267. 435.
 437. 670. 690: — 8 418.
 550. 685: — 10 138. 408.
 547: — 11 672. 686. 736:
 — 20 600: — 30 437: —
 34 649 Mur. 9 321. 390:
 — 29 410. 758: — 31 453:
 41 657 Phil. II, 3 479: —
 4 234 465. 674: — 5 234:
 — 7 466: — 9 481: — 14
 665. 675: — 16 408: —
 22 647. 651. 672. 675: —
 23 486: — 25 561. 640.
 655. 656. 688: — 27 644.
 650. 652: — 28 739: —
 34 201: — 39 234: — 41
 640: — 44 581. 684: —
 III, 14 638: — V, 17 462.
 486 Pison. 6 380: — 40
 415 Planc. II 466 Quint.
 II 740: — 21 428: — 26
 647 Quir. p. red. I 608 Rab.
 Post. I 430: — 10 432 Rosc.
 Am. I 230. 462. 697. 700.
 780: — 2 697: — 6 611:
 — 8 366: — 16 431. 481.
 496. 605. 652: — 17 584:
 18 652: — 19 653: — 20
 226. 292. 358: — 21 649.
 653: — 22 82. 369. 405.
 408. 425. 478. 547. 636.
 637. 642. 652. 667: — 23
 56. 390. 409. 429. 530: —
 24 387. 388. 390. 427. 428.
 544. 605. 686: — 25 338.
 391. 405. 435. 596. 686.
 754: — 26 292. 409. 436.
 731: 27 et 29 754: — 30
 358: — 32 299: — 33
 655: — 36 328: — 38

454. 654: — 39 434. 635:
 — 40 489: — 41 153: —
 45 681: — 46 389. 428:
 — 47 410: — 48 328
 Rosc. Com. 2 610: — 8 267
 Sext. 46 389. 391. 414. 418.
 550: — 47 235. 395. 415
 Sull. 30 431 Act. in Verr. 2
 232. 235: — 4 630: — 15
 684: — 16 682 Verr. I, I
 582. 600. 683: — 2 525.
 647. 683: — 3 651. 677.
 682. 688: — 4 454. 644.
 650. 674: — 5 600. 644.
 650: — 8 636: — 11 684:
 12 655: — 13 674: — 14
 674: — 15 387: — 16
 470. 655: — 22 488: —
 25 467: — 26 323. 488:
 — 46 674. 720: — 51 84:
 — II, I 487: — 4 659: —
 6 646: — 13 651: — 14
 680: — 15 325: — 20
 455: — 30 646: — 37
 530: — 62 353: — 76 85.
 344: — 77 344: — 78
 648: — III, I 353. 398: —
 4 670: — 6 235. 599. 600:
 — 7 569: — 9 600: — 31
 684: — 50 596: — 53
 648: — 67 648 — 79
 761: — 92 670: — 94
 671: — 98 755: — III, 6
 153: — 24 366. 633: —
 25 556. 619. 630. 636: —
 27 353. 477. 646: — 28
 437. 643: — 29 477: —
 34 366. 398: — 35 636.
 758: — 39 232. 245: —
 40 491. 662: — 42 732:
 45 477: — 47 658: — 48
 470: — 52 268: — 54
 556. 636: — 55 636: —
 56 106: — V, 6 268. 670:
 — 10

I N D E X

- 10 660: — 14 483. 780:
 — 15 430: — 25 347. 454:
 29 617: — 33 618. 633.
 687: — 37 652. 739: —
 38 640: — 44 667: — 52
 616. 674: — 54 491. 662:
 — 55 674: — 62 616. 617.
 618. 687: — 63 616: —
 65 459: — 66 645. 652
 Cic. 3) *Philos. et Rhetor.* Acad.
 III, 19 329: — 22 416
 Amic. I, 4 236: — 19 449:
 — 23 et 25 231: — 26 233:
 — 27 234 Brut. I, 3 826.
 832: — 45 2: — 50 407:
 — 84 828 Divin. I, 34 489:
 — 46 453: — II, 4 328:
 — 66 232: — 69 738 Fin.
 I, 6 233: — 7 387: — 10
 387. 455: — II, 20 321: —
 26 232: — III, 20 597:
 — V, 3 474: — 32 597
 Inv. I, 5 815: — 20 491:
 — II, 1 488: — 31 590
 Legg. I, 24 453: — II, 22
 77. 114. 570. 761 Nat. Deor.
 I, 14 476: — 20 620. 740:
 — II, 33 713: — 47 611
 Offic. I, 9 358: — 12 611:
 — 13 612: — 18 739: —
 20 739: — 26 291. 371:
 — 30 598: — II, 6 449: —
 12 416. 433: — 15 423:
 — III, 1 289. 291: — 5
 231: — 16 463: — 25
 235: — 30 242: — 31 232
 Opt. gen. Orat. 3 830: —
 4 828 Orat. 3 425: — 9
 828: — 21 8: — 23 817:
 — 26 818: — 28 821. 823:
 — 29 824: — 32 427:
 — 63 217. 275. 276. 670.
 689 Orat. I, 2 480: — 5
 267: — 9 267. 269. 310.
 398. 542. 690. 731: — 10
 269. 680: — 12 82: — 15
 458: — 22 741: — 23
 741: — 33 2: — 35 236:
 58 421: — 61 542: — II,
 4 289 sq. et iterum 290: —
 19 489: — 23 2: — 40
 201: — 45 470. 472: —
 58 446: — 63 721: — 67
 722: — 69 700. 704. 721:
 — 74 449: — 90 598: —
 III, 5 744: — 12 598: —
 48 270: — 49 2: — 56
 657 Sen. 6 362: — 14 235:
 — 15 712. 713: — 18 449:
 — 19 722: — 20 474:
 — 22 730 Tusc. I, 4 236:
 — 47 590: — II, 18 328:
 — III, 15 597
 Cicerones *pro* Cicero, *an*
recte 132
cineres: ad cineres usque 92
circiter 362
circumscriptio, *v. periphras-*
is
cis saepe in *x* mutatum 95
citius et dicto, *spe*, *citius* 57.
 213. 214
*classe*m subducere et dedu-
 cere 139
 Claudius *pendit* *venalis* 116
clausula *periodi*, *ej. causa* 274.
 620: — non ubique ne-
 cessaria 275: — *ej. gravitas*
 qua in re consistat 688: —
 poetica vitanda 743
clavus gubernaculi 752
clemens pro *benefico* 67. 570
clementia 385
Clodii mors recte descripta
 138. 408. 547.
 G g 3 coaequa-

I N D E X

coaequalis pro aequalis 568
coetaneus pro aequalis 568
coevus pro aequalis 568
cocus et coquus, utrumque recte 26. 41
codicilli I
codicum scriptura non est regula orthographiae 31
coecus et caecus, orig. incertae 39
coelare rectius quam caelare 36
coelebs et caelebs, origo latet 39
coelum rectius quam caelum 36
coelum nosse 116
coena rectius quam caena 36
coenum et caenum, origo dubia 39
cognitio linguae accurata necessaria 516. 628: — *pronuntiationis priscoe, subsidium etymologiae* 27. 95: — *rerum unde* 771: — *hum, animorum et opinionum* 515. 627. 628
cognoscere 335
cogo 80. 87
cogor 330. 331
cohors 92. 263. 574
cola 258
colere III
collocare in mensa, et in mensam 588
collocatio vocabulorum apta 615. 87 v. *voc. ordo*
colophonem addere 50. 92
comedere aliquem, cantherium, bona 117
comissari et comessari 39
commata 258. 72
commendare pro recommendare, an elegantius 63

commodare 377
communicare aliquid alicui pro c. aliquo 196. 587
communicatio 658
communiter pro plerumque 570
commutatio, s. translatio vocabulorum, v. tropi: — s. variatio vocab. 304. v. voc. variatio in Conspectu: — huius fontes 372: — *partium orationis, an elegantia* 54: — *adject., adverb., conjunct., subst. etc., v. adj., adv. etc.: — anteced. et conseq. 114: — brevis syllabae* 30
comparatio, s. similitudo, juvat perspicuitatem rei et gravitatem 550. 633: — *est varia* 552: — *apta et vera esse debet* 553: — *quadupliciter institui, Cicero ne ipso auctore potest* 554: — *rerum* 554. 633 sq. — *personarum* 554. 634 sqq.
comparativus de duobus dici debet, licet vernacula superlativo utatur 194: — *libenter pro superlativo ponitur* 315: — *ablativum ante se habere solet* 214: — *an eleganter secum habeat ablativos iusto, solito, dicto, spe, opinione* 57: — *an eleganter periodum claudat* 52 sq.
comparatum: ita comparat. est cum hac re 196
comperire 326
compilare pro colligere 570
compo-

I N D E X

- compositio** vocab. grammatica, f. constructio, rectio, syntaxis 142 v. *constructio*
- comprehendere** : non possum compr., quomodo etc. 196
- conari** 68
- concernit** *pro* attinet ad 566
- concessio** 653.
- conciliare** 339
- concinntas** membrorum 265.
67. 689. 730
- concionem** habere 139. 577
- conciuis** *pro* civis 564. 8
- conclusio** orationis 793
- concurfus** vocabulorum laevis et asper 740: — syllabarum vel literarum vitandus simile quid habens cum vocab. obsceno 744: — vocalium et consonantium, asper saltem 280: — ejusdem literae 739
- condemnare** 376. 676
- conditio** et lex 385
- condolere** alicui *pro* c. aliquo 587
- conferre** signa 375
- confessionarius** 574
- confirmare** 329
- confirmatio** thematis 797: — logica et oratoria 799
- confundi** *pro* perturbari, pudore affici 571
- conjunctionum** commutatio 366: — *pro* verbo et adverbio 370
- conjunctivus**: ej. usus 157: — non pender a particularum *quamquam*, *etsi*, *si* etc. natura sed a contextu 157. 62: — *pro* imperativo 343: —
- pro* infinitivo c. particula *cum* 343
- conlega** rectius quam *collega* 33
- conligo** f. p. *conlego* rectius quam *colligo* 33
- conmeo** rectius quam *commeo* 33
- connexio** vocabulorum et enuntiationum recta et aperta 281. 8. 595. 621, v. *voc.*, *enunt.*, *period.*
- conscientia** male dicitur bona vel mala 580
- consequi** 339
- considera** *ne* *pro* *timeo* *ne* etc. 329
- consilium** 68. 305. 307. 575. — bonum et fidele, *non* prudens, sapiens 578. 81: — et factum 387
- consonantium** pronuntiatio 27
- conspicere** 335
- constantia** et sapientia 386
- constat** 340
- constituere** 339
- constructio** male usurpatur *pro* ordine verborum 143: — grammatica 143: — variata 381
- constructiones** rarae vitandae 601
- construere** 143: *construi* vocabula scriptorum non alio debent modo, quam quo constructa ab iis fuere 143
- consuetudo** 567. 305. 575
- consuevi**, habet vim praesentis 190
- consulem** creare 139. 577
- consulere** alicui et aliquem 324
- Ggg 4 consu-

I N D E X

- consulere** alicui *pro* suadere, 571. 2.
contemnere 333. 460. 665
contendere ab aliquo 330
contingit 57. 339
contio rectius quam *concio* 36. 42
contra 362. 5
contra *pro* econtra, an eleganter 63
contractio brevis syllabae pendet a pronuntiatione 30
contraria voc. in oppositione arte jungenda 217. 726
contrariae sibi *ideae* arctius jungendae 670. 88
convellere signa 375
convicium rectius quam *convitium* 36
convincere *pro* persuadere 68. 342. 571
coopertus 674
cooptare pontificem, an eleganter dictum 62. 139
copia *pro* exemplo 571
copia dicendi 382 in vocabulis 384 et enuntiationibus 417: — quando adhibenda 383: — iusta, fons suavitatis 696: — sero inventa 833.
copula omissa 663
cordatus *pro* animosus 571
cordicitus *pro* ex animo 568
Cornelius, v. *Nepes*
corona 393. 428
corpus alienius vulnerare rectius quam aliquem 60. 120. 309. 94. 562. 85
correcte *pro* emendate 568
correctio, servit gravitati 651
cotidie et quotidie, *utrumque recte* 41
Crassi eloquentia 831
creare consulem, praetorem, an eleganter dictum 62. 139
cremare 77. 114
crimen 68
critica editio 764
Croesi divitiae 92
crudus 81. 87
crux *pro* rebus adversis 571
culpa 306: — et peccatum 391
cultura 111
cum et quum sunt eadem 42
cum, particula temporis, non confundenda cum conditionis particula *si* 604: — non commutanda cum *dum* 604: — regit per se indicativum 160. 592. 6: — quando conjunctivo jungatur 162. 3
cum, particula causalis *da*, neque i. est q. *quia* neque i. q. *et si*, quia cum his non ubique commutari potest 160: — habet semper conjunctivum 159. 592. 604
cum 361: — enim *pro* nam cum 300: — pro et 366: — seq. tamen, *pro* et si usurpari potest 369: — pro hinc 294: — de tempore pro quo, quibus 358: — pro quod 293. 466. 78
cum, praepositio, semper *rois me, te, se, nobis, vobis*, interdum *is quo* s. *qui*, postponitur; at, cur fiat, latet 207: — saepe pro *apud* ponitur, v. c. habitare cum aliquo, pecuniam secum habere 197. 361:

I N D E X

- 361: saepe commutari cum
non sine debet 372. 4: —
 omissum 478: — comitatum
 indicans, omissum 481
 cum tacent, clamant 665. 71.
 75.
 cum timore vivere 201
 cunctari et contari, *originis du-*
biae 39
 cuneus cuneum trudit, *non c.*
 trudit cuneum 195. 205. 9
 Cupido 112. 591
 cupio *plus quam* volo et *minus*
quam delidero 331.
 cura 307: — custodum 395
 curare 378: — non curo 332.
 cursoria lectio 750
 cursus 395: — vitae 193
 Curtii vitia 763
 Curt. VII, 8, 26 647.
 Cydonius arcus 128
- D
- d* cum *z* saepe confusum 27.
 32: — in *l* mutatum 37
 damnare et damnum 87: —
 aliquem 676.
 damnati *pro* iis qui in orco
 sunt 571
 damnum facere *vel* accipere
rectius quam pati 577
 dare *pro* dicere 325
 dare calculos 198: — ope-
 ram *minus quam* navare 334
dasselbe, quomodo latine red-
 di debeat 588
dativus post passiva vitandus
 601: — *pro a c.* ablat. post
 gerundium et participium
 necessitatis rectius ponitur
 601
de 365: — interdum, postpo-
 nitur *quā quo*, *qua* 207; —
 omissum 478
- deabus *pro* diis saepe non di-
 cendum 141. 590
 deambulatum eamus 721
 debere 330
 debilis 81. 87
 debilitare 389
 decedit (*praefes provinciae*)
 139
 decimus et decumus 27. 30
 34. 35. 38
 decipior 342
 declinationis *quintae casus*
genit. et dativ. plur. num.,
praeterquam in res et dict;
rari sunt 141
 declivis 86
 decor 308 decus 307
 defectus vocabuli 468 v. *el-*
ipsis
 defensor et patronus 391
 delectus et dilectus, *utrumque*
recte 42
 delectus vocabulorum non nisi
 ab eo haberi potest, qui ea
 recte intelligit 66: — li-
 terarum et syllabarum 690
 deliberativum dic. genus 815
 deliciae, *non* delitiae 33
 deminutiva 380
 demo 88
 demonstrare 325
 demonstrativum dic. gen. 815
 Demosthenis eloquentia 827.
 29. 30
 denarius 92. 573
 denique *pro* ut paucis dicam
 77. 460. 569
 denuntiare 341
 deponentia s. p. participia eo-
 rum *pro* passivis interdum
 poni solent 350
 deponere animam 336
 deputare *pro* destinare 571
 Ggg 5 descen-

I N D E X

- descendere ad rem 340: —
 ad conditiones 677
 describere: non possum de-
 scrib. 196
 descriptio rei vivida, fons per-
 spicuitatis 560
 deferi 325
 desiderare *plus quam* cupere
 330. I
 desidero 325
 despiciere 333
 destituere et destitui 68. 325.
 571
 devertere 69
 devotio *pro* pietate summa in
 deum 571
 deus *pro* dea ap. poetas in-
 terdum 589
 diatypoſes 639
 dic *pro* dice 30: — cur 607 sq.
 dicendi brevitās 456: — co-
 pia 382: — gravitas 623:
 — perspicuitas 506: —
 suavitas 693.
 ——— genera 814: —
 1) demonstrativum, delibe-
 rativum, judiciale 815: —
 2) tenue, mediocre, subli-
 me 816: — 3) Asiaticum,
 Rhodium, Atticum, Laconic-
 um 826, v. *Asiat.* etc., *dem.*
 etc., *tenue* etc.: — abrupt-
 um 667: — simplex et
 ornatum 825: — floridum,
 concitatum, moratum 826
 dicere dictatorem 139. 577
 dicere *pro* rostris (sacris) 93:
 — saepe omittitur 472
 dico- *non* an eleganter in *nego*
 mutetur 55: — *dicat* (si
 quis), *non* diceret 173: —
 dicebant, in epp., *non* di-
 cunt 177
 dicta: negative dicta, interdum
 plus valent affirmative dic-
 tis 373: — interdum ve-
 recundiae causa, de nobis,
 usurpantur; additur etiam
 fortasse 373: — interdum
 necessaria sunt 374
 dictatorem dicere 139. 577
 dicto celerius, citius 57, *non c.*
 d. 213. 214
 dictum, acutum, facetum, prae-
 clarum, venustum, an acute,
 facete etc. 581: — de om-
 ni et nullo 799
 dies *pro* re 119: — de die
 et in diem vivere 201. 2: —
 dies *et* diei venit mihi in
 mentem, *diei* an elegantius
 sit 339
dieses, quomodo latine verti
 debeat 588
 difficulter 374
 dignitas 68. 81. 87. 306. 308.
 dignus 314: — qui etc. *pro*.
 ut is etc. 64. 161. 464. 5:
 — qui *pro* ut, an elegan-
 tius ponatur 64: — *ut*
 praeced. *qui* 230. 50
dii: an adhuc liceat jurare
 per eos et eos in scriptis
 usurpare 93. 113: — diis
 pro deabus 763
 dilemma 647
 diligens 68. 87. 314: — *pro*
 occupato 571: — nimium
 diligentes 722
 diligentia 68: — *pro* indus-
 tria 571. 3
 diligere et amare 342
 dilogia 724
 diluo 81. 87
 Diog. Laert. II, 118. 721
 Διουόσιος ἐν Κορίνθῳ 831
 diphthongorum pronuntiatio
 29

I N D E X

discedere in alicujus sententiam 93
discere pro audire 326
discretus pro humanus, modestus 571
discurro pro loquor et discursus pro sermo 571
displicet sibi ipse 334
disimilo rectius quam dissimulo 33
districtus subst. pro territorium 566
diversus: circumscribitur 410
divertere 69: — *pro devertere* 564
divinare 330
divitiarum contemptus ubi admirandus 625. 28
diutissime: circumscribitur 416
docere pro dicere 325
doctissimus et quam doctissimus 56
doctrina subtilis et solida, fons perspicuitatis et gravitatis 513. 627
doctus: non magnus d., verus d., sed valde, vere, doctus 581
domicilium pro locus 674
donec quando regat conjunctivum quando indicativum 161
donum et munus 392
dormire ad fontem murmurantem 104
draconis, non hominis, leges 720
dubitatio: sine ulla, non omni, dubitatione 195. 314. 763: — *sine ulla, an pro sine omni d. elegantius ponatur* 63: — *adjuvat gravitatem* 656
dubito c. an et c. acc. et in-

fin. 150. 51: — an pro an-
non 474: — non dubito
c. infin. pro quin an elegantia 151
dubium: vocare aliquid in dubium etc. 110.
duc pro duce 30: — *cur* 608
ducere bellum 193: — *vitam* 199. 336: — *se a loco* 197
dum, quid notet 173: — *non confundendum cum partic. cum* 604: — *quando indicativo aut conjunctivo jungatur* 161: — *cujus usus contrarius laedit perspicuitatem* 592
dumtaxat, duntaxat, origo la-
tet 39. 50
dux et auctor 391: — *militum quando pro militibus poni possit* 117

E

e in i saepe commutatum 29
e contra 63
e contrario pro e contra, an eleganter dictum 63
e republica, non ex rep., dicuntur dixisse veteres 742
ea sc. parte 763
ea, plural., male de una re pro id 588. 9
ecce casui suo semper anteponitur 209: — *pro vide, videte* 360
editio critica et philologica 764
editiones bonae, quae 764: — *vett. scriptt. recensentur* 765
effectus rei ob perspicuitatem enuntiationi addendus 422. 545. 6
efflare

I N D E X

- efflare animam 336
 egestas 307
 ego saepe omittitur 470
 egregius 81. 87
 ei quomodo pronuntiatum 29
 ejicere urbe *et* ex urbe 376.
 676
 ejus redundat in *quoad ejus*
 fieri etc. 446
 elaborationes 792: — oratio-
 num 794: — narrationum
 803: — epistolarum 807: —
 — librorum et dissertatio-
 num 813
 elegans saepe tantum i. est q.
 rectum 62
 elegans vocabulum per se non
 est 13
 eleganter hoc vel illud voc.
 adjicitur 56
 eleganter scribere 9: — qui
 vult, is debet vocabulorum
 habere delectum 64: —
 est res difficilis 65
 elegantes dici possunt orato-
 res et philosophi 18
 elegantia 9. 10: — verbis
 non inest 13: — a multis
 temere commendatur 202
 elegantiae vulgo fictae 49
 ellipsis: appellatio valde ge-
 neralis et indefinita 468:
 — nominum 468: — pro-
 nominum 470: — verbo-
 rum 471: — adverbiorum
 473: — praepositionum
 477: — conjunctionum 478:
 — antecedentis 662: —
 copulae 663: — objecti
 664: — particulae simili-
 tudinis 664. 75
 ellipses multae per neg-
 ligentiam ortae 448: —
 duriores evitandae 608: —
 per se vitiosae 473. 76.
 480
 ellipsis, an elegantiam adju-
 vet 60
 elocutio a stilo differt 3: —
 sub stili nomine hodie com-
 prehenditur 6: — nova, qui
 fieri possit 705
 eloquentem, philosophum, ef-
 se et bene scribere eadem
 tant 8. 17. 790
 eloquentia 8. 832: — cir-
 cumscribitur 414: — com-
 paratur cum philosophia 17.
 18: — Romae cur sponte
 cultu sit 21. 789: — nostra
 alia quam romana 4: —
 Ciceronis et Demosthenis
 diversa a poster. temporum
 eloquentia 830. 1: — ejus
 virtutes primariae 15. 505:
 — latina vernaculae pro-
 dest 463
 Elysiū 553
 emere 88: — bene *et* male
 200
 emptus, *non* emptus 34
 en *pro* vide, videte 360
 enim postponitur 203, at, cur,
 latet 743: — saepe non
 habet praeced. enuntiatio-
 nem, ad quam respiciat
 493: — servit transitioni
 495: — septies 304. 733:
 — omittitur 526
 eniti 389
 enixe, *non* obnix, rogare 577
 enuntiare 329
 enuntiatio una saepe uno vo-
 cabulo exprimitur 481. 666:
 — v. c. causalis 485: —
 saepe omittitur, praesertim
 in narrationibus 490. 1: —
 causalis sine praecedente
 alia,

alia, cujus causam continet
493: — causam teste con-
tinens saepe alii, simplici-
ter efferendae, praepositur
419. 531: — in plures
mutatur 417. 685

— — — *enuntiationes duae*
vel plures pro una 417.
685: — circumscribendo
vocabulo uno per partes ac
species 418: — praponen-
da causa, postponendo ef-
fectu 419. 22: — rel. v. in
Conspectu ad pag. 423 — 43:
— in unam redactae vel
ope unius verbi vel per par-
ticipia 613. 4: — per propter
et post 614

enuntiatio primaria quomodo
dissecanda 238: — quae et
qualis inferenda 242. 50.
2. 9. 70. 2

— — — *enuntiationum ordo*
diligenter servandus, ad evi-
tandam ambiguitatem 618:
— pendet ab ordine idea-
rum 219: — interdum mu-
tatur 227. 30

enuntiationes *praeponendae*
219: — *postponendae* 230:
periodice *inferendae* quae et
ubi 239: — *causales* prae-
ponuntur 219: — postpo-
nuntur 230: — inferuntur
242: — *conditionales* prae-
ponuntur 220: — postpo-
nuntur 231: — inferuntur
243: — *locum indicantes*
praeponuntur 220: — post-
ponuntur 232: — inferun-
tur 243: — *tempus signifi-
cantes* praeponuntur 221:
postponuntur 232: — in-
feruntur 243: — *concessi-*

vae praepositur 221: —
postponuntur 233: — in-
feruntur 244: — *interro-
gativae* praepositur 222:
postponuntur 234: — in-
feruntur 245: — *similitu-
dinis* praepositur 222:
— postponuntur 234: —
inferuntur 245: — *relati-
vae* praepositur 222: —
postponuntur 234: — infe-
runtur 246: — *explicati-
vae*, periodice insertae, et
al. 249

enuntiationes periodice *inse-
rendae* debent esse aptae
250: — quomodo inve-
niendae 252: — cautiones
aliquot 257, ut aequales
fiant 261. 710. v. *Conspect.*
a pag. 257 — 61

enuntiationes duae vel plures
praeponendae quando con-
currunt, quatenus prae-
ponenda 226: — causalem
sequitur temporalis vel con-
cessiva etc., v. rel. in *Con-
spectu* ad pag. 226 c. ex-
ceptt. — 234

enuntiationes *praeponendae*
cur saepe postponantur 227:
— in primis 230

enuntiationum *jungendarum*
modi 288. 621. 2: — per
duplex et etc. 288, rel. par-
tic. v. in *Conspectu* ad pag.
289 — 295

enuntiationum arte conjunc-
tarum, in primis sibi oppo-
sitarum, debet esse aequa-
litas, ita ut unum vocabu-
lum uni 265, bina binis
266, terna ternis 267, plu-
ra pluribus 268, respon-
deant;

- deant; certe aliqua aequalitas esse debet 270, posterior pars potest longior esse 270, quae quomodo, si brevior sit, longior fieri possit 271
- eo*, adv., *ej.* rectio 147
- eo* ambiguum esse potest 606
- eo-quo* pro *eo-ut* 293
- ἐπαινεῖν τὴν κλῆσιν 704
- epanodos 673. 725
- epilogus orat. 801
- epiphora 560. 600. 651
- epistolae 807: *earum* virtutes 808
- epitheta* adcommodant se ad propius subjectum 144: — otiosa 708
- epizeuxis 560. 600. 650
- equabus, raro vel nunquam 141
- equis viris, *non* v. e. 209
- er* terminatio adjectivorum est gen. masc.; *is* tantum fem. 142
- er war der erste, welcher* etc., quomodo vertendum 487
- erga, commutatur cum aliis 362
- ergo, post parenthesin 598
- error 306
- erubescere 114. 119: — alicujus 588
- eruditio 305
- eruditi, philosophi 102
- esse*, ferviens rei describendae, cum *gen.* et *ablat.* 145: — hominis *est* etc. 145: — c. *gen.* et *abl.* interdum pro *habere* 324: — requirit post se eundem casum, qui praecessit 154: — in senatu 71: — memorem 114; — in spe, expectatione, aere alicujus, in armis, sub manu 197: — in manu alicujus, apud se, reliquem, inter homines 197: — est in manu mea, tua etc. 197: — est aliquid 200: — est mihi cum illo commune 200: — sic cum, sic vita est hominum 201: — cum in eo esset 201: — est qui dicat, sunt qui dicant, est quod, non est quod, est ubi, erat aliquando cum, ob ellipsin, an elegantius 61
- esse* in, sq. accusativo 601
- est*, ambiguum 605
- est pro* licet 572
- et* indefinite dicitur jungere eadem tempora 191: — pro *etiam* non semper ponendum 603: — *duplex* servit connexioni vocabulorum 281, et enuntiationum 288: it. 370. 602 (ter *et* quater positum 282: — quando duplicandum 282. 366: — unum *pro* duplici 283: — *ej.* nimia frequentia vitanda 366
- et* is 59. 63. 287. 453: — an eleganter redundet 59: — an eleg. dicatur *pro* et quidem 63
- et* nemo *pro* nec ullus, nec quisquam 287. 294
- et* nihil *pro* nec quidquam 287. 294
- et* non *pro* nec, neque 287
- et* nunquam *pro* nec unquam 287. 294
- et* nusquam *pro* nec usquam 287. 294
- et* quidem 64
- et* non facile omittendum 602: — in opp. omittitur 479: inter

I N D E X

- inter duo vel plura vocab.,
omittitur 480
etenim cum usitatus quam *cum*
enim 300
etiamsi non commutandum c.
partic. *quamquam* ob per-
spicuitatem 369. 604
et si, ne cum *etsi* confundatur,
mutandum in *ac si* 606
etsi pro *quidem* fere semper
295: — verti saepe debet
per *zwar* 368: — c. indi-
cativo per se 157: — c.
conjunctivo quando 162: —
aliud habet sensum c. in-
dicativo quam c. conjunctivo
592: — *quater* 304. 733
etwas weniges, quomodo la-
tine verti debeat 588
etymologia potius dicendum
quam *notatio* 86. 140: —
regula orthographiae vocab.
certa 32: — verisimilis 36:
— incerta 38: — adjuva-
tur analogia, auctoritate gr.
scr., et prosodia 42: —
fons primae notionis voca-
bularum, e lingua lat. 86,
e graeca 91, ex hist. et ri-
tibus antiquis 92: — sub-
fidia ejus 95
eu quomodo pronuntiatum 30
evadere pro fieri 334. 569
euphemismus 137. 8. 703. 4
(115): — *ej.* fontes 138
euphonia saepe est asyllum
inscitiae 743
ex 362. 5: — omissum 478
examen 87
exarare 1
excessus pro grave peccatum
571
excipere verba alicujus 340
exclamatio 648
excutere 675
exemplum 88
exempla rei explicandae
debent esse apta, vera, et
recte tractari 533
exercitatio in lat. *scribendo*
duplex in scholis instituenda
772. 3: — in lat. *dicen-*
do quando et quomodo 778:
— in lat. *meditando*, quo-
modo fieri possit et debeat
779
exercitia non nisi peritis lin-
guae dictari debent 774:
quae et quomodo pruden-
ter instituenda 774
exigere 87
eximius 81. 88
eximo 81. 88
exire 197
existimatio 307
exordium orationis 794
experiri 326
exsequi, non exequi 34
exsequiae, non exequiae 34
existere 69
existere pro esse non dicitur
325
expectare, non expectare 34
extare, non extare 34
existit ambiguitatem afferre
potest 606
extruo, non extruo 34
extempore pro statim, subito
569
extra 88
extravasio 140
- F
- fabula 88. 378
fac pro face, cur 608
fac eas, scribas etc. pro i,
scribe

I N D E X

- scribere etc., redundare *fac*
 creditur 60. 452
facere certiozem, mentionem
 326: — librum, sermonem,
 versus, pecuniam, alicui ti-
 morem: — *pro* creare ma-
 gistratus; v. c. *facere* consu-
 lem 198: — iter: — cum
 inf. i. q. fingere, — bene,
 optime, quid hoc homine
 facias? alius factus est 198:
 — omittitur 473
facies 306
facile, non libenter, pati 577
facilis 71. 314
facilitas et humanitas 385
factum et consilium 387
factum, non bonum, malum,
 rectum, sapiens etc., *sed*
 bene, recte etc. 581
faex et fex, origo latet 39
fallere: fallit, fefellit, me opi-
 nio, res, spes, *rectius quam*
 ego me fallo, fefelli, in op.
 etc. 342. 585
falso 489. 666. 7
fama 307; — erat, in epp.,
 non est 177
farctus rectius quam *fartus* 33
fas 69
falces pro imperio 118. 377:
 — submittere 93. 722
fateri 333
faustus 88
fecundus rectius quam *foecun-*
*du*s 39
femina rectius quam *foemina* 39
femina pulchrae formae accu-
 rarius quam fem. pulchra
 585
fenus rectius quam *foenus* 39
fer pro fere, cur 608
ferre ad populum 139: —
 prae se 333. 61
ferus 111
festivitas de die solenni 571
ferialis et fecialis, origo igno-
 ra 39
fetus rectius quam *foetus* 39
feudum 140
fides 69
fides, der Glaube, et fideles,
 die Gläubigen 571
fides graeca, punica 126
fieri non potest quin 331
fit ut, verbo additum, an
 elegantiam afferat 57
figurarum grammaticarum fe-
 re omnium mater est festi-
 natio, casus, vel negligentia
 100. 345. 473
filiabus pro filiis, interdum,
 sed non semper, dicendum
 141. 590. 763
finis 108: — gen. fem., *rec-*
tius masc. 589: — *pro* con-
 filio, non potest dici bonus,
 pulcher, excelsus, laudabi-
 lis etc., humilis etc., pru-
 dens, sapiens, callidus etc.
 580: — quem in finem
 193
flagitare 330
flagitium 69. 306
 flagitia et scelera 306. 392
Flaminem prodere 577
flamma revixit 105
flammiger 568
Flor. II, 6 721: — IV, 7 611
florum species non pro flore
 usurpari potest 127
flos juventutis periit 104
fore 184. 85: — seq. imperf.
 l. plusq. 184. 85: — *ut*, an
 elegantia; et quo consilio
 haec forma inventa 55: —
 — quando ponatur 178. 9.
 347.

formo-

I N D E X

formosus *et* pulcher 392
 formulae in narrationibus et
 conclusionibus 301
 formularum solennium usu-
 que receptorum ordo non
 est mutandus 209
 fornicatio *de* scortando 571
 forte 69
fortissime: circumscribitur 411
 fortunae 132
 frangere 389: — fidem 199
 fratres aruales, *non* a. f. 209
 frequentia *et* corona 393.
 428
 fretum Siculum *et* Gadita-
 num non pro mari simplici-
 ter 128
 frigere 81
 fruor c. gen. 601
 fugare 332
 fugere 332
 fuge quaerere 156
 fundamenta adducere 109
 fundere (hostes) 332
 futurum indicativi *simplex*: *ej.*
 rectus usus 175: — *pro* fu-
 turo exacto usurpans ob-
 scure loquitur 591: — *pro*
 praesenti imperativi l. con-
 junctivi 343. 348
 futurum exactum: *ej.* usus 175:
 — *pro* fut. conjunctivi poni
 non potest 591
 futurum conjunctivi 175
 futurum *post* praesens, prae-
 ced. *ut*, *ne* etc. 182
 futurum *post* perfectum, inter-
 dum 188
 futurum *post* futurum an pos-
 sit poni 184
 futurum periphrasticum, in epp.
 177
 futurum infinitivi an elegan-
 ter mutetur in *fore ut* 55

TOM. II

G

g medium inter *j* *et* *c* saepe
 ut *c* f. *k* pronuntiatum 27
g *et* *c* olim eadem litterae
 27. 42
 Gaditanum fretum 128
 Gajus *et* Cajus 42
 Gallia *pro* rege Galliae 117
 Galliae *pro* Gallia 132
 gaudere *pro* habere 51. 569
 gaudium *et* laetitia a Cic. di-
 stincta 341
 Gell. III, 9 90
 Gellius commendatur 768
 genarum rosae 106
 genitivi *mei*, *tui*, *nostri* etc.
 recte *pro in*, *erga* etc. *me*
 etc.; at *substantivorum* ma-
 le ponuntur 145. 216: —
 adverbis loci *et* temp. non
 frustra additi 147: — *post*
 neutra adject. *et* pronom.
 146: — interferti inter
 adject. *et* subst. 216: — duo
 vel plures non facile jun-
 gendi 611
 genitrix, *non* genetrix 26. 30.
 4: — *et* genitor 568
 gens 88. 388
 gentilis, ein Heide 571
 gentium non frustra additur
τῶ minime 147. 447
 genus *pro* specie 125: — in
 species *et* individua diso-
 lutum adjuvat perspicuita-
 tem 413. 7. 548
 germanismi 192: — veri 193:
 — ficti 197
 gerundia 163: *eorum* usus
 164: — permutari saepe
 cum participiis possunt 164,
 interdum non possunt 165:
 — an eleganter in partici-
 H h h pia

I N D E X

- pia mutantur 54. 165: —
 ac participia eorum semper
 jungi debent dativo perso-
 nae pro praep. *a* cum ablat.
 195. 601
gis in *x* saepe mutatum 95
 glaeba et gleba, origo latet 40
 gloria 69: — et laus 391
 gloriosus et illustris 392
 Gracianus 107
 gradus 108: — *honoris* mag-
 nus, pulcher, praeclarus,
 egregius, dici non potest,
 sed altus, excelsus, summus
 108. 562. 79. 753: — non
 accipitur, impetratur, sed
 adscenditur 108. 196. 576.
 753
 graeca vocabula, si latine red-
 di possunt, latinis immiscen-
 da non sunt 139. 40. 563
 graecae linguae cognitio pro-
 dest saepe cognitioni pri-
 mae significationis vocabu-
 lorum 91
graeorum scriptorum auctori-
 tas confert aliquid ad rec-
 tam scripturam 42
 gramineae hastae 106
 grammatica compositio 142. 3,
 et variatio 381
 grammaticarum vulgarium er-
 rores 143. 50. 62
 grammaticorum antiquorum
 auctoritas an regula sit or-
 thographiae 32
 grata negligentia 709
 gratia 81
 gratum 314
 gravis 314: — sententia 641
 gravitas 307
 gravitas dicendi 623: — inest
 non tam in verbis quam in
 ideis 624: — an sit singu-
 lare dicendi genus 624: *ej*
 fontes remotiores 625: pro-
 piores 629: — est fons sua-
 vitatis 696, rel. v. in *Con-*
spectu
 graviter (scribere ac) dicere 8.
 623: — difficilis res est 15:
 — non accurate dicitur 624
 gubernator navis sedet in pup-
 pi 123

H

- h* ab initio vocabuli tantum a
 priscais pronuntiatum 28, in
 medio non facile 27
 habere 324: — concionem
 139: — senatum 577: —
 spem et in aliqua re 197:
 — satis 333: — fusque de-
 que 333: — pro solere 327:
 — habeo dicere 156: —
 habes ubi 61
 habitare apud aliquem et cum
 aliquo 197: — in lecto
 674
 haecenus 70. 571
 haec de multis rebus 588: —
 pro hoc male 589
 haerere 66
 hallucinari et halucinari, origo
 ignota 38
 hastae gramineae 106
 hastati 573
 haud et haut, incertum 37
 haud scio an pro annon 474:
 — et haud scio an ulli vide-
 tur proverbialis locutio fuisse,
 ad verbum explicanda: 475:
 — nemini 475
 haurire pro discere 326
 Helicon 93. 4
 heres rectius quam haeres 37
 heri periphrasis 410

heri

I N D E X

- heri semper lenitas 358
heus, ejus pronuntiatio 372
 Hexametri interdum scripto-
 ribus exciderunt 744
hic, *huc*, *hinc* 357. 458
 hic quomodo ab *isthic* et
 illic differat 357. 458
 huc quomodo differat ab
 isthic et *illuc* 357. 458
 hinc quomodo distinguen-
 dum sit ab *isthinc* et *illinc*
 357. 458
hic 463: — servit connexio-
 ni et ponitur *pro* hac in re
 301. 359. 458: — hac in
 urbe, hoc in loco 458. 665:
 — *pro* praefens 319: —
pro proximus 320: — *pro*
 posterior 320: — quomo-
 do ab *huc* et *hinc* distingua-
 tur 357. 458
hic et *ille*, eorum usus de
 uno homine vel una re: de
 duobus hominibus vel re-
 bus 610
hic qui 246
hic homo primus (solus, unus
 etc.) fuit qui hoc diceret,
 dixerit, l. dixit etc. *brevius*
 et *rectius* hic h. primus hoc
 dixit etc. 487
hieraus 607
Himmel, den Himmel anru-
 fen, der Himmel wird for-
 gen 116
hinc pro ex hac re 359. 458:
 — ex hac nostra urbe, ex
 hoc loco 458: — hac ex
 parte 359: — *hinc* 359:
 — et *illinc* 359. 460
hinc venit ut 195: — appa-
 ret, intelligitur 301. 332
 historiae praeae cognitio mul-
 tum prodest cognitioni pro-
 pr. signif. vocabulorum 92
historicus stilus *pro* infinitivus
 hist. 343
hoc et *haec* male commutan-
 tur 319. 588. 9
hoc redundat seq. accus. cum
 infin. 445
hoc confirmare possum, me etc.
 200
Homerum non simpliciter *poeta*-
 tam appellarunt 129
 Hom. Od. 7, 204. 672. 735
homo totus: circumscribitur 415
 — hominis descriptio (Cic.)
 laudata 714
homo antiquus, magnus, senex
 578: — trium literarum
 46: — *pro* certo individuo
 129: — *pro* corpus et ani-
 mus hominis 120
homo hominem odit, non o. h.
 205: — odit alterum, imo
 homo hominem odit 195
 — hominum auctoritas, fons
 gravitatis 628: — cogni-
 tio, fons perspicuitatis 515
homonyma 719
honestas 307: ej. studium ad-
 juvat gravitatem dicendi
 671
honestum: circumscribitur 408
honoratus 70. 571. 3
honorem habere alicui 378
honoris gradus, v. *grad. h.*
 — honores 378: — non
 rogamus sed petimus 139
 577
Horatius reprehenditur a non-
 nullis ob illud: *nemo adeo*
ferus est, ut non mitemere
 etc. III: — in A. P. saepe
 obscurus 609

I N D E X

- Hor. Epp. I, 1, 39 III: — ibi-ubi 237. 49
 7, 16 704: — 61 704: — *id* de una re, *non* de pluribus
 15, 40 117: — Epod. 17, 588. 9: — redundat seq.
 12 762: — Od. I, 1, 6 acc. c. infin. 445
 215: — 4, 15 487: — 18 idque 63
 606: — Sat. I, 2, 63 126: id quod *pro* quod 318. 448:
 5, 72 52. 215. 616: — — an eleganter dicatur
 10, 72 I: — II, 5, 79 495. 58
 609 (A. P. 309 18) idcirco, *non* iccirco 34
 horrifonus 140. 568. 711 idem differt *ab* ipse 321: —
 hortari 342 *pro* item, etiam 321. 2:
 Hortensius magis dicendo flo- — *pro* tum tum (bis)
 ruit adolescens quam senex 321
 830 idemque 59. 63. 287. 453:
 Hortensii *pro* Hortensius, *an* — an eleganter redundet
recte 132 59: — et *pro* et *quidem*
 hospes ardet 116 dicatur 63: — non redun-
 hostis 70 dat 59. 287. 453
 huc *pro* in nostram urbem l. idemtidem, *non* identidem
 locum 458 34
 hujus causa male *pro* hujus rei *jenes*, quomodo latine verti de-
 causa 607 beat 588
 humanitas 81: — et benigni- igitur 460: — post parenthe-
 tas: — et beneficentia: — sin 597
 et clementia: — et facili- ignarus, ignavus, ignotus 89
 tas: — et misericordia 385. ignis 103. 5. 8. 9: — coeco
 Sic humanus et benignus, carpitur igne 103. 5
 beneficus etc. 385 *ille* de eo, qui non amplius
 humare, *an* *pro* cremare 77. vivit 320: — *quidem*, ubi
 114. 570. 761. 2 *ille* redundat 448: — seq.
 humatus 77. 114. 762 *sed*, tamen, vero 448. 9
 humi 332 *illud* de una re, *non* de
 humilitas *pro* modestia 571 multis 588: — redundat
hyems rectius quam *hiems* 37 seq. acc. c. infin. 445
 hyperbaton 215 *illa* de multis rebus, *non*
 hyperbole 675 de una 588
 hypotyposes 639 *ille* et *hic*, quomodo usurpari
 debeant 320. 610. 11: —
illud, non seq. *hoc*, de dua-
 bus rebus 610

I

- i* non consonans sed ubique illic, illuc, illinc 357. 458
 vocalis esse videtur 44 *illic* quomodo differat *ab*
i in *u* mutatum 38. conf. 27 *hic*, *istic* 357. 458
 et 30 *illuc*

I N D E X

- illuc* quomodo ab *huc* et *istuc* distinguatur 357. 458
illinc pro illa ex parte 359: — quomodo distinguendum sit ab *hinc* et *istinc* 357. 458
illustris et gloriosus 392
imitari 773: — quid non fit 94. 5
imitatio priscorum 781: — qualis debeat esse 782: — puerilis quomodo instituenda 780: — macula non in verbis sed in toto orationis habitu ponenda est 95. 783. 6. 91
imitatores Ciceronis comparantur cum pictoribus 20: — multi sibi ipsi saepe nocent 783. 4
immeritum: circumscribitur 408
imo rectius quam *immo* 37
imo 37. 70: — vero *pro imo* 447
imperandi verbis adnumeratur interdum *dicere* et *scribere* 152. 3
imperare 337. 8
imperator 140
imperfectum tempus: *ejus* vis et usus proprius 173: — vernaculae linguae est lat. praesens vel perfectum 173. 79. 89: — *post* imperfectum 184: — *post* perfectum 185: — *post* plusquamperfectum 190: — *post* futurum an poni possit 183. 4: — *pro* perfecto 173. 348: *pro* praesenti vernaculo, in epistolis 176. 89. 348: — *pro* plusquamperfecto 189
imperium, ambiguum 576
impetrare 339
impingere pro offendere 571
implere promissum, legem, impletum est oraculum 194
improbi: circumscribuntur 418
in non debet in compositione mutari 34: — omissum 478. 80
incedere 332
incidere in morbum 197
incisa 258
incisum *dicere et scribere* 258
inclutus s. *inclutus*, non *inclitus* 34
incolumitas 307
increbresco rectius quam *increbesco* 37
incredibilem in modum et valde differunt 142
incrementum pertinet ad *correctionem* 652
incumbere 587: — rei, literis *pro in* vel ad literas, in s. ad rem, non dicendum 334. 587
inde i. ex hac re 360: — cum aliis commutatum 459
inde a 597
indicativus: ejus usus 157: — futuri *pro* imperativo 343
indices: eorum usus 76
in dies rectius quam *indies* 34
individuum pro specie vel genere 129
industria 68. 306
indutiae, an induciae, incertum 40
indutus tunica sedebat 354
ineptus 70
inertia laboris 312

I N D E X

- infans* 70. 82. 88
infernus, subst., *pro* *orcus* 571
inferre pro colligere, argumentari, concludere 571
inferre signa 375
infideles et infidelitas, Unglaube 571
infideliter 568
infinitivus cum accusativo 150:
— sine praecedente accusativo post certa tantum verba 155. 6: — interdum prima tantum specie a verbo regi videtur 156: — cum nominativo post *dicor*, *feror*, *videor*, et alia verba 154: — *pro* indicativo, in narrationibus 343: — *pro* verbo finito 346: — *pro* nom. substantivo 351: — ubi intelligi potest, omititur 472
infinitivorum plurium concursus cavendus 612
infinitivus historicus s. potius *narratorius* 343: — de rebus tantum praeteritis usurpatur 345: — ej. ellipsis, non temere rejicienda, est verbum *coepit*, *instituit* 345: — cujus causa non in linguae infantia et infantum more quaerenda 345; sed potius in variatione et suavitate 346
inficiari rectius quam *inficiari* 37
infittias ire 50
infucatus pro non fucatus 571
infusum 140
ingeniosissimus 386
ingenium 88: — bonum, fons perspicuitatis et gravitatis 510. 3. 626, et hilare 517
inimicus 70
injuria: non injuria 489. 666
in posterum, non *inposterum* vel *imposterum* 34
inpraesentiarum 46. 50
in primis, non *inprimis*, multo minus *imprimis* 34
inquam in *perperam* dictis corrigendis 571: — *post* *parenthesin* 597
inscriptiones non possunt esse regula orthographiae 31
insignis 314
inspicere 335
instare 342
integrum 70
intelligere 90. 335: — res facile est intelligenda 195
intemperantia est mater mortis 104
intercedere, c. *inter* et *cum*, *pro esse* 327: — *pro* aliquo *pro* rogare alicujus causa, deprecari p. al. 571
inter, cum quibus commutari possit 362
interea temporis *pro* *interea* 447
interest: ejus rectio 146
interjectionum commutatio 371
interregem prodere 139. 577
interrogationes: *wodurch*, *won*, *woraus*, *wornach* etc. sequi ablativum, indefinite dictum 149: — an iis eleganter addantur *quaeso*, *obsecro*, *amabo* 59: — orationem reddunt gravio rem 647
intra 88
intransitiva s. neutra verba 147
intueri 335
invehi in aliquem 337
invenire:

I N D E X

- Invenire*: res facile est invenienda 195
- invidia 70
- joci apte adhibendi 714
- ipse pro sponte 51. 321: — *pro* totus s. integer 51. 319: — *pro* ille 318: — *pro* adeo 321: — *pro* nostro eben, just 321: — differt ab idem 321
- sibimet vel semet ipse pro ipsi, ipsum, an elegantia 62
- ira inflammatum s. incensum esse pro irasci, an elegantia 49. 66
- ira inflammatus pro iratus 573: — differunt 142. 573.
- ire 332: — pedibus in alicujus sententiam 93: — infitias 50: — ad et in urbem 364: — in semen, corpus 201: — bene, optime, it 201: — pedibus 201; — in et ad scenam differunt 760
- Ironia 134. (99. 660. 722): ejus species 136: — origo 102: — quando adhibenda 136
- terminatio adjectivorum usitatus gen. fem. est; *er* masc. 142
- terminatio pro *abus* servanda, cum de sexu fem. sermo est 141
- relativum non debet abjici in participiis ponendis 166
- s. hic — qui 234. 46
- qui pro *is* — ut 292
- is pro talis — ut vel qualis 319
- is saepe intelligitur anteced. l. sequi. qui etc. 246. 470
- Ifocrates 827
- isque pro et quidem 322: — an eleganter redundet et pro et quidem dr. 59. 63. 289. 453
- iste pro istic 357. 463
- iste per contemptum 664
- istic, istuc, istinc 357. 458
- istic quomodo distinguatur ab hic et illic 357. 458
- istuc quomodo distinguendum sit ab huc et illuc 357. 458
- istinc quomodo ab hinc et illinc differat 357. 458
- isto pro ad te 357
- ita 460: — ante adj., verba et adverbia, ponitur 355: — pro talis 358: — pro tali modo 356: — pro hoc consilio, effectu 460. 665: — pro hac conditione 51. 460: — ita, atque ita etc., de effectu rei et judicio 301
- ita — si vel ut 249. 292. 358
- ita — ut pro quidem 360
- ita ut pro et vel quidem sed 291. 2
- ita s. sic — ut s. quasi 236
- ita c. conjunct., formula jurandi, seq. ut c. conjunct. vel indicat. 483. 666. 780: — sine ut 484
- ita redundat seq. acc. c. infin. 445
- non ita multo post 200: — — multis ante annis 200
- item in opposit., rat. nostrae linguae, redundat 448
- iterum 355: — pro rursus 571
- jubere 338: — c. accus. et infin. fere semper construitur 152: — jubeo tibi non dicendum 587: — populus jubet 139
- jucundum 314
- judicare 330: — gravius quam existi-
- H h h 4

I N D E X

existimare 677: — non *latet* ponitur c. aec. et dat.
 iuste 674
 iudiciale dicendi genus 815
 iudicium 306. 677
 Iupiter o. m., *non* o. m. I. 209
 jurare per Iovem, Herculem
 etc., non decet 93
 jus 69
 jus verrinum 694. 720
 jus nundinari 675
 jura polluere 677
 iusto longior, tristior, *non* l. j.
 209. 213. 214
 iuxta *pro* secundum 571

K

καὶ vñ 721
 καλῶς in resp. 704
 κλαίειν 676

L

labor, nom. 68. 306
 labrus recte scribitur, *non* lap-
 sus 27. 34
 Lacedaemonii an dicendo va-
 luerint 832. 4
 Laconicum dicendi genus 831
 lacrymae rectius quam lacri-
 mae, lachrimae plane fal-
 sum 37
 laetitia a gaudio, an, ut Cic.
 credit, differat 341: — ex-
 sultare 341
 laeve in jungendis voca-
 bulis, quid sit, latei 740. 2
 Landgravius 47. 139
 lapidina, *non* lapidicina 35
 lapidum scriptura, an possit
 esse regula orthographiae
 31
 laqueus *pro* fune omni 70.
 571

588
 latina vocabula, quae cum
 graeca et theodisca lingua
 conveniunt 91
 latine scribendi ars non e li-
 bellis grammaticis sed e
 lectione priscorum discenda
 20. 150. 747: — e Cice-
 rone maxime 786. 90. I. 2
 latine scribendum et e lingua
 vernacula in latinam trans-
 ferendum semper aliquid
 est 776
 Latini quo consilio legi de-
 beant et quo saepe soleant
 19
 Latini an Graecos vel alios
 saepissime imitati vel sua ex
 aliis sumsisse recte dicantur
 784: — in epp. praeterito
 pro praesenti utuntur 176:
 in narrat., etiam de re per-
 fecta, utuntur praesenti *pro*
 perfecto 177: — interdum
 praesens infinitivi *pro* futu-
 ro s. *pro* fore ut usurpant
 177: — saepe perfectum
 conjunctivi *pro* praes. ejus
 178
 laudare 333
 laurea *pro* victoria 118. 377
 laus et gloria 391
 laudis rea 722
 lautus 88
 lectio stataria et cursoria 750
 lectio priscorum qualis debeat
 esse 747. 50. 64
 lectori priscorum quae subsi-
 dia necessaria 769
 lectori scriptorum lat., a viris
 doctis illustratorum, quae
 observanda 769
 legere 60. 90: — senatorem,
 an

I N D E X

- an eleganter dictum 62. 139.
 577
 legere Vestalem 63. 139
 legendus a te, *imo* tibi 195
 legeris *ambiguum* 606
 legis ambiguum esse potest
 606
 legio 90. 92. 573
 letum et lethum, *orig. incertae*
 40
 levis *pro* facilis 71. 82. 571.
 lex 90: — et conditio 385
 legem ferre, jubere, scif-
 cere 577
 legibus salvis 315
 Lexica bona 769: sunt rara 75
 libelli ad doctrinam pertinen-
 tes, quae in iis scribendis
 observanda et cavenda 813
 libenter 577
 libentius *pro* majori cum vo-
 luptate 458
 libentissime *pro* summa
 cum voluptate 458. 665
 liberalis: periphrasis 410
 liberalitas et beneficentia 385
 liberi 71: — an de uno vel
 de una, puero vel puella
 etc. dici possit 132
 libertinus 71
 libertus 71
 librorum scriptura an possit
 haberi *pro* regula orthogra-
 phiae 31
 licet, obſchon, proprie est ver-
 bum 158: — unde conjunc-
 tivus pendeat 158
 limen *pro* domo 122
 linea *pro* versu 571
 lineola transversa ubi necessa-
 ria esse videatur 692
 linguae accurata cognitio fons
 perspicuitatis 516: — gravi-
 tatis 628
 linguae latin. accurata etiam
 cognitione saepe non pos-
 sumus res plane intelligere
 752
 lingua vernacula, *non* mater-
 na 580
 lipſienſis (civis) — aus L., *non*
 ein L. 315
 litera rectius quam *littera* 37
 literae ejusdem concursus vi-
 tandus 739
 literae 131. 377: — ear. pro-
 nuntiatio et commutatio 27:
 — delectus 690
 litotes 136. (297. 329. 332.
 38. 41. 73): — ad verbum
 explicanda est 475
 litus et littus, *origo ignota* 40
 Liv. I, 3 733: — 9 472:
 — 13 359. 640: — 16
 227. 819: — 17 460: —
 25 640: — 27 472: —
 28 491. 640. 63: — 31
 400. 680: — 33 468: —
 48 364: — 50 315: —
 57 472: — II, 9 607: —
 12 405: — 32 737: —
 35 762: — 54 489: — III,
 19 762: — 23 359: — 26
 473: — III, 3 495. 672.
 737: — V, 27 410. 531:
 — VII, 8 481: — VIII, 7
 397: — 12 388: — 13
 476: — VIII, 2 489: — 13
 607: — XXIII, 29 611: —
 XXVIII, 30 216. 612.
 19: — XXX, 30 611: —
 33 707. 736: — 35 460: —
 XXXII, 10 359: — 21
 737: — 22 737: —
 XXXVII, 22 315: — 54
 474: — XLIII, 12 489
 locuples 82. 88
 locus, in quo res fit, huic prae-
 ponitur
 Hhh 5

I N D E X

- ponitur 213: — duplex,
 quis praeponendus 214
 loci idea adjicienda est 544
 locum adducere 109
 locus omittitur 468
 loco ejus quod *pro* tantum
 abest, ut 63
 locorum: quo *et* ubi loco-
 rum 447
 locus communis 799
 Lohensteinius 107
 lomentum 88
 longe c. superlat. 56
 loqui romano more 126
 locutus *et* loquutus, ni-
 hil refert, utrum eligas 42
 loquendi usus venit a
 plebe 110
 luctus 307
 ludos committere 139
 Lyfias 827. 30
- ## M
- maculam habere 720
magis redundat 449: — seq.
 quam, interdum omiffum
 481
 magister equitum, *non* equi-
 tum magister 209
 magistratus *pro* toto senatu 71.
 571
 magistratum *non* rogamus
 sed petimus 577
 magnus 71: — homo 578:
 — vir 193. 578: — doc-
 tus, v. *doct.* 581
magnus: circumfcribitur 416
 magna res est: circumfcri-
 bitur 414
 magnitudo rei, e qua re appa-
 reat 629
mal, in oftmals 447
 male 489. 667: — audire
 193: — *emere*, *vendere*
 200
malevole *et* *malevolus* rectius
 quam *malivolus* *et* *malivole* 33
mali: circumfcribuntur 418
 malitia 307
malum non frustra additur 455
malus, ut fignificatione ita ge-
 nere differt 591
man vernaculae linguae quo-
 modo latine reddendum 171.
 77. 349
 mandare 338
 manipulus 92
 manus manum lavat, *non* m. l.
 m. 205
manus propria stulte dicitur:
 manu propria fcripti 579
 ad manum habere 199
 Marcellus collega, *non* collega
 Marcellus 214
 marchio 140
 mare Myrtoum, mediterrae-
 neum, non simpliciter *pro*
 mari 128: — velivolum,
 horrifonum 140. 568
 maris faevitia 309
 Marefchallus 140
 Mars *pro* bello 376: — vario
 Marte pugnare 93
 Martial. VIII, II 718
 maxima, subst., *pro* regula 571
 maximus *et* maxumus 34
 me miserum, *non* mis. me. 218
 mecum *pro* cum me 207. 743
 mediocre dicendi genus 818
 mediocris *et* mediocriter 573
 medium *pro* via 571
 mei unius opera, salute, *pro*
 mea etc. 602
membra enuntiationum perio-
 di debent esse paria aut ex-
 trema primis longiora, *cur*
 259. 70. 72: — (appellat.
 membri

I N D E X

- membr̃i* non satis perspicua 271
eorum aequalitas, si fieri potest, servanda 259. 61. 71, interdum negligenda 268: — aequalium compositio a Cic. appellatur *concinnitas* 265, de qua v. 270. 72. 689. 730: — *eorum* extrema quomodo longiora fieri possint 271
membratim dicere et scribere 258
memini habet vim praesentis 190: — me dicere, legere 178. 347. 8
 meminero 176
 meminisse 376
memoriae proderere 326
mens 376: — dies, res; diei, rei, venit mihi in mentem 339
mentionem facere 326
meridies pro *medidies* 38
metaphora 103 (cf. 98. 490): — *eius* origo 100. 552: — in duriore addi debet *velut* etc. 105: — *eius* regulae 106 — II
merhodus Ienensis, Lipsiensis 831
metonymia III (cf. 98. 490:) — *eius* origo 102: — *eius* species 112. 15. 16. 17. 18. 19
meus saepe poni non debet 471
micare 83
migrare 332
mihi interdum redundat 447
mille et mile, origo ignota 40
millia non pro mille, et contra 317
millies 130. 356
minae de muris 110
Minerva: invita M. 93
minime gentium et minime differunt 142. 47
minimum et ad minimum 199
minister regis pro amicus 574
ministerium de ordine sacerdotum 571
misericordiam movere 721
mihi, in epp., *non mitto* 177
mitescere III
mitis III
mittelnäsig pro ziemlich 573
mittere pro nuntiare, scribere 374. 8
modestia, fons perspicuitat. 514
modus, quo praedicatum subiecto convenit, praedicato praepositur 214: — rei factae ob perspicuitatem adijciendus est 404. 537
 modi connectendi vocabula, enuntiationes, periodos etc. 281
moereo et maereo, moestus et maestus, etymologia incognita 40
moeror 307
momentum 71. 83. 571
monere 342
monimentum, non monumentum 35
monoculus 140
monosyllabum poly syllabo praepositum 217
mons, verruca terrae 106
montis caput, pes 106
mori varie commutari potest, quando sermo est de amico, de viro erudito, de improbo 375
morosus 83. 89
mors pallida 113: — *mortis* nat. et viol. synonyma 336: — contemptus 625. 8: — mortem oppetere 336
 morta

I N D E X

- mortales** *pro* hominibus 125
mucro *pro* gladio 123: —
 mucrone gladii ictus, *non*
 gladio ictus 309
multa rectius quam *multa* 37
 multa 87. 89
multa et multum 588
 non multum: circumscribi-
 tur 417
multare *pro* mulcare s. verbe-
 rare 564. 571. 2
multoties *pro* saepe 568
mundus *pro* malis hominibus
 572
municipium 574
munus et donum 392: — *non*
 sperno 136
munus rogare, imo petere 577
Musae *pro* literis 94. 112: —
 an Musas carminibus nos-
 tris intexere liceat 93
museum, *non* musaeum 35
mutatio unius vocabuli in plu-
 ra et unius enuntiationis
 in plures quomodo fiat 384.
 417. 685: — languidiorum
 vocab. in fortiora 673

N

- nam* cur praeponatur, latet
 203. 743
nam cum, s. *etenim cum*, usita-
 tius quam *cum enim* 300
nancisci 339
narrabant, in epp., *non nar-*
 rant 177
narrationes 803: — *earum*
 virtutes 805, divisio 806
natare 106: natantes oculi 106
natio 88. 388
navare operam a dare o. *differt*
 334
naufragium facere, *non* pati,
 dicitur 577
ne post cave omitti solet 60.
 479
ne pro ut non post verba me-
 tuendi 151. 5. 8
ne — *an* c. conjunctivo 160:
 — saepe, at minus recte,
 omittitur 476: — seq. *nec*
 ne 486
ne — *quidem* an eleganter
 sejungatur 64: — cur hoc
 fiat et quodnam voc. inter-
 ponendum 204. 5: — *differt*
 a *non* *semel* et *ne semel qui-*
 dem 195
ne quidem — *nedum* 286
ne semel quidem differt a ne —
 quidem 195
nec (s. *neque*): ej. usus late
 patet 299
nec (in sententiis etiam abso-
 lutis jungendis 296) *pro*
 et *non*, etiam *non*, *semper*
 dicendum 287. 93. 6. 457:
 — *pro non*, v. c. *nec vero*,
 nec enim, *nec tamen* 297.
 8. 9. 370
nec duplex pro uno servit con-
 nexioni vocabulor. 286 et
 enuntiationum 290, perspi-
 cuitati 603
nec dum pro et nondum dici
 debet 457
nec enim non pro enim 299
nec non pro simplici et vel et-
 iam 297, qua tamen for-
 ma *non* utendum est in
 paucorum voc. conjunctione
 297
nec non — *nec* 290
nec quidquam semper pro et
 nihil 287. 94. 96
 nec

I N D E X

nec quisquam pro et nemo
287. 293. 296.

nec ullus pro et nemo 287.
293. 296

nec unquam pro et nunquam
287. 294. 296

nec usquam pro et nusquam
287. 294. 296. 7

neceſſe eſt 72. 330

neceſſitas 376

nefas 69

negare 329. 461

negligentia, multarum figura-
rum (inpr. ellipſ. et pleo-
naſm.) mater 473. 74

negligentia grata 709. 34

negligo 90: — *pro non curo*
461. 665

negotia publica: circumſcribun-
tur 414

negotium omiſſum 469

nemo: circumſcribitur 415

nemo non ſemper in caſu obli-
quo locum poſtremum ha-
bet 53

nemo enim 298

nemo vero 297

nempe omitti debet 473

Nepotis vitia 760

Nep. Ageſ. 4, 1 472: — 5,

2 761: — 8, 2 373: —

Alcib. 1, 1 761: — 9, 1

489: — 3 53: — *Att.* 12, 2

762: 17, 1 375: — 3 725:

— *Dat.* 8, 1 609: — *Epam.*

8, 2 569. 761: — *Eum.* 1,

6 761: — 6, 1 761: —

8, 4 762: — 13, 4 570.

83. 761: — *Han.* 1, 1 762:

— 6, 1 762: — 13, 2. 3

762: — *Milt.* 4, 5 760:

— *Praef.* 1 60: — 4 760:

— *Themist.* 4, 3 760: —

— 5, 1 431: — 10, 2

760: — *Thraſyb.* 1, 1 475:

— *Timol.* 1, 1 475

neque (ſ. *nec*, quod cf.): ejus
uſus late patet 299

neque duplex 286. 90. 603

neque — et 289

neque — et non 289. 90. 1

neque — que 289

neque pro et non, etiam non,

287. 93. 96. 457: — *pro*

non, v. c. *neque vero* 297.

370, *neque enim* 298, *neque*

tamen 299

neque autem pro neque vero

298. 367

neque enim pro non enim

298: — quater 298

neque enim non pro enim

299

neque enim quidquam pro

nihil enim 298

neque enim quisquam pro ne-

mo enim 298

neque enim quisquam non pro

nam nemo non ſ. nam om-

nis 299

neque enim unquam pro nun-

quam enim 298

neque enim usquam pro nus-

quam 298

nequ non pro et vel etiam

297

neque tamen pro non tamen

299

neque tamen non pro attamen

299

neque tamen quidquam pro

attamen nihil: — *quis-*

quam *pro nemo tamen*: —

unquam pro attamen nun-

quam: — *usquam pro attamen*

nusquam 299

neque vero priſci crebrius quam

neque autem dixerunt 743

neque

I N D E X

neque vero *pro non vero* f. p. autem 297

neque vero non *pro vero* f. sed 298

neque vero quidquam *pro* nihil vero f. non vero quidquam: — quisquam *pro* nemo vero f. non vero quisquam: — unquam *pro* nunquam vero: — usquam *pro* nusquam vero 297

nescio an, int. *non* 474: — sine hac ell., proprie 475

nescio quid 318

nescio quis *pro* quidam 56. 318

neutra nonnullorum adjectivorum et pronominum substantive cum *gen.* 146

neutra f. intransitiva verba, *quae* 147

nihil: circumscribitur 415. 8

nihil enim 299

nihil vero 297

nisi *pro* si non 457. cf. 157. 62

nisi si *pro* nisi 446

nix capitis 106

nobilis 83. 89

nobis interdum redundat 447

nobiscum an dicatur, quod in *cum nobis* obsoleti quid inest 208. 745

noli velle ducere 762

nomen proprium nomini muneris, appellationi, appositioni etc. praeponendum 214: — interdum ponitur *pro* substantivo et pronomine 308

nomen an eleganter in *verbum* mutetur 55

nomina, temporis notionem habentia, saepe serviunt brevitati 485

nominum adjectivorum et substantivorum commutationes etc. v. in *adject.*, *substant.*

nominativus (princeps) f. p. subjectum, non facile omitti debet 595

nominativus c. infinitivo, f. potius solus infinitivus, post *videor*, *dicor*, *feror* et nonnulla alia verba 154

νομοι 264

non in exclamationibus post *quam*, *quot*, *quoties* etc. omitendum 194: — verbo *possum* et *vec.*, ad quod pertinet, praeponendum 209

non is sum, qui negem, et al., *pro* non nego, nihil redundat 453

non, sequi. *ne* — *quidem* et post *haud scio* f. *nescio an*, an recte omittatur 61. 474. 5

non — nec f. neque *raro* dicitur 286. 290. 603

non enim 299

non modo — sed *ne* quidem 286. 474. 7

non modo — sed *ne* quidem *pro* non modo non — sed, *an* eleganter dicatur 62: — *proprie falsum* 61. 2. 474. 5

non nisi 355

non possum non 331

non semel *differt* a *ne* quidem 195

non sine *pro* cum *semper* poni potest 372. 3

nos *pro* ego 134. 318

nosse: plane *haud* nosse aliquem: circumscribitur 408

nostrum sunt tres 194

notae: *earum* usus 76. 769

notare 337

notatio

I N D E X

notatio *pro* etymologia *est* voc.

obscurum 86. 140. 569

notio vocabulorum vera, *unde*

75

— prima et propria 78: —

ejus specimen 79: — *ejus*

fontes 85: — *ejus* subli-

dia 95

notiones duae ex una 678:

— vel plures paucioribus

vocalibus expressae 665.

76: — contrariae (antithe-

ta) arte jungendae 265.

670. 726

notionum repetitio necessaria

est ad perspicuitatem 557

novemdecim 317. 568

novi habet vim praesentis 190

nox: describitur 119

nubere uxori 718

nullibi *pro* nusquam 63. 568

nullus *pro* neuter 193: —

pro nullius vel parvae utili-

tatis 674: — imperator,

nulla judicia, nullus sum 674

numeralia: *eorum* commutatio

inter se 317: — *pro* ad-

jectivis, copiam vel paucita-

tem indicantibus 317

numero *redundat* in saepe nu-

mero *pro* saepe 447

numerosa sententia, oratio 730

numerus 263. 4: — oratorius

(*s. p. numeri oratorii* 263.

689. 730). a quibus inven-

tus esse putetur 264: — mi-

nus subtiliter a multis expli-

catur 262: — ex conve-

nientia cum numeris poe-

ticis et musicis accuratius

describitur 263: — non

ubique adhibendus 268. 72

— debet sponte venire

280: — definit enuntiatio-

num inter se connectenda-

rum et clausulae modum

265. 70. 2. 3. 688: —

unde materia *ejus* petenda

269: — *ej.* genera 265.

70. 2. 3: — *est* fons suavi-

tatis dicendi 730: — *est*

causa suavitatis, non ipsa

suavitas 264

— — numeri musici 263. 4

— — numeri poetici 263: —

in tota oratione permiscen-

di, a Cic. commendati 277,

at neque satis explicati ne-

que ubique observati 277. 8.

(*cf.* 691)

numerus incertus *pro* certo

130: — rotundus *pro* ma-

jori vel minori 131: — sin-

gularis *pro* plurali et con-

tra 131

numerus verbi *singularis pro*

numero *plurali* et contra

134. 346

numi an possint esse regula

orthographiae 31

numus, *non* nummus 35

nundinae *pro* venditio 665.

75, et nundinari jus 675

nunquam enim 298

nunquam vero 297. 8

nuntius et nuncius, *origo la-*

ter 40

nuptiae 131

nusquam: circumscribitur 414

nusquam pro nullibi, *an els-*

gantius 63. 568

O

o suo casui semper anteponi-

tur 209

ob, cum aliis permutari potest

363

objectio:

I N D E X

- objectionum formulae 300
 objectum interdum omisſum 664
 oblivioni tradere 339
 obnixè rogare 577
 obſcoena vocab. vitanda 107. 702
 obſcoenae ideae permutandae c. aliis 137
 obſcoenitas an in *cum nobis* et in *cum notis hominibus* inſit 207. 745
 obſcoenus concuſſus ſyll. et lit. vitandus 744
 obſcoenus et obſcenus, *etym. ignota* 40
 obſecro 59: — interrogatio- nibus additum, non elegan- ter 59: — non redundat 455
 obtemperare alicui 489
 obticentia ſ. apoſiopetis 668. 9. 92
 obtruncare 341
 obvallatus 675
 occupatio 657
 octodecim 317
 oculi natantes 106
oe quomodo pronuntiatum 30
 offendere 83. 5: — animum, corpus, alicujus *pro* aliquem 60. 120. 309. 94. 562. 85
 officia: circumſcribuntur 413
 oftials *pro* oft 447
ohne olim *anc* et *ano* ſcriptum 29
 omiſſio vocabuli 468, v. *ellipsis*
 omne *pro* omnia 589
 omnes: cum aliis commutatur 412: — circumſcribitur 418
 omnia: aliter circumſcribitur 412
 omnia hominis: circumſcribun- tur 415
 omnibus quadrantibus anni, omnibus ſeptem diebus etc. perperam 194. 5
 omnino 72: — in reſp. affir- mante 572
 opem ferre *commutari poteſt* c. *adeſſe* alicui: *opp.* *deelle* 378
 opera 68. 306: — dare ut 334: — *navare* plus eſt quam *dare* 334
 opes 72
 opinio 72. 306: — et opina- ri de omni ſententia, etiam certa 330. 572. 3
 opinione celerius: an elegan- tia 57
 opinione celerius, *non* celer. *opin.* 209. 213. 214
 opinionum hum. cognitio, fons gravitatis 628
 oportet 72. 330. 1: — *ejus* reſctio 149: — *pro non oportet* (non eſt cauſa) quomo- do dicendum 331
 oppetere mortem 66. 336
 oppidum et opidum, *incerta origo* 40
 opſonium, *non* obſonium 35
optime: circumſcribitur 411
 optimus et longe ſ. quam opti- mus 56
 optimus et optumus 34. 35
 opus eſt 72. 331: *ej.* reſctio 144: — *pro non opus eſt*, ſi i. eſt q. non eſt cauſa, *dici debet non eſt quod* 331
 oraculum impletum eſt 194
 oratio 72
 oratio numeroſa 730
 orationis (ſ. dicendi) gravitas 623: — perſpicuitas 507: ſuavitas

I N D E X

- *suavitas* 693: — *simpli-*
citas 735
orationis partes commutare an
elegantia 54
orationis prosaicae sententia
absoluta non debet termi-
nari versu poetico 743
orationis exordium 794; *rhe-*
ma ipsum 795; *eius tracta-*
tio; explicatio; confirma-
tio 797 et *illustratio* 801;
conclusio s. peroratio 801
oratio Cic. pro R. Am. more
Asiatico scripta esse credi-
tur 826
orator, in primis res sacras ex-
plicans dedeo, de Jesu etc.,
observanter loqui debet 699
orator pro Demosthene vel
Cicerone 129
oratores dicuntur elegantes et
subtiles 18: — *Romae cur*
multi fuerint 21
ordo rerum et necessitudo 386
ordo vocabulorum 202: —
fixus 203: — *pendet ab*
idearum ordine, natura 210.
562. 615 et a contextu
617: — enuntiationum 219
mutatur interdum, et cur
227. 30
ordo vocabulorum in prover-
biis et formulis solennibus
non mutandus 209
ornatus sum 324
orthographia est una, non va-
ria 23: — *eius regula non*
est usus scribendi priscorum
24, non scriptura codicum,
numorum, et lapidum 31,
non Grammaticorum anti-
quorum auctoritas 32; *sed*
etymologia, eaque recta 32,
verisimilis 36, *incerta* 38
ostendere 325
osus, terminatio, copiam indi-
cat 89
otiosi 378
otium pro pace 378
otium negotiosum non est
oxymorum 665. 718. 9
Ovidii vitia in rebus 757
Ov. Heroid. 14, 105 718: —
Met. I, 20 609: — 119.
20. 24 546: — 222 216.
616: — 523 707. 732:
— III, 406 — 510 757: —
VII, 126 264: — 339
727: — 604 718: — IX,
761 718: — XI, 700 757
Oxymora 659. (665. 71. 7.
718. 9. 24)

P

- p et b saepe confusa* 26. 7.
32. 89
paene et pene, etym. ignota
40
paenultima vid. penult.
paganus, ein Heide 572
pallida mors 113
pallor pro timore 113. 9
δ πένυ 139. 563
par cum pari comparandum
554. 633. 5
παράδιδόναι 326
paradoxa Stoicorum 718
παράλαμβάνειν 326
parare 339
parcere pro ignoscere 377
parce quaerere 156
parentes et parentes occidere:
circumscribuntur 408. 547
parentheses, maxime longae
et crebrae in eadem perio-
do, vitandae 597: *post pa-*
renthesin paulo longiorem
lii *repe-*

I N D E X

- repetendum vel unum vel aliquot vocabula addito vel inquam vel igitur etc. 597
- parere* 339
- paronomasia* 725
- parricidae*: circumscriptio 408.
- 530
- pars pro toto* 121
- pars*: velis in bonam partem accipere 337
- pars*, omissum 469
- parte*, omissum 763
- partes orationis commutare*, an *elegantia* 54
- participia*: eorum usus 165.
- 592: — — quibus rebus nitatur 165: — — latius patet, nec est ponendus in certarum partic. abiectione
- 169: — — in duabus enuntiationibus, quae commune subjectum habent 166. 7, quae duo diversa (ablat. conseq.) 168. 593: — — eorum convenientia, substantivis diver. gen. et num. cum junguntur, quae 144: — — in eorum usu non debet peccari 592: — — non debent nimis coacervari 593, praecipue plura ejusd. casus non jungi 169: — — quando iis utendum 169. 70, quando iis abstinendum 170. 1: — — interdum in usu non sunt 169: — — in eis non est major elegantia per se 54. 55. 165. 593: — — inventa sunt ob brevitatem et necessitatem 165. 70. 461 85. 593: — — saepe notant causam 397. 8. 524. 30: — — vim temporis prioris continentia praeponuntur 213: — — iis, quae pro subst. usurpantur, adverbialia, non adject., jungenda 581: — — ponuntur pro subst. 169. 315. 51: pro praep. 352. 97. 461: pro conjunct. 354: pro qui et iis particulis, quae cum qui commutari possunt 166. 7. 665. 6
- particulae*: earum ordo fixus 203: — rectus earum, quibus vocab. et membra conjunguntur, usus servandus 602: — quae indicativum postulant 157, ob quas causas conjunctivo junguntur 162: — certae, quarum natura conjunctivum per se postulat 157: — pro quibus quando acc. c. inf. poni aut non poni possit ac debeat 150
- partitio* (413. 8. 548) 638
- parum* 72: — pro paulum v. c. doctus 573
- parum*: circumscribitur 417
- parvus* 314
- passiva et activa saepe sunt inter se permutanda* 350
- passivum quae verba habeant* 147
- pater sepultus est* 98. 102. 20. 1
- pater patratus*, non *patratus* pater 209
- pati* 577: — facile, non libenter 577. 8
- patres conscripti* 93
- patronus et defensor* 391
- paulum et paullum, fortasse illud rectius* 40
- paulus* 89
- pavor* 341
- peccare pro scortari* 126
- peccatum et culpa* 306. 391
- peccata

I N D E X

- peccata remittere 577
- pedibus ire 201
- pelecani amor erga pullos 553
- pendere 116
- penes 361
- penultima syllaba clausulae
period. qualis esse debeat
273. 620. 88. 9
- per *pro* super 364: — *pro*
verbo 366: — c. suo casu
in unum vocab. contractum
666: — omissum 478
- percontari et percunctari 39
- percussus cecidit *pro* perc. est
an elegancia 60
- perfectum* tempus: *ejus* usus
rectus 174: — verbi act.
non potest in participium
mutari 166: — *post* prae-
sens praeced. *ut*, *ne* etc.
181: — interdum *post* per-
fectum 188: — *post* futurum
183: — conjunct. *pro* prae-
senti *ejus* in quibusdam for-
mulis 178. 90. 348
- perforare jugulum, latus, pec-
tus 124
- periculum 564. 69. 761
- pericula magistratuum 569
- periodus 237. 8. 728: — con-
stat numeris 264: — *ej.* uti-
litas 241. 688. 728: — *ej.*
divisio vulgaris: 1) in simpl.
et compos. 239, ubi adhi-
beri possit 261; — in bi-
membrem etc., est parvae
utilitatis 261: — *ej.* exem-
pla e praeis cum insertis
enuntiationibus 242, v. *enun-
tiati.*: — *ej.* structura 252:
— *ej.*, compositae, si fieri po-
test, servanda, in membris,
aequalitas 268: — clausula
273. 4. 620. 88, non ubi-
que necessaria 275
- — periodi non ubique usur-
pandae 258: — nimis lon-
gae et crebriores vitandae
258. 608. 730: — *earum*
connectendarum modi 295.
6. 300
- periphrasis (f. circumscriptio)
vocabuli (380) 406. 13.
5: — enuntiationis 418. 19.
23: — rei adjuvat perspi-
cuitatem 547 et gravitatem
637: — quae in primis
commendanda 412. 530.
- Perizonius ad Sanctum com-
mendatur 146. 770
- perlegere 90
- permiscere et perturbare 387
- permittere 324
- permulti*: circumscribuntur 416
- permutatio f. commutatio vo-
cabulorum 304
- persecutio de malis Christ. sub
impp. primis 572
- persona 83. 6
- persona*, ad quam *praedicatum*
refertur, huic praeponenda
211: it. rei, quae ei tri-
buitur etc. 212
- personae* (seu potius *terminatio-
nes personales*) verbi recte
usurpandae 171. 592: —
commutari possunt in enun-
tiatione universalis, quae ex-
primitur per *man* 171. 348.
592; ubi tertia pluralis prae-
f. in nonnullis tantum verbis
usitata est 172. 349. 592
- personae comparandae, *quae*
554. 635. 6
- perspicue dicere et scribere 8,
est res difficilis 14. 510
- perspicuitas dicendi (et scri-
bendi) 506. 7: — *ej.* fontes
remotiores 510, propiores
Iii 2 518.

I N D E X

518. 62: — est fons suavitatis 695, rel. v. in *Conspectu*
 perspicuus 314
 persuadere 68. 330. 573
 perturbare et permiscere 387
 pervenire: tam longe pervenit in doctrina etc. 196
 pes montis 107
 petere (locum) 332
 petulans 89
 petulantia 73. 572
 Phaedr. I, 4, 3 586: — II, 3 586: — II, 10 587: — II, 1 587: — II, 20, 6 546: — II, 21, II 675: — II, 24, 10 60. 400. 679: — II, 8, 18 410: — III, 15, 10 408
 phantasia praeclara, fons perspicuitatis et gravitatis 510. 626
 philologi loquendi usum corrigere non possunt 110
 philologica editio 765
 philosophi s. eruditi 102: — priscis temporibus fuerunt oratores 17. 102: — recte appellantur subtile etc. 18
 philosophia comparata cum eloquentia 17
 philosophus pro Aristotele 129
 phoenix 553
 phrasis an verbo simplici elegantior 49. 324
 phrasis rarior, an elegantia 50
 pictura rei, fons perspicuitatis et gravitatis 560. 639
 pietas 73
 pinus de ligno vel arbore 126. 7 uncta natat pinus 127
 placandum: ad placandum deos 760
 Plaut. Capt. III, 4, 14 375: — Menaech. II, 3, 30 704: — Merc. II, 4 594
 plebeja voc. vitanda 139. 701
 pleonasmus grammaticus (s. redundantia) 444: — verus 444: — fictus 450 (380. 685. 762)
 pleonasmī fugiendi 450: — multi per negligentiam orti 447. 8. 50
 Plin. H. N. VII, 51 496
 Plin. epp. IX, 30, 4 664
 pan. VIII, 5 et 6 154: — XVII, 4 673
 pluralis pro singulari poni putatur 131: — non frustra ponitur 132; objectiones 132. 3
 plusquamperfectum: ej. rectus usus 174: — post imperfectum 185: — post perfectum interdum 188. 9. 90 — post plusquamperfectum 191: — post futurum, an poni possit 183. 4
 πνεύματα 258
 poena 87. 577
 poenas accipere 577: — remittere 577
 poena, non paena 35
 poenitentia, die Buse 572
 poeta pro Homero vel Virgilio 129
 poetica voc. vitanda 140. 568
 poetica clausula in orat. prof. vitanda 743
 poetici numeri 253. 77
 Politianus ep. ad Cortes. lib. VIII, de imitat. 783
 Poloniae pro Polonia 132
 polysyllabum monosyllabo postponendum 217
 polysyndeton 686. 7
 pomoerium, non pomerium 35
 pondus

I N D E X

pondus 307
 pone, commutatur c. post et
 secundum 363
 ponere *pro* affirmare et cre-
 dere 200: — *opp.* tollere
 329
 ponere vitam 336
 ponere cum *in* ablat. aut acc.
 jungendum 588. 763
 pontifex maximus, *non* maxi-
 mus pontifex 209
 pontificem cooptare 62. 3.
 139
 populus 88. 9. 388
 populus romanus, *non* roma-
 nus populus 209
 poscere 330
 posse 336
 post *pro* pone 363: — com-
 mutari saepe potest c. aliis
 362. 3
Posteri: circumscribuntur 413
 postscenia 141
 postumus *an* posthumus, *incer-*
tum 41
 potentia 73
 potentialis modus s. conjunc-
 tivus 157
 potestas 73
 potiri c. gen. acc. et abl. 382
potius redundat 449: — ante
quam omissum 481. 609
 prae 89: — *pro* in compara-
 tione 365
 prae lacrymis, iracundia
 etc. 200
 praeceptor 338
 praecipere 338
 praecipuum 314
 praecise *pro* accurate 572
 praedicere 329
 praeesse 89
 praefandus humor 496
 praemia: spe praemiorum in-

citatus *rectius quam* prae-
 miis 309
 praenominatus *pro* praedictus
 567
 praeparatio lectoris vel audi-
 toris ad rem magnam 658
praepositiones suis nominibus
 semper praeponi debent
 207: — cur nonnullae
 postponantur, latet 207: —
 commutantur inter se 361:
 — ponuntur *pro* substanti-
 vis nonnullis 364: — *pro*
 participio et adjectivo 365:
 — *pro* conjunctione 366:
 — c. suis casibus *pro* cum,
 dum etc. seq. verbo 666:
 — *erga*, *in*, *adversus* inter
 adject. et subst. interponen-
 dae 216
 praeprimis *pro* in primis 567
 praerogativae voc. ludit Cic.
 724
 praesens 319
praesens tempus: *ejus* rectus
 usus 173: — in epp. quan-
 do mutandum, quando ma-
 neat 176. 7: — *post* praesens
 179. 82: — *post* perfectum
 187: — *post* futurum 183:
 — conj. *pro* imperfecto
 conj. in nonnullis formulis
 346: — saepe *pro* imper-
 fecto ponitur 187: — *pro*
 perfecto (*an* *in* meminī me
 legere 178. 347) in nar-
 rationibus 177. 347: — *pro*
 futuro 347, ubi vernacula
 futurum habet 348: — in-
 finitivi interdum *pro* futu-
 ro 177
 praesens verbi pass. non po-
 test in participium mutari
 166
 Iii 3

praesens

I N D E X

- praefes provinciae decedit et, post justam victoriam, deportat triumphum 139
 praestare 326. 388
 praestringere rectius quam praestinguere 37
 praesumo pro audeo 572
 praeteritio 654
 praetor 89. 95
 praetorem creare 139. 577
 praelum rectius quam praelum 38
 pridie: ej. rectio 147. 381
 primo, secundo, tertio etc. minus recte 301. 356
 priscorum lectio quomodo instituenda 747: — imitatio qualis debeat esse 782: — quis praecipue imitandus 786
 priscorum negligentia in repetitione inani 732
 pro 365
 pro eo quod 63
 pro 200: non est pro homine; pro mea parte; pro concione etc. 200
 probabilis 73
 probare 8
 probum 83
 probus 83. 314
 prodere 329: — memoriae 326: — flaminem 577: — interregem 139. 577: — vitam, urbem 673. 4
 prodesse: circumscribitur 408
 προδιδόναι 674
 proficisci 332
 profecturus eram, in epp., non sum 177
 profiteri 333
 projicere 377
 προλογόμενος discere 720
 proletarii scriptores vel capite censi 93
 prolixus de verbis 572
 promovere 336: — pro adjuvare, v. c. felicitatem alicujus 336. 572
 pronomina: eorum commutatio inter se 318: — pro adject. 319: — pro adverb. 320: — pro praeposit. 322: — pro conjunct. 322: — interdum omittuntur 470
 pronomini possessivo et substantivo non frustra inferuntur unius, solius, ipsius etc. 143. 216
 pronuntiatio literarum apud priscos, qualis 27: — ejus cognitio valde prodest etymologiae 95: — syllabarum 30. 274. 5
 pronuntiatio vitiosa peperit multas mutationes 95
 propinare aliquem deridendum 341
 propositiones affirmativae pro affirmantes, agentes 140
 proprium 314. 76
 proprius, opp. est communis: propria v. c. vis, domus; at manus, stulte dicitur 579
 propter c. suo casu in unum vocab. contractum 666: — commutari potest cum aliis 363: — omissum 477
 prora 123: — proram advertere terrae 124: — obvertere pelago 124
 prosaica oratio, v. orat.
 prosodia saepe est regula orthographiae 42
 prosopopoeia (113. 461. 2). 649
 pro

I N D E X

pro tempore 572
 provenire 201
 proverbia priscorum hodie raro usurpare licet 380: — in iis ordo voc. non est mutandus 209
 providere 678
 proximus, subst., de homine in universum 572
 prudens consilium, res: hoc est prudens *non*, *sed* h. e. prudentis etc. 578
 prudentes i. providentes 580
 prudentia, fons perspicuitatis 517
 Ptolemaeus, *non* Ptolomaeus 35
 publicus 89: — *et* publice 73. 572
 pueritiae etc. alicujus parcere 396
 pugillares 1
 pugnare 389
 pulcher rectius quam pulcher 33: — Cic. v. *scr.* pulcher 25 31. 3
 pulcher, καλός 578: — *et* formosus 392
 pulchra an voc. per se sint 48
 pulchre sapit etc. olet etc. *non sed* bene s. o. 578
 pulchre scribere 10 potest, qui pulchre cogitat 16. 64
 pulchritudo 578
 pulchritudo dicendi non in vocabulis quaerenda 202: — pendet a contextu 13. 47
 pulchrius alio vocabulum dici non potest 13
 pulmones *pro* pulmo 132
 pulvis pyrius 574
 punctum 272
 puncta omnium ferre 93
 puppis 123. 4: — advertere puppim litori vel ripae 562:

— appellere puppim litori 752: — puppes obvertere litori 124: — sedere in puppi 123. 585
 puppes navium appulsa litori *rectius* quam naves etc. 309
 putare aliquem non liberum, hominem 333

Q

q f. qu lectum k 28
 qua, sc. parte 763
 quae et quod male permuntur 319. 588. 9
 quaecunque, was es auch sey 484
 quaecunque *pro* omnia quae 223. 463
 quaecunque — *seq.* ea, haec, *vel omisso* 246. 7
 quaeque, *ambiguum* 605
 quaeſo interrogationibus an eleganter additum 59. 455
 qualis — talis 223. 47
 qualiscunque — talis 223. 47
 qualescunque — tamen 247
 quam post comparativum eundem casum, qui praecessit, post se requirit 150: — *omisso*, ponitur abl., at non eleganter 149
 quam, superlativis additum, *an elegantia dici possit* 56
 quam, in exclamatt., ponitur sine *non* vernaculo 194
 quam — tam 224: — *seq.* tam *vel omisso* 248
 quamdiu — tamdiu 224: — tamdiu *seq.* *vel omisso* 248
 quamprimum 356
 quamquam, *non* quanquam 35

quam-

quamquam c. indicat. 157: —
quando c. conjunct. 162

quavis c. indicativo 157: —
quando conjunctivo junga-
tur 160. 2

quando c. indicat. 157: — c.
conjunct. 160. 1

quandocunque 485

quandoque *pro* interdum 572

quantopere — tantopere 224.

49

quantum 146

quantum das *pro* coena,
habitatione, institutione etc.

195

quantus — tantus 224. 247:

— *omisso* tantus 248

quantuscunque 484

quantuscunque *omisso* tantus

248

quasi 159: — sequitur vel prae-
sens vel perfectum 159

quasi, numeris additum, *pro*
fere etc. 569

quasi, *omissum* 104. 664

quem in finem 193

quem quam quod quos etc. c.
— infin. dicendum *pro* de quo
eum etc. 476. 7

quemadmodum — ita f. sic
224. 49

quercus *pro* arbore vel ligno,
an 126. 7

qui quae quod quando conjunc-
tivo jungatur 161: — prae-
poni debet ceteris voc. in
ead. enuntiatione 214, et
subiecto praeced., ad quod
refertur, statim subijci 214.

— 17. 49; sequenti v. arête
jungi 214: — *pro* is, hic,
ab initio enuntiationis abso-
lutae (in connexionem dua-
rum enuntiat. absol.) semper

praeponendum 215; sub-
iectum v., ad quod refertur,
proximum ei debet esse 295:

— *pro* hic, is, abjectis par-
tic. *et*, *vero*, *igitur*, *enim*

296: — eandem verbi ter-
minationem personalem pos-
tulat, quae praecessit 171:

— *pro* is, ille, ego, tu, nos,
vos, abjectis *et*, *vero*, *enim*

319: — *pro* et is, et ego
etc., is vero etc. 467. 780:

— *pro* ut, quod, cum vero,
non simpl., sed *pro* ut ego

etc. 161. 467: — *pro* cum,
ut etc. 319: — *pro* quod f.

cum 322. 466. 7: — *pro*
cum ego etc. 161. 466: —

pro ut ego etc. 161. 463. 68:
— *pro* ut ego, is etc. 161.

322. 3: — *pro* ut *post* dig-
nus 64. 161. 322. 3. 463. 4.

780: — *pro* nam ego etc.
467: — *pro* nam, quia etc.

295. 6. 467. 528: *pro* enim,
et, vero 323: — qui cum *pro*

cum vero hic 665

qui etc. — is f. hic 223

qui etc. — is f. hic, *vel omisso*
246

qui modo sit 195

quia *pro* hinc 294: — *pro* nam
295

quicunque, omnis qui 195. 223.
320. 463

quicunque — is, hic, *vel omisso*
246

quicunque, wer es auch sey
etc., *ej.* usus 484

quicunque f. quisquis venit, di-
cit *pro* veniat etc. 666

quid i. cur 320

quid est quod *pro* cur f. quid
142.

I N D E X

142. 455: — an eleganter dictum sit 57. 8
quidam an eleganter in *nescio* *quis* mutetur 56
quidem 73. 204
quidquid, *non quicquid* 35
quidquid pro omne quod 223. 320. 463: — *quidquid* — id f. hoc, *vel omissio* 246. 7
quidquid pro quodcumque 484. 589
quin 158: — quando ponatur 150: — accusativum etiam c. infinitivo ponere licet 151: — seq. conj. *pro ut* non, quod non, qui non 457. 665: — seq. indicat. *pro cur* non 457. 665: — *pro imo*, post non dubito, officit perspicuitati 605
quincunx 95
Quintilianus dicit in *cum notis hominibus* inesse obsecrari quid; melius dici c. h. n. 207: — *ejus* libri omnibus legendi sunt 768: — Inst. I, I 2: — II, II 201: — X, 7 673. 726: — XII, 10 828
quippe, *ironice* 135
quis 194
quisque 206: — postponendum *quæ suus*, *sibi*, *se* 206: — superlativo 206, et numeralibus ord. 206
quisque an superlativis eleganter addatur 56. 7. 206. 451
quisquis pro omnis qui 320. 463
quisquis — hic l. is seq. *vel omissio* 246
quisquis et quidquid 484
quisquis venit, dicit *pro veniat*, dicat 666
 TOM. II
quo 459
quo locorum 447
quo i. q. ut 158: — *quo minus i. e. ut non* 158
quo — eo 223. 25. 46
quoad: *ejus rectio* 161: — *pro quod att. ad etc.* 572
quoad ejus f. p. 446
quod, weil, quando conjunctione jungatur 162
quod, dals, quando proprie poni debeat 151: — mutari semper debet in accusat. c. infinit., nisi idem est quod *quia* 152: — post verba gaudenti et dolendi manere etiam potest 155
gaudeo quod vales, *non valeas* 155
doleo quod pater aegrotus est, *non sit* 155
quod v. c. habes quod est quod; *non habes causam etc.* 331
quod pro quod att. ad id quod 58. 482. 666
quod ante si, nisi, ubi, utinam, redundare videtur 450. 1: — eleganter positum esse putatur 58: — quando poni possit 58. 370. 450: quid significet 451
quod et quæ male permutantur 319. 588. 9
quodcumque pro omne quod 223. 463
quodcumque — id f. hoc vel omissio 246. 7
quodcumque: ej. usus 484
quodque ambiguum 605
quot 194
quot sunt vestrum 194
quot in exclamatt. sine non veraculo 194
 K k k
quor

I N D E X

quot in *quantum* mutari potest
ac debet 315: — in *quotus-*
quisque 315

quot — tot f. totidem 224. 48
quotcunque — tot f. totidem
248

quoties in exclamatt. sine *non*
vernaculo 194

quoties — *toties vel omisso* 224.
48

quotiescunque — *toties vel*
omisso 224. 48

quotquot — tot 248

quotusquisque 207

quum, v. *cum*

R

r an rei atroci, tristi et terri-
bili, conveniat 690

Raetia rectius quam *Rhaetia*
35

rana rupto jacuit corpore *pro*
rana rupta est, an *eleganter*
dictum 60. 679

ratio senatus est mutata 309

rationem habere 83

reciperare rectius quam *recupe-*
rare 38

recipere 326: — *non differt a*
fuscipere 340

recognoscere 335

recommendare 63. 139

recta quae sunt, saepe habentur
pro elegantis 49. 193.

202, saepe *pro* vitiis 763

recta sapientia, via 196

recte *pro* enuntiatione 489.
666: *pro* non in resp. 138.

703. 4

recte: non recte pruden-
ter rem egit 196: — recte

valde doctus vir est 196

rectio 143

reddere et *reddi* *pro* *facere* et
fieri 334

redemptus *pro* captus 375

redundantia (pleonasmus) vo-
cabuli vera 444, ficta 450:

— origo 444 7. 8. 50. 684

redundare 331

referre 60. 326: — ad sena-
tum 139

refert: ej. rectio 146

refertus 314

regimentum 574

regis, *ambiguum* 606

regnum *pro* rege 118

relativis vocab. recte utendum
609

relegere 90

religio 90

remedium 73. 196: — *pro* via
73. 196. 572

Renus flumen, non f. R. 214

Renus rectius quam *Rhenus* 35

repente 460

reperiri et *inveniri* *pro* *esse*, at
non ubique 325

repetitio crebra copulae 686:

— ejusd. *notionis* f. *ideae*

557. 99. 649. (cf. 384): —

vocabuli ejusd. praecedentis

283: negantis 286: gra-

vis 671: sensu eodem 723:

diverso 724: (literis immu-

tati) contrario 724: inver-

so ordine 725: — vocab.

inanis 732: — ejusd. syllabae

738: — terminationis

plurium vocab. vel unius

vel duarum syllab. 738

repraesentare sibi aliquid 195

reprehensio testis 722

res ante cognita esse debet,

quam potest lingua accura-

te intelligi 752

res narranda, eaque certa, fini-

nus

I N D E X

nus certa, incertissima, quibus verbis exprimitur 539
res, per quam aliquid fit vel factum est, adjicienda est 541
res, e quibus una excipitur, huic praeponendae 212
res, cum qua *res* comparatur, huic praeponenda 214
res comparandae, *quae* 554
 633. 4
 rei explicandae conditio, sub qua facta *res* est vel fieri solet, addenda 535
 rei descriptio fons perspicuitatis 560
 rei magnitudo ex quibus rebus appareat 629
 rei pulchritudo, unde 48
 rerum cognitio omnis e priscorum lectione non est petenda 771
 rerum contrariarum oppositio, qualis esse debeat 669 cf. 265
res 331: e re mea, in rem meam, e re publica 331
res et rei venit mihi in mentem, *rei* an elegantius 339
res facile est intelligenda, invenienda 195
res prudens, sapiens 578
respublica: circumscribitur 414
respublica pro bello, provincia, aerario etc. 125
resurgere pro ab inferis redire 572
reticentia s. aposiopesis 668.
 9. 92
retorsio argumenti vel rei *quomodo instituenda* 653
rex, non praefectus regno etc. 139
rex pro regno 118

Rhenus flumen, non f. R. 214
 Rhodium dicendi genus 827
 rituum priscorum cognitio multum adjuvat cognitionem primae vocab. significationis 92
 Roma urbs, non u. R. 214. 8
 Roma *pro* Romanis 116
 Romani magis eloquendo quam scribendo operam dederunt 5: — in vocabulis pronuntiandis accommodarunt se ad pronuntiationem literarum et ad quantitatem syllabarum 26. 30
 Romani non amplius Romani sunt 724
 romano more loqui 126
 rosa de genis 106
rostra: pro rostris (sacris) dicere 93
 rumor 307
 rumor erat, in epp., non est 177
 rursus 355

S

s commutatur cum r 28
 saecularis, weltlich 572
 saeculum an seculum, *inceptum* 41
 saepe 460
 saepe numero *pro* saepe 447
saepissime: circumscribitur 416
sagum de bello 92. 118
 Sall. Cat. 20, 8 459: — 28, 3 491: — 30, 3 762: —
 Iug. 12, 5 491. 662: — 32, 5 580: — 38, 6 763: —
 62, 8 580
salvator pro servator, Erretter 568
salvis legibus 315
 Kkk 2
 salus

I N D E X

- salus 74: — salus et vita 307
 salutor pro appellor 572
 sanguis Abelis clamavit ad deum 104
 sapiens: non verus sapiens, sed vere sapiens 581
 sapientes s. philosophi priscis temporibus fuerunt oratores 17 recte appellantur et subtiles et elegantes 18
 sapientia est fundamentum eloquentiae 18: — est fons bene dicendi 104
 sapientia et constantia, magnitudo animi 386
 satira an satyra, incertum 41
 satisfacere 378
 scandalum 140
 scelera 306: — et flagitia 392
 scena, non scaena 35
 scena: ad scenam ire 46. 570. 760
 Schaik 78
 Scherge 78
 schlecht 78
 Schwarzius, inventor pulveris pyrii, pro pulvere etc. 113
 scientia pro disciplina 572. 3
 scilicet 74: — ironice 135: — saepe intelligitur, nec adhiberi debet 473
 scire 336
 scizo omittitur 471
 ΣΚΟΤΙΣΘΩ 515
 scribere incisim et membratim 258
 scribendum putavi pro scripsi, et alia huj. generis, redundare videntur 403. 4. 51
 scribendi genus non affectatum 707: aequale 710: vegetum 712
 scribfi, non scripsi 27. 34. 89
 scripsi, in epp., non scribo 177
 scriptiones s. elaborationes in genere et in specie 792. 4
 scriptores boni 46
 scriptores proletarii 93
 scriptores, qui volunt intelligi, debent perspicue scribere 507
 scriptores latini quo consilio legi debeant et quo saepe soleant 19: — eorum imitatores temere vituperantur 786. 92
 scriptorum lat. differentia 787
 scriptorum vitia in rebus 754: in verbis 758: sunt indicanda 763: nec, quae vitia non sunt, pro vitiis habenda 763
 scriptura assidua 2
 scriptura vocabulorum vera et recta debet esse una 23: — priscorum an sit regula orthographiae 24: — codicum, numerorum et lapidum, librariorum, inscriptionum, an pro certa regula haberi possit 31
 scrupulus 84. 6
 sectionum connexio eadem, quae argumentorum 302
 secundum permutari potest c. aliis 363
 sed et sed tamen, post parenthesis 598
 sedere 66. 200
 sedere: vestis bene sedet 200
 sedes ambiguitatem afferre potest 606
 seducere 74. 572
 semel: non semel, ne semel quidem,

I N D E X

- quidem, *differunt a* ne qui-
dem 195
semis 89
semper 460: — circumscribi-
tur 419
senator censet, decernit 139
senatorem legere 62. 139.
577
senatus decernit, senatui vide-
tur 139
senati decretum 762
senatus: in senatu esse 71
Senec. ep. 8 664: — de ira
I, 16 664
senex 578
sententia 72: — acuta et gra-
vis 641: — de ea quaedam
observationes 642. 3: — nu-
merosa 730
sententiarum variatio fons sua-
vitatis 706
sentire 335
sepelire 761
septunx 95
sepulcrum rectius quam *sepul-
chrum* 33
sepultus 77. 114. 570.
sermocinatio 649
serpere 108
servus 574
sestertius 92. 573
seu 142
sexcenties 130
si, conditionis particula, non
confundenda cum particu-
la *cum* 74. 604: Est tamen
etiam particula temporis in-
terdum 604: — c. indicati-
vo 157: — quando c. con-
iunctivo 162. 592: — *pro*
quia, cum etc. 528
si quis etc., *si* quando, *sicubi* *an*
elegantius dicatur quam *si*
aliquis etc. 61. 763
si quis *pro* qui saepe ponitur,
at non ubique poni potest
453. 4. 5
 si quid *pro* omne 407: —
 pro quod 454
sic 356. 8: — ante adj., verba
et adverbia, ponitur 355: —
redundat *seq.* accus. c. infin.
445
sic — ut s. quasi 236
 sic sum, *sic* vita homi-
 num 201
Siculi dictum de patrono cau-
sae 722
Siculum fretum *pro* mari 128
sicut — ita s. *sic* 224. 49
signa conferre, inferre, con-
vellere, convertere 375
significare 329
significatio vera, *unde* 75: —
 prima vocabulorum, *unde*
 78. 85
similia vocabula caute adhi-
benda 604. 5
similitudo rei comparandae
 praeposenda 214: — de-
 bet esse apta 106: — ad-
 denda est ob perspicuita-
 tem 550: — rerum et per-
 sonarum recte instituenda
 554. 633: — *eius* particula
 saepe omissa 104. 664. 75
similo rectius quam *simulo* 33
simul 460
simulac 157
simulacrum, non simulachrum
33
simulare 33
singularis *pro* plurali, *an* 131
sinister 89
sis obscurum interdum 606
situs 137
sive 142. 367.
sive duplex 284. 89. 602
Kkk 3

I N D E X

- five* — an 763
Socrates 625: *ej.* dictum 700.
 722
solito tristior, non t. f. 57. 209.
 213. 4
solius an frustra interferatur
 inter subst. et adj. 143
sollemnis et solennis, etym. in-
certa 41
sollers et solers, origo dubia 41
sollicitus et solicitus, origo du-
bia 41
soloecismus 759
solummodo 355
somno oppressus, victus et
 victus 713
specierum et speciebus non di-
 xerunt prisca 141
species pro genere per se vix
 poni potest 126: — pro in-
 dividuo interdum 128
spectare 84
spectatus 314
sperno: non sp. (munera) 136
spero 155: — semper post se
 habet acc. c. infin. fut. vel
 fore ut 155. 95. 6
spes: in spem venire, spem
 concipere 340
 spe celerius, citius, non c.
 f. 209. 13. 4: — an elegan-
 tia 57
spiritus 101
spondere 326. 88
st quomodo pronuntiatum 28
stare 66
stataria lectio 750
statuere seq. inf. 330
Stilponis acutè dictum 721
stilus, v. stylus.
stipes 106
Stoicorum paradoxa 718
strategema, non stratagema 35
studeo semper cum infinitivo
 156. 334
studiosissime pro summo stu-
dio 458
studium 68. 9. 306: — tui
 unius studio 602
stultus 74. 89
 qui stultis eruditi videri
 volunt, stulti eruditus viden-
 tur 673. 726
stylus 38: — pro scriptione
 ipsa 2: — (pro exercitatio-
 ne 2. 776): — pro scriben-
 di ratione 2: — hodie com-
 plectitur elocutionem 3: —
 differt ab elocutione 3: —
 bene lat. 6. 64: — *ej.* vir-
 tutes primariae 15: — ho-
 die contemnitur 20: — *ej.*
 conjunctio cum eloquentia
 et philosophia 16: — *ejus*
 subsidia 747
 stylum vertere 1. 2
 styli poenas dare 2
stylus hist. 343
stylus rectius quam *stilus* 38
 suavitas dicendi s. orationis
 9. 693: — *ejus* fontes etc.
 v. in *Conspectu*
 suaviter dicere etc. 8, res non
 est facilis 14
 sub ea conditione 200
 subjectum s. nominativus 595:
 — an omitti possit 595,
 664: — quod prius cogita-
 tur, alii praeponendum 210:
 — praedicato per se 210:
 — a praedicato debet statim
 discerni posse, ne ambigui-
 tas oriatur 593

Subjecta

I N D E X

subiecta duo postulant
verbum plurale 144

subire 122. 340. 74

subito 460

subiunctivus s. conjunctivus
157

sublevare 84

sublime dicendi genus 819

sublimitas dicendi 693. 825

suboles, non soboles 35

subsidia 84

substantiva debent recte jungi,
quod ad casum, numerum et
genus, attinet 587. 8. 9:
— duo pro uno ponuntur,
quorum tamen neutrum re-
dundat et vi sua caret 60. 120.
309: — duo ex uno fiunt
394

substantiva saepe per verba
circumscribi possunt 313

— vernacula multa verti
debent per adjectiva 316,
per adverbia 357

substantivum *substantivo* addi-
tur ob perspicuitatem 394.

584: — *an* *eleganter* adda-
tur 60: — *substantivo* addi

debent verba convenientia
576: — adjectiva conv. et

sufficiencia 396. 578: — et
participia 397: — et adjec-

tivo *an* *aliquid inferendum ex*
quid 53

substantivum *an* *eleganter* in
adjectivum mutetur 54: —

in participium 54

substantivorum duorum, quo-
rum posterius pro *alter* po-
nitur, ordo fixus 205. 9

substantivorum commutatio

305: — pro adject. 308,
pro pronomine 308, pro ad-

verbio 313: pro praeposi-

tione c. casu 461: — *pro*
cum, *dum* etc. seq. verbo
666

subtilitas dicendi, scribendi II,
orationis II, scriptorum II,
tribuitur oratoribus et phi-
losophis 18

subtiliter (latine) scribere
II

succensere 66

Suet. Aug. 12 719: — 53

721: — 83 473: — Do-

mit. 19 616: — Iul. 20

473: — 50 719: — Ner.

39 719

suffragari 74

Sullani: circumscribuntur 410

sumere pro emere 199: —

in manus 201: — mihi hoc

non fumo: pecuniam, rem

pretio 199

summum et ad summum 199

sumsi et sumtum, non sumpsi

et sumptum 35

super commutatur c. *per* 364

superlativus male explicatur

56. 206. 451: — sine et

cum *quisque* quid notet

206: — *quam*, *longe*, *mul-*

ta, *quisque* *an* *eleganter*

addantur 56: — libenter

mutatur in comparativum

315: — vernaculus rectius

per comparativum exprimi-

tur 613, et per particulas

comparativas 613 cf. 415. 16.

23

superlativi saepe clau-

dunt periodos 620: — *an*

eleganter *periodum* *claudant*

52. 3

superstitiosus 89

supina verborum raro occurrunt,

cur 607

Kkk 4

suppe-

I N D E X

suppetias ferre 336
supplicium pro supplicatio 569
suscipere et recipere an differant 340
suspensus a munere pro submotus, dimissus 572
susque deque habere 333
sustinere 336. 40
suus saepe omittendum est 471
syllabae: breves et longae quomodo proutintiatæ sint 30: — *earum* delectus 277. 690: — concursus, aliquid obscoeni excitans 744: — divisio 45: — repetitio 738: — omissio 95
sylva rectius quam *silva* 38
symploce 560. 651
synchysis 215
synecdoche 120: — *ej.* origo 102. 121: — species 120. I. 5. 6. 8. 9. 30
synonyma 65: — substantivorum 305: — adjectivorum 313: — verborum 324: — adverbiorum 355: — prae-positionum 361: — adiuvant gravitatem 683: — quæ non inter ea referenda 142
syntaxis 49. 143

T

t ubique ut *t*, non ut *z*, pronuntiatum 28
t cum *d* saepe confusum 26. 27. 32: — in *c* commutatum 36
Tacitus: sive — *an* 763
taeda, non teda: fortasse daeda 35
taeter et teter, origo latet 41

talis — *qualis* 235. 47
talis — *qualis* pro *talis* ut 292. 3
tam poni ante adj. et adv. follet, rarius ante verba, nisi sequatur *quam* 355
tam — *quam* 236. 48
tamdiu — *quamdiu* 248
tametsi c. indicativo 157: — quando conjunctivo jungatur 162
tanquam omissum 104
tantopere — *quantopere* 236
tantum 146
tantum non 355
tantum abest ut — *ut, an eleganter dicatur pro loco ejus quod etc. pro eo quod etc.* 63
tantus — *quantus* 235. 48. 466: — *protantus* — *ut* 292. 3
tasce 258
tectum pro domo 121
tecum pro cum te 207. 743
tela 67
temperatum dicendi genus 818
templum omissum 468
tempus 378
tempus, quo res aliqua fit, huic praeponendum 212: — ad definite loquendum, quando res facta fit, quamdiu res duraverit, addendum 543
tempus: ex tempore pro statim s. subito 569: — pro tempore pro nunc 572
tempus est seq. infinitivo 601. 762: — c. acc. et infinitivo 602
tempus omissum 469
tempora verbi: eorum rectus usus s. vis propria 173. 591: — consecutio recta post ut, ne etc. 178: post et, ac, atque 192: — commutatio 346:

I N D E X

- 346: — in epistolis rectus
 usus 176. 7
- tenax 67
- teneor *pro* debeo 572
- tenere se 199
- tenue dicendi genus 817
- tenus semper postponitur 207
- Terentii lectio commendatur
 767
- Ter. Adolph. V, 4, 20 602: —
 Andr. I, 1, 35 358: — 3,
 3 678: — 13 725: — II,
 3, 2 216. 617: — III, 2,
 22 494: — Eun. II, 3, 50
 704: — III, 2, 21 484: —
 43 486: — Hec. II, 1, 4
 594: — III, 2, 20 705: —
 V, 1, 6 594
- terminatio* subst. primae decl.
abus raro, vel potius nun-
 quam, occurrit 141. 590. I.
 763: — gen. et dat. quintae
 declin. rarae 141
- terminatio* adject. *idus* notat co-
 piam 87: — *ofus* copiam ni-
 miam 89
- terminationes eadem in casibus*
 efficere interdum possunt ob-
 scuritatem 606: — in genere
 607: — plurium vocabulo-
 rum vitandae 738
- terminationes personales*, v. *Per-
 sonae*.
- Tertia deducta est 719
- testimonia* necessaria sunt ad
 perspicuitatem rei, *qualia*
debeant esse 534: — ad gra-
 vitatem rei multum faciunt,
 in pr. adversarii 640. I
- thema orationis*, indefinitum 795
 et definitum 796: — tracta-
 tio: ej. explicatio 797, con-
 firmatio 797, illustratio 801
- Thucydides 827. 31
- thus* rectius quam *tus* 38
- tibi* interdum redundat 447
- tingo *an* tinguo, *incertum* 41
- tiro, *non* tyro 35
- toga 74: — *de* pace 92. 118.
 377. 574
- tollere 84. 6. 719: — *pro* ne-
 gare, *opp.* ponere 329
- tonus* vocab. accommodabatur
 olim ad quantitatem syll. 30
- torus, *non* thorus 33. 35
- tot in tantum* saepe mutandum
 315
- tot* — quot 236. 48
- toties — quoties 236. 48
- totum *pro* parte 120: — in
 partes disolutum multum
 adjuvat perspicuitatem et
 gravitatem 413. 8. 548. 638
- tradere 326: — *pro* docere
 326. 78: — oblivioni 339
- trahere vitam 336
- transire 122
- transitiva verba f. activa 147
- translatio vocab. f. *tropi* 96. 7
- treviros vites etc. 720
- triarii 573
- tribunus plebis 92. 573
- tricesimus et trigesimus, *eadem*
 42
- tristis hyems, senectus 113
- tristes ideae in suaviore
 mutandae 137. 702. 3
- tristior et solito tristior 57
- triumphus 92
- triumpus* rectius quam *trium-
 phus* 35
- tropaea 392
- tropaeum, *non* trophaeum 35
- tropi* 96: — *eorum* historia et
 origo 100: — genera 98:
 — in iis non est elegantia
 99. 121: — origo est casus
 et negligentia 100. 121: —
 Kkk 5 recte

I N D E X

recte usurpandorum obser-
vationes 99
trucidare 389
tu interdum omittitur 470
tui unius studio *pro* tuo etc. 602
tueri 84
tum 460.
tunica 74. 574
Tuscia, *non* Thufcia 33
tuus omitti saepe debet 471

U

u in *o* commutatum 29
u ut *y* vel *u* Francogall. lectum
34
u seq. vocali saepe sonat ut *w*
29. 44
u et *v* rectius scribuntur secun-
dum pronuntiationem 43:
— commutantur 43
u pro *ui*, casu tertio, recte di-
citur 763
ubi 459: — qua in re 359
ubi locorum 147. 447
ubi locorum *et* ubi differunt
142
ubi — ibi 225. 49
ubique: circumscribitur 412
ubique terrarum 147
Ucalegon ardet 100. 116
ulcisci aliquem 332
ulcisci dominum: circumscribi-
tur 138. 408. 547
ulcus latet in corpore hominis
pro in homine 309
ultimum: illum vidi ultimum,
non erat ultimus, quem vi-
debam: ultimus discessit,
abiit, *non* ultimus erat qui
etc. 487
umbra *pro* arbore densa 113
una 460
uncia 90. 5

unde, a quo, a qua, qua ex re
359. 665: — petitur 359. 458
ungo *an* unguo, *dubium* 41
unio *pro* conjunctione 572
unquam, umquam, origo *dubia*
41
unus: unus manli, *non* unus
fui qui etc. 487
unius: tui unius opera,
studio 602
unius an frustra intersera-
tur inter subst. et pron. poss.
143
unus — alter 198
urbs *pro* Roma 128
urna 92: — ad urnam usque 92
ut ambiguum 605
ut quid significet 157
ut, *dass*, quando ponatur 150:
post *verum est*, *verisimile est*
762: — quando in accus. c.
infin. mutari non debeat
151: — quando utraque for-
ma uti liceat 152: — c. sua
enuntiatione praepositur in-
terdum verbo, a quo regitur
229. 50: — est particula cau-
salis et optativa 157: — non
i. est q. quamquam, obschon,
sed gesetzt *dass* 157. 369.
604: — i. q. ne 158
ut desint vires etc. 157
ut pro et, *praeced.* tam, ita
367: — *pro* itaque, ergo,
quare, igitur, hinc etc. c. ita,
tantus etc. *et* sine his 291.
368. 70: — *pro* nam 367:
— *pro* ne post verba metuen-
di 151. 5. 8: — saepe i. est
q. quemadmodum 154: —
pro qui post dignus 230. 50:
pro quo 360
ut *omissum* 478: — post ve-
lim, rogo, *an* *elegantia* 60. I
ut,

I N D E X

ut, wie, cum indicat. saepe intelligitur 476

ut — ita s. sic 224. 49

ut — ita pro et duplicato interdum 283. 361

ut ne pro ne, ut non 446: — an eleganter dicatur 58

ut quisque — ita 225: — seq. ita pro quo quis — eo, an elegantius 50

uti ambiguum 575

uti pro ut interdum impedire potest perspicuitatem 604

uti 51. 324: — pro habere 51: — pro indigere 569: — homine 309

utinam quid proprie fit 158. 485: — pro quam optandum est ut etc. 666

utrum, ob, vel ne — an c. conjunctivo 160. 94: — nec ne 194

utrum, vel ne — an pro an — an vel aut an eleganter dicatur 63

utrum s. ne — an, vel utrum s. ne omisso 63. 287

utrum, seq. an et nec ne, saepe omittitur 476. 8

utrum, non seq. an 761

utrum, — vel 63. 194

uxori nubere 718

V

v lectum est ut w 28: — cum b commutatum 28

v et u commutari solent 43: — rectius scribuntur sec. pronuntiationem 43

vae suo casui semper anteponitur 209. 18

valde: circumscribitur 415

valde et incredibilem in modum differunt 142

valedicere 113

valere 336

valitudo rectius quam valetudo 36

variatio vocabulorum 304: —

ejus fontes 372: — et sententiarum 706: — interdum non licet ea uti 707: — substantiv., adject., pronom., verbor. etc. v. *subst.*, *adj.* etc.: — grammaticae constructionis 381: — per pleonasmum, circumscriptionem, et proverbia 380

Varro R. R. III, 16, 7 591. 763
Varro pro viro magnae doctrinae 130

Vegetum dicendi et scribendi genus 712

vel et aut sunt eadem: cum sive seu non debent commutari 142. 367

vel duplex 284. 5. 9

velis remis, non r. v. 209

Vell. II, 5, 1 725: — 117. 673. 726

velle pro jubere 338: — redundat 762

velim, ich wollte 173

velivolus 140. 568

velut in comparatt. omissum 104. 664

vendere bene et male 200

vendico, imo vindico 564

venire 301: — differt quodam modo ab *advenire* et ab *ire* paulum 173: — in ipem 340

veni vidi vici 664

venit mihi in mentem dies et diei 339

veniat, er möchte kommen 173

veniebat 173

Venus

I N D E X

- Venus *pro* amore 112. 15. 38
 ver 106. 19: — aetatis 103.
 4
 verba s. vocabula, v. *vocab.*
 verba solennia 138
 verba facere 74: — interdum
 pro dicere, loqui 325. 572
 verborum s. dicendi co-
 pia 382
verba, activa et neutra quae
 147: — quae habeant pas-
 sivum 147: — eorum ter-
 minationes personales 171:
 tempora 173. 78. 591: modi
 150. 5. 7. 592: — commu-
 tatio inter se (synonyma)
 323. 4: — *pro* subst. 351:
 adj. 352: adv. 352: praep.
 352: conj. 354: — mutan-
 tur saepe in particip. 399:
 (an eleganter 54): finita in
 infinita 400: in gerundia
 vel cum subst. in eorum par-
 ticip. 403. (54)
 — — secum habere debent
 adverbia, eaque apta 404.
 577: — apta addi debent
 subst. 576
 verbum verbo an elegan-
 ter addatur 60
 — — duo, quorum posterius
 in infinitivum abire dicitur
 154. 5
 verba gaudendi et dolendi ha-
 bent quod vel acc. c. infin.
 155
verba sensuum 152. 3: *affectuum*,
 eorumque quatuor genera
 155
verba, quibus in narrationibus
 utendum, de re certa, incer-
 ta etc. 539
 verbalistae 21
 vergere, in honorem 572
 verisimile est ut 153. 4. 762
 vernacula lingua, *non* mater-
 na 580
vero cur postponatur, latet
 203. 743: — in principio
 epp. redundare putatur 452:
 in media etiam sententia
 452: — ironice 135: —
pro enim non potest poni
 495: — in opp. omittitur 479:
 — si i. e. quod *vere*, non raro
 praepositur 204, interdum
 etiam, si i. q. *autem* 204
 verruca, mons manus 106
 Verrutius 720
 versare 84
 versari 52. 66. 74. 85: — in-
 terdum *pro esse* poni potest
 325
 versio lat. omnibus semper ne-
 cessaria 776
versus commutari potest cum
 aliis 364
 versus, *non* *vorsus* 36
 versus poeticus non immiscen-
 dus orationi prosaicae 743
 vertere *pro* interpretari 340
 vervex 106
verum cur praepositur, latet
 743
verum pro veritas 316
verum est ut 153. 762
verumtamen post parenthesis
 598
 verus doctus, sapiens, *imo* *ve-*
re 581
 Vestalem legere vel capere 139.
 577
 vestigia 108: — (hominis) per-
 spicua, expressa, non mag-
 na, pulchra etc. 579
 vi armatis hominibus, *non* con-
 tra 209
 via *pro* ratione 576: *non* eri-
 pitur, datur 576, sed oc-
 cluditur

I N D E X

- cluditur etc. patet, patefit 576
 vice prima etc. *pro* primum 572
 vicelimus et vigesimus, *eadem* 27. 42.
 videre 101. 335
 vide ne 327
 cum videam, wenn ich sehen sollte 173
 videndum: facile videntum est 195
 vifos confpexit *pro* vidit, *an* *pro* elegantia habendum 60. 762
 videris *ambiguum* 606
viel, quomodo lat. vertendum 588
 vincere 332
 vir magnus 193. 578
 Virgili vitia in rebus 756
 Virg. Aen. I, 139: 668: — 607
 529: — 693 (89) 492:
 — II, 426 492: — IV, 2
 676: — 15 679: — 133
 492: — 181 690: — 359
 685: — 376 679: — 475
 681: — 581 492. 664: —
 582 663: — VI, 341 756:
 — 442 et 5 756: — 803
 425: — 899 757: — VII,
 295 660: — 297 679: —
 299 675: — 303 676: —
 411 606: — VIII, 596
 691: — Ecl. II, 25 373:
 — III, 7 669: — VII, 74
 756: — Ge. IV, 174 691
 vis Herculis, deorum, canum 310
 vis prima vocabulorum 78
 visum est faciendum facere 759
 vita et falus 307
 vita frui 66
 vitae cursus 193
 vitae moleftiam relinque-
 re 395
 vitam vivere, agere, degere,
 ducere, trahere 336: —
 ponere et deponere 336
 vitare 342
 vitium 306
 vitio vertere 337
 vitia: circumfcribuntur
 410
 vitia a prifcis commiffa
 in rebus 754, in verbis 758
 vitia quae non funt, *pro*
 vitiis non funt habenda 763
 vivere cum aliquo *pro* uti ali-
 quo 378: — in diem, de
 die 200. I: — cum aliis com-
 mutatum 336
 vivamus, dum vivimus 724
 vivo: illum, ut vivat, op-
 to 602
 vix 573
 vocabula: *eorum* notiones ve-
 rae, unde 75: — prima et
 propria vis, notio 78 (a 79-
 85 est index): hujus cog-
 nitio neceffaria 51: — fae-
 pe latet 110: — *ejus* fon-
 tes 85
 vocabula non poffunt intelli-
 gi, nifi res intelliguntur 751
 vocabula apta 47. 572: — au-
 reae aetatis vocabulis an
 major infit elegantia quam
 aliis 49: — barbara 139:
 — bona 45. 6. 7. 50: — certa,
 definita, non ambigua 575:
 — dubiae auctoritatis 564:
 — et fignificat. dubiae 564.
 569: — fictae fignificat.
 570: — fortiora 673: —
 graeca 139. 563. 69: —
 hibrida 140: — hiftorica
 92:

I N D E X

- 92: — ingrata 107. 702:
— juridica 140. 564. 74: —
latina e graeca et theodisca
91: — medica 140. 564.
74: — metaphorica 104: —
mythologica 569: — nota
565. 69: — novata 140: —
obscuroena 137. 39. 702: —
obscura, explicanda 385. 90.
406. 599: — obsoleta 140:
— philosophica 140. 564. 74:
— plebeja 139. 701: —
poetica 140. 568. 72. 712: —
prisca 92. 569. 73. 722: —
pulchra, non per se 12. 3. 7.
47. 9: — rara 566. 68. 711:
— rarioris signif. 569 (vo-
cabuli significatio rarior
an elegantiam afferat 51):
(— vocabulum rarius, *anele-
gantia* 50): — recens in-
venta 564. 69: — recentio-
ra 140. 565. 69: — similia
caute adhibenda 604: —
solemnia de rebus romanis
138. 9. 577: ap. nos 139: —
synonymica (v. *synon.*) quae
non sint 142: — technica
140: — theologica 140.
564. 74: — tropica 99. 103.
121, pauciora sunt quam
singuntur 124: — vera
563: — usitata 45. 565
- vocabula: eor.* adiectio ad voca-
bulum 678. 88 (an elegan-
tia ei insit 56): — aequa-
litas, unde 266. 9: — col-
locatio gravis 687: — com-
positio ad nuth. poet. 277:
— compositio grammatic.
142: — concursus laevis et
asper 740: — conjunctio
576; arte cohaerentium
217; sibi fere aequalium
393: — connectendorum
modi 281. 6. 576. 621. 2:
— defectus 468: — delec-
tus 64. 5. 563. 72: — flexio
usitata attendenda 141: —
mutatio languidiorum in
fortiora 673: — numeri
plural. 131: — ordo rectus
(non pro libidine trajicien-
dus 52. 202) 202. 615 pen-
det ab ordine et natura no-
tionum 210. 562. (inter-
dum non temere mutatus
218) et a contextu 617; est
necessarius 215. 618. 9: —
nonnullorum fixus 203: —
pronuntiatio 30. 743. 4: —
redundantia 444: — repeti-
tio 405. 671. 738: — scrip-
tura 23: — terminationes
eadem in casu et genere
obscuritatem afferunt 606.
7: — translatio 96. 7: — va-
riatio 304, ejusque fontes
372, in construct. grammat.
381: — duo etc. *pro* uno
384. 5. 678, et contra 456. 7.
81. 665. 76: — usus rec-
tus 45. 562. 3
- vocalis saepe omissa 95
vocari ad perniciem, salutem
etc. 110
vocatio de munere alicui com-
mittendo 572
vocativus suo vocabulo iungen-
dus 215: — saepe ab ini-
tio reperitur 52
vocis gravitas in dicendo mul-
tum valet 692
volare 106
votum *pro* suffragio 572
Vulcanus de igne 93. 112

I N D E X

vulgo in formulis: dicunt, docent, monent etc. *man* vel intelligitur vel additur 172

vulgus et *vulgo*, *vulgare*, *vulgaris* 75

vulnerare corpus alicujus *recius quam* aliquem 60. 120.

309. 94. 562. 85

vulpes: est instar *vulpis* 722

vultus 306

vultures, *sepulcra viva* *avium* 109

W

welches, quomodo latine reddi debeat 588

wenig 573: — quomodo vertendum 588

Y

y in *u* mutatio 37

Z

Zahl et *zählen* f. ejusdem, *cujus Theil*, originis 264

